

Breuiarium Romanum

EX DECRETO

SACROSANCTI CONCILII TRIDENTINI

RESTITUTUM

S. Pii V. Pontificis Maximi

IUSSU EDITUM

ALIORUMQUE PONTIFICUM

CURA RECOGNITUM

Pii Papae X

AUCTORITATE REFORMATUM

Editio juxta typicam amplificata

PARS ÆSTIVA



ROMÆ, TORNACI, PARISIIS

Typis Societatis S. Joannis Evangelistæ

DESCLÉE & SOCI

S. Sedis Apostolicæ et S. Rituum Congreg. Typographi



Ludovicus Delmotte

DEI ET APOSTOLICÆ SEDIS GRATIA

EPISCOPUS TORNACENSIS

Omnibus has visuris salutem in Domino

CUM juxta tenorem authenticorum S. R. C. decretorum et ad normam Canonis 1390, nulli typographo fas sit librorum liturgicorum in totum vel ex parte editionem suscipere vel evulgare, nisi prius eam Ordinarius loci declaratione munierit, qua de perfecta ejus concordantia cum archetypis Romanis exemplaribus constet; hinc est quod Nos dilectis Filiis DESCLÉE & SOCHS in hac nostra civitate Tornacensi, novam editionem liturgicam parantibus, censorem peritum deputavimus, qui collatione facta diligentissime testaretur illam cum authentico suo Originali rite omnino convenire.

Oblatum vero opus absolutum cui titulus : BREVIARIUM ROMANUM in-18° [Pars Æstiva] juxta editionem typicam; postquam, ex prædicti censoris testimonio in scriptis obtento, fuimus legitime informati illud cum originalibus a S. R. C. approbatis necnon cum recentioribus decretis ad amussim concordare, excusum approbavimus evulgandique licentiam dedimus, prout per præsentes approbamus ac licentiam damus.

In quorum fidem hasce litteras subsignavimus, sigilloque nostro ac Secretarii nostri chirographo muniri fecimus, Tornaci, die 6^a mensis Junii anno MCMXLII.

L. † S.

✠ Ludovicus, Epus Tornac.

De mandato Illmi ac Rmi DD. Episcopi :

A. CRAME, *Can. a Secret.*

SUMMA BULLARUM

SUMMORUM PONTIFICUM

PRO EDITIONE HUIUS BREVIARII



IUS V Bulla, quæ incipit : « Quod a nobis », data Romæ septimo Idus Julii anno 1568, significat causam edendi hujus Breviarii, nempe ad tollendam orandi varietatem. Enarrat ea, quæ in hac re præstitere Paulus et Pius nomine Quarti, et quam ipse adhiberi operam curavit, ex Decreto Concilii Tridentini. Tollit et abolet omnino Breviarium, a Cardinale S. Crucis compositum, quod erat brevissimum. Item alia Breviaria Romana, et alia, quæ ex institutione, vel consuetudine legitima non superant ducentos annos. Permittit tamen ut antiquiora ducentis annis possint mutari in hoc Breviarium, iis omissis, si Episcopus, et universum Capitulum consentiant. Revocat omnes permissiones, consuetudines, statuta, privilegia, licentias, et indulta precandi, et psallendi more et ritu prædictorum Breviariorum suppressorum. Præcipit observari hoc Breviarium in toto orbe, cum exceptione 200 annorum, de quo supra. Statuit in eo nihil mutandum, addendum, et detrahendum. Obligat quosque, qui tenentur Horas Canonicas recitare, ut hoc utantur Breviario, alias non satisfaciant muneri suo. Jubet omnibus Prælatiis, ut hoc introducant tam in choro, quam extra chorum. Tollit peccati obligationem, quæ erat, recitandi in choro Officium parvum B. M. V. et Defunctorum, Psalmos Pœnitentiales et Graduales, juxta Rubricas Breviarii. Hortatur, ut recitentur eadem, propositis indulgentiis dierum centum recitantibus Officium parvum B. M. V. et Defunctorum : quinquaginta recitantibus Psalmos Pœnitentiales et Graduales, quando Rubricæ ea præscribant. Non tamen tollit laudabilem consuetudinem, ubi est, recitandi Officium parvum B. M. V. in choro, imo eandem confirmat, et tandem tempus decernit obligationis ad usum Breviarii post ejusdem publicationem.



IUS X in Bulla « Divino afflatu » edita Kalendis Novembribus anno 1911, exorsus a laudibus Psalmorum, qui ad excitanda virtutum omnium studia mirifice valeant, veterem illustrat Ecclesiæ consuetudinem integrum Psalterium in divino Officio per singulas hebdomadas usurpandi : quam consuetudinem S. Pius V, Clemens VIII, Urbanus VIII cum Breviarium Romanum recognoscerent, confirmarunt. Hanc ipsam ut revocaret, quæ sensim, ob auctum Officiorum de Sanctis numerum, defecerat, negotium se dedisse ait delectis aliquot

viris, qui alia quadam ratione Psalterium per hebdomadam disponerent, cauto quidem ne de Sanctorum cultu quidquam decederet, neve Clericis divini Officii onus molestius, quin etiam temperatius evaderet. Itaque dispositionem Psalterii ab iis factam cum suis Rubricis et Regulis, ratam habet, ejusque editionem authenticam e Typographia Vaticana evulgari jubet : simul abolito Psalterii usitato ordine, et ejus usu inde a Kalendis Januariis anni 1913 interdicto, omnibus, quicumque Horas Canonicas juxta Breviarium Romanum debent quotidie persolvere, præcipit, ut ex eo ipso die Psalterium novum adhibeant edictique, secus si fecerint, officio non satisfacturos.



DE ANNO ET EJUS PARTIBUS

ANNUS menses habet duodecim, hebdomadas duas et quinquaginta, et diem unum: dies vero trecentos sexaginta quinque, et fere sex horas; tanto enim temporis intervallo sol Zodiacum perlustrat. Quater autem sex horæ singulis quaternis annis diem constituunt; hinc annus ille intercalaris, Bissexтус vel Bissextilis dicitur.

De anni correctione ejusque necessitate, ac Kalendario gregoriano

QUOD dictum est, annum continere trecentos et sexaginta quinque dies, et fere sex horas, intelligendum est sex horas non esse integras, cum ad earum complementum aliqua minuta deficient.

Ex quorum minorum neglectu progressum est, ac si annus ultra dies 365 contineret integras sex horas: et factum est, ut minuta, quæ ultra debitam quantitatem annis singulis tribuebantur, tractu temporis ita excreverint, ut invicem juncta constituerint dies decem; qui causam dederunt ut Æquinoctium vernum sedem suam mutaverit.

Cui malo occurrens Gregorius XIII, non solum Æquinoctium vernum restituit in pristinam sedem, a qua jam a Concilio Nicæno, decem circiter diebus in anno correctionis 1582 præcedendo recesserat, quod a Conci-

lio ad xij Kalendas Aprilis fuerat constitutum, et xiv Lunam Paschalem suo in loco reposuit; sed viam quoque tradidit et rationem, qua caveretur ut in posterum et Æquinoctium vernum et xiv Luna Paschalis a propriis sedibus numquam removerentur.

Ut enim Æquinoctium vernum ad xij Kalendas Aprilis restitueretur, statuit ut dicti decem dies in mense Octobris ipsius anni 1582 eximerentur; ut post quartam diem Octobris sancto Francisco sacram, sequens dies non esset quinta, sed decima quinta Octobris. Et ita error, qui in præteritum tot annorum circulis irrepserat, in momento temporis fuit correctus.

Ut autem in posterum idem error vitaretur, ne a xij Kalendas Aprilis Æquinoctium vernum recederet, statuit idem Gregorius, Bissextum quarto quoque anno (ut mos est) continuari debere, præterquam in centesimis annis: qui quamvis Bissextilis antea semper fuerint, qualem etiam esse voluit annum 1600 anno correctionis proximum, post eum tamen qui deinceps consequentur centesimi, non omnes Bissextilis essent, sed in quadringentis quibusque annis primi quique tres centesimi sine Bissexto transigerentur; quartus vero quisque centesimus esset Bissextilis, ita ut annus 1700, 1800, 1900 Bissextilis non sint, anno vero 2000 more

consueto dies Bissexthus intercalatur, Februario dies 29 contingente; idemque ordo intermittendi intercalandique Bissexthum diem in quadringentis quibusque annis perpetuo conservaretur.

Quatuor Tempora

Quatuor Tempora celebrantur quarta et sexta Feria ac Sabbato post tertiam Dominicam Adventus, post primam Dominicam Quadragesimæ, post Dominicam Pentecostes, post Festum Exaltationis sanctæ Crucis.

De nuptiarum celebratione

Matrimonium quolibet anni tempore contrahi potest. — 2 Solemnis tantum Nuptiarum benedictio vetatur a Dominica I Adventus usque ad diem Nativitatis Domini inclusive, et a Feria IV Cinerum usque ad Dominicam Paschatis inclusive. — 3 Ordinarii tamen locorum possunt, salvis legibus liturgicis, etiam prædictis temporibus, eam permittere ex justa causa, monitis sponsis ut a nimia pompa abstineant.

Tabula Paschalis antiqua reformata

AUR. NUM.	CYCLUS EPACTARUM	LITT. DOM.	SEPTUAG.	DIES CINERUM	PASCHA	ASCENSIO	PENTECOST.	CORP. CHRISTI	DOM. P. PENT.	DOM. I ADV.
16 5	xxiij xxij xxj	d e f	Jan. 18 19	Febr. 4 5	Mar. 22 23	Apr. 30 1 Maii	Maii 10 11	Maii 21 22	28 28	29 N. 30
13 2	xx xix	f g	20 21	6 7	24 25	2 3	12 13	23 24	28 28	1 D. 2
10	xviiij xviij xvj	A b c	22 23 24	8 9 10	26 27 28	4 5 6	14 15 16	25 26 27	28 27 27	3 27 N. 28
18 7	xv xiv	d e	25 26	11 12	29 30	7 8	17 18	28 29	27 27	29 30
15 4	xiiij xij xj	f g A	27 28 29	13 14 15	31 1 Ap. 2	9 10 11	19 20 21	30 31 1 Jun.	27 27 27	1 D. 2 3
12	x ix	b c	30 31	16 17	3 4	12 13	22 23	2 3	26 26	27 N. 28
1 9 17	viiij vij vj v iv	d e f g A	1 Fe. 2 3 4 5	18 19 20 21 22	5 6 7 8 9	14 15 16 17 18	24 25 26 27 28	4 5 6 7 8	26 26 26 26 26	29 30 1 D. 2 3
6 14 3	iiij ij j * xxix	b c d e f	6 7 8 9 10	23 24 25 26 27	10 11 12 13 14	19 20 21 22 23	29 30 31 1 Jun. 2	9 10 11 12 13	25 25 25 25 25	27 N. 28 29 30 1 D.
11 19 8	xxviiij xxviij xxvj xxv xxiv	g A b c d	11 12 13 14 15	28 1 Mar. 2 3 4	15 16 17 18 19	24 25 26 27 28	3 4 5 6 7	14 15 16 17 18	25 25 24 24 24	2 3 27 N. 28 29
		e f g A b c	16 17 18 19 20 21	5 6 7 8 9 10	20 21 22 23 24 25	29 30 31 1 Jun. 2 3	8 9 10 11 12 13	19 20 21 22 23 24	24 24 24 24 23 23	30 1 D. 2 3 27 N. 28

Tabula Paschalis nova reformata

LITT. DOMIN.	CYCLUS EPACTARUM	SEPTUAGE- SIMA	DIES CINERUM
D	23. 22. 21. 20. 19. 18. 17. 16. 15. 14. 13. 12. 11. 10. 9. 8. 7. 6. 5. 4. 3. 2. 1. *. 29. 28. 27. 26. xxv 25. 24.	18 Januarii 25 Januarii 1 Februarii 8 Februarii 15 Februarii	4 Februarii 11 Februarii 18 Februarii 25 Februarii 4 Martii
E	23. 22. 21. 20. 19. 18. 17. 16. 15. 14. 13. 12. 11. 10. 9. 8. 7. 6. 5. 4. 3. 2. 1. *. 29. 28. 27. 26. xxv 25. 24.	19 Januarii 26 Januarii 2 Februarii 9 Februarii 16 Februarii	5 Februarii 12 Februarii 19 Februarii 26 Februarii 5 Martii
F	23. 22. 21. 20. 19. 18. 17. 16. 15. 14. 13. 12. 11. 10. 9. 8. 7. 6. 5. 4. 3. 2. 1. *. 29. 28. 27. 26. xxv 25. 24.	20 Januarii 27 Januarii 3 Februarii 10 Februarii 17 Februarii	6 Februarii 13 Februarii 20 Februarii 27 Februarii 6 Martii
G	23. 22. 21. 20. 19. 18. 17. 16. 15. 14. 13. 12. 11. 10. 9. 8. 7. 6. 5. 4. 3. 2. 1. *. 29. 28. 27. 26. xxv 25. 24.	21 Januarii 28 Januarii 4 Februarii 11 Februarii 18 Februarii	7 Februarii 14 Februarii 21 Februarii 28 Februarii 7 Martii
A	23. 22. 21. 20. 19. 18. 17. 16. 15. 14. 13. 12. 11. 10. 9. 8. 7. 6. 5. 4. 3. 2. 1. *. 29. 28. 27. 26. xxv 25. 24.	22 Januarii 29 Januarii 5 Februarii 12 Februarii 19 Februarii	8 Februarii 15 Februarii 22 Februarii 1 Martii 8 Martii
B	23. 22. 21. 20. 19. 18. 17. 16. 15. 14. 13. 12. 11. 10. 9. 8. 7. 6. 5. 4. 3. 2. 1. *. 29. 28. 27. 26. xxv 25. 24.	23 Januarii 30 Januarii 6 Februarii 13 Februarii 20 Februarii	9 Februarii 16 Februarii 23 Februarii 2 Martii 9 Martii
C	23. 22. 21. 20. 19. 18. 17. 16. 15. 14. 13. 12. 11. 10. 9. 8. 7. 6. 5. 4. 3. 2. 1. *. 29. 28. 27. 26. xxv 25. 24.	24 Januarii 31 Januarii 7 Februarii 14 Februarii 21 Februarii	10 Februarii 17 Februarii 24 Februarii 3 Martii 10 Martii

Tabula Paschalis nova reformata

PASCHA	ASCENSIO	PENTEC.	CORPUS CHRISTI	DOM. P. PENT.	DOM. I. ADVENTUS
22 Martii	30 Aprilis	10 Maii	21 Maii	28	29 Novembris
29 Martii	7 Maii	17 Maii	28 Maii	27	29 Novembris
5 Aprilis	14 Maii	24 Maii	4 Junii	26	29 Novembris
12 Aprilis	21 Maii	31 Maii	11 Junii	25	29 Novembris
19 Aprilis	28 Maii	7 Junii	18 Junii	24	29 Novembris
23 Martii	1 Maii	11 Maii	22 Maii	28	30 Novembris
30 Martii	8 Maii	18 Maii	29 Maii	27	30 Novembris
6 Aprilis	15 Maii	25 Maii	5 Junii	26	30 Novembris
13 Aprilis	22 Maii	1 Junii	12 Junii	25	30 Novembris
20 Aprilis	29 Maii	8 Junii	19 Junii	24	30 Novembris
24 Martii	2 Maii	12 Maii	23 Maii	28	1 Decembris
31 Martii	9 Maii	19 Maii	30 Maii	27	1 Decembris
7 Aprilis	16 Maii	26 Maii	6 Junii	26	1 Decembris
14 Aprilis	23 Maii	2 Junii	13 Junii	25	1 Decembris
21 Aprilis	30 Maii	9 Junii	20 Junii	24	1 Decembris
25 Martii	3 Maii	13 Maii	24 Maii	28	2 Decembris
1 Aprilis	10 Maii	20 Maii	31 Maii	27	2 Decembris
8 Aprilis	17 Maii	27 Maii	7 Junii	26	2 Decembris
15 Aprilis	24 Maii	3 Junii	14 Junii	25	2 Decembris
22 Aprilis	31 Maii	10 Junii	21 Junii	24	2 Decembris
26 Martii	4 Maii	14 Maii	25 Maii	28	3 Decembris
2 Aprilis	11 Maii	21 Maii	1 Junii	27	3 Decembris
9 Aprilis	18 Maii	28 Maii	8 Junii	26	3 Decembris
16 Aprilis	25 Maii	4 Junii	15 Junii	25	3 Decembris
23 Aprilis	1 Junii	11 Junii	22 Junii	24	3 Decembris
27 Martii	5 Maii	15 Maii	26 Maii	27	27 Novembris
3 Aprilis	12 Maii	22 Maii	2 Junii	26	27 Novembris
10 Aprilis	19 Maii	29 Maii	9 Junii	25	27 Novembris
17 Aprilis	26 Maii	5 Junii	16 Junii	24	27 Novembris
24 Aprilis	2 Junii	12 Junii	23 Junii	23	27 Novembris
28 Martii	6 Maii	16 Maii	27 Maii	27	28 Novembris
4 Aprilis	13 Maii	23 Maii	3 Junii	26	28 Novembris
11 Aprilis	20 Maii	30 Maii	10 Junii	25	28 Novembris
18 Aprilis	27 Maii	6 Junii	17 Junii	24	28 Novembris
25 Aprilis	3 Junii	13 Junii	24 Junii	23	28 Novembris

Tabella temporaria Festorum mobilium

ANNO DOMINI	LITTERÆ DOMIN.	AUREUS NUMERUS	EPACTÆ	SEPTUAGE- SIMA	DIES CINERUM	PASCHA
1942	d	5	xiiij	1 Februarii	18 Februarii	5 Aprilis
1943	c	6	xxiv	21 Februarii	10 Martii	25 Aprilis
1944	b A	7	v	6 Februarii	23 Februarii	9 Aprilis
1945	g	8	xvj	28 Januarii	14 Februarii	1 Aprilis
1946	f	9	xxvij	17 Februarii	6 Martii	21 Aprilis
1947	e	10	viiij	2 Februarii	19 Februarii	6 Aprilis
1948	d c	11	xix	25 Januarii	11 Februarii	28 Martii
1949	b	12	*	13 Februarii	2 Martii	17 Aprilis
1950	A	13	xj	5 Februarii	22 Februarii	9 Aprilis
1951	g	14	xxij	21 Januarii	7 Februarii	25 Martii
1952	f e	15	iiij	10 Februarii	27 Februarii	13 Aprilis
1953	d	16	xiv	1 Februarii	18 Februarii	5 Aprilis
1954	c	17	25	14 Februarii	3 Martii	18 Aprilis
1955	b	18	vj	6 Februarii	23 Februarii	10 Aprilis
1956	A g	19	xvij	29 Januarii	15 Februarii	1 Aprilis
1957	f	1	xxix	17 Februarii	6 Martii	21 Aprilis
1958	e	2	x	2 Februarii	19 Februarii	6 Aprilis
1959	d	3	xxj	25 Januarii	11 Februarii	29 Martii
1960	c b	4	ij	14 Februarii	2 Martii	17 Aprilis
1961	A	5	xiiij	29 Januarii	15 Februarii	2 Aprilis
1962	g	6	xxiv	18 Februarii	7 Martii	22 Aprilis
1963	f	7	v	10 Februarii	27 Februarii	14 Aprilis
1964	e d	8	xvj	26 Januarii	12 Februarii	29 Martii
1965	c	9	xxvij	14 Februarii	3 Martii	18 Aprilis
1966	b	10	viiij	6 Februarii	23 Februarii	10 Aprilis
1967	A	11	xix	22 Januarii	8 Februarii	26 Martii
1968	g f	12	*	11 Februarii	28 Februarii	14 Aprilis
1969	e	13	xj	2 Februarii	19 Februarii	6 Aprilis
1970	d	14	xxij	25 Januarii	11 Februarii	29 Martii
1971	c	15	iiij	7 Februarii	24 Februarii	11 Aprilis
1972	b A	16	xiv	30 Januarii	16 Februarii	2 Aprilis
1973	g	17	25	18 Februarii	7 Martii	22 Aprilis
1974	f	18	vj	10 Februarii	27 Februarii	14 Aprilis

Tabella temporaria Festorum mobilium

ANNO DOMINI	ASCENSIO	PENTE- COSTES	CORPUS CHRISTI	INDICTIO	DOMINICÆ P. PENTEC.	DOMINICA I. ADVENTUS	LITT. MART.
1942	14 Maji	24 Maji	4 Junii	10	26	29 Novembris	n
1943	3 Junii	13 Junii	24 Junii	11	23	28 Novembris	E
1944	18 Maji	28 Maji	8 Junii	12	26	3 Decembris	e
1945	10 Maji	20 Maji	31 Maji	13	27	2 Decembris	r
1946	30 Maji	9 Junii	20 Junii	14	24	1 Decembris	H
1947	15 Maji	25 Maji	5 Junii	15	26	30 Novembris	h
1948	6 Maji	16 Maji	27 Maji	1	27	28 Novembris	u
1949	26 Maji	5 Junii	16 Junii	2	24	27 Novembris	P
1950	18 Maji	28 Maji	8 Junii	3	26	3 Decembris	i
1951	3 Maji	13 Maji	24 Maji	4	28	2 Decembris	C
1952	22 Maji	1 Junii	12 Junii	5	25	30 Novembris	c
1953	14 Maji	24 Maji	4 Junii	6	26	29 Novembris	P
1954	27 Maji	6 Junii	17 Junii	7	24	28 Novembris	F
1955	19 Maji	29 Maji	9 Junii	8	25	27 Novembris	f
1956	10 Maji	20 Maji	31 Maji	9	27	2 Decembris	s
1957	30 Maji	9 Junii	20 Junii	10	24	1 Decembris	N
1958	15 Maji	25 Maji	5 Junii	11	26	30 Novembris	k
1959	7 Maji	17 Maji	28 Maji	12	27	29 Novembris	B
1960	26 Maji	5 Junii	16 Junii	13	24	27 Novembris	b
1961	11 Maji	21 Maji	1 Junii	14	27	3 Decembris	n
1962	31 Maji	10 Junii	21 Junii	15	24	2 Decembris	E
1963	23 Maji	2 Junii	13 Junii	1	25	1 Decembris	e
1964	7 Maji	17 Maji	28 Maji	2	27	29 Novembris	r
1965	27 Maji	6 Junii	17 Junii	3	24	28 Novembris	H
1966	19 Maji	29 Maji	9 Junii	4	25	27 Novembris	h
1967	4 Maji	14 Maji	25 Maji	5	28	3 Decembris	u
1968	23 Maji	2 Junii	13 Junii	6	25	1 Decembris	P
1969	15 Maji	25 Maji	5 Junii	7	26	30 Novembris	i
1970	7 Maji	17 Maji	28 Maji	8	27	29 Novembris	C
1971	20 Maji	30 Maji	10 Junii	9	25	28 Novembris	c
1972	11 Maji	21 Maji	1 Junii	10	27	3 Decembris	p
1973	31 Maji	10 Junii	21 Junii	11	24	2 Decembris	F
1974	23 Maji	2 Junii	13 Junii	12	25	1 Decembris	f

Kalendarium

JANUARIUS

C.E., L.D.		D.M.	
	A	Kal.	1
			CIRCUMCISIO DOMINI et Octava Nativitatis, duplex II classis. Dom. inter Circumcisionem et Epiphaniam — SSMI NOMINIS JESU, dupl. II class.
29	b	iv	2
28	c	iiij	3
27	d	Prid.	4
26	e	Non.	5
25	f	viiij	6
			EPIPHANIA DOMINI, dupl. I cl. cum Octava privilegiata II Ordinis. Dom. infra Octavam Epiphaniae — Sanctae Familiae, Jesu, Mariae, Joseph, dupl. maj. Com. Dominicæ et Octavæ.
24	g	vij	7
23	A	vj	8
22	b	v	9
21	c	iv	10
20	d	iiij	11
			De II die infra Oct. Epiphaniae, semidupl. De III die infra Octavam, semidupl. De IV die infra Octavam, semidupl. De V die infra Octavam, semidupl. De VI die infra Octavam, semidupl. Com. S. Hygini Papae et Mart.
19	e	Prid.	12
18	f	Idib.	13
17	g	xix	14
16	A	xviiij	15
15	b	xvij	16
14	c	xvj	17
13	d	xv	18
12	e	xiv	19
11	f	xiiij	20
10	g	xij	21
9	A	xj	22
8	b	x	23
7	c	ix	24
6	d	viiij	25
			S. Hilarii Ep., Conf. et Eccl. Doct., dupl. Com S. Felicis Presb. et Mart. S. Pauli primi Eremitae, Conf., dupl. Com. S. Mauri Abb. S. Marcelli I Papae et Mart., semidupl. S. Antonii Abb., dupl. Cathedra S. Petri Romae, dupl. maj. Com. S. Pauli Ap. ac S. Priscæ Virg. et Mart. Ss. Marii, Marthae, Audifacis et Abachum Mm., simplex. Com. S. Canuti Regis, Mart. Ss. Fabiani Papae et Sebastiani Mm., dupl. S. Agnetis Virg. et Mart., dupl. Ss. Vincentii et Anastasii Mm., semid. S. Raymundi de Peñafort Conf., semid. Com. S. Emerentianae Virg. et Mart. S. Timothei Ep. et Mart., dupl. Conversio S. Pauli Ap., dupl. maj. Com. S. Petri Apostoli.

C.E. L.D.

D.M.

5	e	vij	26	S. Polycarpi Ep. et Mart., dupl.
4	f	vj	27	S. Joannis Chrysostomi Ep., Conf. et Eccl. Doct., duplex.
3	g	v	28	S. Petri Nolasci Conf., dupl. Com. S. Agnetis Virg. et Mart. secundo.
2	A	iv	29	S. Francisci Salesii Ep., Conf. et Eccl. Doct. dupl.
1	b	iiij	30	S. Martinæ Virg. et Mart., semidupl.
*	c	Prid.	31	S. Joannis Bosco Conf., dupl.

FEBRUARIUS

29	d	Kal.	1	S. Ignatii Ep. et Mart., dupl.
28	e	iv	2	PURIFICATIO B. M. V. dupl. II class.
27	f	iiij	3	S. Blasii Ep. et Mart., simplex.
25 26	g	Prid.	4	S. Andreae Corsini Ep. et Conf., dupl.
25 24	A	Non.	5	S. Agathæ Virg. et Mart., dupl.
23	b	viiij	6	S. Titi Ep. et Conf., dupl. Com. S. Dorotheæ Virg. et Mart.
22	c	vij	7	S. Romualdi Abb., dupl.
21	d	vj	8	S. Joannis de Matha Conf., dupl.
20	e	v	9	S. Cyrilli Ep. Alexandrini, Conf. et Eccl. Doct., dupl. Com. S. Apolloniæ Virg. et Mart.
19	f	iv	10	S. Scholasticæ Virg., dupl.
18	g	iiij	11	Apparitio B. M. V. Immaculatæ, dupl. maj.
17	A	Prid.	12	Ss. Septem Fundatorum Ordinis Servorum B. M. V. Confessorum, dupl.
16	b	Idib.	13	
15	c	xvj	14	S. Valentini Presb. et Mart., simplex.
14	d	xv	15	Ss. Faustini et Jovitæ Mm., simplex.
13	e	xiv	16	
12	f	xiiij	17	
11	g	xij	18	S. Simeonis Ep. et Mart., simplex.
10	A	xj	19	
9	b	x	20	
8	c	ix	21	
7	d	viiij	22	Cathedra S. Petri Antiochiæ, dupl. maj. Com. S. Pauli Ap.
6	e	vij	23	S. Petri Damiani Ep., Conf. et Eccl. Doct., dupl. Com. Vigiliæ.
5	f	vj	24	S. MATTHIÆ APOSTOLI, dupl. II class.
4	g	v	25	
3	A	iv	26	
2	b	iiij	27	S. Gabrielis a Virgine Perdolente, Conf., dupl.
1	c	Prid.	28	

In anno bissextili Februarius est dierum 29, et Festum S. Matthiæ celebratur die 25, ac Festum S. Gabrielis a Virg.

Perdolente die 28 Februarii, et bis dicitur Sexto Kalendas, id est die 24 et die 25 et littera Dominicalis, quæ assumpta fuit in mense Januario, mutatur in præcedentem; ut, si in Januario littera Dominicalis fuerit A, mutetur in præcedentem, quæ est g etc.; et littera f bis servit, 24 et 25.

MARTIUS

C.E. L.D.	D.M.	
* d	Kal.	1
29 e	vj	2
28 f	v	3
27 g	iv	4 S. Casimiri Conf., semidupl., Com. S. Lucii I Papæ et Mart.
26 A	iiij	5
25 b	Prid.	6 Ss. Perpetuæ et Felicitatis Mm., dupl.
24 c	Non.	7 S. Thomæ de Aquino Conf. et Eccl. Doct., dupl.
23 d	viiij	8 s. Joannis de Deo Conf., dupl.
22 e	vij	9 S. Franciscæ Romanæ Vid., dupl.
21 f	vj	10 Ss. Quadraginta Mm., semidupl.
20 g	v	11
19 A	iv	12 S. Gregorii I Papæ, Conf. et Eccl. Doct., dupl.
18 b	iiij	13
17 c	Prid.	14
16 d	Idib.	15
15 e	xvij	16
14 f	xvj	17 S. Patricii Ep. et Conf., dupl.
13 g	xv	18 S. Cyrilli Ep. Hierosolymitani, Conf. et Eccl. Doct., dupl.
12 A	xiv	19 S. JOSEPH, SPONSI B. M. V. Conf., dupl. 1 cl.
11 b	xiiij	20
10 c	xij	21 S. Benedicti Abb., dupl. maj.
9 d	xj	22
8 e	x	23
7 f	ix	24 S. Gabrielis Archang., dupl. maj.
6 g	viiij	25 ANNUNTIATIO B. MARIÆ V., dupl. 1 cl.
5 A	vij	26
4 b	vj	27 S. Joannis Damasceni Conf. et Eccl. Doct., dupl.
3 c	v	28 S. Joannis a Capistrano Conf., semid.
2 d	iv	29
1 e	iiij	30
* f	Prid.	31

Feria VI post Domin. Passionis — Septem
Dolorum B. M. V., dupl. maj. Com. Fer.

APRILIS

C.E. L.D.	D.M.	
29	g	Kal. 1
28	A	iv 2 S. Francisci de Paula Conf., dupl.
27	b	iiij 3
25 26	c	Prid. 4 S. Isidori Ep., Conf. et Eccl. Doct., dupl.
25 24	d	Non. 5 S. Vincentii Ferrerii Conf., dupl.
23	e	viiij 6
22	f	vij 7
21	g	vj 8
20	A	v 9
19	b	iv 10
18	c	iiij 11 S. Leonis I Papæ, Conf. et Eccl. Doct., dupl.
17	d	Prid. 12
16	e	Idib. 13 S. Hermenegildi Regis, Mart., semid.
15	f	xviiij 14 S. Justinii Mart., dupl. Com. Ss. Tiburtii, Valeriani et Maximi Mm.
14	g	xvij 15
13	A	xvj 16
12	b	xv 17 S. Aniceti Papæ et Mart., simplex
11	c	xiv 18
10	d	xiiij 19
9	e	xij 20
8	f	xj 21 S. Anselmi Ep., Conf. et Eccl. Doct. dupl.
7	g	x 22 Ss. Soteris et Caji Pp. et Mm., semid.
6	A	ix 23 S. Georgii Mart., semid.
5	b	viiij 24 S. Fidelis a Sigmaringa Mart., dupl.
4	c	vij 25 S. MARCI EVANG., dupl. II class.
3	d	vj 26 Ss. Cleti et Marcellini Pp. et Mm., semid.
2	e	v 27 S. Petri Canisii Conf. et Eccl. Doct., dupl.
1	f	iv 28 S. Pauli a Cruce Conf., dupl. Com. S. Vitalis Mart.
*	g	iiij 29 S. Petri Mart., dupl.
29	A	Prid. 30 S. Catharinæ Senensis Virg., dupl.

Feria IV infra Hebdom. II post Oct. Paschæ
 — SOLEMNITAS S. JOSEPH, Sponsi
 B. M. V., Conf. et Eccl. Univers. Patroni,
 duplex I cl. cum Octava communi.
 Feria IV infra Hebdom. III post Oct. Paschæ
 — Octava S. Joseph, duplex majus.

MAIUS

28	b	Kal. 1 Ss. PHILIPPI ET JACOBI APP., dupl. II class.
27	c	vj 2 S. Athanasii Ep., Conf. et Eccl. Doct. dupl.

C. E. L. D.		D. M.	
26	d	v	3 INVENTIO S. CRUCIS, dupl. II class. Com. Ss Alexandri I. Papæ, Eventii et Theoduli Mm. ac Juvenalis Ep. et Conf.
25 25	e	iv	4 S. Monicæ Viduæ, dupl.
24	f	iiij	5 S. Pii V Papæ et Conf., dupl.
23	g	Prid.	6 S. Joannis ante Portam Latinam, dupl. maj.
22	A	Non.	7 S. Stanislai Ep. et Mart., dupl.
21	b	viiij	8 Apparitio S. Michaelis Archang., dupl. maj.
20	c	vij	9 S. Gregorii Nazianzeni Ep., Conf. et Eccl. Doct., dupl.
19	d	vj	10 S. Antonini Episc. et Conf., duplex. Com. Ss. Gordiani et Epimachi Mm.
18	e	v	11
17	f	iv	12 Ss. Nerei, Achillei et Domitillæ Virg. atque Pancratii Mm., semidupl.
16	g	iiij	13 S. Roberti Bellarmino Ep., C. et E. Doct., dpl.
15	A	Prid.	14 S. Bonifatii Mart., simplex.
14	b	Idib.	15 S. Joannis Baptistæ de la Salle Conf., dupl.
13	c	xvij	16 S. Ubaldi Ep. et Conf., semidupl.
12	d	xvj	17 S. Paschalis Baylon Conf., dupl.
11	e	xv	18 S. Venantii Mart., dupl.
10	f	xiv	19 S. Petri Cælestini Papæ et Conf., dupl. Com. S. Pudentianæ Virg.
9	g	xiiij	20 S. Bernardini Senensis Conf., semidupl.
8	A	xij	21
7	b	xj	22
6	c	x	23
5	d	ix	24
4	e	viiij	25 S. Gregorii VII Papæ et Conf., dupl. Com. S. Urbani I Papæ et Mart.
3	f	vij	26 S. Philippi Nerii Conf., dupl. Com. S. Eleu- therii Papæ et Mart.
2	g	vj	27 S. Bedæ Venerabilis Conf. et Eccl. Doct., dupl. Com. S. Joannis I Papæ et Mart.
1	A	v	28 S. Augustini Ep. et Conf. dupl.
*	b	iv	29 S. Mariæ Magdalenæ de Pazzis Virg., semidupl.
29	c	iiij	30 S. Felicis Papæ et Mart., simplex.
28	d	Prid.	31 S. Angelæ Mericiæ Virg., dupl. Com. S. Pe- tronillæ Virg.

JUNIUS

27	e	Kal.	1
25 26	f	iv	2 Ss. Marcellini, Petri atque Erasmi Mm. simplex.
25 24	g	iiij	3
23	A	Prid.	4 S. Francisci Caracciolo Conf., dupl.

C.E. L.D. D.M.

22	b	Non.	5	S. Bonifatii Ep. et Mart., dupl.
21	c	viiij	6	S. Norberti Ep. et Conf., dupl.
20	d	vij	7	
19	e	vj	8	
18	f	v	9	Ss. Primi et Feliciani Mm., simplex.
17	g	iv	10	S. Margaritæ Reginae, Vid., semid.
16	A	iiij	11	S. Barnabæ Apost., dupl. maj.
15	b	Prid.	12	S. Joannis a S. Facundo Conf., dupl. Com. Ss. Basilidis, Cyrini, Naboris et Nazarii Mm.
14	c	Idib.	13	S. Antonii de Padua, Conf., dupl.
13	d	xviiij	14	S. Basilii Ep., Conf. et Eccl. Doct., dupl.
12	e	xvij	15	Ss. Viti, Modesti atque Crescentiæ Mm., simplex.
11	f	xvj	16	
10	g	xv	17	
9	A	xiv	18	S. Ephræm Syri Diaconi, Conf. et Eccl. Doct., dupl. Com. Ss. Marci et Marcelliani Mm.
8	b	xiiij	19	S. Julianæ de Falconeriis Virg., dupl. Com. Ss. Gervasii et Protasii Mm.
7	c	xij	20	S. Silverii Papæ et Mart., simplex.
6	d	xj	21	S. Aloysii Gonzagæ Conf., dupl.
5	e	x	22	S. Paulini Ep. et Conf., dupl.
4	f	ix	23	Vigilia
3	g	viiij	24	NATIVITAS S. JOANNIS BAPTISTÆ, dupl. I class. cum Octava communi
2	A	vij	25	S. Gulielmi Abb., dupl. Com. Oct.
1	b	vj	26	Ss. Joannis et Pauli Mm., dupl. Com. Oct.
*	c	v	27	De IV die infra Oct. S. Joannis, semid.
29	d	iv	28	S. Irenæi Ep. et Mart., dupl. Com. Oct. et Vig.
28	e	iiij	29	SS. PFTRI ET PAULI APP., dupl. I cl. cum Octava communi.
27	f	Prid.	30	Commemoratio S. Pauli Ap. dupl. maj. Com. S. Petri Ap. et Oct. S. Joannis.

JULIUS

26	g	Kal.	1	PRETIOSISSIMI SANGUINIS D. N. J. C., dupl. I class. Com. diei Oct. S. Joannis.
25	25	A	vj	2 VISITATIO B. M. V., dupl. II class. Com. Ss. Processi et Martiniani Mm.
24	b	v	3	S. Leonis II Papæ et Conf., semidupl. Com. Oct. Ss. App.
23	c	iv	4	De VI die infra Oct. Ss. Petri et Pauli, semid.
22	d	iiij	5	S. Antonii Mariæ Zaccaria Conf. dupl. Com. Oct. Ss. App.
21	e	Prid.	6	Octava Ss. Petri et Pauli App., dupl. maj.

C.E. L.D.	D.M.	
20	f	Non.
19	g	viiij
18	A	vij
17	b	vj
16	c	v
15	d	iv
14	e	iiij
13	f	Prid.
12	g	Idib.
11	A	xvij
10	b	xvj
9	c	xv
8	d	xiv
7	e	xiiij
6	f	xij
5	g	xj
4	A	x
3	b	ix
2	c	viiij
1	d	vij
*	e	vj
29	f	v
28	g	iv
27	A	iiij
25 26	b	Prid.
7		Ss. Cyrilli et Methodii Epp. et Cc., dupl.
8		S. Elisabeth Reginae, Viduae, semidupl.
9		
10		Ss. Septem Fratrum Mm. ac Ss. Rufinae et Secunda Vv. et Mm., semid.
11		S. Pii I Papae et Mart., simplex.
12		S. Joannis Gualberti Abbatis, dupl. Com. Ss. Naboris et Felicis Mm.
13		S. Anacleti Papae et Mart., semidupl.
14		S. Bonaventurae Ep., Conf. et Eccl. Doct. dupl.
15		S. Henrici Imperatoris, Conf., semid.
16		Commemoratio B. M. V. de Monte Carmelo, dupl. majus.
17		S. Alexii Conf., semidupl.
18		S. Camilli de Lellis Conf., dupl. Commem. Ss. Symphorosae et septem Filiorum ejus Martyrum.
19		S. Vincentii a Paulo Conf., dupl.
20		S. Hieronymi Aemiliani Conf., dupl. Com. S. Margaritae Virg. et Mart.
21		S. Praxedis Virg., simplex.
22		S. Mariae Magdalenae Poenit., dupl.
23		S. Apollinaris Ep. et Mart., dupl. Com. S. Liborii Ep. et Conf.
24		Vigilia. Com. S. Christinae Virg. et Mart.
25		S. JACOBI AP., dupl. II class. Com S. Christophori Mart.
26		S. ANNÆ MATRIS B. M. V., dupl. II class.
27		S. Pantaleonis Mart., simplex.
28		Ss. Nazarii et Celsi Mm., Victoris I Papae et Mart. ac Innocentii Papae et Conf., semid.
29		S. Marthae Virg., semidupl. Com. Ss. Felicis II Papae, Simplicii, Faustini et Beatricis, Mm.
30		Ss. Abdon et Sennen Mm., simplex.
31		S. Ignatii Conf., dupl. maj.

AUGUSTUS

25 24	c	Kal.	1	S. Petri ad Vincula, dupl. maj. Com. S. Pauli Ap. ac Ss. Machabaeorum Mm.
23	d	iv	2	S. Alfonsi Mariae de Ligorio Ep., Conf. et Eccl. Doct., dupl. Com. S. Stephani I Papae et Mart.
22	e	iiij	3	Inventio S. Stephani Protomart., semidupl.
21	f	Prid.	4	S. Dominici Conf., dupl. maj.
20	g	Non.	5	Dedicatio S. Mariae ad Nives, dupl. maj.

C.E. L.D.		D.M.	
19	A viij	6	TRANSFIGURATIO D. N. J. C. dupl. II class. Com. Ss. Xysti II Papæ, Felicissimi et Agapiti Mm.
18	b vij	7	S. Cajetani Conf., dupl. Com. S. Donati Ep. et Mart.
17	c vj	8	Ss. Cyriaci, Largi et Smaragdi Mm., semid.
16	d v	9	S. Joannis Mariæ Vianney, Conf., dupl. Com. Vigiliæ et S. Romani Mart.
15	e iv	10	S. LAURENTII Mart., dupl. II class. cum Octava simplici.
14	f iij	11	Ss. Tiburtii et Susannæ Virg., Mm., simplex.
13	g Prid.	12	S. Claræ Virg., dupl.
12	A Idib.	13	Ss. Hippolyti et Cassiani Mm., simplex.
11	b xix	14	Vigilia. Com. S. Eusebii Conf.
10	c xvij	15	ASSUMPTIO B. M. V., dupl. I class. cum Octava communi.
9	d xvij	16	S. JOACHIM, PATRIS B. M. V., Conf., dupl. II class.
8	e xvj	17	S. Hyacinthi Conf., dupl. Com. Oct. Assumptionis ac diei Oct. S. Laurentii.
7	f xv	18	De IV die infra Oct. Assumptionis, semid. Com. S. Agapiti Mart.
6	g xiv	19	S. Joannis Eudes Conf., dupl. Com. Oct.
5	A xij	20	S. Bernardi Abb., Conf. et Eccl. Doct., dupl. Com. Octavæ Assumptionis.
4	b xij	21	S. Joannæ Franciscæ Fremiot de Chantal Vid., dupl. Com. Octavæ Assumptionis.
3	c xj	22	Octava Assumptionis B. M. V., dupl. maj. Com. Ss. Timothei et Soc. Mm.
2	d x	23	S. Philippi Benitii Conf., dupl. Com. Vigiliæ.
1	e ix	24	S. BARTHOLOMÆI APOSTOLI, dupl. II class.
*	f viij	25	S. Ludovici Regis, Conf., semidupl.
29	g vij	26	S. Zephyrini Papæ et Mart., simplex.
28	A vj	27	S. Josephi Calasanctii Conf., dupl.
27	b v	28	S. Augustini Ep., Conf. et Eccl. Doct., dupl. Com. S. Hermetis Mart.
26	c iv	29	Decollatio S. Joannis Baptistæ, dupl. maj. Com. S. Sabinæ Mart.
25	25 d iij	30	S. Rosæ Limanæ Virg., dupl. Commem. Ss. Felicis et Adaucti Mm.
24	e Prid.	31	S. Raymundi Nonnati Conf., dupl.

SEPTEMBER

23	f Kal.	1	S. Ægidii Abb., simplex. Com. Ss. Duodecim Fratrum Mm.
22	g iv	2	S. Stephani Regis, Conf., semid.

C.E. L.D.	D.M.	
21	A iij	3
20	b Prid.	4
19	c Non.	5 S. Laurentii Justiniani Ep. et Conf., semid.
18	d viij	6
17	e vij	7
16	f vj	8 NATIVITAS B. M. V., dupl. II class. cum Octava simplici. Com. S. Hadriani Mart.
15	g v	9 S. Gorgonii Mart., simplex.
14	A iv	10 S. Nicolai de Tolentino Conf., dupl.
13	b iij	11 Ss. Proti et Hyacinthi Mm., simplex.
12	c Prid.	12 Ssmi Nominis Mariæ, dupl. maj.
11	d Idib.	13
10	e xvij	14 Exaltatio S. Crucis, dupl. maj.
9	f xvij	15 SEPTEM DOLORUM B. M. V., dupl. II class. Com. S. Nicomedis Mart.
8	g xvj	16 Ss. Cornelii Papæ et Cypriani Ep. Mm., semidupl. Com. Ss. Euphemiæ, Luciæ et Geminiani Mm.
7	A xv	17 Impressio Sacror. Stigmatum S. Francisci Conf., dupl.
6	b xiv	18 S. Josephi a Cupertino Conf., dupl.
5	c xiiij	19 Ss. Januarii Ep. et Socior. Mm., dupl.
4	d xij	20 Ss. Eustachii et Soc. Mm., dupl. Com. Vigiliæ.
3	e xj	21 S. MATTHÆI APOSTOLI ET EVANGELISTÆ, dupl. II class.
2	f x	22 S. Thomæ de Villanova Ep. et Conf., dupl. Com Ss. Mauritii et Soc. Mm.
1	g ix	23 S. Lini Papæ et Mart., semid. Com. S. Theclæ Virg. et Mart.
*	A viij	24 B. M. V. de Mercede, dupl. maj.
29	b vij	25
28	c vj	26 Ss. Cypriani et Justinæ Virg. Mm., simplex.
27	d v	27 Ss. Cosmæ et Damiani Mm., semidupl.
25 26	e iv	28 S. Wenceslai Ducis, Mart., semidupl.
25 24	f iij	29 DEDICATIO S. MICHAELIS ARCHANGELI, dupl. I class.
23	g Prid.	30 S. Hieronymi Presb., Conf. et Eccl. Doct., dupl.

OCTOBER

22	A Kal.	1 S. Remigii Ep. et Conf., simplex.
21	b vj	2 Ss. Angelorum Custodum, dupl. maj.
20	c v	3 S. Teresiæ a Jesu Infante Virg., dupl.
19	d iv	4 S. Francisci Conf., dupl. maj.
18	e iij	5 Ss. Placidi et Socior. Mm., simplex.
17	f Prid.	6 S. Brunonis Conf., dupl.

C.E. L.D.

D.M.

16	g	Non.	7	SSMI ROSARII B. M. V., dupl. II class. Com. S. Marci I. Papæ et Conf., ac Ss. Sergii et Socior. Mm.
15	A	viii	8	S. Birgittæ Viduæ, dupl.
14	b	vij	9	S. Joannis Leonardi Conf., dupl. Com. Ss. Dionysii Ep., Rustici et Eleutherii Mm.
13	c	vj	10	S. Francisci Borgiae Conf., semidupl.
12	d	v	11	MATERNITATIS B. MARIE VIRG. dupl. II class.
11	e	iv	12	
10	f	iii	13	S. Eduardi Regis, Conf., semidupl.
9	g	Prid.	14	S. Callisti I Papæ et Mart., dupl.
8	A	Idib.	15	S. Teresiæ Virg., dupl.
7	b	xvij	16	S. Hedwigis Viduæ, semidupl.
6	c	xvj	17	S. Margaritæ Mariæ Alacoque, Virg., dupl.
5	d	xv	18	S. LUCÆ EVANGELISTÆ, dupl. II class.
4	e	xiv	19	S. Petri de Alcantara Conf., dupl.
3	f	xiii	20	S. Joannis Cantii Conf., dupl.
2	g	xij	21	S. Hilarionis Abb., simplex. Com. Ss. Ursulæ et Sociarum Vv. et Mm.
1	A	xj	22	
*	b	x	23	
29	c	ix	24	S. Raphaëlis Archangeli, duplex majus.
28	d	viii	25	Ss. Chrysanthe et Dariae Mm., simplex.
27	e	vij	26	S. Evaristi Papæ et Mart., simplex.
26	f	vj	27	Vigilia.
25	g	v	28	Ss. SIMONIS ET JUDÆ APP., dupl. II class.
24	A	iv	29	
23	b	iii	30	
22	c	Prid.	31	Vigilia.

Dominica ultima Octobris — FESTUM D. N. JESU CHRISTI REGIS, duplex I classis.

NOVEMBER

21	d	Kal.	1	OMNIUM SANCTORUM, dupl. I class. cum Octava communi.
20	e	iv	2	Commem. Omnium Fidelium Defunctorum, dupl.
19	f	iii	3	De III die infra Oct. Omnium Ss., semid.
18	g	Prid.	4	S. Caroli Ep. et Conf., dupl. Com. Octavæ ac Ss. Vitalis et Agricolaë Mm.
17	A	Non.	5	De V die infra Oct. Omnium Ss., semid.
16	b	viii	6	De VI die infra Oct. Omnium Ss., semid.
15	c	vij	7	De VII die infra Oct. Omnium Ss., semid.
14	d	vj	8	Octava Omnium Sanctorum, dupl. maj. Com. Ss. Quatuor Coronatorum Mm.


C.E. L.D.		D.M.	
13	e v	9	DEDICATIO ARCHIBASILICÆ SSMI SALVATORIS, dupl. II class. Com. S. Theodori Mart.
12	f iv	10	S. Andreae Avellini Conf., dupl. Commem. Ss. Tryphonis, Respicii et Nymphae Virg. Martyrum.
11	g iiij	11	S. Martini Ep. et Conf., dupl. Commemoratio S. Mennæ Mart.
10	A Prid.	12	S. Martini I Papæ et Mart., semidupl.
9	b Idib.	13	S. Didaci Conf., semidupl.
8	c xviiij	14	S. Josaphat Ep. et Mart., dupl.
7	d xvij	15	S. Alberti Magni Ep., C. et Eccl. Doct., dupl.
6	e xvj	16	S. Gertrudis Virg., dupl.
5	f xv	17	S. Gregorii Thaumaturgi Ep. et Conf., semid.
4	g xiv	18	Dedicatio Basilicarum Ss. Petri et Pauli App., dupl. maj.
3	A xiiij	19	S. Elisabeth Viduæ, dupl. Com. S. Pontiani Papæ et Mart.
2	b xij	20	S. Felicis de Valois Conf., dupl.
1	c xj	21	Præsentatio B. M. V., dupl. maj.
*	d x	22	S. Cæciliæ Virg. et Mart., dupl.
29	e ix	23	S. Clementis I Papæ et Mart., dupl. Com. S. Felicitatis Mart.
28	f viij	24	S. Joannis a Cruce Conf., et Eccl. Doct., dupl. Com. S. Chrysogoni Mart.
27	g vij	25	S. Catharinæ Virg. et Mart., dupl.
25 26	A vj	26	S. Silvestri Abb, dupl. Com. S. Petri Alexandrini Ep. et Mart.
25 24	b v	27	
23	c iv	28	
22	d iiij	29	Vigilia, et Com. S. Saturnini Mart.
21	e Prid.	30	S. ANDRÆA APOSTOLI, dupl. II class.

DECEMBER

20	f Kal.	1	
19	g iv	2	S. Bibianæ Virg. et Mart., semidupl.
18	A iiij	3	S. Francisci Xaverii Conf., dupl. maj.
17	b Prid.	4	S. Petri Chrysologi Ep., Conf. et Eccl. Doct., dupl. Com. S. Barbaræ Virg. et Mart.
16	c Non.	5	Com. S. Sabbæ Abb.
15	d viij	6	S. Nicolai Ep. et Conf., dupl.
14	e vij	7	S. Ambrosii Ep., Conf. et Eccl. Doct., dupl.
13	f vj	8	CONCEPTIO IMMACULATA B. MARIAE VIRG., dupl. I cl. cum Octava communi.
12	g v	9	De II die infra Oct. Concept. Immac., semid.
11	A iv	10	De III die infra Oct. Concept. Immac., semid. Com. S. Melchiadis Papæ et Mart.

C.E. L.D.		D.M.	
10	b	iiij	11 S. Damasi I Papae et Conf., semid. Com. Octavæ.
9	c	Prid.	12 De V die Infra Oct. Concept. immac., semid.
8	d	Idib.	13 S. Luciae Virg. et Mart., dupl. Com. Oct.
7	e	xix	14 De VII die infra Oct. Concept. immac., semid.
6	f	xviiij	15 Octava Conceptionis immaculatæ B. M. V., dupl. maj.
5	g	xviij	16 S. Eusebii Ep. et Mart., semidupl.
4	A	xvj	17
3	b	xv	18
2	c	xiv	19
1	d	xiiij	20 Vigilia.
*	e	xij	21 S. THOMÆ APOSTOLI, dupl. II class.
29	f	xj	22
28	g	x	23
27	A	ix	24 Vigilia.
26	b	viiij	25 NATIVITAS D. N. J. C., dupl. I class. cum Octava privilegiata III Ordinis.
25	25	c	vij 26 S. STEPHANI PROTOMARTYRIS, dupl. II cl. cum Oct. simplici. Com. Oct. Nativitatis.
24	d	vj	27 S. JOANNIS AP. ET EV., dupl. II cl. cum Oct. simplici. Com. Oct. Nativitatis.
23	e	v	28 SS. INNOCENTIIUM MARTYRUM, dupl. II cl. cum Oct. simplici. Com. Oct. Nativitatis.
22	f	iv	29 S. Thomæ Cantuariens. Ep. et Mart., dupl. Com. Oct. Nativitatis.
21	g	iiij	30 De Octava Nativitatis, semid.
19	20	A	Prid. 31 S. Silvestri I Papæ et Conf., dupl. Com. Oct. Nativitatis.

Hæc Epacta 19 nigra nunquam est in usu, nisi quando eodem anno concurrit cum Aureo numero xix.



DUÆ TABELLÆ

EX RUBRICIS GENERALIBUS BREVIARII JUXTA CONSTITUTIONEM

« DIVINO AFFLATU » REFORMATIS EXCERPTÆ

in quarum prima statim videri poterit de quo celebrandum erit Officium, si plura eodem die Festa vel Officia sive perpetuo sive accidentaliter occurrant; in altera vero, quomodo Officium præcedens concurrat in Vesperis cum Officio sequentis diei.

In alterutra Tabella hoc ordine reperietur quod quæritur :

Primum inveniatur numerus positus in quadrangulo illo, in quo Officia, de quibus est controversia, sibi invicem occurrunt; deinde legatur regula juxta dictum numerum descripta, et ex ea clare videbitur quid sit agendum.

Exempli gratia : Quadrangulum, in quo sibi invicem occurrunt, in prima Tabella, **Duplex I classis et Dominica I classis**, erit quod invenitur ultimo loco in eadem linea in qua inscribitur Duplex I classis, in quo signatus est numerus 6; quia, si ad ipsum quadrangulum tam Duplex I classis quam Dominica I classis ex eorum locis recto tramite pergerent, in eo

sibi invicem occurrerent. Regula autem juxta dictum numerum 6 apposita sic habet :

6 Officium de secundo, Translatio de primo. Id est Officium fiat de **Dominica I classis** et **Duplex I classis** transferatur juxta Rubricas; quia, cum in his regulis dicitur de primo, seu præcedenti, intelligitur de Festo vel Officio in superiori parte Tabellæ apposito, ut Duplex prædictum; cum de secundo, vel sequenti, de Officio in inferiori parte sub numeris apposito, ut Dominica prædicta.

In aliquibus autem quadrangulis positus est 0, quia nullus occursus aut concursus esse potest inter Officia simul ad diem quadrangulum occurrentia.

Scire tamen oportet quæ sint Dominicæ et Feriæ majores, quæ Vigiliæ privilegiatæ, et quæ Duplicitia I et II classis et majora, tam Primaria quam Secundaria; sicut et quæ Officia, ad effectum tit. II, n. 1 superiorum Rubricarum, cum Feriatione vel cum Octava celebrentur.

DOMINICÆ MAJORES

DIVIDUNTUR IN DUAS CLASSES :

Dominicæ I classis

quæ in occurrentia, etiam accidentali, Festis quibuslibet præferuntur :

Prima Adventus
Prima Quadragesimæ
Secunda Quadragesimæ
Tertia Quadragesimæ
Quarta Quadragesimæ

Passionis
Palmarum
Paschatis
In Albis
Pentecostes

Dominicæ II classis

quæ in occurrentia accidentali Festis quibuslibet præferuntur præterquam Duplicibus I classis:

Secunda Adventus	Septuagesimæ
Tertia Adventus	Sexagesimæ
Quarta Adventus	Quinquagesimæ

FERIÆ MAJORES

DIVIDUNTUR IN DUAS CLASSES :

Feriæ privilegiatæ

quæ in occurrentia Festis quibuslibet præferuntur :

Feria Quarta Cinerum
Feriæ omnes Majoris Hebdomadæ

Feriæ non privilegiatæ

quæ in occurrentia Festis tantum Simplicibus præferuntur :

Adventus	Passionis ante Dñicam Palmarum
Quadragesimæ post diem Cinerum	Quatuor Temporum Septembris
	Secunda Rogationum

VIGILIÆ PRIVILEGIATÆ

DIVIDUNTUR IN DUAS CLASSES

Vigiliæ I classis

quæ in occurrentia Festis quibuslibet præferuntur:

Vigilia Nativitatis Domini | Vigilia Pentecostes

Vigilia II classis

quæ in occurrentia præfertur Festis quibuslibet, præterquam Duplicibus I vel II classis et Festis Domini :

Vigilia Epiphaniæ

DUPLICIA I CLASSIS PRIMARIA

Nativitas Domini	Conceptio immaculata B. Mariæ Virg.
Epiphania Domini	Annuntiatio B. Mariæ Virg.
Pascha Resurrectionis cum tribus antecedentibus et duobus sequentibus diebus	Assumptio B. Mariæ Virg.
Ascensio Domini	Dedicatio S. Michaëlis Archangeli
Pentecostes cum duobus sequentibus diebus	Nativitas S. Joannis Baptistæ
Festum Ssmæ Trinitatis	Festum S. Joseph, Sponsi B. Mariæ Virg., Conf.
» Ssmi Corporis Christi	Solemnitas S. Joseph, Sponsi B. Mariæ Virg., Conf. et Ecclesiæ universalis Patroni
» sacratissimi Cordis Jesu	
» D. N. J. Christi Regis	

Festum Ss. Petri et Pauli Apostolorum	Titulus propriæ Ecclesiæ
Festum Omnium Sanctorum	Titulus Ecclesiæ Cathedralis
Dedicatio Ecclesiæ propriæ, ejusque Anniversarium	Patroni principales Oppidi, vel Civitatis, Diœcesis, Provinciæ et Nationis
Dedicatio Ecclesiæ Cathedralis, ejusque Anniversarium	Titularis et Sanctus Fundator Ordinis seu Congregationis

DUPLEX I CLASSIS SECUNDARIUM

Pretiosissimi Sanguinis D. N. J. C.

DUPLICIA II CLASSIS PRIMARIA

Circumcisio Domini	Festum S. Bartholomæi Ap.
Transfiguratio Domini	» S. Matthæi Ap. et Ev.
Dedicatio Archibasilicæ Ssmi Salvatoris	» Ss. Simonis et Judæ App.
Purificatio B. Mariæ Virg.	» S. Marci Ev.
Visitatio B. Mariæ Virg.	» S. Lucæ Ev.
Nativitas B. Mariæ Virg.	» S. Stephani Protomartyris
Festum S. Andreæ Ap.	» Ss. Innocentium Mm.
» S. Thomæ Ap.	» S. Annæ, Matris B. Mariæ Virg.
» S. Joannis Ap. et Ev.	» S. Laurentii Mart.
» S. Matthiæ Ap.	» S. Joachim, Patris B. Mariæ Virg., Conf.
» Ss. Philippi et Jacobi App.	
» S. Jacobi Ap.	

DUPLICIA II CLASSIS SECUNDARIA

Festum Ssmi Nominis Jesu	Festum Ssmi Rosarii B. M. V.
» Inventionis S. Crucis	» Maternitatis B. M. V.
» septem Dolorum B. M. V. mense Septembri	

DUPLICIA MAJORA PRIMARIA

Dies Octava cujuslibet Duplicis I classis Primariæ	Decollatio S. Joannis Baptistæ
Festum Sanctæ Familiæ Jesu, Mariæ, Joseph	Festum S. Petri Ap. ad Vincula
Dedicatio Basilicarum Ss. Petri et Pauli App.	» S. Barnabæ Ap.
Dedicatio S. Mariæ ad Nives	» S. Benedicti Abb.
Præsentatio B. Mariæ Virginis	» S. Dominici Conf.
Festum S. Gabrielis Archangeli	» S. Francisci Assisiensis Conf.
» S. Raphaëlis Archangeli	» S. Ignatii Conf.
» Ss. Angelorum Custodum	» S. Francisci Xaverii Conf.
	» Patronorum minus principalium

DUPLICIA MAJORA SECUNDARIA

Dies Octava cujuslibet Dupli- cis I classis Secundarii	Festum B. Mariæ Virg. de Mer- cede
Exaltatio S. Crucis	Apparitio S. Michaëlis Archan- geli
Apparitio B. Mariæ Virg. immā- culatæ	Cathedra S. Petri Ap. Romæ
Festum septem Dolorum B. Ma- riæ Virg., tempore Passionis	Cathedra S. Petri Ap. Antiochiæ
Commemoratio B. Mariæ Virg. de Monte Carmelo	Conversio S. Pauli Ap.
Festum Ssmi Nominis Mariæ	Commemoratio S. Pauli Ap.
	Festum S. Joannis Ap. ante Portam Latinam

ALIA FESTA PRIMARIA

Dies Natalitia, vel quasi-Natalitia, cujuscumque Sancti.

ALIA FESTA SECUNDARIA

Impressio sacrorum Stigmatum sancti Francisci Conf.	riæ Virg. sub aliquo peculiari titulo, sive Sanctorum, præter eorundem Natalem diem, uti
Inventio S. Stephani Protomar- tyris	Inventionis, Translationis, Pa- trocinii et hisce similia
Festa sive Domini, sive B. Ma-	

FESTA FERIATA

Dominicæ omnes	Solemnitas S. Joseph, Sponsi
Nativitas Domini	B. Mariæ Virg., Conf. et Ec- clesiæ universalis Patroni
Circumcisio	Festum S. Andreæ Ap.
Epiphania	» S. Thomæ Ap.
Feria II et III Paschatis	» S. Joannis Ap. et Ev.
Ascensio Domini	» S. Matthiæ Ap.
Feria II et III Pentecostes	» Ss. Philippi et Jacobi App.
Festum Sanctissimi Corporis Christi	» Ss. Petri et Pauli App.
Inventio S. Crucis	» S. Jacobi Ap.
Conceptio immaculata B. M. V.	» S. Bartholomæi Ap.
Purificatio B. Mariæ Virg.	» S. Matthæi Ap. et Ev.
Annuntiatio B. Mariæ Virg.	» Ss. Simonis et Judæ App.
Assumptio B. Mariæ Virg.	» S. Stephani Protomar- tyris
Nativitas B. Mariæ Virg.	» Ss. Innocentium Mm.
Dedicatio S. Michaëlis Archan- geli	» S. Annæ, Matris B. Ma- riæ Virg.
Nativitas S. Joannis Baptistæ	
Festum S. Joseph, Sponsi B. Ma- riæ Virg., Conf.	

Festum S. Laurentii Mart.
» S. Joachin, Patris
B. Mariæ Virg., Conf.
» Omnium Sanctorum

Festum Patronorum principa-
lium Oppidi vel Civi-
tatis, Diœcesis, Pro-
vinciæ et Nationis

Festum Feriatis æquiparatum :

Festum Sacratissimi Cordis Jesu

FESTA QUÆ CUM OCTAVA CELEBRANTUR

alia gaudent Octava privilegiata, Commemoratio quandoque omit-
de qua semper fit aut Officium, ti potest, juxta Rubricas ; alia
aut saltem Commemoratio ; alia Octava simplici de qua fit tan-
Octava communi, de qua etiam tum in die Octava.

OCTAVÆ PRIVILEGIATÆ

de quibus semper fit aut Officium aut Commemoratio
dividuntur in tres ordines

Octavæ I Ordinis

quæ in occurrentia Festis quibuslibet præferuntur :

Octava Paschatis

| Octava Pentecostes

Octavæ II Ordinis

quæ in diebus infra Octavam Festis quibuslibet præferuntur
præterquam Duplicibus I classis, in die autem Octava etiam
Duplicibus I classis quæ non sint Ecclesiæ universalis :

Octava Epiphaniæ Domini

| Octava Ssmi Corporis Christi

Octavæ III Ordinis

quæ in occurrentia iisdem tantum Festis præferuntur atque
Octavæ communes :

Octava Nativitatis Domini

| Octava Sacratissimi Cordis

Octava Ascensionis Domini

| Jesu

OCTAVÆ COMMUNES

quæ infra Octavam præferuntur tantum Officiis Simplicibus, et
in die Octava omnibus Duplicibus quæ non sint I aut II classis :

Octava Conceptionis immacu-
latae B. Mariæ Virg.

Octava Assumptionis ejusdem

Octava Nativitatis S. Joannis

Baptistæ

Octava Solemnit. S. Joseph

Octava Ss. Petri et Pauli App.

Octava Omnium Sanctorum

Octava Dedicationis et Tituli

propriæ Ecclesiæ

Octava Dedicatōnis et Tituli
Ecclesiæ Cathedralis

Octava Patroni principalis
Oppidi vel Civitatis, Diœcesis,
Provinciæ et Nationis

Octava Tituli et Sancti Funda-
toris Ordinis seu Congregationis

Octavæ aliorum Festorum Du-
plicium I classis, quæ alicubi
cum Octava celebrentur

OCTAVÆ SIMPLICES

quæ in die Octava Festis Simplicibus præferuntur et Officio
Sanctæ Mariæ in Sabbato :

Octava Nativitatis B. Mariæ
Virg.


Octava S. Joannis Ap. et Ev.

Octava S. Stephani Proto-
martyris

Octava Ss. Innocentium Mm.

Octava S. Laurentii Mart.

Octavæ aliorum Festorum Du-
plicium II classis, quæ alicubi
cum Octava celebrentur.



SI OCCURRAT EODEM DIE

[illegible]

QUANDO CONCURRIT

Dominica
Duplex I classis
Duplex II classis.
Dies Octava privilegiata
Dies Octava Communis
Duplex majus
Duplex minus
Semiduplex
Dies infra Octavam privilegiam
Dies infra Octavam communem
1. Totum de sequenti, nihil de præcedenti.				
2. Totum de præcedenti, nihil de sequenti.				
3. Totum de sequenti, Commemoratio de præcedenti.				
4. Totum de præcedenti, Commemoratio de sequenti.				
5. Totum de nobiliori, Commemoratio de alio; in paritate, a Capitulo de sequenti, Commemoratio de præce- denti.				

NOTANDA IN PRÆCEDENTES TABELLAS

1 Quando in regulis alterutrius Tabellæ invenitur **Officium de Nobiliori**, vel **Totum de Nobiliori**, intelligi debet de illo ex duobus occurrentibus aut concurrentibus Festis vel Officiis, quod, ad normam tituli II præcedentium Rubricarum **De Festorum præstantia**, alteri præferri debeat.

2 Dominicæ quævis assignationem perpetuam excludunt cuiusvis Festi, excepta Dominica inter Circumcisionem et Epiphaniam, in qua fit Officium Ssmi Nominis Jesu; Dominica infra Octavam Epiphaniae, in qua Festum agitur Sanctæ Familiæ Jesu, Mariæ, Joseph; Dominica I post Pentecosten, in qua celebratur Festum Ssmæ Trinitatis et Dominica ultima Octobris, in qua recolitur Festum D. N. Jesu Christi Regis.

3 Vigiliæ communes, si in aliquam Dominicam inciderint, anticipantur Sabbato, juxta Rubricas, etiam sicubi a Duplici I classis occurrenti sua die perpetuo impeditæ fuerint; Vigiliæ vero privilegiatæ ipsa die Dominica celebrantur, ut propriis locis habetur.

4 De Octavis quæ non sunt in Breviario Romano, nihil fit a die 17 ad 24 Decembris, a Feria IV Cinerum ad Dominicam in Albis, et a Vigilia Pentecostes ad Festum Ssmæ Trinitatis, semper inclusive.

5 De quolibet Duplici majori vel minori aut Semiduplici, quod

a Festo Duplici I classis primario Domini Ecclesiæ universalis impediatur, nihil fit; de Festo hujusmodi, a ceteris Duplicibus I classis impedito, nisi hoc fuerit Domini Festum in Dominica quavis aut in Vigilia Epiphaniae occurrens, fit tantum Commemoratio ad Laudes.

6 Item de die Octava Simplici vel Festo item Simplici ab occurrenti Duplici II classis impeditis, fit tantum ad Laudes, et insuper, de Festo, etiam ad Matutinum, si legi possit IX Lectio historica vel stricte propria.

7 Festa tamen alicujus Nationis, Diœcesis, Ordinis, Instituti vel particularis Ecclesiæ propria, quæ in tota Natione, Diœcesi, Ordine vel Instituto aut in sua particulari Ecclesia perpetuo impediuntur, si celebrentur sub ritu Duplici majori vel minori aut Semiduplici, reponuntur in proxima sequenti die, quæ libera sit a quolibet Officio Duplici, a Festo Semiduplici, a Vigiliis privilegiatis et ab Octavis II ordinis.

8 Si duo Officia ejusdem Personæ eodem die occurrant, fit de nobiliori juxta Rubricas, et omittitur, nisi agatur de mysteriis Domini diversis, Commemoratio alterius. Idem servatur in concurrentia, et in paritate nobilitatis Vesperæ non dimidianantur, nisi pariter agatur de diversis Domini mysteriis, sed integræ dicuntur de præcedenti sine Commemoratione sequentis. Si

tamen aliquod Festum Duplex majus aut minus vel Semiduplex vel Simplex occurrat infra aliquam Octavam communem ejusdem Personæ, vel in ipsa die Octava, etiam Simplici, Officium fit de Festo sub ritu et cum privilegiis ipsi Octavæ convenientibus, nisi illud sub altiori ritu sit celebrandum; et additur vel omittitur Commemoratio Octavæ, ut supra.

9 FERIA VI post Octavam Ascensionis in concurrentia et concurrentia, et Vigilia Pentecostes in concurrentia tantum, iisdem gaudent privilegiis ac dies infra Octavam communem; sed hæc illis præfertur.

10 Festa Domini, et dies Octavæ item Domini quæ in universali Ecclesia sint privilegiatæ, in concurrentia accidentali et in concurrentia, Dominicæ minori præferuntur.

11 De VII die infra aliquam Octavam nihil fit in II Vesperis, si die sequenti persolvendum sit Officium de die Octava; dicuntur autem integræ Vesperæ vel fit Commemoratio juxta Rubricas, si die sequenti nihil faciendum sit de die Octava, vel etiam si concurrens dies VII infra Octavam, juxta ordinem in titulo VII, num. 5, **De Commemorationibus** præscriptum, præferri debeat diei Octavæ, in Officio nobiliori commemorandæ.

12 Item nihil fit ad II Vesperas de Dominicis post Octavam Epiphaniæ vel Pentecostes, quæ Sabbato anticipari debuerint juxta Rubricas, quamvis Dominica sequens commemoranda tantum sit; eis tamen integra manent privilegia Dominicæ tam

in occurru, quam in concursu ad I Vesperas.

13 In Nativitate Domini et tribus sequentibus diebus, in Circumcisione, in Officio Ssmi Nominis Jesu, et in Epiphania ejusque die Octava, nulla fit Commemoratio de Dominica occurrenti, nec etiam, præterquam in II Vesperis sanctorum Innocentium et Epiphaniæ, et utrisque Vesperis diei Octavæ ejusdem, de Dominica concurrenti. Officium tamen Ssmi Nominis Jesu tam in occurru quam in concursu admittit Commemorationem de Vigilia Epiphaniæ. Circumcisio autem Domini præfertur in concurrentia cuilibet Festo, etiam Duplici I classis, et in concurrentia non admittit Commemorationem Officii præcedentis, quod non fuerit Duplex II classis. Dies vero Octava Corporis Christi cedit in concurrentia Festis Duplicibus I classis primariis Ecclesiæ universalis.

14 Infra Octavam Nativitatis Domini, præterquam in Officio Circumcisionis, Vesperæ usque ad Capitulum dicuntur semper de Octava, sub ritu Officii in concurrentia nobilioris. A Capitulo autem ipsæ Vesperæ juxta normam consuetam fiunt de Officio ex concurrentibus nobiliori, exceptis II Vesperis S. Stephani Protomartyris, cum Commemoratione alterius, si hæc agenda sit juxta Rubricas; sed in paritate nobilitatis fiunt semper de Officio præcedenti, cum Commemoratione sequentis.

15 De Feriis Adventus et Quadragesimæ, quando a nobiliori Officio impeditæ fuerint, semper fit Commemoratio ad

Laudes et in Vesperis; de Feriis vero Quatuor Temporum et II Rogationum, fit ad Laudes tantum. Itemque ad Laudes tantum fit Commemoratio de Vigiliis communibus, quando agenda est, juxta superiorem tabellam.

Et tam de Feria quam de Vigilia commemoratis, dummodo in eis idem atque in Officio currenti non habeatur Evangelium, dicitur IX Lectio de Homilia, præterquam de Feriis Adventus extra Quatuor Tempora.





Ordinarium divini Officii

JUXTA RITUM ROMANUM PERSOLVENDI

Clericis in sacris constitutis, qui integrum divinum Officium, quamvis in partes distributum, coram Ssmo Sacramento, sive publicæ adorationi exposito sive in tabernaculo adservato, devote recitaverint, conceditur : Indulgentia plenaria, si præterea sacramentalem confessionem instituerint, ad eucharisticum Convivium accesserint et ad mentem Summi Pontificis oraverint. *Pius Pp. XI, 23 Octobris 1930.*

Iis vero, qui divinum Officium coram Ssmo Sacramento, ut supra, ex parte tantum recitaverint, conceditur : Indulgentia quingentorum dierum pro unaquaque hora canonica, *Pius Pp. XI, 18 Maji 1933.*

Iisdem autem clericis, qui divinum Officium in alias preces commutatum rite obtinuerint, si preces ejusmodi coram Ssmo Sacramento, uti supra, devote recitaverint, conceditur : Indulgentia plenaria, additis sacramentali confessione, sacra Communione et oratione ad mentem Summi Pontificis. *Pius Pp. XI, 7 Novembris 1932.*

Ante divinum Officium

Antequam inchoetur Officium laudabiliter dicitur, sub singulari semper numero, sequens Oratio; pro qua Summus Pontifex Pius Pp. XI sub die 17 Novembris 1933 Indulgentiam trium annorum concessit.

Oratio

Peri, Dómine, os meum ad benedícendum nomen sanctum tuum : munda quoque cor meum ab ómnibus vanis, perversis et aliénis cogitatióibus; in-

telléctum illúmina, afféctum inflámma, ut digne, atténte ac devóte hoc Officium recitáre váleam, et exaudíri mérear ante conspéctum divínæ Majestátis tuæ. Per Christum, Dóminum nostrum. *℟. Amen.*

Dómine, in unióne illius divínæ intentiónis, qua ipse in terris laudes Deo persolvísti, has tibi Horas (vel hanc tibi Horam) persólvo.

Ante singulas Horas

Ante Matutinum, sicut et ante Laudes a Matutino extra Chorum separatas, et ante omnes Horas, præterquam ad Completorium, dicitur secreto :

Pater noster, qui es in cælis, sanctificetur nomen tuum. Advéniat regnum tuum. Fiat volúntas tua, sicut in cælo et in terra. Panem nostrum quotidianum da nobis hódie. Et dimítte nobis débita nostra, sicut et nos dimíttimus debitóribus nostris. Et ne nos indúcas in tentatióem : sed líbera nos a malo. Amen.

AVE, María, grátia plena; Dóminus tecum : benedícta tu in muliéribus, et benedíctus fructus ventris tui Jesus. Sancta María, Mater Dei, ora pro nobis peccatóribus, nunc et in hora mortis nostræ. Amen.

In principio autem Matutini ac Primæ additur

secreto Symbolum Apostolorum :

Credo in Deum, Patrem omnipoténtem, Creatórem cæli et terræ. Et in Jesum Christum Fílium ejus únicum, Dóminum nostrum : qui concéptus est de Spíritu Sancto, natus ex María Vírgine, passus sub Póntio Piláto, crucifíxus, mórtuus, et sepúltus : descendit ad inferos; tértia die resurrexit a mórtuis; ascéndit ad cælos; sedet ad déxteram Dei Patris omnipoténtis : inde ventúrus est judicáre vivos et mórtuos. Credo in Spíritum Sanctum, sanctam Ecclésiám cathólicam, Sanctórum communióem, remissióem peccatórum, carnis resurrectiόem, vitam ætérnam. Amen.

Officium ad Matutinum et ad reliquas Horas, nisi aliter suo loco indicetur, per totum annum persolvitur juxta formam, quæ in Rubricis hujus Ordinarii exhibetur.



Ad Matutinum

Pater noster, Ave María
et Credo.

Deinde, clara voce, dicitur
Versus :

Domine, lábia mea apé-
ries. *℟.* Et os meum
annuntiábit laudem tuam.

℣. Deus, in adjutórium
meum inténde. *℟.* Dó-
mine, ad adjuvándum me
festína.

Glória Patri, et Fílio, et
Spirítui Sancto. Sicut erat
in princípio, et nunc, et
semper, et in sæcula sæ-
culórum. Amen. Allelúia.

Postea dicitur conveniens
Invitatorium, quod ante Psal-
mum bis integrum recitatur,
et ad singulos ejusdem Psalmi
versus vel integrum vel dimi-
diatum ab Asterisco * alternis
vicibus, ut infra, repetitur.

Psalmus 94



Eníte, exsultémus
Dómino, jubilémus
Deo, salutári no-
stro : præoccupémus fá-
ciem ejus in confessióne,
et in psalmis jubilémus ei.

Repetitur integrum Invita-
torium.

Quóniam Deus magnus
Dóminus, et Rex magnus
super omnes deos : quó-
niam non repéllet Dómi-
nus plebem suam : quia
in manu ejus sunt omnes
fines terræ, et altitúdines
móntium ipse cónspicit.

Repetitur altera pars Invi-
tatorii.

¶ In sequenti Psalmi versu,
ad verba veníte, adorémus, et
procidámus ante Deum, ge-
nuflectitur.

Quóniam ipsíus est mare,
et ipse fecit illud, et ári-
dam fundavérunt manus
ejus : veníte, adorémus, et
procidámus ante Deum :
plorémus coram Dómino,
qui fecit nos, quia ipse est
Dóminus, Deus noster;
nos autem pópulus ejus,
et oves páscuæ ejus.

Repetitur integrum Invita-
torium.

Hódie, si vocem ejus au-
diéritis, nolíte obduráre
corda vestra, sicut in exa-
cerbatióne secúndum diem
tentatiónis in desérto :
ubi tentavérunt me patres
vestri, probavérunt et vi-
dérunt ópera mea.

Repetitur altera pars Invi-
tatorii.

Quadragínta annis próxi-
mus fui generatióni huic,
et dixi : Semper hi errant
corde; ipsi vero non co-
gnovérunt vias meas :
quibus jurávi in ira mea :
Si introíbunt in réquiem
meam.

Repetitur integrum Invita-
torium.

Glória Patri, et Fílio, et
Spirítui Sancto. Sicut erat

in principio, et nunc, et semper, et in sæcula sæculorum. Amen.

Repetitur altera pars Invitatorii.

Denique repetitur integrum Invitatorium.

Expleto Psalmo, dicitur Hymnus Invitorio respondens.

In Officio dominicali

In omnibus Dominicis, extra Octavas Ssmi Corporis Christi ac Sacrat. Cordis Jesu, Invitatorium et Hymnus ut in Psalterio.

In Officio feriali

In omnibus Feriis, Invitatorium et Hymnus de Feria currenti, ut in Psalterio

In Festis

In Officio cujuslibet Festi vel Octavæ, ac S. Mariæ in Sabbato, Invitatorium et Hymnus ut in Proprio vel Communi; in Dominicis autem infra Octavas Ssmi Corporis Christi ac Sacrat. Cordis Jesu, si de eis fiat Officium, Invitatorium et Hymnus ut in Proprio de Tempore. Quæ norma ad reliquas item Horas erit observanda pro illis Officii partibus, quæ juxta Rubricas ex Ordinario vel Psalterio non fuerint in Festis desumendæ.

In Officio novem Lectionum

Expleto Hymno, dicuntur Antiphonæ convenientes, quæ in Officiis ritus duplicis ante et post Psalmos integræ reci-

tantur; in Officiis autem ritus semiduplicis initio Psalmi inchoantur tantum et usque ad Asteriscum * perducuntur, atque in fine integræ pronuntiantur; servata alterutra norma etiam in omnibus Antiphonis, quæ ad Laudes ac Vesperas adhibentur.

IN I NOCTURNO

Sub congruentibus Antiphonis dicuntur tres Psalmi, ac deinde subjungitur Versus, prouti Officium occurrens requirit.

Post Versum cujuslibet Nocturni dicitur

Pater noster secreto usque ad V. Et ne nos inducas in tentationem. R. Sed libera nos a malo.

Absolutio

EXáudi, Dómine Jesu Christe, preces servórum tuórum, et miserére nobis : Qui cum Patre et Spíritu Sancto vivis et regnas in sæcula sæculórum. R. Amen.

V. Jube, domne, benedícere.

¶ Extra Chorum, quando ab uno tantum recitatur Officium, ante singulas Lectiones Matutini atque ad Lectionem brevem Primæ et Completorii, dicitur : Jube, Dómine, benedícere; et subjungitur congruens Benedictio. Ab Episcopo autem, ultimam Matutini Lectionem cantaturo, item dicitur : Jube, Dómine, benedícere; et respondetur a Choro : Amen.

Pro i Lectione

Bened. Benedictione perpétua benedícat nos Pater ætérnus. *℟.* Amen.

Deinde dicuntur in unoquoque Nocturno Lectiones, prouti Officium occurrens requirit, et in fine cujuslibet Lectionis additur :

℣. Tu autem, Dómine, miserére nobis. *℟.* Deo grátias.

Post quamlibet vero Lectionem, quæ Hymnum Te Deum immediate non præcedat, congruens dicitur Responsorium, et in fine ultimi Responsorii cujusque Nocturni additur Versus : Glória Patri, et Fílio, et Spirítui Sancto, et Responsorium ab Asterisco *, et quidem a secundo, si duo fuerint, repetitur.

Pro ii Lectione

Bened. Unigénitus Dei Fílius nos benedícere et adjuvare dignétur.

℟. Amen.

Pro iii Lectione

Bened. Spíritus Sancti grátia illúminet sensus et corda nostra. *℟.* Amen.

IN II NOCTURNO

Sub congruentibus item Antiphonis dicuntur tres Psalmi et Versus, sicut in I Nocturno.

Post Versum dicitur.

Pater noster **secreto usque ad** *℣.* Et ne nos indúcas in tentationem. *℟.* Sed libera nos a malo.

Absolutio

IPsíus píetas et misericórdia nos ádjuvet, qui cum Patre et Spíritu Sancto vivit et regnat in sæcula sæculórum.

℟. Amen.

℣. Jube, domne, benedícere.

Pro iv Lectione

Bened. Deus Pater omnipotens sit nobis propítius et clemens. *℟.* Amen.

Pro v Lectione

Bened. Christus perpétuæ det nobis gáudia vitæ. *℟.* Amen.

Pro vi Lectione

Bened. Ignem sui amóris accéndat Deus in córdibus nostris. *℟.* Amen.

IN III NOCTURNO

Sub congruentibus denique Antiphonis dicuntur tres Psalmi et Versus, sicut in I et II Nocturno.

Post Versum dicitur

Pater noster **secreto usque ad** *℣.* Et ne nos indúcas in tentationem. *℟.* Sed libera nos a malo.

Absolutio

AVínculis peccatórum nostrórum absólvat nos omnipotens et misericors Dóminus. *℟.* Amen.

℣. Jube, domne, benedícere.

Pro vii Lectione

Bened. Evangélica léctio sit nobis salus et protéctio. **℟.** Amen.

Pro viii Lectione

In Festis Domini et in Dominicis :

Bened. Divínium auxílium máneat semper nobíscum. **℟.** Amen.

In Festis beatæ Mariæ Virginis :

Bened. Cujus festum cólimus, ipsa Virgo vírginum intercédât pro nobis ad Dóminum. **℟.** Amen.

In Festis Sanctorum :

Bened. Cujus (vel Quorum aut Quarum) festum cólimus, ipse (vel ipsa aut ipsi vel ipsæ) intercédât (vel intercédant) pro nobis ad Dóminum. **℟.** Amen.

Pro ix Lectione

Bened. Ad societátem civium supernórum perdúcat nos Rex Angelórum. **℟.** Amen.

Siautem legenda sit Lectio ix de Homilia cum Evangelio Dominicæ, vel Feriæ, aut Vigilæ :

Bened. Per evangélica dicta deleántur nostra delícta. **℟.** Amen.

In Officio trium
Lectionum

IN NOCTURNO

In Officiis trium Lectionum, post Hymnum dicuntur An-

tiphonæ convenientes, quæ initio Psalmi inchoantur tantum et usque ad Asteriscum * perducuntur, ac deinde in fine integræ pronuntiantur.

Sub eisdem vero Antiphonis dicuntur novem Psalmi Feriæ currentis, quibus subjungitur Versus in III Nocturno positus, omissis Versibus pro I et II Nocturno assignatis.

Post Versum dicitur

Pater noster secreto usque ad **℟.** Et ne nos indúcas in tentatiónem. **℟.** Sed libera nos a malo.

Absolutio

Feria II et V

Exáudi, Dómine, ut in I Nocturno.

Feria III et VI

Ipsíus píetas, ut in II Nocturno.

Feria IV et Sabbato

A vínculis, ut in III Nocturno Officii novem Lectionum.

Deinde leguntur Lectiones cum Responsoriis, prouti Officium occurrens requirit; et ante eas dicuntur sequentes

Benedictiones

In Feriis, quando legitur Homilia cum Evangelio, erit :

1 **Bened.** Evangélica léctio sit nobis salus et protéctio. **℟.** Amen.

2 **Bened.** Divínium auxílium máneat semper nobíscum. **℟.** Amen.

3 Bened. Ad societatem civium supernorum perdúcat nos Rex Angelorum.

℟. Amen.

In Feriis, quando non legitur Homilia cum Evangelio, Feria II et V Benedictiones ut in I Nocturno, Feria III et VI ut in II Nocturno Officii novem Lectionum; Feria autem IV et Sabbato erit :

1 Bened. Ille nos benedícat, qui sine fine vivit et regnat. ℟. Amen.

2 Bened. Divinum auxílium máneat semper nobíscum. ℟. Amen.

3 Bened. Ad societatem civium supernorum perdúcat nos Rex Angelorum.

℟. Amen.

In Festis Sanctorum erit :

1 Bened. Ille nos benedícat, qui sine fine vivit et regnat. ℟. Amen.

2 Bened. Cujus (vel Quorum aut Quarum) festum cólimus, ipse (vel ipsa aut ipsi vel ipsæ) intercédant (vel intercédant) pro nobis ad Dóminum. ℟. Amen.

3 Bened. Ad societatem civium supernorum perdúcat nos Rex Angelorum.

℟. Amen.

In Officio de sancta Maria in Sabbato Absolutio et Benedictiones, quæ ibidem ponuntur.

Post ultimam Lectionem, in omnibus Dominicis per Annum minoribus, in Festis

cujusvis ritus, per omnes Octavas, et in Officio sanctæ Mariæ in Sabbato, dicitur Hymnus Ambrosianus. Et numquam dicitur in feriali Officio. Quando vero Hymnus prædictus omittitur, ejus loco dicitur IX aut III Responsorium.

Hymnus Ambrosianus

TE Deum laudámus : * te Dóminum confitémur. Te ætérnum Patrem * omnis terra venerátur.

Tibi omnes Angeli, * tibi Cæli, et univérsæ Potestátes :

Tibi Chérubim et Séraphim * incessábili voce proclámant :

Sanctus, * Sanctus, * Sanctus * Dóminus, Deus Sábaoth.

Pleni sunt cæli et terra * majestátis glóriæ tuæ.

Te gloriósus * Apostólorum chorus,

Te Prophetárum * laudábilis númerus,

Te Mártyrum candidátus * laudat exércitus.

Te per orbem terrárum * sancta confitétur Ecclé-sia,

Patrem * imménsæ majestátis;

Venerándum tuum verum * et únicum Fílium;

Sanctum quoque * Paráclitum Spíritum.

Tu Rex glóriæ, * Christe.

Tu Patris * sempitérnus es Fílius.

Tu, ad liberándum susceptúrus hóminem, * non horruísti Vírginis úterum.

Tu, devícto mortis acúleo, * aperuísti credéntibus regna cælórum.

Tu ad délixteram Dei sedes, * in glória Patris.

Judex créderis * esse ventúrus.

¶ Sequens versus dicitur flexis genibus.

Te ergo quásumus, tuis fámulis súbveni, * quos pretióso sángine redemísti.

Ætérna fac cum Sanctis tuis * in glória numerári.

Salvum fac pópulum tuum, Dómine, * et benedic hereditáti tuæ.

Et rege eos, * et extólle illos usque in ætérnum.

Per singulos dies * benedicimus te;

Et laudámus nomen tuum in sáeculum, * et in sáeculum sáeculi.

Dignáre, Dómine, die isto * sine peccáto nos custodíre.

Miserére nostri, Dómine, * miserére nostri.

Fiat misericórdia tua, Dómine, super nos, * quemádmódum sperávimus in te.

In te, Dómine, sperávi : * non confúndar in ætérnum.

Dicto Te Deum, aut ultimo Responsorio, statim incipiuntur Laudes a Versu Deus, in adjutórium, ut infra.

In privata vero recitatione, Matutinum a Laudibus separari potest; quo in casu, post Hymnum Te Deum, vel post ultimum Responsorium, dicitur :

℣. Dóminus vobíscum.

℟. Et cum spíritu tuo.

¶ Hic Versus Dóminus vobíscum non dicitur ab eo, qui non est saltem in ordine Diaconatus; sed ejus loco substituitur, etiam in aliis Horis, quoties in antecedentibus Precibus dictus non fuerit :

℣. Dómine, exáudi orationem meam. ℟. Et clamor meus ad te véniat.

Orémus.

Et dicitur Oratio ut ad Laudes.

Post Orationem additur :

℣. Dóminus vobíscum.

℟. Et cum spíritu tuo.

℣. Benedicámus Dómino.

℟. Deo grátias.

℣. Fidélium ánimæ per misericórdiam Dei requiescant in pace. ℟. Amen.

Deinde dicitur Pater noster totum secreto.

In publica vero recitatione, Matutinum in Choro a Laudibus separari non potest.

Ad Laudes

Si Laudes extra Chorum separantur a Matutino, ante eas dicitur secreto Pater noster et Ave María; secus absolute incipiuntur, ut sequitur :

℣. Deus, in adjutórium.

Deinde, sub congruentibus Antiphonis, dicuntur Psalmi et Canticum, prouti Officium occurrens requirit.

Repetita vero post ultimum Psalmum Antiphona, dicuntur Capitulum, Hymnus et Versus, prouti Officium occurrens exigit.

In Officio dominicali

In omnibus Dominicis, extra Octavas Ssmi Corporis Christi ac Sacratissimi Cordis Jesu Capitulum, Hymnus et Versus ut in Psalterio.

In Officio feriali

In omnibus Feriis, Capitulum, Hymnus et Versus de Feria currenti, ut in Psalterio.

Recitato Versu, dicitur cum Antiphona convenienti sequens

Canticum Zachariæ

Luc. 1, 68-79

Benedictus † Dóminus, Deus Israël, * quia visitávit, et fecit redemptionem plebis suæ :

Et eréxit cornu salutis nobis : * in domo David, púeri sui.

Sicut locútus est per os sanctórum, * qui a sæculo sunt, Prophetárum ejus :

Salútem ex inimícis nostris, * et de manu ómnium, qui odérunt nos :

Ad faciéndam misericórdiam cum pátribus nostris : * et memorári testaménti sui sancti.

Jusjurándum, quod jurávit ad Abraham, patrem

nostrum, * datúrum se nobis :

Ut sine timóre, de manu inimicórum nostrórum liberáti, * serviámus illi.

In sanctitáte, et justítia coram ipso, * ómnibus diébus nostris.

Et tu, puer, Prophéta Altíssimi vocáberis : * præibis enim ante faciém Dómini paráre vias ejus :

Ad dandam sciéntiam salútis plebi ejus : * in remissionem peccatórum eórum :

Per víscera misericórdiæ Dei nostri : * in quibus visitávit nos, óriens ex alto :

Illumináre his, qui in ténebris, et in umbra mortis sedent : * ad dirigéndos pedes nostros in viam pacis.

Glória Patri, et Fílio, * et Spirítui Sancto.

Sicut erat in princípio, et nunc, et semper, * et in sæcula sæculórum. Amen.

¶ **Hic Versus** Glória Patri dicitur in fine omnium Canticorum, nisi aliter adnotetur.

Expleto Cantico ac repetita Antiphona, si Preces non fuerint recitandæ, statim dicitur Versus Dóminus vobíscum cum Oratione et reliquis omnibus usque ad finem Horæ, ut infra.

In omnibus vero Vigiliis, si fiat Officium de Vigilia currenti, post repetitam ad Benedictus Antiphonam dicuntur flexis genibus sequentes Pre-

ces, quæ aliis temporibus omittuntur :

Kyrie, eléison. Christe, eléison. Kyrie, eléison.

Pater noster, **quod dicitur a solo Hebdomadario totum clara voce, usque ad** **℣.** Et ne nos indúcas in tentatióem. **℟.** Sed libera nos a malo.

℣. Ego dixi : Dómine, miserére mei. **℟.** Sana ánimam meam, quia peccávi tibi. **℣.** Convértere, Dómine, úsquequo? **℟.** Et deprecábilis esto super servos tuos. **℣.** Fiat misericórdia tua, Dómine, super nos. **℟.** Quemádmódum sperávimus in te. **℣.** Sacerdótes tui induántur justítiam. **℟.** Et sancti tui exsúltent.

℣. Orémus pro beatíssimo Papa nostro **N.** **℟.** Dóminus consérvet eum, et vivíficet eum, et beátum fáciat eum in terra, et non tradat eum in ánimam inimicórum ejus.

℣. Orémus et pro Antístite nostro **N.** **℟.** Stet et pascat in fortitúdine tua, Dómine, in sublimitáte nóminis tui.

¶ **Romæ præcedens Versus cum suo Responsorio omittitur; alibi vero, ad litteram N., ab omnibus nomen diæcesani Episcopi exprimitur. Vacante Apostolica vel Episcopali Sede, alteruter vel uterque respectivus Versus cum suo Responsorio præteritur.**

℣. Dómine, salvum fac regem. **℟.** Et exáudi nos in die, qua invocáverimus te. **℣.** Salvum fac pópulum tuum, Dómine, et bénedic hereditáti tuæ. **℟.** Et rege eos, et extólle illos usque in ætérnum. **℣.** Memén-to Congregatióis tuæ. **℟.** Quam possedisti ab initio. **℣.** Fiat pax in virtúte tua. **℟.** Et abundántia in túrribus tuis. **℣.** Orémus pro benefactóribus nostris. **℟.** Retribúere dignáre, Dómine, ómnibus, nobis bona faciéntibus propter nomen tuum, vitam ætérnam. Amen. **℣.** Orémus pro fidélibus defúctis. **℟.** Réquiem ætérnam dona eis, Dómine, et lux perpétua lúceat eis. **℣.** Requiéscant in pace. **℟.** Amen. **℣.** Pro frátribus nostris abséntibus. **℟.** Salvos fac servos tuos, Deus meus, sperántes in te. **℣.** Pro afflíctis et captívis. **℟.** Libera eos, Deus Israél, ex ómnibus tribulatió nibus suis. **℣.** Mitte eis, Dómine, auxílium de sancto. **℟.** Et de Sion tuére eos. **℣.** Dómine, Deus virtútum, convérte nos. **℟.** Et osténde fáciem tuam, et salvi érimus. **℣.** Exsúrge, Christe, ádjuva nos. **℟.** Et libera nos propter nomen tuum. **℣.** Dómine, exáudi oratió nem meam. **℟.** Et clamor meus ad te véniat.

Absolutis Precibus, vel, si Preces locum non habeant, repetita Antiphona post Benedictus, statim dicitur :

℣. Dóminus vobíscum.

℟. Et cum spírítu tuo.

Orémus.

Et dicitur Oratio conveniens. Postea fiunt Commemorationes, si occurrant.

Deinde in Officio semiduplici aut simplici tam de Tempore quam de Sanctis, præter omnes dies, in quibus habita sit Commemoratio Duplicis, vel factum fuerit Officium aut Commemoratio cujusvis Octavæ, fit sequens

Suffragium de omnibus Sanetis

Ant. Beáta Dei Génitrix Virgo María, Sanctique omnes intercédant pro nobis ad Dóminum.

℣. Mirificávit Dóminus Sanctos suos. ℟. Et exaudivit eos clamántes ad se.

Orémus.

Oratio

A Cunctis nos, quæsumus, Dómine, mentis et córporis defénde periculis : et, intercedénte beáta et gloriósa semper Vírgine Dei Genitríce María, cum beáto Joseph, beátis Apóstolis tuis Petro et Paulo, atque beáto N. et ómnibus Sanctis, salútem nobis tribue benígnus et pacem; ut, destrúctis adversitatibus et erróribus univérsis, Ecclésia tua secúra tibi

sérviat libertáte. Per eúmdem Dóminum nostrum.

℟. Amen.

¶ In hac Oratione, ad litteram N., exprimitur nomen Titularis propriæ Ecclesiæ, dummodo Titulus non sit Persona divina vel Mysteriorum Domini, aut de ipso ratione Vigiliæ vel Festi factum non fuerit Officium vel Commemoratio, aut illius nomen non sit in eadem Suffragii Oratione expressum; ac nomina sanctorum Angelorum et sancti Joannis Baptistæ, si Titulares fuerint, præponuntur nomini sancti Joseph. In hisce autem omnibus casibus omittuntur verba atque beáto N.

Si vero Officium vel Commemoratio fuerit de beata Maria Virgine, tunc dicitur ut infra; atque insuper, sicubi Titularis juxta superiorem Rubricam ante omnes fuerit nominandus, ad Orationem particula cum omittitur ante nomen sanctorum Petri et Pauli ac præponitur nomini sancti Joseph.

Ant. Sancti omnes intercédant pro nobis ad Dóminum.

℣. Mirificávit Dóminus Sanctos suos. ℟. Et exaudivit eos clamántes ad se.

Orémus.

Oratio

A Cunctis nos, quæsumus, Dómine, mentis et córporis defénde periculis : et, intercedénte beáto Joseph, cum beátis Apóstolis tuis Petro et Paulo,

atque beáto **N.** et ómnibus Sanctis, salútem nobis trí-bue benígnus et pacem; ut, destrúctis adversitáti-bus et erróribus univér-sis, Ecclesiá tua secúra tibi sérviat libertáte. Per Dó-minum. **℟.** Amen.

Post ultimam Orationem ad-ditur :

℣. Dóminus vobíscum.

℟. Et cum spíritu tuo.

℣. Benedicámus Dómino.

℟. Deo grátias.

℣. Fidélium ánimæ per misericórdiam Dei requié-scant in pace. **℟.** Amen.

Deinde, in publica Officii recitatione, si discedendum sit a Choro, itemque in reci-tatione privata, si tunc termi-netur Officium; alioquin, in fine ultimæ Horæ dicitur Pater noster, totum secreto; eoque recitato, subjungitur :

℣. Dóminus det nobis suam pacem. **℟.** Et vitam ætérnam. Amen.

Et immediate dicitur, cum suis Versu et Oratione, finalis beatæ Mariæ Virginis Anti-phona, quæ inferius post Completorium assignatur.

Postea concluditur :

℣. Divínium auxílium má-neat semper nobíscum.

℟. Amen.

Ad Primam

Pater, Ave **et** Credo.

℣. Deus, in adjutó-rium.

Hymnus

JAM lucis orto sídere,
Deum precémur súp-
plices,

Ut in diúrnis áctibus
Nos servet a nocéntibus.

Linguam refrénans tém-
peret,

Ne litis horror ínsonet :
Visum fovéndo cóntegat,
Ne vanitátes háuríat.

Sint pura cordis íntima,
Absístat et vecórdia :
Carnis terat supérbiam
Potus cibíque párcitas.

Ut, cum dies abscésserit
Noctémque sors redúxerit
Mundi per abstinentíam
Ipsi canámus glóriam.

Deo Patri sit glória,
Ejúsque soli Fílio,
Cum Spírítu Paráclito,
Nunc et per omne sáecu-
lum. Amen.

¶ **Conclusio communis, in Hymno præcedenti, et in aliis idem metrum habentibus, semper omittitur, quando specialis in omnibus Horis adhibenda præscribitur; et, si plures Conclusiones propriæ occurrant, sumitur Conclusio Officii currentis, aut secus Officii ipsa die et primo quidem loco inter cetera propriam Conclusionem habentia commemorandi, aut demum de occurrenti Octava communi.**

Expleto Hymno, conveniens dicitur Antiphona usque ad Asteriscum *, prouti occur-rens Officium requirit.

In Officio dominicali

In omnibus Dominicis, extra Octavas Ssmi Corporis Christi et Sacrat. Cordis Jesu, Antiphona ut in Psalterio.

In Officio feriali

In omnibus Feriis, Antiphona de Feria currenti ut in Psalterio.

Post enuntiatam Antiphonam dicuntur tres Psalmi Officio diei congruentes.

¶ Quando autem adhibetur posterius Laudum schema, Psalmus, in priori Laudum ferialium schemate omissus, ad Primam Feriæ currentis post alios Psalmos resumitur.

Repetita post ultimum Psalmum integre Antiphona, conveniens dicitur Capitulum; nimirum :

In omnibus Dominicis, in Officio cujuslibet Festi vel Octavæ ac sanctæ Mariæ in Sabbato :

Capitulum 1 Tim. 1, 17

REgi sæculórum immortalí et invisíbili, soli Deo honor et glória in sæcula sæculórum. Amen.

℟. Deo grátias.

¶ Sic respondetur in fine omnium Capitulorum.

In omnibus autem Feriis et in Vigiliis communibus :

Capitulum Zach. 8, 19

PAcem et veritátem diligite, ait Dóminus omnipotens.

Dicto Capitulo, subjungitur Responsorium breve, ut se-

quitur. Versus tamen Qui sedes ad dexteram Patris semper omittitur, quando specialis Versus adhibendus præscribitur, Officii nempe currentis, aut secus Officii ad Laudes et primo quidem loco inter cetera specialem Versum habentia commemorati, aut demum de occurrenti Octava communi proprius.

℟. br. Christe, Fili Dei vivi, † Miserére nobis. Et repetitur : Christe, Fili Dei vivi, miserére nobis. ℣. Qui sedes ad dexteram Patris. ℟. Miserére nobis. ℣. Glória Patri, et Filio, et Spirítui Sancto. ℟. Christe, Fili Dei vivi, miserére nobis. ℣. Exsúrge, Christe, ádjuva nos. ℟. Et libera nos propter nomen tuum.

¶ Ita dicuntur semper Responsoria brevia, etiam ad Tertiam, Sextam, Nonam et Completorium.

Expleto Responsorio brevi, si Preces non fuerint recitandæ, statim dicitur Versus Dóminus vobíscum cum subsequenti Oratione et reliquis omnibus usque ad finem Horæ ut infra.

In quolibet Officio semiduplici, in Officio sanctæ Mariæ in Sabbato, in Festis simplicibus, atque in Feriis per Annum communibus, post Responsorium breve dicuntur sequentes Preces dominicales; quæ tamen omittuntur omnibus diebus, in quibus ad Laudes habita sit Commemoratio Duplicis, vel factum

fuerit Officium aut Commemoratio cujusvis Octavæ :

KYrie, eléison. Christe, eléison. Kýrie, eléison.

Pater noster **secreto usque ad V.** Et ne nos indúcas in tentatióem. **R.** Sed libera nos a malo.

Credo in Deum **secreto usque ad V.** Carnis resurrectionem. **R.** Vitam æternam. Amen.

V. Et ego ad te, Dómine, clamávi. **R.** Et mane oratio mea præveniet te. **V.** Repleátur os meum laude. **R.** Ut cantem glóriam tuam, tota die magnitudinem tuam. **V.** Dómine, avértefaciem tuam a peccáttis meis. **R.** Et omnes iniquitátes meas dele. **V.** Cor mundum crea in me, Deus. **R.** Et spíritum rectum innova in viscéribus meis. **V.** Ne projicias me a fácie tua. **R.** Et spíritum sanctum tuum ne áuferas a me. **V.** Redde mihi lætítiam salutáris tui. **R.** Et spíritu principáli confírma me. **V.** Adjutórium nostrum in nómine Dómini. **R.** Qui fecit cælum et terram.

Deinde Hebdomadarius facit Confessionem cum Absolutione, eamque Chorus repetit, ut infra post feriales Preces.

In omnibus vero Vigiliis, si ad Laudes recitatæ fuerint preces, post Responsorium

breve dicuntur flexis genibus sequentes Preces feriales :

KYrie, eléison. Christe, eléison. Kýrie, eléison.

Pater noster **secreto usque ad V.** Et ne nos indúcas in tentatióem. **R.** Sed libera nos a malo.

Credo in Deum **secreto usque ad V.** Carnis resurrectionem. **R.** Vitam æternam. Amen.

V. Et ego ad te, Dómine, clamávi. **R.** Et mane oratio mea præveniet te. **V.** Repleátur os meum laude. **R.** Ut cantem glóriam tuam, tota die magnitudinem tuam. **V.** Dómine, avértefaciem tuam a peccáttis meis. **R.** Et omnes iniquitátes meas dele. **V.** Cor mundum crea in me, Deus. **R.** Et spíritum rectum innova in viscéribus meis. **V.** Ne projicias me a fácie tua. **R.** Et spíritum sanctum tuum ne áuferas a me. **V.** Redde mihi lætítiam salutáris tui. **R.** Et spíritu principáli confírma me. **V.** Eripe me, Dómine, ab hómine malo. **R.** A viro iníquo éripe me. **V.** Eripe me de inimícis meis, Deus meus. **R.** Et ab insurgéntibus in me libera me. **V.** Eripe me de operántibus iniquitátem. **R.** Et de viris sánguinem salva me. **V.** Sic psalmum dicam nómini tuo in sáculum sáculi. **R.** Ut reddam vota

mea de die in diem. *V.* Exáudi nos, Deus, salutaris noster. *R.* Spes omnium finium terræ, et in mari longe. *V.* Deus, in adiutorium meum inténde. *R.* Dómine, ad adjuvandum me festína. *V.* Sanctus Deus, Sanctus fortis, Sanctus immortalis. *R.* Miserere nobis. *V.* Bénedic, ánima mea, Dómino. *R.* Et ómnia, quæ intra me sunt, nómini sancto ejus. *V.* Bénedic, ánima mea, Dómino. *R.* Et noli oblivisci omnes retributiónes ejus. *V.* Qui propitiátur ómnibus iniquitatibus tuis. *R.* Qui sanat omnes infirmitates tuas. *V.* Qui rédimit de intéritu vitam tuam. *R.* Qui coronat te in misericórdia et miseratióibus. *V.* Qui replet in bonis desidérium tuum. *R.* Renovábitur ut áquilæjuvéntustua. *V.* Adiutorium nostrum in nómine Dómini. *R.* Qui fecit cælum et terram.

Deinde Hebdomadarius facit Confessionem :

Confíteor Deo omnipoténti, beátæ Mariæ semper Vírgini, beáto Michaéli Archángelo, beáto Joánni Baptístæ, sanctis Apóstolis Petro et Paulo, ómnibus Sanctis, et vobis, fratres, quia peccávi nimis cogitatióne, verbo et ópere : mea culpa, mea

culpa, mea máxima culpa. Ideoprecor beátam Mariam semper Vírginem, beátum Michaélem Archángelum, beátum Joánnem Baptístam, sanctos Apóstolos Petrum et Paulum, omnes Sanctos, et vos, fratres, oráre pro me ad Dóminum, Deum nostrum.

Chorus respondet :

Misereátur tui omnipotens Deus, et, dimissis peccátis tuis, perdúcat te ad vitam ætérnam.

R. Amen.

Deinde repetit Confessionem, et ubi dicitur : vobis, fratres, et vos, fratres, dicat : tibi, pater, et te, pater.

Facta Confessione a Choro, Hebdomadarius dicit :

Misereátur vestri omnipotens Deus, et, dimissis peccátis vestris, perdúcat vos ad vitam ætérnam. *R.* Amen.

Indulgéntiam, absolutiõem, et remissiõem peccatórum nostrórum tríbuat nobis omnipotens et miséricors Dóminus.

R. Amen.

Extra Chorum, si unus vel duo tantum recitent Officium, et in Choro Monialium, semel tantum ac simul ab omnibus ita fit Confessio :

Confíteor Deo omnipoténti, beátæ Mariæ semper Vírgini, beáto Michaéli Archángelo, beáto

Joánni Baptístæ, sanctis Apóstolis Petro et Paulo, et ómnibus Sanctis, quia peccávi nimis cogitatíone, verbo et ópere : mea culpa, mea culpa, mea máxima culpa. Ideo precor beátam Mariám semper Vírginem, beátum Michaélem Arch-ángelum, beátum Joánnem Baptístam, sanctos Apóstolos Petrum et Paulum, et omnes Sanctos, oráre pro me ad Dóminum, Deum nostrum.

Deinde dicitur :

Misereátur nostri omnípotens Deus, et, dimíssis peccátis nostris, perdúcat nos ad vitam ætérnam. Amen.

Indulgéntiam, absolutiónem, et remissionem peccatórum nostrórum tribuat nobis omnípotens et miséricors Dóminus. Amen.

Facta Absolutione, subjungitur :

℣. Dignáre, Dómine, die isto. ℟. Sine peccáto nos custodíre. ℣. Miserére nostri, Dómine. ℟. Miserére nostri. ℣. Fiat misericórdia tua, Dómine, super nos. ℟. Quemádmódum sperávimus in te. ℣. Dómine, exáudi oratiónem meam. ℟. Et clamor meus ad te véniat.

Absolutis Precibus, vel, si Preces locum non habeant,

post Responsorium breve statim dicitur :

℣. Dóminus vobíscum.

℟. Et cum spíritu tuo.

Orémus.

Oratio

Domine, Deus omnípotens, qui ad princípium hujus diéi nos pervenire fecísti : tua nos hódie salva virtúte; ut in hac die ad nullum declinémus peccátum, sed semper ad tuam justítiam faciéndam nostra procédant elóquia, dirigántur cogitatíones et ópera. Per Dóminum.

℟. Amen.

℣. Dóminus vobíscum.

℟. Et cum spíritu tuo.

℣. Benedicámus Dómino.

℟. Deo grátias.

Deinde in Choro legitur Martyrologium, quod laudabiliter fit etiam extra Chorum. Postea Hebdomadarius dicit :

℣. Pretiósá in conspéctu Dómini. ℟. Mors Sanctórum ejus.

Et absolute, sine Orémus :

Oratio

Sancta María, et omnes Sancti intercédant pro nobis ad Dóminum, ut nos mereámur ab eo adjuvári et salvári, qui vivit et regnat in sǽcula sǽculórum. ℟. Amen.

℣. Deus, in adjutórium meum inténde. ℟. Dómine, ad adjuvándum me fe-

stina. Et dicitur ter; ultimo additur : Glória Patri, et Fílio, et Spirítui Sancto. Sicut erat in princípío, et nunc, et semper, et in sæcula sæculórum. Amen.

Kýrie, eléison. Christe, eléison. Kýrie, eléison.

Pater noster **secreto usque ad** V. Et ne nos indúcas in tentatióem. R. Sed libera nos a malo.

V. Réspice in servos tuos, Dómine, et in ópera tua, et dirige filios eórum.

R. Et sit splendor Dómini, Dei nostri, super nos, et ópera mánuum nostrárum dirige super nos, et opus mánuum nostrárum dirige.

V. Glória Patri, et Fílio, et Spirítui Sancto. R. Sicut erat in princípío, et nunc, et semper, et in sæcula sæculórum. Amen.

Orémus.

Oratio

Dirigere et sanctificáre, régere et gubernáre dignáre, Dómine Deus, Rex cæli et terræ, hódie corda et córpora nostra, sensus, sermónes et actus nostros in lege tua, et in opéribus mandatórum tuórum : ut hic, et in ætérnum, te auxiliánte, salvi et líberi esse mereámur, Salvátor mundi : Qui vivis et regnas in sæcula sæculórum. R. Amen.

Deinde dicitur **Lectio brevis, ad absolutionem Capi-**

tuli, prouti Officium occurrens requirit.

V. Jube, domne, benedicere. **Bened.** Dies et actus nostros in sua pace dispónat Dóminus omnipotens.

R. Amen.

In Officio
dominicali et feriali

A Feria II usque ad Feriam IV post Festum sanctissimæ Trinitatis, et a Sabbato post Octavam Sacratissimi Cordis Jesu et deinceps.

Lectio brevis

2 Thess. 3, 5

Dominus autem dirigat corda et córpora nostra in caritáte Dei, et paciéntia Christi. Tu autem, Dómine, miserére nobis.

R. Deo grátias.

¶ Ita semper concluduntur Lectiones breves ad Primam, et ita in earum fine respondetur.

In Officio autem cujuslibet Festi vel Octavæ, atque S. Mariæ in Sabbato; itemque in Dominicis infra Octavas Ssmi Corporis Christi ac Sacrat. Cordis Jesu, si de eis fiat Officium :

Pro Lectione brevi sumitur Capitulum, quod ad Nonam ponitur ipsius Officii currentis, et in fine dicitur : Tu autem, Dómine, ut supra.

Post Lectionem brevem dicitur :

V. Adjutórium nostrum in nómine Dómini. R. Qui fecit cælum et terram.

℣. Benedícite. ℟. Deus.

Bened. Dóminus nos benedícat, et ab omni malo deféndat, et ad vitam perducát ætérnam. Et fidélium ánimæ per misericórdiam Dei requiéscent in pace. ℟. Amen.

Deinde dicitur tantum Pater noster secreto, nisi sequatur alia Hora.

Ad Tertiam

Pater noster **et Ave.**

℣. Deus, in adjutórium.

Hymnus

Nunc, Sancte, nobis,
Spíritus,
Unum Patri cum Fílio,
Dignáre promptus ingeri
Nostro refúsus péctori.

Os, lingua, mens, sensus,
vigor,
Confessiónem pèrsonent,
Flamméscat igne cáritas,
Accéndat ardor próximos.

Præsta, Pater piíssime,
Patrique compar Unice,
Cum Spíritu Paráclito
Regnans per omne sæcu-
lum. Amen.

Expleto Hymno, conveniens dicitur Antiphona usque ad Asteriscum *, et tres Psalmi, prouti Officium occurrens requirit; atque Psalmis absolutis, integra repetitur Antiphona.

In Officio dominicali

In omnibus Dominicis, extra Octavas Ssmi Corporis Chri-

sti ac Sacrat. Cordis Jesu, Añã ut in Psalterio, et dicitur sequens

Capitulum 1 Joann. 4, 16

Deus cáritas est : et qui manet in caritáte, in Deo manet, et Deus in eo.

℟. **br.** Inclína cor meum, Deus, * In testimoniá tua. Inclína. ℣. Avérte óculos meos, ne vídeant vanitátem : in via tua vivífica me.

In testimoniá tua. **Glória Patri.** Inclína. ℣. Ego dixi : Dómine, miserére mei.

℟. Sana ánimam meam, quia peccávi tibi.

In Officio feriali

In omnibus Feriis, Antiphona de Feria currenti, ut in Psalterio; et dicitur quotidie sequens

Capitulum Jer. 17, 14

Sana me, Dómine, et sanabor : salvum me fac, et salvus ero : quóniam laus mea tu es.

℟. **br.** Sana ánimam meam, * Quia peccávi tibi. Sana. ℣. Ego dixi : Dómine, miserére mei. Quia. **Glória Patri.** Sana.

℣. Adjutor meus esto, ne derelinquas me. ℟. Neque despicias me, Deus, salutaris meus.

Expleto Responsorio brevi, si Preces non fuerint recitandæ, statim dicitur Versus Dóminus vobíscum cum Oratione et reliquis omnibus usque ad finem Horæ, ut infra.

Quando vero ad Laudes recitatae sunt **Praeces**, post **Responsorium** breve dicuntur sequentes flexis genibus :

Kyrie, eléison. Christe, eléison. Kyrie, eléison.

Pater noster **secreto** usque ad **℣**. Et ne nos inducas in tentationem. **℟**. Sed libera nos a malo. **℣**. Domine, Deus virtutum, converte nos. **℟**. Et ostende faciem tuam, et salvi erimus. **℣**. Exsurge, Christe, adjuva nos. **℟**. Et libera nos propter nomen tuum. **℣**. Domine, exaudi orationem meam. **℟**. Et clamor meus ad te veniat.

Absolutis Precibus, vel, si **Praeces** locum non habeant, post **Responsorium** breve statim dicitur :

℣. Dominus vobiscum.

℟. Et cum spiritu tuo.

Orémus.

Et dicitur **Oratio** conveniens.

Post **Orationem** additur :

℣. Dominus vobiscum.

℟. Et cum spiritu tuo.

℣. Benedicamus Domino.

℟. Deo grátias.

℣. Fidelium animae per misericordiam Dei requiescant in pace. **℟**. Amen.

Deinde dicitur tantum Pater noster **secreto**, nisi sequatur alia Hora.

Ad Sextam

Pater noster et Ave.

℣. Deus, in adiutorium.

Hymnus

Rector potens, verax
Deus,
Qui temperas rerum vices,
Splendore mane illuminas,
Et ignibus meridiem :

Exstingue flammam litium,
Aufer calorem noxium,
Confer salutem corporum,
Veramque pacem cordium.

Præsta, Pater piissime,
Patrique compar Unice,
Cum Spiritu Paráclito
Regnans per omne sæculum.
Amen.

Expleto Hymno, conveniens dicitur **Antiphona** usque ad **Asteriscum** *, et tres **Psalmi** prouti **Officium** occurrens requirit; atque, **Psalmis** absolutis, integra repetitur **Antiphona**.

In Officio dominicali

In omnibus **Dominicis**, extra **Octavas Ssmi Corporis Christi** ac **Sacrat. Cordis Jesu**, Añā ut in **Psalterio**, et dicitur sequens

Capitulum Gal. 6, 2

Alter alterius onera portate, et sic adimplēbitis legem Christi.

℟. br. In ætérnum, Domine, * Pérmānet verbum tuum. In ætérnum. **℣**. In sæculum sæculi veritas

tua. Pérmanet. Glória Patri. In ætérnum.

℣. Dóminus regit me, et nihil mihi déerit. ℟. In loco páscuæ ibi me collocávit.

In Officio feriali

In omnibus Feriis, Antiphona de Feria currenti, ut in Psalterio; et dicitur quotidie sequens

Capitulum Rom. 13, 8

Nemini quidquam debeat, nisi ut invicem diligátis : qui enim diligit próximum, legem implévit.

℟. br. Benedícam Dóminum * In omni témpore. Benedícam. ℣. Semper laus ejus in ore meo. In. Glória Patri. Benedícam.

℣. Dóminus regit me, et nihil mihi déerit. ℟. In loco páscuæ ibi me collocávit.

Expleto Responsorio brevi, si Preces non fuerint recitandæ, statim dicitur Versus Dóminus vobíscum cum Oratione et reliquis omnibus usque ad finem Horæ, ut infra.

Quando vero ad Laudes recitatæ sunt Preces, post Responsorium breve dicuntur sequentes flexis genibus :

Kyrie, eléison. Christe, eléison. Kýrie, eléison.

Pater noster secreto usque ad ℣. Et ne nos indúcas in tentatióem. ℟. Sed libera nos a malo. ℣. Dó-

mine, Deus virtútum, converté nos. ℟. Et osténde faciém tuam, et salvi érimus. ℣. Exsúrge, Christe, ádjuva nos. ℟. Et libera nos propter nomen tuum. ℣. Dómine, exáudi oratióem meam. ℟. Et clamor meus ad te véniat.

Absolutis Precibus, vel, si Preces locum non habeant, post Responsorium breve statim dicitur :

℣. Dóminus vobíscum.

℟. Et cum spíritu tuo.

Orémus.

Et dicitur Oratio conveniens.

Post Orationem additur :

℣. Dóminus vobíscum.

℟. Et cum spíritu tuo.

℣. Benedicámus Dómino.

℟. Deo grátias.

℣. Fidélium animæ per misericórdiam Dei requiescant in pace. ℟. Amen.

Deinde dicitur tantum Pater noster secreto, nisi sequatur alia Hora.

Ad Nonam

Pater noster et Ave.

℣. Deus, in adjutórium.

Hymnus

Rerum, Deus, tenax vigor,
Immótus in te pérmanens,
Lucis diúrnæ témpora
Succéssibus detérminans :

Largíre lumen vésperē,
Quo vita nusquam décidat,
Sed præmíum mortis sa-
cræ

Perénis instet glória.

Præsta, Pater piíssime,
Patrique compar Unice,
Cum Spírítu Paráclito
Regnans per omne sæcu-
lum. Amen.

Expleto Hymno, conveniens
dicitur Antiphona usque ad
Asteriscum *, et tres Psalmi,
prouti Officium occurrens re-
quirit; atque, Psalmis abso-
lutis, integra repetitur Anti-
phona.

In Officio dominicali

In omnibus Dominicis, extra
Octavas Ssmi Corporis Chri-
sti ac Sacrat. Cordis Jesu,
Añā ut in Psalterio, et dici-
tur sequens

Capitulum 1 Cor. 6, 20

EMpti enim estis pretio
magno. Glorificáte et
portáte Deum in corpore
vestro.

℟. br. Clamávi in toto
corde meo : * Exáudi me,
Dómine. Clamávi. ℣. Ju-
stificatiónes tuas requí-
ram. Exáudi. Glória Patri.
Clamávi. ℣. Ab occúltis
meis munda me, Dómine.
℟. Et ab aliénis parce
servo tuo.

In Officio feriali

In omnibus Feriis, Anti-
phona de Feria currenti, ut in
Psalterio; et dicitur quotidie
sequens

Capitulum 1 Petr. 1, 17-19

IN timóre incolátus ve-
stri témpore conversá-
mini : sciéntes quod non
corruptibílibus auro vel
argénto redémpti estis, sed
pretiósó sáanguine quasi
Agni immaculáti Christi.

℟. br. Rédime me, Dó-
mine, * Et miserére mei.
Rédime. ℣. Pes enim meus
stetit in via recta. Et.
Glória Patri. Rédime.

℣. Ab occúltis meis mun-
da me, Dómine. ℟. Et ab
aliénis parce servo tuo.

Expleto Responsorio brevi,
si Preces non fuerint recitan-
dæ, statim dicitur Versus Dó-
minus vobíscum cum Ora-
tione et reliquis omnibus
usque ad finem Horæ, ut
infra.

Quando vero ad Laudes
recitatae sunt Preces, post
Responsorium breve dicun-
tur sequentes flexis genibus :

KYrie, eléison. Christe,
eléison. Kýrie, eléison.

Pater noster **secreto us-
que ad ℣.** Et ne nos indú-
cas in tentatióem. ℟. Sed
libera nos a malo. ℣. Dó-
mine, Deus virtútum, con-
vértē nos. ℟. Et osténde
faciem tuam, et salvi éri-
mus. ℣. Exsúrge, Christe,
áduva nos. ℟. Et libera
nos propter nomen tuum.
℣. Dómine, exáudi oratió-
nem meam. ℟. Et clamor
meus ad te véniat.

Absolutis Precibus, vel, si Preces locum non habeant, post Responsorium breve statim dicitur :

℣. Dóminus vobíscum.

℟. Et cum spíritu tuo.

Orémus.

Et dicitur Oratio conveniens.

Post Orationem additur :

℣. Dóminus vobíscum.

℟. Et cum spíritu tuo.

℣. Benedicámus Dómino.

℟. Deo grátias.

℣. Fidélium ánimæ per misericórdiam Dei requiescant in pace.

℟. Amen.

Deinde dicitur tantum Pater noster secreto, nisi sequatur alia Hora.

Ad Vesperas

Pater noster et Ave.

℣. Deus, in adjutórium.

Deinde, sub congruentibus Antiphonis, dicuntur quinque Psalmi, prouti Officium occurrens requirit.

Repetita vero post ultimum Psalmum Antiphona, dicuntur Capitulum, Hymnus et Versus, prouti Officium occurrens exigit.

In Officio dominicali

In omnibus Dominicis, extra Octavas Ssmi Corporis Christi ac Sacrat. Cordis Jesu. Capitulum, Hymnus et Versus ad I Vesperas e Sabbato, ad II Vesperas e Dominica, ut in Psalterio.

In Officio feriali

In omnibus Feriis, Capitulum, Hymnus et Versus de Feria currenti, ut in Psalterio.

Recitato Versu, dicitur cum Antiphona convenienti sequens

Canticum B. Mariæ Virg.

Luc. 1, 46-55

Magnificat * † ánima mea Dóminum :

Et exultávit spíritus meus * in Deo, salutári meo.

Quia respéxit humilitátem ancillæ suæ : * ecce enim, ex hoc beátam me dicent omnes generatiónes.

Quia fecit mihi magna qui potens est : * et sanctum nomen ejus.

Et misericórdia ejus a progénie in progénies * timéntibus eum.

Fecit poténtiam in bráchio suo : * dispérsit superbos mente cordis sui.

Depósuit poténtes de sede, * et exaltávit húmiles.

Esuriéntes implévit bonis : * et dívites dimísit inánes.

Suscépit Israël, púerum suum, * recordátus misericórdiæ suæ.

Sicut locútus est ad patres nostros, * Abraham, et sémini ejus in sácula.

Glória Patri.

Expleto Cantico ac repetita Antiphona, statim dicitur :

℣. Dóminus vobíscum.

℟. Et cum spíritu tuo.

Orémus.

Et dicitur Oratio conveniens.

Postea fiunt Commemorationes, si occurrant.

Deinde, in Officio semiduplici aut simplici tam de Tempore quam de Sanctis, præter omnes dies, in quibus habita sit Commemoratio Duplicis, etiam concurrentis, vel factum fuerit Officium aut Commemoratio cujusvis Octavæ, fit sequens

Suffragium de omnibus Sanctis

Ant. Beáta Dei Génitrix Virgo María, Sanctique omnes intercédant pro nobis ad Dóminum.

℣. Mirificávit Dóminus Sanctos suos. ℟. Et exaudivit eos clamántes ad se.

Orémus.

Oratio

A Cunctis nos, quæsumus, Dómine, mentis et córporis defénde periculis : et, intercedénte beáta et gloriósa semper Vírgine Dei Genitríce María, cum beáto Joseph, beátis Apóstolis tuis Petro et Paulo, atque beáto **N.** et ómnibus Sanctis, salútem nobis tribue benígnus et pacem; ut, destrúctis adversitátibus et erróribus univérsis, Ecclesia tua secúra tibi sérviat libertáte. Per eúmdem Dóminum. ℟. Amen.

¶ In hac Oratione, ad litteram **N.**, exprimitur nomen Titularis propriæ Ecclesiæ, dummodo Titulus non sit

Persona divina vel Mysteriorum Domini, aut de ipso ratione Festi factum non fuerit Officium vel Commemoratio, aut illius nomen non sit in eadem Suffragii Oratione expressum; ac nomina sanctorum Angelorum et sancti Joannis Baptistæ, si Titulares fuerint, præponuntur nomini sancti Joseph. In hisce autem omnibus casibus omittuntur verba atque beáto **N.**

Si vero Officium vel Commemoratio fuerit de beata Maria Virgine, tunc dicitur ut infra; atque insuper, sicubi Titularis juxta superiorem Rubricam ante omnes fuerit nominandus, ad Orationem particula cum omittitur ante nomen sanctorum Petri et Pauli ac præponitur nomini sancti Joseph.

Ant. Sancti omnes intercédant pro nobis ad Dóminum.

℣. Mirificávit Dóminus Sanctos suos. ℟. Et exaudivit eos clamántes ad se.

Orémus.

Oratio

A Cunctis nos, quæsumus, Dómine, mentis et córporis defénde periculis : et, intercedénte beáto Joseph, cum beátis Apóstolis tuis Petro et Paulo, atque beáto **N.** et ómnibus Sanctis, salútem nobis tribue benígnus et pacem; ut, destrúctis adversitátibus et erróribus univérsis, Ecclesia tua secúra tibi sérviat libertáte. Per Dóminum.

Post ultimam Orationem additur :

℣. Dóminus vobíscum.

℟. Et cum spíritu tuo.

℣. Benedicámus Dómino.

℟. Deo grátias.

℣. Fidélium ánimæ per misericórdiam Dei requiescant in pace. ℟. Amen.

Si post Vesperas immediate sequatur Completorium, dicto Versu Fidélium ánimæ, statim incipitur Versus Jube, domne, benedícere, ut infra ad Completorium; secus autem, si tunc terminetur Officium, dicitur tantum Pater noster secreto.

Ad Completorium

Ante Completorium non dicitur Pater noster et Ave María, sicut in aliis Horis, sed absolute Lector incipit :

℣. Jube, domne, benedícere. Bened. Noctem quiétam, et finem perféctum concédât nobis Dóminus omnípotens. ℟. Amen.

Lectio brevis

1 Petr. 5, 8-9

FRatres : Sóbrii estóte, et vigiláte : quia adversárius vester diábolus tamquam leo rúgiens circuit, quærens quem dévoret : cui resístite fortes in fide. Tu autem, Dómine, miserére nobis.

℟. Deo grátias.

℣. Adjutórium nostrum in nómine Dómini. ℟. Qui fecit cælum et terram.

Pater noster, quod dicitur totum secreto.

Deinde Hebdomadarius facit Confessionem :

Confiteor Deo omnipoténti, beátæ Mariæ semper Virgini, beáto Michaéli Archángelo, beáto Joánni Baptístæ, sanctis Apóstolis Petro et Paulo, ómnibus Sanctis, et vobis, fratres, quia peccávi nimis cogitatíone, verbo et ópere : mea culpa, mea culpa, mea máxima culpa. Ideo precor beátam Mariám semper Virginem, beátum Michaélem Archángelum, beátum Joánnem Baptístam, sanctos Apóstolos Petrum et Paulum, omnes Sanctos, et vos, fratres, oráre pro me ad Dóminum, Deum nostrum.

Chorus respondet :

Misereátur tui omnípotens Deus, et, dimíssis peccátis tuis, perducát te ad vitam æternam. ℟. Amen.

Deinde repetit Confessionem, et ubi dicitur : vobis, fratres, et vos, fratres, dicat : tibi, pater, et te, pater.

Facta Confessione a Choro Hebdomadarius dicit :

Misereátur vestri omnípotens Deus, et, dimíssis peccátis vestris,

perducát vos ad vitam ætérnam. *℟.* Amen.

Indulgéntiam, absoluti-
onem, et remissionem
peccatórum nostrórum trí-
buat nobis omnípotens et
miséricors Dóminus.

℟. Amen.

*Extra Chorum, si unus vel
duo tantum recitent Officium,
et in Choro Monialium, semel
tantum ac simul ab omnibus
ita fit Confessio :*

Confíteor Deo omnipo-
ténti, beátæ Mariæ
semper Vírgini, beáto Mi-
chaéli Archángelo, beáto
Joánni Baptístæ, sanctis
Apóstolis Petro et Paulo,
et ómnibus Sanctis, quia
peccávi nimis cogitatióne,
verbo et ópere : mea culpa,
mea culpa, mea máxima
culpa. Ideo precor beátam
Mariám semper Vírginem,
beátum Michaélem Arch-
ángelum, beátum Joánnem
Baptístam, sanctos Apó-
stolos Petrum et Paulum,
et omnes Sanctos, oráre
pro me ad Dóminum,
Deum nostrum.

Deinde dicitur :

Misereátur nostri om-
nípotens Deus, et,
dimíssis peccátis nostris,
perducát nos ad vitam
ætérnam. Amen.

Indulgéntiam, absoluti-
onem, et remissionem
peccatórum nostrórum trí-
buat nobis omnípotens

et miséricors Dóminus.
Amen.

Facta Absolutione, dicitur :

℟. Convérte nos, Deus,
salutáris noster. *℟.* Et
avérte iram tuam a nobis.

℟. Deus, in adjutórium.

*Deinde, inchoata conve-
nienti Antiphona, dicuntur
tres Psalmi, prouti Officium
occurrere requirit.*

*Repetita integre post ulti-
mum Psalmum Antiphona,
dicitur sequens*

Hymnus

TE lucis ante términum,
Rerum Créator, pósci-
mus,

Ut pro tua cleméntia
Sis præsul et custódia.

Procul recédant sómnia,
Et nóctium phantásmata;
Hostémque nostrum cóm-
prime,
Ne polluéantur córpora.

Præsta, Pater piíssime,
Patrique compar Unice,
Cum Spíritu Paráclito
Regnans per omne sæcu-
lum. Amen.

*Absolute Hymno, dicitur
sequens Capitulum et Re-
sponsorium breve :*

Capitulum Jer. 14, 9

TU autem in nobis es,
Dómine, et nomen san-
ctum tuum invocátum est
super nos : ne derelinquas
nos, Dómine, Deus noster.

℟. br. In manus tuas,
Dómine, * Comméndo spí-

ritum meum. In manus tuas, Dómine, comméndo spíritum meum. *℣.* Redemísti nos, Dómine, Deus veritátis. Comméndo spíritum meum. Glória Patri, et Fílio, et Spíritui Sancto. In manus tuas, Dómine, comméndo spíritum meum.

℣. Custódi nos, Dómine, ut pupíllam óculi. *℟.* Sub umbra alárum tuárum prótege nos.

Postea ad Canticum dicitur sequens

Ant. Salva nos.

Canticum Simeonis

Luc. 2, 29-32

Nunc dimíttis servum tuum, Dómine, * secúndum verbum tuum in pace :

Quia vidérunt óculi mei * salutáre tuum.

Quod parásti * ante fáciem ómnium populórum,

Lumen ad revelatiónem géntium, * et glóriam plebis tuæ Israël.

Glória Patri.

Ant. Salva nos, Dómine, vigilátes, custódi nos dormiéntes; ut vigilémus cum Christo, et requiescámus in pace.

Deinde, si Preces non fuerint recitandæ, statim dicitur Versus Dóminus vobíscum cum subsequenti Oratione et reliquis omnibus usque ad finem Completorii, ut infra.

In quolibet Officio semiduplici, in Officio sanctæ Mariæ in Sabbato, in Festis simplicibus, atque in Feriis per Annum communibus, post repetitam ad Nunc dimittis Antiphonam dicuntur sequentes Preces, quæ tamen omittuntur omnibus diebus, in quibus ad Vesperas habita sit Commemoratio Duplicis, vel factum fuerit Officium aut Commemoratio cujusvis Octavæ.

KYrie, eléison. Christe, eléison. Kýrie, eléison.

Pater noster secreto usque ad *℣.* Et ne nos indúcas in tentatióem. *℟.* Sed libera nos a malo.

Credo in Deum secreto usque ad *℣.* Carnis resurrecciónem. *℟.* Vitam æternam. Amen.

℣. Benedictus es, Dómine, Deus patrum nostrórum. *℟.* Et laudábilis et gloriósus in sácula. *℣.* Benedicámus Patrem et Fílium cum Sancto Spíritu.

℟. Laudémus, et superexaltémus eum in sácula.

℣. Benedictus es, Dómine, in firmaménto cæli. *℟.* Et laudábilis, et gloriósus, et superexaltátus in sácula.

℣. Benedícat et custódiat nos omnipotens et miséricors Dóminus. *℟.* Amen.

℣. Dignáre, Dómine, nocte ista. *℟.* Sine peccáto nos custodíre. *℣.* Miserére nostri, Dómine. *℟.* Miserére nostri. *℣.* Fiat misericór-

dia tua, Dómine, super nos. *℟.* Quemádmódum sperávimus in te. *℣.* Dómine, exáudi oratióem meam. *℟.* Et clamor meus ad te véniat.

Absolutis Precibus, vel, si Preces locum non habeant, repetita Antiphona post Nunc dimittis, statim dicitur :

℣. Dóminus vobíscum.

℟. Et cum spíritu tuo.

Orémus. Oratio

Visita, quæsumus, Dómine, habitatióem istam, et omnes insídias inimíci ab ea longe repélle : Angeli tui sancti hábitent in ea, qui nos in pace custódiunt; et benedictio tua sit super nos semper. Per Dóminum nostrum. *℟.* Amen.

Post Orationem additur

℣. Dóminus vobíscum.

℟. Et cum spíritu tuo.

℣. Benedicámus Dómino.

℟. Deo grátias.

Benedictio Benedícat et custódiat nos omnípotens et miséricors Dóminus, Pater, et Fílius, et Spíritus Sanctus. *℟.* Amen.

*Et non dicitur Versus Fidé-
lium ánimæ, sed immediate
subjungitur finalis beatæ Ma-
riæ Virginis Antiphona, quæ
infra assignatur.*

Postea subjungitur :

℣. Divínium auxílium máneat semper nobíscum.

℟. Amen.

*Deinde dicitur secreto Pa-
ter noster, Ave María et
Credo.*

*Si post Completorium im-
mediate sequatur Matutinum,
tunc bis dicitur Pater noster,
Ave María et Credo, pro fine
videlicet Officii diei præce-
dentis, et pro initio Officii
diei sequentis.*

Post singulas Horas

In fine Laudum, vel, si post Laudes immediate subsequatur alia Hora, in fine ultimæ Horæ, sicuti et semper in fine Completorii, quamvis immediate sequatur Matutinum diei sequentis, tam in publica quam in privata divini Officii recitatione; atque in publica insuper recitatione post alias quascumque Horas, si tunc terminetur Officium et discedatur a Choro, dicitur se-

quens Antiphona finalis beatæ Mariæ Virginis.

I Post Laudes ac ceteras Horas, præter Completorium, dicto Versu Fidélium ánimæ et Oratione Dominica secreto recitata, subjungitur :

℣. Dóminus det nobis suam pacem. *℟.* Et vitam ætérnam. Amen.

*Atque statim dicitur Anti-
phona finalis, ut infra.*

II Post Completorium vero, recitata Benedictione Benedicat et custodiat nos, immediate jungitur Antiphona finalis, ut infra.

Antiphona finalis
beatæ Mariæ Virginis

A I Vesperis Festi sanctissimæ Trinitatis et deinceps :

Antiphona

Salve, Regína, mater misericórdiæ; vita, dulcédo et spes nostra, salve. Ad te clamámus éxsules filii Hevæ. Ad te suspirámus geméntes et flentes in hac lacrimárum valle. Eja ergo, advocáta nostra, illos tuos misericórdes óculos ad nos converte. Et Jesum, benedíctum fructum ventris tui, nobis post hoc exsílum osténde. O clemens, o pia, o dulcis Virgo María.

℟. Ora pro nobis, sancta Dei Génitrix. ℞. Ut digni efficiámur promissionibus Christi.

Orémus.

Oratio

O Mnípotens sempitérne Deus, qui gloriósæ Virginis Matris Mariæ corpus et ánimam, ut dignum Fílii tui habitáculum éffici mererétur, Spíritu Sancto cooperánte, præparásti : da, ut, cujus commemoratione lætámur; ejus pia intercessióne, ab instántibus malis, et a morte perpétua liberémur. Per eúdem Christum, Dóminum nostrum. ℞. Amen.

Absoluta vero Antiphona finali cum suis Versu et Oratione, concluditur :

℟. Divínium auxílium máneat semper nobíscum. ℞. Amen.

Post divinum Officium

Cum expletum fuerit Officium, laudabiliter dicitur sequens Oratio; pro qua Summus Pontifex Pius Papa XI sub die 1 Decembris 1933 indulgentiam trium annorum concessit. Præterea Clericis in sacris constitutis et Sacerdotibus eam devote post Officium recitantibus Summus Pontifex Leo X defectus et culpas in eo persolvendo ex humana fragilitate con-

tractas, indulisit. Dicitur autem flexis semper genibus in privata etiam recitatione, præter quam ab iis, qui ob certam infirmitatem vel gravioris impedimenti causam nequeant genuflectere.

Oratio

Sacrosánctæ et indivíduæ Trinitáti, crucifíxi Dómini nostri Jesu Christi humanitáti, bea-

tíssimæ et gloriosíssimæ
sempérque Vírginis Ma-
riæ fecúndæ integritáti,
et ómnium Sanctórum uni-
versitáti sit sempitérna
laus, honor, virtus et gló-
ria ab omni creatúra,
nobisque remíssio óm-
nium peccatórum, per in-

finíta sácula sæculórum.

℟. Amen.

℣. Beáta víscera Mariæ
Vírginis, quæ portavérunt
ætérni Patris Fílium. ℟. Et
beáta úbera, quæ lactavé-
runt Christum Dóminum.

Et dicitur secreto Pater no-
ster et Ave María.





Psalterium Breviarii Romani

PER OMNES AC SINGULOS HEBDOMADÆ DIES
DISPOSITUM

DOMINICA

AD MATUTINUM

Pater, Ave **et** Credo.

✠. Dómine, lábia mea.

✠. Deus, in adjutórium.

Glória Patri. Sicut erat.
Allelúja.

*In Dominica IV et reliquis
Dominicis post Pentecosten
occurrentibus dicitur :*

Invitat. Dóminum, qui
fecit nos, * Veníte, adoré-
mus. **Ps. 94** Veníte.

Hymnus

Nocte surgéntes vigilé-
mus omnes,
Semper in psalmis medité-
mur, atque

Voce concórdi Dómino ca-
námus

Dúlciter hymnos.

Ut pio Regi páriter canén-
tes,

Cum suis Sanctis mereá-
mur aulam

Ingredi cæli, simul et per-
énnem

Dúcere vitam.

Præstet hoc nobis Déitas
beáta

Patris, ac Nati, paritérque
Sancti

Spíritus, cujus résonat per
omnem

Glória mundum.

Amen.

In I Nocturno

Ant. Beátus vir. †

¶ Et non repetitur in Psalmo; quod semper fit, quando Antiphona incipit a primis Psalmi vel Cantici verbis. Et Psalmus vel Canticum tunc incipitur ab eo verbo, ante quod vel inchoata vel integra desinit Antiphona; si tamen eadem sint verba, et continetur Antiphona cum Psalmo vel Cantico, neque addatur in fine ipsius Antiphonæ Allelúja.

Antiphonæ autem cum Psalms et Versibus assignatæ, adhibentur semper, extra Octavas Ssmi Corporis Christi et Sacrat. Cordis Jesu, quando fit Officium de Dominica.

¶ Asteriscus *, in Psalmorum versibus et in aliis Officii partibus insertus, denotat pausam cantus et recitationis in Choro; præter quam in Antiphonis, in quibus nempe significat tum præintonationem Antiphonæ, tum Antiphonam ipsam ante Psalmum seu Canticum eousque producendam esse ad omnes et singulas Horas in Officio ritus semiduplicis ac simplicis, atque ad Horas tantum minores in Officio ritus duplicis.

Psalmus 1



Beátus vir, † qui non abiit in consilio impiórum, et in via peccatórum non stetit, * et in cáthedra pestiléntiæ non sedit :

Sed in lege Dómini voluntas ejus, * et in lege ejus meditábitur die ac nocte.

Et erit tamquam lignum, quod plantátum est secus decúrsus aquárum, * quod fructum suum dabit in témpore suo :

Et fólium ejus non defluet : * et ómnia quæcúmque fáciat, prosperabúntur.

Non sic ímpii, non sic : * sed tamquam pulvis, quem prójicit ventus a fácie terræ.

Ideo non resúrgent ímpii in iudício : * neque peccatóres in concílio justórum.

Quóniam novit Dóminus viam justórum : * et iter impiórum peribit.

Glória Patri, et Fílio, * et Spirítui Sancto.

Sicut erat in princípio, et nunc, et semper, * et in sæcula sæculórum. Amen.

¶ Hic versus Glória Patri semper dicitur in fine omnium Psalmorum et Canticorum, nisi aliter notetur.

Ant. Beátus vir, qui in lege Dómini meditátur.

Ant. Servíte Dómino.

Psalmus 2

Quare fremuérunt gentes, * et pópuli meditati sunt inánia?

Astitérunt reges terræ, et príncipes convenérunt in unum * advérsus Dó-

minum, et advérsus Christum ejus.

Dirumpámus víncula eórum : * et projiciámus a nobis jugum ipsórum.

Qui hábitat in cælis, irridébit eos : * et Dóminus subsannábit eos.

Tunc loquétur ad eos in ira sua, * et in furóre suo conturbábit eos.

Ego autem constitútus sum Rex ab eo super Sion montem sanctum ejus, * prædicans præcéptum ejus.

Dóminus dixit ad me : * Fílius meus es tu, ego hódie génui te.

Póstula a me, et dabo tibi gentes hereditátem tuam, * et possесси́onem tuam términos terræ.

Reges eos in virga férrea, * et tamquam vas fíguli confringes eos.

Et nunc, reges, intelligite : * erudímini, qui judicátis terram.

Servíte Dómino in timóre : * et exsultáte ei cum tremóre.

Apprehéndite disciplinam, nequándo irascátur Dóminus, * et pereátis de via justa.

Cum exárserit in brevi ira ejus, * beáti omnes qui confidunt in eo.

Ant. Servíte Dómino in timóre : et exsultáte ei cum tremóre.

Ant. Exsúrge.

Psalmus 3

Domine, quid multiplicáti sunt qui tríbulant me? * multi insúrgunt advérsus me.

Multi dicunt ánimæ meæ : * Non est salus ipsi in Deo ejus.

Tu autem, Dómine, suscep̃tor meus es, * glória mea, et exáltans caput meum.

Voce mea ad Dóminum clamávi : * et exaudivit me de monte sancto suo.

Ego dormívi, et soporátus sum : * et exsurrexi, quia Dóminus suscep̃it me.

Non timébo míllia pópuli circumdántis me : * exsúrge, Dómine, salvum me fac, Deus meus.

Quóniam tu percussísti omnes adversátes mihi sine causa : * dentes peccatórum contrivísti.

Dómini est salus : * et super pópulum tuum benedíctio tua.

Ant. Exsúrge, Dómine, salvum me fac, Deus meus.

V. Memor fui nocte nóminis tui, Dómine. **R.** Et custodívi legem tuam.

Absol. Exáudi, Dómine.

Bened. 1 Benedicţióne perpétua. **2** Unigénitus Dei Fílius. **3** Spíritus Sancti grátia.

In II Nocturno

Ant. Quam admirá-
bile.

Psalmus 8

Domine, Dóminus noster, * quam admirábile est nomen tuum in univérſa terra!

Quóniam eleváta est magnificéntia tua, * super cælos.

Ex ore infántium et lacténtium perfecísti laudem propter inimícos tuos, * ut déstruas inimícum et ultórem.

Quóniam vidébo cælos tuos, ópera digitórum tuórum : * lunam et stellas, quæ tu fundásti.

Quid est homo, quod memór es ejus? * aut filius hóminis, quóniam vísitas eum?

Minuísti eum paulo minús ab Angelis, glória et honóre coronásti eum : * et constituísti eum super ópera mánuum tuárum.

Omnia subjecísti sub pedibus ejus, * oves et boves univérſas : insuper et pécora campi.

Vólucres cæli, et pisces maris, * qui perámbulant sémitas maris.

Dómine, Dóminus noster, * quam admirábile est nomen tuum in univérſa terra!

Ant. Quam admirábile est nomen tuum, Dómine, in univérſa terra!

Ant. Sedísti super thronum.

Psalmus 9, i

Confítebor tibi, Dómine, in toto corde meo : * narrábo ómnia mirabilia tua.

Lætábor et exsultábo in te : * psallam nómini tuo, Altíssime,

In converténdo inimícum meum retrórsum : * infirmabúntur, et períbunt a fácie tua.

Quóniam fecísti iudícium meum et causam meam : * sedísti super thronum, qui júdicas justítiam.

Increpásti gentes, et périit impius : * nomen eórum delésti in ætérnum, et in sáculum sáculi.

Inimíci defecérunt frámeæ in finem : * et civitátes eórum destruxísti.

Périit memória eórum cum sónitu : * et Dóminus in ætérnum pérmanet.

Parávit in iudicio thronum suum : * et ipse iudicábit orbem terræ in æquitáte, iudicábit pópulos in justítia.

Et factus est Dóminus refúgium páuperi : * adjútor in opportunitátibus, in tribulatióne.

Et sperent in te qui novérunt nomen tuum : * quóniam non dereliquísti quæréntes te, Dómine.

Ant. Sedísti super thronum, qui júdicas justítiam.

Ant. Exsúrge, Dómine.

Psalmus 9, ii

Psállite Dómino, qui hábitat in Sion : * annuntiáte inter gentes stúdia ejus :

Quóniam requírens sán-
guinem eórum recordátus
est : * non est oblítus cla-
mórem páuperum.

Miserére mei, Dómine : *
vide humilitátem meam
de inimícis meis.

Qui exáltas me de portis
mortis, * ut annúntiem
omnes laudatiónes tuas in
portis filiæ Sion.

Exsultábo in salutári
tuo : * infíxæ sunt gentes
in intéritu, quem fecérunt.

In láqueo isto, quem abs-
condérunt, * comprehén-
sus est pes eórum.

Cognoscétur Dóminus ju-
dícia fáciens : * in opéri-
bus mánuum suárum com-
prehénsus est peccátor.

Convertántur peccatóres
in inférnum, * omnes
gentes quæ obliviscúntur
Deum.

Quóniam non in finem
oblívio erit páuperis : *
patiéntia páuperum non
períbit in finem.

Exsúrge, Dómine, non
confortétur homo : * judi-
céntur gentes in conspé-
ctu tuo.

Constítue, Dómine, legis-
latórem super eos : * ut
sciant gentes quóniam hó-
mines sunt.

Ant. Exsúrge, Dómine,
non præváleat homo.

℟. Média nocte surgé-
bam ad confiténdum tibi.

℟. Super judícia justifica-
tiónis tuæ.

Absol. Ipsíus píetas et.

Bened. 4 Deus Pater omni-
potens. 5 Christus perpétuæ.
6 Ignem sui amóris.

In III Nocturno

Ant. Ut quid, Dómine. †

Psalmus 9, iii

T quid, Dómine, †
recessísti longe, *
déspicis in oppor-
tunitátibus, in tribula-
tiónē?

Dum supérbit impius, in-
cénditur pauper : * com-
prehendúntur in consíliis
quibus cógitant.

Quóniam laudátur peccá-
tor in desidériis ánimæ
suæ : * et iníquus benedi-
citur.

Exacerbávit Dóminum
peccátor, * secúndum mul-
títúdinem iræ suæ non
quæret.

Non est Deus in conspé-
ctu ejus : * inquinátæ sunt
viæ illíus in omni témpo-
re.

Auferúntur judícia tua a
fácie ejus : * ómnium ini-
micórum suórum dominá-
bitur.

Dixit enim in corde suo : *
Non movébora generatióne
in generatióne sine malo.

Cujus maledictiōe os plenum est, et amaritudīne, et dolo : * sub lingua ejus labor et dolor.

Sedet in insidiis cum divitibus in occultis, * ut interficiat innocentem.

Oculi ejus in páuperem respiciunt : * insidiátur in abscondito, quasi leo in spelunca sua.

Insidiátur ut rápiat páuperem : * rápere páuperem, dum átrahit eum.

In láqueo suo humiliábit eum : * inclinábit se, et cadet, cum dominátus fuerit páuperum.

Dixit enim in corde suo : Oblitus est Deus, * avértit fáciem suam ne vídeat in finem.

Ant. Ut quid, Dómine, recessísti longe?

Ant. Exsúrge. †

Psalmus 9, iv

EXsúrge, † Dómine Deus, exaltétur manus tua : * ne obliviscáris páuperum.

Propter quid irritávit impius Deum? * dixit enim in corde suo : Non requíret.

Vides quóniam tu labórem et dolórem considerras : * ut tradas eos in manus tuas.

Tibi derelictus est pauper : * órphano tu eris adjutor.

Cóntere bráchium peccatóris et maligni : * quæré-

tur peccátum illius, et non inveniétur.

Dóminus regnábit in ætérnum, et in sáculum sáculi : * peribitis, gentes, de terra illius.

Desidérium páuperum exaudivit Dóminus : * præparatióem cordis eórum audivit auris tua.

Judicáre pupíllo et húmili, * ut non appónat ultra magnificáre se homo super terram.

Ant. Exsúrge, Dómine Deus, exaltétur manus tua.

Ant. Justus Dóminus.

Psalmus 10

IN Dómino confido : quómo modo dicitis ánimæ meæ : * Trásmigra in montem sicut passer?

Quóniam ecce peccatóres intendérunt arcum, paravérunt sagíttas suas in pháretra, * ut sagíttent in obscúro rectos corde.

Quóniam quæ perfecísti, destruxérunt : * justus autem quid fecit?

Dóminus in templo sancto suo, * Dóminus in cælo sedes ejus :

Oculi ejus in páuperem respiciunt : * pálpebræ ejus intérogant filios hóminum.

Dóminus intérogat justum et ímpium : * qui autem diligit iniquitátem, odit ánimam suam.

Pluet super peccatores láqueos : * ignis, et sulphur, et spiritus procelarum pars cálicis eorum.

Quóniam justus Dóminus, et justitias diléxit : * æquitatem vidit vultus ejus.

Ant. Justus Dóminus, et justitiam diléxit.

℟. Prævenérunt óculi mei ad te dilúculo. **℞.** Ut meditárer elóquia tua, Dómine.

Absolutio A vñculis.

Bened. 7 Evangélica lécio. **8** Divínium auxílium. **9** Ad societátem cívium.

AD LAUDES

(Pater noster **et** Ave).

℟. Deus, in adjutórium.

Ant. Allelúja.

¶ *Añæ cum Psalmis assignatæ adhibentur semper, extra Octavas Ssmi Corporis Christi ac Sacrat. Cordis Jesu, quando fit Officium de Dominica.*

Psalmus 92 1



Ominus regnávít, decórem indútus est : * indútus est Dóminus fortitúdinem, et præcínxit se.

Etenim firmávit orbem terræ, * qui non commovébitur.

Paráta sedes tua ex tunc : * a sæculo tu es.

Elevavérunt flúmina, Dómine : * elevavérunt flúmina vocem suam.

Elevavérunt flúmina fluctus suos, * a vóci bus aquárum multárum.

Mirábiles elatiónes maris : * mirábilis in altis Dóminus.

Testimónia tua credibília facta sunt nimis : * domum tuam decet sanctitúdo, Dómine, in longitúdinem diérum.

Ant. Allelúja, Dóminus regnávít, decórem índuit, allelúja, allelúja.

Ant. Jubiláte. †

Psalmus 99 2

Jubiláte † Deo, omnis terra : * servíte Dómino in lætítia.

Introíte in conspéctu ejus, * in exsultatióne.

Scitóte quóniam Dóminus ipse est Deus : * ipse fecit nos, et non ipsi nos.

Pópulus ejus, et oves páscuæ ejus : * introíte portas ejus in confessióne, átria ejus in hymnis : confitémini illi.

Laudáte nomen ejus : quóniam suávis est Dóminus, in ætérnum misericórdia ejus, * et usque in generatióne et generatióne vèritas ejus.

Ant. Jubiláte Deo, omnis terra, allelúja.

Ant. Benedícam te.

Psalmus 62 3

DEus, Deus meus, * ad te de luce vígilo.

Sitívit in te ánima mea, * quam multipliciter tibi caro mea.

In terra desérta, et invía, et inaquósa : * sic in sancto appáruí tibi, ut vidérem virtútem tuam, et glóriam tuam.

Quóniam mélior est misericórdia tua super vitas : * lábia mea laudábunt te.

Sic benedícam te in vita mea : * et in nómine tuo levábo manus meas.

Sicut ádipe et pinguédine repleátur ánima mea : * et lábiis exsultatiónis laudábit os meum.

Si memor fui tui super stratum meum, in matutínis meditábor in te : * quia fuísti adjútor meus.

Et in velaménto alárum tuárum exsultábo, adhæsit ánima mea post te : * me suscepit dextera tua.

Ipsi vero in vanum quæsiérunt ánimam meam, introíbunt in inferióra terræ : * tradéntur in manus gládií, partes vúlpium erunt.

Rex vero lætábitur in Deo, laudabúntur omnes qui jurant in eo : * quia obstrúctum est os loquéntium iníqua.

Ant. Benedícam te in vita mea, Dómine : et in

nómine tuo levábo manus meas, allelúja.

Ant. Tres púeri.

Canticum
trium Puerorum 4

Dan. 57-88 et 56

Benedícite, ómnia ópera Dómini, Dómino : * laudáte et superexaltáte eum in sácula.

Benedícite, Angeli Dómini, Dómino : * benedícite, cæli, Dómino.

Benedícite, aquæ omnes, quæ super cælos sunt, Dómino : * benedícite, omnes virtútes Dómini, Dómino.

Benedícite, sol et luna, Dómino : * benedícite, stellæ cæli, Dómino.

Benedícite, omnis imber et ros, Dómino : * benedícite, omnes spíritus Dei, Dómino.

Benedícite, ignis et æstus, Dómino : * benedícite, frigus et æstus, Dómino.

Benedícite, rores et pruina, Dómino : * benedícite, gelu et frigus, Dómino.

Benedícite, glácies et nives, Dómino : * benedícite, noctes et dies, Dómino.

Benedícite, lux et ténebræ, Dómino : * benedícite, fúlgura et nubes, Dómino.

Benedícat terra Dóminum : * laudet et superexáltet eum in sácula.

Benedícite, montes et colles, Dómino : * benedícite, univérſa germinántia in terra, Dómino.

Benedícite, fontes, Dómino : * benedícite, mária et flúmina, Dómino.

Benedícite, cete, et ómnia, quæ movéntur in aquis, Dómino : * benedícite, omnes vólucres cæli, Dómino.

Benedícite, omnes béstiæ et pécora, Dómino : * benedícite, filii hóminum, Dómino.

Benedícat Israël Dóminum : * laudet et superexáltet eum in sǎcula.

Benedícite, sacerdótes Dómini, Dómino : * benedícite, servi Dómini, Dómino.

Benedícite, spíritus, et ánimæ justórum, Dómino : * benedícite, sancti, et húmiles corde, Dómino.

Benedícite, Ananía, Azaría, Mísaël, Dómino : * laudáte et superexaltáte eum in sǎcula.

Benedicámus Patrem et Fílium cum Sancto Spíritu : * laudémus et superexaltémus eum in sǎcula.

Benedíctus es, Dómine, in firmaménto cæli : * et laudábilis, et gloriósus, et superexaltátus in sǎcula.

¶ **Hic non dicitur** Glória Patri, **neque** Amen.

Ant. Tres púeri jussu regis in fornácem missi

sunt, non timéntes flammam ignis, dicéntes : Benedíctus Deus, allelúja.

Ant. Allelúja.

Psalmus 148 5

Laudáte Dóminum de cælis : * laudáte eum in excélsis.

Laudáte eum, omnes Angeli ejus : * laudáte eum, omnes virtútes ejus.

Laudáte eum, sol et luna : * laudáte eum, omnes stellæ et lumen.

Laudáte eum, cæli cælórum : * et aquæ omnes, quæ super cælos sunt, laudent nomen Dómini.

Quia ipse dixit, et facta sunt : * ipse mandávit, et creáta sunt.

Státuit ea in ætérnum, et in sǎculum sǎculi : * præcéptum pósuit, et non præteríbit.

Laudáte Dóminum de terra, * dracónes, et omnes abyssi.

Ignis, grando, nix, glacies, spíritus procellárum : * quæ faciunt verbum ejus :

Montes, et omnes colles : * ligna fructífera, et omnes cedri.

Béstiæ, et univérſa pécora : * serpéntes, et vólucres pennátæ :

Reges terræ, et omnes pópuli : * príncipes, et omnes júdices terræ.

Júvenes, et vírgines : senes cum junióribus laudent nomen Dómini : * quia exaltátum est nomen ejus solíus.

Conféssio ejus super cælum et terram : * et exaltávit cornu pópuli sui.

Hymnus ómnibus sanctis ejus : * filiis Israëł, pópulo appropinquánti sibi.

Ant. Allelúja, laudáte Dóminum de cælis, allelúja, allelúja.

In omnibus Dominicis extra Octavas Ssmi Corporis Christi ac Sacratissimi Cordis Jesu, dicitur :

Capitulum Apoc. 7, 12

Benedíctio, et cláritas, et sapiéntia, et gratiárum áctio, honor, virtus, et fortitúdo Deo nostro in sæcula sæculórum. Amen.

℟. Deo grátias.

In Dominica IV et reliquis Dominicis post Pentecosten occurrentibus, dicitur

Hymnus

ECce, jam noctis tenuátur umbra,
Lux et auróræ rútilans corúscat :
Súpplīces rerum Dóminum canóra

Voce precémur :

Ut reos culpæ miserátus omnem

Pellat angórem, tríbuat salútem,

Donet et nobis bona sempiternæ

Múnera pacis.

Præstet hoc nobis Déitas beáta

Patris, ac Nati, paritérque Sancti

Spiritus, cujus résonat per omnem

Glória mundum.

Amen.

℣. Dóminus regnávit, decórem índuit. **℟.** Índuit Dóminus fortitúdinem, et præcínxit se virtúte.

Ad Benedictus Antiphona ut in Proprio de Tempore.

Canticum Zachariæ

Luc. 1, 68-79

Benedíctus † Dóminus, Deus Israëł, * quia visitávit, et fecit redemptiónem plebis suæ :

Et eréxit cornu salútis nobis : * in domo David, púeri sui.

Sicut locútus est per os sanctórum, * qui a sæculo sunt, prophetárum ejus :

Salútem ex inimícis nostris, * et de manu ómnium, qui odérunt nos :

Ad faciéndam misericórdiam cum pátribus nostris : * et memorári testaménti sui sancti.

Jusjurándum, quod jurávit ad Abraham, patrem nostrum, * datúrum se nobis :

Ut sine timóre, de manu inimicórum nostrórum liberáti, * serviámus illi.

In sanctitáte, et justítia coram ipso, * ómnibus diébus nostris.

Et tu, puer, Prophéta Altíssimi vocáberis : * præíbis enim ante fáciem Dómini paráre vias ejus :

Ad dandam sciéntiam salútis plebi ejus : * in remissionem peccatórum eórum :

Per víscera misericórdiæ Dei nostri : * in quibus visitávit nos, óriens ex alto :

Illumináre his, qui in ténebris, et in umbra mortis sedent : * ad dirigéndos pedes nostros in viam pacis.

Oratio conveniens.

Reliqua ut in Ordinario. 11

¶ *Psalmi cum Cantico de Dominica superius apposití dicuntur etiam, sub Antiphonis Officio diei congruentibus, in Dominicis infra Octavas Ssmi Corporis Christi ac Sacrat. Cordis Jesu, in Duplicibus I vel II classis, in Festis novem Lectionum Domini, B. Mariæ Virginis, Angelorum, S. Joannis Baptistæ, S. Joseph, Apostolorum, Evangelistarum et per Octavas privilegiatas; itemque in quolibet Festo novem Lectionum proprias Antiphonas ad Laudes habenti, quando de eis persolvitur Officium.*

AD PRIMAM

Pater, Ave **et** Credo.

℟. Deus, in adjutórium.

Hymnus

JAM lucis orto sídere,
Deum precémur súp-
plices,

Ut in diúrnis áctibus
Nos servet a nocéntibus.

Linguam refrénans tém-
peret,

Ne litis horror insonet :
Visum fovéndo cóntegat,
Ne vanitátes háuríat.

Sint pura cordis íntima,
Absístat et vecórdia :
Carnis terat supérbiam
Potus cibíque párcitas.

Ut, cum dies abscésserit
Noctémque sors redúxerit,
Mundi per abstinentiam
Ipsi canámus glóriam.

* Deo Patri sit glória,
Ejúsque soli Fílio,
Cum Spíritu Paráclito,
Nunc et per omne sáecu-
lum. Amen.

Ant. Allelúja.

¶ *Añã cum Psalmis, ad Horas minores assignata, adhibetur semper, extra Octavas Ssmi Corporis Christi ac Sacrat. Cordis Jesu, quando fit Officium de qualibet Dominica minori.*

Psalmus 117



Onfitémini Dómino
quóniam bonus : *
quóniam in sáecu-
lum misericórdia ejus.

Dicat nunc Israël quóniam bonus : * quóniam in sǽculum misericórdia ejus.

Dicat nunc domus Aaron : * quóniam in sǽculum misericórdia ejus.

Dicant nunc qui timent Dóminum : * quóniam in sǽculum misericórdia ejus.

De tribulatióne invocávi Dóminum : * et exaudivit me in latitúdine Dóminus.

Dóminus mihi adjutor : * non timébo quid fáciat mihi homo.

Dóminus mihi adjutor : * et ego despíciam inimícos meos.

Bonum est confídere in Dómino, * quam confídere in hómīne :

Bonum est speráre in Dómino, * quam speráre in princípibus.

Omnes gentes circuiérunt me : * et in nómine Dómini quia ultus sum in eos.

Circumdántes circumdédérunt me : * et in nómine Dómini quia ultus sum in eos.

Circumdedérunt me sicut apes, et exarsérunt sicut ignis in spinis : * et in nómine Dómini quia ultus sum in eos.

Impúlsus evérsus sum ut cáderem : * et Dóminus suscepit me.

Fortitúdo mea, et laus

mea Dóminus : * et factus est mihi in salútem.

Vox exsultatiónis, et salútis * in tabernáculis justórum.

Déxtera Dómini fecit virtútem : déxtera Dómini exaltávit me, * déxtera Dómini fecit virtútem.

Non móriar, sed vivam : * et narrábo ópera Dómini.

Castígans castigávit me Dóminus : * et morti non trádidit me.

Aperíte mihi portas justítiæ, ingrèssus in eas confitébor Dómino : * hæc porta Dómini, justī intrábunt in eam.

Confitébor tibi quóniam exaudivisti me : * et factus es mihi in salútem.

Lápidem, quem reprobarérunt ædificántes : * hic factus est in caput ánguli.

A Dómino factum est istud : * et est mirábile in óculis nostris.

Hæc est dies, quam fecit Dóminus : * exsultémus, et lætémur in ea.

O Dómine, salvum me fac, o Dómine, bene prosperáre : * benedíctus qui venit in nómine Dómini.

Benedíximus vobis de domo Dómini : * Deus Dóminus, et illúxit nobis.

Constitúite diem solém-nem in condénsis, * usque ad cornu altáris.

Deus meus es tu, et confitébor tibi : * Deus meus es tu, et exaltábo te.

Confitébor tibi quóniam exaudísti me : * et factus es mihi in salútem.

Confitémini Dómino quóniam bonus : * quóniam in sæculum misericórdia ejus.

¶ In Dominicis infra Octavas Ssmi Corporis Christi ac Sacrat. Cordis Jesu, in Duplicibus I vel II classis, in Festis novem Lectionum Domini, B. Mariæ Virginis, Angelorum, S. Joannis Baptistæ, S. Joseph, Apostolorum, Evangelistarum, et per Octavas privilegiatas : si de eis fiat Officium, ad Primam, Tertiam, Sextam et Nonam dicuntur Psalmi de Dominica, sub Antiphonis Officio diei congruentibus, nisi aliter suo loco notetur; sed ad Primam, loco Psalmi 117 Confitémini, in ipsa etiam die Dominica semper dicitur

Psalmus 53

DEus, in nómine tuo saluum me fac : * et in virtúte tua júdica me.

Deus, exáudi oratiómem meam : * áuribus pèrcipe verba oris mei.

Quóniam aliéni insurrexérunt advérsus me, et fortes quæsiérunt ánimam meam : * et non proposuerunt Deum ante conspéctum suum.

Ecce enim, Deus ádjuvat

me : * et Dóminus suscēptor est ánimæ meæ.

Avérte mala inimícis meis : * et in veritáte tua dispérde illos.

Voluntárie sacrificábo tibi, * et confitébor nómini tuo, Dómine : quóniam bonum est :

Quóniam ex omni tribulatione eripuísti me : * et super inimícos meos despéxit óculus meus.

Psalmus 118, i

BEáti immaculáti in via : * qui ámbulant in lege Dómini.

Beáti, qui scrutántur testimónia ejus : * in toto corde exquírunt eum.

Non enim qui operántur iniquitátem, * in viis ejus ambulavérunt.

Tu mandásti * mandáta tua custodíri nimis.

Utinam dirigántur viæ meæ, * ad custodiédas justificatiónes tuas!

Tunc non confúndar, * cum perspéxero in ómnibus mandátis tuis.

Confitébor tibi in directiône cordis : * in eo quod didici judícia justítiæ tuæ.

Justificatiónes tuas custódiam : * non me derelínquas usquequáque.

In quo córrigit adole-scéntior viam suam? * in custodiéndo sermónes tuos.

In toto corde meo exquisivi te : * ne repellas me a mandátis tuis.

In corde meo abscondi eloquia tua : * ut non peccem tibi.

Benedíctus es, Dómine : * doce me justificatiónes tuas.

In lábiis meis, * pronuntiávi ómnia iudícia oris tui.

In via testimoniórum tuórum delectátus sum, * sicut in ómnibus divítiis.

In mandátis tuis exercébor : * et considerábo vias tuas.

In justificatióibus tuis meditábor : * non obliviscar sermónes tuos.

Psalmus 118, ii

Retríbue servo tuo, vivifica me : * et custodiam sermónes tuos.

Revéla óculos meos : * et considerábo mirabilia de lege tua.

Incola ego sum in terra : * non abscondas a me mandáta tua.

Concupívit ánima mea desideráre justificatiónes tuas, * in omni témpore.

Incepásti superbos : * maledícti qui declínant a mandátis tuis.

Aufer a me oppróbrium, et contéptum : * quia testimónia tua exquisivi.

Etenim sedérunt príncipes, et advérsus me loquebántur : * servus au-

tem tuus exercebátur in justificatióibus tuis.

Nam et testimónia tua meditatio mea est : * et consílium meum justificatiónes tuæ.

Adhæsit paviménto ánima mea : * vivifica me secúndum verbum tuum.

Vias meas enuntiávi, et exaudísti me : * doce me justificatiónes tuas.

Viam justificatiónum tuárum ínstrue me : * et exercébor in mirabílibus tuis.

Dormitávit ánima mea præ tædio : * confírma me in verbis tuis.

Viam iniquitátis ámove a me : * et de lege tua miserére mei.

Viam veritátis elégi : * iudícia tua nòn sum oblítus.

Adhæsi testimoniis tuis, Dómine : * noli me confúndere.

Viam mandatórum tuórum cucúrri, * cum dilatásti cor meum.

¶ **Si Athanasianum Symbolum omittatur, expletis Psalmis præcedentibus, statim dicitur Antiphona, ut infra. 45**

Sequens Symbolum dicitur in Dominicis post Pentecosten, quando fit Officium de Dominica ut in Psalterio, neque ulla Commemoratio Officii duplicis vel Octavæ recurrit, et in Festo sanctissimæ Trinitatis.

Symbolum Athanasianum

Quicumque vult salvus esse, * ante ómnia opus est, ut téneat cathólicam fidem :

Quam nisi quisque íntegram inviolatámque serváverit, * absque dúbio in ætérnum peribit.

Fides autem cathólica hæc est : * ut unum Deum in Trinitáte, et Trinitátem in unitáte venerémur.

Neque confundéntes persónas, * neque substántiam separántes.

Alia est enim persóna Patris, ália Fílii, * ália Spíritus Sancti :

Sed Patris, et Fílii, et Spíritus Sancti una est divinitas, * æquális glória, coætérna majéstas.

Qualis Pater, talis Fílius, * talis Spíritus Sanctus.

Incréátus Pater, increátus Fílius, * increátus Spíritus Sanctus.

Imménsus Pater, imménsus Fílius, * imménsus Spíritus Sanctus.

Ætérnus Pater, ætérnus Fílius, * ætérnus Spíritus Sanctus.

Et tamen non tres ætérni, * sed unus ætérnus.

Sicut non tres increáti, nec tres imménsi, * sed unus increátus, et unus imménsus.

Simíliter omnípotens Pater, omnípotens Fílius, * omnípotens Spíritus Sanctus.

Et tamen non tres omnípoténtes, * sed unus omnípotens.

Ita Deus Pater, Deus Fílius, * Deus Spíritus Sanctus.

Et tamen non tres Dii, * sed unus est Deus.

Ita Dóminus Pater, Dóminus Fílius, * Dóminus Spíritus Sanctus.

Et tamen non tres Dómini, * sed unus est Dóminus.

Quia, sicut singillátim unamquámque persónam Deum ac Dóminum confitéri christiána veritáte compéllimur : * ita tres Deos aut Dóminos dicere cathólica religióne prohibémur.

Pater a nullo est factus : * nec créatus, nec génitus.

Fílius a Patre solo est : * non factus, nec créatus, sed génitus.

Spíritus Sanctus a Patre et Fílio : * non factus, nec créatus, nec génitus, sed procédens.

Unus ergo Pater, non tres Patres : unus Fílius, non tres Fílii : * unus Spíritus Sanctus, non tres Spíritus Sancti.

Et in hac Trinitáte nihil prius aut postérius, nihil majus aut minus : * sed

totæ tres personæ co-
æternæ sibi sunt et co-
æquales.

Ita ut per omnia, sicut
jam supra dictum est, * et
únitas in Trinitate, et Trí-
nitas in unitate veneranda
sit.

Qui vult ergo salvus
esse, * ita de Trinitate
séntiat.

Sed necessarium est ad
ætérnam salutem, * ut In-
carnationem quoque Dó-
mini nostri Jesu Christi
fidéliter credat.

Est ergo fides recta, ut
credamus et confiteámur, *
quia Dóminus noster Jesus
Christus, Dei Fílius, Deus
et homo est.

Deus est ex substántia
Patris ante sæcula géni-
tus : * et homo est ex sub-
stántia matris in sæculo
natus.

Perfèctus Deus, perfè-
ctus homo : * ex ánima
rationáli et humana carne
subsistens.

Æquális Patri secúndum
divinitatem : * minor Patre
secúndum humanitatem.

Qui, licet Deus sit et ho-
mo, * non duo tamen, sed
unus est Christus.

Unus autem non conver-
sione divinitatis in car-
nem, * sed assumptiône
humanitatis in Deum.

Unus omnino, non con-
fusiône substántiæ, * sed
unitate persónæ.

Nam sicut ánima ratio-
nális et caro unus est ho-
mo : * ita Deus et homo
unus est Christus.

Qui passus est pro salute
nostra : descendit ad infe-
ros : * tértia die resurrexit
a mórtuis.

Ascendit ad cælos, sedet
ad dexteram Dei Patris
omnipoténtis : * inde ven-
turus est judicare vivos et
mórtuos.

Ad cujus advéntum om-
nes hómines resúrgere ha-
bent cum corpóribus suis : *
et reddituri sunt de factis
própriis rationem.

Et qui bona egérunt,
ibunt in vitam ætérnam : *
qui vero mala, in ignem
ætérnum.

Hæc est fides cathólica, *
quam nisi quisque fidéliter
firmiterque crediderit, sal-
vus esse non póterit.

Glória Patri.

*Expleto Symbolo, vel, si hoc
non habeat locum, Psalmis
absolutis, statim dicitur An-
tiphona.*

Ant. Allelúja, confitémi-
ni Dómino quóniam in sæ-
culum misericórdia ejus,
allelúja, allelúja.

Capitulum 1 Tim. 1, 17

REgi sæculórum immor-
táli et invisibili, soli
Deo honor et glória in sæ-
cula sæculórum. Amen.

℟. br. Christe, Fili Dei
vivi, * Miserere nobis.

Christe. *℣.* *Qui sedes ad dexteram Patris.* Miserere nobis. *Gloria Patri.* Christe. *℣.* Exsurge, Christe, adjuva nos. *℟.* Et libera nos propter nomen tuum.

Praees (si dicendae sint)

KYrie, eléison. Christe, eléison. KYrie, eléison.

Pater noster *secreto usque ad* *℣.* Et ne nos inducas in tentationem. *℟.* Sed libera nos a malo.

Credo in Deum *secreto usque ad* *℣.* Carnis resurrectionem. *℟.* Vitam aeternam. Amen. *℣.* Et ego ad te, Dómine, clamavi. *℟.* Et mane oratio mea praevéniet te. *℣.* Repleatur os meum laude. *℟.* Ut cantem glóriam tuam, tota die magnitudinem tuam. *℣.* Dómine, avérte faciém tuam a peccátis meis. *℟.* Et omnes iniquitates meas dele. *℣.* Cor mundum crea in me, Deus. *℟.* Et spíritum rectum innova in viscéribus meis. *℣.* Ne projicias me a fácie tua. *℟.* Et spíritum sanctum tuum ne áuferas a me. *℣.* Redde mihi lætítiam salutáris tui. *℟.* Et spíritu principáli confirma me. *℣.* Adjutórium nostrum in nómine Dómini. *℟.* Qui fecit cælum et terram.

Confíteor. Misereátur. Indulgéntiam.

℣. Dignáre, Dómine, die isto. *℟.* Sine peccáto nos custodíre. *℣.* Miserere nostri, Dómine. *℟.* Miserere nostri. *℣.* Fiat misericórdia tua, Dómine, super nos. *℟.* Quemádmódum sperávimus in te. *℣.* Dómine, exáudi oratióem meam. *℟.* Et clamor meus ad te véniat.

℣. Dóminus vobíscum.

Orémus.

Oratio

Domine, Deus omnípotens, qui ad princípium hujus diéi nos pervénire fecísti : tua nos hódie salva virtúte; ut in hac die ad nullum declinémus peccátum, sed semper ad tuam justítiam faciéndam nostra procédant elóquia, dirigántur cogitatiónes et ópera. Per Dóminum.

℟. Amen.

℣. Dóminus vobíscum.

℣. Benedicámus Dómino.

In Choro Martyrologium.

℣. Pretiósá in conspéctu Dómini. *℟.* Mors Sanctórum ejus.

Et absolute, sine Orémus :

Oratio

Sancta María, et omnes Sancti intercédant pro nobis ad Dóminum, ut nos mereámur ab eo adjuvári et salvári, qui vivit et regnat in sæcula sæculórum. *℟.* Amen.

℟. Deus, in adiutorium meum intende. ℟. Domine, ad adiuvandum me festina. Et dicitur ter, ultimo additur : Glória Patri. Sicut erat.

Kýrie, eléison. Christe, eléison. Kýrie, eléison.

Pater noster secreto usque ad ℟. Et ne nos inducas in tentationem. ℟. Sed libera nos a malo. ℟. Réspice in servos tuos, Domine, et in ópera tua, et dirige filios eorum. ℟. Et sit splendor Dómini, Dei nostri, super nos, et ópera mánuum nostrárum dirige super nos, et opus mánuum nostrárum dirige. ℟. Glória Patri. ℟. Sicut erat.

Orémus.

Oratio

Dirigere et sanctificáre, régere et gubernáre dignáre, Domine Deus, Rex cæli et terræ, hódie corda et cörpera nostra, sensus, sermónes et actus nostros in lege tua, et in opéribus mandatórum tuórum : ut hic, et in ætérnum, te auxiliánte, salvi et líberi esse mereámur, Salvátor mundi : Qui vivis et regnas in sácula sæculórum. ℟. Amen.

℟. Jube, domne.

Bened. Dies et actus nostros in sua pace dispónat Dóminus omnípotens.

℟. Amen.

In Officio dominicali

Dominus autem dirigat corda et cörpera nostra in caritaté Dei, et paténtia Christi. Tu autem.

E Proprio de Tempore

Ssmæ Trinitatis

Tres sunt, qui testimónium dant in cælo : Pater, Verbum et Spíritus Sanctus; et hi tres unum sunt.

Ssmi Corporis Christi

et per Octavam

Quicumque manducáverit panem hunc, vel bíberit cálicem Dómini indigne, reus erit cörperis et ságuinis Dómini.

D. inf. Oct. Corp. Christi

Filioli mei, non diligámus verbo neque lingua, sed ópere et veritaté.

Sacratissimi Cordis Jesu

et per Octavam

In caritaté radicáti et fundáti, ut possitis comprehendere cum ómnibus sanctis, quæ sit latitúdo et longitúdo, et sublimitas et profúndum; scire étiam supereminéntem sciéntiæ caritatém Christi, ut impleámini in omnem plenitúdinem Dei.

**Dom. infra Octavam
Sacratissimi Cordis Jesu**

DEus autem omnis grátiae, qui vocávit nos in ætérnam suam glóriam in Christo Jesu, módicum passos ipse perficiet, confirmábit solidabítque. Ipsi glória et impérium in sæcula sæculórum. Amen.

E Proprio Sanctorum

In Nativ. S. Joannis Bapt.

REges vidébunt, et consúrgent príncipes et adorábunt Dóminum Deum tuum et Sanctum Israël, qui elégit te.

Ss. Petri et Pauli App.

ET Petrus ad se revérsus dixit : Nunc scio vere, quia misit Dóminus Angelum suum, et erípuit me de manu Heródis et de omni exspectatióne plebis Judæórum.

In Com. S. Pauli Apostoli

EGO enim sum mínimus Apostolórum, qui non sum dignus vocári Apóstolus, quóniam persecútus sum Ecclésiám Dei. Grátia autem Dei sum id quod sum, et grátia ejus in me vácuá non fuit.

Pret. Sanguinis D. N. J. C.

Accípiens Móyses sanguinem vitulórum, et hircórum cum aqua et lana coccínea et hyssópo :

ipsum quoque librum, et omnem pópulum aspérsit, dicens : Hic sanguis Testaménti, quod mandávit ad vos Deus.

S. Petri ad Vincula

ET Petrus ad se revérsus dixit : Nunc scio vere, quia misit Dóminus Angelum suum, et erípuit me de manu Heródis et de omni exspectatióne plebis Judæórum. Tu.

**In Inventione S. Stephani
(si dicantur Ps. de Domin.)**

Positis autem génibus, clamávit voce magna, dicens : Dómine, ne státuas illis hoc peccátum. Et cum hoc dixísset, obdormívit in Dómino.

In Transfiguratione

Sustulit me in spíritu in montem magnum et altum, et osténdit mihi civitátem sanctam Jerúsalem, descendéntem de cælo a Deo, habéntem claritátem Dei; et lucérna ejus est Agnus.

S. Laurentii Mart.

Potens est autem Deus omnem grátiam abundáre fácere in vobis, ut, in ómnibus semper omnem sufficiéntiam habéntes, abundétis in omne opus bonum, sicut scriptum est : Dispérsit, dedit paupéri-

bus; justítia ejus manet in sæculum sæculi.

E Communi Sanctorum

Pro Apostolis

IBant Apóstoli gaudéntes a conspéctu concílii, quóniam digni hábiti sunt pro nómine Jesu contuméliam pati.

Pro Martyre

Iustus cor suum trádidit ad vigilándum dilúculo ad Dóminum, qui fecit illum, et in conspéctu Altíssimi deprecábitur.

Pro pluribus Martyribus

Fulgébunt justi, et tamquam scintillæ in arundineto discúrent. Judicábunt nátiónes, et dominabúntur pópulis : et regnabit Dóminus illórum in perpétuum.

Pro Conf. Pont.

Fungi sacerdótio, et habere laudem in nómine ipsíus, et offérre illi incensum dignum in odórem suavitátis.

Pro Conf. non Pont.

Iustum dedúxit Dóminus per vias rectas, et osténdit illi regnum Dei, et dedit illi sciéntiam sanctorum; honestávit illum in labóribus, et complévit labóres illíus.

Pro Virgine Martyre

Domine, Deus meus, exaltásti super terram habitatióem meam, et pro morte defluénte deprecáta sum. Invocávi Dóminum, Patrem Dómini mei, ut non derelínquat me in die tribulatiónis meæ, et in témpore superbórum sine adjutório.

Pro Virgine non Martyre

O quam pulchra est casta generatio cum claritate! immortalis est enim memória illíus : quóniam apud Deum nota est, et apud hómines.

Pro Martyre tantum

Laudábit usque ad mortem ánima mea Dóminum, quóniam éruis sustinéntes te, et liberas eos de manu angústiae, Dómine, Deus noster.

Pro nec Virg. nec Mart.

Multæ filiae congregavérunt divítias : tu supergréssa es univérsas. Fallax grátia, et vana est pulchritúdo : múlter timens Dóminum, ipsa laudábitur.

Pro Dedicatione Ecclesiæ

Et abstérget Deus omnem lácrimam ab óculis eórum : et mors ultra non erit, neque luctus, neque clamor, neque dolor

erit ultra, quia prima abié-
runt. Et dixit qui sedébat
in throno : Ecce, nova fá-
cio ómnia.

In Festis B. Mariæ V.

IN platéis sicut cinnamó-
mum et bálsamum aro-
matizans odórem dedi :
quasi myrrha elécta dedi
suavitátem odóris.

℣. Adjutórium nostrum
in nómine Dómini. **℟.** Qui
fecit cælum et terram.

℣. Benedícite. **℟.** Deus.

Benedictio Dóminus nos
benedícat, et ab omni malo
deféndat, et ad vitam per-
dúcat ætérnam. Et fidé-
lium ánimæ per misericór-
diam Dei requiéscant in
pace. **℟.** Amen.

Deinde dicitur tantum Pater
noster **secreto, nisi sequatur**
alia Hora.

AD TERTIAM

Pater **et** Ave.

℣. Deus, in adjutórium.

Hymnus

Nunc, Sancte, nobis,
Spíritus,
Unum Patri cum Fílio,
Dignáre promptus ingeri
Nostro refúsus péctori.

Os, lingua, mens, sensus,
vigor
Confessiónem pérsonent,
Flamméscat igne caritas,
Accéndat ardor próximos.

* **Præsta**, Pater piíssime,
Patrique compar Unice,
Cum Spíritu Paráclito
Regnans per omne sæcu-
lum. Amen.

Ant. Allelúja.

Psalmus 118, iii



Egem pone mihi,
Dómine, viam ju-
stificatiónum tuá-
rum : * et exquíram eam
semper.

Da mihi intelléctum, et
scrutábor legem tuam : *
et custódiám illam in toto
corde meo.

Deduc me in sémitam
mandatórum tuórum : *
quia ipsam vólui.

Inclína cor meum in te-
stimónia tua : * et non in
avarítiam.

Avérte óculos meos ne
videant vanitátem : * in
via tua vivífica me.

Státue servo tuo eló-
quium tuum, * in timóre
tuo.

Amputa oppróbrium me-
um quod suspicátus sum : *
quia judícia tua jucúnda.

Ecce, concupívi mandáta
tua : * in æquitáte tua
vivífica me.

Et véniat super me mise-
ricórdia tua, Dómine : *
salutáre tuum secúndum
elóquium tuum.

Et respondébo expro-
brántibus mihi verbum : *
quia sperávi in sermóni-
bus tuis.

Et ne áuferas de ore meo
verbum veritátis usque-
quáque : * quia in iudíciis
tuis supersperávi.

Et custódiam legem tuam
semper : * in sáeculum et
in sáeculum sáeculi.

Et ambulábam in latitú-
dine : * quia mandáta tua
exquisívi.

Et loquébar in testimoniis
tuis in conspéctu regum : *
et non confundébar.

Et meditábar in mandá-
tis tuis, * quæ diléxi.

Et levávi manus meas
ad mandáta tua, quæ di-
léxi : * et exercébar in ju-
stificatióibus tuis.

Psalmus 118, iv

Memor esto verbi tui
servo tuo, * in quo
mihi spem dedísti.

Hæc me consoláta est in
humilitáte mea : * quia
elóquium tuum vivificábit
me.

Supérbi iníque agébant
usquequáque : * a lege au-
tem tua non declinávi.

Memor fui iudiciórum
tuórum a sáeculo, Dómi-
ne : * et consolátus sum.

Deféctio ténuít me, * pro
peccatóribus derelinquén-
tibus legem tuam.

Cantábiles mihi erant ju-
stificatióes tuæ, * in loco
peregrinatióis meæ.

Memor fui nocte nóminis
tui, Dómine : * et custo-
dívi legem tuam.

Hæc facta est mihi : *
quia justificatióes tuas
exquisívi.

Pórtio mea, Dómine, *
dixi custodíre legem tuam.

Deprecátus sum fáciem
tuam in toto corde meo : *
miserére mei secúndum
elóquium tuum.

Cogitávi vias meas : * et
convérsti pedes meos in te-
stimónia tua.

Parátus sum, et non sum
turbátus : * ut custódiam
mandáta tua.

Funes peccatórum cir-
cumpléxi sunt me : * et le-
gem tuam non sum oblítus.

Média nocte surgébam ad
confiténdum tibi, * super
iudicia justificatióis tuæ.

Párticeps ego sum óm-
nium timéntium te : *
et custodiéntium mandáta
tua.

Misericórdia tua, Dómi-
ne, plena est terra : * ju-
stificatióes tuas doce me.

Psalmus 118, v

Bonitátem fecísti cum
servo tuo, Dómine, *
secúndum verbum tuum.

Bonitátem, et disciplí-
nam, et sciéntiam doce
me : * quia mandátis tuis
crédidi.

Priúsqvam humiliárer
ego delíqui : * proptérea
elóquium tuum custodívi.

Bonus es tu : * et in boni-
táte tua doce me justifica-
tióes tuas.

Multiplicáta est super me iniquitas superbórum : * ego autem in toto corde meo scrutábor mandáta tua.

Coagulátum est sicut lac cor eórum : * ego vero legem tuam meditátus sum.

Bonum mihi quia humiliásti me : * ut discam justificationes tuas.

Bonum mihi lex oris tui, * super míllia auri et argénti.

Manus tuæ fecerunt me, et plasmavérunt me : * da mihi intelléctum, et discam mandáta tua.

Qui timent te vidébunt me, et lætabúntur : * quia in verba tua supersperávi.

Cognóvi, Dómine, quia æquitas iudícia tua : * et in veritate tua humiliásti me.

Fiat misericórdia tua ut consolétur me, * secundum elóquium tuum servo tuo.

Véniant mihi miseratiónes tuæ, et vivam : * quia lex tua meditatio mea est.

Confundántur superbi, quia injúste iniquitatem fecerunt in me : * ego autem exercébor in mandátis tuis.

Convertántur mihi timéntes te : * et qui novérunt testimónia tua.

Fiat cor meum immaculátum in justificationibus tuis, * ut non confúndar.

Ant. Allelúja, deduc me, Dómine, in sémitam mandatórum tuórum, allelúja, allelúja.

Capitulum 1 Joann. 4, 16

Deus caritas est : et qui manet in caritate, in Deo manet, et Deus in eo.

℟. br. Inclína cor meum, Deus, * In testimónia tua.

Inclína. **℣.** Avérte óculos meos, ne vídeant vanitatem : in via tua vivífica me. In testimónia tua. **G**lória Patri. Inclína. **℣.** Ego dixi : Dómine, miserére mei. **℟.** Sana ánimam meam, quia peccávi tibi.

Oratio conveniens.

Reliqua ut in Ordinario. 18

AD SEXTAM

Pater noster **et** Ave.

℣. Deus, in adjutórium.

Hymnus

Rector potens, verax Deus,

Qui témperas rerum vices,
Splendóre mane illúminas,
Et ignibus merídiem :

Exstingue flammam litium,
Aufer calórem nóxium,
Confer salútem córporum,
Verámque pacem córdium.

* **P**ræsta, Pater piissime,
Pátrique compar Unice,
Cum Spíritu Paráclito
Regnans per omne sáculum.
Amen.

Ant. Allelúja.

Psalmus 118, vi



Efécit in salutáre tuum ánima mea : * et in verbum tuum supersperávi.

Defecérunt óculi mei in elóquium tuum, * dicéntes : Quando consoláberis me?

Quia factus sum sicut uter in pruína : * justificatiónes tuas non sum oblítus.

Quot sunt dies servi tui? * quando fácies de persecuéntibus me iudícium?

Narravérunt mihi iníqui fabulatiónes : * sed non ut lex tua.

Omnia mandáta tua véritas : * iníque persecúti sunt me, ádjuva me.

Paulo minus consummavérunt me in terra : * ego autem non derelíqui mandáta tua.

Secúndum misericórdiam tuam vivífica me : * et custódiám testimónia oris tui.

In ætérnum, Dómine, * verbum tuum pérmanet in cælo.

In generatióem et generatióem véritas tua : * fundásti terram, et pérmanet.

Ordinatióem tua perseverárat dies : * quóniam ómnia sérvíunt tibi.

Nisi quod lex tua meditátió mea est : * tunc forte

periíssem in humilitáte mea.

In ætérnum non oblivíscar justificatiónes tuas : * quia in ipsis vivificásti me.

Tuus sum ego, salvum me fac : * quóniam justificatiónes tuas exquisívi.

Me exspectavérunt peccatóres ut pérderent me : * testimónia tua intelléxi.

Omnis consummationís vidi finem : * latum mandátum tuum nimis.

Psalmus 118, vii

QUómodo diléxi legem tuam, Dómine? * tota die meditátió mea est.

Super inimícos meos prudéntem me fecísti mandáto tuo : * quia in ætérnum mihi est.

Super omnes docéntes me intelléxi : * quia testimónia tua meditátió mea est.

Super senes intelléxi : * quia mandáta tua quæsívi.

Ab omni via mala prohibui pedes meos : * ut custódiám verba tua.

A iudíciis tuis non declinávi : * quia tu legem posuísti mihi.

Quam dúlcia fáucibus meis elóquia tua, * super mel ori meo!

A mandátis tuis intelléxi : * proptérea odívi omnem viam iniquitátis.

Lucérna pédibus meis verbum tuum, * et lumen sémitis meis.

Jurávi, et státui * custodíre judícia justítiae tuæ.

Humiliátus sum usquequáque, Dómine : * vivifica me secúndum verbum tuum.

Voluntária oris mei benelácita fac, Dómine : * et judícia tua doce me.

Anima mea in mánibus meis semper : * et legem tuam non sum oblítus.

Posuérunt peccatóres láqueum mihi : * et de mandátis tuis non errávi.

Hereditáte acquisívi testimónia tua in ætérnum : * quia exsultatio cordis mei sunt.

Inclinávi cor meum ad faciéndas justificatiónes tuas in ætérnum, * propter retributióem.

Psalmus 118, viii

INíquos ódio hábui : * et legem tuam diléxi.

Adjútor et suscéptor meus es tu : * et in verbum tuum supersperávi.

Declináte a me, maligni : * et scrutábor mandáta Dei mei.

Súscipe me secúndum elóquium tuum, et vivam : * et non confúndas me ab exspectatióne mea.

Adjuva me, et salvus ero : * et meditábor in justificatióibus tuis semper.

Sprevísti omnes discedén-

tes a judíciis tuis : * quia injústa cogitatio eórum.

Prævaricántes reputávi omnes peccatóres terræ : * ideo diléxi testimónia tua.

Confíge timóre tuo carnes meas : * a judíciis enim tuis tímui.

Feci judícium et justítiam : * non tradas me calumniántibus me.

Súscipe servum tuum in bonum : * non calumniéntur me supérbi.

Oculi mei defecérunt in salutáre tuum : * et in elóquium justítiae tuæ.

Fac cum servo tuo secúndum misericórdiam tuam : * et justificatiónes tuas doce me.

Servus tuus sum ego : * da mihi intelléctum, ut sciam testimónia tua.

Tempus faciéndi, Dómine : * dissipavérunt legem tuam.

Ideo diléxi mandáta tua, * super aurum et topázion.

Proptérea ad ómnia mandáta tua dirigébar : * omnem viam iníquam ódio hábui.

Ant. Allelúja, tuus sum ego, salvum me fac, Dómine, allelúja, allelúja.

Capitulum Gal. 6, 2

ALter altérius ónera portáte, et sic adimplébitis legem Christi.

℟. br. In ætérnum, Dómine, * Pérmānet verbum

tuum. In ætérnum. *℣.* In
sæculum sæculi véritas
tua. Pérmānet. Glória Pa-
tri. In ætérnum. *℣.* Dó-
minus regit me, et nihil
mihi déerit. *℟.* In loco
páscuæ ibi me collocávit.

Oratio conveniens.

Reliqua ut in Ordinario. 20

AD NONAM

Pater noster *et* Ave.

℣. Deus, in adjutórium.

Hymnus

Rerum, Deus, tenax vi-
gor,

Immótus in te pérmānens,
Lucis diúrnæ témpora
Succéssibus detérminans :

*L*argíre lumen véspere,
Quo vita nusquam déci-
dat,

Sed præmíum mortis sa-
cræ

Perénis instet glória.

* *P*ræsta, Pater piíssime,
Patrique compar Unice,
Cum Spíritu Paráclito
Regnans per omne sæcu-
lum. Amen.

Ant. Allelúja.

Psalmus 118, ix



Irabilia testimónia
tua : * ideo scru-
táta est ea ánima
mea.

Declarátio sermónum
tuórum illúminat : * et in-
tellectum dat parvulis.

Os meum apérui, et at-
tráxi spíritum : * quia
mandáta tua desiderábam.

Aspice in me, et miserére
mei, * secúndum judícium
diligéntium nomen tuum.

Gressus meos dírige se-
cúndum elóquium tuum : *
et non dominétur mei om-
nis injustítia.

Rédime me a calúmniis
hóminum : * ut custódiam
mandáta tua.

Fáciem tuam illúmina su-
per servum tuum : * et do-
ce me justificatiónes tuas.

Exitus aquárum deduxé-
runt óculi mei : * quia non
custodiérunt legem tuam.

Justus es, Dómine : * et
rectum judícium tuum.

Mandásti justítiam testi-
mónia tua : * et veritátem
tuam nimis.

Tabéscere me fecit zelus
meus : * quia oblíti sunt
verba tua inimíci mei.

Ignítum elóquium tuum
veheménter : * et servus
tuus diléxit illud.

Adolescéntulus sum ego
et contéptus : * justifi-
catiónes tuas non sum
oblítus.

Justítia tua, justítia in
ætérnum : * et lex tua
véritas.

Tribulátio, et angústia
invenérunt me : * mandáta
tua meditátio mea est.

Æquitas testimónia tua
in ætérnum : * intellectu
da mihi, et vivam. Gl.

Psalmus 118, x

Clamávi in toto corde meo, exáudi me, Dómine : * justificatiónes tuas requíram.

Clamávi ad te, salvum me fac : * ut custódiam mandáta tua.

Præveni in maturitatē, et clamávi : * quia in verba tua supersperávi.

Prævenérunt óculi mei ad te dilúculo : * ut medítarer elóquia tua.

Vocem meam audi secúndum misericórdiam tuam, Dómine : * et secúndum iudícium tuum vivífica me.

Appropinquavérunt persequéntes me iniquitati : * a lege autem tua longe facti sunt.

Prope es tu, Dómine : * et omnes viæ tuæ vèritas.

Inítio cognóvi de testimoniis tuis : * quia in ætérnum fundásti ea.

Vide humilitátem meam, et éripe me : * quia legem tuam non sum oblítus.

Júdica iudícium meum, et rédime me : * propter elóquium tuum vivífica me.

Longe a peccatóribus salus : * quia justificatiónes tuas non exquisiérunt.

Misericórdiæ tuæ multæ, Dómine : * secúndum iudícium tuum vivífica me.

Multi qui persequúntur me, et tribulant me : * a

testimoniis tuis non declinávi.

Vidi prævaricántes, et tabescébam : * quia elóquia tua non custodiérunt.

Vide quóniam mandáta tua diléxi, Dómine : * in misericórdia tua vivífica me.

Princípium verbórum tuórum, vèritas : * in ætérnum ómnia iudícia justítiæ tuæ.

Psalmus 118, xi

Príncipes persecúti sunt me gratis : * et a verbis tuis formidávit cor meum.

Lætabor ego super elóquia tua : * sicut qui invénit spólia multa.

Iniquitátem ódio hábui, et abominátus sum : * legem autem tuam diléxi.

Sépties in die laudem dixi tibi, * super iudícia justítiæ tuæ.

Pax multa diligéntibus legem tuam : * et non est illis scándalum.

Exspectábam salutare tuum, Dómine : * et mandáta tua diléxi.

Custodívit ánima mea testimónia tua : * et diléxit ea veheménter.

Servávi mandáta tua, et testimónia tua : * quia omnes viæ meæ in conspéctu tuo.

Appropínquet deprecátio mea in conspéctu tuo,

Dómine : * juxta elóquium tuum da mihi intelléctum.

Intret postulatio mea in conspéctu tuo : * secúndum elóquium tuum éripe me.

Eructábunt lábia mea hymnum, * cum docúeris me justificatiónes tuas.

Pronuntiábit lingua mea elóquium tuum : * quia ómnia mandáta tua æquitas.

Fiat manus tua ut salvet me : * quóniam mandáta tua elégi.

Concupívi salutáre tuum, Dómine : * et lex tua meditatio mea est.

Vivet ánima mea, et laudábit te : * et judícia tua adjuvábunt me.

Errávi, sicut ovis, quæ périit : * quære servum tuum, quia mandáta tua non sum oblítus.

Ant. Allelúja, fáciem tuam, Dómine, illúmina super servum tuum, allelúja, allelúja.

Capitulum 1 Cor. 6, 20

Empti enim estis pretio magno. Glorificáte et portáte Deum in corpore vestro.

℟. *br.* Clamávi in toto corde meo : * Exáudi me, Dómine. Clámavi. *℣.* Justificatiónes tuas requíram. Exáudi. *Gloria Patri.* Clamávi. *℣.* Ab occúltis meis munda me, Dómine.

℟. Et ab aliénis parce servo tuo.

Oratio conveniens.

Reliqua ut in Ordinario. 21

AD VESPERAS

Pater noster *et Ave.*

℣. Deus, in adjutórium.

Ant. Dixit Dóminus. †

¶ *Antiphonæ cum Psalmis assignatæ adhibentur semper, quando fit Officium de Dominica, in Dominicis extra Octavas Ssmi Corporis Christi ac Sacratissimi Cordis Jesu.*

Psalmus 109

Dixit Dóminus † Dómino meo : * Sede a dextris meis :

Donec ponam inimicos tuos, * scabéllum pedum tuorum.

Virgam virtútis tuæ emittet Dóminus ex Sion : * domináre in médio inimicorum tuorum.

Tecum princípium in die virtútis tuæ in splendóribus sanctorum : * ex útero ante lucíferum génui te.

Jurávit Dóminus, et non pænitébit eum : * Tu es sacerdos in ætérnum secúndum órđinem Melchisedech.

Dóminus a dextris tuis, * confrégit in die iræ suæ reges.

Judicábit in natióibus, implébit ruínas : * con-

quassábit cápita in terra multórum.

De torrén-te in via bi-bet : * proptérea exaltábit caput.

Ant. Dixit Dóminus Dómino meo : Sede a dextris meis.

Ant. Magna ópera Dómini.

Psalmus 110

Confitebor tibi, Dómine, in toto corde meo : * in consílio justórum, et congregatióne.

Magna ópera Dómini : * exquisíta in omnes voluntates ejus.

Conféssio et magnificéntia opus ejus : * et justítia ejus manet in sáeculum sáeculi.

Memóriam fecit mirábili-um suórum, miséricors et miserátor Dóminus : * escam dedit timéntibus se.

Memor erit in sáeculum testaménti sui : * virtútem óperum suórum annuntiábit pópulo suo :

Ut det illis hereditátem géntium : * ópera mánuum ejus véritas, et júdicium.

Fidélia ómnia mandáta ejus : confirmáta in sáeculum sáeculi, * facta in veritáte et æquitáte.

Redemptiónem misit pópulo suo : * mandávit in ætérnum testaméntum suum.

Sanctum, et terríbile nomen ejus : * iní-tium sapiéntiæ timor Dómini.

Intelléctus bonus ómnibus faciéntibus eum : * laudátio ejus manet in sáeculum sáeculi.

Ant. Magna ópera Dómini : exquisíta in omnes voluntates ejus.

Ant. Qui timet Dóminum.

Psalmus 111

Béatus vir, qui timet Dóminum : * in mandátis ejus volet nimis.

Potens in terra erit semen ejus : * generátio rectórum benedicétur.

Glória, et divítiæ in domo ejus : * et justítia ejus manet in sáeculum sáeculi.

Exórtum est in ténebris lumen rectis : * miséricors, et miserátor, et justus.

Jucúndus homo qui miserétur et cómmodat, dispónet sermónes suos in júdicio : * quia in ætérnum non commovébitur.

In memória ætérna erit justus : * ab auditióne mala non timébit.

Parátum cor ejus speráre in Dómino, confirmátum est cor ejus : * non commovébitur donec despíciat inimícos suos.

Dispérsit, dedit paupéribus : justítia ejus manet in sáeculum sáeculi, * cornu ejus exaltábitur in glória.

Peccátor vidébit, et irascétur, déntibus suis fremet et tabéscet : * desidérium peccatórum peribit.

Ant. Qui timet Dómini, in mandátis ejus cupit nimis.

Ant. Sit nomen Dómini.

Psalmus 112

LAudáte, púeri, Dómini : * laudáte nomen Dómini.

Sit nomen Dómini benedíctum, * ex hoc nunc, et usque in sáeculum.

A solis ortu usque ad occásum, * laudábile nomen Dómini.

Excélsus super omnes gentes Dóminus, * et super cælos glória ejus.

Quis sicut Dóminus, Deus noster, qui in altis hábitat, * et humília réspicit in cælo et in terra?

Súscitans a terra inopem, * et de stércore érigens páuperem :

Ut cóllocet eum cum princípibus, * cum princípibus pópuli sui.

Qui habitáre facit stérilem in domo, * matrem filiórum lætántem.

Ant. Sit nomen Dómini benedíctum in sáecula.

Ant. Deus autem noster.

Psalmus 113

IN éxitu Israël de Ægypto, * domus Jacob de populo bárbaro :

Facta est Judæa sanctificatio ejus, * Israël potestas ejus.

Mare vidit, et fugit : * Jordánis convérsus est retrórsus.

Montes exsultavérunt ut arietes, * et colles sicut agni óvium.

Quid est tibi, mare, quod fugísti : * et tu, Jordánis, quia convérsus es retrórsus?

Montes, exsultástis sicut arietes, * et colles, sicut agni óvium?

A fácie Dómini mota est terra, * a fácie Dei Jacob.

Qui convértit petram in stagna aquárum, * et rupem in fontes aquárum.

Non nobis, Dómine, non nobis : * sed nómini tuo da glóriam.

Super misericórdia tua, et veritáte tua : * nequándo dicant gentes : Ubi est Deus eórum?

Deus autem noster in cælo : * ómnia quæcúmque vóluit, fecit.

Simulácra géntium argéntum, et aurum, * ópera mánuum hóminum.

Os habent, et non loquéntur : * óculos habent, et non vidébunt.

Aures habent, et non audient : * nares habent, et non odorábunt.

Manus habent, et non palpábunt : pedes habent, et non ambulábunt : *

non clamábunt in gútture suo.

Símiles illis fiant qui fáciunt ea : * et omnes qui confídunt in eis.

Domus Israël sperávit in Dómino : * adjútor eórum et protéctor eórum est.

Domus Aaron sperávit in Dómino : * adjútor eórum et protéctor eórum est.

Qui timent Dóminum, speravérunt in Dómino : * adjútor eórum et protéctor eórum est.

Dóminus memor fuit nostri : * et benedíxit nobis :

Benedíxit dómui Israël : * benedíxit dómui Aaron.

Benedíxit ómnibus, qui timent Dóminum, * pusíllis cum majóribus.

Adjíciat Dóminus super vos : * super vos, et super filios vestros.

Benedícti vos a Dómino, * qui fecit cælum, et terram.

Cælum cæli Dómino : * terram autem dedit filiis hóminum.

Non mórtui laudábunt te, Dómine : * neque omnes, qui descéndunt in inférnum.

Sed nos qui vívimus, benedícimus Dómino, * ex hoc nunc et usque in sæculum.

Ant. Deus autem noster in cælo : ómnia quæcúmque vóluit, fecit.

Capitulum 2 Cor. 1, 3-4

Benedíctus Deus, et Pater Dómini nostri Jesu Christi, Pater misericordiárum, et Deus totíus consolatiónis, qui consolátur nos in omni tribulatióne nostra.

Hymnus

Lucis Creátor óptime,
Lucem diérum próferens,
Primórdiis lucis novæ,
Mundi parans originem :

Qui mane junctum vésperi
Diem vocári præcipis :
Illábitur tetrum chaos,
Audi preces cum flétibus.

Ne mens graváta crimine,
Vitæ sit exsul múnere,
Dum nil perénne cógitat,
Seséque culpis illigat.

Cæléste pulset óstium :
Vitále tollat præmium :
Vitémus omne nóxium :
Purgémus omne péssimum.

* Præsta, Pater piíssime,
Patrique compar Unice,
Cum Spíritu Paráclito
Regnans per omne sæculum. Amen.

℟. Dirigátur, Dómine,
orátio mea. ℞. Sicut incensum in conspéctu tuo.

Ad Magnificat Antiphona ut in Proprio de Tempore.

Canticum B. Mariæ Virg.

Luc. 1, 46-55

Magnificat * ánima
mea Dóminum :

Et exsultávit spíritus
meus * in Deo, salutári
meo.

Quia respéxit humilitá-
tem ancillæ suæ : * ecce
enim ex hoc beátam me
dicent omnes generatió-
nes.

Quia fecit mihi magna
qui potens est : * et san-
ctum nomen ejus.

Et misericórdia ejus a
progénie in progénies *
timéntibus eum.

Fecit poténtiam in brá-
chio suo : * dispérsit su-
pérbos mente cordis sui.

Depósuit poténtes de se-
de * et exaltávit húmiles.

Esuriéntes implévit bo-
nis : * et dívites dimísit
inánes.

Suscépit Israël, púerum
suum, * recordátus mise-
ricórdiæ suæ.

Sicut locútus est ad pa-
tres nostros, * Abraham,
et sémini ejus in sácula.

Oratio conveniens.

Reliqua ut in Ordinario. 22

AD COMPLETORIUM

℟. Jube, domne.

Bened. Noctem quiétam,
et finem perféctum concé-
dat nobis Dóminus omní-
potens. ℟. Amen.

Lectio br. 1 Petri 5, 8-9

FRatres : Sóbrii estóte,
et vigiláte : quia ad-
versárius vester diábolus
tamquam leo rúgiens cir-
cuit, quærens quem dévo-
ret : cui resístite fortes in
fide. Tu autem, Dómine,
miserére nobis.

℟. Deo grátias.

℟. Adjutórium nostrum
in nómine Dómini. ℟. Qui
fecit cælum et terram.

Pater noster, **quod dici-
tur totum secreto.**

Confiteor. Misereátur. In-
dulgéntiam.

℟. Convérte nos, Deus,
salutáris noster. ℟. Et
avérte iram tuam a nobis.

℟. Deus, in adjutórium.

Ant. Miserére.

Psalmus 4



EUM invocárem ex-
audívit me Deus
justítiæ meæ : * in
tribulatióne dilatásti mihi.

Miserére mei, * et exáudi
oratióem meam.

Fílii hóminum, úsquequo
gravi corde? * ut quid di-
ligitis vanitátem, et quæ-
ritis mendácium?

Et scitóte quóniam miri-
ficávit Dóminus sanctum
suum : * Dóminus exáu-
diet me cum clamávero ad
eum.

Irascímini, et nolíte peccá-
re : * quæ dicitis in córdi-
bus vestris, in cubílibus
vestris compungímini.

Sacrificáte sacrificium iustitiæ, et speráte in Dómino. * Multi dicunt : Quis osténdit nobis bona?

Signátum est super nos lumen vultus tui, Dómine : * dedísti lætítiam in corde meo.

A fructu fruménti, vini, et ólei sui * multiplicáti sunt.

In pace in idípsum * dórmiam, et requiéscam;

Quóniam tu, Dómine, singuláriter in spe * constituísti me.

Psalmus 90

QUI hábitat in adiutorio Altíssimi, * in protectióne Dei cæli commorábitur.

Dicet Dómino : Susceptor meus es tu, et refúgium meum : * Deus meus, sperábo in eum.

Quóniam ipse liberávit me de láqueo venántium, * et a verbo áspero.

Scápolis suis obumbrábit tibi : * et sub pennis ejus sperábis.

Scuto circúmdabit te véritas ejus : * non timébis a timóre noctúrno.

A sagitta volánte in die, a negótio perambulánte in ténebris : * ab incúrsu, et dæmónio meridiáno.

Cadent a látere tuo mille, et decem míllia a dextris tuis : * ad te autem non appropinquábit.

Verúmtamen óculis tuis

considerábis : * et retributióne peccatórum vidébis.

Quóniam tu es, Dómine, spes mea : * Altíssimum posuísti refúgium tuum.

Non accédet ad te malum : * et flagéllum non appropinquábit tabernáculo tuo.

Quóniam Angelis suis mandávit de te : * ut custódiant te in ómnibus viis tuis.

In mánibus portábunt te : * ne forte offéndas ad lápidem pedem tuum.

Super áspidem, et basilíscum ambulábis : * et conculcábis leónem et dracónem.

Quóniam in me sperávit, liberábo eum : * prótegam eum, quóniam cognóvit nomen meum.

Clamábit ad me, et ego exáudiam eum : * cum ipso sum in tribulatióne : erípiam eum et glorificábo eum.

Longitúdine diérum replébo eum : * et osténdam illi salutáre meum.

Psalmus 133

ECce, nunc benedícite Dóminum, * omnes servi Dómini :

Qui statis in domo Dómini, * in átriis domus Dei nostri.

In nóctibus extóllite manus vestras in san-

cta, * et benedicite Dóminum.

Benedícat te Dóminus ex Sion, * qui fecit cælum et terram.

Ant. Miserére mihi, Dómine, et exáudi oratióem meam.

Hymnus

TE lucis ante términum,
Rerum Creátor, póscimus,
Ut pro tua cleméntia
Sis præsul et custódia.

Procul recédant sómnia,
Et nóctium phantásmata;
Hostémque nostrum cómp-
prime,
Ne polluántur córpora.

* **P**ræsta, Pater piíssime,
Patrique compar Unice,
Cum Spíritu Paráclito
Regnans per omne sæculum.
Amen.

Capitulum Jer. 14, 9

TU autem in nobis es,
Dómine, et nomen sanctum tuum invocátum est super nos : ne derelínquas nos, Dómine, Deus noster.

℟. **br.** In manus tuas, Dómine, * Comméndo spíritum meum. In manus.

℣. Redemísti nos, Dómine, Deus veritátis. Comméndo. **G**lória Patri. In manus. ℣. Custódi nos, Dómine, ut pupíllam óculi.

℟. Sub umbra alárum tuárum prótege nos.

Ant. Salva nos.

Canticum Simeonis

Luc. 2, 29-32

Nunc dimíttis servum tuum, Dómine, * secúndum verbum tuum in pace :

Quia vidérunt óculi mei * salutáre tuum,

Quod parásti * ante fáciem ómnium populórum,
Lumen ad revelatióem géntium, * et glóriam plebis tuæ Israël.

Glória Patri.

Ant. Salva nos, Dómine, vigilántes, custódi nos dormiéntes; ut vigilémus cum Christo, et requiescámus in pace.

Preces (si dicendæ sint)

Kýrie, eléison. Christe, eléison. Kýrie, eléison.

Pater noster **secreto usque ad ℣.** Et ne nos indúcas in tentatióem. ℟. Sed libera nos a malo.

Credo in Deum **secreto usque ad ℣.** Carnis resurrectiόem. ℟. Vitam æternam. Amen.

℣. Benedíctus es, Dómine, Deus patrum nostrórum. ℟. Et laudábilis et gloriósus in sæcula.

℣. Benedicámus Patrem et Fílium cum Sancto Spíritu. ℟. Laudémus, et superexaltémus eum in sæcula. ℣. Benedíctus es, Dómine, in firmaménto cæli. ℟. Et laudábilis, et

gloriosus, et superexaltatus in sæcula. *℣.* Benedicat et custodiat nos omnipotens et misericors Dominus. *℟.* Amen. *℣.* Dignare, Domine, nocte ista. *℟.* Sine peccato nos custodire. *℣.* Miserere nostri, Domine. *℟.* Miserere nostri. *℣.* Fiat misericordia tua, Domine, super nos. *℟.* Quemadmodum speravimus in te. *℣.* Domine, exaudi orationem meam. *℟.* Et clamor meus ad te veniat.

℣. Dominus vobiscum.

Orémus.

Oratio

Visita, quæsumus, Domine, habitationem istam, et omnes insidias inimici ab ea longe repelle: Angeli tui sancti habitent in ea, qui nos in pace custodiant; et benedictio tua sit super nos semper. Per Dominum nostrum.

℟. Amen.

℣. Dominus vobiscum.

℣. Benedicamus Domino.

Benedictio Benedicat et custodiat nos omnipotens et misericors Dominus, Pater, et Filius, et Spiritus Sanctus. *℟.* Amen.

Antiphona finalis B. M. V.

℣. Divinum auxilium.

Pater, Ave et Credo.

¶ Psalmi de Dominica superius appositii dicuntur ad Completorium, adhibita simul Antiphona, etiam post utrasque Vesperas in Dominicis infra Octavas Ssmi Corporis Christi ac Sacrat. Cordis Jesu, in Duplicibus I vel II classis, in Festis novem Lectionum Domini, B. Mariæ Virginis, Angelorum, S. Joannis Baptistæ, S. Joseph, Apostolorum, Evangelistarum, et per Octavas privilegiatas; si tamen præcedentes I Vesperæ de eis integræ vel saltem a Capitulo sint celebratæ, ac II Vesperæ de ipsis integræ fuerint persolutæ.

FERIA SECUNDA

AD MATUTINUM

Pater, Ave et Credo.

℣. Domine, labia mea.

℣. Deus, in adjutorium.

In Officio feriali

Invitatorium et Hymnus dicuntur quotidie de Feria cur-

renti, ut in Psalterio hic et alibi apponuntur.

Invitat. Veníte, * Exsultémus Domino. **Ps. 94** Veníte, exsultémus.

In primo Psalmi versu non dicitur: Veníte, exsultémus Domino; sed post repetitum Invitatorium, statim subjun-

gitor : Jubilémus Deo, salutári nostro :

Hymnus

Somno reféctis ártubus,
Spreto cubíli, súrgimus :

Nobis, Pater, canéntibus
Adesse te depóscimus.

Te lingua primum cóncinat,

Te mentis ardor ámbiat :
Ut áctuum sequéntium
Tu, Sancte, sis exórdium.

Cedant ténebræ lúmini,
Et nox diúrno síderi, [lit,
Ut culpa, quam nox íntu-
Lucis labáscat múnere.

Precámur iidem súpplīces,
Noxas ut omnes ámputes,
Et ore te canéntium
Laudéris omni témpore.

Præsta, Pater piíssime,
Patrique compar Unice,
Cum Spírītu Paráclito
Regnans per omne sáeculum. Amen.

In I Noeturno

Ant. Dóminus de cælo *
prospéxit super filios hóminum.

¶ **Antiphonæ, in hac et aliis**
Feriis appositæ, dicuntur
semper in Officio feriali et in
Festis sive trium sive novem
Lectionum, quando juxta
Rubricas sumendi sint Psalmi
de Feria, ut in Psalterio.

In Officio autem trium
Lectionum, tam de Tempore
quam de Sanctis, omittuntur
Versus et reliqua omnia, quæ

in Officio novem Lectionum
solent recitari in fine I et
II Nocturni, et continuantur
Psalmi cum suis Antiphonis
usque ad Versum III No-
cturni.

Psalmus 13



Ixit insípiens in cor-
de suo : * Non est
Deus.

Corrúpti sunt, et abomi-
nábiles facti sunt in stú-
diis suis : * non est qui
fáciat bonum, non est
usque ad unum.

Dóminus de cælo pro-
spéxit super filios hómi-
num, * ut vídeat si est
intélligens, aut requírens
Deum.

Omnes declinavérunt, si-
mul inútiles facti sunt : *
non est qui fáciat bonum,
non est usque ad unum.

Sepúlcrum patens est
guttur eórum : linguis
suis dolóse agébant, * ve-
nénium áspidum sub lábiis
eórum.

Quorum os maledictióne
et amaritúdine plenum
est : * velóces pedes eó-
rum ad effundéndum sán-
guinem.

Contrítio et infelícitas in
viis eórum, et viam pacis
non cognovérunt : * non
est timor Dei ante óculos
eórum.

Nonne cognóscent omnes
qui operántur iniquitá-
tem, * qui dévorant plebem
meam sicut escam panis?

Dóminus non invocavérunt, * illic trepidavérunt timóre, ubi non erat timor.

Quóniam Dóminus in generatióne justa est, consílium ínopis confudístis : * quóniam Dóminus spes ejus est.

Quis dabit ex Sion salutáre Israël? * cum avértérit Dóminus captivitátem plebis suæ, exsultábit Jacob, et lætábitur Israël.

Ant. Dóminus de cælo prospéxit super filios hóminum.

Ant. Qui operátur justítiam, * requiéscet in monte sancto tuo, Dómine.

Psalmus 14

Domine, quis habitábit in tabernáculo tuo? * aut quis requiéscet in monte sancto tuo?

Qui ingréditur sine mácula, * et operátur justítiam :

Qui lóquitur veritátem in corde suo, * qui non egit dolum in lingua sua :

Nec fecit próximo suo malum, * et oppróbrium non accépit advérsus próximos suos.

Ad níhilum dedúctus est in conspéctu ejus malignus : * timéntes autem Dóminus gloríficat :

Qui jurat próximo suo, et non decipit, * qui pecúniam suam non dedit ad

usúram, et múnera super innocentem non accépit.

Qui facit hæc, * non móvêbitur in ætérnum.

Ant. Qui operátur justítiam, requiéscet in monte sancto tuo, Dómine.

Ant. Inclína, Dómine, * aurem tuam mihi, et exáudi verba mea.

Psalmus 16

Exáudi, Dómine, justítiam meam : * inténde deprecatióem meam.

Auribus pécipe oratióem meam, * non in lábiis dolósis.

De vultu tuo judícium meum pródeat : * óculi tui vídeant æquitátes.

Probásti cor meum, et visitásti nocte : * igne me examinásti, et non est in vénta in me iníquitas.

Ut non loquátur os meum ópera hóminum : * propter verba labiórum tuórum ego custodívi vias duras.

Pérfice gressus meos in sémitis tuis : * ut non móveántur vestígia mea.

Ego clamávi, quóniam exaudísti me, Deus : * inclína aurem tuam mihi, et exáudi verba mea.

Mirífica misericórdias tuas, * qui salvos facis sperántes in te.

A resisténtibus dexteræ tuæ custódi me, * ut pupíllam óculi.

Sub umbra alárum tuárum prótege me : * a fácie impiórum qui me afflixérunt.

Inimíci mei ánimam meam circumdedérunt, ádipem suum conclusérunt : * os eórum locútum est superbíam.

Projiciéntes me nunc circumdedérunt me : * óculos suos statuérunt declináre in terram.

Suscepérunt me sicut leo parátus ad prædam : * et sicut cátulus leónis hábitans in ábditis.

Exsúrge, Dómine, præveni eum, et supplánta eum : * éripe ánimam meam ab ímpio, frámeam tuam ab inimícis manus tuæ.

Dómine, a paucis de terra dívide eos in víta eórum : * de absconditis tuis adimplétus est venter eórum.

Saturáti sunt fíliis : * et dimisérunt reliquias suas párvulis suis.

Ego autem in justítia aparébo conspéctui tuo : * satiábor cum apparúerit glória tua.

Ant. Inclína, Dómine, aurem tuam mihi, et exáudi verba mea.

In Festis novem Lectionum :

✠. Mirífica, Dómine, misericórdias tuas. ✠. Qui salvos facis sperántes in te.

Absol. Exáudi, Dómine.

Bened. 1 Benedictióne perpétua. 2 Unigénitus Dei Fílius. 3 Spíritus Sancti grátia.

In II Nocturno

Ant. Díligam te, * † Dómine, virtus mea.

Psalmus 17, i



Díligam te, † Dómine, fortitúdo mea : * Dóminus firmaméntum meum, et refúgium meum, et liberátor meus.

Deus meus adjútor meus, * et sperábo in eum.

Protéctor meus, et cornu salútis meæ, * et susceptor meus.

Laudans invocábo Dóminum : * et ab inimícis meis salvus ero.

Circumdedérunt me dolóres mortis : * et torréntes iniquitátis conturbavérunt me.

Dolóres inférni circumdedérunt me : * præoccupavérunt me láquei mortis.

In tribulatióne mea invocávi Dóminum, * et ad Deum meum clamávi.

Et exaudivit de templo sancto suo vocem meam : * et clamor meus in conspéctu ejus, introívit in aures ejus.

Commóta est, et contrémuit terra : * fundaménta móntium conturbáta sunt, et commóta sunt, quóniam irátus est eis.

Ascéndit fumus in ira ejus : * et ignis a fácie ejus exársit : * carbónes succénsi sunt ab eo.

Inclinávit cælos, et descendit : * et caligo sub pédibus ejus.

Et ascéndit super Chérubim, et volávit : * volávit super pennas ventórum.

Et pósuit ténebras latibulum suum, in circúitu ejus tabernáculum ejus : * tenebrósa aqua in núbibus áëris.

Præ fulgóre in conspéctu ejus nubes transiérunt, * grando et carbónes ignis.

Et intónuit de cælo Dóminus, et Altíssimus dedit vocem suam : * grando et carbónes ignis.

Et misit sagíttas suas, et dissipávit eos : * fúlgura multiplicávit, et conturbávit eos.

Et apparuérunt fontes aquárum, * et reveláta sunt fundaménta orbis terrárum :

Ab increpatióne tua, Dómine, * ab inspiratióne spíritus iræ tuæ.

Ant. Díligam te, Dómine, virtus mea.

Ant. Retribuet mihi Dóminus * secúndum justítiam meam.

Psalmus 17, ii

Misit de summo, et accépit me : * et assúmpsit me de aquis multis.

Eripuit me de inimícis meis fortíssimis, et ab his qui odérunt me : * quóniam confortáti sunt super me.

Prævenérunt me in die afflictiónis meæ : * et factus est Dóminus protéctor meus.

Et edúxit me in latitúdinem : * salvum me fecit, quóniam vóluit me.

Et retribuet mihi Dóminus secúndum justítiam meam, * et secúndum puritátem mánuum meárum retribuet mihi :

Quia custodívi vias Dómini, * nec ímpie gessi a Deo meo.

Quóniam ómnia judícia ejus in conspéctu meo : * et justítias ejus non répuli a me.

Et ero immaculátus cum eo : * et observábo me ab iniquitáte mea.

Et retribuet mihi Dóminus secúndum justítiam meam : * et secúndum puritátem mánuum meárum in conspéctu oculórum ejus.

Cum sancto sanctus eris, * et cum viro innocénte ínnocens eris :

Et cum elécto eléctus eris : * et cum perverso pervertéris.

Quóniam tu pópulum húmitem salvum fácies : * et óculos superbórum humiliábis.

Quóniam tu illúminas lucérnam meam, Dómine : * Deus meus, illúmina ténebras meas.

Quóniam in te erípiar a tentatíone, * et in Deo meo transgrédíar murum.

Deus meus, impollúta via ejus : elóquia Dómini igne examináta : * protector est ómnium sperántium in se.

Quóniam quis Deus præter Dóminum? * aut quis Deus præter Deum nostrum?

Deus, qui præcínxit me virtúte : * et pósuit immaculátam viam meam.

Qui perfécit pedes meos tamquam cervórum, * et super excélsa státuens me.

Qui docet manus meas ad prælium : * et posuísti, ut arcum æreum, bráchia mea.

Ant. Retríbuet mihi Dóminus secúndum justítiam meam.

Ant. Vivit Dóminus, * et benedíctus Deus salútis meæ.

Psalmus 17, iii

ET dedísti mihi protectionem salútis tuæ : * et dextera tua suscepit me :

Et disciplína tua corréxit me in finem : * et disciplína tua ipsa me docébit.

Dilatásti gressus meos subtus me : * et non sunt infirmáta vestigia mea :

Pérsequar inimícos meos, et comprehéndam illos : * et non convértar, donec deficiant.

Confríngam illos, nec póterunt stare : * cadent subtus pedes meos.

Et præcínxísti me virtúte ad bellum : * et supplantásti insurgéntes in me subtus me.

Et inimícos meos dedísti mihi dorsum, * et odiéntes me disperdidísti.

Clamavérunt, nec erat qui salvos fáceret, ad Dóminum : * nec exaudivit eos.

Et commínuam eos, ut púlverem ante fáciem ventí : * ut lutum plateárum delébo eos.

Erípies me de contradiCIÓNibus pópuli : * constitues me in caput géntium.

Pópulus, quem non cognóvi, servívit mihi : * in audítu auris obedívit mihi.

Fílii aliéni mentíti sunt mihi : * fílii aliéni invetráti sunt, et claudicavérunt a sémitis suis.

Vivit Dóminus, et benedíctus Deus meus, * et exaltétur Deus salútis meæ.

Deus, qui das vindíctas mihi, et subdis pópulos sub me, * liberátor meus de inimícis meis iracúndis.

Et ab insurgéntibus in me exaltábis me : * a viro iníquo erípies me.

Propterea confitebor tibi in nationibus, Domine : * et nomini tuo psalmum dicam.

Magnificans salutes Regis ejus, et faciens misericordiam Christo suo David, * et semini ejus usque in saeculum.

Ant. Vivit Dominus, et benedictus Deus salutis meae.

In Festis novem Lectionum :

✠. Confitebor tibi in nationibus, Domine. ✠. Et nomini tuo psalmum dicam.

Absol. Ipsius pietas et.

Bened. 4 Deus Pater omnipotens. 5 Christus perpetuus. 6 Ignem sui amoris.

In III Nocturno

Ant. Exaudiat te * † Dominus in die tribulationis. †

Psalmus 19



Xaudiat te † Dominus in die tribulationis : * † protegat te nomen Dei Jacob.

Mittat tibi auxilium de sancto : * et de Sion tueatur te.

Memor sit omnis sacrificii tui : * et holocaustum tuum pingue fiat.

Tribuat tibi secundum cor tuum : * et omne consilium tuum confirmet.

Laetabimur in salutari tuo : * et in nomine Dei nostri magnificabimur.

Impleat Dominus omnes petitiones tuas : * nunc cognovi quoniam salvum fecit Dominus Christum suum.

Exaudiet illum de caelo sancto suo : * in potentatibus salus dexterae ejus.

Hi in curribus, et hi in equis : * nos autem in nomine Domini, Dei nostri, invocabimus.

Ipsi obligati sunt, et ceciderunt : * nos autem surreximus et erecti sumus.

Domine, salvum fac regem : * et exaudi nos in die, qua invocaverimus te.

Ant. Exaudiat te Dominus in die tribulationis.

Ant. Domine, * † in virtute tua laetabitur rex. †

Psalmus 20

Domine, † in virtute tua laetabitur rex : * † et super salutare tuum exsultabit vehementer.

Desiderium cordis ejus tribuisti ei : * et voluntate labiorum ejus non fraudasti eum.

Quoniam praevenisti eum in benedictionibus dulcedinis : * posuisti in capite ejus coronam de lapide pretioso.

Vitam petiit a te : * et tribuisti ei longitudinem

diérum in sǎculum, et in sǎculum sǎculi.

Magna est glória ejus in salutári tuo : * glóriam et magnum decórem impónes super eum.

Quóniam dabis eum in benedictiónem in sǎculum sǎculi : * lætificábis eum in gáudio cum vultu tuo.

Quóniam rex sperat in Dómino : * et in misericórdia Altíssimi non commovébitur.

Inveniátur manus tua ómnibus inimícis tuis : * dextera tua invéniat omnes, qui te odérunt.

Pones eos ut clíbanum ignis in témpore vultus tui : * Dóminus in ira sua conturbábit eos, et devorábit eos ignis.

Fructum eórum de terra perdes : * et semen eórum a filiis hóminum.

Quóniam declinavérunt in te mala : * cogitavérunt consília, quæ non potuerunt stabilíre.

Quóniam pones eos dorsum : * in reliquiis tuis præparábis vultum eórum.

Exaltáre, Dómine, in virtúte tua : * cantábitus et psallémus virtútes tuas.

Ant. Dómine, in virtúte tua lætábitur rex.

Ant. Exaltábo te, * † Dómine, quóniam suscepisti me. †

Psalmus 29

EXaltábo te, † Dómine, quóniam suscepisti me : * † nec delectásti inimícos meos super me.

Dómine, Deus meus, clamávi ad te, * et sanásti me.

Dómine, eduxísti ab inférno ánimam meam : * salvásti me a descendéntibus in lacum.

Psállite Dómino, sancti ejus : * et confitémini memóriæ sanctitátis ejus.

Quóniam ira in indignatióne ejus : * et vita in voluntáte ejus.

Ad vésperum demorábitur fletus : * et ad matutínum lætítia.

Ego autem dixi in abundantia mea : * Non movébor in ætérnum.

Dómine, in voluntáte tua, * præstitísti decóri meo virtútem.

Avertísti fáciem tuam a me, * et factus sum conturbátus.

Ad te, Dómine, clamábo : * et ad Deum meum deprecábor.

Quæ utilitas in ságuine meo, * dum descéndo in corruptiónem?

Numquid confitébitur tibi pulvis, * aut annuntiábit veritátem tuam?

Audívit Dóminus, et miserátus est mei : * Dóminus factus est adjútor meus.

Convertísti planctum
meum in gáudium mihi : *
conscidísti saccum meum,
et circumdedísti me læ-
títia :

Ut cantet tibi glória mea,
et non compúngar : * Dó-
mine, Deus meus, in ætér-
num confitébor tibi.

Ant. Exaltábo te, Dómi-
ne, quóniam suscepísti me.

In feriali Officio et in Festis :

℣. Psállite Dómino, san-
cti ejus. ℞. Et confitémini
memóriæ sanctitátis ejus.

**In Officio
novem Lectionum**

Absolutio A vñculis.

Bened. 7 Evángélica léctio.

8 In Festis Domini : Divi-
num auxiliũ.

In Festis B. M. V. Cujus
festum cólimus, ipsa Virgo.

In Festis Sanctorum : Cujus
(vel Quorum aur Quarum)
festum cólimus. 9 Ad socie-
tátem. (Per evángélica dicta.)

**In Officio
trium Lectionum**

Absol. Exáudi, Dómine.

In Feriis, cum Homilia :

Bened. 1 Evángélica. 2 Di-
vínũ. 3 Ad societátem.

In Feriis, sine Homilia :

Bened. 1 Benediccióne.
2 Unigénitus. 3 Spíritus San-
cti.

In Festis Sanctorum :

Bened. 1 Ille nos benedícat
qui sine fine vivit et regnat.
℞. Amen. 2 Cujus (vel Quo-
rum aut Quarum). 3 Ad so-
cietátem.

AD LAUDES I

*In Feriis extra Vigilias com-
munes occurrentibus, atque in
Festis.*

(Pater noster et Ave.)

℣. Deus, in adjutórium.

Ant. Jubiláte * Deo in
voce exsultatiónis.

¶ **Antiphonæ, in hac et aliis
Feriis appositæ, dicuntur
semper in Officio feriali et in
Festis sive trium sive novem
Lectionum, quando juxta
Rubricas sumendi sint Psalmi
de Feria.**

Psalmus 46



Qmnes gentes, pláu-
dite mánibus : * ju-
biláte Deo in voce
exsultatiónis.

Quóniam Dóminus excél-
sus, terríbilis : * Rex ma-
gnus super omnem ter-
ram.

Subjécit pópulos nobis : *
et gentes sub pédibus no-
stris.

Elégit nobis hereditátem
suam : * spéciem Jacob,
quam diléxit.

Ascéndit Deus in júbilo : *
et Dóminus in voce tubæ.

Psállite Deo nostro, psál-
lite : * psállite Regi no-
stro, psállite.

Quóniam Rex omnis ter-
ræ Deus : * psállite sa-
piénter.

Regnábit Deus super
gentes : * Deus sedet
super sedem sanctam
suam.

Príncipes populórum congregáti sunt cum Deo Abraham : * quóniam dii fortes terræ veheménter eleváti sunt.

Ant. Jubiláte Deo in voce exsultatiónis.

Ant. Inténde * voci oratiónis meæ, Rex meus et Deus meus.

Psalmus 5

Verba mea áuribus percípe, Dómine, * intéllige clamórem meum.

Inténde voci oratiónis meæ, * Rex meus et Deus meus.

Quóniam ad te orábo : * Dómine, mane exáudies vocem meam.

Mane astábo tibi et vidébo : * quóniam non Deus volens iniquitátem tu es.

Neque habitábit juxta te malígnus : * neque permanébunt injústi ante óculos tuos.

Odísti omnes, qui operántur iniquitátem : * perdes omnes, qui loquúntur mendácium.

Virum sánguinem et dolósum abominábitur Dóminus : * ego autem in multitúdine misericórdiæ tuæ.

Introíbo in domum tuam : * adorábo ad templum sanctum tuum in timóre tuo.

Dómine, deduc me in justítia tua : * pro-

pter inimícos meos dirige in conspéctu tuo viam meam.

Quóniam non est in ore eórum véritas : * cor eórum vanum est.

Sepúlcrum patens est guttur eórum, linguis suis dolóse agébant, * júdica illos, Deus.

Décidant a cogitatiónibus suis, secúndum multitudinem impietátum eórum expélle eos, * quóniam irritavérunt te, Dómine.

Et læténtur omnes, qui sperant in te, * in ætérnum exsultábunt : et habitábis in eis.

Et gloriabúntur in te omnes, qui díligunt nomen tuum, * quóniam tu benedíces justo.

Dómine, ut scuto bonæ voluntátis tuæ * coronásti nos.

Ant. Inténde voci oratiónis meæ, Rex meus et Deus meus.

Ant. Deus majestátis * intónuit : afférte glóriam nómini ejus.

Psalmus 28

Afférte Dómino, filii Dei : * afférte Dómino filios arietum.

Afférte Dómino glóriam et honórem, afférte Dómino glóriam nómini ejus : * adoráte Dóminum in átrio sancto ejus.

Vox Dómini super aquas,
Deus majestátis intónuit : * Dóminus super
aquas multas.

Vox Dómini in virtúte : *
vox Dómini in magnificéntia.

Vox Dómini confringéntis
cedros : * et confringet
Dóminus cedros Líbani :

Et commínuet eas tam-
quam vítulum Líbani : *
et diléctus quemádmódum
filius unicórniū.

Vox Dómini intercidén-
tis flammam ignis : * vox
Dómini concutiéntis de-
sértum : et commovébit
Dóminus désértum Cades.

Vox Dómini præparántis
cervos, et revelábit con-
dénsa : * et in templo ejus
omnes dicent glóriam.

Dóminus dilúvium inha-
bitáre facit : * et sedébit Dó-
minus Rex in ætérnum.

Dóminus virtútem pó-
pulo suo dabit : * Dómi-
nus benedícet pópulo suo
in pace.

Ant. Deus majestátis in-
tónuit : afférte glóriam
nómini ejus.

Ant. Laudámus nomen
ruum * inclitum, Deus no-
ster.

Canticum David

1 Par. 29, 10-13

Benedíctus es, Dómine,
Deus Israél patris no-
stri, * ab ætérno in ætér-
num.

Tua est, Dómine, magni-
ficéntia, et poténtia, * et
glória, atque victória :

Et tibi laus : * cuncta
enim quæ in cælo sunt, et
in terra, tua sunt :

Tuum, Dómine, re-
gnum, * et tu es super
omnes príncipes.

Tuæ divítiae, et tua est
glória : * tu domináris óm-
niū.

In manu tua virtus et
poténtia : * in manu tua
magnitúdo, et impériū
ómnium.

Nunc igitur, Deus no-
ster, confitémur tibi, * et
laudámus nomen tuum
íncritum.

Ant. Laudámus nomen
tuum íncritum, Deus no-
ster.

Ant. Laudáte * † Dómi-
num, omnes gentes. †

Psalmus 116

Laudáte † Dóminum,
omnes gentes : * † lau-
dáte eum, omnes pópuli :

Quóniam confirmáta est
super nos misericórdia
ejus : * et véritas Dómini
manet in ætérnum.

Ant. Laudáte Dóminum,
omnes gentes.

In Officio feriali

Capitulum, Hymnus et Ver-
sus dicuntur quotidie de
Feria currenti, ut in Psalte-
rio hic et alibi apponuntur;
et inde sumitur etiam Ant. ad
Benedictus.

Capit. Rom. 13, 12-13

NOX præcëssit, dies autem appropinquávit. Abjiciámus ergo ópera tenebrárum, et induámur arma lucis. Sicut in die honéste ambulémus.

Hymnus

Splendor Patérnæ glóriæ,
De luce lucem próferens,
Lux lucis, et fons lúminis,
Diem dies illúminans :

Verúsque sol illábere,
Micans nitóre pérpeti :
Jubárque Sancti Spíritus
Infúnde nostris sénsibus.

Votis vocémus et Patrem,
Patrem poténtis grátiae,
Patrem perénis glóriæ :
Culpam reléget lúbricam.

Confírmet actus strénuos :
Dentes retúndat ínvidi :
Causa secúndet ásperos :
Agénda recte dírigat.

Mentem gubérnet et regat :
Sit pura nobis cástitas :
Fides calóre férveat,
Fraudis venéna nésciat.

Christúsque nobis sit cibus,
Potúsque noster sit fides :
Læti bibámus sóbriam
Profusiónem Spíritus.

Lætus dies hic tránseat :
Pudor sit ut dilúculum :
Fides velut merídiæ :
Crepúsculum mens nésciat.

Auróra lucem próvehit,
Cum luce nobis pródeat
In Patre totus Fílius,
Et totus in Verbo Pater.

Deo Patri sit glória,
Ejúsque soli Fílio,
Cum Spíritu Paráclito,
Nunc et per omne sæculum.
Amen.

✠. Repléti sumus mane misericórdia tua. ✠. Exsultávimus, et delectáti sumus.

Ad Bened. Ant. Benedíctus * † Dóminus, Deus Israël, quia visitávit et liberávit nos.

Reliqua ut in Ordinario. 9

AD LAUDES II

In Vigiliis communibus, quando fit Officium de Feria.

(Pater noster et Ave.)

✠. Deus, in adjutórium.

Ant. Miserére. †

Psalmus 50



Miserére † mei,
Deus : * secúndum
magnam misericórdiam tuam.

Et secúndum multitudinem miseratiónum tuárum, * dele iniquitátem meam.

Amplius lava me ab iniquitáte mea : * et a peccáto meo munda me.

Quóniam iniquitátem meam ego cognósco : * et

peccátum meum contra me est semper.

Tibi soli peccávi, et malum coram te feci : * ut justificéris in sermónibus tuis, et vincas cum iudicáris.

Ecce enim, in iniquitátibus concéptus sum : * et in peccátis concépit me mater mea.

Ecce enim, veritatem dilexísti : * incérta et occúltata sapiéntiæ tuæ manifestásti mihi.

Aspérges me hyssópo, et mundábor : * lavábis me, et super nivem dealbábor.

Audítui meo dabis gáudium et lætítiam : * et exsultábunt ossa humiliáta.

Avérte fáciem tuam a peccátis meis : * et omnes iniquitátes meas dele.

Cor mundum crea in me, Deus : * et spíritum rectum ínnova in viscéribus meis.

Ne projicias me a fácie tua : * et spíritum sanctum tuum ne áuferas a me.

Redde mihi lætítiam salutaris tui : * et spíritu principáli confírma me.

Docébo iníquos vias tuas : * et impíi ad te converténtur.

Líbera me de sanguínibus, Deus, Deus salutis meæ : * et exsultábit lingua mea justítiam tuam.

Dómine, lábia mea apé-

ries : * et os meum annuntiábit laudem tuam.

Quóniam si voluísset sacrificium, dedíssem úti que : * holocáustis non delectáberis.

Sacrificium Deo spíritus contribulátus : * cor contrítum, et humiliátum, Deus, non despícies.

Benígne fac, Dómine, in bona voluntáte tua Sion : * ut ædificéntur muri Jerúsalem.

Tunc acceptábis sacrificium justítiæ, oblatiónes, et holocáusta : * tunc impónent super altáre tuum vítulos.

Ant. Miserére mei, Deus, secúndum magnam misericórdiam tuam.

Ant. Deduc me.

Psalmus 5

Verba mea áuribus percípe, Dómine, * intéllige clamórem meum.

Inténde voci oratiónis meæ, * Rex meus et Deus meus.

Quóniam ad te orábo : * Dómine, mane exáudies vocem meam.

Mane astábo tibi et vidébo : * quóniam non Deus volens iniquitatem tu es.

Neque habitábit juxta te malignus : * neque permánébunt injústi ante óculos tuos.

Odísti omnes, qui operántur iniquitatem : * per-

des omnes, qui loquúntur mendácium.

Virum sánguinem et dolósum abominábitur Dóminus : * ego autem in multitúdine misericórdiæ tuæ.

Introíbo in domum tuam, * adorábo ad templum sanctum tuum in timóre tuo.

Dómine, deduc me in justítia tua : * propter inimícos meos dirige in conspéctu tuo viam meam.

Quóniam non est in ore eórum véritas : * cor eórum vanum est.

Sepúlcrum patens est guttur eórum, linguis suis dolóse agébant, * júdica illos, Deus.

Décidant a cogitatióibus suis, secúndum multitúdinem impietátum eórum expélle eos, * quóniam irritavérunt te, Dómine.

Et læténtur omnes, qui sperant in te, * in ætérnum exsultábunt : et habitábis in eis.

Et gloriabúntur in te omnes, qui díligunt nomen tuum, * quóniam tu benedíces justo.

Dómine, ut scuto bonæ voluntátis tuæ * coronásti nos.

Ant. Deduc me in justítia tua, Dómine.

Ant. Dóminus dabit virtútem.

Psalmus 28

Afférte Dómino, filii Dei : * afférte Dómino filios arietum.

Afférte Dómino glóriam et honórem, afférte Dómino glóriam nómini ejus : * adoráte Dóminum in átrio sancto ejus.

Vox Dómini super aquas, Deus majestátis intónuit : * Dóminus super aquas multas.

Vox Dómini in virtúte : * vox Dómini in magnificéntia.

Vox Dómini confringéntis cedros : * et confrínget Dóminus cedros Líbani :

Et commínuet eas tamquam vítulum Líbani : * et diléctus quemádmódum filius unicórnium.

Vox Dómini intercidéntis flammam ignis : * vox Dómini concutiéntis désertum : et commovébit Dóminus désertum Cades.

Vox Dómini præparántis cervos, et revelábit condénsa : * et in templo ejus omnes dicent glóriam.

Dóminus dilúvium inhabitáre facit : * et sedébit Dóminus Rex in ætérnum.

Dóminus virtútem pópulo suo dabit : * Dóminus benedícet pópulo suo in pace.

Ant. Dóminus dabit virtútem et benedícet pópulo suo in pace.

Ant. Convérsus est furor tuus.

Canticum Isaiaë

Is. 12, 1-6

Confitébor tibi, Dómine, quóniam irátus es mihi : * convérsus est furor tuus, et consolátus es me.

Ecce Deus salvátor meus, * fiduciáliter agam, et non timébo :

Quia fortitúdo mea, et laus mea Dóminus, * et factus est mihi in salútem.

Hauriétis aquas in gáudio de fóntibus Salvatóris : * et dicétis in die illa : Confitémini Dómino, et invocáte nomen ejus :

Notas fácite in pópulis adinventiões ejus : * mementóte quóniam excélsus est nomen ejus.

Cantáte Dómino quóniam magnífice fecit : * annuntiáte hoc in universa terra.

Exsúlta, et lauda, habitatio Sion : * quia magnus in médio tui Sanctus Israël.

Ant. Convérsus est furor tuus, Dómine, et consolátus es me.

Ant. Laudáte. †

Psalmus 116

Laudáte † Dóminum, omnes gentes : * laudáte eum, omnes pópuli : Quóniam confirmáta est super nos misericórdia

ejus : * et véritas Dómini manet in ætérnum.

Ant. Laudáte Dóminum, quóniam confirmáta est super nos misericórdia ejus.

Capit. Rom. 13, 12-13

NOX præcëssit, dies autem appropinquávit. Abjiciámus ergo ópera tenebrárum, et induámur arma lucis. Sicut in die honéste ambulémus.

Hymnus

Splendor Patérnæ glóriæ,
De luce lucem próferens,
Lux lucis, et fons lúminis,
Diem dies illúminans :

Verúsque sol illábere,
Micans nitóre perpéti :
Jubárque Sancti Spíritus
Infúnde nostris sénsibus.

Votis vocémus et Patrem,
Patrem poténtis grátiae,
Patrem perénis glóriæ :
Culpam reléget lúbricam.

Confírmnet actus strénuos :
Dentes retúndat invidi :
Casus secúndet ásperos :
Agénda recte dirígat.

Mentem gubérnet et regat :
Sit pura nobis cástitas :
Fides calóre férveat,
Fraudis venéna néschat.

Christúsque nobis sit ci-
bus,
Potúsque noster sit fides :
Læti bibámus sóbriam
Profusióne Spíritus.

Lætus dies hic transeat :
 Pudor sit ut dilúculum :
 Fides velut merídiēs :
 Crepúsculum mens né-
 sciat.

Auróra lucem próvehit,
 Cum luce nobis pródeat
 In Patre totus Fílius,
 Et totus in Verbo Pater.

Deo Patri sit glória,
 Ejúsque soli Fílio,
 Cum Spíritu Paráclito,
 Nunc et per omne sæcu-
 lum. Amen.

℣. Repléti sumus manemí-
 sericórdia tua. ℞. Exsultá-
 vimus, et delectáti sumus.

Ad Bened. Ant. Benedí-
 ctus * † Dóminus, Deus
 Israël, quia visitávit et
 liberávit nos.

Preces feriales

KYrie, eléison. Christe,
 eléison. Kýrie, eléison.

Pater noster, **quod dicitur a solo Hebdomadario totum clara voce, usque**

ad ℣. Et ne nos indúcas in
 tentatiónem. ℞. Sed libera
 nos a malo. ℣. Ego dixi :

Dómine, miserére mei.

℞. Sana ánimam meam,
 quia peccávi tibi. ℣. Con-

uértere, Dómine, úsque-
 quo? ℞. Et deprecábilis

esto super servos tuos.

℣. Fiat misericórdia tua,
 Dómine, super nos.

℞. Quemádmódum sperá-
 vimus in te. ℣. Sacerdótes
 tui induántur justítiam.

℞. Et sancti tui exsúltent.

℣. Orémus pro beatíssimo
 Papa nostro **N. ℞.** Dómi-
 nus consérvet eum, et vi-
 víficet eum, et beátum fá-
 ciat eum in terra, et non
 tradat eum in ánimam

inimicórum ejus. ℣. Oré-
 mus et pro Antístite no-
 stro **N. ℞.** Stet et pascat
 in fortitúdiene tua, Dómi-
 ne, in sublimitáte nóminis

tui. ℣. Dómine, salvum
 fac regem. ℞. Et exáudi

nos in die, qua invocavé-
 rimus te. ℣. Salvum fac

pópulum tuum, Dómine,
 et bénedic hereditáti tuæ.

℞. Et rege eos, et extólle
 illos usque in ætérnum.

℣. Meménto Congrega-
 tiónis tuæ. ℞. Quam pos-
 sedísti ab iníitio. ℣. Fiat

pax in virtúte tua. ℞. Et

abundántia in túrribus
 tuis. ℣. Orémus pro bene-

factóribus nostris. ℞. Re-
 tribúere dignáre, Dómine,

ómnibus, nobis bona fa-
 ciéntibus propter nomen

tuum, vitam ætérnam.

Amen. ℣. Orémus pro fi-
 délibus defúctis. ℞. Ré-

quiem ætérnam dona eis,
 Dómine, et lux perpétua

lúceat eis. ℣. Requiéscant
 in pace. ℞. Amen. ℣. Pro

frátribus nostris absénti-
 bus. ℞. Salvos fac servos

tuos, Deus meus, sperán-
 tes in te. ℣. Pro afflictis

et captívis. ℞. Libera eos,
 Deus Israël, ex ómni-

bus tribulatióibus suis.

℣. Mitte eis, Dómine, auxílium de sancto. ℟. Et de Sion tuére eos. ℣. Dómine, Deus virtútum, conuérte nos. ℟. Et osténde faciém tuam, et salvi érimus. ℣. Exsúrge, Christe, ádjuua nos. ℟. Et líbera nos propter nomen tuum. ℣. Dómine, exáudi oratió-nem meam. ℟. Et clamor meus ad te véniat.

Reliqua ut in Ordinario. 9

AD PRIMAM

Pater, Ave et Credo.

℣. Deus, in adjutórium.

Hymnus

JAM lucis orto sídere,
Deum precémur súp-
plices,
Ut in diúrnis áctibus
Nos servet a nocéntibus.

Linguam refrénans tém-
peret,
Ne litis horror ínsonet :
Visum fovéndo cóntegat,
Ne vanitátes háuríat.

Sint pura cordis íntima,
Absístat et vecórdia :
Carnis terat supérbiam
Potus cibíque párcitas.

Ut, cum dies abscésserit
Noctémque sors redúxerit,
Mundi per abstinéntiam
Ipsi canámus glóriam.

* Deo Patri sit glória,
Ejúsque soli Fílio,

Cum Spíritu Paráclito,
Nunc et per omne sáecu-
lum. Amen.

Ant. Innocens mánibus.

¶ Antiphonæ, in hac et aliis Feriis ad Primam, Tertiam, Sextam et Nonam appositæ, dicuntur semper in Officio feriali et in Festis sive trium sive novem Lectionum, quando juxta Rubricas sumendi sint Psalmi de Feria.

Psalmus 23



Domini est terra, et plenitúdo ejus : * orbis terrárum, et univérsti qui hábitant in eo.

Quia ipse super mária fundávit eum : * et super flúmina præparávit eum.

Quis ascéndet in montem Dómini? * aut quis stabit in loco sancto ejus?

Innocens mánibus et mundo corde, * qui non accépit in vano ánimam suam, nec jurávit in dolo próxímo suo.

Hic accípiet benedictió-nem a Dómino : * et mise-ricórdiam a Deo, salutári suo.

Hæc est generátio quæ-réntium eum, * quæren-tium faciém Dei Jacob.

Attóllite portas, prínci-pes, vestras, et elevámini, portæ æternáles : * et introíbit Rex glóriæ.

Quis est iste Rex gló-riæ? * Dóminus fortis et

potens : Dóminus potens in prælio.

Attóllite portas, príncipes, vestras, et elevámini, portæ æternáles : * et introíbit Rex glóriæ.

Quis est iste Rex glóriæ? * Dóminus virtútum ipse est Rex glóriæ.

Psalmus 18, i

CÆli enarrant glóriam Dei, * et ópera mánuum ejus annúnciat firmaméntum.

Dies diéi erúctat verbum, * et nox nocti índicat sciéntiam.

Non sunt loquélæ, neque sermónes, * quorum non audiántur voces eórum.

In omnem terram exívit sonus eórum : * et in fines orbis terræ verba eórum.

In sole pósuit tabernáculum suum : * et ipse tamquam sponsus procedens de thálamo suo :

Exsultávit ut gigas ad curréndam viam, * a summo cælo egréssio ejus :

Et occúrsus ejus usque ad summum ejus : * nec est qui se abscondat a calore ejus.

Psalmus 18, ii

LEX Dómini immaculáta, convértens ánimas : * testimónium Dómini fidéle, sapiéntiam præstans párvulis.

Justitiæ Dómini rectæ,

lætificántes corda : * præcéptum Dómini lúcidum, illúminans óculos.

Timor Dómini sanctus, pérmanens in sæculum sæculi : * judícia Dómini vera, justificáta in semetípse.

Desiderabilia super aurum et lápidem pretiósum multum : * et dulcióra super mel et favum.

Etenim servus tuus custódit ea, * in custodiéndis illis retribútio multa.

Delicta quis intélligit? ab occúltis meis munda me : * et ab aliénis parce servo tuo.

Si mei non fúerint domináti, tunc immaculátus ero : * et emundábor a delicto máximo.

Et erunt ut compláceant elóquia oris mei : * et meditátio cordis mei in conspéctu tuo semper.

Dómine, adjútor meus, * et redémptor meus.

¶ Quando ad Laudes dictus fuerit Ps. 50 Miserére, hic subjungitur sequens Ps. 46, qui in Laudibus locum non habuit.

Psalmus 46

OMnes gentes, pláudite mánibus : * jubilate Deo in voce exsultationis.

Quóniam Dóminus excélsus, terríbilis : * Rex magnus super omnem terram.

Subjécit pópulos nobis : * et gentes sub pédibus nostris.

Elégit nobis hereditátem suam : * spéciem Jacob, quam diléxit.

Ascéndit Deus in júbilo : * et Dóminus in voce tubæ.

Psállite Deo nostro, psállite : * psállite Regi nostro, psállite.

Quóniam Rex omnis terræ Deus : * psállite sapiénter.

Regnábít Deus super gentes : * Deus sedet super sedem sanctam suam.

Príncipes populórum congregáti sunt cum Deo Abraham : * quóniam dii fortes terræ veheménter eleváti sunt.

Secus vero, tribus Psalmis expletis, statim dicitur Ant.

Ant. Innocens mánibus et mundo corde ascéndet in montem Dómini.

In Officio Festi vel Octavæ :
Capitulum 1 Tim. 1, 17

Regi sæculórum immortalí et invisibili, soli Deo honor et glória in sæcula sæculórum. Amen.

In omnibus autem Feriis et in Vigiliis communibus :

Capitulum Zach. 8, 19

PAcem et veritátem dilígite, ait Dóminus omnípotens.

℟. br. Christe, Fili Dei vivi, * Miserére nobis. Christe. *℣. Qui sedes ad dexteram Patris.* Miserére

nobis. *Glória Patri.* Christe. *℣.* Exsúrge, Christe, ádjuva nos. *℟.* Et libera nos propter nomen tuum.

Preces dominicales et feriales (si dicendæ sint).

KYrie, eléison. Christe, eléison. Kýrie, eléison.

Pater noster *secreto usque ad ℣.* Et ne nos indúcas in tentatiónem. *℟.* Sed libera nos a malo.

Credo in Deum *secreto usque ad ℣.* Carnis resurrectionem. *℟.* Vitam ætérnam. Amen. *℣.* Et ego ad te, Dómine, clamávi. *℟.* Et mane orátio mea prævéniat te. *℣.* Repleátur os meum laude. *℟.* Ut cantem glóriam tuam, tota die magnitúdinem tuam. *℣.* Dómine, avérte fáciem tuam a peccátis meis. *℟.* Et omnes iniquitátes meas dele. *℣.* Cor mundum crea in me, Deus. *℟.* Et spíritum rectum innova in viscéribus meis. *℣.* Ne projicias me a fácie tua. *℟.* Et spíritum sanctum tuum ne áuferas a me. *℣.* Redde mihi lætítiam salutáris tui. *℟.* Et spíritu principáli confírma me.

In Precibus ferialibus tantum

℣. Eripe me, Dómine, ab hómine malo. *℟.* A viro iníquo éripe me. *℣.* Eripe me de inimícis meis, Deus

meus. *℟.* Et ab insurgéntibus in me libera me. *℣.* Eripe me de operántibus iniquitátem. *℟.* Et de viris sánguinem salva me. *℣.* Sic psalmum dicam nómini tuo in sáeculum sáeculi. *℟.* Ut reddam vota mea de die in diem. *℣.* Exáudi nos, Deus, salutáris noster. *℟.* Spes ómnium finium terræ, et in mari longe. *℣.* Deus, in adjutórium meum inténde. *℟.* Dómine, ad adjuvándum me festína. *℣.* Sanctus Deus, Sanctus fortis, Sanctus immortalis. *℟.* Miserére nobis. *℣.* Bénedic, ánima mea, Dómino. *℟.* Et ómnia, quæ intra me sunt, nómini sancto ejus. *℣.* Bénedic, ánima mea, Dómino. *℟.* Et noli oblivisci omnes retributiónes ejus. *℣.* Qui propitiátur ómnibus iniquitátibus tuis. *℟.* Qui sanat omnes infirmitátes tuas. *℣.* Qui rédimit de intéritu vitam tuam. *℟.* Qui coronat te in misericórdia et miseratióibus. *℣.* Qui replet in bonis desidérium tuum. *℟.* Renovábitur ut áquilæ juvéntus tua.

In utrisque Preeibus

℣. Adjutórium nostrum in nómine Dómini. *℟.* Qui fecit cælum et terram.

Confíteor. Misereátur. Indulgéntiam.

℣. Dignáre, Dómine, die isto. *℟.* Sine peccáto nos custodíre. *℣.* Miserére nostri, Dómine. *℟.* Miserére nostri. *℣.* Fiat misericórdia tua, Dómine, super nos. *℟.* Quemádmódum sperávimus in te. *℣.* Dómine, exáudi oratióem meam. *℟.* Et clamor meus ad te véniat.

℣. Dóminus vobíscum.

Orémus.

Oratio

Domine, Deus omnípotens, qui ad princípium hujus diéi nos pervenire fecisti : tua nos hódie salva virtúte; ut in hac die ad nullum declinémus peccátum, sed semper ad tuam justítiam faciéndam nostra procédant elóquia, dirigántur cogitatiónes et ópera. Per Dóminum.

℟. Amen.

℣. Dóminus vobíscum.

℣. Benedicámus Dómino.

In Choro Martyrologium.

℣. Pretiósá in conspéctu Dómini. *℟.* Mors Sanctórum ejus.

Et absolute, sine Orémus :

Oratio

Sancta María, et omnes Sancti intercédant pro nobis ad Dóminum, ut nos mereámur ab eo adjuvári et salvári, qui vivit et regnat in sáecula sáeculórum. *℟.* Amen.

℣. Deus, in adiutorium meum intende. ℟. Domine, ad adiuvandum me festina. **Et dicitur ter; ultimo additur :** Glória Patri. Sicut erat.

Kýrie, eléison. Christe, eléison. Kýrie, eléison.

Pater noster **secreto usque ad ℣.** Et ne nos inducas in tentationem. ℟. Sed libera nos a malo. ℣. Réspice in servos tuos, Domine, et in ópera tua, et dirige filios eorum. ℟. Et sit splendor Dómini, Dei nostri, super nos, et ópera mánuum nostrárum dirige super nos, et opus mánuum nostrárum dirige. ℣. Glória Patri. ℟. Sicut erat.

Orémus.

Oratio

Dirigere et sanctificáre, régere et gubernáre dignáre, Domine Deus, Rex cæli et terræ, hódie corda et corpóra nostra, sensus, sermónes et actus nostros in lege tua, et in opéribus mandatorum tuorum : ut hic, et in ætérnum, te auxiliánte, salvi et líberi esse mereámur, Salvátor mundi : Qui vivis et regnas in sácula sæculórum. ℟. Amen.

℣. Jube, domne.

Bened. Dies et actus nostros in sua pace dispónat Dóminus omnipotens.

℟. Amen.

In Officio feriali

Dominus autem dirigat corda et corpóra nostra in caritaté Dei, et paténtia Christi. Tu autem.

E Proprio Sanctorum

Pro Oct. S. Joannis Bapt.

Reges vidébunt, et consúrgent príncipes et adorábunt Dóminum, Deum tuum et Sanctum Israël, qui elégit te.

Pro Invent. S. Stephani

Positis autem génibus, clamávit voce magna, dicens : Domine, ne stá-tuas illis hoc peccátum. Et cum hoc dixisset, obdormívit in Dómino.

E Communi Sanctorum

Pro Apostolis

Ibant Apóstoli gaudéntes a conspéctu concílii, quóniam digni hábiti sunt pro nómine Jesu contuméliam pati.

Pro Martyre

Iustus cor suum trádidit ad vigilándum dilúculo ad Dóminum, qui fecit illum, et in conspéctu Altissimi deprecábitur.

Pro pluribus Martyribus

Fulgébunt justí, et tamquam scintíllæ in arundinétó discúrrunt. Judicábunt nátiónes, et dominabúntur pópulis : et regnábunt.

bit Dóminus illórum in perpétuum.

Pro Conf. Pont.

FUngi sacerdótio, et habére laudem in nómine ipsíus, et offérre illi incensum dignum in odórem suavitátis.

Pro Conf. non Pont.

Iustum dedúxit Dóminus per vias rectas, et osténdit illi regnum Dei, et dedit illi sciéntiam sanctorum : honestávit illum in labóribus, et complévit labóres illius.

Pro Virgine Martyre

Domine, Deus meus, exaltásti super terram habitatióem meam, et pro morte defluénte deprecáta sum. Invocávi Dóminum Patrem Dómini mei, ut non derelinquat me in die tribulatióis meæ, et in témpore superbórum sine adjutório.

Pro Virgine non Martyre

O quam pulchra est casta generátio cum claritáte! immortalis est enim memória illíus : quóniam apud Deum nota est, et apud hómines.

Pro Martyre tantum

Laudábit usque ad mortem ánima mea Dóminum, quóniam éruis sustinéntes te, et liberas

eos de manu angústiae, Dómine, Deus noster.

Pro nec Virg. nec Mart.

Multae filiae congregáverunt divítias : tu supergréssa es univérzas. Fallax grátia, et vana est pulchritúdo : múlter timentis Dóminum, ipsa laudábitur.

Pro Dedicatione Ecclesiae

ET abstérget Deus omnem lácrimam ab oculis eórum : et mors ultra non erit, neque luctus, neque clamor, neque dolor erit ultra, quia prima abiérunt. Et dixit qui sedébat in throno : Ecce nova fácio omnia.

In Officiis B. Mariæ V.

IN platéis sicut cinnamómum et bálsamum aromatizans odórem dedi : quasi myrrha elécta dedi suavitátem odóris.

℣. Adjutórium nostrum in nómine Dómini. ℟. Qui fecit cælum et terram.

℣. Benedícite. ℟. Deus.

Benedictio Dóminus nos benedícat, et ab omni malo deféndat, et ad vitam perdúcat ætérnam. Et fidélium ánimæ per misericórdiam Dei requiéscant in pace. ℟. Amen.

Deinde dicitur tantum Pater noster **secreto, nisi sequatur alia Hora.**

AD TERTIAM

Pater noster **et** Ave.**℟.** Deus, in adiutorium.**Hymnus**

Nunc, Sancte, nobis,
 Spíritus,
 Unum Patri cum Fílio,
 Dignáre promptus íngeri
 Nostro refúsus péctori.

Os, lingua, mens, sensus,
 vigor

Confessióem pèrsonent,
 Flamméscat igne cāritas,
 Accéndat ardor próximos.

* **P**ræsta, Pater piíssime,
 Patrique compar Unice,
 Cum Spíritu Paráclito
 Regnans per omne sǽcu-
 lum. Amen.

Ant. Illuminatio mea.**Psalmus 26, i**

Dominus illuminatio
 mea, et salus mea, *
 quem timébo?

Dóminus protéctor vitæ
 meæ, * a quo trepidábo?

Dum apprópíant super
 me nocéntes, * ut edant
 carnes meas :

Qui tríbulant me inimíci
 mei, * ipsi infirmáti sunt,
 et cecidérunt.

Si consístant advèrsus
 me castra, * non timébit
 cor meum.

Si exsúrgat advèrsus
 me prælium, * in hoc ego
 sperábo.

Unam pétii a Dómino,
 hanc requíram, * ut inhá-

bitem in domo Dómini
 ómnibus diébus vitæ meæ :

Ut vídeam voluptátem
 Dómini, * et vísitem tem-
 plum ejus.

Quóniam abscondit me in
 tabernáculo suo : * in die
 malórum protéxit me in
 abscondito tabernáculi sui.

In petra exaltávit me : *
 et nunc exaltávit caput
 meum super inimícos
 meos.

Circuívi, et immolávi in
 tabernáculo ejus hóstiam
 vociferatiónis : * cantábo,
 et psalmum dicam Dó-
 mino.

Psalmus 26, ii

Exáudi, Dómine, vocem
 meam, qua clamávi
 ad te : * miserére mei, et
 exáudi me.

Tibi dixit cor meum, ex-
 quisívit te fácies mea : *
 faciém tuam, Dómine, re-
 quíram.

Ne avértas faciém tuam
 a me : * ne declínes in ira
 a servo tuo.

Adjutor meus esto : * ne
 derelínquas me, neque de-
 spícias me, Deus, salutá-
 ris meus.

Quóniam pater meus, et
 mater mea dereliquérunt
 me : * Dóminus autem
 assúmpsit me.

Legem pone mihi, Dómi-
 ne, in via tua : * et dirige
 me in sémitam rectam
 propter inimícos meos.

Ne tradíderis me in áni-
mas tribulántium me : *
quóniam insurrexérunt in
me testes iníqui, et men-
títa est iníquitas sibi.

Credo vidére bona Dó-
mini * in terra vivéntium.

Exspécta Dóminum, vi-
ríliter age : * et conforté-
tur cor tuum, et sústine
Dóminum.

Psalmus 27

AD te, Dómine, clamábo,
Deus meus, ne síleas
a me : * nequándo táceas a
me, et assimilábor descen-
déntibus in lacum.

Exáudi, Dómine, vocem
deprecationis meæ dum
oro ad te : * dum extóllo
manus meas ad templum
sanctum tuum.

Ne simul trahas me cum
peccatóribus : * et cum
operántibus iniquitátem
ne perdas me.

Qui loquúntur pacem
cum próximo suo, * mala
autem in córdibus eórum.

Da illis secúndum ópera
eórum, * et secúndum
nequítiam adinventiónum
ipsórum.

Secúndum ópera má-
nuum eórum tríbue illis : *
redde retributióem eó-
rum ipsis.

Quóniam non intellexé-
runt ópera Dómini, et in
ópera mánuum ejus * dé-
strues illos, et non ædifi-
cábis eos.

Benedíctus Dóminus : *
quóniam exaudivit vocem
deprecationis meæ.

Dóminus adjútor meus,
et protéctor meus : * in
ipso sperávit cor meum, et
adjútus sum.

Et reflóruit caro mea : *
et ex voluntáte mea con-
fitébor ei.

Dóminus fortitúdo plebis
suæ : * et protéctor salva-
tiónum Christi sui est.

Salvum fac pópulum tu-
um, Dómine, et bénedic
hereditáti tuæ : * et rege
eos, et extólle illos usque
in ætérnum.

Ant. Illuminátio mea, et
salus mea Dóminus.

In Officio feriali

Capitulum Jer. 17, 14

SAna me, Dómine, et
sanábor : salvum me
fac, et salvus ero : quón-
iam laus mea tu es.

℟. **br.** Sana ánimam
meam, * Quia peccávi
tibi. Sana. **℣.** Ego dixi :
Dómine, miserére mei.
Quia. **Gloria Patri.** Sana.

℣. Adjútor meus esto, ne
derelínquas me. **℟.** Neque
despicias me, Deus, salu-
táris meus.

In Vigiliis communibus :

Preces feriales

KYrie, eléison. Christe,
eléison. Kýrie, eléison.

Pater noster **secreto us-**
que ad **℣.** Et ne nos indú-

cas in tentationem. *℟.* Sed libera nos a malo. *℣.* Dómine, Deus virtútum, converte nos. *℟.* Et ostende faciém tuam, et salvi érimus. *℣.* Exsúrge, Christe, ádjuva nos. *℟.* Et libera nos propter nomen tuum. *℣.* Dómine, exáudi orationem meam. *℟.* Et clamor meus ad te véniat.

Reliqua ut in Ordinario. 19

AD SEXTAM

Pater noster *et* Ave.

℣. Deus, in adiutorium.

Hymnus

Rector potens, verax
Deus,
Qui témperas rerum vices,
Splendóre mane illúminas,
Et ignibus merídiem :

*Exstingue flammás lítium,
Aufer calórem nóxium,
Confer salútem córporum,
Verámque pacem córdium.*

* *Præsta, Pater piíssime,
Pátrique compar Unice,
Cum Spíritu Paráclito
Regnans per omne sáculum.* Amen.

Ant. In tua justítia.

Psalmus 30, i

N te, Dómine, sperávi, non confúndar in ætérnum : *
in justítia tua libera me.

Inclína ad me aurem tuam, * accélera ut éruas me.

Esto mihi in Deum protectórem, et in domum refúgii : * ut salvum me fácias.

Quóniam fortitúdo mea, et refúgium meum es tu : * et propter nomen tuum dedúces me, et enútries me.

Edúces me de láqueo hoc, quem abscondérunt mihi : * quóniam tu es protectór meus.

In manus tuas comméndo spíritum meum : * redemísti me, Dómine, Deus veritátis.

Odísti observántes vanitátes, * supervácue.

Ego autem in Dómino sperávi : * exsultábo, et lætábor in misericórdia tua.

Quóniam respexisti humilitátem meam, * salvásti de necessitátibus ánimam meam.

Nec conclusísti me in mánibus inimíci : * statuísti in loco spatióso pedes meos.

Psalmus 30, ii

Miserére mei, Dómine, quóniam tríbulator : * conturbátus est in ira óculus meus, ánima mea, et venter meus :

Quóniam defécit in dolore vita mea : * et anni mei in gemítibus.

Infirmáta est in paupertáte virtus mea : * et ossa mea conturbáta sunt.

Super omnes inimicos meos factus sum opprobrium et vicinis meis valde : * et timor notis meis.

Qui vidébant me, foras fugérunt a me : * oblivióni datus sum, tamquam mortuus a corde.

Factus sum tamquam vas perditum : * quóniam audívi vituperatióem multórum commorántium in circúitu.

In eo dum convenírent simul advérsus me, * accípere ánimam meam consiliáti sunt.

Ego autem in te sperávi, Dómine : * dixi : Deus meus es tu : in mánibus tuis sortes meæ.

Eripe me de manu inimicórum meórum, * et a persequéntibus me.

Illústra faciém tuam super servum tuum, salvum me fac in misericórdia tua : * Dómine, non confundar, quóniam invocávi te.

Erubéscant ímpii, et deducántur in inférnum : * muta fiant lábia dolósa.

Quæ loquúntur advérsus justum iniquitátem, * in supérbia, et in abusióne.

Psalmus 30, iii

Quam magna multitúdo dulcédinis tuæ, Dómine, * quam abscondísti timéntibus te.

Perfecísti eis, qui sperant

in te, * in conspéctu filiórum hóminum.

Abscóndes eos in abscondito faciéi tuæ, * a conturbatióne hóminum.

Próteges eos in tabernáculo tuo * a contradicióne linguárum.

Benedíctus Dóminus : * quóniam mirificávit misericórdiam suam mihi in civitaté munita.

Ego autem dixi in excéssu mentis meæ : * Proyéctus sum a fácie oculórum tuórum.

Ideo exaudísti vocem oratiónis meæ, * dum clamárem ad te.

Diligite Dóminum, omnes sancti ejus : * quóniam veritátem requíret Dóminus, et retríbuet abundánter faciéntibus supérbiam.

Viríliter ágite, et confortétur cor vestrum, * omnes, qui sperátis in Dómino.

Ant. In tua justítia libera me, Dómine.

In Officio feriali

Capitulum Rom. 13, 8

Nemini quidquam debeátis, nisi ut ínvicem diligátis : qui enim diligit próximum, legem implévit.

℟. br. Benedícam Dóminum * In omni témpore. Benedícam. **℣.** Semper laus ejus in ore meo. In **G**lória Patri. Benedícam.

℣. Dóminus regit me, et nihil mihi déerit. ℞. In loco páscuæ ibi me collocávit.

In Vigiliis communibus :

Preces feriales

KYrie, eléison. Christe, eléison. Kýrie, eléison.

Pater noster **secreto usque ad ℣.** Et ne nos indúcas in tentatióem. ℞. Sed libera nos a malo. ℣. Dómine, Deus virtútum, convérte nos. ℞. Et osténde faciém tuam, et salvi érimus. ℣. Exsúrge, Christe, ádjuva nos. ℞. Et libera nos propter nomen tuum. ℣. Dómine, exáudi oratióem meam. ℞. Et clamor meus ad te véniat.

Reliqua ut in Ordinario. 20

AD NONAM

Pater noster **et Ave.**

℣. Deus, in adjutórium.

Hymnus

RErum, Deus, tenax vigor,

Immótus in te pérmanens,
Lucis diúrnæ témpora
Succéssibus detérminans :

Largíre lumen véspere,
Quo vita nusquam déci-
dat,

Sed præmium mortis sa-
cræ

Perénis instet glória.

* **P**ræsta, Pater piissime,
Patrique compar Unice,

Cum Spíritu Paráclito
Regnans per omne sæcu-
lum. Amen.

Ant. Exsultáte, iusti.

Psalmus 31



Eáti quorum remis-
sæ sunt iniquitá-
tes : * et quorum
tectæ sunt peccáta.

Beátus vir, cui non im-
putávit Dóminus peccá-
tum, * nec est in spíritu
ejus dolus.

Quóniam tácuí, invetera-
vérunt ossa mea, * dum
clamárem tota die.

Quóniam die ac nocte
graváta est super me ma-
nus tua : * convérsus sum
in ærúmna mea, dum con-
fígitur spina.

Delíctum meum cógni-
tum tibi feci : * et injustí-
tiam meam non abscondi.

Dixi : Confitébor advér-
sum me injustítiam meam
Dómino : * et tu remi-
sísti impietátem peccáti
mei.

Pro hac orábit ad te om-
nis sanctus, * in témpore
opportúno.

Verúmtamen in dilúvio
aquárum multárum, * ad
eum non approximábunt.

Tu es refúgium meum a
tribulatióne, quæ circúm-
dedit me : * exsultatio
mea, érue me a circum-
dántibus me.

Intelléctum tibi dabo, et
instruam te in via hac,

qua gradiéris : * firmábo super te óculos meos.

Nolíte fieri sicut equus et mulus, * quibus non est intelléctus.

In camo et freno maxillas eórum constrínge, * qui non appróximant ad te.

Multa flagélla peccatóris, * sperántem autem in Dómino misericórdia circúmdabit.

Lætámini in Dómino et exsultáte, iusti, * et gloriámini, omnes recti corde.

Psalmus 32, i

EXsultáte, iusti, in Dómino : * rectos decet collaudátio.

Confitémini Dómino in cíthara : * in psaltério decem chordárum psállite illi.

Cantáte ei cánticum novum : * bene psállite ei in vociferatióne.

Quia rectum est verbum Dómini, * et ómnia ópera ejus in fide.

Díligit misericórdiam et iudícium : * misericórdia Dómini plena est terra.

Verbo Dómini cæli firmáti sunt : * et spíritu oris ejus omnis virtus eórum.

Cóngregans sicut in utre aquas maris : * ponens in thesáuris abyíssos.

Tímeat Dóminum omnis terra : * ab eo autem commoveántur omnes inhabitántes orbem.

Quóniam ipse dixit, et facta sunt : * ipse mandávit, et creáta sunt.

Dóminus díssipat consília géntium : * réprobat autem cogitatiónes populórum, et réprobat consília princípum.

Consílium autem Dómini in ætérnum manet : * cogitatiónes cordis ejus in generatióne et generatió-nem.

Psalmus 32, ii

BEáta gens, cujuse est Dóminus, Deus ejus : * pópulus, quem elégit in hereditátem sibi.

De cælo respéxit Dóminus : * vidit omnes filios hóminum.

De præparáto habitáculo suo * respéxit super omnes, qui hábitant terram.

Qui finxit sigillátim corda eórum : * qui intélligit ómnia ópera eórum.

Non salvábitur rex per multam virtútem : * et gigas non salvábitur in multitudíne virtútis suæ.

Fallax equus ad salutem : * in abundántia autem virtútis suæ non salvábitur.

Ecce óculi Dómini super metuéntes eum : * et in eis, qui sperant super misericórdia ejus :

Ut éruat a morte ánimas eórum : * et alat eos in fame.

Anima nostra sústinet
Dóminum : * quóniam
adjútor et protéctor noster
est.

Quia in eo lætábitur cor
nostrum : * et in nómine
sancto ejus sperávimus.

Fiat misericórdia tua,
Dómine, super nos : *
quemádmódum sperávi-
mus in te.

Ant. Exsultáte, justí, et
gloriámini, omnes recti
corde.

In Officio feriali

Capit. 1 Petri 1, 17-19

IN timóre incolátus ve-
stri témpore conversá-
mini : sciéntes quod non
corruptibílibus auro vel
argénto redépti estis,
sed pretióso ságuine
quasi Agni immaculáti
Christi.

℟. **br.** Rédime me, Dó-
mine, * Et miserére mei.
Rédime. **℣.** Pes enim
meus stetit in via recta.
Et miserére mei. **Gloria**
Patri. Rédime. **℣.** Ab
occúltis meis munda me,
Dómine. **℟.** Et ab aliénis
parce servo tuo.

In Vigiliis communibus :

Preces feriales

KYrie, eléison. Christe,
eléison. Kýrie, eléison.

Pater noster **secreto us-**
que ad **℣.** Et ne nos indú-
cas in tentatióem. **℟.** Sed
libera nos a malo. **℣.** Dó-

mine, Deus virtútum, con-
vérté nos. **℟.** Et osténde
fáciem tuam, et salvi éri-
mus. **℣.** Exsúrge, Christe,
áduva nos. **℟.** Et libera
nos propter nomen tuum.
℣. Dómine, exáudi oratió-
nem meam. **℟.** Et clamor
meus ad te véniat.

Reliqua ut in Ordinario. 22

AD VESPERAS

Pater noster **et** Ave.

℣. Deus, in adjutórium.

Ant. Inclínávit Dómi-
nus * aurem suam mihi.

† **Antiphonæ**, in hac et
aliis Feriis appositæ, dicun-
tur semper in Officio feriali
et in Festis sive trium sive
novem Lectionum, quando
juxta Rubricas sumendi sint
Psalmi de Feria, ut in Psal-
terio.

Psalmus 114



Diléxi, quóniam ex-
áudiet Dóminus *
vocem oratiónis
meæ.

Quia inclinávit aurem
suam mihi : * et in diébus
meis invocábo.

Circumdedérunt me doló-
res mortis : * et perícula
inférni invenérunt me.

Tribulatióem et doló-
rem invéni : * et nomen
Dómini invocávi.

O Dómine, libera áni-
mam meam : * miséricors
Dóminus, et justus, et
Deus noster miserétur.

Custódiens párvulos Dóminus : * humiliátus sum, et liberávit me.

Convértere, ánima mea, in réquiem tuam : * quia Dóminus benefécit tibi.

Quia erípuit ánimam meam de morte : * óculos meos a lácrimis, pedes meos a lapsu.

Placébo Dómino * in regione vivórum.

Ant. Inclinávit Dóminus aurem suam mihi.

Ant. Vota mea * Dómino reddam coram omni pópulo ejus.

Psalmus 115

CRédidi, propter quod locútus sum : * ego autem humiliátus sum nimis.

Ego dixi in excéssu meo : * Omnis homo mendax.

Quid retríbuam Dómino, * pro ómnibus, quæ retríbuit mihi?

Cálicem salutáris accípiam : * et nomen Dómini invocábo.

Vota mea Dómino reddam coram omni pópulo ejus : * pretiósa in conspéctu Dómini mors sanctórum ejus :

O Dómine, quia ego servus tuus : * ego servus tuus, et filius ancillæ tuæ.

Dirupísti víncula mea : * tibi sacrificábo hóstiam laudis, et nomen Dómini invocábo.

Vota mea Dómino reddam in conspéctu omnis pópuli ejus : * in átriis domus Dómini, in médio tui, Jerúsalem.

Ant. Vota mea Dómino reddam coram omni pópulo ejus.

Ant. Clamávi, * et Dóminus exaudivit me.

Psalmus 119

AD Dóminum cum tribulárer clamávi : * et exaudivit me.

Dómine, libera ánimam meam a lábiis iníquis, * et a lingua dolósa.

Quid detur tibi, aut quid apponátur tibi * ad linguam dolósam?

Sagíttæ poténtis acútæ, * cum carbónibus desolatóriis.

Heu mihi, quia incolátus meus prolongátus est : habitávi cum habitántibus Cedar : * multum incola fuit ánima mea.

Cum his, qui odérunt pacem, eram pacíficus : * cum loquébar illis, impugnábant me gratis.

Ant. Clamávi, et Dóminus exaudivit me.

Ant. Auxílium meum * a Dómino qui fecit cælum et terram.

Psalmus 120

LEvávi óculos meos in montes, * unde véniet auxílium mihi.

Auxílium meum a Dómino, * qui fecit cælum et terram.

Non det in commotiōnem pedem tuum : * neque dormitet qui custódit te.

Ecce, non dormitábit neque dórmiet, * qui custódit Israël.

Dóminus custódit te, Dóminus protéctio tua, * super mánum dexteram tuam.

Per diem sol non uret te : * neque luna per noctem.

Dóminus custódit te ab omni malo : * custódiat ánimam tuam Dóminus.

Dóminus custódiat introítum tuum, et éxitum tuum : * ex hoc nunc, et usque in sáeculum.

Ant. Auxílium meum a Dómino, qui fecit cælum et terram.

Ant. Lætátus sum * † in his, quæ dicta sunt mihi. †

Psalmus 121

Lætátus sum † in his, quæ dicta sunt mihi : * † In domum Dómini íbimus.

Stantes erant pedes nostri, * in átriis tuis, Jerúsalem.

Jerúsalem, quæ ædificá-tur ut cívitas : * cujus participátio ejus in idípsum.

Illuc enim ascendérunt tribus, tribus Dómini : * testimónium Israël ad

confiténdum nómini Dómini.

Quia illic sedérunt sedes in iudício, * sedes super domum David.

Rogáte quæ ad pacem sunt Jerúsalem : * et abundantia diligéntibus te :

Fiat pax in virtúte tua : * et abundantia in túrribus tuis.

Propter fratres meos, et próximos meos, * loquébar pacem de te :

Propter domum Dómini, Dei nostri, * quæsívi bona tibi.

Ant. Lætátus sum in his, quæ dicta sunt mihi.

In Officio feriali

Capitulum, Hymnus, Versus, et Ant. ad Magnificat dicuntur quotidie de Feria currenti, ut in Psalterio hic et alibi apponuntur.

Capitulum 2 Cor. 1, 3-4

Benedictus Deus, et Pater Dómini nostri Jesu Christi, Pater misericordiárum, et Deus totius consolatiónis, qui consolá-tur nos in omni tribulatióne nostra.

Hymnus

Imménse cæli Cónditor,
Qui mixta ne confúnderent,
Aquæ fluénta dívidens,
Cælum dedísti límitem.

Firmans locum cælestibus,
Simúlque terræ rívulis;
Ut unda flammæ tēpe-
ret,
Terræ solum ne díssipent.

Infúnde nunc, piíssime,
Donum perénis grátiae :
Fraudis novæ ne cásibus
Nos error átterat vetus.

Lucem fides adáugeat :
Sic lúminis jubar ferat :
Hæc vana cuncta próte-
rat :
Hanc falsa nulla cómpri-
mant.

Præsta, Pater piíssime,
Patrique compar Unice,
Cum Spíritu Paráclito
Regnans per omne sæcu-
lum. Amen.

V. Dirigátur, Dómine,
orátio mea. **R.** Sicut in-
censum in conspéctu tuo.

Ad Magnif. Ant. Magní-
ficat * † ánima mea Dómi-
num, quia respéxit Deus
humilitátem meam.

Reliqua ut in Ordinario. 22

AD COMPLETORIUM

V. Jube, domne.

Bened. Noctem quiétam,
et finem perféctum concé-
dat nobis Dóminus omni-
potens. **R.** Amen.

Lectio br. 1 Petri 5, 8-9

FRatres : Sóbrii estóte,
et vigiláte : quia ad-
versárius vester diábolus

tamquam leo rúgiens cír-
cuit, quærens quem dévo-
ret : cui resístite fortes in
fide. Tu autem, Dómine,
miserére nobis.

R. Deo grátias.

V. Adjutórium nostrum
in nómine Dómini. **R.** Qui
fecit cælum et terram.

Pater noster, **quod dici-
tur totum secreto.**

Confíteor. Misereátur. In-
dulgéntiam.

V. Convérte nos, Deus,
salutáris noster. **R.** Et
avérte iram tuam a nobis.

V. Deus, in adjutórium.

Ant. Salvum me fac.

† **Antiphonæ, in hac et aliis**
Feriis appositæ, dicuntur
semper ad Completorium
tum de Tempore tum de
Sanctis, quando juxta Rubri-
cas sumendi sint Psalmi de
Feria.

Psalmus 6

Domine, ne in furóre
tuo árguas me, *
neque in ira tua
corrípias me.

Miserére mei, Dómine,
quóniam infírmus sum : *
sana me, Dómine, quó-
niam conturbáta sunt ossa
mea.

Et ánima mea turbáta est
valde : * sed tu, Dómine,
úsquequo?

Convértere, Dómine, et
éripe ánimam meam : *
salvum me fac propter
misericórdiam tuam.

Quóniam non est in morte qui memor sit tui : * in inférno autem quis confitébitur tibi?

Laborávi in gémitu meo, lavábo per singulas noctes lectum meum : * lácrimis meis stratum meum rigábo.

Turbátus est a furóre óculus meus : * inveterávi inter omnes inimícos meos.

Discédite a me, omnes, qui operámini iniquitatem : * quóniam exaudivit Dóminus vocem fletus mei.

Exaudivit Dóminus deprecationem meam, * Dóminus orationem meam suscepit.

Erubéscant, et conturbéntur veheménter omnes inimíci mei : * convertántur et erubéscant valde velóciter.

Psalmus 7, i

Domine, Deus meus, in te sperávi : * salvum me fac ex ómnibus persequéntibus me, et libera me.

Nequándo rápiat ut leo ánimam meam, * dum non est qui rédimat, neque qui salvum fáciat.

Dómine, Deus meus, si feci istud, * si est iníquitas in mánibus meis :

Si réddidi retribuéntibus mihi mala, * decídám mérito ab inimícis meis inánis.

Persequátur inimícus ánimam meam, et comprehéndat, et concúlcet in terra vitam meam, * et glóriam meam in púlverem dedúcat.

Exsúrge, Dómine, in ira tua : * et exaltáre in finibus inimicórum meórum.

Et exsúrge, Dómine, Deus meus, in præcepto quod mandásti : * et synagóga populórum circúmdabit te.

Et propter hanc in altum regrédere : * Dóminus júdicat pópulos.

Júdica me, Dómine, secúndum justítiam meam, * et secúndum innocéntiam meam super me.

Consumétur nequítia peccatórum, et díriges justum, * scrutans corda et renes, Deus.

Psalmus 7, ii

Iustum adjutórium meum a Dómino, * qui salvos facit rectos corde.

Deus iudex justus, fortis, et pátiens : * numquid iráscitur per singulos dies?

Nisi convérsi fuéritis, gládium suum vibrábit : * arcum suum teténdit, et parávit illum.

Et in eo parávit vasa mortis : * sagíttas suas ardéntibus effécit.

Ecce, partúriit injustítiam : * concépit dolórem, et péperit iniquitátem.

Lacum apérui, et effódit eum : * et incidit in fóveam quam fecit.

Convertétur dolor ejus in caput ejus : * et in vérticem ipsíus iníquitas ejus descéndet.

Confitébor Dómino secúndum justítiam ejus : * et psallam nómini Dómini altíssimi.

Ant. Salvum me fac, Dómine, propter misericórdiam tuam.

Hymnus

TE lucis ante términum,
Rerum Creátor, póscimus,

Ut pro tua cleméntia
Sis præsul et custódia.

Procul recédant sómnia,
Et nóctium phantásmata,
Hostémque nostrum cómp-
prime,
Ne polluántur córpora.

* **Præsta**, Pater piíssime,
Patrique compar Unice,
Cum Spíritu Paráclito
Regnans per omne sáecu-
lum. Amen.

Capitulum Jer. 14, 9

TU autem in nobis es,
Dómine, et nomen san-
ctum tuum invocátum est
super nos : ne derelínquas
nos, Dómine, Deus noster.

℟. **br.** In manus tuas,
Dómine, * Comméndo spí-
ritum meum. In manus.
℣. Redemísti nos, Dómi-
ne, Deus veritátis. Com-

méndo. Glória Patri. In
manus. ℣. Custódi nos,
Dómine, ut pupíllam óculi.

℟. Sub umbra alárum tuá-
rum prótege nos.

Ant. Salva nos.

Canticum Simeonis

Luc. 2, 29-32

Nunc dimíttis servum
tuum, Dómine, * se-
cúndum verbum tuum in
pace :

Quia vidérunt óculi mei *
salutáre tuum,

Quod parásti * ante fá-
ciem ómnium populórum,
Lumen ad revelatióem
géntium, * et glóriam ple-
bis tuæ Israël.

Glória Patri.

Ant. Salva nos, Dómine,
vigilántes, custódi nos
dormiéntes; ut vigilémus
cum Christo, et requiescá-
mus in pace.

Preees (si dicendæ sint)

KYrie, eléison. Christe,
eléison. Kýrie, eléison.

Pater noster **secreto us-
que ad ℣.** Et ne nos indú-
cas in tentatióem. ℟. Sed
libera nos a malo.

Credo in Deum **secreto
usque ad ℣.** Carnis resur-
rectiόem. ℟. Vitam ætér-
nam. Amen. ℣. Benedí-
ctus es, Dómine, Deus
patrum nostrórum. ℟. Et
laudábilis et gloriósus in
sácula. ℣. Benedicámus

Patrem et Fílium cum Sancto Spírítu. **℟.** Laudémus, et superexaltémus eum in sácula. **℣.** Benedictus es, Dómine, in firmaménto cæli. **℟.** Et laudábilis, et gloriósus, et superexaltátus in sácula. **℣.** Benedícat et custódiat nos omnípotens et miséricors Dóminus. **℟.** Amen. **℣.** Dignáre, Dómine, nocte ista. **℟.** Sine peccáto nos custodíre. **℣.** Miserére nostri, Dómine. **℟.** Miserére nostri. **℣.** Fiat misericórdia tua, Dómine, super nos. **℟.** Quemádmódum sperávimus in te. **℣.** Dómine, exáudi oratiónem meam. **℟.** Et clamor meus ad te véniat. **℣.** Dóminus vobíscum.

Orémus.

Oratio

Visita, quæsumus, Dómine, habitatióem istam, et omnes insídias inimíci ab ea longe repélle : Angeli tui sancti hábitent in ea, qui nos in pace custódiant; et benedictio tua sit super nos semper. Per Dóminum nostrum. **℟.** Amen.

℣. Dóminus vobíscum.**℣.** Benedicámus Dómino.

Benedictio Benedícat et custódiat nos omnípotens et miséricors Dóminus, Pater, et Filius, et Spírítus Sanctus. **℟.** Amen.

Antiphona finalis B. M. V.**℣.** Divínium auxiliúm.Pater, Ave **et** Credo.

FERIA TERTIA

AD MATUTINUM

Pater, Ave **et** Credo.**℣.** Dómine, lábia mea.**℣.** Deus, in adjutórium.

In Officio feriali

Invitat. Jubilémus Deo,
* Salutári nostro. **Ps. 94**
Veníte, exsultémus.

Hymnus

Consors Patérni lúminis,
Lux ipse lucis, et dies,

Noctem canéndo rúmpimus :

Assíste postulántibus.

Aufer tenébras méntium,
Fuga catérvas dáemonum,
Expélle somnoléntiam;
Ne pigritántes óbruat.

Sic, Christe, nobis, ómnibus

Indúlgeas credéntibus,
Ut prosit exorántibus,
Quod præcinéntes psállimus.

Præsta, Pater piissime,
Patrique compar Unice,
Cum Spíritu Paráclito
Regnans per omne sæcu-
lum. Amen.

In I Nocturno

Ant. Expúgna, Dómine, * impugnantes me.

Psalmus 34, i



Udica, Dómine, nocentes me, * expúgna impugnantes me.

Apprehende arma et scutum : * exsúrge in adiutorium mihi.

Effúnde frámeam, et conclúde advérsus eos, qui persequúntur me : * dic animæ meæ : Salus tua ego sum.

Confundántur et reve-
reántur, * quærentes animam meam.

Avertántur retrórsum, et confundántur * cogitantes mihi mala.

Fiant tamquam pulvis ante faciém venti : * et Angelus Dómini coárcetans eos.

Fiat via illórum ténebræ et lúbricum : * et Angelus Dómini persequens eos.

Quóniam gratis abscon-
derunt mihi intéritum lá-
quei sui : * supervácue
exprobravérunt animam
meam.

Véniat illi láqueus, quem
ignórat : et cáptio, quam

abscondit, apprehéndat
eum : * et in láqueum ca-
dat in ipsum.

Anima autem mea exsul-
tábit in Dómino : * et dele-
ctábitur super salutári
suo.

Omnia ossa mea di-
cent : * Dómine, quis sími-
lis tibi?

Erípiens ínopem de manu
fortiórum ejus : * egénium
et páuperem a diripiénti-
bus eum.

Ant. Expúgna, Dómine,
impugnantes me.

Ant. Restítue ánimam
meam * a malefáctis eó-
rum, Dómine.

Psalmus 34, ii

Surgéntes testes ini-
qui, * quæ ignorábam
interrogábant me.

Retribuébant mihi mala
pro bonis : * sterilitátem
animæ meæ.

Ego autem cum mihi
molésti essent, * induébar
cilício.

Humiliábam in jejúnio
ánimam meam : * et orá-
tio mea in sinu meo con-
vertétur.

Quasi próximum, et qua-
si fratrem nostrum, sic
complacébam : * quasi
lugens et contristátus, sic
humiliábar.

Et advérsus me lætáti
sunt, et convenérunt : *
congregáta sunt super me
flagélla, et ignorávi.

Dissipáti sunt, nec compuncti, tentavérunt me, subsannavérunt me subsannatione : * frenduérunt super me déntibus suis.

Dómine, quando respícies? * restítue ánimam meam a malignitáte eórum, a leónibus únicam meam.

Ant. Restítue ánimam meam a malefáctis eórum, Dómine.

Ant. Exsúrge, Dómine, * et inténde iudício meo.

Psalmus 34, iii

Confitebor tibi in ecclesia magna, * in pópulo gravi laudábo te.

Non supergáudeant mihi qui adversántur mihi inique : * qui odérunt me gratis et ánnuunt óculis.

Quóniam mihi quidem pacífice loquebántur : * et in iracúndia terræ loquéntes, dolos cogitábant.

Et dilatavérunt super me os suum : * dixerunt : Euge, euge, vidérunt óculi nostri.

Vidísti, Dómine, ne síleas : * Dómine, ne discédas a me.

Exsúrge et inténde iudício meo : * Deus meus, et Dóminus meus in causam meam.

Júdica me secúndum justítiam tuam, Dómine, Deus meus, * et non supergáudeant mihi.

Non dicant in córdibus suis : Euge, euge, ánimæ nostræ : * nec dicant : Devorávimus eum.

Erubéscant et reveereántur simul, * qui gratulántur malis meis.

Induántur confusióne et reveréntia * qui magna loquúntur super me.

Exsúltent et læténtur qui volunt justítiam meam : * et dicant semper : Magnificétur Dóminus, qui volunt pacem servi ejus.

Et lingua mea meditábitur justítiam tuam, * tota die laudem tuam.

Ant. Exsúrge, Dómine, et inténde iudício meo.

In Festis novem Lectionum :

V. Lingua mea meditábitur justítiam tuam. **R.** Tota die laudem tuam, Dómine.

Absol. Exáudi, Dómine.

Bened. 1 Benedictiône perpétua. 2 Unigénitus Dei Fílius. 3 Spíritus Sancti grátia.

In II Nocturno

Ant. Noli æmulári * † in eo, qui prosperátur, et facit iniquitátem.

Psalmus 36, i

Moli æmulári † in malignántibus : * neque zeláveris facientes iniquitátem.

Quóniam tamquam fœnum velóciter aréscent : *

et quemádmódum ólera herbárum cito decident.

Spera in Dómino, et fac bonitátem : * et inhábita terram, et pascéris in divítiis ejus.

Delectáre in Dómino : * et dabit tibi petitiónes cordis tui.

Revéla Dómino viam tuam, et spera in eo : * et ipse fáciét.

Et edúcet quasi lumen justítiam tuam : et júdicium tuum tamquam merídiem : * súbditus esto Dómino, et ora eum.

Noli æmulári in eo, qui prosperátur in via sua : * in hómine faciénte injustítias.

Désine ab ira, et derelínque furórem : * noli æmulári ut malignéris.

Quóniam qui malignántur, exterminabúntur : * sustinéntes autem Dóminum, ipsi hereditábunt terram.

Et adhuc pusíllum, et non erit peccátor : * et quæres locumejus, et non invénies.

Mansuétí autem hereditábunt terram : * et delectabúntur in multitúdine pacis.

Observábit peccátor justum : * et stridébit super eum déntibus suis.

Dóminus autem irridébit eum : * quóniam próspectat quod véniet dies ejus.

Gládium evaginavérunt

peccatóres : * intendérunt arcum suum.

Ut dejíciant páuperem et ínopem : * ut trucidént re-ctos corde.

Gládus eórum intret in corda ipsórum : * et arcus eórum confringátur.

Ant. Noli æmulári in eo, qui prosperátur, et facit iniquitátem.

Ant. Bráchia peccatórum * conteréntur : confirmat autem justos Dóminus.

Psalmus 36, ii

Melius est módicum justo, * super divítias peccatórum multas.

Quóniam bráchia peccatórum conteréntur : * confirmat autem justos Dóminus.

Novit Dóminus dies immaculatórum : * et heréditas eórum in ætérnum erit.

Non confundéntur in témpore malo, et in diébus famis saturabúntur : * quia peccatóres períbunt.

Inimíci vero Dómini mox ut honorificáti fúerint et exaltáti : * deficientes, quemádmódum fumus deficient.

Mutuábitur peccátor, et non solvet : * justus autem miserétur et tríbuet.

Quia benedicéntes ei hereditábunt terram : * maledicéntes autem ei disperíbunt.

Apud Dóminum gressus hóminis dirigéntur : * et viam ejus volet.

Cum ceciderit, non collidétur : * quia Dóminus supponit manum suam.

Júnior fui, étenim sé-nui : * et non vidi justum derelictum, nec semen ejus quærens panem.

Tota die miserétur et cómmodat : * et semen illíus in benedictióne erit.

Declína a malo, et fac bonum : * et inhábita in sáeculum sáeculi.

Quia Dóminus amat júdícium, et non derelínquet sanctos suos : * in ætérnum conservabúntur.

Injústi puniéntur : * et semen impiórum períbit.

Justi autem hereditábunt terram : * et inhabitábunt in sáeculum sáeculi super eam.

Ant. Bráchia peccatórum conteréntur : confirmat autem justos Dóminus.

Ant. Custódi innocéntiam, * et vide æquitátem.

Psalmus 36, iii

OS justi meditábitur sapiéntiam, * et lingua ejus loquétur júdícium.

Lex Dei ejus in corde ipsíus : * et non supplantabúntur gressus ejus.

Consíderat peccátor justum, * et quærit mortificáre eum.

Dóminus autem non de-

relínquet eum in mánibus ejus : * nec damnábit eum, cum judicábitur illi.

Exspécta Dóminum, et custódi viam ejus : et exaltábit te ut hereditáte cápias terram : * cum perierint peccatóres vidébis.

Vidi ímpium superexaltátum, * et elevátum sicut cedros Líbani.

Et transívi, et ecce non erat : * et quæsívi eum, et non est invéntus locus ejus.

Custódi innocéntiam, et vide æquitátem : * quóniam sunt reliquiæ hómini pacífico.

Injústi autem disperíbunt simul : * reliquiæ impiórum interíbunt.

Salus autem justórum a Dómino : * et protéctor eórum in témpore tribulatiónis.

Et adjuvábít eos Dóminus et liberábit eos : * et éruet eos a peccatóribus, et salvábit eos : quia speravérunt in eo.

Ant. Custódi innocéntiam, et vide æquitátem.

In Festis novem Lectionum :

℣. Exspécta Dóminum, et custódi viam ejus.

℟. Exaltábit te ut hereditáte cápias terram.

Absolutio Ipsíus píetas et.
Bened. 4 Deus Pater omnipotens. 5 Christus perpétuæ.
6 Ignem sui amóris.

In III Nocturno

Ant. Ne in ira tua * corripas me, Dómine.

Psalmus 37, i



Domine, ne in furóre tuo árguas me, * neque in ira tua corripas me.

Quóniam sagittæ tuæ infixæ sunt mihi : * et confirmásti super me manum tuam.

Non est sánitas in carne mea a fácie iræ tuæ : * non est pax óssibus meis a fácie peccatórum meórum.

Quóniam iniquitátes meæ supergréssæ sunt caput meum : * et sicut onus grave gravátæ sunt super me.

Putruérunt et corrúptæ sunt cicatrices meæ, * a fácie insipiéntiæ meæ.

Miser factus sum, et curvátus sum usque in finem : * tota die contrístatus ingrediébar.

Quóniam lumbi mei impléti sunt illusióibus : * et non est sánitas in carne mea.

Afflíctus sum, et humiliátus sum nimis : * rugiébam a gémitu cordis mei.

Dómine, ante te omne desidérium meum : * et gémitus meus a te non est absconditus.

Cor meum conturbátum

est, derelíquit me virtus mea : * et lumen oculórum meórum, et ipsum non est mecum.

Ant. Ne in ira tua corripas me, Dómine.

Ant. Inténde in adjutórium meum, * Dómine, virtus salútis meæ.

Psalmus 37, ii

AMíci mei, et próximi mei * advérsus me appropinquavérunt, et stetérunt.

Et qui juxta me erant, de longe stetérunt : * et vim faciébant qui quærébant ánimam meam.

Et qui inquirebant mala mihi, locúti sunt vanitátes : * et dolos tota die meditabántur.

Ego autem tamquam surdus non audiébam : * et sicut mutus non apériens os suum.

Et factus sum sicut homo non áudiens : * et non habens in ore suo redargutiónes.

Quóniam in te, Dómine, sperávi : * tu exáudies me, Dómine, Deus meus.

Quia dixi : Nequándo supergáudeant mihi inimíci mei : * et dum commovéntur pedes mei, super me magna locúti sunt.

Quóniam ego in flagélla parátus sum : * et dolor meus in conspéctu meo semper.

Quóniam iniquitátem meam annuntiábo : * et cogitábo pro peccáto meo.

Inimíci autem mei vivunt, et confirmáti sunt super me : * et multiplicáti sunt qui odérunt me iníque.

Qui retríbuunt mala pro bonis, detrahébant mihi : * quóniam sequébar bonitátem.

Ne derelínquas me, Dómine, Deus meus : * ne discésseris a me.

Inténde in adiutorium meum, * Dómine, Deus salutis meæ.

Ant. Inténde in adiutorium meum, Dómine, virtus salutis meæ.

Ant. Amove, Dómine, * a me plagas tuas.

Psalmus 38

Dixi : Custódiam vias meas : * ut non delínquam in lingua mea.

Pósui ori meo custódiam, * cum consisteret peccátor advérsus me.

Obmútui, et humiliátus sum, et sílui a bonis : * et dolor meus renovátus est.

Concáluit cor meum intra me : * et in meditatióne mea exardéscet ignis.

Locútus sum in lingua mea : * Notum fac mihi, Dómine, finem meum.

Et númerum diérum meórum quis est : * ut sciam quid desit mihi.

Ecce, mensurábiles posuísti dies meos : * et substantia mea tamquam nihilum ante te.

Verúmtamen univérsa vánitas, * omnis homo vivens.

Verúmtamen in imáGINE pertránsit homo : * sed et frustra conturbátur.

Thesaurízat : * et ignórat cui congregábit ea.

Et nunc quæ est exspectatió mea? Nonne Dóminus? * Et substantia mea apud te est.

Ab ómnibus iniquitatibus meis érue me : * opprobrium insipiénti dedísti me.

Obmútui, et non apérui os meum, quóniam tu fecísti : * ámove a me plagas tuas.

A fortitúdine manus tuæ ego deféci in increpationibus : * propter iniquitatem corripuísti hóminem.

Et tabéscere fecísti sicut aráneam ánimam ejus : * verúmtamen vane conturbátur omnis homo.

Exáudi oratióNem meam, Dómine, et deprecatióNem meam : * áuribus pécipe lácrimas meas.

Ne síleas : quóniam ádvena ego sum apud te, et peregrínus, * sicut omnes patres mei.

Remítte mihi, ut refrígerer priúsqUam ábeam, * et ámplius non ero.

Ant. Amove, Dómine, a me plagas tuas.

In feriali Officio et in Festis :

℣. Deus, ne síleas a me, remítte mihi. **℟.** Quóniam íncola ego sum apud te, et peregrínus.

**In Officio
novem Lectionum**

Absolutio A vínculis.

Bened. 7 Evangélica léctio.

8 In Festis Domini : Divínium auxílium.

In Festis B. M. V. : Cujus festum cólimus, ipsa Virgo.

In Festis Sanctorum : Cujus (vel Quorum aut Quarum) festum cólimus. **9** Ad societátem (Per evangélica dicta.)

**In Officio
trium Lectionum**

Absolutio Ipsíus píetas et.

In Feriis, cum Homilia :

Bened. 1 Evangélica. **2** Divínium. **3** Ad societátem.

In Feriis, sine Homilia :

Bened. 1 Deus Pater. **2** Christus perpétuæ. **3** Ignem sui amóris.

In Festis Sanctorum :

Bened. 1 Illic nos benedícat, qui sine fine vivit et regnat. **℟.** Amen. **2** Cujus (vel Quorum aut Quarum). **3** Ad societátem.

AD LAUDES I

In Feriis extra Vigiliis communes occurrentibus, atque in Festis.

(Pater noster et Ave.)

℣. Deus, in adjutórium.

Ant. Cantáte * † Dómino, et benedícite nómini ejus.

Psalmus 95



Antáte † Dómino cánticum novum : * cantáte Dómino, omnis terra.

Cantáte Dómino, et benedícite nómini ejus : * annuntiáte de die in diem salutáre ejus.

Annuntiáte inter gentes glóriam ejus, * in ómnibus pópulis mirabília ejus.

Quóniam magnus Dóminus, et laudábilis nimis : * terríbilis est super omnes deos.

Quóniam omnes dii géntium dæmónia : * Dóminus autem cælos fecit.

Conféssio, et pulchritúdo in conspéctu ejus : * sanctimónia et magnificéntia in sanctificatióne ejus.

Afférte Dómino, pátriæ géntium, afférte Dómino glóriam et honórem : * afférte Dómino glóriam nómini ejus.

Tóllite hóstias, et introíte in átria ejus : * adoráte Dóminum in átrio sancto ejus.

Commovéatur a fácie ejus univérsa terra : * dícite in géntibus quia Dóminus regnávit.

Etenim corréxit orbem terræ qui non commóvetur : * judicábit pópulos in æquitáte.

Læténtur cæli, et exsultet terra : commoveátur mare, et plenitúdo ejus : * gaudébunt campi, et ómnia quæ in eis sunt.

Tunc exsultábunt ómnia ligna silvárum a fácie Dómini, quia venit : * quóniam venit judicáre terram.

Judicábit orbem terræ in æquitáte, * et pópulos in veritáte tua.

Ant. Cantáte Dómino, et benedícite nómini ejus.

Ant. Salutáre vultus mei * Deus meus.

Psalmus 42

Judica me, Deus, et discérne causam meam de gente non sancta, * ab hómine iníquo, et dolóso érue me.

Quia tu es, Deus, fortitúdo mea : * quare me repulísti? et quare tristis incédo, dum affligit me inimicus?

Emítte lucem tuam et veritátem tuam : * ipsa me deduxérunt, et adduxérunt in montem sanctum tuum, et in tabernacula tua.

Et introibo ad altáre Dei : * ad Deum, qui lætíficat juventútem meam.

Confitébor tibi in cíthara, Deus, Deus meus : * quare tristis es, ánima mea? et quare contúrbas me?

Spera in Deo, quóniam

adhuc confitébor illi : * salutáre vultus mei, et Deus meus.

Ant. Salutáre vultus mei Deus meus.

Ant. Illúmina, Dómine, * vultum tuum super nos.

Psalmus 66

Deus misereátur nostri, et benedícat nobis : * illúminet vultum suum super nos, et misereátur nostri.

Ut cognoscámus in terra viam tuam, * in ómnibus géntibus salutáre tuum.

Confiteántur tibi pópuli, Deus : * confiteántur tibi pópuli omnes.

Læténtur et exsúltent gentes : * quóniam júdicas pópulos in æquitáte, et gentes in terra dírgis.

Confiteántur tibi pópuli, Deus, confiteántur tibi pópuli omnes : * terra dedit fructum suum.

Benedícat nos Deus, Deus noster, benedícat nos Deus : * et métuant eum omnes fines terræ.

Ant. Illúmina, Dómine, vultum tuum super nos.

Ant. Exaltáte * Regem sæculórum in opéribus vestris.

Canticum Tobiae

Tob. 13, 1-10

Magnus es, Dómine, in ætérnum, * et in ómnia sæcula regnum tuum :

Quóniam tu flagéllas, et salvas : dedúcis ad ínferos, et redúcis : * et non est qui effúgiat manum tuam.

Confitémini Dómino, filii Israël, * et in conspéctu géntium laudáte eum :

Quóniam ideo dispérsit vos inter gentes, quæ ignórant eum, * ut vos enarrétis mirabília ejus.

Et faciátis scire eos, * quia non est álius Deus omnipotens præter eum.

Ipse castigávit nos propter iniquitátes nostras : * et ipse salvábit nos propter misericórdiam suam.

Aspícite ergo quæ fecit nobíscum, et cum timóre et tremóre confitémini illi : * Regémque sæculórum exaltáte in opéribus vestris.

Ego autem in terra captivitátis meæ confitébor illi : * quóniam osténdit majestátem suam in gentem peccatricem.

Convertímini ítaque, peccatóres, et fácite justítiam coram Deo, * credéntes quod fáciat vobíscum misericórdiam suam :

Ego autem, et ánima mea * in eo lætábimur.

Benedícite Dóminum, omnes elécti ejus : * ágite dies lætitiæ, et confitémini illi.

Ant. Exaltáte Regem sæculórum in opéribus vestris.

Ant. Laudáte * † nomen Dómini, qui statis in domo Dómini.

Psalmus 134

Laudáte † nomen Dómini, * laudáte, servi, Dóminum.

Qui statis in domo Dómini, * in átriis domus Dei nostri.

Laudáte Dóminum, quia bonus Dóminus : * psállite nómini ejus, quóniam suáve.

Quóniam Jacob elégit sibi Dóminus, * Israël in possessionem sibi.

Quia ego cognóvi quod magnus est Dóminus, * et Deus noster præ ómnibus diis.

Omnia quæcúmque vóluit, Dóminus fecit in cælo, et in terra, * in mari, et in ómnibus abyssis.

Edúcens nubes ab extrémis terræ : * fúlgura in plúviam fecit.

Qui producit ventos de thesáuris suis : * qui percússit primogénita Ægypti ab hómine usque ad pecus.

Et misit signa, et prodígia in médio tui, Ægypte : * in Pharaónem, et in omnes servos ejus.

Qui percússit gentes multas : * et occídit reges fortes :

Sehon, regem Amorrhæórum, et Og, regem Ba-

san, * et ómnia regna Chánaan.

Et dedit terram eórum hereditátem, * hereditátem Israël, pópulo suo.

Dómine, nomen tuum in ætérnum : * Dómine, memoriále tuum in generatióem et generatióem.

Quia iudicábit Dóminus pópulum suum : * et in servis suis deprecábitur.

Simulácra géntium argéntum, et aurum, * ópera mánuum hóminum.

Os habent, et non loquéntur : * óculos habent, et non vidébunt.

Aures habent, et non áudient : * neque enim est spíritus in ore ipsórum.

Símiles illis fiant qui fáciunt ea : * et omnes qui confidunt in eis.

Domus Israël, benedícite Dómino : * domus Aaron, benedícite Dómino.

Domus Levi, benedícite Dómino : * qui timétis Dóminum, benedícite Dómino.

Benedíctus Dóminus ex Sion, * qui hábitat in Jerúsalem.

Ant. Laudáte nomen Dómini, qui statis in domo Dómini.

In Officio feriali

Capit. Rom. 13, 12-13

NOX præcëssit, dies autem appropinquávit. Abjiciámus ergo ópera te-

nebrárum, et induámur arma lucis. Sicut in die honéste ambulémus.

Hymnus

Ales diéi núntius
Lucem propínquam
præcinit :

Nos excitátor méntium
Jam Christus ad vitam
vocat.

Auférte, clamat, léctulos,
Ægro sopóre désides :
Castique, recti, ac sóbrii
Vigiláte, jam sum próxi-
mus.

Jesum ciámus vóci-
bus, Flentes, precántes, sóbrii :
Inténta supplicatio
Dormíre cor mundum ve-
tat.

Tu, Christe, somnum dis-
cute :

Tu rumpe noctis víncula :
Tu solve peccátum vetus,
Novúmque lumen íngere.

Deo Patri sit glória,
Ejúsque soli Fílio,
Cum Spíritu Paráclito,
Nunc et per omne sæcu-
lum. Amen.

℟. Repléti sumus mane
misericórdia tua. **℞.** Ex-
sultávimus, et delectáti
sumus.

Ad Bened. Ant. Eréxit
nobis * Dóminus cornu
salútis in domo David,
púeri sui.

Reliqua ut in Ordinario, 11

AD LAUDES II

In Vigiliis communibus, quando fit Officium de Feria.

(Pater noster et Ave.)

✠. Deus, in adiutorium.

Ant. Dele iniquitatem meam.

Psalmus 50



Iserere mei, Deus, * secundum magnam misericordiam tuam.

Et secundum multitudinem miserationum tuarum, * dele iniquitatem meam.

Amplius lava me ab iniquitate mea : * et a peccato meo munda me.

Quoniam iniquitatem meam ego cognosco : * et peccatum meum contra me est semper.

Tibi soli peccavi, et malum coram te feci : * ut justificeris in sermonibus tuis, et vincas cum iudicaris.

Ecce enim, in iniquitatibus conceptus sum : * et in peccatis concepit me mater mea.

Ecce enim, veritatem dilexisti : * incerta et occulta sapientiae tuae manifestasti mihi.

Asperges me hyssopo, et mundabor : * lavabis me, et super nivem dealbabor.

Audtui meo dabis gaudium et laetitiam : * et exsultabunt ossa humiliata.

Averte faciem tuam a peccatis meis : * et omnes iniquitates meas dele.

Cor mundum crea in me, Deus : * et spiritum rectum innova in visceribus meis.

Ne projicias me a facie tua : * et spiritum sanctum tuum ne auferas a me.

Redde mihi laetitiam salutaris tui : * et spiritu principali confirma me.

Docébo iníquos vias tuas : * et impii ad te convertentur.

Libera me de sanguinibus, Deus, Deus salutis meae : * et exsultabit lingua mea iustitiam tuam.

Dómine, lábia mea apéries : * et os meum annuntiábit laudem tuam.

Quoniam si voluisses sacrificium, dedissem úti- que : * holocáustis non delectáberis.

Sacrificium Deo spíritus contribulátus : * cor contrítum, et humiliátum, Deus, non despícies.

Benigne fac, Dómine, in bona voluntáte tua Sion : * ut ædificéntur muri Jerúsalem.

Tunc acceptábis sacrificium iustítiæ, oblatiónes, et holocáusta : * tunc impónent super altáre tuum vítulos.

Ant. Dele iniquitatem meam, Dómine, secundum

multitudinem miserati-
onum tuarum.

Ant. Discerne causam
meam.

Psalmus 42

Iudica me, Deus, et dis-
cerne causam meam de
gente non sancta, * ab
homine iniquo, et doloso
erue me.

Quia tu es, Deus, forti-
tudo mea : * quare me
repulisti? et quare tristis
incedo, dum affligit me
inimicus?

Emitte lucem tuam et ve-
ritatem tuam : * ipsa me
deduxerunt, et adduxerunt
in montem sanctum
tuum, et in tabernacula
tua.

Et introibo ad altare
Dei : * ad Deum, qui læti-
ficat juventutem meam.

Confitebor tibi in cithara,
Deus, Deus meus : * quare
tristis es, anima mea? et
quare conturbas me?

Spera in Deo, quoniam
adhuc confitebor illi : *
salutare vultus mei, et
Deus meus.

Ant. Discerne causam
meam, Deus, de gente non
sancta.

Ant. Deus misereatur. †

Psalmus 66

Deus misereatur † no-
stri, et benedicat no-
bis : * illuminet vultum
suum super nos, et mise-
reatur nostri.

Ut cognoscamus in terra
viam tuam : * in omnibus
gentibus salutare tuum.

Confiteantur tibi populi,
Deus : * confiteantur tibi
populi omnes.

Lætentur et exsultent
gentes : * quoniam iudicas
populos in æquitate, et
gentes in terra dirigis.

Confiteantur tibi populi,
Deus, confiteantur tibi po-
puli omnes : * terra dedit
fructum suum.

Benedicat nos Deus, Deus
noster, benedicat nos
Deus : * et metuant eum
omnes fines terræ.

Ant. Deus misereatur
nostri, et benedicat nos.

Ant. Corripies me, Dó-
mine.

Canticum Ezechiae

Is. 38, 10-20

EGO dixi : In dimidio
diérum meorum * va-
dam ad portas inferi.

Quæsiui residuum annó-
rum meorum. * Dixi : Non
vidébo Dóminum Deum
in terra vivéntium.

Non aspiciam hóminem
ultra, * et habitatórem
quiétis.

Generatio mea ablata
est, et convoluta est a
me, * quasi tabernaculum
pastórum.

Præcisa est, velut a te-
xente, vita mea : dum ad-
huc ordírer, succidit me : *

de mane usque ad vésperam finies me.

Sperábam usque ad mane, * quasi leo sic contrívit ómnia ossa mea :

De mane usque ad vésperam finies me : * sicut pullus hirúndinis sic clamábo, meditábor ut colúmba :

Attenuáti sunt óculi mei, * suspiciéntes in excélsu :

Dómine, vim pátiar, respónde pro me. * Quid dicam, aut quid respondébit mihi, cum ipse fécerit?

Recogitábo tibi omnes annos meos * in amaritúdine ánimæ meæ.

Dómine, si sic vívitur, et in tálibus vita spíritus mei, corrípies me, et vivificábis me. * Ecce, in pace amaritúdo mea amaríssima :

Tu autem eruísti ánimam meam ut non períret : * projecísti post tergum tuum ómnia peccáta mea.

Quia non inférnus confitébitur tibi, neque mors laudábit te : * non exspectábunt qui descéndunt in lacum, veritátem tuam.

Vivens vivens ipse confitébitur tibi, sicut et ego hódie : * pater filiis notam faciet veritátem tuam.

Dómine, salvum me fac, * et psalmos nostros cantávimus cunctis diébus vitæ nostræ in domo Dómini.

Ant. Corrípies me, Dómine, et vivificábis me.

Ant. Laudáte. †

Psalmus 134

Laudáte † nomen Dómini, * laudáte, servi, Dóminum.

Qui statis in domo Dómini, * in átriis domus Dei nostri.

Laudáte Dóminum, quia bonus Dóminus : * psállite nómini ejus, quóniam suáve.

Quóniam Jacob elégit sibi Dóminus, * Israël in possessionem sibi.

Quia ego cognóvi quod magnus est Dóminus : * et Deus noster præ ómnibus diis.

Omnia quæcúmque vóluit, Dóminus fecit in cælo, et in terra, * in mari, et in ómnibus abyssis.

Edúcens nubes ab extremo terræ : * fúlgura in plúviam fecit.

Qui prodúcit ventos de thesáuris suis : * qui percússit primogénita Ægýpti ab hómine usque ad pecus.

Et misit signa, et prodígia in médio tui, Ægýpte : * in Pharaónem, et in omnes servos ejus.

Qui percússit gentes multas : * et occídit reges fortes :

Sehon, regem Amorrhæórum, et Og, regem Basan, * et ómnia regna Chánaan.

Et dedit terram eorum hereditatem, * hereditatem Israël, populo suo.

Dómine, nomen tuum in ætérnum : * Dómine, memoriále tuum in generatióem et generatióem.

Quia iudicábit Dóminus populum suum : * et in servis suis deprecábitur.

Simulácra géntium argéntum, et aurum, * ópera mánuum hóminum.

Os habent, et non loquéntur : * óculos habent, et non vidébunt.

Aures habent, et non audient : * neque enim est spíritus in ore ipsórum.

Símiles illis fiant qui faciunt ea : * et omnes qui confidunt in eis.

Domus Israël, benedícite Dómino : * domus Aaron, benedícite Dómino.

Domus Levi, benedícite Dómino : * qui timétis Dóminum, benedícite Dómino.

Benedíctus Dóminus ex Sion, * qui hábitat in Jerúsalem.

Ant. Laudáte Dóminum, quia benígnus est, et in servis suis deprecábitur.

Capit. Rom. 13, 12-13

NOX præcessit, dies autem appropinquávit. Abjiciámus ergo ópera tenebrárum, et induámur arma lucis. Sicut in die honéste ambulémus.

Hymnus

Ales diéi nuntius
Lucem propínquam
præcinit :
Nos excitátor méntium
Jam Christus ad vitam
vocat.

Auférte, clamat, léctulos,
Ægro sopóre désides :
Castíque, recti, ac sóbrii
Vigiláte, jam sum próxi-
mus.

Jesum ciámus vóci-
bus, Flentes, precántes, sóbrii :
Inténta supplicatio
Dormíre cor mundum ve-
tat.

Tu, Christe, somnum dis-
cute :

Tu rumpe noctis víncula :
Tu solve peccátum vetus,
Novúmque lumen íngere.

Deo Patri sit glória,
Ejúsque soli Fílio,
Cum Spíritu Paráclito,
Nunc et per omne sæcu-
lum. Amen.

℟. Repléti sumus mane
misericórdia tua. ℞. Ex-
sultávimus, et delectáti
sumus.

Ad Bened. Ant. Eréxit no-
bis * Dóminus cornu salútis
in domo David, púeri tui.

Expleto Cantico ac repetita
Antiphona, dicuntur sequen-
tes

Preces feriales

KYrie, eléison. Christe,
eléison. Kýrie, eléi-
son.

Pater noster, **quod dicitur a solo Hebdomadario totum clara voce, usque ad V.** Et ne nos inducas in tentationem. **R.** Sed libera nos a malo. **V.** Ego dixi : Dómine, miserere mei. **R.** Sana ánimam meam, quia peccávi tibi. **V.** Convertere, Dómine, úsquequo? **R.** Et deprecábilis esto super servos tuos. **V.** Fiat misericórdia tua, Dómine, super nos. **R.** Quemádmódum sperávimus in te. **V.** Sacerdótes tui induántur justítiam. **R.** Et sancti tui exsúltent. **V.** Orémus pro beatíssimo Papa nostro **N.** **R.** Dóminus consérvet eum, et vivíficet eum, et beátum fáciat eum in terra, et non tradat eum in ánimam inimicórum ejus. **V.** Orémus et pro Antístite nostro **N.** **R.** Stet et pascat in fortitúde tua, Dómine, in sublimitáte nóminis tui. **V.** Dómine, salvum fac regem. **R.** Et exáudi nos in die, qua invocáverimus te. **V.** Salvum fac pópulum tuum, Dómine, et benedic hereditáti tuæ. **R.** Et rege eos, et extólle illos usque in ætérnum. **V.** Meménto Congregatiónis tuæ. **R.** Quam possedisti ab inítio. **V.** Fiat pax in virtúte tua. **R.** Et abundantia in túrribus tuis. **V.** Orémus pro benefactó-

ribus nostris. **R.** Retribúere dignáre, Dómine, ómnibus, nobis bona faciéntibus propter nomen tuum, vitam ætérnam. Amen. **V.** Orémus pro fidélibus defúctis. **R.** Réquiem ætérnam dona eis, Dómine, et lux perpétua lúceat eis. **V.** Requiéscant in pace. **R.** Amen. **V.** Pro frátribus nostris abséntibus. **R.** Salvos fac servos tuos, Deus meus, sperántes in te. **V.** Pro afflíctis et captívis. **R.** Libera eos, Deus Israël, ex ómnibus tribulatióibus suis. **V.** Mitte eis, Dómine, auxílium de sancto. **R.** Et de Sion tuére eos. **V.** Dómine, Deus virtútum, converte nos. **R.** Et osténde fáciem tuam, et salvi érimus. **V.** Exsúrge, Christe, ádjuva nos. **R.** Et libera nos propter nomen tuum. **V.** Dómine, exáudi oratió-nem meam. **R.** Et clamor meus ad te véniat.

Reliqua ut in Ordinario. 9

AD PRIMAM

Pater, Ave **et** Credo.

V. Deus, in adjutórium.

Hymnus

JAM lucis orto sídere,
Deum precémur súp-
plices,
Ut in diúrnis áctibus
Nos servet a nocéntibus.

Linguam refrénans tē-
peret,

Ne litis horror ínsonet :
Visum fovéndo cóntegat,
Ne vanitátes háuriat.

Sint pura cordis íntima,
Absístat et vecórdia :
Carnis terat supérbiam
Potus cibíque párcitas.

Ut, cum dies abscésserit
Noctémque sors redúxe-
rit,
Mundi per abstinéntiam
Ipsi canámus glóriam.

* Deo Patri sit glória,
Ejúsque soli Fílio,
Cum Spírítu Paráclito,
Nunc et per omne sáecu-
lum. Amen.

Ant. Deus meus.

Psalmus 24, i



D te, Dómine, levávi
ánimam meam : *
Deus meus, in te
confído, non erubéscam.

Neque irrídeant me ini-
míci mei : * étenim uni-
vérsi, qui sústinent te,
non confundéntur.

Confundántur omnes iní-
qua agéntes * supervácue.

Vias tuas, Dómine, de-
mónstra mihi : * et sémi-
tas tuas édoce me.

Dírige me in veritáte tua,
et doce me : * quia tu es,
Deus, salvátor meus, et te
sustínui tota die.

Reminíscere miseratió-
num tuárum, Dómine, *

et misericordiárum tuá-
rum, quæ a sáculo sunt.

Delícta juventútis meæ, *
et ignorántias meas ne
memíneris.

Secúndum misericórdiam
tuam meménto mei tu : *
propter bonitátem tuam,
Dómine.

Psalmus 24, ii

Dulcis et rectus Dómi-
nus : * propter hoc
legem dabit delinquénti-
bus in via.

Díriget mansuétos in ju-
dício : * docébit mites vias
suas.

Univérsæ viæ Dómini,
misericórdia et véritas, *
requiréntibus testamén-
tum ejus et testimónia
ejus.

Propter nomen tuum,
Dómine, propitiáberis pec-
cáto meo : * multum est
enim.

Quis est homo qui timet
Dóminum? * legem stá-
tuit ei in via, quam elégit.

Anima ejus in bonis de-
morábitur : * et semen
ejus hereditábit terram.

Firmaméntum est Dómi-
nus timéntibus eum : * et
testaméntum ipsíus ut
manifestétur illis.

Psalmus 24, iii

Oculi mei semper ad Dó-
minum : * quóniam
ipse evéllet de láqueo pe-
des meos.

Réspice in me, et misere-
rére mei : * quia únicus et
pauper sum ego.

Tribulatiónes cordis mei
multiplicátæ sunt : * de
necessitatibus meis érue
me.

Vide humilitátem meam,
et labórem meum : * et
dimítte univérsa delicta
mea.

Réspice inimícos meos
quóniam multiplicáti
sunt, * et ódio iníquo odé-
runt me.

Custódi ánimam meam,
et érue me : * non erubé-
scam quóniam sperávi in
te.

Innocéntes et recti adhæ-
sérunt mihi : * quia sustí-
nui te.

Líbera, Deus, Israél, * ex
ómnibus tribulatió nibus
suis.

¶ Quando ad Laudes dictus
fuerit Ps. 50 Miserére, hic
subjungitur seq. Ps. 95, qui
in Laudibus locum non ha-
buit.

Psalmus 95

CAntáte Dómino cánti-
cum novum : * can-
táte Dómino, omnis terra.

Cantáte Dómino, et be-
nedícite nómini ejus : *
annuntiáte de die in diem
salutáre ejus.

Annuntiáte inter gentes
glóriam ejus, * in ómnibus
pópulis mirábilia ejus.

Quóniam magnus Dómi-
nus, et laudábilis nimis : *

terribilis est super omnes
deos.

Quóniam omnes dii gén-
tium dæmónia : * Dómi-
nus autem cælos fecit.

Conféssio, et pulchritúdo
in conspéctu ejus : * san-
ctimónia et magnificéntia
in sanctificatióne ejus.

Afférte Dómino, pátria
géntium, afférte Dómino
glóriam et honórem : *
afférte Dómino glóriam
nómini ejus.

Tóllite hóstias, et introí-
te in átria ejus : * adoráte
Dóminum in átrio sancto
ejus.

Commovéatur a fácie
ejus univérsa terra : * dí-
cite in géntibus quia Dó-
minus regnávít.

Etenim corréxit orbem
terræ qui non commové-
bitur : * judicábit pópulos
in æquitáte.

Læténtur cæli, et exsúl-
tet terra : commovéatur
mare, et plenitúdo ejus : *
gaudébunt campi, et óm-
nia quæ in eis sunt.

Tunc exsultábunt ómnia
ligna silvárum a fácie Dó-
mini, quia venit : * quó-
niam venit judicáre ter-
ram.

Judicábit orbem terræ in
æquitáte, * et pópulos in
veritáte sua.

Secus vero, tribus Psalmis
expletis, statim dicitur Ant.

Ant. Deus meus, in te
confído, non erubéscam.

In Officio Festi vel Octavæ :

Capitulum 1 Tim. 1, 17

REgi sæculórum immortaláli et invisíbili, soli Deo honor et glória in sæcula sæculórum. Amen.

In omnibus autem Feriis et in Vigiliis communibus :

Capitulum Zach. 8, 19

PAcem et veritátem dilígite, ait Dóminus omnípotens.

R. br. Christe, Fili Dei vivi, * Miserére nobis. Christe. **V.** *Qui sedes ad dexteram Patris.* Miserére nobis. Glória Patri. Christe. **V.** Exsúrge, Christe, ádjuva nos. **R.** Et libera nos propter nomen tuum.

Preces dominicales et feriales (si dicendæ sint)

KYrie, eléison. Christe, eléison. Kýrie, eléison.

Pater noster **secreto usque ad V.** Et ne nos indúcas in tentatióem. **R.** Sed libera nos a malo.

Credo in Deum **secreto usque ad V.** Carnis resurrectionem. **R.** Vitam ætérnam. Amen. **V.** Et ego ad te, Dómine, clamávi. **R.** Et mane orátio mea prævéniat te. **V.** Repleátur os meum laude. **R.** Ut cantem glóriam tuam, tota die magnitúdinem

tuam. **V.** Dómine, avérte faciém tuam a peccátis meis. **R.** Et omnes iniquitátes meas dele. **V.** Cor mundum crea in me, Deus. **R.** Et spíritum rectum innova in viscéribus meis. **V.** Ne projícias me a fácie tua. **R.** Et spíritum sanctum tuum ne áuferas a me. **V.** Redde mihi lætítiam salutáris tui. **R.** Et spíritu principáli confirma me.

In Precibus ferialibus tantum

V. Eripe me, Dómine, ab hómine malo. **R.** A viro iníquo éripe me. **V.** Eripe me de inimícis meis, Deus meus. **R.** Et ab insurgéntibus in me libera me. **V.** Eripe me de operántibus iniquitátem. **R.** Et de viris sánguinem salva me. **V.** Sic psalmum dicam nómini tuo in sæculum sæculi. **R.** Ut reddam vota mea de die in diem. **V.** Exáudi nos, Deus, salutáris noster. **R.** Spes ómnium fnium terræ, et in mari longe. **V.** Deus, in adjutórium meum inténde. **R.** Dómine, ad adjuvándum me festína. **V.** Sanctus Deus, Sanctus fortis, Sanctus immortális. **R.** Miserére nobis. **V.** Bénedic, ánima mea, Dómino. **R.** Et ómnia, quæ intra me sunt, nómini

sancto ejus. *℣.* Bénedic, ánima mea, Dómino. *℟.* Et noli oblivísci omnes retributiónes ejus. *℣.* Qui propitiátur ómnibus iniquitátibus tuis. *℟.* Qui sanat omnes infirmitátes tuas. *℣.* Qui rédimít de intéritu vitam tuam. *℟.* Qui coronat te in misericórdia et miseratióibus. *℣.* Qui replet in bonis desidérium tuum. *℟.* Renovábitur ut áquilæ juvéntus tua.

In utrisque Precibus

℣. Adjutórium nostrum in nómine Dómini. *℟.* Qui fecit cælum et terram.

Confíteor. Misereátur. Indulgéntiam.

℣. Dignáre, Dómine, die isto. *℟.* Sine peccáto nos custódire. *℣.* Miserére nostri, Dómine. *℟.* Miserére nostri. *℣.* Fiat misericórdia tua, Dómine, super nos. *℟.* Quemádmódum sperávimus in te. *℣.* Dómine, exáudi oratióem meam. *℟.* Et clamor meus ad te véniat.

℣. Dóminus vobíscum.

Orémus.

Oratio

Domine, Deus omnípotens, qui ad princípium hujus diéi nos pervenire fecisti : tua nos hódie salva virtúte; ut in hac die ad nullum decli-

némus peccátum, sed semper ad tuam justítiam faciéndam nostra procédant elóquia, dirigántur cogitatiónes et ópera. Per Dóminum. *℟.* Amen.

℣. Dóminus vobíscum.

℣. Benedicámus Dómino.

In Choro Martyrologium.

℣. Pretiósá in conspéctu Dómini. *℟.* Mors Sanctórum ejus.

Et absolute, sine Orémus :

Oratio

Sancta María, et omnes Sancti intercédant pro nobis ad Dóminum, ut nos mereámur ab eo adjuvári et salvári, qui vivit et regnat in sǽcula sǽculórum. *℟.* Amen.

℣. Deus, in adjutórium meum inténde. *℟.* Dómine, ad adjuvándum me festína. **Et dicitur ter; ultimo additur :** Glória Patri. Sicut erat.

Kýrie, eléison. Christe, eléison. Kýrie, eléison.

Pater noster **secreto usque ad** *℣.* Et ne nos indúcas in tentatióem. *℟.* Sed libera nos a malo. *℣.* Réspice in servos tuos, Dómine, et in ópera tua, et dirige filios eórum. *℟.* Et sit splendor Dómini, Dei nostri, super nos, et ópera mánuum nostrárum dirige super nos, et opus mánuum nostrárum dirige.

℣. Glória Patri. ℟. Sicut erat.

Orémus.

Oratio

Dirigere et sanctificáre, régere et gubernáre dignáre, Dómine Deus, Rex cæli et terræ, hódie corda et córpora nostra, sensus, sermónes et actus nostros in lege tua, et in opéribus mandatórum tuórum : ut hic, et in ætérnum, te auxiliánte, salvi et líberi esse mereámur, Salvátor mundi : Qui vivis et regnas in sæcula sæculórum. ℟. Amen.

℣. Jube, domne.

Bened. Dies et actus nostros in sua pace dispónat Dóminus omnípotens.

℟. Amen.

In Officio feriali

Dominus autem dírigat corda et córpora nostra in caritaté Dei, et patiéntia Christi. Tu autem.

E Proprio de Tempore

Pro Oct. S. Joannis Bapt.

Reges vidébunt, et consúrgent príncipes et adorábunt Dóminum, Deum tuum et Sanctum Israël, qui elégit te.

Pro Invent. S. Stephani

Positis autem génibus, clamávit voce magna, dicens : Dómine, ne stá-

tuas illis hoc peccátum. Et cum hoc dixisset, obdormívit in Dómino.

E Communi Sanctorum

Pro Apostolis

IBant Apóstoli gaudéntes a conspéctu concílii, quóniam digni hábiti sunt pro nómine Jesu contuméliam pati.

Pro Martyre

Iustus cor suum trádidit ad vigilándum dilúculo ad Dóminum, qui fecit illum, et in conspéctu Altíssimi deprecábitur.

Pro pluribus Martyribus

Fulgébunt justí, et tamquam scintillæ in arundinéto discúrrunt. Judicábunt nátiónes, et dominabúntur pópulis : et regnabit Dóminus illórum in perpétuum.

Pro Conf. Pont.

Fungi sacerdótio, et habére laudem in nómine ipsíus, et offérre illi incénsusum dignum in odórem suavitátis.

Pro Conf. non Pont.

Iustum dedúxit Dóminus per vias rectas, et osténdit illi regnum Dei, et dedit illi sciéntiam sanctorum; honestávit illum in labóribus, et complévit labóres illíus.

Pro Virgine Martyre

Domine, Deus meus, exaltásti super terram habitationem meam, et pro morte defluente deprecata sum. Invocavi Dóminum, Patrem Dómini mei, ut non derelinquat me in die tribulationis meae, et in tempore superbórum sine adjutório.

Pro Virgine non Martyre

O quam pulchra est casta generatio cum claritate! immortalis est enim memoria illius : quoniam apud Deum nota est, et apud homines.

Pro Martyre tantum

Laudabit usque ad mortem anima mea Dóminum, quoniam éruis sustinentes te, et liberas eos de manu angustiae, Dómine, Deus noster.

Pro nec Virg. nec Mart.

Multae filiae congregaverunt divitias : tu supergressa es universas. Fallax gratia, et vana est pulchritudo : mulier timens Dóminum, ipsa laudabitur.

Pro Dedicatione Ecclesiae

Et abstérget Deus omnem lácrimam ab oculis eórum : et mors ultra non erit, neque luctus, neque clamor, neque dolor erit ultra, quia prima abié-

runt. Et dixit qui sedébat in throno : Ecce, nova facio ómnia.

In Officiis B. Mariae V.

In platéis sicut cinnamómun et bálsamum aromatizans odórem dedi : quasi myrrha electa dedi suavitatem odóris.

V. Adjutórium nostrum in nómine Dómini. **R.** Qui fecit cælum et terram.

V. Benedícite. **R.** Deus.

Benedictio Dóminus nos benedícat, et ab omni malo deféndat, et ad vitam perducát aetérnam. Et fidélium animae per misericórdiam Dei requiescant in pace. **R.** Amen.

Deinde dicitur tantum Pater noster **secreto, nisi sequatur alia Hora.**

AD TERTIAM

Pater noster **et** Ave.

V. Deus, in adjutórium.

Hymnus

Nunc, Sancte, nobis, Spíritus, Unum Patri cum Fílio, Dignáre promptus ingeri Nostro refúsus pectori.

Os, lingua, mens, sensus, vigor, Confessionem pérsonent, Flamméscat igne caritas, Accéndat ardor próximos.

* **Præsta**, Pater piissime,
Patrique compar Unice,
Cum Spíritu Paráclito
Regnans per omne sæculum.
Amen.

Ant. Respexit me.

Psalmus 39, i



Xspéctans exspectávi Dóminum, *
et inténdit mihi.

Et exaudivit preces meas : * et eduxit me de lacu miseriæ, et de luto facis.

Et stáuit super petram pedes meos : * et diréxit gressus meos.

Et immisit in os meum cánticum novum, * carmen Deo nostro.

Vidébunt multi, et timébunt : * et sperábunt in Dómino.

Beátus vir, cujus est nomen Dómini spes ejus : * et non respexit in vanitátes et insánias falsas.

Multa fecisti tu, Dómine, Deus meus, mirabília tua : * et cogitatióibus tuis non est qui símilis sit tibi.

Annuntiávi et locútus sum : * multiplicáti sunt super númerum.

Sacrificium et oblatiõem nolúisti : * aures autem perfecisti mihi.

Holocáustum et pro peccáto non postulásti : * tunc dixi : Ecce, vénio.

In cápite libri scriptum est de me ut fácerem vo-

luntátem tuam : * Deus meus, vólui, et legem tuam in médio cordis mei.

Psalmus 39, ii

Annuntiávi justítiam tuam in ecclésia magna, * ecce, lábia mea non prohibébo : Dómine, tu scisti.

Justítiam tuam non abscondi in corde meo : * veritátem tuam et salutáre tuum dixi.

Non abscondi misericórdiam tuam et veritátem tuam * a concílio multo.

Tu autem, Dómine, ne longe fácias miseratiónes tuas a me : * misericórdia tua et véritas tua semper suscepérunt me.

Quóniam circumdedérunt me mala, quorum non est númerus : * comprehenderunt me iniquitátes meæ, et non pótui ut vidérem.

Multiplicátæ sunt super capillos cápitis mei : * et cor meum derelíquit me.

Compláceat tibi, Dómine, ut éruas me : * Dómine, ad adjuvándum me respice.

Psalmus 39, iii

Confundántur et reve-
reántur simul, qui
quærunť ánimam meam, *
ut áuferant eam.

Convertántur retrórsum,
et revereántur, * qui vo-
lunt mihi mala.

Ferant confestim confusiónem suam, * qui dicunt mihi : Euge, euge.

Exsúltent et læténtur super te omnes quæréntes te : * et dicant semper : Magnificétur Dóminus : qui dñligunt salutáre tuum.

Ego autem mendicus sum, et pauper : * Dóminus sollicitus est mei.

Adjútor meus, et protéctor meus tu es : * Deus meus, ne tardáveris.

Ant. Respéxit me, et exaudivit deprecationem meam Dóminus.

In Officio feriali

Capitulum Jer. 17, 14

SAna me, Dómine, et sanábor : salvum me fac, et salvus ero : quóniam laus mea tu es.

℟. br. Sana ánimam meam, * Quia peccávi tibi. Sana. **℣.** Ego dixi : Dómine, miserére mei. Quia. **Glória Patri.** Sana.

℣. Adjútor meus esto, ne derelínquas me. **℟.** Neque despícias me, Deus, salutáris meus.

In Vigiliis communibus :

Preces feriales

Kýrie, eléison. Christe, eléison. Kýrie, eléison.

Pater noster **secreto usque ad** **℣.** Et ne nos indúcas in tentatióem. **℟.** Sed libera nos a malo. **℣.** Dó-

mine, Deus virtútum, converté nos. **℟.** Et osténde faciém tuam, et salvi érimus. **℣.** Exsúrge, Christe, ádjuva nos. **℟.** Et libera nos propter nomen tuum. **℣.** Dómine, exáudi oratióem meam. **℟.** Et clamor meus ad te véniat.

Reliqua ut in Ordinario. 19

AD SEXTAM

Pater noster **et Ave.**

℣. Deus, in adjutórium.

Hymnus

Rector potens, verax Deus,
Qui témperas rerum vices,
Splendóre mane illúminas,
Et ignibus merídiem :

Exstingue flammás lítium,
Aufer calórem nóxium,
Confer salutem córporum,
Verámque pacem córdium.

* **Præsta,** Pater piíssime,
Patrique compar Unice,
Cum Spíritu Paráclito
Regnans per omne sáculum. Amen.

Ant. Suscepisti me, Dómine.

Psalmus 40



Eátus qui intélligit super egénium, et páuperem : * in die mala liberábit eum Dóminus.

Dóminus consérvet eum, et vivíficet eum, et beá-

tum fáciat eum in terra : *
et non tradat eum in ánimam inimicórum ejus.

Dóminus opem ferat illi
superlectum dolórise ejus : *
univérsum stratum ejus
versásti in infirmitáte
ejus.

Ego dixi : Dómine, misere-
rére mei : * sana ánimam
meam, quia peccávi tibi.

Inimíci mei dixerunt ma-
la mihi : * Quando moriétur,
et peribit nomen
ejus ?

Et si ingrediebátur ut vi-
deret, vana loquebátur : *
cor ejus congregávit iniquitátem sibi.

Egrediebátur foras, * et
loquebátur in idípsum.

Advérsus me susurrá-
bant omnes inimíci mei : *
advérsus me cogitábant
mala mihi.

Verbum iníquum consti-
tuérunt advérsus me : *
Numquid qui dormit non
adjíciet ut resúrgat ?

Etenim homo pacis meæ,
in quo sperávi : * qui edé-
bat panes meos, magnifi-
cávit super me supplantati-
ónem.

Tu autem, Dómine, mi-
serére mei, et resúscita
me : * et retríbuam eis.

In hoc cognóvi quóniam
voluísti me : * quóniam
non gaudébit inimícus
meus super me.

Me autem propter inno-
céntiam suscepísti : * et

confirmásti me in conspé-
ctu tuo in ætérnum.

Benedíctus Dóminus,
Deus Israël, a sáculo et
usque in sáculum : * fiat,
fiat.

Psalmus 41, i

Quemádmódum desíde-
rat cervus ad fontes
aquárum : * ita desíderat
ánima mea ad te, Deus.

Sitívit ánima mea ad
Deum fortem vivum : *
quando véniam, et appa-
rébo ante fáciem Dei ?

Fuérunt mihi lácrimæ
meæ panes die ac no-
cte : * dum dícitur mihi
quotídie : Ubi est Deus
tuus ?

Hæc recordátus sum, et
effúdi in me ánimam
meam : * quóniam trans-
íbo in locum tabernáculi
admirábilis, usque ad do-
mum Dei.

In voce exsultatiónis, et
confessiónis : * sonus epu-
lántis.

Quare tristis es, ánima
mea ? * et quare contúrbas
me ?

Spera in Deo, quóniam
adhuc confitébor illi : * sa-
lutáre vultus mei, et Deus
meus.

Psalmus 41, ii

Ad meípsum ánima mea
conturbáta est : * pro-
ptérea memor ero tui de
terra Jordánis, et Hermó-
nim a monte módico.

Abýssus abýssum invo-
cat, * in voce cataractá-
rum tuárum.

Omnia excélsa tua, et
fluctus tui * super me
transiérunt.

In die mandávit Dómi-
nus misericórdiam suam : *
et nocte cánticum ejus.

Apud me orátio Deo vitæ
meæ, * dicam Deo : Sus-
céptor meus es.

Quare oblítus es mei? *
et quare contristátus in-
cédo, dum affligit me ini-
mícus?

Dum confringúntur ossa
mea, * exprobravérunt
mihi qui tríbulant me ini-
míci mei.

Dum dicunt mihi per sín-
gulos dies : Ubi est Deus
tuus? * quare tristis es,
ánima mea? et quare con-
túrbas me?

Spera in Deo, quóniam
adhuc confitébor illi : * sa-
lutáre vultus mei, et Deus
meus.

Ant. Suscepísti me, Dó-
mine : et confirmásti me
in conspéctu tuo.

In Offício feriali

Capitulum Rom. 13, 8

Nemini quidquam de-
beátis, nisi ut invicem
diligátis : qui enim díligit
próximum, legem implé-
vit.

℟. br. Benedícam Dómi-
num * In omni témpore.
Benedícam. **℣.** Semper

laus ejus in ore meo. In
omni témpore. **Glória** Pa-
tri. Benedícam. **℣.** Dó-
minus regit me, et nihil
mihi déerit. **℟.** In loco pá-
scuæ ibi me collocávit.

In Vigiliis communibus :

Preces feriales

Kýrie, eléison. Christe,
eléison. Kýrie, eléison.

Pater noster **secreto us-
que ad ℣.** Et ne nos indú-
cas in tentatiónem. **℟.** Sed
líbera nos a malo. **℣.** Dó-
mine, Deus virtútum, con-
vérté nos. **℟.** Et osténde
fáciem tuam, et salvi éri-
mus. **℣.** Exsúrge, Christe,
ádjua nos. **℟.** Et líbera
nos propter nomen tuum.
℣. Dómine, exáudi oratió-
nem meam. **℟.** Et clamor
meus ad te véniat.

Reliqua ut in Ordinario. 20

AD NONAM

Pater noster **et Ave.**

℣. Deus, in adjutórium.

Hymnus

Rerum, Deus, tenax vi-
gor,

Immótus in te pérmanens,
Lucis diúrnæ témpora
Succéssibus detérminans :

Largíre lumen véspere,
Quo vita nusquam décidat,
Sed præmium mortis sa-
cræ

Perénnis instet glória.

* **Præsta**, Pater piissime,
Patrique compar Unice,
Cum Spiritu Paráclito
Regnans per omne sæcu-
lum. Amen.

Ant. Salvásti nos.

Psalmus 43, i

DEus, áuribus nostris
audívimus : * pa-
tres nostri annun-
tiavérunt nobis.

Opus, quod operátus es
in diébus eórum, * et in
diébus antíquis.

Manus tua gentes dispér-
didit, et plantásti eos : *
afflixísti pópulos, et expu-
lísti eos.

Nec enim in gládio suo
possederunt terram, * et
bráchium eórum non sal-
vávít eos :

Sed délixtera tua, et brá-
chium tuum, et illumíná-
tio vultus tui : * quóniam
complacuísti in eis.

Tu es ipse Rex meus et
Deus meus : * qui mandas
salútes Jacob.

In te inimícos nostros
ventilábimus cornu : * et
in nómine tuo spernémus
insurgéntes in nobis.

Non enim in arcu meo
sperábo : * et gládius
meus non salvábit me.

Salvásti enim nos de
affligéntibus nos : * et
odiéntes nos confudísti.

In Deo laudábimur tota
die : * et in nómine tuo
confitébimur in sæculum.

Psalmus 43, ii

Nunc autem repulísti et
confudísti nos : * et
non egrediéris, Deus, in
virtútibus nostris.

Avertísti nos retrórsum
post inimícos nostros : *
et qui odérunt nos, diri-
piébant sibi.

Dedísti nos tamquam
oves escárum : * et in
géntibus dispersísti nos.

Vendidísti pópulum tuum
sine pretío : * et non fuit
multitúdo in commutatió-
nibus eórum.

Posuísti nos oppróbrium
vicínis nostris, * subsan-
natióem et derísium his,
qui sunt in circúitu nostro.

Posuísti nos in similitú-
dinem géntibus : * com-
motiónem cápitis in pó-
pulis.

Tota die verecúndia mea
contra me est, * et confú-
sio faciéi meæ coopérui-
t me.

A voce exprobrántis, et
obloquéntis : * a fácie ini-
míci, et persecuéntis.

Hæc ómnia venérunt su-
per nos, nec obliti sumus
te : * et inique non égimus
in testaménto tuo.

Et non recéssit retro cor
nostrum : * et declinásti
sémitas nostras a via tua :

Quóniam humiliásti nos
in loco afflictiónis, * et
coopérui nos umbra mor-
tis.

Psalmus 43, iiii

SI obliti sumus nomen Dei nostri, * et si expándimus manus nostras ad deum aliénium :

Nonne Deus requíret ista? * ipse enim novit abscondita cordis.

Quóniam propter te mortificámur tota die : * æstimáti sumus sicut oves occisiónis.

Exsúrge, quare obdór-mis, Dómine? * exsúrge, et ne repéllas in finem.

Quare faciém tuam avértis, * oblivísceris inópiæ nostræ, et tribulatiónis nostræ?

Quóniam humiliáta est in púlvere ánima nostra : * conglutinátus est in terra venter noster.

Exsúrge, Dómine, ád-juva nos : * et rédime nos propter nomen tuum.

Ant. Salvásti nos, Dómine : et in nómine tuo confitébimur in sácula.

In Officio feriali

Capit. 1 Petri 1, 17-19

IN timóre incolátus vestri témpore conversámini : sciéntes quod non corruptibílibus auro vel argénto redépti estis, sed pretiósó ságuine quasi Agni immaculáti Christi.

℟. br. Rédime me, Dómine, * Et miserére mei.

Rédime me, Dómine, et miserére mei. **℣.** Pes enim meus stetit in via recta. Et miserére mei. **Glória Patri.** Rédime. **℣.** Ab occúltis meis munda me, Dómine. **℟.** Et ab aliénis parce servo tuo.

In Vigiliis communibus :

Preces feriales

KYrie, eléison. Christe, eléison. **Kýrie, eléison.**

Pater noster secreto usque ad ℣. Et ne nos indúcas in tentatiónem. **℟.** Sed libera nos a malo. **℣.** Dómine, Deus virtútum, convérte nos. **℟.** Et osténde faciém tuam, et salvi érimus. **℣.** Exsúrge, Christe, ádjuva nos. **℟.** Et libera nos propter nomen tuum. **℣.** Dómine, exáudi oratió-nem meam. **℟.** Et clamor meus ad te véniat.

Reliqua ut in Ordinario. 22

AD VESPERAS

Pater noster et Ave.

℣. Deus, in adjutórium.

Ant. Qui hábitas in cælis, * miserére nobis.

Psalmus 122

De te levávi óculos meos, * qui hábitas in cælis.

Ecce, sicut óculi servórum * in mánibus domínorum suórum.

Sicut óculi ancillæ in má-
nibus dómínæ suæ : * ita
óculi nostri ad Dóminum,
Deum nostrum, donec mi-
sereátur nostri.

Miserére nostri, Dómine,
miserére nostri : * quia
multum repléti sumus de-
spectióne :

Quia multum repléta est
ánima nostra : * oppró-
brium abundántibus, et
despéctio superbis.

Ant. Qui hábitas in cæ-
lis, miserére nobis.

Ant. Adjutórium no-
strum * in nómine Dómini.

Psalmus 123

Nisi quia Dóminus erat
in nobis, dicat nunc
Israël : * nisi quia Dómi-
nus erat in nobis.

Cum exsúrgerent hómi-
nes in nos, * forte vivos
deglutissent nos :

Cum irascerétur furor eó-
rum in nos, * fórsitan
aqua absorbuisset nos.

Torréntem pertransívit
ánima nostra : * fórsitan
pertransísset ánima no-
stra aquam intolerábi-
lem.

Benedíctus Dóminus *
qui non dedit nos in ca-
ptiónem déntibus eórum.

Anima nostra sicut pas-
ser erépta est * de láqueo
venántium :

Láqueus contrítus est, *
et nos liberáti sumus.

Adjutórium nostrum in

nómine Dómini, * qui fecit
cælum et terram.

Ant. Adjutórium no-
strum in nómine Dómini.

Ant. In circúitu pópuli
sui * Dóminus, ex hoc
nunc et usque in sáeculum.

Psalmus 124

QUI confidunt in Dómi-
no, sicut mons Sion : *
non commovébitur in
æternum, qui hábitat in
Jerúsalem.

Montes in circúitu ejus : *
et Dóminus in circúitu
pópuli sui, ex hoc nunc et
usque in sáeculum.

Quia non relínquet Dó-
minus virgam peccatórum
super sortem justórum : *
ut non exténdant justi ad
iniquitátem manus suas.

Bénefac, Dómine, bonis, *
et rectis corde.

Declinántes autem in
obligatiónes addúcet Dó-
minus cum operántibus
iniquitátem : * pax super
Israël.

Ant. In circúitu pópuli
sui Dóminus, ex hoc nunc
et usque in sáeculum.

Ant. Magnificávit Dómi-
nus * fácere nobiscum :
facti sumus lætántes.

Psalmus 125

IN converténdo Dóminus
captivitátem Sion : *
facti sumus sicut conso-
láti :

Tunc replétum est gaudio os nostrum : * et lingua nostra exsultatione.

Tunc dicent inter gentes : * Magnificavit Dominus facere cum eis.

Magnificavit Dominus facere nobiscum : * facti sumus lætantes.

Convérte, Dómine, captivitatem nostram, * sicut torrens in Austro.

Qui sémant in lácrimis, * in exsultatione metent.

Eúntes ibant et flebant, * mitténtes sémina sua.

Veniéntes autem vénient cum exsultatione, * portántes manípulos suos.

Ant. Magnificavit Dominus facere nobiscum : facti sumus lætantes.

Ant. Dóminus ædificet * nobis domum, et custodiat civitatem.

Psalmus 126

Nisi Dóminus ædificáverit domum, * in vanum laboravérunt qui ædificant eam.

Nisi Dóminus custodíerit civitatem, * frustra vígilat qui custódit eam.

Vanum est vobis ante lucem súrgere : * súrgite postquam sedéritis, qui manducátis panem doloris.

Cum déderit diléctis suis somnum : * ecce heréditas Dómini filii : merces, fructus ventris.

Sicut sagittæ in manu poténtis : * ita filii excusórum.

Beátus vir, qui implévit desidérium suum ex ipsis : * non confundétur cum loquétur inimícis suis in porta.

Ant. Dóminus ædificet nobis domum, et custodiat civitatem.

In Officio feriali

Capitulum 2 Cor. 1, 3-4

Benedíctus Deus, et Pater Dómini nostri Jesu Christi, Pater misericordiárum, et Deus totius consolatiónis, qui consolátur nos in omni tribulatione nostra.

Hymnus

Tellúris alme Cónditor
Mundi solum qui séparans,
Pulsis aquæ moléstis,
Terram dedisti immóbilem :

Ut germen aptum próferens,
Fulvis decóra flóribus,
Fecúnda fructu sísteret,
Pastúmque gratum redde-ret.

Mentis perústæ vúlnera
Munda viróre grátiae :
Ut facta fletu díluat,
Motúsque prapos átterat.

Jussis tuis obtémperet :
Nullis malis appróximet :
Bonis repléri gáudeat,
Et mortis ictum nésciat.

Præsta, Pater piissime,
Patrique compar Unice,
Cum Spiritu Paráclito
Regnans per omne sæcu-
lum. Amen.

℣. Dirigatur, Domine,
oratio mea. ℞. Sicut in-
censum in conspectu tuo.

Ad Magnif. Ant. Exsul-
tavit * spiritus meus in
Deo, salutari meo.

Reliqua ut in Ordinario. 22

AD COMPLETORIUM

℣. Jube, domne.

Bened. Noctem quietam,
et finem perfectum concé-
dat nobis Dominus omni-
potens. ℞. Amen.

Lectio br. 1 Petri 5, 8-9

Fratres : Sóbrii estóte,
et vigiláte : quia ad-
versarius vester diábolus
tamquam leo rúgiens cír-
cuit, quærens quem dévo-
ret : cui resistite fortes in
fide. Tu autem, Domine,
miserere nobis. ℞. Deo
grátias.

℣. Adjutorium nostrum
in nómine Domini. ℞. Qui
fecit cælum et terram.

Pater noster, **quod dicitur
totum secreto.**

Confiteor. Misereatur. In-
dulgéntiam.

℣. Convérte nos, Deus,
salutáris noster. ℞. Et
avérte iram tuam a nobis.

℣. Deus, in adjutorium.

Ant. Tu Domine.

Psalmus 11

Salvum me fac, Dó-
mine, quóniam de-
fécit sanctus : *
quóniam diminútæ sunt
veritátes a filiis hómi-
num.

Vana locúti sunt unus-
quisque ad próximum
suum : * lábia dolósa, in
corde et corde locúti sunt.

Dispérdat Dóminus uni-
vérsa lábia dolósa, * et
linguam magnifloquam.

Qui dixerunt : Linguam
nostram magnificábimus,
lábia nostra a nobis sunt, *
quis noster Dóminus est?

Propter misériam in-
opum, et gémitum páupe-
rum, * nunc exsúrgam, di-
cit Dóminus.

Ponam in salutári : *
fiduciáliter agam in eo.

Elóquia Domini, elóquia
casta : * argéntum igne
examínatum, probátum
terræ purgátum séptu-
plum.

Tu, Domine, servábis
nos : et custódies nos * a
generatióne hac in ætér-
num.

In circúitu ímpii ámbu-
lant : * secúndum altitú-
dinem tuam multiplicásti
fílios hóminum.

Psalmus 12

Usquequo, Domine, obli-
visceris me in finem? *
Usquequo avértis fáciem
tuam a me?

Quámdiu ponam consília in ánima mea, * dolórem in corde meo per diem?

Usquequo exaltábitur inimícus meus super me? * réspice, et exáudi me, Dómine, Deus meus.

Illúmina óculos meos ne umquam obdórmiam in morte : * nequándo dicat inimícus meus : Præválui advérsus eum.

Qui tríbulant me, exultábunt si motus fúero : * ego autem in misericórdia tua sperávi.

Exsultábit cor meum in salutári tuo : cantábo Dómino qui bona tríbuit mihi : * et psallam nómini Dómini altíssimi.

Psalmus 15

Consérva me, Dómine, quóniam sperávi in te. * Dixi Dómino : Deus meus es tu, quóniam bonórum meórum non eges.

Sanctis, qui sunt in terra ejus, * mirificávit omnes voluntátes meas in eis.

Multiplicátæ sunt infirmitátes eórum : * póstea acceleravérunt.

Non congregábo conventícula eórum de sanguínibus, * nec memor ero nóminum eórum per lábia mea.

Dóminus pars hereditátis meæ, et cálicis mei : * tu es, qui restítues hereditátem meam mihi.

Funes cecidérunt mihi in præcláris : * étenim heréditas mea præclára est mihi.

Benedícam Dóminum, qui tríbuit mihi intelléctum : * insuper et usque ad noctem increpuérunt me renes mei.

Providébam Dóminum in conspéctu meo semper : * quóniam a dextris est mihi, ne commóvear.

Propter hoc lætátum est cor meum, et exsultávit lingua mea : * insuper et caro mea requiescet in spe.

Quóniam non derelínques ánimam meam in inférno : * nec dabis sanctum tuum vidére corruptiónem.

Notas mihi fecísti vias vitæ, adimplébis me lætítia cum vultu tuo : * delectatiónes in dextera tua usque in finem.

Ant. Tu, Dómine, servábis nos : et custódies nos in ætérnum.

Hymnus

TE lucis ante términum, Rerum Créator, póscimus,

Ut pro tua cleméntia Sis præsul et custódia.

Procul recédant sómnia, Et nóctium phantásmata; Hostémque nostrum cómpri-

Ne polluéantur córpora.

* **P**ræsta, Pater piissime,
Patrique compar Unice,
Cum Spíritu Paráclito
Regnans per omne sæcu-
lum. Amen.

Capitulum Jer. 14, 9

TU autem in nobis es,
Dómine, et nomen san-
ctum tuum invocátum est
super nos : ne derelin-
quas nos, Dómine, Deus
noster.

℟. br. In manus tuas,
Dómine, * Comméndo spi-
ritum meum. In manus.
℣. Redemísti nos, Dómi-
ne, Deus veritátis. Com-
méndo. Glória Patri. In
manus. ℣. Custódi nos,
Dómine, ut pupillam óculi.
℟. Sub umbra alárum tuá-
rum prótege nos.

Ant. Salva nos.

Canticum Simeonis

Luc. 2, 29-32

Nunc dimíttis servum
tuum, Dómine, * se-
cúndum verbum tuum in
pace :

Quia vidérunt óculi mei *
salutáre tuum,

Quod parásti * ante fá-
ciem ómnium populórum.

Lumen ad revelatióem
géntium, * et glóriam ple-
bis tuæ Israél.

Glória Patri.

Ant. Salva nos, Dómine,
vigilántes, custódi nos
dormiéntes : ut vigilémus

cum Christo, et requie-
scámus in pace.

Preces (si dicendæ sint)

KYrie, eléison. Christe,
eléison. Kýrie, eléison.

Pater noster **secreto us-
que ad ℣.** Et ne nos indú-
cas in tentatióem. ℟. Sed
libera nos a malo.

Credo in Deum **secreto
usque ad ℣.** Carnis resur-
rectiόem. ℟. Vitam ætér-
nam. Amen. ℣. Benedi-
ctus es, Dómine, Deus pa-
trum nostrórum. ℟. Et
laudábilis et gloriósus in
sæcula. ℣. Benedicámus
Patrem et Fílium cum
Sancto Spíritu. ℟. Laudé-
mus, et superexaltémus
eum in sæcula. ℣. Bene-
dictus es, Dómine, in fir-
maménto cæli. ℟. Et lau-
dábilis, et gloriósus, et
superexaltátus in sæcula.
℣. Benedicat et custódiat
nos omnípotens et miséri-
cors Dóminus. ℟. Amen.
℣. Dignáre, Dómine, no-
cte ista. ℟. Sine peccáto
nos custodíre. ℣. Miserére
nostri, Dómine. ℟. Mise-
rére nostri. ℣. Fiat mise-
ricórdia tua, Dómine, su-
per nos. ℟. Quemádmo-
dum sperávimus in te.
℣. Dómine, exáudi oratió-
nem meam. ℟. Et clamor
meus ad te véniat.

℣. Dóminus vobíscum.

Orémus.

Oratio

Visita, quæsumus, Dómine, habitationem istam, et omnes insídias inimíci ab ea longe repelle : Angeli tui sancti hábitent in ea, qui nos in pace custódiant; et benedictio tua sit super nos semper. Per Dóminum nostrum. **R.** Amen.

R. Dóminus vobíscum.

R. Benedicámus Dómino.

Benedictio Benedícat et custódiat nos omnípotens et miséricors Dóminus, Pater, et Filius, et Spíritus Sanctus. **R.** Amen.

Antiphona finalis B. M. V.

R. Divínium auxílium.

Pater, Ave **et** Credo.

FERIA QUARTA

AD MATUTINUM

Pater, Ave **et** Credo.

R. Dómine, lábia mea.

R. Deus, in adjutórium.

In Officio feriali

Invitat. Deum magnum Dóminum, * Veníte, adorémus. **Ps. 94** Veníte.

Hymnus

Rerum Creátor óptime, Rectórque noster, aspice :

Nos a quiéte nóxia
Mersos sopóre libera.

Te, sancte Christe, póscimus,

Ignósce culpis ómnibus :
Ad confiténdum súrgimus,
Morásque noctis rúmpimus.

Mentes manúsque tóllimus,

Prophéta sicut nóctibus
Nobis geréndum præcipit,
Paulúsque gestis cénsuit.

Vides malum, quod féci-
mus :

Occúlta nostra pándimus :
Preces geméntes fúndi-
mus,

Dimítte quod peccávimus.

* **Præsta**, Pater piíssime,
Patrique compar Unice,
Cum Spíritu Paráclito
Regnans per omne sæcu-
lum. Amen.

In I Nocturno

Ant. Speciósus forma *
præ filiis hóminum, diffú-
sa est grátia in lábiis tuis.

Psalmus 44, i



Ructávit cor meum
verbum bonum : *
dico ego ópera mea
Regi.

Lingua mea cálamus scribæ, * velóciter scribén-tis.

Speciósus forma præ filiis hóminum, diffúsa est grátia in lábiis tuis : * proptérea benedíxit te Deus in ætérnum.

Accíngere gládio tuo super femur tuum, * poten-tíssime.

Spécie tua et pulchritú-dine tua * inténde, pró-spere procéde, et regna.

Propter veritátem, et mansuetúdinem, et justítiam : * et dedúcet te mi-rabíliter délixtera tua.

Sagíttæ tuæ acútæ, pó-puli sub te cadent, * in corda inimicórum Regis.

Sedes tua, Deus, in sá-culum sáculi : * virga directiónis virga regni tui.

Dilexísti justítiam, et odísti iniquitátem : * pro-ptérea unxit te Deus, Deus tuus, óleo lætítiæ præ consórtibus tuis.

Myrrha, et gutta, et cá-sia a vestiméntis tuis, a dómibus ebúrneis : * ex quibus delectavérunt te filia regum in honóre tuo.

Astitit regína a dextris tuis in vestítu deauráto : * circúmdata varietáte.

Ant. Speciósus forma præ filiis hóminum, dif-fúsa est grátia in lábiis tuis.

Ant. Confitebúntur ti-bi * pópuli, Deus, in ætér-num.

Psalmus 44, ii

AUdi, filia, et vide, et inclína aurem tuam : * et oblivíscere pópulum tuum, et domum patris tui.

Et concupíscet Rex decó-rem tuum : * quóniam ipse est Dóminus, Deus tuus, et adorábunt eum.

Et filia Tyri in munéri-bus * vultum tuum depre-cabúntur : omnes dívites plebis.

Omnis glória ejus filia Regis ab intus, * in fim-briis áureis circumamícta varietátibus.

Adducéntur Regi vírgi-nes post eam : * próximæ ejus afferéntur tibi.

Afferéntur in lætítia et exsultatióne : adducéntur in templum Regis.

Pro pátribus tuis nati sunt tibi filii : * constitues eos príncipes super om-nem terram.

Mémores erunt nóminis tui : * in omni genera-tióne et generatióne.

Proptérea pópuli confite-búntur tibi in ætérnum : * et in sáculum sáculi.

Ant. Confitebúntur tibi pópuli, Deus, in ætér-num.

Ant. Adjútor in tribula-tiónibus * Deus noster.

Psalmus 45

Deus noster refúgium,
et virtus : * adjútor
in tribulatióibus, quæ
invenérunt nos nimis.

Propterea non timébimus
dum turbábitur terra : *
et transferéntur montes in
cor maris.

Sonuérunt, et turbátæ
sunt aquæ eórum : * con-
turbáti sunt montes in
fortitúdine ejus.

Flúminis ímpetus lætifi-
cat civitátem Dei : * san-
ctificávit tabernáculum
suum Altíssimus.

Deus in médio ejus, non
commovébitur : * adjuváb-
it eam Deus mane dilú-
culo.

Conturbátæ sunt gentes,
et inclináta sunt regna : *
dedit vocem suam, mota
est terra.

Dóminus virtútum no-
biscum : * suscéptor no-
ster Deus Jacob.

Veníte, et vidéte ópera
Dómini, quæ pósuit pro-
dígia super terram : *
áuferens bella usque ad
finem terræ.

Arcum cónteret, et con-
fringet arma : * et scuta
combúret igni.

Vacáte, et vidéte quó-
niam ego sum Deus : *
exaltábor in géntibus, et
exaltábor in terra.

Dóminus virtútum no-
biscum : * suscéptor no-
ster Deus Jacob.

Ant. Adjútor in tribula-
tióibus Deus noster.

In Festis novem Lectionum :

V. Dóminus virtútum
nobiscum. **R.** Suscéptor
noster Deus Jacob.

Absolutio. Exáudi, Dómine.

Bened. 1 Benedictióne per-
pétua. 2 Unigénitus Dei Fí-
lius. 3 Spíritus Sancti grátia.

In II Nocturno

Ant. Magnus Dómi-
nus, * † et laudábilis nimis
in civitáte Dei nostri. †

Psalmus 47



Magnus Dóminus, †
et laudábilis ni-
mis * in civitáte
Dei nostri, † in monte san-
cto ejus.

Fundátur exsultatióne
univérsæ terræ mons
Sion, * látera Aquilónis,
cívitas Regis magni.

Deus in dómibus ejus co-
gnoscétur, * cum suscé-
piet eam.

Quóniam ecce reges ter-
ræ congregáti sunt : *
convenérunt in unum.

Ipsi vidéntes sic admi-
ráti sunt, conturbáti sunt,
commóti sunt : * tremor
apprehéndit eos.

Ibi dolóres ut partu-
riéntis : * in spíritu ve-
heménti cónteres naves
Tharsis.

Sicut audívimus, sic vídimus in civitaté Dómini virtútum, in civitaté Dei nostri : * Deus fundávit eam in ætérnum.

Suscépinus, Deus, misericórdiam tuam, * in médio templi tui.

Secúndum nomen tuum, Deus, sic et laus tua in fines terræ : * justítia plena est délixtera tua.

Lætétur mons Sion, et exsúltent filíæ Judæ * propter judícia tua, Dómine.

Circúmdate Sion, et cōplectímini eam : * narráte in túrribus ejus.

Pónite corda vestra in virtúte ejus : * et distribúite domos ejus, ut enarrétis in progénie áltera.

Quóniam hic est Deus, Deus noster in ætérnum, et in sáeculum sáeculi : * ipse reget nos in sáecula.

Ant. Magnus Dóminus, et laudábilis nimis in civitaté Dei nostri.

Ant. Os meum loquétur * sapiéntiam : et meditátio cordis mei prudéntiam.

Psalmus 48, i

Audíte hæc, omnes gentes : * áuribus percípите omnes, qui habitátis orbem :

Quique terrígenæ, et filii hóminum : * simul in unum dives et pauper.

Os meum loquétur sa-

piéntiam : * et meditátio cordis mei prudéntiam.

Inclinábo in parábolam aurem meam : * apériam in psaltério propositiónem meam.

Cur timébo in die mala? * iníquitas calcánei mei circúmdabit me :

Qui confidunt in virtúte sua : * et in multítudine divitiárum suárum gloriántur.

Frater non rédimet, rédimet homo : * non dabit Deo placatióem suam.

Et prétium redemptiónis ánimæ suæ : * et laborábit in ætérnum, et vivet adhuc in finem.

Non vidébit intéritum, cum víderit sapiéntes moriéntes : * simul insípiens, et stultus peribunt.

Et relínquent aliénis divítias suas : * et sepúlcrá eórum domus illórum in ætérnum.

Tabernácula eórum in progénie et progénie : * vocavérunt nómina sua in terris suis.

Et homo, cum in honóre esset, non intelléxit : * comparátus est juméntis insipientibus, et símilis factus est illis.

Ant. Os meum loquétur sapiéntiam : et meditátio cordis mei prudéntiam.

Ant. Ne timúeris : * cum dívite non descéndet in sepúlcrum glória ejus.

Psalmus 48, ii

HÆC via illórum scándalum ipsis : * et póstea in ore suo complacébunt.

Sicut oves in inférno pó-siti sunt : * mors depáscet eos.

Et dominabúntur eórum iusti in matutíno : * et auxiliúm eórum veteráscet in inférno a glória eórum.

Verúmtamen Deus rédimet ánimam meam de manu inferi, * cum accéperit me.

Ne timúeris, cum dives factus fúerit homo : * et cum multiplicáta fúerit glória domus ejus.

Quóniam cum interierit, non sumet ómnia : * neque descéndet cum eo glória ejus.

Quia ánima ejus in vita ipsíus benedicétur : * confitébitur tibi cum benefeceris ei.

Introíbit usque in progénies patrum suórum : * et usque in ætérnum non vidébit lumen.

Homo, cum in honóre esset, non intelléxit : * comparátus est juméntis insipiéntibus, et símilis factus est illis.

Ant. Ne timúeris : cum dívite non descéndet in sepúlcrum glória ejus.

In Festis novem Lectionum :

V. Deus rédimet ánimam meam de manu inferi.

R. Cum accéperit me.

Absolutio. Ipsíus píetas et.

Bened. 4 Deus Pater omnipotens. 5 Christus perpétuæ.

6 Ignem sui amoris.

In III Nocturno

I

In Feriis extra Vigiliis communes occurrentibus, et in Festis, cum ad Laudes non dicitur Psalmus 50 Miserére.

Ant. Deus deórum, * †
Dóminus locútus est. †

Psalmus 49, i

Eus deórum, †
Dóminus locútus est : * † et vocávit terram.

A solis ortu usque ad occasum : * ex Sion species decóris ejus.

Deus manifeste véniet : * Deus noster et non silébit.

Ignis in conspéctu ejus exardéscet : * et in circúitu ejus tempéstas válda.

Advocábit cælum desúrsus : * et terram discérnere pópulum suum.

Congregáte illi sanctos ejus : * qui órdinant testaméntum ejus super sacrificia.

Et annuntiábunt cæli iustítiam ejus : * quóniam Deus iudex est.

Audi, pópulus meus, et loquar : Israël, et testifi-

cábor tibi : * Deus, Deus tuus ego sum.

Non in sacrificiis tuis árguam te : * holocáusta autem tua in conspéctu meo sunt semper.

Non accípíam de domo tua vítulos : * neque de grégibus tuis hircos.

Quóniam meæ sunt omnes feræ silvárum, * júmentá in móntibus et boves.

Cognóvi ómnia volatília cæli : * et pulchritúdo agri mecum est.

Si esuriero, non dicam tibi : * meus est enim orbis terræ, et plenitúdo ejus.

Numquid manducábo carnes taurórum? * aut sánguinem hircórum potábo?

Immola Deo sacrificium laudis : * et redde Altíssimo vota tua.

Et ínvoça me in die tribulatiónis : * éruam te, et honorificábis me.

Ant. Deus deórum, Dóminus locútus est.

Ant. Intelligite, * qui obliviscimini Deum.

Psalmus 49, ii

PEccatóri autem dixit Deus : * Quare tu enárras justítias meas, et assúmís testaméntum meum per os tuum?

Tu vero odísti disciplinam : * et projecísti sermónes meos retrórsus :

Si vidébas furem, currébas cum eo : * et cum adúlteris portiónem tuam ponébas.

Os tuum abundávit malítia : * et lingua tua concinnábat dolos.

Sedens advérsus fratrem tuum loquebáris, et advérsus filium matris tuæ ponébas scándalum : * hæc fecísti, et tácui.

Existimásti, iníque, quod ero tui símilis : * árguam te, et státuam contra fáciem tuam.

Intelligite hæc, qui obliviscimini Deum : * nequándo rápiat, et non sit qui erípiat.

Sacrificium laudis honorificábit me : * et illic iter, quo osténdam illi salutáre Dei.

Ant. Intelligite, qui obliviscimini Deum.

Ant. Acceptábis sacrificium * justítiæ super altáre tuum, Dómine.

Psalmus 50

MIserére mei, Deus, * secúndum magnam misericórdiam tuam.

Et secúndum multitudínem miseratiónum tuárum, * dele iniquitátem meam.

Amplius lava me ab iniquitáte mea : * et a peccáto meo munda me.

Quóniam iniquitátem meam ego cognósco : * et

peccátum meum contra me est semper.

Tibi soli peccávi, et malum coram te feci : * ut justificéris in sermónibus tuis, et vincas cum iudicáris.

Ecce enim, in iniquitatibus concéptus sum : * et in peccátis concépit me mater mea.

Ecce enim, veritatem dilexisti : * incérta et ocúltta sapiéntiæ tuæ manifestásti mihi.

Aspérges me hyssópo, et mundábor : * lavábis me, et super nivem dealbábor.

Audítui meo dabis gáudium et lætítiam : * et exsultábunt ossa humiliáta.

Avérte fáciem tuam a peccátis meis : * et omnes iniquitátes meas dele.

Cor mundum crea in me, Deus : * et spíritum rectum innova in viscéribus meis.

Ne projicias me a fácie tua : * et spíritum sanctum tuum ne áuferas a me.

Redde mihi lætítiam salutáris tui : * et spíritu principáli confirma me.

Docébo iníquos vias tuas : * et impii ad te converténtur.

Líbera me de sanguínibus, Deus, Deus salutis meæ : * et exsultábit lingua mea justítiam tuam.

Dómine, lábia mea apéries : * et os meum annuntiábit laudem tuam.

Quóniam si voluíssem sacrificium, dedíssem úti que : * holocáustis non delectáberis.

Sacrificium Deo spíritus contribulátus : * cor contrítum, et humiliátum, Deus, non despícies.

Benigne fac, Dómine, in bona voluntáte tua Sion : * ut ædificéntur muri Jerúsalem.

Tunc acceptábis sacrificium justítiæ, oblatiónes, et holocáusta : * tunc impónent super altáre tuum vítulos.

Ant. Acceptábis sacrificium justítiæ super altáre tuum, Dómine.

In feriali Officio et in Festis :

V. Audítui meo dabis gáudium et lætítiam. **R.** Et exsultábunt ossa humiliáta.

**In Officio
novem Lectionum**

Absolutio. A vínculis.

Bened. 7 Evangélica léctio.

8 In Festis Domini : Divinum auxílium.

In Festis B. M. V. : Cujus festum cólimus, ipsa Virgo.

In Festis Sanctorum : Cujus (vel Quorum aut Quarum) festum cólimus. **9** Ad societátem. (Per evangélica dicta.)

In Officio
trium Lectionum

Absolutio. A vñculis.

In Feriis cum Homilia :

Bened. 1 Evangélica. 2 Divinum. 3 Ad societátem.

In Feriis sine Homilia :

Bened. 1 Ille nos benedícat. 2 Divinum. 3 Ad societátem.

In Festis Sanctorum :

Bened. 1 Ille nos benedícat, qui sine fine vivit et regnat. **R.** Amen. 2 Cujus (vel Quorum aut Quarum). 3 Ad societátem.

In III Nocturno

II

In Vigiliis communibus, cum ad Laudes dicitur Psalmus 50 Miserére.

Ant. Deus deórum. †

Psalmus 49, i



Eus deórum, †
Dóminus locútus
est : * et vocávit
terram.

A solis ortu usque ad oc-
cásum : * ex Sion spécies
decóris ejus.

Deus maniféste véniet : *
Deus noster et non silébit.

Ignis in conspéctu ejus
exardéscet : * et in circúi-
tu ejus tempésta válda.

Advocábit cælum desúr-
sum : * et terram discér-
nere pópulum suum.

Congregáte illi sanctos
ejus : * qui órđinant testa-

méntum ejus super sacri-
fícia.

Et annuntiábunt cæli ju-
stítiam ejus : * quóniam
Deus judex est.

Ant. Deus deórum, Dó-
minus locútus est.

Ant. Immola Deo.

Psalmus 49, ii

AUdi, pópulus meus, et
loquar : Israë!, et testi-
ficábor tibi : * Deus, Deus
tuus ego sum.

Non in sacrificiis tuis
árguam te : * holocáusta
autem tua in conspéctu
meo sunt semper.

Non accípiam de domo
tua vítulos : * neque de
grégibus tuis hircos.

Quóniam meæ sunt om-
nes feræ silvárum, * ju-
ménta in móntibus et bo-
ves.

Cognóvi ómnia volatília
cæli : * et pulchritúdo
agri mecum est.

Si esuriero, non dicam ti-
bi : * meus est enim orbis
terræ, et plenitúdo ejus.

Numquid manducábo car-
nes taurórum? * aut sán-
guinem hircórum potábo?

Immola Deo sacrificium
laudis : * et redde Altís-
simo vota tua.

Et invoca me in die tri-
bulatiónis : * éruam te, et
honorificábis me.

Ant. Immola Deo sacri-
fícium laudis.

Ant. Intelligite.

Psalmus 49, iiii

Peccatóri autem dixit Deus : * Quare tu enárras justítias meas, et assúmís testaméntum meum per os tuum?

Tu vero odísti disciplinam : * et projecísti sermónes meos retrórsum :

Si vidébas furem, currébas cum eo : * et cum adúlteris portiónem tuam ponébas.

Os tuum abundávit malítia : * et lingua tua concinnábat dolos.

Sedens advérsus fratrem tuum loquebáris, et advérsus filium matris tuæ ponébas scándalum : * hæc fecísti, et tácuí.

Existimásti, iníque, quod ero tui símilis : * árguam te, et státuam contra fáciem tuam.

Intelligíte hæc, qui obliviscímini Deum : * nequándo rápiat, et non sit qui erípiat.

Sacrificium laudis honorificábit me : * et illic iter, quo osténdam illi salutáre Dei.

Ant. Intelligíte, qui obliviscímini Deum.

V. Sacrificium laudis honorificábit me. **R.** Et illic iter, quo osténdam illi salutáre Dei.

Absolutio. A vínculis.

In Feriis cum Homilia :

Bened. 1 Evangélica. 2 Divinum. 3 Ad societátem.

In Feriis sine Homilia :

Bened. 1 Ille nos benedícat. 2 Divinum. 3 Ad societátem.

AD LAUDES I

In Feriis extra Vigiliis communes occurrentibus, atque in Festis.

(Pater noster et Ave.)

V. Deus, in adjutórium.

Ant. Dóminus regnávít, * † exsúltet terra. †

Psalmus 96

Dominus regnávít, † exsúltet terra : * † læténtur insulæ multæ.

Nubes, et calígo in circúitu ejus : * justítia, et judícium corréctio sedis ejus.

Ignis ante ipsum præcédet, * et inflammábit in circúitu inimícos ejus.

Illuxérunt fúlgura ejus orbi terræ : * vidit, et commóta est terra.

Montes, sicut cera fluxérunt a fácie Dómini : * a fácie Dómini omnis terra.

Annuntiavérunt cæli justítiam ejus : * et vidérunt omnes pópuli glóriam ejus.

Confundántur omnes, qui adórant sculptília : * et qui gloriántur in simulácris suis.

Adoráte eum, omnes Angeli ejus : * audívit, et lætáta est Sion.

Et exsultavérunt filiæ Judæ, * propter iudicia tua, Dómine :

Quóniam tu Dóminus Altíssimus super omnem terram : * nimis exaltátus es super omnes deos.

Qui dilígitis Dóminum, odíte malum : * custódit Dóminus ánimas sanctórum suórum, de manu peccatóris liberábit eos.

Lux orta est justo, * et rectis corde lætítia.

Lætámini, iusti, in Dómino : * et confitémini memóriæ sanctificatiónis ejus.

Ant. Dóminus regnávít, exsúltet terra.

Ant. Te decet hymnus, * † Deus, in Sion. †

Psalmus 64

TE decet hymnus, † Deus, in Sion : * † et tibi reddétur votum in Jerúsalem.

Exáudi oratióem meam : * ad te omnis caro véniet.

Verba iniquórum prævalúerunt super nos : * et impietátibus nostris tu propitiáberis.

Beátus, quem elegísti, et assumpsísti : * inhabitábit in átriis tuis.

Replébimur in bonis domus tuæ : * sanctum est templum tuum, mirábile in æquitáte.

Exáudi nos, Deus, salutaris noster, * spes óm-

nium finium terræ, et in mari longe.

Præparans montes in virtúte tua, accíntus poténtia : * qui contúrbas profúndum maris sonum flúctuum ejus.

Turbabúntur gentes, et timébunt qui hábitant términos a signis tuis : * éxitus matutíni, et vespere delectábis.

Visitásti terram, et inebriásti eam : * multiplicásti locupletáre eam.

Flumen Dei replétum est aquis, parásti cibum illórum : * quóniam ita est præparátio ejus.

Rivos ejus inébria, multiplica genímína ejus : * in stillicídiis ejus lætábitur gérmínans.

Benedíces corónæ anni benignitátis tuæ : * et campi tui replebúntur ubertáte.

Pinguéscent speciósa déserti : * et exsultatióne colles accingéntur.

Indúti sunt arietes óvium, et valles abundábunt fruménto : * clamábunt, étenim hymnum dicent.

Ant. Te decet hymnus, Deus, in Sion.

Ant. Tibi, Dómine, psallam, * et intélligam in via immaculáta.

Psalmus 100

MIsericórdiam, et iudícium * cantábo tibi, Dómine :

Psallam, et intélligam in via immaculáta, * quando vénies ad me.

Perambulábam in innocentia cordis mei, * in médio domus meæ.

Non proponébam ante oculos meos rem injústam : * faciéntes prævaricatiónes odívi.

Non adhæsit mihi cor pravum : * declinántem a me malignum non cognoscébam.

Detrahéntem secréto próximo suo, * hunc persequébar.

Supérbo óculo, et insatiábili corde, * cum hoc non edébam.

Oculi mei ad fidéles terræ ut sédeant mecum : * ámbulans in via immaculáta, hic mihi ministrábat.

Non habitábit in médio domus meæ qui facit superbiam : * qui lóquitur iníqua, non diréxit in conspéctu oculórum meórum.

In matutíno interficiébam omnes peccatóres terræ : * ut dispénderem de civitaté Dómini omnes operántes iniquitátem.

Ant. Tibi, Dómine, psallam, et intélligam in via immaculáta.

Ant. Dómine, magnus es tu, * et præclárus in virtúte tua.

Canticum Judith

Judith 16, 15-21

Hymnum cantémus Dómino, * hymnum novum cantémus Deo nostro.

Adonái, Dómine, magnus es tu, et præclárus in virtúte tua, * et quem superáre nemo potest.

Tibi sérviat omnis creatúra tua : * quia dixísti, et facta sunt :

Misísti spíritum tuum, et creáta sunt, * et non est qui resístat voci tuæ.

Montes a fundaméntis movebúntur cum aquis : * petræ, sicut cera, liquéscent ante fáciem tuam.

Qui autem timent te, * magni erunt apud te per ómnia.

Væ genti insurgénti super genus meum : Dóminus enim omnípotens vindicábit in eis, * in die iudícii visitábit illos.

Dabit enim ignem, et vermes in carnes eórum, * ut urántur, et séntiant usque in sempitérnium.

Ant. Dómine, magnus es tu, et præclárus in virtúte tua.

Ant. Laudábo Deum meum * in vita mea.

Psalmus 145

Lauda, ánima mea, Dóminus, laudábo Dóminus in vita mea : *

psallam Deo meo quámdiu
fúero.

Nolíte confidere in prin-
cípibus : * in fíliis hómi-
num, in quibus non est
salus.

Exíbit spíritus ejus, et re-
vertétur in terram suam : *
in illa die peribunt omnes
cogitatiónes eórum.

Beátus, cujus Deus Jacob
adjútor ejus, spes ejus in
Dómino, Deo ipsíus : *
qui fecit cælum et terram,
mare, et ómnia, quæ in
eis sunt.

Qui custódit veritátem in
sæculum, facit judícium
injúriam patiéntibus : * dat
escam esuriéntibus.

Dóminus solvit compe-
ditos : * Dóminus illúmi-
nat cæcos.

Dóminus érigit elisos, *
Dóminus diligit justos.

Dóminus custódit ádve-
nas, pupillum et víduam
suscípiet : * et vias pecca-
tórum dispérdet.

Regnábit Dóminus in
sæcula, Deus tuus, Sion, *
in generatióem et gene-
ratióem.

Ant. Laudábo Deum me-
um in vita mea.

In Officio feriali

Capit. Rom. 13, 12-13

NOX præcëssit, dies au-
tem appropinquávit.
Abjiciámus ergo ópera te-
nebrárum, et induámur

arma lucis. Sicut in die
honéste ambulémus.

Hymnus

NOX, et tenébræ, et nú-
bila,

Confúsa mundi et túr-
bida :

Lux intrat, albéscit polus :
Christus venit : discédite.

Caligo terræ scínditur
Percússa solis spículo,
Rebúsque jam color redit,
Vultu niténtis síderis.

Te, Christe, solum nóvi-
mus :

Te mente pura et simplici,
Flendo et canéndo quæsu-
mus,

Inténde nostris sénsibus.

Sunt multa fucis illita,
Quæ luce purgéntur tua :
Tu, vera lux Cæléstium,
Vultu seréno illúmina.

Deo Patri sit glória,
Ejúsque soli Fílio,
Cum Spíritu Paráclito,
Nunc et per omne sæcu-
lum. Amen.

℣. Repléti sumus mane
misericórdia tua. **℟.** Ex-
sultávimus, et delectáti
sumus.

Ad Bened. Ant. De manu
ómnium, * qui odérunt
nos, liberávit nos Dómi-
nus.

Reliqua ut in Ordinario. 11

AD LAUDES II

In Vigiliis communibus, quando fit Officium de Feria.

(Pater noster **et Ave.**)

V. Deus, in adiutorium.

Ant. Amplius lava me.

Psalmus 50



Miserere mei, Deus, * secundum magnam misericordiam tuam.

Et secundum multitudinem miserationum tuarum, * dele iniquitatem meam.

Amplius lava me ab iniquitate mea : * et a peccato meo munda me.

Quoniam iniquitatem meam ego cognosco : * et peccatum meum contra me est semper.

Tibi soli peccavi, et malum coram te feci : * ut justificeris in sermonibus tuis, et vincas cum iudicaris.

Ecce enim, in iniquitatibus conceptus sum : * et in peccatis concepit me mater mea.

Ecce enim, veritatem dilexisti : * incerta et occulta sapientiae tuae manifestasti mihi.

Asperges me hyssopo, et mundabor : * lavabis me, et super nivem dealbabor.

Auditui meo dabis gaudium et laetitiam : * et exsultabunt ossa humiliata.

Averte faciem tuam a peccatis meis : * et omnes iniquitates meas dele.

Cor mundum crea in me, Deus : * et spiritum rectum innova in visceribus meis.

Ne projicias me a facie tua : * et spiritum sanctum tuum ne auferas a me.

Redde mihi laetitiam salutaris tui : * et spiritu principali confirma me.

Docedo iniquos vias tuas : * et impii ad te convertentur.

Libera me de sanguinibus, Deus, Deus salutis meae : * et exsultabit lingua mea iustitiam tuam.

Domine, labia mea aperies : * et os meum annuntiabit laudem tuam.

Quoniam si voluisses sacrificium, dedissem utique : * holocaustis non delectaberis.

Sacrificium Deo spiritus contribulatus : * cor contritum, et humiliatum, Deus, non despicies.

Benigne fac, Domine, in bona voluntate tua Sion : * ut aedificentur muri Ierusalem.

Tunc acceptabis sacrificium iustitiae, oblationes, et holocausta : * tunc imponent super altare tuum vitulos.

Ant. Amplius lava me, Domine, ab iniustitia mea.

Ant. Impietátibus nostris.

Psalmus 64

TE decet hymnus, Deus, in Sion : * et tibi redédetur votum in Jerúsalem.

Exaudi oratióem meam : * ad te omnis caro véniet.

Verba iniquórum præváluérunt super nos : * et impietátibus nostris tu propitiáberis.

Beátus, quem elegísti, et assumpsísti : * inhabitábit in átriis tuis.

Replébimur in bonis domus tuæ : * sanctum est templum tuum, mirábile in æquitáte.

Exáudi nos, Deus, salutaris noster, * spes ómnium finium terræ, et in mari longe.

Præparans montes in virtúte tua, accíntus poténtia : * qui contúrbas profúndum maris sonum flúctuum ejus.

Turbabúntur gentes, et timébunt qui hábitant térrminos a signis tuis : * éxitus matutíni, et vespere delectábis.

Visitásti terram, et inebriásti eam : * multiplicásti locupletáre eam.

Flumen Dei replétum est aquis, parásti cibum illórum : * quóniam ita est præparátio ejus.

Rivos ejus inébria, multiplica genímína ejus : * in

stillicídiis ejus lætábitur gérmíans.

Benedíces corónæ anni benignitátis tuæ : * et campi tui replebúntur ubertáte.

Pinguéscent speciósa déserti : * et exsultatíone colles accingéntur.

Indúti sunt arietes óvium, et valles abundábunt fruménto : * clamábunt, étenim hymnum dicent.

Ant. Impietátibus nostris tu propitiáberis, Deus.

Ant. In innocéntia.

Psalmus 100

Misericórdiam, et júdicium * cantábo tibi, Dómine :

Psallam, et intélligam in via immaculáta, * quando vénies ad me.

Perambulábam in innocéntia cordis mei, * in médio domus meæ.

Non proponébam ante óculos meos rem injústam : * faciéntes prævaricatiónes odívi.

Non adhæsit mihi cor pravum : * declinántem a me malignum non cognoscébam.

Detrahéntem secréto próximo suo, * hunc persequébar.

Supérbo óculo, et insatiábili corde, * cum hoc non edébam.

Oculi mei ad fidéles terræ ut sédeant mecum : * am-

bulans in via immaculáta, hic mihi ministrábat.

Non habitábit in médio domus meæ qui facit supérbiam : * qui lóquitur iníqua, non diréxit in conspéctu oculórum meórum.

In matutíno interficiébam omnes peccatóres terræ : * ut dispéderem de civitáte Dómini omnes operántes iniquitátem.

Ant. In innocéntia cordis mei perambulábo, Dómine.

Ant. Exsultávit cor meum. †

Canticum Annæ

1 Reg. 2, 1-10

EXsultávit cor meum † in Dómino, * et exaltátum est cornu meum in Deo meo.

Dilatátum est os meum super inimícos meos : * quia lætáta sum in salutári tuo.

Non est sanctus, ut est Dóminus : neque enim est álius extra te, * et non est fortis sicut Deus noster.

Nolíte multiplicáre loqui sublímia, * gloriántes :

Recédant vétëra de ore vestro : quia Deus scientiárum, Dóminus est, * et ipsi præparántur cogitatiónes.

Arcus fórtium superátus est, * et infirmi accínti sunt róbre.

Repléti prius, pro páni-bus se locavérunt : * et famélici saturáti sunt.

Donec stérilis péperit plúrimos : * et quæ multos habébat fílios, infirmáta est.

Dóminus mortificat et vivificat, * dedúcit ad ínferos et redúcit.

Dóminus páuperem facit et ditat, * humiliat et súblevat.

Súscitat de púlvere egénium, * et de stércore elevat páuperem :

Ut sédeat cum princípibus, * et sólíum glóriæ téneat.

Dómini enim sunt cárdines terræ, * et pósuit super eos orbem.

Pedes sanctórum suórum servábit, et ímpii in ténebris conticéscunt : * quia non in fortitúdine sua roborábitur vir.

Dóminum formidábunt adversárii ejus : * et super ipsos in cælis tonábit :

Dóminus judicábit fines terræ, et dabit impérium regi suo, * et sublimábit cornu Christi sui.

Ant. Exsultávit cor meum in Dómino, qui humiliat et súblevat.

Ant. Lauda. †

Psalmus 145

Lauda, † ánima mea, Dóminum, laudábo Dóminum in vita mea : *

psallam Deo meo quám diu
fúero.

Nolíte confidere in princi-
pibus : * in filiis hóminum,
in quibus non est salus.

Exíbit spíritus ejus, et re-
vertétur in terram suam : *
in illa die períbunt omnes
cogitatiónes eórum.

Beátus, cujus Deus Jacob
adjútor ejus, spes ejus in
Dómino, Deo ipsíus : * qui
fecit cælum et terram,
mare, et ómnia, quæ in eis
sunt.

Qui custódit veritátem in
sæculum, facit judícium
injúriam patiéntibus : *
dat escam esuriéntibus.

Dóminus solvit compedi-
tos : * Dóminus illúminat
cæcos.

Dóminus érigit elísos, *
Dóminus díligit justos.

Dóminus custódit ádve-
nas, pupíllum et víduam
suscípiet : * et vias pecca-
tórum dispérdet.

Regnábit Dóminus in
sæcula, Deus tuus, Sion, *
in generatióem et gene-
ratióem.

Ant. Lauda, ánima mea,
Dóminum, qui érigit elí-
sos, et díligit justos.

Capit. Rom. 13, 12-13

NOX præcésit, dies au-
tem appropinquávit.
Abjiciámus ergo ópera te-
nebrárum, et induámur
arma lucis. Sicut in die
honéste ambulémus.

Hymnus

NOX, et tenébræ, et nú-
bila,

Confúsa mundi et túrbida :
Lux intrat, albéscit polus :
Christus venit : discédite.

Caligo terræ scínditur
Percússa solis spículo,
Rebúsque jam color redit,
Vultu niténtis síderis.

Te, Christe, solum nóvi-
mus,

Te mente pura et símplici,
Flendo et canéndo quæsu-
mus,

Inténde nostris sénsibus.

Sunt multa fucis illita,
Quæ luce purgéntur tua :
Tu, vera lux Cæléstium,
Vultu seréno illúmina.

Deo Patri sit glória,
Ejúsque soli Fílio,
Cum Spíritu Paráclito,
Nunc et per omne sæcu-
lum. Amen.

℟. Repléti sumus mane
misericórdia tua. **℣.** Ex-
sultávimus, et delectáti
sumus.

Ad Bened. Ant. De manu
ómnium, * qui odérunt
nos, liberávit nos Dómi-
nus.

Expleto Cantico ac repetita
Antiphona, dicuntur sequen-
tes

Preces feriales

KYrie, eléison. Christe,
eléison. Kýrie, eléison.

Pater noster, **quod dici-
tur a solo Hebdomadario**

totum clara voce, usque
 ad V. Et ne nos indúcas
 in tentatióem. R. Sed
 libera nos a malo. V. Ego
 dixi : Dómine, miserére
 mei. R. Sana ánimam
 meam, quia peccávi tibi.
 V. Convértere, Dómine,
 úsquequo? R. Et deprecá-
 bilis esto super servos
 tuos. V. Fiat misericórdia
 tua, Dómine, super nos.
 R. Quemádmódum sperá-
 vimus in te. V. Sacerdótes
 tui induántur justítiam.
 R. Et sancti tui exsúltent.
 V. Orémus pro beatíssimo
 Papa nostro N. R. Dómi-
 nus consérvet eum, et vi-
 vífícet eum, et beátum fá-
 ciat eum in terra, et non
 tradat eum in ánimam ini-
 micórum ejus. V. Orémus
 et pro Antístite nostro N.
 R. Stet et pascat in forti-
 túdine tua, Dómine, in
 sublimitáte nóminis tui.
 V. Dómine, salvum fac
 regem. R. Et exáudi nos
 in die, qua invocavérimus
 te. V. Salvum fac pópu-
 lum tuum, Dómine, et bé-
 nedíc hereditáti tuæ. R. Et
 rege eos, et extólle illos
 usque in ætérnum. V. Me-
 ménto Congregatióis
 tuæ. R. Quam possedísti
 ab inítio. V. Fiat pax in
 virtúte tua. R. Et abun-
 dántia in túrribus tuis.
 V. Orémus pro benefa-
 ctóribus nostris. R. Retri-
 búere dignáre, Dómine,

ómnibus, nobis bona fa-
 ciéntibus propter nomen
 tuum, vitam ætérnam.
 Amen. V. Orémus pro fi-
 délibus defúctis. R. Ré-
 quietem ætérnam dona eis,
 Dómine, et lux perpétua
 lúceat eis. V. Requiéscant
 in pace. R. Amen. V. Pro
 frátribus nostris absénti-
 bus. R. Salvos fac servos
 tuos, Deus meus, sperán-
 tes in te. V. Pro afflíctis
 et captívis. R. Libera
 eos, Deus Israél, ex ómni-
 bus tribulatióibus suis.
 V. Mitte eis, Dómine, au-
 xílium de sancto. R. Et de
 Sion tuére eos. V. Dómi-
 ne, Deus virtútum, con-
 vérte nos, R. Et osténde
 fáciem tuam, et salvi éri-
 mus. V. Exsúrge, Christe,
 ádjuva nos. R. Et libera
 nos propter nomen tuum.
 V. Dómine, exáudi oratió-
 nem meam. R. Et clamor
 meus ad te véniat.

Reliqua ut in Ordinario. 11

AD PRIMAM

Pater, Ave et Credo.

V. Deus, in adjutórium.

Hymnus

IAM lucis orto sidere,
 Deum precémur súp-
 plices,
 Ut in diúrnis áctibus
 Nos servet a nocénti-
 bus.

Linguam refrénans témperet,

Ne litis horror insonet :
Visum fovéndo cóntegat,
Ne vanitátes háuríat.

Sint pura cordis íntima,
Absístat et vecórdia :
Carnis terat supérbiam
Potus cibíque párcitas.

Ut, cum dies abscésserit
Noctémque sors redúxerit,
Mundi per abstinéntiam
Ipsi canámus glóriam.

* Deo Patri sit glória,
Ejúsque soli Fílio,
Cum Spíritu Paráclito,
Nunc et per omne sæculum. Amen.

Ant. Misericórdia tua.

Psalmus 25



Udica me, Dómine,
quóniam ego in innocéntia mea ingrédessus sum : * et in Dómino sperans non infirmábor.

Proba me, Dómine, et tenta me : * ure renes meos et cor meum.

Quóniam misericórdia tua ante óculos meos est : * et complácuí in veritáte tua.

Non sedi cum concílio vanitátis : * et cum iníqua geréntibus non introibo.

Odívi ecclésiám malignántium : * et cum ím-piis non sedébo.

Lavábo inter innocéntes manus meas : * et cir-

cúmdabo altáre tuum, Dómine :

Ut áudiam vocem laudis, * et enárrem univér-sa mirabilia tua.

Dómine, diléxi decórem domus tuæ, * et locum habitatiónis glóriæ tuæ.

Ne perdas cum ím-piis, Deus, ánimam meam, * et cum viris sánguinem vitæ meam :

In quorum mánibus iniquitátes sunt : * dextera eórum repléta est munéribus.

Ego autem in innocéntia mea ingrédessus sum : * ré-dime me, et miserére mei.

Pes meus stetit in directo : * in ecclésiis benedícam te, Dómine.

Psalmus 51

Quid gloriáris in malítia, * qui potens es in iniquitáte?

Tota die injustítiam cogitávit lingua tua : * sicut novácula acúta fecísti dolulum.

Dilexísti malítiam super benignitátem : * iniquitátem magis quam loqui æquitátem.

Dilexísti ómnia verba præcipitatiónis, * lingua dolósa.

Proptérea Deus déstruet te in finem, * evéllét te, et emigrábit te de tabernáculo tuo : et radícem tuam de terra vivéntium.

Vidébunt iusti, et timébunt, et super eum ridébunt, et dicent : * Ecce homo, qui non pòsuit Deum adiutórem suum :

Sed sperávit in multitudíne divitiárum suárum : * et præváluit in vanitatē sua.

Ego autem, sicut olíva fructífera in domo Dei, * sperávi in misericórdia Dei in ætérnum : et in sáculum sáculi.

Confitébor tibi in sáculum, quia fecisti : * et exspectábo nomen tuum, quóniam bonum est in conspéctu sanctorum tuorum.

Psalmus 52

Dixit insípiens in corde suo : * Non est Deus.

Corrúpti sunt, et abominábiles facti sunt in iniquitatibus : * non est qui fáciat bonum.

Deus de cælo prospéxit super filios hóminum : * ut vídeas si est intélligens, aut requírens Deum.

Omnes declinavérunt, simul inútiles facti sunt : * non est qui fáciat bonum, non est usque ad unum.

Nonne scient omnes qui operántur iniquitatem, * qui dévorant plebem meam ut cibum panis?

Deum non invocavérunt : * illic trepidavérunt

timóre, ubi non erat timor.

Quóniam Deus dissipávit ossa eórum qui homínibus placent : * confúsi sunt, quóniam Deus sprevit eos.

Quis dabit ex Sion salutare Israël? * cum convérterit Deus captivitatem plebis suæ, exsultábit Jacob, et lætábitur Israël.

¶ Quando ad Laudes dictus fuerit Ps. 50 Miserere, hic subiungitur sequens Ps. 96, qui in Laudibus locum non habuit.

Psalmus 96

Dominus regnávit, exsúltet terra : * læténtur ínsulæ multæ.

Nubes, et caligo in circúitu ejus : * justítia, et iudícium corrèctio sedis ejus.

Ignis ante ipsum præcédet, * et inflammábit in circúitu inimícos ejus.

Illuxérunt fúlgura ejus orbi terræ : * vidit, et commóta est terra.

Montes, sicut cera fluxérunt a fácie Dómini : * a fácie Dómini omnis terra.

Annuntiavérunt cæli justítiam ejus : * et vidérunt omnes pópuli glóriam ejus.

Confundántur omnes, qui adórant sculptília : * et

qui gloriántur in simulá-
cris suis.

Adoráte eum, omnes An-
geli ejus : * audívit, et
lætáta est Sion.

Et exsultavérunt filiae
Judæ, * propter judícia
tua, Dómine :

Quóniam tu Dóminus Al-
tíssimus super omnem ter-
ram : * nimis exaltátus es
super omnes deos.

Qui dilígitis Dóminum,
odíte malum : * custódit
Dóminus ánimas sanctó-
rum suórum, de manu
peccatóris liberábit eos.

Lux orta est justo, * et
rectis corde lætítia.

Lætámini, justí, in Dó-
mino : * et confitémini
memóriæ sanctificatiónis
ejus.

**Secus vero, tribus Psalmis
expletis, statim dicitur Ant.**

Ant. Misericórdia tua,
Dómine, ante óculos meos :
et compláculi in veritáte
tua.

In Officio Festi vel Octavæ :

Capitulum 1 Tim. 1, 17

Regi sæculórum immor-
táli et invisíbili, soli
Deo honor et glória in sæ-
cula sæculórum. Amen.

**In omnibus autem Feriis et
in Vigiliis communibus :**

Capitulum Zach. 8, 19

PAcem et veritátem di-
lígite, ait Dóminus
omnípotens.

℟. br. Christe, Fili Dei
vivi, * Miserére nobis.
Christe. **℣.** *Qui sedes ad
dexteram Patris.* Miserére
nobis. **G**lória Patri. Chri-
ste. **℣.** Exsúrge, Christe,
áduva nos. **℟.** Et libera
nos propter nomen tuum.

**Preces dominicales et fe-
riales (si dicendæ sint)**

KYrie, eléison. Christe,
eléison. Kýrie, eléison.

Pater noster **secreto us-
que ad ℣.** Et ne nos indú-
cas in tentatiónem. **℟.** Sed
libera nos a malo.

Credo in Deum **secreto
usque ad ℣.** Carnis resur-
rectiόnem. **℟.** Vitam ætér-
nam. Amen. **℣.** Et ego ad
te, Dómine, clamávi. **℟.** Et
mane orátio mea prævé-
niet te. **℣.** Repleátur os
meum laude. **℟.** Ut can-
tem glóriam tuam, tota
die magnitúdinem tuam.
℣. Dómine, avérte faciē
tuam a peccátis meis.
℟. Et omnes iniquitátes
meas dele. **℣.** Cor mun-
dum crea in me, Deus.
℟. Et spíritum rectum ín-
nova in viscéribus meis.
℣. Ne projícias me a fácie
tua. **℟.** Et spíritum san-
ctum tuum ne áuferas a
me. **℣.** Redde mihi læ-
títiam salutáris tui. **℟.** Et
spíritu principáli confirma
me.

In Precibus ferialibus tantum

✠. Eripe me, Dómine, ab hómine malo. ✠. A viro iníquo éripe me. ✠. Eripe me de inimícis meis, Deus meus. ✠. Et ab insurgéntibus in me libera me. ✠. Eripe me de operántibus iniquitátem. ✠. Et de viris sánguinem salva me. ✠. Sic psalmum dicam nómini tuo in sáculum sáculi. ✠. Ut reddam vota mea de die in diem. ✠. Exáudi nos, Deus, salutáris noster. ✠. Spes ómnium finium terræ, et in mari longe. ✠. Deus, in adjutórium meum inténde. ✠. Dómine, ad adjuvándum me festína. ✠. Sanctus Deus, Sanctus fortis, Sanctus immortalis. ✠. Miserére nobis. ✠. Bénedic, ánima mea, Dómino. ✠. Et ómnia, quæ intra me sunt, nómini sancto ejus. ✠. Bénedic, ánima mea, Dómino. ✠. Et noli oblivísci omnes retributiónes ejus. ✠. Qui propitiátur ómnibus iniquitátibus tuis. ✠. Qui sanat omnes infirmitátes tuas. ✠. Qui rédimittit de intéritu vitam tuam. ✠. Qui coronat te in misericórdia et miseratióne. ✠. Qui replet in bonis desidérium tuum. ✠. Renovábitur ut áquilæ juvéntus tua.

In utrisque Precibus

✠. Adjutórium nostrum in nómine Dómini. ✠. Qui fecit cælum et terram.

Confíteor. Misereátur. Indulgéntiam.

✠. Dignáre, Dómine, die isto. ✠. Sine peccáto nos custodíre. ✠. Miserére nostri, Dómine. ✠. Miserére nostri. ✠. Fiat misericórdia tua, Dómine, super nos. ✠. Quemádmódum sperávimus in te. ✠. Dómine, exáudi oratióne meam. ✠. Et clamor meus ad te véniat.

✠. Dóminus vobíscum.

Orémus.

Oratio

Domine, Deus omnípotens, qui ad princípium hujus diéi nos pervenire fecisti : tua nos hódie salva virtúte; ut in hac die ad nullum declinémus peccátum, sed semper ad tuam justítiam faciéndam nostra procédant elóquia, dirigántur cogitatiónes et ópera. Per Dóminum. ✠. Amen.

✠. Dóminus vobíscum.

✠. Benedicámus Dómino.

In Choro Martyrologium :

✠. Pretiósá in conspéctu Dómini. ✠. Mors Sanctórum ejus.

Et absolute, sine Orémus :

Oratio

Sancta María, et omnes Sancti intercédant pro nobis ad Dóminum, ut nos mereámur ab eo adjuvári et salvári, qui vivit et regnat in sæcula sæculórum. **℟.** Amen.

℣. Deus, in adjutórium meum inténde. **℟.** Dómine, ad adjuvándum me festína. **Et dicitur ter; ultimo additur :** Glória Patri. Sicut erat.

Kýrie, eléison. Christe, eléison. Kýrie, eléison.

Pater noster **secreto usque ad ℣.** Et ne nos indúcas in tentatióem. **℟.** Sed libera nos a malo. **℣.** Réspice in servos tuos, Dómine, et in ópera tua, et dirige filios eórum. **℟.** Et sit splendor Dómini, Dei nostri, super nos, et ópera mánuum nostrárum dirige super nos, et opus mánuum nostrárum dirige. **℣.** Glória Patri. **℟.** Sicut erat.

Orémus.

Oratio

Dirigere et sanctificáre, régere et gubernáre dignáre, Dómine Deus, Rex cæli et terræ, hódie corda et córpora nostra, sensus, sermónes et actus nostros in lege tua, et in opéribus mandatórum tuórum : ut hic, et in ætérnum, te auxiliánte, salvi

et líberi esse mereámur, Salvátor mundi : Qui vivis et regnas in sæcula sæculórum. **℟.** Amen.

℣. Jube, domne.

Bened. Dies et actus nostros in sua pace dispónat Dóminus omnípotens.

℟. Amen.

In Officio feriali

Dominus autem dirígat corda et córpora nostra in caritáte Dei, et pa-tiéntia Christi. Tu autem.

E Proprio Sanctorum

Pro Oct. S. Joannis Bapt.

Reges vidébunt, et consúrgent príncipes et adorábunt Dóminum, Deum tuum et Sanctum Israël, qui elégit te.

Pro Invent. S. Stephani

Positis autem génibus, clamávit voce magna, dicens : Dómine, ne stá-tuas illis hoc peccátum. Et cum hoc dixisset, obdormívit in Dómino.

E Communi Sanctorum

Pro Apostolis

Ibant Apóstoli gaudén-tes a conspéctu concílii, quóniam digni hábiti sunt pro nómine Jesu contumé-liam pati.

Pro Martyre

Iustus cor suum trádi-dit ad vigilándum di-lúculo ad Dóminum, qui

fecit illum, et in conspectu Altissimi deprecabitur.

Pro pluribus Martyribus

Fulgébunt justí, et tamquam scintillæ in arundineto discurrent. Judicabunt nationes, et dominabuntur populis : et regnabit Dóminus illórum in perpétuum.

Pro Conf. Pont.

Fungi sacerdótio, et habere laudem in nómine ipsíus, et offerre illi incensum dignum in odórem suavitátis.

Pro Conf. non Pont.

Iustum dedúxit Dóminus per vias rectas, et osténdit illi regnum Dei, et dedit illi sciéntiam sanctorum : honestávit illum in labóribus, et complévit labóres illíus.

Pro Virgine Martyre

Domine, Deus meus, exaltásti super terram habitationem meam, et pro morte defluente deprecáta sum. Invocávi Dóminum, Patrem Dómini mei, ut non derelinquat me in die tribulationis meæ, et in témpore superbórum sine adjutório.

Pro Virgine non Martyre

O quam pulchra est casta generatio cum claritate! immortalis est enim memória illíus : quóniam

apud Deum nota est, et apud hómines.

Pro Martyre tantum

Laudábit usque ad mortem ánima mea Dóminum, quóniam éruis sustinéntes te, et líberas eos de manu angústiae, Dómine, Deus noster.

Pro nec Virg. nec Mart.

Multæ filiae congregáverunt divítias : tu supergréssa es univérsas. Fallax grátia, et vana est pulchritúdo : múlíer tímens Dóminum, ipsa laudábitur.

Pro Dedicatione Ecclesiæ

Et abstérget Deus omnem lácrimam ab óculis eórum : et mors ultra non erit, neque luctus, neque clamor, neque dolor erit ultra, quia prima abiérunt. Et dixit qui sedébat in throno : Ecce, nova fácio ómnia.

In Officiis B. Mariæ V.

In platéis sicut cinnamómun et bálsamum aromatízans odórem dedi : quasi myrrha elécta dedi suavitátem odóris.

✠. Adjutórium nostrum in nómine Dómini. ✠. Qui fecit cælum et terram.

✠. Benedícite. ✠. Deus.

Benedictio Dóminus nos benedícat, et ab omni malo

deféndat, et ad vitam per-
ducát ætérnam. Et fidé-
lium ánimæ per miseri-
córdiam Dei requiészant
in pace. *℟.* Amen.

Deinde dicitur tantum Pater
noster *secreto, nisi sequatur*
alia Hora.

AD TERTIAM

Pater noster *et* Ave.

℟. Deus, in adiutorium.

Hymnus

Nunc, Sancte, nobis,
Spíritus,
Unum Patri cum Fílio,
Dignáre promptus ingeri
Nostro refúsus pèctori.

Os, lingua, mens, sensus,
vigor

Confessióem pèrsonent,
Flammészcat igne caritas,
Accéndat ardor próximos.

* *Præsta*, Pater piíssime,
Patrique compar Unice
Cum Spíritu Paráclito
Regnans per omne sæcu-
lum. Amen.

Ant. Deus áduvat me.

Psalmus 53

Deus, in nómine tuo
salvum me fac : *
et in virtúte tua
iúdice me.

Deus, exáudi oratióem
meam : * áuribus pèrcipe
verba oris mei.

Quóniam aliéni insurre-
xérunt advérsus me, et

fortes quæsiérunt ánimam
meam : * et non proposué-
runt Deum ante conspé-
ctum suum.

Ecce enim, Deus áduvat
me : * et Dóminus suscé-
ptor est ánimæ meæ.

Avérte mala inimícis
meis : * et in veritáte tua
dispérde illos.

Voluntárie sacrificábo ti-
bi, * et confitébor nómini
tuo, Dómine : quóniam
bonum est :

Quóniam ex omni tribu-
latiόne eripuísti me : * et
super inimícos meos de-
spéxit óculus meus.

Psalmus 54, i

Exáudi, Deus, oratió-
nem meam, et ne de-
spéxeris deprecatiόnem
meam : * inténde mihi, et
exáudi me.

Contristátus sum in exer-
citatiόne mea : * et con-
turbátus sum a voce ini-
míci, et a tribulatiόne pec-
catóris.

Quóniam declinavérunt
in me iniquitátes : * et in
ira molésti erant mihi.

Cor meum conturbátum
est in me : * et formído
mortis cécidit super me.

Timor et tremor vené-
runt super me : * et conte-
xérunt me ténebræ.

Et dixi : Quis dabit
mihi pennas sicut colúm-
bæ, * et volábo, et re-
quiéscam?

Ecce, elongávi fúgiens : *
et mansi in solitúdine.

Exspectábam eum, qui
salvum me fecit * a pusil-
lanimitáte spíritus et tem-
pestáte.

Præcípita, Dómine, dívi-
de linguas eórum : * quó-
niam vidi iniquitátem, et
contradictiónem in civi-
táte.

Die ac nocte circúmdabit
eam super muros ejus iní-
quitas : * et labor in médio
ejus, et injustítia.

Et non defécit de platéis
ejus * usúra, et dolus.

Quóniam si inimícus me-
us maledixisset mihi, *
sustinuíssem útique.

Et si is, qui óderat me,
super me magna locútus
fuísset, * abscondíssem
me fórsitan ab eo.

Tu vero, homo unáni-
mis : * dux meus, et notus
meus :

Qui simul mecum dulces
capiébas cibos : * in domo
Dei ambulávimus cum
consénsu.

Véniat mors super il-
los : * et descéndant in
inférnum vivéntes :

Quóniam nequítiae in ha-
bitáculis eórum : * in mé-
dio eórum.

Psalmus 54, ii

EGO autem ad Deum
clamávi : et Dóminus
salvábit me.

Véspere, et mane, et me-

ridie narrábo et annuntiá-
bo : * et exáudiet vocem
meam.

Rédimet in pace áni-
mam meam ab his, qui
appropínquant mihi : *
quóniam inter multos
erant mecum.

Exáudiet Deus, et humi-
liábit illos, * qui est ante
sæcula.

Non enim est illis com-
mutátio, et non timuérunt
Deum : * exténdit manum
suam in retribuendo.

Contaminavérunt testa-
méntum ejus, divísi sunt
ab ira vultus ejus : * et
appropinquávit cor illíus.

Mollíti sunt sermónes
ejus super óleum : * et
ipsi sunt jácula.

Jacta super Dóminum
curam tuam, et ipse te
enútriet : * non dabit in
aetérnum fluctuatióem
justo.

Tu vero, Deus, dedúces
eos, * in púteum intéritus.

Víri sánguinem, et do-
lósí non dimidiábunt dies
suos : * ego autem spe-
rábo in te, Dómine.

Ant. Deus ádjuvat me :
et Dóminus suscéptor est
ánimæ meæ.

In Officio feriali

Capitulum Jer. 17, 14

SAna me, Dómine, et
sanábor : salvum me
fac, et salvus ero : quó-
niam laus mea tu es.

R. br. Sana ánimam meam, * Quia peccávi tibi. Sana. **V.** Ego dixi : Dómine, miserére mei. Quia. **Gloria Patri.** Sana. **V.** Adjutor meus esto, ne derelinquas me. **R.** Neque despicias me, Deus, salutaris meus.

In Vigiliis communibus :

Preces feriales

KYrie, eléison. Christe, eléison. Kýrie, eléison. Pater noster **secreto usque ad V.** Et ne nos inducas in tentationem. **R.** Sed libera nos a malo. **V.** Dómine, Deus virtutum, converte nos. **R.** Et ostende faciem tuam, et salvi érimus. **V.** Exsúrge, Christe, adjuva nos. **R.** Et libera nos propter nomen tuum. **V.** Dómine, exáudi orationem meam. **R.** Et clamor meus ad te véniat.

Reliqua ut in Ordinario. 19

AD SEXTAM

Pater noster **et Ave.**

V. Deus, in adjutorium.

Hymnus

Rector potens, verax Deus,
Qui témperas rerum vices,
Splendóre mane illúminas,
Et ignibus merídiem :

Exstingue flammás lítium,
Aufer calórem nóxium,

Confer salútem córporum,
Verámque pacem córdium.

* **P**ræsta, Pater piíssime,
Patrique compar Unice,
Cum Spíritu Paráclito
Regnans per omne sæculum.
Amen.

Ant. In Deo sperávi.

Psalmus 55



Miserére mei, Deus,
quóniam conculcávit me homo : *
tota die impúgnans tribulávit me.

Conculcavérunt me inimíci mei tota die : * quóniam multi bellántes advérsus me.

Ab altitúdine diéi timébo : * ego vero in te sperábo.

In Deo laudábo sermónes meos, in Deo sperávi : * non timébo quid fáciat mihi caro.

Tota die verba mea exsecrabántur : * advérsus me omnes cogitationes eórum in malum.

Inhabitábunt et abscóndent : * ipsi calcáneum meum observábunt.

Sicut sustinuérunt ánimam meam, pro nihilo salvos fácies illos : * in ira pópulos confrínges.

Deus, vitam meam annuntiávi tibi : * posuísti lácrimas meas in conspéctu tuo.

Sicut et in promissione tua : * tunc convertentur inimici mei retrorsum :

In quacumque die invocavero te : * ecce, cognovi, quoniam Deus meus es.

In Deo laudabo verbum, in Domino laudabo sermonem : * in Deo speravi, non timebo quid faciat mihi homo.

In me sunt, Deus, vota tua, * quæ reddam, laudationes tibi.

Quoniam eripuisti animam meam de morte, et pedes meos de lapsu : * ut placeam coram Deo in lumine viventium.

Psalmus 56

Miserere mei, Deus, miserere mei : * quoniam in te confidit anima mea.

Et in umbra alarum tuarum sperabo, * donec transeat iniquitas.

Clamabo ad Deum altissimum : * Deum qui benefecit mihi.

Misit de caelo, et liberavit me : * dedit in opprobrium conculcantes me.

Misit Deus misericordiam suam, et veritatem suam, * et eripuit animam meam de medio catulorum leonum : dormivi conturbatus.

Filii hominum dentes eorum arma et sagittæ : * et lingua eorum gladius acutus.

Exaltare super caelos, Deus, * et in omnem terram gloria tua.

Laqueum paraverunt pedibus meis : * et incurnaverunt animam meam.

Foderunt ante faciem meam foveam : * et inciderunt in eam.

Paratum cor meum, Deus, paratum cor meum : * cantabo, et psalmum dicam.

Exsurge, gloria mea, exsurge, psalterium et cithara : * exurgam diluculo.

Confitebor tibi in populis, Domine : * et psalmum dicam tibi in gentibus :

Quoniam magnificata est usque ad caelos misericordia tua, * et usque ad nubes veritas tua.

Exaltare super caelos Deus : * et super omnem terram gloria tua.

Psalmus 57

Si vere utique iustitiam loquimini : * recta iudicate, filii hominum.

Etenim in corde iniquitates operamini : * in terra injustitias manus vestrae concinnant.

Alienati sunt peccatores a vulva, erraverunt ab utero : * locuti sunt falsa.

Furor illis secundum similitudinem serpentis : * sicut aspidis surdae, et obturantibus aures suas.

Quæ non exáudiet vocem incantántium : * et venéfici incantántis sapiénter.

Deus cónteret dentes eórum in ore ipsórum : * molas leónum confrínget Dóminus.

Ad níhilum devénient tamquam aqua decúrrens : * inténdit arcum suum donec infirméntur.

Sicut cera, quæ fluit, auferéntur : * supercécidit ignis, et non vidérunt solem.

Priúsqvam intellígerent spinæ vestræ rhamnum : * sicut vivéntes, sic in ira absórbet eos.

Lætábitur justus cum viderit vindíctam : * manus suas lavábit in sáanguine peccatóris.

Et dicet homo : Si útique est fructus justo : * útique est Deus júdicans eos in terra.

Ant. In Deo sperávi, non timébo quid fáciat mihi homo.

In Officio feriali

Capitulum Rom. 13, 8

Nemini quidquam debeátis, nisi ut invicem diligátis : qui enim diligit próximum, legem implévit.

℟. **br.** Benedícam Dóminum * In omni témpore. Benedícam. **℣.** Semper laus ejus in ore meo. In omni témpore. **G**loria Pa-

tri. Benedícam. **℣.** Dóminus regit me, et nihil mihi déerit. **℟.** In loco páscuæ ibi me collocávit.

In Vigiliis communibus :

Preces feriales

Kyrie, eléison. Christe, eléison. Kýrie, eléison.

Pater noster **secreto usque ad** **℣.** Et ne nos indúcas in tentatiónem. **℟.** Sed libera nos a malo. **℣.** Dómine, Deus virtútum, converté nos. **℟.** Et osténde faciém tuam, et salvi érimus. **℣.** Exsúrge, Christe, ádjuva nos. **℟.** Et libera nos propter nomen tuum. **℣.** Dómine, exáudi oratió-nem meam. **℟.** Et clamor meus ad te véniat.

Reliqua ut in Ordinario. 20

AD NONAM

Pater noster **et** Ave.

℣. Deus, in adjutórium.

Hymnus

Rerum, Deus, tenax vigor,

Immótus in te pérmanens,
Lucis diúrnæ témpora
Succéssibus detérminans :

Largíre lumen véspere,
Quo vita nusquam déci-dat,

Sed præmium mortis sacræ
Perénnis instet glória.

* **P**ræsta, Pater piíssime,
Patrique compar Unice,

Cum Spíritu Paráclito
Regnans per omne sáeculum.
Amen.

Ant. Deus meus.

Psalmus 58, i



Sripe me de inimícis meis, Deus meus : * et ab insurgéntibus in me libera me.

Eripe me de operántibus iniquitátem : * et de viris sánguinem salva me.

Quia ecce cepérunt ánimam meam : * irruérunt in me fortes.

Neque iníquitas mea, neque peccátum meum, Dómine, * sine iniquitáte cucúrri, et diréxi.

Exsúrge in occúrsum meum, et vide : * et tu, Dómine, Deus virtútum, Deus Israél,

Inténde ad visitándas omnes gentes : * non misereáris ómnibus, qui operántur iniquitátem.

Converténtur ad vésperam : et famem patiéntur ut canes, * et circuíbunt civitátem.

Ecce, loquéntur in ore suo, et gládus in lábiis eórum : * quóniam quis audívit?

Et tu, Dómine, deridébis eos : * ad níhilum dedúces omnes gentes.

Fortitúdinem meam ad te custódiám, quia, Deus, suscéptor meus es : * Deus

meus, misericórdia ejus prævéniét me.

Psalmus 58, ii

Deus osténdet mihi super inimícos meos, ne occídas eos : * nequándo obliviscántur pópuli mei.

Dispérge illos in virtúte tua : * et depóne eos, protectór meus, Dómine :

Delictum oris eórum, sermónem labiórum ipsórum : * et comprehendántur in supérbia sua.

Et de exsecratióne et mendácio annuntiabúntur in consummatióne : * in ira consummatiónis, et non erunt.

Et scient quia Deus dominábitur Jacob : * et finium terræ.

Converténtur ad vésperam : et famem patiéntur ut canes, * et circuíbunt civitátem.

Ipsi dispergéntur ad manducándum : * si vero non fúerint saturáti, et murmurábunt.

Ego autem cantábo fortitúdinem tuam : * et exultábo mane misericórdiam tuam.

Quia factus es suscéptor meus, * et refúgium meum, in die tribulatiónis meæ.

Adjútor meus, tibi psallam, quia, Deus, suscéptor meus es : * Deus meus, misericórdia mea. Gl.

Psalmus 59

Deus, repulísti nos, et destruxísti nos : * irátus es, et misértus es nobis.

Commovísti terram, et conturbásti eam : * sana contritiónes ejus, quia commóta est.

Ostendísti pópulo tuo dura : * potásti nos vino compunctiόνis.

Dedísti metuéntibus te significatióem : * ut fugiant a fácie arcus :

Ut liberéntur dilécti tui : * salvum fac délixtera tua, et exáudi me.

Deus locútus est in sancto suo : * Lætábor, et partíbor Síchimam : et convállem tabernaculórum metíbor.

Meus est Gálaad, et meus est Manásses : * et Ephraím fortitúdo cápitis mei.

Juda rex meus : * Moab olla spei meæ.

In Idumæam exténdam calceaméntum meum : * mihi alienígenæ súbditi sunt.

Quis dedúcet me in civitátem munitam? * quis dedúcet me usque in Idumæam?

Nonne tu, Deus, qui repulísti nos, * et non egrediéris, Deus, in virtútibus nostris?

Da nobis auxílium de tribulatióne : * quia vana salus hóminis.

In Deo faciémus virtútem : * et ipse ad níhilum dedúcet tribulántes nos.

Ant. Deus meus, misericórdia tua prævéniét me.

In Offício feriali

Capit. 1 Petri 1, 17-19

IN timóre incolátus vestrí témpore conversámini : sciéntes quod non corruptibílibus auro vel argénto redépti estis, sed pretiósó sáanguine quasi Agni immaculáti Christi.

℟. **br.** Rédime me, Dómine, * Et miserére mei. Rédime. **℣.** Pes enim meus stetit in via recta. Et miserére mei. **Gloria Patri.** Rédime. **℣.** Ab occúltis meis munda me, Dómine. **℟.** Et ab aliénis parce servo tuo.

In Vigiliis communibus :

Preces feriales

Kýrie, eléison. Christe, eléison. Kýrie, eléison.

Pater noster **secreto usque ad ℣.** Et ne nos indúcas in tentatióem. **℟.** Sed libera nos a malo. **℣.** Dómine, Deus virtútum, convérte nos. **℟.** Et osténde faciém tuam, et salvi érimus. **℣.** Exsúrge, Christe, ádjuva nos. **℟.** Et libera nos propter nomen tuum. **℣.** Dómine, exáudi oratióem meam. **℟.** Et clamor meus ad te véniat.

Reliqua ut in Ordinario, 22

AD VESPERAS

Pater noster **et** Ave.

℣. Deus, in adiutorium.

Ant. Beāti omnes, * † qui
timent Dóminum. †

Psalmus 127



Eáti omnes, † qui ti-
ment Dóminum, * †
qui ámbulant in
viis ejus.

Labóres mánuum tuá-
rum quia manducábis : *
beátus es, et bene tibi erit.

Uxor tua sicut vitis
abúndans, * in latéribus
domus tuæ.

Filii tui sicut novéllæ oli-
várúm, * in circúitu men-
sæ tuæ.

Ecce, sic benedicétur ho-
mo, * qui timet Dómi-
num.

Benedícat tibi Dóminus
ex Sion : * et vídeas bona
Jerúsalem ómnibus diébus
vitæ tuæ.

Et vídeas filios filiórúm
tuórum, * pacem super
Israël.

Ant. Beāti omnes, qui ti-
ment Dóminum.

Ant. Confundántur om-
nes, * qui odérunt Sion.

Psalmus 128

Sæpe expugnavérunt
me a juventúte mea, *
dicat nunc Israël :

Sæpe expugnavérunt me
a juventúte mea : * ét-
enim non potuérunt mihi.

Supra dorsum meum fa-
bricavérunt peccatóres : *
prolongavérunt iniquitá-
tem suam.

Dóminus justus concídit
cervíces peccatórum : *
confundántur et conver-
tántur retrórsum omnes,
qui odérunt Sion.

Fiant sicut fœnum tectó-
rum : * quod priúsqvam
evellátur, exáruit :

De quo non implévit ma-
num suam qui metit, * et
sinum suum qui manípú-
los cólligit.

Et non dixerunt qui præ-
teribant : Benedíctio Dó-
mini super vos : * benedí-
ximus vobis in nómine
Dómini.

Ant. Confundántur om-
nes, qui odérunt Sion.

Ant. De profúndis * †
clamávi ad te, Dómine. †

Psalmus 129

DE profúndis † clamávi
ad te, Dómine : * †
Dómine, exáudi vocem
meam :

Fiant aures tuæ inten-
déntes, * in vocem depre-
caciónis meæ.

Si iniquitátes observáve-
ris, Dómine : * Dómine,
quis sustinébit?

Quia apud te propitiátio
est : * et propter legem
tuam sustínui te, Dómine.

Sustínuit ánima mea in
verbo ejus : * sperávit
ánima mea in Dómino.

A custódia matutína usque ad noctem : * speret Israël in Dómino.

Quia apud Dóminum misericórdia : * et copiósa apud eum redemptio.

Et ipse redimet Israël, * ex ómnibus iniquitatibus ejus.

Ant. De profúndis clamávi ad te, Dómine.

Ant. Dómine, * † non est exaltátum cor meum. †

Psalmus 130

Domine, † non est exaltátum cor meum : * † neque eláti sunt óculi mei.

Neque ambulávi in magnis : * neque in mirábilibus super me.

Si non humíliter sentiébam : * sed exaltávi ánimam meam :

Sicut ablactátus est super matre sua, * ita retribútio in ánima mea.

Speret Israël in Dómino, * ex hoc nunc et usque in sáculum.

Ant. Dómine, non est exaltátum cor meum.

Ant. Elégit Dóminus * Sion in habitatióem sibi.

Psalmus 131

Memento, Dómine, David, * et omnis mansuetúdinis ejus :

Sicut jurávit Dómino, * votum vovit Deo Jacob :

Si introíero in tabernáculum domus meæ, * si

ascéndero in lectum strati mei :

Si dédero somnum óculis meis, * et pálpebris meis dormitatióem :

Et réquiem tempóribus meis : donec invéniam locum Dómino, * tabernáculum Deo Jacob.

Ecce, audívimus eam in Ephrata : * invénimus eam in campis silvæ.

Introíbimus in tabernáculum ejus : * adorábimus in loco, ubi stetérunt pedes ejus.

Surge, Dómine, in réquiem tuam, * tu et arca sanctificatióis tuæ.

Sacerdótes tui induántur justítiam : * et sancti tui exsúltent.

Propter David, servum tuum, * non avértas fáciem Christi tui.

Jurávit Dóminus David veritátem, et non frustrábitur eam : * De fructu ventris tui ponam super sedem tuam.

Si custodierint filii tui testaméntum meum, * et testimónia mea hæc, quæ docébo eos :

Et filii eórum usque in sáculum, * sedébunt super sedem tuam.

Quóniam elégit Dóminus Sion : * elégit eam in habitatióem sibi.

Hæc réquies mea in sáculum sáculi : * hic habitábo quóniam elégi eam.

Víduam ejus benedicens
benedicam : * páuperes
ejus saturábo pánibus.

Sacerdótes ejus induam
salutári : * et sancti ejus
exsultatíone exsultábunt.

Illuc producam cornu
David, * parávi lucérnam
Christo meo.

Inimícos ejus induam
confusíone : * super ipsum
autem efflorébit sanctifi-
cátio mea.

Ant. Elégit Dóminus Sion
in habitatióne sibi.

In Officio feriali

Capitulum 2 Cor. 1, 3-4

Benedíctus Deus, et Pa-
ter Dómini nostri Jesu
Christi, Pater misericor-
diárum, et Deus totíus
consolatiónis, qui conso-
látur nos in omni tribula-
tióne nostra.

Hymnus

Cæli Deus sanctíssime,
Qui lúcidas mundi plagas

Candóre pingis ígneo,
Augens decóro lúmine :

Quarto die qui flámmeam
Dum solis accéndis rotam,
Lunæ mínistras órduem,
Vagósque cursus síde-
rum :

Ut nóctibus, vel lúmini
Diremptiόνis términum,
Primórdiis et ménsium
Signum dares notíssim-
um;

Expélle noctem córdium :
Abstérge sordes mén-
tium :

Resólve culpæ vínculum :
Evérte moles críminum.

Præsta, Pater piíssime,
Patrique compar Unice,
Cum Spíritu Paráclito
Regnans per omne sáecu-
lum. Amen.

℟. Dirigátur, Dómine,
orátio mea. **℞.** Sicut in-
cénsum in conspéctu tuo.

Ad Magnif. Ant. Respé-
xit Dóminus * humilitá-
tem meam, et fecit in me
magna, qui potens est.

Reliqua ut in Ordinario. 22

AD COMPLETORIUM

℟. Jube, domne.

Bened. Noctem quiétam,
et finem perféctum concé-
dat nobis Dóminus omní-
potens. **℞.** Amen.

Lectio br. 1 Petri 5, 8-9

Fratres : Sóbrii estóte,
et vigiláte : quia ad-
versárius vester diábolus
tamquam leo rúgiens cír-
cuit, quærens quem dévo-
ret : cui resístite fortes in
fide. Tu autem, Dómine,
miserére nobis.

℞. Deo grátias.

℟. Adjutórium nostrum
in nómine Dómini. **℞.** Qui
fecit cælum et terram.

Pater noster, **quod dici-
tur totum secreto.**

Confíteor. Misereátur. Indulgéntiam.

✠. Convérte nos, Deus, salutáris noster. ✠. Et avérte iram tuam a nobis.

✠. Deus, in adjutórium.

Ant. Immíttet Angelus Dómini.

Psalmus 33, i



Benedícam Dóminum in omni témpore : * semper laus ejus in ore meo.

In Dómino laudábitur ánima mea : * áudiant mansuétí, et læténtur.

Magnificáte Dóminum mecum : * et exaltémus nomen ejus in idípsum.

Exquisívi Dóminum, et exaudívit me : * et ex ómnibus tribulatióibus meis erípuit me.

Accédite ad eum, et illuminámini : * et fácies vestræ non confundéntur.

Ipse pauper clamávit, et Dóminus exaudívit eum : * et de ómnibus tribulatióibus ejus salvávit eum.

Immíttet Angelus Dómini in circúitu timéntium eum : * et erípiet eos.

Gustáte, et vidéte quóniam suávis est Dóminus : * beátus vir, qui sperat in eo.

Timéte Dóminum, omnes sancti ejus : * quóniam non est inópia timéntibus eum.

Dívites eguérunt et esuriérunt : * inquiréntes au-

tem Dóminum non minuéntur omni bono.

Psalmus 33, ii

Veníte, filii, audíte me : * timórem Dómini docebo vos.

Quis est homo qui vult vitam : * díligit dies vidére bonos?

Próhibe linguam tuam a malo : * et lábia tua ne loquántur dolum.

Divérte a malo, et fac bonum : * inquíre pacem, et perséquare eam.

Oculi Dómini super justos : * et aures ejus in preces eórum.

Vultus autem Dómini super faciéntes mala : * ut perdat de terra memóriam eórum.

Clamavérunt justí, et Dóminus exaudívit eos : * et ex ómnibus tribulatióibus eórum liberávit eos.

Juxta est Dóminus iis, qui tribuláto sunt corde : * et húmiles spíritu salvábit.

Multæ tribulatióes justórum : * et de ómnibus his liberábit eos Dóminus.

Custódit Dóminus ómnia ossa eórum : * unum ex his non conterétur.

Mors peccatórum péssima : * et qui odérunt justum, delínquent.

Rédimet Dóminus ánimas servórum suórum : * et non delínquent omnes qui sperant in eo.

Psalmus 60

EXáudi, Deus, deprecaciónem meam : * inténde orationi meæ.

A finibus terræ ad te clamavi : * dum anxiarétur cor meum, in petra exaltasti me.

Deduxisti me, quia factus es spes mea : * turris fortitudinis a fácie inimici.

Inhabitábo in tabernáculo tuo in sæcula : * prótegar in velaménto alarum tuarum.

Quóniam tu, Deus meus, exaudisti orationem meam : * dedisti hereditatem timéntibus nomen tuum.

Dies super dies regis adjicies : * annos ejus usque in diem generatiónis et generatiónis.

Pérmanet in ætérnum in conspéctu Dei : * misericórdiam et veritatem ejus quis requíret?

Sic psalmum dicam nómini tuo in sæculum sæculi : * ut reddam vota mea de die in diem.

Ant. Immittet Angelus Dómini in circúitu timéntium eum : et erípiet eos.

Hymnus

TE lucis ante términum,
Rerum Créator, póscimus,
Ut pro tua cleméntia
Sis præsul et custódia.

Procul recédant sómnia,
Et nóctium phantásmata;
Hostémque nostrum cómpri-
me,
Ne polluántur córpora.

* **Præsta**, Pater piíssime,
Patrique compar Unice,
Cum Spíritu Paráclito
Regnans per omne sæculum.
Amen.

Capitulum Jer. 14, 9

TU autem in nobis es,
Dómine, et nomen sanctum tuum invocátum est super nos : ne derelínquas nos, Dómine, Deus noster.

R. br. In manus tuas, Dómine, * Comméndo spíritum meum. In manus.

V. Redemísti nos, Dómine, Deus veritátis. Comméndo. **Glória Patri.** In manus. **V.** Custódi nos, Dómine, ut pupíllam óculi.

R. Sub umbra alarum tuarum prótege nos.

Ant. Salva nos.

Canticum Simeonis

Luc. 2, 29-32

Nunc dimíttis servum tuum, Dómine, * secúndum verbum tuum in pace :

Quia vidérunt óculi mei * salutáre tuum,

Quod parásti * ante fáciem ómnium populórum,
Lumen ad revelatióem géntium, * et glóriam plebis tuæ Israël.

Glória Patri.

Ant. Salva nos, Dómine, vigilántes, custódi nos dormiéntes; ut vigilémus cum Christo, et requiescámus in pace.

Preces (si dicendæ sint)

KYrie, eléison. Christe, eléison. Kýrie, eléison.

Pater noster **secreto usque ad V.** Et ne nos indúcas in tentatióem. **R.** Sed líbera nos a malo.

Credo in Deum **secreto usque ad V.** Carnis resurrectiόem. **R.** Vitam ætérnam. Amen. **V.** Benedíctus es, Dómine, Deus patrum nostrórum. **R.** Et laudábilis et gloriósus in sácula. **V.** Benedicámus Patrem et Fílium cum Sancto Spíritu. **R.** Laudémus, et superexaltémus eum in sácula. **V.** Benedíctus es, Dómine, in firmaménto cæli. **R.** Et laudábilis, et gloriósus, et superexaltátus in sácula. **V.** Benedícat et custódiat nos omnípotens et miséricors Dóminus. **R.** Amen. **V.** Dignáre, Dómine, nocte ista. **R.** Sine peccáto nos

custodíre. **V.** Miserére nostri, Dómine. **R.** Miserére nostri. **V.** Fiat misericórdia tua, Dómine, super nos. **R.** Quemádmódum sperávimus in te. **V.** Dómine, exáudi oratiόem meam. **R.** Et clamor meus ad te véniat.

V. Dóminus vobíscum.

Orémus.

Oratio

Visita, quæsumus, Dómine, habitatiόem istam, et omnes insídias inimíci ab ea longe repélle: Angeli tui sancti hábitent in ea, qui nos in pace custódiant; et benedictio tua sit super nos semper. Per Dóminum. **R.** Amen.

V. Dóminus vobíscum.

V. Benedicámus Dómino.

Benedictio Benedícat et custódiat nos omnípotens et miséricors Dóminus, Pater, et Fílius, et Spíritus Sanctus. **R.** Amen.

Antiphona finalis B. M. V.

V. Divínium auxílium.

Pater noster, Ave María **et** Credo.

FERIA QUINTA

AD MATUTINUM

Pater, Ave **et** Credo.

V. Dómine, lábia mea.

V. Deus, in adjutórium.

In Officio feriali

Invit. Regem ventúrum
Dóminum, * Veníte, ad-
orémus.

Hymnus

NOX atra rerum cónte-
git

Terræ colóres ómnium :
Nos confiténtes póscimus
Te, juste iudex córdium :

Ut áuferas piácula,
Sordésque mentis ábluas :
Donésque, Christe, grá-
tiam,
Ut arceántur crimina.

Mens ecce torpet ímpia,
Quam culpa mordet nó-
xia :

Obscúra gestit tóllere,
Et te, Redemptor, quæ-
rere.

Repélle tu caliginem
Intrínsecus quam máxime,
Ut in beáto gáudeat
Se collocári lúmine.

Præsta, Pater piíssime,
Patrique compar Unice,
Cum Spíritu Paráclito
Regnans per omne sæcu-
lum. Amen.

In I Nocturno

Ant. In Deo salutáre
meum, * et glória mea : et
spes mea in Deo est.

Psalmus 61



Onne Deo subjécta
erit ánima mea? *
ab ipso enim salu-
táre meum.

Nam et ipse Deus meus,
et salutáris meus : * sus-
céptor meus, non movébor
ámplius.

Quoúsque irrúitis in hó-
minem? * interficitis uni-
vérsi vos : tamquam pa-
rieti inclináto et macériæ
depúlsæ?

Verúmtamen prétium
meum cogitavérunt repél-
lere, cucúrri in siti : * ore
suo benedicébant, et corde
suo maledicébant.

Verúmtamen Deo subjé-
cta esto, ánima mea : *
quóniam ab ipso patiéntia
mea.

Quia ipse Deus meus, et
salvátor meus : * adjutor
meus, non emigrábo.

In Deo salutáre meum, et
glória mea : * Deus auxili
mei, et spes mea in Deo
est.

Speráte in eo, omnis con-
gregátio pópuli, effúndite
coram illo corda vestra : *

Deus adjutor noster in ætérnum.

Verúmtamen vani filii hóminum, mendáces filii hóminum in statéris : * ut decípiant ipsi de vanitáte in idípsum.

Nolíte speráre in iniquitáte, et rapínas nolíte concupíscere : * divítiæ si áffluant, nolíte cor appónere.

Semel locútus est Deus, duo hæc audívi, quia potéstas Dei est, et tibi, Dómine, misericórdia : * quia tu reddes unicuique juxta ópera sua.

Ant. In Deo salutáre meum, et glória mea : et spes mea in Deo est.

Ant. Vidéte ópera Dómini, * et audítam fácite vocem laudis ejus.

Psalmus 65, i

Jubiláte Deo, omnis terra, psalmum dícite nómini ejus : * date glóriam laudi ejus.

Dícite Deo : Quam terríbilia sunt ópera tua, Dómine! * in multitúdine virtútis tuæ mentiéntur tibi inimíci tui.

Omnis terra adóret te, et psallat tibi : * psalmum dicat nómini tuo.

Veníte, et vidéte ópera Dei : * terríbilis in consíliis super filios hóminum.

Qui convértit mare in áridam, in flúmine per-

transíbunt pede : * ibi lætábimur in ipso.

Qui dominántur in virtúte sua in ætérnum, óculi ejus super gentes respíciunt : * qui exásperant non exalténtur in semetípsis.

Benedícite, gentes, Deum nostrum : * et audítam fácite vocem laudis ejus,

Qui pósuit ánimam meam ad vitam : * et non dedit in commotióem pedes meos.

Quóniam probásti nos, Deus : * igne nos examinásti, sicut examinátur argéntum.

Induxísti nos in láqueum, posuísti tribulatióes in dorso nostro : * imposuísti hómines super cápita nostra.

Transívimus per ignem et aquam : * et eduxísti nos in refrigérium.

Ant. Vidéte ópera Dómini, et audítam fácite vocem laudis ejus.

Ant. Audíte, omnes, * qui timétis Deum, quanta fecit ánimæ meæ.

Psalmus 65, ii

Introíbo in domum tuam in holocáustis : * reddam tibi vota mea, quæ distinxérunt lábia mea.

Et locútum est os meum, * in tribulatióne mea.

Holocáusta medulláta offeram tibi cum incénso

arietum : * offeram tibi
boves cum hircis.

Venite, audite, et narra-
bo, omnes, qui timetis
Deum, * quanta fecit ani-
mæ meæ.

Ad ipsum ore meo cla-
mavi, * et exaltavi sub
lingua mea.

Iniquitatem si aspexi in
corde meo, * non exau-
diet Dominus.

Propterea exaudivit
Deus, * et attendit voci
deprecationis meæ.

Benedictus Deus, * qui
non amovit orationem
meam, et misericordiam
suam a me.

Ant. Audite, omnes, qui
timetis Deum, quanta fe-
cit animæ meæ.

In Festis novem Lectionum :

℣. Non amovit Dominus
orationem meam. ℟. Et
misericordiam suam a me.


Absolutio. Exaudi, Domine.

Bened. 1 Benedictione per-
petua. 2 Unigenitus Dei Fi-
lius. 3 Spiritus Sancti gratia.

In II Nocturno

Ant. Exsurgat Deus, * †
et dissipentur inimici
ejus. †

Psalmus 67, i

 Xsurgat Deus, † et
dissipentur inimici
ejus, * † et fugiant
qui oderunt eum, a facie
ejus.

Sicut deficit fumus, defi-
ciant : * sicut fluit cera a
facie ignis, sic pereant
peccatores a facie Dei.

Et justi epulentur, et ex-
sultent in conspectu Dei : *
et delectentur in lætitia.

Cantate Deo, psalmum
dicite nomini ejus : * iter
facite ei, qui ascendit su-
per occasum : Dominus
nomen illi.

Exsultate in conspectu
ejus : * turbabuntur a fá-
cie ejus, patris orphanó-
rum, et iudicis viduarum.

Deus in loco sancto suo : *
Deus qui inhabitare facit
unius moris in domo :

Qui educit vinetos in for-
titudine, * similiter eos,
qui exasperant, qui habi-
tant in sepulcris.

Deus, cum egredereris in
conspectu populi tui, *
cum pertransires in de-
serto :

Terra mota est, etenim
cæli distillaverunt a facie
Dei Sinaï, * a facie Dei
Israël.

Pluviam voluntariam se-
gregabis, Deus, hereditati
tuæ : * et infirmata est, tu
vero perfecisti eam.

Animalia tua habitabunt
in ea : * parasti in dulcé-
dine tua pauperi, Deus.

Ant. Exsurgat Deus, et
dissipentur inimici ejus.

Ant. Deus noster, * Deus
salvos faciendi : et Dó-
mini sunt exitus mortis.

Psalmus 67, ii

Dominus dabit verbum evangelizántibus, * virtúte multa.

Rex virtútum dilécti dilécti : * et speciéi domus dividere spólia.

Si dormiátis inter médios cleros, pennæ colúmbæ deargentatæ, * et posterióra dorsi ejus in pallóre auri.

Dum discérnit cæléstis reges super eam, nive dealbabúntur in Selmon : * mons Dei, mons pinguis.

Mons coagulátus, mons pinguis : * ut quid suspicámini montes coagulátos?

Mons, in quo beneplácitum est Deo habitáre in eo : * étenim Dóminus habitábit in finem.

Currus Dei decem míllibus múltiplex, míllia lætántium : * Dóminus in eis in Sina in sancto.

Ascendísti in altum, cepísti captivitátem : * accepísti dona in homínibus :

Etenim non credéntes, * inhabitáre Dóminum Deum.

Benedíctus Dóminus die quotídie : * prósperum iter fáciét nobis Deus salutárium nostrórum.

Deus noster, Deus salvos faciéndi : * et Dómini Dómini éxitus mortis.

Verúmtamen Deus confrínget cápita inimicórum

suórum : * vérticem capílli perambulántium in delictis suis.

Dixit Dóminus : Ex Babsan convértam, * convértam in profúndum maris :

Ut intingátur pes tuus in ságuine : * lingua canum tuórum ex inimícis, ab ipso.

Ant. Deus noster, Deus salvos faciéndi : et Dómini sunt éxitus mortis.

Ant. In ecclésiis * benedicite Dómino Deo.

Psalmus 67, iii

Vidérunt ingrédus tuos, Deus, * ingrédus Dei mei : regis mei qui est in sancto.

Prævenérunt príncipes conjúcti psalléntibus, * in médio juvenculárum tympanistriárum.

In ecclésiis benedicite Deo Dómino, * de fóntibus Israël.

Ibi Bénjamin adolescéntulus, * in mentis excéssu.

Príncipes Juda, duces eórum : * príncipes Zábulon, príncipes Néphthali.

Manda, Deus, virtúti tuæ : * confírma hoc, Deus, quod operátus es in nobis.

A templo tuo in Jerúsalem, * tibi ófferent reges múnera.

Increpa feras arúndinis, congregátio taurórum in vaccis populórum : * ut

exclúdant eos, qui probáti sunt argénto.

Díssipa gentes, quæ bella volunt : vénient legáti ex Ægýpto : * Æthiopia prævéniét manus ejus Deo.

Regna terræ, cantáte Deo : * psállite Dómino.

Psállite Deo, qui ascéndit super cælum cæli, * ad Oriéntem.

Ecce, dabit voci suæ vocem virtútis, date glóriam Deo super Israël, * magnificéntia ejus, et virtus ejus in núbibus.

Mirábilis Deus in sanctis suis, Deus Israël ipse dabit virtútem, et fortitúdinem plebi suæ, * benedíctus Deus.

Ant. In ecclésiis benedicite Dómino Deo.

In Festis novem Lectionum :

✠. Mirábilis Deus in sanctis suis. ✠. Deus Israël dabit virtútem plebi tuæ.

Absolutio. Ipsíus píetas et.

Bened. 4 Deus Pater omnipotens. 5 Christus perpétuæ. 6 Ignem sui amóris.

In III Nocturno

Ant. Salvum me fac, * † Deus : quóniam intravérunt aquæ usque ad ánimam meam. †

Psalmus 68, i



Alvum me fac, * † Deus : * quóniam intravérunt aquæ usque ad ánimam meam. †

Infixus sum in limo profúndi : * et non est substantia.

Veni in altitúdinem maris : * et tempésta demérsit me.

Laborávi clamans, raucæ factæ sunt fauces meæ : * defecérunt óculi mei, dum spero in Deum meum.

Multiplicáti sunt super capíllos cápitis mei, * qui odérunt me gratis.

Confortáti sunt qui persecúti sunt me inimíci mei injúste : * quæ non rápui, tunc exsolvébam.

Deus, tu scis insipiéntiam meam : * et delicta mea a te non sunt abscondita.

Non erubéscant in me qui expéctant te, Dómine, * Dómine virtútum.

Non confundántur super me * qui quærunte te, Deus Israël.

Quóniam propter te sustínui oppróbrium : * opéruit confúsió faciém meam.

Extráneus factus sum frátribus meis, * et peregrínus filiis matris meæ.

Quóniam zelus domus tuæ comédit me : * et oppróbria exprobrántium tibi cecidérunt super me.

Et opéruí in jejúnio ánimam meam : * et factum est in oppróbrium mihi.

Et pósui vestiméntum meum cilícium : * et factus sum illis in parábolam.

Advérsus me loquebántur, qui sedébant in porta : * et in me psallébant qui bibébant vinum.

Ego vero oratióem meam ad te, Dómine : * tempus benepláciti, Deus.

Ant. Salvum me fac, Deus : quóniam intravérunt aquæ usque ad ánimam meam.

Ant. Propter inimícos meos * éripe me, Dómine.

Psalmus 68, ii

IN multitúdine misericórdiæ tuæ exáudi me, * in veritaté salútis tuæ :

Eripe me de luto, ut non infígar : * libera me ab iis, qui odérunt me, et de profúndis aquárum.

Non me demérgat tempéstatas aquæ, neque absórbeat me profúndum : * neque úrgeat super me púteus os suum.

Exáudi me, Dómine, quóniam benígna est misericórdia tua : * secundum multitúdinem miserationum tuárum respice in me.

Et ne avértas faciém tuam a púero tuo : * quóniam tribulor, velóciter exáudi me.

Inténde ánimæ meæ, et libera eam : * propter inimícos meos éripe me.

Tu scis impropérium meum, et confusióem

meam, * et reveréntiam meam.

In conspéctu tuo sunt omnes qui tríbulant me, * impropérium exspectávit cor meum, et misériam.

Et sustínui qui simul contristarétur, et non fuit : * et qui consolarétur, et non invéni.

Et dedérunt in escam meam fel : * et in siti mea potavérunt me acéto.

Fiat mensa eórum coram ipsis in láqueum, * et in retributiónes, et in scándalum.

Obscuréntur óculi eórum ne vídeant : * et dorsum eórum semper incúrva.

Effúnde super eos iram tuam : * et furor iræ tuæ comprehéndat eos.

Fiat habitátio eórum déserta : * et in tabernáculis eórum non sit qui inhábitet.

Quóniam quem tu percussísti, persecúti sunt : * et super dolórem vúlnerum meórum addidérunt.

Appóne iniquitátem super iniquitátem eórum : * et non intrent in justítiam tuam.

Deleántur de libro vivéntium : * et cum justis non scribántur.

Ant. Propter inimícos meos éripe me, Dómine.

Ant. Quærite Dóminum, * et vivet ánima vestra.

Psalmus 68, iiii

EGO sum pauper et dolens : * salus tua, Deus, suscepit me.

Laudábo nomen Dei cum cántico : * et magnificábo eum in laude :

Et placébit Deo super vítulum novéllum : * córnua producéntem et úngulas.

Vídeant páuperes et læténtur : * quærite Deum, et vivet ánima vestra.

Quóniam exaudivit páuperes Dóminus : * et victos suos non despéxit.

Laudent illum cæli et terra, * mare, et ómnia reptília in eis.

Quóniam Deus salvam faciet Sion : * et ædificábuntur civitátes Juda.

Et inhabitábunt ibi, * et hereditáte acquirént eam.

Et semen servórum ejus possidébit eam, * et qui díligunt nomen ejus, habitábunt in ea.

Ant. Quærite Dóminum, et vivet ánima vestra.

In feriali Officio et in Festis :

℣. Laudábo nomen Dei cum cántico. ℟. Et magnificábo eum in laude.

**In Officio
novem Lectionum**

Absolutio. A v́nculis.

Bened. 7 Evangélica léctio.
8 **In Festis Domini :** Divínium auxílium.

In Festis B. M. V. : Cujus festum cólimus, ipsa Virgo.

In Festis Sanctorum : Cujus (vel Quorum aut Quarum) festum cólimus. 9 Ad societátem. (Per evangélica dicta.)

**In Officio
trium Lectionum**

Absolutio. Exáudi, Dómine.

In Feriis cum Homilia :

Bened. 1 Evangélica. 2 Divínium. 3 Ad societátem.

In Feriis sine Homilia :

Bened. 1 Benedicçãoe. 2 Unigénitus. 3 Spíritus Sancti.

In Festis Sanctorum :

Bened. 1 Ille nos benedícat, qui sine fine vivit et regnat. ℟. Amen. 2 Cujus (vel Quorum aut Quarum). 3 Ad societátem.

AD LAUDES I

In Feriis extra Vigiliis communes occurrentibus, atque in Festis.

(Pater noster et Ave.)

℣. Deus, in adjutórium.

Ant. Jubiláte * in conspéctu regis Dómini.

Psalmus 97

EAntáte Dómino cánticum novum : * quia mirabília fecit.

Salvavit sibi d́xtera ejus : * et bráchium sanctum ejus.

Notum fecit Dóminus salutáre suum : * in conspé-

ctu géntium revelávit justítiam suam.

Recordátus est misericórdiæ suæ, * et veritátis suæ dómui Israël.

Vidérunt omnes términi terræ * salutáre Dei nostri.

Jubiláte Deo, omnis terra : * cantáte, et exsultáte, et psállite.

Psállite Dómino in cíthara, in cíthara et voce psalmi : * in tubis ductílibus, et voce tubæ córneæ.

Jubiláte in conspéctu regis Dómini : * moveátur mare, et plenitúdo ejus : orbis terrárum, et qui hábitant in eo.

Flúmina plaudent manu, simul montes exsultábunt a conspéctu Dómini : * quóniam venit judicáre terram.

Judicábit orbem terrárum in justítia, * et pópulos in æquitáte.

Ant. Jubiláte in conspéctu regis Dómini.

Ant. Dómine, * † refúgium factus es nobis. †

Psalmus 89

Domine, † refúgium factus es nobis : * † a generatióne in generatióne.

Priúsqvam montes fierent, aut formarétur terra et orbis : * a sáculo et usque in sáculum tu es, Deus.

Ne avértas hóminem in humilitátem : * et dixísti : Convertímini, filii hóminum.

Quóniam mille anni ante óculos tuos, * tamquam dies hestérna, quæ prætérit.

Et custódia in nocte, * quæ pro níhilo habéntur, eórum anni erunt.

Mane sicut herba tráseat, mane flóreat, et tráseat : * véspere decídat, indúret et aréscat.

Quia defécimus in ira tua, * et in furóre tuo turbáti sumus.

Posuísti iniquitátes nostras in conspéctu tuo : * sáculum nostrum in illuminatióne vultus tui.

Quóniam omnes dies nostri defecerunt : * et in ira tua defécimus.

Anni nostri sicut aránea meditabúntur : * dies annórum nostrórum in ipsis, septuagínta anni.

Si autem in potentátibus octogínta anni : * et ámplius eórum, labor et dolor.

Quóniam supervénit mansuetúdo : * et corripiémur.

Quis novit potestátem iræ tuæ : * et præ timóre tuo iram tuam dinumeráre?

Déxteram tuam sic notam fac : * et erudítos corde in sapiéntia.

Convértere, Dómine, ús-
quequo? * et deprecábilis
esto super servos tuos.

Repléti sumus mane mi-
sericórdia tua : * et exsul-
távimus, et delectáti su-
mus ómnibus diébus no-
stris.

Lætáti sumus pro diébus,
quibus nos humiliásti : *
annis, quibus vídimus
mala.

Réspice in servos tuos, et
in ópera tua : * et dirige
fílios eórum.

Et sit splendor Dómini,
Dei nostri, super nos, et
ópera mánuum nostrárum
dirige super nos : * et
opus mánuum nostrárum
dirige.

Ant. Dómine, refúgium
factus es nobis.

Ant. Dómine, * in cælo
misericórdia tua.

Psalmus 35

Dixit injústus ut delín-
quat in semetípso : *
non est timor Dei ante
óculos ejus.

Quóniam dolóse egit in
conspéctu ejus : * ut inve-
niátur iníquitas ejus ad
ódium.

Verba oris ejus iníquitas,
et dolus : * nóluit intellí-
gere ut bene ágeret.

Iniquitátem meditátus
est in cubíli suo : * ástitit
omni viæ non bonæ, malí-
tiam autem non odívit.

Dómine, in cælo miseri-

córdia tua : * et véritas
tua usque ad nubes.

Justítia tua sicut montes
Dei : * judícia tua abyssus
multa.

Hómines, et juménta sal-
vábis, Dómine : * quem-
ádmodum multiplicásti
misericórdiam tuam, Deus.

Fílii autem hóminum, *
in tégmine alárum tuárum
sperábunt.

Inebriabúntur ab uber-
táte domus tuæ : * et tor-
rénte voluptátis tuæ potá-
bis eos.

Quóniam apud te est fons
vitæ : * et in lúmine tuo
vidébimus lumen.

Prætende misericórdiam
tuam sciéntibus te, * et
justítiam tuam his, qui
recto sunt corde.

Non véniat mihi pes su-
pérbiæ : * et manus pec-
catóris non móveat me.

Ibi cecidérunt qui operán-
tur iniquitátem : * expúlsi
sunt, nec potuérunt stare.

Ant. Dómine, in cælo
misericórdia tua.

Ant. Pópulus meus, * ait
Dóminus, bonis meis ad-
implébitur.

Canticum Jeremiæ

Jer. 31, 10-14

Audíte verbum Dómini,
gentes, * et annuntiáte
in insulis, quæ procul
sunt,

Et dicite : Qui dispérsit
Israël, congregábit eum : *

et custódiēt eum sicut pastor gregem suum.

Redēmit enim Dóminus Jacob, * et liberábit eum de manu potentióris.

Et vénient, et laudábunt in monte Sion : * et cónfluent ad bona Dómini.

Super fruménto, et vino, et óleo, * et fetu pécorum et armentórum :

Erítque ánima eórum quasi hortus irríguus, * et ultra non esúrient.

Tunc lætábitur virgo in choro, * júvenes et senes simul :

Et convértam luctum eórum in gáudium, * et consolábor eos, et lætificábo a dolóre suo.

Et inebriábo ánimam sacerdotum pinguédine : * et pópulus meus bonis meis adimplébitur.

Ant. Pópulus meus, ait Dóminus, bonis meis adimplébitur.

Ant. Deo nostro * jucúnda sit laudátio.

Psalmus 146

Laudáte Dóminum quóniam bonus est psalmus : * Deo nostro sit jucúnda, decóraque laudátio.

Ædificans Jerúsalem Dóminus : * dispersiónes Israëlís congregábit.

Qui sanat contrítos corde : * et álligat contritiónes eórum.

Qui númerat multitudínem stellárum : * et ómnibus eis nómina vocat.

Magnus Dóminus noster, et magna virtus ejus : * et sapiéntiæ ejus non est númerus.

Suscípiens mansuétos Dóminus : * humílians autem peccatóres usque ad terram.

Præcínite Dómino in cónfessióne : * psállite Deo nostro in cíthara.

Qui óperit cælum núbibus : * et parat terræ plúviam.

Qui prodúcit in móntibus fœnum : * et herbam servitúti hóminum.

Qui dat juméntis escam ipsórum : * et pullis corvórum invocántibus eum.

Non in fortitúdine equi voluntátem habébit : * nec in tibiis viri beneplácitum erit ei.

Beneplácitum est Dómino super timéntes eum : * et in eis, qui sperant super misericórdia ejus.

Ant. Deo nostro jucúnda sit laudátio.

In Offício feriali

Capit. Rom. 13, 12-13

NOX præcëssit, dies autem appropinquávit. Abjiciámus ergo ópera tenebrárum, et induámur arma lucis. Sicut in die honéste ambulémus.

Hymnus

LUX ecce surgit áurea,
 Pallens facéssat cæci-
 tas,
 Quæ nosmet in præceps
 diu
 Erróre traxit dévio.

Hæc lux serénium cónfe-
 rat,
 Purósque nos præstet si-
 bi :
 Nihil loquámur súbdolum :
 Volvámus obscúrum nihil.

Sic tota decúrrat dies,
 Ne lingua mendax, ne
 manus

Oculíve peccent lúbrici,
 Ne noxa corpus inquinet.

Speculátor astat désuper,
 Qui nos diébus ómnibus,
 Actúsque nostros próspi-
 cit

A luce prima in vésperum.

Deo Patri sit glória,
 Ejúsque soli Fílio,
 Cum Spíritu Paráclito,
 Nunc et per omne sæcu-
 lum. Amen.

℟. Repléti sumus mane
 misericórdia tua. **℣.** Ex-
 sultávimus, et delectáti
 sumus.

Ad Bened. Ant. In san-
 ctitáte * serviámus Dó-
 mino, et liberábit nos ab
 inimícis nostris.

Reliqua ut in Ordinario. 9

AD LAUDES II

*In Vigiliis communibus, quan-
 do fit Officium de Feria.*

(Pater noster **et Ave.**)

℟. Deus, in adjutórium.

Ant. Tibi soli peccávi.

Psalmus 50



Iserére mei, Deus, *
 secúndum magnam
 misericórdiam tu-
 am.

Et secúndum multítudi-
 nem miseratiónum tuá-
 rum, * dele iniquitátem
 meam.

Amplius lava me ab ini-
 quitáte mea : * et a pec-
 cato meo munda me.

Quóniam iniquitátem
 meam ego cognósco : * et
 peccátum meum contra
 me est semper.

Tibi soli peccávi, et ma-
 lum coram te feci : * ut
 justificéris in sermónibus
 tuis, et vincas cum judi-
 cáris.

Ecce enim, in iniquitati-
 bus concéptus sum : * et
 in peccátis concépit me
 mater mea.

Ecce enim, veritátem di-
 lexísti : * incérta et oc-
 cúlta sapiéntiæ tuæ mani-
 festásti mihi.

Aspérges me hyssópo, et
 mundábor : * lavábis me,
 et super nivem dealbábor.

Audítui meo dabis gáu-
 dium et lætítiam : * et

exsultábunt ossa humiliáta.

Avérte faciém tuam a peccátis meis : * et omnes iniquitátes meas dele.

Cor mundum crea in me, Deus : * et spíritum rectum ínno va in viscéribus meis.

Ne projícias me a faciē tua : * et spíritum sanctum tuum ne áuferas a me.

Redde mihi lætítiam salutáris tui : * et spíritu principáli confírma me.

Docébo iníquos vias tuas : * et ímpii ad te converténtur.

Líbera me de sanguínibus, Deus, Deus salutis meæ : * et exsultábit lingua mea justítiam tuam.

Dómine, lábia mea apéries : * et os meum annuntiábit laudem tuam.

Quóniam si voluísse s sacrificium, dedíssem úti que : * holocáustis non delectáberis.

Sacrificium Deo spíritus contribulátus : * cor contrítum, et humiliátum, Deus, non despícies.

Benígne fac, Dómine, in bona voluntáte tua Sion : * ut ædificéntur muri Jerúsalem.

Tunc acceptábis sacrificium justitiæ, oblatiões, et holocáusta : * tunc impónent super altáre tuum vítulos.

Ant. Tibi soli peccávi, Dómine : miserére mei.

Ant. Convértere, Dómine.

Psalmus 89

Domine, refúgium factus es nobis : * a generatióne in generatióne.

Priúsqvam montes fierent, aut formarétur terra et orbis : * a sáculo et usque in sáculum tu es, Deus.

Ne avértas hóminem in humilitátem : * et dixísti : Convertímini, filii hóminum.

Quóniam mille anni ante óculos tuos, * tamquam dies hestérna, quæ prætérit, it.

Et custódia in nocte, * quæ pro níhilo habéntur, eórum anni erunt.

Mane sicut herba tráns-eat, mane flóreat, et tráns-eat : * véspere decídat, indúret et aréscat.

Quia defécimus in ira tua, * et in furóre tuo turbáti sumus.

Posuísti iniquitátes nostras in conspéctu tuo : * sáculum nostrum in illuminatióne vultus tui.

Quóniam omnes dies nostri defecérunt : * et in ira tua defécimus.

Anni nostri sicut aránea meditabúntur : * dies añórum nostrórum in ipsis, septuagínta anni.

Si autem in potentatibus, octoginta anni : * et amplius eorum, labor et dolor.

Quoniam supervenit mansuetudo : * et corripiemur.

Quis novit potestatem irae tuae : * et praetimore tuo iram tuam dinumerare?

Dexteram tuam sic notam fac : * et eruditos corde in sapientia.

Convertere, Domine, usquequo? * et deprecabilis esto super servos tuos.

Repleti sumus mane misericordia tua : * et exultavimus, et delectati sumus omnibus diebus nostris.

Lactati sumus pro diebus, quibus nos humiliasti : * annis, quibus vidimus mala.

Respice in servos tuos, et in opera tua : * et dirige filios eorum.

Et sit splendor Domini, Dei nostri, super nos, et opera manuum nostrarum dirige super nos : * et opus manuum nostrarum dirige.

Ant. Convertere, Domine, et deprecabilis esto super servos tuos.

Ant. Multiplicasti, Deus.

Psalmus 35

Dixit iniustus ut delinquat in semetipso : * non est timor Dei ante oculos ejus.

Quoniam dolose egit in conspectu ejus : * ut inveniat iniquitas ejus ad odium.

Verba oris ejus iniquitas, et dolus : * noluit intelligere ut bene ageret.

Iniquitatem meditatus est in cubili suo : * astitit omni viae non bonae, malitiam autem non odit.

Domine, in caelo misericordia tua : * et veritas tua usque ad nubes.

Justitia tua sicut montes Dei : * judicia tua abyssus multa.

Homines, et jumenta salvabis, Domine : * quemadmodum multiplicasti misericordiam tuam, Deus.

Filii autem hominum, * in tegmine alarum tuarum sperabunt.

Inebriabuntur ab ubertate domus tuae : * et torrente voluptatis tuae potabis eos.

Quoniam apud te est fons vitae : * et in lumine tuo videbimus lumen.

Præinde misericordiam tuam scientibus te, * et justitiam tuam his, qui recto sunt corde.

Non veniat mihi pes superbiae : * et manus peccatoris non moveat me.

Ibi ceciderunt qui operantur iniquitatem : * expulsi sunt, nec potuerunt stare.

Gl.

Ant. Multiplicásti, Deus, misericórdiam tuam.

Ant. Fortitúdo mea.

Canticum Moysis

Exodi 15, 1-19

CAntémus Dómino : glorióse enim magnificátus est, * equum et ascensórem dejécit in mare.

Fortitúdo mea, et laus mea Dóminus, * et factus est mihi in salútem :

Iste Deus meus, et gloriificábo eum : * Deus patris mei, et exaltábo eum.

Dóminus quasi vir pugnátor, Omnípotens nomen ejus. * Currus Pharaónis et exércitum ejus projécit in mare.

Elécti príncipes ejus submersi sunt in Mari Rubro : * abyssi operuerunt eos, descendérunt in profundum quasi lapis.

Déxtera tua, Dómine, magnificáta est in fortitúdine : déxtera tua, Dómine, percússit inimicum. * Et in multitúdine glóriæ tuæ deposuísti adversários tuos :

Misísti iram tuam, quæ devorávit eos sicut stípulam. * Et in spíritu furoris tui congregatæ sunt aquæ :

Stetit unda fluens, * congregatæ sunt abyssi in médio mari.

Dixit inimicus : Pésequar et comprehéndam, *

dívidam spólia, implébitur ánima mea :

Evaginábo gládium meum, * interficiet eos manus mea.

Flavit spíritus tuus, et opéruit eos mare : * submersi sunt quasi plumbum in aquis veheméntibus.

Quis similis tui in fórtibus, Dómine? * quis similis tui, magníficus in sanctitáte, terríbilis atque laudábilis, fáciens mirabília?

Extendísti manum tuam, et devorávit eos terra. * Dux fuísti in misericórdia tua pópulo quem redemísti :

Et portásti eum in fortitúdine tua, * ad habitaculum sanctum tuum.

Ascendérunt pópuli, et irátí sunt : * dolóres obtinuerunt habitatóres Philístiim.

Tunc conturbátí sunt príncipes Edom, robústos Moab obtínuit tremor : * obriguérunt omnes habitatóres Chánaan.

Irruat super eos formído et pavor, * in magnitúdine bráchii tui.

Fiant immóbiles quasi lapis, donec pertránseat pópulus tuus, Dómine, * donec pertránseat pópulus tuus iste, quem possedísti.

Introdúces eos, et plantábis in monte hereditátis tuæ, * firmíssimo habitá-

culo tuo quod operátus es, Dómine :

Sanctuárium tuum, Dómine, quod firmavérunt manus tuæ. * Dóminus regnábít in ætérnum et ultra.

Ingréssus est enim eques Phárao cum cúrribus et equítibus ejus in mare : * et redúxit super eos Dóminus aquas maris :

Fílii autem Israél ambulavérunt per siccum * in médio ejus.

Ant. Fortitúdo mea, et laus mea Dóminus : et factus est mihi in salútem.

Ant. Laudáte. †

Psalmus 146

Laudáte † Dóminum quóniam bonus est psalmus : * Deo nostro sit jucúnda, decóraque laudátio.

Ædificans Jerúsalem Dóminus : * dispersiões Israélis congregábit.

Qui sanat contrítos corde : * et álligat contritiões eórum.

Qui númerat multitúdinem stellárum : * et ómnibus eis nómina vocat.

Magnus Dóminus noster, et magna virtus ejus : * et sapiéntiæ ejus non est númerus.

Suscípiens mansuétos Dóminus : * humílians autem peccatóres usque ad terram.

Præcínite Dómino in confessiõe : * psállite Deo nostro in cíthara.

Qui óperit cælum núbibus : * et parat terræ plúviam.

Qui prodúcit in móntibus fœnum : * et herbam servitúti hóminum.

Qui dat juméntis escam ipsórum : * et pullis corvórum invocántibus eum.

Non in fortitúdiue equi voluntátem habébit : * nec in tibiis viri beneplácitum erit ei.

Beneplácitum est Dómino super timéntes eum : * et in eis, qui sperant super misericórdia ejus.

Ant. Laudáte Dóminum, qui sanat contrítos corde, et álligat contritiões eórum.

Capit. Rom. 13, 12-13

NOX præcëssit, dies autem appropinquávit. Abjiciámus ergo ópera tenebrárum, et induámur arma lucis. Sicut in die honéste ambulémus.

Hymnus

LUX ecce surgit áurea, Pallens facéssat cécitas,

Quæ nosmet in præceps diu Erróre traxit dévio.

Hæc lux serénium cónferat,

Purósque nos præstet sibi : Nihil loquámur súbdolum ; Volvámus obscúrum nihil.

Sic tota decurrat dies,
Ne lingua mendax, ne manus

Oculive peccent lúbrici,
Ne noxa corpus inquinet,

Speculátor astat désuper,
Qui nos diébus ómnibus,
Actúsque nostros próspicit

A luce prima in vésperum.

Deo Patri sit glória,
Ejúsque soli Fílio,
Cum Spíritu Paráclito,
Nunc et per omne sæculum.
Amen.

℣. Repléti sumus mane misericórdia tua. ℟. Exsultávimus, et delectáti sumus.

Ad Bened. Ant. In sanctitáte * serviámus Dómino, et liberábit nos ab inimícis nostris.

Expleto Cantico ac repetita Antiphona, dicuntur sequentes

Preces feriales

Kyrie, eléison. Christe, eléison. Kýrie, eléison.

Pater noster, quod dicitur a solo Hebdomadario totum clara voce, usque ad ℣. Et ne nos indúcas in tentatióem. ℟. Sed libera nos a malo. ℣. Ego dixi : Dómine, miserére mei. ℟. Sana ánimam meam, quia peccávi tibi. ℣. Convértete, Dómine, úsquequo? ℟. Et deprecábilis esto super servos tuos. ℣. Fiat misericórdia tua,

Dómine, super nos. ℟. Quemádmódum sperávimus in te. ℣. Sacerdótes tui induántur justítiam. ℟. Et sancti tui exsúltent. ℣. Orémus pro beatíssimo Papa nostro N. ℟. Dóminus consérvet eum, et vivíficet eum, et beátum fáciat eum in terra, et non tradat eum in ánimam inimicórum ejus. ℣. Orémus et pro Antístite nostro N. ℟. Stet et pascat in fortitúde tua, Dómine, in sublimitáte nóminis tui. ℣. Dómine, salvum fac regem. ℟. Et exáudi nos in die, qua invocáverimus te. ℣. Salvum fac pópulum tuum, Dómine, et bédic hereditáti tuæ. ℟. Et rege eos, et extólle illos usque in ætérnum. ℣. Meménto Congregatióis tuæ. ℟. Quam possedísti ab initio. ℣. Fiat pax in virtúte tua. ℟. Et abundántia in túrribus tuis. ℣. Orémus pro benefactóribus nostris. ℟. Retribúere dignáre, Dómine, ómnibus, nobis bona faciéntibus propter nomen tuum, vitam ætérnam. Amen. ℣. Orémus pro fidélibus defúctis. ℟. Réquiem ætérnam dona eis, Dómine, et lux perpétua lúceat eis. ℣. Requiéscant in pace. ℟. Amen. ℣. Pro frátribus nostris abséntibus. ℟. Salvos fac servos

tuos, Deus meus, sperá-
res in te. *V.* Pro afflíctis
et captívis. *R.* Libera
eos, Deus Israël, ex ómni-
bus tribulatióibus suis.

V. Mitte eis, Dómine, au-
xilium de sancto. *R.* Et
de Sion tuére eos. *V.* Dó-
mine, Deus virtútum, con-
vérte nos. *R.* Et osténde
fáciem tuam, et salvi éri-
mus. *V.* Exsúrge, Christe,
áduva nos. *R.* Et libera
nos propter nomen tuum.
V. Dómine, exáudi ora-
tióem meam. *R.* Et cla-
mor meus ad te véniat.

Reliqua ut in Ordinario. 9

AD PRIMAM

Pater, Ave *et* Credo.

V. Deus, in adjutórium.

Hymnus

JAM lucis orto sídere,
Deum precémur súp-
plices,

Ut in diúrnis áctibus
Nos servet a nocéntibus.

*L*inguam refrénans tém-
peret,

Ne litis horror ínsonet :
Visum fovéndo cóntegat,
Ne vanitátes háuriant.

*S*int pura cordis íntima,
Absístat et vecórdia :
Carnis terat supérbiam
Potus cibíque párcitas.

*U*t, cum dies abscésserit
Noctémque sors redúxerit,
Mundi per abstinéntiam
Ipsi canámus glóriam.

* Deo Patri sit glória,
Ejúsque soli Fílio,
Cum Spíritu Paráclito,
Nunc et per omne sæcu-
lum. Amen.

Ant. In loco páscae.

Psalmus 22

Dominus regit me, et
nihil mihi déerit : *
in loco páscae ibi
me collocávit.

Super aquam refectionis
educávit me : * ánimam
meam convértit.

Dedúxit me super sémi-
tas justítiæ, * propter no-
men suum.

Nam, et si ambulávero in
medio umbræ mortis, non
timébo mala : * quóniam
tu mecum es.

Virga tua, et báculo
tuus : * ipsa me consoláta
sunt.

Parásti in conspéctu meo
mensam, * advérsus eos,
qui tribulant me.

Impinguásti in óleo ca-
put meum : * et calix
meus inébrians quam præ-
clárus est!

Et misericórdia tua sub-
sequétur me : * ómnibus
diébus vitæ meæ :

Et ut inhábitem in domo
Dómini, * in longitúdinem
diérum.

Psalmus 71, i

Deus, júdiciu tuu
regi da : * et justí-
tiam tuam filio regis :

Judicáre pópulum tuum in justítia, * et páuperes tuos in iudício.

Suscípiant montes pacem pópulo : * et colles justítiam.

Judicábit páuperes pópuli, et salvos fáciet filios páuperum : * et humiliábit calumniatórem.

Et permanébit cum sole, et ante lunam, * in generatióne et generatiónem.

Descéndet sicut plúvia in vellus : * et sicut stillicidia stillántia super terram.

Oriétur in diébus ejus justítia, et abundántia pacis : * donec auferátur luna.

Et dominábitur a mari usque ad mare : * et a flúmine usque ad téminos orbis terrárum.

Psalmus 71, ii

COram illo prócident Æthíopes : * et inimíci ejus terram lingent.

Reges Tharsis, et insulæ múnera ófferent : * reges Arabum et Saba dona addúcent.

Et adorábunt eum omnes reges terræ : * omnes gentes sérvient ei :

Quia liberábit páuperem a poténite : * et páuperem, cui non erat adjútor.

Parcet páuperi et ínopi : * et ánimas páuperum salvas fáciet.

Ex usúris et iniquitáte rédimet ánimas eórum : *

et honorábile nomen eórum coram illo.

Et vivet, et dábitur ei de auro Arábiæ, et adorábunt de ipso semper : * tota die benedícet ei.

Et erit firmaméntum in terra in summis móntium, superextollétur super Líbanum fructus ejus : * et florébunt de civitaté sicut fœnum terræ.

Sit nomen ejus benedíctum in sácula : * ante solem pérmanet nomen ejus.

Et benedícuntur in ipso omnes tribus terræ : * omnes gentes magnificábunt eum.

Benedíctus Dóminus, Deus Israël, * qui facit mirabília solus :

Et benedíctum nomen majestátis ejus in ætérnum : * et replébitur majestáte ejus omnis terra : fiat, fiat.

¶ Quando ad Laudes dictus fuerit Ps. 50 Miserére, hic subjungitur sequens Ps. 97, qui in Laudibus locum non habuit.

Psalmus 97

CAntáte Dómino cánticum novum : * quia mirabília fecit.

Salvávit sibi délixtera ejus : * et bráchium sanctum ejus.

Notum fecit Dóminus salutare suum : * in conspéctu géntium revelávit justítiam suam.

Recordátus est misericórdiæ suæ, * et veritátis suæ dómui Israël.

Vidérunt omnes términi terræ * salutáre Dei nostri.

Jubiláte Deo, omnis terra : * cantáte, et exsultáte, et psállite.

Psállite Dómino in cíthara, in cíthara et voce psalmi : * in tubis ductílibus, et voce tubæ córneæ.

Jubiláte in conspéctu regis Dómini : * moveátur mare, et plenitúdo ejus : orbis terrárum, et qui hábitant in eo.

Flúmina plaudent manu, simul montes exsultábunt a conspéctu Dómini : * quóniam venit judicáre terram.

Judicábit orbem terrárum in justítia, * et pópulos in æquitáte.

Secus vero, tribus Psalmis expletis, statim dicitur Ant.

Ant. In loco páscuæ, ibi Dóminus me collocávit.

In Officio Festi vel Octavæ :

Capitulum 1 Tim. 1, 17

REgi sæculórum immortalí et invisíbili, soli Deo honor et glória in sæcula sæculórum. Amen.

In omnibus autem Feriis et in Vigiliis communibus :

Capitulum Zach. 8, 19

PAcem et veritátem diligite, ait Dóminus omnípotens.

℟. br. Christe, Fili Dei vivi, * Miserére nobis. Christe. *℣.* *Qui sedes ad dexteram Patris.* Miserére nobis. *G*lória Patri. Christe. *℣.* Exsúrge, Christe, ádjuva nos. *℟.* Et libera nos propter nomen tuum.

Preces dominicales et feriales (*si dicendæ sint*)

KYrie, eléison. Christe, eléison. Kýrie, eléison.

Pater noster, *secreto usque ad ℣.* Et ne nos indúcas in tentatiónem. *℟.* Sed libera nos a malo.

Credo in Deum *secreto usque ad ℣.* Carnis resurrectionem. *℟.* Vitam æternam. Amen. *℣.* Et ego ad te, Dómine, clamávi. *℟.* Et mane orátio mea præveniet te. *℣.* Repleátur os meum laude. *℟.* Ut cantem glóriam tuam, tota die magnitúdinem tuam. *℣.* Dómine, avérte faciém tuam a peccátis meis. *℟.* Et omnes iniquitátes meas dele. *℣.* Cor mundum crea in me, Deus. *℟.* Et spíritum rectum innova in viscéribus meis. *℣.* Ne projicias me a fácie tua. *℟.* Et spíritum sanctum tuum ne áuferas a me. *℣.* Redde mihi lætítiam salutáris tui. *℟.* Et spíritu principáli confirma me.

In Precibus ferialibus tantum

℣. Eripe me, Dómine, ab hómine malo. ℟. A viro iníquo éripe me. ℣. Eripe me de inimícis meis, Deus meus. ℟. Et ab insurgéntibus in me libera me. ℣. Eripe me de operántibus iniquitátem. ℟. Et de viris sánguinem salva me. ℣. Sic psalmum dicam nómini tuo in sáeculum sáeculi. ℟. Ut reddam vota mea de die in diem. ℣. Exáudi nos, Deus, salutáris noster. ℟. Spes ómnium finium terræ, et in mari longe. ℣. Deus, in adjutórium meum inténde. ℟. Dómine, ad adjuvándum me festína. ℣. Sanctus Deus, Sanctus fortis, Sanctus immortalis. ℟. Miserére nobis. ℣. Bénedic, ánima mea, Dómino. ℟. Et ómnia, quæ intra me sunt, nómini sancto ejus. ℣. Bénedic, ánima mea, Dómino. ℟. Et noli oblivísci omnes retributiónes ejus. ℣. Qui propitiátur ómnibus iniquitatibus tuis. ℟. Qui sanat omnes infirmitates tuas. ℣. Qui rédimittit de intéritu vitam tuam. ℟. Qui coronat te in misericórdia et miserationibus. ℣. Qui replet in bonis desidérium tuum. ℟. Renovábitur ut áquilæ juvéntus tua.

In utrisque Precibus

℣. Adjutórium nostrum in nómine Dómini. ℟. Qui fecit cælum et terram.

Confíteor. Misereátur. Indulgéntiam.

℣. Dignáre, Dómine, die isto. ℟. Sine peccáto nos custodíre. ℣. Miserére nostri, Dómine. ℟. Miserére nostri. ℣. Fiat misericórdia tua, Dómine, super nos. ℟. Quemádmódum sperávimus in te. ℣. Dómine, exáudi oratiómem meam. ℟. Et clamor meus ad te véniat.

℣. Dóminus vobíscum.

Orémus.

Oratio

Domine, Deus omnípotens, qui ad princípium hujus diéi nos pervenire fecisti : tua nos hódie salva virtúte; ut in hac die ad nullum declinémus peccátum, sed semper ad tuam justítiam faciéndam nostra procédant elóquia, dirigántur cogitatiónes et ópera. Per Dóminum. ℟. Amen.

℣. Dóminus vobíscum.

℣. Benedicámus Dómino.

In Choro Martyrologium.

℣. Pretiósá in conspéctu Dómini. ℟. Mors Sanctórum ejus.

Et absolute, sine Orémus :

Oratio

Sancta María, et omnes Sancti intercédant pro nobis ad Dóminum, ut nos mereámur ab eo adjuvári et salvári, qui vivit et regnat in sácula sæculórum. *℟.* Amen.

℣. Deus, in adjutórium meum inténde. *℟.* Dómine, ad adjuvándum me festína. *Et dicitur ter; ultimo additur :* Glória Patri. Sicut erat.

Kýrie, eléison. Christe, eléison. Kýrie, eléison.

Pater noster *secreto usque ad* *℣.* Et ne nos indúcas in tentatiónem. *℟.* Sed libera nos a malo. *℣.* Réspice in servos tuos, Dómine, et in ópera tua, et dirige filios eórum. *℟.* Et sit splendor Dómini, Dei nostri, super nos, et ópera mánuum nostrárum dirige super nos, et opus mánuum nostrárum dirige. *℣.* Glória Patri. *℟.* Sicut erat.

Orémus.

Oratio

Dirigere et sanctificáre, régere et gubernáre dignáre, Dómine Deus, Rex cæli et terræ, hódie corda et cörpera nostra, sensus, sermónes et actus nostros in lege tua, et in opéribus mandatórum tuórum : ut hic, et in ætér-

num, te auxiliánte, salvi et líberi esse mereámur, Salvátor mundi : Qui vis et regnas in sácula sæculórum. *℟.* Amen.

℣. Jube, domne.

Bened. Dies et actus nostros in sua pace dispónat Dóminus omnipotens.

℟. Amen.

In Officio feriali

Dominus autem dirigat corda et cörpera nostra in caritaté Dei, et patiéntia Christi. Tu autem.

E Proprio Sanctorum

Pro Oct. S. Joannis Bapt.

Reges vidébunt, et consúrgent príncipes et adorábunt Dóminum, Deum tuum et Sanctum Israël, qui elégit te.

**Pro Inventione
S. Stephani**

Positis autem génibus, clamávit voce magna, dicens : Dómine, ne státuas illis hoc peccátum. Et cum hoc dixisset, obdormívit in Dómino.

E Communi Sanctorum

Pro Apostolis

Ibant Apóstoli gaudéntes a conspéctu concílii, quóniam digni hábiti sunt pro nómine Jesu contuméliam pati.

Pro Martyre

Iustus cor suum tradidit ad vigilandum diluculo ad Dóminum, qui fecit illum, et in conspéctu Altíssimi deprecábitur.

Pro pluribus Martyribus

Fulgébunt iusti, et tamquam scintillæ in arundineto discurrent. Judicábunt nátiónes, et dominabúntur pópulis : et regnabit Dóminus illórum in perpétuum.

Pro Conf. Pont.

Fungi sacerdótio, et habere laudem in nómine ipsíus, et offérre illi incensum dignum in odórem suavitátis.

Pro Conf. non Pont.

Iustum dedúxit Dóminus per vias rectas, et osténdit illi regnum Dei, et dedit illi sciéntiam sanctorum; honestávit illum in labóribus, et complévit labóres illíus.

Pro Virgine Martyre

Domine, Deus meus, exaltásti super terram habitatióem meam, et pro morte defluente deprecáta sum. Invocávi Dóminum, Patrem Dómini mei, ut non derelinquat me in die tribulationis meæ, et in témpore superbórum sine adjutório.

Pro Virgine non Martyre

O quam pulchra est casta generatio cum claritate! immortalis est enim memória illíus : quóniam apud Deum nota est, et apud hómines.

Pro Martyre tantum

Laudábit usque ad mortem ánima mea Dóminum, quóniam éruis sustinéntes te, et liberas eos de manu angústiae, Dómine, Deus noster.

Pro nec Virg. nec Mart.

Multæ filiæ congregavérunt divítias : tu supergréssa es univérsas. Fallax grátia, et vana est pulchritúdo : múlter timens Dóminum, ipsa laudábitur.

Pro Dedicatione Ecclesiæ

Et abstérget Deus omnem lácrimam ab óculis eórum : et mors ultra non erit, neque luctus, neque clamor, neque dolor erit ultra, quia prima abiérunt. Et dixit qui sedébat in throno : Ecce, nova fácio ómnia.

In Officiis B. Mariæ V.

In platéis sicut cinnamómun et bálsamum aromatizans odórem dedi : quasi myrrha élcta dedi suavitátem odóris.

℟. Adjutórium nostrum
in nómine Dómini. ℞. Qui
fecit cælum et terram.

℟. Benedícite. ℞. Deus.

Benedictio Dóminus nos
benedícat, et ab omni ma-
lo deféndat, et ad vitam
perducat ætérnam. Et fidé-
lium ánimæ per misericór-
diam Dei requiészant in
pace. ℞. Amen.

Deinde dicitur tantum Pater
noster **secreto, nisi sequatur**
alia Hora.

AD TERTIAM

Pater noster **et** Ave.

℟. Deus, in adjutórium.

Hymnus

Nunc, Sancte, nobis,
Spíritus,
Unum Patri cum Fílio,
Dignáre promptus ingeri
Nostro refúsus péciori.

Os, lingua, mens, sensus,
vigor

Confessiómne pérsonent,
Flammészcat igne caritas,
Accéndat ardor próximos.

* **P**ræsta, Pater piíssime,
Patrique compar Unice,
Cum Spíritu Paráclito
Regnans per omne sáecu-
lum. Amen.

Ant. Quam bonus. †

Psalmus 72, i



Quam bonus † Israël
Deus, * his qui re-
cto sunt corde!

Mei autem pæne moti

sunt pedes : * pæne effúsi
sunt gressus mei.

Quia zelávi super iní-
quos, * pacem peccatórum
videns.

Quia non est respectus
morti eórum : * et firma-
méntum in plaga eórum.

In labóre hóminum non
sunt, * et cum homínibus
non flagellabúntur :

Ideo ténuít eos supér-
bia, * opérti sunt iniqui-
táte et impietáte sua.

Pródiit quasi ex ádipe
iníquitas eórum : * trans-
iérunt in afféctum cordis.

Cogitavérunt, et locúti
sunt nequítiam : * iniqui-
tátem in excélso locúti
sunt.

Posuérunt in cælum os
suum : * et lingua eórum
transívit in terra.

Psalmus 72, ii

Ideo convertétur pópu-
lus meus hic : * et
dies pleni inveniéntur in
eis.

Et dixerunt : Quómodo
scit Deus, * et si est scién-
tia in excélso?

Ecce, ipsi peccatóres, et
abundántes in sáculo, *
obtinuérunt divítias.

Et dixi : Ergo sine causa
justificávi cor meum, * et
lavi inter innocéntes ma-
nus meas :

Et fui flagellátus tota
die, * et castigátio mea in
matutínis.

Si dicébam : Narrábo sic : * ecce, natióem filiór-um tuórum reprobávi.

Existimábam ut cognóscerem hoc, * labor est ante me :

Donec intrem in Sanctuárium Dei : * et intélligam in novíssimis eórum.

Psalmus 72, iii

VErúmtamen propter dolos posuísti eis : * deiecísti eos dum allevaréntur.

Quómodo facti sunt in desolatióem, súbito defecerunt : * periérunt propter iniquitátem suam.

Velut sómniū surgéntium, Dómine, * in civitáte tua imáginem ipsórum ad níhilum rédiges.

Quia inflammátum est cor meum, et renes mei commutáti sunt : * et ego ad níhilum redáctus sum, et nescívi.

Ut juméntum factus sum apud te : * et ego semper tecum.

Tenuísti manum dextéram meam : et in voluntáte tua deduxísti me, * et cum glória suscepísti me.

Quid enim mihi est in cælo? * et a te quid vólui super terram?

Defécit caro mea, et cor meum : * Deus cordis mei, et pars mea Deus in ætérnum.

Quia ecce, qui elóngant se a te, peribunt : * perdidísti omnes, qui fornicántur abs te.

Mihi autem adhærére Deo bonum est : * pónere in Dómino Deo spem meam :

Ut annúntiem omnes prædicatióes tuas, * in portis filíæ Sion.

Ant. Quam bonus Israël Deus, his, qui recto sunt corde?

In Officio feriali

Capitulum Jer. 17, 14

SAna me, Dómine, et sanabor : salvum me fac, et salvus ero : quóniam laus mea tu es.

R. br. Sana ánimam meam, * Quia peccávi tibi. Sana. **V.** Ego dixi : Dómine, miserére mei. Quia. Glória Patri. Sana.

V. Adjutor meus esto, ne derelínquas me. **R.** Neque despicias me, Deus, salutaris meus.

In Vigiliis communibus :

Preces feriales

KYrie, eléison. Christe, eléison. Kýrie, eléison.

Pater noster **secreto usque ad V.** Et ne nos indúcas in tentatióem. **R.** Sed libera nos a malo. **V.** Dómine, Deus virtútum, convérte nos. **R.** Et osténde faciém tuam, et salvi érimus. **V.** Exsúrge, Christe,

adjuva nos. *℟.* Et libera nos propter nomen tuum.

℣. Dómine, exáudi oratió-nem meam. *℟.* Et clamor meus ad te véniat.

Reliqua ut in Ordinario. 19

AD SEXTAM

Pater noster *et* Ave.

℣. Deus, in adjutórium.

Hymnus

Rector potens, verax
Deus,

Qui témperas rerum vices,
Splendóre mane illúminas,
Et ignibus merídiem :

*E*xstingue flammás lítium,
Aufer calórem nóxium,
Confer salútem córporum,
Verámque pacem cór-
dium.

* *P*ræsta, Pater piíssime,
Patrique compar Unice,
Cum Spíritu Paráclito
Regnans per omne sácu-
lum. Amen.

Ant. Memor esto.

Psalmus 73, i



T quid, Deus, repu-
listi in finem : * irá-
tus est furor tuus
super oves páscuæ tuæ?

Memor esto congregatió-
nis tuæ, * quam possedisti
ab initio.

Redemísti virgam here-
ditátis tuæ : * mons Sion,
in quo habitásti in eo.

Leva manus tuas in su-
pérbias eórum in finem : *

quanta malignátus est ini-
mícus in sancto!

Et gloriáti sunt qui odé-
runt te : * in médio solem-
nitátis tuæ.

Posuérunt signa sua, si-
gna : * et non cognové-
runt sicut in éxitu super
summum.

Quasi in silva lignórum
secúribus excidérunt já-
nuas ejus in idípsum : * in
secúri et áscia dejecérunt
eam.

Incendérunt igni San-
ctuárium tuum : * in terra
polluérunt tabernáculum
nóminis tui.

Dixerunt in corde suo
cognátio eórum simul : *
Quiéscere faciámus omnes
dies festos Dei a terra.

Signa nostra non vídi-
mus, jam non est prophé-
ta : * et nos non cognóscet
ámplius.

Psalmus 73, ii

Usquequo, Deus, impro-
perábit inimícus : *
irritat adversárius nomen
tuum in finem?

Ut quid avértis manum
tuam, et dexteram tu-
am, * de médio sinu tuo in
finem?

Deus autem Rex noster
ante sácula : * operá-
tus est salútem in médio
terræ.

Tu confirmásti in virtúte
tua mare : * contribulásti
cápita draconum in aquis.

Tu confregisti cápita draconis : * dedisti eum escam pópulis Æthiopum.

Tu dirupisti fontes, et torréntes : * tu siccásti flúvios Ethan.

Tuus est dies, et tua est nox : * tu fabricátus es auróram et solem.

Tu fecisti omnes términos terræ : * æstátem et ver tu plasmásti ea.

Psalmus 73, iii

Memor esto hujus, inimicus improperávit Dómino : * et pópulus insípiens incitávit nomen tuum.

Ne tradas béstiis ánimas confiténtes tibi, * et ánimas páuperum tuórum ne obliviscáris in finem.

Réspice in testaméntum tuum : * quia repléti sunt, qui obscuráti sunt terræ dómibus iniquitátum.

Ne avertátur húmilis factus confúsus : * pauper et inops laudábunt nomen tuum.

Exsúrge, Deus, júdica causam tuam : * memor esto impropriórum tuórum, eórum quæ ab insipiente sunt tota die.

Ne obliviscáris voces inimicórum tuórum : * superbia eórum, qui te odérunt, ascéndit semper.

Ant. Memor esto congregatiónis tuæ, Dómine, quam possedisti ab initio.

In Officio feriali

Capitulum Rom. 13, 8

Remini quidquam de beátis, nisi ut invicem diligátis : qui enim diligit próximum, legem implévit.

℟. **br.** Benedícam Dóminum * In omni témpore. Benedícam. **℣.** Semper laus ejus in ore meo. In omni. **Glória Patri.** Benedícam. **℣.** Dóminus regit me, et nihil mihi déerit. **℟.** In loco páscuæ ibi me collocávit.

In Vigiliis communibus :

Preces feriales

Kyrie, eléison. Christe, eléison. **Kýrie,** eléison.

Pater noster **secreto usque ad ℣.** Et ne nos indúcas in tentatiónem. **℟.** Sed libera nos a malo. **℣.** Dómine, Deus virtútum, converté nos. **℟.** Et osténde faciém tuam, et salvi érimus. **℣.** Exsúrge, Christe, ádjuva nos. **℟.** Et libera nos propter nomen tuum. **℣.** Dómine, exáudi oratió-nem meam. **℟.** Et clamor meus ad te véniat.

Reliqua ut in Ordinario. 20

AD NONAM

Pater noster **et Ave.**

℣. Deus, in adjutórium.

Hymnus

Rerum, Deus, tenax vigor,
Immótu in te pérmanens,

Lucis diúrnæ témpora
Succéssibus detérminans :

Largire lumen véspere,
Quo vita nusquam déci-
dat,
Sed præmium mortis sa-
cræ
Perénis instet glória.

* **Præsta**, Pater piíssime,
Patrique compar Unice,
Cum Spíritu Paráclito
Regnans per omne sæcu-
lum. Amen.

Ant. Invocabimus.

Psalmus 74



Onfitébitur tibi,
Deus : * confitébi-
mur, et invocabi-
mus nomen tuum.

Narrábitur mirabília
tua : * cum accépero tem-
pus, ego justítias judicábo.

Liquefacta est terra, et
omnes qui hábitant in
ea : * ego confirmávi co-
lúmnas ejus.

Dixi iníquis : Nolíte iní-
que ágere : * et delinquén-
tibus : Nolíte exaltáre
cornu :

Nolíte extóllere in altum
cornu vestrum : * nolíte
loqui advérsus Deum ini-
quitátem.

Quia neque ab Oriénte,
neque ab Occidén-te, ne-
que a desértis móntibus : *
quóniam Deus judex est.

Hunc humíliat, et hunc
exáltat : * quia calix in
manu Dómini vini meri
plenus misto.

Et inclinávit ex hoc in
hoc : verúmtamen fæx
ejus non est exinaníta : *
bibent omnes peccatóres
terræ.

Ego autem annuntiábo in
sæculum : * cantábo Deo
Jacob.

Et ómnia córnua peccató-
rum confríngam : * et ex-
altabúntur córnua justí.

Psalmus 75, i

Notus in Judæa Deus : *
in Israël magnum no-
men ejus.

Et factus est in pace lo-
cus ejus : * et habitatio
ejus in Sion.

Ibi confrégit poténtias
árcuum, * scutum, glá-
dium, et bellum.

Illúminans tu mirabíliter
a móntibus ætérnis : *
turbáti sunt omnes insi-
piéntes corde.

Dormiérunt somnum su-
um : * et nihil invenérunt
omnes viri divitiárum in
mánibus suis.

Ab increpatióne tua,
Deus Jacob, * dormitavé-
runt qui ascendérunt
equos.

Psalmus 75, ii

TU terríbilis es, et quis
résistet tibi? * ex tunc
ira tua.

De cælo auditum fecísti
judícium : * terra trémuit
et quiévit.

Cum exsúrgeret in judí-
cium Deus, * ut salvos

fáceret omnes mansuétos terræ.

Quóniam cogitatio hóminis confitébitur tibi : * et reliquiae cogitationis diem festum agent tibi.

Vovéte, et réddite Dómino, Deo vestro : * omnes, qui in circúitu ejus afférunt múnera.

Terríbili et ei qui aufert spíritum princípum, * terríbili apud reges terræ.

Ant. Invocabimus nomen tuum, Dómine : narrábitur mirabilia tua.

In Officio feriali

Capit. 1 Petri 1, 17-19

IN timóre incolátus vestri témpore conversámini : sciéntes quod non corruptibílibus auro vel argénto redémpti estis, sed pretióso sángine quasi Agni immaculáti Christi.

R. **br.** Rédime me, Dómine, * Et miserére mei. Rédime. **V.** Pes enim meus stetit in via recta. Et miserére mei. **Gloria Patri.** Rédime. **V.** Ab occúltis meis munda me, Dómine. **R.** Et ab aliénis parce servo tuo.

In Vigiliis communibus :

Preces feriales

KYrie, eléison. Christe, eléison. Kýrie, eléison.

Pater noster **secreto usque ad V.** Et ne nos inducas in tentatióem. **R.** Sed

libera nos a malo. **V.** Dómine, Deus virtútum, converté nos. **R.** Et osténde faciém tuam, et salvi érimus. **V.** Exsúrge, Christe, ádjuva nos. **R.** Et libera nos propter nomen tuum. **V.** Dómine, exáudi oratió-nem meam. **R.** Et clamor meus ad te véniat.

Reliqua ut in Ordinario. 22

AD VESPERAS

Pater noster **et Ave.**

V. Deus, in adjutórium.

Ant. Ecce, quam bonum * † et quam jucúndum, habitáre fratres in unum. †

Psalmus 132



Cce, quam bonum † et quam jucúndum, * habitáre fratres in unum : †

Sicut unguéntum in cápite, * quod descéndit in barbam, barbam Aaron.

Quod descéndit in oram vestiménti ejus : * sicut ros Hermon, qui descéndit in montem Sion.

Quóniam illic mandávit Dóminus benedictiόem, * et vitam usque in sáeculum.

Ant. Ecce, quam bonum et quam jucúndum, habitáre fratres in unum!

Ant. Confitémini Dómino * † quóniam in ætérnum misericórdia ejus.

Psalmus 135, i

Confitemini Dómino †
quóniam bonus : *
quóniam in ætérnum mi-
sericórdia ejus.

Confitemini Deo deó-
rum : * quóniam in ætér-
num misericórdia ejus.

Confitemini Dómino do-
minórum : * quóniam
in ætérnum misericórdia
ejus.

Qui facit mirabília magna
solus : * quóniam in ætér-
num misericórdia ejus.

Qui fecit cælos in intel-
léctu : * quóniam in ætér-
num misericórdia ejus.

Qui firmávit terram super
aquas : * quóniam in ætér-
num misericórdia ejus.

Qui fecit luminária ma-
gna : * quóniam in ætér-
num misericórdia ejus.

Solem in potestátem
diéi : * quóniam in ætér-
num misericórdia ejus.

Lunam, et stellas in po-
testátem noctis : * quó-
niam in ætérnum miseri-
córdia ejus.

Ant. Confitemini Dómino
quóniam in ætérnum mi-
sericórdia ejus.

Ant. Confitemini Dómi-
no, * quia in humilitáte
nostra memor fuit nostri.

Psalmus 135, ii

Qui percússit Ægýptum
cum primogénitis eó-
rum : * quóniam in ætér-
num misericórdia ejus.

Qui edúxit Israël de mé-
dio eórum : * quóniam
in ætérnum misericórdia
ejus.

In manu poténti, et brá-
chio excélso : * quóniam
in ætérnum misericórdia
ejus.

Qui divísit Mare Rubrum
in divisiónes : * quóniam
in ætérnum misericórdia
ejus.

Et edúxit Israël per mé-
dium ejus : * quóniam
in ætérnum misericórdia
ejus.

Et excússit Pharaónem,
et virtútem ejus in Mari
Rubro : * quóniam in ætér-
num misericórdia ejus.

Qui tradúxit pópulum
suum per desértum : *
quóniam in ætérnum mi-
sericórdia ejus.

Qui percússit reges ma-
gnos : * quóniam in ætér-
num misericórdia ejus.

Et occídit reges fortes : *
quóniam in ætérnum mi-
sericórdia ejus.

Sehon, regem Amorrhæó-
rum : * quóniam in ætér-
num misericórdia ejus.

Et Og, regem Basan : *
quóniam in ætérnum mi-
sericórdia ejus.

Et dedit terram eórum
hereditátem : * quóniam
in ætérnum misericórdia
ejus.

Hereditátem Israël, servo
suo : * quóniam in ætér-
num misericórdia ejus.

Quia in humilitate nostra memor fuit nostri : * quoniam in æternum misericordia ejus.

Et redemit nos ab inimicis nostris : * quoniam in æternum misericordia ejus.

Qui dat escam omni carni : * quoniam in æternum misericordia ejus.

Confitemini Deo cæli : * quoniam in æternum misericordia ejus.

Confitemini Dómino dominorum : * quoniam in æternum misericordia ejus.

Ant. Confitemini Dómino, quia in humilitate nostra memor fuit nostri.

Ant. Adhæreat lingua mea * faucibus meis, si non meminero tui, Jerúsalem.

Psalmus 136

Super flumina Babylónis, illic sedimus et flevimus : * cum recordemur Sion :

In salicibus in medio ejus, * suspendimus organa nostra.

Quia illic interrogaverunt nos, qui captivos duxerunt nos, * verba cantionum :

Et qui abduxerunt nos : * Hymnum cantate nobis de canticis Sion.

Quomodo cantabimus canticum Dómini : * in terra aliéna?

Si oblitus fuero tui, Jerúsalem, * oblivióni detur dextera mea.

Adhæreat lingua mea faucibus meis, * si non meminero tui :

Si non proposuero Jerúsalem, * in principio lætitiæ meæ.

Memor esto, Dómine, filiorum Edom, * in die Jerúsalem :

Qui dicunt : Exinanite, exinanite : * usque ad fundamentum in ea.

Fília Babylónis mísera : * beátus, qui retribuet tibi retributionem tuam, quam retribuisti nobis.

Beátus, qui tenébit, * et allidet parvulos tuos ad petram.

Ant. Adhæreat lingua mea faucibus meis, si non meminero tui, Jerúsalem.

Ant. Confitebor * † nómini tuo, Dómine, super misericordia et veritate tua.

Psalmus 137

Confitebor † tibi, Dómine, in toto corde meo : * quoniam audisti verba oris mei.

In conspectu Angelorum psallam tibi : * adorabo ad templum sanctum tuum, et confitebor nómini tuo.

Super misericordia tua, et veritate tua : * quoniam magnificasti super omne, nomen sanctum tuum.

In quacúmque die invocávero te, exáudi me : * multiplicábis in ánima mea virtútem.

Confiteántur tibi, Dómine, omnes reges terræ : * quia audiérunt ómnia verba oris tui :

Et cantent in viis Dómini : * quóniam magna est glória Dómini.

Quóniam excélsus Dóminus, et humília réspicit : * et alta a longe cognóscit.

Si ambulávero in médio tribulatiónis, vivificábis me : * et super iram inimicórum meórum extendísti manum tuam, et salvum me fecit dextera tua.

Dóminus retríbuet pro me : * Dómine, misericórdia tua in sáeculum : ópera mánuum tuárum ne despicias.

Ant. Confitébor nómini tuo, Dómine, super misericórdia et veritáte tua.

In Officio feriali

Capitulum 2 Cor. 1, 3-4

Benedictus Deus, et Pater Dómini nostri Jesu Christi, Pater misericordiárum, et Deus totíus consolatiónis, qui consolátur nos in omni tribulatióne nostra.

Hymnus

Magnæ Deus poténtiæ,
Qui fértili natos
aqua

Partim relínquis gúrgiti,
Partim levas in áëra.

Demérsa lymphis ímpri-
mens,

Subvécta cælis érigens :
Ut stirpe ab una pródita,
Diversa répleant loca :

Largíre cunctis sérvulis,
Quos mundat unda Sán-
guinis,

Nescíre lapsus críminum,
Nec ferre mortis tædium.

Ut culpa nullum déprimat :
Nullum éfferat jactántia :
Elísa mens ne cóncidat :
Eláta mens ne córruat.

Præsta, Pater piíssime,
Patrique compar Unice,
Cum Spíritu Paráclito
Regnans per omne sáecu-
lum. Amen.

℟. Dirigátur, Dómine,
orátio mea. **℞.** Sicut in-
censum in conspéctu tuo.

Ad Magnif. Ant. Fecit
Deus * poténtiam in brá-
chio suo : dispérsit supér-
bos mente cordis sui.

Reliqua ut in Ordinario. 22

AD COMPLETORIUM

℟. Jube, domne.

Bened. Noctem quiétam,
et finem perféctum con-
cédát nobis Dóminus om-
nípotens. **℞.** Amen.

Lectio br. 1 Petri 5, 8-9

Fratres : Sóbrii estóte,
et vigiláte : quia ad-
versárius vester diábolus

tamquam leo rúgiens circuit, quærens quem devoret : cui resistite fortes in fide. Tu autem, Dómine.

R. Deo grátias.

V. Adjutórium nostrum in nómine Dómini. **R.** Qui fecit cælum et terram.

Pater noster, **quod dicitur totum secreto.**

Confíteor. Misereátur. Indulgéntiam.

V. Convérte nos, Deus, salutáris noster. **R.** Et avérte iram tuam a nobis.

V. Deus, in adjutórium.

Ant. Adjutor meus.

Psalmus 69

Deus, in adjutórium meum inténde : * Dómine, ad adjuvándum me festína.

Confundántur et reve-reántur, * qui quærunt ánimam meam.

Avertántur retrórsum, et erubéscant, * qui volunt mihi mala.

Avertántur statim erubescéntes, * qui dicunt mihi : Euge, euge.

Exsúltent et læténtur in te omnes qui quærunt te, * et dicant semper : Magnificétur Dóminus : qui díligunt salutáre tuum.

Ego vero egénus, et pauper sum : * Deus, ádjuva me.

Adjutor meus, et liberátor meus es tu : * Dómine, ne moréris.

Psalmus 70, i

In te, Dómine, sperávi, non confúndar in ætérnum : * in justítia tua líbera me, et éripe me.

Inclína ad me aurem tuam, * et salva me.

Esto mihi in Deum protectórem, et in locum munitum : * ut salvum me fácias.

Quóniam firmaméntum meum, * et refúgium meum es tu.

Deus meus, éripe me de manu peccatóris, * et de manu contra legem agentis et iníqui :

Quóniam tu es patiéntia mea, Dómine : * Dómine, spes mea a juventúte mea.

In te confirmátus sum ex útero : * de ventre matris meæ tu es protector meus.

In te cantátio mea semper : * tamquam prodígium factus sum multis : et tu adjutor fortis.

Repleátur os meum laude, ut cantem glóriam tuam : * tota die magnitúdinem tuam.

Ne projícias me in témpore senectútis : * cum defecerit virtus mea, ne derelínquas me.

Quia dixerunt inimíci mei mihi : * et qui custodiébant ánimam meam, consílium fecérunt in unum, Dicéntes : Deus derelíquit eum, persequímini,

et comprehendite eum : *
quia non est qui eripiat.

Deus, ne elongeris a me : *
Deus meus, in auxilium
meum respice.

Psalmus 70, ii

Confundantur, et deficiant detrahentes animæ meæ : * operiantur confusione, et pudore qui quaerunt mala mihi.

Ego autem semper sperabo : * et adjiciam super omnem laudem tuam.

Os meum annuntiabit justitiam tuam : * tota die salutare tuum.

Quoniam non cognovi litteraturam, introibo in potentias Domini : * Domine, memorabor justitiæ tuæ solius.

Deus, docuisti me a juventute mea : * et usque nunc pronuntiabo mirabilia tua.

Et usque in senectam et senium : * Deus, ne derelinquas me.

Donec annuntiem brachium tuum * generationi omni, quæ ventura est :

Potentiam tuam, et justitiam tuam, Deus, usque in altissima, quæ fecisti magnalia : * Deus, quis similis tibi?

Quantas ostendisti mihi tribulationes multas et malas : et conversus vivificasti me : * et de abyssi terræ iterum reduxisti me :

Multiplicasti magnificentiam tuam : * et conversus consolatus es me.

Nam et ego confitebor tibi in vasis psalmi veritatem tuam : * Deus, psallam tibi in cithara, Sanctus Israël.

Exsultabunt labia mea cum cantavero tibi : * et anima mea, quam redemisti.

Sed et lingua mea tota die meditabitur justitiam tuam : * cum confusi et reveriti fuerint, qui quaerunt mala mihi.

Ant. Adjutor meus, et liberator meus esto, Domine.

Hymnus

TE lucis ante terminum,
Rerum Creator, poscimus,

Ut pro tua clementia
Sis praesul et custodia.

Procul recedant somnia,
Et noctium phantasmata;
Hostemque nostrum comprime,
Ne polluantur corpora.

* **P**raesta, Pater piissime,
Patricum compar Unice,
Cum Spiritu Paraclito
Regnans per omne saeculum.
Amen.

Capitulum Jer. 14, 9

TU autem in nobis es,
Domine, et nomen sanctum tuum invocatum est
super nos : ne derelinquas

nos, Dómine, Deus noster.

R. br. In manus tuas, Dómine, * Comméndo spíritum meum. In manus. **V.** Redemísti nos, Dómine, Deus veritátis. Comméndo. **Gloria Patri.** In manus. **V.** Custódi nos, Dómine, ut pupillam óculi. **R.** Sub umbra alárum tuárum prótege nos.

Ant. Salva nos.

Canticum Simeonis

Luc. 2, 29-32

Nunc dimíttis servum tuum, Dómine, * secúndum verbum tuum in pace :

Quia vidérunt óculi mei * salutáre tuum,

Quod parásti * ante fáciem ómnium populórum,

Lumen ad revelatióem géntium, * et glóriam plebis tuæ Israël.

Ant. Salva nos, Dómine, vigilánte, custódi nos dormiéntes; ut vigilémus cum Christo, et requiescámus in pace.

Preces (si dicendæ sint)

Kýrie, eléison. Christe, eléison. Kýrie, eléison.

Pater noster **secreto usque ad V.** Et ne nos indúcas in tentatióem. **R.** Sed libera nos a malo.

Credo in Deum **secreto usque ad V.** Carnis resurrectiόem. **R.** Vitam ætér-

nam. Amen. **V.** Benedíctus es, Dómine, Deus patrum nostrórum. **R.** Et laudábilis et gloriósus in sácula. **V.** Benedicámus Patrem et Fílium cum Sancto Spíritu. **R.** Laudémus, et superexaltémus eum in sácula. **V.** Benedíctus es, Dómine, in firmaménto cæli. **R.** Et laudábilis, et gloriósus, et superexaltátus in sácula. **V.** Benedícat et custódiat nos omnípotens et miséricors Dóminus. **R.** Amen. **V.** Dignáre, Dómine, nocte ista. **R.** Sine peccáto nos custodíre. **V.** Miserére nostri, Dómine. **R.** Miserére nostri. **V.** Fiat misericórdia tua, Dómine, super nos. **R.** Quemádmódum sperávimus in te. **V.** Dómine, exáudi oratióem meam. **R.** Et clamor meus ad te véniat.

V. Dóminus vobíscum.

Orémus.

Oratio

Visita, quæsumus, Dómine, habitatióem istam, et omnes insídias inimíci ab ea longe repélle : Angeli tui sancti hábitent in ea, qui nos in pace custódiant; et benedíctio tua sit super nos semper. Per Dóminum.

R. Amen.

V. Dóminus vobíscum.

V. Benedicámus Dómino.

Benedictio Benedícat et custódiat nos omnipotens et miséricors Dóminus, Pater, et Fílius, et Spíritus Sanctus. **℟.** Amen.

Antiphona finalis beatæ Mariæ Virginis.

℣. Divínium auxílium.

Pater noster, Ave María **et** Credo.

FERIA SEXTA

AD MATUTINUM

Pater, Ave **et** Credo.

℣. Dómine, lábia mea.

℣. Deus, in adjutórium.

In Officio feriali

Invit. Dóminum, Deum nostrum, * Veníte, adorémus. **Ps. 94** Veníte. 3

Hymnus

TU, Trinitátis Unitas,
Orbem poténter quæ
regis,
Atténde laudis cánticum,
Quod excubántes psállimus.

Nam léctulo consúrgimus
Noctis quiéto témpore,
Ut flagitémus ómnium
A te medélam vúlnerum.

Quo fraude quidquid dámonum

In nóctibus delíquimus,
Abstér gat illud cælitus
Tuæ potéstas glóriæ.

Ne corpus astet sórdidum,
Nec torpor instet córdium,
Ne críminis contágio
Tepéscat ardor spíritus.

Ob hoc, Redémptor, quæsumus,

Reple tuo nos lúmine,
Per quod diérum círculis
Nullis ruámus áctibus.

Præsta, Pater piíssime,
Patrique compar Unice,
Cum Spíritu Paráclito
Regnans per omne sæculum. Amen.

In I Nocturno

Ant. Suscitávit Dóminus * testimónium in Jacob : et legem pósuit in Israël.

Psalmus 77, i



Atténdite, pópule
meus, legem meam : * inclináte aurem vestram in verba oris mei.

Apériam in parábolis os meum : * loquar propositiões ab inítió.

Quanta audívimus et cognóvimus ea : * et patres nostri narravérunt nobis.

Non sunt occultáta a filiis eórum, * in generatióne áltera.

Narrantes laudes Dómini, et virtútes ejus, * et mirabilia ejus, quæ fecit.

Et suscitávit testimónium in Jacob : * et legem pósuit in Israël.

Quanta mandávit pátribus nostris nota fácere ea filiis suis : * ut cognóscat generatio áltera.

Filii qui nascéntur, et exsúrgent, * et narrábunt filiis suis,

Ut ponant in Deo spem suam, et non obliviscántur óperum Dei : * et mandata ejus exquirant.

Ne fiant sicut patres eórum : * generatio prava et exasperans.

Generatio, quæ non diréxit cor suum : * et non est créditus cum Deo spíritus ejus.

Ant. Suscitávit Dóminus testimónium in Jacob : et legem pósuit in Israël.

Ant. Coram pátribus eórum * fecit Deus mirabilia.

Psalmus 77, ii

Filii Ephrem intendentes et mittentes arcum : * convérsi sunt in die belli.

Non custodiérunt testaméntum Dei : * et in lege ejus noluérunt ambuláre.

Et obliti sunt benefactorum ejus, * et mirabilium ejus quæ osténdit eis.

Coram pátribus eórum fecit mirabilia in terra

Ægýpti, * in campo Táneos.

Interrúpit mare, et perduxit eos : * et státuit aquas quasi in utre.

Et dedúxit eos in nube diéi : * et tota nocte in illuminatióne ignis.

Interrúpit petram in erémo : * et adaquávit eos velut in abýsso multa.

Et edúxit aquam de petra : * et dedúxit tamquam flúmina aquas.

Ant. Coram pátribus eórum fecit Deus mirabilia.

Ant. Jánuas cæli apéruit * Dóminus, et pluit illis manna ad manducándum.

Psalmus 77, iii

ET apposuérunt adhuc peccáre ei : * in iram excitavérunt Excélsium in inaquóso.

Et tentavérunt Deum in córdibus suis, * ut péterent escas animábus suis.

Et male locúti sunt de Deo : * dixerunt : Numquid póterit Deus paráre mensam in desérto?

Quóniam percússit petram, et fluxérunt aquæ, * et torréntes inundavérunt.

Numquid et panem póterit dare, * aut paráre mensam pópulo suo?

Ideo audívit Dóminus, et dístulit : * et ignis accénsus est in Jacob, et ira ascéndit in Israël :

Quia non crediderunt in Deo, * nec speraverunt in salutari ejus :

Et mandavit nubibus desuper, * et januas celi aperuit.

Et pluit illis manna ad manducandum, * et panem celi dedit eis.

Panem Angelorum manducavit homo, * cibaria misit eis in abundantia.

Transtulit Austrum de caelo : * et induxit in virtute sua Africum.

Et pluit super eos sicut pulverem carnes : * et sicut arenam maris volatilia pennata.

Et ceciderunt in medio castrorum eorum : * circa tabernacula eorum.

Et manducaverunt, et saturati sunt nimis, et desiderium eorum attulit eis : * non sunt fraudati a desiderio suo.

Adhuc escæ eorum erant in ore ipsorum : * et ira Dei ascendit super eos.

Et occidit pingues eorum, * et electos Israël impedivit.

Ant. Januas celi aperuit Dominus, et pluit illis manna ad manducandum.

In Festis novem Lectionum :

℣. Deus percussit petram, et fluxerunt aquæ.

℟. Et torrentes inundaverunt.

Absolutio. Exaudi, Domine.

Bened. 1 Benedictione perpetua. 2 Unigenitus Dei Filius. 3 Spiritus Sancti gratia.

In II Nocturno

Ant. Deus adjutor * est eorum : et Excelsus redemptor eorum est.

Psalmus 77, iv

IN omnibus his peccaverunt adhuc : * et non crediderunt in mirabilibus ejus.

Et defecerunt in vanitate dies eorum : * et anni eorum cum festinatione.

Cum occideret eos, quærebant eum : * et revertebantur, et diluculo veniebant ad eum.

Et commemorati sunt quia Deus adjutor est eorum : * et Deus excelsus redemptor eorum est.

Et dilexerunt eum in ore suo, * et lingua sua mentiti sunt ei :

Cor autem eorum non erat rectum cum eo : * nec fideles habiti sunt in testamento ejus.

Ipsæ autem est misericors, et propitius fiet peccatis eorum : * et non disperdet eos.

Et abundavit ut averteret iram suam : * et non accendit omnem iram suam :

Et recordatus est quia caro sunt : * spiritus vadiens, et non rediens.

Quóties exacerbavérunt eum in desérto, * in iram concitavérunt eum in inaquóso?

Et convérsi sunt, et tentavérunt Deum : * et Sanctum Israël exacerbavérunt.

Ant. Deus adjutor est eorum : et Excelsus redemptor eorum est.

Ant. Redémit eos * Dominus de manu tribulantis.

Psalmus 77, v

NON sunt recordáti manus ejus, * die qua redémit eos de manu tribulantis.

Sicut pósuit in Ægypto signa sua, * et prodigia sua in campo Táneos.

Et convértit in ságuinem flúmina eorum, * et imbres eorum, ne biberent.

Misit in eos cœnomýiam, et comédit eos : * et ranam, et dispédidit eos.

Et dedit ærúgini fructus eorum, * et labóres eorum locústæ.

Et occídit in grándine véneas eorum, * et moros eorum in pruína.

Et trádedit grándini júmenta eorum : * et possessionem eorum igni.

Misit in eos iram indignationis suæ : * indignationem, et iram, et tribulationem : immissiones per angelos malos.

Viam fecit sémitæ iræ suæ, non pepércit a morte animábus eorum : * et júmenta eorum in morte conclúsit.

Et percússit omne primogénitum in terra Ægypti : * primitias omnis labóris eorum in tabernáculis Cham.

Et ábstulit sicut oves populum suum : * et perdúxit eos tamquam gregem in desérto.

Et dedúxit eos in spe, et non timuérunt : * et inimicos eorum opéruit mare.

Et indúxit eos in montem sanctificatiónis suæ, * montem, quem acquisívit dextera ejus.

Et ejécit a fácie eorum gentes : * et sorte divísit eis terram in funículo distributiónis.

Et habitáre fecit in tabernáculis eorum * tribus Israël.

Et tentavérunt, et exacerbavérunt Deum excelsum : * et testimónia ejus non custodiérunt.

Et avertérunt se, et non servavérunt pactum : * quemádmódum patres eorum, convérsi sunt in arcum pravum.

In iram concitavérunt eum in cóllibus suis : * et in sculptilibus suis ad æmulatióem eum provocavérunt.

Ant. Redémit eos Dóminus de manu tribulántis.

Ant. Ædificávit * Deus sanctifícium suum in terra.

Psalmus 77, vi

AUdívit Deus, et spre-
vit : * et ad níhilum
redégit valde Israël.

Et répulit tabernáculum
Silo, * tabernáculum su-
um, ubi habitávit in homí-
nibus.

Et trádedit in captivitá-
tem virtútem eórum : * et
pulchritúdinem eórum in
manus inimíci.

Et conclúsit in gládio pó-
pulum suum : * et heredi-
tátem suam sprevit.

Júvenes eórum comédit
ignis : * et vírgines eórum
non sunt lamentátæ.

Sacerdótes eórum in glá-
dio cecidérunt : * et víduæ
eórum non plorabántur.

Et excitátus est tam-
quam dórmienti Dómi-
nus, * tamquam potens
crapulátus a vino.

Et percússit inimícos suos
in posterióra : * oppróbrium
sempitérnum dedit illis.

Et répulit tabernáculum
Joseph : * et tribum
Ephraim non elégit :

Sed elégit tribum Juda, *
montem Sion quem di-
léxit.

Et ædificávit sicut uni-
córnum sanctifícium su-
um in terra, * quam fun-
dávit in sácula.

Et elégit David, servum
suum, et sústulit eum de
grégibus óvium : * de post
fetántes accépit eum.

Páscere Jacob, servum
suum, * et Israël, heredi-
tátem suam :

Et pavit eos in innocén-
tia cordis sui : * et in intel-
léctibus mánuum suárum
dedúxit eos.

Ant. Ædificávit Deus
sanctifícium suum in terra.

In Festis novem Lectionum :

℣. Elégit Dóminus tri-
bum Juda. ℟. Montem
Sion quem diléxit.

Absolutio. Ipsíus píetas et.

Bened. 4 Deus Pater omní-
potens. **5** Christus perpétuæ.
6 Ignem sui amóris.

In III Nocturno

Ant. Adjuva nos, * Deus,
salutáris noster : et propí-
tius esto peccátis nostris.

Psalmus 78



DEus, venérunt gen-
tes in hereditátem
tuam, polluérunť
templum sanctum tuum : *
posuérunť Jerúsalem in
pomórum custódiam.

Posuérunť morticína ser-
vórum tuórum, escas vo-
latílibus cæli : * carnes
sanctórum tuórum béstiis
terræ.

Effudérunt sánguinem
eórum tamquam aquam

in circúitu Jerúsalem : * et non erat qui sepelíret.

Facti sumus oppróbrium vicínis nostris : * subsannátio et illúsio his, qui in circúitu nostro sunt.

Usquequo, Dómine, irascéris in finem : * accendétur velut ignis zelus tuus?

Effúnde iram tuam in gentes, quæ te non novérunt : * et in regna, quæ nomen tuum non invocavérunt :

Quia comedérunt Jacob : * et locum ejus desolavérunt.

Ne memíneris iniquitátum nostrárum antiquárum, cito antícipent nos misericórdiæ tuæ : * quia páuperes facti sumus nimis.

Adjuva nos, Deus, salutáris noster : et propter glóriam nóminis tui, Dómine, libera nos : * et propítius esto peccátis nostris, propter nomen tuum :

Ne forte dicant in géntibus : Ubi est Deus eórum? * et innotéscat in natióibus coram óculis nostris.

Ultio ságuinis servórum tuórum, qui effúsus est : * intróeat in conspéctu tuo gémitus compeditórum.

Secúndum magnitúdinem bráchii tui, * pósside filios mortificatórum.

Et redde vicínis nostris séptuplum in sinu eó-

rum : * impropérium ipsórum, quod exprobravérunt tibi, Dómine.

Nos autem pópulus tuus, et oves páscuæ tuæ, * confitébimur tibi in sáculum.

In generatióem et generatióem * annuntiábitus laudem tuam.

Ant. Adjuva nos, Deus, salutáris noster : et propítius esto peccátis nostris.

Ant. Ego sum Dóminus, * Deus tuus, Israël, qui edúxi te de terra Ægýpti.

Psalmus 80

EXsultáte Deo, adjutóri nostro : * jubiláte Deo Jacob.

Súmíte psalmum, et date týmpanum : * psaltérium jucúndum cum cíthara.

Buccináte in Noeménia tuba, * in insigni die solemnitátis vestræ.

Quia præcéptum in Israël est : * et judícium Deo Jacob.

Testimónium in Joseph pósuit illud, cum exíret de terra Ægýpti : * linguam, quam non nóverat, audívit.

Divértit ab onéribus dorsum ejus : * manus ejus in cóphino serviérunt.

In tribulatióne invocásti me, et liberávi te : * exaudivi te in abscondito tempestátis : probávi te apud aquam contradictiós.

Audi, pópulus meus, et contestábor te : * Israël, si audieris me, non erit in te deus recens, neque adorábis deum aliénium.

Ego enim sum Dóminus, Deus tuus, qui edúxi te de terra Ægýpti : * diláta os tuum, et implébo illud.

Et non audívit pópulus meus vocem meam : * et Israël non inténdit mihi.

Et dimísi eos secúndum desidéria cordis eórum, * ibunt in adinventiónibus suis.

Si pópulus meus audísset me : * Israël si in viis meis ambuláset :

Pro níhilo fórsitan inimícos eórum humiliássem : * et super tribulántes eos misíssem manum meam.

Inimíci Dómini mentítí sunt ei : * et erit tempus eórum in sácula.

Et cibávit eos ex ádipe fruménti : * et de petra, melle saturávit eos.

Ant. Ego sum Dóminus, Deus tuus, Israël, qui edúxi te de terra Ægýpti.

Ant. Ne táceas, Deus, * quóniam inimíci tui extulérunt caput.

Psalmus 82

Deus, quis símilis erit tibi? * Ne táceas, neque compescáris, Deus :

Quóniam ecce inimíci tui sonuérunt : * et qui odérunt te, extulérunt caput.

Super pópulum tuum malignavérunt consílium : * et cogitavérunt advérsus sanctos tuos.

Dixerunt : Veníte, et disperdámus eos de gente : * et non memorétur nomen Israël ultra.

Quóniam cogitavérunt unánimíter : * simul advérsus te testaméntum disposuérunt, tabernácula Idumæórum et Ismaelítæ :

Moab, et Agaréni, Gebal, et Ammon, et Amalec : * alienígenæ cum habitántibus Tyrum.

Etenim Assur venit cum illis : * facti sunt in adiutorium filiis Lot.

Fac illis sicut Mádian, et Sísaræ : * sicut Jabin in torrénte Cisson.

Disperiérunt in Endor : * facti sunt ut stercus terræ.

Pone príncipes eórum sicut Oreb, et Zeb, * et Zébee, et Sálmana :

Omnes príncipes eórum : * qui dixerunt : Hereditáte possideámus Sanctuárium Dei.

Deus meus, pone illos ut rotam : * et sicut stípulam ante faciém venti.

Sicut ignis, qui combúrit silvam : * et sicut flamma combúrens montes :

Ita persequéris illos in tempestáte tua : * et in ira tua turbábis eos.

Imple fácies eórum igno-
mínia : * et quærent no-
men tuum, Dómine.

Erubéscant, et contur-
béntur in sǽculum sǽcu-
li : * et confundántur et
péreant.

Et cognóscant quia no-
men tibi Dóminus : * tu
solus Altíssimus in omni
terra.

Ant. Ne táceas, Deus,
quóniam inimíci tui extu-
lérunt caput.

In feriali Officio et in Festis :

✠. Cognóscant quia no-
men tibi Dóminus. ✠. Tu
solus Altíssimus super
omnem terram.

**In Officio
novem Lectionum**

Absolutio. A vínculis.

Bened. 7 Evangélica léctio.
8 In Festis Domini : Diví-
num auxílium.

In Festis B. M. V. : Cujus
festum cólimus, ipsa Virgo.

In Festis Sanctorum : Cujus
(vel Quorum aut Quarum)
festum cólimus. **9** Ad societá-
tem. (Per evangélica dicta.)

**In Officio
trium Lectionum**

Absolutio. Ipsíus píetas et.

In Feriis cum Homilia :

Bened. 1 Evangélica. **2** Diví-
num. **3** Ad societátem.

In Feriis sine Homilia :

Bened. 1 Deus Pater. **2** Chri-
stus perpétuæ. **3** Ignem sui
amóris.

In Festis Sanctorum :

Bened. 1 Ille nos benedícat,
qui sine fine vivit et regnat.

✠. Amen. **2** Cujus (vel Quo-
rum aut Quarum.) **3** Ad
societátem.

AD LAUDES I


*In Feriis extra Vigiliis com-
munes occurrentibus, atque in
Festis.*

(Pater noster et Ave.)

✠. Deus, in adjutórium.

Ant. Exaltáte * Dómi-
num, Deum nostrum, et
adoráte in monte sancto
ejus.

Psalmus 98

ominus regnávit,
irascántur pópuli : *
qui sedet super Ché-
rubim, moveátur terra.

Dóminus in Sion ma-
gnus : * et excélsus super
omnes pópulos.

Confiteántur nómini tuo
magno : quóniam terríbile,
et sanctum est : * et honor
regis judícium díligit.

Tu parásti directiões : *
judícium et justítiam in
Jacob tu fecísti.

Exaltáte Dóminum, Deum
nostrum, et adoráte sca-
béllum pedum ejus : *
quóniam sanctum est.

Móyses et Aaron in sa-
cerdótibus ejus : * et Sá-
muel inter eos, qui invo-
cant nomen ejus :

Invocábant Dóminum, et
ipse exaudiébat eos : * in

colúmna nubis loquebátur ad eos.

Custodiébant testimónia ejus, * et præcéptum quod dedit ill's.

Dómine, Deus noster, tu exaudiébas eos : * Deus, tu propítius fuísti eis, et ulciscens in omnes ad-inventiões eórum.

Exaltáte Dóminum, Deum nostrum, et adoráte in monte sancto ejus : * quóniam sanctus Dóminus, Deus noster.

Ant. Exaltáte Dóminum, Deum nostrum, et adoráte in monte sancto ejus.

Ant. Eripe me * de inimícis meis, Dómine, ad te confúgi.

Psalmus 142

Domine, exáudi oratió-nem meam : áuribus pécipe obsecratió-nem me-am in veritáte tua : * exáudi me in tua justítia.

Et non intres in iudícium cum servo tuo : * quia non justificábitur in conspéctu tuo omnis vivens.

Quia persecútus est inimícus ánimam meam : * humiliávit in terra vitam meam.

Collocávit me in obscúris sicut mórtuos sáculi : * et anxiátus est super me spíritus meus, in me turbátum est cor meum.

Memor fui diérum anti-quórum, meditátus sum in

ómnibus opéribus tuis : * in factis mánuum tuárum meditábar.

Expándi manus meas ad te : * ánima mea sicut terra sine aqua tibi.

Velóciter exáudi me, Dómine : * defécit spíritus meus.

Non avértas fáciem tuam a me : * et símilis ero descendéntibus in lacum.

Audítam fac mihi mane misericórdiam tuam : * quia in te sperávi.

Notam fac mihi viam, in qua ámbulem : * quia ad te levávi ánimam meam.

Eripe me de inimícis meis, Dómine, ad te confúgi : * doce me fácere voluntátem tuam, quia Deus meus es tu.

Spíritus tuus bonus dedúcet me in terram rectam : * propter nomen tuum, Dómine, vivificábis me, in æquitáte tua.

Edúces de tribulatióne ánimam meam : * et in misericórdia tua dispérdes inimícos meos.

Et perdes omnes, qui tríbulant ánimam meam : * quóniam ego servus tuus sum.

Ant. Eripe me de inimícis meis, Dómine, ad te confúgi.

Ant. Benedixísti, * † Dómine, terram tuam : remisísti iniquitátem plebis tuæ.

Psalmus 84

Benedixísti, † Dómine, terram tuam : * avertísti captivitátem Jacob.

Remisísti iniquitátem plebis tuæ : * operuísti ómnia peccáta eórum.

Mitigásti omnem iram tuam : * avertísti ab ira indignatiónis tuæ.

Convérte nos, Deus, salutáris noster : * et avérte iram tuam a nobis.

Numquid in ætérnum irascéris nobis? * aut exténdes iram tuam a generatióne in generatió- nem?

Deus, tu convérsus vivificábis nos : * et plebs tua lætábitur in te.

Osténde nobis, Dómine, misericórdiam tuam : * et salutáre tuum da nobis.

Audiam quid loquátur in me Dóminus Deus : * quóniam loquétur pacem in plebem suam.

Et super sanctos suos : * et in eos, qui convertúntur ad cor.

Verúmtamen prope tíméntibus eum salutáre ipsíus : * ut inhábitet glória in terra nostra.

Misericórdia, et véritas obviavérunt sibi : * justítia, et pax osculátæ sunt.

Véritas de terra orta est : * et justítia de cælo prospéxit.

Etenim Dóminus dabit benignitátem : * et terra nostra dabit fructum suum.

Justítia ante eum ambulábit : * et ponet in via gressus suos.

Ant. Benedixísti, Dómine, terram tuam : remisísti iniquitátem plebis tuæ.

Ant. In Dómino justificábitur, * et laudábitur omne semen Israël.

Canticum Isaiaë

Is. 45, 15-26

Vere tu es Deus absconditus, * Deus Israël, Salvátor.

Confúsi sunt, et erubuérunt omnes : * simul abiérunt in confusióne fabricatóres errorum.

Israël salvátus est in Dómino salúte æténa : * non confundémini, et non erubescétis usque in sáculum sáculi.

Quia hæc dicit Dóminus creans cælos, * ipse Deus formans terram, et fáciens eam, ipse plastes ejus :

Non in vanum creávit eam, ut habitaretur formávit eam : * Ego Dóminus, et non est álius.

Non in abscondito locútus sum, * in loco terræ tenebróso :

Non dixi sémini Jacob frustra : Quærite me : *

ego Dóminus loquens justítiam, annúntians recta.

Congregámini, et veníte, et accédite simul * qui salváti estis ex géntibus :

Nesciérunt qui levant lignum sculptúræ suæ, * et rogant deum non salvántem.

Annuntiáte, et veníte, et consiliámini simul : * Quis audítum fecit hoc ab inítio, ex tunc prædixit illud?

Numquid non ego Dóminus, et non est ultra Deus absque me? * Deus justus, et salvans non est præter me.

Convertímini ad me, et salvi éritis, omnes fines terræ : * quia ego Deus, et non est álius.

In memetípso jurávi, egrediétur de ore meo justítiae verbum, * et non revertétur :

Quia mihi curvábatur omne genu, * et jurábit omnis lingua.

Ergo in Dómino, dicet, meæ sunt justítiae et impérium : * ad eum vénient, et confundéntur omnes qui repúgnant ei.

In Dómino justificábitur, et laudábitur * omne semen Israël.

Ant. In Dómino justificábitur, et laudábitur omne semen Israël.

Ant. Lauda, * † Jerúsalem, Dóminum. †

Psalmus 147

Lauda, † Jerúsalem, Dóminum : * † lauda Deum tuum, Sion.

Quóniam confortávit seras portárum tuárum : * benedixit filiis tuis in te.

Qui pósuit fines tuos pacem : * et ádipe fruménti sátiat te.

Qui emíttit elóquium suum terræ : * velóciter currit sermo ejus.

Qui dat nivem sicut lanam : * nébulam sicut cinerem spargit.

Mittit crystállum suam sicut buccéllas : * ante faciém frígoris ejus quis sustinébit?

Emíttet verbum suum, et liquefáciét ea : * flabit spíritus ejus, et fluent aquæ.

Qui annúntiat verbum suum Jacob : * justítias, et judícia sua Israël.

Non fecit táliter omni nátióni : * et judícia sua non manifestávit eis.

Ant. Lauda, Jerúsalem, Dóminum.

In Officío feriali

Capit. Rom. 13, 12-13

NOX præcéssit, dies autem appropinquávit. Abjiciámus ergo ópera tenebrárum, et induámur arma lucis. Sicut in die honéste ambulémus.

Hymnus

ÆTérna cæli glória,
Beáta spes mortá-
lium,
Summi Tonántis Unice,
Castæque proles Vírginis :

Da dexteram surgéntibus,
Exsúrgat et mens sóbria,
Flagrans et in laudem Dei
Grates repéndat débitas.

Ortus refúlget Lúcipher,
Præitque solem núntius :
Cadunt tenébræ nóctium :
Lux sancta nos illúminet.

Manánsque nostris sénsi-
bus,
Noctem repéllat sáeculi,
Omnique fine témporis
Purgáta servet péctora.

Quæsíta jam primum fides
In corde radices agat :
Secúnda spes congáudeat,
Qua major exstat caritas.

Deo Patri sit glória,
Ejúsque soli Filio,
Cum Spíritu Paráclito,
Nunc et per omne sáecu-
lum. Amen.

℣. Repléti sumus mane
misericórdia tua. **℟.** Ex-
sultávimus, et delectáti
sumus.

Ad Bened. Ant. Per ví-
scera misericórdiæ * Dei
nostri visitávit nos Oriens
ex alto.

Reliqua ut in Ordinario. 9

AD LAUDES II

*In Vigiliis communibus, quan-
do fit Officium de Feria.*

(Pater noster **et Ave.**)

℣. Deus, in adjutórium.

Ant. Cor contrítum.

Psalmus 50



Miserére mei, Deus, *
secúndum magnam
misericórdiam tu-
am.

Et secúndum multitudi-
nem miserationum tuá-
rum, * dele iniquitátem
meam.

Amplius lava me ab ini-
quitáte mea : * et a pec-
cáto meo munda me.

Quóniam iniquitátem
meam ego cognósco : * et
peccátum meum contra
me est semper.

Tibi soli peccávi, et ma-
lum coram te feci : *
ut justificéris in sermóni-
bus tuis, et vincas cum
judicáris.

Ecce enim, in iniquitáti-
bus concéptus sum : * et
in peccátis concépit me
mater mea.

Ecce enim, veritátem di-
lexísti : * incérta et oc-
cúlta sapiéntiæ tuæ mani-
festásti mihi.

Aspérges me hyssópo, et
mundábor : * lavábis me,
et super nivem dealbábor.

Audítui meo dabis gau-
dium et lætítiam : * et ex-
sultábunt ossa humiliáta.

Avérte faciém tuam a peccátis meis : * et omnes iniquitátes meas dele.

Cor mundum crea in me, Deus : * et spíritum re-
ctum innova in viscéribus meis.

Ne projicias me a fácie tua : * et spíritum sanctum tuum ne áuferas a me.

Redde mihi lætítiam salutáris tui : * et spíritu principáli confírma me.

Docébo iníquos vias tuas : * et ímpii ad te converténtur.

Líbera me de sanguínibus, Deus, Deus salutis meæ : * et exsultábit lingua mea justítiam tuam.

Dómine, lábia mea apéries : * et os meum annuntiábit laudem tuam.

Quóniam si voluísseis sacrificium, dedíssem úti-
que : * holocáustis non delectáberis.

Sacrificium Deo spíritus contribulátus : * cor contrítum, et humiliátum, Deus, non despícies.

Benigne fac, Dómine, in bona voluntáte tua Sion : * ut ædificéntur muri Jerúsalem.

Tunc acceptábis sacrificium justítiæ, oblatiónes, et holocáusta : * tunc impónent super altáre tuum vítulos.

Ant. Cor contrítum, et humiliátum, Deus, non despícies.

Ant. Propter nomen tuum.

Psalmus 142

Domine, exáudi oratió-
nem meam : áuribus
pércepe obsecratióem me-
am in virtúte tua : * ex-
áudi me in tua justítia.

Et non intres in iudícium cum servo tuo : * quia non justificábitur in conspéctu tuo omnis vivens.

Quia persecútus est inimícus ánimam meam : * humiliávit in terra vitam meam.

Collocávit me in obscúris sicut mórtuos sæculi : * et anxiátus est super me spíritus meus, in me turbátum est cor meum.

Memor fui diérum antiquórum, meditátus sum in ómnibus opéribus tuis : * in factis mánuum tuárum meditábar.

Expándi manus meas ad te : * ánima mea sicut terra sine aqua tibi.

Velóciter exáudi me, Dómine : * defécit spíritus meus.

Non avértas faciém tuam a me : * et símilis ero descendéntibus in lacum.

Audítam fac mihi mane misericórdiam tuam : * quia in te sperávi.

Notam fac mihi viam, in qua ámbulem : * quia ad te levávi ánimam meam.

Eripe me de inimícis meis, Dómine, ad te confúgi : * doce me fácere voluntátem tuam, quia Deus meus es tu.

Spiritus tuus bonus dedúcet me in terram rectam : * propter nomen tuum, Dómine, vivificábis me, in æquitáte tua.

Edúces de tribulatióne ánimam meam : * et in misericórdia tua dispérdes inimícos meos.

Et perdes omnes, qui tribulant ánimam meam : * quóniam ego servus tuus sum.

Ant. Propter nomen tuum, Dómine, vivificábis me, in æquitáte tua.

Ant. Deus, tu convérsus.

Psalmus 84

Benedixísti, Dómine, terram tuam : * avertísti captivitátem Jacob.

Remisísti iniquitátem plebis tuæ : * operuísti ómnia peccáta eórum.

Mitigásti omnem iram tuam : * avertísti ab ira indignatiónis tuæ.

Convérte nos, Deus, salutáris noster : * et avérte iram tuam a nobis.

Numquid in ætérnum irascéris nobis? * aut exténdes iram tuam a generatióne in generatióem?

Deus, tu convérsus vivificábis nos : * et plebs tua lætábitur in te.

Osténde nobis, Dómine, misericórdiam tuam : * et salutáre tuum da nobis.

Audiam quid loquátur in me Dóminus Deus : * quóniam loquétur pacem in plebem suam.

Et super sanctos suos : * et in eos, qui convertúntur ad cor.

Verúmtamen prope tíméntes eum salutáre ipsíus : * ut inhábitet glória in terra nostra.

Misericórdia, et véritas obviavérunt sibi : * justítia, et pax osculatæ sunt.

Véritas de terra orta est : * et justítia de cælo prospéxit.

Etenim Dóminus dabit benignitátem : * et terra nostra dabit fructum suum.

Justítia ante eum ambulábit : * et ponet in vias gressus suos.

Ant. Deus, tu convérsus vivificábis nos : et plebs tua lætábitur in te.

Ant. Cum irátus fúeris.

Canticum Habacuc

Hab. 3, 2-19

Domine, audívi auditiónem tuam, * et tímui.

Dómine, opus tuum, * in médio annórum vivífica illud :

In médio annórum notum fácies : * cum irátus fúeris, misericórdiæ recordáberis.

Deus ab Austro véniet, *
et sanctus de monte Pharan :

Opéruiť cœlos glória
ejus : * et laudis ejus plena
est terra.

Splendor ejus ut luxerit : *
córnuā in mánibus ejus :

Ibi abscóndita est forti-
túdo ejus : * ante fáciem
ejus ibit mors.

Et egrediétur diábolus
ante pedes ejus. * Stetit,
et mensus est terram.

Aspéxit, et dissólvit gen-
tes : * et contríti sunt
montes sæculi.

Incurváti sunt colles
mundi, * ab itinéribus
æternitátis ejus.

Pro iniquitáte vidi tentó-
ria Æthiópiae, * turbabún-
tur pelles terræ Máidian.

Numquid in fluminibus
irátus es, Dómine? * aut
in fluminibus furor tuus?
vel in mari indignátio tua?

Qui ascédes super equos
tuos : * et quadrígæ tuæ
salvátio.

Súscitans suscitábis ar-
cum tuum : * juraménta
tribubus quæ locútus es.

Flúvios scindes terræ :
vidérunt te, et doluerunt
montes : * gurges aquá-
rum tránsiit.

Dedit abyssus vocem
suam : * altitúdo manus
suas levávit.

Sol, et luna steterunt in
habitáculo suo, * in luce
sagittárum tuárum, ibunt

in splendóre fulgurántis
hastæ tuæ.

In frémitu conculcábis
terram : * et in furóre ob-
stupefácies gentes.

Egréssus es in salútem
pópuli tui : * in salútem
cum Christo tuo.

Percussísti caput de do-
mo impii : * denudásti
fundaméntum ejus usque
ad collum.

Maledixísti sceptris ejus,
cápiti bellatórum ejus, *
veniéntibus ut turbo ad
dispergéndum me.

Exsultátio eórum * sicut
ejus, qui dévorat páupe-
rem in abscóndito.

Viam fecísti in mari equis
tuis, * in luto aquárum
multárum.

Audívi, et conturbátus
est venter meus : * a voce
contremuérunt lábia mea.

Ingrediátur putrédo in
óssibus meis, * et subter
me scáteat.

Ut requiéscam in die tri-
bulatiónis : * ut ascéndam
ad pópulum accíntum no-
strum.

Ficus enim non florébit : *
et non erit germen in ví-
neis.

Mentiétur opus olivæ : *
et arva non áfferent cibum.

Abscindétur de ovili pe-
cus : * et non erit armén-
tum in præsepibus.

Ego autem in Dómino
gaudébo : * et exsultábo
in Deo Jesu meo.

Deus Dóminus fortitúdo mea : * et ponet pedes meos quasi cervórum.

Et super excélsa mea dedúcet me victor * in psalmis canéntem.

Ant. Cum irátus fúeris, Dómine, misericórdiæ recordáberis.

Ant. Lauda. †

Psalmus 147

Lauda, † Jerúsalem, Dóminum : * lauda Deum tuum, Sion.

Quóniam confortávit seras portárum tuárum : * benedíxit filiis tuis in te.

Qui pósuit fines tuos pacem : * et ádipe fruménti sátiat te.

Qui emíttit elóquium suum terræ : * velóciter currit sermo ejus.

Qui dat nivem sicut lanam : * nébulam sicut cinerem spargit.

Mittit crystállum suam sicut buccéllas : * ante faciém frígoris ejus quis sustinébit?

Emíttet verbum suum, et liquefaciet ea : * flabit spíritus ejus, et fluent aquæ.

Qui annúntiat verbum suum Jacob : * justítias, et judícia sua Israël.

Non fecit táliter omní natióni : * et judícia sua non manifestávit eis.

Ant. Lauda Deum tuum, Sion, qui annúntiat judícia sua Israël.

Capit. Rom. 13, 12-13

NOX præcéssit, dies autem appropinquávit. Abjiciámus ergo ópera tenebrárum, et induámur arma lucis. Sicut in die honéste ambulémus.

Hymnus

ÆTérna cæli glória,
Beáta spes mortá-
lium,
Summi Tonántis Unice,
Castæque proles Vírginis :

Da dexteram surgéntibus,
Exsúrgat et mens sóbria,
Flagrans et in laudem Dei
Grates repéndat débitas.

Ortus refúlget Lúcifer,
Præitque solem núntius :
Cadunt tenébræ nóctium :
Lux sancta nos illúminet.

Manénsque nostris sénsi-
bus,
Noctem repéllat sáculi,
Omníque fine témporis
Purgáta servet pectora.

Quæsíta jam primum fides
In corde radices agat :
Secúnda spes congáudeat,
Qua major exstat caritas.

Deo Patri sit glória,
Ejúsque soli Fílio,
Cum Spíritu Paráclito,
Nunc et per omne sáculum.
Amen.

✠. Repléti sumus mane misericórdia tua. ✠. Exsultávimus, et delectáti sumus.

Ad Bened. Ant. Per viscera misericórdiæ * Dei nostri visitávit nos Oriens ex alto.

Expleto Cantico ac repetita Antiphona, dicuntur sequentes

Preces feriales

KYrie, eléison. Christe, eléison. KÝrie, eléison.

Pater noster, **quod dicitur a solo Hebdomadario totum clara voce, usque ad V.** Et ne nos indúcas in tentatióem. **R.** Sed libera nos a malo. **V.** Ego dixi : Dómine, miserére mei. **R.** Sana ánimam meam, quia peccávi tibi. **V.** Convérttere, Dómine, úsquequo? **R.** Et deprecábilis esto super servos tuos. **V.** Fiat misericórdia tua, Dómine, super nos. **R.** Quemádmódum sperávimus in te. **V.** Sacerdótes tui induántur justítiam. **R.** Et sancti tui exsúltent. **V.** Orémus pro beatíssimo Papa nostro **N.** **R.** Dóminus conservet eum, et vivíficet eum, et beátum fáciat eum in terra, et non tradat eum in ánimam inimicórum ejus. **V.** Orémus et pro Antístite nostro **N.** **R.** Stet et pascat in fortitúdine tua, Dómine, in sublimitáte nóminis tui. **V.** Dómine, salvum fac regem. **R.** Et exáudi nos in die, qua invocáverimus te. **V.** Sal-

vum fac pópulum tuum, Dómine, et bénedic hereditáti tuæ. **R.** Et rege eos, et extólle illos usque in ætérnum. **V.** Meménto Congregatiónis tuæ. **R.** Quam possedísti ab inítio. **V.** Fiat pax in virtúte tua. **R.** Et abundantia in túrribus tuis. **V.** Orémus pro benefactóribus nostris. **R.** Retribúere dignáre, Dómine, ómnibus, nobis bona faciéntibus propter nomen tuum, vitam ætérnam. Amen. **V.** Orémus pro fidélibus defúctis. **R.** Réquiem ætérnam dona eis, Dómine, et lux perpétua lúceat eis. **V.** Requiéscant in pace. **R.** Amen. **V.** Pro frátribus nostris abséntibus. **R.** Salvos fac servos tuos, Deus meus, sperántes in te. **V.** Pro afflíctis et captívis. **R.** Libera eos, Deus Israël, ex ómnibus tribulatióibus suis. **V.** Mitte eis, Dómine, auxílium de sancto. **R.** Et de Sion tuére eos. **V.** Dómine, Deus virtútum, convérte nos. **R.** Et osténde fáciem tuam, et salvi érimus. **V.** Exsúrge, Christe, ádjuva nos. **R.** Et libera nos propter nomen tuum. **V.** Dómine, exáudi oratióem meam. **R.** Et clamor meus ad te véniat.

Reliqua ut in Ordinario. 9

AD PRIMAM

Pater, Ave **et** Credo.

℟. Deus, in adiutorium.

Hymnus

IAM lucis orto sidere,
Deum precémur súp-
plices,

Ut in diúrnis áctibus
Nos servet a nocéntibus.

Linguam refrénans tém-
peret,

Ne litis horror ínsonet :
Visum fovéndo cóntegat,
Ne vanitátes háuriat.

Sint pura cordis íntima,
Absístat et vecórdia :
Carnis terat supérbiam
Potus cibíque párcitas.

Ut, cum dies abscésserit
Noctémque sors redúxerit,
Mundi per abstinéntiam
Ipsi canámus glóriam.

* **D**eo Patri sit glória,
Ejúsque soli Fílio,
Cum Spíritu Paráclito,
Nunc et per omne sæcu-
lum. Amen.

Ant. Ne discédas a me.

Psalmus 21, i



Deus, Deus meus, ré-
spice in me : quare
me dereliquísti? *
longe a salúte mea verba
delictórum meórum.

Deus meus, clamábo per
diem, et non exáudies : *
et nocte, et non ad insi-
piéntiam mihi.

Tu autem in sancto hábi-
tas, * laus Israël.

In te speravérunt patres
nostri : * speravérunt, et
liberásti eos.

Ad te clamavérunt, et
salvi facti sunt : * in te
speravérunt, et non sunt
confúsi.

Ego autem sum vermis,
et non homo : * oppró-
brium hóminum, et abjé-
ctio plebis.

Omnes vidéntes me, de-
risérunt me : * locúti sunt
lábiis, et movérunt caput.

Sperávit in Dómino, erí-
piat eum : * salvum fá-
ciat eum, quóniam vult
eum.

Quóniam tu es, qui ex-
traxísti me de ventre : *
spes mea ab ubéribus ma-
tris meæ. In te proyéctus
sum ex útero :

De ventre matris meæ
Deus meus es tu, * ne dis-
césσης a me.

Quóniam tribulátio pró-
xima est : * quóniam non
est qui ádjuvet.

Psalmus 21, ii

Circumdedérunt me ví-
tuli multi : * tauri pin-
gues obsedérunt me.

Aperuérunt super me os
suum, * sicut leo rápiens
et rúgiens.

Sicut aqua effúsus sum : *
et dispérsa sunt ómnia
ossa mea.

Factum est cor meum
tamquam cera liquéscens *
in médio ventris mei.

Aruit tamquam testa
virtus mea, et lingua mea
adhæsit fáucibus meis : *
et in púlverem mortis de-
duxísti me.

Quóniam circumdedé-
runt me canes multi : *
concílium malignántium
obsédit me.

Foderunt manus meas et
pedes meos : * dinumera-
vérunt ómnia ossa mea.

Ipsi vero consideravé-
runt et inspexérunt me : *
divisérunt sibi vestiménta
mea, et super vestem
meam misérunt sortem.

Tu autem, Dómine, ne
elongáveris auxiliúm tu-
um a me : * ad defensió-
nem meam cónspice.

Erue a frámea, Deus, áni-
mam meam : * et de manu
canis únicam meam :

Salva me ex ore leónis : *
et a cór nibus unicór nium
humilitátem meam.

Narrábo nomen tuum frá-
tribus meis : * in médio
ecclésiæ laudábo te.

Psalmus 21, iii

QUI timétis Dóminum,
laudáte eum : * uni-
vèrsum semen Jacob, glo-
rificáte eum.

Tímeat eum omne semen
Israël : * quóniam non
sprevit, neque despéxit
deprecatiónem páuperis :

Nec avértit faciém suam
a me : * et cum clamárem
ad eum, exaudívit me.

Apud te laus mea in ec-
clésia magna : * vota mea
reddam in conspéctu ti-
méntium eum.

Edent páuperes, et satu-
rabúntur : et laudábunt
Dóminum qui requírun-
t eum : * vivent corda eó-
rum in sáculum sáculi.

Reminiscéntur et conver-
téntur ad Dóminum * uni-
vèrsi fines terræ :

Et adorábunt in conspé-
ctu ejus * univèrsæ famí-
liæ géntium.

Quóniam Dómini est re-
gnum : * et ipse dominá-
bitur géntium.

Manducavérunt et adora-
vérunt omnes pingues ter-
ræ : * in conspéctu ejus
cadent omnes qui descén-
dunt in terram.

Et ánima mea illi vi-
vet : * et semen meum
sérviet ipsi.

Annuntiábitur Dómino
generátio ventúra : * et
annuntiábunt cæli justí-
tiam ejus pópulo qui na-
scétur, quem fecit Dómi-
nus.

¶ Quando ad Laudes dictus
fuerit Ps. 50 Miserére, hic
subjungitur sequens Ps. 98,
qui in Laudibus locum non
habuit.

Psalmus 98

Dominus regnávít, ira-
scántur pópuli : * qui
sedet super Chérubim,
moveátur terra.

Dóminus in Sion magnus : * et excelsus super omnes pópulos.

Confiteántur nómini tuo magno : quóniam terríbile, et sanctum est : * et honor regis iudícium díligit.

Tu parásti directiónes : * iudícium et justítiam in Jacob tu fecísti.

Exaltáte Dóminum, Deum nostrum, et adoráte scabéllum pedum ejus : * quóniam sanctum est.

Móyses et Aaron in sacerdotíbus ejus : * et Sámuél inter eos, qui ínvo-cant nomen ejus :

Invocábant Dóminum, et ipse exaudiébat eos : * in columna nubis loquebátur ad eos.

Custodiébant testimónia ejus, * et præcéptum quod dedit illis.

Dómine, Deus noster, tu exaudiébas eos : * Deus, tu propítius fuísti eis, et ulciscens in omnes adin-ventiónes eórum.

Exaltáte Dóminum, Deum nostrum, et adoráte in monte sancto ejus : * quóniam sanctus Dóminus, Deus noster.

Secus vero, tribus Psalmis expletis, statim dicitur Ant.

Ant. Ne discédas a me, Dómine : quóniam tribulátio próxíma est : quóniam non est qui ádjuvet.

**In Officio Festi vel Octavæ :
Capitulum 1 Tim. 1, 17**

Regi sæculórum immor-táli et invisíbili, soli Deo honor et glória in sæcula sæculórum. Amen.

In omnibus autem Feriis et in Vigiliis communibus :

Capitulum Zach. 8, 19

Pacem et veritátem díligite, ait Dóminus om-nípotens.

℟. br. Christe, Fili Dei vivi, * Miserére nobis. Christe. **℣.** *Qui sedes ad dexteram Patris.* Miserére nobis. **G**lória Patri. Christe. **℣.** Exsúrge, Christe, ádjuva nos. **℟.** Et libera nos propter nomen tuum.

Preces dominicales et feriales (si dicendæ sint)

Kýrie, eléison. Christe, eléison. Kýrie, eléison.

Pater noster **secreto usque ad ℣.** Et ne nos indúcas in tentatióem. **℟.** Sed libera nos a malo.

Credo in Deum **secreto usque ad ℣.** Carnis resur-rectiónem. **℟.** Vitam ætérnam. Amen. **℣.** Et ego ad te, Dómine, clamávi. **℟.** Et mane orátio mea prævéniét te. **℣.** Repleátur os meum laude. **℟.** Ut cantem glóriam tuam, tota die magnitúdinem tuam. **℣.** Dómine, avérte faciém tuam a peccátis

meis. **R.** Et omnes iniquitátes meas dele. **V.** Cor mundum crea in me, Deus.

R. Et spíritum rectum innova in viscéribus meis.

V. Ne projicias me a fácie tua.

R. Et spíritum sanctum tuum ne áuferas a me.

V. Redde mihi lætítiam salutáris tui.

R. Et spíritu principáli confirma me.

In Precibus ferialibus tantum

V. Eripe me, Dómine, ab hómine malo.

R. A viro iníquo éripe me.

V. Eripe me de inimícis meis, Deus meus.

R. Et ab insurgéntibus in me libera me.

V. Eripe me de operántibus iniquitátem.

R. Et de viris sánguinem salva me.

V. Sic psalmum dicam nómini tuo in sáculum sáculi.

R. Ut reddam vota mea de die in diem.

V. Exáudi nos, Deus, salutáris noster.

R. Spes ómnium finium terræ, et in mari longe.

V. Deus, in adjutórium meum inténde.

R. Dómine, ad adjuvándum me festína.

V. Sanctus Deus, Sanctus fortis, Sanctus immortalis.

R. Miserére nobis.

V. Benedic, ánima mea, Dómino.

R. Et ómnia, quæ intra me sunt, nómini sancto ejus.

V. Benedic, ánima mea, Dómino.

R. Et noli obli-

vísci omnes retributiónes ejus.

V. Qui propitiátur ómnibus iniquitátibus tuis.

R. Qui sanat omnes infirmitátes tuas.

V. Qui rédimít de intéritu vitam tuam.

R. Qui coronat te in misericórdia et miseratió-nibus.

V. Qui replet in bonis desidérium tuum.

R. Renovábitur ut áquilæ juvéntus tua.

In utrisque Preelibus

V. Adjutórium nostrum in nómine Dómini.

R. Qui fecit cælum et terram.

Confíteor. Misereátur. Indulgéntiam.

V. Dignáre, Dómine, die isto.

R. Sine peccáto nos custodíre.

V. Miserére nostri, Dómine.

R. Miserére nostri.

V. Fiat misericórdia tua, Dómine, super nos.

R. Quemádmódum sperávimus in te.

V. Dómine, exáudi oratió-nem meam.

R. Et clamor meus ad te véniat.

V. Dóminus vobíscum.

Orémus.

Oratio

Domine, Deus omnípotens, qui ad princípium hujus diéi nos pervenire fecisti : tua nos hódie salva virtúte; ut in hac die ad nullum declinémus peccátum, sed semper ad tuam justítiam faciéndam nostra procédant elóquia,

dirigántur cogitatiónes et ópera. Per Dóminum.

℟. Amen.

℣. Dóminus vobíscum.

℣. Benedicámus Dómino.

In Choro Martyrologium.

℣. Pretiósá in conspéctu Dómini. ℟. Mors Sanctórum ejus.

Et absolute, sine Orémus :

Oratio

Sancta María, et omnes Sancti intercédant pro nobis ad Dóminum, ut nos mereámur ab eo adjuvári et salvári, qui vivit et regnat in sæcula sæculórum. ℟. Amen.

℣. Deus, in adjutórium meum inténde. ℟. Dómine, ad adjuvándum me festína. **Et dicitur ter; ultimo additur :** Glória Patri. Sicut erat.

Kýrie, eléison. Christe, eléison. Kýrie, eléison.

Pater noster **secreto usque ad** ℣. Et ne nos indúcas in tentatiónem. ℟. Sed libera nos a malo. ℣. Réspice in servos tuos, Dómine, et in ópera tua, et dirige filios eórum. ℟. Et sit splendor Dómini, Dei nostri, super nos, et ópera mánuum nostrárum dirige super nos, et opus mánuum nostrárum dirige. ℣. Glória Patri. ℟. Sicut erat.

Orémus.

Oratio

Dirigere et sanctificáre, régere et gubernáre dignáre, Dómine Deus, Rex cæli et terræ, hódie corda et córpora nostra, sensus, sermónes et actus nostros in lege tua, et in opéribus mandatórum tuórum : ut hic, et in ætérnum, te auxiliánte, salvi et líberi esse mereámur, Salvátor mundi : Qui vis et regnas in sæcula sæculórum. ℟. Amen.

℣. Jube, domne.

Bened. Dies et actus nostros in sua pace dispónat Dóminus omnipotens.

℟. Amen.

In Officio feriali

Dominus autem dírigat corda et córpora nostra in caritáte Dei, et patíéntia Christi. Tu autem.

E Proprio Sanctorum

Pro Oct. S. Joannis Bapt.

Reges vidébunt, et consúrgent príncipes et adorábunt Dóminum, Deum tuum et Sanctum Israël, qui elégit te.

Pro Invent. S. Stephani

Positis autem génibus, clamávit voce magna, dicens : Dómine, ne státuas illis hoc peccátum. Et cum hoc dixisset, obdormívit in Dómino.

E Communi Sanctorum

Pro Apostolis

IBant Apóstoli gaudéntes a conspéctu concílii, quóniam digni hábiti sunt pro nómine Jesu contuméliam pati.

Pro Martyre

Iustus cor suum trádidit ad vigilándum dilúculo ad Dóminum, qui fecit illum, et in conspéctu Altíssimi deprecábitur.

Pro pluribus Martyribus

Fulgébunt justí, et tamquam scintíllæ in arundinéto discúrrunt. Judicábunt nátiónes, et dominabúntur pópulis : et regnábit Dóminus illórum in perpétuum.

Pro Conf. Pont.

Fungi sacerdótio, et habére laudem in nómine ipsíus, et offérre illi incénsusum dignum in odórem suavitátis.

Pro Conf. non Pont.

Iustum dedúxit Dóminus per vías rectas, et osténdit illi regnum Dei, et dedit illi sciéntiam sanctorum; honestávit illum in labóribus, et complévit labóres illíus.

Pro Virgine Martyre

Domine, Deus meus, exaltásti super terram habitatióem meam, et

pro morte defluénte deprecáta sum. Invocávi Dóminum, Patrem Dómini mei, ut non derelínquat me in die tribulatiónis meæ, et in témpore superbórum sine adjutório.

Pro Virgine non Martyre

O quam pulchra est casta generátio cum claritáte! immortalis est enim memória illíus : quóniam apud Deum nota est, et apud hómínes.

Pro Martyre tantum

Laudábit usque ad mortem ánima mea Dóminum, quóniam éruis sustinéntes te, et liberas eos de manu angústíæ, Dómine, Deus noster.

Pro nec Virg. nec Mart.

Multæ filíæ congregáverunt divítias : tu supergréssa es univérsas. Fallax grátia, et vana est pulchritúdo : múlíer tímens Dóminum, ipsa laudábitur.

Pro Dedicatione Ecclesiæ

Et abstérget Deus omnem lácrimam ab óculis eórum : et mors ultra non erit, neque luctus, neque clamor, neque dolor erit ultra, quia prima abiérun. Et dixit qui sedébat in throno : Ecce, nova fácio ómnia.

In Officiis B. Mariæ V.

IN platéis sicut cinnamó-
mum et bálsamum aro-
matizans odórem dedi :
quasi myrrha elécta dedi
suavitátem odóris.

✠. Adjutórium nostrum
in nómine Dómini. ✠. Qui
fecit cælum et terram.

✠. Benedícite. ✠. Deus.

Benedictio Dóminus nos
benedícat, et ab omni
malo deféndat, et ad vi-
tam perdúcat ætérnam. Et
fidélium ánimæ per mise-
ricórdiam Dei requiészant
in pace. ✠. Amen.

Deinde dicitur tantum Pater
noster **secreto, nisi sequatur**
alia Hora.

AD TERTIAM

Pater noster **et** Ave.

✠. Deus, in adjutórium.

Hymnus

Nunc, Sancte, nobis,
Spíritus,
Unum Patri cum Fílio,
Dignáre promptus ingeri
Nostro refúsus péctori.

Os, lingua, mens, sensus,
vigor

Confessióne pèrsonent,
Flammészcat igne caritas,
Accéndat ardor próximos.

* **P**ræsta, Pater piíssime,
Patrique compar Unice,

Cum Spíritu Paráclito
Regnans per omne sæcu-
lum. Amen.

Ant. Excita, Dómine.

Psalmus 79, i

SUI regis Israël, in-
ténde : * qui dedú-
cis velut ovem Jo-
seph.

Qui sedes super Chéru-
bim, * manifestáre coram
Ephraïm, Bénjamin, et
Manásse.

Excita poténtiam tuam,
et veni, * ut salvos fácias
nos.

Deus, convérte nos : * et
osténde faciém tuam, et
salvi érimus.

Dómine, Deus virtútum,*
quoúsque irascéris super
orationem servi tui?

Cibábis nos pane lacri-
márum : * et potum dabis
nobis in lácrimis in men-
súra?

Posuísti nos in contradi-
ctiόne vicínis nostris : *
et inimíci nostri subsan-
navérunt nos.

Deus virtútum, convérte
nos : * et osténde faciém
tuam, et salvi érimus.

Psalmus 79, ii

VIneam de Ægýpto
transtulísti : * eiecísti
gentes, et plantásti eam.

Dux itínerys fuísti in con-
spéctu ejus : * plantásti
radices ejus, et implévit
terram.

Opéruiť montes umbra ejus : * et arbústa ejus cedros Dei.

Exténdit pálmities suos usque ad mare : * et usque ad flumen propágines ejus.

Ut quid destruxísti maceríam ejus : * et vindémiant eam omnes, qui prætergrediúntur viam?

Exterminávit eam aper de silva : * et singuláris ferus depástus est eam.

Deus virtútum, convértere : * réspice de cælo, et vide, et vísitá vineam istam.

Et pérfice eam, quam plantávit dèxtera tua : * et super fílium hóminis, quem confirmásti tibi.

Incénsa igni, et suffóssa * ab increpatióne vultus tui períbunt.

Fiat manus tua super virum dèxteræ tuæ : * et super fílium hóminis, quem confirmásti tibi.

Et non discédimus a te, vivificábis nos : * et nomen tuum invocábimus.

Dómine, Deus virtútum, convérte nos : * et osténde faciém tuam, et salvi érimus.

Psalmus 81

Deus stetit in synagóga deórum : * in médio autem deos dijúdicat.

Usquequo judicátis iniquitátem : * et fácies peccatórum súmitis?

Judicáte egéno, et pupíl-

lo : * húmílem, et páuperem justificáte.

Eripíte páuperem : * et egénúm de manu peccatóris liberáte.

Nesciérunt, neque intellexérunt, in ténebris ámbulant : * movebúntur ómnia fundaménta terræ.

Ego dixi : Dii estis, * et filii Excélsi omnes.

Vos autem sicut hómines moriémini : * et sicut unus de princípibus cadétis.

Surge, Deus, júdica terram : * quóniam tu hereditábis in ómnibus géntibus.

Ant. Excita, Dómine, poténtiam tuam, ut salvos fácias nos.

In Officio feriali

Capitulum Jer. 17, 14

Sana me, Dómine, et sanábor : salvum me fac, et salvus ero : quóniam laus mea tu es.

℟. br. Sana ánimam meam, * Quia peccávi tibi. Sana. **℣.** Ego dixi : Dómine, miserére mei. Quia. **Glória Patri.** Sana.

℣. Adjútor meus esto, ne derelinquas me. **℟.** Neque despicias me, Deus, salutaris meus.

In Vigiliis communibus :

Preces feriales

Kyrie, eléison. Christe, eléison. **Kýrie, eléison.**

Pater noster **secreto usque ad ℣.** Et ne nos indú-

cas in tentatióem. *℟.* Sed libera nos a malo. *℣.* Dómine, Deus virtútum, converté nos. *℟.* Et osténde faciém tuam, et salvi érimus. *℣.* Exsúrge, Christe, ádjuva nos. *℟.* Et libera nos propter nomen tuum. *℣.* Dómine, exáudi oratióem meam. *℟.* Et clamor meus ad te véniat.

Reliqua ut in Ordinario. 19

AD SEXTAM

Pater noster *et* Ave.

℣. Deus, in adjutórium.

Hymnus

Rector potens, verax
Deus,
Qui témperas rerum vices,
Splendóre mane illúminas,
Et ignibus merídiem :

Exstíngue flammás lítium,
Aufer calórem nóxium,
Confer salútem córporum,
Verámque pacem córdium.

* *Præsta*, Pater piíssime,
Pátrique compar Unice,
Cum Spíritu Paráclito
Regnans per omne sáculum. Amen.

Ant. Beáti, qui hábitant.

Psalmus 83, i

Guam dilécta tabernácula tua, Dómine virtútum : * concupíscit, et déficit ánima mea in átria Dómini.

Cor meum, et caro mea * exsultavérunt in Deum vivum.

Etenim passer invénit sibi domum : * et turtur nidum sibi, ubi ponat pullos suos.

Altária tua, Dómine virtútum : * Rex meus, et Deus meus.

Beáti, qui hábitant in domo tua, Dómine : * in sácula sáculórum laudábunt te.

Beátus vir, cujus est auxílium abs te : * ascensiónes in corde suo dispósuit in valle lacrimárum in loco, quem pósuit.

Etenim benedictióem dabit legislátor, ibunt de virtúte in virtútem : * vidébitur Deus deórum in Sion.

Psalmus 83, ii

Domine, Deus virtútum, exáudi oratióem meam : * áuribus pécipe, Deus Jacob.

Protéctor noster, áspice, Deus : * et réspice in faciém Christi tui :

Quia mélior est dies una in átriis tuis, * super míllia.

Elégi abjéctus esse in domo Dei mei : * magis quam habitáre in tabernáculis peccatórum.

Quia misericórdiam, et veritátem díligit Deus : * grátiam et glóriam dabit Dóminus.

Non privábit bonis eos, qui ámbulant in innocéntia : * Dómine virtútum, beátus homo, qui sperat in te.

Psalmus 86

Fundaménta ejus in móntibus sanctis : * diligit Dóminus portas Sion super ómnia tabernacula Jacob.

Gloríosa dicta sunt de te, * civitas Dei.

Memor ero Rahab, et Babylónis * sciéntium me.

Ecce, alienígenæ, et Tyrus, et pópulus Æthiopum, * hi fuérunt illic.

Numquid Sion dicet : Homo, et homo natus est in ea : * et ipse fundávit eam Altíssimus?

Dóminus narrábit in scriptúris populórum, et princípum : * horum, qui fuérunt in ea.

Sicut lætántium ómnium * habitátio est in te.

Ant. Beáti, qui hábitant in domo tua, Dómine.

In Officio feriali

Capitulum Rom. 13, 8

Remini quidquam de beátis, nisi ut invicem diligátis : qui enim diligit próximum, legem implévit.

℟. br. Benedícam Dóminum * In omni témpore. Benedícam. ℣. Semper laus ejus in ore meo. In

omni. Glória Patri. Benedícam. ℣. Dóminus regit me, et nihil mihi déerit. ℟. In loco páscae ibi me collocávit.

In Vigiliis communibus :

Preces feriales

Kyrie, eléison. Christe, eléison. Kýrie, eléison.

Pater noster **secreto usque ad** ℣. Et ne nos indúcas in tentatiónem. ℟. Sed libera nos a malo. ℣. Dómine, Deus virtútum, converte nos. ℟. Et osténde faciém tuam, et salvi érimus. ℣. Exsúrge, Christe, ádjuva nos. ℟. Et libera nos propter nomen tuum. ℣. Dómine, exáudi oratió-nem meam. ℟. Et clamor meus ad te véniat.

Reliqua ut in Ordinario. 20

AD NONAM

Pater noster **et** Ave.

℣. Deus, in adjutórium.

Hymnus

Rerum, Deus, tenax vigor,
Immótus in te pérmanens,
Lucis diúrnæ témpora
Succéssibus detérminans :

Largíre lumen véspere,
Quo vita nusquam déci-dat,
Sed præmium mortis sa-cræ
Perénis instet glória.

* **P**ræsta, Pater piïssime,
Patrique compar Unice,
Cum Spîritu Parâclito
Regnans per omne sæcu-
lum. Amen.

Ant. Misericórdia et vé-
ritas.

Psalmus 88, i



Misericórdias Dómi-
ni * in ætérnum
cantábo.

In generatióem et gene-
ratióem * annuntiábo ve-
ritátem tuam in ore meo.

Quóniam dixisti : In ætér-
num misericórdia ædificá-
bitur in cælis : * præpará-
bitur véritas tua in eis.

Dispósui testaméntum
eléctis meis, jurávi David,
servo meo : * Usque in
ætérnum præparábo se-
men tuum.

Et ædificábo in genera-
tióem et generatióem *
sedem tuam.

Confitebúntur cæli mira-
bília tua, Dómine : * ét-
enim veritátem tuam in
ecclésia sanctórum.

Quóniam quis in núbibus
æquábitur Dómino : * sí-
milis erit Deo in filiis Dei?

Deus, qui glorificátur in
consílio sanctórum : * ma-
gnus et terríbilis super
omnes qui in circúitu ejus
sunt.

Dómine, Deus virtútum,
quis símilis tibi? * potens
es, Dómine, et véritas tua
in circúitu tuo.

Tu domináris potestáti
maris : * motum autem
flúctuum ejus tu mítigas.

Tu humiliásti sicut vul-
nerátum, supérbum : * in
bráchio virtútis tuæ di-
spersísti inimícos tuos.

Tui sunt cæli, et tua est
terra, orbem terræ et ple-
nitúdinem ejus tu fundá-
sti : * aquilónem, et mare
tu creásti.

Thabor et Hermon in nó-
mine tuo exsultábunt : *
tuum bráchium cum po-
téntia.

Firmétur manus tua, et
exaltétur délixtera tua : *
justítia et judícium præ-
parátio sedis tuæ.

Misericórdia et véritas
præcédent fáciem tuam : *
beátus pópulus, qui scit
jubilatiónem.

Dómine, in lúmine vul-
tus tui ambulábunt, et in
nómine tuo exsultábunt
tota die : * et in justítia
tua exaltabúntur.

Quóniam glória virtútis
eórum tu es : * et in bene-
plácito tuo exaltábitur
cornu nostrum.

Quia Dómini est assúm-
ptio nostra, * et Sancti
Israël, regis nostri.

Psalmus 88, ii

Tunc locútus es in vi-
sióne sanctis tuis, et
dixisti : * Pósuí adjutó-
rium in poténte : et exal-
távi eléctum de plebe mea.

Invéni David, servum meum : * óleo sancto meo unxi eum.

Manus enim mea auxiliábitur ei : * et bráchium meum confortábit eum.

Nihil profíciet inimicus in eo, * et fílius iniquitátis non appónet nocére ei.

Et concídam a fácie ipsíus inimicos ejus : * et odiéntes eum in fugam convértam.

Et véritas mea, et misericórdia mea cum ipso : * et in nómine meo exaltábitur cornu ejus.

Et ponam in mari manum ejus : * et in flumínibus dexteram ejus.

Ipsé invocábit me : Pater meus es tu : * Deus meus, et suscéptor salútis meæ.

Et ego primogénitum ponam illum * excélsam præ régibus terræ.

In ætérnum servábo illi misericórdiam meam : * et testaméntum meum fidéle ipsi.

Et ponam in sáeculum sæculi semen ejus : * et thronum ejus sicut dies cæli.

Si autem derelíquerint fílii ejus legem meam : * et in iudíciis meis non ambuláverint :

Si justítias meas profanáverint : * et mandáta mea non custodierint :

Visitábo in virga iniquitátes eórum : * et in verbéribus peccáta eórum.

Misericórdiam autem meam non dispérgam ab eo : * neque nocébo in veritáte mea :

Neque profanábo testaméntum meum : * et quæ procédunt de lábiis meis, non fáciam írrita.

Semel jurávi in sancto meo : Si David méntiar : * semen ejus in ætérnum manébit.

Et thronus ejus sicut sol in conspéctu meo, * et sicut luna perfécta in ætérnum : et testis in cælo fidélis.

Psalmus 88, iii

TU vero repulísti et despexísti : * distulísti Christum tuum.

Evertísti testaméntum servi tui : * profanásti in terra Sanctuárium ejus.

Destruxísti omnes sepes ejus : * posuísti firmaméntum ejus formídinem.

Diripuérunt eum omnes transeúntes viam : * factus est oppróbrium vicínis suis.

Exaltásti dexteram depriméntium eum : * lætificásti omnes inimicos ejus.

Avertísti adjutórium gláddii ejus : * et non es auxiliátus ei in bello.

Destruxísti eum ab emundatióne : * et sedem ejus in terram collisísti.

Minorásti dies témporis ejus : * perfudísti eum confusióne.

Usquequo, Dómine, avértis in finem : * exardéscet sicut ignis ira tua?

Memoráre quæ mea substántia : * numquid enim vane constituísti omnes filios hóminum?

Quis est homo, qui vivet, et non vidébit mortem : * éruet ánimam suam de manu inferi?

Ubi sunt misericórdiæ tuæ antiquæ, Dómine, * sicut jurásti David in veritáte tua?

Memor esto, Dómine, op-
probrii servórum tuórum *
(quod continui in sinu
meo) multárum géntium.

Quod exprobravérunt in-
míci tui, Dómine, * quod
exprobravérunt commu-
tatiónem Christi tui.

Benedíctus Dóminus in
ætérum : * fiat, fiat.

Ant. Misericórdia et vé-
ritas præcédent fáciem
tuam, Dómine.

In Officio feriali

Capit. 1 Petri 1, 17-19

IN timóre incolátus ve-
stri témpore conversá-
mini : sciéntes quod non
corruptibílibus auro vel
argénto redémpti estis, sed
pretiósó sáanguine quasi
Agni immaculáti Christi.

R. **br.** Rédime me, Dó-
mine, * Et miserére mei.
Rédime. **V.** Pes enim
meus stetit in via recta.
Et. **G**lória Patri. Rédime.

V. Ab occúltis meis munda
me, Dómine. **R.** Et ab alié-
nis parce servo tuo.

In Vigiliis communibus :

Preces feriales

KYrie, eléison. Christe,
eléison. Kýrie, eléison.

Pater noster **secreto us-
que ad V.** Et ne nos indú-
cas in tentatiónem. **R.** Sed
libera nos a malo. **V.** Dó-
mine, Deus virtútum, con-
vérte nos. **R.** Et osténde
fáciem tuam, et salvi éri-
mus. **V.** Exsúrge, Christe,
áduja nos. **R.** Et libera
nos propter nomen tuum.
V. Dómine, exáudi oratió-
nem meam. **R.** Et clamor
meus ad te véniat.

Reliqua ut in Ordinario. 22

AD VESPERAS

Pater noster **et Ave.**

V. Deus, in adjutórium.

Ant. Dómine, * † probá-
sti me, et cognovísti me. †

Psalmus 138, i

Domine, † probásti
me, et cognovísti
me : * † tu cogno-
vísti sessiόnem meam, et
resurrectiόnem meam.

Intellexísti cogitatiόnes
meas de longe : * sémítam
meam, et funículum me-
um investigásti.

Et omnes vias meas præ-
vidísti : * quia non est
sermo in lingua mea.

Ecce, Dómine, tu cognovisti ómnia novíssima, et antiqua : * tu formásti me, et posuísti super me manum tuam.

Mirábilis facta est sciéntia tua ex me : * confortáta est, et non pótero ad eam.

Quo ibo a spíritu tuo? * et quo a fácie tua fúgiam?

Si ascéndero in cælum, tu illic es : * si descéndero in inférnum, ades.

Si sumpsero pennas meas dilúculo, * et habitávero in extrémis maris :

Etenim illuc manus tua dedúcet me : * et tenébit me dextera tua.

Et dixi : Fórsitan ténebræ conculcábunt me : * et nox illuminátio mea in delíciis meis.

Quia ténebræ non obscurabúntur a te, et nox sicut dies illuminábitur : * sicut ténebræ ejus, ita et lumen ejus.

Quia tu possedísti renes meos : * suscepísti me de útero matris meæ.

Ant. Dómine, probásti me, et cognovísti me.

Ant. Mirábilia ópera tua, * Dómine, et ánima mea cognóscit nimis.

Psalmus 138, ii

Confitébor tibi quia terribíliter magnificátus es : * mirábilia ópera tua, et ánima mea cognóscit nimis.

Non est occultátum os meum a te, quod fecísti in occulto : * et substántia mea in inferióribus terræ.

Imperféctum meum vidérunt óculi tui, et in libro tuo omnes scribéntur : * dies formabúntur, et nemo in eis.

Mihi autem nimis honorificáti sunt amíci tui, Deus : * nimis confortátus est principátus eórum.

Dinumerábo eos, et super arénam multiplicabúntur : * exsurrexi, et adhuc sum tecum.

Si occíderis, Deus, peccatóres : * viri sánguinem, declináte a me :

Quia dicitis in cogitatióne : * Accípient in vanitáte civitátes tuas.

Nonne qui odérunt te, Dómine, óderam? * et super inimícos tuos tabescébam?

Perfécito ódio óderam illos : * et inimíci facti sunt mihi.

Proba me, Deus, et scito cor meum : * intérroga me, et cognósce sémitas meas.

Et vide, si via iniquitátis in me est : * et deduc me in via æténa.

Ant. Mirábilia ópera tua, Dómine, et ánima mea cognóscit nimis.

Ant. Ne derelínquas me, * Dómine, virtus salútis meæ.

Psalmus 139

ERipe me, Dómine, ab hómine malo : * a viro iníquo éripe me.

Qui cogitavérunt iniquitátes in corde : * tota die constituébant próelia.

Acuérunt linguas suas sicut serpéntis : * venenum áspidum sub lábiis eórum.

Custódi me, Dómine, de manu peccatóris : * et ab homínibus iníquis éripe me.

Qui cogitavérunt supplantáre gressus meos : * abscondérunt supérbi láqueum mihi :

Et funes extendérunt in láqueum : * juxta iter scándalum posuérunt mihi.

Dixi Dómino : Deus meus es tu : * exáudi, Dómine, vocem deprecatiónis meæ.

Dómine, Dómine, virtus salútis meæ : * obumbrásti super caput meum in die belli.

Ne tradas me, Dómine, a desidério meo peccatóri : * cogitavérunt contra me, ne derelinquas me, ne forte exalténtur.

Caput circúitus eórum : * labor labiórum ipsórum opériet eos.

Cadent super eos carbónes, in ignem dejicies eos : * in misériis non subsistent.

Vir linguósus non dirigétur in terra : * virum injú-

stum mala cápient in in-
térítu.

Cognóvi quia fáciet Dóminus judícium inopis : * et vindictam páuperum.

Verúmtamen justí confitebúntur nómini tuo : * et habitábunt recti cum vultu tuo.

Ant. Ne derelinquas me, Dómine, virtus salútis meæ.

Ant. Dómine, * † clamávi ad te, exáudi me. †

Psalmus 140

Domine, † clamávi ad te, exáudi me : * † inténde voci meæ, cum clamávero ad te.

Dirigátur orátio mea sicut incénsus in conspéctu tuo : * elevátio mánuum meárum sacrificium vespertínus.

Pone, Dómine, custódiam ori meo : * et óstium circumstántiæ lábiis meis.

Non declínes cor meum in verba malítiæ, * ad excusándas excusatiónes in peccátis.

Cum homínibus operántibus iniquitátem : * et non comunicábo cum eléctis eórum.

Corrípiet me justus in misericórdia, et increpábit me : * óleum autem peccatóris non impínguet caput meum.

Quóniam adhuc et orátio mea in beneplácitis eó-

rum : * absorpti sunt juncti petrae iudices eorum.

Audient verba mea quoniam potuerunt : * sicut crassitudo terrae erupta est super terram.

Dissipata sunt ossa nostra secus infernum : * quia ad te, Domine, Domine, oculi mei : in te speravi, non auferas animam meam.

Custodi me a laqueo, quem statuerunt mihi : * et a scandalis operantium iniquitatem.

Cadent in retiaculo ejus peccatores : * singulariter sum ego donec transeam.

Ant. Domine, clamavi ad te, exaudi me.

Ant. Educ de custodia * animam meam, Domine, ad confitendum nomini tuo.

Psalmus 141

Voce mea ad Dominum clamavi : * voce mea ad Dominum deprecatus sum :

Effundo in conspectu ejus orationem meam, * et tribulationem meam ante ipsum pronuntio.

In deficiendo ex me spiritum meum, * et tu cognovisti semitas meas.

In via hac, qua ambulabam, * absconderunt laqueum mihi.

Considerabam ad dexteram, et videbam : * et non erat qui cognosceret me.

Periit fuga a me, * et non est qui requirat animam meam.

Clamavi ad te, Domine, * dixi : Tu es spes mea, portio mea in terra viventium.

Intende ad deprecationem meam : * quia humiliatus sum nimis.

Libera me a persecutibus me : * quia confortati sunt super me.

Educ de custodia animam meam ad confitendum nomini tuo : * me expectant justii, donec retribuas mihi.

Ant. Educ de custodia animam meam, Domine, ad confitendum nomini tuo.

In Officio feriali

Capitulum 2 Cor. 1, 3-4

Benedictus Deus, et Pater Domini nostri Jesu Christi, Pater misericordiarum, et Deus totius consolationis, qui consolatur nos in omni tribulatione nostra.

Hymnus

Hominis superne Conditor,

Qui cuncta solus ordinans, Humum jubet producere Reptantis et feræ genus :

Et magna rerum corpora, Dictu jubentis vivida, Per temporum certas vices

Obtemperare servulis :

Repelle, quod cupidinis
Ciénte vi nos ímpetit,
Aut móribus se súggerit,
Aut áctibus se intérsarit.

Da gaudiórum præmia,
Da gratiárum múnera :
Dissólve litis víncula :
Astrínge pacis fœdera.

Præsta, Pater piíssime,
Patrique compar Unice,
Cum Spíritu Paráclito
Regnans per omne sǽcu-
lum. Amen.

℣. Dirigátur, Dómine,
orátio mea. **℟.** Sicut in-
censum in conspéctu tuo.

Ad Magnif. Ant. Depó-
suit Dóminus * poténtes
de sede, et exaltávit hú-
miles.

Reliqua ut in Ordinario. 22

AD COMPLETORIUM

℣. Jube, domne.

Bened. Noctem quiétam,
et finem perféctum concé-
dat nobis Dóminus omní-
potens. **℟.** Amen.

Lectio br. 1 Petri 5, 8-9

FRatres : Sóbrii estóte,
et vigiláte : quia ad-
versárius vester diábolus
tamquam leo rúgiens cír-
cuit, quærens quem dévo-
ret : cui resístite fortes in
fide. Tu autem, Dómine,
miserére nobis.

℟. Deo grátias.

℣. Adjutórium nostrum
in nómine Dómini. **℟.** Qui
fecit cælum et terram.

Pater noster, **quod dici-
tur totum secreto.**

Confíteor. Misereátur. In-
dulgéntiam.

℣. Convérte nos, Deus,
salutáris noster. **℟.** Et
avérte iram tuam a nobis.

℣. Deus, in adjutórium.

Ant. Voce mea. †

Psalmus 76, i



Voce mea † ad Dó-
minum clamávi : *
voce mea ad Deum,
et inténdit mihi.

In die tribulatiónis meæ
Deum exquisívi, mánibus
meis nocte contra eum : *
et non sum decéptus.

Rénuit consolári ánima
mea, * memor fui Dei, et
delectátus sum, et exerci-
tátus sum : et defécit spí-
ritus meus.

Anticipavérunt vigílias
óculi mei : * turbátus sum,
et non sum locútus.

Cogitávi dies antíquos : *
et annos ætérnos in mente
hábuí.

Et meditátus sum nocte
cum corde meo, * et exer-
citábar, et scopébam spí-
ritum meum.

Numquid in ætérnum
projiciet Deus : * aut non
appónet ut complacítior
sit adhuc?

Aut in finem misericór-
diam suam abscíndet, * a

generatióne in generatió-
nem?

Aut obliviscétur miseréri
Deus? * aut continébit in
ira sua misericórdias suas?

Et dixi : Nunc cœpi : * hæc
mutatió dexteræ Excelsi.

Memor fui óperum Dó-
mini : * quia memor ero ab
inítió mirabílium tuórum.

Et meditábor in ómni-
bus opéribus tuis : * et
in adinventiúnibus tuis
exercébor.

Psalmus 76, ii

Deus, in sancto via tua :
quis Deus magnus sic-
ut Deus noster? * tu es
Deus qui facis mirabília.

Notam fecísti in pópulis
virtútem tuam : * rede-
místi in bráchio tuo póp-
ulum tuum, filios Jacob et
Joseph.

Vidérunt te aquæ, Deus,
vidérunt te aquæ : * et ti-
muérunt, et turbátæ sunt
abýssi.

Multitúdo sónitus aquá-
rum : * vocem dedérunt
nubes.

Etenim sagittæ tuæ
tránseunt : * vox tonítrui
tui in rota.

Illuxérunt coruscationes
tuæ orbi terræ : * commóta
est, et contrémuit terra.

In mari via tua, et sémi-
tæ tuæ in aquis multis : *
et vestigia tua non cogno-
scéntur.

Deduxísti sicut oves pó-

pulum tuum, * in manu
Móysi et Aaron.

Psalmus 85

Inclína, Dómine, aurem
tuam, et exáudi me : *
quóniam inops, et pauper
sum ego.

Custódi ánimam meam,
quóniam sanctus sum : *
salvum fac servum tuum,
Deus meus, sperántem in
te.

Miserére mei, Dómine,
quóniam ad te clamávi
tota die : * lætífica áni-
mam servi tui, quóniam
ad te, Dómine, ánimam
meam levávi.

Quóniam tu, Dómine,
suávis, et mitis : * et
multæ misericórdiæ ómni-
bus invocántibus te.

Auribus pércipe, Dómi-
ne, oratióem meam : * et
inténde voci deprecatiónis
meæ.

In die tribulatiónis meæ
clamávi ad te : * quia ex-
audísti me.

Non est similis tui in diis,
Dómine : * et non est se-
cúndum ópera tua.

Omnes gentes quascúm-
que fecísti, vénient, et
adorábunt coram te, Dó-
mine : * et glorificábunt
nomen tuum.

Quóniam magnus es tu,
et fáciens mirabília : * tu
es Deus solus.

Deduc me, Dómine, in
via tua, et ingrédiar in ve-

ritate tua : * lætetur cor meum ut timeat nomen tuum.

Confitebor tibi, Dómine, Deus meus, in toto corde meo, * et glorificábo nomen tuum in ætérnum :

Quia misericórdia tua magna est super me : * et eruisti ánimam meam ex inférno inferióri.

Deus, iníqui insurrexérunt super me, et synagoga poténtium quæsiérunt ánimam meam : * et non proposuérunt te in conspéctu suo.

Et tu, Dómine, Deus miserátor et miséricors, * pátiens, et multæ misericórdiæ, et verax.

Réspice in me, et miserere mei, * da impérium tuum púero tuo : et salvum fac fílium ancillæ tuæ.

Fac mecum signum in bonum, ut vídeant qui odérunt me, et confundántur : * quóniam tu, Dómine, adjuvisti me, et consolátus es me.

Ant. Voce mea ad Dóminum clamávi : neque obliuiscétur miseréri Deus.

Hymnus

TE lucis ante términum, Rerum Créator, póscimus,

Ut pro tua cleméntia Sis præsul et custódia.

Procul recédant sómnia, Et nóctium phantásmata;

Hostémque nostrum cómpime,
Ne polluántur córpora.

* **P**ræsta, Pater piíssime, Patrique compar Unice,
Cum Spírítu Paráclito
Regnans per omne sáculum. Amen.

Capitulum Jer. 14, 9

TU autem in nobis es, Dómine, et nomen sanctum tuum invocátum est super nos : ne derelínquas nos, Dómine, Deus noster.

℟. **br.** In manus tuas, Dómine, * Comméndo spíritum meum. In manus.

℣. Redemísti nos, Dómine, Deus veritátis. Comméndo. **G**lória Patri. In manus. **℣.** Custódi nos, Dómine, ut pupíllam óculi.

℟. Sub umbra alárum tuárum prótege nos.

Ant. Salva nos.

Canticum Simeonis

Luc. 2, 29-32

Nunc dimíttis servum tuum, Dómine, * secúndum verbum tuum in pace :

Quia vidérunt óculi mei * salutáre tuum,

Quod parásti * ante fáciem ómnium populórum,

Lumen ad revelatiónem géntium, * et glóriam plebis tuæ Israël.

Glória Patri.

Ant. Salva nos, Dómine, vigilántes, custódi nos dormiéntes; ut vigilémus cum Christo, et requiescámus in pace.

Preces (si dicendæ sint)

KYrie, eléison. Christe, eléison. Kýrie, eléison.

Pater noster **secreto usque ad** **℣.** Et ne nos indúcas in tentatióem. **℟.** Sed libera nos a malo.

Credo in Deum **secreto usque ad** **℣.** Carnis resurrectionem. **℟.** Vitam æternam. Amen. **℣.** Benedíctus es, Dómine, Deus patrum nostrórum. **℟.** Et laudábilis et gloriósus in sæcula. **℣.** Benedicámus Patrem et Fílium cum Sancto Spíritu. **℟.** Laudémus, et superexaltémus eum in sæcula. **℣.** Benedíctus es, Dómine, in firmaménto cæli. **℟.** Et laudábilis, et gloriósus, et superexaltátus in sæcula. **℣.** Benedícat et custódiat nos omnípotens et miséricors Dóminus. **℟.** Amen. **℣.** Dignáre, Dómine, nocte ista. **℟.** Sine peccáto nos

custodíre. **℣.** Miserére nostri, Dómine. **℟.** Miserére nostri. **℣.** Fiat misericórdia tua, Dómine, super nos. **℟.** Quemádmódum sperávimus in te. **℣.** Dómine, exáudi oratióem meam. **℟.** Et clamor meus ad te véniat.

℣. Dóminus vobíscum.

Orémus.

Oratio

Visita, quæsumus, Dómine, habitatióem istam, et omnes insídias inimíci ab ea longe repélle: Angeli tui sancti hábitent in ea, qui nos in pace custódiant; et benedictio tua sit super nos semper. Per Dóminum. **℟.** Amen.

℣. Dóminus vobíscum.

℣. Benedicámus Dómino.

Benedictio Benedícat et custódiat nos omnípotens et miséricors Dóminus, Pater, et Fílius et Spíritus Sanctus. **℟.** Amen.

Antiphona finalis beatæ Mariæ Virginis.

℣. Divínium auxílium.

Pater noster, Ave María **et** Credo.

SABBATO**AD MATUTINUM**Pater, Ave **et** Credo.

℣. Dómine, lábia mea.

℣. Deus, in adjutórium.

In Officio feriali

Invit. Pópulus Dómini,
et oves páscuæ ejus : *
Veníte, adorémus. **Ps. 94**
Veníte.

Hymnus

Summæ Parens clemén-
tiæ,
Mundi regis qui máchi-
nam,
Uníus et substántiæ,
Trínusque persónis Deus :

Nostros pius cum cánticis
Fletus benigne súscipe :
Ut corde puro sórdium
Te perfruámur lárgius.

Lumbos jecúrque mórbi-
dum

Flammis adúre cóngruis,
Accíncti ut artus éxcu-
bent,

Luxu remóto péssimo.

Quicúmque ut horas nó-
ctium

Nunc concinéndó rúmpi-
mus,

Ditémur omnes áffatim
Donis beátæ pátriæ.

Præsta, Pater piíssime,
Patrique compar Unice,

Cum Spíritu Paráclito
Regnans per omne sæcu-
lum. Amen.

In I Nocturno

Ant. Memor fuit in sæ-
culum * testaménti sui
Dóminus, Deus noster.

Psalmus 104, i

Confitémini Dómino,
et invocáte nomen
ejus : * annuntiáte
inter gentes ópera ejus.

Cantáte ei, et psállite
ei : * narráte ómnia mira-
bília ejus.

Laudámini in nómine
sancto ejus : * lætétur cor
quæréntium Dóminum.

Quærite Dóminum, et
confirmámini : * quærite
fáciem ejus semper.

Mementóte mirabílium
ejus, quæ fecit : * prodígia
ejus, et judícia oris ejus.

Semen Abraham, servi
ejus : * filii Jacob, elécti
ejus.

Ipse Dóminus Deus no-
ster : * in univérsa terra
judícia ejus.

Memor fuit in sæculum
testaménti sui : * verbi,
quod mandávit in mille
generatiónes :

Quod dispósuit ad Abra-
ham : * et juraménti sui
ad Isaac :

Et stáruit illud Jacob in
præcéptum : * et Israë́l in
testaméntum ætérnum :

Dicens : Tibi dabo terram
Chánaan, * funículum he-
reditátis vestræ.

Cum essent número bre-
vi, * paucíssimi et incolæ
ejus :

Et pertransiérunt de gen-
te in gentem, * et de regno
ad pópulum álterum.

Non relíquit hóminem
nocére eis : * et corripuit
pro eis reges.

Nolíte tángere christos
meos : * et in prophétis
meis nolíte malignári.

Ant. Memor fuit in sáecu-
lum testaménti sui Dómi-
nus, Deus noster.

Ant. Auxit Dóminus *
pópulum suum : et firmá-
vit eum super inimícos
ejus.

Psalmus 104, ii

ET vocávit famem super
terram : * et omne
firmaméntum panis con-
trívit.

Misit ante eos virum : *
in servum venúmdatus
est Joseph.

Humiliavérunt in compé-
dibus pedes ejus, fer-
rum pertránsiit ánimam
ejus, * donec veníret ver-
bum ejus.

Elóquium Dómini inflam-
mávit eum : * misit rex, et
solvit eum; princeps po-
pulórum, et dimísit eum.

Constítuit eum dóminum
domus suæ : * et príncipem
omnis possessiónis suæ :

Ut erudíret príncipes ejus
sicut semetípsum : * et
senes ejus prudéntiam do-
céret.

Et intrávit Israë́l in Ægý-
ptum : * et Jacob áccola
fuit in terra Cham.

Et auxit pópulum suum
veheménter : * et firmávit
eum super inimícos ejus.

Convértit cor eórum ut
odírent pópulum ejus : *
et dolum fácerent in ser-
vos ejus.

Misit Móysen, servum
suum : * Aaron, quem elé-
git ipsum.

Pósuit in eis verba signó-
rum suórum, * et prodi-
giórum in terra Cham.

Ant. Auxit Dóminus pó-
pulum suum : et firmávit
eum super inimícos ejus.

Ant. Edúxit Deus * pópu-
lum suum in exsultatióne,
et eléctos suos in lætítia.

Psalmus 104, iii

Misit ténebras, et ob-
scurávit : * et non ex-
acerbávit sermónes suos.

Convértit aquas eórum
in sánguinem : * et occídít
pisces eórum.

Edidit terra eórum ra-
nas * in penetrálibus re-
gum ipsórum.

Dixit, et venit cœno-
myía : * et cínifes in óm-
nibus fínibus eórum.

Pósuit plúvias eórum grándinem : * ignem comburéntem in terra ipsórum.

Et percússit véneas eórum, et ficúlneas eórum : * et contrívit lignum finium eórum.

Dixit, et venit locústa, et bruchus, * cuius non erat númerus :

Et comédit omne fœnum in terra eórum : * et comédit omnem fructum terræ eórum.

Et percússit omne primogénitum in terra eórum : * primitias omnis labóris eórum.

Et edúxit eos cum argento et auro : * et non erat in tribubus eórum infirmus.

Lætata est Ægýptus in profectione eórum : * quia incúbuit timor eórum super eos.

Expándit nubem in protectionem eórum, * et ignem ut lucéret eis per noctem.

Petiérunt, et venit cotúrnix : * et pane cæli saturávit eos.

Dirúpit petram, et fluxérunt aquæ : * abiérunt in sicco flúmina;

Quóniam memor fuit verbi sancti sui, * quod habuit ad Abraham, púerum suum.

Et edúxit pópulum suum in exsultatione, * et electos suos in lætítia.

Et dedit illis regiones gentium : * et labóres populorum possederunt :

Ut custódiant justificationes ejus, * et legem ejus requirant.

Ant. Edúxit Deus pópulum suum in exsultatione, et electos suos in lætítia.

In Festis novem Lectionum :

V. Memor fuit Dóminus verbi sancti tui. *R.* Quod locútus est ad Abraham, púerum suum.

Absolutio. Exáudi, Dómine.

Bened. 1 Benedictione perpétua. 2 Unigénitus Dei Fílius. 3 Spíritus Sancti grátia.

In II Nocturno

Ant. Salvávit eos Dóminus * propter nomen suum.

Psalmus 105, i

Confitémini Dómino quóniam bonus : * quóniam in sæculum misericórdia ejus.

Quis loquétur poténtias Dómini, * audítas faciet omnes laudes ejus?

Beáti, qui custódiunt iudícium, * et faciunt justitiam in omni témpore.

Meménto nostri, Dómine, in beneplácito pópuli tui : * vísita nos in salutári tuo :

Ad vidéndum in bonitáte electórum tuórum, ad lætándum in lætítia gentis

tuæ : * ut laudéris cum hereditáte tua.

Peccávimus cum pátribus nostris : * injúste égimus, iniquitátem fécimus.

Patres nostri in Ægýpto non intellexérunt mirabilia tua : * non fuérunt mémoires multitudinis misericórdiæ tuæ.

Et irritavérunt ascendéntes in mare, * Mare Rubrum.

Et salvávit eos propter nomen suum : * ut notam fáceret poténtiam suam.

Et incrépuit Mare Rubrum, et exsiccátum est : * et dedúxit eos in abyíssis sicut in desérto.

Et salvávit eos de manu odiéntium : * et redémit eos de manu inimíci.

Et opéruit aqua tribulántes eos : * unus ex eis non remánsit.

Et credidérunt verbis ejus : * et laudavérunt laudem ejus.

Cito fecérunt, obliti sunt óperum ejus : * et non sustinuérent consílium ejus.

Et concupiérunt concupiscéntiam in desérto : * et tentavérunt Deum in inaquóso.

Et dedit eis petitióem ipsórum : * et misit saturitátem in ánimas eórum.

Ant. Salvávit eos Dóminus propter nomen suum.

Ant. Obliti sunt Deum, * qui salvávit eos.

Psalmus 105, ii

ET irritavérunt Móysen in castris : * Aaron, sanctum Dómini.

Apérta est terra, et deglutívit Dathan : * et opéruit super congregatióem Abíron.

Et exársit ignis in synagóga eórum : * flamma combússit peccatóres.

Et fecérunt vítulum in Horeb : * et adoravérunt scúlptile.

Et mutavérunt glóriam suam * in similitúdinem vítuli comedéntis fœnum.

Oblíti sunt Deum, qui salvávit eos, * qui fecit magnália in Ægýpto, mirabilia in terra Cham : terribília in Mari Rubro.

Et dixit ut dispérderet eos : * si non Móyses, eléctus ejus, stetisset in confractiône in conspéctu ejus :

Ut avérteret iram ejus ne dispérderet eos : * et pro níhilo habuérent terram desiderábilem :

Non credidérunt verbo ejus, et murmuravérunt in tabernáculis suis : * non exaudiérunt vocem Dómini.

Et elevávit manum suam super eos : * ut prostérneret eos in desérto :

Et ut dejíceret semen eórum in natióibus : * et dispérgeret eos in regióibus.

Et initiati sunt Beelphegor : * et comederunt sacrificia mortuorum.

Et irritaverunt eum in adinventiōibus suis : * et multiplicata est in eis ruina.

Et stetit Phinees, et placavit : * et cessavit quasi satio.

Et reputatum est ei in iustitiam, * in generationem et generationem usque in sempiternum.

Ant. Obliti sunt Deum, qui salvavit eos.

Ant. Cum tribularentur, * vidit Dominus : et audivit orationem eorum.

Psalmus 105, iiii

ET irritaverunt eum ad Aquas contradictionis : * et vexatus est Moyses propter eos : quia exacerbaverunt spiritum ejus.

Et distinxit in labiis suis : * non disperdiderunt gentes, quas dixit Dominus illis.

Et commisti sunt inter gentes, et didicerunt opera eorum : et serviaverunt sculptilibus eorum : * et factum est illis in scandalum.

Et immolaverunt filios suos, * et filias suas demoniis.

Et effuderunt sanguinem innocentem : * sanguinem filiorum suorum et filiarum suarum, quas sacrifi-

caverunt sculptilibus Chanaan.

Et infecta est terra in sanguinibus, et contaminata est in operibus eorum : * et fornicati sunt in adinventiōibus suis.

Et iratus est furore Dominus in populum suum : * et abominatus est hereditatem suam.

Et tradidit eos in manus gentium : * et dominati sunt eorum qui oderunt eos.

Et tribulaverunt eos inimici eorum, et humiliati sunt sub manibus eorum : * saepe liberavit eos.

Ipsi autem exacerbaverunt eum in consilio suo : * et humiliati sunt in iniquitatibus suis.

Et vidit, cum tribularentur : * et audivit orationem eorum.

Et memor fuit testamenti sui : * et poenituit eum secundum multitudinem misericordiae suae.

Et dedit eos in misericordias * in conspectu omnium qui ceperant eos.

Salvos nos fac, Domine, Deus noster : * et congrega nos de nationibus :

Ut confiteamur nomini sancto tuo : * et gloriemur in laude tua.

Benedictus Dominus Deus Israel, a saeculo et usque in saeculum : * et dicet omnis populus : Fiat, fiat.

Ant. Cum tribularéntur, vidit Dóminus : et audívit oratióem eórum.

In Officiis novem Lectionum :

℟. Salvos nos fac, Dómine, Deus noster. **℞.** Ut confiteámur nómini sancto tuo.

Absolutio. Ipsíus píetas et.

Bened. 4 Deus Pater omnipotens. **5** Christus perpétuæ. **6** Ignem sui amoris.

In III Nocturno

Ant. Clamavérunt ad Dóminum : * et de necessitatibus eórum liberávit eos.

Psalmus 106, i



Onfitémini Dómino quóniam bonus : * quóniam in sáculum misericórdia ejus.

Dicant qui redépti sunt a Dómino, quos redémit de manu inimíci : * et de regiónibus congregávit eos :

A solis ortu, et occásu : * ab aquilóne, et mari.

Erravérunt in solitúdine in inaquóso : * viam civitátis habitáculi non invenerunt.

Esuriéntes, et sitiéntes : * ánima eórum in ipsis defécit.

Et clamavérunt ad Dóminum cum tribularéntur : * et de necessitatibus eórum erípuit eos.

Et dedúxit eos in viam rectam : * ut irent in civitátem habitatiónis.

Confiteántur Dómino misericórdiæ ejus : * et mirabília ejus fíliis hóminum.

Quia satiávit ánimam inánem : * et ánimam esuriéntem satiávit bonis.

Sedéntes in ténebris, et umbra mortis : * vinctos in mendicitáte et ferro.

Quia exacerbavérunt elóquia Dei : * et consílium Altíssimi irritavérunt.

Et humiliátum est in labóribus cor eórum : * infirmáti sunt, nec fuit qui adjuváret.

Et clamavérunt ad Dóminum cum tribularéntur : * et de necessitatibus eórum liberávit eos.

Et edúxit eos de ténebris, et umbra mortis : * et vincula eórum dirúpit.

Ant. Clamavérunt ad Dóminum : et de necessitatibus eórum liberávit eos.

Ant. Ipsi vidérunt * ópera Dei, et mirabília ejus.

Psalmus 106, ii

Confiteántur Dómino misericórdiæ ejus : * et mirabília ejus fíliis hóminum.

Quia contrívit portas æreas : * et vectes férreos confrégit.

Suscépit eos de via iniquitátis eórum : * propter injustítias enim suas humiliáti sunt.

Omnem escam abominata est anima eorum : * et appropinquaverunt usque ad portas mortis.

Et clamaverunt ad Dominum cum tribularentur : * et de necessitatibus eorum liberavit eos.

Misit verbum suum, et sanavit eos : * et eripuit eos de interitionibus eorum.

Confiteantur Domino misericordiae ejus : * et mirabilia ejus filiis hominum.

Et sacrificent sacrificium laudis : * et annuntient opera ejus in exultatione.

Qui descendunt mare in navibus, * facientes operationem in aquis multis.

Ipsi viderunt opera Domini, * et mirabilia ejus in profundo.

Dixit, et stetit spiritus procellae : * et exaltati sunt fluctus ejus.

Ascendunt usque ad caelos, et descendunt usque ad abyssos : * anima eorum in malis tabescebat.

Turbati sunt, et moti sunt sicut ebrius : * et omnis sapientia eorum devorata est.

Et clamaverunt ad Dominum cum tribularentur : * et de necessitatibus eorum eduxit eos.

Et statuit procellam ejus in auram : * et siluerunt fluctus ejus.

Et laetati sunt quia siluerunt : * et deduxit

eos in portum voluntatis eorum.

Ant. Ipsi viderunt opera Dei, et mirabilia ejus.

Ant. Videbunt recti, * et laetabuntur, et intelligent misericordias Domini.

Psalmus 106, iii

Confiteantur Domino misericordiae ejus : * et mirabilia ejus filiis hominum.

Et exaltent eum in ecclesia plebis : * et in cathedra seniorum laudent eum.

Posuit flumina in desertum : * et exitus aquarum in sitim.

Terram fructiferam in salsuginem, * a malitia inhabitantium in ea.

Posuit desertum in stagna aquarum : * et terram sine aqua in exitus aquarum.

Et collocavit illic esurientes : * et constituerunt civitatem habitationis.

Et seminaverunt agros, et plantaverunt vineas : * et fecerunt fructum civitatis.

Et benedixit eis, et multiplicati sunt nimis : * etumenta eorum non minoravit.

Et pauci facti sunt : * et vexati sunt a tribulatione malorum, et dolore.

Effusa est contemptio super principes : * et errare fecit eos in invio, et non in via.

Et adjuvit páuperem de inópia : * et pósuit sicut oves famílias.

Vidébunt recti, et lætabúntur : * et omnis iníquitas oppilábit os suum.

Quis sápiens et custódiét hæc? * et intélliget misericórdias Dómini?

Ant. Vidébunt recti, et lætabúntur, et intélligent misericórdias Dómini.

In feriali Officio in Officio sanctæ Mariæ in Sabbato et in Festis :

✠. Exáltent Dóminum in ecclésia plebis. ✠. Et in cáthedra seniórum laudent eum.

In Officio novem Lectionum

Absolutio. A vínculis.

Bened. 7 Evangélica léctio.

8 In Festis Domini : Divínium auxiliúm.

In Festis B. M. V. : Cujus festum cólimus, ipsa Virgo.

In Festis Sanctorum : Cujus (vel Quorum aut Quarum) festum cólimus. **9** Ad societátem. (Per evangélica dicta.)

In Officio trium Lectionum

Absolutio. A vínculis.

In Feriis cum Homilia :

Bened. 1 Evangélica. **2** Divínium. **3** Ad societátem.

In Octava simplici :

Bened. 1 Ille nos benedícat. **2** Cujus (vel Quorum aut Quarum). **3** Ad societátem.

In Officio sanctæ Mariæ in Sabbato

Absol. Précibus et méritis beátæ Mariæ semper Vírginis et ómnium Sanctórum, perdúcat nos Dóminus ad regna cælórum. Amen.

Bened. 1 Nos cum prole pia benedícat Virgo María. Amen.

2 Ipsa Virgo vírginum intercédat pro nobis ad Dóminum. Amen.

3 Per Vírginem Matrem concédát nobis Dóminus salutem et pacem. Amen.

AD LAUDES I

In Sabbatis extra Vigiliis communes occurrentibus, in Festis novem Lectionum, in omnibus Officiis de Octava non privilegiata, atque in Officio sanctæ Mariæ in Sabbato.

(Pater noster et Ave.)

✠. Deus, in adjutórium.

Ant. Filii Sion * exsúltent in Rege suo.

Psalmus 149



Antáte Dómino cánticum novum : * laus ejus in ecclésia sanctórum.

Lætétur Israël in eo, qui fecit eum : * et filii Sion exsúltent in rege suo.

Laudent nomen ejus in choro : * in týmpano, et psaltério psallant ei :

Quia beneplácitum est Dómino in pópulo suo : *

et exaltábit mansuétos in salútem.

Exsultábunt sancti in glória : * lætabúntur in cubilibus suis.

Exaltatiónes Dei in gútture eórum : * et gládii ancípites in mánibus eórum.

Ad faciéndam vindíctam in natió nibus : * increpati ónes in pópulis.

Ad alligándos reges eórum in compédibus : * et nóbiles eórum in mánicis férreis.

Ut fáciant in eis iudícium conscriptum : * glória hæc est ómnibus sanctis ejus.

Ant. Filii Sion exsúltent in Rege suo.

Ant. Quam magnificáta * sunt ópera tua, Dómine!

Psalmus 91

BOnum est confitéri Dómino : * et psállere nómini tuo, Altíssime.

Ad annuntiándum mane misericórdiam tuam : * et veritátem tuam per noctem.

In decachórdo, psaltério : * cum cántico, in cíthara.

Quia delectásti me, Dómine, in factúra tua : * et in opéribus mánuum tuárum exsultábo.

Quam magnificáta sunt ópera tua, Dómine! * nimis profúndæ factæ sunt cogitatiónes tuæ.

Vir insípiens non cognóscet : * et stultus non intélliget hæc.

Cum exórti fúerint peccatóres sicut fœnum : * et apparúerint omnes, qui operántur iniquitátem :

Ut intéreant in sáeculum sáeculi : * tu autem Altíssimus in ætérnum, Dómine.

Quóniam ecce inimíci tui, Dómine, quóniam ecce inimíci tui períbunt : * et dispergéntur omnes, qui operántur iniquitátem.

Et exaltábitur sicut unicórnis cornu meum : * et senéctus mea in misericórdia úberi.

Et despéxit óculus meus inimícos meos : * et in insurgéntibus in me malignántibus áudiet auris mea.

Justus ut palma florébit : * sicut cedrus Líbani multiplicábitur.

Plantáti in domo Dómini, * in átriis domus Dei nostri florébunt.

Adhuc multiplicabúntur in senécta úberi : * et bene patiéntes erunt, ut annúntient :

Quóniam rectus Dóminus Deus noster : * et non est iníquitas in eo.

Ant. Quam magnificáta sunt ópera tua, Dómine!

Ant. Lætábitur justus * in Dómino, et sperábit in eo.

Psalmus 63

EXáudi, Deus, oratió-
nem meam cum dépre-
cor : * a timóre inimíci
éripe ánimam meam.

Protexísti me a convéntu
malignántium : * a multi-
túdine operántium iniqui-
tátem.

Quia exacuérunt ut glá-
dium linguas suas : * in-
tendérunt arcum rem amá-
ram, ut sagittent in occúl-
tis immaculátum.

Súbito sagittábunt eum,
et non timébunt : * firma-
vérunt sibi sermónem ne-
quam.

Narravérunt ut abscón-
derent láqueos : * dixé-
runt : Quis vidébit eos?

Scrutáti sunt iniquitá-
tes : * defecerunt scrután-
tes scrutínio.

Accédet homo ad cor al-
tum : * et exaltábitur Deus.

Sagittæ parvulórum fa-
ctæ sunt plagæ eórum : *
et infirmátæ sunt contra
eos linguæ eórum.

Conturbáti sunt omnes
qui vidébant eos : * et tí-
muit omnis homo.

Et annuntiavérunt ópera
Dei, * et facta ejus intel-
lexérunt.

Lætábitur justus in Dó-
mino, et sperábit in eo, *
et laudabúntur omnes re-
cti corde.

Ant. Lætábitur justus in
Dómino, et sperábit in eo.

Ant. Osténde nobis, Dó-
mine, * lumen miseratió-
num tuárum.

Canticum Ecclesiastici

Eccli. 36, 1-16

MIserére nostri, Deus
ómnium, et réspice
nos, * et osténde nobis
lucem miseratiónum tuá-
rum :

Et immítte timórem tuum
super gentes, * quæ non
exquisiérunt te,

Ut cognóscant quia non
est Deus nisi tu, * et enár-
rent magnália tua.

Alleva manum tuam su-
per gentes aliénas, * ut ví-
deant poténtiam tuam.

Sicut enim in conspéctu
eórum sanctificátus es in
nobis, * sic in conspéctu
nostro magnificáberis in
eis,

Ut cognóscant te, sicut
et nos cognóvimus, * quó-
niam non est Deus præter
te, Dómine.

Innova signa, et immúta
mirabília. * Glorífica ma-
num, et bráchium dex-
trum.

Excita furórem, et effún-
de iram. * Tolle adversá-
rium, et afflíge inimícum.

Festína tempus, et me-
ménto finis, * ut enárrent
mirabília tua.

In ira flammæ devorétur
qui salvátur : * et qui pés-
simant plebem tuam, in-
véniat perditionem.

Cóntere caput princípum inimicórum, * dicéntium : Non est álius præter nos.

Cóngrega omnes tribus Jacob : ut cognóscant quia non est Deus nisi tu, * et enárrent magnália tua :

Et hereditábis eos, * sic-ut ab iníitio.

Miserére plebi tuæ, super quam invocátum est nomen tuum : * et Israël, quem coæquásti primogénito tuo.

Miserére civitatí sanctificatiónis tuæ Jerúsalem, * civitatí requiéi tuæ.

Reple Sion inenarrábilibus verbis tuis, * et glória tua pópulum tuum.

Ant. Osténde nobis, Dómine, lucem miseratiónum tuárum.

Ant. Omnis spíritus * laudet Dóminum.

Psalmus 150

Laudáte Dóminum in sanctis ejus : * laudáte eum in firmaménto virtútis ejus.

Laudáte eum in virtútibus ejus : * laudáte eum secúndum multitudínem magnitúdinis ejus.

Laudáte eum in sono tubæ : * laudáte eum in psalterio, et cíthara.

Laudáte eum in týpmano, et choro : * laudáte eum in chordis, et órgano.

Laudáte eum in cýmbalis benesonántibus : laudáte

eum in cýmbalis jubiliatiónis : * omnis spíritus laudet Dóminum.

Ant. Omnis spíritus laudet Dóminum.

In Offició Festi vel Octavæ ac sanctæ Mariæ in Sabbato Capitulum, Hymnus, Versus, Ant. ad Benedictus et Oratio ut in Proprio vel Communi.

Reliqua ut in Ordinario. 19

AD LAUDES II

In Vigiliis communibus, quando fit Officium de Feria.

(Pater noster **et** Ave.)

V. Deus, in adjutórium.

Ant. Benígne fac, Dómine.

Psalmus 50



Miserére mei, Deus, * secúndum magnam misericórdiam tuam.

Et secúndum multitudínem miseratiónum tuárum, * dele iniquitátem meam.

Amplius lava me ab iniquitáte mea : * et a peccáto meo munda me.

Quóniam iniquitátem meam ego cognósco : * et peccátum meum contra me est semper.

Tibi soli peccávi, et malum coram te feci : * ut justificéris in sermónibus tuis, et vincas cum iudicáris.

Ecce enim, in iniquitatibus concéptus sum : * et in peccátis concépit me mater mea.

Ecce enim, veritatem dilexisti : * incérta et ocúltá sapiéntiæ manifestásti mihi.

Aspérget me hyssópo, et mundábor : * lavábis me, et super nivem dealbábor.

Auditui meo dabis gáudium et lætítiam : * et exsultábunt ossa humiliáta.

Avérte fáciem tuam a peccátis meis : * et omnes iniquitátes meas dele.

Cor mundum crea in me, Deus : * et spíritum rectum innova in viscéribus meis.

Ne projicias me a fácie tua : * et spíritum sanctum tuum ne áuferas a me.

Redde mihi lætítiam salutáris tui : * et spíritu principáli confirma me.

Docébo iníquos vias tuas : * et ímpii ad te converténtur.

Líbera me de sanguinibus, Deus, Deus salutis meæ : * et exsultábit lingua mea justítiam tuam.

Dómine, lábia mea apéries : * et os meum annuntiábit laudem tuam.

Quóniam si voluísset sacrificium, dedíssem útiq̃ue : * holocáustis non delectáberis.

Sacrificium Deo spíritus contribulátus : * cor con-

tritum, et humiliátum, Deus, non despícies.

Benigne fac, Dómine, in bona voluntáte tua Sion : * ut ædificéntur muri Jerúsalem.

Tunc acceptábis sacrificium justítiæ, oblatiões, et holocáusta : * tunc impónent super altáre tuum vítulos.

Ant. Benigne fac, Dómine, in bona voluntáte tua Sion.

Ant. Rectus Dóminus.

Psalmus 91

Bonum est confitéri Dómino : * et psállere nómini tuo, Altíssime.

Ad annuntiándum mane misericórdiam tuam : * et veritatem tuam per noctem.

In decachórdo, psaltério : * cum cántico, in cíthara.

Quia delectásti me, Dómine, in factúra tua : * et in opéribus mánuum tuárum exsultábo.

Quam magnificáta sunt ópera tua, Dómine! * nimis profúndæ factæ sunt cogitatiões tuæ.

Vir insípiens non cognóscet : * et stultus non intélliget hæc.

Cum exórti fúerint peccatóres sicut fœnum : * et apparúerint omnes, qui operántur iniquitatem :

Ut intéreant in sæculum
sæculi : * tu autem Al-
tissimus in ætérnum, Dó-
mine.

Quóniam ecce inimíci tui.
Dómine, quóniam ecce ini-
míci tui períbunt : * et di-
spergéntur omnes, qui
operántur iniquitátem.

Et exaltabitur sicut unicórnis cornu meum : * et senéctus mea in misericórdia úberi.

Et despexit oculus meus
inimicos meos : * et in in-
surgéntibus in me mali-
gnántibus áudiet auris
mea.

Justus ut palma floré-
bit : * sicut cedrus Líbani
multiplicábitur.

Plantáti in domo Dómini, * in átriis domus Dei nostri florébunt.

Adhuc multiplicabúntur
in senécta úberi : * et bene
patiéntes erunt, ut annún-
tiant :

Quóniam rectus Dóminus, Deus noster : * et non est iníquitas in eo.

Ant. Rectus Dóminus,
Deus noster : et non est
iniquitas in eo.

Ant. A timóre inimíci.

Psalmus 63

EXáudi, Deus, oratió-
nem meam cum dépre-
cor : * a timóre inimíci éri-
pe ánimam meam.

Protexisti me a convéntu
malignántium : * a multi-

túidine operántium iniqui-
tátem.

Quia exacuérunt ut gládium linguas suas : * intendérunt arcum rem amáram, ut sagíttent in occúl-tis immaculátum.

Súbito sagittábunt eum,
et non timébunt : * firma-
vérunt sibi sermónem ne-
quam.

Narravérunt ut absconderent láqueos : * dixérunt : Quis vidébit eos?

Scrutáti sunt iniquitates : * defecerunt scrutantes scrutínio.

Accédet homo ad cor al-
tum: *et exaltábitur Deus.

Sagittæ parvulorum factæ sunt plagæ eorum : *
et infirmatæ sunt contra
eos linguæ eorum.

Conturbáti sunt omnes
qui vidébant eos : * et tí-
muit omnis homo.

Et annuntiavérunt ópera
Dei, * et facta ejus intel-
lexérunt.

Lætábitur justus in Dó-
mino, et sperábit in eo, *
et laudabúntur omnes re-
cti corde.

Ant. A timóre inimíci
éripe, Dómine, ánimam
meam.

Ant. In servis suis.

Canticum Moysis

Deut. 32, 1-43

AUdíte, cæli, quæ lo-
quor : * áudiat terra
verba oris mei.

Concréscat ut plúvia doctrína mea, * fluat ut ros elóquium meum,

Quasi imber super herbam, et quasi stillæ super grámina. * Quia nomen Dómini invocábo :

Date magnificéntiam Deo nostro. * Dei perfécta sunt ópera, et omnes viæ ejus judícia :

Deus fidélis, et absque ulla iniquitáte, justus et rectus. * Peccavérunt ei, et non filii ejus in sórdibus :

Generátio prava atque perversa. * Hæccine reddis Dómino, pópole stulte et insípiens?

Numquid non ipse est pater tuus, * qui possédit te, et fecit, et creávit te?

Meménto diérum antiqúorum, * cógita generatiónes singulas :

Intérroga patrem tuum, et annuntiábit tibi : * majóres tuos, et dicent tibi.

Quando dividébat Altíssimus gentes : * quando separábat filios Adam,

Constituit téminos populórum * juxta númerum filiórum Israël.

Pars autem Dómini, pópus ejus : * Jacob funículus hereditátis ejus.

Invénit eum in terra desérta, * in loco horróris, et vastæ solitúdinis :

Circumdúxit eum, et dócuit : * et custodívit quasi pupíllam óculi sui.

Sicut áquila próvocans ad volándum pullos suos, * et super eos vólitans,

Expándit alas suas, et assúmpsit eum, * atque portávit in húmeris suis.

Dóminus solus dux ejus fuit : * et non erat cum eo deus aliénus.

Constituit eum super excélsam terram : * ut coméderet fructus agrórum,

Ut súgeret mel de petra, * oleúmque de saxo duríssimo.

Butýrum de arménto, et lac de óvibus * cum ádipe agnórum, et arietum filiórum Basan :

Et hircos cum medúlla trítici, * et sánguinem uvæ bíberet meracíssimum.

Incrassátus est diléctus, et recalcitrávit : * incrasátus, impinguátus, dilatátus,

Derelíquit Deum, factórem suum, * et recéssit a Deo, salutári suo.

Provocavérunt eum in diis aliénis, * et in abominatiónibus ad iracúndiam concitavérunt.

Immolavérunt dæmóniis, et non Deo, * diis, quos ignorábant :

Novi recentésque venérunt, * quos non coluérunt patres eórum.

Deum qui te génuít dereliquísti, * et oblítus es Dómini, creatóris tui.

Vidit Dóminus, et ad iracúndiam concitátus est : * quia provocavérunt eum filii sui et filiae.

Et ait : Abscóndam faciém meam ab eis, * et considerábo novíssima eórum :

Generátio enim perversa est, * et infidéles filii.

Ipsi me provocavérunt in eo, qui non erat Deus, * et irritavérunt in vanitátibus suis :

Et ego provocábo eos in eo, qui non est pópulus, * et in gente stulta irritábo illos.

Ignis succénsus est in furóre meo, * et ardébit usque ad inférni novíssima :

Devorabítque terram cum gérmine suo, * et móntium fundaménta combúret.

Congregábo super eos mala, * et sagíttas meas complébo in eis.

Consuméntur fame, * et devorábunt eos aves mor-su amaríssimo :

Dentes bestiárum immít-tam in eos, * cum furóre trahéntium super terram, atque serpéntium.

Foris vastábit eos gládius, et intus pavor, * jú-venem simul ac vírginem, lacténtem cum hómine sene.

Dixi : Ubinam sunt? * cessáre faciám ex homí-nibus memóriam eórum.

Sed propter iram inimi-

córum dístuli : * ne forte superbírent hostes eórum, Et dicerent : * Manus nostra excélsa, et non Dómi-nus, * fecit hæc ómnia.

Gens absque consílio est, et sine prudéntia. * Utinam sáperent, et intelli-gerent, ac novíssima pro-vidérent.

Quómodo persecuátur unus mille, * et duo fu-gent decem míllia?

Nonne ídeo, quia Deus suus véndidit eos, * et Dóminus conclúsit illos?

Non enim est Deus no-ster ut dii eórum : * et ini-míci nostri sunt júdices.

De vínea Sodomórum, vínea eórum, * et de sub-urbánis Gomórrhæ :

Uva eórum uva fellis, * et botri amaríssimi.

Fel draconum vinum eórum, * et venénium áspi-dum insanábile.

Nonne hæc cóndita sunt apud me, * et signáta in thesáuris meis?

Mea est últio, et ego re-tríbuam in témpore, * ut labátur pes eórum :

Juxta est dies perditiónis, * et adesse festínant témpora.

Judicábit Dóminus pópulum suum, * et in servis suis miserébitur :

Vidébit quod infirmáta sit manus, * et clausi quo-que defecérunt, residuíque consúmpti sunt.

Et dicet : Ubi sunt dii eorum, * in quibus habebant fiduciam?

De quorum victimis comedebant adipēs, * et bibebant vinum libaminum :

Surgant, et opitulentur vobis, * et in necessitate vos protegant.

Videte quod ego sim solus, * et non sit alius Deus praeter me :

Ego occidam, et ego vivere faciam : percutiam, et ego sanabo, * et non est qui de manu mea possit eruiere.

Levabo ad caelum manum meam, et dicam : * Vivo ego in aeternum.

Si acutero ut fulgur gladium meum, * et arripuerit iudicium manus mea :

Reddam ultionem hostibus meis, * et his qui oderunt me retribuam.

Inebriabo sagittas meas sanguine, * et gladius meus devorabit carnes,

De cruore occisorum, * et de captivitate, nudati inimicorum capitis.

Laudate, gentes, populum ejus, * quia sanguinem servorum suorum ulciscetur :

Et vindictam retribuet in hostes eorum, * et propitius erit terrae populi sui.

Ant. In servis suis miseretur Dominus : * et

propitius erit terrae populi sui.

Ant. Laudate. †

Psalmus 150

Laudate † Dominum in sanctis ejus : * laudate eum in firmamento virtutis ejus.

Laudate eum in virtutibus ejus : * laudate eum secundum multitudinem magnitudinis ejus.

Laudate eum in sono tubae : * laudate eum in psalterio, et cithara.

Laudate eum in tympano, et choro : * laudate eum in chordis, et organo.

Laudate eum in cymbalis benesonantibus : laudate eum in cymbalis jubilationis : * omnis spiritus laudet Dominum.

Ant. Laudate Dominum secundum multitudinem magnitudinis ejus.

Capit. Rom. 13, 12-13

NOX praecessit, dies autem appropinquavit. Abjiciamus ergo opera tenebrarum, et induamur arma lucis. Sicut in die honeste ambulamus.

Hymnus

Aurora jam spargit populum :

Terris dies illabitur :

Lucis resultat spiculum :

Discadat omne lubricum.

Phantásma noctis éxsulet :

Mentis reátus córruat :
Quidquid tenébris hórridum

Nox áttulit culpæ, cadat.

Ut mane, quod nos últimum

Hic deprecámur cernui,
Cum luce nobis éffluat,
Hoc dum canóre cóncrepat.

Deo Patri sit glória,
Ejúsque soli Fílio,
Cum Spíritu Paráclito,
Nunc et per omne sæculum. Amen.

℣. Repléti sumus mane misericórdia tua. ℞. Exsultávimus, et delectáti sumus.

Ad Bened. Ant. Illúmina, Dómine, * sedéntes in ténebris et umbra mortis, et dírige pedes nostros in viam pacis.

Expleto Cantico ac repetita Antiphona, dicuntur sequentes

Preces feriales

Kýrie, eléison. Christe, eléison. Kýrie, eléison.

Pater noster, quod dicitur a solo Hebdomadario totum clara voce, usque ad ℣. Et ne nos indúcas in tentatióem. ℞. Sed libera nos a malo. ℣. Ego dixi : Dómine, miserére mei. ℞. Sana ánimam meam, quia peccávi tibi. ℣. Convérttere, Dómine, úsque-

quo? ℞. Et deprecábilis esto super servos tuos.

℣. Fiat misericórdia tua, Dómine, super nos.

℞. Quemádmódum sperávimus in te. ℣. Sacerdótes tui induántur justítiam.

℞. Et sancti tui exsúltent.

℣. Orémus pro beatíssimo Papa nostro N. ℞. Dóminus consérvet eum, et vivíficet eum, et beátum fáciat eum in terra, et non tradat eum in ánimam inimicórum ejus. ℣. Orémus et pro Antístite nostro N.

℞. Stet et pascat in fortitúde tua, Dómine, in sublimitáte nóminis tui.

℣. Dómine, salvum fac regem. ℞. Et exáudi nos in die, qua invocáverimus te.

℣. Salvum fac pópulum tuum, Dómine, et bénedic hereditáti tuæ.

℞. Et rege eos, et extólle illos usque in ætérnum.

℣. Meménto Congregatióis tuæ. ℞. Quam possedísti ab inítio. ℣. Fiat pax in virtúte tua. ℞. Et abundántia in túrribus tuis.

℣. Orémus pro benefactóribus nostris. ℞. Retribúere dignáre, Dómine, ómnibus, nobis bona faciéntibus propter nomen tuum, vitam ætérnam.

Amen. ℣. Orémus pro fidélibus defúctis. ℞. Réquiem ætérnam dona eis, Dómine, et lux perpétua lúceat eis. ℣. Requíescant

in pace. *R.* Amen. *V.* Pro fratribus nostris abséntibus. *R.* Salvos fac servos tuos, Deus meus, sperántes in te. *V.* Pro afflictis et captívis. *R.* Libera eos, Deus Israël, ex ómnibus tribulatió nibus suis. *V.* Mitte eis, Dómine, auxílium de sancto. *R.* Et de Sion tuére eos. *V.* Dómine, Deus virtútum, convérte nos. *R.* Et osténde faciém tuam, et salvi érimus. *V.* Exsúrge, Christe, ádjuva nos. *R.* Et libera nos propter nomen tuum. *V.* Dómine, exáudi oratió nem meam. *R.* Et clamor meus ad te véniat.

Reliqua ut in Ordinario. 19

AD PRIMAM

Pater, Ave *et* Credo.

V. Deus, in adjutórium.

Hymnus

JAM lucis orto sídere,
Deum precémur súp-
plices,
Ut in diúrnis áctibus
Nos servet a nocéntibus.

Linguam refrénans tém-
peret,
Ne litis horror ínsonet :
Visum fovéndo cóte gat,
Ne vanitátes háuriat.

Sint pura cordis íntima,
Absístat et vecórdia :
Carnis terat supérbiam
Potus cibique párcitas.

Ut, cum dies abscésserit
Noctémque sors redúxerit,
Mundi per abstinéntiam
Ipsi canámus glóriam.

* Deo Patri sit glória,
Ejúsque soli Filio,
Cum Spíritu Paráclito,
Nunc et per omne sáecu-
lum. Amen.

Ant. Exaltáre, Dómine.

Psalmus 93, i



Eus ultiónum Dómi-
nus : * Deus ultió-
num libere egít.

Exaltáre, qui júdicas ter-
ram : * redde retributió-
nem supérbis.

Usquequo peccatóres, Dó-
mine, * úsquequo pecca-
tóres gloriabúntur :

Effabúntur, et loquéntur
iniquitátem : * loquéntur
omnes, qui operántur in-
justítiam?

Pópulum tuum, Dómine,
humiliavérunt : * et here-
ditátem tuam vexavérunt.

Víduam, et ádvenam in-
terfecérunt : * et pupíllos
occidérunt.

Et dixerunt : Non vidébit
Dóminus, * nec intélliget
Deus Jacob.

Intelligite, insipiéntes in
pópulo : * et stulti, ali-
quándo sápite.

Qui plantávit aurem, non
áudiet? * aut qui finxit
óculum, non consíderat?

Qui córripit gentes, non
árguet : * qui docet hómi-
nem sciéntiam?

Dóminus scit cogitatió-
nes hóminum, * quóniam
vanæ sunt.

Psalmus 93, ii

BEátus homo, quem tu
erudíferis, Dómine* : et
de lege tua docúeris eum,
Ut mítiges ei a diébus
malis : * donec fodiátur
peccatóri fóvea.

Quia non repéllet Dómi-
nus plebem suam : * et
hereditátem suam non de-
relínquet.

Quoadúsque justítia con-
vertátur in iudícium : * et
qui juxta illam omnes qui
recto sunt corde.

Quis consúrget mihi ad-
vérsus malignántes? * aut
quis stabit mecum advér-
sus operántes iniquitá-
tem?

Nisi quia Dóminus adjú-
vit me : * paulo minus ha-
bitásset in inférno ánima
mea.

Si dicébam : Motus est
pes meus : * misericórdia
tua, Dómine, adjuvábát
me.

Secúndum multitudínem
dolórum meórum in corde
meo : * consolatiónes tuæ
lætificavérunt ánimam
meam.

Numquid adhæret tibi
sedes iniquitátis : * qui
fingis labórem in præcé-
pto?

Captábunt in ánimam
justi : * et sánguinem

innocéntem condemná-
bunt.

Et factus est mihi Dómi-
nus in refúgium : * et
Deus meus in adjutórium
spei meæ.

Et reddet illis iniquitá-
tem ipsórum : et in malítia
eórum dispédet eos : *
dispédet illos Dóminus,
Deus noster.

Psalmus 107

PArátum cor meum,
Deus, parátum cor
meum : * cantábo, et psal-
lam in glória mea.

Exsúrge, glória mea, ex-
súrge, psaltérium et cítha-
ra : * exsúrgam dilú-
culo.

Confitébor tibi in pópu-
lis, Dómine : * et psallam
tibi in natió nibus.

Quia magna est super
cælos misericórdia tua : *
et usque ad nubes véritas
tua :

Exaltáre super cælos,
Deus, et super omnem
terram glória tua : * ut
liberéntur dilécti tui.

Salvum fac délixtera tua,
et exáudi me : * Deus lo-
cútus est in sancto suo :

Exsultábo, et dívidam
Síchimam, * et convállem
tabernaculórum dimétiar.

Meus est Gálaad, et meus
est Manásses : * et Ephraïm
susceptio cápitis mei.

Juda rex meus : * Moab
lebes spei meæ.

In Idumæam exténdam calceaméntum meum : * mihi alienígenæ amíci facti sunt.

Quis dedúcet me in civitátem munitam? * quis dedúcet me usque in Idumæam?

Nonne tu, Deus, qui repulísti nos, * et non exíbis, Deus, in virtútibus nostris?

Da nobis auxiliúm de tribulatióne : * quia vana salus hóminis.

In Deo faciémus virtútem : * et ipse ad níhilum dedúcet inimícos nostros.

¶ Quando ad Laudes dictus fuerit Ps. 50 Miserére, hic subjungitur sequens Ps. 149, qui in Laudibus locum non habuit.

Psalmus 149

Cantáte Dómino cánticum novum : * laus ejus in ecclésia sanctórum.

Lætétur Israël in eo, qui fecit eum : * et filii Sion exsúltent in rege suo.

Laudent nomen ejus in choro : * in týmpano, et psaltério psallant ei :

Quia beneplácitum est Dómino in pópulo suo : * et exaltábit mansuétos in salútem.

Exsultábunt sancti in glória : * lætabúntur in cubílibus suis.

Exaltatiónes Dei in gúture eórum : * et gládii accípites in mánibus eórum.

Ad faciéndam vindíctam in natióibus : * increpationes in pópulis.

Ad alligándos reges eórum in compédibus : * et nóbiles eórum in mánicis férreis.

Ut fácient in eis júdicium conscriptum : * glória hæc est ómnibus sanctis ejus.

Secus vero, tribus Psalmis expletis, statim dicitur Ant.

Ant. Exaltáre, Dómine, qui júdicas terram : redde retributiónem supérbis.

In Officio Festi vel Octavæ, Dominicæ anticipatæ ac sanctæ Mariæ in Sabbato :

Capitulum 1 Tim. 1, 17

REgi sæculórum immortalí et invisíbili, soli Deo honor et glória in sæcula sæculórum. Amen.

In omnibus autem Feriis et in Vigiliis communibus :

Capitulum Zach. 8, 19

PAcem et veritátem diligite, ait Dóminus omnípotens.

℟. br. Christe, Fili Dei vivi, * Miserére nobis. Christe. *℣.* Qui sedes ad dexteram Patris. Miserére nobis. Glória Patri. Christe. *℣.* Exsúrge, Christe, adjuva nos. *℟.* Et libera nos propter nomen tuum.

In Officio sanctæ Mariæ in Sabbato dicitur sequens

℣. Qui natus es de María Vírgine.

Preces dominicales et feriales (si dicendæ sint)

KYrie, eléison. Christe, eléison. KÝrie, eléison.

Pater noster **secreto usque ad V.** Et ne nos indúcas in tentatiónem. **R.** Sed libera nos a malo.

Credo in Deum **secreto usque ad V.** Carnis resur-
rectiónem. **R.** Vitam ætér-
nam. Amen. **V.** Et ego ad
te, Dómine, clamávi. **R.** Et
mane orátio mea prævé-
niet te. **V.** Repleátur os
meum laude. **R.** Ut can-
tem glóriam tuam, tota
die magnitúdinem tuam.
V. Dómine, avérte fáciem
tuam a peccátis meis.
R. Et omnes iniquitátes
meas dele. **V.** Cor mun-
dum crea in me, Deus.
R. Et spíritum rectum ín-
nova in viscéribus meis.
V. Ne projicias me a fácie
tua. **R.** Et spíritum san-
ctum tuum ne áuferas a
me. **V.** Redde mihi lætí-
tiam salutáris tui. **R.** Et
spíritu principáli confírma
me.

**In Precibus ferialibus
tantum**

V. Eripe me, Dómine, ab
hómine malo. **R.** A viro
iníquo éripe me. **V.** Eripe
me de inimícis meis, Deus
meus. **R.** Et ab insurgén-
tibus in me libera me.
V. Eripe me de operánti-
bus iniquitátem. **R.** Et

de viris sánguinum salva
me. **V.** Sic psalmum di-
cam nómini tuo in sácu-
lum sáculi. **R.** Ut reddam
vota mea de die in diem.
V. Exáudi nos, Deus, sa-
lutáris noster. **R.** Spes
ómnium finium terræ, et
in mari longe. **V.** Deus, in
adjutórium meum inténde.
R. Dómine, ad adjuván-
dum me festína. **V.** San-
ctus Deus, Sanctus fortis,
Sanctus immortalis. **R.** Mi-
serére nobis. **V.** Bénedic,
ánima mea, Dómino. **R.** Et
omnia, quæ intra me sunt,
nómini sancto ejus. **V.** Bé-
nedic, ánima mea, Dómi-
no. **R.** Et noli oblivísci
omnes retributiónes ejus.
V. Qui propitiátur ómni-
bus iniquitátibus tuis.
R. Qui sanat omnes infir-
mitátes tuas. **V.** Qui rédi-
mit de intéritu vitam
tuam. **R.** Qui coronat te in
misericórdia et miseratió-
nibus. **V.** Qui replet in
bonis desidérium tuum.
R. Renovábitur ut áquilæ
juvéntus tua.

In utrisque Precibus

V. Adjutórium nostrum
in nómine Dómini. **R.** Qui
fecit cælum et terram.

Confíteor. Misereátur. In-
dulgéntiam.

V. Dignáre, Dómine, die
isto. **R.** Sine peccáto nos
custodíre. **V.** Miserére no-
stri, Dómine. **R.** Miserére

nostri. *℣.* Fiat misericórdia tua, Dómine, super nos. *℟.* Quemádmódum sperávimus in te. *℣.* Dómine, exáudi oratióem meam. *℟.* Et clamor meus ad te véniat.

℣. Dóminus vobíscum.

Orémus.

Oratio

Domine, Deus omnípotens, qui ad principium hujus diéi nos pervénire fecisti : tua nos hódie salva virtúte; ut in hac die ad nullum declinémus peccátum, sed semper ad tuam justítiam faciéndam nostra procédant elóquia, dirigántur cogitatióes et ópera. Per Dóminum.

℟. Amen.

℣. Dóminus vobíscum.

℣. Benedicámus Dómino.

Deinde in Choro legitur Martyrologium. Postea Hebdomadarius dicit :

℣. Pretiósá in conspéctu Dómini. *℟.* Mors Sanctórum ejus.

Et absolute, sine Orémus :

Oratio

Sancta María, et ómnes Sancti intercédant pro nobis ad Dóminum, ut nos mereámur ab eo adjuvári et salvári, qui vivit et regnat in sácula sæculórum. *℟.* Amen.

℣. Deus, in adjutórium meum inténde. *℟.* Dó-

mine, ad adjuvándum me festína. *Et dicitur ter; ultimo additur :* Glória Patri. Sicut erat.

Kýrie, eléison. Christe, eléison. Kýrie, eléison.

Pater noster *secreto usque ad* *℣.* Et ne nos indúcas in tentatióem. *℟.* Sed libera nos a malo. *℣.* Réspice in servos tuos, Dómine, et in ópera tua, et dirige fílios eórum. *℟.* Et sit splendor Dómini, Dei nostri, super nos, et ópera mánuum nostrárum dirige super nos, et opus mánuum nostrárum dirige. *℣.* Glória Patri. *℟.* Sicut erat.

Orémus.

Oratio

Dirigere et sanctificáre, régere et gubernáre dignáre, Dómine Deus, Rex cæli et terræ, hódie corda et córpora nostra, sensus, sermónes et actus nostros in lege tua, et in opéribus mandatórum tuórum : ut hic, et in ætérnum, te auxiliánte, salvi et líberi esse mereámur, Salvátor mundi : Qui vivis et regnas in sácula sæculórum. *℟.* Amen.

℣. Jube, domne.

Bened. Dies et actus nostros in sua pace dispónat Dóminus omnípotens.

℟. Amen.

In Officio feriali

Dominus autem dirigat corda et corpora nostra in caritate Dei, et patientia Christi. Tu autem.

E Proprio Sanctorum

Pro Oct. S. Joannis Bapt.

Reges videbunt, et consurgent principes et adorabunt Dominum, Deum tuum et Sanctum Israël, qui elegit te.

Pro Invent. S. Stephani

Positis autem genibus, clamavit voce magna, dicens : Domine, ne statuas illis hoc peccatum. Et cum hoc dixisset, obdormivit in Domino.

E Communi Sanctorum

Pro Apostolis

Ibant Apostoli gaudentes a conspectu concilii, quoniam digni habiti sunt pro nomine Jesu contumeliam pati.

Pro Martyre

Iustus cor suum tradidit ad vigilandum diluculo ad Dominum, qui fecit illum, et in conspectu Altissimi deprecabitur.

Pro pluribus Martyribus

Fulgébunt justi, et tamquam scintillæ in arundinato discurrent. Judicabunt nationes, et domina-

buntur populis : et regnabit Dominus illorum in perpetuum.

Pro Conf. Pont.

Fungi sacerdotio, et habere laudem in nomine ipsius, et offerre illi incensum dignum in odorem suavitatis.

Pro Conf. non Pont.

Iustum deduxit Dominus per vias rectas, et ostendit illi regnum Dei, et dedit illi scientiam sanctorum : honestavit illum in laboribus, et complévit labores illius.

Pro Virgine Martyre

Domine, Deus meus, exaltasti super terram habitationem meam, et pro morte defluente deprecata sum. Invocaui Dominum, Patrem Domini mei, ut non derelinquat me in die tribulationis meæ, et in tempore superborum sine adiutorio.

Pro Virgine non Martyre

O quam pulchra est casta generatio cum claritate! immortalis est enim memoria illius : quoniam apud Deum nota est, et apud homines.

Pro Martyre tantum

Laudabit usque ad mortem anima mea Dominum, quoniam eruis susti-

néntes te, et liberas eos de manu angústiae, Dómine, Deus noster.

Pro nec Virg. nec Mart.

Multae filiae congregaverunt divitias : tu supergressa es universas. Fallax gratia, et vana est pulchritudo : mulier timens Dóminum, ipsa laudabitur.

Pro Dedicatione Ecclesiae

ET abstergit Deus omnem lacrimam ab oculis eorum : et mors ultra non erit, neque luctus, neque clamor, neque dolor erit ultra, quia prima abierunt. Et dixit qui sedebat in throno : Ecce, nova facio omnia.

In Officiis B. Mariae V.

In platéis sicut cinnamomum et balsamum aromatizans odorem dedi : quasi myrrha electa dedi suavitatem odoris.

℟. Adjutorium nostrum in nómine Dómini. **℟.** Qui fecit caelum et terram.

℟. Benedícite. **℟.** Deus.

Benedictio Dóminus nos benedícat, et ab omni malo deféndat, et ad vitam perducát aetérnam. Et fídelium animae per misericórdiam Dei requiescant in pace. **℟.** Amen.

Deinde dicitur tantum Pater noster **secreto**, nisi sequatur alia Hora.

AD TERTIAM

Pater noster **et** Ave.

℟. Deus, in adjutorium.

Hymnus

Nunc, Sancte, nobis, Spíritus, Unum Patri cum Fílio, Dignare promptus ingeri Nostro refúsus pectori.

Os, lingua, mens, sensus, vigor

Confessionem personent, Flammescat igne caritas, Accendat ardor próximos.

* **P**raesta, Pater piissime, Patrique compar Unice, Cum Spíritu Paráclito Regnans per omne saeculum. Amen.

Ant. Clamor meus.

Psalmus 101, i



Domine, exáudi orationem meam : * et clamor meus ad te véniat.

Non avértas faciém tuam a me : * in quacúmque die tribulor, inclína ad me aurem tuam.

In quacúmque die invocávero te, * velóciter exáudi me.

Quia defecérunt sicut fumus dies mei : * et ossa mea sicut crémium aruerunt.

Percussus sum ut fœnum,
et aruit cor meum : * quia
oblitus sum comedere panem
meum.

A voce gemitus mei *
adhæsit os meum carni
meæ.

Similis factus sum pelli-
câno solitudinis : * factus
sum sicut nyctícorax in
domicílio.

Vigilavi, * et factus sum
sicut passer solitarius in
tecto.

Tota die exprobrabant
mihi inimici mei : * et qui
laudabant me, adversum
me jurabant.

Quia cinerem tamquam
panem manducabam, * et
potum meum cum fletu
miscëbam.

A facie iræ et indigna-
tionis tuæ : * quia elevans
allisisti me.

Dies mei sicut umbra de-
clinaverunt : * et ego sicut
fœnum arui.

Tu autem, Dómine, in
æternum permanes : * et
memoriále tuum in gene-
rationem et generationem.

Psalmus 101, ii

TU exsurgens miserébe-
ris Sion : * quia tem-
pus miserendi ejus, quia
venit tempus.

Quóniam placuerunt ser-
vis tuis lápides ejus : * et
terræ ejus miserebúntur.

Et timébunt gentes no-
men tuum, Dómine, * et

omnes reges terræ glóriam
tuam.

Quia ædificávit Dóminus
Sion * et vidébitur in
glória sua.

Respéxit in orationem
humílium : * et non spre-
vit precem eórum.

Scribántur hæc in gene-
ratione áltera : * et pópu-
lus, qui creábitur, laudá-
bit Dóminum :

Quia prospéxit de excél-
so sancto suo : * Dóminus
de cælo in terram aspéxit :

Ut audíret gemitus com-
peditórum : * ut sólveret
filios interemptórum :

Ut annúntient in Sion
nomen Dómini : * et lau-
dem ejus in Jerúsalem.

In conveniéndo pópulos
in unum, * et reges ut sér-
viant Dómino.

Psalmus 101, iii

Respóndit ei in via vir-
tútis suæ : * Paucitá-
tem diérum meórum nún-
tia mihi.

Ne révoces me in dimídio
diérum meórum : * in ge-
nerationem et generatió-
nem anni tui.

Inítio tu, Dómine, terram
fundásti : * et ópera má-
num tuárum sunt cæli.

Ipsi períbunt, tu autem
permanes : * et omnes
sicut vestiméntum vete-
ráscent.

Et sicut opertórium mu-
tábis eos, et mutabún-

tur : * tu autem idem ipse es, et anni tui non deficiunt.

Filii servorum tuorum habitabunt : * et semen eorum in sæculum dirigetur.

Ant. Clamor meus, Domine, ad te perveniat : * non avertas faciem tuam a me.

In Officio feriali

Capitulum Jer. 17, 14

Sana me, Domine, et sanabor : salvum me fac, et salvus ero : quoniam laus mea tu es.

℟. **br.** Sana animam meam, * Quia peccavi tibi. Sana. **℣.** Ego dixi : Domine, miserere mei. Quia. **Gloria Patri.** Sana.

℣. Adjutor meus esto, ne derelinquas me. **℟.** Neque despicias me, Deus, salutaris meus.

In Vigiliis communibus :

Preces feriales

Kyrie, eléison. Christe, eléison. Kyrie, eléison.

Pater noster **secreto usque ad** **℣.** Et ne nos inducas in tentationem. **℟.** Sed libera nos a malo. **℣.** Domine, Deus virtutum, converte nos. **℟.** Et ostende faciem tuam, et salvi erimus. **℣.** Exsurge, Christe, adjuva nos. **℟.** Et libera nos propter nomen tuum. **℣.** Domine, exaudi oratio-

nem meam. **℟.** Et clamor meus ad te veniat.

Reliqua ut in Ordinario. 19

AD SEXTAM

Pater noster **et Ave.**

℣. Deus, in adjutorium.

Hymnus

Rector potens, verax
Deus,
Qui temperas rerum vices,
Splendore mane illuminas,
Et ignibus meridiem :

Exstingue flammam litium,
Aufer calorem noxium,
Confer salutem corporum,
Veramque pacem cordium.

* **P**raesta, Pater piissime,
Patrique compar Unice,
Cum Spiritu Paraclito
Regnans per omne saeculum.
Amen.

Ant. Domine, Deus meus.

Psalmus 103, i



Benedic, anima mea,
Domino : * Domine,
Deus meus, magnificatus es vehementer.

Confessionem, et decorem induisti : * amictus lumine sicut vestimento :
Extendens caelum sicut pellem : * qui tegis aquis superiora ejus.

Qui ponis nubem ascensum tuum : * qui ambulas super pennas ventorum.

Qui facis angelos tuos, spiritus : * et ministros tuos ignem urentem.

Qui fundásti terram super stabilitátem suam : * non inclinábitur in sáeculum sáeculi.

Abýssus, sicut vestiméntum, amíctus ejus : * super montes stabunt aquæ.

Ab increpatióne tua fugient : * a voce tonítrui tui formidábunt.

Ascéndunt montes : et descéndunt campi * in locum, quem fundásti eis.

Términum posuísti, quem non transgrediéntur : * neque converténtur operíre terram.

Qui emíttis fontes in convállibus : * inter médium móntium pertransíbunt aquæ.

Potábunt omnes béstiae agri : * exspectábunt ónagri in siti sua.

Super ea vólucres cæli habitábunt : * de médio petrárum dabunt voces.

Psalmus 103, ii

Rigans montes de superióribus suis : * de fructu óperum tuórum satiábitur terra :

Prodúcens fœnum juméntis, * et herbam servitúti hóminum :

Ut edúcas panem de terra : * et vinum lætíficet cor hóminis :

Ut exhílalet fáciem in óleo : * et panis cor hóminis confirmet.

Saturabúntur ligna campi, et cedri Líbani, quas plantávit : * illic pásseres nidificábunt.

Heródii domus dux est eórum : * montes excélsi cervis : petra refúgium herináciis.

Fecit lunam in tépore : * sol cognóvit occásu suum.

Posuísti ténebras, et facta est nox : * in ipsa pertransíbunt omnes béstiae silvæ.

Cátuli leónum rugiéntes, ut rápíant, * et quærant a Deo escam sibi.

Ortus est sol, et congregáti sunt : * et in cubílibus suis collocabúntur.

Exíbit homo ad opus suum : * et ad operatió-nem suam usque ad véspèrum.

Psalmus 103, iii

Quam magnificáta sunt ópera tua, Dómine ! * ómnia in sapiéntia fecísti : impléta est terra possessi-one tua.

Hoc mare magnum, et spatiósum mánibus : * illic reptília, quorum non est númerus.

Animália pusílla cum magnis : * illic naves pertransíbunt.

Draco iste, quem formásti ad illudéndum ei : * ómnia a te exspéctant ut des illis escam in témpore.

Dante te illis, còlligent : * aperiénte te manum tuam, ómnia implebúntur bonitáte.

Averténte autem te fáciem, turbabúntur : * áuferes spíritum eórum, et deficient, et in púlverem suum reverténtur.

Emíttes spíritum tuum, et creabúntur : * et renovábis fáciem terræ.

Sit glória Dómini in sæculum : * lætábitur Dóminus in opéribus suis :

Qui rēspicit terram, et facit eam trémere : * qui tangit montes, et fúmigant.

Cantábo Dómino in vita mea : * psallam Deo meo, quámdui sum.

Jucúndum sit ei elóquium meum : * ego vero delectábor in Dómino.

Defícient peccatóres a terra, et iníqui ita ut non sint : * bēnedic, ánima mea, Dómino.

Ant. Dómine, Deus meus, magnificátus es veheménter.

In Officio feriali

Capitulum Rom. 13, 8

NEmini quidquam de-beátis, nisi ut ínvicem diligátis : qui enim diligit próximum, legem implévit.

℟. br. Benedícam Dóminum * In omni témpore. Benedícam. **℣.** Semper laus ejus in ore meo. In.

Glória Patri. Benedícam. **℣.** Dóminus regit me, et nihil mihi déerit. **℟.** In loco pásceuæ ibi me collocávit.

In Vigiliis communibus :

Preces feriales

KYrie, eléison. Christe, eléison. Kýrie, eléison.

Pater noster **secreto usque ad ℣.** Et ne nos indúcas in tentatiónem. **℟.** Sed libera nos a malo. **℣.** Dómine, Deus virtútum, converté nos. **℟.** Et osténde fáciem tuam, et salvi érimus. **℣.** Exsúrge, Christe, ádjuva nos. **℟.** Et libera nos propter nomen tuum. **℣.** Dómine, exáudi oratió-nem meam. **℟.** Et clamor meus ad te véniat.

Reliqua ut in Ordinario. 20

AD NONAM

Pater noster **et Ave.**

℣. Deus, in adjutórium.

Hymnus

RErum, Deus, tenax vigor,

Immótus in te pérmanens,
Lucis diúrnæ témpora
Succéssibus detérminans :

Largíre lumen vésperé,
Quo vita nusquam déci-dat,

Sed præmium mortis sac-ræ

Perénis instet glória.

* **P**ræsta, Pater piïssime,
Patrique compar Unice,
Cum Spîritu Parâclito
Regnans per omne sæcu-
lum. Amen.

Ant. Ne tacueris, Deus.

Psalmus 108, i

Eus, laudem meam
ne tacueris : * quia
os peccatoris, et os
dolosi super me apertum
est.

Locuti sunt adversum
me lingua dolosa, et ser-
mônibus odii circumdede-
runt me : * et expugna-
verunt me gratis.

Pro eo ut me diligerent,
detrahébant mihi : * ego
autem orábam.

Et posuerunt adversum
me mala pro bonis : * et
ódium pro dilectiône mea.

Constitue super eum pec-
catórem : * et diábolus
stet a dextris ejus.

Cum judicátur, éxeat
condemnátus : * et orátio
ejus fiat in peccátum.

Fiant dies ejus pauci : *
et episcopátum ejus accí-
piat alter.

Fiant filii ejus órphani : *
et uxor ejus vídua.

Nutántes transferántur
filii ejus, et mendícent : *
et ejiciántur de habitatió-
nibus suis.

Scrutétur fænerátor om-
nem substántiam ejus : *
et dirípiant aliéni labóres
ejus.

Non sit illi adjútor : * nec
sit qui misereátur pupíllis
ejus.

Fiant nati ejus in intéri-
tum : * in generatióne una
deleátur nomen ejus.

Psalmus 108, ii

IN memóriam rédeat iní-
quitas patrum ejus in
conspéctu Dómini : * et
peccátum matris ejus non
deleátur.

Fiant contra Dóminum
semper, et dispéreat de
terra memória eórum : *
pro eo quod non est recor-
dátus fácere misericór-
diam.

Et persecútus est hómi-
nem inopem, et mendí-
cum, * et compúntum
corde mortificáre.

Et diléxit maledictiõem,
et véniet ei : * et nóluit
benedictiõem, et elongá-
bitur ab eo.

Et induit maledictiõem
sicut vestiméntum, * et
intrávit sicut aqua in inte-
rióra ejus, et sicut óleum
in óssibus ejus.

Fiat ei sicut vestimén-
tum, quo operítur : * et
sicut zona, qua semper
præcingitur.

Hoc opus eórum, qui dé-
trahunt mihi apud Dómi-
num : * et qui loquúntur
mala advérsus ánimam
meam.

Et tu, Dómine, Dómine,
fac mecum propter nomen

tuum : * quia suávis est misericórdia tua.

Psalmus 108, iii

Libera me quia egénus, et pauper ego sum : * et cor meum conturbátum est intra me.

Sicut umbra cum declínat, ablátus sum : * et excússus sum sicut locústæ.

Génua mea infirmáta sunt a jejúnio : * et caro mea immutáta est propter óleum.

Et ego factus sum opprobrium illis : * vidérunt me, et movérunt cápita sua.

Adjuva me, Dómine, Deus meus : * salvum me fac secúndum misericórdiam tuam.

Et sciant quia manus tua hæc : * et tu, Dómine, fecísti eam.

Maledícant illi, et tu benedíces : * qui insúrgunt in me, confundántur : servus autem tuus lætábitur.

Induántur qui détrahunt mihi, pudóre : * et operiántur sicut diplóide confusióne sua.

Confitébor Dómino nimis in ore meo : * et in médio multórum laudábo eum.

Quia ástitit a dextris páuperis, * ut salvam fáceret a persecuéntibus ánimam meam.

Ant. Ne tacúeris, Deus, quia sermónibus ódii circumdedérunt me.

In Officio feriali

Capit. 1 Petri 1, 17-19

IN timóre incolátus vestri témpore conversámini : sciéntes quod non corruptibílibus auro vel argénto redémpsiestis, sed pretiósó sáanguine quasi Agni immaculáti Christi.

R. br. Rédime me, Dómine, * Et miserére mei. Rédime. **V.** Pes enim meus stetit in via recta. Et. Glória Patri. Rédime. **V.** Ab occúltis meis munda me, Dómine. **R.** Et ab aliénis parce servo tuo.

In Vigiliis communibus :

Preces feriales

Kyrie, eléison. Christe, eléison. Kýrie, eléison.

Pater noster **secreto usque ad V.** Et ne nos indúcas in tentatióem. **R.** Sed libera nos a malo. **V.** Dómine, Deus virtútum, convérte nos. **R.** Et osténde faciém tuam, et salvi érimus. **V.** Exsúrge, Christe, ádjuva nos. **R.** Et libera nos propter nomen tuum. **V.** Dómine, exáudi oratióem meam. **R.** Et clamor meus ad te véniat.

Reliqua ut in Ordinario. 22

AD VESPERAS

Pater noster **et Ave.**

V. Deus, in adjutórium.

Ant. Benedictus Dóminus. †

¶ **Antiphonæ cum Psalmis** assignatæ semper in Sabbato dicuntur pro I Vesperis Dominicæ sequentis, quando agendum est Officium de ipsa Dominica, in Dominicis minoribus, extra Octavas Sanctissimi Corporis Christi ac Sacratissimi Cordis Jesu.

Psalmus 143, i



Benedictus Dóminus, † Deus meus, qui docet manus meas ad prœlium, * et digitos meos ad bellum.

Misericórdia mea, et refúgium meum : * suscēptor meus, et liberátor meus :

Protēctor meus, et in ipso sperávi : * qui subdit pópulum meum sub me.

Dómine, quid est homo, quia innotuísti ei? * aut fílius hóminis, quia réputas eum?

Homo vanitatí similis factus est : * dies ejus sicut umbra prætereunt.

Dómine, inclína cælos tuos, et descēde : * tange montes, et fumigábunt.

Fúlgura coruscationem, et dissipábis eos : * emítte sagíttas tuas, et conturbábis eos.

Emítte manum tuam de alto, éripe me, et libera me de aquis multis : * de manu filiórum alienórum.

Quorum os locútum est vanitátem : * et dēxtera eórum, dēxtera iniquitátis.

Ant. Benedíctus Dóminus, suscēptor meus, et liberátor meus.

Ant. Beátus pópulus.

Psalmus 143, ii

Deus, cánticum novum cantábo tibi : * in psaltério decachórdo psallam tibi.

Qui das salútem régibus : * qui redemísti David, servum tuum, de gládio maligno : éripe me.

Et érue me de manu filiórum alienórum, quorum os locútum est vanitátem : * et dēxtera eórum, dēxtera iniquitátis :

Quorum filii, sicut novélæ plantatiónes * in juventúte sua.

Fíliæ eórum compósitæ : * circumornatæ ut similitúdo templi.

Promptuária eórum plena, * eructántia ex hoc in illud.

Oves eórum fetósæ, abundántes in egréssibus suis : * boves eórum crassæ.

Non est ruína macériæ, neque tránsitus : * neque clamor in platéis eórum.

Beátum dixerunt pópulum, cui hæc sunt : * beátus pópulus, cujus Dóminus Deus ejus.

Ant. Beátus pópulus, cujus Dóminus Deus ejus.

Ant. Magnus Dóminus.

Psalmus 144, i

Exaltábo te, Deus meus, rex : * et benedícam nómini tuo in sǎculum, et in sǎculum sǎculi.

Per sǐngulos dies benedícam tibi : * et laudábo nomen tuum in sǎculum, et in sǎculum sǎculi.

Magnus Dóminus, et laudábilis nimis : * et magnitúdinis ejus non est finis.

Generátio et generátio laudábit ópera tua : * et poténtiam tuam pronuntiábunt.

Magnificéntiam glóriæ sanctitátis tuæ loquén-
tur : * et mirábilia tua narrábunt.

Et virtútem terribílium tuórum dicent : * et magnitúdinem tuam narrábunt.

Memóriam abundántiæ suavitátis tuæ eructábunt : * et justítia tua exsultábunt.

Ant. Magnus Dóminus, et laudábilis nimis : et magnitúdinis ejus non est finis.

Ant. Suávis Dóminus.

Psalmus 144, ii

Miserátor, et miséricors Dóminus : * pátiens, et multum miséricors.

Suávis Dóminus univér-
sis : * et miseratiónes ejus super ómnia ópera ejus.

Confiteántur tibi, Dómine, ómnia ópera tua : * et sancti tui benedícant tibi.

Glóriam regni tui dicent : * et poténtiam tuam loquén-
tur :

Ut notam fáciant filiis hóminum poténtiam tuam : * et glóriam magnificéntiæ regni tui.

Regnum tuum regnum ómnium sǎculórum : * et dominátio tua in omni generatióne et generatió-
nem.

Ant. Suávis Dóminus univér-
sis : et miseratiónes ejus super ómnia ópera ejus.

Ant. Fidélis Dóminus. †

Psalmus 144, iii

Fidélis Dóminus † in ómnibus verbis suis : * et sanctus in ómnibus opé-
ribus suis.

Allevat Dóminus omnes qui córruunt : * et érigit omnes elísos.

Oculi ómnium in te spe-
rant, Dómine : * et tu das escam illórum in témpore oportúno.

Aperis tu manum tuam : * et imples omne ánimál be-
nedictióne.

Justus Dóminus in ómni-
bus viis suis : * et san-
ctus in ómnibus opéribus suis.

Prope est Dóminus
ómnibus invocántibus

eum : * ómnibus invocántibus eum in veritaté.

Voluntátem timéntium se fáciét : * et deprecatió-nem eórum exáudiet : et salvos fáciét eos.

Custódit Dóminus omnes diligéntes se : * et omnes peccatóres dispérdet.

Laudatió-nem Dómini lo-quétur os meum : * et benedícat omnis caro nó-mini sancto ejus in sá-culum, et in sá-culum sá-culi.

Ant. Fidélis Dóminus in ómnibus verbis suis : et sanctus in ómnibus opéri-bus suis.

In Sabbatis extra Octavas Ssmi Corporis Christi ac Sa-cratiissimi Cordis Jesu dicitur

Capitulum Rom. 11, 33

O Altitúdo divitiárum sapiéntiæ et sciéntiæ Dei : quam incomprehen-sibília sunt judícia ejus, et investigábiles viæ ejus!

Hymnus

JAM sol recédit igneus : Tu, lux perénis, Uni-tas, Nostris, beáta Trínitas, Infúnde lumen córdibus.

Te mane laudum cármine, Te deprecámur vespere; Dignéris ut te súpplíces Laudémus inter Cælites.

* **P**atri, simúlque Fílio, Tibíque, Sancte Spíritus,

Sicut fuit, sit júgiter Sæclum per omne glória. Amen.

V. Vespertína orátio ascéndat ad te, Dómine.

R. Et descéndat super nos misericórdia tua.

Ad Magnificat Antiphona ut in Proprio de Tempore.

Expleto Cantico ac repetita Antiphona, dicitur Oratio Dominicæ sequentis propria, quæ per totam hebdomadam suam in feriali Officio adhibetur, nisi specialis Oratio habeatur.

Reliqua ut in Ordinario. 22

AD COMPLETORIUM

V. Jube, domne.

Bened. Noctem quiétam, et finem perféctum concéd-at nobis Dóminus omní-potens. **R.** Amen.

Lectio br. 1 Petri 5, 8-9

Fratres : Sóbrii estóte, et vigiláte : quia ad-versárius vester diábolus tamquam leo rúgiens cír-cuit, quærens quem dévo-ret : cui resístite fortes in fide. Tu autem.

R. Deo grátias.

V. Adjutórium nostrum in nómine Dómini. **R.** Qui fecit cælum et terram.

Pater noster, quod dici-tur totum secreto.

Confiteor. Misereátur. In-dulgéntiam.

V. Convérte nos, Deus, salutáris noster. **R.** Et avérte iram tuam a nobis.

V. Deus, in adjutórium.

Ant. Intret orátio mea.

Psalmus 87



Domine, Deus salutis meæ : * in die clamávi, et nocte coram te.

Intret in conspéctu tuo orátio mea : * inclína aurem tuam ad precem meam :

Quia repléta est malis ánima mea : * et vita mea inférno appropinquávit.

Æstimátus sum cum descendéntibus in lacum : * factus sum sicut homo sine adjutório, inter mórtuos liber.

Sicut vulneráti dormiéntes in sepúlcris, quorum non es memor ámplius : * et ipsi de manu tua repúlsi sunt.

Posuérunt me in lacu inferióri : * in tenebrósis, et in umbra mortis.

Super me confirmátus est furor tuus : * et omnes fluctus tuos induxísti super me.

Longe fecísti notos meos a me : * posuérunt me abominatióem sibi.

Tráditus sum, et non egrediébar : * óculi mei languérunt præ inópia.

Clamávi ad te, Dómine,

tota die : * expándi ad te manus meas.

Numquid mórtuis fácies mirabília : * aut médici suscitábunt, et confitebúntur tibi?

Numquid narrábit áliquis in sepúlcro misericórdiam tuam, * et veritátem tuam in perditiónem?

Numquid cognoscéntur in ténebris mirabília tua, * et justítia tua in terra obli-viónis?

Et ego ad te, Dómine, clamávi : * et mane orátio mea prævéniat te.

Ut quid, Dómine, repéllis oratióem meam : * avértis faciém tuam a me?

Pauper sum ego, et in labóribus a juventúte mea : * exaltátus autem, humiliátus sum et conturbátus.

In me transiérunt iræ tuæ : * et terróres tui conturbavérunt me.

Circumdedérunt me sicut aqua tota die : * circumdedérunt me simul.

Elongásti a me amicum et próximum : * et notos meos a miséria.

Psalmus 102, i

Benedic, ánima mea, Dómino : * et ómnia, quæ intra me sunt, nómini sancto ejus.

Bénedic, ánima mea, Dómino : * et noli oblivísci omnes retributiónes ejus.

Qui propitiátur ómnibus iniquitatibus tuis : * qui sanat omnes infirmitates tuas.

Qui rédimit de intéritu vitam tuam : * qui coronat te in misericórdia et miseratióibus.

Qui replet in bonis desiderium tuum : * renovábitur ut áquilæ juvéntus tua :

Fáciens misericórdias Dóminus : * et iudícium ómnibus injúriam patiéntibus.

Notas fecit vias suas Móysi, * fíliis Israël voluntates suas.

Miserátor, et miséricors Dóminus : * longánimis, et multum miséricors.

Non in perpétuum irascétur : * neque in ætérnum comminábitur.

Non secúndum peccáta nostra fecit nobis : * neque secúndum iniquitates nostras retríbuit nobis.

Quóniam secúndum altitúdinem cæli a terra : * corroborávit misericórdiam suam super timéntes se.

Quantum distat ortus ab occidénte : * longe fecit a nobis iniquitates nostras.

Psalmus 102, ii

QUÓmodo miserétur pater filiórum, misértus est Dóminus timéntibus se : * quóniam ipse cognóvit figméntum nostrum.

Recordátus est quóniam

pulvis sumus : * homo, sicut fœnum dies ejus, tamquam flos agri sic efflorébit.

Quóniam spíritus pertransíbit in illo, et non subsístet : * et non cognóscet ámplius locum suum.

Misericórdia autem Dómini ab ætérno, * et usque in ætérnum super timéntes eum.

Et justítia illíus in fílios filiórum, * his qui servant testaméntum ejus :

Et mémores sunt mandatorum ipsíus, * ad faciéndum ea.

Dóminus in cælo parávit sedem suam : * et regnum ipsíus ómnibus dominábitur.

Benedícite Dómino, omnes Angeli ejus : * poténtes virtúte, faciéntes verbum illíus, ad audiéndam vocem sermónum ejus.

Benedícite Dómino, omnes virtútes ejus : * ministri ejus, qui fácitis voluntatem ejus.

Benedícite Dómino, ómnia ópera ejus : * in omni loco dominatiónis ejus, benedic, ánima mea, Dómino.

Ant. Intret orátio mea in conspéctu tuo, Dómine.

Hymnus

TE lucis ante términum, Rerum Créator, póscimus,

Ut pro tua cleméntia Sis præsul et custódia.

Procul recédant sómnia,
Et nóctium phantásmata;
Hostémque nostrum cóm-
prime,
Ne polluéantur córpora.

* **Præsta**, Pater piissi-
me,
Patrique compar Unice,
Cum Spíritu Paráclito,
Regnans per omne sæcu-
lum. Amen.

Capitulum Jer. 14, 9

TU autem in nobis es,
Dómine, et nomen san-
ctum tuum invocátum est
super nos : ne derelín-
quas nos, Dómine, Deus
noster.

℟. br. In manus tuas,
Dómine, * Comméndo spí-
ritum meum. In. ℣. Rede-
místi nos, Dómine, Deus
veritátis. Comméndo. Gló-
ria Patri. In manus. ℣. Cu-
stódi nos, Dómine, ut pu-
pillam óculi. ℟. Sub umbra
alárum tuárum prótege
nos.

Ant. Salva nos.

Canticum Simeonis

Luc. 2, 29-32

Nunc dimíttis servum
tuum, Dómine, * se-
cúndum verbum tuum in
pace :

Quia vidérunt óculi mei *
salutáre tuum,

Quod parásti * ante fá-
ciem ómnium populórum,
Lumen ad revelatióem

géntium, * et glóriam ple-
bis tuæ Israël.

Ant. Salva nos, Dómine,
vigilántes, custódi nos
dormiéntes; ut vigilémus
cum Christo, et requiescá-
mus in pace.

Preces (si dicendæ sint)

KYrie, eléison. Christe,
eléison. Kýrie, eléison.
Pater noster **secreto us-
que ad ℣.** Et ne nos indú-
cas in tentatióem. ℟. Sed
libera nos a malo.

Credo in Deum **secreto
usque ad ℣.** Carnis resur-
rectiόem. ℟. Vitam ætér-
nam. Amen. ℣. Benedí-
ctus es, Dómine, Deus
patrum nostrórum. ℟. Et
laudábilis et gloriósus in
sæcula. ℣. Benedicámus
Patrem et Fílium cum
Sancto Spíritu. ℟. Laudé-
mus, et superexaltémus
eum in sæcula. ℣. Benedí-
ctus es, Dómine, in firma-
ménto cæli. ℟. Et laudábi-
lis, et gloriósus, et super-
exaltátus in sæcula. ℣. Be-
nedícat et custódiat nos
omnípotens et miséricors
Dóminus. ℟. Amen. ℣. Di-
gnáre, Dómine, nocte ista.
℟. Sine peccáto nos custo-
díre. ℣. Miserére nostri,
Dómine. ℟. Miserére no-
stri. ℣. Fiat misericórdia
tua, Dómine, super nos.
℟. Quemádmódum sperá-
vimus in te. ℣. Dómine,
exáudi oratióem meam.

℟. Et clamor meus ad te
véniat.

℣. Dóminus vobíscum.

Orémus.

Oratio

Visita, quæsumus, Dó-
mine, habitatióem
istam, et omnes insídias
inimíci ab ea longe re-
pélle : Angeli tui sancti
hábitent in ea, qui nos in
pace custódiant; et bene-
dictio tua sit super nos

semper. Per Dóminum no-
strum. ℟. Amen.

℣. Dóminus vobíscum.

℣. Benedicámus Dómino.

Benedictio Benedícat et
custódiat nos omnípotens
et miséricors Dóminus,
Pater, et Fílius, et Spíri-
tus Sanctus. ℟. Amen.

Antiphona finalis B. M. V.

℣. Divínium auxílium.

Pater, Ave María **et** Credo.





Proprium de Tempore

DOMINICA I POST PENTECOSTEN

In Feste S^mae Trinitatis

DUPLEX I CLASSIS

IN I VESPERIS

Ant. 1 Glória tibi, Trínitas * æquális, una Déitas, et ante ómnia sácula, et nunc et in perpétuum.

Psalmi de Dominica 57, sed loco ultimi Ps. 116 Laudáte Dóminum, omnes gentes. **78**

2 Laus et perénis glória * Deo Patri, et Fílio, Sancto simul Paráclito, in sæculórum sácula.

3 Glória laudis * résonet in ore ómnium, Patri, genitæque Proli, Spíritui Sancto páriter resúltet laude perénni.

4 Laus Deo Patri, * parílique Proli, et tibi, Sancte, stúdio perénni, Spíritus, nostro résonet ab ore, omne per ævum.

5 Ex quo ómnia, * per quem ómnia, in quo ómnia : ipsi glória in sácula.

Capitulum Rom. 11, 33

O Altitúdo divitiárum sapiéntiæ et sciéntiæ Dei : quam incomprehensibília sunt iudícia ejus, et investigábiles viæ ejus!

Hymnus

JAM sol recédit ígneus :
Tu, lux perénis, Unitas,
Nostris, beáta Trínitas,
Infúnde amórem córdibus.

Te mane laudum cármine,
Te deprecámur vespere;
Dignéris ut te súplices
Laudémus inter cælites.

Patri, simúlque Fílio,
Tibíque, Sancte Spíritus,
Sicut fuit, sit júgiter
Sæclum per omne glória.
Amen.

✠. Benedicámus Patrem
et Fílium cum Sancto Spí-
ritu. ✠. Laudémus et su-
perexaltémus eum in sæ-
cula.

Ad Magnif. Ant. Grá-
tias * tibi, Deus, grátias
tibi, vera et una Trínitas,
una et summa Déitas,
sancta et una Unitas.

Oratio

OMnípotens sempitérne
Deus, qui dedísti fá-
mulis tuis in confessióne
veræ fidei, æternæ Trini-
tátis glóriam agnóscere,
et in poténtia majestátis
adoráre Unitátem : quæ-
sumus; ut, ejúsdem fidei
firmitáte, ab ómnibus sem-
per muniámur advérsis.
Per Dóminum.

**Et fit Commemoratio Do-
minicæ occurrentis :**

Ant. Lóquere, Dómine,
quia audit servus tuus.

✠. Vespertína orátio as-
céndat ad te, Dómine.
✠. Et descéndat super nos
misericórdia tua.

Oratio

DEus, in te sperántium
fortitúdo, adésto propí-
tius invocatióibus no-
stris : et quia sine te nihil
potest mortális infírmitas,

præsta auxiliúm grátiae
tuæ; ut in exsequéndis
mandátis tuis, et volun-
táte tibi et actióne placeá-
mus. Per Dóminum.

**Completorium de Domi-
nica.**

AD MATUTINUM

Invitat. Deum verum,
unum in Trinitáte, et Tri-
nitátem in Unitáte, * Ve-
níte, adorémus. **Ps. 94**
Veníte, exsultémus. 3

Hymnus

Summæ Parens clemén-
tiæ,
Mundi regis qui máchi-
nam,
Unius et substántiæ,
Trínusque persónis Deus :
Da dexteram surgéntibus,
Exsúrgat ut mens sóbria,
Flagrans et in laudem Dei
Grates repéndat débitas.
Deo Patri sit glória,
Natóque Patris único,
Cum Spíritu Paráclito,
In sempitérna sæcula.
Amen.

In I Nocturno

Ant. Adésto, unus Deus *
omnípotens, Pater, Fílius,
et Spíritus Sanctus.

Psalmus 8



Domine, Dóminus
noster, * quam ad-
mirábile est nomen
tuum in univérsa terra!

Quóniam eleváta est ma-
gnificéntia tua, * super
cælos.

Ex ore infántium et lacténtium perfecísti laudem propter inimícos tuos, * ut déstruas inimícum et ultórem.

Quóniam vidébo cælos tuos, ópera digitórum tuórum : * lunam et stellas, quæ tu fundásti.

Quid est homo, quod memor es ejus? * aut fílius hóminis, quóniam vísitas eum?

Minuísti eum paulo minus ab Angelis, glória et honóre coronásti eum : * et constituísti eum super ópera mánuum tuárum.

Omnia subjecísti sub pedibus ejus, * oves et boves univérsas : insuper et pécora campi.

Vólucres cæli, et pisces maris, * qui perámbulant sémitas maris.

Dómine, Dóminus noster, * quam admirábile est nomen tuum in univérsa terra!

Ant. Adésto, unus Deus omnípotens, Pater, Fílius, et Spíritus Sanctus.

Ant. Te unum * in substantia, Trinitátem in personis confitémur.

Psalmus 18

CÆli enarrant glóriam Dei, * et ópera mánuum ejus annúnciat firmaméntum.

Dies diéi erúctat verbum, * et nox nocti índicat sciéntiam.

Non sunt loquélæ, neque sermónes, * quorum non audiántur voces eórum.

In omnem terram exívit sonus eórum : * et in fines orbis terræ verba eórum.

In sole pósuit tabernáculum suum : * et ipse tamquam sponsus procedens de thálamo suo :

Exsultávit ut gigas ad curréndam viam, * a summo cælo egréssio ejus :

Et occúrsus ejus usque ad summum ejus : * nec est qui se abscóndat a calore ejus.

Lex Dómini immaculáta, convértens ánimas : * testimónium Dómini fidéle, sapiéntiam præstans párvulis.

Justítiæ Dómini rectæ, lætificántes corda : * præceptum Dómini lúcidum, illúminans óculos.

Timor Dómini sanctus, pérmanens in sæculum sæculi : * judícia Dómini vera, justificáta in semetípsa.

Desiderábilia super aurum et lápidem pretiósum multum : * et dulcióra super mel et favum.

Etenim servus tuus custódit ea, * in custodiéndis illis retribútio multa.

Delicta quis intélligit? ab occúltis meis munda me : * et ab aliénis parce servo tuo.

Si mei non fúerint domináti, tunc immaculátus

ero : * et emundábor a delicto máximo.

Et erunt ut compláceant elóquia oris mei : * et meditatio cordis mei in conspectu tuo semper.

Dómine, adjutor meus, * et redemptor meus.

Ant. Te unum in substantia, Trinitatem in personis confitemur.

Ant. Te semper idem * esse, vivere, et intelligere, profitemur.

Psalmus 23

Domini est terra, et plenitudo ejus : * orbis terrarum, et universi qui habitant in eo.

Quia ipse super maria fundavit eum : * et super flumina preparavit eum.

Quis ascendet in montem Domini? * aut quis stabit in loco sancto ejus?

Innocens manibus et mundo corde, * qui non accepit in vano animam suam, nec juravit in dolo proximo suo.

Hic accipiet benedictionem a Domino : * et misericordiam a Deo, salutari suo.

Hæc est generatio querentium eum, * querentium faciem Dei Jacob.

Attollite portas, principes, vestras, et elevamini, portæ æternales : * et introibit Rex gloriæ.

Quis est iste Rex gloriæ?

* Dominus fortis et potens : Dominus potens in proelio.

Attollite portas, principes, vestras, et elevamini, portæ æternales : * et introibit Rex gloriæ?

Quis est iste Rex gloriæ? * Dominus virtutum ipse est Rex gloriæ.

Ant. Te semper idem esse, vivere, et intelligere, profitemur.

V. Benedicamus Patrem et Filium cum Sancto Spiritu. **R.** Laudemus et superexaltemus eum in sæcula.

De Isaia Propheta

Lectio i **Cap. 6, 1-12**

IN anno, quo mortuus est rex Ozías, vidi Dominum sedentem super solum excelsum et elevatum : et ea, quæ sub ipso erant, replabant templum. Séraphim stabant super illud : sex alæ uni, et sex alæ alteri : duabus velabant faciem ejus, et duabus velabant pedes ejus, et duabus volabant. Et clamabant alter ad alterum, et dicebant : Sanctus, sanctus, sanctus Dominus Deus exercituum, plena est omnis terra gloria ejus. Et commota sunt superliminaria cardinum a voce clamantis, et domus replata est fumo.

℟. Vidi Dóminum sedentem super sólum excelsum et elevátum, et plena erat omnis terra majestáte ejus : * Et ea, quæ sub ipso erant, replébant templum. ℣. Séraphim stabant super illud : sex alæ uni, et sex alæ álteri. — Et.

Lectio ii

ET dixi : Væ mihi, quia tácuí, quia vir pollútus lábiis ego sum, et in médio pópuli pollúta lábia habéntis ego hábito, et Regem Dóminum exercítuum vidi óculis meis. Et volávit ad me unus de Séraphim, et in manu ejus cálculus, quem fórcipe túlerat de altári. Et tétigit os meum, et dixit : Ecce, tétigit hoc lábia tua, et auferétur iniquitas tua, et peccátum tuum mundábitur. Et audívi vocem Dómini dicéntis : Quem mittam? et quis ibit nobis? Et dixi : Ecce ego, mitte me.

℟. Benedictus Dóminus, Deus Israël, qui facit mirabilia magna solus : * Et benedíctum nomen majestátis ejus in ætérnum. ℣. Replébitur majestáte ejus omnis terra : fiat, fiat. — Et.

Lectio iii

ET dixit : Vade, et dices pópulo huic : Audíte audiéntes, et nolíte intelli-

gere : et vidéte visiónem, et nolíte cognóscere. Excæca cor pópuli hujus, et aures ejus aggráva, et óculos ejus claude, ne forte vídeat óculis suis, et áuribus suis áudiat, et corde suo intélligat, et convertátur, et sanem eum. Et dixi : Usquequo, Dómine? Et dixit : Donec desoléntur civitatés absque habitatóre, et domus sine hómine, et terra relinquetur désérta, et longe fáciet Dóminus hómines, et multiplicábitur quæ derelicta fúerat in médio terræ.

℟. Benedícat nos Deus, Deus noster, benedícat nos Deus : * Et métuant eum omnes fines terræ. ℣. Deus misereátur nostri, et benedícat nos Deus. — Et. Glória Patri. Et.

In II Nocturno

Ant. Te invocámus, * te laudámus, te adorámus, o beáta Trinitas.

Psalmus 46



Mnes gentes, pláudite mánibus : * jubilate Deo in voce exsultatiónis.

Quóniam Dóminus excelsus, terríbilis : * Rex magnus super omnem terram.

Subjécit pópulos nobis : * et gentes sub pédibus nostris.

Elégit nobis hereditátem suam : * spéciem Jacob, quam diléxit.

Ascéndit Deus in júbilo : * et Dóminus in voce tubæ.

Psállite Deo nostro, psállite : * psállite Regi nostro, psállite.

Quóniam Rex omnis terræ Deus : * psállite sapiénter.

Regnabit Deus super gentes : * Deus sedet super sedem sanctam suam.

Príncipes populórum congregáti sunt cum Deo Abraham : * quóniam dii fortes terræ veheménter eleváti sunt.

Ant. Te invocámus, te laudámus, te adorámus, o beáta Trínitas.

Ant. Spes nostra, * salus nostra, honor noster, o beáta Trínitas.

Psalmus 47

Magnus Dóminus, et laudábilis nimis * in civitáte Dei nostri, in monte sancto ejus.

Fundátur exsultatióne univérsæ terræ mons Sion, * látera Aquilónis, cívitas Regis magni.

Deus in dómibus ejus cognoscétur, * cum suscípiet eam.

Quóniam ecce reges terræ congregáti sunt : * convénérunt in unum.

Ipsi vidéntes sic admi-

rátí sunt, conturbáti sunt, commóti sunt : * tremor apprehéndit eos.

Ibi dolóres ut parturiéntis : * in spíritu veheménti cónteres naves Tharsis.

Sicut audívimus, sic vídimus in civitáte Dómini virtútum, in civitáte Dei nostri : * Deus fundávit eam in ætérnum.

Suscépimus, Deus, misericórdiam tuam, * in médio templi tui.

Secúndum nomen tuum, Deus, sic et laus tua in fines terræ : * justítia plena est délixtera tua.

Lætétur mons Sion, et exsúltent filíæ Judæ, * propter judícia tua, Dómine.

Circúmdate Sion, et compectímini eam : * narráte in túrribus ejus.

Pónite corda vestra in virtúte ejus : * et distribúite domos ejus, ut enaréti in progénie áltera.

Quóniam hic est Deus, Deus noster in ætérnum, et in sáculum sáculi : * ipse reget nos in sácula.

Ant. Spes nostra, salus nostra, honor noster, o beáta Trínitas.

Ant. Líbera nos, * salva nos, vivífica nos, o beáta Trínitas.

Psalmus 71

Deus, judícium tuum regi da : * et justítiam tuam filio regis :

Judicâre pópulum tuum in justítia, * et páuperes tuos in iudício.

Suscípiant montes pacem pópulo : * et colles justítiam.

Judicábit páuperes pópuli, et salvos fáciat filios páuperum : * et humiliábit calumniatórem.

Et permanébit cum sole, et ante lunam, * in generatióne et generatióne.

Descéndet sicut plúvia in vellus : * et sicut stillicidia stillántia super terram.

Oriétur in diébus ejus justítia, et abundántia pacis : * donec auferátur luna.

Et dominábitur a mari usque ad mare : * et a flúmine usque ad términos orbis terrárum.

Coram illo prócident Æthíopes : * et inimíci ejus terram lingent.

Reges Tharsis, et insulæ múnera ófferent : * reges Arabum et Saba dona adúcent.

Et adorábunt eum omnes reges terræ : * omnes gentes sérvient ei :

Quia liberábit páuperem a poténte : * et páuperem, cui non erat adjútor.

Parcet páuperi et ínopi : * et ánimas páuperum salvas fáciat.

Ex usúris et iniquitáte rédimet ánimas eórum : * et honorábile nomen eórum coram illo.

Et vivet, et dábitur ei de auro Arábiæ, et adorábunt de ipso semper : * tota die benedícant ei.

Et erit firmaméntum in terra in summis móntium, superextollétur super Líbanum fructus ejus : * et florébunt de civitáte sicut fœnum terræ.

Sit nomen ejus benedíctum in sácula : * ante solem pérmanet nomen ejus.

Et benedícantur in ipso omnes tribus terræ : * omnes gentes magnificábunt eum.

Benedíctus Dóminus, Deus Israél, * qui facit mirabília solus :

Et benedíctum nomen majestátis ejus in ætérnum : * et replébitur majestáte ejus omnis terra : fiat, fiat.

Ant. Líbera nos, salva nos, vivífica nos, o beáta Trínitas.

V. Benedíctus es, Dómine, in firmaménto cæli.

R. Et laudábilis et gloriósus in sácula.

Ex libro sancti Fulgéntii Epíscopi, de fide ad Petrum

Inter Opera Augustini, tom. 3

Lectio iv



Ides, quam sancti Patriárchæ atque Prophétæ ante incarnationem Filii Dei divínitus accepérunt, quam

étiam sancti Apóstoli ab ipso Dómino in carne pósito audiérunt, et Spíritus Sancti magistério instrúcti non solum sermóne prædicavérunt, verum étiam ad instructiónem salubérrimam posterórum scriptis suis índitam reliquérunt; unum Deum prædicat Trinitátem, id est, Patrem, et Fílium, et Spíritum Sanctum. Sed Trínitas vera non esset, si una eadémque persóna dicerétur Pater et Fílius et Spíritus Sanctus.

℟. Quis Deus magnus sicut Deus noster? * Tu es Deus, qui facis mirabilia.

℣. Notam fecisti in pópulis virtútem tuam : redemísti in bráchio tuo pópulum tuum. — Tu.

Lectio v

SI enim, sicut est Patris, et Filii, et Spíritus Sancti una substántia, sic esset una persóna; nihil omníno esset, in quo veráriter Trínitas dicerétur. Rursus quidem Trínitas esset vera, sed unus Deus Trínitas ipsa non esset, si quemádmódum Pater, et Fílius, et Spíritus Sanctus personárum sunt ab invicem proprietáte distínti, sic fuissent naturárum quoque diversitáte discrétí. Sed quia in illo uno vero Deo Trinitáte, non

solum quod unus Deus est, sed étiam quod Trínitas est, naturáliter verum est; proptérea ipse verus Deus in persónis Trínitas est, et in una natúra unus est.

℟. Tibi laus, tibi glória, tibi gratiárum áctio in sæcula sempitérna, * O beáta Trínitas. ℣. Et benedictum nomen glóriæ tuæ sanctum : et laudábile et superexaltátum in sæcula. — O beáta.

Lectio vi

PER hanc unitátem naturálem totus Pater in Fílio et Spíritu Sancto est, totus Fílius in Patre et Spíritu Sancto est, totus quoque Spíritus Sanctus in Patre et Fílio. Nullus horum extra quémlibet ipsórum est : quia nemo álium aut præcédit æternitáte, aut excédit magnitúdine, aut súperat potestáte : quia nec Fílio nec Spíritu Sancto, quantum ad natúræ divínæ unitátem pértinet, aut antérior aut major Pater est; nec Filii æternitas atque imménsitas, velut antérior aut major, Spíritus Sancti immensitátem æternitátisque aut præcédere aut excédere naturáliter potest.

℟. Magnus Dóminus, et laudábilis nimis : * Et sa-

piéntiæ ejus non est númerus. **℣.** Magnus Dóminus, et magna virtus ejus : et sapiéntiæ ejus non est finis. — Et sapiéntiæ. **Glória Patri.** Et sapiéntiæ.

In III Nocturno

Ant. Cáritas * Pater est, grátia Fílius, communicatio Spíritus Sanctus, o beáta Trínitas.

Psalmus 95



Cantáte Dómino cánticum novum : * cantáte Dómino, omnis terra.

Cantáte Dómino, et benedicite nómini ejus : * annuntiáte de die in diem salutáre ejus.

Annuntiáte inter gentes glóriam ejus, * in ómnibus pópulis mirabília ejus.

Quóniam magnus Dóminus, et laudábilis nimis : * terríbilis est super omnes deos.

Quóniam omnes dii géntium dæmónia : * Dóminus autem cælos fecit.

Conféssio, et pulchritúdo in conspéctu ejus : * sanctimónia et magnificéntia in sanctificatióne ejus.

Afférte Dómino, pátriæ géntium, afférte Dómino glóriam et honórem : * afférte Dómino glóriam nómini ejus.

Tóllite hóstias, et introíte in átria ejus : * adoráte

Dóminum in átrio sancto ejus.

Commovéatur a fácie ejus univérsa terra : * dícite in géntibus quia Dóminus regnávit.

Etenim corréxit orbem terræ qui non commovébitur : * judicábit pópulos in æquitáte.

Læténtur cæli, et exsúltet terra : commovéatur mare, et plenitúdo ejus : * gaudébunt campi, et ómnia quæ in eis sunt.

Tunc exsultábunt ómnia ligna silvárum a fácie Dómini, quia venit : * quóniam venit judicáre terram.

Judicábit orbem terræ in æquitáte, * et pópulos in veritáte sua.

Ant. Cáritas Pater est, grátia Fílius, communicatio Spíritus Sanctus, o beáta Trínitas.

Ant. Verax est * Pater, véritas Fílius, véritas Spíritus Sanctus, o beáta Trínitas.

Psalmus 96

Dominus regnávit, exsúltet terra : * læténtur insulæ multæ.

Nubes, et caligo in circúitu ejus : * justítia, et judícium corréctio sedis ejus.

Ignis ante ipsum præcédet, * et inflammábit in circúitu inimícos ejus.

Illuxérunt fúlgura ejus
orbi terræ : * vidit, et
commóta est terra.

Montes, sicut cera fluxé-
runt a fácie Dómini : * a
fácie Dómini omnis terra.

Annuntiavérunt cæli ju-
stítiam ejus : * et vidé-
runt omnes pópuli glóriam
ejus.

Confundántur omnes, qui
adórant sculptília : * et
qui gloriántur in simulá-
cris suis.

Adoráte eum, omnes An-
geli ejus : * audívit, et
lætáta est Sion.

Et exsultavérunt filíæ
Judæ, * propter judícia
tua, Dómine.

Quóniam tu Dóminus Al-
tíssimus super omnem ter-
ram : * nimis exaltátus es
super omnes deos.

Qui dilígitis Dóminum,
odíte malum : * custódit
Dóminus ánimas sanctó-
rum suórum, de manu
peccatóris liberábit eos.

Lux orta est justo, * et
rectis corde lætítia.

Lætámini, justí, in Dó-
mino : * et confitémini
memóriæ sanctificatiónis
ejus.

Ant. Verax est Pater,
véritas Fílius, véritas Spí-
ritus Sanctus, o beáta Trí-
nitas.

Ant. Pater, * et Fílius, et
Spíritus Sanctus una sub-
stántia est, o beáta Tríni-
tas.

Psalmus 97

CAntáte Dómino cánti-
cum novum : * quia
mirabilia fecit.

Salvávit sibi délixtera
ejus : * et bráchium san-
ctum ejus.

Notum fecit Dóminus sa-
lutáre suum : * in con-
spéctu géntium revelávit
justítiam suam.

Recordátus est miseri-
córdiæ suæ, * et veritátis
suæ dómui Israél.

Vidérunt omnes términi
terræ * salutáre Dei nostri.

Jubiláte Deo, omnis ter-
ra : * cantáte, et exsul-
táte, et psállite.

Psállite Dómino in cítha-
ra, in cíthara et voce psal-
mi : * in tubis ductílibus,
et voce tubæ córneæ.

Jubiláte in conspéctu re-
gis Dómini : * moveátur
mare, et plenitúdo ejus :
orbis terrárum, et qui há-
bitant in eo.

Flúmina plaudent manu,
simul montes exsultábunt
a conspéctu Dómini : *
quóniam venit judicáre
terram.

Judicábit orbem terrárum
in justítia, * et pópulos in
æquitáte.

Ant. Pater, et Fílius, et
Spíritus Sanctus una sub-
stántia est, o beáta Tríni-
tas.

℟. Verbo Dómini cæli fir-
máti sunt. **℞.** Et Spíritu

oris ejus omnis virtus eorum.

Lectio sancti Evangelii
secundum Matthæum

Lectio vii Cap. 28, 18-20

IN illo tempore : Dixit Jesus discipulis suis : Data est mihi omnis potestas in cælo et in terra. Eúntes ergo docéte omnes gentes, baptizántes eos in nómine Patris, et Fílii, et Spíritus Sancti. Et réliqua.

Homília sancti Gregórii
Nazianzéni

Tractatus de fide,
post initium



Uis catholicórum ignórat Patrem vere esse Patrem, Fílium vere esse Fílium, et Spíritum Sanctum vere esse Spíritum Sanctum? sicut ipse Dóminus ad Apóstolos suos dicit : Eúntes baptizáte omnes gentes in nómine Patris, et Fílii, et Spíritus Sancti. Hæc est perfécta Trínitas in unitáte consistens, quam scílicet unius substantiæ profitémur. Non enim nos secundum córporum conditionem, divisionem in Deo fácimus; sed secundum divínæ naturæ poténtiam, quæ in matéria non est, et nóminum persónas vere constáre crédimus, et unitátem divinitátis esse testámur.

℟. Benedicámus Patrem, et Fílium cum Sancto Spíritu : * Laudémus et superexaltémus eum in sæcula. **℣.** Benedíctus es, Dómine, in firmaménto cæli : et laudábilis et gloriósus in sæcula. — Laudémus.

Bened. Divínium auxílium.

Lectio viii

NEC extensionem partis alicújus ex parte, ut quidam putavérunt, Dei Fílium dicimus : nec verbum sine re, velut sonum vocis, accípimus : sed tria nómina et tres persónas unius esse esséntiæ, unius majestátis atque poténtiæ crédimus. Et ideo unum Deum confitémur : quia únitás majestátis, plúrium vocábulo deos próhibet appellári. Dénique Patrem et Fílium cathólice nominámus; duos autem Deos dicere, nec póssumus, nec debémus. Non quod Fílius Dei Deus non sit, immo verus Deus de Deo vero; sed quia non aliúnde, quam de ipso uno Patre, Dei Fílium nóvimus, perínde unum Deum dicimus. Hoc enim Prophétæ, hoc Apóstoli tradidérunt; hoc ipse Dóminus dócuit, cum dicit : Ego et Pater unum sumus. Unum ad unitátem divinitátis, ut dixi, refert; Sumus autem, persónis assignat.

℟. Duo Séraphim clamábant alter ad álterum : * Sanctus, sanctus, sanctus Dóminus, Deus Sábaoth : * Plena est omni terra glória ejus. ℣. Tres sunt qui testimónium dant in cælo : Pater, Verbum, et Spíritus Sanctus; et hi tres unum sunt. — Sanctus. Glória Patri. Plena.

Bened. Per evangélica dicta.

Lectio sancti Evangélii
secúndum Lucam

Lectio ix Cap. 6, 36-42

IN illo témpore : Dixit Jesus discipulis suis : Estóte misericórdes, sicut et Pater vester miséricors est. Et réliqua.

Homília sancti Augustíni
Epíscopi

**Sermo 15 in Ev. Matthæi de
verbis Domini, post initium**

DUO sunt ópera miséricordiæ, quæ nos liberant, quæ breviter ipse Dóminus pósuit in Evangélio : Dimittite, et dimittétur vobis; date, et dábitur vobis. Dimittite, et dimittétur vobis, ad ignoscéndum pértinet : Date, et dábitur vobis, ad præstándum benefícium pértinet. Quod ait de ignoscendo, et tu vis tibi ignósci quod peccas, et habes álium, cui tu possis ignóscere. Rursus, quod pérti-

net ad tribuéndum benefícium, petit te mendícus, et tu es Dei mendícus. Omnes enim, quando orámus, mendíci Dei sumus : ante jánuam magni Patrisfamílias stamus, immo et prostérnimur, súplices ingemíscimus, áliquíd voléntes accípere; et ipsum áliquíd, ipse Deus est. Quid a te petit mendícus? Panem. Et tu quid petis a Deo, nisi Christum, qui dicit : Ego sum panis vivus, qui de cælo descénderé? Ignósci vobis vultis? ignóscite : Remíttite, et remittétur vobis. Accípere vultis? date, et dábitur vobis. Te Deum laudámus. 7

AD LAUDES

Ant. 1 Glória tibi, Trínitas * æquális, una Déitas, et ante ómnia sácula, et nunc et in perpétuum.

Psalmi de Dominica. 36

2 Laus et perénnis glória * Deo Patri, et Fílio, Sancto simul Paráclito, in sæculórum sácula.

3 Glória laudis * résonet in ore ómnium, Patri, genitæque Proli, Spíritui Sancto páriter resúltet laude perénni.

4 Laus Deo Patri, * parílique Proli, et tibi, Sancte, stúdio perénni, Spíritus, nostro résonet ab ore, omne per ævum.

5 Ex quo ómnia, * per quem ómnia, in quo ómnia : ipsi glória in sæcula.

Capitulum Rom. 11, 33

O Altitúdo divitiárum sapiéntiæ et sciéntiæ Dei : quam incomprehensibília sunt iudícia ejus, et investigábiles viæ ejus!

Hymnus

TU, Trinitátis Unitas,
Orbem poténter quæ regis,
Atténde laudis cánticum,
Quod excubántes psállimus.

Ortus refúlget Lúcifer,
Præitque solem núnctius :
Cadunt tenébræ nóctium :
Lux sancta nos illúminet.

Deo Patri sit glória,
Ejúsque soli Fílio,
Cum Spíritu Paráclito,
Nunc et per omne sæculum. Amen.

✠. Benedicámus Patrem et Fílium cum Sancto Spíritu. ✠. Laudémus et superexaltémus eum in sæcula.

Ad Bened. Ant. Benedícta sit * sancta créatrix et gubernátrix ómnium, sancta et indivídua Trínitas, nunc, et semper, et per infinita sæcula sæculórum.

Oratio

OMnípotens sempitérne Deus, qui dedísti fámulis tuis in confessióne

veræ fidei, ætérnæ Trinitátis glóriam agnóscere, et in poténtia majestátis adoráre Unitátem : quæsumus; ut, ejúsdem fidei firmitáte, ab ómnibus semper muniámur advérsis. Per Dóminum.

Et fit Commem. Dominicæ.

Ant. Estóte ergo misericórdes, sicut et Pater vester miséricors est, dicit Dóminus.

✠. Dóminus regnávit, decórem induit. ✠. Induit Dóminus fortitúdinem, et præcínxit se virtúte.

Oratio

DEus, in te sperántium fortitúdo, adesto propítius invocatióibus nostris : et quia sine te nihil potest mortális infirmitas, præsta auxiliúm grátie tuæ; ut in exsequéndis mandátis tuis, et voluntáte tibi et actióne placeámus. Per Dóminum.

Ad Horas Psalmi de Dominica, ad Primam tamen ut in Festis, addito Symbolo Quicumque, ut in Psalterio. 44

AD TERTIAM

Capit. O altitúdo, ut supra.

✠. **br.** Benedicámus Patrem et Fílium * Cum Sancto Spíritu. Benedicámus.

✠. Laudémus et superexaltémus eum in sæcula. Cum. **G**lória Patri. Benedicámus.

℣. Benedíctus es, Dómine, in firmaménto cæli.
 ℞. Et laudábilis et gloriósus in sæcula.

AD SEXTAM

Ant. Glória laudis * résonet in ore ómnium, Patri, genitæque Proli, Spíritui Sancto páriter resúltet laude perénni.

Capitulum 2 Cor. 13, 13

GRátia Dómini nostri Jesu Christi et caritas Dei et communicatio Sancti Spíritus sit cum ómnibus vobis. Amen.

℞. **br.** Benedíctus es, Dómine, * In firmaménto cæli. Benedíctus. ℣. Et laudábilis et gloriósus in sæcula. In. Glória Patri. Benedíctus. ℣. Verbo Dómini cæli firmáti sunt. ℞. Et Spíritu oris ejus omnis virtus eórum.

AD NONAM

Ant. Ex quo ómnia, * per quem ómnia, in quo ómnia : ipsi glória in sæcula.

Capitulum 1 Joann. 5, 7

Tres sunt, qui testimónium dant in cælo : Pater, Verbum et Spíritus Sanctus; et hi tres unum sunt.

℞. **br.** Verbo Dómini * Cæli firmáti sunt. Verbo. ℣. Et Spíritu oris ejus omnis virtus eórum. Cæli. Glória Patri. Verbo.

℣. Sit nomen Dómini benedíctum. ℞. Ex hoc nunc, et usque in sæculum.

IN II VESPERIS

Antiphonæ et Capitulum de Laudibus 286; Psalmi de Dominica. 57

Hymnus

JAM sol recédit ígneus : Tu, lux perénis, Unitas,

Nostris, beáta Trínitas, Infúnde amórem córdibus.

Te mane laudum cármine, Te deprecámur véspere; Dignéris ut te súpplices Laudémus inter cælites.

* **Patri**, simúlque **Fílio**, Tibique, Sancte Spíritus, Sicut fuit, sit júgiter Sæclum per omne glória. Amen.

℣. Benedíctus es, Dómine, in firmaménto cæli. ℞. Et laudábilis et gloriósus in sæcula.

Ad Magnif. Ant. Te Deum * Patrem ingénitum, te Fílium unigénitum, te Spíritum Sanctum Paráclitum, sanctam et indivíduam Trinitátem, toto corde et ore confitémur, laudámus, atque benedicimus : tibi glória in sæcula.

Oratio

OMnípotens sempitérne Deus, qui dedísti fámulis tuis in confessióne

veræ fidei, æternæ Trinitatis glóriam agnoscere, et in poténtia majestátis adoráre Unitátem : quæsumus; ut, ejúsdem fidei firmitáte, ab ómnibus semper muniámur advérsis. Per Dóminum.

Et fit Commemoratio Dominicæ.

Ant. Nolíte judicáre, ut non judicémini : in quo enim judício judicavéritis, judicabímini, dicit Dóminus.

℣. Dirigátur, Dómine, orátio mea. **℟.** Sicut incénsus in conspéctu tuo.

Oratio

DEus, in te sperántium fortitúdo, adésto propítius invocatióibus nostris : et quia sine te nihil potest mortális infirmitas, præsta auxílium grátie tuæ; ut in exsequédis mandátis tuis, et voluntáte tibi et actióne placeámus. Per Dóminum.

Completorium de Dominica.

FERIA SECUNDA

Omnia dicuntur ut in Ordinario et Psalterio cum Oratione præcedentis Dominicæ Deus, in te, ut supra.

Hac nocte ponuntur libri Regum, de quibus legitur usque ad Sabbatum ante Dominicam I Augusti inclusive : si quid vero de his libris su-

persit, adveniente dicta Dominica, omittitur.

Incipit liber primus Regum

Lectio i Cap. 1, 1-11

FUIT vir unus de Ramáthaim Sophim de monte Ephraim, et nomen ejus Elcana, filius Jéroham, filii Eliu, filii Thohu, filii Suph, Ephrathæus. Et hábuit duas uxóres, nomen uni Anna, et nomen secúndæ Phenénna. Fuerúntque Phenénnæ filii, Annæ autem non erant líberi. Et ascendébat vir ille de civitáte sua, statútis diébus, ut adoráret et sacrificáret Dómino exercítuum in Silo. Erant autem ibi duo filii Heli, Ophni et Phínees, sacerdótes Dómini.

Responsoria hujus Feriæ, si hac nocte dici non potuerint, ponuntur cum suis Lectionibus in Feria III aut IV, si hæ Lectiones in alterutra resumendæ sunt juxta Rubricas; secus omittantur.

℟. Præparáte corda vestra Dómino, et servíte illi soli : * Et liberábit vos de mánibus inimicórum vestrórum. **℣.** Convertímini ad eum in toto corde vestro, et auférte deos alíenos de médio vestri. — Et.

Lectio ii

VENIT ergo dies, et imolávit Elcana, deditque Phenénnæ uxóri suæ,

et cunctis filiis ejus, et filiabus partes; Annæ autem dedit partem unam tristis, quia Annam diligebat; Dominus autem concluserat vulvam ejus. Affligebat quoque eam æmula ejus, et vehementer angēbat, in tantum ut exprobrāret quod Dominus conclusisset vulvam ejus. Sicque faciebat per singulos annos, cum, redeunte tempore, ascenderent ad templum Domini, et sic provocabat eam. Porro illa flebat, et non capiebat cibum. Dixit ergo ei Elcana vir suus: Anna, cur fles? et quare non comedis? et quam obrem affligitur cor tuum? Numquid non ego melior tibi sum quam decem filii?

℟. Deus omnium exauditor est: ipse misit Angelum suum, et tulit me de ovibus patris mei; * Et unxit me unctione misericordiae suae. ✠. Dominus, qui eripuit me de ore leonis, et de manu bestiae liberavit me. — Et unxit.

In Festis ritus simplicis: Glória Patri. Et.

Lectio iii

Surrēxit autem Anna, postquam comederat et biberat in Silo, et Heli sacerdote sedente super sellam ante postes templi Domini. Cum esset Anna

amāro ánimo, orávit ad Dóminum flens largiter, et votum vovit dicens: Dómine exercituum, si respiciens videris afflictionem famulae tuae, et recordatus mei fueris, nec oblitus ancillae tuae, dederisque servae tuae sexum virilem, dabo eum Dómino ómnibus diēbus vitae ejus, et novacula non ascendet super caput ejus.

℟. Dominus, qui eripuit me de ore leonis, et de manu bestiae liberavit me,

* Ipse me eripiet de manibus inimicorum meorum.

✠. Misit Deus misericordiam suam et veritatem suam: animam meam eripuit de medio catulorum leonum. — Ipse. Glória Patri. Ipse.

FERIA TERTIA

De libro primo Regum

Lectio i Cap. 1, 12-28

Factum est autem, cum illa multiplicaret preces coram Dómino, ut Heli observaret os ejus. Porro Anna loquebatur in corde suo, tantumque lábia illius movebantur, et vox penitus non audiebatur. Æstimavit ergo eam Heli temulentam dixitque ei: Usquequo ebria eris? Digere paulisper vinum, quomades. Respondens Anna,

Nequáquam, inquit, dómīne mi; nam mŭlier infelix nimis ego sum, vinúmque et omne quod inebriáre potest, non bibi, sed effúdi ánimam meam in conspéctu Dómini. Ne réputes ancíllam tuam quasi unam de filiábus Béliál, quia ex multítudine dolóris et mæróris mei locúta sum usque in præsens. Tunc Heli ait ei : Vade in pace, et Deus Israël det tibi petitiónem tuam, quam rogásti eum. Et illa dixit : Utinam invéniat ancilla tua grátiam in óculis tuis.

✠. Percússit Saul mille, et David decem míllia :
* Quia manus Dómini erat cum illo; percússit Philistháeum, et ábstulit opprobrium ex Israël. ✠. Nonne iste est David, de quo canébant in choro, dicéntes : Saul percússit mille, et David decem míllia? — Quia.

Lectio ii

ET ábiit mŭlier in viam suam et comédit, vultúsque illíus non sunt ámplius in diversa mutáti. Et surrexérunt mane et adoravérunt coram Dómino, reversíque sunt et venérunt in domum suam Rámatha. Cognóvit autem Elcana Annam uxórem suam, et recordátus est ejus Dóminus. Et factum

est post círculum diérum concépit Anna et péperit fílium vocavítque nomen ejus Sámuel, eo quod a Dómino postuláset eum. Ascéndit autem vir ejus Elcana et omnis domus ejus, ut immoláret Dómino hóstiam solémnem et votum suum, et Anna non ascéndit; dixit enim viro suo : Non vadam, donec ablactétur infans, et ducam eum, ut appáreat ante conspéctum Dómini et máneat ibi júgiter.

✠. Montes Gélboë, nec ros nec plúvia véniant super vos, * Ubi cecidérunt fortes Israël. ✠. Omnes montes, qui estis in circúitu ejus, vísitet Dóminus; a Gélboë autem tráns-eat. — Ubi.

In Octavis et Festis ritus simplicis : Glória Patri. Ubi.

Lectio iii

ET ait ei Elcana vir suus : Fac quod bonum tibi vidétur et mane donec abláctes eum : precórque ut ímpleat Dóminus verbum suum. Mansit ergo mŭlier et lactávit fílium suum, donec amovéret eum a lacte. Et addúxit eum secum, postquam ablactáverat, in vítulis tribus et tribus módiis farínæ et ámphora vini, et addúxit eum ad domum Dómini in Silo. Puer au-

tem erat adhuc infántulus. Et immolavérunt vítulum et obtulérunt púrum Heli, et ait Anna : Obsecro, mi dómine, vivit ánima tua, dómine : ego sum illa múlier, quæ steti coram te hic orans Dóminum. Pro púero isto orávi, et dedit mihi Dóminus petitiónem meam quam postulávi eum. Idcirco et ego commodávi eum Dómino cunctis diébus, quibus fúerit commodátus Dómino. Et adoravérunt ibi Dóminum.

✠. Ego te tuli de domo patris tui, dicit Dóminus, et pósui te páscere gregem pópuli mei : * Et fui tecum in ómnibus, ubicúmque ambulásti, firmans regnum tuum in ætérnum.

✠. Fecístique tibi nomen grande, juxta nomen magnórum, qui sunt in terra : et réquiem dedi tibi ab ómnibus inimícis tuis. — Et. Glória Patri. Et.

FERIA QUARTA

De libro primo Regum

Lectio i Cap. 2, 12-21

Porro filii Heli, filii Bé-
lial, nescientes Dóminum neque officium sacerdotum ad pópulum, sed quicumque immoláset victimam, veniebat puer sacerdotis dum coquerentur

carnes et habebat fuscínulam tridentem in manu sua et mittebat eam in lebetem vel in caldariam aut in ollam sive in cáca-bum, et omne quod levábat fuscínula tollébat sacerdos sibi. Sic faciebant univérso Israël venientium in Silo.

✠. Peccávi super númerum arénæ maris, et multiplicata sunt peccata mea; et non sum dignus vidére altitudinem cæli præ multitudine iniquitatis meæ : quóniam irritávi iram tuam, * Et malum coram te feci. ✠. Quóniam iniquitatem meam ego cognósco : et delictum meum contra me est semper, quia tibi soli peccávi. — Et.

Lectio ii

Etiam, ántequam adolérant adipem, veniebat puer sacerdotis et dicebat immolánti : Da mihi carnem ut coquam sacerdoti; non enim accípiam a te carnem coctam sed crudam. Dicebátque illi immolans : Incendátur primum juxta morem hódie adeps, et tolle tibi quantumcúmque desiderat ánima tua. Qui respóndens aiébat ei : Nequáquam; nunc enim dabis, alióquin tollam vi. Erat ergo peccátum puerórum grande nimis coram Dómino, quia

retrahébant hómines a sacrificio Dómini.

℟. Exaudísti, Dómine, oratióem servi tui, ut ædificárem templum nómini tuo : * Bénedic et sanctifica domum istam in sempitérnum, Deus Israël.

℣. Dómine, qui custódis pactum cum servis tuis, qui ámbulant coram te in toto corde suo. — Bénedic.

In Octavis et Festis ritus simplicis : Glória Patri. Bénedic.

Lectio iii

SAmuel autem ministrábat ante faciém Dómini, puer accíntus ephod líneo. Et túnica parvam faciébat ei mater sua, quam afferébat statútis diébus ascéndens cum viro suo ut immoláret hóstiam

solémnem. Et benedíxit Heli Elcanæ et uxóri ejus dixítque ei : Reddat tibi Dóminus semen de muliere hac, pro fáenore, quod commodásti Dómino. Et abiérunt in locum suum. Visitávit ergo Dóminus Annam, et concépit et péperit tres filios et duas filias. Et magnificátus est puer Sámuel apud Dóminum.

℟. Audi, Dómine, hymnum et oratióem, quam servus tuus orat coram te hódie : ut sint óculi tui apérti, et aures tuæ inténtæ, * Super domum istam die ac nocte. ℣. Réspice, Dómine, de sanctuário tuo, et de excélso cælórum habitáculo. — Super. Glória Patri. Super.

Vesperæ de sequenti.



FERIA QUINTA

In Feste Sani Corporis Christi

DUPLEX I CLASSIS

CUM OCTAVA PRIVILEGIATA II ORDINIS

IN I VESPERIS

Ant. Sacerdos in ætérnum * Christus Dóminus secúndum órđinem Melchisedech, panem et vinum óbtulit.

Psalmus 109



Ixit Dóminus Dómino meo : * Sede a dextris meis :

Donec ponam inimicos tuos, * scabéllum pedum tuórum.

Virgam virtútis tuæ emittet Dóminus ex Sion : * domináre in médio inimicórum tuórum.

Tecum princípium in die virtútis tuæ in splendóribus sanctórum : * ex útero ante luciferum genui te.

Jurávit Dóminus, et non poenitébit eum : * Tu es sacerdos in ætérnum secúndum órđinem Melchisedech.

Dóminus a dextris tuis, * confrégit in die iræ suæ reges.

Judicábit in natióibus, implebit ruínas : * con-

quassábit cápita in terra multórum.

De torrénite in via bibet : * proptérea exaltábit caput.

Ant. Sacerdos in ætérnum Christus Dóminus secúndum órđinem Melchisedech, panem et vinum óbtulit.

Ant. Miserátor Dóminus * escam dedit timéntibus se in memóriam suórum mirabílium.

Psalmus 110

Confitebor tibi, Dómine, in toto corde meo : * in consílio justórum, et congregatióne.

Magna ópera Dómini : * exquisíta in omnes voluntates ejus.

Conféssio et magnificéntia opus ejus : * et justítia ejus manet in sáeculum sáeculi.

Memóriam fecit mirabílium suórum, miséricors et miserátor Dóminus : * escam dedit timéntibus se.

Memor erit in sæculum testaménti sui : * virtutem óperum suórum annuntiábit pópulo suo :

Ut det illis hereditátem géntium : * ópera mánuum ejus véritas, et judícium.

Fidélia ómnia mandáta ejus : confirmáta in sæculum sæculi, * facta in veritáte et æquitáte.

Redemptiónem misit pópulo suo : * mandávit in ætérnum testaméntum suum.

Sanctum, et terríbile nomen ejus : * iníitium sapientiæ timor Dómini.

Intelléctus bonus ómnibus faciéntibus eum : * laudátio ejus manet in sæculum sæculi.

Ant. Miserátor Dóminus escam dedit timéntibus se in memóriam suórum mirábílium.

Ant. Cálicem salutáris * accípiam : et sacrificábo hóstiam laudis.

Psalmus 115

CRédidi, propter quod locútus sum : * ego autem humiliátus sum nimis.

Ego dixi in excéssu meo : * Omnis homo mendax.

Quid retríbuiam Dómino, * pro ómnibus, quæ retribuit mihi?

Cálicem salutáris accípiam : * et nomen Dómini invocábo.

Vota mea Dómino reddam coram omni pópulo ejus : * pretiósá in conspéctu Dómini mors sanctórum ejus :

O Dómine, quia ego servus tuus : * ego servus tuus, et filius ancíllæ tuæ.

Dirupísti víncula mea : * tibi sacrificábo hóstiam laudis, et nomen Dómini invocábo.

Vota mea Dómino reddam in conspéctu omnis pópuli ejus : * in átriis domus Dómini, in médio tui, Jerúsalem.

Ant. Cálicem salutáris accípiam : et sacrificábo hóstiam laudis.

Ant. Sicut novéllæ olivárum, * Ecclesiæ filii sint in circúitu mensæ Dómini.

Psalmus 127

BEáti omnes, qui timent Dóminum, * qui ambulánt in viis ejus.

Labóres mánuum tuárum quia manducábis : * beátus es, et bene tibi erit.

Uxor tua sicut vitis abúndans, * in latéribus domus tuæ.

Filii tui sicut novéllæ olivárum, * in circúitu mensæ tuæ.

Ecce, sic benedicétur homo, * qui timet Dóminum.

Benedícat tibi Dóminus ex Sion : * et vídeas bona Jerúsalem ómnibus diébus vitæ tuæ.

Et videas filios filiôrum tuorum, * pacem super Israël.

Ant. Sicut novellæ olivârûm, Ecclesiæ filii sint in circûitu mensæ Dômini.

Ant. Qui pacem * ponit fines Ecclesiæ, fruménti ádipe sátiat nos Dóminus.

Psalmus 147

Lauda, Jerúsalem, Dóminum : * lauda Deum tuum, Sion.

Quóniam confortávit seras portárum tuárum : * benedíxit filiis tuis in te.

Qui pósuit fines tuos pacem : * et ádipe fruménti sátiat te.

Qui emíttit elóquium suum terræ : * velóciter currit sermo ejus.

Qui dat nivem sicut lanam : * nébulam sicut cinerem spargit.

Mittit crystállum suam sicut buccéllas : * ante faciém frígoris ejus quis sustinébit?

Emíttet verbum suum, et liquefaciet ea : * flabit spíritus ejus, et fluent aquæ.

Qui annúnciat verbum suum Jacob : * justítias, et judícia sua Israël.

Non fecit táliter omni nationi : * et judícia sua non manifestávit eis.

Ant. Qui pacem ponit fines Ecclesiæ, fruménti ádipe sátiat nos Dóminus.

Capit. 1 Cor. 11, 23-24

FRatres : Ego enim accépi a Dómino, quod et trádidi vobis, quóniam Dóminus Jesus, in qua nocte tradebátur, accépit panem, et grátias agens fregit, et dixit : Accípite et manducáte; hoc est corpus meum, quod pro vobis tradétur : hoc fácite in meam commemoratiónem.

Hymnus

PAnge, lingua, gloriósi Córporis mystérium, Sanguinisque pretiósí, Quem in mundi prétium Fructus ventris generósi Rex effúdit géntium.

Nobis datus, nobis natus Ex intácta Vírgine, Et in mundo conversátus, Sparso verbi sémíne, Sui moras incolátus Miro clausit órđine.

In suprémæ nocte cœnæ Recumbens cum frátribus, Observáta lege plene Cibis in legálibus, Cibus turbæ duodénæ Se dat suis mánibus.

Verbum caro, panem verum

Verbo carnem éfficit; Fitque sanguis Christi merum;

Et si sensus déficit, Ad firmándum cor sincérum

Sola fides súfficit.

¶ Sequens strophæ, si coram Sanctissimo exposito Officium persolvatur, dicitur flexis genibus.

Tantum ergo Sacramentum
Veneremur cernui;
Et antiquum documentum
Novo cedat ritui;
Præstet fides supplementum
Sensuum defectui.

Genitori, Genitrici
Laus et jubilatio,
Salus, honor, virtus quoque

Sit et benedictio :
Procedenti ab utroque
Compar sit laudatio.

Amen.

✠. Panem de cælo præstitisti eis, allelúja. ✠. Omne delectamentum in se habentem, allelúja.

In I Vesperis

Ad Magnif. Ant. O quam suavis est, * Dómine, spíritus tuus, qui, ut dulcedinem tuam in filios demonstráres, pane suavissimo de cælo præstito, esuriéntes reple bonis, fastidiósos dívites dimittens inánes.

In II Vesperis

Ad Magnif. Ant. O sacrum convivium, * in quo Christus súmitur; recólitur memória passiónis ejus; mens implétur grá-

tia; et futúrae glóriæ nobis pignus datur, allelúja.

Oratio

Deus, qui nobis sub Sacraménto mirábili passiónis tuæ memóriam reliquisti : tríbe, quæsumus, ita nos córporis et sánguinis tui sacra mystéria venerári; ut redemptionis tuæ fructum in nobis júgiter sentiámus : Qui vivis.

Completorium de Dominica.

Conclusio Hymnorum per totam Octavam erit :

Jesu, tibi sit glória,
Qui natus es de Vírgine,
Cum Patre, et almo Spíritu,

In sempitérna sæcula.

Amen.

AD MATUTINUM

Invit. Christum Regem adorémus dominántem géntibus : * Qui se manducántibus dat spíritus pinguédinem. Ps. 94 Veníte. 3

Hymnus

Sacris solémniis juncta
sint gáudia,
Et ex præcórdiis sonent
præcónia;
Recédant vétera, nova
sint ómnia,
Corda, voces et ópera.

Noctis recólitur cœna novíssima,
Qua Christus créditur
agnum et ázyma

Dedisse fratribus, juxta
legítima
Priscis indúlta pátribus.

Post agnum týpicum, ex-
plétis épulis,
Corpus Domínicum datum
discípulis,
Sic totum ómnibus, quod
totum síngulis,
Ejus fatémur mánibus.

Dedit fragílibus córporis
férculum,
Dedit et trístibus sánguini-
nis póculum,
Dicens : Accípite quod
trado vásculum;
Omnes ex eo bíbite.

Sic sacrificium istud instí-
tuit,
Cujus officium commítti
vóluit
Solis presbýteris, quibus
sic cóngruit,
Ut sumant, et dent cete-
ris.

Panis angélicus fit panis
hóminum;
Dat panis cáelicus figúris
términum;
O res mirábilis : mandú-
cat Dóminum
Pauper, servus et húmi-
lis.

Te, trina Déitas únaque,
póscimus :
Sic nos tu vísita, sicut te
cólimus;
Per tuas sémitas duc nos
quo téndimus,
Ad lucem, quam inhábi-
tas. Amen.

IN I NOCTURNO

Ant. Fructum salutífe-
rum * gustándum dedit
Dóminus mortis suæ témpo-
re.

PSALMUS 1



Béatus vir, qui non
ábiit in consílio im-
piórum, et in via
peccatórum non stetit, *
et in cáthedra pestiléntiæ
non sedit :

Sed in lege Dómini vo-
lúntas ejus, * et in lege
ejus meditábitur die ac
nocte.

Et erit tamquam lignum,
quod plantátum est secus
decúrsus aquárum, * quod
fructum suum dabit in
tépore suo :

Et fólium ejus non dé-
fluet : * et ómnia quæ-
cúmque fáciat, prospera-
búntur.

Non sic ímpii, non sic : *
sed tamquam pulvis, quem
próicit ventus a fácie ter-
ræ.

Ideo non resúrgent ímpii
in judício : * neque pecca-
tóres in concílio justórum.

Quóniam novit Dóminus
viam justórum : * et iter
impiórum períbit.

Ant. Fructum salutífe-
rum gustándum dedit Dó-
minus mortis suæ témpo-
re.

Ant. A fructu fruménti *
et vini multiplicáti fidéles

in pace Christi requiescunt.

Psalmus 4

CUM invocarem exaudivit me Deus iustitiæ meæ : * in tribulatione dilatasti mihi.

Miserere mei, * et exaudi orationem meam.

Filii hominum, usquequo gravi corde ? * ut quid diligitis vanitatem, et quaeritis mendacium ?

Et scitote quoniam mirificavit Dominus sanctum suum : * Dominus exaudiet me cum clamavero ad eum.

Irascimini, et nolite peccare : * quæ dicitis in cordibus vestris, in cubilibus vestris compungimini.

Sacrificate sacrificium iustitiæ, et sperate in Domino. * Multi dicunt : Quis ostendit nobis bona ?

Signatum est super nos lumen vultus tui, Domine : * dedisti lætitiā in corde meo.

A fructu frumenti, vini, et olei sui * multiplicati sunt.

In pace in idipsum * dormiam, et requiescam ;

Quoniam tu, Domine, singulariter in spe * constituisti me.

Ant. A fructu frumenti et vini multiplicati fideles in pace Christi requiescunt.

Ant. Communionē calicis, * quo Deus ipse sumi-

tur, non vitulorum sanguine, congregavit nos Dominus.

Psalmus 15

Conserva me, Domine, quoniam speravi in te. * Dixi Domino : Deus meus es tu, quoniam bonorum meorum non eges.

Sanctis, qui sunt in terra ejus, * mirificavit omnes voluntates meas in eis.

Multiplicatæ sunt infirmitates eorum : * postea acceleraverunt.

Non congregabo conventicula eorum de sanguinibus, * nec memor ero nominum eorum per labia mea.

Dominus pars hereditatis meæ, et calicis mei : * tu es, qui restitues hereditatem meam mihi.

Funes ceciderunt mihi in præclāris : * etenim hereditas mea præclāra est mihi.

Benedicam Dominum, qui tribuit mihi intellectum : * insuper et usque ad noctem increpuerunt me renes mei.

Providēbam Dominum in conspectu meo semper : * quoniam a dextris est mihi, ne commovear.

Propter hoc lætatum est cor meum, et exultavit lingua mea : * insuper et caro mea requiescet in spe.

Quoniam non derelinques animam meam in infēno : *

nec dabis sanctum tuum
videre corruptionem.

Notas mihi fecisti vias
vitæ, adimplébis me læ-
titia cum vultu tuo : *
delectationes in dextera
tua usque in finem.

Ant. Communióne cáli-
cis, quo Deus ipse súmi-
tur, non vitulórum sán-
guine, congregávit nos
Dóminus.

✠. Panem cæli dedit eis,
allelúja. ✠. Panem Ange-
lórum manducávit homo,
allelúja.

De Epístola prima beáti
Pauli Apóstoli ad Co-
rínthios

Lectio i Cap. 11, 20-32

Conveniéntibus vo-
bis in unum, jam
non est Domínicam
coenam manducáre. Unus-
quisque enim suam cœ-
nam præsumit ad mandu-
candum. Et álius quidem
ésurit, álius autem ébrius
est. Numquid domos non
habétis ad manducandum
et bibendum? aut Ecclé-
siam Dei contémnitis, et
confúnditis eos, qui non
habent? Quid dicam vo-
bis? Laudo vos? In hoc
non laudo.

✠. Immolábit hædum
multitúdo filiórum Israël
ad vésperam Paschæ : * Et
edent carnes et ázynos
panes. ✠. Pascha nostrum
immolátus est Christus :

ítaque epulémur in ázymis
sinceritátis et veritátis. —
Et.

Lectio ii

EGO enim accépi a Dó-
mino, quod et trádidi
vobis, quóniam Dóminus
Jesus, in qua nocte trade-
bátur, accépit panem, et
grátias agens fregit, et
dixit : Accípите, et man-
ducáte; hoc est corpus
meum, quod pro vobis
tradétur : hoc fácite in
meam commemoratiónem.
Simíliter et cálicem, post-
quam cœnávít, dicens :
Hic calix novum testa-
méntum est in meo sán-
guine; hoc fácite, quoties-
cúmque bibétis, in meam
commemoratiónem. Quo-
tiescúmque enim mandu-
cábítis panem hunc, et
cálicem bibétis, mortem
Dómini annuntiábítis, do-
nec véniat.

✠. Comedétis carnes, et
saturabímini pánibus :
* Iste est panis, quem de-
dit vobis Dóminus ad ve-
scéndum. ✠. Non Móyses
dedit vobis panem de cæ-
lo, sed Pater meus dat
vobis panem de cælo ve-
rum. — Iste.

Lectio iii

ITaque quicúmque man-
ducáverit panem hunc,
vel bíberit cálicem Dómini
indígne, reus erit córporis
et ságuinis Dómini. Pro-

bet autem seipsum homo : et sic de pane illo edat, et de cálice bibat. Qui enim manducat et bibit indigne, iudicium sibi manducat et bibit, non dijudicans corpus Dómini. Ideo inter vos multi infirmi et imbecíles, et dormiunt multi. Quod si nosmetipsos dijudicáremus, non útique judicáremur. Dum judicámur autem, a Dómino corrípimur, ut non cum hoc mundo damnémur.

℟. Respexit Elías ad caput suum subcinerícium panem; qui surgens comédit et bibit : * Et ambulávit in fortitúdine cibi illius usque ad montem Dei. ℣. Si quis manducáverit ex hoc pane, vivet in ætérnum. — Et. Glória Patri. Et.

In II Nocturno

Ant. Memor sit Dóminus * sacrificii nostri : et holocáustum nostrum pingue fiat.

Psalmus 19



Xáudiat te Dóminus in die tribulatiónis : * prótegat te nomen Dei Jacob.

Mittat tibi auxílium de sancto : * et de Sion tueátur te.

Memor sit omnis sacrificii tui : * et holocáustum tuum pingue fiat.

Tríbuat tibi secúndum cor tuum : * et omne consílium tuum confirmet.

Lætábimur in salutári tuo : * et in nómine Dei nostri magnificábimur.

Impleat Dóminus omnes petitiónes tuas : * nunc cognóvi quóniam salvum fecit Dóminus Christum suum.

Exáudiet illum de cælo sancto suo : * in potentátibus salus dexteræ ejus.

Hi in cúrribus, et hi in equis : * nos autem in nómine Dómini, Dei nostri, invocábimus.

Ipsi obligáti sunt, et cecidérunt : * nos autem surréximus et erécti sumus.

Dómine, salvum fac regem : * et exáudi nos in die, qua invocáverimus te.

Ant. Memor sit Dóminus sacrificii nostri : et holocáustum nostrum pingue fiat.

Ant. Parátur * nobis mensa Dómini advérsus omnes, qui tríbulant nos.

Psalmus 22

Dominus regit me, et nihil mihi déerit : * in loco pásquæ ibi me collocávit.

Super aquam refectionis educávit me : * ánimam meam convértit.

Dedúxit me super sémitas justítiæ, * propter nomen suum.

Nam, et si ambulávero in
medio umbræ mortis, non
timébo mala : * quóniam
tu mecum es.

Virga tua, et báculo
tuus : * ipsa me consoláta
sunt.

Parásti in conspéctu meo
mensam, * advérsus eos,
qui trébulant me.

Impinguásti in óleo ca-
put meum : * et calix meus
inébrians quam præclárus
est!

Et misericórdia tua sub-
sequétur me * ómnibus
diébus vitæ meæ :

Et ut inhábitem in domo
Dómini, * in longitudinem
diérum.

Ant. Parátur nobis men-
sa Dómini advérsus om-
nes, qui trébulant nos.

Ant. In voce exsultatió-
nis * résonent epulántes in
mensa Dómini.

Psalmus 41

Quemádmódum desíde-
rat cervus ad fontes
aquárum : * ita desíderat
ánima mea ad te, Deus.

Sitívit ánima mea ad
Deum fortem vivum : *
quando véniam, et appa-
rébo ante faciém Dei?

Fuérunt mihi lácrimæ
meæ panes die ac nocte : *
dum dicitur mihi quoti-
die : Ubi est Deus tuus?

Hæc recordátus sum, et
effúdi in me ánimam me-
am : * quóniam transíbo

in locum tabernáculi ad-
mirábilis, usque ad do-
mum Dei.

In voce exsultatiónis, et
confessiónis : * sonus epu-
lántis.

Quare tristis es, ánima
mea? * et quare contúrbas
me?

Spera in Deo, quóniam
adhuc confitébor illi : * sa-
lutáre vultus mei, et Deus
meus.

Ad meípsum ánima mea
conturbáta est : * proptér-
ea memor ero tui de terra
Jordánis, et Hermóniim a
monte módico.

Abýssus abýssum invo-
cat, * in voce cataractá-
rum tuárum.

Omnia excélsa tua, et
fluctus tui * super me
transiérunt.

In die mandávit Dóminus
misericórdiam suam : * et
nocte cánticum ejus.

Apud me orátio Deo vitæ
meæ, * dicam Deo : Sus-
céptor meus es.

Quare oblítus es mei? * et
quare contristátus incé-
do, dum affligit me inimi-
cus?

Dum confringúntur ossa
mea, * exprobravérunt
mihi qui trébulant me ini-
mici mei.

Dum dicunt mihi per sín-
gulos dies : Ubi est Deus
tuus? * quare tristis es,
ánima mea? et quare con-
túrbas me?

Spera in Deo, quóniam adhuc confitébor illi : * salutáre vultus mei, et Deus meus.

Ant. In voce exsultatió-
nis résonent epulánte in
mensa Dómini.

℟. Cibávit illos ex ádipe
fruménti, allelúja. **℞.** Et
de petra, melle saturávit
eos, allelúja.

Sermo sancti Thomæ
Aquínatis

Opusculum 57

Lectio iv

Imménsa divínæ lar-
gitátis benefícia,
exhibita pópulo
christiáno, inæstimábilem
ei cónferunt dignitátem.
Neque enim est, aut fuit
aliquándo tam grandis ná-
tio, quæ hábeat deos ap-
propinquánte sibi, sicut
adest nobis Deus noster.
Unigénitus síquidem Dei
Fílius, suæ divinitátis vo-
lens nos esse partícipes,
natúram nostram assúm-
psit, ut hómínes deos fá-
ceret factus homo. Et hoc
ínsuper, quod de nostro
assúmpsit, totum nobis
cótulit ad salutem. Cor-
pus namque suum pro
nostra reconciliatióne in
ara crucis hóstiam obtu-
lit Deo Patri, sánguinem
suum fudit in prétium
simul et lavácrum; ut
redémpti a miserábili ser-

vitúte, a peccátis ómnibus
mandarémur. Ut autem
tanti benefícií jugis in
nobis manéret memória,
corpus suum in cibum, et
sánguinem suum in po-
tum, sub spécie panis et
vini suméndum fidélibus
derelíquit.

℞. Cœnántibus illis, ac-
cépit Jesus panem, et be-
nedíxit, ac fregit, dedít-
que discíplis suis, et ait :

* Accípíte et comédíte;
hoc est corpus meum.

℟. Dixérunt viri taberná-
culi mei : Quis det de cár-
nibus ejus, ut saturémur?
— Accípíte.

Lectio v

O Pretiósus et admirán-
dum convívium, salu-
tíferum et omni suavité
replétum! Quid enim hoc
convívio pretiósus esse
potest? in quo non carnes
vitulórum et hircórum, ut
olim in lege, sed nobis
Christus suméndus pro-
pónitur verus Deus. Quid
hoc Sacraménto mirabí-
lius? In ipso namque pa-
nis et vinum in Christi
corpus et sánguinem sub-
stantiáliter convertúntur;
ideóque Christus, Deus et
homo perféctus, sub mó-
dici panis et vini spécie
continétur. Manducátur
ítaque a fidélibus, sed mí-
nime lacerátur; quiním-
mo, diviso Sacraménto, sub

quálibet divisiónis partícula integer perseverat. Accidéntia autem sine subiecto in eódem subsistunt, ut fides locum habeat, dum visibile invisibiliter sumitur aliéna specie occultátum; et sensus a deceptióne reddántur immúnes, qui de accidéntibus júdicant sibi notis.

✠. Accépit Jesus cálicem, postquam coénávit, dicens : Hic calix novum testaméntum est in meo ságuine : * Hoc fácite in meam commemoratiómem.

✠. Memória memor ero, et tabéscet in me ánima mea. — Hoc.

Lectio vi

NUllum étiam sacraméntum est isto salúbrius, quo purgántur peccáta, virtútes augéntur, et mens ómnium spirituálium charísmatum abundántia impinguátur. Offértur in Ecclesia pro vivis et mórtuis, ut ómnibus prosit, quod est pro salúte ómnium institútum. Suavitátem dénique hujus Sacraménti nullus exprímere súfficit, per quod spirituális dulcédo in suo fonte gustátur; et recólitur memória illius, quam in sua passióne Christus monstrávit, excellentíssimæ caritátis. Unde, ut árcétius hujus caritátis imménsitas

fidélium córdibus infigerétur, in última coëna, quando, Pascha cum discípulis celebráto, transitúrus erat de hoc mundo ad Patrem, hoc Sacraméntum instituit, tamquam passiónis suæ memoriále perénne, figurárum véterum impletívum, miraculórum ab ipso factórum máximum; et de sua contristátis abséntia solátium singuláre reliquit.

✠. Ego sum panis vitæ; patres vestri manducavérunt manna in desérto, et mórtui sunt : * Hic est panis de cælo descéndens, ut, si quis ex ipso mandúcet, non moriátur. ✠. Ego sum panis vivus, qui de cælo descéendi : si quis manducáverit ex hoc pane, vivet in ætérnum. — Hic. Glória Patri. Hic.

In III Noeturno

Ant. Introibo * ad altáre Dei : sumam Christum, qui rénovat juventútem meam.

Psalmus 42

UDICA me, Deus, et discérne causam meam de gente non sancta, * ab hómine iniquo, et dolóso érue me.

Quia tu es, Deus, fortitúdo mea : * quare me repulísti? et quare tristis incédo, dum affligit me inimícus?

Emítte lucem tuam et veritatem tuam : * ipsa me deduxérunt, et adduxérunt in montem sanctum tuum, et in tabernacula tua.

Et introibo ad altáre Dei : * ad Deum, qui lætíficat juventutem meam.

Confitébor tibi in cíthara, Deus, Deus meus : * quare tristis es, ánima mea? et quare contúrbas me?

Spera in Deo, quóniam adhuc confitébor illi : * salutáre vultus mei, et Deus meus.

Ant. Introibo ad altáre Dei : sumam Christum, qui rénovat juventutem meam.

Ant. Cibávit nos Dóminus * ex ádipe fruménti : et de petra, melle saturávit nos.

Psalmus 80

EXsultáte Deo, adjutóri nostro : * jubiláte Deo Jacob.

Súmíte psalmum, et date týmpanum : * psalterium jucúndum cum cíthara.

Buccináte in Neoménia tuba, * in insígni die solemnitatís vestræ.

Quia præcéptum in Israël est : * et iudícium Deo Jacob.

Testimónium in Joseph pósuit illud, cum exíret de terra Ægýpti : * linguam,

quam non nóverat, audívit.

Divértit ab onéribus dorsum ejus : * manus ejus in cóphino serviérunt.

In tribulatióne invocásti me, et liberávi te : * exaudivi te in abscondito tempestátis : probávi te apud aquam contradicţiónis.

Audi, pópulus meus, et contestábor te : * Israël, si audieris me, non erit in te deus recens, neque adorábis deum aliénum.

Ego enim sum Dóminus, Deus tuus, qui edúxi te de terra Ægýpti : * diláta os tuum, et implébo illud.

Et non audívit pópulus meus vocem meam : * et Israël non inténdit mihi.

Et dimísi eos secúndum desidéria cordis eórum, * ibunt in adinventiόνibus suis.

Si pópulus meus audísset me : * Israël si in viis meis ambuláset :

Pro níhilo fórsitan inimícos eórum humiliássem : * et super tribulántes eos mísíssem manum meam.

Inimíci Dómini mentiti sunt ei : * et erit tempus eórum in sácula.

Et cibávit eos ex ádipe fruménti : * et de petra, melle saturávit eos.

Ant. Cibávit nos Dóminus ex ádipe fruménti : et de petra, melle saturávit nos.

Ant. Ex altári tuo, * Dómine, Christum súmimus : in quem cor et caro nostra exsúltant.

Psalmus 83

QUAM dilécta tabernácula tua, Dómine virtútum : * concupíscit, et déficit ánima mea in átria Dómini.

Cor meum, et caro mea * exsultavérunt in Deum vivum.

Etenim passer invénit sibi domum : * et turtur nidum sibi, ubi ponat pullos suos.

Altária tua, Dómine virtútum : * Rex meus, et Deus meus.

Beáti, qui hábitant in domo tua, Dómine : * in sæcula sæculórum laudábunt te.

Beátus vir, cujus est auxílium abs te : * ascensíones in corde suo dispósuit, in valle lacrimárum in loco, quem pósuit.

Etenim benedictiónem dabit legislátor, ibunt de virtúte in virtútem : * vidébitur Deus deórum in Sion.

Dómine, Deus virtútum, exáudi oratióem meam : * áuribus pèrcipe, Deus Jacob.

Protéctor noster, áspice, Deus : * et réspice in fáciem Christi tui :

Quia mélior est dies una

in átriis tuis, * super mília.

Elégi abjéctus esse in domo Dei mei : * magis quam habitáre in tabernáculis peccatórum.

Quia misericórdiam, et veritátem díligit Deus : * grátiam et glóriam dabit Dóminus.

Non privábit bonis eos, qui ámbulant in innocéntia : * Dómine virtútum, beátus homo, qui sperat in te.

Ant. Ex altári tuo, Dómine, Christum súmimus : in quem cor et caro nostra exsúltant.

✠. Edúcas panem de terra, allelúja. ✠. Et vinum lætíficet cor hóminis, allelúja.

Lectio sancti Evangélíi
secúndum Joánnem

Lectio vii Cap. 6, 56-59

IN illo témpore : Dixit Jesus turbis Judæórum : Caro mea vere est cibus, et sanguis meus vere est potus. Et reliqua.

Homília sancti Augustíni
Epíscopi

Tract. 26 in Joann.,
sub finem



UM cibo et potu id appetant hómines, ut neque esúriant, neque sítiant : hoc veráctiter non præstat, nisi iste cibus et potus, qui eos, a

quibus súmitur, immortalés et incorruptíbles facit; id est, societas ipsa Sanctórum, ubi pax erit et únitás plena atque perfécta. Proptérea quippe, sicut étiam ante nos hoc intellexérunt hómines Dei, Dóminus noster Jesus Christus corpus et sánguinem suum in eis rebus commendávit, quæ ad unum áliquíd redigúntur ex multis. Namque áliud in unum ex multis granis conficitur : áliud in unum ex multis ácinis cónfluit. Dénique jam expónit, quómodo id fiat, quod lóquitur; et quid sit manducáre corpus ejus, et sánguinem bíbere.

℟. Qui mandúcat meam carnem et bibit meum sánguinem, * In me manet, et ego in eo. ℣. Non est ália nátio tam grandis, quæ hábeat deos appropinquántes sibi, sicut Deus noster adest nobis. — In.

Bened. Divínium auxílium.

Lectio viii

QUI mandúcat carnem meam et bibit meum sánguinem, in me manet, et ego in illo. Hoc est ergo manducáre illam escam, et illum bíbere potum, in Christo manére, et illum manéntem in se habére. Ac per hoc, qui non manet

in Christo, et in quo non manet Christus, proculdúbio nec mandúcat spirítaliter carnem ejus, nec bibit ejus sánguinem, licet carnáliter et visibíliter premat déntibus Sacraméntum córporis et sánguinis Christi : sed magis tantæ rei sacraméntum ad júdicium sibi mandúcat et bibit, quia immúndus præsúmpsit ad Christi accédere Sacraménta, quæ áliquis non digne sumit, nisi qui mundus est; de quibus dicitur : Beáti mundo corde, quóniam ipsi Deum vidébunt.

℟. Misit me vivens Pater, et ego vivo propter Patrem : * Et qui mandúcat me, vivet propter me.

℣. Cibávit illum Dóminus pane vitæ et intelléctus. — Et qui. Glória Patri. Et.

Lectio ix

Sicut, inquit, misit me vivens Pater, et ego vivo propter Patrem : et qui mandúcat me, et ipse vivet propter me. Ac si diceret : Ut ego vivam propter Patrem, id est, ad illum tamquam ad majórem réferam vitam meam, exinanítio mea fecit, in qua me misit; ut autem quisquam vivat propter me, participátio facit, qua mandúcat me. Ego itaque humiliátus vivo propter

Patrem : ille erectus vivit propter me. Si autem ita dictum est, Vivo propter Patrem, quia ipse de illo, non ille de ipso est; sine detrimento æqualitatis dictum est. Nec tamen dicendo, Et qui manducat me, et ipse vivet propter me; eandem suam et nostram æqualitatem significavit, sed gratiam mediatoris ostendit.

Te Deum laudamus. 7

AD LAUDES

Ant. 1 Sapiëntia * ædificavit sibi domum, miscuit vinum et posuit mensam, allelúja.

Psalmi de Dominica. 36

2 Angelorum esca * nutriti sibi populum tuum, et panem de cælo prestitisti eis, allelúja.

3 Pinguis est panis * Christi, et præbebit delicias regibus, allelúja.

4 Sacerdotes sancti * incensum et panes offerunt Deo, allelúja.

5 Vincenti dabo * manna absconditum, et nomen novum, allelúja.

Capit. 1 Cor. 11, 23-24

Fratres : Ego enim accepi a Domino, quod et tradidi vobis, quoniam Dominus Jesus, in qua nocte tradebatur, accepit panem, et gratias agens fre-

git, et dixit : Accipite et manducate; hoc est corpus meum, quod pro vobis tradetur : hoc facite in meam commemorationem.

Hymnus

Verbum supernum prodiens,
Nec Patris linquens dexteram,
Ad opus suum exiens,
Venit ad vitæ vesperam.

In mortem a discipulo
Suis tradendus æmulis,
Prius in vitæ ferculo
Se tradidit discipulis.

Quibus sub bina specie
Carnem dedit et sanguinem;
Ut duplicis substantiæ
Totum cibaret hominem.

Se nascens dedit socium,
Convalescens in edulium,
Se moriens in pretium,
Se regnans dat in premium.

O salutaris hostia,
Quæ cæli pandis ostium,
Bella premunt hostilia;
Da robur, fer auxilium.

¶ **Sequens Conclusio** numquam mutatur :

Uni trinoque Domino
Sit sempiterna gloria :
Qui vitam sine termino
Nobis donet in patria.
Amen.

✠. Posuit fines tuos pacem, allelúja. ✠. Et adipe

fruménti sátiat te, allelúja.

Ad Bened. Ant. Ego sum * panis vivus, qui de cælo descendi : si quis manducáverit ex hoc pane, vivet in ætérnum, allelúja.

Oratio

DEus, qui nobis sub Sacraménto mirábili passionis tuæ memóriam reliquisti : tríbue quæsumus, ita nos córporis et ságuinis tui sacra mystéria venerári; ut redemptionis tuæ fructum in nobis júgiter sentiámus : Qui vivis.

Ad Horas Psalmi de Dominica, ad Primam tamen ut in Festis; et ad eam in R. br. dicitur V. Qui natus es de María Vírgine, **per totam Octavam, etiam in Festis duplicibus I classis occurrentibus, quæ Versum proprium non habeant.**

AD TERTIAM

Capit. Fratres, ut ad Laudes. 308

R. br. Panem cæli dedit ei, * Allelúja, allelúja. Panem. **V.** Panem Angelórum manducávit homo. Allelúja, allelúja. **Glória Patri.** Panem cæli.

V. Cibávit illos ex ádipe fruménti, allelúja. **R.** Et de petra, melle saturávit eos, allelúja.

AD SEXTAM

Capitulum 1 Cor. 11, 26

Quotiescúmque enim manducábitis panem hunc, et cálicem bibétis, mortem Dómini annuntiábitis, donec véniat.

R. br. Cibávit illos ex ádipe fruménti, * Allelúja, allelúja. Cibávit. **V.** Et de petra, melle saturávit eos. Allelúja, allelúja. **Glória Patri.** Cibávit. **V.** Edúcas panem de terra, allelúja. **R.** Et vinum lætíficet cor hóminis, allelúja.

AD NONAM

Capitulum 1 Cor. 11, 27

Quicúmque manducáverit panem hunc, vel bíberit cálicem Dómini indigne, reus erit córporis et ságuinis Dómini.

R. br. Edúcas panem de terra, * Allelúja, allelúja. Edúcas. **V.** Et vinum lætíficet cor hóminis. Allelúja, allelúja. **Glória Patri.** Edúcas. **V.** Pósuit fines tuos pacem, allelúja. **R.** Et ádipe fruménti sátiat te, allelúja.

IN II VESPERIS

Omnia ut in I Vesperis 294, præter sequentia :

V. Panem de cælo præstísti eis, allelúja. **R.** Omne delectaméntum in se habéntem, allelúja.

Ad Magnif. Ant. O sacrum convívium, * in quo Christus súmitur; recólitur memória passiónis ejus; mens implétur grátia; et futúrae glóriæ nobis pignus datur, allelúja.

Completorium de Dominica.

Infra Octavam et in die Octava omnia dicuntur ut in Festo, exceptis Lectionibus, quæ pro singulis diebus assignantur propriæ; et non dicitur ix Lectio alicujus Festi commemorati.

**Feria VI infra Oct.
SSMI CORPORIS CHRISTI**

Semiduplex

In I Nocturno

De libro primo Regum

Lectio i Cap. 2, 27-36



Enit autem vir Dei ad Heli et ait ad eum : Hæc dicit Dóminus : Numquid non apérte revelátus sum dómui patris tui, cum essent in Ægýpto in domo Pharaónis? Et elégi eum ex ómnibus tribubus Israël mihi in sacerdotem, ut ascénderet ad altáre meum et adoléret mihi incénsum et portáret ephod coram me; et dedi dómui patris tui ómnia de sacrificiis filiórum Israël. Quare calce

abjecístis víctimam meam et múnera mea, quæ præcépi ut offerréntur in templo, et magis honorásti filios tuos quam me, ut comederétis primitias ómnis sacrificii Israël pópuli mei?

✠. Immolábit hædum multitúdo filiórum Israël ad vésperam Paschæ : * Et edent carnes et ázymos panes. ✠. Pascha nostrum immolátus est Christus : itaque epulémur in ázymis sinceritátis et veritátis. — Et.

Lectio ii

Proptérea ait Dóminus, Deus Israël : Loquens locútus sum, ut domus tua et domus patris tui ministráret in conspéctu meo usque in sempitérrum; nunc autem dicit Dóminus : Absit hoc a me; sed quicúmque glorificáverit me, glorificábo eum; qui autem contémnunt me, erunt ignóbiles. Ecce dies véniunt, et præcidam bráchium tuum et bráchium domus patris tui, ut non sit senex in domo tua. Et vidébis æmulum tuum in templo, in univérsis prospéris Israël; et non erit senex in domo tua ómnibus diébus. Verúmtamen non áuferam pénitus virum ex te ab altári meo; sed ut deficiant óculi tui,

et tabéscat ánima tua, et pars magna domus tuæ moriétur, cum ad virílem ætátem vénerit.

℟. Comedétis carnes, et saturabímini pánibus :

* Iste est panis, quem dedit vobis Dóminus ad vescéndum. ℣. Non Móyses dedit vobis panem de cælo, sed Pater meus dat vobis panem de cælo verum. — Iste.

Lectio iii

HOC autem erit tibi signum, quod ventúrum est duóbus fíliis tuis, Ophni et Phínees; in die uno moriéntur ambo. Et suscitábo mihi sacerdotem fidélem, qui iuxta cor meum et ánimam meam fáciat; et ædificábo ei domum fidélem, et ambulábit coram Christo meo cunctis diébus. Futúrum est autem, ut, quicúmque remánserit in domo tua, véniat ut orétur pro eo, et ófferat nummum argenteum et tortam panis, dicátque : Dimítte me, óbsecro, ad unam partem sacerdotálem, ut cómedam buccéllam panis.

℟. Respéxit Elías ad caput suum subcinerícium panem; qui surgens comédit et bibit : * Et ambulávit in fortitúdine cibi illius usque ad montem Dei.

℣. Si quis manducáverit

ex hoc pane, vivet in ætérnum. — Et. Glória Patri.

In II Nocturno

De Sermóne

sancti Thomæ Aquinátis

Idem Opusculum 57

Lectio iv



Convenit itaque devotióni fidélium, solémniter recólere institutióem tam salutíferi tamque mirábilis Sacraménti : ut ineffáblem modum divínæ præsentíæ in Sacraménto visíbili venerémur; et laudétur Dei poténtia, quæ in Sacraménto eódem tot mirábilia operátur; nec non et de tam salúbri tamque suávi beneficio exsolvántur Deo gratiárum débitæ actiões. Verum etsi in die Cœnæ, quando Sacraméntum prædictum nóscitur institútum, inter Missárum solémnia de institutióne ipsíus speciális mentio habeátur; totum tamen resíduum ejúsdem diéi officium ad Christi passióem pértinet, circa cujus veneratióem Ecclésia illo témpore occupátur.

℟. Cœnántibus illis, acépit Jesus panem, et benedíxit, ac fregit, deditque discípulis suis, et ait :

* Accípite et comédite; hoc est corpus meum.

℣. Dixérunt viri taberná-

culi mei : Quis det de carnibus ejus, ut saturémur? — Accípite et comédite; hoc est corpus meum.

Lectio v

UT autem íntegro celebritátis officio institutionem tanti Sacraménti recóleret plebs fidélium, RománuS Póntifex UrbánuS quartus, hujus Sacraménti devotióne afféctus, pie státuit præfátæ institutionis memóriam prima quinta féria post Octávam Pentecóstes a cunctis fidélibus celebrári; ut, qui per totum anni círculum hoc Sacraménto útimur ad salutem, ejus institutionem illo témpore speciáliter recolámus, quo Spíritus Sanctus corda discipulórum edócuit ad plene cognoscénda hujus mystéria Sacraménti. Nam et in eódem témpore cœpit hoc Sacraméntum a fidélibus frequentári.

✠. Accépit Jesus cálicem, postquam cœnávit, dicens : Hic calix novum testaméntum est in meo ságuine : * Hoc fácite in meam commemoratiónem. ✠. Memória memor ero, et tabéscet in me ánima mea. — Hoc.

Lectio vi

UT autem prædicta quinta féria, et per Octávas sequéntes, ejus salu-

táris institutiónis honorificentius agátur memória, et solémnitas de hoc célébrior habeátur : loco distributiónum materiálium, quæ in ecclésiis cathedrálibus largiúntur existéntibus Horis Canónicis, noctúrnis paritérque diúrnis, præfátus RománuS Póntifex eis, qui hujúsmodi Horis in hac solemnitáte personáliter in ecclésiis interfúerint, stipéndia spirituália apostólica largitióne concéssit; quátenus per hæc fidéles ad tanti festi celebritátem avidius et copiósius convenírent.

✠. Ego sum panis vitæ; patres vestri manducavérunt manna in desérto, et mórtui sunt : * Hic est panis de cælo descéndens, ut, si quis ex ipso mandúcet, non moriátur. ✠. Ego sum panis vivus, qui de cælo descéendi : si quis manducáverit ex hoc pane, vivet in ætérnum. — Hic. Glória Patri. Hic.

In III Nocturno

Léctio sancti Evangélii
secúndum Joánnem

Lectio vii Cap. 6, 56-59

IN illo témpore : Dixit Jesus turbis Judæórum : Caro mea vere est cibus et sanguis meus vere est potus. Et reliqua.

De Homilia
sancti Augustini Episcopi
Tractatus 27 in Joannem



Erba Dómini ex
Evangélio, quæ ser-
mónem prístinum
consequúntur, audívimus.
Hinc sermo debétur áuri-
bus et méntibus vestris,
et hodiérna die non impor-
túnus est : est enim de
córpoze Dómini, quod di-
cébat se dare ad mandu-
cándum propter ætérnam
vitam. Expósuit autem
modum attributiónis hu-
jus et doni sui, quómodo
daret carnem suam man-
ducáre, dicens : Qui man-
ducát carnem meam et bi-
bit sánguinem meum, in
me manet, et ego in illo.
Signum, quia manducávit
et bibit, hoc est : si manet,
et manétur; si hábitat, et
inhabitátur; si hæret, ut
non deserátur.

℟. Qui manducat meam
carnem et bibit meum
sánguinem * In me manet,
et ego in eo. ℣. Non est
ália nátio tam grandis,
quæ hábeat deos appo-
pinquántes sibi, sicut
Deus noster adest nobis.
— In.

Lectio viii

HOC ergo nos dócuit et
admónuit mýsticis ver-
bis, ut simus in ejus cór-
poze sub ipso cápite in
membris ejus, edéntes car-

nem ejus, non relinquentes
unitátem ejus. Sed qui
áderant, plures non intel-
ligéndo scandalizáti sunt;
non enim cogitábant, hæc
audiéndo, nisi carnem,
quod ipsi erant. Apóstolus
autem dicit, et verum di-
cit : Sápere secúndum car-
nem, mors est. Carnem
suam dat nobis Dóminus
manducáre : et sápere se-
cúndum carnem, mors est.
Cum de carne sua dicat,
quia ibi est vita ætérna;
ergo nec carnem debémus
sápere secúndum carnem,
sicut in his verbis : Multi
ítaque audiéntes, non ex
inimícis, sed ex discípulis
ejus, dixerunt : Durus est
hic sermo, et quis potest
eum audíre?

℟. Misit me vivens Pa-
ter, et ego vivo propter
Patrem : * Et qui mandu-
cat me, vivet propter me.

℣. Cibávit illum Dóminus
pane vitæ et intelléctus.
— Et. Glória Patri. Et.

Lectio ix

SI discípuli durum ha-
buérunt istum sermó-
nem, quid inimíci? Et ta-
men sic oportébat, ut di-
cerétur, quod non ab óm-
nibus intelligerétur. Se-
crétum Dei inténtos debet
fácere, non advérsos : isti
autem cito defecérunt, tá-
lia loquente Dómino Jesu
Christo. Non credidérunt

aliquid magnum dicentem, et verbis illis aliquam gratiam cooperientem : sed prout voluerunt, ita intellexerunt, et more hominum; quia poterat Jesus, aut hoc disponebat Jesus, carnem, qua indutum erat Verbum, veluti concisam, distribuire credentibus in se. Durus est, inquiunt, hic sermo : quis potest eum audire?

Te Deum laudamus. 7

Sabbato infra Octavam Ssmi Corporis Christi

Semiduplex

In I Nocturno

De libro primo Regum

Lectio i **Cap. 3, 1-12**



Uer autem Samuel ministrabat Domino coram Heli, et sermo Domini erat pretiosus in diebus illis : non erat visio manifesta. Factum est ergo in die quadam, Heli jacebat in loco suo, et oculi ejus caligaverant, nec poterat videre. Lucerna Dei antequam exstingeretur, Samuel dormiebat in templo Domini, ubi erat arca Dei. Et vocavit Dominus Samuel, qui respondens ait : Ecce ego. Et cucurrit ad Heli et dixit : Ecce ego; vocasti enim me. Qui dixit : Non

vocavi; revértere et dormi. Et abiit et dormivit. Et adjecit Dominus rursum vocare Samuelem. Consurgensque Samuel abiit ad Heli, et dixit : Ecce ego, quia vocasti me. Qui respondit : Non vocavi te, fili mi; revértere et dormi. Porro Samuel necdum sciebat Dominum, neque revelatus fuerat ei sermo Domini.

✠. Immolabit hædum multitudo filiorum Israël ad vesperam Paschæ : * Et edent carnes et azymos panes. ✠. Pascha nostrum immolatus est Christus : itaque epulemur in azymis sinceritatis et veritatis. — Et.

Lectio ii

ET adjecit Dominus et vocavit adhuc Samuelem tertio, qui consurgens abiit ad Heli et ait : Ecce ego, quia vocasti me. Intellexit ergo Heli quia Dominus vocaret puerum et ait ad Samuelem : Vade et dormi et, si deinceps vocaverit te, dices : Lóquere, Domine, quia audit servus tuus. Abiit ergo Samuel et dormivit in loco suo. Et venit Dominus et stetit et vocavit, sicut vocaverat secundo : Samuel, Samuel. Et ait Samuel : Lóquere, Domine, quia audit servus tuus. Et dixit Dominus ad Samuelem

lem : Ecce ego fácio verbum in Israël, quod quicumque audierit, tinnient ambæ aures ejus. In die illa suscitábo advérsus Heli ómnia, quæ locútus sum super domum ejus : incípíam et complébo.

℟. Comedétis carnes, et saturabímini pánibus :
* Iste est panis, quem dedit vobis Dóminus ad vescéndum. ℣. Non Móyses dedit vobis panem de cælo, sed Pater meus dat vobis panem de cælo verum. — Iste.

Lectio iii Cap. 3, 15-20

Dormívit autem Sámuel usque mane aperuítque óstia domus Dómini. Et Sámuel timébat indicáre visiónem Heli. Vocávit ergo Heli Samuélem et dixit : Sámuel, fili mi. Qui respóndens ait : Præsto sum. Et interrogávit eum : Quis est sermo, quem locútus est Dóminus ad te? oro te, ne celáveris me. Hæc fáciat tibi Deus et hæc addat, si abscónderis a me sermónem, ex ómnibus verbis, quæ dicta sunt tibi. Indicávit itaque ei Sámuel univérso sermónem, et non abscóndit ab eo. Et ille respóndit : Dóminus est; quod bonum est in óculis suis, fáciat. Crevit autem Sámuel, et Dóminus erat cum eo, et

non cécidit ex ómnibus verbis ejus in terram. Et cognóvit univérso Israël a Dan usque Bersabée, quod fidélis Sámuel prophéta esset Dómini.

℟. Respéxit Elías ad caput suum subcinerícium panem; qui surgens comédit et bibit : * Et ambulávit in fortitúdine cibi illius usque ad montem Dei. ℣. Si quis manducáverit ex hoc pane, vivet in ætérnum. — Et. Glória Patri. Et.

In II Nocturno

Sermo sancti Joánnis

Chrysóstomi

Homilia 61

ad populum Antioch.

Lectio iv



Mecessárium est, dilectíssimi, mysteriorum discere miraculum, quodnam sit, et quare sit datum, et quæ ejus rei utilitas. Unum corpus effícimur : membra, inquit, ex carne ejus et ex óssibus ejus. Sequámur autem initiáti, quæ dicúntur. Ut itaque non tantum per caritátem hoc fiámus, verum étiam ipsa re, in illam misceámur carnem : hoc namque per escam effícitur, quam largitus est nobis, volens osténdere desidérium, quod erga nos habet. Proptérea semetípsum nobis immí-

scuit, et corpus suum in nos contemperávit, ut unum quid simus tamquam corpus cápiti coaptátum; ardénter enim amántium hoc est.

℟. Cœnántibus illis, accépit Jesus panem, et benedíxit, ac fregit, deditque discíplis suis, et ait :

* Accípite et comédite; hoc est corpus meum.

℣. Dixérunt viri tabernáculi mei : Quis det de cárnibus ejus, ut saturémur? — Accípite.

Lectio v

TAmquam leónes igitur ignem spirántes ab illa mensa recedámus, facti diabólo terribiles, et caput nostrum mente revolvéntes, et caritátem quam erga nos osténdit. Nam paréntes quidem áliis sæpe fílios tradunt aléndonos : ego autem, inquit, non ita, sed cárnibus meis alo, et me ípsam vobis appóno, vos omnes generósonos esse volens, et spem bonam de futúris vobis præbens : quippe qui vobis hic me ípsam trádidi, multo magis id in futúro faciám. Vólui frater vester fieri, carni propter vos et sánguini comunicávi : vobis vicíssim ipsam carnem et sánguinem, per quæ cognátus vester factus sum, trado.

℟. Accépit Jesus cálicem, postquam cœnávít, dicens : Hic calix novum testaméntum est in meo sáanguine : * Hoc faciíte in meam commemoratióne.

℣. Memória memor ero, et tabéscet in me ánima mea. — Hoc.

Lectio vi

ATtendámus itaque nobis ipsis, dilectíssimi, talibus fruéntes bonis : et, cum áliquíd turpe dícere voluérimus, vel nos ab ira córripi vidérimus, vel álio quópiam hujúsmodi vítio, considerémus, quibus facti sumus digni; talisque cogitatio nobis irrationalium mótuum sit correctio. Quotquot igitur hujus partícipes córporis effícimur, quotquot sánguinem degustámus; cogitémus, quod illum sursum sedéntem, qui ab Angelis adorátur incorruptíbili vicínus virtúti, hunc degustámus. Hei mihi, quot ad salutem nobis viæ! Nos corpus suum effécit; nobis suum comunicávit corpus : et horum nos nihil a malis avértit.

℟. Ego sum panis vitæ; patres vestri manducavérunt manna in desérto, et mórtui sunt : * Hic est panis de cælo descéndens, ut, si quis ex ipso mandúcet, non moriátur. ℣. Ego sum

panis vivus, qui de cælo descendi : si quis manducaverit ex hoc pane, vivet in ætérnum. — Hic. Glória Patri. Hic.

In III Noeturno

Léctio sancti Evangélii
secúndum Joánnem

Lectio vii Cap. 6, 56-59

IN illo témpore : Dixit Jesus turbis Judæórum : Caro mea vere est cibus, et sanguis meus vere est potus. Et réliqua.

De Homília

sancti Augustíni Episcopi

Tract. 27 in Joann., ante med.



Iximus, fratres, hoc Dóminum commendasse in manducatione carnis suæ et potatione sanguíinis sui, ut in illo maneámus, et ipse in nobis. Manémus autem in illo, cum sumus membra ejus; manet autem ipse in nobis, cum sumus templum ejus. Ut autem simus membra ejus, únitás nos compáginat : ut compáginet únitás, quæ facit, nisi caritas? Et caritas Dei unde? Apóstolum intéroga. Caritas, inquit, Dei diffúsa est in córdibus nostris per Spíritum Sanctum, qui datus est nobis.

✠. Qui mandúcat meam carnem et bibit meum sanguinem, * In me manet, et

ego in eo. ✠. Non est ália nátio tam grandis, quæ hábeat deos appropinquántes sibi, sicut Deus noster adest nobis. — In.

Lectio viii

ERgo spíritus est, qui vivificat; spíritus enim facit viva membra : nec viva membra spíritus facit, nisi quæ in corpore, quod végetat ipse spíritus, invénerit. Nam spíritus, qui est in te, o homo, quo constas ut homo sis, numquid vivificat membrum quod separátum invénerit a carne tua? Spíritum tuum dico ánimam tuam. Anima tua non vivificat nisi membra, quæ sunt in carne tua : unum si tollas, jam non vivificátur ex ánima tua, quia unitáti cörperis tui non copulátur.

✠. Misit me vivens Pater, et ego vivo propter Patrem : * Et qui mandúcat me, vivet propter me.

✠. Cibávit illum Dóminus pane vitæ et intelléctus. — Et. Glória Patri. Et.

Lectio ix

HÆC dicúntur, ut amemus unitátem et timeámus separatióem. Nihil enim sic debet formidare Christiánus quam separári a corpore Christi. Si enim separátur a corpore Christi, non est membrum

ejus : si non est membrum ejus, non vegetátur Spírítu ejus. Quisquis autem, inquit Apóstolus, Spírítum Christi non habet, hic non est ejus. Spírítus ergo est, qui vivíficat, caro autem non prodest quidquam. Verba, quæ ego locútus sum vobis, spírítus et vita sunt. Quid est, Spírítus et vita sunt? Spírítáliter intelligénda sunt. Intellexísti spírítáliter? Spírítus et vita sunt. Intellexísti carnáli-ter? Etiam sic illa spírítus et vita sunt, sed tibi non sunt.

Te Deum laudámus. 7

*Vesperæ de sequenti Domi-
nica, Commemoratio præce-
dentis diei infra Octavam.*

**Dominica infra Octav.
Ssmi Corporis Christi**
quæ est II post Pentec.
Semiduplex

*Omnia dicuntur ut in Festo
Ssmi Corporis Christi 294,
præter sequentia :*

IN I VESPERIS

Capit. 1 Joann. 3, 13-14

CAríssimi : Nolíte mi-
rári, si odit vos mun-
dus. Nos scimus, quóniam
translāti sumus de morte
ad vitam, quóniam dilígi-
mus fratres.

Hymnus

PAnge, lingua, gloriósi
Córporis mystérium,
Sanguínisque pretiósi,
Quem in mundi prétium
Fructus ventris generósi
Rex effúdit géntium.

Nobis datus, nobis natus
Ex intácta Vírgine,
Et in mundo conversátus,
Sparso verbi sémine,
Sui moras incolátus
Miro clausit órđine.

In supréma nocte cœnæ
Recúmbens cum frátribus,
Observáta lege plene
Cibis in legálibus,
Cibum turbæ quodénæ
Se dat suis mánibus.

Verbum caro, panem ve-
rum
Verbo carnem éfficit;
Fitque sanguis Christi me-
rum;
Et si sensus déficit,
Ad firmándum cor sincé-
rum
Sola fides súfficit.

¶ *Sequens strophæ, si coram
Sanctissimo exposito Offi-
cium persolvatur, dicitur fle-
xis genibus.*

Tantum ergo Sacramén-
tum
Venerémur cérnui;
Et antíquum documéntum
Novo cedat rítui;
Præstet fides supplemén-
tum
Sénsuum deféctui.

Genitóri, Genitóque
Laus et jubilátio,
Salus, honor, virtus quo-
que

Sit et benedíctio :
Procedénti ab utróque
Compar sit laudátio.

Amen.

℣. Cibávit illos ex ádipe
fruménti, allelúja. ℞. Et
de petra, melle saturávit
eos, allelúja.

Ad Magnif. Ant. Puer
Sámuel * ministrábat ante
Deum coram Heli, et ser-
mo Dómini erat pretiósus
cum eo.

In II Vesperis

Ad Magnif. Ant. Exi ci-
to * in platéas et vicos
civitátis : et páuperes ac
debiles, cæcos et claudos
compélle intráre, ut im-
pleátur domus mea, alle-
lúja.

Oratio

SAncti nóminis tui, Dó-
mine, timórem páriter
et amórem fac nos habére
perpétuum : quia num-
quam tua gubernatióne
destítuisti, quos in solidi-
táte tuæ dilectiónis insti-
tuisti. Per Dóminum.

Et fit Commemoratio præ-
cedentis diei infra Octavam :

Ant. O sacrum convi-
vium, in quo Christus sú-
mitur; recólitur memória

passiónis ejus; mens im-
plétur grátia; et futúre
glóriæ nobis pignus da-
tur, allelúja.

℣. Panem de cælo præsti-
tisti eis, allelúja. ℞. Omne
delectaméntum in se ha-
béntem, allelúja.

Oratio

D Eus, qui nobis sub Sa-
craménto mirábili pas-
siónis tuæ memóriam reli-
quisti : tríbue, quæsumus,
ita nos córporis et sángui-
nis tui sacra mystéria ve-
nerári; ut redemptiónis
tuæ fructum in nobis júgi-
ter sentiámus : Qui vivis.

In I Nocturno

De libro primo Regum

Lectio i Cap. 4, 1-11



T factum est in dié-
bus illis, convené-
runt Philísthiim in
pugnam; et egréssus est
Israël óbviā Philísthiim
in prælium, et castrametá-
tus est juxta Lápidem ad-
jutórii. Porro Philísthiim
venérunt in Aphec et in-
struxérunt áciem contra
Israël. Inito autem certá-
mine, terga vertit Israël
Philisthæis, et cæsa sunt
in illo certámine passim
per agros quasi quátuor
míllia virórum. Et revér-
sus est pópulus ad castra,
dixerúntque majóres natu

de Israël : Quare percussit nos Dóminus hódie coram Philístiim? Afferámus ad nos de Silo arcam fœderis Dómini, et véniat in médium nostri, ut salvet nos de manu inimicórum nostrórum.

℟. Immolábit hædum multitúdo filiórum Israël ad vésperam Paschæ :

* Et edent carnes et ázimos panes. ℣. Pascha nostrum immolátus est Christus : itaque epulémur in ázymis sinceritátis et veritátis. — Et.

Lectio ii

Misit ergo pópulus in Silo, et tulérunt inde arcam fœderis Dómini exercítuum sedéntis super Chérubim; erántque duo filii Heli cum arca fœderis Dei, Ophni et Phínees. Cumque venísset arca fœderis Dómini in castra, vociferátus est omnis Israël clamóre grandi, et persónuit terra. Et audiérunt Philístiim vocem clamóris dixerúntque : Quænam est hæc vox clamóris magni in castris Hebræórum? Et cognovérunt quod arca Dómini venísset in castra.

℟. Comedétis carnes, et saturabimini pánibus :
* Iste est panis, quem dedit vobis Dóminus ad vescéndum. ℣. Non Móyses

dedit vobis panem de cælo, sed Pater meus dat vobis panem de cælo verum. — Iste.

Lectio iii

TImuerúntque Philístiim, dicéntes : Venit Deus in castra; et ingemuérunt dicéntes : Væ nobis, non enim fuit tanta exsultátio heri et nudius-tértius : væ nobis. Quis nos salvábit de manu deórum sublímium istórum? Hi sunt dii, qui percussérunt Ægýptum omni plaga in desérto. Confortámini et estóte viri, Philístiim : ne serviátis Hebræis, sicut et illi serviérunt vobis, confortámini et belláte. Pugnávérunt ergo Philístiim, et cæsus est Israël, et fugit unusquisque in tabernáculum suum, et facta est plaga magna nimis, et cecidérunt de Israël trigínta míllia peditum, et arca Dei capta est, duo quoque filii Heli mórtui sunt, Ophni et Phínees.

℟. Respéxit Elías ad caput suum subcinerícium panem; qui surgens comedit et bibit :
* Et ambulávit in fortitúdine cibi illius usque ad montem Dei.
℣. Si quis manducáverit ex hoc pane, vivet in ætérnum. — Et. Glória Patri. Et.

In II Nocturno
Sermo sancti Joánnis
Chrysóstomi

Homilia 60
ad populum Antioch.

Lectio iv



Uóniam Verbum dicit : Hoc est corpus meum; et assentiámur et credámus et intellectuálibus ipsum óculis intueámur. Nihil enim sensíbile nobis Christus trádidit; sed sensibílibus quidem rebus, at ómnia intelligibília. Itidem et in baptísmate : per rem nempe sensíblem, aquam, donum confértur; intelligíbile vero quod perfícitur, generátio et renovátio. Si enim incorpóreus esses, nuda et incorpórea tibi dedísset ipse dona; sed quóniam ánima córpori consérta est, in sensibílibus intelligibília tibi præbet. Quot nunc dicunt : Vellem ipsíus formam aspícere, figúram, vestiménta, calceaménta? Ecce, eum vides, ipsum tangis, ipsum mandúcas. Et tu quidem vestiménta cupis vidére; ipse vero tibi concédit non tantum vidére, verum et manducáre, et tângere, et intra te súmere.

✠. Cœnantibus illis, accépit Jesus panem, et benedíxit, ac fregit, dedítque discíplis suis, et ait :

* Accípите et comédите; hoc est corpus meum. ✠. Dixérunt viri tabernáculi mei : Quis det de cárnibus ejus, ut saturémur? — Accípите.

Lectio v

Ígitur accédát nemo cum náusea, nemo resolutus; omnes accénsi, omnes fervéntes et excitáti. Nam si Judæi stantes, et calceaménta in pédibus habéntes, et báculos mánibus gestántes, agnum cum festinátione comedébant : te multo magis opórtet esse solértem. Nam illi quidem in Palæstínam erant profectúri, et proptérea viatórum figúram habébant : tu vero debes in cælum migráre. Quaprópter in ómnibus opórtet te vigiláre; nec enim parva pœna propónitur indígne suméntibus. Cógita, quantum advérsus proditórem indignáris, et contra eos qui illum crucifixerunt : itaque consídera, ne tu quoque sis reus córporis et ságuinis Christi. Illi sanctíssimum corpus occidérunt, tu vero pollúta súscipis ánima, póst tot beneficia. Neque enim illi satis fuit, hóminem fieri, cólaphis cædi, et crucifigi; verum et semetípsum nobis commíscet; et non fide tantum, verum et ipsa re, nos suum éfficit corpus.

℟. Accépit Jesus cálicem, postquam cœnâvit, dicens : Hic calix novum testaméntum est in meo sânguine : * Hoc fácite in meam commemoratiónem.

℣. Memória memor ero, et tabéscet in me ánima mea. — Hoc.

Lectio vi

QUO non opórtet igitur esse puriorem, tali fruéntem sacrificio? quo solári rádio non splendidiorem manum, carnem hanc dividéntem? os quod igni spiritali replétur, linguam quæ treméndo nimis sânguine rubéscit? Cógita, quali sis insignítus honóre, quali mensa fruáris. Quod Angeli vidéntes horréscunt, neque libere audent intuéri propter emicántem inde splendórem; hoc nos páscimur, huic nos unímur, et facti sumus unum Christi corpus, et una caro. Quis loquétur poténtias Dómini, audítas fáciet omnes laudes ejus? Quis pastor oves próprio pascit cruóre? Et quid dico, pastor? Matres multæ sunt, quæ post partus dolóres filios áliis tradunt nutrícibus. Hoc autem ipse non est passus; sed ipse nos próprio sânguine pascit, et per ómnia nos sibi coagméntat.

℟. Ego sum panis vitæ; patres vestri manducavé-

runt manna in desérto, et mórtui sunt : * Hic est panis de cælo descéndens, ut, si quis ex ipso mandúcet, non moriátur. ℣. Ego sum panis vivus, qui de cælo descénderé : si quis manducáverit ex hoc pane, vivet in ætérnum. — Hic est. Glória Patri. Hic est.

In III Noeturno


Lectio sancti Evangélíi
secúndum Lucam

Lectio vii Cap. 14, 16-24

IN illo témpore : Dixit Jesus pharisæis parábolum hanc : Homo quidam fecit cœnam magnam, et vocávit multos. Et reliqua.

Homília sancti Gregórii
Papæ

Homília 36 in Evangelia

 **Q**UOC distáre, fratres caríssimi, inter delicias córporis et cordis solet : quod corporáles deliciæ, cum non habéntur, grave in se desidérium accéndunt; cum vero ávide edúntur, comedéntem prótinus in fastídium per satietátem vertunt. At contra, spiritáles deliciæ, cum non habéntur, in fastídium sunt; cum vero habéntur, in desidério : tantóque a comedénte ámplius esuriúntur, quanto et ab esuriénte ámplius come-

dúntur. In illis appetítus placet, experiéntia dísplicet : in istis appetítus vilis est, et experiéntia magis placet. In illis appetítus saturitátem, satúritas fastídium génerat; in istis autem appetítus saturitátem, satúritas appetítum parit.

℟. Qui mandúcat meam carnem et bibit meum sanguinem, * In me manet, et ego in eo. ℣. Non est álía nátio tam grándis, quæ hábeat deos appropinquántes sibi, sicut Deus noster adest nobis. — In.

Lectio viii

AUgent enim spiritáles delíciæ desidérium in mente, dum sátiant : quia, quando magis eárum sapor percípitur, eo ámplius cognóscitur quod avidius amétur; et idcirco non hábitæ amári non possunt, quia eárum sapor ignorátur. Quis enim amáre váleat quod ignórat? Proinde Psalmísta nos ádmonet, dicens : Gustáte et vidéte, quóniam suávis est Dóminus. Ac si apérte dicat : Suavitátem ejus non cognóscitis, si hanc mínime gustátis; sed cibum vitæ ex paláto cordis tángite, ut probántes ejus dulcédinem, amáre valeátis. Has autem homo delíCIAS tunc amísit, cum in paradíso

peccávit; extra éxiit, cum os a cibo ætérnæ dulcédinis clausit.

℟. Homo quidam fecit cœnam magnam, et misit servum suum hora cœnæ dícere invitátis, ut venírent, * Quia paráta sunt ómnia. ℣. Veníte, comedite panem meum, et bibite vinum, quod míscui vobis. — Quia. Glória Patri. Quia.

Lectio ix

UNde nos quoque, nati in hujus peregrinatiónis ærúmna, huc fastidiósi jam vénimus, nescimus quid desideráre debeámus. Tantóque se ámplius fastídi nostri morbus exágerat, quanto se magis ab esu illíus dulcédinis ánimus elóngat; et eo jam intérnas delíCIAS non appetit, quo eas comédere, diu longéque desuévit. Fastidio ergo nostro tabéscimus, et longa inédiæ peste fatigámur. Et quia gustáre intus nólumus parátam dulcédinem, amámus foris míseri famem nostram.

Te Deum laudámus. 7

AD LAUDES

Ant. 1 Sapiéntia * ædificávit sibi domum, míscuit vinum et pósuit mensam, allelúja.

Psalmi de Dominica. 36

2 Angelórum esca * nutritívisti pópulum tuum, et panem de cælo præstitísti eis, allelúja.

3 Pinguis est panis * Christi, et præbébit delicias régibus, allelúja.

4 Sacerdótes sancti * incensum et panes offerunt Deo, allelúja.

5 Vincénti dabo * manna absconditum, et nomen novum, allelúja.

Capit. 1 Joann. 3, 13-14

Caríssimi : Nolíte mirári, si odit vos mundus. Nos scimus, quóniam transláti sumus de morte ad vitam, quóniam dilígimus fratres.

Hymnus

Verbum supérnum pródiens,
Nec Patris linquens dexteram,
Ad opus suum éxiens,
Venit ad vitæ vésperam.

In mortem a discipulo
Suis tradéndus æmulis,
Prius in vitæ férculo
Se trádedit discipulis.

Quibus sub bina spécie
Carnem dedit et sánguinem;

Ut dúplicis substántiæ
Totum cibáret hóminem.

Se nascens dedit sócium,
Convéscens in edúlium,
Se móriens in prétium,
Se regnans dat in præmium.

O salutáris hóstia,
Quæ cæli pandis óstium,
Bella premunt hostília;
Da robur, fer auxílium.

¶ **Sequens Conclusio numquam mutatur**

Uni trinóque Dómino
Sit sempitérna glória :
Qui vitam sine término
Nobis donet in pátria.

Amen.

℣. Panem cæli dedit eis, allelúja. ℟. Panem Angelórum manducávit homo, allelúja.

Ad Bened. Ant. Homo quidam * fecit cœnam magnam, et vocávit multos : et misit servum suum hora cœnæ dícere invitátis, ut venírent, quia ómnia paráta sunt, allelúja.

Oratio

Sancti nóminis tui, Dómine, timórem páriter et amórem fac nos habére perpétuum : quia numquam tua gubernatióne destítuisti, quos in soliditáte tuæ dilectiónis instítuisti. Per Dóminum.

Et fit Commemoratio Octavæ :

Ant. Ego sum panis vivus, qui de cælo descénderi : si quis manducáverit ex hoc pane, vivet in ætérnum, allelúja.

℣. Pósuit fines tuos pacem, allelúja. ℟. Et ádipe fruménti sátiat te, allelúja.

Oratio

DEus, qui nobis sub Sacraménto mirábili passionis tuæ memóriam reliquisti : tribue, quæsumus, ita nos cõporis et sãguinis tui sacra mystéria venerári; ut redemptionis tuæ fructum in nobis júgiter sentiámus : Qui vivis.

AD PRIMAM

Ant. Sapiéntia * ædificávit sibi domum, míscuit vinum et pósuit mensam, allelúja.

AD TERTIAM

Capitulum Caríssimi, ut supra. 324

℟. br. Panem cæli dedit eis, * Allelúja, allelúja. Panem. **℣.** Panem Angelórum manducávit homo. Allelúja, allelúja. **Gloria** Patri. Panem cæli. **℣.** Cibávit illos ex ádipe fruménti, allelúja. **℟.** Et de petra, melle saturávit eos, allelúja.

Oratio Sancti. 324.

AD SEXTAM

Capit. 1 Joann. 3, 16

IN hoc cognóvimus caritátem Dei : quóniam ille ánimam suam pro nobis pósuit, et nos debémus pro fratribus ánimas pónere.

℟. br. Cibávit illos ex ádipe fruménti, * Allelúja, allelúja. Cibávit. **℣.** Et de

petra, melle saturávit eos. Allelúja, allelúja. **Gloria** Patri. Cibávit. **℣.** Edúcas panem de terra, allelúja. **℟.** Et vinum lætíficet cor hóminis, allelúja.

AD NONAM

Capit. 1 Joann. 3, 18

Filióli mei, non diligámus verbo neque lingua, sed ópere et veritáte. **℟.** br. Edúcas panem de terra, * Allelúja, allelúja. Edúcas. **℣.** Et vinum lætíficet cor hóminis. Allelúja, allelúja. **Gloria** Patri. Edúcas. **℣.** Pósuit fines tuos pacem, allelúja. **℟.** Et ádipe fruménti sátiat te, allelúja.

IN II VESPERIS

Antiphonæ et Psalmi ut supra. 294

Capitulum Caríssimi, ut supra. 324

Hymnus Pange, lingua, ut supra. 296

℣. Cibávit illos ex ádipe fruménti, allelúja. **℟.** Et de petra, melle saturávit eos, allelúja.

Ad Magnif. Ant. Exi cito * in pláteas et vicos civitátis : et páuperes ac débiles, cæcos et claudos compélle intráre, ut impleátur domus mea, allelúja.

Et fit Commemoratio sequentis diei infra Octavam :

Ant. O quam suávis est, Dómine, spíritus tuus,

qui, ut dulcedinem tuam in filios demonstráres, pane suavíssimo de cælo præstíto, esuriéntes reple bonis, fastidiósos dívites dimíttens inánes.

✠. Panem de cælo præstísti eis, allelúja. ✠. Omne delectaméntum in se habéntem, allelúja.

Oratio

DEus, qui nobis sub Sacraménto mirábili passionis tuæ memóriam reliquisti : tríbe, quæsumus, ita nos córporis et ságuinis tui sacra mystéria venerári; ut redemptionis tuæ fructum in nobis júgiter sentiámus : Qui vivis.

Si tamen sequenti die faciendum non sit Officium de Octava, dicitur

Ant. O sacrum convívium, in quo Christus súmitur; recólitur memória passionis ejus; mens implétur grátia; et futúrae glóriæ nobis pignus datur, allelúja.

Feria II infra Octavam SSIMI CORPORIS CHRISTI

Semiduplex

In I Nocturno

De libro primo Regum

Lectio i Cap. 5, 1-12



Hilísthiim autem tulérunt arcam Dei et asportavérunt eam a Lápide adjutórii

in Azótum. Tulerúntque Philísthiim arcam Dei et intulérunt eam in templum Dagon et statuérunt eam juxta Dagon. Cumque surrexissent dilúculo Azótii áltera die, ecce Dagon jacébat pronus in terra ante arcam Dómini; et tulérunt Dagon et restituérunt eum in locum suum. Rursúmque mane die áltera consurgéntes invenérunt Dagon jacéntem super fáciem suam in terra coram arca Dómini, caput autem Dagon et duæ palmæ mánuum ejus abscíssæ erant super limen; porro Dagon solus truncus remánserat in loco suo.

✠. Immolábit hædum multitúdo filiórum Israël ad vésperam Paschæ : * Et edent carnes et ázynos panes. ✠. Pascha nostrum immolátus est Christus : itaque epulémur in ázymis sinceritátis et veritátis. — Et edent.

Lectio ii

AGgraváta est autem manus Dómini super Azótios, et demolítus est eos. Et ebulliérunt villæ et agri in médio regiónis illius, et nati sunt mures, et facta est confúsió mortis magnæ in civitáte. Vidéntes autem viri Azótii hujuscémodi plagam dixé-

runt : Non máneat arca Dei Israël apud nos, quóniam dura est manus ejus super nos et super Dagon, deum nostrum. Et mitténtes congregavérunt omnes sátrapas Philisthinórum ad se et dixerunt : Quid faciémus de arca Dei Israël? Responderúntque Gethæi : Circumducátur arca Dei Israël.

℟. Comedétis carnes, et saturabimini pánibus : * Iste est panis, quem dedit vobis Dóminus ad vescéndum. ℣. Non Móyses dedit vobis panem de cælo, sed Pater meus dat vobis panem de cælo verum. — Iste.

Lectio iii

ET circumduxérunt arcam Dei Israël. Illis autem circumducéntibus eam, fiébat manus Dómini per singulas civitátes interfeciónis magnæ nimis; et percutiébat viros uniuscujúsque urbis a parvo usque ad majórem. Misérunt ergo arcam Dei in Accaron. Cumque venisset arca Dei in Accaron, exclamavérunt Accaronitæ dicéntes : Adduxérunt ad nos arcam Dei Israël, ut interficiat nos et pópulum nostrum. Misérunt itaque et congregavérunt omnes sátrapas Philisthinórum, qui dixerunt : Dimíttite arcam Dei Israël,

et revertátur in locum suum et non interficiat nos cum pópulo nostro. Fiébat enim pavor mortis in singulis úrbibus et gravíssima valde manus Dei.


℟. Respéxit Elías ad caput suum subcinerícium panem; qui surgens comédit et bibit : * Et ambulávit in fortitúdine cibi illíus usque ad montem Dei. ℣. Si quis manducáverit ex hoc pane, vivet in ætérnum.— Et. Glória. Et.

In II Nocturno

De Sermóne sancti Joánnis Chrysóstomi

Eadem Homilia 60

Lectio iv

 Nicuíque fidélium Christus semetípsum per mystéria commíscet, et quos genuit, per semetípsum enútrit, nec áleri tradit; per hoc tibi rursum persuádens, quod carnem tuam assúmpsit. Ne torpeámus igitur tanta digni caritáte et honóre putáti. Nonne vidétis, quanta promptitúdine párvuli papíllas capiunt, et quanto ímpetu lábia ubéribus infígunt? Accedámus cum tanta nos quoque alacritáte ad hanc mensam et ad úbera póculi spiritális : quinímmo cum longe majóri trahámus, tamquam infántes lactén-

tes, spírítus grátiam : et unus sit nobis dolor hac esca privári. Non sunt humánæ virtútis ópera, hæc quæ proponúntur : qui tunc ipsa fecit in illa cœna, idem ea nunc quoque facit. Nos ministrórum tenémus locum; qui vero sanctíficat ea et immutat, ipse est. Nullus ítaque Judas assístat, nullus avárus; nam tales mensa non súscipit. Si quis est discípulus, adsit; ait enim : Cum discípulis meis fácio Pascha. Hæc est illa mensa, et minus nihil habet. Non enim illam quidem Christus, hanc autem homo pérficit; verum et hanc ipse quoque.

✠. Cœnántibus illis, accépit Jesus panem, et benedíxit, ac fregit, dedítque discípulis suis, et ait :

* Accípíte et comédíte; hoc est corpus meum.

✠. Dixérunt viri tabernáculi mei : Quis det de cárnibus ejus, ut saturémur? — Accípíte.

Lectio v

INhumánus accédát nemo, nemo crudélis et immiséricors, nemo prorsus immúndus. Hæc ad comunicántes dico, et ad vos, ministrántes. Nam et ad vos sermónem convertere necessárium est, ut multo cum stúdio hæc

dona distribuátis. Non parva vobis ímmínet últio, si quemquam, illíus culpæ cónsccii, hujus mensæ participem esse concedátis : sanguis ejus de mánibus vestris exquirétur. Sive quis dux militiæ sit, sive præfécus, sive princeps diadémate coronátus, indígne autem accédát, próhibe : majórem illo potestátem habes. Proptérea vos Deus hoc insignívit honóre, ut tália discernátis. Hoc vestra dígnitas est, hoc secúritas, hoc omnis coróna; non ut albam et splendéntem túnícá circumeátis indúti. Verum et tu, láice, cum sacerdotem víderis offeréntem, ne ut sacerdotem esse putes hoc faciéntem, sed Christi manum invisibíliter exténsam.

✠. Accépit Jesus cálicem, postquam cœnávít, dicens : Hic calix novum testaméntum est in meo ságuine : * Hoc fácite in meam commemoratiómem.

✠. Memória memor ero, et tabéscet in me ánima mea. — Hoc.

Lectio vi

AUDIÁMUS igitur, et sacerdótes et súbditi, quali esca facti sumus digni : audiámus et horreámus. Sanctis cárnibus suis nos dedit impléri, semetípsum appósuit immolá-

tum. Quænam igitur erit nobis excusatio, cum talibus pasti talia peccemus, cum lupi fiamus Agnum comedentes, cum tamquam oves pasti more leonum diripiamus? Hoc enim mysterium non a rapina tantum, verum et ab omni vel tenui inimicitia purum esse penitus jubet; est enim pacis mysterium. Judæis quidem annuatim propriorum monumenta beneficiorum solemnitates Deus alligavit; tibi vero singulis diebus per hæc mysteria. Nullus itaque Judas hanc mensam petat, nullus Simon. Hi namque duo propter avaritiam perierunt; hoc igitur barathrum fugiamus.

✠. Ego sum panis vitæ; patres vestri manducaverunt manna in deserto, et mortui sunt : * Hic est panis de cælo descendens, ut, si quis ex ipso manducet, non moriatur. ✠. Ego sum panis vivus, qui de cælo descendi : si quis manducaverit ex hoc pane, vivet in æternum. — Hic. Gloria Patri. Hic.

In III Nocturno

Lectio sancti Evangelii
secundum Joannem

Lectio vii Cap. 6, 56-59

IN illo tempore : Dixit Jesus turbis Judæorum : Caro mea vere est cibus,

et sanguis meus vere est potus. Et reliqua.

De Homilia
sancti Augustini Episcopi
Tract. 26 in Joann., post med.



IC est panis, qui de cælo descendit. Hunc panem significavit manna, hunc panem significavit altare Dei. Sacramenta illa fuerunt : in signis diversa sunt; sed in re, quæ significatur, paria sunt. Apostolum audi : Nolo enim vos, inquit, ignorare, fratres, quia patres nostri omnes sub nube fuerunt, et omnes mare transierunt, et omnes per Moysen baptizati sunt in nube et in mari, et omnes eandem escam spiritalem manducaverunt. Spiritalem utique eandem; nam corporalem alteram; quia illi manna, nos aliud : spiritalem vero, quam nos, sed patres nostri, non patres illorum, quibus nos similes sumus, non quibus illi similes fuerunt. Et adjungit : Et omnes eundem potum spiritalem biberunt. Aliud illi, aliud nos, sed specie visibili quidem, tamen hoc idem significante virtute spiritali. Quomodo enim eundem potum? Bibebant, inquit, de spiritali, sequente petra : petra autem erat Christus. Inde

panis, inde potus. Petra Christus in signo, verus Christus in verbo et in carne. Et quómodo bibérunt? Percússa est petra de virga bis : gémina percússio, duo ligna Crucis significat.

℟. Qui mandúcat meam carnem et bibit meum ságuinem, * In me manet, et ego in eo. ℣. Non est ália nátio tam grandis, quæ hábeat deos appropinquántes sibi, sicut Deus noster adest nobis. — In.

Lectio viii

NOrunt fidéles corpus Christi, si corpus Christi non négligant esse. Fiant corpus Christi, si volunt vívere de Spíritu Christi. De Spíritu Christi non vivit, nisi corpus Christi. Intelligite, fratres mei, quid díxerim. Homo es, et spíritum habes, et corpus habes. Spíritum dico, quæ ánima vocátur, qua constas, quod homo es; constas enim ex ánima et córpore. Habes enim spíritum invisibilem, corpus visíbile. Dic mihi, quid ex quo vivat? Spíritus tuus vivit ex córpore tuo, an corpus tuum ex spíritu tuo? Respóndet omnis, qui vivit : qui autem hoc non potest respondére, nescio si vivit. Quid respóndet omnis,

qui vivit? Corpus útique meum vivit de spíritu meo. Vis ergo et tu vívere de Spíritu Christi? In córpore esto Christi.

℟. Misit me vivens Pater, et ego vivo propter Patrem : * Et qui mandúcat me, vivet propter me.

℣. Cibávit illum Dóminus pane vitæ et intelléctus. — Et. Glória Patri. Et.

Lectio ix

NUmquid enim corpus meum vivit de spíritu tuo? Meum vivit de spíritu meo, et tuum de spíritu tuo. Non potest vívere corpus Christi, nisi de Spíritu Christi. Inde est, quod expónens nobis Apóstolus Paulus hunc panem : Unus panis, inquit, unum corpus multi sumus. O sacraméntum pietátis, o signum unitátis, o vínculo caritátis! Qui vult vívere, habet ubi vivat, habet unde vivat. Accédát, credat, incorpóretur, ut vivificétur. Non abhórreat a compáge membrórum, non sit putre membrum, quod rescári mereátur, non sit distórtum, de quo erubescátur. Sit pulchrum, sit aptum, sit sanum : háreat córpori, vivat Deo de Deo. Nunc labóret in terra, ut póstea regnet in cælo.

Te Deum laudámus. 7

Feria III infra Octav.
Ssmi Corporis Christi

Semiduplex

In I Nocturno

De libro primo Regum

Lectio i Cap. 6, 1-3



Uit ergo arca Dómini in regiōne Philisthinórum septem mēnsibus, et vocavérunt Philisthiim sacerdótes et divínos, dicētes : Quid faciémus de arca Dómini? Indicáte nobis, quómodo remittámus eam in locum suum. Qui dixerunt : Si remíttitis arcam Dei Israël, nolíte dimíttre eam vácuam, sed quod debétis, réddite ei pro peccáto : et tunc curabímini et sciétis quare non recédat manus ejus a vobis.

℟. Immolábit hædum multitúdo filiórum Israël ad vésperam Paschæ : * Et edent carnes et ázynos panes. ℣. Pascha nostrum immolátus est Christus : itaque epulémur in ázymis sinceritátis et veritátis. — Et edent.

Lectio ii Cap. 6, 6-10

Quare aggravátis corda vestra, sicut aggravávit Ægýptus et Phárao cor suum? Nonne, postquam percússus est, tunc dimísit eos, et abiérunt? Nunc ergo arrípите et fá-

cite plastrum novum unum, et duas vaccas fœtas, quibus non est impositum jugum, júngite in plaustro et reclúдите vítulos eárum domi. Tolleítisque arcam Dómini et ponétis in plaustro et vasa áurea, quæ exsolvístis ei pro delícto, ponétis in capséllam ad latus ejus, et dimíttite eam ut vadat. Et aspiciétis, et, si quidem per viam finium suórum ascénderit contra Béthsamés, ipse fecit nobis hoc malum grande; sin autem mínime, sciémus quia nequáquam manus ejus tégit nos, sed casu áccidit. Fecerunt ergo illi hoc modo.

℟. Comedétis carnes, et saturabímini pánibus : * Iste est panis, quem dedit vobis Dóminus ad vescéndum. ℣. Non Móyses dedit vobis panem de cælo, sed Pater meus dat vobis panem de cælo verum. — Iste.

Lectio iii Cap. 6, 12-15

Ibant autem in diréctum vaccæ per viam, quæ ducit Béthsamés, et itinere uno gradiebántur pergéntes et mugiéntes et non declinábant neque ad dexteram neque ad sinístram; sed et sátrapæ Philisthiim sequebántur usque ad términos Béth-

sames. Porro Bethsamítæ metébant tríticum in valle, et elevántes óculos suos vidérunt arcam et gavísi sunt cum vidíssent. Et plastrum venit in agrum Jósue Bethsamítæ et stetit ibi. Erat autem ibi lapis magnus, et concidérunt ligna plaustrí, vaccásque imposuérunt super ea holocáustum Dómino. Levítæ autem deposuérunt arcam Dei.

℟. Respéxit Elías ad caput suum subcinerícium panem; qui surgens comédit et bibit : * Et ambulávit in fortitúdine cibi illíus usque ad montem Dei. ℣. Si quis manducáverit ex hoc pane, vivet in ætérnum. — Et. **G**lória Patri. Et.

In II Nocturno

Ex Epístola sancti Cypriáni Epíscopi et Mártiris ad Cæcílíum

Liber 2, Epístola 3, sub init.

Lectio iv

IN sacerdóte Melchisedech sacrificií Dóminici sacraméntum præfigurátum vidémus, secúndum quod Scriptúra divína testátur, et dicit : Et Melchisedech rex Salem prótulit panem et vinum. Fuit autem sacerdos Dei summi, et benedíxit Abraham. Quod autem

Melchisedech typum Christi portáret, declárat in Psalmis Spíritus Sanctus, ex persóna Patris ad Fílium dicens : Ante lucíferum génui te : Tu es sacerdos in ætérnum secúndum órđinem Melchisedech. Qui ordo útique hic est, de sacrificio illo véniens et inde descéndens, quod Melchisedech sacerdos Dei summi fuit, quod panem et vinum óbtulit, quod Abraham benedíxit.

℟. Cœnántibus illis, accépit Jesus panem, et benedíxit, ac fregit, dedítque discíplis suis, et ait : * Accípíte et comédíte; hoc est corpus meum. ℣. Dixérunt viri tabernáculi mei : Qui det de cáribus ejus, ut saturémur? — Accípíte.

Lectio v

NAM quis magis sacerdos Dei summi, quam Dóminus noster Jesus Christus? qui sacrificium Deo Patri óbtulit; et óbtulit hoc idem, quod Melchisedech obtúlerat, id est, panem et vinum, suum scílicet corpus et ságuinem. Et circa Abraham benedíctio illa præcédens, ad nostrum pópulum pertinébat. Nam si Abraham Deo crédidit, et deputátum est ei ad justítiam; útique quisquis Deo cre-

dit, et fide vivit, justus invenitur, et jam pridem in Abraham fideli benedictus et justificatus ostenditur, sicut beatus Apostolus Paulus probat, dicens : Credidit Abraham Deo, et deputatum est ei ad justitiam. Cognoscitis ergo, quia qui ex fide sunt, hi sunt filii Abraham. Providens autem Scriptura, quia ex fide justificat gentes Deus, prænuntiavit Abraham, quia benedicentur in illo omnes gentes.

℟. Accépit Jesus cálicem, postquam cœnavit, dicens : Hic calix novum testaméntum est in meo ságuine : * Hoc fácite in meam commemoratiónem.

℣. Memória memor ero, et tabescet in me ánima mea. — Hoc.

Lectio vi

UT ergo in Génesi per Melchisedech sacerdotem benedictio circa Abraham posset rite celebrari, præcedit ante imago sacrificii, in pane et vino scilicet constituta. Quam rem perficiens et adimplens Dominus, panem et cálicem mixtum vino obtulit; et, qui est plenitudo, veritatem præfiguratæ imaginis adimplévit. Sed et per Salomónem Spíritus Sanctus typum Domínici sa-

crificii ante præmónstrat, immolatæ hóstiæ et panis et vini, sed et altáris et Apostolorum fáciens mentiónem : Sapiéntia, inquit, ædificávit sibi domum, et súbdidit colúmnas septem; mactávit suas hóstias, míscuit in cratére vinum suum, et parávit mensam suam. Et misit servos suos cónvocans cum excélsa prædicatióne ad cratérem, dicens : Qui est incípiens, declínet ad me. Et egéntibus sensu dixit : Veníte, édite de meis pánibus, et bíbite vinum, quod míscui vobis.

℟. Ego sum panis vitæ; patres vestri manducavérunt manna in desérto, et mórtui sunt : * Hic est panis de cælo descéndens, ut, si quis ex ipso mandúcet, non moriátur. ℣. Ego sum panis vivus, qui de cælo descénderé : si quis manducáverit ex hoc pane, vivet in ætérnum. — Hic. Glória Patri. Hic.

In III Nocturno

Léctio sancti Evangélii
secúndum Joánnem

Lectio vii Cap. 6, 56-59

IN illo témpore : Dixit Jesus turbis Judæórum : Caro mea vere est cibus, et sanguis meus vere est potus. Et réliqua.

De Homilia
sancti Augustini Episcopi

Tractatus 26 in Joannem,
circa medium



ON sicut manducaverunt patres vestri manna, et mortui sunt. Quare manducaverunt, et mortui sunt? Quia quod videbant, credebant; quod non videbant, non intelligebant. Ideo patres vestri, quia similes estis illorum. Nam quantum pertinet, fratres mei, ad mortem istam visibilem et corporalem, numquid nos non morimur, qui manducamus panem de caelo descendentem? Sic sunt mortui et illi, quemadmodum et nos sumus morituri; quantum attinet, ut dixi, ad mortem huius corporis visibilem atque carnalem.

℟. Qui manducat meam carnem et bibit meum sanguinem, * In me manet, et ego in eo. ℣. Non est alia natio tam grandis, quae habeat deos appropinquantes sibi, sicut Deus noster adest nobis. — In me manet.

Lectio viii

Quantum autem pertinet ad illam mortem, de qua terret Dominus, qui mortui sunt patres istorum; manducavit manna

et Moyses, manducavit manna et Aaron, manducavit manna et Phinees, manducaverunt ibi multi, qui Domino placuerunt, et mortui non sunt. Quare? Quia visibilem cibum spiritaliter intellexerunt, spiritaliter esurierunt, spiritaliter gustaverunt, ut spiritaliter satiarentur. Nam et nos hodie accipimus visibilem cibum; sed aliud est sacramentum, aliud virtus sacramenti.

℟. Misit me vivens Pater, et ego vivo propter Patrem: * Et qui manducat me, vivet propter me.

℣. Cibavit illum Dominus pane vitae et intellectus. — Et. Gloria Patri. Et.

Lectio ix

Quam multi de altari accipiunt, et moriuntur, et accipiendo moriuntur! Unde dicit Apostolus: Iudicium sibi manducat et bibit. Nonne buccella Dominica venenum fuit Iudae? Et tamen accepit. Et cum accepit, in eum inimicus intravit; non quia malum accepit, sed quia bonum male malus accepit. Videte ergo, fratres, panem caelestem spiritaliter manducate, innocentiam ad altare apportate. Peccata, etsi sunt quotidiana, vel non sint mortifera;

antequam ad altáre accedátis, atténdite quod dicátis : Dimítte nobis débíta nostra, sicut et nos dimittimus debitóribus nostris. Si dimíttis, dimittétur tibi : secúrus accéde, panis est, non venénium.

Te Deum laudámus. 7

Feria IV infra Octavam Ssmi Corporis Christi

Semiduplex

In I Nocturno

De libro primo Regum

Lectio i Cap. 6, 19-21



Ercússit autem de viris Bethsamítibus, eo quod vidís-sent arcam Dómini; et percússit de pópulo septuagínta viros et quinquagínta míllia plebis. Luxít-que pópulus, eo quod Dóminus percussísset plebem plaga magna. Et dixerunt viri Bethsamítæ : Quis póterit stare in conspéctu Dómini Dei sancti hujus? et ad quem ascéndet a nobis? Miserúntque núntios ad habitatóres Cariathíarim, dicéntes : Reduxérunt Philísthiim arcam Dómini : descéndite et redúcite eam ad vos. Venérunt ergo viri Cariathíarim et reduxérunt arcam Dómini et intulérunt eam

in domum Abínadab in Gábaa; Eleázarum autem filium ejus sanctificavérunt, ut custodíret arcam Dómini.

℟. Immolábit hædum multitúdo filiórum Israël ad vésperam Paschæ: * Et edent carnes et ázymos panes. ℣. Pascha nostrum immolátus est Christus : itaque epulémur in ázymis sinceritátis et veritátis. — Et edent.

Lectio ii Cap. 7, 1-8

ET factum est, ex qua die mansit arca Dómini in Cariathíarim, multiplicáti sunt dies (erat quippe jam annus vigésimus), et requiévít omnis domus Israël post Dóminum. Ait autem Sámuel ad univérsam domum Israël dicens : Si in toto corde vestro revertímini ad Dóminum, auférte deos aliénos de médio vestri Báalim et Astaroth et præparáte corda vestra Dómino et servíte ei soli, et éruet vos de manu Philísthiim. Abstulérunt ergo filii Israël Báalim et Astaroth et serviérunt Dómino soli.

℟. Comedétis carnes, et saturabímini pánibus : * Iste est panis, quem dedit vobis Dóminus ad vescéndum. ℣. Non Móyses dedit vobis panem de

cælo, sed Pater meus dat vobis panem de cælo verum. — Iste est panis, quem dedit vobis Dóminus ad vescéndum.

Lectio iⁱⁱ

Dixit autem Sámuel : Congregáte univérsum Israël in Masphath, ut orem pro vobis Dóminus. Et convenérunt in Masphath hauserúntque aquam et effuderunt in conspéctu Dómini et jejunavérunt in die illa atque dixerunt ibi : Peccávimus Dómino. Judicavítque Sámuel filios Israël in Masphath. Et audiérunt Philisthiim, quod congregáti essent filii Israël in Masphath, et ascendérunt sátrapæ Philisthinórum ad Israël. Quod cum audísent filii Israël, timuérunt a fácie Philisthinórum. Dixerúntque ad Samuélem : Ne cesses pro nobis clamáre ad Dóminum Deum nostrum, ut salvet nos de manu Philisthinórum.

℟. Respéxit Elías ad caput suum subcinerícium panem; qui surgens comédit et bibit : * Et ambulávit in fortitúdine cibi illíus usque ad montem Dei. ℣. Si quis manducáverit ex hoc pane, vivet in ætérnum. — Et. Glória Patri. Et.

In II Nocturno

Ex libro sancti Ambrósii
Epíscopi de Sacraméntis

Liber 4, cap. 4

Lectio iv

Uctor sacramentórum quis est, nisi Dóminus Jesus? De cælo ista sacraménta venérunt. Consilium enim omne de cælo est. Vere autem magnum est et divinum miráculum, quod pópulo pluit Deus manna de cælo, et non laborábat pópulus, et manducábat. Tu forte dicis : Meus panis est usitátus. Sed panis iste, panis est ante verba sacramentórum : ubi accésserit consecrátio, de pane fit caro Christi. Hoc igitur astruámus. Quómodo potest, qui panis est, corpus esse Christi? Consecratióne. Consecrátio igitur quibus verbis est, et cujus sermónibus? Dómini Jesu. Nam réliqua ómnia quæ dicúntur, laudem Deo déferunt, orátio præmíttitur pro pópulo, pro régibus, pro céteris : ubi venítur, ut conficiátur venerábile Sacraméntum, jam non suis sermónibus sacérdos, sed útitur sermónibus Christi.

℟. Cœnantibus illis, accépit Jesus panem, et benedíxit, ac fregit, dedít-

que discipulis suis, et ait :
 * Accípite et comédite;
 hoc est corpus meum.
 ℣. Dixérunt viri taberná-
 culi mei : Quis det de cár-
 nibus ejus, ut saturémur?
 — Accípite.

Lectio v

Ergo sermo Christi hoc
 cónficit Sacraméntum.
 Quis sermo Christi? Nem-
 pe is, quo facta sunt óm-
 nia. Jussit Dóminus, et
 factum est cælum; jussit
 Dóminus, et facta est ter-
 ra; jussit Dóminus, et fa-
 cta sunt mária; jussit Dó-
 minus, et omnis creatúra
 generáta est. Vides ergo,
 quam operatórius sit ser-
 mo Christi. Si ergo tanta
 vis est in sermóne Dómini
 Jesu, ut incíperent esse,
 quæ non erant; quanto
 magis operatórius est, ut,
 quæ erant, in áliud com-
 muténtur? Cælum non
 erat, mare non erat, terra
 non erat. Sed audi dicén-
 tem : Ipse dixit, et facta
 sunt; ipse mandávit, et
 creáta sunt. Ergo tibi ut
 respóndeam, non erat cor-
 pus Christi ante consecra-
 tióem; sed post consecra-
 tióem dico tibi quod jam
 corpus est Christi. Ipse di-
 xit, et factum est : ipse
 mandávit, et creatum est.

℣. Accépit Jesus cálicem,
 postquam cœnávít, di-
 cens : Hic calix novum

testaméntum est in meo
 ságuine : * Hoc fácite in
 meam commemoratióem.
 ℣. Memória memor ero, et
 tabéscet in me ánima mea.
 — Hoc.

Lectio vi Ibid., cap. 5

JAM redi mecum ad pro-
 positiónem meam. Ma-
 gnum quidem et venerá-
 bile, quod manna Judæis
 pluit e cælo. Sed intéllege,
 quid est ámplius, manna
 de cælo, an corpus Christi?
 Corpus Christi útique, qui
 auctor est cæli. Deínde,
 manna qui manducávit,
 mórtuus est : qui mandu-
 cáverit hoc corpus, fiet ei
 remíssio peccatórum, et
 non moriétur in ætérnum.
 Ergo non otiose, cum ácci-
 pis, tu dicis, Amen; jam
 in spíritu cónfitens quod
 accípias corpus Christi.
 Dicit tibi sacérdos, Cor-
 pus Christi; et tu dicis,
 Amen, hoc est, Verum.
 Quod confitétur lingua,
 téneat afféctus.

℣. Ego sum panis vitæ;
 patres vestri manducavé-
 runt manna in desérto, et
 mórtui sunt : * Hic est pa-
 nis de cælo descéndens,
 ut, si quis ex ipso mandú-
 cet, non moriátur. ℣. Ego
 sum panis vivus, qui de
 cælo descéendi : si quis
 manducáverit ex hoc pa-
 ne, vivet in ætérnum. —
 Hic. Glória Patri. Hic.

In III Nocturno


Lectio sancti Evangelii
secundum Joannem

Lectio vii Cap. 6, 56-59

IN illo tempore : Dixit Jesus turbis Judæorum : Caro mea vere est cibus, et sanguis meus vere est potus. Et reliqua.

Homilia sancti Hilarii
Episcopi

Liber 8 de Trinit., ante med.

ON est humano aut sæculi sensu in Dei rebus loquendum. Quæ scripta sunt, legamus, et quæ legimus, intelligamus; et tunc perfectæ fidei officio fungemur. De naturali enim in nobis Christi veritate quæ dicimus, nisi ab eo discimus, stulte atque impie dicimus. Ipse enim ait : Caro mea vere est esca, et sanguis meus vere est potus. Qui edit carnem meam et bibit sanguinem meum, in me manet, et ego in eo. De veritate carnis et sanguinis non relictus est ambigendi locus.

✠. Qui manducat meam carnem et bibit meum sanguinem, * In me manet, et ego in eo. ✠. Non est alia natio tam grandis, quæ habeat deos appropinquantes sibi, sicut Deus noster adest nobis. — In.

Lectio viii

Nunc enim, et ipsius Domini professione, et fide nostra, vere caro est, et vere sanguis est. Et hæc accepta atque hausta id efficiunt, ut et nos in Christo, et Christus in nobis sit. An ne hoc veritas non est? Contingat plane his verum non esse, qui Christum Jesum verum esse Deum negant. Est ergo in nobis ipse per carnem, et sumus in eo, dum secum hoc quod nos sumus, in Deo est. Quod autem in eo per sacramentum communicatæ carnis et sanguinis simus, ipse testatur, dicens : Et hic mundus jam me non videt, vos autem me videbitis : quoniam ego vivo, et vos vivetis : quoniam ego in Patre meo, et vos in me, et ego in vobis.

✠. Misit me vivens Pater, et ego vivo propter Patrem : * Et qui manducat me, vivet propter me.

✠. Cibavit illum Dominus pane vitæ et intellectus. — Et. Gloria Patri. Et.

Lectio ix

Quod autem in nobis naturalis hæc unitas sit, ipse ita testatus est : qui edit carnem meam et bibit sanguinem meum, in me manet, et ego in eo. Non enim quis in eo erit, nisi

in quo ipse fúerit; ejus tantum in se assúptam habens carnem, qui suam sumpserit. Perféctæ autem hujus unitátis sacraméntum supérius jam docúerat, dicens : Sicut me misit vivens Pater, et ego vivo per Patrem; et qui mandúcat meam carnem, et ipse vivet per me. Vivit ergo per Patrem : et quo modo per Patrem vivit, eódem modo nos per carnem ejus vivémus.

Te Deum laudámus. 7

Vesperæ de sequenti die Octava.

Si tamen sequenti die occurrat Festum Nativitatis S. Joannis Baptistæ vel Ss. App. Petri et Pauli, in I Vesperis pro Commemoratione præcedentis diei infra Octavam sumitur Ant. O sacrum convívium, ut in II Vesperis Festi. 310

Feria V. In Octava Ssmi Corporis Christi

Duplex majus

In I Nocturno

De primo libro Regum

Lectio i Cap. 8, 4-14



Ongregáti ergo universi majóres natu Israël venérunt ad Samuélem in Rámatha dixerúntque ei : Ecce tu senuísti, et filii tui non ámbulant in viis tuis : constitue nobis regem, ut júdi-

cet nos, sicut et univérsæ habent natiónes. Displícuit sermo in óculis Samuélis, eo quod dixissent : Da nobis regem, ut júdicet nos. Et orávit Sámuel ad Dóminum.

℟. Immolábit hædum multitúdo filiórum Israël ad vésperam Paschæ : * Et edent carnes et ázymos panes. ℣. Pascha nostrum immolátus est Christus : itaque epulémur in ázymis sinceritátis et veritátis. — Et.

Lectio ii

Dixit autem Dóminus ad Samuélem : Audi vocem pópuli in ómnibus quæ loquúntur tibi : non enim te abjecérunt sed me, ne regnem super eos. Juxta ómnia ópera sua, quæ fecérunt a die qua edúxi eos de Ægýpto usque ad diem hanc, sicut dereliquerunt me et serviérunt diis aliénis, sic faciunt étiam tibi. Nunc ergo vocem eórum audi; verúmtamen contestáre eos et prædic eis jus regis, qui regnatúrus est super eos.

℟. Comedétis carnes, et saturabímini pánibus : * Iste est panis, quem dedit vobis Dóminus ad vescéndum. ℣. Non Móyses dedit vobis panem de cælo, sed Pater meus dat vobis panem de cælo verum. — Iste.

Lectio iii

Dixit itaque Sámuel ómnia verba Dómini ad pópulum, qui petierat a se regem, et ait : Hoc erit jus regis, qui imperatúrus est vobis. Fílios vestros tollet et ponet in cúrribus suis, faciétque sibi équites et præcursóres quadrigárum suárum; et constitúet sibi tribúnos et centuriónes et aratóres agrórum suórum et messóres ségetum et fabros armórum et cúrrium suórum; filias quoque vestras faciét sibi unguentárias et focárias et paníficas; agros quoque vestros et véneas et olivéta óptima tollet et dabit servis suis.

✠. Respéxit Elías ad caput suum subcinerícium panem; qui surgens comédit et bibit : * Et ambulávit in fortitúdine cibi illius usque ad montem Dei. ✠. Si quis manducáverit ex hoc pane, vivet in ætérnum.— Et. Glória. Et.

In II Nocturno

Sermo sancti Cyrílli Epíscopi Jerosolymitáni

Catechesis mystagog. 4

Lectio iv

Psa beáti Pauli doctrína abúnde sufficere vidétur, ut certam vobis de divínis mystériis fidem faciát, quibus digni rédditi, concorpórei,

ut ita dicam, et consanguínei Christi facti estis. Ipse enim modo clamábat, quod in nocte qua tradebátur Dóminus noster Jesus Christus, accípiens panem, et grátias agens fregit, et dedit discíplis suis, dicens : Accípite et manducáte : hoc est corpus meum. Et accípiens cálicem, et grátias agens, dixit : Accípite et bíbite : hic est sanguis meus. Cum igitur ipse de pane pronuntiáverit ac díxerit : Hoc est corpus meum; quis audébit deinceps ambígere? Et cum idem ipse tam asseveránter díxerit : Hic est sanguis meus; quis umquam dubitáverit, ut dicat non esse ejus sanguinem?

✠. Cœnantibus illis, accépit Jesus panem, et benedíxit, ac fregit, dedítque discíplis suis, et ait : * Accípite et comédite : hoc est corpus meum. ✠. Dixérunt viri tabernáculi mei : Quis det de cáribus ejus, ut saturémur? — Accípite.

Lectio v

Aquam olim in vinum convértit in Cana Galiléæ, quod habet quamdam cum ságuine propinquitátem : et eum parum dignum existimábimus, cui credámus quod vinum

in sánguinem transmutárit? Ad eas núptias, quibus córpora copulántur, vocátus, præter opinió-nem ómnium hoc fecit mi-ráculum : et non multo magis sic eum corpus et sánguinem suum fruénda nobis donásse persuásum firmiter habébimus, ut ea cum omni certitúdine tamquam corpus ipsíus et sán-guinem sumámus? Nam in spécie panis dat nobis corpus, et in spécie vini dat nobis sánguinem : ut, cum sumpseris, gustes corpus et sánguinem Chri-sti, factus ejúsdem córpo-ris et sánguinis párticeps. Sic enim effícimur Christí-feri, hoc est, Christum in corpóribus nostris ferén-tes, cum corpus ejus et sánguinem in membra no-stra recípimus : sic secún-dum beátum Petrum, di-vinæ natúræ consórtes réddimur.

✠. Accépit Jesus cálicem, postquam cœnávít, di-cens : Hic calix novum testaméntum est in meo ságuine : * Hoc fácite in meam commemoratió-nem. ✠. Memória memor ero, et tabéscet in me ánima mea. — Hoc.

Lectio vi

Olim cum Judæis Chri-stus dísserens, Nisi manducavéritis, inquit, carnem meam, et bibéritis

meum sánguinem, non ha-bébitis vitam in vobis. Cum autem illi, quæ dicta fúerant, non spiritaliter accepíssent, offénsi abié-runt retro; putábant enim quod eos ad manducándas carnes hortarétur. Erant et in véteri testaménto pa-nes propositiós; verum illi cum fúerint véteris te-staménti, finem jam acce-pérunt. In novo vero te-staménto panis est cælé-stis et calix salutáris, qui et ániam et corpus san-ctíficant. Quam ob rem non sic hæc atténdas ve-lim, tamquam sint nudus et simplex panis, nudum et simplex vinum; corpus enim sunt et sanguis Chri-sti. Nam étiam si sensus illud tibi renúntiat, fides tamen te confírmét. Ne júdices rem ex gustu : sed te citra ullam dubitatió-nem fides certum reddat, quod sis dignus factus, qui córporis et sánguinis Christi párticeps fíeres.

✠. Ego sum panis vitæ; patres vestri manducavé-runt manna in desérto, et mórtui sunt : * Hic est pa-nis de cælo descéndens, ut, si quis ex ipso mandú-cet, non moriátur. ✠. Ego sum panis vivus, qui de cælo descéndi : si quis manducáverit ex hoc pa-ne, vivet in ætérnum. — Hic. Glória Patri. Hic.

In III Nocturno

Lectio sancti Evangelii
secundum Joannem

Lectio vii Cap. 6, 56-59

IN illo tempore : Dixit Jesus turbis Judæorum : Caro mea vere est cibus, et sanguis meus vere est potus. Et reliqua.

Homilia sancti Cyrilli
Episcopi Alexandrini

Liber 4 in Joann., cap. 17

QUI manducat, inquit, carnem meam et bibit sanguinem meum, in me manet, et ego in illo. Sicuti enim, si quis liquefactæ ceræ aliam ceram infuderit, alteram cum altera per totum commisceat necesse est : sic qui carnem et sanguinem Domini recipit, cum ipso ita coniungitur, ut Christus in ipso, et ipse in Christo inveniatur. Simili quodam modo apud Matthæum compéries. Simile est, inquit, regnum cælorum fermento, quod acceptum abscondit mulier in farinæ satis tribus. Sicut parum, ut Paulus ait, fermenti totam massam fermentat, sic parvula benedictio totum hominem in seipsam attrahit, et sua gratia replet; et hoc modo in nobis Christus manet, et nos in Christo.

℟. Qui manducat meam carnem et bibit meum sanguinem, * In me manet, et ego in eo. **℣.** Non est alia natio tam grandis, quæ habeat deos appropinquantes sibi, sicut Deus noster adest nobis. — In.

Lectio viii

Nos vero, si vitam æternam consequi volumus, si largitorem immortalitatis habere in nobis desideramus, ad recipiendam benedictionem libenter concurramus; caveamusque, ne loco laquei damnosam religionem diabolus nobis prætendat. Recte (inquit) dicis; scriptum tamen esse non ignoramus, iudicium sibi comedere atque bibere illum, qui de pane comedit et de calice bibit indigne. Ego igitur probo meipsum, et indignum invenio. Quando igitur, quicumque tu es qui ista dicis, dignus eris? quando Christo teipsum offeres? Nam si peccando indignus es, et peccare non desinis, (quis enim delicta intelligit? secundum Psalmistam), expers omnino eris vivificæ hujus sanctificationis.

℟. Misit me vivens Pater, et ego vivo propter Patrem : * Et qui manducat me, vivet propter me.

✠. Cibávit illum Dóminus
pane vitæ et intelléctus.
— Et. Glória Patri. Et.

Lectio ix

QUare pias, quæso, cogitationes suscipias, studiose sanctæque vivas, et benedictionem participes : quæ (mihi crede) non mortem solum, verum etiam morbos omnes depellit. Sedat enim, cum in

nobis máneat Christus, sæviéntem membrórum nostrórum legem; pietátem corróborat, perturbationes ánimí exstínguit, ægrótos curat, collisos redíntegrat; et sicut pastor bonus, qui ánimam suam pro óvibus pósuit, ab omni nos érigit casu.

Te Deum laudámus. 7

Vesperæ de sequenti.

FERIA VI

Sacratissimi Cordis Jesu

DUPLEX I CLASSIS

CUM OCTAVA PRIVILEGIATA III ORDINIS

IN I VESPERIS

Ant. Suávi jugo tuo *
domináre, Dómine, in mé-
dio inimicórum tuórum.

Psalmus 109



Exit Dóminus Dó-
mino meo : * Sede
a dextris meis :

Donec ponam inimícos
tuos, * scabéllum pedum
tuórum.

Virgam virtútis tuæ
emíttet Dóminus ex
Sion : * domináre in mé-
dio inimicórum tuórum.

Tecum princípium in die
virtútis tuæ in splendóri-
bus sanctórum : * ex útero
ante lucíferum génui te.

Jurávit Dóminus, et non

pœnitébit eum : * Tu es
sacérdos in ætérnum se-
cúndum órđinem Melchí-
sedech.

Dóminus a dextris tuis, *
confrégit in die iræ suæ
reges.

Judicábit in natió nibus,
implébit ruínas : * con-
quassábit cápita in terra
multórum.

De torrén te in via bi-
bet : * proptérea exaltábit
caput.

Ant. Suávi jugo tuo do-
mináre, Dómine, in mé-
dio inimicórum tuórum.

Ant. Miséricors * et mi-
serátor Dóminus : escam
dedit timéntibus se.

Psalmus 110

Confitebor tibi, Dómine,
in toto corde meo : * in
consílio justórum, et con-
gregatióne.

Magna ópera Dómini : *
exquisíta in omnes volun-
tates ejus.

Conféssio et magnificén-
tia opus ejus : * et justítia
ejus manet in sáeculum
sáeculi.

Memóriam fecit mirabí-
lium suórum, miséricors
et miserátor Dóminus : *
escam dedit timéntibus se.

Memor erit in sáeculum
testaménti sui : * virtú-
tem óperum suórum an-
nuntiábit pópulo suo :

Ut det illis hereditátem
géntium : * ópera má-
num ejus véritas, et judí-
cium.

Fidélia ómnia mandáta
ejus : confirmáta in sáecu-
lum sáeculi, * facta in veri-
tate et æquitáte.

Redemptiónem misit póp-
ulo suo : * mandávit in
ætérnum testaméntum
suum.

Sanctum, et terríbile no-
men ejus : * iníitium sa-
piéntiæ timor Dómini.

Intelléctus bonus ómni-
bus faciéntibus eum : *
laudatio ejus manet in
sáeculum sáeculi.

Ant. Miséricors et mise-
rátor Dóminus : escam
dedit timéntibus se.

Ant. Exórtum est * in
ténébris lumen rectis; mi-
séricors et miserátor Dó-
minus.

Psalmus 111

Beátus vir, qui timet
Dóminum : * in man-
dátis ejus volet nimis.

Potens in terra erit se-
men ejus : * generatio re-
ctórum benedicétur.

Glória, et divítiæ in do-
mo ejus : * et justítia ejus
manet in sáeculum sáeculi.

Exórtum est in ténébris
lumen rectis : * miséricors,
et miserátor, et justus.

Jucúndus homo qui mise-
rétur et cómmodat, dispó-
net sermónes suos in judí-
cio : * quia in ætérnum
non commovébitur.

In memória ætérna erit
justus : * ab auditióne
mala non timébit.

Parátum cor ejus speráre
in Dómino, confirmátum
est cor ejus : * non com-
movébitur donec despíciat
inimícos suos.

Dispérsit, dedit paupéri-
bus : justítia ejus manet
in sáeculum sáeculi, * cornu
ejus exaltábitur in glória.

Peccátor vidébit, et ira-
scétur, déntibus suis fre-
met et tabéscet : * desidé-
rium peccatórum períbit.

Ant. Exórtum est in té-
nebris lumen rectis; misé-
ricors et miserátor Dómi-
nus.

Ant. Quid retríbuam Dómino * pro ómnibus quæ retríbuit mihi?

Psalmus 115

CRédidi, propter quod locútus sum : * ego autem humiliátus sum nimis.

Ego dixi in excéssu meo : * Omnis homo mendax.

Quid retríbuam Dómino, * pro ómnibus, quæ retríbuit mihi?

Cálicem salutáris accípiam : * et nomen Dómini invocábo.

Vota mea Dómino redam coram omni pópulo ejus : * pretiósa in conspéctu Dómini mors sanctórum ejus :

O Dómine, quia ego servus tuus : * ego servus tuus, et filius ancíllæ tuæ.

Dirupísti víncula mea : * tibi sacrificábo hóstiam laudis, et nomen Dómini invocábo.

Vota mea Dómino redam in conspéctu omnis pópuli ejus : * in átriis domus Dómini, in médio tui, Jerúsalem.

Ant. Quid retríbuam Dómino pro ómnibus quæ retríbuit mihi?

Ant. Apud Dóminum * propitiátio est et copiósa apud eum redéptio.

Psalmus 129

DE profúndis clamávi ad te, Dómine : * Dómine, exáudi vocem meam :

Fiant aures tuæ intendentes, * in vocem deprecationis meæ.

Si iniquitátes observáveris, Dómine : * Dómine, quis sustinébit?

Quia apud te propitiátio est : * et propter legem tuam sustínui te, Dómine.

Sustínuit ánima mea in verbo ejus : * sperávit ánima mea in Dómino.

A custódia matutína usque ad noctem : * speret Israël in Dómino.

Quia apud Dóminum misericórdia : * et copiósa apud eum redéptio.

Et ipse rédimet Israël, * ex ómnibus iniquitatibus ejus.

Ant. Apud Dóminum propitiátio est et copiósa apud eum redéptio.

Capitulum Ephes. 3, 8-9

FRatres, mihi ómnium sanctórum mínimo data est grátia hæc, in géntibus evangelizáre investigábiles divítias Christi; et illumináre omnes, quæ sit dispensátio sacraménti absconditi a sæculis in Deo.

Hymnus

EN ut supérba críminum
Et sæva nostrórum co-
hors

Cor sauciávit innocens
Meréntis haud tale Dei!

Vibrántis hastam mílitis
Peccáta nostra dírigunt,
Ferrúmque diræ cúspidis
Mortále crimen ácuit.

Ex Corde scisso Ecclésia,
Christo jugáta, náscitur :
Hoc óstium arcæ in látere
est

Genti ad salútem pósitum.

Ex hoc perénis grátia,
Ceus septifórmis flúvius,
Stolas ut illic sórdidas
Lavémus Agni in sán-
guine.

Turpe est redíre ad crími-
na,

Quæ Cor beátum lácerent :
Sed æmulémur córdibus
Flammas amóris índices.

* **J**esu, tibi sit glória,
Qui corde fundis grátiam,
Cum Patre et almo Spíritu
In sempitérna sæcula.

Amen.

**Sic terminantur omnes
Hymni per totam Octavam.**

✠. Tóllite jugum meum
super vos et discite a me.

✠. Quia mitis sum et hú-
milis Corde.

Ad Magnif. Ant. Ignem *
veni mittere in terram, et
quid volo nisi ut accendá-
tur?

Oratio

DEus qui nobis, in Corde
Filii tui, nostris vul-
neráto peccátis, infinitos
dilectiónis thesauros mise-
ricórditer largíri dignáris;
concéde, quæsumus, ut illi
devótum pietátis nostræ
præstántes obséquium, di-
gnæ quoque satisfactiónis
exhibeámus officium. Per
eúmdem Dóminum.

Et nulla fit Commemoratio,
nisi tantum de præcedenti
Festo Nativitatis S. Joannis
Baptistæ vel Ss. Petri et Pauli
App., si pridie occurrerit.

**Completorium de Domi-
nica.**

AD MATUTINUM

Invit. Cor Jesu amóre no-
stri vulnerátum * Veníte,
adorémus. **Ps. 94** Veníte,
exsultémus. 3

Hymnus

Auctor beáte sæculi,
Christe, Redemptor
ómnium,
Lumen Patris de lúmine,
Deúsque verus de Deo :

Amor coégit te tuus
Mortále corpus súmere,
Ut, novus Adam, rédderes
Quod vetus ille abstúle-
rat.

Ille amor almus ártifex
Terræ marisque et síde-
rum,
Erráta patrum miserans
Et nostra rumpens vín-
cula.

Non Corde discédat tuo
Vis illa amoris ínclýti :
Hoc fonte gentes háuriant
Remissi6nis grátiam.

Percússum ad hoc est lán-
cea

Passúmque ad hoc est
vúlnera,

Ut nos laváret sórdibus,
Unda fluénte et ságuine.

Jesu, tibi sit glória,
Qui Corde fundis grátiam,
Cum Patre et almo Spíritu
In sempitérna sácula.

Amen.

In I Nocturno

Ant. Cogitati6nes * Cor-
dis ejus in generati6ne et
generati6nem.

Psalmus 32



Xsultáte, justí, in
Dómino : * rectos
deceat collaudátio.

Confitémini Dómino in
cithara : * in psaltério de-
cem chordárum psállite
illi.

Cantáte ei cánticum no-
vum : * bene psállite ei in
vociferati6ne.

Quia rectum est verbum
Dómini, * et ómnia ópera
ejus in fide.

Díligit misericórdiam et
judícium : * misericórdia
Dómini plena est terra.

Verbo Dómini cæli fir-
máti sunt : * et spíritu oris
ejus omnis virtus e6rum.

Cóngregans sicut in utre
aquas maris : * ponens in
thesáuris aby6ssos.

Tímeat Dóminum omnis
terra : * ab eo autem com-
moveántur omnes inhabi-
tántes orbem.

Quóniam ipse dixit, et
facta sunt : * ipse mandá-
vit, et creáta sunt.

Dóminus díssipat consí-
lia Géntium : * réprobat
autem cogitati6nes popu-
lórum, et réprobat consília
príncipum.

Consílium autem Dómini
in ætérnum manet : * co-
gitati6nes cordis ejus in
generati6ne et generati6-
nem.

Beáta gens, cujus est Dó-
minus, Deus ejus : * pópu-
lus, quem elégit in heredi-
tátem sibi.

De cælo respéxit Dómi-
nus : * vidit omnes filios
hóminum.

De præparáto habitáculo
suo * respéxit super om-
nes, qui hábitant terram.

Qui finxit sigillátim cor-
da e6rum : * qui intéllegit
ómnia ópera e6rum.

Non salvátur rex per
multam virtútem : * et
gigas non salvábitur in
multitúdine virtútis suæ.

Fallax equus ad salú-
tem : * in abundántia au-
tem virtútis suæ non sal-
vábitur.

Ecce óculi Dómini super
metuéntes eum : * et in

eis, qui sperant super misericórdia ejus :

Ut éruat a morte ánimas eórum : * et alat eos in fame.

Anima nostra sústinet Dóminum : * quóniam adjútor et protéctor noster est.

Quia in eo lætábitur cor nostrum : * et in nómine sancto ejus sperávimus.

Fiat misericórdia tua, Dómine, super nos : * quemádmódum sperávimus in te.

Ant. Cogitatiónes Cordis ejus in generatióne et generatióne.

Ant. Apud te * est fons vitæ; torrén-te voluptátis tuæ potábis nos, Dómine.

Psalmus 35

Dixit injústus ut delínquat in semetípso : * non est timor Dei ante óculos ejus.

Quóniam dolóse egit in conspéctu ejus : * ut inveniatúr iníquitas ejus ad ódium.

Verba oris ejus iníquitas, et dolus : * nóluit intelligere ut bene ágeret.

Iniquitátem meditátus est in cubíli suo : * ástitit omni viæ non bonæ, malítiam autem non odívit.

Dómine, in cælo misericórdia tua : * et véritas tua usque ad nubes.

Justítia tua sicut montes

Dei : * judícia tua abyíssus multa.

Hómines, et juménta salvábis, Dómine : * quemádmódum multiplicásti misericórdiam tuam, Deus.

Filii autem hóminum, * in tégmine alárum tuárum sperábunt.

Inebriabúntur ab ubertáte domus tuæ : * et torrén-te voluptátis tuæ potábis eos.

Quóniam apud te est fons vitæ : * et in lúmine tuo vidébimus lumen.

Prætén-de misericórdiam tuam sciéntibus te, * et justítiam tuam his, qui recto sunt corde.

Non véniat mihi pes supérbiæ : * et manus peccatóris non móveat me.

Ibi cecidérunt qui operántur iniquitátem : * expúlsi sunt, nec potuérunt stare.

Ant. Apud te est fons vitæ; torrén-te voluptátis tuæ potábis nos, Dómine.

Ant. Homo * pacis meæ, qui edébat panes meos, magnificávit super me supplantatióne.

Psalmus 40

Beátus qui intélligit super egénium, et páuperem : * in die mala liberábit eum Dóminus.

Dóminus consérvet eum, et vivíficet eum, et beátum fáciat eum in terra : * et

non tradat eum in ánimam inimicórum ejus.

Dóminus opem ferat illi super lectum dolóris ejus : * univérsum stratum ejus versásti in infirmitáte ejus.

Ego dixi : Dómine, miserére mei : * sana ánimam meam, quia peccávi tibi.

Inimíci mei dixerunt mala mihi : * Quando moriétur, et peribit nomen ejus?

Et si ingrediebátur ut vidéret, vana loquebátur : * cor ejus congregávit iniquitátem sibi.

Egrediebátur foras, * et loquebátur in idípsum.

Advérsus me susurrábant omnes inimíci mei : * advérsus me cogitábant mala mihi.

Verbum iníquum constituérunt advérsus me : * Numquid qui dormit non adjíciet ut resúrgat?

Etenim homo pacis meæ, in quo sperávi : * qui edébat panes meos, magnificávit super me supplantatióem.

Tu autem, Dómine, miserére mei, et resúscita me : * et retríbuam eis.

In hoc cognóvi quóniam voluísti me : * quóniam non gaudébit inimícus meus super me.

Me autem propter innocentiam suscepísti : * et

confirmásti me in conspéctu tuo in ætérnum.

Benedíctus Dóminus, Deus Israël, a sáculo et usque in sáculum : * fiat, fiat.

Ant. Homo pacis meæ, qui edébat panes meos, magnificávit super me supplantatióem.

℟. Tóllite jugum meum super vos et discite a me.

℞. Quia mitis sum et húmilis Corde.

De Jeremía Prophéta

Lectio i Cap. 24, 5-7



ÆC dicit Dóminus, Deus Israël : Cognóscam transmigrationem Juda, quam emísi de loco isto in terram Chaldæórum, in bonum. Et ponam óculos meos super eos ad placándum, et redúcam eos in terram hanc; et ædificábo eos, et non déstruam; et plantábo eos et non evélam. Et dabo eis cor ut sciant me, quia ego sum Dóminus; et erunt mihi in pópulum, et ego ero eis in Deum, quia reverténtur ad me in toto corde suo.

℞. Fériam eis pactum sempitérnum et non désinam eis benefácere et timórem meum dabo in corde eórum * Ut non recédant a me. **℟.** Et lætábor

super eis cum bene eis
fécero in toto Corde meo.
— Ut non recédant a me.

Lectio ii **Cap. 30, 18-24**

HÆC dicit Dóminus :
Ecce ego convértam
conversiónem tabernacu-
lórum Jacob, et tectis ejus
miserébor, et ædificábitur
civitas in excélso suo, et
templum juxta órđinem
suum fundábitur, et egre-
diétur de eis laus, voxque
ludéntium. Et erit dux
ejus ex eo, et princeps de
medio ejus producétur; et
applicábo eum et accédet
ad me. Quis enim iste est
qui ápplicet cor suum ut
appropínquet mihi? ait
Dóminus. Et éritis mihi in
pópulum, et ego ero vobis
in Deum. Ecce turbo Dó-
mini, furor egrédiens, pro-
célła ruens; in cápite im-
piórum conquiescet. Non
avértet iram indignatiónis
Dóminus, donec fáciat et
cómpleat cogitatiónem
Cordis sui : in novíssimo
diérum intelligétis ea.

✠. Si inimícus meus ma-
ledixíisset mihi, sustinuís-
sem útique. * Tu vero
homo unánimis qui simul
mecum dulces capiébas
cibos. ✠. Et si is qui me
óderat super me magna
locútus fuíisset, abscon-
dissem me fórsitan ab
eo. — Tu vero homo
unánimis.

Lectio iii

Cap. 31, 1-3, 31-33

IN témpore illo, dicit
Dóminus, ero Deus uni-
vérsis cognatióibus Is-
raël, et ipsi erunt mihi in
pópulum. Hæc dicit Dó-
minus : Invénit grátiam
in désérto pópulus qui re-
mánserat a gládio; vadet
ad réquiem suam Israël.
Longe Dóminus appáruit
mihi. Et in caritáte perpé-
tua diléxi te : ideo attráxi
te, miserans. Ecce dies
véniens, dicit Dóminus :
et fériam dómui Israël et
dómui Juda fœdus novum :
non secúndum pactum,
quod pépigi cum pátribus
eórum in die, qua appre-
héndi manum eórum, ut
edúcerem eos de Terra
Ægýpti : pactum quod
írritum fecérunt, et ego
dominátus sum eórum, di-
cit Dóminus. Sed hoc erit
pactum, quod fériam cum
domo Israël : post dies
illos dicit Dóminus : Dabo
legem meam in viscéribus
eórum, et in corde eórum
scribam eam : et ero eis in
Deum, et ipsi erunt mihi
in pópulum.

✠. Cum essémus mórtui
peccátis, convivificávit
nos Deus in Christo * Pro-
pter nímiā caritátem
suam qua diléxit nos.

✠. Ut osténderet in sáecu-
lis superveniéntibus abun-

dantes divitias gratiæ suæ. — Propter. **G**loria Patri. Propter.

In II Nocturno

Ant. Rex omnis terræ * Deus; regnabit super Gentes.

Psalmus 46

Gentes, plaudite manibus : * jubilate Deo in voce exultationis.

Quoniam Dominus excelsus, terribilis : * Rex magnus super omnem terram.

Subjecit populos nobis : * et Gentes sub pedibus nostris.

Elégit nobis hereditatem suam : * speciem Jacob, quam dilexit.

Ascendit Deus in júbilo : * et Dominus in voce tubæ.

Psallite Deo nostro, psallite : * psallite Regi nostro, psallite.

Quoniam Rex omnis terræ Deus : * psallite sapienter.

Regnabit Deus super Gentes : * Deus sedet super sedem sanctam suam.

Principes populorum congregati sunt cum Deo Abraham : * quoniam dii fortes terræ vehementer elevati sunt.

Ant. Rex omnis terræ Deus; regnabit super Gentes.

Ant. Dum anxietur * Cor meum, in petra exaltasti me.

Psalmus 60

Exaudi, Deus, deprecationem meam : * intendente orationi meæ.

A finibus terræ ad te clamavi : * dum anxietur cor meum, in petra exaltasti me.

Deduxisti me, quia factus es spes mea : * turris fortitudinis a facie inimici.

Inhabitabo in tabernaculo tuo in sæcula : * protegar in velamento alarum tuarum.

Quoniam tu, Deus meus, exaudisti orationem meam : * dedisti hereditatem timéntibus nomen tuum.

Dies super dies regis adjicies : * annos ejus usque in diem generationis et generationis.

Permanet in ætérnum in conspectu Dei : * misericordiam et veritatem ejus quis requíret?

Sic psalmum dicam nomini tuo in sæculum sæculi : * ut reddam vota mea de die in diem.

Ant. Dum anxietur * Cor meum, in petra exaltasti me.

Ant. Secundum multitudinem * dolorum meorum in Corde meo, consolationes tuæ lætificaverunt animam meam.

Psalmus 93

DEus ultiónum Dóminus : * Deus ultiónum libere egit.

Exaltáre, qui júdicas terram : * redde retributió-nem supérbis.

Usquequo peccatóres, Dómine, * úsquequo peccatóres gloriabúntur :

Effabúntur, et loquéntur iniquitátem : * loquéntur omnes, qui operántur injustítiam?

Pópulum tuum, Dómine, humiliavérunt : * et hereditátem tuam vexavérunt.

Víduam, et ádvenam interfecérunt : * et pupílos occidérunt.

Et dixerunt : Non vidébit Dóminus, * nec intélliget Deus Jacob.

Intellígite, insipientes in pópulo : * et stulti, aliquándo sápite.

Qui plantávit aurem, non áudiet? * aut qui finxit óculum, non consíderat?

Qui córripit gentes, non árguet : * qui docet hóminem sciéntiam?

Dóminus scit cogitatiónes hóminum, * quóniam vanæ sunt.

Beátus homo, quem tu erudieris, Dómine : * et de lege tua docúeris eum.

Ut mítiges ei a diébus malis : * donec fodiátur peccatóri fóvea.

Quia non repéllet Dómi-

nus plebem suam : * et hereditátem suam non derelínquet.

Quoadúsque justítia convertátur in júdícium : * et qui juxta illam omnes qui recto sunt corde.

Quis consúrget mihi advérsus malignántes? * aut quis stabit mecum advérsus operántes iniquitátem?

Nisi quia Dóminus adjúvit me : * paulo minus habitásset in inférno ánima mea.

Si dicébam : Motus est pes meus : * misericórdia tua, Dómine, adjuvabat me.

Secúndum multitudínem dolórum meórum in corde meo : * consolatiónes tuæ lætificavérunt ánimam meam.

Numquid adhæret tibi sedes iniquitátis : * qui fingis labórem in præcépto?

Captábunt in ánimam justí : * et sánguinem innocentem condemnábunt.

Et factus est mihi Dóminus in refúgium : * et Deus meus in adjutórium spei meæ.

Et reddet illis iniquitátem ipsórum : et in malítia eórum dispédet eos : * dispédet illos Dóminus Deus noster.

Ant. Secúndum multitudínem dolórum meórum in Corde meo, consolatiónes

tuæ lætificavérunt ánimam meam.

℟. Ego dixi, Dómine, miserére mei. ℞. Sana ánimam meam quia peccávi tibi.

Lectio iv



Nter mira sacrae doctrinae pietatisque incrementa, quibus divinae Sapientiae consilia clarius in dies Ecclesiae manifestantur, vix aliud magis conspicuum est quam triumphalis progressio cultus Sacratissimi Cordis Jesu. Saepe quidem, priorum decursu temporum, Patres, Doctores, Sancti, Redemptoris nostri amorem celebrarunt : vulnus in latere Christi apertum omnium gratiarum arcenum dixerunt fontem. At inde a medio aëvo, cum teneriore quadam erga Sanctissimam Salvatoris Humanitatem religione fideles affici coepti sunt, animae contemplativae per plagam illam ad ipsum Cor, amore hominum vulneratum, penetrare fere solébant. Atque ex eo tempore haec contemplatio sanctissimis quibusque ita familiaris evásit, ut neque regio neque ordo religiosus sit, in quibus non insignia, hac aetate, ejus reperiuntur testimonia. Proximis demum saeculis, eoque

potissimum tempore quo haeretici, sub falsae pietatis titulo, a Sanctissima Eucharistia Christianos deterrere conabantur, cultus Sacratissimo Cordi publice exhiberi coeptus est, opera imprimis sancti Joannis Eudes, qui auctor liturgici cultus Sacrorum Cordium Jesu et Mariae haud immerito nuncupatur.

℞. Prope est Dóminus omnibus invocantibus eum, * Omnibus invocantibus eum in veritate. ℟. Misericors et misericors Dóminus, patiens et multum misericors. — Omnibus.

Lectio v

Verum, ad cultum Sacratissimi Cordis Jesu plene perfectaeque constituendum eundemque per totum orbem propagandum, Deus ipse sibi instrumentum elegit humillimam ex ordine Visitatationis virginem, sanctam Margaritam Mariam Alacoque, cui, a prima quidem aetate jam in Eucharistiae Sacramentum amore flagranti, Christus Dóminus saepenumero apparens, divini Cordis sui et divitias et optata significare dignatus est. Quarum apparitionum celeberrima illa est, qua ei ante Eucharistiam oranti Jesus

conspiciendum se dedit, Sacratissimum Cor ostendit et, conquestus quod, pro immensa sua caritate, nihil nisi ingratorum hominum contumelias reciperet, ipsi praecepit ut novum festum, feria sexta post octavam Corporis Christi, instituendum curaret, quo Cor suum honore debito coleretur, atque injuriae sibi in Sacramento amoris a peccatoribus illatae dignis expiarentur obssequiis. Quot autem quantasque Dei Formula in Christi mandatis exsequendis experta sit difficultates, nemo est qui ignoret; sed ab ipso Domino confirmata, atque a Religiosis animae suae moderatioribus, qui incredibili quodam ardore ad hunc cultum promovendum laborarunt, strenue adjuta, munere sibi caelitus commisso fideliter fungi ad mortem usque non destitit.

℟. Confiteor tibi, Pater, Domine caeli et terrae, quia abscondisti haec a sapientibus et prudentibus * Et revelasti ea parvulis.

℣. Ita, Pater, quoniam sic fuit placitum ante te. — Et revelasti.

Lectio vi

ANno tandem millésimo septingentésimo sexagésimo quinto, Clemens

décimus tertius Póntifex Máximus officium et missam in honorem Sacratissimi Cordis Jesu approbavit; Pius vero nonus festum ad universam Ecclesiam extendit. Exinde, cultus Sacratissimi Cordis, quasi flumen exundans, prolutis impedimentis omnibus, per totum se orbem effudit et, novo illo luscante saeculo, jubilaeo indicto, Leo décimus tertius humanum genus universum Sacratissimo Cordi devotum voluit. Quae consecratio, in omnibus quidem catholici orbis ecclesiis, sollénni ritu peracta, ingens attulit devotionis hujus incrementum, et ad eam non solum populos, verum etiam singulares familias adduxit, quae Divino Cordi innumerabiles se devovent, regioque ejus imperio subjiciunt. Denique, Pius undécimus Póntifex Máximus, quo plénius festi sollénnitas populi christiani devotioni tam late patenti responderet, Sacratissimi Cordis Jesu festum ad ritum duplicem primae classis cum octava evexit; ac praeterea, ut violata jura Christi summi Regis ac Domini amantissimi resarcirentur, populorumque peccata defluerentur, eodem festo die piacularem precationem in

omnibus christiáni orbis templis quotánnis recitándam mandávit.

℟. Omnes gentes quas-cúmque fecisti vénient * Et adorábunt coram te, Dómine. ℣. Et glorificábunt nomen tuum quóniam magnus es tu, et fáciens mirabília. — Et adorábunt. Glória Patri. Et adorábunt.

In III Nocturno

Ant. Qui dilígitis Dóminum, * confitémini memóriæ sanctificatiónis ejus.

Psalmus 96



Dominus regnávít, exsúltet terra : * læténtur ínsulæ multæ.

Nubes, et cáligo in circúitu ejus : * justítia, et júdícium corréctio sedis ejus.

Ignis ante ipsum præcédet, * et inflammábit in circúitu inimícos ejus.

Illuxérunt fúlgora ejus orbi terræ : * vidit, et commóta est terra.

Montes, sicut cera fluxérunt a fácie Dómini : * a fácie Dómini omnis terra.

Annuntiavérunt cæli justítiam ejus : * et vidérunt omnes pópuli glóriam ejus.

Confundántur omnes, qui adórant sculptília : * et qui gloriántur in simulácris suis.

Adoráte eum, omnes Angeli ejus : * audívit, et lætáta est Sion.

Et exsultavérunt fíliæ Judæ, * propter júdicia tua, Dómine :

Quóniam tu Dóminus Altíssimus super omnem terram : * nimis exaltátus es super omnes deos.

Qui dilígitis Dóminum, odíte malum : * custódit Dóminus ánimas sanctórum suórum, de manu peccatóris liberábit eos.

Lux orta est justo, * et rectis corde lætítia.

Lætámini, justí, in Dómino : * et confitémini memóriæ sanctificatiónis ejus.

Ant. Qui dilígitis Dóminum, confitémini memóriæ sanctificatiónis ejus.

Ant. Vidérunt * omnes términi terræ salutáre Dei nostri.

Psalmus 97

CAntáte Dómino cánticum novum : * quia mirabília fecit.

Salvábit sibi délixtera ejus : * et bráchium sanctum ejus.

Notum fecit Dóminus salutáre suum : * in conspéctu géntium revelávit justítiam suam.

Recordátus est misericórdiæ suæ, * et veritátis suæ dómui Israël.

Vidérunt omnes términi terræ * salutáre Dei nostri.

Jubiláte Deo, omnis terra : * cantáte, et exsultáte, et psállite.

Psállite Dómino in cíthara, in cíthara et voce psalmi : * in tubis ductílibus, et voce tubæ córneæ.

Jubiláte in conspéctu regis Dómini : * moveátur mare, et plenitúdo ejus : orbis terrárum, et qui hábitant in eo.

Flúmina plaudent manu, simul montes exsultábunt a conspéctu Dómini : * quóniam venit judicáre terram.

Judicábit orbem terrárum in justítia, * et pópulos in æquitáte.

Ant. Vidérunt omnes términi terræ salutáre Dei nostri.

Ant. Psallam tibi * in nationibus, quia magna est super cælos misericórdia tua.

Psalmus 107

Parátum cor meum, Deus, parátum cor meum : * cantábo, et psallam in glória mea.

Exsúrge, glória mea, exsúrge, psaltérium, et cíthara : * exsúrgam dilúculo.

Confitébor tibi in pópulis, Dómine : * et psallam tibi in nationibus.

Quia magna est super cælos misericórdia tua, *

et usque ad nubes véritas tua :

Exaltáre super cælos, Deus, et super omnem terram glória tua : * ut liberéntur dilécti tui.

Salvum fac dextera tua, et exáudi me : * Deus locútus est in sancto suo :

Exsultábo, et dívidam Síchimam, * et convállem tabernaculórum dimétiar.

Meus est Gálaad, et meus est Manásses : * et Ephraïm suscéptio cápitis mei.

Juda rex meus : * Moab lebes spei meæ.

In Idumæam exténdam calceaméntum meum : * mihi alienígenæ amíci facti sunt.

Quis dedúcet me in civitátem munitam? * quis dedúcet me usque in Idumæam?

Nonne tu, Deus, qui repulísti nos, * et non exíbis, Deus, in virtútibus nostris?

Da nobis auxílium de tribulatióne : * quia vana salus hóminis.

In Deo faciémus virtutem : * et ipse ad níhilum educet inimícos nostros.

Ant. Psallam tibi in nationibus, quia magna est super cælos misericórdia tua.

✠. Memóriam fecit mirabílium suórum miserátor Dóminus. ✠. Escam dedit timéntibus se.

Lectio sancti Evangelii
secundum Joannem

Lectio vii Cap. 19, 31-37

IN illo tempore : Judæi, quoniam parascève erat, ut non remanerent in cruce corpora sabbato, erat enim magnus dies ille sabbati, rogaverunt Pilatum ut frangerentur eorum crura et tollerentur. Et reliqua.

Homilia sancti Bonaventuræ Episcopi

Liber de ligno vitæ, num. 30



MT de latere Christi dormientis in cruce formarétur Ecclesiæ, et Scriptura implerétur quæ dicit : Vidébunt in quem transfixerunt, divina est ordinatióne indultum ut unus militum lancea latus illud sacrum aperiendo perfóderet, quatenus, sanguine cum aqua manante, prætium effunderétur nostræ salutis, quod a fonte, scilicet Cordis arcáno profúsum, vim daret sacramentis Ecclesiæ ad vitam gratiæ conferendam, essétque jam in Christo viventibus poculum fontis vivi, salientis in vitam æternam. Surge igitur, ánima amica Christi, vigilare non cesses, ibi os appóne, ut háurias aquas de fóntibus salvatoris.

℟. Ego si exaltátus fúero a terra * Omnia traham ad meípsum. ℣. Hoc autem dicébat significans quæ morte esset moritúrus. — Omnia.

Lectio viii

De vite mystica Cap. 3

Quia semel vénimus ad Cor Dómini Jesu dulcissimi, et bonum est nos hic esse, non fácte evellámur ab eo. O quam bonum et jucúndum habitáre in Corde hoc. Bonus thesaurus, pretiósá margaríta Cor tuum, óptime Jesu, quam fosso agro corporis tui invenimus. Quis hanc margarítam abjiciat? Quin pótius, dabo omnes margarítas, cogitatiónes et affectiόnes meas commutábo et comparábo illam mihi, jactans omnem cogitátum meum in Cor boni Jesu, et sine fallácia illud me enútriet. Hoc igitur tuo et meo Corde, dulcissime Jesu, invénto, orábo te Deum meum : admítte in sacrárium exauditiόnis preces meas : immo me totum trahe in Cor tuum.

℟. Simus ergo imitatóres Dei * Et ambulémus in dilectiόne. ℣. Sicut et Christus diléxit nos et trádedit semetípsum pro nobis. — Et ambulémus. Glória Patri. Et ambulémus in dilectiόne.

Lectio ix

AD hoc enim perforátum est latus tuum, ut nobis páteat intróitus. Ad hoc vulnerátum est Cor tuum, ut in illo ab exterioribus turbatióibus absolúti habitáre possimus. Nihilóminus et propterea vulnerátum est, ut per vulnus visíbile, vulnus amoris invisíbile videámus. Quómodo hic ardor mélius posset osténdi, nisi quod non solum corpus, verum étiam ipsum Cor láncea vulnerári permísit? Carnále ergo vulnus, vulnus spirituále osténdit. Quis illud Cor tam vulnerátum non díligat? quis tam amántem non redamet? quis tam castum non amplectátur? Nos igitur adhuc in carne manéntes, quantum póssumus, amántem redamémus, amplectámur vulnerátum nostrum, cujus impíi agricolæ fodérunt manus et pedes, latus et Cor; ore-músque ut cor nostrum, adhuc durum et impœnitens, amoris sui vínculo constringere et jáculo vulneráre dignétur.

Te Deum laudámus.

AD LAUDES

et per Horas, Añæ

1 Unus mílitum * láncea latus ejus apérui et con-

tínuo exívit sanguis et aqua.

Psalmi de Dominica.

2 Stans Jesus * clamábat dicens : Si quis sitit véniat ad me et bibat.

3 In caritáte perpétua * diléxit nos Deus, ídeo, exaltátus a terra, attráxit nos ad Cor suum, míserans.

4 Veníte ad me * omnes qui laborátis et oneráti estis et ego reficiam vos.

5 Fili, * præbe mihi cor tuum et óculi tui custódiant vias meas.

Capitulum Ephes. 3, 8-9

FRatres, mihi ómnium sanctórum mínimo data est grátia hæc, in géntibus evangelizáre investigábiles divítias Christi; et illumináre omnes, quæ sit dispensátio sacraménti absconditi a sæculis in Deo.

Hymnus

COR, arca legem contémens
Non servitútis véteris,
Sed grátia, sed vénia,
Sed et misericórdia.

Cor, sanctuárium novi
Intemerátum fœderis,
Templum vetústo sanctius,
Velúmque scisso útilius.

Te vulnerátum caritas
Ictu paténti vóluit,

Amóris invisíbilis
Ut venerémur vúlnera.

Hoc sub amóris sýmbolo
Passus cruénta et mý-
stica,

Utrúmque sacrificium
Christus sacérdos óbtulit.

Quis non amántem réda-
met?

Quis non redéemptus díli-
gat,

Et Corde in isto séligat
ÆtéRNA tabernácula?

Jesu, tibi sit glória,
Qui Corde fundis grátiam
Cum Patre et almo Spírítu
In sempitéRNA sáecula.

Amen.

℣. Hauriétis aquas in
gáudio. ℞. De fóntibus
Salvatóris.

Ad Bened. Ant. Facta
sunt * enim hæc ut Scri-
ptúra implerétur quæ di-
cit : Vidébunt in quem
transfixérunt.

Oratio

Deus qui nobis, in Corde
Filii tui, nostris vulne-
ráto peccátis, infínitos di-
lectiónis thesáuros miseri-
córditer largíri dignáris;
concéde, quæsumus, ut illi
devótum pietátis nostræ
præstántes obséquium, di-
gnæ quoque satisfactiónis
exhibeámus officium. Per
eúmdem Dóminum.

Ad Horas Psalmi de Domi-
nica, ad Primam tamen ut in

Festis; et ad eam in ℞. br.
dicitur ℣. Qui Corde fun-
dis grátiam, per totam Octa-
vam.

AD TERTIAM

Capitulum Fratres, mihi
ómnium, ut supra. 358

℞. br. Tóllite jugum
meum super vos * Et dí-
scite a me. Tóllite. ℣. Quia
mitis sum et húmilis Cor-
de. Et díscite. Glória Pa-
tri. Tóllite.

℣. Ego dixi : Dómine,
miserére mei. ℞. Sana
ánimam meam quia pec-
cávi tibi.

AD SEXTAM

Capit. Ephes. 3, 14-17

Hujus rei grátia flecto
génua mea ad Patrem
Dómini nostri Jesu Chri-
sti, ut det vobis secúndum
divítias glóriæ suæ vir-
túte corroborári per Spí-
ritum ejus in interiorem
hóminem : Christum habi-
táre per fidem in córdibus
vestris.

℞. br. Ego dixi, Dómine,
* Miserére mei. Ego dixi.

℣. Sana ánimam meam
quia peccávi tibi. Miserére
mei. Glória Patri. Ego
dixi.

℣. Memóriam fecit mira-
bílíum suórum miserátor
Dóminus. ℞. Escam dedit
timéntibus se.

AD NONAM

Ant. Fili, * præbe mihi cor tuum et oculi tui custodiant vias meas.

Capit. Ephes. 3, 17-19

IN caritate radicati et fundati, ut possitis comprehendere cum omnibus sanctis, quæ sit latitudo et longitudo, et sublimitas et profundum; scire etiam supereminentem scientiæ caritatem Christi, ut impleamini in omnem plenitudinem Dei.

℟. br. Memoriam fecit mirabilium suorum * Miserator Dominus. Memoriam. ℣. Escam dedit timéntibus se. Miserator. Glória Patri. Memoriam.

℣. Hauriétis aquas in gaudio. ℟. De fontibus Salvatoris.

IN II VESPERIS

Ant. Unus militum * lancea latus ejus aperuit et continuo exivit sanguis et aqua.

Psalmus 109



Ixit Dominus Domo meo : * Sede a dextris meis :

Donec ponam inimicos tuos, * scabellum pedum tuorum.

Virgam virtutis tuæ emittet Dominus ex Sion : * dominare in medio inimicorum tuorum.

Tecum principium in die virtutis tuæ in splendoribus sanctorum : * ex utero ante luciferum genui te.

Juravit Dominus, et non poenitebit eum : * Tu es sacerdos in æternum secundum ordinem Melchisedech.

Dominus a dextris tuis, * confrégit in die iræ suæ reges.

Judicabit in nationibus, implebit ruinas : * conquassabit capita in terra multorum.

De torrente in via bibet : * propterea exaltabit caput.

Ant. Unus militum lancea latus ejus aperuit et continuo exivit sanguis et aqua.

Ant. Stans Jesus * clamabat dicens : Si quis sitit veniat ad me et bibat.

Psalmus 110

Confitebor tibi, Domine, in toto corde meo : * in consilio justorum, et congregatione.

Magna opera Domini : * exquisita in omnes voluntates ejus.

Confessio et magnificentia opus ejus : * et justitia ejus manet in sæculum sæculi.

Memoriam fecit mirabilium suorum, misericors et miserator Dominus : * escam dedit timéntibus se.

Memor erit in sæculum
testaménti sui : * virtú-
tem óperum suórum an-
nuntiábit pópulo suo :

Ut det illis hereditátem
géntium : * ópera má-
nuum ejus véritas, et judí-
cium.

Fidélia ómnia mandáta
ejus : confirmáta in sæcu-
lum sæculi, * facta in veri-
táte et æquitáte.

Redemptiónem misit pó-
pulo suo : * mandávit
in ætérnum testaméntum
suum.

Sanctum, et terríbile no-
men ejus : * inítium sa-
piéntiæ timor Dómini.

Intelléctus bonus ómni-
bus faciéntibus eum : *
laudátio ejus manet in sæ-
culum sæculi.

Ant. Stans Jesus clamá-
bat dicens : Si quis sitit
véniat ad me et bibat.

Ant. In caritáte perpé-
tua * diléxit nos Deus,
ideo, exaltátus a terra,
attráxit nos ad Cor suum,
miserans.

Psalmus 115

CRédidi, propter quod
locútus sum : * ego
autem humiliátus sum ni-
mis.

Ego dixi in excéssu
meo : * Omnis homo men-
dax.

Quid retríbuam Dómi-
no, * pro ómnibus, quæ
retríbuit mihi?

Cálicem salutáris accí-
píam : * et nomen Dómini
invocábo.

Vota mea Dómino red-
dam coram omni pópulo
ejus : * pretiósa in conspé-
ctu Dómini mors sanctó-
rum ejus :

O Dómine, quia ego ser-
vus tuus : * ego servus
tuus, et fílius ancíllæ
tuæ.

Dirupísti víncula mea : *
tibi sacrificábo hóstiam
laudis, et nomen Dómini
invocábo.

Vota mea Dómino red-
dam in conspéctu omnis
pópuli ejus : * in átriis
domus Dómini, in médio
tui, Jerúsalem.

Ant. In caritáte perpétua
diléxit nos Deus, ideo, ex-
altátus a terra, attráxit
nos ad Cor suum, míse-
rans.

Ant. Veníte ad me, * om-
nes qui laborátis et oneráti
estis et ego refíciam vos.

Psalmus 127

BEáti omnes, qui timent
Dóminum, * qui ám-
bulant in viis ejus.

Labóres mánuum tuárum
quia manducábis : * beá-
tus es, et bene tibi erit.

Uxor tua sicut vitis
abúndans, * in latéribus
domus tuæ.

Fílii tui sicut novéllæ oli-
várúm, * in circúitu men-
sæ tuæ.

Ecce sic benedicétur homo, * qui timet Dóminum.

Benedícat tibi Dóminus ex Sion : * et vídeas bona Jerúsalem ómnibus diébus vitæ tuæ.

Et vídeas filios filiórum tuórum, * pacem super Israël.

Ant. Veníte ad me, omnes qui laborátis et oneráti estis et ego reficiam vos.

Ant. Fili, * præbe mihi cor tuum et óculi tui custódiant vias meas.

Psalmus 147

Lauda, Jerúsalem, Dóminum : * lauda Deum tuum, Sion.

Quóniam confortávit seras portárum tuárum : * benedíxit fíliis tuis in te.

Qui pósuit fines tuos pacem : * et ádipe fruménti sátiat te.

Qui emíttit elóquium suum terræ : * velóciter currit sermo ejus.

Qui dat nivem sicut lanam : * nébulam sicut cinerem spargit.

Mittit crystállum suam sicut buccéllas : * ante faciém frígoris ejus quis sustinébit?

Emíttet verbum suum, et liquefáciét ea : * flabit spíritus ejus, et fluent aquæ.

Qui annúnciat verbum suum Jacob : * justítias, et judícia sua Israël.

Non fecit táliter omni nátióni : * et judícia sua non manifestávit eis.

Ant. Fili, præbe mihi cor tuum et óculi tui custódiant vias meas.

Capitulum Ephes. 3, 8-9

Fratres, mihi ómnium sanctórum mínimo data est grátia hæc, in gén-tibus evangelizáre investigábiles divítias Christi; et illumináre omnes, quæ sit dispensátio sacraménti absconditi a sáeculis in Deo.

Hymnus

EN ut supérba críminum Et sæva nostrórum cohors

Cor sauciávit innocens Meréntis haud tale Dei!

Vibrántis hastam mílitis Peccáta nostra dírigunt, Ferrúmque diræ cúspidis Mortále crimen ácuit.

Ex Corde scisso Ecclesiá, Christo jugáta náscitur : Hoc óstium arcæ in látere est

Genti ad salútem pósitum.

Ex hoc perénis grátia, Ceu septifórmis flúvius, Stolas ut illic sórdidas Lavémus Agni in sán-guine.

Turpe est redíre ad crímina,

Quæ Cor beátum lácerent : Sed æmulémur córdibus Flammas amóris índices.

Jesu, tibi sit glória,
Qui Corde fundis grátiam,
Cum Patre et almo Spí-
ritu

In sempitérna sácula.

Amen.

℣. Hauriétis aquas in
gáudio. ℞. De fóntibus
Salvatóris.

Ad Magnif. Ant. Ad Je-
sum autem * cum venís-
sent, ut vidérunt eum jam
mórtuum, non fregérunt
ejus crura, sed unus míli-
tum lancea latus ejus apé-
ruit et continuo exívit
sanguis et aqua.

Oratio

DEus qui nobis, in Corde
Fílii tui, nostris vul-
neráto peccátis, infinitos
dilectiónis thesáuros mise-
ricórditer largíri dignáris;
concéde, quásumus, ut illi
devótum pietátis nostræ
præstántes obséquium, di-
gnæ quoque satisfactiónis
exhibeámus officium. Per
eúmdem Dóminum.

**Completorium de Domi-
nica.**

Infra Octavam et in die
Octava Officium fit ut in Fe-
sto, præter Lectiones, quæ
pro singulis diebus assignan-
tur propriæ.

Si infra Octavam celebretur
Officium, quod Lectiones
I Nocturni sumat de Scri-
ptura occurrenti, hæ dicun-
tur cum Responsoriis de Fe-
sto.

Sabbato infra Oct.
Ssmi Cordis Jesu

Semiduplex

In I Nocturno

De libro primo Regum

Lectio i

Cap. 9, 1-8



ST erat vir de Bénja-
min nómine Cis, fí-
lius Abiel, filii Se-
ror, filii Béchorath, filii
Aphia, filii viri Jémini,
fortis róbore. Et erat ei fí-
lius vocábulo Saul, eléctus
et bonus, et non erat vir
de filiis Israél mélior illo :
ab húmero et sursum emi-
nébat super omnem pópu-
lum. Perierant autem ási-
næ Cis patris Saul, et dixit
Cis ad Saul fílium suum :
Tolle tecum unum de púe-
ris et consúrgens vade et
quære ásinas. Qui, cum
transissent per montem
Ephraím et per terram
Salsim, et non invenís-
sent, transiérunt étiam
per terram Salim, et non
erant, sed et per terram
Jémini, et mínime reperé-
runt.

℞. Fériam eis pactum
sempitérnum et non dési-
nam eis benefácere et ti-
mórem meum dabo in
corde eórum * Ut non recé-
dant a me. ℣. Et lætábor
super eis cum bene eis
fécero in toto Corde meo.

— Ut non.

Lectio ii

CUM autem venissent in terram Suph, dixit Saul ad puerum, qui erat cum eo : Veni et revertamur, ne forte dimiserit pater meus asinas, et sollicitus sit pro nobis. Qui ait ei : Ecce vir Dei est in civitate hac, vir nobilis : omne quod loquitur, sine ambiguitate venit; nunc ergo eamus illuc, si forte indicet nobis de via nostra, propter quam venimus. Dixitque Saul ad puerum suum : Ecce ibimus : quid feremus ad virum Dei? panis defecit in sartariis nostris, et sportulam non habemus, ut demus homini Dei, nec quidquam aliud. Rursum puer respondit Sauli et ait : Ecce inventa est in manu mea quarta pars statenis argenti : demus homini Dei, ut indicet nobis viam nostram.

℟. Si inimicus meus maledixisset mihi, sustinuisssem utique. * Tu vero homo unanimes qui simul mecum dulces capiebas cibos. ✠. Et si is qui me oderat super me magna locutus fuisset, abscondissem me forsitan ab eo. — Tu.

Lectio iii Cap. 9, 14-17

ET ascenderunt in civitatem. Cumque illi ambularent in medio ur-

bis, apparuit Samuel egrediens obviam eis, ut ascenderet in excelsum. Dominus autem revelaverat auriculam Samuelis, ante unam diem quam veniret Saul, dicens : Hac ipsa hora, quæ nunc est, cras mitam virum ad te de terra Benjamin, et unges eum ducem super populum meum Israël, et salvabit populum meum de manu Philistinorum, quia respexi populum meum : venit enim clamor eorum ad me. Cumque aspexisset Samuel Saulem, Dominus dixit ei : Ecce vir, quem dixeram tibi : iste dominabitur populo meo.

℟. Cum essemus mortui peccatis, convivicavit nos Deus in Christo * Propter nimiam caritatem suam qua dilexit nos.

✠. Ut ostenderet in sæculis superveniéntibus abundantes divitias gratiæ suæ. — Propter. Glória Patri. Propter.

In II Nocturno

Ex litteris Encyclicis
Pii Papæ undécimi

ENCYCLICA

Miserentissimus Redemptor

Lectio iv



Nter cetera infinitæ Redemptoris nostri benignitatis documenta, illud potissimum

elúcet, quod, defervescén-
te christifidélium caritáte,
ipsa Dei cáritas ad hono-
rándum peculiári cultu
propósita est, ejúsque bo-
nitátis divítiae late patefá-
ctae sunt per eam religió-
nis formam qua Sacratís-
simum Cor Jesu cólitur,
« in quo sunt omnes the-
sáuri sapiéntiae et sciéntiae
abscónditi ». Nam, ut
quondam humánæ genti
e Noëtica arca exeúnti,
amíci fœderis signum illu-
cêscere Deus vóluit « ar-
cum apparéntem in núb-
ibus », sic turbulentíssimis
recentiórís ævi tempóri-
bus, cum vaférrima óm-
nium sérperet háeresis illa
janseníana, amóri in Deum
pietatíque inimíca, quæ
Deum non tam diligén-
dum ut patrem quam
extimescéndum ut impla-
cábilem júdicem prædicá-
bat, benigníssimus Jesus
Cor suum Sacratíssimum,
quasi pacis et caritátis
vexíllum elátum géntibus
osténdit, haud dúbiam
porténdens in certámine
victóriam.

✠. Prope est Dóminus
ómnibus invocántibus
eum, * Omnibus invocán-
tibus eum in veritáte.

✠. Miserátor et miséricors
Dóminus, pátiens et mul-
tum miséricors. — Omni-
bus invocántibus eum in
veritáte.

Lectio v

Siquidem appósita felicis
recordatiónis decéssor
noster Leo décimus tér-
tius in Litteris Encýclicis
« Annum Sacrum », tan-
tam cultus Sacratíssimi
Cordis Jesu opportunitá-
tem admirátus, edícere
non dubitávit : « Cum
Ecclésia per próxima ori-
gínibus témpora cæsáreo
jugo premerétur, conspé-
cta sublíme adolescénti
imperatóri crux, amplís-
simæ victóriæ, quæ mox
est consecúta, auspex si-
mul atque efféctrix. En
áalterum hódie oblátum
óculis auspicatíssimum di-
vinissimúmque signum :
vidélicet Cor Jesu Sacra-
tíssimum, superimpósita
cruce, splendidíssimo can-
dóre inter flammæ elú-
cens. In eo omnes collo-
cándæ spes; ex eo hómi-
num peténda atque exspe-
ctánda salus ».

✠. Confíteor tibi, Pater,
Dómine cæli et terræ, quia
abscondísti hæc a sapién-
tibus et prudéntibus * Et
revelásti ea párvulis.

✠. Ita, Pater, quóniam sic
fuit plácitum ante te. —
Et.

Lectio vi

Ac jure id quidem; in illo
enim auspicatíssimo
signo atque in ea, quæ
exínde conséquitur, pietá-

tis forma nonne totius religionis summa atque adeo perfectioris vitae norma continetur, quippe quæ et ad Christum Dominum penitus cognoscendum mentes conducat expeditius et ad eundem vehementius diligendum pressiusque imitandum animos inflectat efficacius? Nemo igitur miretur, hanc probatissimam religionis formam decessores nostros continenter et a calumniatorum criminationibus vindicasse, et summis laudibus extulisse et vehementi provexisse studio, prout temporum rerumque rationes postularent. Dei autem adspirante numine factum est ut pia christifidelium erga Sacratissimum Cor Jesu voluntas majora in dies incrementa caperet.

℟. Omnes gentes quas-cumque fecisti venient
* Et adorabunt coram te, Domine. ℣. Et glorificabunt nomen tuum, quoniam magnus es tu, et faciens mirabilia. — Et. Gloria Patri. Et.

In III Nocturno

Lectio sancti Evangelii
secundum Joannem

Lectio vii Cap. 19, 31-37

IN illo tempore : Judæi, quoniam parascève erat, ut non remanerent

in cruce corpora sabbato, erat enim magnus dies ille sabbati, rogaverunt Pilatum, ut frangerentur eorum crura et tollerentur. Et reliqua.

Homilia sancti Joannis
Chrysostomi

Homilia 85,
alias 84 in Joannem, num. 3



Iden' quam fortis sit veritas? Per Judæorum studia impletur prophetia. Alia quoque prædictio finem accipit. Venientes enim milites aliorum fregérunt crura, Christi non item. Attamen hi, in gratiam Judæorum, ejus latus lancea perforant, et mortuo corpori contumeliam inferunt. O scelustum et execrandum facinus! Sed ne turbéris, ne dejiciáris, dilécte. Nam quæ mala illi voluntate faciébant, veritatem propugnábant; prophetia namque erat : Vidébunt in quem transfixérunt. Neque hoc tantum; sed étiam iis qui infidéles futúri erant, hoc facinus demonstratióni fuit, ut Thomæ et ipsi similibus. Ad hæc étiam mystérium ineffábile consummábitur. Exívit enim sanguis et aqua. Non sine causa vel casu hi fontes manárunt, sed quia ex hoc

utróque Ecclésia constítuta est.

℟. Si exaltátus fúero a terra * Omnia traham ad meípsum. ℣. Hoc autem dicébat significans qua morte esset moritúrus. — Omnia traham ad meípsum.

Lectio viii

HOC sciunt initiáti, qui per aquam regenerántur, ac per ságuinem et carnem nutriúntur. Hinc ínítium mystéria sumunt, ut, cum ad treméndum póculum accésseris, sic vénias ac si ex hoc látere potatúrus esses. Et qui vidit testimónium perhíbuit, et verum est testimónium ejus. Hoc est : Non ab áliis audívi, sed ipse præsens vidi, et verum est testimónium. Mérito sane. Contuméliam narrat, non magnum quid et mirábile, ut possis contra suspicári; verum ille, hæreticórum ora cómprimens et futúra prænúntians mystéria, atque conténtum in ipsis thesáurum consíderans, minutátim recénsset et quæ gesta sunt. Impléta est autem prophetía illa : Os ejus non commínuent. Etiámsi enim hoc de Judæórum agno dictum sit, tamen propter veritátem figúra præcéssit, et in hoc magis complétum est.

Ideo prophétam in médium addúcit.

℟. Simus ergo imitatóres Dei * Et ambulémus in dilectióne. ℣. Sicut et Christus diléxit nos et trádedit semetípsum pro nobis. — Et. Glória Patri. Et.

Lectio ix

CUM sese testem áfferens ubíque non viderétur fide dignum habéri, addúcit Móysen, ut innuat hoc non casu factum esse, sed jam olim scripto fuisse prænuntiátum. Hoc illud dictum est : Os ejus non comminuétur. Rursúmque ex seípso Prophétæ fidem facit. Hæc dixi, inquit, ut discátis magnam esse affinitátem inter figúram et veritátem. Viden' quantam curam adhíbeat, ut credátur illud quod turpe et ignominiósum vidétur? Nam corpus a mílite contumélia áffici, longe pejus erat quam crucifigi. Attamen et hæc dixi, inquit, et cum magna diligéntia dixi, ut credátis. Nemo itaque fidem neget, neque præ pudóre nostris nóceat. Nam quæ máxime contumeliósa vidéntur, hæc sunt bonórum nostrórum honestíssima.

Te Deum laudámus.

**Dominica infra Oct.
Ssm̃i Cordis Jesu
quæ est III post Pent.**

Semiduplex

**Omnia dicuntur ut in Festo
Sacratissimi Cordis Jesu,
præter sequentia :**

IN I VESPERIS

**Añæ et Psalmi ut in I Ve-
speris. 343**

Capitulum 1 Petri 5, 6-7

CArissimi, humiliámini
sub poténti manu Dei,
ut vos exáltet in témpore
visitátionis; omnem solli-
cítudinem vestram projí-
cientes in eum, quóniam
ipsi cura est de vobis.

Hymnus En ut superba.
362

℟. Memóriam fecit mira-
bílíum suórum miserátor
Dóminus. **℣.** Escam dedit
timéntibus se.

Ad Magnif. Ant. Cogno-
vérunt omnes * a Dan
usque Bersabée, quod fidé-
lis Sámuel prophéta esset
Dómini.

Oratio

PRotéctor in te sperán-
tium, Deus, sine quo
nihil est válidum, nihil
sanctum, múltiplica super
nos misericórdiam tuam;
ut, te rectóre, te duce, sic
transeámus per bona tem-
porália, ut non amittámus
æténa. Per Dóminum.

**Et fit Commemoratio præ-
cedentis diei infra Octavam :**

Ant. Ad Jesum autem *
cum venissent, ut vidé-
runt eum jam mórtuum,
non fregérunt ejus crura,
sed unus militum lancea
latus ejus apérui et con-
tínuo exívit sanguis et
aqua.

℟. Hauriétis aquas in
gáudio. **℣.** De fóntibus
Salvatóris.

Oratio

DEus qui nobis, in Corde
Filii tui, nostris vul-
neráto peccátis, infinitos
dilectiónis thesauros mise-
ricórditer largíri dignáris;
concéde, quæsumus, ut illi
devótum pietátis nostræ
præstántes obséquium, di-
gnæ quoque satisfactiónis
exhibeámus officium. Per
eúmdem Dóminum.

**Completorium de Domi-
nica.**

AD MATUTINUM

In I Nocturno

De libro primo Regum

Lectio i

Cap. 9, 18-27; 10, 1



Cecéssit autem Saul
ad Samuélem in
medio portæ, et
ait : Indica, oro, mihi, ubi
est domus Vidéntis. Et re-
spóndit Sámuel Sauli di-
cens : Ego sum Videns;
ascénde ante me in excél-

sum, ut comedátis mecum hódie, et dimíttam te mane et ómnia, quæ sunt in corde tuo, indicábo tibi; et de ásinis, quas nudius-tértius perdidisti, ne sollicitus sis, quia invéntæ sunt. Et cujus erunt óptima quæque Israë! nonne tibi, et omni dómui patris tui? Respóndens autem Saul, ait : Numquid non fílius Jémini ego sum, de mínima tribu Israë!, et cognátio mea novíssima inter omnes famílias de tribu Bénjamin? quare ergo locútus es mihi sermónem istum?

℟. Fériam eis pactum sempitérnum et non désinam eis benefácere et timórem meum dabo in corde eórum * Ut non recédant a me. ℣. Et lætabor super eis cum bene eis féceró in toto Corde meo. — Ut non.

Lectio ii

Assúmens itaque Sámuel Saulem et púerum ejus, introdúxit eos in triclinium, et dedit eis locum in cápite eórum, qui fúerant invitáti; erant enim quasi trigínta viri. Dixítque Sámuel coco : Da partem, quam dedi tibi, et præcépi ut repóneres seórsum apud te. Levávit autem cocus armum et pósuit ante Saul. Dixítque Sámuel :

Ecce quod remánsit; pone ante te, et cómede, quia de indústria servátum est tibi, quando pópulum vocávi. Et comédit Saul cum Samuéle in die illa. Et descendérunt de excélsó in óppidum, et locútus est cum Saule in solário : stravítque Saul in solário, et dormívit.

℟. Si inimícus meus maledixísset mihi, sustinuíssem útique. * Tu vero homo unánimis qui simul mecum dulces capiébas cibos. ℣. Et si is qui me óderat super me magna locútus fuísset, abscondíssem me fórsitan ab eo. — Tu vero.

Lectio iii

Cumque mane surrexísset, et jam elucésceret, vocávit Sámuel Saulem in solário, dicens : Surge, et dimíttam te. Et surréxit Saul : egressíque sunt ambo, ipse videlicet et Sámuel. Cumque descénderent in extrémá parte civitátis, Sámuel dixit ad Saul : Dic púero ut antecédant nos et tránseat : tu autem subsiste paulisper, ut índicem tibi verbum Dómini. Tulit autem Sámuel lentículam ólei et effúdit super caput ejus et deosculátus est eum et ait : Ecce unxit te Dóminus super hereditátem

suam in principem, et liberabis populum suum de manibus inimicorum ejus, qui in circuitu ejus sunt.

℟. Cum essemus mortui peccatis, convivificavit nos Deus in Christo * Propter nimiam caritatem suam qua dilexit nos.

℣. Ut ostenderet in saeculis superveniētibz abundantes divitias gratiae suae. — Propter. Glória Patri. Propter.

In II Nocturno

Ex litteris Encyclicis
Pii Papae undecimi

Lectio iv



T certe inter cetera illa, quae proprie ad Sacratissimi Cordis cultum pertinent, pia eminet ac memoranda est consecratio, qua, nos nostraque omnia aeternae Numini caritati accepta referentes, divino Jesu Cordi devovemus. Verum, aliud accedat oportet, honestae satisfactionis, inquit, seu reparationis, quam dicunt, officium Sacratissimo Cordi Jesu praestandum. Nam, si illud est in consecratione primum ac praecipuum ut amoris Creatoris creaturae amor rependatur, alterum sponte hinc sequitur, ut eidem increato Amori, si quando aut oblivione neglectus,

aut offensa violatus sit, illatae quoquo modo injuriae compensari debeant : quod quidem debitum reparationem vulgato nomine vocamus.

℟. Prope est Dominus omnibus invocantibus eum, * Omnibus invocantibus eum in veritate. ℣. Misericors et misericors Dominus, patiens et multum misericors. — Omnibus.

Lectio v

Quodsi ad utramque rem iisdem prorsus rationibus impellimur, reparandi tamen expiandique officio ob validiorem quemdam justitiae et amoris titulum tenemur : justitiae quidem, ut irrogata Deo nostris flagitiis expiatur offensa et violatus ordo penitentiae reintegratur; amoris vero, ut Christo patienti ac « saturato opprobriis » compatiamur ei que non nihil solacii pro tenuitate nostra afferamus. Peccatores enim cum simus omnes, multisque onerati culpis, non eo solo cultu Deus noster nobis est honorandus, quo vel ejus summam Majestatem debitis obsequiis adoramus, vel ejus supremum dominium precando agnoscamus, vel ejus infinitam largitatem gratiarum actionibus laudamus; sed pra-

térea Deo justo vándici satisfaciámus opórtet « pro innumerábilibus peccátis et offensióibus et neglígéntiis » nostris. Consecratióni igitur, qua Deo devovémur et sancti Deo vocámur, ea sanctitate ac firmitate quæ, ut docet Angélicus, consecratiónis est própria, addénda est expiatio, qua pénitus peccáta exstinguántur, ne forte indignitatem nostram impudéntem revérberet summæ justitiæ sáncritas, munúsque nostrum pótius árceat invísum quam gratum suscipiat.

℟. Confíteor tibi, Pater, Dómine cæli et terræ, quia abscondísti hæc a sapiéntibus et prudéntibus * Et revelásti ea párvulis. ✠. Ita, Pater, quóniam sic fuit plácitum ante te. — Et.

Lectio vi

HOC autem expiatiónis officium humano géneri univérso incúmbit, quippe quod, ut christiána docémur fide, post Adæ miserándum casum, hereditária labe inféctum, concupiscéntiis obnoxium et misérime depravátum, in perniciem detrudéndum fuisset sempitérnam. Id quidem supérbi hac nostra ætate sapiéntes, véterem Pelágii errórem secúti, in-

ficiántur, natívam quamdam virtútem humánæ natúræ jactántes quæ suapte vi ad altióra usque progrediátur; sed falsa hæc humánæ supérbiæ comménta réjicit Apóstolus, illud nos ádmonens : « natúra erámus filii iræ ». Et sane jam ab iníto comúnis illius expiatiónis débitum quasi agnovére hómines et Deo sacrificiis vel públicis placádo, naturáli quodam sensu ducti, óperam dare cœperunt.

℟. Omnes gentes quas-cúmque fecísti vénient * Et adorábunt coram te, Dómine. ✠. Et glorificábunt nomen tuum, quóniam magnus es tu, et fáciens mirabília. — Et adorábunt. Glória Patri. Et.

In III Noeturno

Lectio sancti Evangélii
secúndum Lucam

Lectio vii Cap. 15, 1-10

IN illo témpore : Erant appropinquántes ad Jesum publicáni et peccátóres, ut audírent illum. Et réliqua.

Homília sancti Gregórii
Papæ

Homília 34 in Evang., n. 2-3



Udístis in lectione evangélica, fratres mei, quia peccátóres et publicáni acces-

sérunt ad Redemptórem nostrum; et non solum ad colloquéndum, sed étiam ad convescéndum recépti sunt. Quod vidéntes pharisæi dedignáti sunt. Ex qua re collígite quia vera justítia compassiónem habet, falsa justítia dedignatióne. Quamvis et justí sóleant recte peccatóribus dedignári : sed áliud est quod ágitur typho superbíæ, áliud quod zelo disciplínæ.

℟. Ego si exaltátus fúero a terra * Omnia traham ad meípsum. ℣. Hoc autem dicébat significans qua morte esset moritúrus. — Omnia.

Lectio viii

Dedignántur étenim sed non dedignántes; despérant, sed non desperántes; persecutióne côm-movent, sed amántes : quia etsi foris increpatiónes per disciplínam exágerant, intus tamen dulcédinem per caritátem servant. Præpónunt sibi in ánimo ipsos plerúmque quos córrigunt : meliôres exístimant eos quoque quos júdicant. Quod vidélicet ágéntes, et per disciplínam súbditos, et per humilitátem custódiunt semetípsum.

℟. Simus ergo imitatóres Dei * Et ambulémus in di-

lectiône. ℣. Sicut et Christus diléxit nos et trádedit semetípsum pro nobis. — Et. Glória Patri. Et.

Lectio ix

AT contra, hi qui de falsa justítia superbíre solent, céteros quosque despíciunt, nulla infirmántibus misericórdia condescéndunt, et quo se peccatóres esse non credunt, eo detérius peccatóres fiunt. De quorum profécto número pharisæi exstítérant, qui dijudicántes Dóminum quod peccatóres suscéperet, arénti corde ipsum fontem misericórdiæ reprehendébant. Sed quia ægri erant, ita ut ægros se esse nescírent, quátenuis quod erant agnóscerent, cæléstis eos médicus blandis foméntis curat, benígnum paradigma óbjeit, et in eórum corde vúlneris tumórem premit.

Te Deum laudámus.

AD LAUDES

et per Horas, Añæ

1 Unus militum * láncea latus ejus apérui et continuo exívit sanguis et aqua.

Psalmi de Dominica.

2 Stans Jesus * clamábat dicens : Si quis sitit véniat ad me et bibat.

3 In caritáte perpétua * diléxit nos Deus, ideo,

exaltátus a terra, attráxit nos ad Cor suum, miserans.

4 Veníte ad me, * omnes qui laborátis et oneráti estis et ego reficiam vos.

5 Fili, * præbe mihi cor tuum et óculi tui custodiant vias meas.

Capitulum 1 Petri 5, 6-7

Caríssimi, humiliámini sub poténti manu Dei, ut vos exáltet in témpore visitatiónis; omnem sollicitúdinem vestram projiciétes in eum, quóniam ipsi cura est de vobis.

Hymnus Cor arca. 358

℣. Tóllite jugum meum super vos et discite a me.

℟. Quia mitis sum et húmilis Corde.

Ad Bened. Ant. Quis ex vobis * homo qui habet centum oves et, si perdidit unam ex illis, nonne dimíttit nonagínta novem in desérto et vadit ad illam quæ perierat, donec invéniat eam? Allelúja.

Oratio

Protéctor in te sperántium, Deus, sine quo nihil est válidum, nihil sanctum; multiplica super nos misericórdiam tuam; ut, te rectóre, te duce, sic transeámus per bona temporália, ut non amittámus æténa. Per Dóminum.

Et fit Commemoratio Octavæ :

Ant. Facta sunt, **℣.** Hauriétis, **Oratio** Deus qui. 359

Ad Primam Psalmi ut in Festis, in ℟. br. ℣. Qui Corde fundis grátiam, **et ad absolutionem Capituli Lectio brevis** Deus autem omnis grátiae, **ut infra ad Nonam.**

AD TERTIAM

Capit. Caríssimi, **ut ad Laudes.**

℟. br. Tóllite jugum meum super vos * Et discite a me. Tóllite. **℣.** Quia mitis sum et húmilis Corde. Et discite. **Glória Patri.** Tóllite.

℣. Ego dixi : Dómine, miserére mei. **℟.** Sana ánimam meam quia peccávi tibi.

AD SEXTAM

Capitulum 1 Petri 5, 8-9

Sobrii estóte et vigiláte, quia adversárius vester diábolus tamquam leo rúgiens circuit, quærens quem dévoret, cui resistite fortes in fide, sciéntes eámdem passióem ei, quæ in mundo est, vestræ fraternitáti fieri.

℟. br. Ego dixi, Dómine, * Miserére mei. Ego dixi. **℣.** Sana ánimam meam quia peccávi tibi. Miserére mei. **Glória Patri.** Ego dixi.

V. Memóriam fecit mirabílium suórum miserátor Dóminus. **R.** Escam dedit timéntibus se.

AD NONAM

Ant. Fili, * præbe mihi cor tuum et óculi tui custódiant vias meas.

Capit. 1 Petri 5, 10-11

DEus autem omnis grátiae, qui vocávit nos in ætérnam suam glóriam in Christo Jesu, módicum passos ipse perficiet, confirmábit solidabítque. Ipsi glória et impérium in sæcula sæculórum. Amen.

R. **br.** Memóriam fecit mirabílium suórum * Miserátor Dóminus. Memóriam. **V.** Escam dedit timéntibus se. Miserátor. Glória Patri. Memóriam.

V. Hauriétis aquas in gáudio. **R.** De fóntibus Salvatóris.

IN II VESPERIS

Añæ et Psalmi ut in II Vesperis Festi. 360

Capitulum 1 Petri 5, 6-7

CAríssimi, humiliámini sub poténti manu Dei, ut vos exáltet in témpore visitatiónis; omnem sollicitúdinem vestram projiciéntes in eum, quóniam ipsi cura est de nobis.

Hymnus En ut supérba, ut supra. 362

V. Memóriam fecit mirabílium suórum miserátor Dóminus. **R.** Escam dedit timéntibus se.

Ad Magnif. Ant. Quæ múlter * habens drachmas decem, et si perdíderit drachmam unam, nonne accéndit lucérnam et evér-rit domum et quærit diligénter donec invéniat?

Oratio

PRotéctor in te sperántium, Deus, sine quo nihil est válidum, nihil sanctum; multiplica super nos misericórdiam tuam; ut, te rectóre, te duce, sic transeámus per bona temporália, ut non amittámus ætérna. Per Dóminum.

Et fit Commemoratio sequentis diei infra Octavam :

Ant. Ignem veni mittere in terram, et quid volo nisi ut accedéntur?

V. Tóllite jugum meum super vos et discite a me. **R.** Quia mitis sum et húmilis Corde.

Si autem sequenti die faciendum non sit Officium de Octava, dicitur

Ant. Ad Jesum autem cum venissent, ut vidérunt eum jam mórtuum, non fregérunt ejus crura, sed unus militum lancea latus ejus apérui et continuo exívit sanguis et aqua.

℣. Hauriétis aquas in gáudio. ℞. De fóntibus Salvatóris.

Oratio

DEus qui nobis, in Corde Fílii tui, nostris vulneráto peccátis, infinitos dilectiónis thesauros misericórditer largíri dignáris; concéde, quásumus, ut illi devótum pietátis nostræ præstántes obséquium, dignæ quoque satisfactiónis exhibeámus officium. Per eúndem Dóminum.

Feria II infra Octav. Ssmi Cordis Jesu

Semiduplex

In I Nocturno

De libro primo Regum

Lectio i Cap. 10, 17-27



ST convocávit Sámuél pópulum ad Dóminum in Masphe et ait ad filios Israël : Hæc dicit Dóminus Deus Israël : Ego edúxi Israël de Ægýpto et érui vos de manu Ægyptiórum et de manu ómnium regum, qui affligébant vos. Vos autem hódie projecístis Deum vestrum, qui solus salvávit vos de univérsis malis et tribulatióibus vestris et dixístis : Nequáquam, sed regem constitúe super nos. Nunc ergo state coram

Dómino per tribus vestras et per famílias.

℞. Fériam eis pactum sempitérnum et non désinam eis benefácere et timórem meum dabo in corde eórum : * Ut non recédant a me. ℣. Et lætábor super eis cum bene eis féceró in toto Corde meo. — Ut.

Lectio ii

ET applicuit Sámuél omnes tribus Israël, et cecidit sors tribus Bénjamin; et applicuit tribum Bénjamin et cognatiónes ejus, et cecidit cognátio Metri, et pervénit usque ad Saul filium Cis. Quæsiérunt ergo eum, et non est invéntus. Et consuluérunt post hæc Dóminum, utrúmnam ventúrus esset illuc. Respondítque Dóminus : Ecce absconditus est domi. Cucurrérunt itaque et tulérunt eum inde; stetitque in médio pópuli, et áltior fuit univérso pópulo ab húmero et sursum. Et ait Sámuél ad omnem pópulum : Certe vidétis quem elégit Dóminus, quóniam non sit símilis illi in omni pópulo. Et clamávit omnis pópulus et ait : Vivat rex. ℞. Si inimícus meus maledixisset mihi, sustinuíssem útique. * Tu vero homo unánimis qui simul mecum dulces capiébas cibos. ℣. Et si is qui me

óderat super me magna locútus fuisset, abscondíssem me fórsitan ab eo. — Tu vero homo unánimis qui simul mecum dulces capiébas cibos.

Lectio iii

Locútus est autem Sámuél ad pópulum legem regni, et scripsit in libro et repósuit coram Dómino; et dimísit Sámuél omnem pópulum, singulos in domum suam. Sed et Saul ábiit in domum suam in Gábaa; et ábiit cum eo pars exercitus, quorum tetígerat Deus corda. Fílii vero Bé-lial dixerunt: Num salváre nos póterit iste? Et desperáverunt eum, et non attulé-runt ei múnera; ille vero dissimulábat se audíre.

✠. Cum essémus mórtui peccátis, convivificávit nos Deus in Christo * Propter nímiam caritátem suam qua diléxit nos. ✠. Ut osténderet in sáculis supervenientibus abundántes divítias grátiae suae. — Propter. Glória. Propter.

In II Nocturno

Ex lítteris Encýclicis
Pii Papæ undécimi

Lectio iv

Nulla creáta vis hóminum sceléribus expiándis erat satis, nisi humánam natú-

ram Dei Fílius reparándam assumpsisset. Quod quidem ipse hóminum Salvátor sacri Psaltis ore nuntiávit: Hóstiam et oblatiónem noluísti, corpus autem aptásti mihi: holocautómata pro peccáto non tibi placuérunt: tunc dixi: Ecce vénio. Et reápsé vere languóres nostros ipse tulit et dolóres nostros ipse portávit; vulnerátus est propter iniquitátes nostras et peccáta nostra ipse pértulit in corpore suo super lignum; delens quod advérsus nos erat chirógraphum decreti, quod erat contrárium nobis, et ipsum tulit de médio affígens illud cruci, ut peccátis mórtui justítiae vivámus. Quamquam vero copiósa Christi redemptio abúnde nobis ómnia delicta donávit, ob miram tamen illam divínæ Sapientíæ dispensatiónem, qua in carne nostra adimplénda sunt quæ desunt passiónum Christi pro corpore ejus quod est Ecclé-sia, étiam láudibus et satisfactiónibus, quas Christus in nómine peccatórum Deo persólvit, nostras quoque laudes et satisfactiónes adjícere póssumus, immo étiam debémus.

✠. Prope est Dóminus ómnibus invocántibus eum, * Omnibus invocántibus

eum in veritatē. ✠. Misericors et misericors Dominus, pateriens et multum misericors. — Omnibus.

Lectio v

AT semper meminérimus oportet, totam expiationis virtutem ab uno Christi cruento sacrificio pendere, quod sine temporis intermissione in nostris altaribus incruento modo renovatur; siquidem una eademque est Hostia, idem nunc offerens sacerdotum ministerio, qui seipsum tunc in cruce obtulit, sola offerendi ratione diversa; quamobrem cum hoc augustissimo Eucharistico sacrificio et ministrorum et aliorum fidelium immolatio coniungi debet, ut ipsi quoque hostias viventes, sanctas, Deo placentes sese exhibeant. Quin immo, sanctus Cyprianus affirmare non dubitat sacrificium dominicum legitima sanctificatione non celebrari, nisi oblatio et sacrificium nostrum responderit passioni. Quapropter nos monet Apostolus, ut mortificationem Jesu in corpore nostro circumferentes, atque cum Christo conscripti et complantati similitudini mortis ejus, non modo carnem nostram crucifigamus cum vitiis et

concupiscentiis, fugientes ejus quæ in mundo est concupiscentiæ corruptionem, sed et vita Jesu manifestetur in corporibus nostris et, æterni ejus sacerdotii participes effecti, offeramus dona et sacrificia pro peccatis.

✠. Confiteor tibi, Pater, Domine cæli et terræ, quia abscondisti hæc a sapientibus et prudentibus * Et revelasti ea parvulis.

✠. Ita, Pater, quoniam sic fuit placitum ante te. — Et.

Lectio vi

NEquè enim arcani hujus sacerdotii et satisfaciendi sacrificandique muneris participatione ii soli fruuntur, quibus Pontifex noster Christus Jesus administris utitur ad oblationem mundam divino Nomini ab ortu solis usque ad occasum omni loco offerendam; sed etiam christianorum gens universa, ab Apostolorum Principe genus electum, regale sacerdotium jure appellata, debet cum pro se, tum pro toto humano genere offerre pro peccatis, haud aliter propemodum quam sacerdos omnis ac pontifex ex hominibus assumptus, pro hominibus constituitur in iis quæ sunt ad Deum.

✠. Omnes gentes quas-
cúmque fecisti vénient
* Et adorábunt coram te,
Dómine. ✠. Et glorificá-
bunt nomen tuum quón-
iam magnus es tu, et
fáciens mirabília. — Et.
Glória Patri. Et.

In III Nocturno

Léctio sancti Evangélíi
secúndum Joánnem

Lectio vii Cap. 19, 31-37

IN illo témpore : Ju-
dáei, quóniam parascève
erat, ut non remanérent in
cruce córpora sábbato,
erat enim magnus dies ille
sábbati, rogavérunt Pilá-
tum, ut frangeréntur eó-
rum crura et tolleréntur.
Et réliqua.

Homilía sancti Lauréntii
Justiniáni Epíscopi

De triumphali
Christi agone, cap. 21

AD Jesum igitur cum
veníssent, illúmque
jam mórtuum con-
spexíssent, ipsíus mínime
crura fregérunt, verum
astántium unus, vibráta
láncea, latus ejus apérui-
t, et contínuo exívit sanguis
et aqua. Grande prorsus
et inaudítum prodígium,
ut de exanimáto corpore
sanguis exíret et aqua.
Verúmtamen, máximum,
in re hac gesta, nobis vó-
luit Dei sapiéntia com-

mendáre sacraméntum,
sui vidélicet, et Ecclésiæ
unitátem. Hujus enim spi-
rituális cópulæ figúra præ-
cèssit, quando de látere
Adæ dormiéntis una ex
costis ipsíus subtrácta
narrátur, atque de eádem
Eva cunctórum parens
formáta est, quæ typum
gerébat Ecclésiæ. Signifi-
cábat tunc Spíritus San-
ctus, verum et spirituálem
Adam esse futúrum, qui
Paracléti virtúte plasmá-
tus, dum dormíret in cru-
ce, de ipsíus látere, pro-
fluéntibus aqua et sán-
guine, speciósá sponsa
sine ruga et mácula, for-
marétur Ecclésia.

✠. Ego si exaltátus fúero
a terra * Omnia traham ad
meípsum. ✠. Hoc autem
dicébat significans qua
morte esset moritúrus. —
Omnia.

Lectio viii

HÆC quippe sunt sacra-
ménta ecclesiástica per
quæ totum corpus Ecclé-
siæ ablúitur atque sancti-
ficátur. In lavácro útique
aquæ regeneratiónis, quod
Christi morte sacrátur, ab
origináli contagióne mun-
dátur. In Redemptóris
vero ságuine nedum ab
omni culpa purgátur, ve-
rum étiam regni cæléstis
illi aperítur intróitus. Am-
bo hæc in unum efféctum

convéniunt nec unum sine áltero valet ad salútem prodéssé : non enim absque baptísmi sacraménto et peccatórum remissióne, potest quis futúrá beatitúdinis hereditátem percípere. Hoc ubíque in orbe terrárum sancta mater confitétur Ecclésia, et multiplicibus Scripturárum divinárum testimoniis roborátur. Insuper et qui vidit de Christo aquam emanáre et sánguinem, testimoniúm perhibuit, et verum est testimoniúm ejus. Nempe iste est Joánnes Apóstolus et Evangelísta, qui præcípuo amóre diléctus est a Dómino.

℟. Simus ergo imitatóres Dei * Et ambulémus in dilectióne. ℣. Sicut et Christus diléxit nos et trádidit semetípsum pro nobis. — Et. Glória Patri. Et.

Lectio ix

Profécito hæc facta sunt ut Scriptúra implerétur quæ ait : Os non minuétis ex eo. A Dómino quippe Móysi fúerat imperátum ne in sacrificii pharse, in celebratióne immoláti agni, ullum comminuerétur os. In Dómino autem Jesu innocentíssimo agno, figúræ véritas est compléta. Nequáquam crura illíus sunt fracta, quemádmódum duórum

nequam cum eo pendéntium; sed tantum illíus latus apértum, quátenus ália Scriptúra perficerétur quæ dicit : Vidébunt in quem transfixérunt. Porro vúlnerum cicatríces in suo vóluit Dóminus corpore retinére, ut, sicut eléctis incentívum devotiónis, ita et réprobis irrefragábile fieret testimoniúm damnatiónis. Ita ómnia consummáta in Christo, longe ante Prophetárum oráculis promulgáta fuére, quátenus cathólica fides tam pro se quam advérsus hæreticórum munirétur erróres.

Te Deum laudámus.

Feria III infra Octav. Ssmi Cordis Jesu

Semiduplex

In I Nocturno

De libro primo Regum

Lectio i Cap. 12, 1-14



Exit autem Sámuel ad univérsum Israhél : Ecce audivi vocem vestram, juxta ómnia quæ locúti estis ad me, et constitui super vos regem. Et nunc rex gráditur ante vos; ego autem sénuí, et incánui : porro filii mei vobíscum sunt. Itaque conversátus coram vobis ab adolescéntia mea

usque ad hanc diem, ecce præsto sum. Loquimini de me coram Dómino, et coram Christo ejus, utrum bovem cujúsquam túlerim, aut ásinum, si quém-piam calumniátus sum, si oppréssi áliquem, si de manu cujúsquam munus accépi; et contémnam illud hódie, restituámque vobis. Et dixerunt : Non es calumniátus nos, neque oppressísti, neque tulísti de manu alicújus quíppiam. Dixítque ad eos : Testis est Dóminus advérsus vos, et testis Christus ejus in die hac, quia non invenéritis in manu mea quíppiam. Et dixerunt : Testis.

℟. Fériam eis pactum sempitérnum et non désinam eis benefácere et timórem meum dabo in corde eórum * Ut non recédant a me. ℣. Et lætabor super eis cum bene eis féceró in toto Corde meo. — Ut non.

Lectio ii

ET ait Sámuel ad pópulum : Dóminus, qui fecit Móysen et Aaron et edúxit patres nostros de terra Ægýpti. Nunc ergo state, ut iudicio conténdam advérsus vos coram Dómino de ómnibus misericórdiis Dómini, quas fecit vobíscum et cum pá-

tribus vestris; quómodo Jacob ingressus est in Ægýptum, et clamavérunt patres vestri ad Dóminum, et misit Dóminus Móysen et Aaron, et edúxit patres vestros de Ægýpto et collocávit eos in loco hoc. Qui oblíti sunt Dómini Dei sui, et trádidit eos in manu Sísaræ magístri militiæ Hasor et in manu Philisthinórum et in manu regis Moab, et pugnávérunt advérsus eos.

℟. Si inimícus meus maledixisset mihi, sustinuíssem útique. * Tu vero homo unánimis qui simul mecum dulces capiébas cibos. ℣. Et si is qui me óderat super me magna locútus fuísset, abscondíssem me fórsitan ab eo. — Tu vero.

Lectio iii

POSTEA autem clamavérunt ad Dóminum, et dixerunt : Peccávimus, quia derelíquimus Dóminum et servívimus Báalim et Astaroth, nunc ergo érue nos de manu inimicórum nostrórum, et serviémus tibi. Et misit Dóminus Jeróbaal et Badan et Jephthe et Sámuel, et éruit vos de manu inimicórum vestrórum per circúitum, et habitástis confidénter. Vidéntes autem quod Naas rex filiórum Ammon venís-

set adversum vos, dixistis mihi : Nequáquam, sed rex imperábit nobis, cum Dóminus Deus vester regnáret in vobis. Nunc ergo præsto est rex vester, quem elegistis et petistis : ecce dedit vobis Dóminus regem. Si timuéritis Dóminum et serviéritis ei, et audiéritis vocem ejus et non exasperavéritis os Dómini, éritis et vos et rex, qui imperat vobis, sequéntes Dóminum Deum vestrum.

℟. Cum essémus mórtui peccátis, convivificávit nos Deus in Christo * Propter nímiā caritatē suā qua diléxit nos.

℣. Ut osténderet in sæculis superveniéntibus abundántes divítias grátiae suæ. — Propter. Glória Patri. Propter.

In II Nocturno

Ex lítteris Encýclicis
Pii Papæ undécimi

Lectio iv



UO autem perféctius oblátio nostra nostrúmque sacrificium sacrificio domínico respónderit, idest amórem nostri cupiditatésque nostras immolavérimus et carnem crucifixérimus crucifixióne ea mýstica, de qua lóquitur Apóstolus, eo uberióres propitiatiónis

atque expiatiónis pro nobis aliisque percipiémus fructus. Mirífica enim viget fidélium ómnium cum Christo necessitúdo, qualis inter caput et cétera córporis membra intercédit, itémque arcána illa, quam fide cathólica profitémur, Sanctórum comunióne, cum singuli hómines tum pópuli non modo conjungúntur inter se, sed étiam cum eódem qui est caput Christus, ex quo totum corpus compáctum et connéxum per omnem junctúram subministratiónis, secúndum operatióne in mensúram uniuscujúsque membri augméntum córporis sui facit in ædificatióne sui in caritatē. Quod quidem Mediátor ipse Dei et hóminum Christus Jesus, morti próximus, a Patre postulárat : Ego in eis et tu in me, ut sint consummáti in unum.

℟. Prope est Dóminus ómnibus invocántibus eum, * Omnibus invocántibus eum in veritatē. ℣. Misérator et miséricors Dóminus, pátiens et multum miséricors. — Omnibus invocántibus.

Lectio v

Q Uemádmodum igitur unióne cum Christo profitétur ac firmat con-

secrátio, ita expiátio eámdem uniómem, et culpas detergéndó inchoat, et Christi passiónes participándó pérficit, et víctimas pro frátribus offeréndó consúmmat. Atque id sane miseréntis Jesu consílium fuit, cum Cor nobis suum, insígnia passiónis præferens ac flammam amóris osténtans, patére vóluit, scílicet ut hinc infínitam peccáti malítiam conjectántes, illinc Reparatóris caritátem infínitam admiráti, et peccátum vehementius detestarémur et caritátis ardéntius vicem redderémus. Et vere expiatiónis potíssimum seu reparatiónis spíritus primas semper potiorésque partes hábuit in cultu Sacratíssimo Cordi Jesu exhibéndó, nihílque eo congruéntius orígini, indoli, virtúti, indústriis quæ huic religiónis formæ sunt própriæ, ut rerum memória et usus, sacra item litúrgia atque Summórum Pontíficum acta confirmant.

✠. Confíteor tibi, Pater, Dómine cæli et terræ, quia abscondísti hæc a sapiéntibus et prudéntibus * Et revelásti ea párvulis.

✠. Ita, Pater, quóniam sic fuit plácitum ante te. — Et revelásti ea párvulis.

Lectio vi

SIquidem cum se conspiciéndum Margarítæ Mariæ exhibéret Christus, caritátis suæ infínitatem prædicans, simul, mæréntis instar, tot tantásque sibi inústas ab ingrátis homínibus injúrias in hæc verba conquéstus est, quæ útinam in piórum ánimis insidérent nulláque unquam oblivióne deleréntur : « En Cor illud, inquit, quod tantópere homines amávit beneficiisque ómnibus cumulávit, quodque amóri suo infínito non tantum rédditam grátiam nullam invénit, at contra, obliviónem, negléctum, contumélias, easque ab iis étiam illátas nonnúmquam, qui amóris peculiáris débíto officiódque teneréntur ».

✠. Omnes gentes quas-cúmque fecísti vénient * Et adorábunt coram te, Dómine. ✠. Et glorificábunt nomen tuum quóniam magnus es tu, et faciens mirabília. — Et adorábunt. Glória. Et.

In III Nocturno

Léctio sancti Evangélíi
secúndum Joánnem

Lectio vii Cap. 19, 31-37

IN illo témpore : Judæi, quóniam parascève erat, ut non remanérent

in cruce cōrpora sabbato, erat enim magnus dies ille sabbati, rogavérunt Pilátum, ut frangeréntur eórum crura et tolleréntur. Et réliqua.

Homilía sancti Bernardini
Senénsis

Quadragesimale de Christiana Religione. Sermo 5



Oánnes subdit :
Unus mílitum láncea latus ejus apéruit et contínuo exívit sanguis et aqua. O amor qui ómnia liquas! quómo-
do pro redemptióne nostra reliquisti dilectórem nostrum? Nam, ut úndique inundáret amoris dilúvium, super nos ruptæ sunt abyssi magnæ; sc̃ilicet, penetrália Cordis Jesu, quibus, ad íntima progrédiens, dira láncea non pepércit. Sanguis exívit et aqua. Sanguis in redemptionem, sed étiam in ablutióne aqua deflúxit; unde formáta est Ecclesiá ex látere Christi, ut ætérne únicam atque diléctam a Christo se discat, et ut recognóscat quam displícuit culpa pro qua sanguis divínus ex hómine Deo vivo et mórtuo ita deflúxit. Non enim parva quantitaté constámus, si pro nobis sanguis divínus effúnditur.

℟. Ego si exaltátus fúero a terra * Omnia traham ad meípsum. ℣. Hoc autem dicébat significans qua morte esset moritúrus. — Omnia traham ad meípsum.

Lectio viii

Aqua ad lítteram non cum ságuine indistincta deflúxit. Neque enim potuisset ab insipiéntibus comprehénderi, si mixta cum ságuine defluxisset. Et forte totus sanguis deflúxit ex illo divíno cōr-
pore in signum totíus amoris effúsi, post quem humor áqueus egréssus est. Quod quidem est alto mystério factum, ut prius egrederétur ex eódem cōr-
pore rédimens prétium, deínde aqua in qua multitúdo populórum redempta significátur. Sunt enim aquæ multæ, pópuli multi; tamen qui ad christiánam fidem pértinent unus fidélis pópulus sunt, ut non sint aquæ, sed aqua quæ manávit ex látere Christi, sicut prima Corinthiórum cápite décimo Apóstolus ait : Unus panis, et unum corpus sumus omnes, qui de uno pane et de uno cálice participámus. Et íterum ad Ephésios, cápite quarto, inquit : Unus Deus, una fides, unum baptísma.

℟. Simus ergo imitatores Dei * Et ambulemus in dilectione. ℣. Sicut et Christus dilexit nos et tradidit semetipsum pro nobis. — Et. Glória Patri. Et.

Lectio ix

NOtánter tamen adverténdum est quod latus Christi apértum dicitur, non vulnerátum : quóniam próprie vulnus præterquam in vivo corpore fieri nequit. Ait enim Evangelísta Joánnes : Unus mílitum láncea latus ejus apéruit; ut, apérto látere, cognoscámus dilectionem Cordis sui usque ad mortem, et ad illum ineffáblem amórem ejus ingrediámur quo ille ad nos procéssit. Accedámus ergo ad Cor ejus, Cor altum, Cor secrétum, Cor ómnia cógitans, Cor ómnia sciens, Cor díligens, immo amóre ardens; et apértam portam intelligámus saltem in amóris veheméntia; cordifórmes ingrediámur ad secrétum ab ætérno abscónditum, nunc vero in morte quasi apérto látere revelátum; quóniam apértio láteris ætérni templi apertiónem demónstrat, ubi ómnium exsisténtium consummáta est felicitas æténa.

Te Deum laudámus.

Feria IV infra Octav.
Ss̃m̃i Cordis Jesu

Semiduplex

In I Noeturno

De libro primo Regum

Lectio i Cap. 13, 1-14



Ilius unius anni erat Saul cum regnare cœpisset; duobus autem annis regnavit super Israël. Et elégit sibi Saul tria millia de Israël. Et erant cum Saul duo millia in Machmas et in monte Bethel, mille autem cum Jónatha in Gábaa Bénjamin. Porro céterum pópulum remisit unumquémque in tabernacula sua. Et percússit Jónathas stationem Philisthinórum, quæ erat in Gábaa. Quod cum audissent Philísthiim, Saul cécinit búccina in omni terra, dicens : Audiant Hebræi. Et univérsus Israël audívit hujuscémodi famam : Percússit Saul stationem Philisthinórum, et eréxit se Israël advérsus Philísthiim; clamávit ergo pópulus post Saul in Gálgala.

℟. Fériam eis pactum sempitérnnum et non désinam eis benefácere et timórem meum dabo in corde eórum * Ut non recédant a me. ℣. Et lætábor super eis cum bene eis féceró in toto Corde meo. — Ut non.

Lectio ii

ET Philisthiim congregati sunt ad præliandum contra Israël, triginta millia curruum et sex millia equitum et reliquum vulgus sicut arena, quæ est in littore maris plurima. Et ascendentes castrametati sunt in Machmas ad Orientem Bethaven. Quod cum vidissent viri Israël se in arcto positos, (afflictus enim erat populus) absconderunt se in speluncis, et in abditis, in petris quoque et in antris et in cisternis. Hebræi autem transierunt Jordānem in terram Gad et Galaad. Cumque adhuc esset Saul in Gálgala, universus populus perterritus est, qui sequebatur eum. Et exspectavit septem diebus juxta placitum Samuelis; et non venit Samuel in Gálgala, dilapsusque est populus ab eo.

℟. Si inimicus meus maledixisset mihi, sustinuisssem utique. * Tu vero homo unánimis qui simul mecum dulces capiebas cibos. ℣. Et si is qui me oderat super me magna locutus fuisset, abscondissem me forsitan ab eo. — Tu.

Lectio iii

AIT ergo Saul : Afferte mihi holocaustum et pacifica. Et obtulit holo-

caustum. Cumque compléset offerens holocaustum, ecce Samuel veniebat; et egressus est Saul obviam ei ut salutaret eum. Locutusque est ad eum Samuel : Quid fecisti? Respondit Saul : Quia vidi quod populus dilaberetur a me, et tu non veneras juxta placitos dies, porro Philisthiim congregati fuerant in Machmas, dixi : Nunc descendent Philisthiim ad me in Gálgala, et faciem Domini non placavi. Necessitate compulsus obtuli holocaustum. Dixitque Samuel ad Saul : Stulte egisti, nec custodisti mandata Domini Dei tui, quæ præcepit tibi. Quod si non fecisses, jam nunc præparasset Dominus regnum tuum super Israël in sempiternum; sed nequáquam regnum tuum ultra consurget. Quæsivit Dominus sibi virum juxta cor suum et præcepit ei Dominus ut esset dux super populum suum, eo quod non servaveris quæ præcepit Dominus.

℟. Cum essemus mortui peccatis, convivificavit nos Deus in Christo * Propter nimiam caritatem suam qua dilexit nos. ℣. Ut ostenderet in sæculis superveniéntibus abundantes divitias gratiæ suæ. — Propter. Glória. Propter.

In II Nocturno

Ex litteris Encyclicis
Pii Papæ undécimi

Lectio iv



T enim beâte regnântem Christum in cælis qui piaculâres ritus consolâri queant? Scilicet « da amântem et sentit quod dico » repónimus, Augustîni verbis usi, quæ in hunc locum aptissime cadunt. Dei enim amantissimus quisque, si præteriti tēporis spâtiū respiciat, videt meditândo intuetúrque Christum pro hómīne laborântem, doléntem, duríssima quæque perpetiéntem, « propter nos hómīnes et propter nostram salútem » tristítia, angóribus, oppróbriis pæne conféctum, immo « attrítum propter scélera nostra » ac suo nos livóre sanántem. Atque hæc ómnia eo vérus piórum meditántur ánimī, quod peccáta hómīnum ac flagítia quovis tēpore perpetráta in causa fuerunt cur Dei Fílius morti traderétur eadémque nunc étiam mortem ipsam per se essent Christo illatúra, iisdem cum dolóribus mæroribúsque conjúctam, quippe síngula passióem Dómini, suo quodam modo, renováre censeántur :

« Rursus crucifigéntes sibimetípsis Fílium Dei et osténtui habéntes ».

✠. Prope est Dóminus ómnibus invocántibus eum, * Omnibus invocántibus eum in veritáte. ✠. Misérator et miséricors Dóminus, pátiens et multum miséricors. — Omnibus.

Lectio v

Quodsi propter peccáta quoque nostra, quæ futúra quidem erant at prævísa, ánima Christi tristis facta est usque ad mortem, haud dúbium quin solátii nonnihil jam tum céperit étiam e nostra item prævísa reparatióne, cum « apparuit illi Angelus de cælo » ut Cor ejus tædio et angóribus oppréssum consolarétur. Atque ita Cor illud sacratissimum, quod ingratorum hómīnum peccátis continénter sauciátur, étiam nunc mira quidem sed vera ratióne solári póssumus ac debémus, quandóquidem, ut in sacra quoque liturgía légitur, ex ore Psaltis, Christus ipse se ab amícis suis derelictum conquéritur : « Impropérium exspectávit Cor meum et misériam, et sustínui qui simul contristarétur et non fuit, et qui consolarétur et non invéni ».

℟. Confíteor tibi, Pater, Dómine cæli et terræ, quia abscondisti hæc a sapiéntibus * Et revelásti ea párvulis.

℣. Ita, Pater, quóniam sic fuit plácitum ante te. — Et revelásti.

Lectio vi

Accédit quod pássio Christi expiátrix renovátur et quodámmodo continuátur et adimplétur in corpore suo mýstico, quod est Ecclésia. Etenim, ut rursus sancti Augustíni verbis utámur, « passus est Christus quidquid pati debúerat; jam de mensúra passiónum nihil deest. Ergo implétæ sunt passiónes, sed in cápite; restábant adhuc Christi passiónes in corpore ». Quod quidem Dóminus ipse Jesus declaráre dignátus est, cum ad Saulum « adhuc spirántem minárum et cædis in discípulos » loquens : « Ego sum, inquit, Jesus quem tu perséque- ris », haud obscuré significans, commóti in Ecclésiám insectatióibus, ipsum divínium oppugnári ac vexári Ecclésiæ Caput. Jure igitur meritóque Christus in corpore suo mýstico adhuc pátiens, nos expiatiónis suæ sócios habére exóptat, idque, étiam ipsa nostra cum eo neces-

sitúdo póstulat; nam cum simus « corpus Christi et membra de membro », quidquid pátitur caput, ómnia cum eo membra patiántur opórtet.

℟. Omnes gentes quas- cúmque fecísti vénient * Et adorábunt coram te, Dómine. ℣. Et glorificábunt nomen tuum quóniam magnus es tu, et fáciens mirabilia. — Et adorábunt. **G**lória Patri. Et adorábunt.

In III Nocturno

Léctio sancti Evangélíi
secúndum Joánnem

Lectio vii Cap. 19, 31-37

IN illo témpore : Judæi, quóniam parascève erat, ut non remanérent in cruce corpóra sábbato, erat enim magnus dies ille sábbati, rogavérunt Pilátum, ut frangeréntur eórum crura et tolleréntur. Et réliqua.

Homília sancti Petri
Canísii presbýteri

Exhortationes domesticæ
Med. 6-7



Iligénter tecum áni-
mo versa, quam
ineffábilis fúerit illa
cáritas qua Deus summus,
in máximis Cordis angú-
stiis et totíus mundi op-
próbriis, pro te vilíssimo
vermículo illam crucis
acerbíssimam mortem per-

péssus fúerat. Advérte ut summam Christus Servátor suis liberalitátem ómnibus exhibuit. Aliquándo enim in médio pópuli stans, ita clamábat : Si quis sitit véniat ad me et bibat : parátum se osténdens ómnibus ómnium necessitátibus subveníre. Consideráto ut liberalíssime tibi Cordis sui pretiósus ságuinem propinávit, quando, sacro látere apérto, quidquid reliquum erat in córpore ságuinis profúdit.

✠. Ego si exaltátus fúero a terra * Omnia traham ad meípsum. ✠. Hoc autem dicébat significans qua morte esset moritúrus. — Omnia.

Lectio viii

In Evang. Dom. I post Pascha

QUare, ne prorsus ingrátus sim, hos perénnes fontes donórum ac bonórum ómnium mihi ob oculos sæpe propónam, cum de illis dulcíssima exstet promissio : Hauriétis aquas in gáudio de fóntibus Salvatóris et dicétis in die illa : Confitémini Dómino. Ad hæc ipsa ter beáta petræ non diruendæ forámina confúgiam; in illis meum nidum firmíssimum ponam, nihil habens antíquius prætérquam ut in meis angóribus atque

perículis vúlnerum Dómini memorándo respírem.

✠. Simus ergo imitatóres Dei * Et ambulémus in dilectióne. ✠. Sicut et Christus diléxit nos et trádedit semetípsum pro nobis. — Et. Glória Patri. Et.

Lectio ix

Medit. 6

ET tu in omni tentatióne ne fuge diligénter in amábile Christi Cor, ejúsque bonitátem et caritátem tibi propóne, et cum illa confer tuam vilitátem, malítiam, infidelitátem, arrogántiam. Quanta enim caritas Christi omnes ad se convocántis : Veníte ad me, omnes qui laborátis et oneráti estis, et ego reficiam vos, et sic parátum se offert et cupit, amóre nostri, ómnium et singulórum ónera sustinére! Unde magna cum fidúcia in caritátis ejus abyssum prójice peccáta tua et mox te invénies exonerátum.

Te Deum laudámus.

Feria V infra Octav.

Ssñi Cordis Jesu

Semiduplex

In I Nocturno

De libro primo Regum

Lectio i Cap. 14, 6-20



Ixit autem Jónathas ad adolescéntem armígerum suum : Veni, transeámus ad sta-

tionem incircumcisorum horum, si forte faciat Dominus pro nobis, quia non est Domino difficile salvare vel in multis vel in paucis. Dixitque ei armiger suus : Fac omnia, quæ placent animo tuo, perge quo cupis, et ero tecum ubicumque volueris. Et ait Jónathas : Ecce nos transimus ad viros istos. Cumque apparuerimus eis, si taliter locuti fuerint ad nos : manete donec veniamus ad vos; stemus in loco nostro nec ascendamus ad eos. Si autem dixerint : Ascendite ad nos; ascendamus, quia tradidit eos Dominus in manibus nostris : hoc erit nobis signum. Apparuit igitur uterque stationi Philisthinorum. Dixeruntque Philisthim : En Hebræi egrediuntur de cavernis, in quibus absconditi fuerant.

✠. Feriam eis pactum sempiternum et non desinam eis benefacere et timorem meum dabo in corde eorum * Ut non recedant a me. ✠. Et lætabor super eis cum bene eis fecero in toto Corde meo. — Ut.

Lectio ii

✠T locuti sunt viri de statione ad Jónatham, et ad armigerum ejus, dixeruntque : Ascendite ad nos, et ostendemus vobis

rem. Et ait Jónathas ad armigerum suum : Ascendamus, sequere me; tradidit enim Dominus eos in manus Israël. Ascendit autem Jónathas manibus et pedibus reptans et armiger ejus post eum. Itaque alii cadebant ante Jónatham, alios armiger ejus interficiebat sequens eum. Et facta est plaga prima, qua percussit Jónathas et armiger ejus, quasi viginti virorum, in média parte júgeri, quam par boum in die arare consuevit. Et factum est miraculum in castris per agros; sed et omnis populus stationis eorum, qui ierant ad prædandum, obstupuit, et conturbata est terra, et accidit quasi miraculum a Deo.

✠. Si inimicus meus maledixisset mihi, sustinuissem utique. * Tu vero homo unánimis qui simul mecum dulces capiebas cibos. ✠. Et si is qui me oderat super me magna locutus fuisset, abscondissem me forsitan ab eo — Tu vero.

Lectio iii

✠T respexerunt speculatores Saul, qui erant Gábaa Bénjamin, et ecce multitudo prostrata et huc illucque diffugiens. Et ait Saul populo, qui erat cum

eo : Requírite et vidéte quis abierit ex nobis. Cumque requisísissent, repértum est non adesse Jónatham et armígerum ejus. Et ait Saul ad Achíam : Applica arcam Dei (erat enim ibi arca Dei in die illa cum filiis Israél). Cumque loquerétur Saul ad sacerdotem, tumultus magnus exórtus est in castris Philisthinórum, crescebátque paulátim et clárius resonábat. Et ait Saul ad sacerdotem : Cóntrahe manum tuam. Conclamávit ergo Saul et omnis pópulus, qui erat cum eo, et venérunt usque ad locum certáminis; et ecce versus fúerat gládus uniuscujúsque ad próximum suum, et cædes magna nimis.

✠. Cum essémus mórtui peccátis, convivificávit nos Deus in Christo * Propter nímiā caritátem suā qua diléxit nos. ✠. Ut osténderet in sáculis supervenientiū abundántes divítias grátiae suae. — Propter. Glória. Propter.

In II Nocturno

Ex lítteris Encýclícis
Pii Papæ undécimi

Lectio iv



Quantópere autem hujúsmodi expiatiónis seu repara-tiónis necéssitas hac nostra potíssimum ætate

úrgeat, némini non manífestum erit, qui, ut iníitio díximus, hunc mundum in maligno pósitum, óculis animóque perlustráverit. Undique enim geméntium ad nos populórum clamor adscéndit, quorum príncipes vel rectóres vere adstitérunt et convenérunt in unum advérsus Dóminum et advérsus Ecclésiā ejus. At étiam doléndum, quod inter ipsos fidéles, ságuine Agni immaculáti in baptísimo ablútos, gratiáque locupletátos, tot inveniántur cujúsvis órdis hómīnes, qui incredíbili rerum divínarum ignorántia laborántes et falsis doctrínis infécti, vítiis irretítam, procul a domo Patris, vitam tradúcant, quam nec veræ fidei lumen collústrat, nec futúrae spes beatitátis delectat, nec ardor réficit fovétque caritátis, ut sedére in ténebris et in umbra mortis vere videántur.

✠. Prope est Dóminus ómnibus invocántibus eum, * Omnibus invocántibus eum in veritáte. ✠. Misérator et miséricors Dóminus, pátiens et multum miséricors. — Omnibus.

Lectio v

Hisce vero malis véluti in cúmulum accédit cum eórum ignávia atque

socórdia, qui, dormitántium et fugiéntium instar discipulórum, nutántes in fide, Christum angóribus oppréssum vel Sátanæ satellítibus circumvéntum mísere derelínquunt, tum eórum perfídia, qui, Judæ proditóris exémplum secúti, aut témere et sacrílege de altári libant, aut ad hóstium castra transfúgiunt. Atque ita vel invítum subit cogitátio ánimum, jam própius adventáre témpora de quibus Dóminus noster vaticiná-tus est : Et quóniam abundávit iníquitas, refrigeréscet caritas multórum. Quæ quidem ómnia quot-quot pie commentáti erunt fidéles, fácere non póte-runt, quin, Christi perdo-léntis incénsi caritáte, ve-herementióre stúdio suas aliorúmque culpas éx-pient, Christi honórem resárciant, æternámque próvehant animárum salútem.

℟. Confíteor tibi, Pater, Dómine cæli et terræ, quia abscondísti hæc a sapién-tibus et prudéntibus * Et revelásti ea párvulis.

℣. Ita, Pater, quóniam sic fuit plácitum ante te. — Et.

Lectio vi

ET sane illud Apóstoli : Ubi abundávit delíctum, superabundávit grá-

tia, áliquo pacto ad hanc quoque ætátem nostram describéndam accommo-dáre licet : nam, aucta ád-modum perversitáte hó-minum, mirífice item, Spí-ritu Sancto afflánte, nú-merus fidélium utriúsque sexus augétur, qui ala-crióre ánimo pro tot illátis injúriis divíno Cordi sa-tisfácere student, immo étiam se ipsos Christo ví-ctimas offérre non dúbi-tant. Etenim quæ usque adhuc memorávimus si quis secum ánimo réputet amáncer eadémque véluti in medúllis defíxa hábeat, fieri profécto non potest quin is non tam ab omni peccáto tamquam summo malo abhórreat atque abs-tíneat, quam se totum Dei voluntáti permíttat, et læsum divínæ Majestá-tis honórem, cum conti-nénter orándo, tum affli-ctatióibus sponte suscé-ptis ærumnisque, si quæ inciderint, patiénter tole-rátis, tum tota demum vita hoc expiatiónis stú-dio exigénda, resarcíre conténdat.

℟. Omnes gentes quas-cúmque fecísti vénient * Et adorábunt coram te, Dómine. ℣. Et glorificábunt nomen tuum quóniam magnus es tu, et fáciens mirabília. — Et. Glória Patri. Et.

In III Nocturno

Lectio sancti Evangelii
secundum Joannem

Lectio vii Cap. 19, 31-37

IN illo tempore : Judæi, quoniam parascève erat, ut non remanerent in cruce corpora sabbato, erat enim magnus dies ille sabbati, rogaverunt Pilatum, ut frangerentur eorum crura et tollerentur. Et reliqua.

Homilia sancti Cyrilli
Episcopi Alexandrini

Com. in Joann. lib. 12, cap. 19

NON hæc ait beatus Evangelista, quasi pietatem ullam effertis et crudelibus Judæis tribuat, sed ut ostendat stulte eos et imperite excolare cūlicem, et camelum deglutire, sicut a Christo dictum est. Gravissima enim et immania scelera pro nihilo ducere comperiuntur : minima vero et exilia caute admodum ac sollicitè observant, suam utrobique pandentes inscitiam. Quod in promptu est ostendere. Ecce enim Christo interfecto sabbati honorem magni faciunt, et incredibili audacia, violato legis auctore, pietatem erga legem præ se ferunt.

℟. Ego si exaltatus fuero a terra * Omnia traham

ad meipsum. ℣. Hoc autem dicebat significans qua morte esset moriturus. — Omnia.

Lectio viii

MAGNUM autem illius præcipue sabbati diem colere simulant, qui magnæ diæ Dominum interemerunt, et gratiam se solis dignam flagitant, ut eorum nempe crura frangantur, intolerabili dolore acerbiorum morte ipsa perniciem prope jam mortuis moliētes. Venērunt ergo milites, et primi quidem fregērunt crura, et alterius qui crucifixus est cum eo. Judæorum petitioni milites obsecuti, qui simili crudelitatis furōre laborabant, duorum quidem latronum, quippe qui vivi adhuc reperti essent, crura confringunt. Sed, cum Jesum inclinasse caput comperissent, et jam expirasse putarent, frustra ejus crura confringi existimant, sed, cum adhuc mortuum esse nonnihil diffiderent, lancea latus ejus perfodiunt, unde cruor aqua mixtus scatūriit, quod eulogiæ mysticæ et sancti baptismatis imago quædam erat atque primitiæ.

℟. Simus ergo imitatores Dei * Et ambulemus in dilectione. ℣. Sicut et Chri-

stus diléxit nos et trádedit semetípsum pro nobis. — Et ambulémus in dilectióne. **G**loria Patri et Filio et Spirítui Sancto. Et ambulémus in dilectióne.

Lectio ix

EX iis autem quæ contigérunt, sapientíssimus Evangelísta confirmat auditóribus eum esse Christum, qui per sanctas olim prædictus est Scriptúras, consentánea enim divínis de eo oráculis evenérunt. Nec enim os ejus confráctum est, et militum láncea transfíxus est, secúndum Scriptúras. Spectatórem vero ejus rei ait exstitísse discipulum ipsum qui testimonium pèrhibet de his, et scire se vera testári, seípsum his verbis, non álium dénotans. Te Deum.

audi vocem Dómini. Hæc dicit Dóminus exercítuum : Recénsui quæcúmque fecit Amalec Israéli : quómodo réstitit ei in via cum ascénderet de Ægýpto. Nunc ergo vade et pércute Amalec et demolíre univérsa ejus : non parcas ei et non concupíscas ex rebus ipsíus áliquid; sed intérfice a viro usque ad mulierem, et párvulum atque lacténtem, bovem et ovem, camélum et ásinum.

℟. Fériam eis pactum sempitérnum et non désinam eis benefácere et timórem meum dabo in corde eórum * Ut non recédant a me. **℣.** Et lætabor super eis cum bene eis féceró in toto Corde meo. — Ut non.

Lectio ii

PRæcépit itaque Saul pópulo, et recénsuit eos quasi agnos : ducénta míllia péditum et decem míllia virórum Juda. Cumque venísset Saul usque ad civitátem Amalec, tendit insídias in torrén-te. Dixítque Saul Cináeo : Abíte, recédite, atque descendite ab Amalec : ne forte invólvam te cum eo; tu enim fecísti misericórdiam cum ómnibus filiis Israël cum ascénderent de Ægýpto. Et recéssit Ci-

Feria VI. In Octava Ssmi Cordis Jesu

Duplex majus

Omnia ut in die Festo,
p. 343, præter sequentia :

In I Nocturno

De libro primo Regum

Lectio i Cap. 15, 1-11



ST dixit Sámuel ad Saul : Me misit Dóminus, ut úngerem te in regem super pópulum ejus Israël : nunc ergo

næus de médio Amalec. Percussítque Saul Amalec ab Hévila donec vénias ad Sur, quæ est e regiône Ægypti. Et apprehéndit Agag regem Amalec vivum; omne autem vulgus interfécit in ore gládi.

℟. Si inimícus meus maledixísset mihi, sustinuíssem útique. * Tu vero homo unánimis qui simul mecum dulces capiébas cibos. ℣. Et si is qui me óderat super me magna locútus fuísset, abscondíssem me fórsitan ab eo. — Tu vero.

Lectio iii

ET pepércit Saul et pópulus Agag et óptimis grégibus óvíum et armentórum et véstibus, et ariétibus et univérsis, quæ pulchra erant, nec voluerunt dispérdere ea; quidquid vero vile fuit et réprobum, hoc demolíti sunt. Factum est autem verbum Dómini ad Sámuél dicens: Póenitet me quod constitúerim Saul regem, quia derelíquit me et verba mea ópere non implévit. Contristatúsque est Sámuél et clamávit ad Dóminum tota nocte.

℟. Cum essémus mórtui peccátis, convivificávit nos Deus in Christo * Propter nímiā caritátem suā qua diléxit nos.

℣. Ut osténderet in sáculis superveniéntibus abundantes divítias grátiae suæ. — Propter. Glória Patri. Propter.

In II Nocturno

Sermo sancti Bernárdi
Abbátis

Sermo 61 in Cantica Canticorum, nn. 3-5

Lectio iv



Evéra ubi tuta firmaque infirmis securitas et requies, nisi in vulneribus Salvatoris? Tanto illic securior hábito, quanto ille potentior est ad salvándum. Fremit mundus, premit corpus, diábolus insidiáitur: non cado; fundátus enim sum supra firmam petram. Peccávi peccátum grande: turbábitur consciéntia, sed non perturbábitur, quóniam vulnerum Dómini recordábor. Nempe vulnerátus est propter iniquitátes nostras. Quid tam ad mortem, quod non Christi morte solvátur? Si ergo in mentem vénerit tam potens tamque éfficax medicamentum, nulla jam possum morbi malignitáte terréri.

℟. Prope est Dóminus ómnibus invocántibus eum, * Omnibus invocántibus eum in veritáte. ℣. Misericórator et miséricors Dómi-

nus, pátiens et multum miséricors. — Omnibus.

Lectio v

EGO vero fidénter quod ex me mihi déest, usúrpo mihi ex viscéribus Dómini, quóniam misericórdiæ áffluunt; nec desunt forámina, per quæ éffluant. Fodérunt manus ejus et pedes, latúsque láncea foravérunt; et per has rimas licet mihi súgere mel de petra, oleúmque de saxo duríssimo; id est gustáre et vidére quóniam suávis est Dóminus. Cogitábat cogitatiónes pacis, et ego nesciébam. Quis enim cognóvit sensum Dómini? aut quis consiliárius ejus fuit? At clavis réserans, clavus pénetrans factus est mihi ut vídeam voluntátem Dómini. Quidni vídeam per forámen? Clamat clavus, clamat vulnus, quod vere Deus sit in Christo mundum reconcílians sibi.

✠. Confíteor tibi, Pater, Dómini cæli et terræ, quia abscondísti hæc a sapiéntibus et prudéntibus * Et revelásti ea párvulis.

✠. Ita, Pater, quóniam sic fuit plácitum ante te. — Et.

Lectio vi

Ferrum pertránsiit ánimam ejus, et appropinquávit Cor illius, ut non jam non sciat cómpati

infirmítatibus meis. Patet arcánum Cordis per forámina córporis; patet magnum illud pietátis sacraméntum, patent viscera misericórdiæ Dei nostri, in quibus visitávit nos Oriens ex alto. Quidni viscera per vúlnera páteant? In quo enim clárius quam in vulnéribus tuis eluxisset, quod tu, Dómine, suávis et mitis, et multæ misericórdiæ? Majórem enim miseratióem nemo habet, quam ut ánimam suam ponat quis pro addictis morti et damnátis. Meum proinde méritum, miserátio Dómini. Non plane sum mériti inops, quámdui ille miseratiónum non fúerit. Et si misericórdiæ Dómini ab ætérno et usque in ætérnum, ego quoque misericórdias Dómini in ætérnum cantábo.

✠. Omnes gentes quas-cúmque fecísti vénient * Et adorábunt coram te, Dómine. ✠. Et glorificábunt nomen tuum quóniam magnus es tu, et fáciens mirabília. — Et. Glória Patri. Et.

In III Nocturno

Léctio sancti Evangélli
secúndum Joánnem

Lectio vii Cap. 19, 31-37

IN illo témpore : Iudæi, quóniam parascève erat, ut non remanérent

in cruce cōrpora sabbato, erat enim magnus dies ille sabbati, rogavērunt Pilātum, ut frangerentur eōrum crura et tollerentur. Et reliqua.

Homilia sancti Augustini
Episcopi

Tractatus 120 in Joannem,
nn. 2-3



D Jesum autem cum venissent, ut viderunt eam jam mortuum, non fregērunt ejus crura, sed unus militum lancea latus ejus aperuit, et continuo exiit sanguis et aqua. Vigilanti verbo Evangelista usus est, ut non diceret : Latus ejus percussit, aut vulneravit, aut quid aliud, sed aperuit, ut illic quodammodo vitæ ostium panderetur, unde Sacramenta Ecclesiæ manaverunt, sine quibus ad vitam, quæ vera vita est, non intratur. Ille sanguis in remissionem fusus est peccatorum. Aqua illa salutare temperat poculum, hæc et lavacrum præstat et potum. Hoc prænuntiabat quod Noë in latere arcæ ostium facere jussus est, qua intrarent animalia quæ non erant diluvio peritura, quibus præfigurabatur Ecclesia.

℟. Ego si exaltatus fuero a terra * Omnia traham ad meipsum. ℣. Hoc autem

dicebat significans quæ morte esset moriturus. — Omnia.

Lectio viii

Propter hoc prima mulier facta est de latere viri dormientis, et appellata est vita matæque vivorum. Magnum quippe significavit bonum, ante magnum prævaricationis malum. Hic secundus Adam, inclinato capite, in cruce dormivit, ut inde formaretur ejus conjux, quæ de latere dormientis effluxit. O mors unde mortui reviviscunt! Quid isto sanguine mundius? Quid vulnere isto salubrius? Et qui vidit, inquit, testimonium perhibuit, et verum est testimonium ejus; et ille scit quia vera dicit, ut et vos credatis. Non dixit : Ut et vos sciatis, sed ut credatis. Scit enim qui vidit, cujus credat testimonio qui non vidit. Magis autem ad fidem pertinet credere quam videre.

℟. Simus ergo imitatores Dei * Et ambulemus in dilectione. ℣. Sicut et Christus dilexit nos et tradidit semetipsum pro nobis. — Et. Glória Patri. Et.

Lectio ix

Duo testimonia de Scripturis reddidit singulis rebus quas factas fuisse narravit. Nam quia dixit

rat : Ad Jesum autem cum venissent, ut viderunt eum jam mórtuum, non fregérunt ejus crura, ad hoc pértinet testimónium : Os non comminuétis ex eo : quod præcéptum erat eis qui celebráre Pascha jussi sunt ovis immolatione in véteri lege, quæ Domínicæ Passiónis umbra præcésserat; unde Pascha nostrum immolátus est Christus; de quo et Isaías Prophéta prædixerat : Sicut ovis ad immolándum ductus est. Item quia subjúnxerat dicens : Sed unus mílitum lancea latus ejus apérui, ad hoc pértinet álterum testimónium : Vidébunt in quem transfixérunt, ubi promissus est Christus, in ea qua crucifíxus est carne ventúrus. Te Deum.

Ad Vesperas, nisi sequenti die persolvendum sit Officium de Festo ix Lectionum, aut de qualibet Octava vel Vigilia, fit Commemoratio de sancta Maria, et de ea dicitur Officium in Sabbato sequenti. Quod item servatur in omnibus Sabbatis tempore æstivo occurrentibus.

SABBATO

De libro primo Regum

Lectio i **Cap. 16, 1-11**

Dixítque Dóminus ad Samuélem : Usquequo tu luges Saul, cum ego

projécerim eum ne regnet super Israë! Imple cornu tuum óleo et veni, ut mitam te ad Isaï Bethlehemitem; provídi enim in filiis ejus mihi regem. Et ait Sámuél : Quómodo vadam? áudiet enim Saul et interficiet me. Et ait Dóminus : Vítulum de arménto tolles in manu tua et dices : Ad immolándum Dómino veni. Et vocábis Isaï ad víctimam, et ego ostendam tibi quid fácias, et unges quemcúmque monstrávero tibi.

℟. Peccávi super númerum arénæ maris, et multiplicáta sunt peccáta mea; et non sum dignus vidére altitúdinem cæli præ multitudíne iniquitátis meæ : quóniam irritávi iram tuam, * Et malum coram te feci. **℣.** Quóniam iniquitatem meam ego cognósco : et delictum meum contra me est semper, quia tibi soli peccávi. — Et malum coram te feci.

Lectio ii

Fecit ergo Sámuél sicut locútus est ei Dóminus, venítque in Béthlehem, et admiráti sunt senióres civitátis occurréntes ei dixerúntque : Pacífícusne est ingrèssus tuus? Et ait : Pacíficus : ad immolándum Dómino veni : sanctificámini et veníte

mecum ut immolem. Sanctificavit ergo Isai et filios ejus et vocavit eos ad sacrificium. Cumque ingressi essent, vidit Eliab et ait : Num coram Domino est Christus ejus? Et dixit Dominus ad Samuelem : Ne respicias vultum ejus neque altitudinem stature ejus, quoniam abjeci eum, nec juxta intuitum hominis ego iudico; homo enim videt ea quae parent, Dominus autem intuetur cor.

R. Exaudisti, Domine, orationem servi tui, ut aedificarem templum nomini tuo : * Benedic et sanctifica domum istam in sempiternum, Deus Israel.

V. Domine, qui custodis pactum cum servis tuis, qui ambulant coram te in toto corde suo. — Benedic.

In Octavis simplicibus et in Officio S. Mariae in Sabbato :
Gloria Patri. Benedic.

Lectio iii

ET vocavit Isai Abinadab et adduxit eum coram Samuele. Qui dixit : Nec hunc elegit Dominus. Adduxit autem Isai Samma, de quo ait : Etiam hunc non elegit Dominus. Adduxit itaque Isai septem filios suos coram Samuele, et ait Samuel ad Isai : Non elegit

Dominus ex istis. Dixitque Samuel ad Isai : Numquid jam complati sunt filii? Qui respondit : Adhuc reliquus est parvulus et pascit oves. Et ait Samuel ad Isai : Mitte et adhuc eum.

R. Audi, Domine, hymnum et orationem, quam servus tuus orat coram te hodie : ut sint oculi tui aperti, et aures tuae intentae, * Super domum istam die ac nocte. **V.** Respice, Domine, de sanctuario tuo, et de excelsis caelorum habitaculo. — Super. Gloria Patri. Super.

AD VESPERAS

V. Vespertina oratio ascendat ad te, Domine.

R. Et descendat super nos misericordia tua.

Ad Magnific. Ant. Praevaluit David * in Philistaeum in funda et lapide in nomine Domini.

Oratio

DA nobis, quaesumus, Domine : ut et mundi cursus pacifice nobis tuo ordine dirigatur; et Ecclesia tua tranquilla devotione laetetur. Per Dominum.

DOMINICA IV

POST PENTECOSTEN

Semiduplex

Ad Matutinum, Invitatorium Dóminum, qui fecit, et Hymnus Nocte surgéntes, ut in Psalterio 30; quæ dicuntur in omnibus Dominicis tempore æstivo occurrentibus.

In I Nocturno

De libro primo Regum

Lectio i Cap. 17, 1-16



Congregántes autem Philísthiim ágmina sua in prælium convenérunt in Socho Judæ, et castrametáti sunt inter Socho et Azéca in fínibus Dommim. Porro Saul et filii Israël congregáti venérunt in Vallem terebínthi, et direxérunt áciem ad pugnándum contra Philísthiim. Et Philísthiim stabant super montem ex parte hac, et Israël stabat supra montem ex áltera parte, vallisque erat inter eos. Et egréssus est vir spúrius de castris Philisthinórum nómine Góliath de Geth altitúdinis sex cubitórum et palmi. Et cassis área super caput ejus, et lorica squamáta induebátur; porro pondus lorice ejus quinque míllia siclórum æris erat. Et ócreas áreas habébat in crúribus, et clýpeus áreus

tegébat húmeros ejus. Hastile autem hastæ ejus erat quasi liciatórium texténtium; ipsum autem ferrum hastæ ejus sexcéntos siclos habébat ferri; et ármiger ejus antecedébat eum.

℟. Præparáte corda vestra Dómino, et servíte illi soli : * Et liberábit vos de mánibus inimicórum vestrórum. ℣. Convertímini ad eum in toto corde vestro, et auférte deos alienos de médio vestri. — Et liberábit.

Lectio ii

Stansque clamábat adversum phalángas Israël et dicébat eis : Quare venístis paráti ad prælium? Numquid ego non sum Philisthæus, et vos servi Saul? Elígite ex vobis virum, et descéndat ad singuláre certámen : si quíverit pugnáre mecum et percússerit me, érimus vobis servi; si autem ego prævalúero et percússero eum, vos servi éritis et serviétis nobis. Et ajébat Philisthæus : Ego exprobrávi agmínibus Israël hódie : Date mihi virum, et íneat mecum singuláre certámen. Audiens autem Saul et omnes Israelítæ sermónes Philistæi hujuscémodi stupébant et metuébant nimis.

R. Deus ómnium exaudítor est : ipse misit Angelum suum, et tulit me de óvibus patris mei; * Et unxit me unctióne misericórdiæ suæ. **V.** Dóminus, qui erípuit me de ore leónis, et de manu béstiae liberávit me. — Et.

Lectio iii

David autem erat filius viri Ephrathæi, de quo supra dictum est, de Bétlehem Juda, cui nomen erat Isai, qui habébat octo filios, et erat vir in diébus Saul senex et grandævus inter viros. Abiérunt autem tres filii ejus majóres post Saul in prælium; et nómina trium filiórum ejus, qui perrexérunt ad bellum, Eliab primogénitus et secúndus Abínadab tertiúsque Samma; David autem erat mínimus. Tribus ergo majóribus secútis Saulem, ábiit David et revérsus est a Saul, ut pásceret gregem patris sui in Bétlehem. Procedébat vero Philisthæus mane et vespere, et stabat quadragínta diébus.

R. Dóminus, qui erípuit me de ore leónis, et de manu béstiae liberávit me, * Ipse me erípiet de mánibus inimicórum meórum. **V.** Misit Deus misericórdiam suam et veritátem suam : ánimam meam eri-

puit de médio catulórum leónum. — Ipse. **Glória Patri.** Ipse.

In II Nocturno

Sermo sancti Augustíni
Epíscopi

Sermo 197 de Temp.
circa med.

Lectio iv



Tabant filii Israëli contra adversários quadragínta diébus. Quadragínta dies, propter quátuor témpora et quátuor partes orbis terræ, vitam præsentem significant, in qua contra Góliath vel exércitum ejus, id est, contra diábolum et ángeles ejus, Christianórum pópulus pugnáre non désinit. Nec tamen víncere posset, nisi verus David Christus cum báculo, id est, cum crucis mystério descendísset. Ante advéntum enim Christi, fratres caríssimi, solútus erat diábolus; véniens Christus fecit de eo, quod in Evangélio dictum est : Nemo potest intráre in domum fortis et vasa ejus dirípere, nisi prius alligáverit fortem. Venit ergo Christus et alligávit diábolum.

R. Percússit Saul mille et David decem míllia : * Quia manus Dómini erat cum illo, percússit Phil-

sthæum, et abstulit opprobrium ex Israël. ✠. Nonne iste est David, de quo canébant in choro, dicentes : Saul percussit mille, et David decem millia? — Quia manus.

Lectio v

SED dicit aliquis : Si alligatus est, quare adhuc tantum prævalet? Verum est, fratres carissimi, quia multum prævalet : sed tepidis, et negligéntibus, et Deum in veritate non timéntibus dominátur. Alligatus est enim tamquam innexus canis caténis et néminem potest mordere nisi eum, qui se illi mortífera securitate conjúnxerit. Jam vidéte, fratres, quam stultus est homo ille, quem canis in caténa pòsitus mordet. Tu te illi per voluntates et cupiditates sæculi noli conjungere, et ille ad te non præsumit accédere. Latrâre potest, sollicitâre potest; mordere omnino non potest, nisi voléntem. Non enim cogéndo, sed suadéndo nocet; nec extorquet a nobis consensum, sed petit.

✠. Montes Gélboe, nec ros nec plúvia véniant super vos, * Ubi ceciderunt fortes Israël. ✠. Omnes montes, qui estis in circúitu ejus, visitet Dóminus;

a Gélboe autem tránseat. — Ubi.

Lectio vi

VENIT ergo David et invénit Judæórum pópulum contra diábolum præliántem; et cum nullus esset, qui præsumeret ad singulâre certâmen accédere, ille, qui figuram Christi gerébat, processit ad prælium, tulit bâculum in manu sua et éxiit contra Góliath. Et in illo quidem tunc figurátum est, quod in Dómino Jesu Christo complétum est. Venit enim verus David Christus, qui contra diábolum pugnatúrus crucem suam ipse portávit. Vidéte, fratres, ubi David Góliath percússerit : in fronte úti-que, ubi crucis signáculum non habébat. Sicut enim bâculus crucis typum hábuit, ita étiam et lapis ille, de quo percússus est, Christum Dóminum figurábat.

✠. Ego te tuli de domo patris tui, dicit Dóminus, et pòsui te páscere gregem pópuli mei : * Et fui tecum in ómnibus, ubicúmque ambulásti, firmans regnum tuum in ætérnum.

✠. Fecique tibi nomen grande, juxta nomen magnórum, qui sunt in terra : et réquiem dedi tibi ab ómnibus inimícis tuis. — Et. Glória Patri. Et.

Lectiones III Nocturni de Homilia Dominicæ IV post Pentecosten habentur ad finem hujus Partis de Tempore, in ordine aliarum Dominicarum usque ad Dominicam XV post Pentecosten. — Similiter Antiphonæ ad Benedictus et Magnificat, et Orationes.

℟. vii Peccávi et ℟. viii Duo Séraphim, ut infra in Homiliis.

Ad Laudes, in hac et sequentibus Dominicis tempore æstivo occurrentibus, dicitur Hymnus Ecce jam noctis, ut in Psalterio. 39

FERIA SECUNDA

De libro primo Regum

Lectio i Cap. 17, 25-26

ET dixit unus quispiam de Israël : Num vidístis virum hunc qui ascéndit? Ad exprobrándum enim Israéli ascéndit. Virum ergo, qui percússerit eum, ditábit rex divítiis magnis et filiam suam dabit ei et domum patris ejus faciet absque tribúto in Israël. Et ait David ad viros, qui stabant secum, dicens : Quid dábitur viro, qui percússerit Philisthæum hunc et túlerit oppróbrium de Israël? Quis enim est hic Philisthæus incircumcísus, qui exprobrávit ácies Dei vivéntis?

℟. Recordáre, Dómine, testaménti tui, et dic Angelo percutiénti : Cesset jam manus tua, * Ut non desolétur terra, et ne perdas omnem ánimam vivam. ℟. Ego sum qui peccávi, ego qui iníque egi : isti qui oves sunt, quid fecérunt? Avertátur, óbsecro, furor tuus, Dómine, a pópulo tuo. — Ut.

Lectio ii Cap. 17, 31-36

AUdíta sunt autem verba, quæ locútus est David, et annuntiáta in conspéctu Saul. Ad quem cum fuisset addúctus, locútus est ei : Non cóncidat cor cuiúsquam in eo : ego servus tuus vadam et pugnábo advérsus Philisthæum. Et ait Saul ad David : Non vales resistere Philisthæo isti nec pugnáre advérsus eum, quia puer es, hic autem vir bellátor est ab adolescéntia sua.

℟. Exaudísti, Dómine, orationem servi tui, ut ædificárem templum nómini tuo : * Bénedic et sanctífica domum istam in sempitérnum, Deus Israël. ℟. Dómine, qui custódis pactum cum servis tuis, qui ámbulant coram te in toto corde suo. — Bénedic.

In Octavis et Festis ritus simplicis : Glória Patri. Bénedic.

Lectio iii

Dixitque David ad Saul : Pascébat servus tuus patris sui gregem, et veniébat leo vel ursus et tollebát arietem de médio gregis, et persequébar eos et percutiébam eruebámque de ore eórum; et illi consurgébant advérsus me, et apprehendébam mentum eórum et suffocábam interficiebámque eos; nam et leónem et ursum interféci ego servus tuus. Erit igitur et Philisthæus hic incircumcísus quasi unus ex eis.

℟. Audi, Dómine, hymnum et oratióem, quam servus tuus orat coram te hódie : ut sint óculi tui apérti, et aures tuæ inténtæ, * Super domum istam die ac nocte. ℣. Réspice, Dómine, de sanctuário tuo, et de excélso cælórum habitáculo. — Super. Glória Patri. Super.

FERIA TERTIA

De libro primo Regum

Lectio i Cap. 17, 38-46

ET induit Saul David vestiméntis suis et impósuit gáleam áream super caput ejus et vestívit eum loríca. Accíntus ergo David gládio ejus super vestem suam cœpit tentáre si armátus posset

incédere, non enim habébat consuetúdinem. Dixitque David ad Saul : Non possum sic incédere, quia non usum hábeo. Et depósuit ea et tulit báculum suum, quem semper habébat in mánibus, et elégit sibi quinque limpidíssimos lápidés de torrén-te et misit eos in peram pastorálem, quam habébat secum, et fundam manu tulit et procéssit advérsus Philisthæum.

℟. Dómine, si convérsus fúerit pópulus tuus, et oráverit ad sanctuárium tuum : * Tu exáudies de cælo, Dómine, et libera eos de mánibus inimicórum suórum. ℣. Si peccáverit in te pópulus tuus, et convérsus égerit pœniténtiam, veniénsque oráverit in isto loco. — Tu.

Lectio ii

IBat autem Philisthæus incédens et appropínquans advérsus David, et ármiger ejus ante eum. Cumque inspexísset Philisthæus et vidísset David, despéxit eum; erat enim adolécens rufus et pulcher aspéctu. Et dixit Philisthæus ad David : Numquid ego canis sum, quod tu venis ad me cum báculo? Et maledíxit Philisthæus David in diis suis, dixitque ad David : Veni

ad me et dabo carnes tuas volatilibus cæli et béstiiis terræ. Dixit autem David ad Philisthæum : Tu venis ad me cum gládio et hasta et clýpeo, ego autem vénio ad te in nómine Dómini exercítuum, Dei ágminum Israël, quibus exprobrásti hódie; et dabit te Dóminus in manu mea, et percútiam te et áuferam caput tuum a te et dabo cadáverem castrórum Philisthiim hódie volatilibus cæli et béstiiis terræ, ut sciat omnis terra quia est Deus in Israël.

✠. Factum est, dum tóleret Dóminus Eliám per túrbinem in cælum, * Eliséus clamábat, dicens : Pater mi, pater mi, currus Israël, et auríga ejus.

✠. Cumque pérgerent, et incedéntes sermocinaréntur, ecce currus ígneus et equi ígnei divisérunt utrúmque, et ascéndit Eliás per túrbinem in cælum. — Eliséus.

In Octavis et Festis ritus simplicis : Glória Patri. Eliséus.

Lectio iii

CUM ergo surrexisset Philisthæus et veníret et appropinquáret contra David, festinávit David et cucúrrit ad pugnam ex advérso Philisthæi. Et misit manum suam in peram tulítque unum lápidem

et funda jecit et circumdúcens percússit Philisthæum in fronte; et infíxus est lapis in fronte ejus, et cécidit in fáciem suam super terram. Prævaluítque David advérsum Philisthæum in funda et lápide percussúmque Philisthæum interfécit. Cumque gládium non habéret in manu, David cucúrrit et stetit super Philisthæum et tulit gládium ejus et edúxit eum de vagina sua et interfécit eum præcidítque caput ejus.

✠. Ego te tuli de domo patris tui, dicit Dóminus, et pósui te páscere gregem pópuli mei : * Et fui tecum in ómnibus, ubicúmque ambulásti, firmans regnum tuum in ætérnum.

✠. Fecítque tibi nomen grande, juxta nomen magnórum, qui sunt in terra : et réquiem dedi tibi ab ómnibus inimícis tuis. — Et. Glória Patri. Et.

FERIA QUARTA

De libro primo Regum

Lectio i Cap. 18, 6-17

PORRO, cum reverterétur, percússó Philisthæo, David, egréssæ sunt mulieres de univérsis úrbibus Israël cantántes chorósque ducéntes in occúrsum Saul regis in týmpanis lætitiæ

et in sistris. Et præcinébant muliêres ludéntes atque dicéntes : Percússit Saul mille, et David decem míllia. Irátus est autem Saul nimis, et displicuit in óculis ejus sermo iste, dixítque : Dedérunt David decem míllia et mihi mille dedérunt; quid ei súperest, nisi solum regnum?

✠. Peccávi super númerum arénæ maris, et multiplicáta sunt peccáta mea; et non sum dignus vidére altitúdinem cæli præ multitudínem iniquitátis meæ : quóniam irritávi iram tuam, * Et malum coram te feci. ✠. Quóniam iniquitátem meam ego cognóscó : et delíctum meum contra me est semper, quia tibi soli peccávi. — Et.

Lectio ii

NON rectis ergo óculis Saul aspiciébat David a die illa et deinceps. Post diem autem álteram invásit spíritus Dei malus Saul, et prophetábat in médio domus suæ; David autem psallébat manu sua sicut per singulos dies. Tenebátque Saul lanceam et misit eam putans quod configere posset David cum pariete; et declinávit David a fácie ejus secúndo. Et tímuit Saul David eo quod Dóminus esset

cum eo, et a se recessísset. Amóvit ergo eum Saul a se et fecit eum tribúnum super mille viros; et egrediebátur et intrábat in conspéctu pópuli.

✠. Exaudísti, Dómine, oratióem servi tui, ut ædificárem templum nómini tuo : * Bénedic et sanctífica domum istam in sempitérnum, Deus Israël.

✠. Dómine, qui custódis pactum cum servis tuis, qui ámbulant coram te in toto corde suo. — Bénedic.

In Octavis et Festis ritus simplicis : Glória Patri. Bénedic.

Lectio iii

IN ómnibus quoque viis suis David prudénter agébat, et Dóminus erat cum eo. Vidit itaque Saul quod prudens esset nimis et cœpit cavére eum. Omnis autem Israël et Juda diligébat David; ipse enim ingrediebátur et egrediebátur ante eos. Dixítque Saul ad David : Ecce fília mea major Merob, ipsam dabo tibi uxórem; tantúmmodo esto vir fortis et præliáre bella Dómini. Saul autem reputábat dicens : Non sit manus mea in eum, sed sit super eum manus Philisthinórum.

✠. Audi, Dómine, hymnum et oratióem, quam servus tuus orat coram te hódie : ut sint óculi tui

apérti, et aures tuæ inténtæ, * Super domum istam die ac nocte. *℟.* Réspice, Dómine, de sanctuário tuo, et de excélso cælórum habitáculo. — Super. Glória Patri. Super.

FERIA QUINTA

De libro primo Regum

Lectio i Cap. 19, 1-6

Locútus est autem Saul ad Jónathan filium suum et ad omnes servos suos ut occiderent David. Porro Jónathas filius Saul diligébat David valde. Et indicávit Jónathas David dicens : Quærit Saul pater meus occidere te; quaprópter obsérva te, quæso, mane, et manébis clam et abscondéris. Ego autem egrédiens stabo juxta patrem meum in agro ubicúmque fúeris; et ego loquar de te ad patrem meum et quodcúmque videro nuntiábo tibi.

℟. Præparáte corda vestra Dómino, et servíte illi soli : * Et liberábit vos de mánibus inimicórum vestrórum. *℟.* Convertímini ad eum in toto corde vestro, et auférte deos alienos de médio vestri. — Et.

Lectio ii

Locútus est ergo Jónathas de David bona ad Saul patrem suum di-

xítque ad eum : Ne pecces, rex, in servum tuum David, quia non peccávit tibi, et ópera ejus bona sunt tibi valde. Et pósuit ánimam suam in manu sua et percússit Philisthæum, et fecit Dóminus salútem magnam univérso Israéli. Vidísti et lætátus es; quare ergo peccas in ságuine innóxio interficiens David, qui est absque culpa? Quod cum audísset Saul, placátus voce Jónathæ jurávit : Vivit Dóminus, quia non occidétur.

℟. Deus ómnium exauditor est : ipse misit Angelum suum, et tulit me de óvibus patris mei; * Et unxit me unctióne misericórdiæ suæ. *℟.* Dóminus, qui erípuit me de ore leónis, et de manu béstiae liberávit me. — Et.

In Octavis et Festis ritus simplicis : Glória Patri. Et.

Lectio iii Cap. 19, 8-10

Motum est autem rursum bellum, et egréssus David pugnávit advérsus Philisthiim percussítque eos plaga magna, et fugérunt a fácie ejus. Et factus est spíritus Dómini malus in Saul. Sedébat autem in domo sua et tenébat lánceam; porro David psallébat manu sua. Nisúsque est Saul confígere David láncea in

pariete, et declinavit David a facie Saul; lancea autem, casso vulnere, perlata est in parietem. Et David fugit et salvatus est nocte illa.

℟. Dominus, qui eripuit me de ore leonis, et de manu bestiae liberavit me,

* Ipse me eripiet de manibus inimicorum meorum.

℣. Misit Deus misericordiam suam et veritatem suam : animam meam eripuit de medio catulorum leonum. — Ipse. Gloria Patri. Ipse.

FERIA SEXTA

De libro primo Regum

Lectio i Cap. 20, 1-7

FUGIT autem David de Najoth, quae est in Ramatha, veniensque locutus est coram Jonathan : Quid feci? quae est iniquitas mea, et quod peccatum meum in patrem tuum, quia quaerit animam meam? Qui dixit ei : Absit, non morieris; neque enim faciet pater meus quidquam grande vel parvum nisi prius indicaverit mihi; hunc ergo celavit me pater meus sermonem tantummodo? Nequaquam erit istud.

℟. Percussit Saul mille, et David decem millia :

* Quia manus Domini erat

cum illo, percussit Philisthaeum, et abstulit opprobrium ex Israel. ℣. Nonne iste est David, de quo canebant in choro, dicentes : Saul percussit mille, et David decem millia? — Quia.

Lectio ii

ET juravit rursum David. Et ille ait : Scit profecto pater tuus quia inveni gratiam in oculis tuis et dicet : Nesciat hoc Jonathan, ne forte tristetur. Quinimmo vivit Dominus et vivit anima tua, quia uno tantum, ut ita dicam, gradu ego morsque dividimur. Et ait Jonathan ad David : Quodcumque dixerit mihi anima tua, faciam tibi.

℟. Montes Gelboe, nec ros nec pluvia veniant super vos, * Ubi ceciderunt fortes Israel. ℣. Omnes montes, qui estis in circuitu ejus, visitet Dominus; a Gelboe autem transeat. — Ubi.

In Octavis et Festis ritus simplicis : Gloria Patri. Ubi.

Lectio iii

DIXIT autem David ad Jonathan : Ecce calendae sunt crastino, et ego ex more sedere soleo juxta regem ad vescendum; dimitte ergo me, ut abscondar in agro usque ad vesperam diei tertiae. Si re-

spiciens requisierit me pater tuus, respondebis ei : Rogavit me David ut iret celèriter in Bèthlehem civitatem suam, quia victimæ solèmnès ibi sunt universis contribulibus suis. Si dixerit : Bene, pax erit servo tuo; si autem fuerit iratus, scito quia completa est malitia ejus.

℟. Ego te tuli de domo patris tui, dicit Dóminus, et posui te pascere gregem populi mei : * Et fui tecum in ómnibus, ubicumque ambulasti, firmans regnum tuum in ætèrnum. ✠. Fecique tibi nomen grande, juxta nomen magnórum, qui sunt in terra : et réquiem dedi tibi ab ómnibus inimicis tuis. — Et. Glória Patri. Et.

SABBATO

De libro primo Regum

Lectio i Cap. 21, 1-9

VENIT autem David in Nobe ad Achímelech sacerdótem. Et obstupuit Achímelech eo quod venisset David et dixit ei : Quare tu solus et nullus est tecum? Et ait David ad Achímelech sacerdótem : Rex præcepit mihi sermónem et dixit : Nemo sciat rem propter quam missus es a me, et cujus-

modi præcepta tibi dederim; nam et pueris condixi in illum et illum locum. Nunc ergo, si quid habes ad manum, vel quinque panes, da mihi, aut quidquid inveneris.

℟. Peccavi super número arénæ maris, et multiplicata sunt peccata mea; et non sum dignus videre altitudinem cæli præ multitudinem iniquitatis meæ : quóniam irritavi iram tuam, * Et malum coram te feci. ✠. Quóniam iniquitatem meam ego cognosco : et delictum meum contra me est semper, quia tibi soli peccavi. — Et.

Lectio ii

ET respondens sacerdos ad David ait illi : Non habeo láicos panes ad manum, sed tantum panem sanctum; si mundi sunt pueri máxime a mulieribus? Et respondit David sacerdóti et dixit ei : Equidem, si de mulieribus ágitur, continuimus nos ab heri et nudius tertius, quando egrediebámur, et fuerunt vasa puerorum sancta. Porro via hæc polluta est, sed et ipsa hódie sanctificabitur in vasis. Dedit ergo ei sacerdos sanctificatum panem; neque enim erat ibi panis, nisi tantum panes propositionis qui sublati fuerant

a fácie Dómini, ut ponerentur panes cálidi.

℟. Exaudísti, Dómine, orationem servi tui, ut ædificárem templum nómini tuo : * Bénedic et sanctifica domum istam in sempitérnum, Deus Israël.

℣. Dómine, qui custódis pactum cum servis tuis, qui ámbulant coram te in toto corde suo. — Bénedic.

In Octavis simplicibus et in Officio S. Mariæ in Sabbato : Glória Patri. Bénedic.

Lectio iii

ERat autem ibi vir quidam de servis Saul in die illa intus in tabernáculo Dómini, et nomen ejus Doeg Idumæus potentissimus pastórum Saul. Dixit autem David ad Achímelech : Si habes hic ad manum hastam aut gládium? quia gládium meum et arma mea non tuli mecum; sermo enim regis urgébat. Et dixit sacerdos : Ecce hic gládus Góliath Philisthæi, quem percussisti in Valle terebínthi : est involútus pállio post ephod. Si istum vis tóllere, tolle, neque enim hic est alius absque eo. Et ait David : Non est huic alter similis, da mihi eum.

℟. Audi, Dómine, hymnum et orationem, quam

servus tuus orat coram te hódie : ut sint óculi tui apérti, et aures tuæ inténtæ, * Super domum istam die ac nocte. ℣. Réspice, Dómine, de sanctuário tuo, et de excélso cælórum habitáculo. — Super. Glória Patri. Super.

AD VESPERAS

℣. Vespertína oratio ascéndat ad te, Dómine.

℟. Et descéndat super nos misericórdia tua.

Ad Magnif. Ant. Montes Gélboe, * nec ros nec plúvia véniant super vos : quia in te abjéctus est clýpeus fórtium, clýpeus Saul, quasi non esset unctus óleo. Quómodo ceciderunt fortes in bello? Jónathas in excélsis interféctus est : Saul et Jónathas, amábiles et decóri valde in vita sua, in morte quoque non sunt divísi.

Oratio

DEus, qui diligéntibus te bona invisibília præparásti : infúnde córdibus nostris tui amóris afféctum; ut te in ómnibus et super ómnia diligéntes, promissiones tuas, quæ omne desidérium súperant, consequámur. Per Dóminum.

DOMINICA V
POST PENTECOSTEN

Semiduplex

In I Nocturno

Incipit liber secundus
Regum

Lectio i **Cap. 1, 1-15**



Actum est autem, postquam mortuus est Saul, ut David reverteretur a caede Amalec et maneret in Siceleg duos dies. In die autem tertia apparuit homo veniens de castris Saul veste conscissa et pulvere conspersus caput et, ut venit ad David, cecidit super faciem suam et adoravit. Dixitque ad eum David : Unde venis? Qui ait ad eum : De castris Israel fugi. Et dixit ad eum David : Quod est verbum quod factum est? Indica mihi. Qui ait : Fugit populus ex praelio, et multi corruentes e populo mortui sunt; sed et Saul et Jonathan filius ejus interiérunt.

℟. Præparáte corda vestra Dómino, et servíte illi soli : * Et liberábit vos de manibus inimicórum vestrórum. ℣. Convertímini ad eum in toto corde vestro, et auférte deos alienos de médio vestri.— Et.

Lectio ii

Dixitque David ad adoléscentem qui nuntiábat ei : Unde scis quia

mórtuus est Saul et Jonathan filius ejus? Et ait adoléscentem qui nuntiábat ei : Casu veni in montem Gélboe, et Saul incumbébat super hastam suam. Porro currus et équites appropinquábant ei, et convérsus post tergum suum vidénsque me vocávit; cui cum respondíssem : Adsum, dixit mihi : Quisnam es tu? Et ajo ad eum : Amalecites ego sum. Et locútus est mihi : Sta super me et interfice me, quóniam tenent me angústiae, et adhuc tota ánima mea in me est. Stansque super eum occídi illum, sciébam enim quod vívere non póterat post ruínam; et tuli diadéma, quod erat in cápite ejus et armíllam de bráchio illíus et áttuli ad te dóminum meum huc.

℟. Deus ómnium exaudítor est : ipse misit Angelum suum, et tulit me de óvibus patris mei; * Et unxit me unctióne misericórdiae suæ. ℣. Dóminus, qui erípuit me de ore leónis, et de manu béstiae liberávit me. — Et.

Lectio iii

Apprehéndens autem David vestiménta sua scidit, omnesque viri, qui erant cum eo, et planxérunt et flevérunt et jejunavérunt usque ad vésperam

super Saul et super Jónathan filium ejus et super pópulum Dómini et super domum Israël, eo quod corruissent gládio. Dixitque David ad júvenem qui nuntiáverat ei : Unde es tu? Qui respóndit : Fílius hóminis ádvenæ Amalecítæ ego sum. Et ait ad eum David : Quare non timuísti mittere manum tuam, ut occíderes Christum Dómini? Vocánsque David unum de púeris suis ait : Accédens írrue in eum. Qui percússit illum, et mórtuus est.

℟. Dóminus, qui erípuit me de ore leónis, et de manu béstiae liberávit me, * Ipse me erípiet de mánibus inimicórum meórum.

℣. Misit Deus misericórdiam suam et veritátem suam : ánimam meam erípuit de médio catulórum leónum. — Ipse. Glória Patri. Ipse.

In II Nocturno

Ex libro Morálium
sancti Gregórii Papæ

Liber 4, cap. 3 et 4

Lectio iv



Uid est, quod David, qui retribuéntibus sibi mala non réddidit, cum Saul et Jónathas bello occúberent, Gélboe móntibus maledíxit, dicens : Montes Gél-

boe, nec ros nec plúvia véniant super vos, neque sint agri primitiárum : quia ibi abjéctus est clýpeus fórtium, clýpeus Saul, quasi non esset unctus óleo? Quid est, quod Jeremías, cum prædicationem suam cérneret audiéntium difficultáte præpedíri, maledíxit dicens : Maledíctus vir, qui annuntiávit patri meo, dicens : Natus est tibi puer másculus?

℟. Percússit Saul mille, et David decem míllia : * Quia manus Dómini erat cum illo, percússit Philistháum, et ábstulit opprobrium ex Israël. ℣. Nonne iste est David, de quo canébant in choro, dicéntes : Saul percússit mille, et David decem míllia? — Quia.

Lectio v

Quid ergo montes Gélboe, Saul moriente, deliquerunt, quátenus in eos nec ros nec plúvia cáderet et ab omni eos viriditátis gérmine senténtiæ sermo siccáret? Sed quia Gélboe interpretátur decúrsus, per Saul autem unctum et mórtuum mors nostri Mediatóris exprimitur; non immérito per Gélboe montes supérba Judæórum corda signántur, quæ dum in hujus mundi desidériis

défluunt, in Christi, id est, uncti se morte miscuerunt : et quia in eis unctus rex corporaliter moritur, ipsi ab omni grátiae rore siccantur.

℟. Montes Gélboe, nec ros nec plúvia véniant super vos, * Ubi ceciderunt fortes Israël. ℣. Omnes montes, qui estis in circuitu ejus, vísitet Dóminus; a Gélboe autem tráns-eat. — Ubi.

Lectio vi

DE quibus et bene dicitur, ut agri primitiarum esse non possint. Supérbae quippe Hebræórum mentes primitivos fructus non ferunt : quia in Redemptóris advéntu ex parte máxima in perfidia remanentes, primórdia fidei sequi noluerunt. Sancta namque Ecclesia in primitiis suis multitudíne gentium fœcundata, vix in mundi fine Judæos quos invenerit, súscipit, et extrémá colligens, eos quasi reliquias frugum ponit.

℟. Ego te tuli de domo patris tui, dicit Dóminus, et pósui te páscere gregem pópuli mei : * Et fui tecum in ómnibus, ubicúmque ambulásti, firmans regnum tuum in ætérnum. ℣. Fecíque tibi nomen grande, juxta nomen magnórum, qui sunt in terra :

et réquiem dedi tibi ab ómnibus inimícis tuis. — Et. Glória Patri. Et.

℟. vii Peccávi et ℟. viii Duo Séraphim ut infra in Homiliis.

FERIA SECUNDA

De libro secúndo Regum

Lectio i Cap. 2, 1-11

Igitur post hæc consúltuit David Dóminum dicens : Num ascéndam in unam de civitatibus Juda? Et ait Dóminus ad eum : Ascénde. Dixítque David : Quo ascéndam? Et respóndit ei : In Hebron. Ascéndit ergo David et duæ uxóres ejus Achínoam Jezrahelítes et Abígail uxor Nabal Carméli; sed et viros, qui erant cum eo, duxit David singulos cum domo sua; et mansérunt in óppidis Hebron. Venerúntque viri Juda et unxérunt ibi David, ut regnaret super domum Juda.

℟. Recordáre, Dómine, testaménti tui, et dic Angelo percutiénti : Cesset jam manus tua, * Ut non desolétur terra, et ne perdas omnem ánimam vivam. ℣. Ego sum qui peccávi, ego qui iníque egi : isti qui oves sunt, quid fecérunt? Avertátur, óbsecro, furor tuus, Dómine, a pópulo tuo. — Ut.

Lectio ii

ET nuntiátum est David, quod viri Jabes Gálaad sepelissent Saul. Misit ergo David nuntios ad viros Jabes Gálaad dixítque ad eos : Benedícti vos a Dómino, qui fecístis misericórdiam hanc cum dómino vestro Saul et sepelístis eum. Et nunc retribuet vobis quidem Dóminus misericórdiam et veritátem, sed et ego reddam grátiam eo quod fecístis verbum istud. Conforténtur manus vestrae et estóte filii fortitúdinis; licet enim mórtuus sit dóminus vester Saul, tamen me unxit domus Juda in regem sibi.

✠. Exaudísti, Dómine, oratióem servi tui, ut aedificárem templum nómini tuo : * Bénedic et sanctífica domum istam in sempitérnum, Deus Israël.

✠. Dómine, qui custódis pactum cum servis tuis, qui ámbulant coram te in toto corde suo. — Bénedic.

In Octavis et Festis ritus simplicis : Glória Patri. Bénedic.

Lectio iii

ABner autem filius Ner princeps exercitus Saul tulit Isboseth filium Saul, et circumdúxit eum per castra regémque constituit super Gálaad et super Géssuri et super Jézrahel

et super Ephraim et super Bénjamin et super Israël univérsum. Quadragínta annórum erat Isboseth filius Saul cum regnáre cœpisset super Israël, et duóbus annis regnavit. Sola autem domus Juda sequebátur David. Et fuit númerus diérum, quos commorátus est David impetrans in Hebron super domum Juda, septem annórum et sex ménsium.

✠. Audi, Dómine, hymnum et oratióem, quam servus tuus orat coram te hódie : ut sint óculi tui apérti, et aures tuæ inténtæ, * Super domum istam die ac nocte. ✠. Réspice, Dómine, de sanctuário tuo, et de excélso cælórum habitáculo. — Super. Glória Patri. Super.

FERIA TERTIA

De libro secúndo Regum

Lectio i Cap. 3, 6-10

CUM ergo esset praelium inter domum Saul et domum David, Abner filius Ner regébat domum Saul. Fúerat autem Sauli concubína nómine Respha, filia Aja. Dixítque Isboseth ad Abner : Quare ingressus es ad concubínam patris mei? Qui irátus nimis propter verba Isboseth ait : Numquid caput

canis ego sum advēsum Judam hódie, qui fécerim misericórdiam super domum Saul patris tui et super fratres et próximos ejus, et non trádidi te in manus David? Et tu requisísti in me quod argúeres pro muliere hódie? Hæc fáciat Deus Abner et hæc addat ei, nisi, quómodo jurávit Dóminus David, sic fáciam cum eo, ut transferátur regnum de domo Saul, et elevétur thronus David super Israël et super Judam a Dan usque Bersabée.

✠. Dómine, si convērsus fúerit pópulus tuus, et oráverit ad sanctuárium tuum : * Tu exáudies de cælo, Dómine, et libera eos de mánibus inimicórum suórum. ✠. Si peccáverit in te pópulus tuus, et convērsus égerit pæniténtiam, veniēnsque oráverit in isto loco. — Tu.

Lectio ii Cap. 3, 12-21

Misit ergo Abner nuntios ad David pro se dicentes : Cujus est terra? et ut loquerentur : Fac mecum amicitias, et erit manus mea tecum et reducam ad te universum Israël. Qui ait : Optime : ego faciam tecum amicitias, sed unam rem peto a te dicens : Non videbis faciem meam, antequam

adduxeris Michol filiam Saul; et sic venies et videbis me. Misit autem David nuntios ad Isboseth filium Saul dicens : Redde uxorem meam Michol, quam respondi mihi centum praputiis Philisthim. Misit ergo Isboseth et tulit eam a viro suo Phalthiel, filio Lais. Sequebaturque eam vir suus plorans usque Bahurim. Et dixit ad eum Abner : Vade et revertere. Qui reversus est.

✠. Factum est, dum tolleretur Dóminus Eliam per turbinem in cælum, * Elisæus clamabat, dicens : Pater mi, pater mi, currus Israël, et auriga ejus. ✠. Cumque pergerent, et incedentes sermocinarentur, ecce currus igneus et equi ignei divisérunt utrumque, et ascendit Eliás per turbinem in cælum. — Elisæus.

In Octavis et Festis ritus simplicis : Glória Patri. Elisæus.

Lectio iii

Sermónem quoque intulit Abner ad seniores Israël dicens : Tam heri quam nudiustertius quærebátis David, ut regnaret super vos. Nunc ergo facite, quóniam Dóminus locútus est ad David dicens : In manu servi mei David salvábo pópulum meum Israël de manu Philisthim

et ómnium inimicórum ejus. Locútus est autem Abner étiam ad Bénjamin. Et ábiit ut loquerétur ad David in Hebron ómnia quæ placúerant Israë! et univérso Bénjamin. Venítque ad David in Hebron cum vigínti viris, et fecit David Abner et viris ejus, qui vénerant cum eo, convívium. Et dixit Abner ad David : Surgam ut cón-gregem ad te, dóminum meum regem, omnem Israë!.

℟. Ego te tuli de domo patris tui, dicit Dóminus, et pósui te páscere gregem pópuli mei : * Et fui tecum in ómnibus, ubi-cúmque ambulásti, firmans regnum tuum in ætérnum. ✠. Fecítque tibi nomen grande, juxta nomen magnórum, qui sunt in terra : et réquiem dedi tibi ab ómnibus inimícis tuis. — Et. Glória Patri. Et.

FERIA QUARTA

De libro secúndo Regum

Lectio i Cap. 4, 5-12

VEniéntes ígitur filii Remmon Berothítæ, Rechab et Báana, ingrési sunt, fervénte die, domum Isboseth; qui dormiébat super stratum suum merídie. Et ostiária domus pur-

gans tríticum obdormívit. Ingréssi sunt autem domum laténter assuméntes spicas trítici, et percussérunt eum in ínguine Rechab et Báana frater ejus et fugérunt. Cum autem ingrési fuissent domum, ille dormiébat super lectum suum in conclávi, et percutiéntes interfecérunt eum; sublatóque cápite ejus abiérunt per viam déserti tota nocte. Et attulérunt caput Isboseth ad David in Hebron dixerúntque ad regem : Ecce caput Isboseth, filii Saul inimíci tui, qui quærébat ánimam tuam.

℟. Peccávi super númerum arénæ maris, et multiplicáta sunt peccáta mea; et non sum dignus vidére altitúdinem cæli præ multitúdine iniquitátis meæ : quóniam irritávi iram tuam, * Et malum coram te feci. ✠. Quóniam iniquitátem meam ego cognósco : et delictum meum contra me est semper, quia tibi soli peccávi. — Et.

Lectio ii Cap. 5, 1-7

REspóndens autem David Rechab et Báana fratri ejus filiis Remmon Berothítæ dixit ad eos : Vivit Dóminus, qui éruit ánimam meam de omni angústia, quóniam eum, qui annuntiáverat mihi et

dixerat : Mórtnus est Saul; qui putábat se próspera nuntiáre, ténuí et occídí eum in Síceleg, cui oportébat mercédem dare pro núnctio : quanto magis nunc, cum hómines ímpíi interfecérunt virum innóxiúm in domo sua super lectum suum, non quæram sánguinem ejus de manu vestra et áuferam vos de terra? Præcépit ítaque David púeris suis, et interfecérunt eos præcidentesque manus et pedes eórum suspendérunt eos super piscínam in Hebron; caput autem Isboseth tulerunt et sepeliérunt in sepúlcro Abner in Hebron.

℟. Exaudísti, Dómine, oratióem servi tui, ut ædificárem templum nómini tuo : * Bénedic et sanctífica domum istam in sempitérnum, Deus Israël.

℣. Dómine, qui custódis pactum cum servis tuis, qui ámbulant coram te in toto corde suo. — Bénedic.

In Octavis et Festis ritus simplicis : Glória Patri. Bénedic.

Lectio iii

ET venérunt univérse tribus Israël ad David in Hebron dicéntes : Ecce nos os tuum et caro tua sumus. Sed et heri et nudiustértius, cum esset Saul rex super nos, tu

eras edúcens et redúcens Israël; dixit autem Dóminus ad te : Tu pasces pópulum meum Israël et tu eris dux super Israël. Venérunt quoque et senióres Israël ad regem in Hebron, et percússit cum eis rex David fœdus in Hebron coram Dómino, unxerúntque David in regem super Israël. Fílius trigínta annórum erat David, cum regnáre cœpísset, et quadragínta annis regnávít. In Hebron regnávít super Judam septem annis et sex ménsibus, in Jerúsalem autem regnávít trigínta tribus annis super omnem Israël et Judam. Et ábiit rex et omnes viri, qui erant cum eo, in Jerúsalem ad Jebusæum habitatórem terræ, dictúmque est David ab eis : Non ingrediéris huc nisi abstúleris cæcos et claudos dicéntes : Non ingrediétur David huc. Cepit autem David arcem Sion, hæc est civitas David.

℟. Audi, Dómine, hymnum et oratióem, quam servus tuus orat coram te hódie : ut sint óculi tui apérti, et aures tuæ inténtæ, * Super domum istam die ac nocte. ℣. Réspice, Dómine, de sanctuário tuo, et de excélso cælórum habitáculo. — Super. Glória Patri. Super.

FERIA QUINTA

De libro secúndo Regum

Lectio i Cap. 6, 1-12

Congregávit autem rursum David omnes electos ex Israël triginta milia. Surrexítque David et ábiit et univérsum pópulus qui erat cum eo de viris Juda, ut addúcerent arcam Dei, super quam invocátum est nomen Dómini exercítuum, sedéntis in Chérubim super eam. Et imposuérunt arcam Dei super plaustrum novum tulerúntque eam de domo Abínadab, qui erat in Gábaa; Oza autem et Ahío filii Abínadab minábant plaustrum novum.

℟. Præparáte corda vestra Dómino, et servíte illi soli : * Et liberábit vos de manibus inimicórum vestrórum. ✠. Convertímini ad eum in toto corde vestro, et auférte deos aliénos de médio vestri. — Et.

Lectio ii

Cumque tulíssent eam de domo Abínadab, qui erat in Gábaa custódiens arcam Dei, Ahío præcedébat arcam. David autem et omnis Israël ludébant coram Dómino in ómnibus lignis fabrefáctis et cítharis et lyris et týmpanis et sistris et cýmbalis. Postquam autem ve-

nérunt ad áream Nachon, exténdit Oza manum ad arcam Dei et ténuít eam, quóniam calcitrábant boves et declinavérunt eam. Iratúsque est indignatióne Dóminus contra Ozam et percússit eum super temeritate, qui mórtuus est ibi juxta arcam Dei.

℟. Deus ómnium exaudítor est : ipse misit Angelum suum, et tulit me de óvibus patris mei; * Et unxit me unctiόne misericórdiæ suæ. ✠. Dóminus, qui erípuit me de ore leónis, et de manu béstiae liberávit me. — Et.

In Octavis et Festis ritus simplicis : Glória Patri. Et.

Lectio iii

Contristátus est autem David eo quod percussisset Dóminus Ozam; et vocátum est nomen loci illius : Percússio Ozæ, usque in diem hanc. Et extímuit David Dóminum in die illa dicens : Quómodo ingrediétur ad me arca Dómini? Et nóluit divétere ad se arcam Dómini in civitátem David; sed divértit eam in domum Obédedom Gethæi. Et habitávit arca Dómini in domo Obédedom Gethæi tribus ménsibus, et benedíxit Dóminus Obédedom et omnem domum ejus. Nuntiatúmque est regi

David quod benedixisset Dóminus Obédedom et ómnia ejus propter arcam Dei. Abiit ergo David et addúxit arcam Dei de domo Obédedom in civitátem David cum gáudio.

℟. Dóminus, qui erípuit me de ore leónis, et de manu béstiae liberávit me,

* Ipse me erípiet de máni-
bus inimicórum meórum.

℣. Misit Deus misericórdiam suam et veritátem suam : ánimam meam erípuit de médio catulórum leónum. — Ipse. Glória Patri. Ipse.

FERIA SEXTA

De libro secúndo Regum

Lectio i Cap. 7, 4-17

ET ecce sermo Dómini ad Nathan dicens : Vade et lóquere ad servum meum David : Hæc dicit Dóminus : Numquid tu ædificábis mihi domum ad habitándum? Neque enim habitávi in domo ex die illa, qua edúxi filios Israël de terra Ægýpti usque in diem hanc, sed ambulábam in tabernáculo et in tentório.

℟. Percússit Saul mille, et David decem míllia :

* Quia manus Dómini erat cum illo, percússit Philisthæum, et ábstulit opprobrium ex Israël. ℣. Nonne

iste est David, de quo canébant in choro, dicéntes : Saul percússit mille, et David decem míllia? — Quia.

Lectio ii

PER cuncta loca, quæ transívi cum ómnibus filiis Israël, numquid loquens locútus sum ad unam de tribubus Israël, cui præcépi ut pásceret pópulum meum Israël dicens : Quare non ædificástis mihi domum cédri-
nam? Et nunc hæc dices servo meo David : Hæc dicit Dóminus exercítuum : Ego tuli te de páscuis sequéntem greges, ut esses dux super pópulum meum Israël, et fui tecum in ómnibus, ubicúmque ambulásti et interfécí univérsos inimicos tuos a fácie tua fecíque tibi nomen grande juxta nomen magnórum, qui sunt in terra. Et ponam locum pópulo meo Israël et plantábo eum, et habitábit sub eo et non turbábitur ámplius; nec addent filii iniquitátis ut affligant eum sicut prius, ex die qua constitúi júdices super pópulum meum Israël. Et réquiem dabo tibi ab ómnibus inimicis tuis, prædicítque tibi Dóminus, quod domum fáciat tibi Dóminus.

℟. Montes Gélboe, nec ros nec plúvia véniant su-

per vos, * Ubi ceciderunt fortes Israël. *℟.* Omnes montes, qui estis in circuitu ejus, vísitet Dóminus; a Gélboe autem tráns-eat. -- Ubi.

In Octavis et Festis ritus simplicis : Glória Patri. Ubi.

Lectio iii

CUmque compléti fuerint dies tui, et dormieris cum pátribus tuis, suscitábo semen tuum post te, quod egrediétur de útero tuo, et firmábo regnum ejus. Ipse ædificábit domum nómini meo, et stabíliam thronum regni ejus usque in sempitérnum. Ego ero ei in patrem, et ipse erit mihi in filium. Qui si inique áliquid gesserit, árguam eum in virga virórum et in plagis filiórum hóminum. Misericórdiam autem meam non áuferam ab eo, sicut ábstuli a Saul, quem amóvi a fácie mea. Et fidélis erit domus tua et regnum tuum usque in ætérnum ante fáciem tuam, et thronus tuus erit firmus júgiter. Secúndum ómnia verba hæc et juxta univérsam visiónem istam sic locútus est Nathan ad David.

℟. Ego te tuli de domo patris tui, dicit Dóminus, et pósui te páscere gregem pópuli mei : * Et fui tecum

in ómnibus, ubicúmque ambulásti, firmans regnum tuum in ætérnum. *℟.* Fecíque tibi nomen grande, juxta nomen magnórum, qui sunt in terra : et réquiem dedi tibi ab ómnibus inimícis tuis. — Et. Glória Patri. Et.

SABBATO

De libro secúndo Regum

Lectio i Cap. 11, 1-17

FActum est autem vénténte anno, eo témpore quo solent reges ad bella procédere, misit David Joab et servos suos cum eo et univérsum Israël, et vastavérunt filios Ammon et obsedérunt Rabba; David autem remánsit in Jerúsalem. Dum hæc ageréntur, áccidit ut súrgeret David de strato suo post merídiem et deambuláret in solário domus régiæ; vidítque mulierem se lavántem ex advérso super solárium suum; erat autem múlter pulchra valde. Misit ergo rex, et requisívit quæ esset múlter; nuntiatúmque est ei, quod ipsa esset Bethsabée filia Eliám, uxor Uríæ Hethæi. Missis itaque David núntiis, tulit eam.

℟. Peccávi super númerum arénæ maris, et multi-

plicata sunt peccata mea; et non sum dignus videre altitudinem cæli præ multitudinem iniquitatis meæ : quoniam irritavi iram tuam, * Et malum coram te feci. ✠. Quoniam iniquitatem meam ego cognosco : et delictum meum contra me est semper, quia tibi soli peccavi. — Et.

Lectio ii

ET reversa est in domum suam, concepto fœtu. Mittensque nuntiavit David et ait : Concepi. Misit autem David ad Joab dicens : Mitte ad me Uriam Hethæum. Misitque Joab Uriam ad David. Et venit Urias ad David. Quæsitque David quam recte ageret Joab et populus, et quomodo administraretur bellum. Et dixit David ad Uriam : Vade in domum tuam et lava pedes tuos. Et egressus est Urias de domo regis, secutusque est eum cibus regius. Dormivit autem Urias ante portam domus regiæ cum aliis servis domini sui, et non descendit ad domum suam. Nuntiatumque est David a dicentibus : Non ivit Urias in domum suam. Et ait David ad Uriam : Numquid non de via venisti? quare non descendisti in domum tuam? Et ait Urias ad David : Arca Dei

et Israël et Juda habitant in papilionibus, et dominus meus Joab et servi domini mei super faciem terræ manent; et ego ingrédiam domum meam, ut comedam et bibam et dormiam cum uxore mea? Per salutem tuam et per salutem animæ tuæ non faciam rem hanc.

✠. Exaudisti, Domine, orationem servi tui, ut ædificarem templum nomini tuo : * Benedic et sanctifica domum istam in sempiternum, Deus Israël.

✠. Domine, qui custodis pactum cum servis tuis, qui ambulant coram te in toto corde suo. — Benedic.

In Octavis simplicibus et in Officio sanctæ Mariæ in Sabbato : Glória Patri. Benedic.

Lectio iii

AIT ergo David ad Uriam : Mane hic etiam hodie, et cras dimittam te. Mansit Urias in Jérusalem in die illa et altera. Et vocavit eum David ut comederet coram se et biberet et inebriavit eum : qui egressus vespere dormivit in strato suo cum servis domini sui et in domum suam non descendit. Factum est ergo mane, et scripsit David epistolam ad Joab misitque per manum Uriæ scribens in epistola : Pónite Uriam ex

adverso belli, ubi fortissimum est praelium, et derelinquite eum ut percussus intéreat. Igitur cum Joab obsidéret urbem, pösuit Uriam in loco ubi sciébat viros esse fortissimos. Egressisque viri de civitate bellábant adversum Joab, et ceciderunt de pópulo servórum David, et mortuus est étiam Urias He-thæus.

℟. Audi, Dómine, hymnum et orationem, quam servus tuus orat coram te hódie : ut sint óculi tui apérti, et aures tuæ inténtæ, * Super domum istam die ac nocte. ℣. Réspice, Dómine, de sanctuário tuo, et de excélso cælórum habitáculo. — Super. Glória Patri. Super.

AD VESPERAS

℣. Vespertína oratio ascéndat ad te, Dómine.

℟. Et descéndat super nos misericórdia tua.

Ad Magnif. Ant. Obsecro, Dómine, * aufer iniquitatem servi tui, quia insipiénter egi.

Oratio

Deus virtútum, cujus est totum quod est optimum : insere pectoribus nostris amorem tui nóminis, et præsta in nobis religiónis augméntum; ut, quæ sunt bona,

nútrias, ac pietátis stúdio, quæ sunt nutrita, custódias. Per Dóminum.

DOMINICA VI

POST PENTECOSTEN

Semiduplex

In I Nocturno

De libro secúndo Regum

Lectio i Cap. 12, 1-16



Isit ergo Dóminus Nathan ad David : qui, cum venisset ad eum, dixit ei : Duo viri erant in civitate una, unus dives et alter pauper. Dives habébat oves et boves plúrimos valde; pauper autem nihil habébat omnino præter ovem unam párvulam, quam émerat et nutríerat, et quæ créverat apud eum cum filiis ejus simul de pane illius cómedens et de cálice ejus bibens et in sinu illius dórmiens; eratque illi sicut filia. Cum autem peregrínus quidam venisset ad dívitem, parcens ille súmere de óvibus et de bobus suis, ut exhibéret convívium peregríno illi qui vénerat ad se, tulit ovem viri páuperis et præparávit cibos hómini qui vénerat ad se.

℟. Præparáte corda vestra Dómino, et servíte illi

soli : * Et liberábit vos de mánibus inimicórum vestrórum. ✠. Convertímini ad eum in toto corde vestro, et auférte deos alienos de médio vestri. — Et.

Lectio ii

IRátus autem indignatíone David advérsus hóminem illum nimis, dixit ad Nathan : Vivit Dóminus, quóniam filius mortis est vir qui fecit hoc : ovem reddet in quádruplum, eo quod fécerit verbum istud et non pépcerit. Dixit autem Nathan ad David : Tu es ille vir. Hæc dicit Dóminus, Deus Israël : Ego unxi te in regem super Israël et ego érui te de manu Saul et dedi tibi domum dómini tui, et uxóres dómini tui in sinu tuo dedíque tibi domum Israël et Juda; et, si parva sunt ista, adjíciam tibi multo majóra. Quare ergo contempsísti verbum Dómini, ut fáceres malum in conspéctu meo? Uríam Hethæum percussísti gládio et uxórem illius accepísti in uxórem tibi et interfecísti eum gládio filiórum Ammon.

✠. Deus ómnium exaudítor est : ipse misit Angelum suum, et tulit me de óvibus patris mei; * Et unxit me unctíone misericórdiæ suæ. ✠. Dóminus,

qui erípuit me de ore leónis, et de manu béstiae liberávit me. — Et.

Lectio iii

QUam ob rem non recédet gladius de domo tua usque in sempitérnium, eo quod despéxeris me et túleris uxórem Uríæ Hethæi ut esset uxor tua. Itaque hæc dicit Dóminus : Ecce ego suscitábo super te malum de domo tua, et tollam uxóres tuas in óculis tuis et dabo próximo tuo, et dórmiet cum uxóribus tuis in óculis solis hujus. Tu enim fecísti abscondite, ego autem fáciam verbum istud in conspéctu omnis Israël et in conspéctu solis. Et dixit David ad Nathan : Peccávi Dómino. Dixítque Nathan ad David : Dóminus quoque tránstulit peccátum tuum : non moriéris. Verúmtamen, quóniam blasphemáre fecísti inimícos Dómini propter verbum hoc, filius qui natus est tibi, morte moriétur. Et revérsus est Nathan in domum suam. Percússit quoque Dóminus párvulum, quem pepérat uxor Uríæ David, et desperátus est. Deprecatúsque est David Dóminum pro párvulo, et jejunávit David jejúnio et ingréssus seórsum jácuit super terram.

✠. Dóminus, qui erípuít me de ore leónis, et de manu béstiæ liberávit me,
* Ipse me erípiet de máni-
bus inimicórum meórum.

✠. Misit Deus misericórdiam suam et veritátem suam : ánimam meam erípuít de médio catulórum leónum. — Ipse. Glória Patri. Ipse.

In II Nocturno

Ex libro sancti Ambrósii
Epíscopi de Apológia
David

Lectio iv Apolog. 1, c. 2

Nusquísque nostrum per singulas horas quam multa delínquit! nec tamen unusquísque de plebe peccátum suum confiténdum putat. Ille rex, tantus ac potens, ne exíguo quidem mómento manére penes se delícti passus est consciéntiam; sed, præmatúra confessióne atque iménso dolóre, réddidit peccátum suum Dómino. Quem mihi nunc fáciie repérias honorátum ac dívitem, qui, si arguátur alicújus culpæ reus, non moléste ferat? At ille régio clarus império, tot divínis probátus oráculis, cum a priváto hómíne corripérétur, quod gráviter deliquísset, non indignátus infremuit, sed conféssus ingémuit culpæ dolóre.

✠. Percússit Saul mille, et David decem millia :
* Quia manus Dómini erat cum illo, percússit Philistháum, et ábstulit opprobrium ex Israël. ✠. Nonne iste est David, de quo canébant in choro, dicéntes : Saul percússit mille, et David decem millia? — Quia.

Lectio v

Denique Dóminum dolor íntimi movit afféctus, ut Nathan díceret : Quóniam pœnituit te, et Dóminus ábstulit peccátum tuum. Matúritas itaque véniæ, profúndam regis fuisse pœniténtiam declarávit, quæ tanti erróris offénsam tradúxerit. Alii hómínes cum a sacerdotibus corripíuntur, peccátum suum íngravant, dum negáre cúpiunt aut deféndere; ibíque eórum lapsus est major, ubi sperátur corréctio. Sancti autem Dómini, qui consummáre pium certámen géstiunt, et cúrrere cursum salútis, sícubi forte ut hómínes corrúerint, natúræ magis fragilitáte quam peccándi libidine, acríores ad currendum resúrgunt, pudóris stímulo majóra reparántes certámina; ut non solum nullum attulisse æstimétur lapsus impediméntum, sed étiam velo-

citátis incentiva cumu-
lássse.

℟. Montes Gélboe, nec
ros nec plúvia véniant su-
per vos, * Ubi cecidérunt
fortes Israél. ℣. Omnes
montes, qui estis in cir-
cúitu ejus, visitet Dómi-
nus; a Gélboe autem tráns-
eat. — Ubi.

Lectio vi

Cap. 4

PEccávit David, quod
solent reges; sed pœ-
niténtiam gessit, flevit,
ingémuit, quod non solent
reges. Conféssus est cul-
pam, obsecrávit indulgén-
tiam, humi stratus deplo-
rávit ærumnam, jejuná-
vit, orávit, confessiónis
suæ testimónium in per-
pétua sácula vulgáto do-
lóre transmísit. Quod eru-
béscunt fácere priváti, rex
non erúbuit confitéri. Qui
tenéntur légibus, audent
suum negáre peccátum,
dedignántur rogáre indul-
géntiam, quam petébat,
qui nullis légibus tenebá-
tur humanis. Quod peccá-
vit, conditiónis est; quod
supplicávit, correctiόνis.
Lapsus commúnis, sed
speciális conféssio. Cul-
pam itaque incidísse, na-
túræ est : diluísse vir-
tútis.

℟. Ego te tuli de domo
patris tui, dicit Dóminus,
et pósui te páscere gregem
pópuli mei : * Et fui tecum

in ómnibus, ubicúmque
ambulásti, firmans re-
gnum tuum in ætérnum.

℣. Fecíque tibi nomen
grande, juxta nomen ma-
gnórum, qui sunt in terra :
et réquiem dedi tibi ab
ómnibus inimícis tuis. —
Et. Glória Patri. Et.

℟. vii Peccávi et ℟. viii Duo
Séraphim, ut infra in Homi-
liis.

FERIA SECUNDA

De libro secúndo Regum

Lectio i Cap. 13, 22-34

PORRO non est locútus
Absalom ad Amnon
nec malum nec bonum;
óderat enim Absalom Am-
non, eo quod violáset
Thamar sorórem suam.
Factum est autem post
tempus biénii ut tonde-
réntur oves Absalom in
Baálhasor, quæ est juxta
Ephraim; et vocávit Ab-
salom omnes filios regis
venítque ad regem et ait
ad eum : Ecce tondéntur
oves servi tui; véniat,
oro, rex cum servis suis
ad servum suum. Dixít-
que rex ad Absalom : No-
li, fili mi, noli rogáre ut
veniámus omnes et gravé-
mus te. Cum autem cóge-
ret eum, et nolúisset ire,
benedíxit ei.

℟. Recordáre, Dómine,
testaménti tui, et dic An-

gelo percutiénti : Cesset jam manus tua, * Ut non desolétur terra, et ne perdas omnem ánimam vivam. ✠. Ego sum qui peccávi, ego qui iníque egi : isti qui oves sunt, quid fecérunt? Avertátur, óbsecro, furor tuus, Dómine, a pópulo tuo. — Ut.

Lectio ii

ET ait Absalom : Si non vis veníre, véniat, óbsecro, nobíscum saltem Amnon, frater meus. Dixítque ad eum rex : Non est necesse ut vadat tecum. Coégit itaque Absalom eum et dimísit cum eo Amnon et univérsos filios regis. Fecerátque Absalom convívium quasi convívium regis. Præcéperat autem Absalom púeris suis dicens : Observáte : cum temuléntus fúerit Amnon vino, et díxero vobis : Percútite eum et interfícite; nolíte timére, ego enim sum qui præcipio vobis : roborámini et estóte viri fortes. Fecerunt ergo púeri Absalom advérsus Amnon sicut præcéperat eis Absalom. Surgentésque omnes filii regis ascendérunt singuli mulas suas et fugérunt.

✠. Exaudísti, Dómine, oratióem servi tui, ut ædificárem templum nómini tuo : * Bénedic et

sanctífica domum istam in sempitérnum, Deus Israél. ✠. Dómine, qui custódis pactum cum servis tuis, qui ámbulant coram te in toto corde suo. — Bénedic.

In Octavis et Festis ritus simplicis : Glória Patri. Bénedic.

Lectio iii

CUmque adhuc pérgerent in itínere, fama pervénit ad David dicens : Percússit Absalom omnes filios regis, et non remánsit ex eis saltem unus. Surréxit itaque rex et scidit vestiménta sua et cecidit super terram, et omnes servi illíus, qui assistébant ei, scidérunt vestiménta sua. Respóndens autem Jónadab, filius Sémmaa, fratris David, dixit : Ne æstimet dóminus meus rex quod omnes púeri filii regis occísi sint; Amnon solus mórtuus est, quóniam in ore Absalom erat pósitus ex die qua opprésit Thamar sorórem ejus. Nunc ergo ne ponat dóminus meus rex super cor suum verbum istud dicens : Omnes filii regis occísi sunt, quóniam Amnon solus mórtuus est. Fugit autem Absalom.

✠. Audi, Dómine, hymnum et oratióem, quam servus tuus orat coram te hódie : ut sint óculi tui apérti, et aures tuæ intén-

tæ, * Super domum istam die ac nocte. *℟.* Réspice, Dómine, de sanctuário tuo, et de excélso cælórum habitáculo. — Super. *G*lória Patri. Super.

FERIA TERTIA

De libro secúndo Regum

Lectio i *Cap. 14, 4-7*

CUM ingrèssa fuisset mûlier Thecuítis ad regem, cécidit coram eo super terram et adorávit et dixit : Serva me, rex. Et ait ad eam rex : Quid causæ habes? Quæ respóndit : Heu, mûlier vídua ego sum; mórtuus est enim vir meus. Et ancíllæ tuæ erant duo filii, qui rixáti sunt advérsus se in agro, nullúsque erat qui eos prohibére posset, et percússit alter álterum et interfécit eum. Et ecce consúrgens univérsa cognátio advérsus ancíllam tuam dicit : Trade eum qui percússit fratrem suum, ut occidámus eum pro ánima fratris sui quem interfécit, et deleámus herédem. Et quærunť exstínguere scintíllam meam quæ relícta est, ut non supérsit viro meo nomen et reliquię super terram.

℟. Dómine, si convérsus fúerit pópulus tuus, et oráverit ad sanctuárium

tuum : * Tu exáudies de cælo, Dómine, et libera eos de mánibus inimicórum suórum. *℟.* Si peccáverit in te pópulus tuus, et convérsus égerit pœniténtiam, veniénsque oráverit in isto loco. — Tu exáudies.

Lectio ii *Cap. 14, 10-14*

ET ait rex : Qui contrá dixerit tibi, adduc eum ad me, et ultra non addet ut tangat te. Quæ ait : Recordétur rex Dómini, Dei sui, ut non multiplicéntur próximi sánguinis ad ulciscéndum, et nequáquam interficiant filium meum. Qui ait : Vivit Dóminus, quia non cadet de capíllis filii tui super terram. Dixit ergo mûlier : Loquátur ancílla tua ad dóminum meum regem verbum. Et ait : Lóquere. Dixítque mûlier : Quare cogitásti hujuscémodi rem contra pópulum Dei et locútus est rex verbum istud, ut peccet et non redúcat ejéctum suum? Omnes mórimur et quasi aquæ dilábimur in terram, quæ non revertúntur, nec vult Deus períre ánimam, sed retráctat cógitans ne pénitus péreat qui abjéctus est.

℟. Factum est, dum tólleret Dóminus Eliám per túrbinem in cælum, * Eliséus clamábat, dicens :

Pater mi, pater mi, cur-
rus Israël, et auriga ejus.
✠. Cumque pérgerent, et
incedéntes sermocinarén-
tur, ecce currus igneus
et equi ignei divisérunt
utrúmque, et ascéndit
Elías per túrbinem in cæ-
lum. — Eliséus.

In Octavis et Festis ritus
simplicis : Glória Patri. Eli-
séus.

Lectio iii Cap. 14, 19-21

ET ait rex : Numquid
manus Joab tecum est
in ómnibus istis? Respón-
dit múlter et ait : Per sa-
lútem ánimæ tuæ, dómine
mi rex, nec ad sinístram
nec ad dexteram est ex
ómnibus his quæ locútus
est dónus meus rex;
servus enim tuus Joab
ipse præcépit mihi et ipse
pósuit in os ancillæ tuæ
ómnia verba hæc. Ut vér-
terem figúram sermónis
hujus, servus tuus Joab
præcépit istud; tu autem,
dómine mi rex, sapiens es,
sicut habet sapiéntiam
Angelus Dei, ut intéllegas
ómnia super terram. Et
ait rex ad Joab : Ecce pla-
cátus feci verbum tuum;
vade ergo et révoca púe-
rum Absalom.

✠. Ego te tuli de domo
patris tui, dicit Dónus,
et pósui te páscere gregem
pópuli mei : * Et fui tecum
in ómnibus, ubicúmque

ambulásti, firmans re-
gnum tuum in ætérnum.
✠. Fecique tibi nomen
grande, juxta nomen ma-
gnórum, qui sunt in terra :
et réquiem dedi tibi ab
ómnibus inimícis tuis. —
Et. Glória Patri. Et.

FERIA QUARTA

De libro secúndo Regum

Lectio i Cap. 15, 1-10

IGitur post hæc fecit sibi
Absalom currus et équi-
tes et quinquaginta viros,
qui præcéderent eum. Et
mane consúrgens Absa-
lom stabat juxta intrói-
tum portæ et omnem vi-
rum, qui habébat negó-
tium ut veníret ad regis
judícium, vocábat Absa-
lom ad se et dicébat : De
qua civitáte es tu? Qui
respóndens ajébat : Ex
una tribu Israël ego sum
servus tuus. Responde-
bátque ei Absalom : Vi-
déntur mihi sermónes tui
boni et justí; sed non est
qui te áudiat constitútus
a rege.

✠. Peccávi super núme-
rum arénæ maris, et multi-
plicáta sunt peccáta mea;
et non sum dignus vidére
altitúdinem cæli præ mul-
titúdine iniquitátis meæ :
quóniam irritávi iram tu-
am, * Et malum coram te
feci. ✠. Quóniam iniquitá-

tem meam ego cognosco : et delictum meum contra me est semper, quia tibi soli peccavi. — Et malum coram te feci.

Lectio ii

DIcebátque Absalom : Quis me constituat iudicem super terram, ut ad me véniant omnes qui habent negotium et juste iudicem? Sed et, cum accederet ad eum homo ut salutáret illum, extendébat manum suam et apprehéndens osculabátur eum. Faciebátque hoc omni Israël veniénti ad iudicium ut audirétur a rege, et sollicitábat corda virórum Israël.

✠. Exaudísti, Dómine, orationem servi tui, ut ædificárem templum nómini tuo : * Bénedic et sanctifica domum istam in sempiternum, Deus Israël.

✠. Dómine, qui custódis pactum cum servis tuis, qui ámbulant coram te in toto corde suo. — Bénedic.

In Octavis et Festis ritus simplicis : Glória Patri. Bénedic.

Lectio iii

Post quadraginta autem annos, dixit Absalom ad regem David : Vadam et reddam vota mea, quæ vovi Dómino, in Hebron. Vovens enim vovit servus tuus, cum esset in Gessur

Sýriæ, dicens : Si redúxerit me Dóminus in Jerúsalem, sacrificábo Dómino. Dixítque ei rex David : Vade in pace. Et surréxit et ábiit in Hebron. Misit autem Absalom exploratóres in univérsas tribus Israël dicens : Statim ut audiéritis clangórem búccinæ, dícite : Regnávit Absalom in Hebron.

✠. Audi, Dómine, hymnum et orationem, quam servus tuus orat coram te hódie : ut sint óculi tui apérti, et aures tuæ inténtæ, * Super domum istam die ac nocte. ✠. Réspice, Dómine, de sanctuário tuo, et de excélso cælórum habitáculo. — Super. Glória Patri. Super.

FERIA QUINTA

De libro secúndo Regum

Lectio i Cap. 15, 13-20

Venit igitur nuntius ad David dicens : Toto corde univérsus Israël séquitur Absalom. Et ait David servis suis qui erant cum eo in Jerúsalem : Súrgite, fugiámus; neque enim erit nobis effúgium a fácie Absalom. Festináte égređi, ne forte veniens occupet nos et impéllat super nos ruínam et percútiat civitátem in ore gládii. Dixerúntque servi

regis ad eum : Omnia, quæcúmque præcéperit dñus noster rex, libenter exsequémur servi tui.

℟. Præparáte corda vestra Dñino, et servíte illi soli : * Et liberábit vos de mánibus inimicórum vestrórum. ℣. Convertímini ad eum in toto corde vestro, et auférte deos alienos de médio vestri. — Et.

Lectio ii

✠ Gréssus est ergo rex et univérſa domus ejus pédibus suis; et derelíquit rex decem mulieres concubínas ad custodiéndam domum. Egressúsque rex et omnis Israël pédibus suis stetit procul a domo. Et univérſi servi ejus ambulábant juxta eum; et legiões Ceréthi et Pheléthi et omnes Gethæi pugnatóres válidi sexcénti viri, qui secúti eum fuerant de Geth, pédites præcedébant regem.

℟. Deus ómnium exaudítor est : ipse misit Angelum suum, et tulit me de óvibus patris mei; * Et unxit me unctiõe misericórdiæ suæ. ℣. Dñus qui erípuít me de ore leónis, et de manu bestíæ liberávit me. — Et unxit me.

In Octavis et Festis ritus simplicis : Glória Patri. Et.

Lectio iii

✠ Ixit autem rex ad Ethái Gethæum : Cur venis nobíscum? Revértere et hábita cum rege, quia peregrínus es et egréssus es de loco tuo. Heri venísti et hódie compelléris nobíscum égređi? Ego autem vadam quo itúrus sum; revértere et reduc tecum fratres tuos, et Dñus fáciat tecum misericórdiam et veritátem, quia ostendísti grátiam et fidem.

℟. Dñus, qui erípuít me de ore leónis, et de manu bestíæ liberávit me, * Ipse me erípiet de mánibus inimicórum meórum. ℣. Misit Deus misericórdiam suam et veritátem suam : ánimam meam erípuít de médio catulórum leónum. — Ipse. Glória Patri. Ipse.

FERIA SEXTA

De libro secúndo Regum

Lectio i Cap. 16, 5-12

✠ Venit ergo rex David usque Bahúrim, et ecce egrediebátur inde vir de cognatiõe domus Saul nómine Sémei, fílius Gera; procedebátque egrédiens et maledicébat, mittebátque lápidés contra David et contra univérſos servos regis David. Omnis autem pópulus et univérſi bellatóres a dextro et a sinístro

lâtere regis incedébant. Ita autem loquebâtur Sêmei, cum maledíceret regi : Egrédere, egrédere, vir sánguinem et vir Béliál : réddidit tibi Dóminus univérsum sánguinem domus Saul, quóniam invasísti regnum pro eo.

℟. Percússit Saul mille, et David decem millia :

* Quia manus Dómini erat cum illo, percússit Philistháum, et ábstulit opprobrium ex Israël. ℣. Nonne iste est David, de quo canébant in choro, dicéntes : Saul percússit mille, et David decem millia? — Quia.

Lectio ii

Dixit autem Abísai, filius Sárviæ, regi : Quare maledícit canis hic mórtuus dómīno meo regi? vadam et amputábo caput ejus. Et ait rex : Quid mihi et vobis est, filii Sárviæ? Dimittite eum ut maledícat; Dóminus enim præcépit ei ut maledíceret David, et quis est qui áudeat dicere quare sic fécerit?

℟. Montes Gélboe, nec ros nec plúvia véniant super vos, * Ubi cecidérunt fortes Israël. ℣. Omnes montes, qui estis in circúitu ejus, vísitet Dóminus; a Gélboe autem tránseat. — Ubi.

In Octavis et Festis ritus simplicis : Glória Patri. Ubi.

Lectio iii

ET ait rex Abísai et universis servis suis : Ecce filius meus, qui egréssus est de útero meo, quærit ánimam meam; quanto magis nunc filius Jémini? Dimittite eum ut maledícat juxta præcéptum Dómini; si forte respíciat Dóminus afflictiónem meam et reddat mihi Dóminus bonum pro maledictióne hac hodiérna.

℟. Ego te tuli de domo patris tui, dicit Dóminus, et pósui te páscere gregem pópuli mei : * Et fui tecum in ómnibus, ubicúmque ambulásti, firmans regnum tuum in ætérnum.

℣. Fecique tibi nomen grande, juxta nomen magnórum, qui sunt in terra : et réquiem dedi tibi ab ómnibus inimícis tuis. — Et. Glória Patri. Et.

SABBATO

De libro secúndo Regum

Lectio i *Cap. 18, 6-12*

EGréssus est pópulus in campum contra Israël, et factum est prælium in saltu Ephraïm. Et cæsus est ibi pópulus Israël ab exercitu David, fáctaque est plaga magna in die illa vigínti millium. Fuit autem ibi prælium dispérsus super fáciem omnis

terræ, et multo plures erant, quos saltus consumpserat de pópulo, quam hi quos voráverat gládus in die illa.

℟. Peccávi super númerum arénæ maris, et multiplicáta sunt peccáta mea; et non sum dignus vidére altitúdinem cæli præ multitudíne iniquitátis meæ : quóniam irritávi iram tuam, * Et malum coram te feci. ℣. Quóniam iniquitatem meam ego cognósco : et delíctum meum contra me est semper, quia tibi soli peccávi. — Et.

Lectio ii

Accidit autem ut occurreret Absalom servis David sedens mulo; cumque ingressus fuisset mulus subter condénsam quercum et magnam, adhæsit caput ejus quercui et, illo suspénso inter cælum et terram, mulus cui insederat pertransívit. Vidit autem hoc quispiam, et nuntiávit Joab dicens : Vidi Absalom pendére de quercu. Et ait Joab viro qui nuntiáverat ei : Si vidísti, quare non confodísti eum cum terra et ego dedíssem tibi decem argénti siclos et unum bálteum? Qui dixit ad Joab : Si appénderes in manibus meis mille argenteos, nequáquam mitterem manum meam in fi-

lium regis; audiéntibus enim nobis, præcépit rex tibi et Abísai et Ethái dicens : Custodíte mihi púerum Absalom.

℟. Exaudísti, Dómine, oratióem servi tui, ut ædificárem templum nómini tuo : * Bénedic et sanctífica domum istam in sempitérnum, Deus Israël.

℣. Dómine, qui custodis pactum cum servis tuis, qui ámbulant coram te in toto corde suo. — Bénedic.

In Octavis simplicibus et in Officio sanctæ Mariæ in Sabbato : Glória Patri. Bénedic.

Lectio iii Cap. 18, 14-17

ET ait Joab : Non sicut tu vis, sed aggrédiam eum coram te. Tulit ergo tres lánceas in manu sua et infixit eas in corde Absalom : cumque adhuc palpitáret hærens in quercu, cucurrérunt decem júvenes armígeri Joab et percutiéntes interfecérunt eum. Cécinit autem Joab búccina et retínuit pópulum, ne persequerétur fugiéntem Israël, volens párcere multitudíni. Et tulérunt Absalom et projecérunt eum in saltu in fóveam grandem et comportavérunt super eum acérvum lápidum magnum nimis.

℟. Audi, Dómine, hymnum et oratióem, quam

servus tuus orat coram te hódie : ut sint óculi tui apérti, et aures tuæ intén-tæ, * Super domum istam die ac nocte. *℟.* Réspice, Dómine, de sanctuário tuo, et de excélso cælórum habitáculo. — Super. Gló-ria Patri. Super.

AD VESPERAS

℟. Vespertína orátio ascéndat ad te, Dómine. *℟.* Et descéndat super nos misericórdia tua.

Ad Magnif. Ant. Unxé-runt Salomónem * Sadoc sacerdos et Nathan Pro-phéta regem in Gihon, et ascendéntes læti dixé-runt : Vivat rex in ætér-num.

Oratio

Deus, cujus providéntia in sui dispositióne non fállitur : te súpplīces exo-rámus; ut nóxia cuncta submóveas, et ómnia no-bis profutúra concédas. Per Dóminum.

Si tamen Dominica sequens a die 29 Julii ad 4 Augusti occurrat, sumuntur Antiphona et Lectiones Dominicæ et hebdomadæ I Augusti 485, omissis aliis de Libris Regum; quod item servatur in sequentibus hebdomadis.

DOMINICA VII POST PENTECOSTEN

Semiduplex

In I Nocturno

Incipit liber tértius
Regum

Lectio i Cap. 1, 1-8



DT rex David se-núerat habebátque ætátis plúrimos dies : cumque operirétur véstibus, non calefiébat. Dixérunt ergo ei servi sui : Quærámus dómīno nostro regi adolescéntulam vír-ginem, et stet coram rege et fóveat eum dormiátque in sinu suo et calefáciat dómīnum nostrum regem. Quæsiérunt igitur adole-scéntulam speciósam in ómnibus finibus Israél et invenérunt Abísag Suna-mítidem et adduxérunt eam ad regem. Erat autem puélla pulchra nimis dor-miebátque cum rege et ministrábat ei; rex vero non cognóvit eam.

℟. Præparáte corda ve-stra Dómīno, et servíte illi soli : * Et liberábit vos de mánibus inimicórum ve-strórum. *℟.* Convertímini ad eum in toto corde ve-stro, et auférte deos alié-nos de médio vestri. — Et.

Lectio ii

ADonías autem, filius Haggith, elevabátur dicens : Ego regnábo. Fe-

cítque sibi currus et équités et quinquagínta viros, qui cúrrerent ante eum. Nec corrípuit eum pater suus aliquándo dicens : Quare hoc fecísti? Erat autem et ipse pulcher valde, secúndus natu post Absalom. Et sermo ei cum Joab filio Sárviæ et cum Abiathar sacerdóte, qui adjuvábant partes Adoníæ. Sadoc vero sacérdos et Banájas filius Jójadæ et Nathan Prophéta et Sémei et Rei et robur exércitus David non erat cum Adonía.

✠. Deus ómnium exaudítor est : ipse misit Angelum suum, et tulit me de óvibus patris mei; * Et unxit me unctióne misericórdiæ suæ. ✠. Dóminus, qui erípuit me de ore leónis, et de manu béstiae liberávit me. — Et.

Lectio iii Cap. 1, 11-15

Dixit itaque Nathan ad Bethsabée, matrem Salomónis : Num audísti quod regnáverit Adonías, filius Haggith, et dóminus noster David hoc ignórat? Nunc ergo veni, áccipe consílium a me et salva ánimam tuam filiíque tui Salomónis. Vade et ingrédere ad regem David et dic ei : Nonne tu, dómine mi rex, jurásti mihi ancíllæ tuæ dicens : Sálomon

filius tuus regnábít post me et ipse sedébit in sólio meo? Quare ergo regnat Adonías? Et, adhuc ibi te loquente cum rege, ego véniam post te et complébo sermónes tuos. Ingréssa est itaque Bethsabée ad regem in cubículum.

✠. Dóminus, qui erípuit me de ore leónis, et de manu béstiae liberávit me,

* Ipse me erípiet de má nibus inimicórum meórum.

✠. Misit Deus misericórdiam suam et veritátem suam : ánimam meam erípuit de médio catulórum leónum. — Ipse. Glória Patri. Ipse.

In II Nocturno

Ex Epístola sancti Hierónymi Presbýteri ad Nepotiánum

Lectio iv Epist. 2 tom. 1



Avid annos natus septuagínta, bellicósus quondam vir, senectúte frigescénte, non póterat calefieri. Quæritur itaque puélla de univérsis fínibus Israël Abísag Sunamítis, quæ cum rege dormíret, et seníle corpus calefáceret. Quæ est ista Sunamítis, uxor et virgo, tam fervens, ut frigidum calefáceret; tam sancta, ut caléntem ad libídinem non provocáret? Expónat sapientíssimus Sálomon

patris sui delicias, et pacificus bellatoris viri narret amplexus : Pósside sapiéntiam, pósside intelligéntiam. Ne obliviscáris, et ne declináveris a verbis oris mei; neque derelínquas illam, et apprehéndet te; ama, illam et servábit te. Princípium sapiéntiæ, pósside sapiéntiam, et in omni possessione tua pósside intelligéntiam : circúmda illam, et exaltábit te; honóra illam, et amplexábitur te, ut det cápiti tuo corónam gratiárum. Coróna quoque deliciárum próteget te.

℟. Percússit Saul mille, et David decem millia :
* Quia manus Dómini erat cum illo, percússit Philisthæum, et ábstulit opprobrium ex Israël. ℣. Nonne iste est David, de quo canébant in choro, dicéntes : Saul percússit mille, et David decem millia? — Quia.

Lectio v

OMnes pene virtútes corpóris mutántur in sénibus, et crescén-te sola sapiéntia, decréscunt cétera : jejúnia, vigíliæ, chaméuniæ, id est, super paviméntum dormitiónes, huc illúcque discúrsus, peregrinórum suscéptio, defénsio páuperum, instántia oratiónum et per-

severántia, visitátio languéntium, labor mánuum unde præbeántur eleemósynæ. Et ne sermónem lóngius prótraham, cuncta quæ per corpus exercéntur, fracto corpore, minóra fiunt.

℟. Montes Gélboe, nec ros nec plúvia véniant super vos, * Ubi cecidérunt fortes Israël. ℣. Omnes montes, qui estis in circúitu ejus, vísitet Dóminus; a Gélboe autem tránseat. — Ubi.

Lectio vi

NEC hoc dico, quod in juvénibus et adhuc solidióri ætátis, his dumtáxat, qui labóre et ardentissimo stúdio, vitæ quoque sanctimónia et oratiónis ad Dóminum Jesum frequéntia sciéntiam consecúti sunt, frígeat sapiéntia, quæ in plerisque sénibus ætáte marcéscit : sed quod adolescéntia multa corpóris bella sustíneat, et inter incentíva vitiórum et carnis titillatiónes, quasi ignis in lignis virídibus suffocétur, ut suum non possit explicáre fulgórem. Senéctus vero rursus eórum, qui adolescéntiam suam honéstis ártibus instruxérunt, et in lege Dómini meditáti sunt die ac nocte, ætáte fit dóctior, usu trítior, procéssu tém-

poris sapiéntior, et véte-
rum studiórum dulcíssí-
mos fructus metit.

℟. Ego te tuli de domo
patris tui, dicit Dóminus,
et pósui te páscere gregem
pópuli mei : * Et fui tecum
in ómnibus, ubicúmque
ambulásti, firmans re-
gnum tuum in ætérnum.

℣. Fecique tibi nomen
grande, juxta nomen ma-
gnórum, qui sunt in terra :
et réquiem dedi tibi ab
ómnibus inimícis tuis. —
Et. Glória Patri. Et.

℟. vii Peccávi et ℟. viii Duo
Séraphim, ut infra in Homi-
liis.

FERIA SECUNDA

De libro tértio Regum

Lectio i Cap. 1, 28-35

ET respóndit rex David
dicens : Vocáte ad me
Bethsabée. Quæ cum fuís-
set ingrèssa coram rege et
stetisset ante eum, jurávit
rex et ait : Vivit Dóminus,
qui éruít ánimam meam de
omni angústia, quia, sicut
jurávi tibi per Dóminum
Deum Israël, dicens : Sá-
lomon filius tuus regnábít
post me et ipse sedébit su-
per sólum meum pro me,
sic fáciam hódie. Summis-
sóque Bethsabée in terram
vultu adorávit regem di-
cens : Vivat dóminus meus
David in ætérnum.

℟. Recordáre, Dómine,
testaménti tui, et dic An-
gelo percutiénti : Cesset
jam manus tua, * Ut non
desolétur terra, et ne per-
das omnem ánimam vi-
vam. ℣. Ego sum qui pec-
cávi, ego qui iníque egi :
isti qui oves sunt, quid fe-
cérunt? Avertátur, óbse-
cro, furor tuus, Dómine, a
pópulo tuo. — Ut.

Lectio ii

Dixit quoque rex Da-
vid : Vocáte mihi Sa-
doc sacerdotem et Nathan
Prophétam et Banájam fi-
lium Jójadæ. Qui cum in-
gressi fuissent coram re-
ge, dixit ad eos : Tollíte
vobíscum servos Dómini
vestri et impónite Salomó-
nem filium meum super
mulam meam et dúcite
eum in Gihon, et ungat
eum ibi Sadoc sacérdos et
Nathan Prophéta in regem
super Israël. Et canétis
búccina atque dicétis :
Vivat rex Sálomon. Et
ascendétis post eum et
véniet et sedébit super
sólum meum et ipse re-
gnábít pro me.

℟. Exaudísti, Dómine,
oratióem servi tui, ut
ædificárem templum nó-
mini tuo : * Bénedic et
sanctífica domum istam in
sempitérnum, Deus Israël.
℣. Dómine, qui custódis
pactum cum servis tuis,

qui ámbulant coram te in toto corde suo. — Bénedic et sanctífica domum istam in sempiternum, Deus Israël.

In Octavis et Festis ritus simplicis : Glória Patri. Bénedic.

Lectio iii *Cap. 1, 38-40*

DEscéndit ergo Sadoc sacerdos et Nathan Prophéta et Banájas filius Jójadæ et Ceréthi et Pheléthi et imposuérunt Salomónem super mulam regis David et adduxérunt eum in Gihon. Sumpsítque Sadoc sacerdos cornu ólei de tabernáculo et unxit Salomónem, et cecinérunt búccina, et dixit omnis pópulus : Vivat rex Sálomon. Et ascéndit univérsa multitúdo post eum et pópulus canéntium tibiis et lætántium gáudio magno, et insónuit terra a clamóre eórum.

℟. Audi, Dómine, hymnum et oratióem, quam servus tuus orat coram te hódie : ut sint óculi tui apérti, et aures tuæ inténtæ, * Super domum istam die ac nocte. ℣. Réspice, Dómine, de sanctuário tuo, et de excélso cælórum habitáculo. — Super. Glória Patri. Super.

FERIA TERTIA

De libro tértio Regum

Lectio i *Cap. 2, 1-9*

APpropinquavérunt autem dies David ut morerétur, præcepítque Salomóni filio suo, dicens : Ego ingrédior viam univérse terræ : confortáre et esto vir, et obsérva custódias Dómini Dei tui, ut ámbules in viis ejus, ut custódias cæremónias ejus et præcépta ejus et judícia et testimónia, sicut scriptum est in lege Móysi; ut intélligas univérsa quæ facis et quocúmque te vérteris; ut confírmet Dóminus sermones suos, quos locútus est de me dicens : Si custodierint filii tui vias suas, et ambuláverint coram me in veritáte in omni corde suo et in omni ánima sua, non auferétur tibi vir de sólio Israël.

℟. Dómine, si convérsus fúerit pópulus tuus, et oráverit ad sanctuárium tuum : * Tu exáudies de cælo, Dómine, et libera eos de mánibus inimicórum suórum. ℣. Si peccáverit in te pópulus tuus, et convérsus égerit pæniténtiam, veniénsque oráverit in isto loco. — Tu.

Lectio ii

TU quoque nosti quæ fécerit mihi Joab filius Sárviæ, quæ fécerit duó-

bus princípibus exércitus Israël, Abner filio Ner et Amasæ filio Jether, quos occidit et effúdit sánguinem belli in pace et pósuit cruórem prælii in bálteo suo, qui erat circa lumbos ejus, et in calceaménto suo, quod erat in pédibus ejus. Fácies ergo juxta sapiéntiam tuam, et non dedúces canítiem ejus pacífice ad ínferos.

℟. Factum est, dum tóleret Dóminus Elíam per túrbínem in cælum, * Eliséus clamábat, dicens : Pater mi, pater mi, currus Israël, et auríga ejus.

℣. Cumque pérgerent, et incedéntes sermocinaréntur, ecce currus ígneus et equi ígnei divisérunt utrúmque, et ascéndit Elías per túrbínem in cælum. — Eliséus.

In Octavis et Festis ritus simplicis : Glória Patri. Eliséus.

Lectio iii

SED et filiis Berzellái Galaadítis reddes grátiam, erúntque comedéntes in mensa tua; occurrérunt enim mihi quando fugiébam a fácie Absalom fratris tui. Habes quoque apud te Sémei fílium Gera filii Jémini de Bahúrim, qui maledíxit mihi maledictióne péssima, quando ibam ad castra; sed quia descéndit mihi in occúr-

sum, cum transírem Jordánem, et jurávi ei per Dóminum dicens : Non te interficiam gládio. Tu noli pati eum esse innóxium.

℟. Ego te tuli de domo patris tui, dicit Dóminus, et pósui te páscere grezem pópuli mei : * Et fui tecum in ómnibus, ubicúmque ambulásti, firmans regnum tuum in ætérnum.

℣. Fecístique tibi nomen grande, juxta nomen magnórum, qui sunt in terra : et réquiem dedi tibi ab ómnibus inimícis tuis. — Et. Glória Patri. Et.

FERIA QUARTA

De libro tértio Regum

Lectio i Cap. 3, 5-13

Appáruit autem Dóminus Salomóni per sómnum nocte dicens : Póstula quod vis ut dem tibi. Et ait Sálomon : Tu fecísti cum servo tuo David patre meo misericórdiam magnam, sicut ambulávit in conspéctu tuo in veritáte et justítia et recto corde tecum : custodísti ei misericórdiam tuam grandem et dedísti ei fílium sedéntem super thronum ejus, sicut est hódie.

℟. Peccávi super númerum arénæ maris, et multiplicáta sunt peccáta mea; et non sum dignus vidére

altitúdinem cæli præ multitudine iniquitátis meæ : quóniam irritávi iram tuam, * Et malum coram te feci. *℟.* Quóniam iniquitatem meam ego cognósco : et delictum meum contra me est semper, quia tibi soli peccávi. — Et.

Lectio ii

ET nunc, Dómine Deus, tu regnare fecisti servum tuum pro David patre meo. Ego autem sum puer párvulus et ignórans egréssum et intróitum meum; et servus tuus in médio est pópuli quem elegisti, pópuli infiniti, qui numerári et supputári non potest præ multitudine. Dabis ergo servo tuo cor dócile, ut pópulum tuum judicare possit et discernere inter bonum et malum. Quis enim póterit judicare pópulum istum, pópulum tuum hunc multum?

℟. Exaudisti, Dómine, orationem servi tui, ut ædificárem templum nómini tuo : * Bénedic et sanctifica domum istam in sempiternum, Deus Israël.

℟. Dómine, qui custódis pactum cum servis tuis, qui ámbulant coram te in toto corde suo. — Bénedic.

In Octavis et Festis ritus simplicis : Glória Patri. Bénedic.

Lectio iii

PLácuit ergo sermo coram Dómino, quod Sálomon postuláset hujuscémodi rem. Et dixit Dóminus Salomóni : Quia postulásti verbum hoc, et non petísti tibi dies multos nec divítias aut ánimas inimicórum tuórum, sed postulásti tibi sapiéntiam ad discernéndum judícium : ecce feci tibi secúndum sermónes tuos, et dedi tibi cor sapiens et intélligens, in tantum ut nullus ante te similis tui fúerit nec post te surrectúrus sit. Sed et hæc, quæ non postulásti, dedi tibi, divítias scilicet et glóriam, ut nemo fúerit similis tui in régibus cunctis retro diébus.

℟. Audi, Dómine, hymnum et orationem, quam servus tuus orat coram te hódie : ut sint óculi tui apérti, et aures tuæ inténtæ, * Super domum istam die ac nocte. *℟.* Réspice, Dómine, de sanctuário tuo, et de excélso cælórum habitáculo. — Super. Glória Patri. Super.

FERIA QUINTA

De libro tértio Regum

Lectio i *Cap. 4, 21-34*

SAlomon autem erat in dicióné sua habens ómnia regna a flúmine terræ

Philísthiim usque ad términum Ægýpti offeréntium sibi múnera et serviéntium ei cunctis diébus vitæ ejus. Erat autem cibus Salomónis per dies singulos triginta cori símilæ, et sexaginta cori farínæ, decem boves pingues et viginti boves pascuáles et centum arietes, excépta venatióne cervórum, capreárum atque bubalórum et ávium altílium. Ipse enim obtinébat omnem regiónem, quæ erat trans flumen, a Thaphsa usque ad Gazam et cunctos reges illárum regiónum, et habébat pacem ex omni parte in circúitu.

℟. Præparáte corda vestra Dómino, et servíte illi soli : * Et liberábit vos de mánibus inimicórum vestrórum. ℣. Convertímini ad eum in toto corde vestro, et auférte deos alienos de médio vestri. — Et.

Lectio ii

Habitabátque Juda et Israël absque timóre ullo unusquisque sub vite sua et sub ficu sua a Dan usque Bersabée cunctis diébus Salomónis. Et habébat Sálomon quadraginta míllia præsepia equórum currílium et duódecim míllia equéstrium. Nutriebántque eos supradícti regis præfécti; sed et

necessária mensæ regis Salomónis cum ingénti cura præbébant in témpore suo. Hórdeum quoque et páleas equórum et jumentórum deferébant in locum, ubi erat rex, juxta constitútum sibi. Dedit quoque Deus sapiéntiam Salomóni et prudéntiam multam nimis in latitúdinem cordis, quasi arénam quæ est in líttore maris.

℟. Deus ómnium exaudítor est : ipse misit Angelum suum, et tulit me de óvibus patris mei; * Et unxit me unctióne misericórdiæ suæ. ℣. Dóminus, qui erípuit me de ore leónis, et de manu béstiae liberávit me. — Et.

In Octavis et Festis ritus simplicis : Glória Patri. Et.

Lectio iii

ET præcedébat sapiéntia Salomónis sapiéntiam ómnium Orientálium et Ægyptiórum; et erat sapiéntior cunctis homínibus, sapiéntior Ethan Ezrahíta et Heman et Chalcol et Dorda fíliis Mahol, et erat nominátus in univérsis géntibus per circúitum. Locútus est quoque Sálomon tria míllia parábas, et fuérunt cármina ejus quinque et mille. Et disputávit super lignis a cedro, quæ est in Líbano, usque ad hyssó-

pum quæ egréditur de pariete; et dissérui de iumentis et volúcribus et reptílibus et piscibus. Et veniébant de cunctis pópulis ad audiéndam sapiéntiam Salomónis, et ab univérsis régibus terræ, qui audiébant sapiéntiam ejus.

℟. Dóminus, qui erípuit me de ore leónis, et de manu béstiæ liberávit me, * Ipse me erípiet de máni-bus inimicórum meórum. ℣. Misit Deus misericórdiam suam et veritátem suam : ánimam meam erípuit de médio catulórum leónum. — Ipse. Glória Patri. Ipse.

FERIA SEXTA

De libro tértio Regum

Lectio i *Cap. 5, 1-9*

Misit quoque Hiram, rex Tyri, servos suos ad Salomónem; audívit enim quod ipsum unxissent regem pro patre ejus; quia amícus fúerat Hiram David omni témpore. Misit autem Sálomon ad Hiram dicens : Tu scis voluntátem David patris mei, et quia non potúerit ædificáre domum nómini Dómini Dei sui propter bella imminéntia per circúitum, donec daret Dóminus eos sub vestígio

pedum ejus. Nunc autem réquiem dedit Dóminus Deus meus mihi per circúitum, et non est satan neque occúrsus malus.

℟. Percússit Saul mille, et David decem míllia : * Quia manus Dómini erat cum illo, percússit Philisthæum, et ábstulit opprobrium ex Israël. ℣. Nonne iste est David, de quo canébant in choro, dicéntes : Saul percússit mille, et David decem míllia? — Quia.

Lectio ii

Quam ob rem cógito ædificáre templum nómini Dómini Dei mei, sicut locúsus est Dóminus David patri meo, dicens : Fílius tuus, quem dabo pro te super sólum tuum, ipse ædificábit domum nómini meo. Præcipe igitur ut præcédant mihi servi tui cedros de Líbano, et servi mei sint cum servis tuis; mercédem autem servórum tuórum dabo tibi quamcúmque petieris; scis enim quómodo non est in pópulo meo vir qui nóverit ligna cædere sicut Sidónii.

℟. Montes Gélboe, nec ros nec plúvia véniant super vos, * Ubi cecidérunt fortes Israël. ℣. Omnes montes, qui estis in circúitu ejus, vísitet Dó-

minus; a Gélboe autem tránseat. — Ubi.

In Octavis et Festis ritus simplicis : Glória Patri. Ubi.

Lectio iii

CUM ergo audísset Hiram verba Salomónis, lætátus est valde et ait : Benedíctus Dóminus Deus hódie, qui dedit David fílium sapientíssimum super pópulum hunc plúrium. Et misit Hiram ad Salomónem dicens : Audívi quæcúmque mandásti mihi : ego fáciam omnem voluntátem tuam in lignis cédrinis et abiégnis. Servi mei depónent ea de Líbano ad mare, et ego compónam ea in rátibus in mari usque ad locum quem significáveris mihi; et applicábo ea ibi, et tu tolles ea præbebisque necessária mihi ut detur cibis dómui meæ.

℟. Ego te tuli de domo patris tui, dicit Dóminus, et pósui te páscere gregem pópuli mei : * Et fui tecum in ómnibus, ubicúmque ambulásti, firmans regnum tuum in ætérnum. ℣. Fecístique tibi nomen grande juxta nomen magnórum, qui sunt in terra : et réquiem dedi tibi ab ómnibus inimícis tuis. — Et. Glória Patri. Et.

SABBATO

De libro tértio Regum

Lectio i Cap. 7, 51; 8, 1-7

ET perfécit omne opus, quod faciébat Sálomon in domo Dómini, et intulit quæ sanctificáverat David pater suus, argéntum et aurum et vasa, reposuítque in thesáuris domus Dómini. Tunc congregáti sunt omnes majóres natu Israél cum princípibus tribuum et duces familiárum filiórum Israél ad regem Salomónem in Jerúsalem, ut deférrent arcam fœderis Dómini de civitáte David, id est de Sion. Convenítque ad regem Salomónem univérsum Israél in mense Ethánim in solémni die (ipse est mensis séptimus).

℟. Peccávi super númerum arénæ maris, et multiplicáta sunt peccáta mea; et non sum dignus vidére altitúdinem cæli præ multitúdine iniquitátis meæ : quóniam irritávi iram tuam, * Et malum coram te feci. ℣. Quóniam iniquitatem meam ego cognósco : et delíctum meum contra me est semper, quia tibi soli peccávi. — Et.

Lectio ii

Venerúntque cuncti senes de Israél, et tulérunt arcam sacerdótes et portavérunt arcam Dómi-

ni et tabernáculum fœderis et ómnia vasa sanctuárii, quæ erant in tabernáculo, et ferébant ea sacerdótes et levitæ. Rex autem Sálomon et omnis multitúdo Israë!, quæ convenerat ad eum, gradiebátur cum illo ante arcam, et immolábant oves et boves absque æstimatione et número. Et intulérunt sacerdótes arcam fœderis Dómini in locum suum, in oráculum templi, in Sanctum sanctórum subter alas Chérubim; síquidem Chérubim expandébant alas super locum arcæ et protegébant arcam et vinctes ejus désuper.

℟. Exaudisti, Dómine, orationem servi tui, ut ædificárem templum nómini tuo : * Bénedic et sanctifica domum istam in sempitérnum, Deus Israë!.

℣. Dómine, qui custódis pactum cum servis tuis, qui ámbulant coram te in toto corde suo. — Bénedic.

In Octavis simplicibus et in Officio sanctæ Mariæ in Sabbato : Glória Patri. Bénedic.

Lectio iii Cap. 8, 9-12

IN arca autem non erat áliud nisi duæ tábulæ lapídeæ, quas posúerat in ea Móyses in Horeb, quando pépigit Dóminus fœdus cum filiis Israë!, cum egredéréntur de terra Ægýpti.

Factum est autem, cum exíssent sacerdótes de sanctuário, nébula implévit domum Dómini, et non póterant sacerdótes stare et ministráre propter nébulam; impléverat enim glória Dómini domum Dómini. Tunc ait Sálomon : Dóminus dixit ut habitáret in nébula.

℟. Audi, Dómine, hymnum et orationem, quam servus tuus orat coram te hódie : ut sint óculi tui apérti, et aures tuæ inténtæ, * Super domum istam die ac nocte. ℣. Réspice, Dómine, de sanctuário tuo, et de excélso cælórum habitáculo. — Super. Glória Patri. Super.

AD VESPERAS

℣. Vespertína oratio ascéndat ad te, Dómine.

℟. Et descéndat super nos misericórdia tua.

Ad Magnif. Ant. Exaudisti, Dómine, * orationem servi tui, ut ædificárem templum nómini tuo.

Oratio

L Argíre nobis, quæsumus, Dómine, semper spíritum cogitándi quæ recta sunt, propítius et agéndi : ut, qui sine te esse non pòssumus, secúndum te vívere valeámus. Per Dóminum.

DOMINICA VIII
POST PENTECOSTEN

Semiduplex

In I Nocturno

De libro tértio Regum

Lectio i Cap. 9, 1-14



Actum est autem cum perfecisset Sálomon ædificium domus Dómini et ædificium regis et omne quod optáverat et volúerat fácere, appáruit ei Dóminus secúndo, sicut apparúerat ei in Gábaon. Dixítque Dóminus ad eum : Exaudivi oratióem tuam et deprecatióem tuam, quam deprecátus es coram me; sanctificávi domum hanc, quam ædificásti, ut pónem nomen meum ibi in sempitérnum; et erunt óculi mei et cor meum ibi cunctis diébus. Tu quoque, si ambuláveris coram me, sicut ambulávit pater tuus in simplicitáte cordis et in æquitáte, et féceris ómnia quæ præcépi tibi et legítima mea et iudicia mea serváveris, ponam thronum regni tui super Israël in sempitérnum, sicut locútus sum David patri tuo dicens : Non auferétur vir de génere tuo de sólio Israël.

℟. Præparáte corda vestra Dómino, et servíte illi

solí : * Et liberábit vos de mánibus inimicórum vestrórum. ℣. Convertímini ad eum in toto corde vestro, et auférte deos aliénos de médio vestri. — Et.

Lectio ii

SI autem aversióne avérsi fuéritis vos et filii vestri non sequéntes me nec custodiéntes mandáta mea et cæremónias meas, quas propósui vobis, sed abiéritis et coluéritis deos aliénos et adoravéritis eos; áuferam Israël de superfície terræ quam dedi eis, et templum quod sanctificávi nómini meo projíciam a conspéctu meo, erítque Israël in provérbium et in fábulam cunctis pópulis, et domus hæc erit in exémplum : omnis qui transierit per eam stupébit et sibilábit et dicet : Quare fecit Dóminus sic terræ huic et dómui huic? Et respondébunt : Quia dereliquérunt Dóminum, Deum suum, qui edúxit patres eórum de terra Ægýpti, et secúti sunt deos aliénos et adoravérunt eos; idcírco indúxit Dóminus super eos omne malum hoc.

℟. Deus ómnium exaudítor est : ipse misit Angelum suum, et tulit me de óvibus patris mei; * Et unxit me unctióne miseri-

córdiæ suæ. ✠. Dóminus, qui erípuít me de ore leónis, et de manu béstiae liberávit me. — Et unxit me unctióne misericórdiæ suæ.

Lectio iii

EXplétis autem annis viginti postquam ædificáverat Sálomon duas domos, id est domum Dómini et domum regis (Hiram rege Tyri præbente Salomóni ligna cédrina et abiégna et aurum juxta omne quod opus habuérat), tunc dedit Sálomon Hiram viginti óppida in terra Galilææ. Et egréssus est Hiram de Tyro ut vidéret óppida, quæ déderat ei Sálomon, et non placuérunt ei, et ait : Hæcine sunt civitatés, quas dedísti mihi, frater? Et appellávit eas terram Chabul usque in diem hanc. Misit quoque Hiram ad regem Salomónem centum viginti talénta auri.

✠. Dóminus, qui erípuít me de ore leónis, et de manu béstiae liberávit me, * Ipse me erípiet de máni-bus inimicórum meórum. ✠. Misit Deus misericórdiam suam et veritátem suam : ánimam meam erípuít de médio catulórum leónum. — Ipse. Glória Patri. Ipse me erípiet de máni-bus.

In II Nocturno

Ex libro sancti Augustíni
Episcopi de Civitaté Dei
Liber 17, cap. 8, sub medio

Lectio iv



Acta est quidem nonnúlla imágo rei futúrae étiam in Salomóne, in eo quod templum ædificávit, et pacem hábuit secúndum nomen suum (Sálomon quippe pacíficus est Latíne), et in exórdio regni sui mirabíliter laudábilis fuit. Sed eádem sua persóna per umbram futúri prænuntiábat étiam ipse Christum Dóminum nostrum, non exhibébat. Unde quædam de illo ita scripta sunt, quasi de ipso ista prædicta sint, dum Scriptúra sancta étiam rebus gestis prophétans, quodámmodo in eo figúram delíneat futurórum.

✠. Percússit Saul mille, et David decem míllia : * Quia manus Dómini erat cum illo, percússit Philisthæum, et ábstulit opprobrium ex Israël. ✠. Nonne iste est David, de quo canébant in choro, dicéntes : Saul percússit mille, et David decem míllia? — Quia.

Lectio v

NAM præter libros divínæ históriæ, ubi regnásse narrátur, Psalmus

étiam septuagésimus primus título nóminis ejus inscriptus est. In quo tam multa dicúntur, quæ omnino ei convenire non possunt, Dómino autem Christo aptíssima perspicuitate convéniunt : ut evidénter appáreat, quod in illo figúra qualiscúmque adumbráta sit, in isto autem ipsa véritas præsentáta.

℟. Montes Gélboe, nec ros nec plúvia véniant super vos, * Ubi cecidérunt fortes Israël. ℣. Omnes montes, qui estis in circúitu ejus, vísitet Dóminus; a Gélboe autem tránseat. — Ubi.

Lectio vi

NOtum est enim, quibus términis regnum conclusum fúerit Salomónis, et tamen in eo Psalmo légitur, ut ália táceam : Dominábitur a mari usque ad mare, et a flúmine usque ad términos orbis terræ : quod in Christo vidémus impléri. A flúmine quippe dominándi sumpsit exórdium, ubi baptizátus a Joánnē, eódem monstránte, cœpit agnósci a discipulis, qui eum non solum magístrum, verum étiam Dóminum appellavérunt.

℟. Ego te tuli de domo patris tui, dicit Dóminus, et pósui te páscere gregem

pópuli mei : * Et fui tecum in ómnibus, ubicúmque ambulásti, firmans regnum tuum in ætérnum. ℣. Fecique tibi nomen grande, juxta nomen magnórum, qui sunt in terra : et réquiem dedi tibi ab ómnibus inimícis tuis. — Et. Glória Patri. Et.

℟. vii Peccávi et ℟. viii Duo Séraphim, ut infra in Homiliis.

FERIA SECUNDA

De libro tértio Regum

Lectio i Cap. 10, 1-11

SED et regína Saba, audíta fama Salomónis in nómine Dómini, venit tentáre eum in ænigmátibus. Et ingressa Jerúsalem multo cum comitátu et divítiis, camélis portántibus arómata et aurum infinitum nimis et gemmas pretiósas, venit ad regem Salomónem et locúta est ei univérsa quæ habébat in corde suo. Et dócuit eam Sálomon ómnia verba quæ proposúerat; non fuit sermo qui regem posset latére, et non respondéret ei.

℟. Recordáre, Dómine, testaménti tui, et dic Angelo percutiénti : Cesset jam manus tua, * Ut non desolétur terra, et ne perdas omnem ánimam vivam. ℣. Ego sum qui pec-

cávi, ego qui iníque egi : isti qui oves sunt, quid fecérunt? Avertátur, óbsecro, furor tuus, Dómine, a pópulo tuo. — Ut non desolétur terra, et ne perdas omnem ánimam vivam.

Lectio ii

Videns autem regína Saba omnem sapiéntiam Salomónis et domum, quam ædificáverat, et cibos mensæ ejus et habitácula servórum et órdenes ministrántium vestésque eórum et pincérnas et holocáusta, quæ offerébat in domo Dómini, non habébat ultra spíritum; dixítque ad regem : Verus est sermo, quem audívi in terra mea super sermónibus tuis et super sapiéntia tua, et non credébam narrántibus mihi, donec ipsa veni, et vidi óculis meis, et probávi quod média pars mihi nuntiáta non fúerit. Major est sapiéntia et ópera tua quam rumor quem audívi.

℟. Exaudísti, Dómine, oratióem servi tui, ut ædificárem templum nómini tuo : * Bénedic et sanctífica domum istam in sempitérnum, Deus Israël. ℣. Dómine, qui custódis pactum cum servis tuis, qui ámbulant coram te in toto corde suo. — Bénedic.

In Octavis et Festis ritus simplicis : Glória Patri. Bénedic.

Lectio iii

BEáti viri tui et beáti servi tui, qui stant coram te semper et áudiunt sapiéntiam tuam. Sit Dóminus Deus tuus benedíctus, cui complacuísti, et pósuit te super thronum Israël, eo quod diléxerit Dóminus Israël in sempitérnum, et constituit te regem ut fáceres judícium et justítiam. Dedit ergo regi centum vigínti talénta auri et arómata multa nimis et gemmas pretiósas. Non sunt alláta ultra arómata tam multa quam ea quæ dedit regína Saba regi Salomóni. Sed et classis Hiram, quæ portábat aurum de Ophir, áttulit ex Ophir ligna thyína multa nimis et gemmas pretiósas.

℟. Audi, Dómine, hymnum et oratióem, quam servus tuus orat coram te hódie : ut sint óculi tui apérti, et aures tuæ inténtæ, * Super domum istam die ac nocte. ℣. Réspice, Dómine, de sanctuário tuo, et de excélso cælórum habitáculo. — Super. Glória Patri. Super.

FERIA TERTIA

De libro tertio Regum

Lectio i Cap. 11, 1-12

REX autem Sálomon adamávit mulieres alienígenas multas, filiam quoque Pharaónis et Moabítidas, et Ammonítidas Idumæas et Sidónias et Hethæas, de géntibus super quibus dixit Dóminus filiis Israël : Non ingrediémini ad eas, neque de illis ingrediéntur ad vestras; certissime enim avértent corda vestra ut sequámini deos eárum. His itaque copulátus est Sálomon ardentíssimo amóre : fuerúntque ei uxóres quasi regínæ septingéntæ et concubínæ trecéntæ; et avertérunt mulieres cor ejus. Cumque jam esset senex, depravátum est cor ejus per mulieres ut sequerétur deos aliénos; nec erat cor ejus perféctum cum Dómino Deo suo sicut cor David patris ejus.

✠. Dómine, si convérsus fúerit pópulus tuus, et oráverit ad sanctuárium tuum : * Tu exáudies de cælo, Dómine, et libera eos de mánibus inimicórum suórum. ✠. Si peccáverit in te pópulus tuus, et convérsus égerit pæniténtiam, veniénsque oráverit in isto loco. — Tu.

Lectio ii

SED colébat Sálomon Astárthen deam Sidoniórum et Moloch idólum Ammonitárum. Fecitque Sálomon quod non placúerat coram Dómino, et non adimplévit ut sequerétur Dóminum sicut David pater ejus. Tunc ædificávit Sálomon fanum Chamos idólo Moab in monte, qui est contra Jerúsalem, et Moloch idólo filiórum Ammon. Atque in hunc modum fecit univérsis uxóribus suis alienígenis, quæ adolébant thura et immolábant diis suis.

✠. Factum est, dum tóleret Dóminus Eliám per túrbinem in cælum, * Eliséus clamábat, dicens : Pater mi, pater mi, currus Israël, et auríga ejus.

✠. Cumque pérgerent, et incedéntes sermocinaréntur, ecce currus igneus et equi ignei divisérunt utrúmque, et ascéndit Elías per túrbinem in cælum. — Eliséus.

In Octavis et Festis ritus simplicis : Glória Patri. Eliséus.

Lectio iii

IGitur irátus est Dóminus Salomóni, quod avérsa esset mens ejus a Dómino Deo Israël, qui apparúerat ei secúndo et præcéperat de verbo hoc

ne sequeretur deos alienos, et non custodivit quæ mandavit ei Dominus. Dixit itaque Dominus Salomoni : Quia habuisti hoc apud te et non custodisti pactum meum et præcepta mea, quæ mandavi tibi, dirumpens scindam regnum tuum et dabo illud servo tuo. Verumtamen in diebus tuis non faciam, propter David patrem tuum.

℟. Ego te tuli de domo patris tui, dicit Dominus, et posui te pascere gregem populi mei : * Et fui tecum in omnibus, ubicumque ambulasti, firmans regnum tuum in æternum. ✠. Fecique tibi nomen grande, juxta nomen magnorum, qui sunt in terra : et requiem dedi tibi ab omnibus inimicis tuis. — Et. *Gloria Patri.* Et.

FERIA QUARTA

De libro tertio Regum

Lectio i Cap. 11, 26-34

Jeroboam quoque filius Nabat Ephrathæus de Saréda servus Salomónis, cujus mater erat nomine Sarva mulier vidua, levavit manum contra regem. Et hæc est causa rebelliónis adversus eum, quia Salomon ædificavit Mello et coæquavit voraginem

civitatis David patris sui. Erat autem Jeroboam vir fortis et potens; vidensque Salomon adolescentem bonæ indolis et industrii, constituerat eum præfectum super tributa universæ domus Joseph.

℟. Peccavi super numerum arénæ maris, et multiplicata sunt peccata mea; et non sum dignus videre altitudinem cæli præ multitudinem iniquitatis meæ : quoniam irritavi iram tuam, * Et malum coram te feci. ✠. Quoniam iniquitatem meam ego cognosco : et delictum meum contra me est semper, quia tibi soli peccavi. — Et.

Lectio ii

Factum est igitur in tempore illo, ut Jeroboam egrederetur de Jérusalem, et inveniret eum Ahías Silonites propheta in via opertus pallio novo; erant autem duo tantum in agro. Apprehendensque Ahías pallium suum novum, quo coopertus erat, scidit in duodecim partes, et ait ad Jeroboam : Tolle tibi decem scissuras; hæc enim dicit Dominus Deus Israël : Ecce ego scindam regnum de manu Salomónis et dabo tibi decem tribus.

℟. Exaudisti, Domine, orationem servi tui, ut

ædificárem templum nómini tuo : * Bénedic et sanctífica domum istam in sempiternum, Deus Israël.

℣. Dómine, qui custódis pactum cum servis tuis, qui ámbulant coram te in toto corde suo. — Bénedic.

In Octavis et Festis ritus simplicis : Glória Patri. Bénedic.

Lectio iii Cap. 11, 40-43

Voluit ergo Sálomon interficere Jeróboam, qui surréxit et aufúgit in Ægýptum ad Sesac regem Ægýpti et fuit in Ægýpto usque ad mortem Salomónis. Réliquum autem verbórum Salomónis et ómnia quæ fecit, et sapiéntia ejus, ecce univérsa scripta sunt in libro verbórum diérum Salomónis. Dies autem, quos regnávit Sálomon in Jerúsalem super omnem Israël, quadragínta anni sunt. Dormivítque Sálomon cum pátribus suis et sepúltus est in civitáte David patris sui regnavítque Róboam filius ejus pro eo.

℟. Audi, Dómine, hymnum et oratióem, quam servus tuus orat coram te hódie : ut sint óculi tui apérti, et aures tuæ inténtæ, * Super domum istam die ac nocte. ℣. Réspice, Dómine, de sanctuário tuo, et de excélso cælórum

habítaculo. — Super. Glória Patri. Super.

FERIA QUINTA

De libro tértio Regum

Lectio i Cap. 12, 1-8

Venit autem Róboam in Sichem; illuc enim congregátus erat omnis Israël ad constituéndum eum regem. At vero Jeróboam fílius Nabat, cum adhuc esset in Ægýpto prófugus a fácie regis Salomónis, audíta morte ejus, revérsus est de Ægýpto. Miserúntque et vocavérunt eum. Venit ergo Jeróboam et omnis multitúdo Israël, et locúti sunt ad Róboam dicéntes : Pater tuus duríssimum jugum impósuit nobis; tu itaque nunc immínue páululum de império patris tui duríssimo et de jugo gravíssimo, quod impósuit nobis, et serviémus tibi. Qui ait eis : Ite usque ad tértium diem, et revertimini ad me.

℟. Præparáte corda vestra Dómino, et servíte illi soli : * Et liberábit vos de mánibus inimicórum vestrórum. ℣. Convertimini ad eum in toto corde vestro, et auférte deos alienos de médio vestri. — Et liberábit.

Lectio ii

CUmque abiisset pópulus, iniit consílium rex Róboam cum senióribus, qui assistébant coram Salomóne patre ejus, cum adhuc víveret, et ait : Quod datis mihi consílium ut respóndeam pópulo huic? Qui dixerunt ei : Si hódie obedíseris pópulo huic et serviéris et petitióni eórum césseris locutúsque fúeris ad eos verba lenia, erunt tibi servi cunctis diébus. Qui derelíquit consílium senum, quod déderant ei, et adhíbuit adolescéntes, qui nutriti fúerant cum eo et assistébant illi.

℟. Deus ómnium exaudítor est : ipse misit Angelum suum, et tulit me de óvibus patris mei; * Et unxit me unctiône misericórdiæ suæ. ℣. Dóminus, qui erípuit me de ore leónis, et de manu béstiae liberávit me. — Et.

In Octavis et Festis ritus simplicis : Glória Patri. Et.

Lectio iii Cap. 12, 13-16

Respóndítque rex pópulo dura, derelícto consílio seniórum quod ei déderant, et locútus est eis secúndum consílium júvenum dicens : Pater meus aggravávit jugum vestrum, ego autem addam jugo vestro; pater meus

cecídít vos flagéllis, ego autem cædam vos scoriópionibus. Et non acquiévit rex pópulo, quóniam aversátus fúerat eum Dóminus, ut suscítaret verbum suum, quod locútus fúerat in manu Ahíæ Silonítæ ad Jeróboam fílium Nabat. Vídens itaque pópulus, quod nolúisset eos audíre rex, respóndit ei dicens : Quæ nobis pars in David? vel quæ heréditas in filio Isai?

℟. Dóminus, qui erípuit me de ore leónis, et de manu béstiae liberávit me, * Ipse me erípiet de má nibus inimicórum meórum.

℣. Misit Deus misericórdiam suam et veritátem suam : ánimam meam erípuit de médio catulórum leónum. — Ipse. Glória Patri. Ipse.

FERIA SEXTA

De libro tértio Regum

Lectio i Cap. 14, 5-12

Dixit autem Dóminus ad Ahíam : Ecce uxor Jeróboam ingréditur ut cónsulat te super filio suo, qui ægrótat : hæc et hæc loquéris ei. Cum ergo illa intráret et dissimuláret se esse quæ erat, audívit Ahías sónitum pedum ejus introeúntis per óstium et ait : Ingrédere, uxor Jeróboam; quare áliam te esse

símulas? Ego autem mis-
sus sum ad te durus
núntius.

℟. Percússit Saul mille,
et David decem millia :

* Quia manus Dómini erat
cum illo, percússit Philis-
thæum, et ábstulit oppró-
brium ex Israël. ℣. Nonne
iste est David, de quo ca-
nébant in choro, dicéntes :
Saul percússit mille, et
David decem millia? —
Quia.

Lectio ii

VAde et dic Jeróboam :
Hæc dicit Dóminus,
Deus Israël : Quia exaltávi
te de médio pópuli et dedi
te ducem super pópulum
meum Israël et scidi re-
gnum domus David et de-
di illud tibi, et non fuisti
sicut servus meus David,
qui custodívit mandáta
mea et secútus est me in
toto corde suo, fáciens
quod plácitum esset in
conspéctu meo; sed operá-
tus es mala super omnes,
qui fuérunt ante te, et
fecísti tibi deos aliénos
et conflátiles, ut me ad ira-
cúndiam provocáres; me
autem projecísti post cor-
pus tuum.

℟. Montes Gélboe, nec
ros nec plúvia véniant su-
per vos, * Ubi cecidérunt
fortes Israël. ℣. Omnes
montes, qui estis in circúi-
tu ejus, vísitet Dóminus;

a Gélboe autem tránseat.
— Ubi.

In Octavis et Festis ritus
simplicis : Glória Patri. Ubi.

Lectio iii

IDcirco ecce ego indúcam
mala super domum Je-
róboam et percútiam de
Jeróboam mingéntem ad
parietem et clausum et no-
víssimum in Israël; et
mundábo relíquias domus
Jeróboam, sicut mundári
solet fimus usque ad pu-
rum. Qui mórtui fúerint de
Jeróboam in civitáte, có-
medent eos canes; qui au-
tem mórtui fúerint in
agro, vorábunt eos aves
cæli : quia Dóminus locú-
tus est. Tu igitur surge et
vade in domum tuam, et
in ipso intróitu pedum
tuórum in urbem moriétur
puer.

℟. Ego te tuli de domo
patris tui, dicit Dóminus,
et pósui te páscere gregem
pópuli mei : * Et fui tecum
in ómnibus, ubicúmque
ambulásti, firmans re-
gnum tuum in ætérnum.

℣. Fecique tibi nomen
grande, juxta nomen ma-
gnórum, qui sunt in terra :
et réquiem dedi tibi ab
ómnibus inimícis tuis. —
Et. Glória Patri. Et.

SABBATO

De libro tértio Regum

Lectio i **Cap. 18, 21-27**

Accédens autem Elías ad omnem pópulum ait : Usquequo claudicátis in duas partes? Si Dóminus est Deus, sequímini eum; si autem Baal, sequímini illum. Et non respóndit ei pópulus verbum. Et ait rursus Elías ad pópulum : Ego remánsi Prophéta Dómini solus, prophétæ autem Baal quadringénti et quinquagínta viri sunt.

℟. Peccávi super númerum arénæ maris, et multiplicáta sunt peccáta mea; et non sum dignus vidére altitúdinem cæli præ multitúdine iniquitátis meæ : quóniam irritávi iram tuam, * Et malum coram te feci. **℣.** Quóniam iniquitatem meam ego cognósko : et delíctum meum contra me est semper, quia tibi soli peccávi. — Et.

Lectio ii

Dentur nobis duo boves; et illi éligant sibi bovem unum, et in frustra cædéntes ponant super ligna, ignem autem non supponant; et ego fáciam bovem álterum et impónam super ligna, ignem autem non supponam. Invocáte nómína deórum vestrórum et ego invocábo

nomen Dómini mei; et Deus, qui exaudíerit per ignem, ipse sit Deus. Respóndens omnis pópulus ait : Optima propositio.

℟. Exaudísti, Dómine, oratióem servi tui, ut ædificárem templum nómini tuo : * Bénedic et sanctífica domum istam in sempitérnum, Deus Israël. **℣.** Dómine, qui custódis pactum cum servis tuis, qui ámbulant coram te in toto corde suo. — Bénedic.

In Octavis simplicibus et in Officio S. Mariæ in Sabbato :
Glória Patri. Bénedic.

Lectio iii

Dixit ergo Elías prophétis Baal : Elígite vobis bovem unum et fácite primi, quia vos plures estis, et invocáte nómína deórum vestrórum, ignémque non supponátis. Qui, cum tulissent bovem quem dederat eis, fecérunt, et invocábant nomen Baal de mane usque ad merídiem dicéntes : Baal, exáudi nos. Et non erat vox, nec qui respondéret. Transiliebántque altáre quod fécerant. Cumque esset jam merídiēs, illudébat illis Elías dicens : Clamáte voce majóre.

℟. Audi, Dómine, hymnum et oratióem, quam servus tuus orat coram te hódie : ut sint óculi tui

apérti, et aures tuæ inténtæ, * Super domum istam die ac nocte. *℟.* Réspice, Dómine, de sanctuário tuo, et de excélso cælórum habitáculo. — Super. Gló-
ria Patri. Super.

AD VESPERAS

℟. Vespertína orátio ascéndat ad te, Dómine. *℟.* Et descéndat super nos misericórdia tua.

Ad Magnif. Ant. Dum tólleret Dóminus * Elíam per túrbinem in cælum, Eliséus clamábat : Pater mi, currus Israël, et auríga ejus.

Oratio

PAteant aures miseri-
córdiæ tuæ, Dómine,
précibus supplicántium :
et, ut peténtibus deside-
ráta concédas; fac eos,
quæ tibi sunt plácita, po-
stuláre. Per Dóminum.

DOMINICA IX
POST PENTECOSTEN
Semiduplex

In I Noeturno
Incipit liber quartus
Regum

Lectio i Cap. 1, 1-10

Rævaricátus est au-
tem Moab in Israël,
postquam mórtuus
est Achab. Cecidítque
Ochozías per cancellos cœ-

náculi sui, quod habébat
in Samaría, et ægrotávit;
misítque núntios dicens
ad eos : Ite, consúlite
Beélzebub deum Accaron,
utrum vívere queam de
infirmítate mea hac. An-
gelus autem Dómini locú-
tus est ad Elíam Thesbítén
dicens : Surge et ascénde
in occúrsum nuntiórú-
m regis Samariæ et dices ad
eos : Numquid non est
Deus in Israël, ut eátis ad
consuléndum Beélzebub
deum Accaron? Quam ob
rem hæc dicit Dóminus :
De léctulo, super quem
ascendísti, non descédes,
sed morte moriérís.

℟. Præparáte corda ve-
stra Dómino, et servíte illi
soli : * Et liberábit vos de
mánibus inimicórum ve-
strórum. *℟.* Convertímini
ad eum in toto corde ve-
stro, et auférte deos alié-
nos de médio vestri. — Et.

Lectio ii

ET ábiit Elías. Rever-
sítque sunt núntii ad
Ochozám. Qui dixit eis :
Quare revérsi estis? At
illi respondérunt ei : Vir
occúrrit nobis et dixit ad
nos : Ite et revertímini ad
regem, qui misit vos, et
dicétis ei : Hæc dicit Dó-
minus : Numquid quia non
erat Deus in Israël, mittis
ut consulátur Beélzebub
deus Accaron? Idcírco de

léctulo, super quem ascendisti, non descendes, sed morte morieris.

℟. Deus ómnium exauditor est : ipse misit Angelum suum, et tulit me de óvibus patris mei; * Et unxit me unctióne misericórdiæ suæ. ℣. Dóminus, qui eripuit me de ore leónis, et de manu béstiae liberávit me. — Et.

Lectio iii

QUI dixit eis : Cujus figuræ et hábitus est vir ille, qui occúrrit vobis et locútus est verba hæc? At illi dixerunt : Vir pilósus et zona pellicea accinctus rénibus. Qui ait : Elías Thesbítes est. Misitque ad eum quinquagenarium principem et quinquaginta qui erant sub eo. Qui ascendit ad eum sedentique in vértice montis ait : Homo Dei, rex præcépit ut descendas. Respondensque Elías dixit quinquagenario : Si homo Dei sum, descendat ignis de cælo, et devoret te et quinquaginta tuos. Descendit itaque ignis de cælo, et devorávit eum et quinquaginta qui erant cum eo.

℟. Dóminus, qui eripuit me de ore leónis, et de manu béstiae liberávit me, * Ipse me eripiet de manibus inimicórum meórum.

℣. Misit Deus misericórdiam suam et veritatem suam : ánimam meam eripuit de médio catulórum leónum. — Ipse. Glória Patri. Ipse.

In II Noeturno

Sermo sancti Augustíni
Epíscopi

Sermo 201 de Tempore

Lectio iv

IN lectionibus, quæ nobis diébus istis recitántur, fratres caríssimi, frequenter admonui, ut non sequámur litteram occidéntem, et vivificántem spíritum relinquámus. Sic enim Apóstolus ait : Littera enim occidit, spíritus vivificat. Si enim hoc tantum vólumus intelligere, quod sonat in littera, aut parvam, aut prope nullam ædificatió-nem de divínis lectionibus capiémus. Illa enim ómnia, quæ recitántur, typus erant et imágo futurórum. In Judæis enim figuráta, in nobis, grátia Dei donánte, compléta sunt.

℟. Percússit Saul mille, et David decem millia : * Quia manus Dómini erat cum illo, percússit Philisthæum, et abstulit opprobrium ex Israël. ℣. Nonne iste est David, de quo canébant in choro, dicéntes : Saul percússit mille, et

David decem millia? —
Quia.

Lectio v

BEátus enim Elías typum hábuit Dómini Salvatóris. Sicut enim Elías a Judæis persecutió-
nem passus est : ita et verus Elías, Dóminus noster, ab ipsis Judæis reprobátus est et contéptus. Elías reliquit gentem suam : et Christus deséruit synagógam. Elías ábiit in désertum : et Christus venit in mundum. Elías in déserto corvis ministrántibus pascebátur : et Christus in déserto mundi hujus géntium fide reficitur.

℟. Montes Gélboe, nec ros nec plúvia véniant super vos, * Ubi cecidérunt fortes Israél. ℣. Omnes montes, qui estis in circúitu ejus, vísitet Dóminus; a Gélboe autem tránseat. — Ubi.

Lectio vi

COrvi enim illi, qui beáto Elíæ, jubénte Dómino, ministrábant, géntium pópulum figurábant. Propterea et de géntium Ecclésia díctur : Nigra sum et formósa, fília Jerúsalem. Unde est Ecclésia nigra et formósa? Nigra per natúram, formósa per grátiam. Unde nigra? Ecce in iniquitatibus concéptus sum, et in delíctis péperit me

mater mea. Unde formósa? Aspérget me hyssópo, et mundábor : lavábis me, et super nivem dealbábor.

℟. Ego te tuli de domo patris tui, dicit Dóminus, et pósui te páscere gregem pópuli mei : * Et fui tecum in ómnibus, ubicúmque ambulásti, firmans regnum tuum in ætérnum.

℣. Fecique tibi nomen grande, juxta nomen magnórum, qui sunt in terra : et réquiem dedi tibi ab ómnibus inimícis tuis. — Et. Glória Patri. Et.

℟. vii Peccávi et ℟. viii Duo Séraphim, ut infra in Homíliis.

FERIA SECUNDA

De libro quarto Regum

Lectio i Cap. 2, 5-13

ACcessérunt filii prophetárum qui erant in Jéricho ad Eliséum et dixerunt ei : Numquid nosti quia Dóminus hódie tollet dómimum tuum a te? Et ait : Et ego novi : siléte. Dixit autem ei Elías : Sede hic, quia Dóminus misit me usque ad Jordánem. Qui ait : Vivit Dóminus, et vivit ánima tua, quia non derelínquam te. Iérunt igitur ambo páriter. Et quinquaginta viri de fíliis prophetárum secúti sunt eos, qui et steté-

runt e contra longe; illi autem ambo stabant super Jordánem.

℟. Recordáre, Dómine, testaménti tui, et dic Angelo percutiénti : Cesset jam manus tua, * Ut non desolétur terra, et ne perdas omnem ánimam vivam. ℣. Ego sum qui peccávi, ego qui iníque egi : isti qui oves sunt, quid fecérunt? Avertátur, óbsecro, furor tuus, Dómine, a populo tuo. — Ut.

Lectio ii

TULITQUE Elías pállium suum et invólvit illud et percússit aquas, quæ divisæ sunt in utrámque partem, et transiérunt ambo per siccum. Cumque transissent, Elías dixit ad Eliséum : Póstula quod vis ut fáciam tibi, ántequam tollar a te. Dixítque Eliséus : Obsecro ut fiat in me duplex spíritus tuus. Qui respóndit : Rem difficilem postulásti : áttamen si víderis me, quando tollar a te, erit tibi quod petísti; si autem non víderis, non erit.

℟. Exaudísti, Dómine, orationem servi tui, ut ædificárem templum nómini tuo : * Bénedic et sanctifica domum istam in sempitérnum, Deus Israël.

℣. Dómine, qui custódis pactum cum servis tuis,

qui ámbulant coram te in toto corde suo. — Bénedic.

In Octavis et Festis ritus simplicis : Glória Patri. Bénedic.

Lectio iii

CUMQUE pérgerent, et incedéntes sermocinarentur, ecce currus ígneus et equi ígnei divisérunt utrúmque; et ascéndit Elías per túrbinem in cælum. Eliséus autem vidébat et clamábat : Pater mi, pater mi, currus Israël et auríga ejus. Et non vidit eum ámplius. Apprehendítque vestiménta sua et scidit illa in duas partes. Et levávit pállium Eliæ, quod ceciderat ei. Reversúsque stetit super ripam Jordánis.

℟. Audi, Dómine, hymnum et orationem, quam servus tuus orat coram te hódie : ut sint óculi tui apérti, et aures tuæ inténtæ, * Super domum istam die ac nocte. ℣. Réspice, Dómine, de sanctuário tuo, et de excélso cælórum habitáculo. — Super. Glória Patri. Super.

FERIA TERTIA

De libro quarto Regum

Lectio i *Cap. 3, 6-18*

EGRÉSSUS est igitur rex Joram in die illa de Samaría et recénsuit uni-

vérsum Israël. Misítque ad Jósaphat regem Juda dicens : Rex Moab recéssit a me; veni mecum contra eum ad prælium. Qui respóndit : Ascéndam : qui meus est, tuus est; pópulus meus pópulus tuus, et equi mei equi tui. Dixítque : Per quam viam ascendémus? At ille respóndit : Per désertum Idumææ. Perrexérunt igitur rex Israël et rex Juda et rex Edom et circuiérunt per viam septem diérum; nec erat aqua exercítui et juméntis, quæ sequebántur eos.

✠. Dómine, si convérsus fúerit pópulus tuus, et oráverit ad sanctuárium tuum : * Tu exáudies de cælo, Dómine, et líbera eos de mánibus inimicórum suórum. ✠. Si peccáverit in te pópulus tuus, et convérsus égerit pæniténtiam, veniénsque oráverit in isto loco. — Tu.

Lectio ii

Dixítque rex Israël : Heu, heu, heu : congregávit nos Dóminus tres reges, ut tráderet in manus Moab. Et ait Jósaphat : Estne hic Prophéta Dómini, ut deprecémur Dóminum per eum? Et respóndit unus de servis regis Israël : Est hic Eliséus fílius Saphat, qui fundé-

bat aquam super manus Eliæ. Et ait Jósaphat : Est apud eum sermo Dómini. Descendítque ad eum rex Israël, et Jósaphat rex Juda, et rex Edom. Dixit autem Eliséus ad regem Israël : Quid mihi et tibi est? Vade ad prophétas patris tui et matris tuæ.

✠. Factum est, dum tólleret Dóminus Eliám per túrbinem in cælum, * Eliséus clamábat, dicens : Pater mi, pater mi, currus Israël, et auríga ejus.

✠. Cumque pérgerent, et incedéntes sermocinaréntur, ecce currus ígneus et equi ígnei divisérunt utrúmque, et ascendit Eliás per túrbinem in cælum. — Eliséus.

In Octavis et Festis ritus simplicis : Glória Patri. Eliséus.

Lectio iii

ET ait illi rex Israël : Quare congregávit Dóminus tres reges hos, ut tráderet eos in manus Moab? Dixítque ad eum Eliséus : Vivit Dóminus exercítuum, in cujus conspéctu sto, quod, si non vultum Jósaphat regis Judæ erubéscerem, non attendíssem quidem te, nec respexíssem. Nunc autem addúcite mihi psaltem. Cumque cáneret psaltes, facta est super eum manus Dómini, et ait : Hæc dicit

Dóminus : Fácite álveum torréntis hujus fossas et fossas; hæc enim dicit Dóminus : Non vidébitis ventum neque plúviam, et álveus iste replébitur aquis, et bibétis vos et famíliæ vestræ et juménta vestra. Parúmque est hoc in conspéctu Dómini; insuper tradet étiam Moab in manus vestras.

℟. Ego te tuli de domo patris tui, dicit Dóminus, et pósui te páscere gregem pópli mei : * Et fui tecum in ómnibus, ubicúmque ambulásti, firmans regnum tuum in ætérnum.

℣. Fecíque tibi nomen grande, juxta nomen magnórum, qui sunt in terra : et réquiem dedi tibi ab ómnibus inimícis tuis. — Et. Glória Patri. Et.

FERIA QUARTA

De libro quarto Regum

Lectio i Cap. 4, 1-17

Mulier autem quædam de uxóribus prophetárum clamábat ad Eliséum dicens : Servus tuus vir meus mórtuus est, et tu nosti quia servus tuus fuit timens Dóminum; et ecce créditor venit ut tollat duos filios meos ad serviéndum sibi. Cui dixit Eliséus : Quis vis ut fáciam tibi? Dic mihi, quid

habes in domo tua? At illa respóndit : Non hábeo ancílla tua quidquam in domo mea nisi parum ólei, quo ungar. Cui ait : Vade, pete mútuo ab ómnibus vicínis tuis vasa vácuá non pauca; et ingrédere et claude óstium tuum, cum intrínsecus fúeris tu et filii tui, et mitte inde in ómnia vasa hæc; et, cum plena fúerint, tolles.

℟. Peccávi super númerum arénæ maris, et multiplicáta sunt peccáta mea; et non sum dignus vidére altitúdinem cæli præ multitúdine iniquitátis meæ : quóniam irritávi iram tuam, * Et malum coram te feci. ℣. Quóniam iniquitátem meam ego cognósco : et delíctum meum contra me est semper, quia tibi soli peccávi. — Et.

Lectio ii

IVit itaque múlter et clausit óstium super se et super filios suos; illi offerébant vasa, et illa infundébat. Cumque plena fuissent vasa, dixit ad filium suum : Affer mihi adhuc vas. Et ille respóndit : Non hábeo. Stetitque óleum. Venit autem illa et indicávit hómini Dei. Et ille, Vade, inquit, vende óleum et redde creditóri tuo; tu autem et filii tui vívite de réliquo.

Facta est autem quædam dies, et transibat Eliséus per Sunam. Erat autem ibi mulier magna, quæ tenuit eum ut comederet panem; cumque frequenter inde transiret, divertébat ad eam ut comederet panem. Quæ dixit ad virum suum : Animadvérto quod vir Dei sanctus est iste, qui transit per nos frequenter : faciámus ergo ei cœnâculum parvum et ponámus ei in eo léctulum, et mensam et sellam et candelâbrum, ut, cum vénerit ad nos, máneat ibi.

℟. Exaudísti, Dómine, orationem servi tui, ut ædificárem templum nómini tuo : * Bénedic et sanctífica domum istam in sempitérnum, Deus Israël.

℣. Dómine, qui custódis pactum cum servis tuis, qui ámbulant coram te in toto corde suo. — Bénedic.

In Octavis et Festis ritus simplicis : Glória Patri. Bénedic.

Lectio iii

FActa est ergo dies quædam, et véniens divertit in cœnâculum et requiévit ibi. Dixítque ad Giézi púerum suum : Voca Sunamítidem istam. Qui, cum vocáset eam et illa stetisset coram eo, dixit ad púerum suum : Lóquere ad eam : Ecce sédula in ómnibus ministrásti no-

bis, quid vis ut fáciam tibi? Numquid habes negótium et vis ut loquar regi sive príncipi militiæ? Quæ respóndit : In médio pópuli mei hábito. Et ait : Quid ergo vult ut fáciam ei? Dixítque Giézi : Ne quæras, fílium enim non habet, et vir ejus senex est. Præcépit itaque ut vocáret eam; quæ cum vocáta fuisset et stetisset ante óstium, dixit ad eam : In témpore isto et in hac eádem hora, si vita comes fúerit, habébis in útero fílium. At illa respóndit : Noli, quæso, dómine mi, vir Dei, noli mentíri ancillæ tuæ. Et concépit mulier et péperit fílium in témpore et in hora eádem, qua dixérat Eliséus.

℟. Audi, Dómine, hymnum et orationem, quam servus tuus orat coram te hódie : ut sint óculi tui apérti, et aures tuæ inténtæ, * Super domum istam die ac nocte. ℣. Réspice, Dómine, de sanctuário tuo, et de excélso cælórum habitáculo. — Super. Glória Patri. Super.

FERIA QUINTA

De libro quarto Regum

Lectio i Cap. 6, 24-33; 7, 1

Congregávit Bénadad rex Sýriæ univérsum exercitum suum et ascén-

dit et obsidēbat Samariā. Fáctaque est fames magna in Samariā, et tándiu obsēssa est, donec venundarētur caput ásini octogínta argénteis, et quarta pars cabi stércoris columbárum quinque argénteis. Cumque rex Israēl transiret per murum, múluer quædam exclamávit ad eum dicens : Salva me, dómine mi rex. Qui ait : Non te salvat Dóminus, unde possum salváre? de área vel de torculári?

℟. Præparáte corda vestra Dómino, et servíte illi soli : * Et liberábit vos de mánibus inimicórum vestrórum. ℣. Convertímini ad eum in toto corde vestro, et auférte deos aliénos de médio vestri. — Et.

Lectio ii

Dixítque ad eam rex : Quid tibi vis? Quæ respóndit : Múluer ista dixit mihi : Da filium tuum ut comedámus eum hódie, et filium meum comedémus cras. Cóximus ergo filium meum et comédimus; dixíque ei die áltera : Da filium tuum ut comedámus eum; quæ abscondit filium suum. Quod cum audísset rex, scidit vestiménta sua, et transíbat per murum; vidítque omnis pópulus cilícium, quo

vestítus erat ad carnem intrínsecus. Et ait rex : Hæc mihi fáciat Deus et hæc addat, si stéterit caput Eliséi filii Saphat super ipsum hódie. Eliséus autem sedēbat in domo sua, et senes sedēbant cum eo.

℟. Deus ómnium exaudítor est : ipse misit Angelum suum, et tulit me de óvibus patris mei; * Et unxit me unctióne misericórdiæ suæ. ℣. Dóminus, qui erípuit me de ore leónis, et de manu béstiae liberávit me. — Et.

In Octavis et Festis ritus simplicis : Glória Patri. Et.

Lectio iii

PRæmisit itaque virum; et ántequam veníret núnlius ille, dixit ad senes : Numquid scitis quod miserit filius homicidæ hic ut præcidátur caput meum? Vidéte ergo, cum vénerit núnlius, cláudite óstium et non sinátis eum introíre; ecce enim sónitus pedum dómini ejus post eum est. Adhuc illo loquente eis, apparuit núnlius qui veniēbat ad eum. Et ait : Ecce tantum malum a Dómino est; quid ámplius exspectábo a Dómino? Dixit autem Eliséus : Audíte verbum Dómini : hæc dicit Dóminus : In témpore hoc cras módus

símilæ uno statére erit, et duo módii hórdei statére uno in porta Samaríæ.

℟. Dóminus, qui erípuít me de ore leónis, et de manu béstiæ liberávit me,

* Ipse me erípiet de máni-bus inimicórum meórum.

℣. Misit Deus misericórdiam suam et veritátem suam : ánimam meam erípuít de médio catulórum leónum. — Ipse. Glória Patri. Ipse.

FERIA SEXTA

De libro quarto Regum

Lectio i Cap. 8, 1-10

ELiséus autem locútus est ad mulierem, cujus vívere fécerat filium, dicens : Surge, vade tu et domus tua et peregrináre ubicúmque repéreris; vocávit enim Dóminus famem, et véniet super terram septem annis. Quæ surréxit et fecit juxta verbum hóminis Dei; et vadens cum domo sua peregrináta est in terra Philístiim diébus multis. Cumque finíti essent anni septem, revérta est mulier de terra Philístiim et egréssa est ut interpelláret regem pro domo sua et pro agris suis.

℟. Percússit Saul mille, et David decem míllia :

* Quia manus Dómini erat cum illo, percússit Philístháum, et ábstulit opprobrium ex Israël. ℣. Nonne iste est David, de quo canébant in choro dicétes : Saul percússit mille, et David decem míllia? — Quia.

Lectio ii

REX autem loquebátur cum Giézi púero viri Dei dicens : Narra mihi ómnia magnália, quæ fecit Eliséus. Cumque ille narráret regi quómodo mórtuum suscitáset, appáruit mulier, cujus vivificáverat filium, clamans ad regem pro domo sua et pro agris suis. Dixítque Giézi : Dómine mi rex, hæc est mulier, et hic est filius ejus quem suscitávit Eliséus. Et interrogávit rex mulierem, quæ narrávit ei, dedítque ei rex eunúchum unum dicens : Restítue ei ómnia quæ sua sunt et univérso réditu agrórum a die qua reliquit terram usque ad præsens.

℟. Montes Gélboe, nec ros nec plúvia véniant super vos, * Ubi cecidérunt fortes Israël. ℣. Omnes montes, qui estis in circúitu ejus, vísitet Dóminus; a Gélboe autem tránseat. — Ubi.

In Octavis et Festis ritus simplicis : Glória Patri. Ubi.

Lectio iii

Venit quoque Eliséus Damáscum, et Bénadad rex Sýriæ ægrotábat. Nuntiaverúntque ei dicéntes : Venit vir Dei huc. Et ait rex ad Házaël : Tolle tecum múnera et vade in occúrsum viri Dei et cónsule Dóminum per eum dicens : Si evádere pótero de infirmitáte mea hac? Ivit igitur Házaël in occúrsum ejus. Cumque stetisset coram eo, ait : Fílius tuus Bénadad rex Sýriæ misit me ad te dicens : Si sanári pótero de infirmitáte mea hac? Dixítque ei Eliséus : Vade, dic ei : Sanáberis. Porro osténdit mihi Dóminus quia morte moriétur.

℟. Ego te tuli de domo patris tui, dicit Dóminus, et pósui te páscere gregem pópuli mei : * Et fui tecum in ómnibus, ubicúmque ambulásti, firmans regnum tuum in ætérnum.

℣. Fecístique tibi nomen grande, juxta nomen magnórum, qui sunt in terra : et réquiem dedi tibi ab ómnibus inimícis tuis. — Et. Glória Patri. Et fui tecum.

SABBATO

De libro quarto Regum

Lectio i Cap. 9, 1-13

Eliséus autem prophétes vocávit unum de filiis prophetárum et ait illi : Accínge lumbos tuos et tolle lenticulam ólei hanc in manu tua et vade in Ramoth Gálaad. Cumque véneris illuc, vidébis Jehu fílium Jósaphat fílii Nam-si; et ingrèssus suscitábis eum de médio fratrum suórum et introdúces in intérius cubículum. Tenénsque lenticulam ólei fundes super caput ejus et dices : Hæc dicit Dóminus : Unxi te regem super Israël. Aperiésque óstium et fúgies et non ibi subsístes. Abiit ergo adoléscens puer prophétæ in Ramoth Gálaad et ingrèssus est illuc : ecce autem príncipes exércitus sedébant, et ait : Verbum mihi ad te, o princeps. Dixítque Jehu : Ad quem ex ómnibus nobis? At ille dixit : Ad te, o princeps.

℟. Peccávi super númerum arénæ maris, et multiplicáta sunt peccáta mea; et non sum dignus vidére altitúdinem cæli præ multitúdine iniquitátis meæ : quóniam irritávi iram tuam, * Et malum coram te feci. ℣. Quóniam iniquitatem meam ego cognósco :

et delictum meum contra me est semper, quia tibi soli peccávi. — Et.

Lectio ii

ET surréxit et ingrèssus est cubículum; at ille fudit óleum super caput ejus et ait : Hæc dicit Dóminus Deus Israël : Unxi te regem super pópulum Dómini Israël, et percúties domum Achab dómini tui, et ulciscar sánguinem servórum meórum prophetárum et sánguinem ómnium servórum Dómini de manu Jézabel. Perdámque omnem domum Achab et interficiam de Achab mingéntem ad parietem et clausum et novíssimum in Israël. Et dabo domum Achab sicut domum Jeróboam filii Nabat, et sicut domum Báasa filii Ahía. Jézabel quoque cómedent canes in agro Jézrahel, nec erit qui sepéliat eam. Aperuítque óstium et fugit.

℟. Exaudísti, Dómine, oratióem servi tui, ut ædificárem templum nómini tuo : * Bénedic et sanctífica domum istam in sempitérnum, Deus Israël.

℣. Dómine, qui custódis pactum cum servis tuis, qui ámbulant coram te in toto corde suo. — Bénedic.

In Octavis simplicibus et in Officio S. Mariæ in Sabbato : Glória Patri. Bénedic.

Lectio iii

JEhu autem egrèssus est ad servos dómini sui, qui dixerunt ei : Recte ne sunt ómnia? quid venit insánus iste ad te? Qui ait eis : Nostis hóminem, et quid locutus sit. At illi responderunt : Falsum est, sed magis narra nobis. Qui ait eis : Hæc et hæc locútus est mihi, et ait : Hæc dicit Dóminus : Unxi te regem super Israël. Festinavérunt itaque et unusquisque tollens pállium suum posuérunt sub pèdibus ejus in similitúdinem tribunális et cecinérunt tuba atque dixerunt : Regnavit Jehu.

℟. Audi, Dómine, hymnum et oratióem, quam servus tuus orat coram te hódie : ut sint óculi tui apérti, et aures tuæ inténtæ, * Super domum istam die ac nocte. ℣. Réspice, Dómine, de sanctuário tuo, et de excélso cælórum habitáculo. — Super. Glória Patri. Super.

AD VESPERAS

℣. Vespertína oratio ascéndat ad te, Dómine.

℟. Et descéndat super nos misericórdia tua.

Ad Magnif. Ant. Fecit Joas * rectum coram Dómino cunctis diébus, quibus dócuit eum Jójada sacerdos.

Oratio

DEus, qui omnipotentiam tuam parcendo máxime et miserando manifestas : multiplica super nos misericordiam tuam; ut ad tua promissa currentes, cælestium bonorum facias esse consortes. Per Dóminum.

DOMINICA X

POST PENTECOSTEN

Semiduplex

In I Nocturno

De libro quarto Regum

Lectio i Cap. 9, 29-37



ENno undécimo Joram, filii Achab, regnavit Ochozías super Judam, venitque Jehu in Jézrahel. Porro Jézabel, intróitu ejus audíto, depínxit óculos suos stíbio et ornávit caput suum et respéxit per fenéstram ingrediéntem Jehu per portam et ait : Numquid pax potest esse Zambri, qui interfécit dóminum suum? Levavítque Jehu faciém suam ad fenéstram et ait : Quæ est ista? Et inclinavérunt se ad eum duo vel tres eunúchi. At ille dixit eis : Præcipitáte eam deórsum; et præcipitavérunt eam, aspersúsque est sanguine páries, et equórum

úngulæ conculcavérunt eam. Cumque introgrésus esset ut coméderet biberétque, ait : Ite et vidéte maledíctam illam et sepelíte eam, quia fília regis est.

✠. Præparáte corda vestra Dómino, et servíte illi soli : * Et liberábit vos de manibus inimicórum vestrórum. ✠. Convertímini ad eum in toto corde vestro, et auférte deos alienos de médio vestri. — Et.

Lectio ii

CUmque issent ut sepelírent eam, non invenerunt nisi calváriam et pedes et summas manus. Reversíque nuntiavérunt ei. Et ait Jehu : Sermo Dómini est, quem locútus est per servum suum Elíam Thesbíten dicens : In agro Jézrahel cómedent canes carnes Jézabel, et erunt carnes Jézabel sicut stercus super faciém terræ in agro Jézrahel, ita ut prætereúntes dicant : Hæccine est illa Jézabel? Erant autem Achab septuagínta fílii in Samária. Scripsit ergo Jehu litéras et misit in Samariám ad optimátes civitátis et ad majóres natu et ad nutrícios Achab dicens : Statim ut accepéritis litéras has, qui habétis fílios dómini vestri et currus et equos et civitá-

tes firmas et arma, eligite meliorem et eum qui vobis placuerit de filiis domini vestri et eum ponite super solium patris sui et pugnate pro domo domini vestri.

℟. Deus omnium exauditor est : ipse misit Angelum suum, et tulit me de ovibus patris mei; * Et unxit me unctione misericordiae suae. ✠. Dominus, qui eripuit me de ore leonis, et de manu bestiae liberavit me. — Et.

Lectio iii

Timuérunt illi vehementer et dixerunt : Ecce duo reges non potuerunt stare coram eo, et quomodo nos valébitus resistere? Misérunt ergo praepositi domus et praefecti civitatis et majores natu et nutritii ad Jehu dicentes : Servi tui sumus : quaecúmque jusseris faciemus, nec constituemus nobis regem : quaecúmque tibi placent fac. Rescripsit autem eis litteras secundo dicens : Si mei estis et obeditis mihi, tollite capita filiorum domini vestri et venite ad me hac eadem hora cras in Jézrahel. Porro filii regis, septuaginta viri, apud optimates civitatis nutriebantur. Cumque venissent litterae ad eos, tulerunt filios regis et

occiderunt septuaginta viros et posuerunt capita eorum in cophinis et miserunt ad eum in Jézrahel.

℟. Dominus, qui eripuit me de ore leonis, et de manu bestiae liberavit me,

* Ipse me eripiet de manibus inimicorum meorum.

✠. Misit Deus misericordiam suam et veritatem suam : animam meam eripuit de medio catulorum leonum. — Ipse. Glória Patri. Ipse.

In II Nocturno

Sermo sancti Joannis

Chrysostomi

Homilia 25 in Epist.
ad Romanos

Lectio iv



NON putemus nos excusationem habituros, si quando delictorum socios invenimus : nam istud, supplicium magis augébit. Quandóquidem et serpens magis punitus est quam mulier, quemádmódum et mulier plus quam vir. Et Jézabel majores poenas dedit, quam Achab vineae raptor; ipsa quippe universum istud negotium texuerat, regique lapsus occasionem dederat. Igitur et tu quoque, si reliquis perditionis causa fueris, gravióra patieris quam qui per te subvérsi sunt.

Neque enim peccare tantum in se perditionis habet, quantum quod reliqui ad peccandum inducuntur.

℟. Percussit Saul mille, et David decem millia :
 * Quia manus Domini erat cum illo, percussit Philisthæum, et abstulit opprobrium ex Israël. ℣. Nonne iste est David, de quo canebant in choro, dicentes : Saul percussit mille, et David decem millia — Quia.

Lectio v

ITaque, si quando peccantes viderimus, non solum non impellamus, sed et extrahamus ex ipso malitiæ bārathro, ne et aliënæ perditionis pœnas demus. Recordemur quoque perpétuo terribilis illius tribunális, fluminis ignei, vinculorum insolubiliū, profundarum tenebrarum, stridorum dentium, venenosque vermis. Sed dices : Benignus est Deus. Ergo hæc omnia verba sunt, et neque puniatur dives ille Lázari contemptor, neque fátuæ virgines a sponso rejiciuntur? Ergo qui Christum non pavérunt, in ignem diabolo præparatum non abibunt? Ergo qui sórdidis est véstibus, non peribit, manus ac pedes

vinctus? Qui centum denarios a consérvo suo exégit, non tradétur tortoribus? Quod de mœchis dictum est, nimirum quod vermis eórum non moriétur, et ignis eórum non exstinguétur, verum non erit?

℟. Montes Gélboe, nec ros nec plúvia véniant super vos, * Ubi ceciderunt fortes Israël. ℣. Omnes montes, qui estis in circúitu ejus, vísitet Dóminus; a Gélboe autem tránseat. — Ubi.

Lectio vi

SED mináatur ista tantúmmodo Deus? Uti que, inquires. Et unde, dic quæso, tantam rem audes públice loqui, atque ex te ipso ferre senténtiam? Ego quippe et ex iis quæ dixit Deus, et ex iis quæ fecit, contrárium probare pótero. Quod si propter futúra non credis, vel saltem propter ea quæ jam facta sunt, crede. Non enim certe minæ sunt et verba tantúmmodo, quæ facta sunt et in opus ipsum exiérunt. Quis igitur totum orbem indúcto dilúvio stagnávit, ac grave illud naufrágium, omnimodamque géneris nostri perditionem effécit? Quis deinde fúlmina illa, télaque flammántia super terram So-

domórum demísit? Quis univérsum Ægýpti exércitum in mare demérsit? Quis synagógam Abíron combússit? Quis septuagínta illa míllia propter Davídis peccátum uno témporis mométo peste occídít? Nonne hæc ómnia et ália Deus illis íntulit?

℟. Ego te tuli de domo patris tui, dicit Dóminus, et pósui te páscere gregem pópuli mei : * Et fui tecum in ómnibus, ubicúmque ambulásti, firmans regnum tuum in ætérnum.

℣. Fecíque tibi nomen grande, juxta nomen magnórum, qui sunt in terra: et réquiem dedi tibi ab ómnibus inimícis tuis. — Et. Glória Patri. Et.

℟. vii Peccávi et ℟. viii Duo Séraphim, ut infra in Homíliis.

FERIA SECUNDA

De libro quarto Regum

Lectio i Cap. 11, 1-7

Athalia vero, mater Ochoziæ, videns mórtuum filium suum surréxit et interfécit omne semen régium. Tollens autem Jósaba filia regis Joram, soror Ochoziæ, Joas filium Ochoziæ, furáta est eum de médio filiórum regis qui interficiebántur, et nutrícem ejus de triclí-

nio et abscondit eum a fácie Athaliæ, ut non interficerétur. Erátque cum ea sex annis clam in domo Dómini; porro Athalia regnávit super terram.

℟. Recordáre, Dómine, testaménti tui, et dic Angelo percutiénti : Cesset jam manus tua, * Ut non desolétur terra, et ne perdas omnem ánimam vivam. ℣. Ego sum qui peccávi, ego qui iníque egi : isti qui oves sunt, quid fecérunt? Avertátur, óbsecro, furor tuus, Dómine, a pópulo tuo. — Ut.

Lectio ii

Anno autem séptimo misit Jójada, et assúmens centuriónes et mílites introduxit ad se in templum Dómini pepigítque cum eis fœdus; et adjúrans eos in domo Dómini osténdit eis filium regis et præcépit illis dicens : Iste est sermo quem fácere debétis : tértia pars vestrum intróeat sábbato, et observet excúbias domus regis; tértia autem pars sit ad portam Sur, et tértia pars sit ad portam, quæ est post habitáculum scutariórum, et custodiétis excúbias domus Messa. Duæ vero partes e vobis omnes egrediéntes sábbato custódiant excúbias domus Dómini circa regem.

℟. Exaudísti, Dómine, orationem servi tui, ut ædificárem templum nómini tuo : * Bénedic et sanctifica domum istam in sempiternum, Deus Israël.

℣. Dómine, qui custódis pactum cum servis tuis, qui ámbulant coram te in toto corde suo. — Bénedic.

In Octavis et Festis ritus simplicis : Glória Patri. Bénedic.

Lectio iii Cap. 11, 9-12

ET assuméntes singuli viros suos, qui ingrediebántur sábbatum, cum his qui egrediebántur sábbato, venérunt ad Jójadam sacerdotem, qui dedit eis hastas et arma regis David, quæ erant in domo Dómini. Et steterunt singuli habéntes arma in manu sua a parte templi dextera usque ad partem sinistram altáris et ædis circum regem. Produxitque filium regis et pósuit super eum diadéma et testimónium, fecerúntque eum regem et unxérunt et plaudéntes manu dixerunt : Vivat rex.

℟. Audi, Dómine, hymnum et orationem, quam servus tuus orat coram te hódie : ut sint óculi tui apérti, et aures tuæ inténtæ, * Super domum istam die ac nocte. ℣. Réspice, Dómine, de sanctuário

tuo, et de excélso cælórum habitáculo. — Super. Glória Patri. Super.

FERIA TERTIA

De libro quarto Regum

Lectio i Cap. 12, 1-8

ANNO séptimo Jehu regnávít Joas et quadragínta annis regnávít in Jerúsalem. Nomen matris ejus Sébia de Bersabée. Fecítque Joas rectum coram Dómino cunctis diébus, quibus dócuit eum Jójada sacerdos; verúmtamen excélsa non ábstulit; adhuc enim pópulus immolábat et adolébat in excélsis incénsum.

℟. Dómine, si convérsus fúerit pópulus tuus, et oráverit ad sanctuárium tuum : * Tu exáudies de cælo, Dómine, et libera eos de mánibus inimicórum suórum. ℣. Si peccáverit in te pópulus tuus, et convérsus égerit pæniténtiam, veniénsque oráverit in isto loco. — Tu.

Lectio ii

DIXÍTQUE Joas ad sacerdotes : Omnem pecúniam sanctórum, quæ illáta fúerit in templum Dómini a prætereúntibus, quæ offértur pro pretio animæ, et quam sponte et arbitrio cordis sui íferunt

in templum Dómini, accípiant illam sacerdótes juxta órđinem suum et instáurent sartatécta domus, si quid necessárium viderint instauratióne.

✠. Factum est, dum tóleret Dóminus Elíam per túrbínem in cælum, * Eliséus clamábat, dicens : Pater mi, pater mi, currus Israël, et auríga ejus.

✠. Cumque pérgerent, et incedéntes sermocinaréntur, ecce currus ígneus et equi ígnei divisérunt utrúmque, et ascéndit Elías per túrbínem in cælum. — Eliséus.

In Octavis et Festis ritus simplicis : Glória Patri. Eliséus.

Lectio iii

Igitur usque ad vigésimum tértium annum regis Joas non instauravérunt sacerdótes sartatécta templi. Vocavítque rex Joas Jójadam pontíficem et sacerdótes dicens eis : Quare sartatécta non instaurátis templi? Nolíte ergo ámplius accípere pecúniam juxta órđinem vestrum; sed ad instauratió-nem templi réddite eam. Prohibitíque sunt sacerdótes ultra accípere pecúniam a pópulo et instauráre sartatécta domus.

✠. Ego te tuli de domo patris tui, dicit Dóminus, et pósui te páscere gregem

pópuli mei : * Et fui tecum in ómnibus, ubicúmque ambulásti, firmans regnum tuum in ætérnum.

✠. Fecítque tibi nomen grande, juxta nomen magnórum, qui sunt in terra : et réquiem dedi tibi ab ómnibus inimícis tuis. — Et. Glória Patri. Et.

FERIA QUARTA

De libro quarto Regum

Cap. 13, 14-21; 24-25

Lectio i

Eliséus autem ægrotábat infirmitáte, qua et mórtuus est; descendítque ad eum Jonas, rex Israël, et flebat coram eo dicebátque : Pater mi, pater mi, currus Israël et auríga ejus. Et ait illi Eliséus : Affer arcum et sagíttas. Cumque attulísset ad eum arcum et sagíttas, dixit ad regem Israël : Pone manum tuam super arcum. Et, cum posuísset ille manum suam, superpósuit Eliséus manus suas mánibus regis et ait : Aperi fenéstram orientálem. Cumque aperuísset, dixit Eliséus : Jace sagíttam. Et jecit. Et ait Eliséus : Sagíttá salútis Dómini, et sagíttá salútis contra Sýriam; percutiésque Sýriam in Aphec donec consúmas eam.

℟. Peccávi super númerum arénæ maris, et multiplicata sunt peccata mea; et non sum dignus vidére altitudinem cæli præ multitudíne iniquitátis meæ: quóniam irritávi iram tuam, * Et malum coram te feci. ℣. Quóniam iniquitatem meam ego cognósco: et delictum meum contra me est semper, quia tibi soli peccávi. — Et.

Lectio ii

ET ait: Tolle sagíttas. Qui cum tulísset, rursum dixit ei: Pércute jáculo terram. Et, cum percussísset tribus vícibus et stetísset, irátus est vir Dei contra eum et ait: Si percussísset quínquies aut séxies sive sépties, percussísset Sýriam usque ad consumptionem; nunc autem tribus vícibus percúties eam. Mórtuus est ergo Eliséus, et sepeliérunt eum. Latrúnculi autem de Moab venérunt in terram in ipso anno.

℟. Exaudísti, Dómine, orationem servi tui, ut ædificárem templum nómini tuo: * Bénedic et sanctifica domum istam in sempiternum, Deus Israël.

℣. Dómine, qui custódis pactum cum servis tuis, qui ámbulant coram te in toto corde suo. — Bénedic et sanctifica.

In Octavis et Festis ritus simplicis: Glória Patri. Bénedic.

Lectio iii

Quidam autem sepeliéntes hóminem vidérunt latrúnculos et projecérunt cadáver in sepúlcro Eliséi. Quod cum tetigísset ossa Eliséi, revíxit homo et stetit super pedes suos. Mórtuus est autem Házael rex Sýriæ, et regnávit Bénadad filius ejus pro eo. Porro Joas filius Jóachaz tulit urbes de manu Bénadad filii Házael, quas túlerat de manu Jóachaz patris sui jure prælii; tribus vícibus percússit eum Joas et réddidit civitátes Israël.

℟. Audi, Dómine, hymnum et orationem, quam servus tuus orat coram te hódie: ut sint óculi tui apérti, et aures tuæ inténtæ, * Super domum istam die ac nocte. ℣. Réspice, Dómine, de sanctuário tuo, et de excélso cælórum habitáculo. — Super. Glória Patri. Super.

FERIA QUINTA

De libro quarto Regum

Lectio i *Cap. 17, 6-9*

ANNO autem nono Osée cepit rex Assyriórum Samariám et tránstulit Israël in Assýrios posuítque eos in Hala et in Habor

juxta flúvium Gozan, in civitatibus Medórum. Factum est enim, cum peccássent filii Israël Dómino Deo suo, qui edúxerat eos de terra Ægýpti, de manu Pharaónis regis Ægýpti, coluérunť deos aliénos. Et ambulavérunt juxta ritum géntium, quas consúmpserat Dóminus in conspéctu filiórum Israël et regum Israël, quia simíliter fécerant. Et offendérunt filii Israël verbis non rectis Dóminum Deum suum, et ædificavérunt sibi excélsa in cunctis úrbibus suis.

✠. Præparáte corda vestra Dómino, et servíte illi soli : * Et liberábit vos de mánibus inimicórum vestrórum. ✠. Convertímini ad eum in toto corde vestro, et auférte deos aliénos de médio vestri. — Et.

Lectio ii Cap. 17, 13-15

ET testificátus est Dóminus in Israël et in Juda per manum ómnium prophetárum et vidéntium dicens : Revertímini a viis vestris péssimis et custodíte præcépta mea et cæremónias, juxta omnem legem, quam præcépi pátribus vestris, et sicut misi ad vos in manu servórum meórum prophetárum. Qui non audiérunt, sed induravérunt cervi-

cem suam juxta cervicem patrum suórum, qui noluérunť obedire Dómino, Deo suo; et abjecérunt legítima ejus et pactum, quod pépigit cum pátribus eórum, et testificatiónes, quibus contestátus est eos, secutíque sunt vanitátes et vane egérunt.

✠. Deus ómnium exaudítor est : ipse misit Angelum suum, et tulit me de óvibus patris mei; * Et unxit me unctiône misericórdiæ suæ. ✠. Dóminus, qui erípuít me de ore leónis, et de manu béstiae liberávit me. — Et unxit me.

In Octavis et Festis ritus simplicis : Glória Patri. Et.

Lectio iii Cap. 17, 18-21

IRatúsque est Dóminus vehementer Israéli et ábstulit eos a conspéctu suo; et non remánsit nisi tribus Juda tantúmmodo. Sed nec ipse Juda custodívit mandáta Dómini Dei sui, verum ambulávit in erróribus Israël, quos operátus fúerat. Projecítque Dóminus omne semen Israël et afflíxit eos et trádidit eos in manu diripiéntium, donec projiceret eos a fácie sua ex eo jam tēpore, quo scissus est Israël a domo David, et constituérunt sibi regem Jeróboam filium Nabat.

℟. Dóminus, qui eripuit me de ore leónis, et de manu béstiæ liberávit me,

* Ipse me erípiet de máribus inimicórum meórum.

℣. Misit Deus misericórdiam suam et veritátem suam : ánimam meam eripuit de médio catulórum leónum. — Ipse. *Glória Patri. Ipse.*

FERIA SEXTA

De libro quarto Regum

Lectio i Cap. 17, 21-27

SEparávit Jeróboam Israhél a Dómino et peccáre eos fecit peccátum magnum. Et ambulavérunt filii Israhél in univérsis peccátis Jeróboam quæ fécerat, et non recessérunt ab eis úsquequo Dóminus auférret Israhél a fácie sua, sicut locútus fúerat in manu ómnium servórum suórum prophetárum; translátusque est Israhél de terra sua in Assýrios usque in diem hanc.

℟. Percússit Saul mille, et David decem míllia :

* Quia manus Dómini erat cum illo, percússit Philistháum, et ábstulit opprobrium ex Israhél. ℣. Nonne iste est David, de quo canébant in choro, dicéntes : Saul percússit mille, et David decem míllia? — Quia.

Lectio ii

Addúxit autem rex Assyriórum de Babylóne et de Cutha et de Avah et de Emath et de Sephárvaim et collocávit eos in civitátibus Samariæ pro filiis Israhél. Qui possederunt Samariam, et habitavérunt in úrbibus ejus. Cumque ibi habitáre cœpissent, non timébant Dóminum, et immísit in eos Dóminus leónes, qui interficiébant eos.

℟. Montes Gélboe, nec ros nec plúvia véniant super vós, * Ubi cecidérunt fortes Israhél. ℣. Omnes montes, qui estis in circúitu ejus, vísitet Dóminus; a Gélboe autem tránseat. — Ubi.

In Octavis et Festis ritus simplicis : Glória Patri. Ubi.

Lectio iii

Nuntiatúmque est regi Assyriórum et dictum : Gentes, quas transtulisti et habitáre fecisti in civitátibus Samariæ, ignórant legítima Dei terræ, et immísit in eos Dóminus leónes, et ecce interficiunt eos, eo quod ignórent ritum Dei terræ. Præcépit autem rex Assyriórum dicens : Dúcite illuc unum de sacerdotibus, quos inde captivos adduxístis; et

vadat et hábitet cum eis et dóceat eos legítima Dei terræ.

℟. Ego te tuli de domo patris tui, dicit Dóminus, et pósui te páscere gregem pópuli mei : * Et fui tecum in ómnibus, ubicúmque ambulásti, firmans regnum tuum in ætérnum.

℣. Fecístique tibi nomen grande, juxta nomen magnórum, qui sunt in terra : et réquiem dedi tibi ab ómnibus inimícis tuis. — Et. Glória Patri. Et.

SABBATO

De libro quarto Regum

Lectio i Cap. 18, 1-12

ANNO tértio Osée filii Ela regis Israël regnávít Ezechías filius Achaz regis Juda. Vigintiquínque annórum erat cum regnáre cœpísset, et vigintinóvem annis regnávít in Jerúsalem. Nomen matris ejus Abi filia Zachariæ. Fecístique quod erat bonum coram Dómino juxta ómnia quæ fécerat David pater ejus. Ipse dissipávít excélsa et contrívít státuas et succídít lucos confregítque serpéntem æneum, quem fécerat Móyses : síquidem usque ad illud tempus filii Israël adolébant ei incénsum : vocávítque nomen ejus Nohé-

stan. In Dómino Deo Israël sperávit.

℟. Peccávi super número arénæ maris, et multiplicáta sunt peccáta mea; et non sum dignus vidére altitúdinem cæli præ multitúdine iniquitátis meæ : quóniam irritávi iram tuam, * Et malum coram te feci. ℣. Quóniam iniquitátem meam ego cognósco : et delíctum meum contra me est semper, quia tibi soli peccávi. — Et.

Lectio ii

ITAQUE post eum non fuit símilis ei de cunctis régibus Juda, sed neque in his qui ante eum fuérunt. Et adhæsit Dómino et non recéssit a vestígiis ejus fecístque mandáta ejus, quæ præcéperat Dóminus Móysi. Unde et erat Dóminus cum eo, et in cunctis ad quæ procedébat, sapiénter se agébat. Rebellávit quoque contra regem Assyriórú et non servívit ei. Ipse percússit Philisthæos usque ad Gazam et omnes términos eórum, a turre custódum usque ad civitátem munitam.

℟. Exaudísti, Dómine, oratióem servi tui, ut ædificárem templum nómini tuo : * Bénedic et sanctífica domum istam in sempitérnum, Deus Israël. ℣. Dómine, qui custódis

pactum cum servis tuis, qui ámbulant coram te in toto corde suo. — Bénedic et sanctífica domum istam in sempiternum, Deus Israël.

In Octavis simplicibus et in Officio S. Mariæ in Sabbato : Glória Patri. Bénedic.

Lectio iii

ANno quarto regis Ezechíæ, qui erat annus séptimus Osée filii Ela regis Israël, ascéndit Salmánasar rex Assyriórum in Samariám et oppugnávit eam et cepit; nam post annos tres, anno sexto Ezechíæ, id est nono anno Osée regis Israël, capta est Samaría. Et tránstulit rex Assyriórum Israël in Assýrios, collocávitque eos in Hala et in Habor flúviis Gozan, in civitatibus Medórum, quia non audiérunt vocem Dómini Dei sui, sed prætergréssi sunt pactum ejus; ómnia, quæ præcéperat Móyses servus Dómini, non audiérunt neque fecérunt.

℟. Audi, Dómine, hymnum et oratióem, quam servus tuus orat coram te hódie : ut sint óculi tui apérti, et aures tuæ inténtæ, * Super domum istam die ac nocte. ℣. Réspice, Dómine, de sanctuário tuo, et de excélso cælórum habitáculo. — Super. Glória Patri. Super.

AD VESPERAS

℣. Vespertína orátio ascéndat ad te, Dómine. ℟. Et descéndat super nos misericórdia tua.

Ad Magnif. Ant. Obsecro, Dómine : * meménto, quæso, quómodo ambuláverim coram te in veritáte et in corde perfécto et quod plácitum est coram te fécerim.

Oratio

OMnípotens sempitérne Deus, qui abundántia pietátis tuæ, et mérita súpplicum excédis et vota : effúnde super nos misericórdiam tuam; ut dimittas quæ consciéntia métuit, et adjicias quod orátio non præsumit. Per Dóminum.

DOMINICA XI POST PENTECOSTEN

Semiduplex

In I Nocturno

De libro quarto Regum

Lectio i Cap. 20, 1-11



IN diébus illis ægro-távit Ezechías us-que ad mortem, et venit ad eum Isafas filius Amos Prophéta dixítque ei : Hæc dicit Dóminus Deus : Præcipe dómui tuæ, moriéris enim tu et non vi-

ves. Qui convértit fáciem suam ad paríetem et orávit Dóminum dicens : Obsecro, Dómine : meménto, quæso, quómodo ambuláverim coram te in veritaté et in corde perfécto et, quod plácitum est coram te, fécerim. Flevit itaque Ezechías fletu magno.

℟. Præparáte corda vestra Dómino, et servíte illi soli : * Et liberábit vos de mánibus inimicórum vestrórum. ℣. Convertímini ad eum in toto corde vestro, et auférte deos alienos de médio vestri. — Et.

Lectio ii

ET ántequam egrederétur Isaías médiám partem átrii, factus est sermo Dómini ad eum dicens : Revértere et dic Ezechíæ duci pópuli mei : Hæc dicit Dóminus Deus David patris tui : Audívi oratióem tuam et vidi lácrimas tuas et ecce sanávi te : die tertio ascédes templum Dómini, et addam diébus tuis quíndecim annos; sed et de manu regis Assyriórum liberábo te et civitátem hanc et prótegám urbem istam propter me et propter David servum meum. Dixítque Isaías : Afférte massam ficórum. Quam cum attulíssent et posuíssent super ulcus ejus, curátus est.

℟. Deus ómnium exaudítor est : ipse misit Angelum suum, et tulit me de óvibus patris mei; * Et unxit me unctióne misericórdiæ suæ. ℣. Dóminus, qui erípuit me de ore leónis, et de manu béstiae liberávit me. — Et.

Lectio iii

DIXERAT autem Ezechías ad Isaías : Quod erit signum quia Dóminus me sanábit, et quia ascensurus sum die tertía templum Dómini? Cui ait Isaías : Hoc erit signum a Dómino, quod facturus sit Dóminus sermónem quem locútus est : vis ut ascéndat umbra decem líneis, an ut revertátur tótidem grádibus? Et ait Ezechías : Fácile est umbram créscere decem líneis, nec hoc volo ut fiat; sed ut revertátur retrórsus decem grádibus. Invocávit itaque Isaías Prophéta Dóminum, et redúxit umbram per líneas, quibus jam descénderat in horológio Achaz, retrórsus decem grádibus.

℟. Dóminus, qui erípuit me de ore leónis, et de manu béstiae liberávit me, * Ipse me erípiet de mánibus inimicórum meórum. ℣. Misit Deus misericórdiam suam et veritatém suam : ánimam meam erí-

puit de médio catulórum leónum. — Ipse me erípiet de mánibus inimicórum meórum. **G**lória Patri. Ipse.

In II Nocturno

De Expositióne sancti Hierónymi Presbýteri in Isaíam Prophétam

Liber 11 in Isaíæ cap. 38

Lectio iv

E elevarétur cor Ezechíæ post incredíbles triúmphos et de média captivitáte victóriam, infirmitáte córporis sui visitátur, et audit se esse moritúrum; ut convérsus ad Dóminum flectat senténtiam ejus. Quod quidem et in Jona Prophéta légimus, et in comminatióibus contra David : quæ dicúntur futúra, nec facta sunt, non Deo mutánte senténtiam, sed provocánte humánus genus ad notítiam sui. Dóminus enim pœnitens est super malítiis. Convertítque Ezechías fáciem suam ad paríetem, quia ad templum ire non póterat. Ad paríetem autem templi, juxta quod Sálomon palátium exstrúxerat; vel absolúte ad paríetem, ne lácrimas suas assidéntibus ostentáre viderétur.

℟. Percússit Saul mille, et David decem míllia :

*** Quia manus Dómini erat**

cum illo, percússit Philistháum, et ábstulit opprobrium ex Israël. **℣.** Nonne iste est David, de quo canébant in choro, dicéntes : Saul percússit mille, et David decem míllia? — Quia.

Lectio v

Audiénsque se esse moritúrum, non precátur vitam et annos plúrimos, sed in Dei judício, quid velit præstáre, dimíttit. Nóverat enim idcírco Deo placuisse Salomónem, quod annos vitæ non petierit ampliôres; sed itúrus ad Dóminum narrat ópera sua, quómodo ambuláverat coram eo in veritáte et in corde perfécto. Felix consciéntia, quæ afflictiónis témpore bonórum óperum recordátur. Beáti enim mundo corde : quóniam ipsi Deum vidébunt. Et quómodo álibi scríbatur : Quis gloriábitur purum habére se cor? Quod ita sólvitur, perfectiónem cordis in eo nunc dici, quod idóla destrúxerit, templi valvas aperúerit, serpéntem áneum comminúerit, et cétera fécerit, quæ Scriptúra commémorat.

℟. Montes Gélboe, nec ros nec plúvia véniant super vos, *** Ubi cecidérunt fortes Israël.** **℣.** Omnes montes, qui estis in circúi-

tu ejus, vísitet Dóminus;
a Gélboe autem tránseat.
— Ubi.

Lectio vi

FLevit autem fletu magno, propter promissionem Dómini ad David, quam vidébat in sua morte peritúram. Eo enim tēpore Ezechías filios non habébat; nam post mortem ejus Manásses, cum duódecim esset annórum, regnare cœpit in Judæa: ex quo perspicuum est, post tértium annum concessæ vitæ Manássen esse generátum. Ergo iste omnis est fletus, quod desperábat Christum de suo sémine nascitúrum. Alii ásserunt, quamvis sanctos viros morte terréri, propter incértum judícii et ignoratióem senténtiæ Dei, quam sedem habitúri sint.

℟. Ego te tuli de domo patris tui, dicit Dóminus, et pósui te páscere gregem pópuli mei: * Et fui tecum in ómnibus, ubicúmque ambulásti, firmans regnum tuum in ætérnum. ℣. Fecítque tibi nomen grande, juxta nomen magnórum, qui sunt in terra: et réquiem dedi tibi ab ómnibus inimícis tuis. — Et fui. Glória Patri. Et fui.

℟. vii Peccávi et ℟. viii Duo Séraphim, ut infra in Homiliis.

FERIA SECUNDA

De libro quarto Regum

Lectio i Cap. 22, 1-5

OCto annórum erat Josías cum regnare cœpisset: triginta et uno anno regnávít in Jerúsalem. Nomen matris ejus Idida filia Hadaía de Bésécath. Fecítque quod plácitum erat coram Dómino et ambulávit per omnes vias David patris sui: non declinávit ad dēxteram sive ad sinístram. Anno autem octávo décimo regis Josiæ misit rex Saphan filium Aslíá filii Méssulam scribam templi Dómini dicens ei: Vade ad Helcíam sacerdotem magnum, ut conflétur pecúnia, quæ illáta est in templum Dómini, quam collegérunt janitóres templi a pópulo, detúrque fabris per præpósitos domus Dómini; qui et distríbuant eam his qui operántur in templo Dómini.

℟. Recordáre, Dómine, testaménti tui, et dic Angelo percutiénti: Cesset jam manus tua, * Ut non desolétur terra, et ne perdas omnem ánimam vivam. ℣. Ego sum qui peccávi, ego qui iníque egi: isti qui oves sunt, quid fecérunt? Avertátur, óbsecro, furor tuus, Dómine, a pópulo tuo. — Ut.

Lectio ii **Cap. 22, 8-13**

Dixit autem Helcias p[ro]f[et]ex ad Saphan scribam : Librum legis r[ep]eri in domo D[omi]ni. Deditque Helcias vol[um]en Saphan, qui et legit illud. Venit quoque Saphan scriba ad regem et renuntiavit ei quod p[re]c[er]erat et ait : Conflaverunt servi tui pecuniam, quæ rep[er]ta est in domo D[omi]ni, et dederunt ut distribueretur fabris a p[re]f[ec]tis op[er]um templi D[omi]ni. Narravit quoque Saphan scriba regi dicens : Librum dedit mihi Helcias sacerdos.

✠. Exaudisti, D[omi]ne, orationem servi tui, ut ædificarem templum n[omi]ni tuo : * Benedic et sanctifica domum istam in sempiternum, Deus Israël. ✠. D[omi]ne, qui custodis pactum cum servis tuis, qui ambulant coram te in toto corde suo. — Benedic.

In Octavis et Festis ritus simplicis : Gl[ori]a Patri. Benedic.

Lectio iii

Quem cum legisset Saphan coram rege, et audisset rex verba libri legis D[omi]ni, scidit vestimenta sua. Et p[re]cepit Helciæ sacerdoti et Ahicam filio Saphan et Achobor filio Micha et Saphan scribæ et Asaiæ servo regis dicens : Ite et consu-

lite D[omi]num super me et super p[opu]lo et super omni Juda de verbis vol[um]inis istius, quod inventum est : magna enim ira D[omi]ni succensa est contra nos, quia non audierunt patres nostri verba libri hujus, ut facerent omne quod scriptum est nobis.

✠. Audi, D[omi]ne, hymnum et orationem, quam servus tuus orat coram te hodie : ut sint oculi tui ap[er]ti, et aures tuæ intente, * Super domum istam die ac nocte. ✠. Respice, D[omi]ne, de sanctuario tuo, et de excelsis cælorum habitaculo. — Super. Gl[ori]a Patri. Super.

FERIA TERTIA

De libro quarto Regum

Lectio i **Cap. 23, 2-8**

Ascendit rex templum D[omi]ni et omnes viri Juda universique, qui habitabant in Jerusale[m] cum eo, sacerdotes et prophetae et omnis p[opu]lus a parvo usque ad magnum; legique cunctis audientibus omnia verba libri fœderis, qui inventus est in domo D[omi]ni. Stetitque rex super gradum et fœdus percussit coram D[omi]no, ut ambularent post D[omi]num et custodirent p[re]cepta ejus et testimonia et

cæremónias in omni corde et in tota ánima, et suscitarent verba fœderis huius, quæ scripta erant in libro illo. Acquievítque pópulus pacto.

℟. Dómine, si convérsus fúerit pópulus tuus, et oráverit ad sanctuárium tuum : * Tu exáudies de cælo, Dómine, et libera eos de mánibus inimicórum suórum. ℣. Si peccáverit in te pópulus tuus, et convérsus égerit pœniténtiam, veniénsque oráverit in isto loco. — Tu.

Lectio ii

ET præcépit rex Helciæ pontífici et sacerdotibus secúndi órdis et janitóribus, ut projicerent de templo Dómini ómnia vasa, quæ facta fúerant Baal et in luco et univérsæ militiæ cæli, et combússit ea foris Jerúsalem in conválle Cedron et tulit púlverem eórum in Bethel. Et delévit arúspices, quos posúerant reges Juda ad sacrificándum in excélsis per civitátes Juda et in circúitu Jerúsalem, et eos qui adolébant incénsu Baal et soli et lunæ et duódecim signis et omni militiæ cæli.

℟. Factum est, dum tóleret Dóminus Eliám per túrbinem in cælum, * Eliséus clamábat, dicens :

Pater mi, pater mi, currus Israël, et auríga ejus. ℣. Cumque pérgerent, et incedéntes sermocinaréntur, ecce currus ígneus et equi ígnei divisérunt utrúmque, et ascéndit Eliás per túrbinem in cælum. — Eliséus.

In Octavis et Festis ritus simplicis : Glória Patri. Eliséus.

Lectio iii

ET efférri fecit lucum de domo Dómini foras Jerúsalem in conválle Cedron, et combússit eum ibi et redégit in púlverem et projécit super sepúlcravulgi. Destrúxit quoque ædiculas effeminatórum, quæ erant in domo Dómini, pro quibus mulieres texébant quasi domúnculas luci. Congregavítque omnes sacerdótes de civitátibus Juda et contaminávit excélsa, ubi sacrificábant sacerdótes, de Gábaa usque Bersabée.

℟. Ego te tuli de domo patris tui, dicit Dóminus, et pósui te páscere gregem pópuli mei : * Et fui tecum in ómnibus, ubicúmque ambulásti, firmans regnum tuum in ætérnum. ℣. Fecíque tibi nomen grande, juxta nomen magnórum, qui sunt in terra : et réquiem dedi tibi ab ómnibus inimícis tuis. — Et. Glória Patri. Et.

FERIA QUARTA

De libro quarto Regum

Lectio i *Cap. 23, 24-34*

PYthónes et ariolos et figuras idolórum et immundítias et abominatiónes, quæ fúerant in terra Juda et Jerúsalem, ábstulit Josías, ut statúeret verba legis, quæ scripta sunt in libro, quem invénit Helcías sacerdos in templo Dómini. Símilis illi non fuit ante eum rex, qui reverterétur ad Dóminum in omni corde suo et tota ánima sua et in univérſa virtúte sua juxta omnem legem Móysi, neque post eum surréxit símilis illi. Verúmtamen non est avérsus Dóminus ab ira furóris sui magni, quo irátus est furor ejus contra Judam propter irritatiónes, quibus provocáverat eum Manáſſes.

✠. Peccávi super númerum arénæ maris, et multiplicáta sunt peccáta mea; et non sum dignus vidére altitúdinem cæli præ multitúdine iniquitátis meæ : quóniam irritávi iram tuam, ✠ Et malum coram te feci. ✠. Quóniam iniquitatem meam ego cognóſco : et delíctum meum contra me est semper, quia tibi soli peccávi. — Et.

Lectio ii

Dixit itaque Dóminus : Etiam Judam áuferam a fácie mea, sicut ábstuli Israëſ, et projiciam civitatem hanc, quam elégi, Jerúsalem et domum de qua dixi : Erit nomen meum ibi. Réliqua autem sermónum Josiæ et univérſa, quæ fecit, nonne hæc scripta sunt in libro verbórum diérum regum Juda? In diébus ejus ascéndit Phárao Néchao rex Ægýpti contra regem Assyriórum ad flumen Euphráten, et ábiit Josías rex in occursum ejus et occísus est in Magédodo, cum vidísset eum. Et portavérunt eum servi sui mórtuum de Magédodo et pertulérunt in Jerúsalem et sepeliérunt eum in sepúlcro suo.

✠. Exaudísti, Dómine, oratiónem servi tui, ut ædificárem templum nómini tuo : ✠ Bénedic et sanctífica domum istam in sempitérnum, Deus Israëſ.

✠. Dómine, qui custódis pactum cum servis tuis, qui ámbulant coram te in toto corde suo. — Bénedic.

In Octavis et Festis ritus simplicis : Glória Patri. Bénedic.

Lectio iii

Tulítque pópulus terræ Jóachaz filium Josiæ, et unxérunt eum et con-

stituérunt eum regem pro patre suo. Viginti trium annórum erat Joáchaz, cum regnâre cœpisset, et tribus mēsisibus regnâvit in Jerúsalem. Nomen matris ejus Amítal filia Jeremiæ de Lobna. Et fecit malum coram Dómino, juxta ómnia quæ fécerant patres ejus. Vinxítque eum Phárao Néchao in Rebla, quæ est in terra Emath, ne regnâret in Jerúsalem; et impósuit multam terræ centum taléntis argénti et talénto auri. Regémque constituit Phárao Néchao Elfacim filium Josiæ pro Josía patre ejus, vertítque nomen ejus Jóakim. Porro Joáchaz tulit et duxit in Ægýptum, et mórtuus est ibi.

℟. Audi, Dómine, hymnum et orationem, quam servus tuus orat coram te hódie : ut sint óculi tui apérti, et aures tuæ inténtæ, * Super domum istam die ac nocte. ✠. Réspice, Dómine, de sanctuário tuo, et de excélso cælórum habitáculo. — Super. Glória Patri. Super.

FERIA QUINTA

De libro quarto Regum

Lectio i Cap. 23, 36-37

Viginti quinque annórum erat Jóakim, cum regnâre cœpisset, et únde-

cim annis regnâvit in Jerúsalem. Nomen matris ejus Zébida filia Phadaía de Ruma. Et fecit malum coram Dómino, juxta ómnia quæ fécerant patres ejus. In diébus ejus ascéndit Nabuchodónosor rex Babylónis, et factus est ei Jóakim servus tribus annis, et rursum rebellâvit contra eum.

℟. Præparáte corda vestra Dómino, et servíte illi soli : * Et liberábit vos de mânibus inimicórum vestrórum. ✠. Convertímini ad eum in toto corde vestro, et auférte deos alienos de médio vestri. — Et.

Lectio ii Cap. 24, 1-7

Immisítque ei Dóminus latrúnculos Chaldæórum et latrúnculos Sýriæ et latrúnculos Moab et latrúnculos filiórum Ammon, et immísit eos in Judam ut dispéderent eum, juxta verbum Dómini quod locútus fúerat per servos suos prophétas. Factum est autem hoc per verbum Dómini contra Judam, ut auférret eum coram se propter peccáta Manásse univérsa quæ fecit, et propter ságuinem innóxium quem effúdit et implévit Jerúsalem cruóre innocentium, et ob hanc rem nóluit Dóminus propitiári.

R. Deus ómnium exauditor est : ipse misit Angelum suum, et tulit me de óvibus patris mei; * Et unxit me unctiõe misericórdiæ suæ. **V.** Dóminus, qui eripuit me de ore leónis, et de manu béstiae liberávit me. — Et.

In Octavis et Festis ritus simplicis : Glória Patri. Et.

Lectio iii

Reliqua autem sermónum Jóakim et univér-sa quæ fecit, nonne hæc scripta sunt in libro sermónum diérum regum Juda? Et dormívit Jóakim cum pátribus suis. Et regnávit Jóachin fílius ejus pro eo. Et ultra non áddidit rex Ægýpti ut egredérétur de terra sua; túlerat enim rex Babylónis a rivo Ægýpti usque ad flúvium Euphráten ómnia quæ fúerant regis Ægýpti.

R. Dóminus, qui eripuit me de ore leónis, et de manu béstiae liberávit me, * Ipse me erípiet de má-nibus inimicórum meórum. **V.** Misit Deus misericórdiam suam et veritátem suam : ánimam meam eripuit de médio catulórum leónum. — Ipse. **G**lória Patri. Ipse.

FERIA SEXTA

De libro quarto Regum

Lectio i *Cap. 24, 8-17*

Decem et octo annórum erat Jóachin, cum regnare cœpisset, et tribus ménsibus regnávit in Jerúsalem. Nomen matris ejus Nohésta fília Elnathan de Jerúsalem. Et fecit malum coram Dómino, juxta ómnia quæ fécerat pater ejus. In témpore illo ascendérunt servi Nabuchodónosor regis Babylónis in Jerúsalem, et circúmdata est urbs munitiõnibus; venítque Nabuchodónosor rex Babylónis ad civitátem cum servis suis ut oppugnarent eam.

R. Percússit Saul mille, et David decem mília : * Quia manus Dómini erat cum illo, percússit Philisthæum, et ábstulit opprobrium ex Israël. **V.** Nonne iste est David, de quo canébant in choro, dicentes : Saul percússit mille, et David decem mília? — Quia.

Lectio ii

Egressusque est Jóachin rex Juda ad regem Babylónis ipse et mater ejus et servi ejus et príncipes ejus et eunúchi ejus, et suscepit eum rex Babylónis anno octávo regni sui. Et prótulit inde omnes

thesáuros domus Dómini et thesáuros domus régiae et cóncidit univérſa vasa áurea, quæ fécerat Sálomon rex Israëſ in templo Dómini juxta verbum Dómini, et tránstulit omnem Jerúsalem et univérſos príncipes et omnes fortes exercitus decem míllia in captivitátem, et omnem artificem et clusórem; nihílque relíctum est, excéptis paupéribus pópuli terræ.

℟. Montes Gélboe, nec ros nec plúvia véniant super vos, * Ubi cecidérunt fortes Israëſ. ℣. Omnes montes, qui estis in circúitu ejus, vísitet Dóminus; a Gélboe autem tránseat. — Ubi.

In Octavis et Festis ritus simplicis : Glória Patri. Ubi.

Lectio iii

TRánstulit quoque Jóachin in Babylónem et matrem regis et uxóres regis et eunúchos ejus, et júdices terræ duxit in captivitátem de Jerúsalem in Babylónem et omnes viros robústos septem míllia et artifices et clusóres mille, omnes viros fortes et belatóres; duxítque eos rex Babylónis captívos in Babylónem, et constituit Matthaníam pátruum ejus pro eo imposuíque nomen ei Sedecíam.

℟. Ego te tuli de domo patris tui, dicit Dóminus, et pósui te páscere gregem pópuli mei : * Et fui tecum in ómnibus, ubicúmque ambulásti, firmans regnum tuum in ætérnum.

℣. Fecíque tibi nomen grande juxta nomen magnórum, qui sunt in terra : et réquiem dedi tibi ab ómnibus inimícis tuis. — Et. Glória Patri. Et.

SABBATO

De libro quarto Regum

Cap. 24, 18-20; 25, 1-13

Lectio i

Vigésimum et primum annum ætátis habébat Sedecías, cum regnáre cœpísset, et úndecim annis regnávit in Jerúsalem. Nomen matris ejus erat Amítal filia Jeremíæ de Lobna. Et fecit malum coram Dómino, juxta ómnia quæ fécerat Jóakim; irascebátur enim Dóminus contra Jerúsalem et contra Judam, donec projíceret eos a fácie sua; recessítque Sedecías a rege Babylónis. Factum est autem anno nono regni ejus, mense décimo, décima die mensis, venit Nabuchodónosor rex Babylónis ipse et omnis exercitus ejus in Jerúsalem, et circumdedérunt eam et extruxérunt in circúitu ejus

munições, et clausa est civitas atque vallata usque ad undécimum annum regis Sedeciae nona die mensis; praevaluitque fames in civitate, nec erat panis populo terrae.

℟. Peccavi super numerum arenae maris, et multiplicata sunt peccata mea; et non sum dignus videre altitudinem caeli praemultitudine iniquitatis meae: quoniam irritavi iram tuam, * Et malum coram te feci. ℣. Quoniam iniquitatem meam ego cognosco: et delictum meum contra me est semper, quia tibi soli peccavi. — Et.

Lectio ii

ET interrúpta est civitas, et omnes viri bellatores nocte fugerunt per viam portae, quae est inter duplicem murum ad hortum regis. Porro Chaldaei obsidebant in circuitu civitatem. Fugit itaque Sedecias per viam, quae ducit ad campèstria solitudinis. Et persecutus est exercitus Chaldaeorum regem, comprehenditque eum in planitie Jéricho; et omnes bellatores, qui erant cum eo, dispersi sunt et reliquerunt eum. Apprehensum ergo regem duxerunt ad regem Babylónis in Réblatha, qui locutus est cum eo iudicium. Filios

autem Sedeciae occidit coram eo et oculos ejus effudit vinxitque eum catenis, et adduxit in Babylónem.

℟. Exaudisti, Domine, orationem servi tui, ut aedificarem templum nomini tuo: * Benedic et sanctifica domum istam in sempiternum, Deus Israël.

℣. Domine, qui custodis pactum cum servis tuis, qui ambulant coram te in toto corde suo. — Benedic.

In Octavis simplicibus et in Officio S. Mariae in Sabbato:
Glória Patri. Benedic.

Lectio iii

Mense quinto séptima die mensis, ipse est annus nonus décimus regis Babylónis, venit Nabuzárdan princeps exercitus servus regis Babylónis in Jérusalem. Et succendit domum Domini et domum regis et domos Jérusalem, omnemque domum combussit igni. Et muros Jérusalem in circuitu destruxit omnis exercitus Chaldaeorum, qui erat cum principe militum. Reliquam autem populi partem, quae remanserat in civitate, et perfugas, qui transfugerant ad regem Babylónis, et reliquum vulgus transtulit Nabuzárdan princeps militiae et de pauperibus terrae reliquit vinitores et agricolas. Columnas au-

tem aéreas, quæ erant in templo Dómini, et bases, et mare aéreum, quod erat in domo Dómini, confregérunt Chaldæi et translulerunt æs omne in Baby-lonem.

℟. Audi, Dómine, hym-num et orationem, quam servus tuus orat coram te hódie : ut sint óculi tui apérti, et aures tuæ inténtæ, * Super domum istam die ac nocte. ℣. Réspice, Dómine, de sanctuário tuo, et de excélso cælórum habitáculo. — Super. Gló-ria Patri. Super.

SABBATO

ante Dominicam I Augusti

Ea autem dicitur I Domi-nica mensis, quæ est in Ka-lendis, vel proximior Kalen-dis illius mensis : ita ut, si Kalendæ fuerint II, III vel IV Feria, tunc I Dominica mensis, in qua liber Scripturæ inchoandus ponitur, est ea quæ præcedit Kalendas. Sin autem V vel VI Feria, vel Sabbato, est ea quæ sequitur. Et in Sabbato præcedenti ad Magnificat ponitur Antipho-na assignata Sabbato ante Dominicam I mensis, ommissa alia, quæ forte occurreret.

AD VESPERAS

℣. Vespertína oratio ascéndat ad te, Dómine. ℟. Et descéndat super nos misericórdia tua.

Ad Magnif. Ant. Sapién-tia * ædificávit sibi do-mum, excídit columbas septem, súbdidit sibi gen-tes, superbórum et sublí-mium colla própria virtúte calcávit.

Oratio, quæ contingit in ordine aliarum Dominica-rum, ut infra.

DOMINICA I AUGUSTI

Semiduplex

In I Nocturno

Incipiunt Parábolæ
Salomónis

Lectio i Cap. 1, 1-19



Parábolæ Salomónis, filii David regis Is-raël, ad sciéndam sapiéntiam et disciplínam, ad intelligénda verba pru-déntiæ et suscipiéndam eruditiónem doctrínæ, ju-stitiam et judícium et æquitátem, ut detur pár-vulis astútia, adolescenti sciéntia et intelléctus. Au-diens sápiens sapiéntior erit, et intélligens guber-nácula possidébit : anim-advértet parábolam et interpretatióem, verba sapiéntum et ænigmata eórum.

℟. In princípio Deus án-tequam terram fáceret, priúsqum abyssos con-stitúeret, priúsqum pro-dúceret fontes aquárum,

* Antequam montes collocaréntur, ante omnes colles generávit me Dóminus. *℟.* Quando præparábat cælos, áderam, cum eo cuncta compónens. — Antequam.

Lectio ii

Timor Dómini princípium sapiéntiæ. Sapiéntiam atque doctrinam stulti despíciunt. Audi, fili mi, disciplínam patris tui et ne dimíttas legem matris tuæ, ut addátur grátia cápiti tuo et torques collo tuo. Fili mi, si te lactáverint peccatóres, ne acquiescas eis : si díxerint : Veni nobíscum, insidiémur sánguini, abscondámus tendículas contra insóntem frustra, deglutíamus eum sicut inférnus vivéntem et íntegrum quasi descendéntem in lacum; omnem pretiósam substántiam reperiémus, implébmus domos nostras spóliis : sortem mitte nobíscum, marsúpium unum sit ómnium nostrum.

℟. Gyrum cæli circúivi sola, et in flúctibus maris ambulávi, in omni gente et in omni pópulo primátum ténuí : * Superbórum et sublímiū colla própria virtúte calcávi. *℟.* Ego in altíssimis hábito, et thronus meus in colúmna nubis. — Superbórum.

Lectio iii

Fili mi, ne ámbules cum eis : próhibe pedem tuum a sémitis eórum; pedes enim illórum ad malum currunt, et festínant ut effúndant sánguinem. Frustra autem jácitur rete ante óculos pennatórum. Ipsi quoque contra sánguinem suum insidiántur et moliúntur fraudes contra ánimas suas. Sic sémitæ omnis avári : ánimas possidéntium rápiunt.

℟. Emítte, Dómine, sapiéntiam de sede magnitúdinis tuæ, ut mecum sit et mecum labóret : * Ut sciam, quid accéptum sit coram te omni témpore. *℟.* Da mihi, Dómine, sédium tuárum assístricem sapiéntiam. — Ut. Glória Patri. Ut.

In II Noeturno

Ex Tractátu sancti Ambrósii Epíscopi in Psalmum centésimum decimum octávum

Sermo 5, n. 36-37

Lectio iv

Inítium esse sapiéntiæ timórem Dómini, dicit Prophéta. Quid est autem inítium sapiéntiæ, nisi sáculo renuntiáre? Quia sápere sæculária, stultítia est. Dénique sapiéntiam hujus mundi, stultítiam esse

apud Deum, Apóstolus dicit. Sed et ipse timor Dómini, nisi secúndum sciéntiam sit, nihil prodest, immo obest plúrimum. Siquidem Judæi habent zelum Dei : sed quia non habent secúndum sciéntiam, in ipso zelo et timóre majórem cóntrahunt divinitátis offénsam. Quod circumcidunt infántulos suos, quod sábbata custódiunt, timórem Dei habent; sed quia nésciunt legem spiritálem esse, circumcidunt corpus, non cor suum.

℟. Da mihi, Dómine, sédium tuárum assistricem sapiéntiam, et noli me reprobaré a púeris tuis :
* Quóniam servus tuus sum ego, et fílius ancillæ tuæ. ℣. Mitte illam de sede magnitúdinis tuæ, ut mecum sit et mecum labóret. — Quóniam.

Lectio v

ET quid de Judæis dico? Sunt étiam in nobis, qui habent timórem Dei, sed non secúndum sciéntiam, statuéntes durióra præcépta, quæ non possit humana conditio sustinére. Timor in eo est, quia vidéntur sibi consúlere disciplinæ, opus virtútis exigere; sed inscítia in eo est, quia non compatiúntur natúra, non æstiment

possibilitátem. Non sit ergo irrationábilis timor. Etenim vera sapiéntia a timóre Dei incipit, nec est sapiéntia spiritális sine timóre Dei : ita timor sine sapiéntia esse non debet.

℟. Inítium sapiéntiæ timor Dómini : * Intelléctus bonus ómnibus faciéntibus eum; laudátio ejus manet in sáculum sáculi.

℣. Diléctio illius custódia legum est : quia omnis sapiéntia timor Dómini. — Intelléctus.

Lectio vi

Bas quædam verbi est timor sanctus. Sicut enim simulácrum áliquod in basi statúitur, et tunc majórem habet grátiam, cum in basi státua fúerit collocáta, standíque accipit firmitátem : ita verbum Dei in timóre sancto mélius statúitur, fórtius radicátur in pectore timéntis Dóminum; ne labátur verbum de corde viri, ne véniant vólucres et áuferant illud de incuriósí et díssimulántis afféctu.

℟. Verbum iníquum et dolósum longe fac a me, Dómine : * Divítias et paupertátem ne déderis mihi, sed tantum víctui meo tríbe necessária. ℣. Duo rogávi te, ne déne-

ges mihi, ántequam mó-
riar. — Divítias et pau-
pertátem ne déderis mihi,
sed tantum víctui meo
tribue necessária. Glória
Patri. Divítias.

℟. vii Dómine et ℟. viii Duo
Séraphim, ut infra in Homi-
liis.

FERIA SECUNDA

De Parábolis Salomónis

Lectio i Cap. 3, 1-15

Fili mi, ne obliviscáris
legis meæ, et præcépta
mea cor tuum custódiat;
longitúdinem enim diérum
et annos vitæ et pacem
appónent tibi. Misericór-
dia et véritas te non dese-
rant : circúmda eas gút-
turi tuo et describe in
tábulis cordis tui, et invé-
nies grátiam et disciplí-
nam bonam coram Deo et
homínibus. Habe fidúciam
in Dómino ex toto corde
tuo et ne innitáris prudén-
tiæ tuæ; in ómnibus viis
tuis cógita illum, et ipse
díriget gressus tuos.

℟. Ne derelínquas me,
Dómine, pater et dominá-
tor vitæ meæ, ut non cór-
ruam in conspéctu adver-
sariórum meórum : * Ne
gáudeat de me inimícus
meus. ℣. Apprehénde ar-
ma et scutum et exsúrge
in adjutórium mihi. — Ne
gáudeat.

Lectio ii

NE sis sápiens apud te-
metípsum, time Deum
et recéde a malo; sánitas
quippe erit umbilíco tuo
et irrigátio óssium tuó-
rum. Honóra Dóminum de
tua substántia et de primí-
tiis ómnium frugum tuá-
rum da ei; et implebúntur
hórrea tua saturitáte, et
vino torculária tua redun-
dábunt.

℟. Magna enim sunt ju-
dícia tua, Dómine, et ine-
narrábilia verba tua : * Ma-
gnificásti pópulum tuum
et honorásti. ℣. Transtu-
lísti illos per Mare Ru-
brum et transvexisti eos
per aquam nímiam. —
Magnificásti.

In Octavis et Festis ritus
simplicis : Glória Patri. Ma-
gnificásti.

Lectio iii

Disciplínam Dómini, fili
mi, ne abjícias, nec
deficias, cum ab eo corrí-
peris; quem enim díligit
Dóminus, córripit, et qua-
si pater in fílio cómplacet
sibi. Beátus homo qui
invénit sapiéntiam et qui
áflluít prudéntia. Mélior
est acquisítio ejus nego-
tiatióne argénti, et auri
primi et puríssimi fructus
ejus; pretiósior est cunctis
ópibus, et ómnia, quæ
desiderántur, huic non va-
lent comparári.

℟. Quæ sunt in corde hóminum, óculi tui vident, Dómine, et in libro tuo ómnia scribéntur : * Homo videt in fácie, Deus autem in corde. ℣. Omnia enim corda scrutátur, et univér-sas méntium cogitatiónes intélligit. — Homo. Glória Patri. Homo.

FERIA TERTIA

De Parábolis Salomónis

Lectio i Cap. 5, 1-13

Fili mi, atténde ad sapiéntiam meam, et prudéntiæ meæ inclína aurem tuam, ut custódias cogitatiónes, et disciplínam lábia tua consérvent. Ne atténdas falláciæ mulieris; favus enim distíllans lábia meretrícis, et nitídus óleo guttur ejus; novíssima autem illius amára quasi absýnthium et acúta quasi gládus biceps; pedes ejus descéndunt in mortem, et ad ínferos gressus illius pénetrant; per sémitam vitæ non ámbulant, vagi sunt gressus ejus et investigábiles.

℟. Præbe, fili, cor mihi, et óculi tui vias meas custódiant : * Ut addátur grátia cápiti tuo. ℣. Atténde, fili mi, sapiéntiam meam et ad elóquium meum inclína aurem tuam. — Ut.

Lectio ii

Nunc ergo, fili mi, audi me, et ne recédas a verbis oris mei. Longe fac ab ea viam tuam et ne appropínques fóribus domus ejus; ne des aliénis honórem tuum, et annos tuos crudéli; ne forte impleántur extránei víribus tuis, et labóres tui sint in domo aliéna, et gemas in novíssimis, quando consúmpseris carnes tuas et corpus tuum et dicas : Cur detestátus sum disciplínam, et increpatiónibus non acquiévit cor meum; nec audívi vocem docéntium me et magístris non inclínávi aurem meam?

℟. Inítium sapiéntiæ timor Dómini : * Intelléctus bonus ómnibus faciéntibus eum; laudátio ejus manet in sáculum sáculi. ℣. Diléctio illius custódia legum est : quia omnis sapiéntia timor Dómini. — Intelléctus.

In Octavis et Festis ritus simpliciis : Glória Patri. Intelléctus.

Lectio iii Cap. 5, 20-23

Quare sedúceris, fili mi, ab aliéna, et fovéris in sinu altérius? Réspicit Dóminus vias hóminis, et omnes gressus ejus considerat; iniquitátes suæ capiunt ímpium, et fúnibus

peccatórum suórum constringitur; ipse moriétur, quia non hábuit disciplinam, et in multitúdine stultitiæ suæ decipiétur.

℟. Verbum iníquum et dolósum longe fac a me, Dómine : * Divítias et paupertátem ne déderis mihi, sed tantum víctui meo tríbue necessariá.

℣. Duo rogávi te, ne déneges mihi, ántequam móriar. — Divítias. Glória Patri. Divítias.

FERIA QUARTA

De Parábolis Salomónis

Lectio i Cap. 8, 1-17

Numquid non sapiéntia clámitat, et prudéntia dat vocem suam? In summis excelsisque verticibus supra viam, in médiis sémitis stans, juxta portas civitátis, in ipsis fóribus lóquitur dicens : O viri, ad vos clámite, et vox mea ad filios hóminum; intelligite, párvuli, astútiam, et, insipientes, animadvértite; audíte, quóniam de rebus magnis locutúra sum, et aperiéntur lábia mea, ut recta prædicent.

℟. Dómine, pater et Deus vitæ meæ, ne derelínquas me in cogitátu maligno : extolléntiam oculórum meórum ne déderis mihi, et desidérium malignum

avérte a me, Dómine; aufer a me concupiscéntiam, * Et ánimo irreverénti et infruníto ne tradas me, Dómine. ℣. Ne derelínquas me, Dómine, ne accréscent ignorantíæ meæ, nec multiplicéntur delícta mea. — Et ánimo.

Lectio ii

Veritátem meditábitur guttur meum, et lábia mea detestabúntur ímpium; justi sunt omnes sermónes mei, non est in eis pravum quid neque pervérsus : recti sunt intelligentibus et æqui inveniéntibus sciéntiam. Accípите disciplínam meam et non pecúniam, doctrínam magis quam aurum elígite; mélior est enim sapiéntia cunctis pretiosíssimis, et omne desiderábile ei non potest comparári.

℟. Magna enim sunt iudícia tua, Dómine, et innarrabília verba tua : * Magnificásti pópulum tuum et honorásti. ℣. Transtulísti illos per Mare Rubrum et transvexisti eos per aquam nímiam. — Magnificásti.

In Octavis et Festis ritus simplicis : Glória Patri. Magnificásti.

Lectio iii

EGO sapiéntia hábito in consílio et erudítis intérsus cogitátionibus; ti-

mor Dómini odit malum, arrogántiam et supérbiam et viam pravam et os bilingue detéstor; meum est consílium et æquitas, mea est prudéntia, mea est fortitúdo; per me reges regnant, et legum conditores justa decérnunt; per me príncipes imperant, et poténtes decérnunt justítiam; ego diligéntes me díligo, et qui mane vígilant ad me, invénient me.

✠. Quæ sunt in corde hómini, óculi tui vident, Dómine, et in libro tuo ómnia scribéntur: * Homo videt in fácie, Deus autem in corde. ✠. Omnia enim corda scrutátur, et univérsas méntium cogitatiónes intélligit. — Homo. Glória Patri. Homo.

FERIA QUINTA

De Parábolis Salomónis

Lectio i Cap. 10, 1-16

Filius sápiens lætíficat patrem, fílius vero stultus mæstítia est matris suæ. Nihil próderunt thesáuri impietátis, justítia vero liberábit a morte. Non afflíget Dóminus fame ánimam justí, et insídias impiórum subvértet. Egestátem operáta est manus remissa, manus autem fórtium divítias parat. Qui nítitur mendáciis, hic pa-

scit ventos, idem autem ipse séquitur aves volántes. Qui cóngregat in messe, fílius sápiens est; qui autem stertit æstáte, fílius confusiónis.

✠. In princípíio Deus ántequam terram fáceret, priúsquam abyssos constitúeret, priúsquam producéret fontes aquárum,

* Antequam montes collocaréntur, ante omnes colles generávit me Dóminus.

✠. Quando præparábat cælos, áderam, cum eo cuncta compónens. — Antequam.

Lectio ii

Benedíctio Dómini super caput justí, os autem impiórum óperit iníquitas. Memória justí cum láudibus, et nomen impiórum putrésceat. Sápiens corde præcépta súscipit, stultus cæditur lábiis. Qui ámbulat simpliciter, ámbulat confidénter; qui autem deprávat vias suas, manifestus erit. Qui ánnuit óculo dabit dolórem, et stultus lábiis verberábitur.

✠. Gyrum cæli circuívi sola, et in flúctibus maris ambulávi, in omni gente et in omni pópulo primátum ténuí: * Superbórum et sublímium colla própria virtúte calcávi. ✠. Ego in altíssimis hábito, et thronus meus in columna nubis. — Superbórum.

In Octavis et Festis ritus simplicis : Glória Patri. Superbórum.

Lectio iii

Vena vitæ os justi, et os impiórum óperit iniquitatem. Odium súscitat rixas, et univérsa delicta óperit caritas. In lábiis sapiéntis invenitur sapiéntia, et virga in dorso ejus qui indiget corde. Sapiéntes abscondunt sciéntiam, os autem stulti confusióni próximum est. Substántia dívitis urbs fortitúdinis ejus, pavor páuperum egéstas eórum. Opus justi ad vitam, fructus autem impii ad peccátum.

✠. Emitte, Dómine, sapiéntiam de sede magnitúdinis tuæ, ut mecum sit et mecum labóret : * Ut sciam, quid accéptum sit coram te omni témpore. ✠. Da mihi, Dómine, sédium tuárum assistricem sapiéntiam. — Ut sciam. Glória Patri. Ut sciam.

FERIA SEXTA

De Parábolis Salomónis

Lectio i Cap. 14, 1-16

Sapiens múlter ædificat domum suam, insípiens exstrúctam quoque mánibus déstruet. Ambulans recto itínere et timens Deum despícitur ab eo qui

infámi gráditur via. In ore stulti virga supérbiæ, lábia autem sapiéntium custódiunt eos. Ubi non sunt boves, præsepe vácuum est; ubi autem plúrimæ ségetes, ibi manifestá est fortitúdo bovis. Testis fidélis non mentitur, profert autem mendácium dolósus testis.

✠. Da mihi, Dómine, sédium tuárum assistricem sapiéntiam, et noli me reprobáre a púeris tuis : * Quóniam servus tuus sum ego, et fílius ancillæ tuæ. ✠. Mitte illam de sede magnitúdinis tuæ, ut mecum sit et mecum labóret. — Quóniam.

Lectio ii

Quærit derisor sapiéntiam et non invenit, doctrína prudéntium fáci lis. Vade contra virum stultum, et nescit lábia prudéntiæ. Sapiéntia cálido est intelligere viam suam, et imprudéntia stultórum errans. Stultus illúdet peccátum, et inter justos morábitur grátia. Cor, quod novit amaritúdinem ánimæ suæ, in gáudio ejus non miscébitur extráneus. Domus impiórum delébitur, tabernácula vero justórum germínabunt.

✠. Inítium sapiéntiæ timor Dómini : * Intelléctus

bonus ómnibus faciéntibus eum; laudátio ejus manet in sǎculum sǎculi.

℟. Diléctio illíus custódia legum est : quia omnis sapiéntia timor Dómini. — Intelléctus.

In Octavis et Festis ritus simplicis : Glória Patri. Intelléctus.

Lectio iii

EST via, quæ vidétur hómini justa, novíssima autem ejus dedúcant ad mortem. Risus dolore miscébitur, et extrémá gáudii luctus óccupat. Viis suis replébitur stultus, et super eum erit vir bonus. Innocens credit omni verbo, astútus considerat gressus suos. Filio dolóso nihil erit boni, servo autem sapiénti próspéri erunt actus et dirigétur via ejus. Sápiens timet et declínat a malo, stultus tránsilit et confidit.

℟. Verbum iníquum et dolósum longe fac a me, Dómine : * Divítias et paupertátem ne déderis mihi, sed tantum víctui meo tríbue necessariá.

℟. Duo rogávi te, ne déneges mihi, ántequam móriar. — Divítias. Glória Patri. Divítias.

SABBATO

De Parábolis Salomónis

Lectio i Cap. 16, 1-15

Hominis est ánimam præparáre, et Dómini gubernáre linguam. Omnes viæ hóminis patent óculis ejus : spírituum ponderátor est Dóminus. Revéla Dómino ópera tua, et dirigéntur cogitatiónes tuæ. Univérsa propter semetípsum operátus est Dóminus, ímpium quoque ad diem malum. Abominátio Dómini est omnis árrogans, etiámsi manus ad manum fúerit, non est innocens.

℟. Dómine, pater et Deus vitæ meæ, ne derelínquas me in cogitátu maligno : extolléntiam oculórum meórum ne déderis mihi, et desidérium malignum avérte a me, Dómine; aufer a me concupiscéntiam, * Et ánimo irreverénti et infruníto ne tradas me, Dómine. ℟. Ne derelínquas me, Dómine, ne accréscent ignorántiæ meæ, nec multiplicéntur delícta mea. — Et.

Lectio ii

Ínitium viæ bonæ fácere justítiam, accépta est autem apud Deum magis quam immoláre hóstias. Misericórdia et veritáte redímítur iníquitas, et in ti-

móre Dómini declinátur a malo. Cum placúerint Dómino viæ hóminis, inimicos quoque ejus convértet ad pacem. Mélius est parum cum justítia, quam multi fructus cum iniquitáte. Cor hóminis dispónit viam suam, sed Dómini est dirigere gressus ejus.

℟. Magna enim sunt júdicia tua, Dómine, et innarrabília verba tua : * Magnificásti pópulum tuum et honorásti. ℣. Transtulísti illos per Mare Rubrum et transvexísti eos per aquam nímiā. — Magnificásti.

In Octavis simplicibus et in Officio S. Mariæ in Sabbato : Glória Patri. Magnificásti.

Lectio iii

DIvinátio in lábiis regis, in júdicio non errábit os ejus. Pondus et statéra júdicia Dómini sunt, et ópera ejus omnes lápidés sácculi. Abominábiles regi qui agunt ímpie, quóniam justítia firmátur sólum. Volúntas regum lábia justa; qui recta lóquitur, diligétur. Indignátio regis núnzii mortis, et vir sapiens placábit eam. In hilaritáte vultus regis vita, et cleméntia ejus quasi imber serótinus.

℟. Quæ sunt in corde hóminum, óculi tui vident, Dómine, et in libro tuo

ómnia scribéntur : * Homo videt in fácie, Deus autem in corde. ℣. Omnia enim corda scrutátur, et univérsas méntium cogitátiones intélligit. — Homo. Glória Patri. Homo,

AD VESPERAS

℣. Vespertína orátio ascéndat ad te, Dómine.

℟. Et descéndat super nos misericórdia tua.

Ad Magnif. Ant. Ego in altíssimis * hábito : et thronus meus in colúmna nubis.

Oratio Dominicæ occurrentis.

DOMINICA II AUGUSTI

Semiduplex

In I Noeturno

Incipit liber Ecclesiástes

Lectio i Cap. 1, 1-17



Erba Ecclesiástæ, filii David, regis Jerúsalem. Vánitas vanitátum, dixit Ecclesiástes; vánitas vanitátum, et ómnia vánitas. Quid habet ámplius homo de univérso labóre suo quo labórat sub sole? Generátio præterit, et generátio ádvenit; terra autem in ætérnum stat. Oritur sol et óccidit et ad locum suum revértitur; ibíque renáscens gyrat per merídiem et fléctitur ad aquilónem.

Lustrans univérſa in circúitu pergit ſpíritus et in círculos ſuos revértitur. Omnia flúmina intrant in mare, et mare non redúndat; ad locum unde éxeunt flúmina revertúntur, ut íterum fluant.

℟. In príncípío Deus ántequam terram fáceret, priúſquam abyſſos conſtitúeret, priúſquam prodúceret fontes aquárum, * Antequam montes collocaréntur, ante omnes colles generávit me Dóminus. ℣. Quando præparábat cælos, áderam, cum eo cuncta compónens. — Antequam.

Lectio ii

Cunctæ res difficiles : Non poteſt eas homo explicáre ſermóne. Non ſaturátur óculus visu, nec auris auditu implétur. Quid eſt quod fuit? Ipſum quod futúrum eſt. Quid eſt quod factum eſt? Ipſum quod faciéndum eſt? Nihil ſub ſole novum, nec valet quiſquam dicere : Ecce hoc recens eſt; jam enim præcéſſit in ſæculis quæ fuérunt ante nos. Non eſt priórum memória; ſed nec eórum quidem quæ póſtea futúra ſunt, erit recordátio apud eos qui futúri ſunt in novíſſimo.

℟. Gyrum cæli circuívi ſola, et in flúctibus maris

ambulávi, in omni gente et in omni pópulo primátum ténuí : * Superbórum et ſublímium colla própria virtúte calcávi. ℣. Ego in altíſſimis hábito et thronus meus in cólúmna nubis. — Superbórum.

Lectio iii

EGO Eccleſiáſtes fui rex Iſraël in Jerúſalem et propóſui in ánimo meo et quærere et investigáre ſapiénter de ómnibus quæ fiunt ſub ſole. Hanc occupatióem péſſimam dedit Deus filiis hóminum, ut occuparéntur in ea. Vidi cuncta quæ fiunt ſub ſole, et ecce univérſa vánitas et afflíctio ſpíritus. Pervérſi difficile corrigúntur, et ſtultórum infinítus eſt númeroſus. Locútus ſum in corde meo dicens : Ecce magnus efféctus ſum et præcéſſi omnes ſapiéntia qui fuérunt ante me in Jerúſalem; et mens mea contempláta eſt multa ſapiénter, et didici dedíque cor meum ut ſcirem prudéntiam atque doctrínam errorésque et ſtultítiam.

℟. Emítte, Dómine, ſapiéntiam de ſede magnitúdinis tuæ, ut mecum ſit et mecum labóret : * Ut ſciam, quid accéptum ſit coram te omni témpore. ℣. Da mihi, Dómine, sédium tuárum aſſiſtrícem

sapiéntiam. — Ut sciam, quid accéptum sit coram te omni témpore. Glória. Ut.

In II Nocturno

Sermo sancti Joánnis
Chrysóstomi

Sermo contra concubinariorum,
in fine, tomo 5

Lectio iv



Alomon cum sæcularium rerum concupiscéntia teneretur, magnas eas et admirandas putabat, multumque in eis labóris et sollicitudinis insumébat, magnificas ædificando domos, copiosum coacervando aurum, congregando cantorum choros, vária génera ministrorum mensæ et popinæ, quærendo animæ suæ voluptatem ab hortorum et corporum formosorum grátia, et omnem, ut ita dicam, oblectatiónis et refrigerii viam sectando.

℟. Da mihi, Dómine, sédium tuarum assistricem sapiéntiam, et noli me reprobare a púeris tuis :

* Quóniam servus tuus sum ego, et filius ancillæ tuæ. ℣. Mitte illam de sede magnitudinis tuæ, ut mecum sit et mecum labóret. — Quóniam.

Lectio v

AT ubi inde ad se revérsus, et quasi ex umbrósa quadam abyssó ad

lumen veræ sapiéntiæ respicere vóluit, tunc sublimem illam et cælis dignam emisit vocem : Vánitas vanitátum, dicens, et ómnia vánitas. Hanc et vos, et hac sublimiorem, si voluéritis, efferétis senténtiam de intempestiva hac voluptáte, si aliquantisper a mala consuetudine vos sequestraveritis.

℟. Inítium sapiéntiæ timor Dómini : * Intelléctus bonus ómnibus faciéntibus eum; laudatio ejus manet in sæculum sæculi.

℣. Diléctio illius custódia legum est : quia omnis sapiéntia timor Dómini. — Intelléctus.

Lectio vi

Quamvis autem a Salomóne sæculis superioribus non tam multa sapiéntiæ exigebátur diligéntia; neque enim delicias lex vetus prohibébat, neque áliis frui supervácuus dicébat vanum : áttamen et sic se habéntibus rebus, in ipsis contuéri licébit, quam viles et vanitati obnoxie res sint. Nos vero ad majórem vocáti vitam, et ad excelléntius fastígium ascéndimus, et in majóribus exercémur palæstris : et quid áliud, quam quod, sicut supérnæ virtútes intellectuáles

et incorpóreæ illæ, vitam institúere jubémur?

℟. Verbum iníquum et dolósum longe fac a me, Dómine : * Divítias et paupertátem ne déderis mihi, sed tantum víctui meo tríbue necessariá.

℣. Duo rogávi te, ne déneges mihi, ántequam móriar. — Divítias. lória Patri. Divítias.

℟. vii Dómine et ℟. viii Duo Séraphim, *ut infra in Homiliis.*

FERIA SECUNDA

De libro Ecclesiástæ

Lectio i Cap. 2, 1-4

Dixi ego in corde meo : Vadam et áffluam delíciis et fruar bonis; et vidi quod hoc quoque esset vánitas. Risum reputávi errórem et gáudio dixi : Quid frustra decíperis? Cogitávi in corde meo abstráhere a vino carnem meam, ut ánimus meus transférrem ad sapiéntiam, devitarémque stultitiam, donec vidérem quid esset útile filiis hóminum, quo facto opus est sub sole número diérum vitæ suæ. Magnificávi ópera mea, ædificávi mihi domos et plantávi víneas.

℟. Ne derelínquas me, Dómine, pater et dominátor vitæ meæ, ut non cór-

ruam in conspéctu adversariórum meórum : * Ne gáudeat de me inimícus meus. ℣. Apprehénde arma et scutum et exsúrge in adiutórium mihi. — Ne gáudeat.

Lectio ii Cap. 2, 7-11

Possédi servos et ancillas multámque familiam hábui, arménta quoque et magnos óvium greges, ultra omnes qui fuérunt ante me in Jerúsalem; coacervávi mihi argéntum et aurum et substántias regum ac provinciárum; feci mihi cantóres et cantatríces et delicias filiórum hóminum, scyphos et úrceos in ministério ad vina fundénda, et supergréssus sum ópibus omnes qui ante me fuérunt in Jerúsalem : sapiéntia quoque perseverávit mecum.

℟. Magna enim sunt iudícia tua, Dómine, et innarrabilia verba tua : * Magnificásti pópulum tuum et honorásti. ℣. Transtulísti illos per Mare Rubrum et transvexísti eos per aquam nímiám. — Magnificásti.

In Octavis et Festis ritus simplicis : Glória Patri. Magnificásti.

Lectio iii

Et ómnia, quæ desideravérunt óculi mei, non negávi eis, nec prohibui

cor meum, quin omni voluptate frueretur et oblectaret se in his quæ præparaveram; et hanc ratus sum partem meam si uterer labore meo. Cumque me convertissem ad universa opera, quæ fecerant manus meæ, et ad labores in quibus frustra sudaveram, vidi in omnibus vanitatem et afflictionem animi et nihil permanere sub sole.

℟. Quæ sunt in corde hominum, oculi tui vident, Domine, et in libro tuo omnia scribentur: * Homo videt in facie, Deus autem in corde. ℣. Omnia enim corda scrutatur, et universas mentium cogitationes intelligit. — Homo. Glória Patri. Homo.

FERIA TERTIA

De libro Ecclesiastæ

Lectio i Cap. 3, 1-17

OMnia tempus habent, et suis spatiis transeunt universa sub cælo. Tempus nascendi et tempus moriendi, tempus plantandi et tempus evellendi quod plantatum est, tempus occidendi et tempus sanandi, tempus destruendi et tempus ædificandi, tempus flendi et tempus ridendi, tempus plangendi et tempus saltandi, tem-

pus spargendi lapides et tempus colligendi, tempus amplexandi et tempus longe fieri ab amplexibus, tempus acquirendi et tempus perdendi, tempus custodiendi et tempus abjiciendi, tempus scindendi et tempus consuendi, tempus tacendi et tempus loquendi, tempus dilectionis et tempus odii, tempus belli et tempus pacis.

℟. Præbe, fili, cor mihi, et oculi tui vias meas custodiant: * Ut addatur gratia capiti tuo. ℣. Attendente, fili mi, sapientiam meam et ad eloquium meum inclina aurem tuam. — Ut.

Lectio ii

Quid habet amplius homo de labore suo? Vidi afflictionem, quam dedit Deus filiis hominum, ut distendantur in ea. Cuncta fecit bona in tempore suo et mundum tradidit disputationi eorum, ut non inveniat homo opus, quod operatus est Deus ab initio usque ad finem. Et cognovi quod non esset melius nisi lætari et facere bene in vita sua; omnis enim homo qui comedit et bibit et videt bonum de labore suo, hoc donum Dei est.

℟. Initium sapientiae timor Domini: * Intellectus

bonus ómnibus faciéntibus eum; laudátio ejus manet in sáeculum sáeculi.

℟. Diléctio illius custódia legum est : quia omnis sapiéntia timor Dómini. — Intelléctus.

In Octavis et Festis ritus simplicis : Glória Patri. Intelléctus.

Lectio iii

Didici quod ómnia ópera, quæ fecit Deus, perseverent in perpétuum; non póssumus eis quidquam áddere nec auférre, quæ fecit Deus ut timeátur. Quod factum est ipsum pérmanet, quæ futura sunt jam fuérunt, et Deus instáurat quod ábiit. Vidi sub sole in loco júdicii impietátem et in loco justítiæ iniquitátem et dixi in corde meo : Justum et ímpium judicábit Deus, et tempus omnis rei tunc erit.

℟. Verbum iníquum et dolósum longe fac a me, Dómine : * Divítias et paupertátem ne déderis mihi, sed tantum víctui meo tríbue necessariá.

℟. Duo rogávi te, ne déneges mihi, ántequam móriar. — Divítias. Glória Patri. Divítias.

FERIA QUARTA

De libro Ecclesiástæ

Lectio i Cap. 4, 1-13

Verti me ad ália et vidi calúmnia, quæ sub sole gerúntur, et lácrimas innocentium et néminem consolatórem, nec posse resistere eórum violéntiæ cunctórum auxílio destitútos. Et laudávi magis mórtuos quam vivéntes et feliciórem utróque judicávi qui necdum natus est nec vidit mala quæ sub sole fiunt. Rursum contéplátus sum omnes labóres hóminum et indústrias animadvérti patére invídiæ próximi; et in hoc ergo vánitas et cura superflua est.

℟. Dómine, pater et Deus vitæ meæ, ne derelínquas me in cogitátu maligno : extolléntiam oculórum meórum ne déderis mihi, et desidérium malignum avérte a me, Dómine; aufer a me concupiscéntiam, * Et ánimo irreverénti et infruníto ne tradas me, Dómine. ℟. Ne derelínquas me, Dómine, ne accréscant ignorántiæ meæ, nec multiplicéntur delícta mea. — Et.

Lectio ii

Stultus cómplicat manus suas et comédit carnes suas dicens : Mélior

est pugillus cum réquie, quam plena útraque manus cum labóre et afflictióné ánimí. Considerans réperi et áliam vanitátem sub sole. Unus est et secúndum non habet, non filium, non fratrem, et tamen laboráre non cessat, nec satiántur óculi ejus divítiis, nec recógitat dicens : Cui labóro, et fraudo ánimam meam bonis? In hoc quoque vánitas est et afflictio péssima.

✠. Magna enim sunt júdicia tua, Dómine, et innarrabilia verba tua : * Magnificásti pópulum tuum et honorásti. ✠. Transtulísti illos per Mare Rubrum et transvexisti eos per aquam nímiám. — Magnificásti pópulum.

In Octavis et Festis ritus simplicis : Glória Patri. Magnificásti.

Lectio iii

Melius est ergo duos esse simul quam unum; habent enim emoluméntum societátis suæ. Si unus ceciderit, ab áltero fulciétur. Væ soli, quia, cum ceciderit, non habet sublevántem se. Et si dormierint duo, fovebúntur mútuo : unus quómodo calefiet? Et, si quispiam prævalúerit contra unum, duo resístunt ei; funículus triplex difficile rúmpitur. Mélior est puer pauper et

sápiens rege sene et stulto, qui nescit prævidére in pósterum.

✠. Quæ sunt in corde hóminum, óculi tui vident, Dómine, et in libro tuo ómnia scribéntur : * Homo videt in fácie, Deus autem in corde. ✠. Omnia enim corda scrutátur, et univérsas méntium cogitatiónes intélligit. — Homo. Glória Patri. Homo.

FERIA QUINTA

De libro Ecclesiástæ

Lectio i Cap. 5, 3-13

NE témere quid loquáris neque cor tuum sit velox ad proferéndum sermónem coram Deo. Deus enim in cælo, et tu super terram; idcirco sint pauci sermónes tui. Multas curas sequúntur sómnia, et in multis sermónibus inveniétur stultitia. Si quid vovísti Deo, ne moréris réddere; displicet enim ei infidéls et stulta promissio; sed quodcúmque vóveris redde; multóque mélius est non vovére, quam post votum promíssa non réddere.

✠. In princípío Deus ántequam terram fáceret, priúsqvam abyssos constitúeret, priúsqvam prodúceret fontes aquárum, * Antequam montes collo-

caréntur, ante omnes colles generávit me Dóminus. *℟.* Quando præparábat cælos, áderam, cum eo cuncta compónens. — Antequam.

Lectio ii

NE déderis os tuum ut peccáre fácias carnem tuam; neque dicas coram Angelo : Non est providéntia; ne forte irátus Deus contra sermónes tuos dissipet cuncta ópera mánuum tuárum. Ubi multa sunt sómnia, plúrimæ sunt vanitátes et sermónes innúmeri; tu vero Deum time. Si víderis calúmnicas egenórum et violénta iudícia et subvérti justítiam in província, non miréris super hoc negótio; quia excélsio est álius, et super hos quoque eminentióres sunt álii; et insuper univérsæ terræ rex ímperat serviénti.

℟. Gyrum cæli circuivi sola, et in flúctibus maris ambulávi, in omni gente et in omni pópulo primátum ténuí : * Superbórum et sublímiū colla própria virtúte calcávi. *℟.* Ego in altíssimis hábito, et thronus meus in cólūmna nubis. — Superbórum.

In Octavis et Festis ritus simplicis : Glória Patri. Superbórum.

Lectio iii

AVárus non implébitur pecúnia, et qui amat divítias, fructum non cápiet ex eis : et hoc ergo vánitas. Ubi multæ sunt opes, multi et qui cómedunt eas. Et quid prodest possessóri, nisi quod cernit divítias óculis suis? Dulcis est somnus operánti, sive parum sive multum cómedat; satúritas autem divitis non sinit eum dormíre. Est et ália infirmitas péssima, quam vidi sub sole : divítiæ conservátæ in malum dómini sui. Péreunt enim in afflictiónē péssima : generávit fílium qui in summa egestáte erit.

℟. Emítte, Dómine, sapiéntiam de sede magnítudinis tuæ, ut mecum sit et mecum labóret : * Ut sciam, quid accéptum sit coram te omni témpore.

℟. Da mihi, Dómine, sédium tuárum assistricem sapiéntiam. — Ut. Glória Patri. Ut.

FERIA SEXTA

De libro Ecclesiástæ

Lectio i

Cap. 6, 1-9

EST et áliud malum quod vidi sub sole, et quidem frequens apud hómines : vir, cui dedit Deus

divítias et substántiam et honórem, et nihil deest ánimæ suæ, ex ómnibus quæ desíderat; nec tríbuit ei potestátem Deus ut cómedat ex eo, sed homo extráneus vorábit illud : hoc vánitas et miséria magna est.

✠. Da mihi, Dómine, sédium tuárum assístricem sapiéntiam, et noli me reproháre a púeris tuis :

* Quóniam servus tuus sum ego, et filius ancíllæ tuæ. ✠. Mitte illam de sede magnítudinis tuæ, ut mecum sit et mecum labóret. — Quóniam.

Lectio ii

SI genúerit quíspiam centum líberos et víxerit multos annos et plures dies ætátis habúerit, et ánima illíus non utátur bonis substántiæ suæ sepulturáque cáreat; de hoc ego pronúntio, quod mélior illo sit abortívus. Frustra enim venit et pergit ad ténebras, et obliuío delébitur nomen ejus. Non vidit solem neque cognóvit distántiam boni et mali, étiam si duóbus míllibus annis víxerit et non fúerit perfrúitus bonis.

✠. Inítium sapiéntiæ timor Dómini : * Intelléctus bonus ómnibus faciéntibus eum; laudátio ejus manet in sáeculum sáeculi.

✠. Diléctio illíus custódia legum est : quia omnis sapiéntia timor Dómini. — Intelléctus.

In Octavis et Festis ritus simplicis : Glória Patri. Intelléctus.

Lectio iii

Nonne ad unum locum próperant ómnia? Omnis labor hóminis in ore ejus; sed ánima ejus non implébitur. Quid habet ámplius sápiens a stulto? et quid pauper, nisi ut pergat illuc ubi est vita? Mélius est vidére quod cúpias, quam desideráre quod néscias; sed et hoc vánitas est et præsumptio spíritus.

✠. Verbum iníquum et dolósum longe fac a me, Dómine : * Divítias et paupertátem ne déderis mihi, sed tantum víctui meo tríbue necessariá.

✠. Duo rogávi te, ne déneges mihi, ántequam móriar. — Divítias. Glória Patri. Divítias.

SABBATO

De libro Ecclesiástæ

Lectio i Cap. 7, 1-9

Quid necesse est hómini majóra se quærere, cum ignóret quid condúcat sibi in vita sua, número diérum peregrinatiónis suæ et témpore quod velut

umbra præterit? Aut quis ei póterit indicáre quid post eum futúrum sub sole sit? Mélius est nomen bonum quam unguénta pretiósá, et dies mortis die nativitátis. Mélius est ire ad domum luctus quam ad domum convívii; in illa enim finis cunctórum admonétur hóminum, et vivens cógitat quid futúrum sit.

✠. Dómine, pater et Deus vitæ meæ, ne derelínquas me in cogitátu maligno : extolléntiam oculórum meórum ne dederis mihi, et desidérium malignum avérte a me, Dómine; aufer a me concupiscéntiam, * Et ánimo irreverénti et infruníto ne tradas me, Dómine. ✠. Ne derelínquas me, Dómine, ne accréscant ignorántiæ meæ, nec multiplicéntur delícta mea. — Et.

Lectio ii

Melior est ira risu, quia per tristítiam vultus corrígitur ánimo delinquéntis. Cor sapiéntium ubi tristítia est, et cor stultórum ubi lætítia. Mélius est a sapiénte córripi, quam stultórum adulatióne decipi; quia sicut sónitus spinárum ardéntium sub olla, sic risus stulti; sed et hoc vánitas. Calúmnia contúrbat sapién-

tem et perdet robur cordis illíus. Mélior est finis oratiónis quam princípium, mélior est pátiens arrogánte.

✠. Magna enim sunt iudícia tua, Dómine, et innarrabília verba tua : * Magnificásti pópulum tuum et honorásti. ✠. Transtulísti illos per Mare Rubrum et transvexisti eos per aquam nímiam. — Magnificásti.

In Octavis simplicibus et in Officio sanctæ Mariæ in Sabbato : Glória Patri. Magnificásti.

Lectio iii Cap. 7, 11-14

NE dicas : Quid putas causæ est quod prióra témpora melióra fuére quam nunc sunt? stulta enim est hujuscémodi interrogátio. Útilior est sapiéntia cum divítiis et magis prodest vidéntibus solem. Sicut enim prótegit sapiéntia, sic prótegit pecúnia; hoc autem plus habet eruditio et sapiéntia, quod vitam tribuunt possessóri suo. Consídera ópera Dei, quod nemò possit corrigere quem ille despéxerit.

✠. Quæ sunt in corde hóminum, óculi tui vident, Dómine, et in libro tuo ómnia scribéntur : * Homo videt in fácie, Deus autem in corde. ✠. Omnia enim

corda scrutátur, et univérsas méntium cogitatió-
nes intélligit. — Homo vi-
det in fácie, Deus autem in
corde. **Gloria Patri.** Homo.

AD VESPERAS

V. Vespertína orátio
ascéndat ad te, Dómine.
R. Et descéndat super nos
misericórdia tua.

Ad Magnif. Ant. Omnis
sapiéntia * a Dómino Deo
est, et cum illo fuit sem-
per, et est ante ævum.

**Oratio Dominicæ occurren-
tis.**

DOMINICA III AUGUSTI

Semiduplex

In I Nocturno

Incipit liber Sapiéntiæ

Lectio i **Cap. 1, 1-11**



Diligite justítiam, qui
judicátis terram,
sentíte de Dómino
in bonitáte et in simplici-
táte cordis quærite illum;
quóniam invenítur ab his
qui non tentant illum, ap-
páret autem eis qui fidem
habent in illum. Pervérsæ
enim cogitatiónes sépa-
rant a Deo, probáta autem
virtus córripit insipiéntes;
quóniam in malévolam
ánimam non introíbit sa-
piéntia, nec habitábit in
córpoře súbdito peccátis.

R. In princípío Deus
ántequam terram fáceret,

priúsqvam abyssos con-
stitúeret, priúsqvam pro-
dúceret fontes aquárum,
* Ántequam montes collo-
caréntur, ante omnes col-
les generávit me Dómi-
nus. **V.** Quando præpará-
bat cælos, áderam, cum eo
cuncta compónens. — Án-
tequam.

Lectio ii

Spíritus enim sanctus
disciplínæ effúgiét fi-
ctum et áuferet se a cogi-
tatió nibus quæ sunt sine
intelléctu et corripiétur a
superveniénte iniquitáte.
Benígnus est enim spíritus
sapiéntiæ et non liberábit
malédicum a lábiis suis;
quóniam renum illíus te-
stis est Deus et cordis
illíus scrutátor est verus
et linguæ ejus audítor :
quóniam spíritus Dómini
replévit orbem terrárum,
et hoc quod cóntinet óm-
nia sciéntiam habet vocis.
Propter hoc qui lóquitur
iníqua non potest latére,
nec prætériet illum corri-
piens iudícium.

R. Gyrum cæli circuívi
sola, et in flúctibus maris
ambulávi, in omni gente
et in omni pópulo primá-
tum ténuí : * Superbórum
et sublímiū colla própria
virtúte calcávi. **V.** Ego in
altíssimis hábito, et thro-
nus meus in colúmna nu-
bis. — Superbórum.

Lectio iii

IN cogitationibus enim impij interrogatio erit, sermonum autem illius auditio ad Deum veniet ad correptionem iniquitatum illius; quoniam auris zeli audit omnia, et tumultus murmurationum non abscondetur. Custodite ergo vos a murmuratione, quae nihil prodest, et a detractioe parcite linguae, quoniam sermo obscurus in vacuum non ibit, os autem quod mentitur occidit animam.

R. Emitte, Domine, sapientiam de sede magnitudinis tuae, ut tecum sit et tecum laboret : * Ut sciam, quid acceptum sit coram te omni tempore.

V. Da mihi, Domine, sedium tuarum assistricem sapientiam. — Ut. **Gloria Patri.** Ut.

In II Nocturno

Ex libro Officiorum
sancti Ambrósii Episcopi

Liber 1, cap. 28 et 29

Lectio iv



Agnus justitiae splendor, quae aliis potius nata quam sibi, communitatem et societatem nostram adjuvat, excelsitatem tenet, ut suo iudicio omnia subiecta habeat, opem aliis ferat, pecuniam conferat, officia

non abnuat, pericula suscipiat aliena. Quis non cuperet hanc virtutis arcem tenere, nisi prima avaritia infirmaret atque inflecteret tantae virtutis vigorem? Etenim dum augere opes, aggregare pecunias, occupare terras possessionibus cupimus, prestare divitiis; justitiae formam exuimus, beneficentiam communem amittimus.

R. Da mihi, Domine, sedium tuarum assistricem sapientiam, et noli me reprobare a pueris tuis :

* Quoniam servus tuus sum ego, et filius ancillae tuae. **V.** Mitte illam de sede magnitudinis tuae, ut tecum sit et tecum laboret. — Quoniam.

Lectio v

Quanta autem justitia sit, ex hoc intelligi potest, quod nec locis, nec personis, nec temporibus excipitur, quae etiam hostibus reservatur : ut, si constitutus sit cum hoste aut locus aut dies praelio, adversus justitiam putetur aut loco praevenire aut tempore. Interest enim, utrum aliquis pugna aliqua et conflictu gravi capiatur, an superiore gratia, vel aliquo eventu. Si ergo in bello justitia valet, quanto magis in pace servanda est?

℟. Inítium sapiéntiæ timor Dómini : * Intelléctus bonus ómnibus faciéntibus eum; laudátio ejus manet in sæculum sæculi.

℣. Diléctio illíus custódia legum est : quia omnis sapiéntia timor Dómini. — Intelléctus.

Lectio vi

Fundaméntum ergo est justítiæ fides. Justórum enim corda meditántur fidem : et qui se justus accúsat, justítiam supra fidem cóllocat. Nam tunc justítia ejus appáret, si vera fateátur. Dénique et Dóminus per Isaíam : Ecce, inquit, mitto lápidem in fundaméntum Sion; id est, Christum in fundaméntum Ecclesiæ. Fides enim ómnium Christus; Ecclesiá autem quædam forma justítiæ est, commúne jus ómnium : in commúne orat, in commúne operátur, in commúne tentátur. Dénique qui seípsum sibi ábnegat, ipse justus, ipse dignus Christo est. Ideo et Paulus fundaméntum pósuit Christum, ut supra eum ópera justítiæ locarémus, quia fides fundaméntum est.

℟. Verbum iníquum et dolósum longe fac a me, Dómine : * Divítias et paupertátem ne déderis mihi, sed tantum víctui

meo tríbue necessariá.

℣. Duo rogávi te, ne déneges mihi, ántequam móriar. — Divítias. Glória Patri. Divítias.

℟. vii Dómine et ℟. viii Duo Séraphim, ut infra in Homíliis.

FERIA SECUNDA

De libro Sapiéntiæ

Lectio i Cap. 3, 1-11

Iustórum autem animæ in manu Dei sunt, et non tanget illos torméntum mortis. Visi sunt óculis insipiéntium mori, et æstimáta est afflíctio éxitus illórum, et quod a nobis est iter exterminium; illi autem sunt in pace; et si coram homínibus torménta passi sunt, spes illórum immortalitáte plena est. In paucis vexáti in multis bene disponéntur, quóniam Deus tentávit eos et invénit illos dignos se. Tamquam aurum in fornáce probávit illos, et quasi holocáusti hóstiam accépit illos, et in témpore erit respectus illórum.

℟. Ne derelínquas me, Dómine, pater et dominátor vitæ meæ, ut non córruam in conspéctu adversariórum meórum : * Ne gáudeat de me inimícus meus. ℣. Apprehénde arma et scutum et exsúrge

in adiutorium mihi. — Ne gaudeat.

Lectio ii

Fulgébunt iusti et tamquam scintillæ in arundinato discurrent; iudicabunt nationes et dominabuntur populis, et regnabit Dominus illorum in perpetuum. Qui confidunt in illo intelligunt veritatem, et fideles in dilectione acquiescent illi, quoniam donum et pax est electis ejus. Impii autem, secundum quæ cogitaverunt, correptionem habebunt, qui neglexerunt justum et a Domino recesserunt. Sapientiam enim et disciplinam qui abjicit infelix est; et vacua est spes illorum, et labores sine fructu, et inutilia opera eorum.

✠. Magna enim sunt iudicia tua, Domine, et innarrabilia verba tua: * Magnificasti populum tuum et honorasti. ✠. Transtulisti illos per Mare Rubrum et transvexisti eos per aquam nimiam. — Magnificasti.

In Octavis et Festis ritus simplicis: Gloria Patri. Magnificasti.

Lectio iii Cap. 5, 16-21

Iusti autem in perpetuum vivent, et apud Dominum est merces eorum et cogitatio illorum apud Altissimum. Ideo

accipient regnum decoris et diadema speciei de manu Domini; quoniam dextera sua teget eos et brachio sancto suo defendet illos. Accipiet armaturam zelus illius et armabit creaturam ad ultionem inimicorum. Induet pro thorace iustitiam et accipiet pro galea iudicium certum, sumet scutum inexpugnabile æquitatem. Acuet autem duram iram in lanceam, et pugnabit cum illo orbis terrarum contra insensatos.

✠. Quæ sunt in corde hominum, oculi tui vident, Domine, et in libro tuo omnia scribentur: * Homo videt in facie, Deus autem in corde. ✠. Omnia enim corda scrutatur, et universas mentium cogitationes intelligit. — Homo. Gloria Patri. Homo.

FERIA TERTIA

De libro Sapientiæ

Lectio i Cap. 6, 1-13

Melior est sapientia quam vires, et vir prudens quam fortis. Audite ergo, reges, et intelligite; discite, iudices finium terræ; præbete aures, vos qui continetis multitudines et placetis vobis in turbis nationum; quoniam data est a Dó-

mino potestas vobis, et virtus ab Altissimo, qui interrogabit opera vestra et cogitationes scrutabitur; quoniam, cum essetis ministri regni illius, non recte iudicastis nec custodistis legem iustitiae neque secundum voluntatem Dei ambulastis.

℟. Præbe, fili, cor mihi, et oculi tui vias meas custodiant : * Ut addatur gratia capiti tuo. ℣. Attende, fili mi, sapientiam meam et ad eloquium meum inclina aurem tuam. — Ut.

Lectio ii

Horrènde et cito apparebit vobis, quoniam iudicium durissimum his qui præsunt fiet. Exiguo enim concéditur misericordia; potentes autem potenter tormenta patientur; non enim subtrahet personam cuiusquam Deus nec verèbitur magnitudinem cuiusquam; quoniam pusillum et magnum ipse fecit, et æqualiter cura est illi de omnibus; fortioribus autem fortior instat cruciatio.

℟. Initium sapientiae timor Domini : * Intellèctus bonus omnibus facientibus eum; laudatio ejus manet in sæculum sæculi.

℣. Dilèctio illius custodia legum est : quia omnis

sapientia timor Domini. — Intellèctus.

In Octavis et Festis ritus simplicis : Glória Patri. Intellèctus.

Lectio iii

AD vos ergo, reges, sunt hi sermones mei, ut discatis sapientiam et non excidatis. Qui enim custodierint justa juste, justificabuntur et, qui didicerint ista, invénient quid respondeant. Concupiscite ergo sermones meos, diligite illos et habebitis disciplinam. Clara est et quæ numquam marcescit sapientia et facile videtur ab his qui diligunt eam et invenitur ab his qui quærunt illam.

℟. Verbum iniquum et dolosum longe fac a me, Domine : * Divitias et paupertatem ne dederis mihi, sed tantum victui meo tribue necessaria.

℣. Duo rogavi te, ne deneget mihi, antequam moriar. — Divitias. Glória Patri. Divitias.

FERIA QUARTA

De libro Sapientiae

Lectio i Cap. 7, 1-14

SUM quidem et ego mortalis homo similis omnibus et ex genere terrèni illius, qui prior factus est, et in ventre matris figurá-

tus sum caro, decem menses tempore coagulatus sum in sanguine ex semine hominis et delectamento somni conveniente; et ego natus accipi communem aerem et in similiter factam decidi terram et primam vocem similem omnibus emisi plorans; in involumentis nutritus sum et curis magnis. Nemo enim ex regibus aliud habuit nativitatis initium: unus ergo introitus est omnibus ad vitam et similis exitus.

R. Domine, pater et Deus vite mee, ne derelinquas me in cogitatu maligno: extollentiam oculorum meorum ne derideris mihi, et desiderium malignum averte a me, Domine; aufer a me concupiscentiam, * Et animo irreverenti et infructuoso ne tradas me, Domine. **V.** Ne derelinquas me, Domine, ne accrescant ignorantie mee, nec multiplicentur delicta mea. — Et.

Lectio ii

Propter hoc optavi, et datus est mihi sensus; et invocavi, et venit in me spiritus sapientiae; et proposui illam regnis et sedibus et divitias nihil esse duxi in comparatione illius. Nec comparavi illi lapidem pretiosum, quo-

niam omne aurum in comparatione illius arena est exigua, et tamquam lutum aestimabitur argentum in conspectu illius. Super salutem et speciem dilexi illam et proposui pro luce habere illam, quoniam inextinguibile est lumen illius.

R. Magna enim sunt iudicia tua, Domine, et innarrabilia verbatua: * Magnificasti populum tuum et honorasti. **V.** Transtulisti illos per Mare Rubrum et transvestisti eos per aquam nimiam. — Magnificasti.

In Octavis et Festis ritus simplicis: Gloria Patri. Magnificasti.

Lectio iii

Venerunt autem mihi omnia bona pariter cum illa, et innumerabilis honestas per manus illius; et letatus sum in omnibus, quoniam antecederat me ista sapientia, et ignorabam quoniam horum omnium mater est. Quam sine fictione didici et sine invidia communico et honestatem illius non abscondo. Infinitus enim thesaurus est hominibus; quo qui usi sunt, participes facti sunt amicitiae Dei, propter disciplinae dona commendati.

R. Quae sunt in corde hominum, oculi tui vident,

Dómine, et in libro tuo ómnia scribéntur : * Homo videt in fácie, Deus autem in corde. *℟.* Omnia enim corda scrutátur, et univér-sas méntium cogitatiónes intélligit. — Homo. *Glória Patri.* Homo.

FERIA QUINTA

De libro Sapiéntiæ

Lectio i *Cap. 9, 13-19*

Quis hóminum póterit scire consílium Dei? aut quis póterit cogitáre quid velit Deus? Cogitatiónes enim mortálium tímidæ, et incértæ providéntiæ nostræ; corpus enim quod corrúmpitur ággravat ánimam, et ter-réna inhabitátio déprimit sensum multa cogitántem. Et difficile æstimátus quæ in terra sunt, et quæ in prospéctu sunt invenímus cum labóre; quæ autem in cælis sunt quis investigábit? Sensum autem tuum quis sciet, nisi tu déderis sapiéntiam, et míseris Spíritum Sanctum tuum de altíssimis, et sic corréctæ sint sémitæ eórum qui sunt in terris, et quæ tibi placent didícerint hómines? Nam per sapiéntiam sanáti sunt quicúmque placuérunt tibi, Dómine, a princípío.

℟. In princípío Deus ántequam terram fáceret,

priúsqvam abyíssos constitúeret, priúsqvam prodúceret fontes aquárum, * Antequam montes collocaréntur, ante omnes colles generávit me Dóminus. *℟.* Quando præparábat cælos, áderam, cum eo cuncta compónens. — Antequam.

Lectio ii *Cap. 10, 1-9*

HÆC illum, qui primus formátus est a Deo pater orbis terrárum, cum solus esset creátus, custodívit et edúxit illum a delícto suo et dedit illi virtútem continéndi ómnia. Ab hac ut recéssit injústus in ira sua, per iram homicídii fratérni depériit. Propter quem, cum aqua deléret terram, sanávit íterum sapiéntia per contemptíbile lignum justum gubérnans. Hæc, et in consénsu nequítiae cum se natiónes contulíssent, scívit justum et conservávit sine queréla Deo et in filii misericórdia fortem custodívit.

℟. Gyrum cæli circuívi sola, et in flúctibus maris ambulávi, in omni gente et in omni pópulo primátum ténuí : * Superbórum et sublímium colla própria virtúte calcávi. *℟.* Ego in altíssimis hábito, et thronus meus in colúmna nubis. — Superbórum.

In Octavis et Festis ritus simplicis : Glória Patri. Superbórum.

Lectio iii

HÆC justum a pereúntibus ímpíis liberávit fugiéntem, descendénte igne in Pentápolim, quibus in testimónium nequítiae fumigabúnda constat desérta terra, et incérto témpore fructus habéntes árbores, et incredíbilis ánimæ memória stans figméntum salis. Sapiéntiam enim prætereúntes non tantum in hoc lapsi sunt ut ignorárent bona, sed et insipiéntiae suæ reliquérent homínibus memóriam, ut in his, quæ peccavérunt nec latére potuissent. Sapiéntia autem hos qui se obsérvant a dolóribus liberávit.

℟. Emítte, Dómine, sapiéntiam de sede magnitúdinis tuæ, ut mecum sit et mecum labóret : * Ut sciam, quid accéptum sit coram te omni témpore.

℣. Da mihi, Dómine, sédium tuárum assístrícem sapiéntiam. — Ut. Glória Patri. Ut.

FERIA SEXTA

De libro Sapiéntiae

Lectio i Cap. 13, 1-10

VAni autem sunt omnes hómines, in quibus non subest sciéntia Dei; et

de his, quæ vidéntur bona, non potuérunt intelligere eum qui est, neque opéribus attendéntes agnovérunt quis esset ártifex; sed aut ignem aut spíritum aut citátum áërem aut gyrum stellárum aut nímiam aquam aut solem et lunam rectóres orbis terrárum deos putavérunt. Quorum si spécie delectáti, deos putavérunt, sciant quanto his dominátor eórum speciósior est; speciéi enim generátor hæc ómnia constituit.

℟. Da mihi, Dómine, sédium tuárum assístrícem sapiéntiam, et noli me reprobáre a púeris tuis :

* Quóniam servus tuus sum ego, et filius ancillæ tuæ. ℣. Mitte illam de sede magnitúdinis tuæ, ut mecum sit et mecum labóret. — Quóniam.

Lectio ii

AUT, si virtútem et opéra eórum miráti sunt, intélligant ab illis, quóniam qui hæc fecit, fórtior est illis; a magnitúdine enim speciéi et creatúræ cognoscíbíliter póterit Creátor horum vidéri. Sed tamen adhuc in his minor est queréla, et hi enim fortásse errant, Deum quæréntes et voléntes inveníre. Etenim, cum in opéribus illíus converséntur,

inquirunt et persuásum habent quóniam bona sunt quæ vidéntur.

℟. Inítium sapiéntiæ timor Dómini : * Intelléctus bonus ómnibus faciéntibus eum; laudátio ejus manet in sáculum sáculi.

℣. Diléctio illíus custódia legum est : quia omnis sapiéntia timor Dómini. — Intelléctus.

In Octavis et Festis ritus simplicis : Glória Patri. Intelléctus.

Lectio iii

Iterum autem nec his debet ignósci. Si enim tantum potuérunt scire, ut possent æstimáre sáculum, quómodo hujus Dóminum non facílius invenérunt? Infelices autem sunt, et inter mórtuos spes illórum est, qui appellavérunt deos ópera mánuum hóminum, aurum et argéntum, artis inventiónem et similitúdines animálium aut lápidem inútilem opus manus antiquæ.

℟. Verbum iníquum et dolósum longe fac a me, Dómine : * Divítias et paupertátem ne déderis mihi, sed tantum víctui meo tríbue necessariá.

℣. Duo rogávi te, ne déneges mihi, ántequam móriar. — Divítias. Glória Patri. Divítias.

SABBATO

De libro Sapiéntiæ

Lectio i Cap. 15, 1-9

TU autem, Deus noster, suávis et verus es, pátiens et in misericórdia dispónens ómnia. Etenim, si peccavérimus, tui sumus, sciéntes magnitúdinem tuam; et, si non peccavérimus, scimus quóniam apud te sumus computáti. Nosse enim te, consummáta justítia est, et scire justítiam et virtútem tuam, radix est immortalitátis.

℟. Dómine, pater et Deus vitæ meæ, ne derelínquas me in cogitátu maligno : extolléntiam oculórum meórum ne déderis mihi, et desidérium malignum avérte a me, Dómine; aufer a me concupiscéntiam, * Et ánimo irreverénti et infruníto ne tradas me, Dómine. ℣. Ne derelínquas me, Dómine, ne accréscant ignorántiæ meæ, nec multiplicéntur delícta mea. — Et.

Lectio ii

NON enim in errórem indúxit nos hóminum malæ artis excogitátio, nec umbra pictúráe labor sine fructu, effigies sculpta per vários colóres, cujus aspéctus insensáto dat concupiscéntiam, et díli-

git mórtuæ imáginis effigiem sine ánima. Malórum amatóres digni sunt qui spem hábeant in tálibus, et qui fáciunt illos et qui díligunt et qui colunt.

℟. Magna enim sunt júdicia tua, Dómine, et innarrabilia verba tua: * Magnificásti pópulum tuum et honorásti. ℣. Transtulísti illos per Mare Rubrum et transvexisti eos per aquam nímiā. — Magnificásti.

In Octavis simplicibus et in Officio S. Mariæ in Sabbato: Glória Patri. Magnificásti.

Lectio iii

SED et figulus mollem terram premens laboriósè fingit ad usus nostros unumquódque vas; et de eódem luto fingit, quæ munda sunt in usum vasa, et simíliter quæ his sunt contrária; horum autem vasórum quis sit usus iudex est figulus. Et cum labóre vano deum fingit de eódem luto ille, qui paulo ante de terra factus fúerat, et post pusíllum redúcit se unde accéptus est, repetitus ánimæ débítum quam habébat.

℟. Quæ sunt in corde hóminum, óculi tui vident, Dómine, et in libro tuo ómnia scribéntur: * Homo videt in fácie, Deus autem in corde. ℣. Omnia enim

corda scrutátur, et univérsas méntium cogitatiónes intélligit. — Homo. Glória Patri. Homo.

AD VESPERAS

℣. Vespertína orátio ascéndat ad te, Dómine.

℟. Et descéndat super nos misericórdia tua.

Ad Magnif. Ant. Sapiéntia * clámitat in platéis: Si quis díligit sapiéntiam, ad me declínet, et eam invéniet; et, cum invénierit, beátus erit, si tenúerit eam.

Oratio Dominicæ occurrentis.

DOMINICA IV AUGUSTI

Semiduplex

In I Nocturno

Incipit liber Ecclesiástici

Lectio i Cap. 1, 1-16



Mnis sapiéntia a Dómino Deo est et cum illo fuit semper et est ante ævum. Arénam maris et plúviæ guttas et dies sáculi quis dinumerávit? Altitúdinem cæli et latitúdinem terræ et profúndum abyssi quis diménsus est? Sapiéntiam Dei præcedéntem ómnia quis investigávit? Prior ómnium creáta est sapiéntia, et intelléctus prudéntiæ ab ævo. Fons sapién-

tiae Verbum Dei in excelsis, et ingressus illius mandata æterna.

℟. In principio Deus antequam terram faceret, priusquam abyssos constitueret, priusquam produceret fontes aquarum, * Antequam montes collocarentur, ante omnes colles generavit me Dominus.

℣. Quando præparabat cælos, áderam, cum eo cuncta componens. — Antequam.

Lectio ii

Radix sapientiæ cui revelata est? et astutias illius quis agnovit? Disciplina sapientiæ cui revelata est et manifestata? et multiplicationem ingressus illius quis intellexit? Unus est altissimus, Creator omnipotens et Rex potens et metuendus nimis, sedens super thronum illius et dominans, Deus. Ipse creavit illam in Spiritu Sancto et vidit et dinumeravit et mensus est. Et effudit illam super omnia ópera sua et super omnem carnem secundum datum suum et præbuit illam diligentibus se.

℟. Gyrum cæli circuívi sola, et in fluctibus maris ambulávi, in omni gente et in omni pópulo primatum ténuí : * Superbórum et sublímiū colla própria virtúte calcávi. ℣. Ego in

altíssimis hábito, et thronus meus in columna nubis. — Superbórum.

Lectio iii

Timor Dómini glória et gloriatio et lætítia et coróna exsultatiónis. Timor Dómini delectábit cor et dabit lætítiam et gáudium et longitudínem dierum. Timénti Dóminum bene erit in extrémis et in die defunctiόnis suæ benedicétur. Diléctio Dei honorábilis sapiéntia; quibus autem apparúerit in visu dīligunt eam in visiόne et in agnitiόne magnálium suórum. Inítium sapiéntiæ timor Dómini et cum fidélibus in vulva concreátus est.

℟. Emítte, Dómine, sapiéntiam de sede magnitúdinis tuæ, ut mecum sit et mecum labóret : * Ut sciam, quid accéptum sit coram te omni témpore.

℣. Da mihi, Dómine, sédium tuárum assistrícem sapiéntiam. — Ut. Glória Patri. Ut.

In II Noeturno

Ex libro Morálium
sancti Gregórii Papæ

Liber 1, cap. 10 in cap. 1 Job

Lectio iv

Sunt nonnúlli, qui vitam suam negligunt et, dum transitoria appetunt, dum

æterna vel non intelligunt, vel intellecta contemnunt, nec dolorem sentiunt, nec habere consilium sciunt; cumque superna, quæ amisérunt, non considerant, esse se (heu miseri) in bonis felices putant. Nequáquam enim ad veritatis lucem, cui conditi fuerant, mentis oculos erigunt; nequáquam ad contemplationem patriæ æternæ desiderii aciem tendunt; sed semetipsos in his, ad quæ projecti sunt, deserentes, vice patriæ diligunt exsiliium quod patiuntur, et in cæcitâte quam tolerant, quasi in claritate luminis exsultant.

✠. Da mihi, Dómine, sedium tuarum assistricem sapientiam, et noli me reprobare a pueris tuis :
* Quóniam servus tuus sum ego, et filius ancillæ tuæ. ✠. Mitte illam de sede magnitudinis tuæ, ut mecum sit et laboret. — Quóniam.

Lectio v

AT contra, electorum mentes, dum transitória cuncta nulla esse conspiciunt, ad quæ sint conditæ exquirunt : cumque eorum satisfactiōni nihil extra Deum sufficit, ipsa inquisitionis exercitatiōne fatigata illorum cogitatio,

in Conditōris sui spe et contemplatiōne requiescit, supérnis intérseri civibus appetit; et unusquisque eorum adhuc in mundo corpore positus, mente tamen extra mundum surgit : ærumnam exsili, quam tolerat, deplorat, et ad sublimem patriam incessantibus se amoris stimulis excitat. Cum ergo dolens videt, quam sit ætérnum quod perdidit, invenit salubre consilium, temporale hoc despícere quod percúrrit : et quo magis crescit consilii sciéntia, ut peritura deserat, eo augétur dolor, quod necdum ad mansúra pertingat.

✠. Inítium sapiéntiæ timor Dómini : * Intelléctus bonus ómnibus faciéntibus eum; laudatio ejus manet in sæculum sæculi.

✠. Diléctio illius custódia legum est : quia omnis sapiéntia timor Dómini. — Intelléctus.

Lectio vi

INtuéndum quoque est, quod nullus dolor mentis sit in actiōne præcipitatiōnis. Qui enim sine consiliis vivunt, qui seipsos rerum evéntibus præcípites deserunt, nullo interim cogitatiōum dolore fatigántur. Nam qui sollérter in vitæ consílio

figit mentem, caute sese in omni actiōne circumspiciendo considerat; et ne ex re, quæ agitur, repentinus finis adversusque surripiat, hunc prius molliter pósito pede cogitatiōnis palpat : pensat, ne ab his quæ agenda sunt, præpediat formido; ne in his quæ differenda sunt, præcipitatio impellat; ne prava per concupiscētiā aperto bello súperent; ne recta per inānem glóriam insidiādo supplāntent.

℟. Verbum iníquum et dolósum longe fac a me, Dómine : * Divítias et paupertátem ne déderis mihi, sed tantum víctui meo tríbe necessária. ℣. Duo rogávi te, ne déneges mihi, ántequam móriar. — Divítias. Glória Patri. Divítias.

℟. vii Dómine et ℟. viii Duo Séraphim, *ut infra in Homiliis.*

FERIA SECUNDA

De libro Ecclesiástici

Lectio i Cap. 1, 22-40

COróna sapiētiæ timor Dómini, replens pacem et salutis fructum; et vidit et dinumerávit eam : útraque autem sunt dona Dei. Sciētiā et intellēctum prudētiæ sapiētiā compartiétur et glóriam te-

nēntium se exáltat. Radix sapiētiæ est timére Dóminum, et rami illius longævi. In thesáuris sapiētiæ intellēctus et sciētiæ religiósitas, exsecrátiō autem peccatóribus sapiētiā.

℟. Ne derelínquas me, Dómine, pater et dominátor vitæ meæ, ut non córruam in conspēctu adversariórū meórum : * Ne gáudeat de me inimícus meus. ℣. Apprehēde arma et scutum et exsúrge in adiutórium mihi. — Ne gáudeat.

Lectio ii

TImor Dómini expéllit peccátum; nam qui sine timóre est non póterit justificári; iracúndia enim animositátis illius subversio illius est. Usque in tempus sustinébit pátiens, et póstea reddítio jucunditátis. Bonus sensus usque in tempus abscondet verba illius, et lábia multórum enarrábunt sensum illius. In thesáuris sapiētiæ significátio disciplínæ, exsecrátiō autem peccatóri cultúra Dei. Fili, concupíscens sapiētiā cónserva justítiam, et Deus præbébit illam tibi.

℟. Magna enim sunt iudícia tua, Dómine, et innarrabilia verba tua : * Magnificásti pópulum tuum

et honorásti. **℣.** Transtulisti illos per Mare Rubrum et transvexisti eos per aquam nímiā. — Magnificásti pópulum tuum et honorásti.

In Octavis et Festis ritus simplicis : Glória Patri. Magnificásti.

Lectio iii

Sapiéntia enim et disciplina timor Dómini, et quod beneplácitum est illi fides et mansuetúdo, et adimplébit thesauros illius. Ne sis incredíbilis timóri Dómini, et ne accésseris ad illum dúplici corde. Ne fúeris hypócrita in conspéctu hóminum et non scandalizéris in lábiis tuis. Atténde in illis, ne forte cadas et addúcas ánimæ tuæ inhonoratió-nem, et revélet Deus absconsa tua et in médio synagógæ elídat te; quóniam accessísti maligne ad Dóminum, et cor tuum plenum est dolo et fallácia.

℣. Quæ sunt in corde hóminum, óculi tui vident, Dómine, et in libro tuo ómnia scribéntur : * Homo videt in fácie, Deus autem in corde. **℣.** Omnia enim corda scrutátur, et univérsas méntium cogitatiónes intélligit. — Homó. Glória Patri. Homo.

FERIA TERTIA

De libro Ecclesiástici

Lectio i Cap. 2, 1-12

Fili, accédens ad servitútem Dei sta in justitia et timóre, et præpara ánimam tuam ad tentatió-nem. Déprime cor tuum et sústine, inclína aurem tuam et súscipe verba intelléctus et ne festínes in témpore obductiós-nis. Sústine sustentatiónes Dei, conjúngere Deo et sústine, ut crescat in novíssimo víta tua.

℣. Præbe, fili, cor mihi, et óculi tui vias meas custódiant : * Ut addátur grátia cápiti tuo. **℣.** Atténde, fili mi, sapiéntiam meam et ad elóquium meum inclína aurem tuam. — Ut.

Lectio ii

Omne quod tibi applicitum fúerit áccipe et in dolóre sústine et in humili-táte tua patiéntiam habe; quóniam in igne probátur aurum et argéntum, hómines vero receptí-biles in camíno humiliatiós-nis. Crede Deo, et recuperábit te, et dírige viam tuam et spera in illum : serva timórem illius et in illo veterásce.

℣. Inítium sapiéntiæ timor Dómini : * Intelléctus bonus ómnibus faciéntibus eum; laudátio ejus

manet in sæculum sæculi.
 ✠. Diléctio illius custódia
 legum est : quia omnis
 sapiéntia timor Dómini.
 — Intelléctus bonus óm-
 nibus faciéntibus eum;
 laudátio ejus manet in
 sæculum sæculi.

In Octavis et Festis ritus
 simplicis : Glória Patri. Intél-
 léctus.

Lectio iii

Metuéntes Dóminum,
 sustinéte misericór-
 diam ejus et non deflectá-
 tis ab illo, ne cadátis. Qui
 timétis Dóminum, créдите
 illi, et non evacuábitur
 merces vestra. Qui timétis
 Dóminum, speráte in il-
 lum, et in oblectatióne
 véniet vobis misericórdia.
 Qui timétis Dóminum, di-
 lígite illum, et illumina-
 buntur corda vestra. Re-
 spícite, filii, nátióes hó-
 minum et scitóte quia nul-
 lus sperávit in Dómino et
 confúsus est. Quis enim
 permánsit in mandátis
 ejus et derelíctus est? aut
 quis invocávit eum, et de-
 spéxit illum?

✠. Verbum iníquum et
 dolósum longe fac a me,
 Dómine : * Divítias et
 paupertátem ne déderis
 mihi, sed tantum víctui
 meo tríbue necessariá.
 ✠. Duo rogávi te, ne déne-
 ges mihi, ántequam mó-
 riar. — Divítias. Glória
 Patri. Divítias.

FERIA QUARTA

De libro Ecclesiástici

Lectio i Cap. 3, 1-33

Filii sapiéntiæ ecclésia
 justórum, et nátio illó-
 rum obediéntia et diléctio.
 Judícium patris audíte, fi-
 lii, et sic fácite ut salvi si-
 tis. Deus enim honorávit
 patrem in filiis, et judí-
 cium matris exquírens fir-
 mávit in filios. Qui díligit
 Deum exorábit pro peccá-
 tis et continébit se ab illis
 et in oratióne diérum ex-
 audiétur.

✠. Dómine, pater et
 Deus vitæ meæ, ne dere-
 línquas me in cogitátu
 maligno : extolléntiam
 oculórum meórum ne dé-
 deris mihi, et desidérium
 malignum avérte a me,
 Dómine; aufer a me con-
 cupiscéntiam, * Et ánimo
 irreverénti et infruníto ne
 tradas me, Dómine. ✠. Ne
 derelínquas me, Dómine,
 ne accréscent ignorántiæ
 meæ, nec multiplicéntur
 delícta mea. — Et.

Lectio ii

ET, sicut qui thesaurí-
 zat, ita, et qui honorí-
 ficat matrem suam; qui
 honórat patrem suum ju-
 cundábitur in filiis et in
 die oratiónis suæ exaudiétur.
 Qui honórat patrem
 suum vita vivet longióre,
 et qui obédit patri refrige-

rábit matrem. Qui timet Dóminum honórat paréntes et quasi dóminis sérviet his qui se genuérunt.

℟. Magna enim sunt iudícia tua, Dómine, et innarrabilia verba tua: * Magnificásti pópulum tuum et honorásti. ℣. Transtulísti illos per Mare Rubrum et transvexísti eos per aquam nímiám. — Magnificásti.

In Octavis et Festis ritus simplicis: Glória Patri. Magnificásti.

Lectio iii

IN ópere et sermóne et omni patiéntia honóra patrem tuum, ut supervéniat tibi benedíctio ab eo, et benedíctio illíus in novíssimo máneat. Benedíctio patris firmat domos filiórum, maledíctio autem matris eradícat fundaménta. Ne gloriéris in contumélia patris tui, non enim est tibi glória ejus confúsis. Glória enim hóminis ex honóre patris sui, et dédecus filii pater sine honóre.

℟. Quæ sunt in corde hóminum, óculi tui vident, Dómine, et in libro tuo ómnia scribéntur: * Homo videt in fácie, Deus autem in corde. ℣. Omnia enim corda scrutátur, et univérsas méntium cogitatiónes intélligit. — Homo. Glória Patri. Homo.

FERIA QUINTA

De libro Ecclesiástici

Lectio i Cap. 3, 22-34

ALtióra te ne quæsieris et fortióra te ne scrutátus fúeris; sed, quæ præcépit tibi Deus, illa cógita semper et in plúribus opéribus ejus ne fúeris curiosus; non est enim tibi necessárium ea quæ abscondita sunt vidére óculis tuis. In supervácuis rebus noli scrutári multiplíciter, et in plúribus opéribus ejus non eris curiosus; plúrima enim super sensum hóminum osténsa sunt tibi; multos quoque supplantávit suspício illórum et in vanitáte detinuit sensus illórum.

℟. In princípio Deus antequam terram fáceret, priúsqvam abyssos constitúeret, priúsqvam prodúceret fontes aquárum, * Antequam montes collocaréntur, ante omnes colles generávit me Dóminus. ℣. Quando præparábat cælos, áderam, cum eo cuncta compónens. — Antequam.

Lectio ii

COR durum habébit male in novíssimo, et qui amat perículum in illo períbit. Cor ingrédiens duas vias non habébit succésus, et pravus corde in

illis scandalizábitur. Cor nequam gravábitur in doloribus, et peccátor adjiciet ad peccándum. Synagógæ superbórum non erit sánitas, frutex enim peccáti radicábitur in illis et non intelligétur.

℟. Gyrum cæli circúvi sola, et in flúctibus maris ambulávi, in omni gente et in omni pópulo primátum ténuí : * Superbórum et sublímiū colla própria virtúte calcávi. ℣. Ego in altíssimis hábito, et thronus meus in colúmna nubis. — Superbórum.

In Octavis et Festis ritus simplicis : Glória Patri. Superbórum.

Lectio iii

COR sapiéntis intelligitur in sapiéntia, et auris bona áudiet cum omni concupiscéntia sapiéntiam. Sápiens cor et intelligíbile abstinébit se a peccátis et in opéribus justítiæ succéssus habébit. Ignem ardéntem exstínguit aqua, et eleemósyna resístit peccátis; et Deus prospéctor est ejus qui reddit grátiam, méminit ejus in pósterum, et in témpore casus sui invéniet firmaméntum.

℟. Emítte, Dómine, sapiéntiam de sede magnitúdinis tuæ, ut mecum sit et mecum labóret : * Ut

sciam, quid accéptum sit coram te omni témpore. ℣. Da mihi, Dómine, sédium tuárum assistricem sapiéntiam. — Ut. Glória Patri. Ut.

FERIA SEXTA

De libro Ecclesiástici

Lectio i Cap. 4, 1-11

FILI, eleemósynam páuperis ne defráudes et óculos tuos ne transvértas a páupere. Animam esuriéntem ne despéxeris et non exásperes páuperem in inópia sua. Cor ínopis ne afflíxeris et non prótrahas datum angustiánti. Rogatióne contribuláti ne abjicias et non avértas fáciem tuam ab egéno.

℟. Da mihi, Dómine, sédium tuárum assistricem sapiéntiam, et noli me reprobáre a púeris tuis : * Quóniam servus tuus sum ego, et fílius ancillæ tuæ. ℣. Mitte illam de sede magnitúdinis tuæ, ut mecum sit et mecum labóret. — Quóniam.

Lectio ii

AB inope ne avértas óculos tuos propter iram et non relínquas quæréntibus tibi retro maledicere; maledicéntis enim tibi in amaritúdine ánimæ, exaudietur deprecátio illíus;

exáudiet autem eum qui fecit illum. Congregatióni páuperum affábilem te fá-cito et presbýtero humília ánimam tuam et magnáto humília caput tuum.

℟. Inítium sapiéntiæ timor Dómini : * Intelléctus bonus ómnibus faciéntibus eum; laudátio ejus manet in sáeculum sáeculi.

℣. Diléctio illius custódia legum est : quia omnis sapiéntia timor Dómini. — Intelléctus.

In Octavis et Festis ritus simplicis : Glória Patri. Intelléctus.

Lectio iii

DEclína páuperi sine tristítia aurem tuam et redde débitum tuum et respónde illi pacífica in mansuetúdine. Libera eum, qui injúriam pátitur, de manu supérbi et non ácide feras in ánimam tua. In judicándo esto pupillis miséricors ut pater et pro viro matri illórum; et eris tu velut fílius Altíssimi obédiens, et miserébitur tui magis quam mater.

℟. Verbum iníquum et dolósum longe fac a me, Dómine : * Divítias et paupertátem ne déderis mihi, sed tantum víctui meo tribue necessariá.

℣. Duo rogávi te, ne déneges mihi, ántequam móriar. — Divítias. Glória Patri. Divítias.

SABBATO

De libro Ecclesiástici

Lectio i Cap. 4, 23-36

Fili, consérva tempus et devíta a malo. Pro ánimam tua ne confundáris dicere verum; est enim confúsio addúcens peccátum, et est confúsio addúcens glóriam et grátiam. Ne accípias fáciem advérsus fáciem tuam nec advérsus ánimam tuam mendácium. Ne reveereáris próximum tuum in casu suo, nec retíneas verbum in témpore salútis. Non abscondas sapiéntiam tuam in decóre suo.

℟. Dómine, pater et Deus vitæ meæ, ne derelínquas me in cogitátu maligno : extolléntiam oculórum meórum ne déderis mihi, et desidérium malignum avérte a me, Dómine; aufer a me concupiscéntiam, * Et ánimo irreverénti et infruníto ne tradas me, Dómine. ℣. Ne derelínquas me, Dómine, ne accréscant ignorántiæ meæ, nec multiplicéntur delícta mea. — Et.

Lectio ii

IN lingua enim sapiéntia dignóscitur, et sensus et sciéntia et doctrína in verbo sensáti, et firmaméntum in opéribus justítiæ. Non contradícas ver-

bo veritátis ullo modo et de mendácio ineruditiónis tuæ confúndere. Non confundáris confitéri peccáta tua et ne subjícias te omni hómini pro peccáto. Noli resistere contra fáciem poténtis, nec conéris contra ictum flúvii.

✠. Magna enim sunt júdicia tua, Dómine, et innarrabília verba tua : * Magnificásti pópulum tuum et honorásti. ✠. Transtulísti illos per Mare Rubrum et transvexisti eos per aquam nímiam. — Magnificásti.

In Octavis simplicibus et in Officio S. Mariæ in Sabbato : Glória Patri. Magnificásti.

Lectio iii

PRO justítia agonizáre pro ánima tua et usque ad mortem certa pro justítia, et Deus expugnábit pro te inimícos tuos. Noli citátus esse in lingua tua et inútilis et remíssus in opéribus tuis. Noli esse sicut leo in domo tua evértens domésticos tuos et ópprimens subjéctos tibi. Non sit porrécta manus tua ad accipiéndum et ad dandum collécta.

✠. Quæ sunt in corde hóminum, óculi tui vident, Dómine, et in libro tuo ómnia scribéntur : * Homo videt in fácie, Deus autem in corde. ✠. Omnia enim

corda scrutátur, et univérsas méntium cogitatiónes intélligit. — Homo. Glória Patri. Homo.

SABBATO

ante Dñicam V Augusti

Nisi hæc occurrat a die 29 ad 31 Augusti; quia tunc, ea cum sua hebdomada prætermissa, ponitur Dominica et hebdomada 1 Septembris, et hodie dicitur Antiphona Cum audisset, quæ assignatur Sabbato ante ipsam Dominicam primam Septembris, ut in parte autumnali.

AD VESPERAS

✠. Vespertína orátio ascéndat ad te, Dómine. ✠. Et descéndat super nos misericórdia tua.

Ad Magnif. Ant. Obsérva, fili, * præcépta patris tui, et ne dimittas legem matris tuæ, sed liga eam semper in corde tuo.

Oratio Dominicæ occurrentis.

DOMINICA V AUGUSTI

Semiduplex

In I Nocturno

De libro Ecclesiástici

Lectio i Cap. 5, 1-16



Oli atténdere ad possessiões iníquas, et ne díxeris : Est mihi sufficiens vita;

nihil enim próderit in témpore vindíctæ et obducti-
onis. Ne sequáris in fortitú-
dine tua concupiscéntiam
cordis tui, et ne díxeris :
Quómodo pótui? aut quis
me subjíciet propter facta
mea? Deus enim vándicans
vindicábit. Ne díxeris :
Peccávi, et quid mihi ácci-
dit triste? Altíssimus enim
est pátiens rédditor. De
propitiáto peccáto noli
esse sine metu, neque ad-
jicias peccátum super pec-
cátum.

℟. In princípio Deus án-
tequam terram fáceret,
priúsqvam abyssos con-
stitúeret, priúsqvam pro-
dúceret fontes aquárum,
* Antequam montes collo-
caréntur, ante omnes col-
les generávit me Dómi-
nus. ℣. Quando præpará-
bat cælos, áderam, cum
eo cuncta compónens. —
Antequam.

Lectio ii

ET ne dicas : Miserátio
Dómini magna est,
multitúdinis peccatórum
meórum miserébitur; mi-
sericórdia enim et ira ab
illo cito próximant, et in
peccátore réspicit ira il-
lius. Non tardes convér-
ti ad Dóminum et ne díffe-
ras de die in diem; súbito
enim véniet ira illius et in
témpore vindíctæ dispér-
det te. Noli ánxius esse in

divítiis injústis; non enim
próderunt tibi in die obdu-
cti-ónis et vindíctæ. Non
véntiles te in omnem ven-
tum et non eas in omnem
viam; sic enim omnis pec-
cátor probátur in dúplici
lingua.

℟. Gyrum cæli circuívi
sola, et in flúctibus maris
ambulávi, in omni gente
et in omni pópulo primá-
tum ténuí : * Superbórum
et sublímium colla própria
virtúte calcávi. ℣. Ego
in altíssimis hábito, et
thronus meus in colúmna
nubis. — Superbórum.

Lectio iii

ESTO firmus in via Dómi-
ni et in veritáte sensus
tui et sciéntia; et prose-
quátur te verbum pacis et
justítiæ. Esto mansuétus
ad audiéndum verbum, ut
intélligas, et cum sapién-
tia próferas respónsum
verum. Si est tibi intellé-
ctus, respónde próximo;
sin autem, sit manus tua
super os tuum, ne capiáris
in verbo indisciplináto et
confundáris. Honor et gló-
ria in sermóne sensáti; lin-
gua vero imprudentis sub-
vérso est ipsíus. Non
appelléris susúrro, et lin-
gua tua ne capiáris et con-
fundáris.

℟. Emítte, Dómine, sa-
piéntiam de sede magni-
túdinis tuæ, ut mecum sit

et mecum labóret : * Ut sciam, quid accéptum sit coram te omni témpore.


℣. Da mihi, Dómine, sédium tuárum assistricem sapiéntiam. — Ut. Glória Patri. Ut.

In II Nocturno

Sermo sancti Joánnis
Chrysóstomi

Homilia 22 in 2 Cor. 10
in Moral.

Lectio iv

E tardes convérte ad Dóminum, et ne differas de die in diem; nescis enim, quid parítúra sit superventúra dies. Pérículum enim et metus est in differéndo; salus vero certa ac secúra, si nulla sit dilátio. Virtútem ígitur cole : sic enim, licet júvenis moriáris, secúre discésseris : quod si ad senectútem pervéneris, cum multa facilitáte et nulla moléstia e vita discédes; duplicémque habébis festivitátem, et quod a vitæ malítia abstinúeris et quod virtútem colúeris. Ne dicas : Erit tempus, quando convérte licébit; verba enim hæc Deum valde exásperant.

℣. Da mihi, Dómine, sédium tuárum assistricem sapiéntiam, et noli me reprobáre a púeris tuis :
* Quóniam servus tuus sum ego, et fílius ancillæ

tuæ. ℣. Mitte illam de sede magnítúdinis tuæ, ut mecum sit et mecum labóret. — Quóniam.

Lectio v

CUR nam, cum ipse tibi æténa sácula promísit, tu in præsénti vita laboráre non vis, quæ parva et momentánea est; sed sic ignávus ac dissolútus agis, quasi hac brevíorem áliam quamdam inquíras? Nonne illæ quotidiánæ comessatiónes, nonne illæ mensæ, nonne scorta illa, nonne theátra illa, nonne divítiae illæ testántur inexplébilem malítiae concupiscéntiam? Cógita bene, quod, quóties scortátus es, tóties condemnásti te ípsam; peccátum enim ita se habet, ut, mox atque patrátum fúerit, senténtiam ferat iudex.

℣. Inítium sapiéntiae timor Dómini : * Intelléctus bonus ómnibus faciéntibus eum; laudátio ejus manet in sáculum sáculi.

℣. Diléctio illíus custódia legum est : quia omnis sapiéntia timor Dómini. — Intelléctus.

Lectio vi

INebriátus es? ventri indulsísti? rapuísti? siste jam gradum, verte te in divérsam : confitére Deo grátiam, quod non in médiis peccátis te ábstulit;

ne quære aliud tibi prorogari tempus, ut male opereris. Multi dum male ac vitiose viverent, subito perierunt et in manifestam damnationem abiierunt : time, ne idem tibi accidat. Sed multis, inquit, dedit Deus spatium, ut in ultima senecta confiterentur. Quid igitur? numquid et tibi dabitur? Fortasse dabit, inquis. Cur dicis, fortasse? Contigit aliquoties? Cogita, quod de anima deliberas : proinde etiam de contrario cogita, et dic : Quid autem, si non det? Quid autem, si det, inquis? Esto, dat quidem ipse : verumtamen hoc illo certius et utilius.

℟. Verbum iniquum et dolosum longe fac a me, Domine : * Divitias et paupertatem ne dederis mihi, sed tantum victui meo tribue necessaria. ✠. Duo rogavi te, ne deneges mihi, antequam moriar. — Divitias. Gloria Patri. Divitias.

℟. vii Domine et ℟. viii Duo Seraphim, ut infra in Homiliis.

FERIA SECUNDA

De libro Ecclesiastici

Lectio i Cap. 7, 1-15

Noli facere mala, et non te apprehendent : discede ab iniquo, et defi-

cient mala abs te. Fili, non semines mala in sulcis iniustitiae et non metes ea in septuplum. Noli quærere a domino ducatum, neque a rege cathedram honoris. Non te iustifices ante Deum, quoniam agnitor cordis ipse est et penes regem noli velle videri sapiens.

℟. Ne derelinquas me, Domine, pater et dominator vitae meae, ut non corruam in conspectu adversariorum meorum : * Ne gaudeat de me inimicus meus. ✠. Apprehende arma et scutum et exsurge in adiutorium mihi. — Ne gaudeat.

Lectio ii

Noli quærere fieri iudex, nisi valeas virtute irrumpere iniquitates; ne forte exstimescas faciem potentis et ponas scandalum in aequitate tua. Non pecces in multitudinem civitatis nec te immittas in populum neque alliges duplicia peccata, nec enim in uno eris immunis. Noli esse pusillanimis in animo tuo, exorare et facere eleemosynam ne despicias.

℟. Magna enim sunt iudicia tua, Domine, et innarrabilia verba tua : * Magnificasti populum tuum et honorasti. ✠. Transtu-

listi illos per Mare Rubrum et transvexisti eos per aquam nimiam. — Magnificasti populum tuum et honorasti.

In Octavis et Festis ritus simplicis : Glória Patri. Magnificasti.

Lectio iii

NE dicas : In multitudine munerum meorum respiciet Deus et, offerente me Deo altissimo, múnera mea suscipiet. Non irrideas hominem in amaritudine animæ; est enim qui humiliat et exaltat, circumspéctor Deus. Noli arare mendacium adversus fratrem tuum neque in amicum similiter facias. Noli velle mentiri omne mendacium; assiduitas enim illius non est bona. Noli verbosus esse in multitudine presbyterorum et non iteres verbum in oratione tua.

℟. Quæ sunt in corde hominum, oculi tui vident, Dómine, et in libro tuo ómnia scribentur : * Homo videt in facie, Deus autem in corde. ✠. Omnia enim corda scrutatur, et universas mentium cogitationes intelligit. — Homo. Glória Patri. Homo.

FERIA TERTIA

De libro Ecclesiastici

Lectio i Cap. 10, 1-16

JUDEX sapiens judicabit populum suum, et principatus sensati stabilis erit. Secundum iudicem populi sic et ministri ejus, et qualis rector est civitatis, tales et inhabitantes in ea. Rex insipiens perdet populum suum, et civitates inhabitabuntur per sensum potentium. In manu Dei potestas terræ, et utilem rectorem suscitabit in tempus super illam. In manu Dei prosperitas hominis, et super faciem scribæ imponet honorem suum.

℟. Præbe, fili, cor mihi, et oculi tui vias meas custodiant : * Ut addatur grátia capiti tuo. ✠. Attende, fili mi, sapientiam meam et ad eloquium meum inclina aurem tuam. — Ut.

Lectio ii

OMNIS injuriæ proximi ne memineris et nihil agas in opéribus injuriæ. Odibilis coram Deo est et hominibus superbia, et execrabilis omnis iniquitas gentium. Regnum a gente in gentem transfertur propter injustitias et injurias et contumelias et diversos dolos. Aváro autem nihil

est sceléstius. Quid superbit terra et cinis? Nihil est iníquiús quam amáre pecúniám; hic enim et ánimam suam venálem habet, quóniam in vita sua projécit íntima sua.

℟. Inítium sapiéntiæ timor Dómini : * Intelléctus bonus ómnibus faciéntibus eum; laudátio ejus manet in sáeculum sáeculi.

℣. Diléctio illíus custódia legum est : quia omnis sapiéntia timor Dómini. — Intelléctus.

In Octavis et Festis ritus simplicis : Glória Patri. Intelléctus.

Lectio iii

OMnis potentátus brevis vita : languor prolixior gravat médicum, brevem languórem præcídít médicus; sic et rex hódie est et cras moriétur : cum enim moriétur homo, hereditábit serpéntes et béstias et vermes. Inítium supérbiæ hóminis apostatáre a Deo; quóniam ab eo, qui fecit illum, recéssit cor ejus, quóniam inítium omnis peccáti est supérbia. Qui tenúerit illam adimplébitur maledíctis, et subvértet eum in finem. Proptérea exhonorávit Dóminus convéntus malórum et destrúxit eos usque in finem.

℟. Verbum iníquum et dolósum longe fac a me,

Dómine : * Divítias et paupertátem ne déderis mihi, sed tantum víctui meo tribue necessária.

℣. Duo rogávi te, ne déneges mihi, ántequam móriar. — Divítias. Glória Patri. Divítias.

FERIA QUARTA

De libro Ecclesiástici

Lectio i Cap. 13, 1-6

QUI tetígerit picem, inquinábitur ab ea; et, qui comunicáverit supérbo, índuet supérbiam. Pondus super se tollet qui honestióri se commúnicat, et ditióri te ne sócius fúeris. Quid comunicábit cécabus ad ollam? quando enim se collíserint, confringétur. Dives injúste egít et fremet, pauper autem læsus tacébit. Si largítus fúeris, assúmet te, et, si non habúeris, derelínquet te. Si habes, convívet tecum et evacuábit te, et ipse non dolébit super te.

℟. Dómine, pater et Deus vitæ meæ, ne derelínquas me in cogitátu maligno : extolléntiam oculórum meórum ne déderis mihi, et desidérium malignum avérte a me, Dómine; aufer a me concupiscéntiam, * Et ánimo irreverénti et infruníto ne

tradas me, Dómine. **℟.** Ne derelínquas me, Dómine, ne accréscant ignorántiæ meæ, nec multiplicéntur delícta mea. — Et ánimo irreverénti et infruníto ne tradas me, Dómine.

Lectio ii Cap. 13, 9-22

Humiliáre Deo et exspécta manus ejus; attén-de, ne sedúctus in stultí-tiam humiliéris. Noli esse húmilis in sapiéntia tua, ne humiliátus in stultítiam seducáris. Advocátus a potentióre discéde, ex hoc enim magis te advocábit. Ne ímprobis sis, ne ímpingáris, et ne longe sis ab eo, ne eas in obliuónem. Ne retíneas ex æquo loqui cum illo nec credas multis verbis illíus; ex multa enim loquéla tentábit te et subrídens interro-gábit te de abscónditis tuis. Immítis ánimus illíus conservábit verba tua et non parcet de malítia et de vínculis.

℟. Magna enim sunt jú-dícia tua, Dómine, et inenarrabília verba tua: * Magnificásti pópulum tuum et honorásti. **℟.** Transtu-lísti illos per Mare Ru-brum et transvexísti eos per aquam nímiã. — Magnificásti.

In Octavis et Festis ritus simplicis : Glória Patri. Ma-gnificásti.

Lectio iii

CAve tibi et attén-de dí-gigénter audítui tuo, quóniam cum subversióne tua ámbulas; áudiens vero illa quasi in somnis vide et vigilábis. Omni vita tua dílige Deum et ínvo-ca illum in salúte tua. Omne ánimál díligit símile sibi, sic et omnis homo próxi-mum sibi; omnis caro ad símilem sibi conjungétur, et omnis homo símili sui sociábitur. Si comunicá-bit lupus agno aliquándo, sic peccátor justo. Quæ comunicátio sancto hómini ad canem? aut quæ pars díviti ad páuperem?

℟. Quæ sunt in corde hó-minum, óculi tui vident, Dómine, et in libro tuo ómnia scribéntur: * Homo videt in fácie, Deus autem in corde. **℟.** Omnia enim corda scrutátur, et univér-sas méntium cogitatiónes intélligit. — Homo. **G**lória Patri. Homo.

FERIA QUINTA

De libro Ecclesiástici

Lectio i Cap. 14, 1-17

BEátus vir, qui non est lapsus verbo ex ore suo et non est stimulátus in tristítia delícti; felix qui non hábuit ánimi sui tri-stítiam et non éxcidit a

spe sua. Viro cūpido et tenāci sine ratiōne est substantia, et hōmini līvido ad quid aurum? Qui acervat ex ānimo suo injūste āliis cōngregat, et in bonis illius ālius luxuriābitur. Qui sibi nequam est, cui ālii bonus erit? et non jucundābitur in bonis suis.

℞. In principio Deus antequam terram fāceret, priusquam abyssos constitūeret, priusquam produceret fontes aquarum, * Antequam montes collocarētur, ante omnes colles generāvit me Dōminus. ℣. Quando prāparābat cēlos, āderam, cum eo cuncta compōnens. — Antequam.

Lectio ii

QUI sibi invidet, nihil est illo nēquius, et hāc redditio est malitiāe illius; et, si bene fēcerit, ignorāter et non volens facit et in novissimo manifestat malitiā suam. Nequam est ōculus līvidi et avērtens faciē suam et despiciens ānimam suam. Insatiables ōculus cūpidi in parte iniquitātis non satiābitur, donec consumat arefāciens ānimam suam. Oculus malus ad mala et non satiābitur pane, sed indigens et in tristitia erit super mensam suam.

℞. Gyrum cēli circūvī sola, et in flūctibus maris

ambulāvi, in omni gente et in omni pōpulo primatum tēnuī : * Superbōrum et sublimium colla prōpria virtūte calcāvi. ℣. Ego in altissimis hābito, et thronus meus in cōlūmna nubis. — Superbōrum.

In Octavis et Festis ritus simplicis : Glōria Patri. Superbōrum.

Lectio iii

FILI, si habes, benefac tecum et Deo dignas oblationes offer. Memor esto quōniam mors non tardat, et testamētum inferōrum, quia demonstratum est tibi; testamētum enim hujus mundi morte moriētur. Ante mortem benefac amico tuo et secūndum vires tuas expōrrigens da pāuperi. Non defraudēris a die bono, et particula boni doni non te prātereat. Nonne āliis relinques dolōres et labōres tuos in divisiōne sortis? Da et āccipe et justifica ānimam tuam : ante ōbitum tuum operāre justitiam; quōniam non est apud inferos invenīre cibum.

℞. Emitte, Dōmine, sapiētiā de sede magnitudinis tuāe, ut mecum sit et mecum labōret : * Ut sciam, quid accēptum sit coram te omni tēpore. ℣. Da mihi, Dōmine, sé-

dium tuarum assistricem sapientiam. — Ut sciam, quid acceptum sit coram te omni tempore. Glória Patri. Ut.

FERIA SEXTA

De libro Ecclesiastici

Lectio i Cap. 21, 1-16

Fili, peccasti? non adjicias iterum, sed et de pristinis deprecare, ut tibi dimittantur. Quasi a facie colubri fuge peccata et, si accesseris ad illa, suscipient te. Dentes leonis dentes ejus interficientes animas hominum, quasi rhomphæa bis acuta omnis iniquitas, plagæ illius non est sanitas. Objurgatio et injuriæ annullabunt substantiam, et domus, quæ nimis locuples est, annullabitur superbia: sic substantia superbi eradicabitur.

℟. Da mihi, Domine, sedium tuarum assistricem sapientiam, et noli me reprobare a pueris tuis:

* Quoniam servus tuus sum ego, et filius ancillæ tuæ. ℣. Mitte illam de sede magnitudinis tuæ, ut mecum sit et mecum laboret. — Quoniam.

Lectio ii

Deprecatio pauperis ex ore usque ad aures ejus perveniet, et judicium

festinato adveniet illi. Qui odit correptionem, vestigium est peccatoris; et, qui timet Deum, convertetur ad cor suum. Notus a longe potens lingua audaci, et sensatus scit labi se ab ipso. Qui ædificat domum suam impendiis alienis, quasi qui colligit lapides suos in hieme. Stuppa collecta synagoga peccantium, et consummatio illorum flamma ignis.

℟. Initium sapientiæ timor Domini: * Intellectus bonus omnibus facientibus eum; laudatio ejus manet in sæculum sæculi.

℣. Dilectio illius custodia legum est: quia omnis sapientia timor Domini. — Intellectus.

In Octavis et Festis ritus simplicis: Glória Patri. Intellectus.

Lectio iii

VIA peccantium complanata lapidibus, et in fine illorum inferi et tenebræ et pænæ. Qui custodit justitiam continet sensum ejus. Consummatio timoris Dei sapientia et sensus. Non eruditur qui non est sapiens in bono; est autem sapientia quæ abundat in malo, et non est sensus ubi est amaritudo. Scientia sapientis tamquam inundatio abundabit, et consilium illius sicut fons vitæ permanet.

℟. Verbum iníquum et dolósum longe fac a me, Dómine : * Divítias et paupertátem ne déderis mihi, sed tantum víctui meo tribue necessariá.

℣. Duo rogávi te, ne déneges mihi, ántequam móriar. — Divítias. Glória Patri. Divítias.

SABBATO

De libro Ecclesiástici

Lectio i Cap. 32, 1-17

Rectórem te posuérent? noli extólli : esto in illis quasi unus ex ipsis. Curam illórum habe et sic conside et omni cura tua explicita recúmbe, ut lætérís propter illos et ornámentum grátiae accípias corónam, et dignatiónem consequáris corrogatiónis. Lóquere, major natus; decet enim te primum verbum diligénti sciéntia, et non impédias músicam.

℟. Dómine, pater et Deus vitæ meæ, ne derelínquas me in cogitátu malíño : extolléntiam oculórum meórum ne déderis mihi, et desidérium malígnum avérte a me, Dómine; aufer a me concupiscéntiam, * Et ánimo irreverénti et infrunito ne tradas me, Dómine. ℣. Ne derelínquas me, Dómine, ne accréscant ignorántiæ

meæ, nec multiplicéntur delícta mea. — Et.

Lectio ii

Ubi audítus non est, non effúndas sermónem et importúne noli extólli in sapiéntia tua. Gémmula carbúnculi in ornámento auri, et comparátio musicórum in convívio vini; sicut in fabricatióne auri signum est smarágdi, sic númerus musicórum in jucúndo et moderáto vino. Audi tacens, et pro reveréntia accédet tibi bona grátia. Adoléscens, lóquere in tua causa vix. Si bis interrogátus fúeris, hábeat caput respónsum tuum.

℟. Magna enim sunt júdicia tua, Dómine, et innarrabília verba tua : * Magnificásti pópulum tuum et honorásti. ℣. Transtulísti illos per Mare Rubrum et transvexisti eos per aquam nímiám. — Magnificásti.

In Octavis simplicibus et in Officio S. Mariæ in Sabbato : Glória Patri. Magnificásti.

Lectio iii

In multis esto quasi inscius et audi tacens simul et quærens. In médio magnatórum non præsumas et, ubi sunt senes, non multum loquáris. Ante grándinem præbit coru-

scátio, et ante verecúndiam præíbit grátia et pro reveréntia accédet tibi bona grátia. Et hora surgéndi non te trices, præcúrre autem prior in domum tuam et illic avocáre et illic lude et age conceptiones tuas et non in delictis et verbo supérbo; et super his ómnibus benedícito Dóminum, qui fecit te,

et inebriántem te ab ómnibus bonis suis.

℟. Quæ sunt in corde hóminum, óculi tui vident, Dómine, et in libro tuo ómnia scribéntur : * Homo videt in fácie, Deus autem in corde. ℣. Omnia enim corda scrutátur, et univérsas méntium cogitationes intélligit. — Homo. Glória Patri. Homo.

Homíliæ et Oratíones

IN DOMINICIS PER ORDINEM DISPOSITÆ

a quarta usque ad decimam quintam post Pentecosten

DOMINICA IV

POST PENTECOSTEN

Semiduplex

Oratio Da nobis, ut infra ad Laudes.

In III Nocturno

Lectio sancti Evangélíi
secúndum Lucam

Lectio vii Cap. 5, 1-11

IN illo témpore : Cum turbæ irrúerent in Jesum, ut audírent verbum Dei, et ipse stabat secus stagnum Genésareth. Et reliqua.

Homília sancti Ambrósii
Epíscopi

Liber 4 in Lucæ cap. 5
prope finem libri

UBI Dóminus multis impartívit vária génera sanitátum, nec témpore, nec loco pótuit ab stúdio sanándi turba cohibéri. Vesper incúbuit, sequebántur; stagnum occúrrit, urgébant : et ideo ascéndit in Petri navim. Hæc est illa navis, quæ adhuc secúndum Matthæum fluctuat, secúndum Lucam replétur pískibus : ut et princípia Ecclésiæ fluctuántis, et posterióra

exuberántis agnóscas. Pisces enim sunt, qui hanc enávigant vitam. Ibi adhuc discíplulis Christus dormit, hic præcipit; dormit enim tépidis, perféctis vígilat.

✠. Peccávi super númerum arénæ maris, et multiplicáta sunt peccáta mea; et non sum dignus vidére altitúdinem cæli præ multitúdine iniquitátis meæ: quóniam irritávi iram tuam, * Et malum coram te feci. ✠. Quóniam iniquitátem meam ego cognóscó: et delíctum meum contra me est semper, quia tibi soli peccávi. — Et malum.

Lectio viii

NON turbátur hæc navis, in qua prudéntia návigat, abest perfidia, fides aspirat. Quemádmódum enim turbári póterat, cui præerat is, in quo Ecclésiæ firmaméntum est? Illic ergo turbátio, ubi módica fides; hic securitas, ubi perfécta diléctio. Et si áliis imperátur, ut laxent rétia sua, soli tamen Petro dicitur: Duc in altum; hoc est, in profúndum disputatiónum. Quid enim tam altum, quam altitúdinem divitiárum vidére, scire Dei Fílium, et professiódinem divínæ generatiónis assúmere? Quam licet mens non

queat humána plene ratiónis investigatióne comprehendere, fidei tamen plenitúdo compléctitur.

✠. Duo Séraphim clamábant alter ad álterum: * Sanctus, sanctus, sanctus Dóminus, Deus Sábaoth: * Plena est omnis terra glória ejus. ✠. Tres sunt qui testimónium dant in cælo: Pater, Verbum, et Spíritus Sanctus; et hi tres unum sunt. — Sanctus. Glória Patri. Plena.

Lectio ix

NAM etsi non licet mihi scire, quemádmódum natus sit, non licet tamen nescíre, quod natus sit. Sériem generatiónis ignóro; sed auctórem generatiónis agnóscó. Non interfúimus, cum ex Patre Dei Fílius nascerétur; sed interfúimus, cum a Patre Dei Fílius dicerétur. Si Deo non crédimus, cui crédemus? Omnia enim quæ crédimus, vel visu crédimus, vel auditu: visus sæpe fállitur, auditus in fide est.

Te Deum laudámus.

Ad Laudes

✠. Dóminus regnávit, decórem induit. ✠. Induit Dóminus fortitúdinem, et præcínxit se virtúte.

Ad Bened. Ant. Ascéndens Jesus * in navim et

sedens docébat turbas. al-
lelúja.

Oratio

DA nobis, quæsumus,
Dómine : ut et mundi
cursus pacífice nobis tuo
ordine dirigátur; et Ecclé-
sia tua tranquilla devotió-
ne lætétur. Per Dóminum.

Ad Vesperas

℟. Dirigátur, Dómine,
orátio mea. ℞. Sicut in-
censum in conspéctu tuo.

Ad Magnif. Ant. Præcé-
ptor, * per totam noctem
laborántes nihil cépimus;
in verbo autem tuo laxábo
rete.

DOMINICA V

POST PENTECOSTEN

Semiduplex

Oratio Deus, qui, **ut infra**
ad Laudes.

In III Nocturno

Léctio sancti Evangélíi
secúndum Matthæum

Lectio vii Cap. 5, 20-24

IN illo témpore : Dixit
Jesus discíplis suis :
Nisi abundáverit justítia
vestra plus quam scribá-
rum et pharisæórum, non
intrábitis in regnum cæló-
rum. Et réliqua.

Homilía sancti Augustíni
Epíscopi

**Liber 1 de Sermone Domini
in monte, cap. 9**

Justítia pharisæórum
est, ut non occidant :
justítia eórum, qui intra-
túri sunt in regnum cæló-
rum, ut non irascántur sine
causa. Mínimum est ergo,
non occidere; et qui illud
sólverit, mínimus vocábi-
tur in regno cælórum. Qui
autem illud impléverit, ut
non occídat, non contínuo
magnus erit, et idóneus
regno cælórum; sed tamen
ascéndit áliquem gradum :
perficiétur autem, si nec
irascátur sine causa; quod
si perfécerit, multo remó-
tior erit ab homicídio.
Quaprópter qui docet, ut
non irascámur, non solvit
legem, ne occidámus, sed
implet pótius; ut et foris,
dum non occídimus, et in
corde, dum non iráscimur,
innocéntiam custodiámus.

℞. Peccávi super núme-
rum arénæ maris, et multi-
plicáta sunt peccáta mea;
et non sum dignus vidére
altitúdinem cæli præ mul-
titúdine iniquitátis meæ :
quóniam irritávi iram tu-
am, * Et malum coram te
feci. ℞. Quóniam iniquitá-
tem meam ego cognósco :
et delíctum meum contra
me est semper, quia tibi
soli peccávi. — Et.

Lectio viii

GRadus itaque sunt in istis peccatis : ut primo quisque irascatur, et eum motum retineat corde conceptum. Jam si extorserit vocem indignantis ipsa commotio, non significansem aliquid, sed illum animi motum ipsa eruptione testantem, qua feriatur ille, cui irascitur; plus est utique, quam si surgens ira silentio premeretur. Si vero non solum vox indignantis audiatur, sed etiam verbum, quo jam certam ejus vituperationem, in quem profertur, designet et notet; quis dubitet, amplius hoc esse, quam si solus indignationis sonus ederetur?

℟. Duo Séraphim clamabant alter ad alterum : * Sanctus, sanctus, sanctus Dóminus, Deus Sábaoth : * Plena est omnis terra glória ejus. **℣.** Tres sunt qui testimonium dant in cælo : Pater, Verbum, et Spíritus Sanctus; et hi tres unum sunt. — Sanctus. **G**lória Patri. Plena.

Lectio ix

Vide nunc etiam tres reatus, iudicii, concilii, et gehennæ ignis. Nam in iudicio adhuc defensionis datur locus. In concilio autem, quamquam et iudicium esse soleat, tamen

quia interesset aliquid hoc loco fatéri cogit ipsa distinctio, videtur ad concilium pertinere sententiæ prolatio; quando non jam cum ipso reo agitur, utrum damnandus sit; sed inter se, qui iudicant, conferunt, quo supplicio damnari oporteat, quem constat esse damnandum. Gehenna vero ignis, nec damnationem habet dubiam, sicut iudicium, nec damnati poenam, sicut concilium : in gehenna quippe ignis, certa est damnatio, et poena damnati.

Te Deum laudamus.

Ad Laudes

℣. Dóminus regnavit, decorem induit. **℟.** Induit Dóminus fortitudinem, et præcinxit se virtute.

Ad Bened. Ant. Audistis, * quia dictum est antiquis : Non occides; qui autem occiderit, reus erit iudicio.

Oratio

DEus, qui diligentibus te bona invisibilia præparasti : infunde cordibus nostris tui amoris affectum; ut, te in omnibus et super omnia diligentes, promissiones tuas, quæ omne desiderium superant, consequamur. Per Dóminum.

Ad Vesperas

℟. Dirigátur, Dómine, orátio mea. ℞. Sicut incensum in conspéctu tuo.

Ad Magnif. Ant. Si offers * munus tuum ad altáre et recordátus fúeris, quia frater tuus habet áliquid advérsus te, relínque ibi munus tuum ante altáre et vade prius reconciliári fratri tuo, et tunc véniens ófferes munus tuum, allelúja.

DOMINICA VI
POST PENTECOSTEN

Semiduplex

Oratio Deus virtútum, ut infra ad Laudes.

In III Noeturno

Léctio sancti Evangélíi
secúndum Marcum

Lectio vii Cap. 8, 1-9

IN illo témpore : Cum turba multa esset cum Jesu nec habérent quod manducárent, convocátis discíplis, ait illis : Miséreor super turbam, quia ecce jam tríduo sústinent me nec habent quod mandúcent. Et réliqua.

Homilía sancti Ambrósii
Epíscopi

Liber 6 in Lucæ cap. 9
post initium

POsteáquam illa, quæ Ecclésiæ typum accépit, a fluxu curáta est sán-

guinis, posteáquam Apóstoli ad evangelizándum regnum Dei sunt destináti, grátiae cæléstis impartítur aliméntum. Sed quibus impartíatur, advérte. Non otíosis, non in civitáte, quasi in synagóga vel sæculári dignitáte residéntibus; sed inter desérta quæréntibus Christum. Qui enim non fastídiunt, ipsi excipiúntur a Christo, et cum ipsis lóquitur Dei Verbum, non de sæculáribus, sed de regno Dei. Et si qui corporális gerunt úlcerá passiónis, his medicínám suam libénter indúlget.

℞. Peccávi super númerum arénæ maris, et multiplicáta sunt peccáta mea; et non sum dignus vidére altitúdinem cæli præ multitúdine iniquitátis meæ : quóniam irritávi iram tuam, * Et malum coram te feci. ℞. Quóniam iniquitátem meam ego cognósco : et delíctum meum contra me est semper, quia tibi soli peccávi. — Et.

Lectio viii

Consequens igitur erat, ut, quos a vúlnerum dolore sanáverat, eos alimóniis spiritalibus a jejúnio liberáret. Itaque nemo cibum áccipit Christi, nisi fúerit ante sanátus; et illi, qui vocántur ad cœnam,

prius vocádo sanántur. Si claudus fuit, gradiéndo facultátem, ut veníret, accépit : si lúmine oculórum privátus, domum útique Dómini, nisi refúsa luce, intráre non pótuit.

℟. Duo Séraphim clamábant alter ad álterum : * Sanctus, sanctus, sanctus Dóminus, Deus Sábaoth : * Plena est omnis terra glória ejus. ℣. Tres sunt qui testimónium dant in cælo : Pater, Verbum, et Spíritus Sanctus; et hi tres unum sunt. — Sanctus. Glória Patri. Plena.

Lectio ix

Ubíque igitur mystérii ordo servátur, ut prius per remissionem peccatórum vulnéribus medicína tribuátur, post alimónia mensæ cæléstis exúberet; quamquam nondum validióribus hæc turba reficiátur aliméntis, neque Christi córpore et ságuine jejúna solidiórís fidei corda pascántur. Lacte, inquit, vos potávi, non esca; nondum enim poterátis, sed nec adhuc quidem potéstis. In modum lactis quinque sunt panes : esca autem solidior corpus est Christi; potus veheméntior sanguis est Dómini.

Te Deum laudámus.

Ad Laudes

℣. Dóminus regnávít, decórem induit. ℟. Induit Dóminus fortitúdinem, et præcínxit se virtúte.

Ad Bened. Ant. Cum turba multa * esset cum Jesu nec habérent quod manducárent, convocátis discíplis, ait illis : Misereor super turbam, quia ecce jam tríduo sústinent me nec habent quod mandúcent, allelúja.

Oratio

Deus virtútum, cujus est totum quod est optimum : insere pectóribus nostris amórem tui nóminis, et præsta in nobis religiónis augméntum; ut, quæ sunt bona, nútrias, ac pietátis stúdio, quæ sunt nutrita, custódias. Per Dóminum.

Ad Vesperas

℣. Dirigátur, Dómine, orátio mea. ℟. Sicut incensum in conspéctu tuo.

Ad Magnif. Ant. Misereor * super turbam, quia ecce jam tríduo sústinent me nec habent quod mandúcent, et, si dimísero eos jejúnos, deficiént in via, allelúja.

DOMINICA VII
POST PENTECOSTEN

Semiduplex

Oratio Deus, cujus, ut
infra ad Laudes.

In III Noeturno

Lectio sancti Evangélíi
secúndum Matthæum

Lectio vii Cap. 7, 15-21

IN illo témpore : Dixit
Jesus discíplis suis :
Atténdite a falsis prophé-
tis, qui véniunt ad vos in
vestiméntis óvium intrín-
secus autem sunt lupi
rapáces. Et réliqua.

Homilía sancti Hilárii
Epíscopi

Comment. in Matth. can. 6

Blandiménta verbórum,
et mansuetúdinis si-
mulatióem ádmonet fru-
ctu operatióis expéndi
oportére; ut, non qualem
quis verbis réferat, sed
qualem se rebus efficiat,
spectémus; quia in multis
vestítu óvium rábies lu-
pína contégitur. Ergo ut
spinæ uvas, ut tríbuli
ficus non génerant, et ut
iníquæ árbores útilia po-
ma non áfferunt : ita ne in
istis quidem consístere do-
cet boni óperis efféctum,
et idcírco omnes cogno-
scéndos esse de frúctibus.
Regnum enim cælórum

sola verbórum officia non
óbtinent; neque qui díxe-
rit : Dómine, Dómine,
heres illius erit.

Ante Dominicam I Augusti

℟. Peccávi super núme-
rum arénæ maris, et multi-
plicáta sunt peccáta mea;
et non sum dignus vidére
altitúdinem cæli præ mul-
titúdi- ne iniquitátis meæ :
quóniam irritávi iram tu-
am, * Et malum coram te
feci. ℣. Quóniam iniquitá-
tem meam ego cognósco :
et delíctum meum contra
me est semper, quia tibi
soli peccávi. — Et.

In Dominica I Augusti

℟. Dómine, pater et
Deus vitæ meæ, ne dere-
línquas me in cogitátu
maligno : extolléntiam
oculórum meórum ne dé-
deris mihi, et desidérium
malignum avérte a me,
Dómine; aufer a me con-
cupiscéntiam, * Et ánimo
irreverénti et infrunito ne
tradas me, Dómine. ℣. Ne
derelínquas me, Dómine,
ne accréscant ignorántiæ
meæ, nec multiplicéntur
delícta mea. — Et.

Lectio viii

Quid enim mériti est Dó-
mino dícere, Dómine?
Numquid Dóminus non
erit, nisi fúerit dictus a
nobis? Et quæ officii sán-
ctitas est nóminis nuncu-

pátio, cum cæléstis regni iter obediéntia pótius voluntátis Dei, non nuncupátio, repertúra sit? Multi mihi dicent in illa die : Dómine, Dómine, nonne in tuo nómine prophetávimus? Etiam nunc pseudo-prophetárum frauduléntiam et hypocritárum simulaménta condémnat, qui glóriam sibi ex verbi virtúte præsumunt, in doctrínæ prophetía, et dæmoniórum fuga, et istiúsmodi óperum virtútibus.

℟. Duo Séraphim clamábant alter ad álterum : * Sanctus, sanctus, sanctus Dóminus, Deus Sábaoth : * Plena est omnis terra glória ejus. ℣. Tres sunt qui testimónium dant in cælo : Pater, Verbum, et Spíritus Sanctus; et hi tres unum sunt. — Sanctus. Glória Patri. Plena.

Lectio ix

ATque hinc sibi regnum cælórum pollicéntur : quasi vero eórum áliquíd próprium sit, quæ loquúntur aut faciunt, et non ómnia virtus Dei invocáta perficiat; cum doctrínæ sciéntiam léctio áfferat, dæmónia Christi nomen exágitet. De nostro igitur est beáta illa ætérnitas promerénda, præstandúmque est áliquíd ex próprio, ut bonum velímus, malum

omne vitémus, totóque afféctu præcéptis cæléstibus obtemperémus, ac tálibus officiis cógnti Deo simus, agamúsque pótius quod vult, quam quod potest gloriémur; repúdians eos ac repéllens, quos a cognitióne sua, ópera iniquitátis avérterint.

Te Deum laudámus.

Ad Laudes

℣. Dóminus regnávit, decórem induit. ℟. Induit Dóminus fortitúdinem, et præcínxit se virtúte.

Ad Bened. Ant. Atténdite * a falsis prophétis, qui véniunt ad vos in vestiméntis óvium, intrínsecus autem sunt lupi rapáces; a frúctibus eórum cognoscétis eos, allelúja.

Oratio

DEus, cujus providéntia in sui dispositiόne non fállitur : te súpplīces exorámus; ut nóxia cuncta submóveas, et ómnia nobis profutúra concédas. Per Dóminum.

Ad Vesperas

℣. Dirigátur, Dómine, orátio mea. ℟. Sicut incensum in conspéctu tuo.

Ad Magnif. Ant. Non potest arbor * bona fructus malos fácere, nec arbor mala fructus bonos fácere. Omnis arbor, quæ non fa-

cit fructum bonum, excidetur, et in ignem mittetur, allelúja.

DOMINICA VIII POST PENTECOSTEN

Semiduplex Oratio

L Argíre nobis, quæsumus, Dómine, semper spíritum cogitándi quæ recta sunt, propítius et agéndi : ut, qui sine te esse non póssumus, secúndum te vívere valeámus. Per Dóminum.

In III Noeturno

Léctio sancti Evangélíi
secúndum Lucam

Lectio vii Cap. 16, 1-9

IN illo témpore : Dixit Jesus discíplis suis parábolam hanc : Homo quidam erat dives, qui habébat villicum, et hic diffamátus est apud illum, quasi dissipásset bona ipsíus. Et reliqua.

Homília sancti Hierónymi
Presbýteri

**Ep. 151 ad Algas.,
quæst. 6, t. 3**

SI dispensátor iníqui mammónæ, dómini voce laudátur, quod de re iníqua sibi justítiam præparárit; et passus dispéndia dóminus laudat dis-

pensatóris prudéntiam, quod advérsus dóminum quidem fraudulénter, sed pro se prudénter égerit : quanto magis Christus, qui nullum damnum sustinére potest, et pronus est ad cleméntiam, laudábit discíulos suos, si in eos, qui creditúri sibi sunt, misericórdes fúerint?

Ante Dominicam I Augusti

℟. Peccávi super númerum arénæ maris, et multiplicáta sunt peccáta mea; et non sum dignus vidére altitúdinem cæli præ multitudíne iniquitátis meæ : quóniam irritávi iram tuam, * Et malum coram te feci. **℣.** Quóniam iniquitátem meam ego cognósco : et delictum meum contra me est semper, quia tibi soli peccávi. — Et.

In Dominicis Augusti

℟. Dómine, pater et Deus vitæ meæ, ne derelínquas me in cogitátu maligno : extolléntiam oculórum meórum ne dederis mihi, et desidérium malignum avérte a me, Dómine; aufer a me concupiscéntiam, * Et ánimo irreverénti et infruníto ne tradas me, Dómine. **℣.** Ne derelínquas me, Dómine, ne accréscant ignorántiæ meæ, nec multiplicéntur delícta mea. — Et.

Lectio viii

Denique post parabolam intulit : Et ego vobis dico, Fácite vobis amícos de iníquo mammóna. Mammóna autem non Hebræórum, sed Syrórum lingua divítiae nuncupántur, quod de iniquitáte colléctæ sint. Si ergo iníquitas bene dispensáta vértitur in justítiam : quanto magis sermo divínus, in quo nulla est iníquitas, qui et Apóstolis créditus est, si bene fúerit dispensátus, dispensatóres suos levábit in cælum?

℟. Duo Séraphim clamábant alter ad álterum : * Sanctus, sanctus, sanctus Dóminus, Deus Sábaoth : * Plena est omnis terra glória ejus. ℣. Tres sunt qui testimónium dant in cælo : Pater, Verbum, et Spíritus Sanctus; et hi tres unum sunt. — Sanctus. Glória Patri. Plena.

Lectio ix

Quam ob rem séquitur : Qui fidélis est in mínimo, hoc est, in carnálibus; et in multis fidélis erit, hoc est, in spirituálibus. Qui autem in parvo iníquus est, ut non det frátribus ad uténdum, quod a Deo pro ómnibus est creátum; iste et in spirituáli pecúnia dividénda iníquus erit, ut non pro necessitáte, sed

pro persónis doctrínam Dómini dívidat. Si autem, inquit, carnáles divítias, quæ labúntur, non bene dispensátis; veras æternásque divítias doctrínæ Dei quis credet vobis?

Te Deum laudámus.

Ad Laudes

℣. Dóminus regnávít, decórem induit. ℟. Induit Dóminus fortitúdinem, et præcínxit se virtúte.

Ad Bened. Ant. Ait dóminus villico : * Quid hoc áudio de te? redde ratió-nem villicatiónis tuæ, alle-lúja.

Oratio

L Argíre nobis, quæsumus, Dómine, semper spíritum cogitándi quæ recta sunt, propítius et agéndi : ut, qui sine te esse non póssumus, secúndum te vívere valeámus. Per Dóminum.

Ad Vesperas

℣. Dirigátur, Dómine, orátio mea. ℟. Sicut incénsus in conspéctu tuo.

Ad Magnif. Ant. Quid faciám, * quia dóminus meus aufert a me villicatió-nem? Fódere non váleo, mendicáre erubésco. Scio quid faciám, ut, cum amó-tus fúero a villicatióne, recípiant me in domos suas.

DOMINICA IX

POST PENTECOSTEN

Semiduplex

Oratio

PAteant aures miseri-
córdiæ tuæ, Dómine,
précibus supplicántium :
et, ut peténtibus deside-
ráta concédas; fac eos,
quæ tibi sunt plácita, po-
stuláre. Per Dóminum.

In III Nocturno

Léctio sancti Evangélíi
secúndum Lucam

Lectio vii Cap. 19, 41-47

IN illo témpore : Cum
appropinquáret Jesus
Jerúsalem, videns civitá-
tem flevit super illam di-
cens : Quia si cognovísses
et tu, et quidem in hac
die tua, quæ ad pacem
tibi! Nunc autem abscón-
dita sunt ab óculis tuis.
Et réliqua.

Homilía sancti Gregórii
Papæ

Homilia 39 in Evangelia

QUod a flente Dómino
illa Jerosolymórum
subvérsio describitur, quæ
a Vespasiáno et Tito Ro-
mánis princípibus facta
est, nullus, qui históriam
eversiónis ejúsdem legit,
ignórat. Románi étenim
príncipes denuntiántur,
cum dicitur : Quia vénient
dies in te, et circúmda-
bunt te inimíci tui vallo.

Hoc quoque quod ádditur,
Non relínquent in te lápi-
dem super lápidem : étiam
jam ipsa ejúsdem civitátis
transmigrátio testátur;
quia, dum nunc in eo loco
constrúcta est, ubi extra
portam fúerat Dóminus
crucifíxus, prior illa Jerú-
salem, ut dicitur, fúnditus
est evérsa.

Ante Dominicam I Augusti

℟. Peccávi super núme-
rum arénæ maris, et multi-
plicáta sunt peccáta mea;
et non sum dignus vidére
altitúdinem cæli præ mul-
titúdi- ne iniquitátis meæ :
quóniam irritávi iram tu-
am, * Et malum coram te
feci. **℣.** Quóniam iniquitá-
tem meam ego cognósco :
et delíctum meum contra
me est semper, quia tibi
soli peccávi. — Et.

In Dominicis Augusti

℟. Dómine, pater et
Deus vitæ meæ, ne dere-
línquas me in cogitátu
maligno : extolléntiam
oculórum meórum ne dé-
deris mihi, et desidérium
malignum avérte a me,
Dómine; aufer a me con-
cupiscéntiam, * Et ánimo
irreverénti et infruníto ne
tradas me, Dómine. **℣.** Ne
derelínquas me, Dómine,
ne accréscant ignorántiæ
meæ, nec multiplicéntur
delícta mea. — Et.

Lectio viii

CUI ex qua culpa ever-
sionis suæ pœna fúe-
rit illáta, subjúngitur : Eo
quod non cognóveris tem-
pus visitatiónis tuæ. Creá-
tor quippe hóminum per
incarnatiónis suæ mysté-
rium hanc visitáre digná-
tus est; sed ipsa timóris et
amóris illíus recordáta non
est. Unde étiam per Pro-
phétam in increpatióne
cordis humáni aves cæli
ad testimónium deducún-
tur, dum dicitur : Milvus
in cælo cognóvit tempus
suum, turtur et hirúndo
et cicónia custodiérunt
tempus advéntus sui; pó-
pulus autem meus non
cognóvit iudícium Dó-
mini.

℟. Duo Séraphim clamá-
bant alter ad álterum :
* Sanctus, sanctus, san-
ctus Dóminus, Deus Sá-
baoth : * Plena est omnis
terra glória ejus. ℣. Tres
sunt qui testimónium dant
in cælo : Pater, Verbum,
et Spíritus Sanctus; et hi
tres unum sunt. — San-
ctus. Glória Patri. Plena.

Lectio ix

FLevit étenim prius
Redémptor ruínam
pérfidæ civitátis, quam
ipsa sibi civitas non co-
gnoscébat esse ventúram.
Cui a flente Dómino recte

dícitur : Quia si cogno-
visses, et tu; subáudi,
fleres : quæ modo, quia
nescis quod imminet, ex-
súltas. Unde et súbditur :
Et quidem in hac die
tua, quæ ad pacem tibi.
Cum enim carnis se volu-
ptátibus daret, et ventúra
mala non prospíceret; in
die sua, quæ ad pacem
esse ei póterant, habébat.
Te Deum laudámus.

Ad Laudes

℣. Dóminus regnávit,
decórem induit. ℟. Induit
Dóminus fortitúdinem, et
præcínxit se virtúte.

Ad Bened. Ant. Cum ap-
propinquáret * Dóminus
Jerúsalem, vídens civitá-
tem flevit super illam, et
dixit : Quia si cognovisses
et tu, quia vénient dies in
te, et circúmdabunt te
inimíci tui vallo et cir-
cúmdabunt te et coangu-
stábunt te úndique et ad
terram prostérnent te :
eo quod non cognovísti
tempus visitatiónis tuæ,
allelúja.

Oratio

PAteant aures miseri-
córdiæ tuæ, Dómine,
précibus supplicántium :
et, ut peténtibus deside-
ráta concédas; fac eos,
quæ tibi sunt plácita, po-
stuláre. Per Dóminum.

Ad Vesperas

℣. Dirigátur, Dómine, orátio mea. ℞. Sicut incensum in conspéctu tuo.

Ad Magnif. Ant. Scriptum est enim : * Quia domus mea domus orationis est cunctis gentibus; vos autem fecistis illam speluncam latronum. Et erat quotidie docens in templo.

DOMINICA X

POST PENTECOSTEN

Semiduplex Oratio

DEus, qui omnipotentiam tuam parcendo maxime et miserando manifestas : multiplica super nos misericordiam tuam; ut ad tua promissa currentes, caelestium bonorum facias esse consortes. Per Dóminum.

In III Nocturno

Lectio sancti Evangelii
secundum Lucam

Lectio vii Cap. 18, 9-14

IN illo tempore : Dixit Jesus ad quosdam, qui in se confidebant tamquam justi et aspernabantur ceteros, parabolam istam : Duo homines ascenderunt in templum, ut orarent : unus pharisaeus, et alter publicanus. Et reliqua.

Homilia sancti Augustini
Episcopi

Sermo 36 de verbis Domini,
circa medium

Diceret saltem pharisaeus : Non sum sicut multi homines. Quid est, ceteri homines, nisi omnes praeter ipsum? Ego, inquit, justus sum, ceteri peccatores. Non sum sicut ceteri homines, iniusti, raptores, adulteri. Et ecce tibi ex vicino publicano majoris tumoris occasio : Sicut, inquit, publicanus iste. Ego, inquit, solus sum : iste de ceteris est. Non sum, inquit, talis, qualis iste, per justitias meas, quibus iniquus non sum.

Ante Dominicam I Augusti

℞. Peccavi super numerum arenae maris, et multiplicata sunt peccata mea; et non sum dignus videre altitudinem caeli praemititudine iniquitatis meae : quoniam irritavi iram tuam, * Et malum coram te feci. ℞. Quoniam iniquitatem meam ego cognosco : et delictum meum contra me est semper, quia tibi soli peccavi. — Et.

In Dominicis Augusti

℞. Dómine, pater et Deus vitae meae, ne derelinquas me in cogitatu maligno : extollentiam

oculorum meorum ne deris mihi, et desiderium malignum averte a me, Domine; aufer a me concupiscentiam, * Et animo irreverenti et infructuoso ne tradas me, Domine. *℣.* Ne derelinquas me, Domine, ne accrescant ignorantiae meae, nec multiplicentur delicta mea. — Et.

Lectio viii

Iejuno bis in sabbato, decimas de omnium quae possideo. Quid rogarit Deum, quare in verbis ejus; nihil invenies. Ascendit orare : noluit Deum rogare, sed se laudare. Parum est, non Deum rogare, sed se laudare; insuper et roganti insultare. Publicanus autem de longinquo stabat, et Deo tamen ipse appropinquabat : cordis conscientia eum removebat, pietas applicabat. Publicanus autem de longinquo stabat, sed Dominus eum de propinquo attendebat.

℣. Duo Seraphim clamabant alter ad alterum : * Sanctus, sanctus, sanctus Dominus, Deus Sabaoth : * Plena est omnis terra gloria ejus. *℣.* Tres sunt qui testimonium dant in caelo : Pater, Verbum, et Spiritus Sanctus; et hi tres unum sunt. — Sanctus. *Glória Patri. Plena.*

Lectio ix

Excelsum enim Dominus, et humilia respicit; excelsos autem, qualis erat ille pharisaeus, a longe cognoscit. Excelsa quidem Deus a longe cognoscit, sed non ignoscit. Adhuc audi humilitatem publicani. Parum est, quia de longinquo stabat; nec oculos suos ad caelum levabat; ut aspiceretur, non aspiciebat; respicere sursum non audebat : premebat conscientia, spes sublevabat. Adhuc audi : Percutiebat pectus suum. Poenas a se ipso exigebat; propterea Dominus confidenti parcibat. Percutiebat pectus suum, dicens : Domine, propitius esto mihi peccatori. Ecce, qui rogat. Quid miraris, si Deus ignoscit, quando ipse agnoscit?

Te Deum laudamus.

Ad Laudes

℣. Dominus regnavit, decorem induit. *℣.* Induit Dominus fortitudinem, et praecinxit se virtute.

Ad Bened. Ant. Stans a longe * publicanus, nolēbat oculos ad caelum levare, sed percutiebat pectus suum dicens : Deus, propitius esto mihi peccatori.

Oratio

Deus, qui omnipotentiam tuam parcendo máxime et miserando manifestas : multiplica super nos misericordiam tuam; ut ad tua promissa currentes, cælestium bonorum facias esse consortes. Per Dóminum.

Ad Vesperas

V. Dirigátur, Dómine, orátio mea. **R.** Sicut incensum in conspectu tuo.

Ad Magnif. Ant. Descendit * hic justificátus in domum suam ab illo; quia omnis, qui se exáltat, humiliábitur, et, qui se humiliat, exaltábitur.

DOMINICA XI

POST PENTECOSTEN

Semiduplex Oratio

OMnípotens sempitérne Deus, qui, abundantia pietátis tuæ, et mérita supplicum excédis et vota : effúnde super nos misericordiam tuam; ut dimittas quæ consciéntia méruit, et adjicias quod orátio non præsumit. Per Dóminum.

In III Nocturno

Lectio sancti Evangélii
secúndum Marcum

Lectio vii Cap. 7, 31-37

IN illo témpore : Exiens Jesus de finibus Tyri venit per Sidónem ad ma-

re Galilææ inter médios fines Decapóleos. Et reliqua.

Homília sancti Gregórii
Papæ

Homilia 10, liber 1 in Ezech.,
ante medium

Quid est, quod Creátor ómnium Deus, cum surdum et mutum sanare volúisset, in aures illius suos dígitos misit, et exspuens linguam ejus tetigit? Quid per dígitos Redemptóris, nisi dona Sancti Spíritus designántur? Unde, cum in álio loco eiecisset dæmónium, dixit : Si in dígitó Dei ejício dæmónia, profecto pervénit in vos regnum Dei. Qua de re per Evangelístam álium dixisse describitur : Si ego in Spíritu Dei ejício dæmones, igitur pervénit in vos regnum Dei. Ex quo utróque loco colligitur, quia dígitus Spíritus vocátur. Dígitos ergo in aurículas mittere, est per dona Spíritus Sancti mentem surdi ad obediéndum aperíre.

Ante Dominicam I Augusti

R. Peccávi super númerum arénæ maris, et multiplicata sunt peccáta mea; et non sum dignus vidére altitúdinem cæli præ multitudíne iniquitátis meæ : quóniam irritávi iram

tuam, * Et malum coram te feci. *℟.* Quóniam iniquitatem meam ego cognosco : et delictum meum contra me est semper, quia tibi soli peccávi. — Et malum coram.

In Dominicis Augusti

℟. Dómine, pater et Deus vitæ meæ, ne derelinquas me in cogitatu maligno : extolléntiam oculórum meórum ne dederis mihi, et desidérium malignum avérte a me, Dómine; aufer a me concupiscéntiam, * Et ánimo irreverénti et infruníto ne tradas me, Dómine. *℣.* Ne derelinquas me, Dómine, ne accréscent ignorántiæ meæ, nec multiplicéntur delicta mea. — Et ánimo irreverénti.

Lectio viii

Quid est vero, quod exspuens linguam ejus tétigit? Salíva nobis est ex ore Redemptóris, accépta sapiéntia in elóquio divíno. Salíva quippe ex cápite défluit in ore. Ea ergo sapiéntia, quæ ipse est, dum lingua nostra tángitur, mox ad prædicationis verba formátur. Qui suspíciens in cælum, ingémuit : non quod ipse necessárium gémitum habéret, qui dabat quod postulábat; sed nos ad eum

gémere, qui cælo præsidet, dócuit : ut et aures nostræ per donum Spíritus Sancti aperíri, et lingua per salívam oris, id est, per sciéntiam divínæ locutiónis, solvi débeat ad verba prædicationis.

℟. Duo Séraphim clamábant alter ad álterum : * Sanctus, sanctus, sanctus Dóminus, Deus Sábaoth : * Plena est omnis terra glória ejus. *℣.* Tres sunt qui testimónium dant in cælo : Pater, Verbum, et Spíritus Sanctus; et hi tres unum sunt. — Sanctus. Glória Patri. Plena.

Lectio ix

CUI mox, Ephphetha, id est, Adaperíre dicitur : et statim apértæ sunt aures ejus, et solútum est vínculus linguæ ejus. Qua in re notándum est, quia propter clausas aures dictum est, Adaperíre. Sed cui aures cordis ab obediéndum apértæ fúerint, ex subsequénti procul dubio étiam linguæ ejus vínculum sólvitur; ut bona, quæ ipse fécerit, étiam faciéndam áliis loquátur. Ubi bene ádditur : Et loquebátur recte. Ille enim recte lóquitur, qui prius obediéndum fécerit, quæ loquéndum ádmonet esse faciéndam.

Te Deum laudámus.

Ad Laudes

℣. Dóminus regnávít,
decórem induit. ℞. Induit
Dóminus fortitúdinem, et
præcínxit se virtúte.

Ad Bened. Ant. Cum
transísset Dóminus * fines
Tyri, surdos fecit audíre
et mutos loqui.

Oratio

OMnípotens sempitérne
Deus, qui, abundántia
pietátis tuæ, et mérita
súpplicum excédis et vo-
ta : effúnde super nos mi-
sericórdiam tuam; ut di-
míttas quæ consciéntia
métuit, et adjícias quod
orátio non præsumit. Per
Dóminum.

Ad Vesperas

℣. Dirigátur, Dómine,
orátio mea. ℞. Sicut in-
cénsum in conspéctu tuo.

Ad Magnif. Ant. Bene
ómnia fecit * et surdos
fecit audíre et mutos
loqui.

DOMINICA XII

POST PENTECOSTEN

Semiduplex

Oratio

OMnípotens et miséri-
cors Deus, de cujus
múnere venit, ut tibi a fi-
délibus tuis digne et lau-
dabíliter serviátur : trí-

bue, quæsumus, nobis; ut
ad promissiónes tuas sine
offensióne currámus. Per
Dóminum.

In III Nocturno

Léctio sancti Evangélíi
secúndum Lucam

Lectio vii Cap. 10, 23-37

IN illo témpore : Dixit
Jesus discípulis suis :
Beáti óculi, qui vident
quæ vos vidétis; dico
enim vobis, quod multi
prophétæ et reges volué-
runt vidére quæ vos vidé-
tis, et non vidérunt. Et
réliqua.

Homilía sancti Bedæ
Venerábilis Presbýteri

Liber 3 in Lucæ 10

NON óculi scribárum et
pharisæórum, qui cor-
pus tantum Dómini vi-
dére; sed illi beáti óculi,
qui ejus possunt cognó-
scere sacraménta, de qui-
bus dicitur : Et revelásti ea
párvulis. Beáti óculi par-
vulórum, quibus et se et
Patrem Fílius reveláre di-
gnátur. Abraham exsul-
távit, ut vidéret diem
Christi; et vidit, et gavi-
sus est. Isaías quoque, et
Michæas, et multi álíi pro-
phétæ vidérunt glóriam
Dómini, qui et proptérea
Vidéntes sunt appelláti;
sed hi omnes, a longe
aspiciéntes et salutántes,

per spéculum et in ænigmate vidérunt.

℟. Dómine, pater et Deus vitæ meæ, ne derelínquas me in cogitatu maligno : extolléntiam oculórum meórum ne dederis mihi, et desidérium malignum avérte a me, Dómine; aufer a me concupiscéntiam, * Et ánimo irreverénti et infruníto ne tradas me, Dómine. ℣. Ne derelínquas me, Dómine, ne accréscent ignorántiæ meæ, nec multiplicéntur delícta mea. — Et.

Lectio viii

APóstoli autem, in præsentíarum habéntes Dóminum, convescentésque ei, et quæcúmque volúissent interrogádo discéntes, nequáquam per Angelos aut várias visiónum spécies opus habébant docéri. Quos vero Lucas multos prophétas et reges dicit, Matthæus apértius prophétas et justos appellat. Ipsi sunt enim reges magni; quia tentatiónum suárum mótibz non consentiédo succúmberé, sed regédo præesse novérunt.

℟. Duo Séraphim clamábant alter ad álterum : * Sanctus, sanctus, sanctus Dóminus, Deus Sábaoth : * Plena est omnis terra glória ejus. ℣. Tres

sunt qui testimónium dant in cælo : Pater, Verbum, et Spíritus Sanctus; et hi tres unum sunt. — Sanctus. Glória Patri. Plena.

Lectio ix

ET ecce quidam legisperítus surrexit, tentans eum et dicens : Magíster, quid faciéndo vitam ætérnam possidébo? Legisperítus, qui de vita ætérna Dóminum tentans intérogat, occasiódinem, ut reor, tentándi de ipsis Dómini sermónibus sumpsit, ubi ait : Gaudéte autem quod nómina vestra scripta sunt in cælis. Sed ipsa sua tentatióne declárat, quam vera sit illa Dómini conféssio, qua Patri lóquitur : Quod abscondísti hæc a sapiéntibus et prudéntibus, et revelásti ea párvulis. Te Deum.

Ad Laudes

℣. Dóminus regnávít, decórem índuit. ℟. Índuit Dóminus fortitúdinem, et præcínxit se virtúte.

Ad Bened. Ant. Magíster, * quid faciéndo vitam ætérnam possidébo? At ille dixit ad eum : In lege quid scriptum est? quómodo legis? Díliges Dóminum, Deum tuum, ex toto corde tuo, allelúja.

Oratio Omnípotens et míserícors. 548

Ad Vesperas

℣. Dirigátur, Dómine, orátio mea. ℟. Sicut incensum in conspéctu tuo.

Ad Magnif. Ant. Homo quidam * descendébat ab Jerúsalem in Jéricho et incidit in latrónes, qui étiam despoliavérunt eum et, plagis impósitis, abiérunt semivívo relícto.

DOMINICA XIII
POST PENTECOSTEN

Semiduplex Oratio

OMnípotens sempitérne Deus, da nobis fidei, spei et caritátis augméntum : et, ut mereámur ássequi quod promíttis, fac nos amáre quod præcipis. Per Dóminum.

In III Nocturno

Léctio sancti Evangélíi
secúndum Lucam

Lectio vii Cap. 17, 11-19

IN illo témpore : Dum iret Jesus in Jerúsalem, transíbat per médiám Samariám et Galilæam. Et cum ingrederétur quoddam castéllum, occurrérunt ei decem viri leprósi. Et réliqua.

Homília sancti Augustíni
Epíscopi

Liber 2 quæst. Evang. cap. 40

DE decem leprósis, quos Dóminus ita mundávit, cum ait : Ite, ostén-

dite vos sacerdótibus; quæri potest, cur eos ad sacerdótes míserit, ut, cum irent, mundaréntur. Nullum enim eórum, quibus hæc corporália benefícia præstitit, invenitur misísse ad sacerdótes, nisi leprósos. Nam et illum a lepra mundáverat, cui dixit : Vade, osténde te sacerdótibus, et offer pro te sacrificium, quod præcepit Móyses, in testimónium illis. Quæréndum igitur est, quid ipsa lepra significet : non enim sanáti, sed mundáti dicúntur, qui ea caruérunt. Colóris quippe vítium est, non valetúdinis, aut integritátis sénsuum atque membrórum.

℣. Dómine, pater et Deus vitæ meæ, ne derelínquas me in cogitátu maligno : extolléntiam oculórum meórum ne dederis mihi, et desidérium malignum avérte a me, Dómine; aufer a me concupiscéntiam, * Et ánimo irreverénti et infruníto ne tradas me, Dómine. ℣. Ne derelínquas me, Dómine, ne accréscant ignorántiæ meæ, nec multiplicéntur delícta mea. — Et.

Lectio viii

LEprósi ergo non absúrde intélligi possunt, qui sciéntiam veræ fidei

non habentes, varias doctrinas profitentur erroris. Non enim abscondunt imperitiam suam; sed pro summa peritia proferunt in lucem, et jactantia sermonis ostendant. Nulla porro falsa doctrina est, quæ non aliqua vera intermisceat. Vera ergo falsis inordinatè permixta, in una disputatione vel narratione hominis, tamquam in unius corporis colore apparentia, significant lepram, tamquam veris falsisque colorum fucis humana corpora variantem atque maculantem.

℟. Duo Séraphim clamabant alter ad alterum : * Sanctus, sanctus, sanctus Dóminus, Deus Sábaoth : * Plena est omnis terra glória ejus. ℣. Tres sunt qui testimonium dant in cælo : Pater, Verbum, et Spíritus Sanctus; et hi tres unum sunt. — Sanctus. Glória Patri. Plena.

Lectio ix

HI autem tam vitandi sunt Ecclésiæ, ut, si fieri potest, longius remoti, magno clamore Christum interpellent; sicut isti decem steterunt a longe, et levaverunt vocem, dicentes : Jesu præceptor, miserere nostri. Nam et quod præceptorem vocant, quo nomine nescio

utrum quisquam Dóminum interpellaverit pro medicina corporali; satis puto significare, lepram falsam esse doctrinam, quam bonus præceptor abstergit. Te Deum.

Ad Laudes

℣. Dóminus regnavit, decorem induit. ℟. Induit Dóminus fortitudinem, et præcinxit se virtute.

Ad Bened. Ant. Cum transiret Jesus * quoddam castellum, occurrerunt ei decem viri leprosi, qui steterunt a longe et levaverunt vocem dicentes : Jesu præceptor miserere nostri.

Oratio Omnipotens. 550

Ad Vesperas

℣. Dirigatur, Dómine, oratio mea. ℟. Sicut incensum in conspectu tuo.

Ad Magnif. Ant. Unus autem * ex illis, ut vidit, quod mundatus est, regressus est cum magna voce magnificans Deum, allelúja.

DOMINICA XIV POST PENTECOSTEN

Semiduplex Oratio

Custodi, Dómine, quæsumus, Ecclésiā tuā propitiatione perpétua : et quia sine te lábitur humá-

na mortálitás; tuis semper auxiliis et abstrahátur a nóxiis, et ad salutária dirigátur. Per Dóminum.

In III Nocturno

Lectio sancti Evangélii
secúndum Matthæum

Lectio vii Cap. 6, 24-33

IN illo témpore : Dixit Jesus discipulis suis : Nemo potest duóbus dóminis servíre. Et réliqua.

Homília sancti Augustíni
Epíscopi

Liber 2 de Sermone Domini in monte, cap. 14

Nemo potest duóbus dóminis servíre. Ad hanc ipsam intentiónem referéndum est, quod consequénter expónit, dicens : Aut enim unum ódio habébit, et álterum díliget; aut álterum patiétur, et álterum contémnet. Quæ verba diligénter consideránda sunt; nam, qui sint duo dómini, deinceps osténdit, cum dicit : Non potéstis Deo servíre, et mammónæ. Mammóna apud Hebræos divítiæ appellári dicúntur. Cóngruit et Púnicum nomen; nam lucrum Púnice mammon dicitur.

℟. Dómine, pater et Deus vitæ meæ, ne derelínquas me in cogitátu maligno : extolléntiam

oculórum meórum ne déderis mihi, et desidérium malignum avérte a me, Dómine; aufer a me concupiscéntiam, * Et ánimo irreverénti et infruníto ne tradas me, Dómine. ℣. Ne derelínquas me, Dómine, ne accréscent ignorántiæ meæ, nec multiplicéntur delícta mea. — Et.

Lectio viii

SED qui servit mammónæ, illi útique servit, qui rebus istis terrénis mérito suæ perversitátis præpósitus, magistrátus hujus sáculi a Dómino díci-tur. Aut enim unum ódio habébit homo, et álterum díliget, id est, Deum; aut álterum patiétur, et álterum contémnet. Patiétur enim durum et perniciosum dóminum, quisquis servit mammónæ; sua enim cupiditáte implicátus, súbditur diábolo, et non eum díligit. Quis enim est, qui díligat diábolum? sed tamen pátitur.

℟. Duo Séraphim clamábant alter ad álterum : * Sanctus, sanctus, sanctus Dóminus, Deus Sábaoth : * Plena est omnis terra glória ejus. ℣. Tres sunt qui testimónium dant in cælo : Pater, Verbum, et Spíritus Sanctus; et hi tres unum sunt. — Sanctus. Glória Patri. Plena.

Lectio ix

IDeo, inquit, dico vobis, non habere sollicitudinem animæ vestræ quid edátis, neque corpore vestro quid induátis; ne forte, quamvis jam superflua non quærantur, propter ipsa necessaria cor duplicetur, et ad ipsa conquirenda, nostra detorqueatur intentio, cum aliquid quasi misericórditer operamur : id est, ut, cum consúlere alicui vidéri vólumus, nostrum emolumentum ibi pótius quam illius utilitatem attendamus; et ideo nobis non videámur peccáre, quia non superflua, sed necessaria sunt, quæ cónsequi vólumus.

Te Deum laudámus.

Ad Laudes

℣. Dóminus regnávít, decórem induit. **℟.** Induit Dóminus fortitúdinem, et præcínxit se virtúte.

Ad Bened. Ant. Nolíte solliciti esse * dicétes : Quid manducábimus aut quid bibémus? scit enim Pater vester quid vobis necesse sit, allelúja.

Oratio

Custódi, Dómine, quæsumus, Ecclesiám tuam propitiatióne perpétua : et quia sine te lábitur humana mortálitás; tuis semper

auxíliis et abstrahátur a nóxiis, et ad salutária dirigátur. Per Dóminum.

Ad Vesperas

℣. Dirigátur, Dómine, orátio mea. **℟.** Sicut incensum in conspéctu tuo.

Ad Magnif. Ant. Quærite primum * regnum Dei et justítiam ejus, et hæc ómnia adjiciéntur vobis, allelúja.

DOMINICA XV

POST PENTECOSTEN

Semiduplex

Oratio

Ecclésiám tuam, Dómine, miserátio continuáta mundet et múniat : et quia sine te non potest salva consistere; tuo semper múnere gubernétur. Per Dóminum.

In III Nocturno

Léctio sancti Evangélíi
secúndum Lucam

Lectio vii Cap. 7, 11-16

IN illo témpore : Ibat Jesus in civitátem, quæ vocátur Naím : et ibant cum eo discípuli ejus et turba copiósa. Et réliqua.

Homilía sancti Augustíni
Epíscopi

Sermo 44 de verbis Domini,
circa initium

DE júvene illo resuscitato gavísa est mater vídua; de homínibus in

spíritu quotidie suscitátis gaudet mater Ecclesiá. Ille quidem mórtuus erat corpore; illi autem mente. Illíus mors visibilis visibíliter plangebátur; illórum mors invisibilis nec quærebátur, nec videbátur. Quæsívit ille, qui nóverat mórtuos. Ille solus nóverat mórtuos, qui póterat fácere vivos. Nisi enim ad mórtuos suscitándos venísset, Apóstolus non diceret : Surge, qui dormis, et exsúrge a mórtuis, et illuminábit te Christus.

℟. Dómine, pater et Deus vitæ meæ, ne derelínquas me in cogitátu maligno : extolléntiam oculórum meórum ne dederis mihi, et desidérium malignum avérte a me, Dómine; aufer a me concupiscéntiam, * Et ánimo irreverénti et infruníto ne tradas me, Dómine. ℣. Ne derelínquas me, Dómine, ne accréscent ignorántiæ meæ, nec multiplicéntur delícta mea. — Et.

Lectio viii

TRes autem mórtuos invenímus a Dómino resuscitátos visibíliter, míllia invisibíliter. Quot autem mórtuos visibíliter suscitáverit, quis novit? Non enim ómnia, quæ fecit, scripta sunt. Joánnes

hoc dixit : Multa ália fecit Jesus, quæ si scripta essent, árbitor totum mundum non posse libros cápere. Multi ergo sunt álii sine dúbio suscitáti, sed non tres frustra commemoráti. Dóminus enim noster Jesus Christus ea, quæ faciébat corporáliter, étiam spiritaliter volébat intélligi. Neque enim tantum mirácula propter mirácula faciébat; sed ut illa, quæ faciébat, mira essent vidéntibus, vera essent intelligéntibus.

℟. Duo Séraphim clamábant alter ad álterum : * Sanctus, sanctus, sanctus Dóminus, Deus Sábaoth : * Plena est omnis terra glória ejus. ℣. Tres sunt qui testimónium dant in cælo : Pater, Verbum, et Spíritus Sanctus; et hi tres unum sunt. — Sanctus. Glória Patri. Plena.

Lectio ix

Quemádmodum qui videt líttas in códice óptime scripto, et non novit légere, laudat quidem antiquárii manum, admirans ápicum pulchritúdinem; sed quid sibi velint, quid indícent illi ápices, nescit, et est óculis laudátor, mente non cógitor. Alius autem et laudat artíficiam, et capit intelléctum : ille útique, qui non

solum vidére, quod comúné est ómnibus, potest, sed étiam légere; quod qui non dídicit, non potest. Ita qui vidérunt Christi mirácula, et non intellérunt quid sibi vellent et quid intelligéntibus quodámmodo innúerent, miráti sunt tantum quia facta sunt; álii vero et facta miráti, et intellécta assecúti. Tales nos in schola Christi esse debémus.

Te Deum laudámus.

Ad Laudes

℣. Dóminus regnávít, decórem índuit. ℞. Índuit Dóminus fortitúdinem, et præcínxit se virtúte.

Ad Bened. Ant. Ibat Jesus * in civitátem, quæ vocátur Naím : et ecce defúctus efferebátur filius únicus matris suæ.

Oratio

℟. Ecclésiám tuam, Dómine, miserátio continuáta mundet et múniat : et quia sine te non potest salva consístere; tuo semper múnere gubernétur. Per Dóminum.

Ad Vesperas

℣. Dirigátur, Dómine, orátio mea. ℞. Sicut incénsus in conspéctu tuo.

Ad Magnif. Ant. Prophéta magnus * surréxit in nobis, et quia Deus visitávit plebem suam.





Proprium Sanctorum

In omnibus Festis novem Lectionum Domini, beatæ Mariæ Virginis, Angelorum, sancti Joannis Baptistæ, sancti Joseph, Apostolorum, Evangelistarum, necnon in omnibus Duplicibus I vel II classis, integrum Officium dicitur ut in Proprio vel Communi, et Lectiones I Nocturni cum suis Responsoriis, nisi propriæ vel specialiter assignatæ habeantur, sumuntur de Communi 1 loco.

In reliquis vero Festis novem Lectionum, nisi propria suis locis assignentur, Antiphonæ et Psalmi ad omnes Horas, et ad Matutinum Versus Nocturnorum, dicuntur de occurrenti hebdomadæ die, ad Laudes quidem et Feria IV etiam in III Nocturno, 1 loco; Lectiones I Nocturni de Scriptura occurrenti, vel resumendæ aut anticipandæ juxta Rubricas, cum suis Responsoriis de Tempore; quæ si omnino desint, Lectiones et Responsoria de Communi 1 loco, nisi aliter propriis locis notetur; reliqua omnia item de Communi, nempe præter Orationem :

Ad utrasque Vesperas et Laudes Capitulum, Hymnus, Versus et Antiphona ad Magnificat vel Benedictus.

Ad Matutinum Invitatorium, Hymnus, Lectiones II et III Nocturni cum suis Responsoriis.

Ad Primam Lectio brevis, pro qua sumitur Capitulum Nonæ.

Ad Tertiam, Sextam et Nonam Capitulum et ℟. breve.

Per Octavas autem communes, similiter Antiphonæ et Psalmi dicuntur de occurrenti hebdomadæ die, reliqua, nisi aliter suis locis notetur, ut in Festo : sed Lectiones et Responsoria I Nocturni, nisi propria habeantur, sumuntur de Scriptura occurrenti, ut supra, et iis deficientibus, Lectiones in diebus infra Octavam dicuntur de Communi, in die Octava, et pro Festis Domini Commune non habentibus etiam infra Octavam, ut in Festo; Responsoria vero,

tam infra Octavam quam in die Octava, ut in Festo. Item Lectiones II et III Nocturni, si propriæ de Octava non habeantur, in diebus infra Octavam dicuntur de Communi, in die Octava, et pro Festis Domini ut supra, ut in Festo. Et de Festo etiam infra Octavam sumuntur Lectiones III Nocturni si alia non habeatur Homilia in Evangelium Festi.

In Festis autem et diebus Octavis simplicibus omnia pariter dicuntur de occurrenti hebdomadæ die, et de Festo vel de Communi, ut supra; sed ad Matutinum, omissis Versibus I et II, novem Psalmi sub suis Antiphonis dicuntur continuatim in unico Nocturno, et in eo sumuntur I et II Lectio de Scriptura occurrenti cum suis Responsoriis de Tempore, addito II Responsorio Glória Patri, ut notatur; Lectio vero III de Festo, ut in Proprio vel Communi.

FESTA MAJI

Die 18 Maji
S. Venantii

Martyris [29] Duplex

IN I VESPERIS

Ant. Iste Sanctus pro lege Dei sui certavit usque ad mortem, et a verbis impiorum non tímuit; fundátus enim erat supra firmam petram.

✠. Glória et honóre.

Oratio

DEus, qui hunc diem beáti Venántii Mártiris tui triúmpho consecrásti : exáudi preces pópuli tui, et præsta; ut, qui ejus mérita venerámur, fidei constántiam imitémur. Per Dóminum.

AD MATUTINUM

Hymnus

Martyr Dei Venántius,
Lux et decus Camértium,
Tortóre victo et júdice,
Lætus triúmphum cóncinit.

Annis puer, post víncula,
Post cárceres, post vérbera,
Longa fame freméntibus
Cibus datur leónibus.

Sed ejus innocéntiæ
Parcit leónum immánitas :

Pedésque lambunt Mártiris,
Iræ famisque immémores.

Verso deórsum vértice
Haurire fumum cógitur;
Costas utrímque et víscera

Succénsa lampas ústulat.

AThléta Christi nóbilis
Idóla damnat géntium,
Deíque amóre sáucius
Vitæ perícла déspicit.

Loris revíctus áspéris,
E rupe præceps vólvitur :
Spinéta vultum lánci-
nant;
Per saxa corpus scínditur.

Dum membra raptant
Mártýris,
Languent siti satéllites;
Signo crucis Venántius
E rupe fontes élicit.

Bellátor o fortíssime,
Qui pérfidis tortóribus
E caute præbes póculum,
Nos rore grátiae írriga.

¶ **Sequens Conclusio num-
quam mutatur.**

Sit laus Patri, sit Fílio,
Tibíque, Sancte Spíritus :
Da per preces Venántii
Beáta nobis gáudia.

Amen.

**In I Nocturno, si dicendæ
non sint de Scriptura occur-
renti, Lectiones** Fratres : De-
bitóres, de **Communi plu-
rimorum Martyrum, cum**
xx. de Communi unius
Mart. ibidem notatis. [52]

In II Nocturno

Lectio iv



Venántius Camers,
quíndecim annos
natus, cum chri-
stiánæ religiónis accusaré-
tur apud Antíochum, qui
sub Décio imperatóre Ca-
meríno præerat, in porta

civitátis præsidi se óbtu-
lit. Quem ille, pollicitatió-
nibus ac terróribus diu
tentátum, flagris cædi et
vínclis astríngi jussit;
sed is, mirabíliter ab An-
gelo solútus, lampádibus
póstea adúritur, atque in-
vérsó ore, fumo suppósito,
suspenditur. Ejus con-
stántiam in torméntis de-
mirátus Anastásius Cor-
niculárius, et quod eum ab
Angelo íterum solútum
cándida veste supra fu-
mum ambulántem vidís-
set, in Christum crédidit;
et a beáto Porphýrio pres-
býtero cum família bap-
tizátus, paulo post martýrii
palmam cum eódem pro-
méruiť.

R. Honéstum fecit illum
Dóminus, et custodívit
eum ab inimícis, et a sedu-
ctóribus tutávit illum :
***** Et dedit illi claritátem
ætérnam. **V.** Descendít-
que cum illo in fóveam, et
in vínclis non derelíquit
eum. — Et.

Lectio v

AT Venántius præsidi sí-
statur, et ab eo íterum
frustra tentátus, ut Chri-
sti fidem deséretet, in cár-
cerem conjícitur; quo At-
talus præco míttitur, qui
ei dicat se quoque Chri-
stiánum fuisse et ei nómi-
ni proptérea renuntiásse,
quod cognovísset ináne

esse fidei comméntum, quo Christiáni præsentibus se ábdicant ob vanam futurórum spem. Verum nóbilis Christi athléta, cállidi hostis insídias non ignórans, diaboli místrum a se pénitus rejécit. Quare ad præsidem íterum addúcto omnes contúsi sunt dentes maxillæque confráctæ; atque, ita cæsus, in sterquilínium dejícitur. Sed inde ab Angelo quoque eréptus, rursus stetit ante júdicem; qui, Venántio adhuc loquente, e tribunáli cécidit et in ea voce, Verus est Venántii Deus, nostros deos destrúite, exclámans exspirávit.

℞. Desidérium animæ ejus tribuísti ei, Dómine,
* Et voluntáte labiórú ejus non fraudásti eum.

℣. Quóniam prævenísti eum in benedictiónibus dulcédinis : posuísti in cápite ejus corónam de lápide pretiósó. — Et.

Lectio vi

Quod cum præsidi nuntiátum esset, extémpló Venántium leónibus óbjiçi jussit; qui, naturáli feritáte omíssa, ad ejus se pedes abjecérunt. Interim ille pópulum Christi fidem edocébat. Quare inde amótus, íterum in cárcerem tráditur. Cumque postrí-

die præsidi reférret Porphýrius, se per visum noctu pópulos, quos Venántius aqua tingébat, claríssima luce fulgéntes, ipsum vero præsidem obscuríssima calígne opértum vidísse; præses, ira incénsus, eum illico cápíte plecti ímperat, deínde Venántium per loca vépribus et cárduis cónsita trahi usque ad vésperam. Is, cum semiánimis relictus esset, mane se íterum præsidi præsentávit; cujus jussu statim e rupe præcipitátur. Sed inde étiam divínus eréptus, dénuo per loca áspera ad mille passus tráhitur; ubi, militibus siti æstuántibus, in próxima conválle, ex lápide, in quo et génuum formam relíquit, sicut étiam nunc in ejus ecclésia vidére licet, crucis signo a Venántio facto, aquæ manárunt. Eo miráculo plures permóti in Christum credidérunt, quos omnes præses eo loci una cum Venántio cápíte feríri jussit. Fúlgura et terræmótus eo témpore ita magni fuére, ut præses aufúgeret; qui paucis tamen post diébus, divínam haud valens effúgere justítiam, turpíssimam mortem oppétiit. Christiáni ínterim Venántii et aliórum córpora honorífico loco sepe-

liérunt : quæ Cameríni in ecclésia Venántio dicáta cóndita adhuc sunt.

℟. Stola jucunditátis induit eum Dóminus : * Et corónam pulchritúdinis pósuit super caput ejus.

℣. Cibávit illum Dóminus pane vitæ et intelléctus : et aqua sapiéntiæ salutáris potávit illum. — Et.

Glória Patri. Et.

Pro hoc Festo simplificato

Lectio ix

VENÁNTIUS Camers, quíndecim annos natus, christiánæ religiónis accusátus apud Antíochum, qui sub Décio imperatóre Cameríno præerat, in porta civitátis præsidi se obtulit. Quem ille, pollicitationibus ac terróribus diu tentátum, flagris cædi et vînculis astringi jussit; e quibus mirabiliter ab Angelo solútus, lampádibus póstea adúritur, atque invérso ore, fumo suppósito, suspénditur. Eídem, ad præsidem íterum addúcto, omnes contúsi sunt dentes maxillæque confráctæ, atque ita cæsus in sterquilínium dejícitur. Sed inde ab Angelo eréptus, rursus stetit ante júdicem; qui, Venántio adhuc loquente, e tribunáli cécidit et in ea voce, Verus est Venántii Deus, nostros deos de-

strúite, exclámans exspirávit. Demum, post nova et exquisíta torménta, una cum áliis decem gloriósi certáminis cursum cervícibus abscíssis implévit. Quorum córpora Christiáni honorífico loco sepe-liérunt, quæ Cameríni in ecclésia Venántio dicáta cóndita sunt.

Te Deum laudámus.

In III Nocturno Homilia in Evang. Nolíte arbitrári, de Comm. unius Mart. 3 loco. [45]

AD LAUDES

Capitulum Jac. 1, 12

BEÁTUS vir, qui suffert tentatióem : quóniam, cum probátus fuerit, accípiet corónam vitæ, quam repromísit Deus diligéntibus se.

Hymnus

DUM, nocte pulsa, lícifer
Diem propínquam nún-
tíat,

Nobis refert Venántius
Lucis beátæ múnera.

Nam críminum caliginem
Stygisque noctem depulit,
Veróque cives lúmine
Divinitátis ímbuit.

Aquis sacri baptísmatis
Lustrávit ille pátriam :
Quos tinxit unda mílites,
In astra misit Mártires.

Nunc Angelórum párticeps,
Adésto votis súpplicum :
Procul repélle crímina,
Tuúmque lumen íngere.

¶ Sequens Conclusio nunquam mutatur.

Sit laus Patri, sit Fílio,
Tibíque, Sancte Spíritus :
Da per preces Venántii
Beáta nobis gáudia.

Amen.

℣. Justus ut palma.

Ad Bened. Ant. Qui odit *
ánimam suam in hoc mundo,
in vitam ætérnam custódit eam.

Oratio

Deus, qui hunc diem
beáti Venántii Mátyris
tui triúmpho consecrásti :
exáudi preces pópuli
tui, et præsta; ut, qui
ejus mérita venerámur, fídei
constántiam imitémur.
Per Dóminum.

Vesperæ a Capitulo de sequenti, Commemoratio præcedentis et S. Pudéntiæ Virg.

¶ Si Vesperæ dicendæ sint integræ Hymnus Martyr Dei Venántius usque ad Athléta cum conclusione, ut supra ad Matutinum.

Ad Magnif. Ant. Sacerdos et Póntifex, * et virtútum ópifex, pastor bone in pópulo, ora pro nobis Dóminum.

Oratio

Deus, qui beátum Petrum Cælestinum ad summi pontificátus ápicem sublimásti, quique illum humilitáti postpónere docuísti : concéde propítius; ut ejus exémplo cuncta mundi despícere, et ad promíssa humilibus præmia pervenire feliciter mereámur. Per Dóminum.

Et fit Com. præcedentis :

Ant. Qui vult veníre post me, ábneget semetípsum, et tollat crucem suam, et sequátur me.

℣. Justus ut palma.

Oratio Deus qui hunc, ut supra.

Deinde Commem. S. Pudéntiæ Virg. :

Ant. Veni, Sponsa Christi, áccipe corónam, quam tibi Dóminus præparávit in ætérnum.

℣. Spécie tua et.

Oratio

Exáudi nos, Deus, salutaris noster : ut, sicut de beátæ Pudéntiæ Virginitis tuæ festivitáte gaudémus; ita piæ devotiónis erudiámur afféctu. Per Dóminum.

Die 19 Maji

S. Petri Cælestini

Papæ et Confessoris [69]

Duplex

℣. Amávit eum Dóminus.

In II Nocturno

¶ Pro hoc Festo simplificato,
ut ix dicitur sequens

Lectio iv



Etrus, a nómine quo Póntifex est appellátus, Cælestínus dictus, honéstis catholícisque paréntibus Æsérniæ in Samnítibus natus, adolescéntiam vix ingrèssus, ut ánimum a mundi illécebris custodíret, in solitúdinem secéssit. Ibi contemplatióibus mentem nútriens, corpus in servitútem rédigens, férream caténam ad nudam carnem adhibébat. Congregatiónem, quæ póstea Cælestínórum dicta est, sub régula sancti Benedícti instítuit. Hinc, quasi lucérna supra candelábrum pósita, cum abscóndi nequíret, (Romána Ecclésia diu viduáta pastóre) in Petri Cáthedram ignórans et absens adscítus, magna novitátis admiratióne non minus quam repentíno gáudio cunctos affécit. Cum autem in pontificátus sublimitáte collocátus, váriis disténtus curis, assuétis incúmbere meditatióibus vix posse cognósceret, óneri páriter et honóri voluntárie cessit. Indeque priscam vitæ ratiónem répetens, obdormívit in Dómino, ejúsque

pretiósam mortem Crux præfúlgens in áère ante cubículi óstium réddidit ámplius gloriósam. Miráculis multis tam vivens quam post óbitum cláruit; quibus rite examinátis, Clemens quintus anno postquam decéssit undécimo, Sanctórum número adscrípsit.

✠. Inveni David servum meum, óleo sancto meo unxi eum : * Manus enim mea auxiliábitur ei. ✠. Nihil proficiet inimícus in eo, et fílius iniquitátis non nocébit ei. — Manus.

Ex libro Morálium
sancti Gregórii Papæ

Liber 10, cap. 16,
in cap. 12 Job

Lectio v

DEridétur justí simplicitas. Hujus mundi sapiéntia est : cor machinatióibus tégere, sensum verbis veláre : quæ falsa sunt, vera osténdere; quæ vera sunt, falsa demonstráre. Hæc nimírum prudentia usu a juvénibus scitur, hæc a púeris pretio díscitur : hanc qui sciunt, céteros despiciéndo superbiunt : hanc qui nesciunt, subjécti et tímidi in áliis mirántur; quia ab eis hæc éadem duplicitátis iniquitas, nómine palliáta, dilígitur, dum mentis pervérsitas urbánitas vocátur.

Hæc sibi obsequéntibus præcipit honórum cúlmina quærere; adépta temporális glóriæ vanitáte gaudere; irrogáta ab áliis mala multiplicius réddere; cum vires súppetunt, nullis resisténtibus cédere; cum virtútis possibilitas deest, quidquid explére per malítiam non valent, hoc in pacífica bonitáte simuláre.

✠. Pósuí adjutórium super poténtem, et exaltávi eléctum de plebe mea :
✠. Manus enim mea auxiliábitur ei. ✠. Invéni David servum meum, óleo sancto meo unxi eum. — Manus.

Lectio vi

AT contra, sapiéntia justórum est : nil per ostensiónem fingere, sensum verbis aperíre, vera ut sunt diligere, falsa devitáre; bona gratis exhibére, mala libéntius toleráre quam fácere; nullam injúriæ ultiónem quærere, pro veritáte contuméliam lucrum putáre. Sed hæc justórum simplicitas deridétur; quia ab hujus mundi sapiéntibus puritátis virtus fatúitas créditur. Omne enim, quod innocénter ágitur, ab eis proculdúbio stultum putátur; et quidquid in ópere veritas ápprobat, carnáli sapiéntiæ fátuum sonat. Quid namque stúltius vidétur mundo quam men-

tem verbis osténdere, nil cállida machinatióne simuláre, nullas injúriis contumélias réddere, pro maledicéntibus oráre, paupertátem quærere, posséssa relínquere, rapiénti non resistere, percutiénti álteram maxíllam præbére?

✠. Iste est, qui ante Deum magnas virtútes operátus est, et omnis terra doctrína ejus repléta est : ✠. Ipse intercédát pro peccátis ómnium populórum. ✠. Iste est, qui contémpsit vitam mundi, et pervénit ad cæléstia regna. — Ipse. Glória. Ipse.

In III Noeturno

Léctio sancti Evangélii
secúndum Matthæum

Lectio vii Cap. 16, 13-19

IN illo témpore : Venit Jesus in partes Cæsaráe Philíppi, et interrogábat discípulos suos, dicens : Quem dicunt hómines esse Fílium hóminis? Et réliqua.

Homilía sancti Leónis
Papæ

Sermo 2 in anniversario
assumpt. suæ, ante medium

EUM, sicut evangélica lectione reserátum est, interrogáset Dóminus discípulos, quem ipsum (multis divérsa opinántibus) cré-

derent; respondissétque beátus Petrus, dicens : Tū es Christus Filius Dei vivi; Dóminus ait : Beátus es, Simon Bar-Jona, quia caro et sanguis non revelávit tibi, sed Pater meus, qui in cælis est : et ego dico tibi, quia tu es Petrus, et super hanc petram ædificábo Ecclesiám meam, et portæ inferi non prævalébunt advérsus eam. Et tibi dabo claves regni cælorum : et quodcúmque ligáveris super terram, erit ligátum et in cælis : et quodcúmque sólveris super terram, erit solútum et in cælis. Manet ergo dispositio veritátis, et beátus Petrus, in accépta fortitúdine petræ perseverans, suscepta Ecclesiæ gubernácula non reliquit.

✠. Amávit eum Dóminus, et ornávit eum : stolam glóriæ induit eum, * Et ad portas paradísi coronávit eum. ✠. Induit eum Dóminus lorícám fidei, et ornávit eum. — Et.

Lectio viii

IN univérſa namque Ecclesiá, Tu es Christus Filius Dei vivi, quotidie Petrus dicit; et omnis lingua, quæ confitétur Dóminum, magistério hujus vocis imbúitur. Hæc fides diábolum vincit et captivórum ejus víncula dis-

sólvit. Hæc éruſo mundo, inserit cælo, et portæ inferi advérsus eam prævalére non possunt. Tanta enim divinitus soliditáte munita est, ut eam neque hæretica umquam corrumpere právitas, nec pagána potúerit superáre perfidia. His itaque modis, dilectíssimi, rationábili obséquio celebrétur hodiérna festívitás : ut in persóna humilitátis meæ ille intelligátur, ille honorétur, in quo et ómnium pastórum sollicitúdo, cum commendatarum sibi óvium custódia perseverat, et cujus étiam dignitas in indigno heréde non déficit.

✠. Sint lumbi vestri præcincti, et lucernæ ardentes in mânibus vestris :

* Et vos símiles homínibus exspectántibus dóminum suum, quando revertátur a núptiis. ✠. Vigilate ergo, quia nescítis qua hora Dóminus vester ventúrus sit. — Et. Glória Patri. Et.

Pro S. Pudéntiana Virg. :

Lectio ix

Pudéntiana Virgo, Pudéntis Románi filia, paréntibus orbáta, cum admirábili pietáte christiánam religiónem cóleret, una cum soróre Praxéde pecúniám ex véndito património redáctam paupé-

ribus distribuit, seque jejúniis et oratióibus dedit. Cujus étiam ópera, tota ejus família, in qua erant nonagínta sex hómínes, a Pio Pontífice baptizáta est. Quod autem ab Antoinó imperatóre sancítum erat, ne Christiáni públice sacrificia fácerent, Pius Póntifex in ædibus Pudentiánæ cum Christiánis Sacra celebrábat. Quibus illa benígne accéptis, quæ ad vitam necessariá essent, suppeditábat. Itaque in his christiánæ pietátis offíciis migrávit e vita, et in sepúlcro patris ad cœmetérium Priscillæ, via Salária, sepúlta est décimo quarto Kaléndas Júnii. Te Deum.

Ad Laudes pro Commemoratione S. Pudencianæ Virg. :

Ant. Símile est. [124]

℣. Diffúsa est grátia.

Oratio Exáudi nos. 561

IN II VESPERIS

℣. Justum dedúxit.

Ad Magnif. Ant. Dum esset Summus Póntifex, * terréna non méruit, sed ad cæléstia regna gloriósus migrávit.

Oratio

DEus, qui beátum Petrum Cælestínum ad summi pontificátus ápicem sublimásti, quique

illum humilitáti postpónere docuísti : concéde propítius; ut ejus exémplo cuncta mundi despícere, et ad promíssa humílibus præmia perveníre felíciter mereámur. Per Dóminum.

Et fit Commem. sequentis.

Die 20 Maji

S. Bernardini Senensis

Confessoris [94]

Semiduplex

Ant. Similábo eum viro sapiénti, qui ædificávit domum suam supra petram.

℣. Amávit eum Dóminus.

Oratio

Domine Jesu, qui beáto Bernardíno Confessóri tuo exímium sancti nóminis tui amórem tribuísti : ejus, quæsumus, méritis et intercessióne, spíritum nobis tuæ dilectiónis benignus infúnde : Qui vivis.

In II Nocturno

Lectio iv



ernardínus Albizésca, nóbili Senénsi família ortus, ab ineúnte ætáte non obsúra sanctitátis dedit indícia; nam a piis paréntibus honéste educátus, negléctis puerílibus ludis, inter prima grammáticæ stúdia pietátis opéribus ánimus inténdit, jejúniis, oratióni,

et beatissimæ Virginis cultui præcipue addictus. Misericordia vero in pauperes fuit insignis. Quæ quidem omnia procedente tempore quo melius posset excollere, eorum numero adscribi voluit, qui Senis in hospitali domo beatæ Mariæ de Scala Deo inserviunt, unde complures sanctitate célebres viri prodiérunt. Ibi corporis afflictatione et ægrotantium cura, dum atrox pestilentia grassaretur, incredibili caritate sese exercuit. Inter ceteras autem virtutes castitatem, egregia forma repugnante, sanctissime custodivit, adeo ut eo præsentem nemo umquam, ne impudentissimus quidem, verbum minus honestum proferre auderet.

✠. Honestum fecit illum Dominus, et custodivit eum ab inimicis, et a seductoribus tutavit illum :
 * Et dedit illi claritatem æternam. ✠. Justum deduxit Dominus per vias rectas, et ostendit illi regnum Dei. — Et.

Lectio v

GRavi morbo tentatus, eoque ad quatuor menses patientissime tolerato, demum incolumis, de religiøsæ vitæ instituto capessendo deliberare cœpit.

Quo ut sibi viam muniret, ædiculam in extréma urbe conduxit; in quam cum sese abdidisset, asperriam omni ex parte vitam trahébat, Deum assidue orans, ut quid sibi sequendum esset, ostenderet. Quare divinitus factum est, ut beati Francisci ordinem præ ceteris optaret, in quo humilitate, patientia aliisque religiôsi hominis virtutibus excelsit. Id cum cœnobii rector animadverteret, jamque antea Bernardini doctrinam et sacrarum litterarum peritiam perspectam haberet, prædicandi onus eidem impôsuit : quo humillime suscepto, cum se minus idôneum agnosceret ob vocis exilitatem ac raucitatem, Dei ope implorata, non sine miraculo ejusmodi impedimento liberatus est.

✠. Amavit eum Dominus, et ornavit eum : stolam gloriæ induit eum,
 * Et ad portas paradisi coronavit eum. ✠. Induit eum Dominus lorîcam fidei, et ornavit eum. — Et.

Lectio vi

Cumque ea tempora vitis criminibusque redundarent, et cruentis factionibus in Italia, divina humanaque omnia permixta essent, Bernardinus

urbes atque óppida concúrsans, in nómine Jesu, quem semper in ore et in pectore gerébat, collápsam pietátem morésque verbo et exémplo magna ex parte restituit. Quo factum est, ut præcláræ civitatés eum sibi episcopum a Summo Pontífice postulárent; quod ille munus invícta humilitáte constantíssime rejécit. Dénique vir Dei imménsis labóribus exháustus, multis magnísque éditis miráculis, libris étiam pie doctéque conscriptis, cum vixisset annos sex ac sexagínta, in urbe Aquila in Vestínis beáto fine quiévit. Quem novis in dies coruscántem signis, anno post óbitum sexto, Nicoláus quintus Póntifex Máximus in Sanctórum númerum rétulit.

℟. Iste homo perfécit ómnia quæ locútus est ei Deus, et dixit ad eum : Ingrédere in réquiem meam : * Quia te vidi justum coram me ex ómnibus géntibus. ℟. Iste est, qui contémpsit vitam mundi, et pervénit ad cæléstia regna. — Quia. Glória Patri. Quia.

Pro hoc Festo simplicato

Lectio ix

Bernardínus Albizésca, nóbili Senénsi família ortus, inter prima gram-

máticæ stúdia, negléctis puerílibus ludis, pietátis opéribus ánimum inténdit, beátæ Virgínis cúltoi præcípue addíctus. Caritáte et misericórdia in páuperes insígnis, eórum servítio Senis in hospitáli beátæ Mariæ de Scala se mancipávit. De capesséndo religiósæ vitæ institúto delíberans, Deo sic disponén-te, beáti Francísci órđinem præ céteris optávit, in quo humilitáte, patiéntia, aliisque religiósi hóminis virtútibus excélluit. Prædicándi ónere a superioribus suscep̄to, cum se minus idóneum agnósce-ret ob vocis exilitátem et raucitátem, Dei ope imploráta, prodigióse ab hoc impediménto liberátus est. Urbes atque óppida concúrsans, in nómine Jesu, quem semper in ore et pectore gerébat, civium ubique discórdias exstínxit, et collápsam pietátem morésque verbo et exémplo magna ex parte restituit. Libros pie doctéque conscripsit. Plenus méritis et miráculis clarus, annos natus sex ac sexagínta, in urbe Aquila in Vestínis, beáto fine quiévit.

Te Deum laudámus.

In III Nocturno Homilia in Ev. Ecce nos reliquimus, de Comm. Abbatum I loco. [107]

AD LAUDES

℣. Justum deduxit.

Ad Bened. Ant. Euge, serve bone * et fidelis, quia in pauca fuisti fidelis, supra multa te constituam, intra in gaudium Domini tui.

Oratio

Domine Jesu, qui beato Bernardino Confessori tuo eximium sancti nominis tui amorem tribuisti: ejus, quæsumus, meritis et intercessione, spiritum nobis tuæ dilectionis benignus infunde: Qui vivis.

IN II VESPERIS

℣. Justum deduxit.

Ad Magnif. Ant. Hic vir despiciens mundum * et terræna, triumphans, divitias cælo condidit ore, manu.

Die 25 Maji

S. Gregorii VII

Papæ et Confessoris [69]

Duplex

℣. Amavit eum Dominus.

Ad Magnif. Ant. Sacerdos et Pontifex, * et virtutum opifex, pastor bone in populo, ora pro nobis Dominum.

Oratio

Deus, in te sperantium fortitudo, qui beatum Gregorium Confessorem tuum atque Pontificem, pro tuenda Ecclesiæ libertate, virtute constantiæ roborasti: da nobis, ejus exemplo et intercessione, omnia adversantia fortiter superare. Per Dominum.

Et fit Commem. S. Urbani I Papæ et Mart.

Ant. Iste Sanctus pro lege Dei sui certavit usque ad mortem, et a verbis impiorum non timuit; fundatus enim erat supra firmam petram.

℣. Gloria et honore.

Oratio

Gregem tuum, Pastor æternæ, placatus intendente: et per beatum Urbanum Martyrem tuum atque Summum Pontificem, perpétua protectione custodi; quem totius Ecclesiæ præstitisti esse pastorem. Per Dominum.

In II Nocturno

Lectio iv



Gregorius Papa septimus, antea Hildebrandus, Suanæ in Etruria natus, doctrina, sanctitate, omnique virtutum genere cum primis nobilis, mirifice universam Dei illustravit Ecclesiam. Cum parvulus ad fabri ligna edolantis pedes, jam

litterarum inscius, lúderet, ex rejéctis tamen segmentis illa Davidici elementa oraculi, Dominabitur a mari usque ad mare, casu formásse narrátur; manum púeri ductante Númine, quo significáretur ejus fore amplíssimam in mundo auctoritatem. Romam deinde proféctus, sub protectióne sancti Petri educátus est. Júvenis, Ecclesiæ libertatem a laicis opprèssam ac depravátos ecclesiasticorum mores vehementius dolens, in Cluniacénsi monastério, ubi sub régula sancti Benedicti austeriôris vitæ observántia eo témpore máxime vigébat, mónachi hábitum induens, tanto pietátis ardóre divínæ majestáti deserviebat, ut a sanctis ejúsdem cœnóbii pátribus prior sit eléctus. Sed, divína providéntia majóra de eo disponénte, in salutem plurimórum Cluniáco edúctus Hildebrándus, abbas primum monastérii sancti Pauli extra muros Urbis eléctus, ac póstmodum Románæ Ecclesiæ cardínalis creátus, sub summis Pontificibus, Leóne nono, Victóre secúndo, Stéphanó nono, Nicoláo secúndo et Alexándro secúndo præcipuis munéribus et legatió nibus perfúctus est; sanctís-

simi et puríssimi consílii vir a beáto Petro Damiáno nuncupátus. A Victóre Papa secúndo legátus a látere in Gálliam missus, Lugdúni epíscopum, simoníaca labe inféctum, ad sui críminis confessiónem miráculo adégit. Berengárium in concílio Turonénsi ad iterátam hæresis abjuratió nem côm pulit. Cada-lói quoque schisma sua virtúte compréssit.

✠. Inveni David servum meum, óleo sancto meo unxi eum : * Manus enim mea auxiliábitur ei. ✠. Nihil proficiet inimícus in eo, et fílius iniquitátis non nocébit ei. — Manus.

Lectio v

Mortuo Alexándro secúndo, invítus et mœrens, unánimi ómnium consénsu, décimo Kálendas Maji anno Christi milésimo septuagésimo tertio, summus Póntifex eléctus, sicut sol effúlsit in domo Dei. Nam, potens ópere et sermóne, ecclesiasticæ disciplínæ reparándæ, fidei propagándæ, libertáti Ecclesiæ restituéndæ, exstirpándis erróribus et corruptélis tanto stúdio incúbuit, ut ex Apostolórum ætáte nullus Pontíficum fuisse tradátur, qui majóres pro Ecclesiá Dei labóres molestiás-

que pertúlerit, aut qui pro ejus libertáte ácrius pugnáverit. Aliquot provincias a simoníaca labe expurgávit. Contra Henríci imperatóris ímpios conátus, fortis per ómnia athléta, impávidus permánsit, seque pro muro dómui Israél pónere non tímuit; ac eúmdem Henrícum, in profúndum malórum prolápsum, fidélium communioné regnóque privávit, atque súbditos pópulos fide ei data liberávit.

✠. Pósuí adjutórium super poténtem, et exaltávi eléctum de plebe mea :

* Manus enim mea auxiliábitur ei. ✠. Invéni David servum meum, óleo sancto meo unxi eum. — Manus.

Lectio vi

DUM Missárum solénnia perágeret, visa est viris piis columba e cælo delápsa, húmero ejus dextro ínsidens, alis exténsis caput ejus veláre; quo significátum est, Spíritus Sancti afflátu, non humanæ prudéntiæ ratió nibus ipsum duci in Ecclesiæ regímine. Cum ab iníqui Henríci exercitu Romæ gravi obsidióne premerétur, excitátum ab hóstibus incéndium signo crucis exstínxit. De ejus manu tandem a Robérto Guiscárdo duce Northmánno

eréptus, Cassínium se cón tulit; atque inde Salérnum ad dedicándam ecclésiám sancti Matthæi Apóstoli conténdit. Cum aliquándo in ea civitaté sermónem habúisset ad pópulum, ærúmnis conféctus in morbum incidit, quo se interi túrum præscívit. Postréma moriéntis Gregórii verba fuére : Diléxi justítiam et odívi iniquitátem, proptérea mórior in exsílio. Innumerábilia sunt, quæ vel fórtiter sustínuit, vel multis coáctis in Urbe sýnodos sapiénter constituit; vir vere sanctus, criminum vindex, et acérri mus Ecclesiæ defénsor. Exáctis itaque in pontificátu annis duódecim, migrávit in cælum anno salútis millésimo octogésimo quinto, plúribus in vita et post mortem miráculis clarus; ejúsque sacrum corpus in cathedráli basilica Salernitána est honorífice cónditum.

✠. Iste est, qui ante Deum magnas virtútes operátus est, et omnis terra doctrína ejus repléta est : * Ipse intercédát pro peccátis ómnium populórum. ✠. Iste est, qui contémpsit vitam mundi, et pervénit ad cæléstia regna. — Ipse. Glória Patri. Ipse.

Pro hoc Festo simplificato

Lectio ix

Gregórius Papa séptimus, ántea Hildebrándus, Suánæ in Etrúria natus, doctrína, sanctitáte, omníque virtútum génere cum primis nóbilis, mirífice univérsum Dei Ecclésiám illustrávit. Adolés-cens religiósi hábitum induit in Cluniacénsi monastério, tantóque pietátis ardóre Deo desérviit, ut a sanctis ejúsdem cœnóbii pátribus prior fúerit eléctus. Póstea factus abbas monastérii sancti Pauli extra muros Urbis, ac deínde creátus Románæ Ecclésiæ cardínalis, sub summis Pontificibus Leóné nono, Victóre secúndo, Stéphano nono, Nicoláo secúndo et Alexándro secúndo, præcípuis munéribus et legatióibus perfúctus est. Mórtuo Alexándro secúndo, unanimiter summus Póntifex eléctus, ecclesiásticæ libertátis propugnátor ac defénsor acérrimus éxstitit; quaprópter multa passus, et Roma discédere coáctus est. Postréma ejus moriéntis verba fuére : Diléxi justítiam et odívi iniquitátem, proptérea mórrior in exsílio. Migrávit in cæ-lum, anno salutis millésimo octogésimo quinto,

ejúsque corpus in cathedráli basilíca Salernitána honorífice cónditum est.

Te Deum laudámus.

In III Nocturno Homilia in Ev. Venit Jesus, de Comm. unius aut plurium Summorum Pontificum. [28¹]

Pro S. Urbano I Papa et Mart.

Lectio ix

Urbánus Románus, Alexándro Sevéro imperatóre, doctrína et vitæ sanctitáte multos ad Christi fidem convértit; in illis Valeriánum, beátæ Cæciliæ sponsum, et Tibúrtium, Valeriáni fratrem, qui póstea martýrium forti ánimo subiérunt. Hic de bonis Ecclésiæ attribútis scripsit his verbis : Ipsæ res fidélium, quæ Dómino offerúntur, non debent in álios usus quam ecclesiásticos et christianórum fratrum, vel indigéntium, convértil; quia vota sunt fidélium, et prætia peccatórum, ac patrimónia páuperum. Sedit annos sex, menses septem, dies quátuor : ac martýrio coronátus, sepúltus est in cœmetério Prætextáti, octávo Kaléndas Júnii. Ordinatióibus quinque hábitis mense Decémbri, creávit presbýteros novem, diáconos quinque, epíscopos per diversa loca octo.

Te Deum laudámus.

AD LAUDES

℣. Justum dedúxit.

Ad Bened. Ant. Euge, serve bone * et fidélis, quia in pauca fuísti fidélis, supra multa te constitúam, dicit Dóminus.

Oratio

DEus, in te sperántium fortitúdo, qui beátum Gregórium Confessórem tuum atque Pontíficem, pro tuénda Ecclésiæ libertáte, virtúte constántiæ roborásti : da nobis, ejus exémplo et intercessióne, ómnia adversántia fórtiter superáre. Per Dóminum.

Deinde pro Commemoratione S. Urbani I Papæ et Mart. :

Ant. Qui odit ánimam suam in hoc mundo, in vitam ætérnam custódit eam.

℣. Justus ut palma.

Oratio

GRegem tuum, Pastor ætérne, placátus inténde : et per beátum Urbánum Mártirem tuum atque Summum Pontíficem, perpétua protectióne custódi; quem totíus Ecclésiæ præstitísti esse pastórem. Per Dóminum.

Vesperæ a Capitulo de sequenti, Commemoratio præcedentis ac S. Eleutherii Papæ et Mart.

Die 26 Maji

S. Philippi Nerii

Conf. [94] Duplex

℣. Amávit eum Dóminus.

Ad Magnif. Ant. Similábo eum * viro sapiénti, qui ædificávit domum suam supra petram.

Oratio

DEus, qui beátum Philíppum Confessórem tuum Sanctórum tuórum glória sublimásti : concéde propítius; ut, cujus solemnitáte lætámur, ejus virtútum proficiámus exémplo. Per Dóminum.

Et fit Com. præcedentis :

Ant. Dum esset summus Póntifex, terréna non méruit, sed ad cæléstia regna gloriósus migrávit.

℣. Justum dedúxit.

Oratio Deus, in te sperántium, **ut supra.**

Deinde Commem. S. Eleutherii Papæ et Mart.

Ant. Iste Sanctus pro lege Dei sui certávit usque ad mortem, et a verbis impiórum non tímuit; fundátus enim erat supra firmam petram.

℣. Glória et honóre.

Oratio

GRegem tuum, Pastor ætérne, placátus inténde : et per beátum Eleu-

thérium Mártyrem tuum atque Summum Pontíficem, perpétua protectione custódi; quem totíus Ecclésiæ præstitísti esse pastórem. Per Dóminum.

In II Nocturno

Lectio iv



Hilíppus Nérius, piis honestisque paréntibus Floréntiæ natus, ab ipsa ineúnte ætáte non obscura dedit futúre sanctitátis indícia. Adoléscent, ampla pátrui hereditáte dimíssa, Romam se cóntulit; ubi philosophia ac sacris lítteris erudítus, totum se Christo dicávit. Ea fuit abstinéntia, ut sæpe jejúnus tríduum permánserit. Vigíliis et orationibus inténtus, septem Urbis Ecclésiás frequénter vísitans, apud cœmetérium Callísti in cæléstium rerum contemplatióne pernoctáre consuévit. Sacerdos ex obediéntia factus, in animárum salute procuránda totus fuit; et in confessiόνibus audiéndis ad extrémum usque diem perseveráns, innúmeros pene filios Christo péperit; quos verbi Dei quotidiano pábulo, sacramentórum frequéntia, oratiónis assiduitáte aliisque piis exercitatióibus enutríri cúpiens, Oratórii congregatiónem instítuit.

✠. Honéstum fecit illum Dóminus, et custodívit eum ab inimícis, et a seductóribus tutávit illum :
* Et dedit illi claritátem ætérnam. ✠. Justum dedúxit Dóminus per vias rectas, et osténdit illi regnum Dei. — Et.

Lectio v

Caritate Dei vulnerátus languébat júgiter, tantóque cor ejus æstuábat ardóre, ut, cum intra fines suos continéri non posset, illíus sinum, confráctis atque elátis duábus cóstulis, mirábiliter Dóminus ampliáverit. Sacrum vero fáciens aut fervéntius orans, in áëra quandoque sublátus, mira úndique luce fulgére visus fuit. Egénos et páuperes omni caritátis officio prosequébátur : dignus, qui et Angelo in spécie páuperis eleemósynam erogáret; et, dum egéntibus noctu panem deférret, in fóveam lapsus, inde páriter ab Angelo incólumis eriperétur. Humilitáti addíctus, ab honóribus semper abhóruit, atque ecclesiásticas dignitátes, étiam primárias, non semel ultro delátas, constantíssime recusávit.

✠. Amávit eum Dóminus, et ornávit eum : stolam glóriæ induit eum,

* Et ad portas paradísi coronávit eum. *℟.* Induit eum Dóminus lorícam fidei, et ornávit eum. — Et ad portas.

Lectio vi

Prophetiae dono fuit illústris, et in animórum sénsibus penetrándis mirífice enítuit. Virginitátem perpétuo illibátam servávit; idque assecútus est, ut eos qui puritátem cólerent, ex odóre, qui vero secus, ex fœtóre dignósceret. Abséntibus intérdum apparuit, iisque periclitántibus opem tulit. Ægrótos plúrimos et morti próximos sanitáti restituit. Mórtuum quoque ad vitam revocávit. Caeléstium spírituum et ipsíus Deíparæ Vírginis frequénter fuit apparitíone dignátus, ac plurimórum ánimas splendóre circumfúsas in cælum conscéndere vidit. Dénique, anno salutis millésimo quingentésimo nonagésimo quinto, octávo Kaléndas Júnias, in quem diem incíderat festum Córporis Christi, Sacro máxima spíritus exsultatíone perácto, ceterisque funciónibus explétis, post médiám noctem, qua prædixerat hora, octogenárius obdormívit in Dómino. Quem Gregórius decimus quintus, miráculis

clarum, in Sanctórum número rétulit.

℟. Iste homo perfécit ómnia quæ locútus est ei Deus, et dixit ad eum : Ingrédere in réquiem meam : * Quia te vidi justum coram me ex ómnibus géntibus. *℟.* Iste est, qui contémpsit vitam mundi, et pervénit ad cæléstia regna. — Quia. Glória Patri. Quia.

Pro hoc Festo simplificato

Lectio ix

Philíppus Nérius, piis honestisque paréntibus Floréntiæ natus, amplá pátrui hereditáte dimíssa, Romam se cóntulit; ubi, philosóphia ac sacris lítteris erudítus, totum se Christo dicávit. Sacérdos ex obediéntia factus, in animárum salúte procuránda totus fuit, et in confessiónibus audiéndis ad extrémum usque diem perseverans, innúmeros pene filios Christo péperit; quos verbi Dei quotidiano pábulo, sacramentórum frequéntia, oratiónis assiduitáte, aliisque piis exercitiónibus enutriri cúpiens, Oratórii congregatiónem instituit. Caritáte Dei vulnerátum tanto cor ejus æstuábat ardóre, ut, cum intra fines suos continéri non posset, sinum, confrá-

ctis atque elátis duábus cóstulis, mirábiliter Dóminus ampliáverit. Prophetiæ dono fuit illústris, et in animórum sénsibus penetrándis mirífice ení-tuit. Virginitátem perpétuo illibátam servávit; id-que assecútus est, ut eos qui puritátem cólerent, ex odóre, qui vero secus, ex foetóre dignósceret. Anno salútis millésimo quingentésimo nonagésimo quinto, octogenárius obdormívit in Dómino.

Te Deum laudámus.

In III Nocturno Homilia in Ev. Sint lumbi vestri, de Communi Conf. non Pont. 1 loco. [98]

Pro S. Eleutherio
Papa et Mart.

Lectio ix

Eleuthérius, Nicópoli in Græcia natus, Anicéti Pontíficis diáconus, Cómmodo imperatóre, præfuit Ecclésiæ. Huic, iníitio pontificátus, súpplīces lītteræ venérunt a Lúcio Britan-nórum rege, ut se ac suos in Christianórum núme-rum recíperet. Quam ob rem Fugátium et Damiá-num, doctos et pios viros, misit in Británniam, per quos rex et réliqui fidem suscíperent. Hoc Pontífice, Irenæus Polycárpi discípulus, Romam vé-niens, ab eo benígne accé-

ptus est. Quo témpore summa pace et quiéte fruebátur Ecclésia Dei; ac per totum orbem terrá-rum, máxime Romæ, fides propagabátur. Vixit Eleu-thérius in pontificátu an-nos quíndecim, dies vi-gínti tres. Fecit ordinatió-nes tres mense Decémbri, quibus creávit presbýte-ros duódecim, diáconos octo, epíscopos per di-vérſa loca quíndecim : sepultúsque est in Vati-cáno prope corpus sancti Petri. Te Deum.

AD LAUDES

℣. Justum dedúxit.

Ad Bened. Ant. Euge, serve bone * et fidélis, quia in pauca fuísti fidélis, supra multa te consti-tuam, intra in gáudium Dómini tui.

Oratio

Deus, qui beátum Phi-líppum Confessórem tuum sanctórum glória su-blímásti : concéde propítius; ut, cujus solemnitáte lætámur, ejus virtútum proficiámus exémplo. Per Dóminum.

Pro Commem. S. Eleutherii
Papæ et Mart. :

Ant. Qui odit ánimam suam in hoc mundo, in vitam ætérnam custódit eam.

℣. Justus ut palma.

Oratio

GRegem tuum, Pastor ætérne, placátus inténde: et per beátum Eleuthérium Mártýrem tuum atque Summum Pontíficem, perpétua protectióne custódi; quem totíus Ecclésiæ præstitísti esse pastórem. Per Dóminum.

Vesperæ a Capitulo de seq.,
Commemoratio præcedentis
ac S. Joannis I Papæ et Mart.

Die 27 Maji

S. Bedæ Venerabilis

Conf. et Eccl. Doct. [94]

Duplex (m. t. v.)

✠. Amávit eum Dóminus.

Ad Magnif. Ant. O Doctor óptime, * Ecclésiæ sanctæ lumen, beáte Beda, divínæ legis amátor, deprecáre pro nobis Fílium Dei.

Oratio

DEus, qui Ecclésiám tuam beáti Bedæ Confessoris tui atque Doctóris eruditíone claríficas: concéde propítius fámulis tuis; ejus semper illustrári sapiéntia et méritis adjuvári. Per Dóminum.

Et fit Com. præcedentis :

Ant. Hic vir, despiciens mundum et terréna, triúmphans, divítias cælo condidit ore, manu.

✠. Justum dedúxit.

Oratio

DEus, qui beátum Philíppum Confessórem tuum sanctórum glória sublimásti: concéde propítius; ut, cujus solemnitáte lætámur, ejus virtútum proficiámus exémplo. Per Dóminum.

Deinde Commem. S. Joannis I Papæ et Mart. :

Ant. Iste Sanctus pro lege Dei sui certávit usque ad mortem, et a verbis impiórum non tímuit; fundátus enim erat supra firmam petram.

✠. Glória et honóre.

Oratio

GRegem tuum, Pastor ætérne, placátus inténde: et per beátum Joánnem Mártýrem tuum atque Summum Pontíficem, perpétua protectióne custódi; quem totíus Ecclésiæ præstitísti esse pastórem. Per Dóminum.

In I Nocturno, si sumendæ sint de Communi, Lectiones Sapiéntiam. [87]

In II Nocturno

Lectio iv

Beda présbyter, Girvi in Británniæ et Scótiæ fínibus ortus, septénnis sancto Benedicto Biscópio abbáti Wiremuthénsi educándus tráditur. Mónachus deínde

factus, vitam sic instituit, ut, dum se ártium et doctrinárum stúdiis totum impenderet, nihil umquam de regulári disciplína remitteret. Nullum fuit doctrinæ genus, in quo non esset diligentissime versátus; sed præcipua illi cura divinárum Scripturárum meditatio, quarum senténtiam ut plénius assequerétur, Græci Hebraicæque sermónis notítiam est adéptus. Tricésimo ætátis anno, abbátis sui jussu sacerdos initiátus, statim, suasóre Acca Hagulstadénsi episcopo, sacros explanáre libros aggréssus est : in quo sanctorum Patrum doctrínis ádeo inhæsit, ut nihil proférret nisi illórum judicio comprobátum, eorúmdem étiam fere verbis usus. Otium perósus semper, ex lectióne ad oratióem transíbat ac vicíssim ex oratióne ad lectiόnem : in qua ádeo ánimo inflammábatur, ut sæpe inter legéndum et docéndum lácrimis perfunderétur. Ne autem rerum fluxárum curis distraherétur, delátum abbátis munus constantíssime detrectávit.

✠. Honéstum fecit illum Dóminus, et custodívit eum ab inimícis, et a seductóribus tutávit illum :

* Et dedit illi claritátem

ætérrnam. ✠. Justum dedúxit Dóminus per vias rectas, et osténdit illi regnum Dei. — Et.

Lectio v

Sciéntiæ ac pietátis laude Bedæ nomen sic brevi cláruit, ut sanctus Sérgius Papa de eo Romam arcesséndo cogitáverit; quo difficíllimis scílicet, quæ de rebus sacris exórtæ erant, quæstiónibus definiéndis conférret óperam. Emendándis fidélium móribus, fidei vindicándæ atque asseréndæ libros plures conscripsit, quibus tantam sui apud omnes opinióem fecit, ut illum sanctus Bonifátius episcopus et martyr, Ecclésiæ lumen prædicáverit; Lanfráncus, Anglórum doctórem; concílium Aquisgranénse, doctórem admirábilem díxerit. Quin ejus scripta, eo adhuc vivén-te, públice in ecclésiis legebántur. Quod cum fieret, quóniam ipsum sanctum mínime appelláre licéret, Venerábilis título efferébant; qui deínde véluti próprios secútis étiam tempóribus semper hábitus est. Ejus autem doctrinæ eo vis efficiácior erat, quod vitæ sanctimónia religiosisque virtútibus confirmabátur. Quam ob rem discipulos, quos mul-

tos et egrégios imbuéndos hábuit, stúdio et exémplo non lítteris modo atque sciéntiis, sed étiam sanctitáte fecit insígnēs.

✠. Amávit eum Dóminus, et ornávit eum : stolam glóriæ induit eum, * Et ad portas paradísi coronávit eum. ✠. Induit eum Dóminus lorícam fidei, et ornávit eum. — Et.

Lectio vi

ATáte demum et labóribus fractus, gravi morbo corréptus est. Quo cum ámplius quinquaginta dies deténtus esset, consuétum orándi morem Scripturásque interpretándi non intercépít; eo namque témpore Evangélium Joánnis in populárium suórum usum Anglice vertit. Cum autem in Ascensiónis prælúdio instáre sibi mortem persentíret, suprémis Ecclésiæ sacraméntis muníri vóluit; tum, sodáles amplexátus, atque humi super cilicio stratus, cum illa verba ingemináret, Glória Patri, et Filio, et Spirítui Sancto, obdormívit in Dómino. Ejus corpus, suavíssimum, uti fertur, spirans odórem, sepúltum est in monastério Girvénsi, ac póstea Dunclinum cum sancti Cuthbérti reliquiis translátum. Eum tam-

quam Doctórem a Benedictínis aliisque religiósissimis familiis ac diocésibus cultum, Leo décimus tértius Póntifex máximus, ex sacrorum Rítuum Congregatiónis consúlto, universális Ecclésiæ Doctórem declarávit, et festo ipsíus die Missam et Offícium de Doctóribus ab ómnibus recitári decrevit.

✠. Iste homo perfécit ómnia quæ locútus est ei Deus, et dixit ad eum : Ingrédere in réquiem meam : * Quia te vidi justum coram me ex ómnibus géntibus. ✠. Iste est, qui contémpsit vitam mundi, et pervénit ad cæléstia regna. — Quia. Glória Patri. Quia.

Pro hoc Festo simplicitate

Lectio ix

Beda præsbyter, Girvi in Británniæ et Scótiæ finibus ortus est. Mónachus factus, vitam sic instituit, ut, dum se ártium et doctrinárum stúdiis totum impéndere, nihil umquam de regulári disciplína remitteret. Nullum fuit doctrinæ genus, in quo non esset diligentíssime versátus; sed præcípua illi cura fuit divinárum Scripturarum meditatio, ita ut, sacerdotio initiátus, sacros explanáre libros aggrés-

sus sit; in quo sanctórum Patrum doctrínis ádeo inhæsit, ut nihil proférret nisi illórum judício comprobátum, eorúmdem étiam fere verbis usus. Otium perósus semper, ex lectione ad orationem transibat, ac vicissim ex oratione ad lectionem. Emendándis fidélium móribus, fidei vindicándæ atque asseréndæ libros plures conscrípsit, quibus tantam sui apud omnes opinióem fecit, ut ejus scripta, eo adhuc vivente, públice in ecclésiis legeréntur. Ætáte demum et labóribus fractus, pie obdormívit in Dómino. Eum Leo décimus tértius universális Ecclésiæ Doctórem declarávit.

Te Deum laudámus.

In III Noeturno

Si ix Lectio alicujus Officii commemorati dicenda non sit, ex vii Lectione fit etiam viii incipiendo a signo ¶ et Lectio viii legitur ut ix.

Lectio sancti Evangélii
secúndum Matthæum

Lectio vii Cap. 5, 13-19

IN illo témpore : Dixit Jesus discíplis suis : Vos estis sal terræ. Quod si sal evanúerit, in quo saliétur? Et réliqua.

Homília sancti Bedæ Venerábilis Presbýteri

In Ev. Vos estis sal terræ

IN terra, humana natúra; in sale, sapientia verbis significátur. Salis enim natúra, terra efficitur infructuósa; unde quasdam urbes légimus, victórum ira, sale seminátas. Et hoc cónvenit apostólicæ doctrínæ, ut sale sapientiæ compéscat in terra humanæ carnis luxum sæculi aut foeditátem vitiórum germináre. Quod si sal evanúerit, in quo saliétur? Id est, si vos, per quos condiéndi sunt pópuli, propter metum persecutiónum, aut terrórem, amisérítis regna cælórum, extra Ecclésiám pósito, inimicórum oppróbria sustinétis non dúbium. ¶ Vos estis lux mundi : id est, vos, quia vera luce illumináti estis, lux eis qui in mundo sunt, esse debétis. Non potest civitas abscóndi supra montem pósito : id est, apostólica doctrína super Christum fundáta, sive Ecclésia super Christum ex multis géntibus fidei unitáte constrúcta et caritátis bitúmine conglutináta; quæ sit tuta intrántibus, et laboriósas adeúntibus, habitatóres

custódit, et omnes inimícos seclúdit.

✠. Iste est, qui ante Deum magnas virtútes operátus est, et de omni corde suo laudávit Dóminum : * Ipse intercédát pro peccátis ómnium populórum. ✠. Ecce homo sine queréla, verus Dei cultor, ábstinens se ab omni ópere malo, et pérmanens in innocéntia sua. — Ipse.

Lectio viii

NEque accéndunt lucérnam, et ponunt eam sub módio, sed super candelábrum. Sub módio ergo lucérnam ponit quisquis lucem doctrínæ cómmodis temporálibus obscurat et tegit; super candelábrum vero, qui se ita ministério Dei súbjicit, ut supérior sit doctrína veritátis quam sérvitus córporis. Aliter Salvátor accéndit lucérnam, qui humánæ testamnatúræ flamma suæ divinitátis implévit; et hanc super candelábrum, id est Ecclésiam, pósuit, quod in fróntibus nostris fidem suæ incarnationis fixit. Quæ lucérna non pótuit sub módio poni, id est, sub mensúra legis inclúdi; nec in sola Judæa, sed in univérso illúxit orbe.

✠. In médio Ecclesiæ aperuit os ejus, * Et im-

plévit eum Dóminus spírítu sapiéntiæ et intelléctus. ✠. Jucunditátem et exsultatióem thesaurizávit super eum. — Et. Glória Patri. Et.

Pro S. Joanne I P. et M.

Lectio ix

IOánnes Etrúscus, Justinó senióre imperatóre, rexit Ecclésiam; ad quem proféctus est Constantinópolis auxílii causa, quod Theodorícus rex hæréticus divexábat Itáliam. Cujus étiam iter Deus miráculis illustrávit. Nam, cum ei nóbilis vir ad Corínthum, equum, quo ejus uxor mansuétó utebátur, itineris causa commodásset, factum est, ut dómíno póstea remíssus equus ita ferox eváderet, ut frémitu et totíus córporis agitatióne semper deinceps dómínam expúlerit; tamquam indignarétur mulierem recípere, ex quo sedísset in eo Jesu Christi Vicárius. Quam ob rem illi equum Pontífici donavérunt. Sed illud majus miráculum, quod Constantinópolis, in áditu portæ Aureæ, inspectánte frequentíssimo pópulo, qui una cum imperatóre Pontífici honóris causa occúrre-

Ad cujus pedes prostrátus étiam imperátor, eum venerátus est. Rebus cum imperátore compósitis, in Itáliam rédiit, statímque epístolam scripsit ad omnes Itáliæ episcopos, jubens eos Arianórum ecclé-
sias ad cathólicum ritum consecráre, illud subjún-
gens : Quia et nos, quando fúimus Constantinópoli tam pro religiône cathó-
lica quam pro regis Theo-
doríci causa, quascúmque illis in pártibus eórum ecclé-
sias reperíre potú-
mus, cathólicas eas conse-
crávimus. Quod iniquís-
simo ánimo ferens Theo-
dorícus, dolo accersítum Pontíficem Ravénna in cár-
cerem conjécit; ubi, squalóre inediáque afflí-
ctus, paucis diébus cessit e vita, cum sedísset annos duos, menses novem, dies quatuórdecim, ordinátis eo témpore episcopis quínde-
cim. Paulo post móritur Theodorícus : quem qui-
dam eremíta, ut scribit sanctus Gregórius, vidit inter Joánnem Pontíficem et Sýmmachum patrícium, quem idem occí-
derat, demérgi in ignem Liparítanum; ut vidélicet illi, quibus mortem attú-
lerat, tamquam júdices essent ejus intéritus. Joán-
nis corpus Ravénna Ro-
mam portátum est, et in

basílica sancti Petri se-
púltum.

Te Deum laudámus.

AD LAUDES

✠. Justum dedúxit.

Ad Bened. Ant. Euge, serve bone * et fidélis, quia in pauca fuísti fidé-
lis, supra multa te constí-
tuam, intra in gáudium Dómini tui.

Oratio

DEus, qui Ecclésiám tu-
am beáti Bedæ Con-
fessóris tui atque Doctóris eruditíone claríficas : con-
céde propítius fámulis tuis; ejus semper illustrári sapiéntia et méritis adju-
vári. Per Dóminum.

Pro Commem. S. Joannis I Papæ et Mart.

Ant. Qui odit ánimam suam in hoc mundo, in vitam ætérnam custódit eam.

✠. Justus ut palma.

Oratio

GRegem tuum, Pastor ætérne, placátus inténde : et per beátum Joánnem Mártirem tuum atque Summum Pontíficem, perpétua protectióne custódi; quem totíus Ecclésiæ præstitísti esse pastórem. Per Dóminum.

Vesperæ a Capitulo de seq., Commemoratio præcedentis.

Die 28 Maji
S. Augustini

Episcopi et Conf. [69]

Duplex (m. t. v.)

✠. Amávit eum Dóminus.

Ad Magnif. Ant. Sacé-
dos et Póntifex, * et vir-
tútum ópifex, pastor bone
in pópulo, ora pro nobis
Dóminum.

Oratio

DEus, qui Anglórum
gentes, prædicatióne
et miráculis beáti Augu-
stíni Confessóris tui atque
Pontíficis, veræ fidei luce
illustráre dignátus es :
concéde; ut, ipso interve-
niénte, errántium corda
ad veritátis tuæ rédeant
unitátem, et nos in tua
simus voluntáte concór-
des. Per Dóminum.

Et fit Commem. præced.

Ant. O Doctor óptime,
Ecclésiæ sanctæ lumen,
beáte Beda, divínæ legis
amátor, deprecáre pro no-
bis Fílium Dei.

✠. Justum dedúxit.

Oratio

DEus, qui Ecclésiám tu-
am beáti Bedæ Con-
fessóris tui atque Doctóris
eruditióné claríficas : con-
céde propítius fámulis
tuis; ejus semper illustrári
sapiéntia et méritis adju-
vári. Per Dóminum.

In II Noeturno

Lectio iv



Augustínus, Romæ
in Lateranénsi cœ-
nóbio mónachus, a
Gregório Magno cum só-
ciis mónachis fere quadra-
gínta in Angliam missus
est anno quingentésimo
nonagésimo séptimo, ut
gentes illas ad Christum
convérteret. Erat eo témpo-
re rex Ethelbértus, in
Cántio potentíssimus, qui,
audíta advéntus Augustí-
ni causa, eum cum sóciis
Cantuáriam, sui regni me-
trópolim, invitávit; ibique
manéndi et Christum præ-
dicándi facultátem eidem
liberáliter concéssit. Quare
sanctus vir prope Cantuá-
riam oratórium exstrúxit,
ubi ipse aliquámdiu con-
sédit, atque apostólicam
vivéndi ratióne cum suis
æmulátus est.

✠. Invéni David servum
meum, óleo sancto meo
unxi eum : * Manus enim
mea auxiliábitur ei. ✠. Ni-
hil proficiet inimícus in
eo, et fílius iniquitátis non
nocébit ei. — Manus.

Lectio v

CÆléstis doctrínæ præ-
dicatióne plúrimis fir-
máta miráculis, ac vitæ
exémpló sic insulános il-
los demúlsit, ut eórum

plerósque ad christiánam fidem perdúxerit, ac demum regem ipsum, quem, cum innúmero suórum comitátu, sacro fonte lustrávit, summa cum lætítia Berthæ régiae uxóris, quæ Christiána erat. Olim in Natáli Dómini, cum decem millibus et ámplius baptísmum in álveo flúminis Eboráci contulisset, quotquot ex iis morbo áliquo affécti erant, cum animæ salúte, córporis quoque sanitátem recepisse memóriæ próditum est. Jussu Gregórii ordinátus episcopus, Sedem Cantuáriæ instituit in ecclesiá Salvatóris a se erécta, in qua mónachos óperis sui subsidiários collocávit; et sancti Petri monastérium, quod póstea et a suo nómine dictum est, in suburbánis constrúxit. Idem Gregórius usum pállii cum facultáte ecclesiásticæ hierarchiæ in Anglia instituendæ ei concéssit : quo novam étiam operariórum manum misit, nempe Melítum, Justum, Paulínum et Rufiniánum.

✠. Pósui adjutórium super poténtem et exaltávi eléctum de plebe mea :

* Manus enim mea auxiliábitur ei. ✠. Invéni David servum meum, óleo sancto meo unxi eum. — Manus.

Lectio vi

Dispósitis ejus ecclesiæ rebus, sýnodum hábuit Augustínus cum episcopis atque doctóribus vétèrum Britónum, qui in Paschæ celebratióne aliisque ritibus ab Ecclesiá Romána jamdúdum dissidébant. Sed, cum eos neque apostólicæ Sedis auctoritáte neque miráculis movére posset, ut dissidio cessárent, prophético spírиту eis excídium prænuntiávit. Dénique máximis pro Christo exantlátis laboribus, miráculis clarus, cum Mellítum Londinénsi ecclesiæ præfecisset, Justum Roffénsi, suæ Lauréntium, in cælum migrávit séptimo Kaléndas Júnias, Ethelbértó regnante, ac sepúltus est in monastério sancti Petri, quod exínde Cantuariénsium antístitum et áliquot regum conditórium fuit. Ejus cultum fervénti stúdio prosecútæ sunt Anglórum gentes; ac Leo décimus tértius Póntifex máximus ejus Offícium et Missam ad univérsam exténdit Ecclesiám.

✠. Iste est, qui ante Deum magnas virtútes operátus est, et omnis terra doctrína ejus repléta est : * Ipse intercédát pro peccátis ómnium populó-

rum. **℟.** Iste est, qui contempsit vitam mundi, et pervénit ad cæléstia regna. — Ipse intercédât pro peccátis ómnium populórum. **Glória Patri.** Ipse.

Pro hoc Festo simplificato

Lectio ix

Augustínus, Romæ in Lateranénsi cœnóbio mónachus, a Gregório Magno cum sóciis mónachis fere quadraginta in Angliam missus est, anno quingentésimo nonagésimo séptimo. A rege Ethelbérto Cantuáriam, ejus regni metrópolim, invitátus cum sóciis, prope eam oratórium exstrúxit. Cæléstis doctrínæ prædicatione plerósque insulános ac regem ipsum ad christiánam fidem perdúxit, summa cum lætítia Berthæ régiae uxóris, quæ Christiána erat. Jussu Gregórii ordinátus episcopus, Sedem Cantuariensem instituit, et ab eódem Pontífice usum pállii cum facultate hierarchiæ in Anglia instituendæ obtínuit. Máximis demum pro Christo exantlátis labóribus, cum Mellítum Londinénsi ecclésiæ præfecisset, Justum Roffénsi, suæ Lauréntium, in cælum migrávit séptimo Kaléndas Júnias,

et sepúltus est in monasterio sancti Petri, quod exínde Cantuariénsium antístitum et áliquot regum conditórium fuit. Te Deum laudámus.

In III Nocturno Homilia in Ev. Designávit Dóminus, de Comuni Ev. cum ℞℞. de Comuni Conf. Pont. ibidem notatis. [27]

AD LAUDES

℟. Justum dedúxit.

Ad Bened. Ant. Euge, serve bone * et fidélis, quia in pauca fuísti fidélis, supra multa te constítuam, dicit Dóminus.

Oratio

Deus, qui Anglórum gentes, prædicatione et miráculis beáti Augustíni Confessóris tui atque Pontíficis, veræ fidei luce illustráre dignátus es : concéde; ut, ipso interveniente, errántium corda ad veritátis tuæ rédeant unitátem, et nos in tuas voluntáte concórdes. Per Dóminum.

IN II VESPERIS

℟. Justum dedúxit.

Ad Magnif. Ant. Amávit eum Dóminus, * et ornávit eum : stolam glóriæ induit eum, et ad portas paradísi coronávit eum.

Et fit Commemoratio sequentis.

Die 29 Maji

S. Mariæ Magdalenæ
de Pazzis Virginis [111]

Semiduplex

Ant. Veni, Sponsa Christi, áccipe coronam, quam tibi Dóminus præparávit in ætérnum.

℣. Spécie tua et.

Oratio

DEus, virginitátis amátor, qui beátam Mariam Magdalénam Virginem, tuo amore succénsum, cæléstibus donis decorásti : da; ut, quam festíva celebritáte venerámur, puritáte et caritáte imitemur. Per Dóminum.

In II Nocturno

Lectio iv



Maria Magdaléna, illustrióri Pazziórum génere Floréntiæ nata, fere ab incunábulis iter perfectiónis arrípuit. Decénnis perpétuam virginitátem vovit, susceptóque hábitu in monastério sanctæ Mariæ Angelórum, órdinis Carmelitárum, se ómnium virtútum exémpplar exhibuit. Adeo casta fuit, ut quidquid puritátem lædere potest, pénitus ignoráverit. Quinquénnum, Deo jubén-te, solo pane et aqua transégit, excéptis diébus Do-

mínicis, quibus cibis quadragesimálibus vescebátur. Corpus suum cilício, flagéllis, frígore, inédia, vigílliis, nuditáte atque omni pœnárum génere cruciábat.

℣. Propter veritátem, et mansuetúdinem, et justítiam : * Et dedúcet te mirábiliter délixtera tua.

℣. Spécie tua et pulchritúdine tua intén-de, prospere procéde, et regna. — Et.

Lectio v

Tanto igne divíni amoris æstuábat, ut, ei feréndo impar, ingésta aqua pectus refrigeráre cogerétur. Extra sensus frequénter rapta, diutúrmas et admirábiles éxtases passa est, in quibus et arcána cæléstia penetrávit, et exímis a Deo grátiis illustráta fuit. His autem muníta longum certámen a princípibus tenebrárum sustínuit, árida, desoláta, ab ómnibus derelícta, variisque tentatióibus vexáta; Deo sic permittén-te, ut invíctæ patiéntiæ ac profundíssimæ humilitátis exémpplar præbéret.

℣. Dilexísti justítiam, et odísti iniquitátem : * Proptérea unxit te Deus, Deus tuus, óleo lætítiæ.

℣. Propter veritátem, et mansuetúdinem, et justítiam. — Proptérea.

Lectio vi

Caritate erga proximum singulariter enituit; nam sæpe noctes ducébat insomnes, vel obeúndis sororum ministériis, vel inserviéndō infirmis occupata, quarum aliquándo úlcerā lambens sanávit. Infidélium et peccatórum perditionem amāre deflens, se ad quælibet pro illórum salutē torménta paratam offerébat. Multis ante óbitum annis, univér-sis cæli delíciis, quibus copióse affluébat, heróica virtúte renúntians, illud frequénter in ore habébat : Pati, non mori. Tandem longa et gravíssima infirmitate exháusta, transívit ad Sponsum die vigésima quinta Maji, anno millésimo sexcentésimo séptimo, expléto anno quadragésimo primo ætátis suæ. Eam, multis in vita et post mortem miraculis claram, Clemens nonus sanctárum Vírginum número adscripsit : cujus corpus in præsentem diem incórruptum conservátur.

℟. Afferéntur Regi vírgines post eam, próximæ ejus * Afferéntur tibi in lætítia et exsultatióne.

℣. Spécie tua et pulchritúdine tua inténde, prospere procéde, et regna. — Afferéntur. Glória. Afferéntur.

Pro hoc Festo simplicato

Lectio ix

Maria Magdaléna, Florentiæ illústri Pazziórum genere nata, fere ab incunábulis iter perfectiōnis arrípuit. Decénis perpétuam virginitatem vovit, susceptoque hábitu in monastério sororum Carmelitárum, se ómnium virtútum exémpplar præbuit. Adeo casta fuit, ut, quidquid puritatem lædere posset, pénitus ignoráverit. Tanto igne divini amoris æstuábat, ut, ei feréndō impar, ingesta aqua pectus refrigerare cogerétur. Caritate erga proximum excélluit; nam sæpe noctes ducébat insomnes, vel obeúndis sororum ministériis, vel inserviéndō infirmis occupata, quarum aliquándo úlcerā lambens sanávit. Illud frequénter in ore habébat : Pati, non mori. Tandem, diútino et gravi morbo exháusta, transívit ad Sponsum, anno millésimo sexcentésimo séptimo, expléto ætátis suæ anno quadragésimo primo. Eam Clemens nonus sanctárum Vírginum número adscripsit.

Te Deum laudámus.

In III Nocturno Homilia in Ev. Símile erit regnum cælo-

rum decem virgínibus, **de Communi Virg. I loco. [122]**

AD LAUDES

℣. Diffúsa est grátia.

Ad Bened. Ant. Símile est regnum cælórum * hómini negotiátóri quærénti bonas margarítas : invénta una pretiósa, dedit ómnia sua, et comparávit eam.

Oratio

Deus virginitátis amátor, qui beátam Mariám Magdalénam Vírginem, tuo amóre succén-sam, cæléstibus donis decorásti : da; ut quam festíva celebritáte venerá-mur, puritáte et caritáte imitémur. Per Dóminum.

IN II VESPERIS

℣. Diffúsa est grátia.

Ad Magnif. Ant. Veni, Sponsa Christi, * áccipe corónam, quam tibi Dóminus præparávit in ætér-num.

Et fit Commemoratio sequentis.

Die 30 Maji

S. Felicis I

Papæ et Martyris [29]

Simplex

Ant. Iste Sanctus pro lege Dei sui certávit usque ad mortem, et a verbis

impiórum non tímuit; fundátus enim erat supra firmam petram.

℣. Glória et honóre.

Oratio

Gregem tuum, Pastor ætérne, placátus inténde : et per beátum Felicem Mártýrem tuum atque Summum Pontíficem, perpétua protectióne custódi; quem totíus Ecclesiæ præstitísti esse pastórem. Per Dóminum.

Lectio iii

Felix Románus, patre Constántio, Aureliáno imperatóre præfuit Ecclesiæ. Constituit ut Missa supra memórias et sepúl-cra Mártýrum celebrárétur. Qui, cum mense Decembri habuísset ordinationés duas, et creásset presbýteros novem, diáconos quinque, episcopos per divérsa loca quinque; martýrio coronátus, via Aurélia sepelítur in basilica quam a se ædificátam dedicarat. Vixit in pontificátu annos duos, menses quátuor, dies vigínti novem.

Te Deum laudámus.

℣. Justus ut palma.

Ad Bened. Ant. Qui odit * ánimam suam in hoc mundo, in vitam ætérnam custódit eam.

Vesperæ de sequenti, Commemoratio S. Petronillæ Virg.

Die 31 Maji

S. Angelæ Mericiæ

Virginis [111] Duplex

℣. Spécie tua et.

Ad Magnif. Ant. Veni, Sponsa Christi, * áccipe coronam, quam tibi Dóminus præparávit in ætérnum.

Oratio

DEus, qui novum per beátam Angelam sacrarum Víginum collégium in Ecclesiá tua floréscere voluisti : da nobis, ejus intercessióne, angélicis móribus vívere; ut, terrénis ómnibus abdicáti, gáudiis pérfrui mereámur ætérnis. Per Dóminum.

Et fit Commemoratio S. Petronillæ Virg. :

Ant. Símile est regnum cælórum hómini negotiátóri quærénti bonas margarítas : invénta una pretiósa, dedit ómnia sua, et comparávit eam.

℣. Diffúsa est grátia.

Oratio

EXáudi nos, Deus, salutaris noster : ut, sicut de beátæ Petronillæ Virginituæ festivitáte gaudémus; ita piæ devotiónis erudiámur afféctu. Per Dóminum.

In II Nocturno

Lectio iv



Ngela Merícia, Decentiáni, Veronénsis diocésis óppido ad lacum Benácum in dicióne Véneta, piis orta paréntibus, a prima ætáte virginitátis lílium, quod perpétuo serváre statúerat, sédula sepsit. Ab omni muliebri ornátu abhórrens, egrégiam vultus formam pulchrámque cæsáriem studiósè fœdávít, ut cælésti dumtáxat animárum Sponso placéret. In ipso autem adolescéntiæ flore paréntibus orbáta, austeriórís vitæ desidério in desértum locum aufúgere tentávit; sed, ab avúnculo prohibita, novit præstáre domi, quod in solitúdine non lícuit. Cilício ac flagéllis frequénter usa, carnem nónnisi infirma valetúdine, vinum in Nativitátis et Resurrectiόνis Domínicæ tantum celebritáte; complúres vero dies nihil omníno degustávit. Oratióni dédita, brevíssimum humi carpébat somnum. Dæmonem vero sub lucéntis ángeli forma sibi illúdere conántem agnóvit prótinus, et conjécit in fugam. Tandem patérnis bonis abdicáti, et hábitum ac régulam tértii órdis sancti Fran-

cisci ampléxa, evangélicam paupertátem virginitátis laudi conjúnxit.

℟. Propter veritátem, et mansuetúdinem, et justítiam : * Et dedúcet te mirabíliter délixtera tua.

℣. Spécie tua et pulchritúdine tua inténde, prospere procéde, et regna. — Et.

Lectio v

Nullum pietátis officium erga próximos omítens, paupéribus, quidquid sibi ex mendicáto victu superésset, largiebátur; libénter ministrábat ægróti, plúraque cum magna sanctitátis fama peragrávit loca, ut vel solátio esset afflíctis, vel reis véniam impetráret, vel infénsos invicem reconciliáret ánimos, vel e vitiórum cœno sceléstos revocáret. Angelórum pane, quem únice esuriébat, frequentíssime refécta, tanta caritátis vi ferebátur in Deum, ut sáepius extra sensus raperétur. Sacra Palæstínæ loca, summa cum religiône, obívit; quo in itínere et visum, quem ad Cydónias appúlso oras amiserat, eódem regréssa recuperávit, et barbarórum captivitátem ac naufrágium ímmittens divínitus evásit. Romam dénique, firmam Ec-

clésiæ petram veneratúra et amplíssimæ jubilæi véniæ percúpida, sedénte Cleménte séptimo, accésit; quam summus Póntifex allocútus, ejúsdem sanctimóniam suspéxit et commendávit summópere; nec ab Urbe ipsam abíre ante permísit, quam álio cælitus vocátam agnóvit.

℟. Dilexísti justítiam, et odísti iniquitátem : * Proptérea unxit te Deus, Deus tuus, óleo lætítiæ.

℣. Propter veritátem, et mansuetúdinem, et justítiam. — Proptérea.

Lectio vi

Brixiam itaque, ubi domum ad sanctæ Afræ templum condúxit, revérta, novam ibi vírginum societátem, sicut cælésti voce ac visiône mandátum sibi fúerat, sub certa disciplina sanctisque vivéndi régulis constituit, quam sanctæ Ursulæ invíctæ vírginum ducis patrocínio ac nómine insignívit : eam vero perénnem futúram morti próxima prædíxit. Tandem prope septuagénaria, dives méritis evolávit in cælum sexto Kaléndas Februárii anni millésimi quingentésimi et quadragésimi. Cujus cadáver per ipsos trigínta dies inhumátum, flexíbile ac vi-

vo simillimum perseveravit. Demum in sanctæ Afræ templo inter ceteras, quibus illud abundat, Sanctorum reliquias repósito, plúrima ad ejus sepúlcrum agi statim cœpere miracula; quorum fama late diffusa, non Bríxiæ modo et Decentiáni, sed álibi étiam vulgo cœpit nuncupári beáta, ejúsque imágo aris impóni : immo sanctus ipse Cárolus Borromæus non multis post annis dignam, quæ ab apostólica Sede in sanctarum Vírginum album referrétur, Bríxiæ palam asséruiť. Cultum vero illi jámdiu a pópulis exhibítum, et tum locórum Ordináriis probátum, tum plúribus étiam summórum Pontíficum indúltis munitum, Clemens Papa décimus tértius solémni decreto ratum hábuit ac confirmávit. Eam tandem, novis miraculis rite probátis insígnem, Pius Papa séptimus, solémni canonizatióne in Vaticána basílica perácta, die vigésima quarta Maji anno millésimo octingentésimo séptimo, sanctarum Vírginum catálogo adscripsit.

✠. Afferéntur Regi vírgines post eam, próximæ ejus * Afferéntur tibi in lætítia et exsultatióne.

✠. Spécie tua et pulchritú-

dine tua inténde, próspere procéde, et regna. — Afferéntur tibi. Glória Patri. Afferéntur tibi.

Pro hoc Festo simplicitato

Lectio ix

Angelæ Merícia, piis orta paréntibus, a prima ætáte magna virtútum specímína dedit, cilício ac flagéllis frequénter usa, et oratióni indesinénter dédita. Patérnis bonis abdicáťis, ac régulam tértii órdis sancti Francísci ampléťa, evangélicam paupertátem virginitátis laudi conjúnxit, nullúmque pietátis offícium erga próximos omísit. Sacra Eucharístia frequentíssime reféťa, tanta caritátis vi ferebátur in Deum, ut sæpius extra sensus raperétur. Bríxiæ novam vírginum societátem sub certa disciplina sanctisque vivéndi régulis constitúit, quam sanctæ Ursulæ patrocínio ac nómine insignívit. Tandem prope septuagenária evolávit in cælum, anno Dómini millésimo quingentésimo quadragésimo, sexto Kaléndas Februárii. Cultum illi jámdiu exhibítum Clemens Papa décimus tértius solémni decreto ratum hábuit et confirmávit. Pius vero Papa séptimus sanctarum Vír-

ginum catálogo eam adscripsit.

Te Deum laudámus.

In III Nocturno Homilia in Ev. Símile erit regnum cælórum decem virgínibus, **de Communi Virg. I loco. [122]**

AD LAUDES

℟. Diffúsa est grátia.

Ad Bened. Ant. Símile est regnum cælórum * hómini negotiátóri quærénti bonas margarítas : invénta una pretiósa dedit ómnia sua, et comparávit eam.

Oratio

DEus, qui novum per beátam Angelam sacrárum Virgínium collégium in Ecclesiá tua floréscere voluísti : da nobis, ejus intercessióne, angélicis móribus vívere; ut, terrénis ómnibus abdicá-tis, gáudiis pérfrui mereá-mur ætérnis. Per Dóminum.

Pro Commem. S. Petronillæ Virg. :

Ant. Veni, Sponsa Christi, áccipe corónam, quam tibi Dóminus præparávit in ætérnum.

℟. Spécie tua, et.

Oratio

EXáudi nos, Deus, salutaris noster : ut, sicut de beátæ Petronillæ Virgínis tuæ festivitáte gaudé-

mus; ita piæ devotiónis erudiámur afféctu. Per Dóminum.

IN II VESPERIS

℟. Diffúsa est grátia.

Ad Magnif. Ant. Veni, Sponsa Christi, * áccipe corónam, quam tibi Dóminus præparávit in ætérnum.

Oratio Deus, qui novum, **ut supra ad Laudes.**

FESTA JUNII

Die 2 Junii

Ss. Marcellini, Petri
atque Erasmi **Ep., Mm.**

Simplex [49]

Ad Vesperas

℟. Lætámini in Dómino.

Ad Magnif. Ant. Istórum est enim * regnum cælórum, qui contempsérunt vitam mundi, et pervenérunt ad præmia regni, et lavérunt stolas suas in ságuine Agni.

Oratio

DEus, qui nos ánnua beatórum Mártyrum tuórum Marcellíni, Petri atque Erasmi solemnitáte lætíficas : præsta, quæsumus; ut, quorum gaudémus méritis, accendámur exémplic. Per Dóminum.

Lectio iii

Petrus exorcista, Diocletiano imperatore, Romæ a Sereno iudice propter christianæ fidei confessionem missus in carcerem, Paulinam Artemii, qui carceri præerat, filiam a dæmone agitâtam liberavit. Quo facto et parentes puellæ cum tota familia, et vicinos qui ad rei novitatem concurrerant, Jesu Christo conciliatos ad Marcellinum presbyterum adduxit, a quo omnes baptizati sunt. Quod ubi rescivit Serenus, Petrum et Marcellinum ad se vocatos asperius objurgat, et ad verborum acerbitatem minas ac terrores adjungit, nisi Christo renuntient. Cui cum Marcellinus christianâ libertate responderet, pugnis contusum, et a Petro sejunctum, nudum includit in carcerem stratum vitri fragmentis, sine cibo ac sine lumine. Petrum item constringi imperat arctissimis vinculis. Sed cum utrique ex tormentis fides et animus cresceret, constanti confessione, et abscisso capite, illustre testimonium Jesu Christo dederunt. Erasmus episcopus, imperatoribus Diocletiano et Maximiano, in Campânia plumbatis et

fustibus cæsus, resina quoque, sulphure, plumbo liquefacto, et ferventi pice, cera, oleoque perfusus, inde tamen integer et inviolatus evasit. Quo miraculo multi se ad Christi fidem convertérunt. Verum is, iterum detrusus in carcerem, constrictus ferreis gravissimisque vinculis, inde ab Angelo mirabiliter ereptus est. Deinde Formis a Maximiano variis affectus suppliciis, tunicæque ærea candenti indutus, illa etiam tormenta divîna virtute superavit. Denique, plurimis et in fide confirmatis et ad fidem conversis, insignem martyrii palmam adeptus est.

Te Deum laudamus.

✠. Exsultabunt Sancti.

Ad Bened. Ant. Vestri capilli capitis * omnes numerati sunt : nolite timere : multis passeribus meliores estis vos.

Oratio

Deus, qui nos annua beatorum Martyrum tuorum Marcellini, Petri atque Erasmi solemnitate lætificas : præsta, quæsumus; ut, quorum gaudemus meritis, accendâmur. exemplis. Per Dominum.

Die 4 Junii

S. Francisci Caracciolo

Confessoris [94]

Duplex

✠. Amávit eum Dóminus.

Ad Magnif. Ant. Similábo eum * viro sapiénti, qui ædificávit domum suam supra petram.

Oratio

DEus, qui beátum Franciscum, novi órdis institutórem, orándi stúdio et pœniténtiæ amóre decorásti : da fámulis tuis in ejus imitatione ita proficere; ut semper orántes, et corpus in servitútem redigéntes, ad cæléstem glóriam perveníre mereántur. Per Dóminum.

In II Noeturno

Lectio iv

FRANCISCUS, dictus ántea Ascánius, ex nóbili família Caracciolo in óppido sanctæ Mariæ de Villa in Aprútio ortus, a primis annis exímio enítuit pietátis cultu. Adoléscens gráviter ægrórans stáruit sese prorsus Dei proximíque mancipáre servítio. Neápolim proféctus, sacerdotio initiátus sacróque adscríptus sodalítio, contemplatióni lucrandisque animábus se

totum devóvit, ac extrémó supplicio damnátis hortatórem se præbuit assíduum. Cántigit autem, ut epistólum álteri destinátum ei per errórem redderétur, quo a piíssimis viris Joánne Augustíno Adórno et Fabrício Caracciolo ad novi religiósi institúti fundatiónem vocabátur. Rei novitáte captus et divínæ voluntátis demirátus consília, álacri ánimo sese illis adjúnxit. Cóndidit autem in Camaldulénsium erémo, quo secesserant, novi órdis légibus, inde Romam simul profécti, confirmatiónem a Xysto quinto impetrárun, qui eósdem cléricos reguláres Minóres appellári vóluit, áddito ad tria consuéta áltero de non ambiéndis dignitatibus voto.

✠. Honéstum fecit illum Dóminus, et custodívit eum ab inimícis, et a seductóribus tutávit illum : * Et dedit illi claritátem ætérnam. ✠. Justum dedúxit Dóminus per vias rectas, et osténdit illi regnum Dei. — Et.

Lectio v

SOLÉMNI emissá professione, ob singulárem ejus in divum Franciscum Assisinátem cultum, Francisci nomen assúpsit.

Adórno biénnio post vita functo, ipse toti religióni, quamquam invítus, præfícitur; quo in múnere virtútum ómnium præclára præbuit exémpa. Institúti amplificándi studio-síssimus, id assíduis oratió-nibus, lácrimis, et jugi córporis maceratióne enixe a Deo postulábat. Quam ob rem tértio in Hispániam se cóntulit, peregríni hábitu indútus, victúmque ostiátim mendicans. In itinere aspér-ima quæque perpéssus, Omnipoténtis auxílium mirum in modum expér-tus, navim quam conscén-derat, ab imminénti nau-frágio oratiónis præsidio servávit incólumem. Ut in regnis illis voti compos fieret, plúrimum laborá-vit; sed, ejus sanctitátis fama prælucénte, amplis-simáque catholicórum regum Philíppi secúndi et Philíppi tértii munificén-tia, adversariórum coná-tibus singulári ánimi for-titúdine superátis, plura sui órdis domicília fundávit : quod pari événtu per Itáliam præstitit.

✠. Amávit eum Dómi-nus, et ornávit eum : stolam glóriæ induit eum,
* Et ad portas paradísi coronávit eum. ✠. Induit eum Dóminus lorícam fidei, et ornávit eum. — Et.

Lectio vi

Humilitáte ádeo excél-luit, ut Romam vé-niens, in páuperum hospítio recéptus, se lepróso sociáverit, et ecclesiásticas dignitátes a Paulo quinto sibi oblátas constantíssime recusáverit. Illibátam perpétuo servávit virginitátem, effrontésque mulieres, ejus castimóniæ insidiántes, Christo lucrifécit. Erga diviníssimum Eucharístiæ mystérium ardénti ástuans amóre, noctes pene íntegras in ejus adoratióne insómnes ducébat : quod pium exercítium, véluti sui órdis tésseram, in eo perpétuo servándum constituit. Deíparæ Vírginis cultum impénse fovit. In próximum exímia exársit caritáte. Prophetiæ dono et córdium scrutatióne ditátus fuit. Quadragésimum quartum ætátis suæ annum agens, dum in sacra Lauretána æde in oratióne persisteret, sibi vitæ finem imminére cognóvit. Aprútium statim defléxit, et in óppido Agnóni apud alúm-nos sancti Philíppi Nérii letháli febre corréptus, sacraméntis Ecclésiæ devotíssime susceptis, pridie Nonas Júnii anni millésimi sexcentésimi octávi, in pervigílio

festi Córporis Christi, placidissime obdormívit in Dómino. Sacrum ejus corpus, Neápolim delátum, in ecclésia sanctæ Mariæ Majóris, ubi prima sui órdis jécerat fundaménta, honorífice cónditum fuit. Eum póstea, miráculis clarum, Clemens decimus-quártus Póntifex máximus solémni ritu inter Beátos; Pius vero séptimus Póntifex máximus, novis fulgéntem signis, anno millésimo octingentésimo séptimo, Sanctórum albo adscripsit.

✠. Iste homo perfécit ómnia quæ locútus est ei Deus, et dixit ad eum : Ingrédere in réquiem meam : * Quia te vidi justum coram me ex ómnibus géntibus. ✠. Iste est, qui contémpsit vitam mundi, et pervénit ad cæléstia regna. — Quia. Glória Patri. Quia.

Pro hoc Festo simplificato

Lectio ix

FRANCISCUS, dictus ántea Ascánius, ex nóbili familia Caracciolo in óppido sanctæ Mariæ de Villa in Aprútio ortus est. Adólescens gráviter ægrótans státuit sese prorsus Dei proximíque mancipáre servítio. Neápolim proféctus et sacerdotío initiátus,

contemplatióni lucrandisque animábus se totum devóvit, ac extrémó supplício damnátis hortatórem se præbuit assíduum. Joánni Augustíno Adórno et Fabrício Caracciolo, mira Dei dispositiõe, adjúctus, Clericórum regulárium Minórum órduem instítuit, áddito ad tria consuéta áltero de non ambiéndis dignitatibus voto; quem, post óbitum Adórni, sanctíssime rexit, et summo stúdio per Hispániam et Itáliam propagávit. Erga sanctíssimæ Eucharistiæ sacraméntum tanto æstuábat afféctu, ut noctes pene íntegras in ejus adoratiõe impénderet; quod pium exercítium, véluti sui órdis tésseram, perpétuo in eo servándum constituit. Tandem prophetiæ dono et córdium scrutatiõe ditátus, quadragésimum quartum annum agens, in óppido Agnóni in Aprútio letháli febre corréptus, in Dómino obdormívit pridie Nonas Júnii, anno millésimo sexcentésimo octávov. Sacrum ejus corpus, Neápolim delátum, in ecclésia sui órdis cónditum est. Te Deum.

In III Nocturno Homilia in Ev. Sint lumbi, de Communi Conf. non Pont. 1 loco. [98]

AD LAUDES

℣. Justum deduxit.

Ad Bened. Ant. Euge, serve bone * et fidelis, quia in pauca fuisti fidelis, supra multa te constitutam, intra in gaudium Domini tui.

Oratio

DEus, qui beatum Franciscum, novi ordinis institutorem, orandi studio et poenitentiae amore decorasti: da famulis tuis in ejus imitatione ita proficere; ut, semper orantes et corpus in servitutum redigentes, ad caelestem gloriam pervenire mereantur. Per Dominum.

Vesperae a Capitulo de seq., Commemoratio praecedentis.

Die 5 Junii

S. Bonifatii

Episcopi et Martyris [29]

Duplex

Oratio

DEus, qui multitudinem populorum, beati Bonifatii Martyris tui atque Pontificis zelo, ad agnitionem tui nominis vocare dignatus es: concede propitius; ut, cujus sollemnia colimus, etiam patrocina sentiamus. Per Dominum.

Et fit Com. praecedentis :

Ant. Hic vir, despiciens mundum et terrena, triumphans, divitias caelo condidit ore, manu.

℣. Justum deduxit.

Oratio Deus, qui beatum, **ut supra.**

In II Nocturno

Lectio iv



Bonifatius, antea Winfridus appellatus, apud Anglos natus est exeunte saeculo septimo, et ab ipsa infanzia mundum aversatus, vitam monasticam in votis habuit. Cum ejus pater animum saeculi illecebris permutare frustra tentasset, monasterium ingreditur, et sub beati Wolphardi disciplina omnium virtutum ac scientiarum genere imbuitur. Annum agens trigésimum sacerdotio insignitur, ac verbi divini praedicator assiduus, magno animarum lucro hoc in munere versatur. Attamen, regnum Christi adaugere desiderans, continuo flebat ingentem multitudinem barbarorum, qui ignorantiae tenebris immersi daemone famulabantur. Qui quidem animarum zelus cum in dies inexstinguibili ardore accresceret, divino numine per lacrimas et oratio-

nes exploráto, facultátem a monastérii præpósito obtínuit ad Germánicas oras proficiscéndi.

℟. Honéstum fecit illum Dóminus, et custodívit eum ab inimícis, et a seductóribus tutávit illum :

* Et dedit illi claritátem ætérnam. ℣. Descendítque cum illo in fóveam, et in vínculis non derelíquit eum. — Et.

Lectio v

EX Anglia duóbus cum sóciis navem solvens, Dorestádium in Frísia óp-
pidum venit. Cum autem bellum gravíssimum inter Frisonum regem Radbó-
dum et Cárolum Martél-
lum exarsísset, sine fructu Evangélium prædicávit. Quaprópter in Angliam revérsus, ad suum redívit monastérium, cui invítus præfícitur. Post elápsum biénnum, ex consénsu epíscopi Vintoniénsis, munus abdicávit, et Romam proféctus est, ut apostó-
lica auctoritáte ad gentí-
lium conversiónem dele-
garétur. Cum ad Urbem pervenísset, a Gregório secúndo benígne excípi-
tur, pro Winfrído Bonifá-
tius a Pontífice nominá-
tur. In Germániam diréctus, Thuringiæ Saxoniæque pópulis Christum annun-
tiávit. Cum intérea Rad-

bódus, Frísia rex ac infe-
stíssimus christiáni nómi-
nis hostis, occubuísset, Bonifátius ad Frísones ré-
diit, ubi sancti Willibrórdi sócius per triénnum tanto cum fructu Evangélium prædicávit, ut, destrúctis idolórum simulácris, innú-
meræ vero Deo ecclésiæ excitaré-
ntur.

℟. Desidérium ánimæ ejus tribuísti ei, Dómine, * Et voluntáte labiórum ejus non fraudásti eum.

℣. Quóniam prævenísti eum in benedictiónibus dulcédinis, posuísti in cá-
pite ejus corónam de lá-
pide pretióso. — Et.

Lectio vi

A Sancto Willibrórdo ad episcopále munus ex-
petítus, illud detrectávit ut prómptius infidélium salúti instáret. In Germá-
niam proféctus, plura Has-
sórum míllia a dæmonis superstitióne avocávit. A Gregório Pontífice Romam evocátus, post insígnem fidei professiónem epíscopus consecrátur. Exínde ad Germános redux, Há-
siam et Thuringiam ad idololatriæ reliquiis pénit-
tus expurgávit. Tanta propter mérita Bonifátius a Gregório tértio ad digni-
tátem archiepiscopálem evéhitur, et tértio Romam proféctus a summo Pontí-

fice Sedis apostólicæ legátus constitúitur. Qua insígnitus auctoritáte quátuor episcopátus instituit, et várias sýnodos celebrávit, inter quas concílium Leptínense memorábile est, apud Belgas in Cameracénsi diocesi celebrátum, quo quidem témpore ad fidem in Bélgio adaugéndam egrégie cóntulit. A Zacharía Papa creátus Moguntínus archiepíscopus, ipso Pontífice jubén-te, Pipínus in regem Francórum unxit. Post mortem sancti Willibrórdi Ultrajecténsem ecclésiám gubernándam suscepit, primo per Eóbanum deín-de per seípsum, dum ab ecclésiá Moguntína absolútus Ultrajécti resédit. Frisónibus ad idololatriám relápsis, Evangélium prædicáre rursus aggréditur, cumque officio pastoráli occuparétur, a bárbaris et impiis homínibus juxta Bornam flúvium cum Eóbano coepíscopo multisque áliis cruénta cæde peréemptus martýrii palma condecorátur. Corpus sancti Bonifátii Mogúntiam translátum, et, ut ipse vivens petierat, in Fuldénsi monastério, quod exstrúxerat, recónditum fuit, ubi multis miráculis incláruit. Pius autem nonus, Póntifex máximus, ejus

Offícium et Missam ad univérsam Ecclésiám exténdit.

✠. Stola jucunditátis induit eum Dóminus : * Et corónam pulchritúdinis pósuit super caput ejus.

✠. Cibávit illum Dóminus pane vitæ et intelléctus : et aqua sapiéntiæ salutáris potávit illum. — Et corónam. Glória Patri. Et corónam.

Pro hoc Festo simplificato

Lectio ix

Bonifátius, ántea Winfríduſ appellátus, apud Anglos natus est exeúnte sæculo séptimo. Monastérium ingræssus et sacerdotio auctus, magno animárum lucro in prædicatóris múnere est versátus. Zelo augéndæ fidei accénsus, apud Frísones Evangélium prædicávit. In Angliam revérsus, cum per biénium monastério sanctíssime præfuísset, superióris múnere abdicáto, Romam se cóntulit, ubi a Gregório secúndo Bonifátii nomen accépit, et in Germániam missus, Thuringiæ Saxoniæque pópulis Christum annuntiávit. Ad Frísones revérsus, cum sancto Willibrórdo, magno fructu Evangélium prædicávit. Mox Romam accersítus, episcopáli di-

gnitáte insignitur, et in Germaniam iterum profectus, Hássiam et Thuríngiam ab idololatriæ reliquiis pénitus expurgávit. Sedis apostólicæ legátus creátus et Moguntínus archiepiscopus, plures erexit et, per se vel per discipulos, administrávit ecclésiás. Frisónibus demum ad idololatriam relápsis Evangélium prædicáre rursus aggréssus, cum Eóbano coepiscopo multisque aliis, juxta Bornam flúvium cruénta cæde peremptus, martýrii palmam accépit. Ejus corpus in Fuldénsi monastério cónditum est.

Te Deum laudámus.

In III Nocturno

Lectio sancti Evangélii
secúndum Matthæum

Lectio vii **Cap. 5, 1-12**

IN illo témpore : Videns Jesus turbas, ascéndit in montem, et cum sedisset, accessérunt ad eum discipuli ejus. Et reliqua.

Homília sancti Augustíni
Episcopi

**Liber 1 de Sermone Domini
in monte cap. 2**



Eáti mundo corde; quóniam ipsi Deum vidébunt. Quam ergo stulti sunt, qui Deum istis exterióribus óculis

quærunť, cum corde videátur, sicut álibi scriptum est : Et in simplicitáte cordis quærite illum. Hoc est enim mundum cor, quod est simplex cor. Et quemádmódum lumen hoc vidéri non potest, nisi óculis mundis; ita nec Deus vidétur, nisi mundum sit illud quo vidéri potest. Beáti pacífici; quóniam ipsi filii Dei vocabúntur. In pace perfectio est, ubi nihil repúgnat; et ideo filii Dei pacífici, quóniam nihil in his resístit Deo, et útique filii similitúdinem patris habére debent.

℟. Coróna áurea super caput ejus, * Expréssa signo sanctitátis, glória honoris, et opus fortitúdinis.

℣. Quóniam prævenísti eum in benedictiónibus dulcedinis, posuísti in cápite ejus corónam de lápide pretióso. — Expréssa.

Lectio viii

PAcífici autem in semetipsis sunt, qui omnes ánimi sui motus componéntes, et subjiciéntes ratióni, id est menti et spirítui, carnalésque concupiscéntias habéntes edómitas, fiunt regnum Dei. In quo ita sunt ordináta ómnia, ut id quod est in hómine præcípuum et excéllens, hoc ímperet, céteris

non reluctántibus, quæ sunt nobis bestiisque comúnia; atque idípsum quod excéllit in hómine, id est mens et rátio, subjiciátur potióri, quod est ipsa véritas, unigénitus Fílius Dei. Neque enim imperáre inferióribus potest, nisi superióri se ipse subjiciat. Et hæc est pax, quæ datur in terra homínibus bonæ voluntátis; hæc vita consummáti perfectique sapiéntis.

✠. Hic est vere Martyr, qui pro Christi nómine sánguinem suum fudit :
* Qui minas júdicum non tímuit, nec terrénæ dignitátis glóriam quæsívit, sed ad cæléstia regna pervénit. ✠. Justum dedúxit Dóminus per vias rectas, et osténdit illi regnum Dei. — Qui. Glória. Qui.

Lectio ix

DE hujúsmodi regno pacatíssimo et ordinatíssimo missus est foras princeps hujus sæculi, qui perversis inordinatísque dominátur. Hac pace intrínsecus constitúta atque firmáta, quascúmque persecutiónes ille, qui foras missus est, forínsecus concitáverit, auget glóriam, quæ secúndum Deum est; non áliquid in illo ædificio labefáctans, sed deficientibus máchinis suis inno-

téscere fáciens, quanta fírmitas intus exstrúcta sit. Ideo séquitur : Beáti, qui persecutiónem patiúntur propter justítiam; quóniam ipsórum est regnum cælórum.

Te Deum laudámus.

AD LAUDES

✠. Justus ut palma.

Ad Bened. Ant. Qui odit * ánimam suam in hoc mundo, in vitam ætérnam custódit eam.

Oratio

DEus, qui multitudínem populórum, beáti Bonifátii Mátyris tui atque Pontíficis zelo, ad agnitió-nem tui nóminis vocáre dignátus es : concéde propítius; ut, cujus solémnia cólimus, étiam patrocínia sentiámus. Per Dóminum.

*Vesperæ a Capitulo de seq.,
Commemoratio præcedentis.*

Die 6 Junii

S. Norberti

Ep. et Conf. [69] Duplex

Oratio

DEus, qui beátum Norbertum Confessórem tuum atque Pontíficem, verbi tui præcónem exímium effecísti, et per eum Ecclesiám tuam nova prole fœcundásti : præsta, quæsumus; ut, ejúsdem suf-

fragántibus méritis, quod ore simul et ópere dócuit, te adjuvánte, exercére valeámus. Per Dóminum.

Et fit Com. præcedentis :

Ant. Qui vult veníre post me, ábneget semetípsum, et tollat crucem suam, et sequátur me.

℣. Justus ut palma.

Oratio Deus, qui multitudinem, **ut supra. 600**

In II Nocturno

Lectio iv



Rorbértus, nobilíssimis paréntibus natus, adoléscent libéralibus disciplínis eruditus, in ipsa póstea imperatóris aula, spretis mundi illécebris, ecclesiásticæ militiæ adscribi vóluit. Sacris initiátus, rejéctis móllibus ac spléndidis véstibus, pellicea melóte indútus, prædicatióni verbi Dei se totum dedit. Abdicátis ecclesiásticis provéntibus satis amplis, et patrimonío in páuperes erogáto, semel in die sub vésporam solo cibo quadragésimáli utens, nudisque pédibus et lácera veste sub brumáli rigóre incédens, miræ austeritátis vitam est aggréssus. Potens igitur ópere et sermóne, innúmeros hæréticos ad fidem, peccatóres ad pœniténtiam, dissidéntes ad

pacem et concórdiam revocávit.

℟. Invéni David servum meum, óleo sancto meo unxi eum : * Manus enim mea auxiliábitur ei. **℣.** Nihil proficiet inimícus in eo, et filius iniquitátis non nocébit ei. — Manus.

Lectio v

CUM Laudúni esset, ab epíscopo rogátus ne a sua diocési discéderet, désértum in ea locum, qui Præmonstrátus dicebátur, sibi delégit; ibíque, trédecim sóciis aggregátis, Præmonstraténsem órđinem instítuit, divínitus accépta per visum régula a sancto Augustíno. Cum vero ejus fama sanctitátis in dies magis augerétur, ac plúrimi ad eum quotídie discípuli convenírent, idem ordo ab Honório secúndo aliisque summis Pontíficibus confirmátus, ac plúribus ab eo monasteríis ædificátis, mirífice propagátus est.

℟. Pósui adjutórium super poténtem, et exaltávi eléctum de plebe mea : * Manus enim mea auxiliábitur ei. **℣.** Invéni David servum meum, óleo sancto meo unxi eum. — Manus.

Lectio vi

ANtvérpiam accersítus, in ea urbe Tanchelíni nefáriam hæresim proflí-

gávit. Prophético spíritu et miráculis cláruit. Archiepiscopus tandem (licet relúctans) Magdeburgénsis creátus, ecclesiásticam disciplínam, præsertim cœlibátum, constánter propugnávit. Rhemis in concílio Innocéntium secúndum egrégie adjúvit, et Romam cum áliis episcopis proféctus, schisma Petri Leónis compréssit. Postrémo vir Dei, méritis et Spíritu Sancto plenus, Magdebúrgi obdormívit in Dómino, anno salutis millésimo centésimo trigésimo quarto, die sexta Júnii.

R. Iste est, qui ante Deum magnas virtútes operátus est, et omnis terra doctrína ejus repléta est : * Ipse intercédát pro peccátis ómnium populórum. **V.** Iste est, qui contémpsit vitam mundi, et pervénit ad cæléstia regna. — Ipse. **Gloria Patri.** Ipse.

Pro hoc Festo simplificato

Lectio ix

NOrbértus, nobilíssimis paréntibus natus, adolésceus liberálibus disciplínis eruditus, in ipsa póstea imperatóris aula, spretis mundi illécebris, ecclesiásticæ militiæ adscríbi vóluit. Sacris initiá-

tus, prædicatióni verbi Dei se totum dedit. Innúmeros hæréticos ad fidem, peccatóres ad pœniténtiam, dissidentes ad pacem et concórdiam revocávit. Desértum locum, qui Præmonstrátus dicebátur, in Laudunénsi diocési sibi delégit; ibíque, trédecim sóciis aggregátis, Præmonstraténsem órdenem instituit, qui mirífice propagátus est. Archiepiscopus Magdeburgénsis, licet relúctans, creátus, ecclesiásticam disciplínam, cœlibátum præsertim, constánter propugnávit. Rhemis in concílio Innocéntium secúndum egrégie adjúvit, et Romam cum áliis episcopis proféctus, schisma Petri Leónis compréssit. Magdebúrgi obdormívit in Dómino, anno salutis millésimo centésimo trigésimo quarto, die sexta Júnii.

Te Deum laudámus.

In III Noctuno Homilia in Ev. Homo pègre, de Comuni Conf. Pont. 1 loco. [80]

AD LAUDES

V. Justum dedúxit.

Ad Bened. Ant. Euge, serve bone * et fidélis, quia in pauca fuísti fidélis, supra multa te constítuam, dicit Dóminus.

Oratio

DEus, qui beátum Norbértum Confessórem tuum atque Pontíficem, verbi tui præcónem exímium effecísti, et per eum Ecclésiám tuam nova prole fœcundásti : præsta quæsumus, ut ejúsdem suffragántibus méritis, quod ore simul et ópere dócuit, te adjuvánte exercére valeámus. Per Dóminum.

IN II VESPERIS

✠. Justum dedúxit.

Ad Magnif. Ant. Amávit eum Dóminus, * et ornávit eum : stolam glóriæ induit eum, et ad portas paradísi coronávit eum.

Die 9 Junii

Ss. Primi et Feliciani

Martyrum [49]

Simplex

✠. Lætámini in Dómino.

Ad Magnif. Ant. Istórum est enim * regnum cælórum, qui contempsérunt vitam mundi, et pervenérunt ad præmia regni, et lavérunt stolas suas in ságuine Agni.

Oratio

FAC nos, quæsumus, Dómine, sanctórum Mártyrum tuórum Primi

et Feliciáni semper festa sectári : quorum suffrágiis protectiónis tuæ dona sentiámus. Per Dóminum.

Lectio iii

Primus et Feliciánus fratres, in persecutióne Diocletiáni et Maximiani accusáti cristiánæ religiónis, in víncula conjiciúntur; quibus solúti, inde eripiúntur ab Angelo. Mox ad prætórem addúcti, cum cristiánam fidem acérime tueréntur, alter ab áltero distrácti sunt; ac primum várie tentáta est constántia Feliciáni. Sed, cum suasóres impietátis se posse quidquam verbis profícere desperárent, affixis stípití manibus ejus et pédibus, ipsum sine cibo et potu inde trídium pendéntem reliquérent. Postrídie ejus diéi, prætor vocátum ad se Primum sic affátur : Vides quanto sit prudéntior, quam tu, frater tuus, qui obsecútus imperatóribus, apud ipsos est honorátus? Quem si tu quoque imitári volúeris, párticeps eris ejus honóris et grátiæ. Cui Primus : Quid factum sit fratri meo, cognóvi ex Angelo. Utinam, quemádmódum sum cum eo voluntáte conjunctíssimus, sic ab eódem ne mártýrio disjúngar. Quo dicto

excánduit prætor, et ad ceteros cruciátus, quibus Primum affécit, præsente jam Feliciáno, liquátum igne plumbum in os ejus jussit infúndi. Mox utrúmque perdúci imperat in theátrum, in eósque immítti duos leónes; qui, prostráti ad eórum génua, cápite et cauda ipsis blandiebántur. Ad id spectáculum cum ámplius duódecim míllia hóminum conveníssent, quingénti cum suis famíliis christiánam religiónem suscepérunt. Quibus rebus permótus prætor, eos secúri pércuti jussit.

Te Deum laudámus.

✠. Exsultábunt Sancti.

Ad Bened. Ant. Vestri capílli cápitis * omnes numeráti sunt : nolite timére : multis passéribus meliôres estis vos.

Oratio

FAC nos, quæsumus, Dómine, sanctórum Mártyrum tuórum Primi et Feliciáni semper festa sectári : quorum suffrágiis protectiόνis tuæ dona sentiámus. Per Dóminum.

Vesperæ de sequenti.

Die 10 Junii

S. Margaritæ

Reginæ, Viduæ [130]

Semiduplex

✠. Spécie tua et.

Ad Magnif. Ant. Símile est regnum cælórum * hómini negotiatóri quærénti bonas margarítas : invénta una pretiósá, dedít ómnia sua, et comparávit eam.

Oratio

DEus, qui beátam Margarítam reginam exímia in páuperes caritaté mirábilem effecísti : da; ut ejus intercessióne et exémplo, tua in córdibus nostris caritas júgiteraugeátur. Per Dóminum.

In II Nocturno

Lectio iv



Argaríta, Scotórum regína, patérno Angliæ regum, matérno Cæsarum sángine claríssima, illústrior adhuc fuit christiána virtúte. Hæc in Hungária nata, ubi pater tunc témporis exsulábat, post exáctam summa cum pietáte puerílem ætátem, una cum genitóre, qui a sancto Eduárdo pátruo, Anglórum rege, ad patérni regni fastígium vocabáture, in Angliam venit. Mox, alter-

nante paréntum fortuna, ex Angliæ littore solvens, vi tempestátis expúlta, seu vérius divínæ providéntiæ consílio dedúcta est in oram marítimam Scótiæ. Ibi cum ex matris império Malchólmo tértio Scotórum regi, egrégiis ejus dótibus capto, nup-sisset, sanctimóniæ ac pietátis opéribus, trigínta quibus regnávit annis, toti regno mirífice prófuit.

✠. Propter veritátem, et mansuetúdinem, et justítiam : * Et dedúcet te mirábiliter délixtera tua.
✠. Spécie tua et pulchritúdine tua inténde, prospere procéde, et regna. — Et.

Lectio v

INter regáles delicias corpus afflictatióibus ac vigíliis mácerans, magnam noctis partem piis precatióibus extrahébat. Præter ália jejúnia, quæ idéntidem usurpábat, íntegros quadragínta dies ante natalítia festa tanta cum severitáte jejúnare consuévít, ut ne in gravísimis quidem dolóribus intermiserít. Divíno cúltoi addictíssima, templa plúrima et cœnóbia partim ex íntegro excitávit, partim resarcívit, et sacra supellectili ac largo censu ditávit. Regem cónjugem ad meliorem frugem et ad si-

mília suis exercitatióibus ópera salubérri-mo exém-plo tradúxit, liberósque omnes tam sancte et felíciter educávit, ut eórum plerique, quemádmódum et Agatha mater, et Christína soror, sanctíssimum vitæ genus ampléxi sint. Univér-si demum regni felicitáti cónsulens, a vítiis ómnibus, quæ furtim irrépserant, pópulos expurgávit, eisque mores christiána pietáte dignos restítuit.

✠. Dilexísti justítiam, et odísti iniquitátem : * Proptérea unxit te Deus, Deus tuus, óleo lætitiæ.
✠. Propter veritátem, et mansuetúdinem, et justítiam. — Proptérea.

Lectio vi

Nihil tamen æque in illa mirábile fuit ac flagrantíssima caritas erga próximos, præsertim egénos, quorum numerósis grégibus non modo stipem áffatim suppeditáre, verum étiam trecéntis quotidie matérna benignitáte dapes præbére, flexis génibus in morem ancillæ ministráre, régiis mánibus pedes ablúere, et pressis étiam ósculis úlcera fovére, solémne hábuit. His porro aliisque piis súmptibus non régias tantum vestes et pretiósas monília

distráxit, sed ipsum non semel exháusit ærarium. Tolerátis demum ad patientiæ miraculum acerbissimis dolóribus, ánimam seméstri córporis ægro-tatióne purgátam Auctóri suo, sextodécimo Kalén-das Decémbris, réddidit. Quo témporis moménto fácies ejus, diutúrni morbi mácie ac pallóre fœdáta, insólita quadam venustáte reflóruit. Miris étiam post mortem prodígiis clara, et Cleméntis décimi auctori-táte in Scótiæ patrónam accépta, ubique terrárum religiosíssime cólitur.

✠. Fallax grátia, et vana est pulchritúdo : * Múlier timens Deum, ipsa laudá-bitur. ✠. Date ei de fructu mánuum suárum, et lau- dent eam in portis ópera ejus. — Múlier. Glória Patri. Múlier.

Pro hoc Festo simplicato

Lectio ix

Margarita, ex régia Anglórum stirpe in Hungária nata, post exá-ctam summa cum pietáte puerítiam, una cum geni-tóre, qui a sancto Eduárdo pátruo, Anglórum rege, ad patérni regni fastígium vocabátur, in Angliam, dein in Scótiám venit. Ibi, cum ex matris império Scotórum regi Malchólmo

tértio nupsisset, sancti-móniæ et pietátis opéribus annis trigínta toti regno prófuit. Máxima erat in ea vitæ austéritas et flagran-tíssimum erga próximos caritátis stúdiu, præser-tim in egénos; pro quibus aléndis non semel exháu-sit ærarium. Demum acér-bis dolóribus et diutúrno morbo patientíssime tole-rátis, ánimam Deo réddi-dit sextodécimo Kaléndas Decémbris. Quo témporis moménto fácies ejus, mácie ac pallóre fœdáta, in-sólita quadam venustáte reflóruit. Cleméntis décimi auctoritáte in Scótiæ pa-trónam accépta, ubique terrárum religiosíssime cólitur.

Te Deum laudámus.

In III Nocturno Homilia in Ev. Símile est regnum cæló-rum, **de Comm. non Virg.** [134]

AD LAUDES

✠. Diffúsa est grátia.

Ad Bened. Ant. Date ei * de fructu mánuum suá-rum, et laudent eam in portis ópera ejus.

Oratio

Deus, qui beátam Mar-garitam regínam exí-mia in páuperes caritáte mirábilem effecísti : da; ut ejus intercessióne et exémplo, tua in córdibus

nostris caritas jûgiter au-
geatur. Per Dóminum.

Vesperæ de sequenti, Com-
memoratio præcedentis.

Die 11 Junii

S. Barnabæ Apostoli

Duplex majus

Omnia de Communi Apo-
stolorum [3], præter Oratio-
nem et Lectiones, ut infra.

℟. In omnem terram
exiit sonus eorum. ℞. Et
in fines orbis terræ verba
eorum.

Ad Magnif. Ant. Tra-
dent enim vos * in concí-
liis, et in synagógis suis
flagellábunt vos, et ante
reges et præsidés ducé-
mini propter me in testi-
mónium illis, et géntibus.

Oratio

DEus, qui nos beáti Bár-
nabæ Apóstoli tui mé-
ritis et intercessióne lætí-
ficas : concéde propítius;
ut, qui tua per eum bene-
fícia póscimus, dono tuæ
grátiae consequámur. Per
Dóminum.

Et fit Commemoratio præ-
cedentis :

Ant. Manum suam apé-
ruit inopi, et palmas suas
exténdit ad páuperem, et
panem otíosa non comé-
dit.

℟. Diffúsa est grátia.

Oratio Deus, qui beátam,
ut supra. 606

In I Nocturno

De Actibus Apostolorum

Lectio i Cap. 13, 43-52



UM dimissa esset
synagoga, secuti
sunt multi Judæo-
rum et coléntium advená-
rum, Paulum et Bárna-
bam; qui loquéntes suadé-
bant eis ut permanérent
in grátia Dei. Sequénti
vero sábbato pene uni-
vérsa civitas convénit au-
dire verbum Dei. Vidéntes
autem turbas Judæi, re-
pléti sunt zelo et contra-
dicébant his, quæ a Paulo
dicebantur, blasphemán-
tes. Tunc constánter Pau-
lus et Bárnabas dixerunt :
Vobis oportébat primum
loqui verbum Dei; sed,
quóniam repéllitis illud
et indignos vos judicátis
ætérnæ vitæ, ecce convér-
timur ad gentes; sic enim
præcépit nobis Dóminus :
Pósui te in lucem gén-
tium, ut sis in salútem
usque ad extrémum terræ.

℞. Ecce ego mitto vos
sicut oves in médio lupó-
rum, dicit Dóminus :

* Estóte ergo prudéntes
sicut serpéntes, et simpli-
ces sicut colúmbæ. ℟. Dum
lucem habétis, créдите in
lucem, ut filii lucis sitis.
— Estóte.

Lectio ii

Audiéntes autem gentes gavísæ sunt et glori-
ficábant verbum Dómini,
et credidérunt quotquot
erant præordináti ad vi-
tam ætérnam. Dissemina-
bátur autem verbum Dó-
mini per univérsam regi-
onem. Judæi autem concit-
avérunt mulieres religi-
osas et honéstas et primos
civitátis, et excitavérunt
persecutióem in Paulum
et Bárnabam, et ejecérunt
eos de finibus suis. At illi,
excússo púlvere pedum in
eos, venérunt Icónium.
Discípuli quoque reple-
bántur gáudio et Spíritu
Sancto.

℟. Tóllite jugum meum
super vos, dicit Dóminus,
et discite a me, quia mi-
tis sum et húmilis corde :
* Jugum enim meum su-
ave est, et onus meum leve.
℣. Et inveniétis réquiem
animábus vestris. — Ju-
gum.

Lectio iii Cap. 14, 1-3

Factum est autem Ic-
onii, ut simul introírent
in synagógam Judæórum
et loqueréntur, ita ut cré-
deret Judæórum et Græc-
orum copi-osa multitúdo.
Qui vero incréduli fuérunt
Judæi, suscitavérunt et ad
iracúndiam concitavérunt
ánimas géntium advérsus
fratres. Multo igitur tém-

pore demoráti sunt fidu-
ciáliter agéntes in Dómi-
no, testimónium perhibén-
te verbo grátiae suæ, dante
signa et prodígia fieri per
manus eórum.

℟. Dum stetéritis ante
reges et præsides, nolíte
cogitáre quómodo aut quid
loquámini : * Dábitur
enim vobis in illa hora,
quid loquámini. ℣. Non
enim vos estis qui loquí-
mini; sed Spíritus Patris
vestri, qui lóquitur in vo-
bis. — Dábitur. Glória
Patri. Dábitur.

In II Nocturno

Lectio iv



Barnabas Levítes,
Cýprius génere, qui
et Joseph, cum
Paulo géntium Apóstolus
ordinátus est ad prædicán-
dum Jesu Christi Evan-
gélíum. Is, agro véndito
quem habébat, redáctam
ex eo pecúniám áttulit
Apóstolis. Missus autem
Antiochiám prædicati-
onis causa, cum ibi multos ad
Christi Dómini fidem con-
vérsos esse comperísset,
incredibíliter lætátus, eos
hortabátur ut in Christi
fide permanérent. Qua co-
hortatióne multum profi-
ciébat, quod ab ómnibus
vir bonus et Spíritu San-
cto plenus habebátur.

℟. Vidi conjúctos viros,
habéntes spléndidas ve-

stes, et Angelus Dómini locútus est ad me, dicens :

* Isti sunt viri sancti facti amíci Dei. *V.* Vidi Angelum Dei fortem, volántem per médium cælum, voce magna clamántem et dicéntem. — Isti.

Lectio v

Proféctus inde Tarsum ut quæreretur Paulum, cum eo Antiochiám venit. In ejus urbis ecclésiá annum commoráti, christiánæ fidei et vitæ illis homínibus præcépta dedérunt : ubi étiam Jesu Christi cultóres primum Christiáni sunt appelláti. Discípuli autem Pauli et Bárnabæ, suis facultátibus Christiános, qui in Judæa erant, sustentábant, eo mitténtes pecúniám per Paulum et Bárnabam. Qui perfúnti illo caritátis officio, adhíbito Joánnē, cui cognómen erat Marcus, rediérunt Antiochiám.

R. Beáti estis, cum maledíxerint vobis hómines, et persecúti vos fúerint, et díxerint omne malum advérsus vos, mentiéntes, propter me : * Gaudéte et exsultáte, quóniam merces vestra copiósa est in cælis. *V.* Cum vos óderint hómines, et cum separáverint vos, et exprobráverint, et ejécerint nomen vestrum tamquam malum

propter Fílium hóminis. — Gaudéte.

Lectio vi

CUM autem Antiochiá in Ecclésiá, cum céteris prophétis et doctóribus, Paulus et Bárnabas in jejúnio et oratióne Dómino deservírent, dixit Spíritus Sanctus : Segregátē mihi Saulum et Bárnabam in opus, ad quod assúmpsi eos. Tunc jejunántes et orántes, imponéntesque eis manus, dimisérunt illos. Itaque Seleuciám venérunt, inde in Cyprum; ac multas prætērea urbes regionésque, prædicántes Evangélium summa cum audiéntium utilitáte, peragrárunt. Postrémo Bárnabas digressus a Paulo, una cum Joánnē, qui cognominátus est Marcus, navigávit in Cyprum; ibique circiter séptimum Nerónis annum, tértio Idus Júnii, ad apostólici múnēris laudem, martýrii corónam adjúnxit. Ejus corpus, Zenóne imperatóre, repértum est in ínsula Cypro; ad cujus pectus erat Evangélium Matthæi, Bárnabæ manu conscriptum.

R. Isti sunt triumphatóres et amíci Dei, qui contemnéntes jussa príncipum, meruérunt præmia ætérna : * Modo coronántur, et accípiunt palmam.

℟. Isti sunt qui venérunt ex magna tribulatióne, et lavérunt stolas suas in ságuine Agni. — Modo coronántur, et accípiunt palmam. Glória. Modo.

Pro hoc Festo simplificato

Lectio ix

Barnabas Levítes, Cýprius génere, cum Paulo Apóstolo ordinátus est ad prædicándum Jesu Christi Evangélium. Is, agro vëndito quem habébat, redáctam ex eo pecúniám áttulit Apóstolis. Missus Antiochiám prædicatiónis causa, multos ibi ad Christi fidem convérsos suis hortatióibus confirmávit. Inde proféctus cum eódem Paulo, multas urbes regionésque summa cum audiéntium utilitaté peragrávit. Postremo, digréssus a Paulo, una cum Joáñne, qui cognominátus est Marcus, navigávit in Cyprum, ibique, séptimo Nerónis anno, ad apostólici múnieris laudem, martýrii coronám adjúnxit. Te Deum.

In III Noeturno

Lectio sancti Evangélii
secúndum Matthæum

Lectio vii Cap. 10, 16-22

IN illo témpore : Dixit Jesus discíplis suis : Ecce ego mitto vos sicut

oves in médio luporum. Et réliqua.

Homília sancti Joánnis
Chrysóstomi

Homilia 34 in Matthæum,
post initium



CUM Dóminus omnem sollicitúdinem a discipulórum córdibus ejécerit, et ostensióne signórum armáverit, atque, ab ómnibus negotiis sæculáribus alienátos et ab omni temporálium rerum cura liberátos, férreos quodámmodo atque adamántinos fécerit, tum dénique eventúra illis advérsa prædicít. Multa enim ex hac prædictiône futurárum rerum cómmoda consequebántur. Primum, ut ejus præsciéntiæ vim edíscerent. Deínde, ut nemo suspicarétur, ex Magístri infirmitaté tam grávia mala descéndere. Præterea, ne, qui ea passúri erant, súbito ac inopinátó rerum evéntu perturbaréntur. Dénique, ne, cum ista sub ipsum passiónis suæ tempus audírent, nímium commoveréntur.

℟. Isti sunt qui vivéntes in carne, plantavérunt Ecclesiám ságuine suo : * Cálicem Dómini bibérunt, et amíci Dei facti sunt. ℟. In omnem terram exívit sonus eórum, et in

fines orbis terræ verba eorum. — Cálicem.

Lectio viii

IAM vero, ut intélligant novum hoc esse belligenus et insólitum præliándi morem, cum illos nudos mitteret, una indútos túnica, sine cálceis, absque virga et absque zona et pera, et ab excipientibus ali jubéret, non fecit hic dicéndi finem, sed inexplicáblem virtútem suam próferens, Etiam sic eúntes, inquit, mansuetúdinem tamen óvium osténdite, quamvis ad lupos itúri, nec simplicitér ad lupos, sed étiam in médio lupórum : (neque vero óvium tantum mansuetúdinem habére jubet, sed étiam colúmbæ simplicitátem); sic enim virtútem meam máxime osténdam, cum ab óvibus lupi superabúntur; et quamvis illæ sint in médio lupórum, et innúmeris mórsibus laceántur, non modo non consúptæ fúerint, verum étiam illos in sui natúram transmutáverint.

℟. Isti sunt viri sancti, quos elégit Dóminus in caritáte non ficta, et dedit illis glóriam sempitérnam : * Quorum doctrína fulget Ecclésia, ut sole luna. ℣. Sancti per fidem vicérunt regna : operátii sunt justítiam. — Quó-

rum. Glória Patri. Quorum.

Lectio ix

MAjus certe atque admirabílius est mentem adversariórum commutáre, et ánimum in dívrsum transférre, quam illos occídere; præsertim cum duódecim tantum essent, et lupis plenus esset orbis univérsus. Erubescámus igitur, qui, longe dívrsa faciéntes, tamquam lupi in adversários rúimus. Nam, quámdui oves fuérimus, víncimus; étiam si mille circúmsent lupi, superámus, et victóres sumus. Quod si lupi fuérimus, víncimur; tunc enim a nobis pastóris auxiliúm recédit, qui non lupos, sed oves pascit.

Te Deum laudámus.

AD LAUDES

℣. Annuntiavérunt ópera Dei. ℟. Et facta ejus intellexérunt.

Ad Bened. Ant. Vos qui reliquistis * ómnia, et secúti estis me, céntuplum accipiétis, et vitam ætérrnam possidébitis.

Oratio

DEus, qui nos beáti Bárnabæ Apóstoli tui méritis et intercessióne lætíficas : concéde propítius, ut qui tua per eum benefícia póscimus, dono tuæ grátiae consequámur. Per Dñm.

IN II VESPERIS

℟. Annuntiavérunt ópera Dei.

Ad Magnif. Ant. Estóte fortes * in bello, et pugnáte cum antiquo serpente : et accipiétis regnum ætérnum, allelúja.

Et fit Commemoratio sequentis ac Ss. Basilidis, Cyrini, Naboris et Nazarii Mm.

Die 12 Junii

S. Joannis a S. Facundo

Confessoris [94]

Duplex

(m. t. v.), nisi tamen alicubi
I Vesperas habeat

Ant. Similábo eum viro sapiénti, qui ædificávit domum suam supra petram.

℟. Amávit eum Dóminus.

Oratio

DEus, auctor pacis et amátor caritátis, qui beátum Joánnem Confessórem tuum mirífica dissidentes componéndi grátia decorásti : ejus méritis et intercessióne concéde; ut in tua caritáte firmáti, nullis a te tentatióibus separémur. Per Dóminum.

Et fit Com. Ss. Basilidis, Cyrini, Naboris et Nazarii Mm.

Ant. Istórum est enim regnum cælórum, qui contempserunt vitam mundi,

et pervenérunt ad præmia regni, et lavérunt stolas suas in ságuine Agni.

℟. Lætámini in Dómino.

Oratio

Sanctorum Mátyrum tuorum Basilidis, Cyrini, Naboris atque Nazarii, quæsumus, Dómine, natalítia nobis votiva resplédeant : et, quod illis contulit excelléntia sempitérna, frúctibus nostræ devotiónis accréscať. Per Dóminum.

In II Nocturno

Lectio iv



Joánnem, Sahagúni in Hispánia, nóbili génere natum, párentes cum diu prole caruissent, piis opéribus et oratióibus a Deo impetrárunť. Ab ineúnte ætáte egrégium futúre sanctitátis spécimen dedit; nam e loco superióri ad céteros púeros crebro verba faciébat, quibus eos ad virtútem et Dei cultum hortabáťur, eorúmque dissidia componébat. In pátria mónachis sancti Facúndi, órdinis sancti Benedícti, primis litterárum rudiméntis imbuéndus tráditur. Dum iis óperam daret, curávit pater ut párochus ecclésiám administráret; quod munus júvenis nullis ratióibus addúci pótuit

ut retinérét. Inter familiáres epíscopi Burgénsis adscríptus, ob spectátam ipsíus probitátem íntimus ei fuit, ab eóque présbyter et canónicus factus, multis beneficiis auctus est. Sed relícta aula epíscopi, ut Deo quiétius servíret, ómnibus ecclésiæ provéntibus abdicátis, se cuidam sacélló addíxit, ubi Sacrum quotidie faciébat, ac de rebus divínis magna cum auditórum ædificatióne frequénter concionabátur.

✠. Honéstum fecit illum Dóminus, et custodívit eum ab inimícis, et a seductóribus tutávit illum :

* Et dedit illi claritátem ætérnam. ✠. Justum dedúxit Dóminus per vias rectas, et osténdit illi regnum Dei. — Et.

Lectio v

POstea studiórum causa Salmánticam profectus, in célebre collégium divi Bartholomæi cooptátus, sacerdotis munus ita exércuit, ut simul optátis stúdiis incúberet, et in sacris étiam conciónibus assidue versarétur. Cum vero in gravíssimum morbum incidísset, arctiórís disciplínæ voto se obstrínxit, quod ut rédderet, cum prius cuidam páuperi pene nudo ex duábus, quas tan-

tum habébat vestes, meliorem dedísset, ad cœnóbium sancti Augustíni, severióri disciplína tum máxime florens, se contulit; in quo admissus, obediéntia, ánimi demissióne, vigíliis ac oratióne provectiões anteíbat. Triclínii cura cum ipsi demandáta esset, vini dolíolum, ipso attingénte, ómnibus mónachis per annum abúnde suffécit. Exácto tirocínii anno, præfécí jussu munus concionándi suscepit. Salmánticæ id témporis ádeo cruéntis factiónibus divína humánaque ómnia permíxta erant, ut singulis propémódum horis cædes fierent, et ómnium órdinum, ac præsertim nobílium, ságuine non viæ solum et fora, sed templa étiam redundárent.

✠. Amávit eum Dóminus, et ornávit eum : stolam glóriæ induit eum, * Et ad portas paradísi coronávit eum. ✠. Induit eum Dóminus lorícá fidei, et ornávit eum. — Et.

Lectio vi

AT Joánnes, tum conciónibus, tum privátis collóquiis civium ánimos demúlcens, ad tranquillitátem urbem redúxit. Virum príncipem gráviter offéndit, quod illíus in súbditos sævítiam incre-

pásset. Qua de causa équites duos immísit, qui eum in itinere confóderent; jamque ad ipsum propinquáverant, cum, stupóre divínitus immísso, simul cum equis immóbiles steterunt, donec, ad pedes sancti viri provolúti, sceleris véniam precaréntur. Ipse quoque princeps, repentinó terróre percúlsus, jam de salúte desperáverat, cum, revocáto Joánne, facti pœnitens incolumitáti rédditus est. Factiósi étiam hómines, cum eum fústibus péterent, bráchiis diriguére, nec ante rédditæ vires quam delícti véniam precaréntur. Christum Dóminum, dum Sacrum fáceret, præséntem contuéri, atque ex ipso divinitátis fonte cæléstia mystéria hauríre sólitus; ábdita cordis inspícere, ac futúra raro événtu præsa-gíre frequens illi fuit, fratrísque filiam septénnem mórtuam excitávit. Dénique mortis die prænuntiáto, et Ecclésiæ sacraméntis devotíssime susceptis, extrémum diem clausit, multis ante et post óbitum miráculis gloriósus. Quibus rite probátis, Alexánder octávus Sanctórum número eum adscrípsit.

✠. Iste homo perfécit ómnia quæ locútus est ei Deus, et dixit ad eum :

Ingrédere in réquiem meam : * Quia te vidi justum coram me ex ómnibus géntibus. ✠. Iste est, qui contempsit vitam mundi, et pervénit ad cæléstia regna. — Quia. Glória Patri. Quia.

Pro hoc Festo simplicato

Lectio ix

JOánnem, Sahagúni in Hispânia, nóbili génere natum, paréntes cum diu prole caruissent, piis opéribus et oratióibus a Deo impetráruunt. Ab ineúnte ætáte futúre sanctitátis indícia præbuit. Présbyter ordinátus, ut Deo quiétius servíret, omnes ecclésiásticos provéntus, quibus mérito auctus fúerat, sponte dimísit. Salmánticæ, cum in gravíssimum morbum incidísset, arctiórís disciplínæ voto se obstrínxit, quod ut rédderet, ad cœnóbium sancti Augustíni, severióri disciplína tum máxime florens, se cóntulit; in quo admissus, virtútibus ómnibus provectiões anteíbat. Salmanti-censes cives, cruéntis factiόνibus exagitátos, tum conciónibus tum privátis collóquiis ac vitæ sanctitáte, ad tranquillitátem redúxit, non semel a præ-sénti discrímine divínitus liberátus. Christum Dómi-

num, dum Sacrum fáceret, præséntem contuéri, ábdita cordis inspícere, ac futúra præsagíre frequens illi fuit. Dénique, mortis die prænuntiáto, sanctíssime ex hac vita migrávit, multis ante et post óbitum miráculis gloriósus. Quibus rite probátis, Alexánder octávus Sanctórum número eum adscripsit.

Te Deum laudámus.

In III Nocturno Homilia in Ev. Sint lumbi, de Comm. Conf. non Pont. 1 loco. [98]

Pro Ss. Basilide, Cyrino, Nabore et Nazario Mm.

Lectio ix

BAsíldes, Cyrínus, Nabor et Nazárius, Románi mílites, nóbiles genere, et virtúte illústres, christiána religióne suscepta, cum Christum Dei Fílium, Diocletiano imperatóre, prædicárent, ab Aurélio præfécito Urbis comprehénsi, et ut diis sacra fácerent, admóniti, ejus jussa contemnéntes, missi sunt in cárcerem. Quibus orántibus, cum súbito claríssima lux obórta ómnium óculis, qui ibídem essent, cárcerem collustrásset; illo cælésti splendóre commótus Marcéllus custódiæ præpósitus, multique álii, Christo Dómino credidérunt. Verum póst-

ea e cárcere emíssi, ab imperatóre Maximiano, cum, ejus étiam neglécto império, unum Christum Deum et Dóminum in ore habérent, scorpiónibus cruciáti íterum conjiciúntur in víncula; unde séptimo die edúcti et ante pedes imperatóris constitúti, perstitérunt in irrisione inánium deórum, Jesum Christum Deum constántissime confiténtes. Quam ob rem damnáti, secúri feriúntur. Quorum córpora, feris objécta nec ab illis tacta, a Christiánis honorífice sepúlta sunt.

Te Deum laudámus.

AD LAUDES

V. Justum dedúxit Dóminus per vias rectas.

Ad Bened. Ant. Euge, serve bone * et fidélis, quia in pauca fuísti fidélis, supra multa te constítiam, intra in gáudium Dómini tui.

Oratio

DEus, auctor pacis et amátor caritátis, qui beátum Joánnem Confessórem tuum mirífica dissidentes componéndi grátia decorásti : ejus méritis et intercessióne concéde; ut in tua caritate firmáti, nullis a te tentatióibus separémur. Per Dóminum nostrum.

Et fit Com. Ss. Basilidis, Cyrini, Naboris et Nazarii Mm.

Ant. Vestri capilli capitis omnes numerati sunt : nolite timere : multis passeribus meliores estis vos.

✠. Exsultabunt Sancti.

Oratio

Sanctorum Martyrum tuorum Basilidis, Cyrini, Naboris atque Nazarii, quaesumus, Domine, natalitia nobis votiva resplendeant : et, quod illis contulit excellentia semperpiterna, fructibus nostrae devotionis accrescat. Per Dominum.

Vesperae a Capitulo de seq., Commemoratio praecedentis.

Die 13 Junii

S. Antonii de Padua

Conf. [94] Duplex

✠. Amavit eum Dominus.

Ad Magnif. Ant. Similabo eum * viro sapienti, qui aedificavit domum suam supra petram.

Oratio

Ecclēsiā tuā, Deus, beati Antonii Confessoris tui solēmnitas votiva laetificet : ut spirituālibus semper muniatur auxiliis, et gaudiis perfrui mereatur aeternis. Per Dominum.

Et fit Com. praecedentis :

Ant. Hic vir, despiciens mundum et terrēna, triūm-

phans, divitias cāelo condidit ore, manu.

✠. Justum deduxit.

Oratio

Deus, auctor pacis et amator caritatis, qui beatum Joānnem Confessorem tuum mirifica dissidentes componendi gratia decorasti : ejus meritis et intercessione concede; ut in tua caritate firmati, nullis a te tentationibus separeremur. Per Dominum.

In II Nocturno

Lectio iv



Antonius, Ulyssipone in Lusitania honestis ortus parentibus, et ab iis pie educatus, adolescens, institutum canonicorum regularium suscepit. Sed, cum corpora beatorum quinque Martyrum fratrum Minorum Conimbriam transferrentur, qui paulo ante apud Marrorchium pro Christi fide passi erant, martyrii desiderio incensus ad Franciscanum ordinem transivit. Mox eodem ardore impulsus, ad Saracenos ire perrexit; sed, adversa valetudine afflictus et redire coactus, cum navi ad Hispaniae littora tenderet, ventorum vi in Siciliam delatus est.

✠. Honestum fecit illum Dominus, et custodivit

eum ab inimicis, et a se-
ductóribus tutávit illum :
* Et dedit illi claritátem
ætérnam. ✠. Justum de-
dúxit Dóminus per vias
rectas, et osténdit illi re-
gnum Dei. — Et.

Lectio v

Assísium e Sicília ad ca-
pítulum generále ve-
nit : inde in erémum mon-
tis Pauli in Æmília secés-
sit, ubi divínis contempla-
tiónibus, jejúniis et vigíliis
diu vacávit. Póstea, sacris
ordínibus initiátus et ad
prædicándum Evangélium
missus, dicéndi sapiéntia
et cópia tantum profécit,
tantámque sui admiratió-
nem commóvit, ut eum
summus Póntifex aliquán-
do concionántem áudiens,
arcam Testaménti appel-
lárít. In primis vero hære-
ses summa vi profligávit,
ideóque perpétuus hære-
ticórum málleus est vocá-
tus.

✠. Amávit eum Dómi-
nus, et ornávit eum : sto-
lam glóriæ induit eum,
* Et ad portas paradísi
coronávit eum. ✠. Induit
eum Dóminus lorícám fi-
dei, et ornávit eum. — Et.

Lectio vi

Primus ex suo ordine,
ob doctrínæ præstán-
tiam, Bonóniæ et álibi sa-
cras líttas est interpre-
tátus, fratrúmque suórum

stúdiis præfuit. Multis ve-
ro peragrátis provinciis,
anno ante óbitum Patá-
vium venit, ubi illústria
sanctitátis suæ monumén-
ta reliquit. Dénique ma-
gnis labóribus pro glória
Dei perfúctus, méritis et
miráculis clarus obdormí-
vit in Dómino Idibus
Júnii, anno salutis millési-
mo ducentésimo trigésimo
primo. Quem Gregórius
nonus, Póntifex máximus,
sanctórum Confessórum
número adscripsit.

✠. Iste homo perfécit
ómnia quæ locútus est ei
Deus, et dixit ad eum :
Ingrédere in réquiem me-
am : * Quia te vidi justum
coram me ex ómnibus
géntibus. ✠. Iste est, qui
contémpsit vitam mundi,
et pervénit ad cæléstia
regna. — Quia. Glória
Patri. Quia.

Pro hoc Festo simplificato

Lectio ix

ANtónius, Ulyssipóne in
Lusitánia honéstis piis-
que ortus paréntibus; ado-
lescens, institútum cano-
nicórum regulárium sus-
cépit : sed, mártirii desi-
derio incénsus, ad Fran-
ciscánum órđinem trans-
ívit. Ad Saracénos mis-
sus, et advérsa valetúdine
redíre coáctus, vi ventó-
rum in Sicíliam delátus

est. Mox sacris ordinibus initiatus et prædicatoris munere fungens, tantam sui admirationem commovit, ut ad sacras litteras interpretandas Bononiæ et alibi vocatus sit, fratrum suorum studiis fuerit præfectus, et arca Testamenti atque hæresum malleus meruerit appellari. Multis autem peragratis provinciis, anno ante obitum Patavium venit, ubi illustria sanctitatis suæ monumenta reliquit. Meritis et miraculis clarus obdormivit in Domino Idibus Junii, anno salutis millésimo ducentésimo trigésimo primo, ætatis suæ trigésimo sexto.

Te Deum laudamus.

In III Nocturno Homilia in Ev. Sint lumbi, de Communi Conf. non Pont. 1 loco. [98]

AD LAUDES

℣. Justum deduxit.

Ad Bened. Ant. Euge, serve bone * et fidelis, quia in pauca fuisti fidelis, supra multa te constituam, intra in gaudium Domini tui.

Oratio

Ecclésiā tuam, Deus, beati Antonii Confessoris tui sollemnitas vota lætificet : ut spirituālibus semper muniatur au-

xiliis, et gaudiis perfrui mereatur æternis. Per Dominum.

Vesperæ a Capitulo de sequenti, Commem. præced.

Die 14 Junii

S. Basilii Magni

Ep., Conf. et Eccl. Doct. [69]

Duplex (m. t. v.)

℣. Amavit eum Dominus.

Ad Magnif. Ant. O Doctor optime, * Ecclésiæ sanctæ lumen, beate Basilii, divinæ legis amator, deprecare pro nobis Filium Dei.

Oratio

C 2

Exaudi, quæsumus, Domine, preces nostras, quas in beati Basilii Confessoris tui atque Pontificis sollemnitate deferimus : et, qui tibi digne meruit famulari, ejus intercedentibus meritis, ab omnibus nos absolve peccatis. Per Dominum.

Et fit Commem. præced. :

Ant. Hic vir, despiciens mundum et terrēna, triumphans, divitias cælo condidit ore, manu.

℣. Justum deduxit.

Oratio Ecclésiā tuam, ut supra.

In I Nocturno, si sumendæ
sint de Communi, Lectiones
Sapiéntiam. [87]

In II Nocturno

Lectio iv



Asilius, nóbilis Cáp-
padox, Athénis una
cum Gregório Na-
zianzéno, ejus amicíssimo,
sæculáribus lítteris, deínde
in monastério sacris mira-
bíliter eruditus, eum brevi
cursum fecit ad omnem
doctrínæ et morum excel-
léntiam, ut inde Magni
cognómen invénerit. Is ad
prædicándum Jesu Christi
Evangélium in Pontum
accersítus, eam provín-
ciam, a christiánis institú-
tis aberrántem, ad viam
salútis revocávit. Mox ab
Eusébio Cæsaréæ epíscopo
ad erudiéndam eam civi-
tátem adjútor adhibétur;
in cujus locum póstea
succéssit. Is Fílium Patri
consubstantiálem esse in
primis deféndit, ac Valén-
tem imperatórem, sibi irá-
tum, miráculis ádeo flexit,
ut, incumbéntem ad vo-
luntátem ejiciéndi ipsum
in exsílium, a senténtia
discédere coégerit.

℟. Invéni David servum
meum, óleo sancto meo
unxi eum : * Manus enim
mea auxiliábitur ei. ℣. Ni-
hil proficiet inimícus in eo,
et fílius iniquitátis non
nocébit ei. — Manus.

Lectio v

NAM et Valéntis sella,
in qua, factúrus decré-
tum de ejiciéndo e civitáte
Basilío, sedére volébat,
confrácta est. Et tribus ab
eo cálamis adhíbitis ad
scribéndam exsílíi legem,
nullus eórum réddidit atra-
méntum; et, cum nihil-
óminus in propósito scri-
béndi ímpium decré tum
persisteret, ipsíus dexte-
ra, dissolútis nervis, tota
contrémuit. His commó-
tus Valens chartam utrá-
que manu conscídit. Ea
autem nocte, quæ ad deli-
berándum Basilío data
est, Valéntis uxor íntimis
est cruciáta dolóribus, et
únicus fílius in gravem
morbum incidit. Quibus
ille pertérritus, iniquitá-
tem suam recognóscens,
Basilíum accérsit, quo
præsente, puer cœpit con-
valéscere; verum, vocátis
a Valénte ad viséndum
púerum hæréticis, paulo
post móritur.

℟. Pósuí adjutórium su-
per poténtem, et exaltávi
eléctum de plebe mea :
* Manus enim mea auxi-
liábitur ei. ℣. Invéni Da-
vid servum meum, óleo
sancto meo unxi eum. —
Manus.

Lectio vi

ABstinéntia et continén-
tia fuit admirábili; una
túnica conténtus erat : in

jejúnio servádo diligen-
tíssimus, in oratióne assí-
duus, in qua sæpe totam
noctem consumébat. Vir-
ginitátem perpétuo cóluit.
Monastériis exstrúctis, ita
monachórum institútum
temperávit, ut solitáriæ
atque actuósæ vitæ utili-
tátes præcláre simul con-
júngeret. Multa erudíte
scripsit; ac nemo, teste
Gregório Nazianzéno, sa-
cræ Scriptúræ libros vé-
rius aut ubérius explicá-
vit. Obiit Kaléndis Januá-
rii, cum tantum spíritu
vivens, præter ossa et pel-
lem, nulla prætérea corpó-
ris parte constáre vide-
rétur.

✠. Iste est, qui ante
Deum magnas virtútes
operátus est, et omnis
terra doctrína ejus repléta
est : * Ipse intercédât
pro peccátis ómnium po-
pulórum. ✠. Iste est, qui
contémpsit vitam mundi,
et pervénit ad cæléstia re-
gna. — Ipse. Glória. Ipse.

Pro hoc Festo simplificato

Lectio ix

BASILÍUS, nóbilis Cáppa-
dox, Athénis una cum
Gregório Nazianzéno, ejus
amicíssimo, sæculáribus
litteris, deínde in mona-
stério sacris mirábiliter
erudítus, eum brevi cur-
sum fecit ad omnem do-
ctrínæ et morum excellén-

tiam, ut inde Magni co-
gnómen invénerit. Ad
prædicándum Jesu Christi
Evangélíum in Pontum
accersítus, eam provín-
ciam ad viam salutis re-
vocávit; mox ab Eusébio
Cæsaréæ epíscopo ad eru-
diéndam eam civitátem
adjútor adhibétur, in cujus
locum póstea succéssit. Is
Fílium Patri consubstan-
tiálem esse in primis de-
féndit, ac Valéntem impe-
ratórem, sibi irátum et ex-
sílíum minitántem, mirá-
culis ádeo flexit, ut a sen-
téntia discédere coégerit.
Abstinéntia et continéntia
fuit admirábili; in oratióne
assíduus, in ea sæpe to-
tam noctem consumébat.
Monastériis exstrúctis, ita
monachórum institútum
temperávit, ut solitáriæ
atque actuósæ vitæ utili-
tátes præcláre simul con-
júngeret. Multa erudíte
scripsit; ac nemo, teste
Gregório Nazianzéno, sa-
cræ Scriptúræ libros vé-
rius aut ubérius explicá-
vit. Obiit Kaléndis Ja-
nuárii. Te Deum.

In III Nocturno

Léctio sancti Evangélíi
secúndum Lucam

Lectio vii Cap. 14, 26-35

IN illo témpore : Dixit
Jesus turbis : Si quis
venit ad me, et non odit

patrem suum, et matrem, et uxorem, et filios, et fratres, et sorores, adhuc autem et animam suam, non potest meus esse discipulus. Et reliqua.

Homilia sancti Basilii
Episcopi

Liber Regularum fusius
explicat. ad interrog. 8

REFERTA quidem renuntiatio in eo consistit, ut id assequamur, ne ad ipsius etiam vitae affectionem propensimus, et responsum mortis habeamus, ut non simus fidentes in nobis ipsis. Hujusmodi autem renuntiatio initium sumit ab alienatione rerum externarum, veluti a possessionibus, ab inani gloria, a vivendi consuetudine, a rerum inutilium amore; quemadmodum etiam suo exemplo nobis ostenderunt sancti Domini nostri discipuli, Jacobus quidem et Joannes, relicto patre Zebedaeo et ipsa quoque navicula, de qua omnis illorum victus ratio pendebat; Matthaeus vero, cum ab ipso telonio surrexit ac Dominum secutus est.

Amavit eum Dominus, et ornavit eum: stolam gloriae induit eum, * Et ad portas paradisi coronavit eum. Induit

eum Dominus loriceam fidei, et ornavit eum. — Et.

Lectio viii

SED quid opus est nostris rationibus aut sanctorum virorum exemplis id quod dicimus confirmare, cum ipsa Domini verba in medium liceat afferre, iisque ipsis religionem ac Deum timentem animam commovere, quibus ille perspicue et sine controversia protestatur, dicens: Sic igitur quicumque ex vobis non renuntiaverit omnibus quae possidet, non potest meus esse discipulus? Et alio in loco, cum prius dixisset: Si vis perfectus esse, vade, et vende omnia quae habes, et da pauperibus; postea subjunxit: Veni, sequere me.

In medio Ecclesiae aperuit os ejus, * Et implevit eum Dominus spiritu sapientiae et intellectus.

Jucunditatem et exultationem thesaurizavit super eum. — Et. Gloria Patri. Et.

Lectio ix

EST igitur renuntiatio, quemadmodum docuimus, vinculorum terranae hujus ac temporalis vitae solutio, atque ab humanis negotiis liberatio, per quam ad ineundam viam, qua ad Deum pervenitur,

aptiores et promptiores efficitur; et expedita ratio ad acquisitionem usumque rerum, quæ super aurum et lapidem pretiosum multum longe sunt pretiosiores. Et in summa, cordis humani ad cælestem conversationem translatio, ita ut dicere liceat: Nostra conversatio in cælis est; et (quod maximum est) initium unde ad Christi similitudinem evadimus, qui cum dives esset, propter nos pauper est factus.

Te Deum laudamus.

AD LAUDES

℣. Justum deduxit.

Ad Bened. Ant. Euge, serve bone * et fidelis, quia in pauca fuisti fidelis, supra multa te constitutam, dicit Dominus.

Oratio

C 2

EXaudi, quæsumus, Domine, preces nostras, quas in beati Basilii Confessoris tui atque Pontificis solemnitate deferimus: et, qui tibi digne meruit famulari, ejus intercedentibus meritis, ab omnibus nos absolve peccatis. Per Dominum.

IN II VESPERIS

℣. Justum deduxit.

Ad Magnif. Ant. O Doctor optime, * Ecclesiæ

sanctæ lumen, beate Basilii, divinæ legis amator, deprecare pro nobis Filium Dei.

Et fit Commem. sequentis.

Die 15 Junii

Ss. Viti, Modesti atque Crescentiæ

Martyrum [49] Simplex

Ant. Istorum est enim regnum cælorum, qui contempsérunt vitam mundi, et pervenerunt ad præmia regni, et laverunt stolas suas in sanguine Agni.

℣. Lætámini in Dómino.

Oratio

DA Ecclesiæ tuæ, quæsumus, Domine, sanctis Martyribus tuis Vito, Modesto atque Crescentia intercedentibus: superbe non sapere, sed tibi placita humilitate proficere; ut, prava despiciens, quæcúmque recta sunt, libera exerceat caritate. Per Dominum.

Lectio iii

Vitus admodum puer, inscio patre, baptizatus est; quod cum ille rescivisset, nihil prætermisit, quo filium a christiána religione removeret. Qua in voluntate permanentem, Valeriano iudici verbèribus castigandum tradidit. Sed nihil

óminus in senténtia persístens, patri rédditus est. Sed dum eum pater grávius puníre cógitat, Vitus Angeli mónitu, comítibus Modésto et Crescéntia, ejus educatóribus, migrat in aliénas terras; ibíque eam sanctitátis laudem adéptus est, ut ejus fama ad Diocletiánum perláta, ipsum imperátor accérset, ut filium suum a dæmone vexátum liberáret. Quo liberáto, cum ei amplíssimis præmiis ingrátus imperátor, ut deos cóleret, persuadére non potuísset, una cum Modésto et Crescéntia vínculis constrictum mittit in cárcerem. Quos ubi constantiores esse cómpertit, demítti jubet in ingens vas liquáto plumbo, fervénti resína ac pice plenum; in quo, cum trium Hebræórum puerórum more divínos hymnos cánèrent, inde erépti leóni objiciúntur, qui, prostérnens se eórum pedes lambébat. Quare inflammátus ira imperátor, quod multitúdinem vidébat miráculo commovéri, eos in catásta sterni jubet, et ita cædi eórum membra atque ossa divélli. Quo témpore tonítrua, fúlgura magníque terræmótus fuére, quibus templa deórum corruérunt, et multi oppréssti sunt. Eórum relí-

quias Floréntia, nóbilis fémina, unguéntis condítas honorífice sepelívit.

Te Deum laudámus.

℣. Exsultábunt Sancti.

Ad Bened. Ant. Vestri capílli cápitis * omnes numeráti sunt : nolíte timére : multis passéribus meliôres estis vos.

Oratio Da Ecclésiæ, ut *supra.* 622

Die 18 Junii

S. Ephræm Syri,

Diaconi, Conf. et Eccl.

Doct. [94] Duplex

℣. Amávit eum Dóminus.

Ad Magnif. Ant. O Doctor óptime, * Ecclésiæ sanctæ lumen, beáte Ephræm, divínæ legis amátor, deprecáre pro nobis Filium Dei.

Oratio

DEus, qui Ecclésiám tuam beáti Ephræm Confessóris tui et Doctóris mira eruditióné et præcláris vitæ méritis illustráre voluísti : te súpplíces exorámus; ut, ipso intercedénte, eam advérsus erróris et pravitátis insídias perénni tua virtúte deféndas. Per Dóminum.

Et fit Commem. Ss. Marci et Marcelliani Mm. :

Ant. Istórum est enim regnum cælórum, qui con-

tempserunt vitam mundi, et pervenerunt ad præmia regni, et laverunt stolas suas in sanguine Agni.

℣. Lætâmini in Dómino.


Oratio

PRæsta, quæsumus, omnipotens Deus : ut qui sanctorum Mártyrum tuorum Marci et Marcelliáni natalítia cólimus; a cunctis malis imminéntibus, eórum intercessiónibus liberémur. Per Dóminum.

In I Nocturno, si sumendæ sint de Communi, Lectiones Sapiéntiam. [87]

In II Nocturno

Lectio iv

 Phræm, génere Syrus, Nisibéno patre natus est. Adhuc júvenis ad sanctum Jacobum episcopum se contulit, a quo baptizátus, brevi ita sanctitáte et doctrína profécit, ut in schola Nisibi, Mesopotámiae urbe, florénte magíster fúerit constitútus. Post Jacóbi epíscopi mortem, Nisibi a Persis capta, Edéssam profécus est; ubi primum in monte inter mónachos consédit, deínde, ut plúrimos ad se confluéntes hómines vitáret, vitam duxit eremíticam. Edessénæ Ecclesiæ diáconus ordinátus et ob humilitátem sacerdótium recúsans, óm-

nium virtútum splendóre enítuit, et pietátem et religiónem vera sapiéntiæ professióne sibi comparáre satégit. Spem omnem in solo Deo defixam habens, quævis humana ac transitoria contémnens, divína ac sempitérna assidue concupiscébat.

℣. Honéstum fecit illum Dóminus, et custodívit eum ab inimícis, et a seductóribus tutávit illum :

* Et dedit illi claritátem ætérmam. ℣. Justum dedúxit Dóminus per vias rectas, et osténdit illi regnum Dei. — Et.

Lectio v

CÆsaréam Cappadóciæ, divíno ductus Spíritu, cum petíisset, ipsum ibi os Ecclesiæ Basilium vidit, et utérque mútua consuetúdine opportunum in modum usus est. Ad innúmeros erróres refelléndos, qui, tunc témporis grassántes, Ecclesiam Dei divexábant, atque ad mystéria Dómini nostri Jesu Christi sédulo illustránda, plúrimas édedit lucubratiónes, Syro sermóne compósitas, et fere omnes in linguam græcam versas; atque, teste sancto Hierónymo, ipse ad tantam venit claritúdinem, ut post lectiónem Scripturarum públice in

quibúsdam ecclésiis ejus scripta recitaréntur.

✠. Amávit eum Dóminus, et ornávit eum : stolam glóriæ induit eum, * Et ad portas paradísi coronávit eum. ✠. Induit eum Dóminus lorícam fidei, et ornávit eum. — Et.

Lectio vi

UNivérſa illius ópera, tam spléndido doctrínæ lúmine reférta, effecérunt, ut idem Sanctus, adhuc vivens, tamquam Ecclésiæ Doctor, magno honóre hábitus fúerit. Métrica quoque cántica compósuit in laudem beatíſimæ Vírginis Mariæ ac Sanctórum : quam ob causam a Syris Spíritus Sancti cíthara mérito fuit appellátus. In mirífica ac pia devotióne erga eámdem Vírginem immaculátam primum excélluit. Méritis plenus, Edéssæ, in Mesopotámia, décimo quarto Kaléndas Júlii, decéssit sub Valénte príncipe : eúmque, instántibus plúribus sanctæ Románæ Ecclésiæ Cardínalibus, Patriárchis, Archiepiscopis, Episcopis, Abbátibus, et religiósis famíliis, Benedictus Papa décimus quintus, ex sacrórum Rítuum Congregatiónis consúlto, universális Ecclésiæ Doctórem declarávit.

✠. Iste homo perfécit ómnia quæ locútus est ei Deus, et dixit ad eum : Ingrédere in réquiem meam : * Quia te vidi justum coram me ex ómnibus gén-tibus. ✠. Iste est, qui contémpsit vitam mundi et pervénit ad cæléstia regna. — Quia. Glória Patri. Quia.

Pro hoc Festo simplificato

Lectio ix

EPhræm, génere Syrus, Nisibéno patre natus est. Adhuc júvenis ad sanctum Jacóbum episcopum se contulit, a quo baptizátus, brevi ita sanctitáte et doctrína profécit, ut in schola Nísibi, Mesopotámia urbe, florénte magíster fúerit constitútus. Edessénæ Ecclésiæ diáconus ordinátus et ob humilitátem sacerdotium recúsans, ómnium virtútum splendóre enítuit, et pietátem et religióem vera sapiéntiæ professiόne sibi comparáre satégit. Univérſa illius ópera, tam spléndido doctrínæ lúmine reférta, effecérunt, ut idem Sanctus, adhuc vivens, tamquam Ecclésiæ Doctor, magno honóre hábitus fúerit. In mirífica ac pia devotiόne erga Vírginem immaculátam primum excélluit. Méritis

plenus, Edéssæ in Mesopotámia, décimo quarto Kaléndas Júlii, decéssit sub Valénte príncipe : eúmque Benedictus Papa décimus quintus, ex sacrorum Rítuum Congregatiónis consúlto, universális Ecclésiæ Doctórem declarávit.

Te Deum laudámus.

In III Nocturno

Léctio sancti Evangélii
secúndum Matthæum

Lectio vii Cap. 5, 13-19

IN illo témpore : Dixit Jesus discíplis suis : Vos estis sal terræ. Quod si sal evanúerit, in quo saliétur? Et réliqua.

Homília sancti Ephræm
Syri, Diáconi

*Sermo de vita et exercita-
tione monastica*



Ræclárum est bonum inchoáre atque perficere, et gratum Deo esse et útilem próximo, ipsíque summo ac dulcíssimo rectóri nostro Christo Jesu placére, qui ait : Vos estis sal terræ, et colúmna cælórum. Labor afflictiónis tuæ, dilectíssime, tamquam somnus est; porro labóris réquies inenarrábilis atque inæstimábilis. Atténde ergo tibi ipsi sollicité, ne utrúmque páriter amíttas,

dum néutrum plene persequéris, præsentem scílicet sempiternámque lætítiam. Stude pótius perféctam virtútem cónsequi, ornátam atque insignítam ómnibus quæ diligit Deus. Hanc si assequáris, numquam irritábis Deum neque próximum tuum violábis.

R. Iste est, qui ante Deum magnas virtútes operátus est, et de omni corde suo laudávit Dóminum : * Ipse intercédát pro peccátis ómnium populórum. *R.* Ecce homo sine queréla, verus Dei cultor, ábstinens se ab omni ópere malo. et pérmanens in innocéntia sua. — Ipse.

Lectio viii

Porro virtus ista, única uniúsque speciéi díci-tur, variárum virtútum in se ipsa habens pulchritúdinem. Diadéma régium absque pretiósus lapídibus candentibúsque margarítis conécti texíque non potest; ita et hæc única virtus sine variárum fulgóre virtútum constáre nequit. Est enim profécto simíllima diadématis régio. Nam, ut illi si lapis unus aut margaríta defúerit, in régio cápite lucére pléniter nequit; ita et hæc única virtus, nisi virtútum cete-

rârum honóre conséritur, perfécta virtus non appellátur. Símilis item est pretiosíssimis épulis, exquisitíssimis condiméntis præparátis, sed sale caréntibus. Sicut enim pretiósí illi cibi sine sale cómedi néqueunt : ita et ista virtus unifórmis, si variârum virtútum glória et honóre decorétur, absit autem Dei proximíque diléctio, vilis prorsus atque contemptibilis est.

✠. In médio Ecclésiæ apérui os ejus, * Et implévit eum Dóminus spíritu sapiéntiæ et intelléctus.

✠. Jucunditátem et exultatióem thesaurizávit super eum. — Et. Glória Patri. Et.

Pro Ss. Marco et Marcelliano Martyribus

Lectio ix

MArcus et Marcellianus, fratres Románi, propter christiánam fidem a Fabiáno duce comprehénsi, ad stípitē alligátí sunt, pédibus clavis confíxis. Ad quos cum ita loquerétur iudex : Resipíscite, míseri, et vos ipsos ab his cruciátibus erípíte, responderunt : Numquam tam jucúnde epulátí sumus, quam hæc libénter, Jesu Christi causa, perférimus, in cujus amóre nunc fixi esse cóepimus.

Utinam támdiu nos hæc pati sinat, quámdiu hoc corruptíbili córpore vestítí érimus. Qui diem noctémque in torméntis divínas laudes canéntes, dénique, telis transfixi, ad martýrii glóriam pervenérunt. Quorum córpora via Ardeatína sepúlta sunt.

Te Deum laudámus.

Sicubi autem ix Lectio alijus Officij commemorati non fuerit dicenda, erit sequens

Lectio ix

ADépti sunt quidam hujúsmodi virtútem, ipsámque velut régium diadéma conseréntes, multum ex ea ornaménti cepérunt. Póstrmodum vero, vilíssimæ rei cuiúslibet grátia virtútem ádeo illústrem deduxérunt ad níhilum. Alligáta enim est illórum mens terrenárum rerum curis, atque vínculis hujúsmodi præpedita virtus cælum intráre non pótuit. Vigilánter itaque cave, dilécte mi, ne, te ipsum his néxibus vínciens, inimíco ad prædam páteas; neque mirábilem illam clarissimámque virtútem amíttas quam tanto labóre quæsiísti, neque illam prohibéas cæléstes íngredi jánuas, neque rubóre confúsam ante thálamum státuas, neque capillo uno humi affígi permíttas. Cé-

terum da illi liberam fiduciam vocemque excelsam, ut exsultans intróeat thalamum, ac sublími voce sua præmia répetat.

Te Deum laudámus.

AD LAUDES

✠. Justum dedúxit.

Ad Bened. Ant. Euge, serve bone * et fidélis, quia in pauca fuísti fidélis, supra multa te constituam, intra in gáudium Dómini tui.

Oratio

DEus, qui Ecclesiám tuam beáti Ephræm Confessóris tui et Doctóris mira eruditíone et præcláris vitæ méritis illustráre voluísti : te súpplīces exorámus; ut, ipso intercedente, eam advérsus erroris et pravitatís insídias perénni tua virtúte defénderas. Per Dóminum.

Et fit Commem. Ss. Marci et Marcelliani :

Ant. Vestri capílli cápitis omnes numeráti sunt : nólite timére : multis passéribus meliόres estis vos.

✠. Exsultábunt Sancti.

Oratio

PRæsta, quæsumus, omnipotens Deus : ut, qui sanctórum Mártyrum tuórum Marci et Marcelliani natalítia cólimus; a cunctis malis imminéti-

bus, eórum intercessiónibus liberémur. Per Dóminum.

Vesperæ a Capitulo de seq., Commemoratio præcedentis ac Ss. Gervasii et Protasii Mm.

Die 19 Junii

S. Julianæ
de Falconeriis

Virginis [111] Duplex

IN I VESPERIS

Capit. 2 Cor. 10, 17-18

FRatres : Qui gloriátur, in Dómino gloriétur. Non enim qui seípsum comméndat, ille probátus est; sed quem Deus comméndat.

Hymnus

CÆléstis Agni núptias,
O Juliána, dum petis,
Domum patérnam désersis,
Chorúmque ducis Vírginum.

Sponsúmque suffíxum
cruci

Noctes diésque dum gemis,

Dolóris icta cúspide

Sponsi refers imáginem.

Quin septifórmī vúlnerē
Fles ad genu Deíparæ :
Sed crescit infúsa fletu,
Flammásque tollit caritas.

Hinc morte fessam próxima

Non usitáto te modo

Solatur et nutrit Deus,
Dapem supernam porrigens.

* *Æterne rerum Conditor,*
Æterne Fili par Patri,
Et par utrique Spiritus,
Soli tibi sit gloria. Amen.

℣. Spécie tua et pulchritudine tua. ℞. Intende, prospere procéde, et regna.

In II Vesperis

℣. Diffusa est grátia in lábiis tuis. ℞. Propterea benedixit te Deus in ætérnum.

Ad Magnif. Ant. Veni,
*Sponsa Christi, * áccipe*
corónam, quam tibi Dóminus
præparávit in ætérnum.

Oratio

Deus, qui beátam Juliánam Virgínem tuam extrémó morbo laborántem pretiósó Filii tui corpore mirabíliter recreáre dignátus es : concéde, quæsumus; ut, ejus intercedéntibus méritis, nos quoque eódem in mortis agóne refécti ac roboráti, ad cæléstem pátriam perducámur. Per eúmdem Dóminum.

Et fit Com. præcedentis :

Ant. O Doctor óptime,
Ecclésiæ sanctæ lumen,
beáte Ephræm, divínæ legis
amátor, deprecáre pro
nobis Fílium Dei.

℣. Justum dedúxit.

Oratio Deus, qui Ecclésiám, *ut supra. 628*

Deinde Commem. Ss. Gervasii et Protasii Mm. :

Ant. Istórum est enim regnum cælórum, qui contempsérunt vitam mundi, et pervenérunt ad præmia regni, et lavérunt stolas suas in ságuine Agni.

℣. Lætámini in Dómino.

Oratio

Deus, qui nos ánnua sanctórum Mártyrum tuórum Gervásii et Protásii solemnitáte lætíficas : concéde propítius; ut, quórum gaudémus méritis, accendámur exémpis. Per Dóminum.

AD MATUTINUM

Hymnus Cæléstis Agni núptias, *ut supra. 628*

In II Noeturno

Lectio iv

MUliána, ex nóbili Falconéria família, Claríssimo patre, qui templum Deíparæ ab Angelo salutátæ ære suo magnífice a fundaméntis Floréntiæ, ut nunc vísitur, eréxit, matre Reguardáta, ambóbus jam senescéntibus ac ad id tempus sterílibus, nata est anno millésimo ducentésimo septua-

gésimo. Ab incunábulis non exíguum futúráe sanctitátis spécimen dedit; vagiéntibus quippe labris, suavíssima Jesu et Mariæ nómina ultro proférre audíta est. Puerítiam póstmodum ingrèssa totam se christiánis virtútibus mancipávit, in quibus ádeo excélluit, ut beátus Aléxius pátruus, cujus institútis ac exémpis instruebátur, matri dícere non dubitáverit, ipsam non féminam peperísse, sed ángelum. Nam ita módesto vultu animóque ab omni vel levíssima erróris mácula pura fuit, ut óculos numquam in toto vitæ cursu ad hóminis fáciem intuéndam eréxerit, auditóque peccáti vocábulo contremúerit; immo, scéleris narratióne percúlta, íllico prope exánimis corréxerit. Expléto nondum décimo quinto ætátis suæ anno, re familiári, licet opulénta, terrenisque posthábitis núptiis, Deo virginitátem in mánibus divi Philíppi Benítii solémniter vovit, ab eóque ómnium prima religiósam Mantellatárum hábitum, ut dicunt, sumpsit.

✠. Propter veritátem, et mansuetúdinem, et justítiam : * Et dedúcet te mirabíliter délixtera tua.

✠. Spécie tua et pulchritú-

dine tua inténde, prospere procéde, et regna. — Et.

Lectio v

Juliánæ exémplum secútæ sunt plúrimæ ex nobilióribus familiis féminæ, ac mater ipsa filiæ sese religiósè instituéndam dedit, ita ut, aucto paulátim número, órđinem Mantellatárum institúerit, ac illi pie vivéendi leges summa prudéntia ac sanctitáte tradíderit. Ejus virtútes cum óptime perspéctas divus Benítius haberet, morti próxímus nulli mélius quam Juliánæ, non féminas tantum, sed et totum Servórum órđinem, cujus propagátor et moderátor exstítérat, commendátum vóluit. Verum ipsa demísse semper de se cogitábat; et, cum ceterárum esset magístra, in re quaque doméstica, licet vili, soróribus famulabátur. Assiduitáte orándi íntegras insumébat dies in éxtasim sæpíssime rapta, et, si réliquum, in sedándis cívium dissídiis, criminósis a via iniquitátis retrahéndis, ac inserviéndis impendébat ægrótiis; quorum quandóque sániem ex ulcéribus manántem, admóto ore lambens, eos sanitáti restituébat. Corpus suum flagris, nodósis funículis, férreis cíngulis, vigi-

liis, humi nudæ cubándo, térere sólita fuit. Parcíssimo cibo, et hoc vili, quátuor hebdómadæ diébus, et réliquis duóbus solo Angelórum pane conténta, excépto die sábbati, quo pane solo et aqua nutriébátur.

✠. Dilexisti justítiam, et odísti iniquitátem : * Proptérea unxit te Deus, Deus tuus, óleo lætítiae.

✠. Propter veritátem, et mansuetúdinem, et justítiam. — Proptérea.

Lectio vi

DUra hujúsmodi vivéndi ratióne in stómachi morbum incidit, quo in-gravescénte, cum septuagésimum ætátis annum ágeret, ad extrémum vitæ spátium redácta est. Diutúrnæ valetúdinis incómoda hílari vultu constántique ánimo pértulit; de uno tantum cónqueri audíta est, quod, cum cibum cápere ac retinére nullo modo posset, ab Eucharística mensa ob sacraménti reveréntiam arcerétur. Verum, his in angústiiis constitúta, sacerdotem rogávit, ut allátum divínium Panem, quem ore súmere nequibat, pectori saltem extérius admovéret. Précibus illíus morem gessit sacerdos; et mirum! eódem témporis moménto

divínus Panis dispáruit, et Juliána seréno ac ridénti vultu exspirávit. Res supra fidem tándiu fuit, donec virgíneum de more curarétur corpus : invénta enim est circa sinístrum pectoris latus carni véluti sigillo impréssa forma hóstiæ, quæ Christi crucifixi effigiem repræsentábat. Hujus prodígii fama ceterorúmque miraculórum non Floréntiæ tantum, sed totíus christiáni orbis veneratiónem illi conciliávit, ac per quátuor prope íntegra sácula ádeo aucta est, ut tandem Benedictus Papa décimus tértius in ejus celebritáte Offícium próprium recitári ab univérso órdine beátæ Mariæ Vírginis Servórum jússet. Clemens vero duodécimus, munificentíssimus ejúsdem órdinis protéctor, novis in dies miraculis coruscántem, sanctárum Vírginum catálogo adscripsit.

✠. Afferéntur Regi vírgines post eam, próximæ ejus * Afferéntur tibi in lætítia et exsultatióne.

✠. Spécie tua et pulchritúdine tua inténde, prospere procéde, et regna. — Afferéntur tibi. Glória Patri. Afferéntur tibi.

Pro hoc Festo simplificato

Lectio ix

Juliána, ex nóbili Falco-
néria família, ab incu-
nábulis, vagiéntibus lábiis
suavíssima Jesu et Mariæ
nómina ultro proférre au-
díta est. Expléto nondum
décimo quinto ætátis an-
no, re familiári, licet opu-
lénta, terrenisque nuptiis
posthábitis, Deo virgini-
tátem in mánibus divi
Philíppi Benítii solémniter
vovit, et ab eo ómnium
prima religiósus Mantel-
latárum, quas vocant, há-
bitum sumpsit. Cum vero
ejus exéplum plúrimæ
ex nobilióribus féminis se-
queréntur, et mater filiæ
sese instituéndam dedís-
set, Juliána órđinem Man-
tellatárum instituit. Mira
humilitáte, assíduo ora-
tiónis stúdio, singulári
abstinéntia excélluit. Cum
ob advérsam valetúdinem
cibum cápere ac retinére
nullo modo posset, ideó-
que ab Eucharística mensa
arcerétur, sacerdotem ro-
gávit, ut allátum divínus
Panem, quem ore súmere
nequibat, pectóri saltem
extérius admovéret. Quod
cum sacérdos præstitís-
set, illico divínus Panis
dispáruit, et Juliána ri-
dénti vultu exspirávit.

Te Deum laudámus.

In III Nocturno Homilia in
Ev. Símile erit, de Comuni
Virginum 1 loco. [122]Pro Ss. Gervasio et Protasio
Martyribus

Lectio ix

Gervásius et Protásius,
Vitális et Valériæ filii,
quorum pater Ravénnæ,
mater Medioláni pro Chri-
sti Dómini fide martyrium
subiérunt, distribúto pau-
péribus patrimonío, domé-
sticos servos libertáte do-
nárunt. Quo facto gentí-
lium sacerdótes immáne in
illos concéptum ódium ha-
bébant. Quare, cum Astá-
sius comes in bellum profi-
císci vellet, hanc occasi-
onem perdéndi pios fratres
se nactos esse putavérunt.
Itaque Astásio persuádent
se a diis admónitos esse,
nullo modo eum in bello
victórem futúrum, nisi
Gervásio et Protásio co-
áctis Christum negáre,
eósdem ad sacra diis fa-
ciénda compélleret. Quod
cum illi detestaréntur,
Astásius imperávit Ger-
vásium tándiu cædi, dum
inter vérbera exspiráret;
Protásius m fústibus contú-
sum securi pércuti jubet.
Quorum córpora Philíppus
Christi servus clam sú-
tulit et in suis ædibus se-
pelívit : quæ póstea san-
ctus Ambrósius, Dei mó-
nitu invénta, in loco sacro

et insígni collocánda curávit. Passi sunt Medioláni décimo tértio Kaléndas Júlii.

Te Deum laudámus.

AD LAUDES

✠. Diffúsa est grátia.

Ad Bened. Ant. Símile est regnum cælórum * hómini negotiátóri quærénti bonas margarítas : invénta una pretiósa, dedit ómnia sua, et comparávit eam.

Oratio

DEus, qui beátam Juliánam Vírginem tuam extrémó morbo laborántem pretióso Filii tui corpore mirábiliter recreáre dignátus es : concéde quæsumus, ut ejus intercedéntibus méritis, nos quoque eódem in mortis agóne refécti ac roboráti, ad cælestem pátriam perducámur. Per eúmdem Dóminum.

Et fit Commem. Ss. Gervasii et Protasii Mm.

Ant. Vestri capílli cápitis omnes numeráti sunt : nolíte timére : multis passeribus meliôres estis vos.

✠. Exsultábunt Sancti.

Oratio

DEus, qui nos ánnua sanctórum Mártýrum tuórum Gervásii et Protásii solemnitáte lætíficas : concéde propítius : ut,

quorum gaudémus méritis, accendámur exémplis. Per Dóminum.

In II Vesperis Hymnus Cæléstis Agni, ut in I Vesp. 628

Et fit Commemoratio sequentis.

Die 20 Junii

S. Silverii

Papæ et Martyris [29]

Simplex

Ant. Iste Sanctus pro lege Dei sui certávit usque ad mortem, et a verbis impiórum non tímuit; fundátus enim erat supra firmam petram.

✠. Glória et honóre.

Oratio

GRegem tuum, Pastor æéterne, placátus inténde : et per beátum Silverium Mártýrem tuum atque Summum Pontíficem, perpétua protectióne custódi; quem totíus Ecclésiæ præstitisti esse pastórem. Per Dóminum.

Lectio iii

Silverius, CampánuS, post Agapítum próxime Póntifex creatus est : cujus doctrína et sáncritas illúxit in insectándis hæreticis, et constántis ánni magnitúdo perspécta est in tuéndo judicio Agapíti. Nam Anthimum, quem, quia Eutychiánam hære-

sim defendébat, Agapítus ab episcopátu Constantinopolitáno deposúerat, cum a Theodóra Augústa sæpissime rogátus esset, restitúere nóluit. Quam ob rem iráta múlter mandat Belisário ut Silvérium mittat in exsílum. Qui exsulávit in ínsula Póntia, unde his verbis scripsísse fertur ad Amatórem episcopum : Susténtor pane tribulatiónis et aqua angústiae; nec tamen dimísi, aut dimítto offícium meum. Et sane, brevi incómodis æumnisque confectus, obdormívit in Dómino, duodécimo Kaléndas Júlii. Cujus corpus, Romam delátum et in basilica Vaticaná depósitum, multis miráculis illustrátum fuit. Præfuit Ecclésiæ annos tres et ámplius, creátis mense Decémbri presbýteris trédecim, diáconis quinque, episcopis per diversá loca decem et novem. Te Deum.

℣. Justus ut palma.

Ad Bened. Ant. Qui odit * ánimam suam in hoc mundo, in vitam ætérnam custódit eam.

Oratio

GRegem tuum, Pastor ætérne, placátus inténde : et per beátum Silvérium Mártirem tuum atque Summum Pontifi-

cem, perpétua protectiône custódi; quem totíus Ecclésiæ præstitisti esse pastórem. Per Dóminum.

Vesperæ de sequenti.

Die 21 Junii

S. Aloisii Gonzagæ

Conf. [94] Duplex

℣. Amávit eum Dóminus.

Ad Magnif. Ant. Similábo eum * viro sapiénti, qui ædificávit domum suam supra petram.

Oratio

CÆléstium donórum distribútor, Deus, qui in angélico júvene Aloísio miram vitæ innocéntiam pari cum pœniténtia sociásti : ejus méritis et précibus concéde; ut, innocéntem non secúti, pœniténtem imitémur. Per Dóminum.

In II Nocturno

Lectio iv



Aloísius, Ferdinándi Gonzagæ Castelliónis Stiverórum marchiónis fílius, festinátus propter vitæ perículum baptísimo, prius cælo quam terris nasci visus, primam illam grátiam tam constánter retínuit, ut in ea confirmátus crederétur. A primo ratiónis usu, quo se

Deo statim obtulit, vitam duxit quotidie sanctiorem. Novennis Floréntiæ ante aram beátæ Virginitatis, quam paréntis loco semper hábuit, perpétuam virginitatem vovit; eámque, insígni Dei beneficio, nulla mentis aut córporis pugna tentátam servávit. Réli- quas ánimí perturbatiónes cœpit ætáte illa tam fórtiter comprimere, ut ne primo quidem eárum motu deínde incitarétur. Sensus étiam, óculos præcípuè, ita cohíbuit, ut non modo illos numquam in fáciem inténdit Mariæ Austríacæ, quam plures annos inter honorários Hispaniárum princípis ephébos fere quotidie salutávit; sed a matris étiam vultu continéret : homo propterea sine carne, aut ángelus in carne mérito appellátus.

✠. Honéstum fecit illum Dóminus, et custodívit eum ab inimícis, et a seductóribus tutávit illum :
* Et dedit illi claritátem ætérnam. ✠. Justum dedúxit Dóminus per vias rectas, et osténdit illi regnum Dei. — Et.

Lectio v

ADjécit sénsuum custodiæ, córporis cruciátum. Tria singulis hebdomadis jejúnia, éaque plerúmque módico pane et

aqua tolerábat; quamquam perpétuum fuisse per id tempus ipsíus jejú- nium vidéri potest, cum ejus prándia ferme vix únciam æquárent. Sæpe étiam ter in die se fúribus aut caténis cruentábat; flagélla quandóque canum loris, cilícia equórum cal- cáribus supplévit. Mollem léctulum clam injéctis ás- serum fragméntis asperá- bat, eo étiam ut citius ad orándum excitarétur; ma- gnam quippe noctis par- tem, summa étiam hieme, solo tectus indúsio, pósi- tis humi génibus, vel præ languóre jacens ac pronus, in cæléstium contempla- tióne traducébat. Intérdui quoque tres, quátuor, quinque horas in ea per- stábat immótus, donec unam saltem ánimo nus- quam distrácto percur- risset. Cujus constántiæ præmíum fuit stabilitas mentis inter orándum álio non vagántis, immo per- pétua velut éxtasi in Deo defixæ. Ei demum ut úni- ce adhæreret, victo post triennále acérrimum certá- men patre, et avíti prin- cipátus jure in fratrem transláto, societáti Jesu, ad quam cælésti voce Ma- trítí fúerat accítus, Romæ se adjúnxit.

✠. Amávit eum Dómi- nus, et ornávit eum : sto-

lam glóriæ induit eum,
 * Et ad portas paradísi coronávit eum. **℣.** Induit eum Dóminus lorícam fídei, et ornávit eum. — Et.

Lectio vi

IN tirocínio ipso virtútum ómnium magíster habéri cœpit. Exactíssima in eo erat legum étiam minimárum custódia, mundi contéptus singuláris, implacábile ódium sui; Dei vero amor tam ardens, ut corpus étiam sensim absúmeret. Jussus proptérea mentem a divínis rebus tantisper avértere, occurréntem sibi ubíque Deum írrito conátu fugiébat. Mira étiam próximos caritáte ampléxus, in públicis, quibus alácriter ministrábat, nosocomíis, contagiósam luem traxit. Qua lente consúptus, die, quem prædíxerat, undécimo Kaléndas Júlíi, ætátis anno quarto et vigésimo jam inchoáto, cum ántea flagéllis cædi atque humistratus mori postuláset, migrávit in cælum. Ibi eum sancta María Magdaléna de Pazzis tanta frui glória, Deo monstránte, vidit, quantam vix esse in cælo credidísset; ipsúmque sanctimónia insígnem et caritáte Mártýrem incógnitum fuisse prædicávit. Multis étiam magnísque

cláruit miráculis. Quibus rite probátis, Benedíctus decimus tértius Sanctórum fastis angélicum júvenem adscrípsit, atque innocéntiæ et castitátis exémpLAR simul et patrónum studiósæ præsértim juventúti dedit.

℟. Iste homo perfécit ómnia quæ locútus est ei Deus, et dixit ad eum : Ingrédere in réquiem meam :
 * Quia te vidi justum coram me ex ómnibus géntibus. **℣.** Iste est, qui contémpsit vitam mundi, et pervénit ad cæléstia regna. — Quia. **G**lória Patri. Quia.

Pro hoc Festo simplicato

Lectio ix

ALoísíus, Ferdinándi Gonzágæ Castelliónis Stiverórum marchiónis fílius, festináto propter vitæ perículum baptísimo, prius cælo quam terris nasci visus, primam illam grátiam tam constánter retínuit, ut in ea confirmátus crederétur. Novénis Floréntiæ ante aram beátæ Vírginis, quam paréntis loco semper hábuit, perpétuam virginitátem vovit; eámque, insígni Dei beneficio, nulla mentis aut córporis pugna tentátam servávit, homo proptérea sine carne, aut án-

gelus in carne mérito appellátus. Avíti principátus jure in fratrem transmissó, societáti Jesu Romæ se adjúnxit. In tirocínio ipso ómnium virtútum magíster habéri cœpit. In eo Dei amor erat tam ardens, ut corpus étiam sensim absúmeret. Mira étiam próximos caritáte ampléxus, in públicis, quibus aláriter ministrábat, nosocomíis, contagiósam luem traxit. Qua lente consúptus undécimo Kaléndas Júlii, ætátis anno quarto et vigésimo jam inchoáto, migrávit in cælum. Quem Benedíctus decimus tértius inter Sanctos rétulit, atque innocéntiæ et castitátis exemplar simul et patrónum studiósæ præsertim juvenútí dedit.

Te Deum laudámus.

In III Noeturno

Léctio sancti Evangélíi
secúndum Matthæum

Lectio vii Cap. 22, 29-40

IN illo témpore : Respóndens Jesus ait Sadducæis : Errátis nesciéntes Scriptúras neque virtútem Dei. In resurrectione enim neque nubent neque nubéntur, sed erunt sicut Angeli Dei in cælo. Et réliqua.

Homília sancti Joánnis Chrysóstomi

Liber de Virginitate



Irgínitas est bona : id ego quoque fáteor. Atqui núptiis étiam mélior; et istud tibi asséntior : ac si libet, illud adjúgam, tanto núptiis eam præstáre, quanto cælum terræ, quanto homínibus Angeli antecéllunt; ac, si quid prætérea addéndum est, étiam magis. Nam, si neque nubunt Angeli, neque uxórem ducunt, non étiam carne et ságuine coagmentáti sunt; in terris prætérea non commorántur, non cupiditátum aut libídinum perturbatió nibus sunt obnoxii, non cibi indigent aut potus; non sunt ejusmodi, ut eos dulcis sonus aut cantus mollis aut præclára spécies possit allícere; nulla dénique ejus géneris illécebra capiúntur.

✠. Iste est, qui ante Deum magnas virtútes operátus est, et de omni corde suo laudávit Dóminum : * Ipse intercédát pro peccátis ómnium populórum. ✠. Ecce homo sine queréla, verus Dei cultor, ábstinens se ab omni ópere malo, et pérmanens in innocéntia sua. — Ipse.

Lectio viii

AT humánum genus, cum natúra beátis illis méntibus inférius sit, omni vi studióque conténdit, ut, quoad ejus fieri potest, illas assequátur. Quómodo? Non nubunt Angeli; at neque étiam virgo. Assisténtes illi semper ad Deum, eidem insérviunt; et istud ipsum virgo. Quod si vírgines, quám-diú córporis ónere depri-múntur, quemádmódum Angeli in cælum néqueunt ascéndere; illud eo vel máximo solátio compén-sant, quod modo spírítu et córpore sancti sint, cæli Regem recípiunt. Vidésne virginitátis præstántiam? quómodo terrárum íncolas sic affíciat, ut qui córpore vestítí sunt, eos incorpó-reis méntibus exæquet?

✠. Sint lumbi vestri præ-cínti, et lucérnæ ardéntes in mánibus vestris : * Et vos símiles homínibus ex-spectántibus dómínus suum, quando revertátur a núptiis. ✠. Vigiláte ergo, quia nescítis qua hora Dó-minus vester ventúrus sit. — Et. Glória Patri. Et.

Lectio ix

QUA enim, quæso, re differébant ab Angelis Elías, Eliséus, Joánnes, veri hi virginitátis ama-tóres? Nulla, nisi quod

mortáli natúra constá-bant. Nam cétera si quis diligénter inquírat, hi ní-hilo minus affécti reperién-tur, quam beátæ illæ men-tes : et idípsum quo infe-rióre conditióne vidéntur esse, in magna est eórum laude ponéndum. Ut enim terrárum íncolæ, et ii qui essent mortáli natúra, possent ad illam virtútem vi et contentióne perve-níre; vide quanta eos for-titúdine, quanta vitæ ra-tiÓne præditos fuisse opór-teat!

Te Deum laudámus.

AD LAUDES

✠. Justum dedúxit.

Ad Bened. Ant. Euge, seve bone * et fidélis, quia in pauca fuísti fidé-lis, supra multa te consti-tuam, intra in gáudium Dómini tui.

Oratio

CÆléstium donórum dis-tribútor Deus, qui in angélico júvene Aloísio miram vitæ innocéntiam pari cum pœniténtia so-ciásti : ejus méritis et pré-cibus concéde; ut innocén-tem non secúti, pœnitén-tem imitémur. Per Dómi-num.

**Vesperæ a Capitulo de seq.,
Commemoratio præcedentis.**

Die 22 Junii

S. Paulini

Episcopi et Conf. [69]

Duplex

℣. Amávit eum Dóminus.

Ad Magnif. Ant. Sacér-
dos et Póntifex, * et vir-
tútum ópifex, pastor bone
in pópulo, ora pro nobis
Dóminum.

Oratio

DEus, qui ómnia pro te
in hoc sáculo relin-
quéntibus céntuplum in
futúro et vitam ætérnam
promisisti : concéde propí-
tius; ut, sancti Pontíficis
Paulíni vestígiis inhæren-
tes, valeámus terréna de-
spícere, et sola cæléstia
desideráre : Qui vivis.

Et fit Commem. præced. :

Ant. Hic vir, despiciens
mundum et terréna, triúm-
phans, divítias cælo cón-
didit ore, manu.

℣. Justum dedúxit.

Oratio Cæléstium, ut su-
pra. 638

In II Nocturno

Lectio iv

Breve Pii X d. 18 Sept. 1908



Ontius Merópius
Anícus Paulínus,
anno reparátæ sa-
lútis trecentésimo quin-
quagésimo tértio, a clarís-
sima civium Romanórum
família Burdígale in Aqi-

tánia natus, acri fuit ingé-
nio ac móribus suávis. Ausónio magístro, elo-
quéntiæ ac poéseos laude
excelluit. Prænóbilis ac
ditíssimus, honórum cur-
sum ingressus, florénti
ætáte. senatória dignitáte
potítus est. Dein Itáliam
pétiit consul, et Campá-
niam provínciam nactus,
sedem Nolæ stáuit. Hic
divíno lúmine tactus, ob
cæléstia signa, quæ Felicis
presbýteri Mátyris sepúl-
crum illustrábant, veræ
Christi fidei, quam jam
ánimo cogitábat, impén-
sius adhærere cœpit. Fa-
sces ígitur ac secúrim nul-
la cæde maculátam depó-
suit, et revérsus in Gál-
liam, váriis ærúmnis ac
magnis terra maríque la-
bóribus jactátus, óculo cá-
pitur; sed a beáto Martino
Turonénsi epíscopo sani-
táti restitútus, lustrálibus
baptísmatis aquis a beáto
Delphíno Burdigalénsi an-
tístite ablúitur.

℣. Inveni David servum
meum, óleo sancto meo
unxi eum : * Manus enim
mea auxiliábitur ei. ℣. Ni-
hil proficiet inimicus in eo,
et fílius iniquitátis non
nocébit ei. — Manus.

Lectio v

DIVÍTIIS quibus abundá-
bat spretis, bona vén-
didit pretiúmque paupé-

ribus distribuit, et uxorem linquens Therásiam, mutata pátria et ruptis vñculis carnis, in Hispániam secéssit, venerándam secútus ac toto sibi pretiosiórem orbe Christi paupérem. Barcinóne dum Sacris devóte astáret, solémni die Domínicæ Nativitátis, repentinó admirátæ plebis tumúltu corréptus, ac frustra relúctans, a Lampídio episcopo præsbyter ordinátur. Inde redit in Itáliam, et Nolæ, quo sancti Felícis religiône ductus fúerat, penes illius sepúlcrum monastérium cóndidit, et adscítis sóciis cœnobíticam vitam aggréditur. Hic vir, jam senatória et consulári dignitatē præclárus, stultitiam Crucis ampléxus, toto fere orbe admiránte, vili indútus túnica, vigílias inter ac jejúnia, in assídua cæléstium rerum contemplatióne dies noctésque defixus manébat. Sed, percrebrescénte sanctimóniæ fama, ad Nolánnum episcopátum evéhitur, atque eódem in pastoráli múnere obeúndo, miránda pietátis, sapiéntiæ ac potíssimum caritátis exémpa reliquit.

✠. Pósui adjutórium super poténtem, et exaltávi eléctum de plebe mea :

* Manus enim mea auxiliá-

bitur ei. ✠. Invéni David servum meum, óleo sancto meo unxi eum. — Manus.

Lectio vi

HÆC inter, sapiéntia referta, de religiône ac fide pertractántia edíderat scripta, sæpe étiam númeris indulgens concínnis carmínibus Sanctorum acta concelebráverat, summam christiáni poétæ famam adéptus. Quotquot sanctitátē ac doctrína præstantíssimi viri eo témpore erant, tot sibi amicítia atque admiratióne devínxit. Quamplúrimi ad eum, ceu ad christiánæ perfectiόνis magístrum, undequáquam confluébant. Vastáta a Gothis Campánia, facultátem omnem, ne relictis quidem sibi rebus ad vitam necessariis, in aléndos páuperes et captívos rediméndos cóntulit. Póstea vero, Vándalis eásdem regiónes infestántibus, cum ab eo pósceret vídua ut filium sibi redímeret ab hóstibus captum; consúptis bonis ómnibus in officio pietátis, se ipsum pro illo tradit in servitútem, atque in vñcula conjéctus in Africam rápitur. Tandem, non sine præsentí Dei ope, libertátē donátus et Nolam revérsus, diléctum ovíle bonus pa-

stor revísit; ibíque annum agens septuagésimum octávum ætátis suæ, placidíssimo éxitu obdormívit in Dómino. Corpus, prope sancti Felícis sepúlcrum cónditum, póstea, Longobardórum témpore, Benevéntum, atque, Otóne tértio imperatóre, Romam ad basílicam sancti Bartholomæi ad ínsulam Tiberínam translátum fuit. Pius vero Papa decimus jussit sacras Paulini exúvias Nolæ restitui, et festum ipsius ad ritum dúplicem pro univérsa Ecclésia evéxit.

℟. Iste est, qui ante Deum magnas virtútes operátus est, et omnis terra doctrína ejus repléta est : * Ipse intercédát pro peccátis ómnium populórum. ℣. Iste est, qui contémpsit vitam mundi, et pervénit ad cæléstia regna. — Ipse. Glória Patri. Ipse.

Pro hoc Festo simplicato

Lectio ix

PAULINUS, anno reparátæ salútis trecentésimo quinquagésimo tértio a claríssima civium Romanórum família Burdígalæ natus, senatória dignitáte potítus est. Nolæ consul renuntiátus, divíno lúmine tactus consulátum dimí-

sit, et, Burdígalam revérsus, a beáto Delphíno baptizátus est. Dein, bonórum quibus abundábat prétio paupéribus distribúto, in Hispániam secéssit, ubi présbyter ordinátur. Nolum cum rediisset, penes sancti Felícis sepúlcrum monastérium cóndidit, sociisque adscítis, cœnobíticam vitam eámque arctíssimam est aggréssus. Precrebrescénte ejus sanctimóniæ fama, ad Nolanum episcopátum evéhitur, quo in múnere admiránda pietátis, patiéntiæ ac potíssimum caritátis exéempla reliquit. Multa ad sacram doctrínam pertinentia scripsit, atque insuper eloquéntiæ et poéseos laude excélluit. Vastáta a Gothis Campánia, facultátes omnes in aléndos páuperes et captivos rediméndos cóntulit. Póstea vero, Vándalis eásdem regiónés infestántibus, cum nil ámplius erogándum habéret, se ipsum pro filio cuiúsdam víduæ in servitútem trádidit, et in Africam ductus est. Tandem, Dei ope libertáte donátus, Nolæ placidíssimo éxitu obdormívit in Dómino.

Te Deum laudámus.

In III Nocturno

Lectio sancti Evangelii
secundum Lucam

Lectio vii Cap. 12, 32-34

IN illo tempore : Dixit
Jesus discipulis suis :
Nolite timere, pusillus
grex, quia complacuit Pa-
tri vestro dare vobis re-
gnum. Et reliqua.

Homilia sancti Paulini
EpiscopiSermo, alias Epistola 34
de Gazophylacio

Rotuerat, dilectissi-
mi, Dominus omni-
potens æque uni-
versos divites facere, ut
nemo indigeret altero; sed
infinitæ bonitatis consilio
sic paravit misericors et
miserator Dominus, ut
tuam in illis mentem pro-
bet. Fecit miserum, ut
agnosceret misericordem;
fecit inopem, ut exerceret
opulentum. Materia divi-
tiarum tibi est fraternæ
paupertas, si intelligas su-
per egenum et pauperem,
nec tibi tantum habeas
quod accepisti; quia ideo
et illius partem tibi in hoc
seculo contulit Deus, ut
tibi deberet quidquid de
suis donis tuo voluntario
affectu indigentibus obtu-
lisses, ac te vicissim in
æternæ die de illius parte
ditaret. Per ipsos enim

nunc accipit Christus, et
tunc pro ipsis rependet.

✠. Amavit eum Domi-
nus, et ornavit eum : sto-
lam gloriæ induit eum,
* Et ad portas paradisi
coronavit eum. ✠. Induit
eum Dominus lorica fidei,
et ornavit eum. — Et.

Lectio viii

Refice esuriëntem ani-
mam, et non timébis
in die malo ab ira super-
ventúra. Beátus enim (in-
quit) qui intélligit super
egénium et páuperem, in
die malo liberábit eum Dó-
minus. Operáre igitur et
éxcole hanc regiónem ter-
ræ tuæ, frater, ut gérmi-
net tibi frugem fértilem,
plenam ádipe fruménti,
magno cum fáenore centé-
simum tibi fructum mul-
tiplicáti séminis afferén-
tem. In hujus vel posses-
sionis vel negotiatiónis
appetítum et stúdiúm san-
cta et salutáris est avarí-
tia; nam talis cupiditas,
quæ regnum cæléste me-
rétur et bonum perénne
desíderat, radix bonórum
est. Tales igitur divítias
concupiscite, et hujúsmo-
di possidéte patrimónium,
quod in centénos fructus
vobis créditor pénsitet, ut
vestros quoque vobíscum
bonis perénnibus augeátis
herédes. Posséssio enim
hæc vere magna et pre-

tiósa est, quæ possessórem suum non cúmulo sæculári ónerat, sed réditu ditat ætérno.

✠. Sint lumbi vestri præcincti, et lucernæ ardéntes in má nibus vestris : * Et vos símiles homínibus exspectántibus dóminum suum, quando revertátur a núptiis. ✠. Vigiláte ergo, quia nescítis qua hora Dóminus vester ventúrus sit. — Et. Glória Patri. Et.

Si hodie fuerit Sabbatum,
Lectio ix de Homilia Vigilæ
anticipatæ S. Joannis Bapti-
stæ, et ejus Commemoratio
ad Laudes, ut die sequenti
notatur; secus

Lectio ix

Verum, dilectíssimi, non solum ut bona ætérna quærátis, sed ut mala innúmera vitáre mereámini, præsénti sollicitú dine et sédula operatióne justítiæ providéte. Magno enim adjutório atque præsidio nobis opus est, et multárum atque indeficiéntium oratiónum patrocíniis indigémus. Adversárius enim noster non quiéscit, et in nostrum pérvigil hostis intéritum óbsidet omnes vias nostras. Multæ prætérea nobis in hoc sæculo cruces, innúmera discrimina, morbórum labes, fébrium ignes et dolórum tela grassántur in ánimas, cupiditátum faces accen-

dúntur; ubíque præténti latent láquei, úndique stricti horrent gládii, inter insídias et pugnas vita transígitur, et per ignes dolóso cíneri suppósitos ambulámus. Igitur, priúsqvam in áliquam tantárum ægritúdinum labem casu vel mérito actus incúrras, festína médico suscep tus et carus fieri, ut in témpore necessitátis parátum hábeas remédium salútis. Aliud est, quando tu solus oras pro te; et áliud, quando multitúdo pro te apud Deum trépídat. Te Deum.

AD LAUDES

✠. Justum dedúxit.

Ad Bened. Ant. Euge, serve bone * et fidélis, quia in pauca fuísti fidélis, supra multa te constítuam, dicit Dóminus.

Oratio

Deus, qui ómnia pro te in hoc sæculo relinquéntibus, céntuplum in futúro et vitam ætérnam promisísti : concéde propítius; ut, sancti Pontificis Paulíni vestígiis inhæréntes, valeámus terréna despícere, et sola cæléstia desideráre : Qui vivis.

IN II VESPERIS

✠. Justum dedúxit.

Ad Magnif. Ant. Amávit eum Dóminus, * et

ornávit eum : stolam glóriæ induit eum, et ad portas paradísi coronávit eum.

Die 23 Junii

In Vigilia

S. Joannis Baptistæ

Officium fit de Feria, ut in Ordinario et Psalterio, præter Lectiones et Orationem, quæ dicuntur ut infra, cum Responsoriis tamen de Feria currenti, ut in Proprio de Tempore.

Ad Nocturnum vero in Feria IV tres ultimæ Antiphonæ cum suis Psalmis, et ad Laudes in qualibet Feria Antiphonæ omnes et Psalmi sumuntur de 2 loco; ad Primam additur quartus Psalmus, ut in Psalterio notatur, et ad omnes Horas dicuntur Preces feriales, ut in Psalterio.

Lectio sancti Evangélíi
secúndum Lucam

Lectio i Cap. 1, 5-17

FUIT in diébus Heródis, regis Judææ, sacerdos quidam, nómine Zacharías, de vice Abía et uxor illíus de filiábus Aaron, et nomen ejus Elísabeth. Et reliqua.

Homília sancti Ambrósii
Epíscopi

Liber 1 in Lucam

DOcet nos Scriptúra divína non solum mores in iis qui prædicábiles sunt, sed étiam paréntes

oportére laudári; ut véluti transmissa immaculatæ puritátis heréditas in iis, quos vólumus laudáre, præcéllat. Quæ enim ália inténtio hoc loco sancti Evangelistæ, nisi ut sanctus Joánnes Baptísta nobilitétur paréntibus, miráculis, móribus, múnere, passióne? Sic étiam sancti Sámuel mater Anna laudátur; sic Isaac a paréntibus nobilitátem pietátis accépit, quam pósteris derelíquit. Sacerdos itaque Zacharías, nec solum sacerdos, sed étiam de vice Abía, id est, nóbilis inter superiôres famílias.

Lectio ii

ET uxor, inquit, illi de filiábus Aaron. Non solum igitur a paréntibus, sed étiam a majóribus sancti Joánnis nobilitas propagátur, non sæculári potestáte sublimis, sed religiónis successióne venerábilis. Tales enim majóres habére débuit prænúntius Christi; ut non repénite concéptam, sed a majóribus accéptam et ipso infúsam jure natúræ, prædicáre fidem Domínici viderétur advéntus. Erant, inquit, ambo justí ante Deum, incedéntes in ómnibus mandátis et justificatió nibus Dómini sine queréla. Quid ad hoc réfe-

runt qui, peccátis suis solátia præferéntes, sine peccátis fréquentibus hóminem putant esse non posse; et utúntur versículo, quia scriptum est in Job : Nemo mundus a sorde, nec si unús diéi vita ejus sit in terra?

Lectio iii

Quibus respondéndum est, prius ut quid sit hóminem sine peccáto esse, defíniant : utrum numquam omníno peccásse, an desiísse peccáre. Si enim hoc putant sine peccáto esse, numquam omníno peccásse; et ipse conséntio. Omnes enim peccavérunt, et egent glória Dei. Sin autem eum qui véterem errórem corréxerit et in eam se vitæ trans-

formáverit qualitátem, ut témporet a peccáto, negant abstinére a delictis : non possum in eórum conveníre senténtiam, cum legámus, quia Sic Dóminus diléxit Ecclésiám, ut exhibeat ipsam sibi glóriósam, et non habéntem máculam, aut rugam, aut áliquid ejúsmodi; sed ut sit sancta et immaculáta.

Oratio

Præsta, quæsumus, omnípotens Deus : ut familia tua per viam salutis incédât; et beáti Joánnis Præcursóris hortaménta sectándo, ad eum quem prædíxit, secúra pervéniat, Dóminum nostrum Jesum Christum, Fílium tuum : Qui tecum.

Vesperæ de sequenti.

DIE 24 JUNII

In Nativitate S. Joannis Baptistæ

DUPLEX I CLASSIS CUM OCTAVA COMMUNI

IN I VESPERIS

Ant. 1 Ipse præbít * ante illum in spíritu et virtúte Eliæ paráre Dómino plebem perféctam.

Psalmi ut in I Vesperis de Communi Apostolorum. [3]

2 Joánnes * est nomen ejus : vinum et síceram

non bibet, et multi in nativité ejus gaudébunt.

3 Ex útero senectútis * et stérili Joánnes natus est, præcúrsor Dómini.

4 Iste puer * magnus coram Dómino : nam et manus ejus cum ipso est.

5 Nazaræus * vocábitur puer iste : vinum et síce-

ram non bibet, et omne
immúndum non manducá-
bit ex útero matris suæ.

Capitulum Is. 49, 1

Audíte, insulæ, et attén-
dite, pópuli de longe :
Dóminus ab útero vocávit
me, de ventre matris meæ
recordátus est nóminis
mei.

Hymnus

Ut queant laxis resonáre
fibris

Mira gestórum fámuli tuó-
rum,

Solve pollúti lábii reátum,
Sancte Joánnes.

Núntius celso véniens
Olýmpo,

Te patri magnum fore na-
scitúrum,

Nomen, et vitæ sériem
geréndæ

Ordine promit.

Ille promíssi dúbius su-
pérni,

Pérdidit promptæ módu-
los loquélæ;

Sed reformásti génitus
perémp-tæ

Organa vocis.

Ventris obstrúso récubans
cubíli

Sénseras Regem thálamó
manéntem;

Hinc parens nati méritis
utérque

Abdita pandit.

Sit decus Patri, genitæ-
que Proli,

Et tibi, compar utriúsque
virtus,
Spíritus semper, Deus
unus omni
Témporis ævo.

Amen.

V. Fuit homo missus a
Deo. **R.** Cui nomen erat
Joánnes.

Ad Magnif. Ant. Ingrés-
so * Zacharía templum
Dómini, appáruit ei Gá-
briel Angelus stans a dex-
tris altáris incénsi.

Oratio

Deus, qui præsentem
diem honorábilem no-
bis in beáti Joánnis nati-
vitáte fecísti : da pópulis
tuis spirituálium grátiam
gaudiórum; et ómnium
fidélium mentes dírige in
viam salútis ætérnæ. Per
Dóminum.

**Completorium de Domi-
nica.**

AD MATUTINUM

Invitat. Regem Præcur-
sóris Dóminum, * Veníte,
adorémus. **Ps. 94** Veníte,
exsultémus.

Hymnus

Antra desérti téneris
sub annis,

Cívium turmas fúgiens,
petísti,

Ne levi posses maculáre
vitam

Crímine linguæ.

Præbuit durum tégumen
camélus

Artubus sacris, stróphium
bídentes;

Cui latex haustum, sociá-
ta pastum

Mella locústis.

Céteri tantum cecinére
Vatum

Corde præsågo jubar affu-
túrum;

Tu quidem mundi scelus
auferéntem

Indice prodís.

Non fuit vasti spátium
per orbis

Sánctior quisquam géni-
tus Joáñne,

Qui nefas sæcli méruit la-
vántem

Tíngere lymphis.

Sit decus Patri, genitæ-
que Proli,

Et tibi, compar utriúsque
virtus,

Spíritus semper, Deus
unus omni

Témporis ævo. Amen.

In I Noeturno

Ant. Priúsqvam te for-
márem * in útero, novi te;
et ántequam progredéré-
ris, sanctificávi te.

Psalmus 1



Eátus vir, qui non
ábiit in consílio im-
piórum, et in via
peccatórum non stetit, *
et in cáthedra pestiléntiæ
non sedit :

Sed in lege Dómini vo-
lúntas ejus, * et in lege

ejus meditábitur die ac
nocte.

Et erit tamquam lignum,
quod plantátum est secus
decúrsus aquárum, * quod
fructum suum dabit in
tépore suo :

Et fólium ejus non dé-
fluet : * et ómnia quæcúm-
que fáciat, prosperabún-
tur.

Non sic ímpii, non sic : *
sed tamquam pulvis, quem
próicit ventus a fácie ter-
ræ.

Ideo non resúrgent ímpii
in judício : * neque pecca-
tóres in concílio justórum.

Quóniam novit Dóminus
viam justórum : * et iter
impiórum peribit.

Ant. Priúsqvam te for-
márem in útero, novi te;
et ántequam progredéré-
ris, sanctificávi te.

Ant. Ad ómnia quæ mit-
tam te, * dicit Dóminus,
ibis : ne tímeas, et quæ
mandávero tibi, loquérís
ad eos.

Psalmus 2

Quare fremuérunt gen-
tes, * et pópuli medi-
táti sunt inánia?

Astitérunt reges terræ,
et príncipes convenérunt
in unum * advérsus Dó-
minum, et advérsus Chri-
stum ejus.

Dirumpámus víncula eó-
rum : * et projiciámus a
nobis jugum ipsórum.

Qui hábitat in cælis, irridébit eos : * et Dóminus subsannábit eos.

Tunc loquétur ad eos in ira sua, * et in furóre suo conturbábit eos.

Ego autem constitútus sum Rex ab eo super Sion montem sanctum ejus, * prædicans præceptum ejus.

Dóminus dixit ad me : * Fílius meus es tu, ego hódie génui te.

Póstula a me, et dabo tibi gentes hereditátem tuam, * et possessionem tuam términos terræ.

Reges eos in virga férrea, * et tamquam vas figuli confringes eos.

Et nunc, reges, intelligite : * erudímini, qui iudicátis terram.

Servíte Dómino in timóre : * et exsultáte ei cum tremóre.

Apprehéndite disciplinam, nequándo irascátur Dóminus, * et pereátis de via justa.

Cum exárserit in brevi ira ejus, * beáti omnes qui confidunt in eo.

Ant. Ad ómnia quæ mitam te, dicit Dóminus, ibis : ne timeas, et quæ mandávero tibi, loqueris ad eos.

Ant. Ne timeas * a fácie eórum, quia ego tecum sum, dicit Dóminus.

Psalmus 3

Domine, quid multiplicáti sunt qui trébulant me? * multi insúrgunt advérsus me.

Multi dicunt ánimæ meæ : * Non est salus ipsi in Deo ejus.

Tu autem, Dómine, susceptor meus es, * glória mea, et exáltans caput meum.

Voce mea ad Dóminum clamávi : * et exaudivit me de monte sancto suo.

Ego dormívi et soporátus sum : * et exsurrexi, quia Dóminus suscepit me.

Non timébo míllia pópuli circumdántis me : * exsúrge, Dómine, salvum me fac, Deus meus.

Quóniam tu percussísti omnes adversátes mihi sine causa : * dentes peccatórum contrivísti.

Dómini est salus : * et super pópulum tuum benedíctio tua.

Ant. Ne timeas a fácie eórum, quia ego tecum sum, dicit Dóminus.

℣. Fuit homo missus a Deo. **℟.** Cui nomen erat Joánnes.

Incipit liber Jeremíæ
Prophétæ

Lectio i **Cap. 1, 1-10**



Erba Jeremíæ filii Helcíæ, de sacerdotibus, qui fuérunt in Anathoth, in terra Bén-

jámin. Quod factum est verbum Dómini ad eum in diébus Josíæ filii Amon regis Juda, in tertiodécimo anno regni ejus. Et factum est in diébus Jóakim filii Josíæ regis Juda, usque da consummationem undécimi anni Sedecíæ filii Josíæ regis Juda, usque ad transmigratióem Jerúsalem, in mense quinto. Et factum est verbum Dómini ad me, dicens : Priúsqvam te formárem in útero, novi te : et ántequam exíres de vulva, sanctificávi te, et Prophétam in géntibus dedi te.

℟. Fuit homo missus a Deo, cui nomen erat Joánnes : * Hic venit in testimónium, ut testimónium perhibéret de lúmine, et paráret Dómino plebem perféctam. ℣. Erat Joánnes in desérto prædicans baptísmum pœniténtiæ. — Hic.

Lectio ii

ET dixi, A a a, Dómine Deus : ecce nescio loqui, quia puer ego sum. Et dixit Dóminus ad me : Noli dicere, Puer sum : quóniam ad ómnia, quæ mittam te, ibis : et universa, quæcúmque mandávero tibi, loqueris. Ne timeas a fácie eórum : quia tecum ego sum, ut éruam te, dicit Dóminus. Et misit Dóminus manum suam, et

tétigit os meum : et dixit Dóminus ad me : Ecce dedi verba mea in ore tuo : ecce constitui te hódie super gentes, et super regna, ut evéllas, et déstruas, et dispérdas, et díssipes, et ædífices, et plantes.

℟. Elísabeth Zachariæ magnum virum génuit, Joánnem Baptistam, præcursórem Dómini : * Qui viam Dómino præparávit in erémo. ℣. Fuit homo missus a Deo, cui nomen erat Joánnes. — Qui.

Lectio iii Cap. 1, 17-19

TU ergo accínge lumbos tuos, et surge, et loquere ad eos ómnia quæ ego præcípio tibi. Ne formídes a fácie eórum : nec enim timére te faciám vultum eórum. Ego quippe dedi te hódie in civitátem munitam, et in colúmnam férream, et in murum æreum, super omnem terram, régibus Juda, princípibus ejus, et sacerdotibus, et pópulo terræ. Et bellábunt advérsus te, et non prævalébunt : quia ego tecum sum, ait Dóminus, ut liberem te.

℟. Priúsqvam te formárem in útero, novi te : et ántequam exíres de ventre, sanctificávi te, * Et Prophétam in géntibus dedi te. ℣. Vir diléctus a Deo, et homínibus hono-

rátus est. — Et Prophétam in géntibus dedi te.
Glória Patri. Et.

In II Nocturno

Ant. Misit Dóminus * manum suam, et tétigit os meum, et Prophétam in géntibus dedit me Dóminus.

Psalmus 4



UM invocárem exaudivit me Deus justítiæ meæ : * in tribulatióne dilatásti mihi.

Miserére mei, * et exáudi oratióem meam.

Fílii hóminum, úsquequo gravi corde? * ut quid dilígitis vanitátem, et quæritis mendácium?

Et scitóte quóniam mirificávit Dóminus sanctum suum : * Dóminus exáudiet me cum clamávero ad eum.

Irascímini, et nolíte peccáre : * quæ dicitis in córdibus vestris, in cubílibus vestris compungímini.

Sacrificáte sacrificium justítiæ, et speráte in Dómino. * Multi dicunt : Quis osténdit nobis bona?

Signátum est super nos lumen vultus tui, Dómine : * dedísti lætítiam in corde meo.

A fructu fruménti, vini, et olei sui * multiplicáti sunt.

In pace in idípsum * dormiam, et requiéscam;

Quóniam tu, Dómine,

singuláriter in spe * constituísti me.

Ant. Misit Dóminus manum suam, et tétigit os meum, et Prophétam in géntibus dedit me Dóminus.

Ant. Ecce dedi verba mea * in ore tuo : ecce constitui te super gentes et regna.

Psalmus 5

Verba mea áuribus percípe, Dómine, * intéllige clamórem meum.

Inténde voci oratióis meæ, * Rex meus et Deus meus.

Quóniam ad te orábo : * Dómine, mane exáudies vocem meam.

Mane astábo tibi et vidébo : * quóniam non Deus volens uníquitátem tu es.

Neque habitábit juxta te malignus : * neque permanébunt injústi ante óculos tuos.

Odísti omnes, qui operántur iniquitátem : * perdes omnes, qui loquúntur mendácium.

Virum sánguinem et dólusum abominábitur Dóminus : * ego autem in multítudine misericórdiæ tuæ.

Introíbo in domum tuam : * adorábo ad templum sanctum tuum in timóre tuo.

Dómine, deduc me in justítia tua : * propter inimí-

cos meos dirige in conspectu tuo viam meam.

Quóniam non est in ore eorum veritas : * cor eorum vanum est.

Sepulcrum patens est guttur eorum, linguis suis dolose agébant, * júdica illos, Deus.

Décidant a cogitationibus suis, secúndum multitudinem impietátum eorum expélle os, * quóniam irritavérunt te, Dómine.

Et læténtur omnes, qui sperant in te, * in ætérnum exsultábunt : et habitábis in eis.

Et gloriabúntur in te omnes, qui diligunt nomen tuum, * quóniam tu benedíces justo.

Dómine, ut scuto bonæ voluntátis tuæ * coronásti nos.

Ant. Ecce dedi verba mea in ore tuo : ecce constítui te super gentes et regna.

Ant. Dóminus * ab útero vocávit me, de ventre matris meæ recordátus est nóminis mei.

Psalmus 8

Dómine, Dóminus noster, * quam admirábile est nomen tuum in univérsa terra!

Quóniam eleváta est magnificéntia tua, * super cælos.

Ex ore infántium et lacténtium perfecísti laudem

propter inimícos tuos, * ut déstruas inimícum et ultórem.

Quóniam vidébo cælos tuos, ópera digitorum tuorum : * lunam et stellas, quæ tu fundásti.

Quid est homo, quod memor es ejus? * aut filius hóminis, quóniam vísitas eum?

Minuísti eum paulo minus ab Angelis, glória et honóre coronásti eum : * et constituísti eum super ópera mánuum tuárum.

Omnia subjecísti sub pedibus ejus, * oves et boves univérsas : insuper et pecora campi.

Volúcres cæli, et pisces maris, * qui perámbulant sémitas maris.

Dómine, Dóminus noster, * quam admirábile est nomen tuum in univérsa terra!

Ant. Dóminus ab útero vocávit me, de ventre matris meæ recordátus est nóminis mei.

V. Inter natos mulierum non surrexit major.

R. Joánnē Baptísta.

Sermo sancti Augustíni
Epíscopi

Sermo 20 de Sanctis

Lectio iv



Ost illum sacrosáctum Dómini natális diem, nullíus hóminum nativitatē légi-

mus celebrári, nisi solius beáti Joánnis Baptístæ. In áliis Sanctis et eléctis Dei nóvimus illum diem coli, quo illos, post consummationem labórum et devíctum triumphatúmque mundum, in perpétuas æternitátes præsens hæc vita partúriit. In áliis consummáta últimi diéi mérita celebrántur : in hoc étiam prima dies, et ipsa étiam hóminis inítia consecrántur; pro hac absque dúbio causa, quia per hunc Dóminus advéntum suum, ne súbito hómines insperátum non agnósce-
rent, vóluit esse testátum. Joánnes autem figúra fuit véteris Testaménti, et in se formam prætulit legis? et ideo Joánnes prænuntiávit Salvatórem, sicut lex grátiam præcucúrrit.

✠. Descéndit Angelus Dómini ad Zachariám dicens : Accipe púerum in senectúte tua, * Et habébit nomen Joánnes Baptísta. ✠. Iste puer magnus coram Dómino : nam et manus ejus cum ipso est. — Et.

Lectio v

Quod autem nondum natus de secréto matérni úteri prophetávit, et expers lucis jam testis est veritátis; hoc est intelligéndum, quod latens sub

velámine et carne lítteræ, et Redemptórem mundo spírituprædicávit, et nobis Dóminum nostrum de quodam legis útero proclamávit. Ergo quia Judæi erravérunt a ventre, id est, a lege quæ a Christo grávida erat, erravérunt a ventre, locúti sunt falsa; ideo hic venit in testimónium, ut testimónium perhibéret de lúmine.

✠. Hic est præcúrsor dilectus, et lucérna lucens ante Dóminum : * Ipse est enim Joánnes, qui viam Dómino præparávit in erémo; sed et Agnum Dei demonstrávit, et illuminávit mentes hóminum. ✠. Ipse præíbit ante illum in spíritu et virtúte Eliæ. — Ipse est.

Lectio vi

Quod autem Joánnes in cárcere constitútus ad Christum discipulos suos órdat; lex ad Evangélium transmittit. Quæ lex juxta typum Joánnis, quasi ignorántiæ clausa cárcere, in obscúro et in occúlto jacébat, et Judáica cæcitate sensus intra lítteram tenebátur inclúsus. De hoc beátus Evangelísta prolóquitur : Ille erat lucérna ardens, id est, Spíritus Sancti igne succénsus, ut mundo ignorántiæ nocte posséssó lumen salútis

ostēderet, et quasi inter densissimas delictórum tenebras splendidissimum justitiæ solem lucis suæ rádio demonstráret, et de seípso dicens : Ego vox clamántis in desérto.

℟. Innuébant patri ejus quem vellet vocári eum; et póstulans pugillárem, scripsit dicens : * Joánnēs est nomen ejus. ℣. Apértum est os Zachariæ, et prophetávit dicens. — Joánnēs. Glória Patri. Joánnēs.

In III Nocturno

Ant. Pósuit os meum * Dóminus quasi gládium acútum : sub umbra manus suæ protéxit me.

Psalmus 14



Domine, quis habitábit in tabernáculo tuo? * aut quis requiescet in monte sancto tuo?

Qui ingréditur sine mácula, * et operátur justitiam :

Qui lóquitur veritátem in corde suo, * qui non egit dolum in lingua sua :

Nec fecit próximo suo malum, * et oppróbrium non accépit advérsus próximos suos.

Ad níhilum dedúctus est in conspéctu ejus malignus : * timéntes autem Dóminum glorificat :

Qui jurat próximo suo, et non decipit, * qui pecúniám suam non dedit ad usúram, et múnera super innocentem non accépit.

Qui facit hæc, * non móvêbitur in ætérnum.

Ant. Pósuit os meum Dóminus quasi gládium acútum : sub umbra manus suæ protéxit me.

Ant. Formans me * ex útero servum sibi Dóminus, dicit : Dedi te in lucem géntium, ut sis salus mea usque ad extrémum terræ.

Psalmus 20

Domine, in virtúte tua lætábitur rex : * et super salutáre tuum exsultábit veheménter.

Desidérium cordis ejus tribuísti ei : * et voluntáte labiórum ejus non fraudásti eum.

Quóniam prævenísti eum in benedictiónibus dulcedinis : * posuísti in cápite ejus corónam de lápide pretiósó.

Vitam pétiiit a te : * et tribuísti ei longitúdinem diérum in sáculum, et in sáculum sáculi.

Magna est glória ejus in salutári tuo : * glóriam et magnum decórem impónes super eum.

Quóniam dabis eum in benedictiónem in sáculum sáculi : * lætificábis

eum in gáudio cum vultu tuo.

Quóniam rex sperat in Dómino : * et in misericórdia Altíssimi non commovébitur.

Inveniátur manus tua ómnibus inimícis tuis : * dextera tua invéniat omnes, qui te odérunt.

Pones eos ut clíbanum ignis in témpore vultus tui : * Dóminus in ira tua conturbábit eos, et devorábit eos ignis.

Fructum eórum de terra perdes : * et semen eórum a filiis hóminum.

Quóniam declinavérunt in te mala : * cogitavérunt consília, quæ non potuerunt stabilíre.

Quóniam pones eos dorsum : * in reliquiis tuis præparábis vultum eórum.

Exaltáre, Dómine, in virtúte tua : * cantábitus et psallémus virtútes tuas.

Ant. Formans me ex útero servum sibi Dóminus, dicit : Dedi te in lucem géntium, ut sis salus mea usque ad extrémum terræ.

Ant. Reges vidébunt, * et consúrgent príncipes et adorábunt Dóminum Deum tuum, qui elégit te.

Psalmus 33

Benedícam Dóminum in omni témpore : * semper laus ejus in ore meo.

In Dómino laudábitur ánima mea : * áudiant mansuétí, et læténtur.

Magnificáte Dóminum mecum : * et exaltémus nomen ejus in idípsum.

Exquisívi Dóminum, et exaudivit me : * et ex ómnibus tribulatióibus meis erípuit me.

Accédite ad eum, et illuminámini : * et fácies vestræ non confundéntur.

Iste pauper clamávit, et Dóminus exaudivit eum : * et de ómnibus tribulatióibus ejus salvávit eum.

Immíttet Angelus Dómini in circúitu timéntium eum : * et erípiet eos.

Gustáte, et vidéte quóniam suávis est Dóminus : * beátus vir, qui sperat in eo.

Timéte Dóminum, omnes sancti ejus : * quóniam non est inópia timéntibus eum.

Dívites eguérunt et esuriérunt : * inquirentes autem Dóminum non minuéntur omni bono.

Veníte, filii, audíte me : * timórem Dómini docébo vos.

Quis est homo qui vult vitam : * díligit dies vidére bonos?

Próhibe linguam tuam a malo : * et lábia tua ne loquántur dolum.

Divérte a malo, et fac bonum : * inquire pacem, et perséquare eam.

Oculi Dómini super justos : * et aures ejus in preces eórum.

Vultus autem Dómini super faciéntes mala : * ut perdat de terra memoriám eórum.

Clamavérunt justí, et Dóminus exaudivit eos : * et ex ómnibus tribulatió- nibus eórum liberávit eos.

Juxta est Dóminus iis, qui tribuláto sunt corde : * et húmiles spíritu salvá- bit.

Multæ tribulatiónes justórum : * et de ómnibus his liberábit eos Dóminus.

Custódit Dóminus ómnia ossa eórum : * unum ex his non conterétur.

Mors peccatórum péssi- ma : * et qui odérunt ju- stum, delínquent.

Rédimet Dóminus áni- mas servórum suórum : * et non delínquent omnes qui sperant in eo.

Ant. Reges vidébunt, et consúrgent príncipes et ad- orábunt Dóminum Deum tuum, qui elégit te.

V. Elísabeth Zacharíæ magnum virum genuit.

R. Joánnem Baptistam, præcursórem Dómini.

Léctio sancti Evangélíi
secúndum Lucam

Lectio vii Cap. 1, 57-68

Elísabeth implétum est tempus pariéndi, et péperit fílium. Et audié-

runt vicíni et cognáti ejus quia magnificávit Dómi- nus misericórdiam suam cum illa, et congratula- bántur ei. Et réliqua.

Homilía sancti Ambrósii
Epíscopi

**Liber 2 Comm. in Lucæ
cap. 1, ante finem**



Eperit fílium Elísa- beth, et congra- tulabántur vicíni. Habet Sanctórum editio lætítiam plurimórum, quia commúne est bonum; ju- stítia enim commúnis est virtus. Et ídeo in ortu ju- sti futúrá vitæ insígne præmíttitur, et grátia se- cutúrá virtútis exsulta- tióne vicinórum præfigu- ránte signáitur. Pulchre autem tempus, quo fuit in útero Prophéta, describí- tur, ne Mariæ præsentia taceáitur; sed tempus silé- tur infántiæ, eo quia in- fántiæ impediménta nescí- vit. Et ídeo in Evangélio nihil super eo légimus, nisi ortum ejus, et oráculum, exsultatiónem in útero, vocem in desérto.

R. Præcúrsor Dómini ve- nit, de quo ipse testáitur : * Nullus major inter natos mulierum Joáñne Baptí- sta. **V.** Hic est enim Pro- phéta, et plus quam Pro- phéta, de quo Salvátor ait. — Nullus major inter natos.

Lectio viii

Nequē enim ullam infāntiæ sensit ætātem, qui supra natūram, supra ætātem in útero pōsitus matris, a mensūra cœpit ætātis plenitudinis Christi. Mire sanctus Evangelista præmittendum putavit, quod plūrimi infāntem patris nōmine Zachariām appellāndum putaverint; ut advērtas matri non nomen alicūjus displicuisse degēneris, sed id Sancto infūsum Spīritu, quod ab Angelo ante Zachariæ fūerat prænuntiātum. Et quidem ille mutus intimāre vocābulum filii nequīvit uxōri; sed per prophetiām Elīabeth dīdicit, quod non didīcerat a marīto.

℟. Gábriel Angelus apparuit Zachariæ dicens : Nascētur tibi fīlius, nomen ejus Joānnes vocābitur : * Et multi in nativitate ejus gaudēbunt. ℣. Erit enim magnus coram Dōmino, vinum et sīceram non bibet.— Et. Glória. Et.

Lectio ix

Joānnes est, inquit, nomen ejus; hoc est, non nos ei nomen impōnimus, qui jam a Deo nomen accēpit. Habet vocābulum suum, quod agnōvimus, non quod elēgimus. Habent hoc mérita Sanctó-

rum, ut a Deo nomen accīpiant. Sic Jacob Israël dīcitur, quia Deum vidit. Sic Dóminus noster Jesus nominātus est, ántequam natus; cui non Angelus, sed Pater nomen impōsuit. Vides Angelos quæ audierint, non quæ usurpāverint, nuntiāre. Nec miréris, si nomen mūlier, quod non audīvit, assérui; quando Spīritus ei Sanctus, qui Angelo mandāverat, revelāvit.

Tc Deum laudāmus.

AD LAUDES

et per Horas, Añæ

1 Elīabeth Zachariæ * magnum virum genuit, Joānnem Baptístam, præcursórem Dómini.

Psalmi de Dominica.

2 Innuébant patri ejus * quem vellet vocári eum : et scripsit dicens : Joānnes est nomen ejus.

3 Joānnes vocābitur * nomen ejus : et in nativitate ejus multi gaudēbunt.

4 Inter natos mulierum * non surréxit major Joāne Baptísta.

5 Tu, puer, * Prophéta Altíssimi vocáberis; præíbis ante Dóminum paráre vías ejus.

Capitulum Is. 49, 1

Audíte, ínsulæ, et attēdite, pópuli de longe : Dóminus ab útero vocávit

me, de ventre matris meæ
recordátus est nóminis
mei.

Hymnus

O Nimis felix, meritique
celsi,
Nésciens labem nívei pu-
dóris,
Præpotens Martyr, nemo-
rúmque cultor,
Máxime Vatum.

Serta ter denis álios corón-
nant
Aucta creméntis, dupli-
cáta quosdam,
Trina te fructu cumuláta
centum
Néxibus ornant.

Nunc potens nostri méritis
opímis
Péctoris duros lápidés re-
vélle
Asperum planans iter, et
refléxos
Dirige calles.

Ut pius mundi Sator et
Redémptor
Méntibus culpæ sine labe
puris
Rite dignétur véniens beá-
tos
Pónere gressus.

Láudibus cives célebrent
supérni
Te, Deus simplex paritér-
que trine,
Súpplíces et nos véniam
precámur :
Parce redémp-tis.
Amen.

✠. Iste puer magnus co-
ram Dómino. ✠. Nam et
manus ejus cum ipso est.

Ad Bened. Ant. Apértum
est * os Zachariæ, et pro-
phetávit dicens : Benedi-
ctus Deus Israël.

Oratio

DEus, qui præsentem
diem honorábilem no-
bis in beáti Joánnis nati-
vitáte fecisti : da pópulis
tuis spirituálium grátiam
gaudiórum; et ómnium fi-
délium mentes dirige in
viam salútis æternæ. Per
Dóminum.

**Ad Horas Psalmi de Domi-
nica, ad Primam tamen ut in
Festis.**

AD TERTIAM

**Capitulum ut supra ad
Laudes.**

✠. br. Fuit homo * Mis-
sus a Deo. Fuit. ✠. Cui
nomen erat Joánnes. Mis-
sus. Glória Patri. Fuit.

✠. Inter natos mulie-
rum non surréxit major.
✠. Joánne Baptísta.

AD SEXTAM

Capitulum Is. 49, 5-6

ET nunc, hæc dicit Dó-
minus formans me ex
útero servum sibi : Dedi te
in lucem géntium, ut sis
salus mea usque ad extrémum terræ.

R. br. Inter natos mulierum * Non surréxit major. Inter. **V.** Joánne Baptísta. Non. Glória Patri. Inter.

V. Elísabeth Zachariæ magnum virum genuit. **R.** Joánnem Baptístam, præcursórem Dómini.

AD NONAM

Ant. Tu, puer, * Prophéta Altíssimi vocáberis; præíbis ante Dóminum paráre vias ejus.

Capitulum Is. 49, 7

Reges vidébunt, et consúrgent príncipes et adorábunt Dóminum Deum tuum, et Sanctum Israël, qui elégit te.

R. br. Elísabeth Zachariæ * Magnum virum genuit. Elísabeth. **V.** Joánnem Baptístam, præcursórem Dómini. Magnum. Glória Patri. Elísabeth.

V. Iste puer magnus coram Dómino. **R.** Nam et manus ejus cum ipso est.

IN II VESPERIS

Antiphonæ et Capit. de Laudibus 656; Psalmi ut in I Vesperis de Communi App. [3]

Hymnus

UT queant laxis resonáre fibris

Mira gestórum fámuli tuórum,

Solve pollúti lábii reátum, Sancte Joánnes.

Núntius celso véniens Olýmpo,

Te patri magnum fore nascitúrum,
Nomen, et vitæ sériem geréndæ
Ordine promit.

Ille promíssi dúbius supérni,
Pérdidit promptæ módu-
los loquélæ;
Sed reformásti génitus
peréemptæ
Organa vocis.

Ventris obstrúso récubans
cubíli
Sénseras Regem thálamo
manéntem;
Hinc parens nati méritis
utérque
Abdita pandit.

Sit decus Patri, genitæ-
que Proli,
Et tibi, compar utriúsque
virtus,
Spíritus semper, Deus
unus omni
Témporis ævo. Amen.

V. Iste puer magnus coram Dómino. **R.** Nam et manus ejus cum ipso est.

Ad Magnif. Ant. Puer * qui natus est nobis, plus quam Prophéta est : hic est enim, de quo Salvátor ait : Inter natos mulierum non surréxit major Joánne Baptísta.

Oratio

Deus, qui præsentem diem honorábilem nobis in beáti Joánnis nativitate fecísti : da pópulis

tuis spirituálium grátiam gaudiórum; et ómnium fidélium mentes dirige in viam salutis æternæ. Per Dóminum.

*Et fit Commem. sequentis.
Completorium de Dominica.*

Die 25 Junii

S. Gulielmi Abbatis [94]

Duplex

Ant. Similábo eum viro sapiénti, qui ædificávit domum suam supra petram.

℟. Amávit eum Dóminus.

Oratio

DEus, qui infirmitáti nostræ ad teréndam salutis viam in Sanctis tuis exémplum et præsidium collocásti : da nobis, ita beáti Gulielmi Abbátis mérita venerári; ut ejúsdem excipiámus suffrágia, et vestígia proseguámur. Per Dóminum.

In II Nocturno

Lectio iv



Uliélmus, nobilibus paréntibus Vercélis in Insúbria natus, vix quartum decimum ætátis annum expléverat, cum, miro quodam pietátis ardóre flagrans, Compostellánam peregrinaciónem ad celebérrimum sancti Jacóbi templum aggréssus est. Quod iter una

amictus túnica, ac dúplici férreo círculo præcinctus, nudisque pédibus prosecútus, aspérrima frígoris et æstus, famis et sitis summo cum vitæ discrimine perpéssus est incómmoda. Revérsus in Itáliam, novam ad sanctum Dómini sepúlcrum peregrinaciónem molítur; sed, quo minus propósitum exsequátur, vária atque gravíssima intercédunt impediménta, divíno númine ad altióra et sanctióra religiósam júvenis índolem retrahén-te. Porro in solículo monte biénnum inter assíduas preces, vigílias, chaméunias et jejúnia commorátus, divína subnexus ope, cæco lumen restítuit. Cujus miráculi fama precrebrescénte, jam Guliélmus latére non póterat; quare íterum Jerosólymam cógitat, et álacris se itíneri commíttit.

℟. Honéstum fecit illum Dóminus, et custodívit eum ab inimícis, et a seductóribus tutávit illum :

***** Et dedit illi claritátem æternam. **℟.** Justum dedúxit Dóminus per vias rectas, et osténdit illi regnum Dei. — Et.

Lectio v

DEI autem mónitu, qui eidem apparuit, a propósito revocátur, utilior

ac fructuosior tam apud Italos quam apud éxteras nationés futúrus. Tum monastérium in Virgiliáni montis cacúmине, quod deínde Vírginis est appellátum, loco áspero et inaccesso miránda exædificat celeritáte. Sócios deínde viros et religiósos asciscit, eósque ad vivéndi normam, evangélicis præcéptis et consíliis summó-pere accommodátam, tum certis légibus ex beáti Benedícti institútis magna ex parte desúptis, tum verbo et sanctíssimæ vitæ exémpis infórmát.

✠. Amávit eum Dóminus, et ornávit eum : stollam glóriæ induit eum, * Et ad portas paradísi coronávit eum. ✠. Induit eum Dóminus lorícámi fidei, et ornávit eum. — Et.

Lectio vi

ALIIS deínde monastéris Heréctis, clárior in dies Guliélmi facta sánctitas multos ad eum úndique viros perdúcit, sanctitátis odóre et miraculórum fama alléctos. Nam muti loquélam, surdi audítum, áridi vigórem, varióque et immedicábili morbo laborántes sanitátem, ipsíus intercessióne recepérunt. Aquam in vinum convértit, alíaque complúra mirabília patrávit; inter quæ

illud non siléndum, quod, muliércula ad ejus castitátem tentándam missa, in ardéntibus prunis humistratis illæsum se volutávit. De qua re cértior factus Rogérius, Neápolis rex, in summam viri Dei veneratiónem addúcitur. Demum, témpore sui óbitus regi aliisque prænuntiáto, innúmeris virtútibus et miráculis clarus obdormívit in Dómino, anno salutis millésimo centésimo quadragésimo secúndo.

✠. Iste homo perfécit ómnia quæ locútus est ei Deus, et dixit ad eum : Ingrédere in réquiem meam :

* Quia te vidi justum coram me ex ómnibus géntibus. ✠. Iste est, qui contémpsit vitam mundi, et pervénit ad cæléstia regna. — Quia. Glória Patri. Quia.

Pro hoc Festo simplicitato

Lectio ix

GULIÉLMUS, nobílibus parentibus Vercéllis natus, vix quartum decimum ætátis annum expléverat, cum Compostellánam peregrinatiónem miro spírítu pœniténtiæ ac pietátis ardóre perégit. Dein, nova peregrinatióne ad Christi Dómini sepulcrum frustra tentáta, in

solitáριο monte inter assíduas preces, vígílias et jejúnia per biénnum delítuit. Cum cæco lumen restituísset, hóminum existimatióem fúgiens, monastérium in Virgiliáni montis, quod deínde Virgínis est appellátum, loco áspero et inaccessó exædificat; ibi sócios asciscit, eósque certis légibus, ex beáti Benedícti institútis magna ex parte desúmp-tis, verbo et sanctíssimæ vitæ exémp-lis infórmát. Aliis deínde monastériis eréctis, clárior in dies Guliélmi facta sánctitas multos ad eum úndique viros perdúcit, frequéntium étiam miraculórum fama alléctos. Demum, témpore sui óbitus prænuntiáto, obdormívit in Dómino, anno salutis millésimo centésimo quadragésimo secúndo.

Te Deum laudámus.

In III Nocturno Homilia in Evang. Ecce nos reliquimus, de Communi Abbatum 1 loco, [107]

AD LAUDES

℣. Justum dedúxit.

Ad Bened. Ant. Euge, serve bone * et fidélis, quia in pauca fuísti fidélis, supra multa te constítuam, intra in gáudium Dómini tui.

Oratio

Deus, qui infirmitáti nostræ ad teréndam salutis viam in Sanctis tuis exémplum et præsidium collocásti : da nobis, ita beáti Guliélmi Abbátis mérita venerári; ut ejúsdem excipiámus suffrágia, et vestígia prosequámur. Per Dóminum.

Deinde fit Commemoratio Octavæ S. Joannis Baptistæ :

Ant. Apértum est os Zachariæ, et prophetávit dicens : Benedíctus Deus Israël.

℣. Iste puer magnus coram Dómino. ℟. Nam et manus ejus cum ipso est.

Oratio

Deus, qui præsentem diem honorábilem nobis in beáti Joánnis nativité fecísti : da pópulis tuis spirituálium grátiam gaudiórum; et ómnium fidélium mentes dírige in viam salutis æternæ. Per Dóminum.

Vesperæ a Capitulo de seq., Commemoratio præcedentis et Oct. S. Joannis Baptistæ.

Die 26 Junii

Ss. Joannis et Pauli

Martyrum [49] Duplex

IN I VESPERIS

Quando dicendæ sint integræ, Antiphonæ de Laudibus

665; Psalmi ut in I Vesperis
de Communi App. [3]

Capitulum Sap. 3, 1-3

Justórum ánimæ in ma-
nu Dei sunt, et non
tanget illos torméntum
mortis. Visi sunt óculis
insipiéntium mori; illi au-
tem sunt in pace.

Hymnus

Sanctórum méritis ín-
clyta gáudia
Pangámus, sócii, gésta-
que fórtia :

Gliscens fert ánimus pró-
mere cántibus
Victórum genus óptimum.

Hi sunt, quos fátnie mun-
dus abhórruit;

Hunc fructu vácuum, fló-
ribus áridum

Contempsére tui nóminis
ásseclæ,

Jesu, Rex bone Cælitum.

Hi pro te fúrias atque mi-
nas truces

Calcárunť hómínium, sæ-
vaque vérbera :

His cessit lácerans fórtiter
úngula,

Nec carpsit penetrália.

Cædúntur gládiis more bi-
déntium :

Non murmur résonat, non
querimónia;

Sed corde impávido mens
bene cónschia

Consérvat patiéntiam.

Quæ vox, quæ póterit lin-
gua retéxere

Quæ tu Martýribus mú-
nera præparas?

Rubri nam flúido sángu-
ine, fúlgidis

Cingunt témpora láureis.

Te, summa o Déitas, ún-
que póscimus :

Ut culpas ábigas, nóxia
súbtrahas,

Des pacem fámulis; ut tibi
glóriam,

Annórum in sériem, ca-
nant.

Amen.

V. Lætámini in Dómino
et exsultáte, justí. **R.** Et
gloriámini, omnes recti
corde.

Ad Magnif. Ant. Astité-
runt * justí ante Dómi-
num, et ab ínvicem non
sunt separáti : cálicem
Dómini bibérunt, et amíci
Dei appelláti sunt.

Oratio

Quæsumus, omnipotens
Deus : ut nos gemi-
náta lætítia hodiérnæ fe-
stivitátis excípiat, quæ de
beatórum Joánnis et Pauli
glorificatióne procédit;
quos éadem fides et pássio
vere fecit esse germános.
Per Dóminum.

Et fit Com. præcedentis :

Ant. Hic vir, despiciens
mundum et terréna, triúm-
phans, divítias cælo cón-
didit ore, manu.

V. Justum dedúxit.

Oratio

DEus, qui infirmitati nostræ ad terendam salutis viam in Sanctis tuis exemplum et præsidium collocasti : da nobis, ita beati Gulielmi Abbatis merita venerari; ut ejusdem excipiamus suffragia, et vestigia prosequamur. Per Dñm.

Deinde Commemor. Octavæ S. Joannis Baptistæ :

Ant. Puer, qui natus est nobis, plus quam Propheta est : hic est enim, de quo Salvator ait : Inter natos mulierum non surrexit major Joanne Baptista.

℣. Iste puer magnus coram Dño. **℟.** Nam et manus ejus cum ipso est.

Oratio

DEus, qui præsentem diem honorabilem nobis in beati Joannis natiuitate fecisti : da populis tuis spirituâlium grâtiâ gaudiõrum; et omnium fideliũ mentes dirige in viam salutis æternæ. Per Dñm.

Completorium de Feria.

AD MATUTINUM

In I Nocturno, si sumendæ sint de Comuni, Lectiones Fratres : Debitores. [52]

In II Nocturno

Lectio iv



Moannes et Paulus fratres Romani, cum facultatibus a Constantia Constantini filia, cui pie fideliterque servierant, sibi relictis, Christi pauperes alerent; a Julião Apóstata in numerum familiarium suorum invitati, libere negaverunt se apud eum esse velle, qui a Jesu Christo defecisset. Quibus ille ad deliberandum decem dies præfinit, ut nisi ad eam diem ei adherere et Jovi sacrificare constituerint, sibi moriendum esse certo sciant.

℟. Isti sunt duo viri misericordiæ, qui assistunt ante Dñm, * Dominatorem universæ terræ.

℣. Isti sunt duæ olivæ, et duo candelabra lucéntia ante Dñm. — Dominatorem.

Lectio v

Illi intra id tempus reliqua sua bona distribuérunt pauperibus, quo expeditiores ad Dñm migrare possent, et plures juvarent, a quibus in æterna tabernacula reciperentur. Die décima Terentiãnus prætoriæ cohórtis præfèctus, ad eos missus cum allata Jovis effigie ut eam venerarentur, imperatoris mandatum eis ex-

pónit, ut nisi Jovi cultum adhíbeant, moriántur. Qui, ut erant orántes, responderunt, se pro Christi fide, quem Deum mente et ore venerabántur, non dubitánter mortem subitúros.

℟. Vidi conjúctos viros, habéntes spléndidas vestes, et Angelus Dómini locútus est ad me, dicens :

* Isti sunt viri sancti facti amíci Dei. ℣. Vidi Angelum Dei fortem, volántem per médium cælum, voce magna clamántem et dicéntem. — Isti.

Lectio vi

AT Terentiánus véritus, ne, si públice interficeréntur, pópulus commoverétur; domi, ubi tunc erant, abscíssis eórum capítibus, sexto Kaléndas Júlii secréto eos sepeliéndos curávit; rumorémque sparsit, Joánnem et Paulum in exsílum ejéctos esse. Verum eórum mors a spirítibus immúndis, qui multórum córpora vexábant, pervulgáta est; in quibus Terentiáni filius, et ipse opprèssus a dæmone, ad sepúlcrum Mártýrum perductus, liberátus est. Quo miráculo et is in Christum crédidit, et ejus pater Terentiánus; a quo étiam horum beatórum Mártýrum vita scripta esse dicitur.

℟. Tamquam aurum in fornáce probávit eléctos Dóminus, et quasi holocáusti hóstiam accépit illos; et in témpore erit respéctus illórum, * Quóniam donum et pax est eléctis Dei. ℣. Qui confidunt in illum, intélligent veritátem : et fidéles in dilectióne acquiescent illi. — Quóniam. Glória Patri. Quóniam.

Pro hoc Festo simplificato

Lectio ix

Joánnes et Paulus, fratres Románi, cum facultátes a Constantia, Constantíni filia, cui pie fidelitérque servierant, sibi relíctas, in Christi páuperes distribúerent, a Juliáno Apóstata in númerum familiárium suórum invitáti, libere negavérunt se apud eum esse velle, qui a Jesu Christo defecisset. Quare præfínitum est eis spátium decem diérum, ut Jovi sacrificáre induceréntur; quod scelus patráre cum constantissime recusássent, Terentiáno júdice, abscíssis domi capítibus, martýrii palmam meruérunt. Eórum gloriósus éxitus a spirítibus immúndis est pervulgátus, qui multórum vexábant córpora; in quibus Terentiáni filius, et ipse opprés-

sus a dæmone, ad sepulcrum Mártyrum liberátus est. Quo miraculo et is in Christum crédidit, ut ejus pater Terentiánus; a quo étiam horum beatórum Mártyrum vita scripta esse dicitur.

Te Deum laudámus.

In III Nocturno Homilia in Ev. Atténdite a fermento, de Communi plurimorum Mártyrum 3 loco. [67]

℟. viii Hæc est vera fraternitas. [67]

AD LAUDES

Ant. 1 Paulus et Joánnēs * dixerunt Juliáno : Nos unum Deum cólimus, qui fecit cælum et terram.

Psalmi de Dominica.

2 Paulus et Joánnēs * dixerunt Terentiáno : Si tuus dóminus est Juliánus, habéto pacem cum illo : nobis álius non est, nisi Dóminus Jesus Christus.

3 Joánnēs et Paulus, * agnoscéntes tyránnidem Juliáni, facultátes suas paupéribus erogáre cœperunt.

4 Sancti spíritus * et animæ justórum, hymnum dícite Deo, allelúja.

5 Joánnēs et Paulus * dixerunt ad Gallicánum : Fac votum Deo cæli, et eris victor mélius quam fuísti.

Capitulum Sap. 3, 1-3

Iustórum animæ in manu Dei sunt, et non tanget illos tormentum mortis. Visi sunt óculis insipientium mori; illi autem sunt in pace.

Hymnus

REX glorióse Mártyrum, Coróna confiténtium, Qui respuéntes térrea Perdúcis ad cæléstia :

Aurem benígnam prótinus Inténde nostris vóci bus : Trophæa sacra pángimus : Ignósce quod delíquimus.

Tu vincis inter Mártyres Parcísque Confessoribus : Tu vince nostra crimina, Largítor indulgéntiæ.

Deo Patri sit glória, Ejúsque soli Fílio, Cum Spíritu Paráclito, Nunc, et per omne sæculum.

Amen.

℟. Exsultábunt Sancti in glória. ℟. Lætabúntur in cubilibus suis.

Ad Bened. Ant. Isti sunt Sancti, * qui pro Christi amóre minas hóminum contempsérunt : sancti Mártyres in regno cælórum exsúltant cum Angelis. O quam pretiósá est mors Sanctórum, qui assidue assístunt ante Dóminum, et ab invicem non sunt separáti!

Oratio

QUæsumus omnípotens Deus : ut nos geminata lætítia hodiérnæ festivitátis excípiat, quæ de beatórum Joánnis et Pauli glorificatióne procédit; quos éadem fides et pássio vere fecit esse germános. Per Dóminum.

Pro Commemoratione Octavæ S. Joannis Baptistæ :

Ant. Apértum est os Zachariæ, et prophetávit dicens : Benedíctus Deus Israël.

℣. Iste puer magnus coram Dómino. *℟.* Nam et manus ejus cum ipso est.

Oratio

DEus, qui præsentem diem honorábilem nobis in beáti Joánnis nativitate fecisti : da pópulis tuis spirituálium grátiam gaudiórum; et ómnium fidélium mentes dírige in viam salutis ætérnæ. Per Dóminum.

Ad Horas Antiphona et Psalmi de Feria; ad Primam Lectio brevis Fulgébunt justi, et ad reliquas Horas Capitulum et ℟. br. de Comuni.

Sicubi autem hoc Festum sub ritu duplici I vel II classis recolatur, Antiphonæ de Laudibus ut supra, cum Psalmis de Dominica ut in Festis.

IN II VESPERIS

Antiphonæ de Laudibus 665; Psalmi ut in I Vesperis de Comuni App. [3], sed loco ultimi dicitur Psalmus 115 Crédidi. [18]

Capitulum Sap. 3, 1-3

IUSTÓrum animæ in manu Dei sunt, et non tanget illos tormentum mortis. Visi sunt óculis insipiéntium mori; illi autem sunt in pace.

Hymnus

SANCTÓrum méritis inclitya gáudia Pangámus, sócii, géstaque fórtia :

Gliscens fert ánimus prómere cántibus

Victórum genus óptimum.

HI sunt, quos fátnie mundus abhóruit;

Hunc fructu vácuum, flóribus áridum

Contempsére tui nóminis ásseclæ,

Jesu, Rex bone Cælitum.

Hi pro te fúrias atque minas truces

Calcárant hóminum, sávaque vérbera :

His cessit lácerans fórtiter úngula,

Nec carpsit penetrália.

Cædúntur gládiis more bidentium :

Non murmur résonat, non querimónia;

Sed corde impávido mens
bene cónschia
Consérvat patiéntiam.

Quæ vox, quæ póterit lin-
gua retéxere
Quæ tu Martýribus mú-
nera præparas?
Rubri nam flúido sángu-
ine, fúlgidis
Cingunt témpora láureis.

Te, summa o Déitas, úna-
que póscimus :
Ut culpas ábigas, nóxia
súbtrahas,
Des pacem fámulis; ut
tibi glóriam,
Annórum in sériem, ca-
nant. Amen.

℟. Exsultábunt Sancti in
glória. **℣.** Lætabúntur in
cubílibus suis.

Ad Magnif. Ant. Isti
sunt * duæ olívæ, et duo
candelábra lucéntia ante
Dóminum; habent pote-
státem cláudere cælum
núbibus et aperíre portas
ejus, quia linguæ eórum
claves cæli factæ sunt.

Oratio

QUæsumus, omnípotens
Deus : ut nos gemi-
náta lætítia hodiérnæ fe-
stivitátis excípiat, quæ
de beatórum Joánnis et
Pauli glorificatióne pro-
cédit; quos éadem fides
et pássio vere fecit esse
germános. Per Dómi-
num.

Et fit Commemoratio seq.
diei infra Oct. S. Joannis.
Completorium de Feria.

Die 27 Junii

De IV die infra Octavam

S. Joannis

Semiduplex

Ant. Ingréssó Zacharía
templum Dómini, appá-
ruit ei Gábriel Angelus
stans a dextris altáris in-
cénsi.

℟. Fuit homo missus a
Deo. **℣.** Cui nomen erat
Joánnes.

¶ Si vero hac die faciendum
non sit Officium de Octava,
tunc dicitur

Ant. Puer qui natus est
nobis, plus quam Prophé-
ta est : hic est enim, de
quo Salvátor ait : Inter
natos mulierum non surré-
xit major Joáanne Baptísta.

℟. Iste puer magnus co-
ram Dómino. **℣.** Nam et
manus ejus cum ipso est.

Oratio Deus, qui præsen-
tem. 666

Ad Matutinum et reliquas
Horas Antiphonæ, Psalmi et
Versus Nocturnorum de oc-
currenti hebdomadæ die, ut
in Psalterio; reliqua ut in Fe-
sto 646, præter Lectiones,
quæ in I Nocturno dicuntur
de Scriptura occurrenti cum
suis Responsoriis de Tem-
pore, in II et III ut hic ha-
bentur.

In II Noeturno
Sermo sancti Basilii
Magni

Homilia 2 in Psalm. 28

Lectio iv



VOX Dómini super aquas. Qualis vox? super quas aquas? Velut prophetiam accipiámus quod dictum est. Memíneris Joánnis, qui interrogátus a Judæis : Tu quis es? quod respónsum dábitus iis, qui misérunt nos? respóndit : Ego vox clamántis in desérto. Igitur vox Dómini est Joánnes, Angelus a Deo missus ante faciém Dómini, ut paráret Dómino plebem perféctam. Hæc igitur vox super aquas, erat super Jordánem, in quo baptizábat prædicans pœniténtiæ baptismum; et non solum in Jordáne, sed étiam in Ænon prope Salim, quia aquæ multæ erant illic.

℟. Descéndit Angelus Dómini ad Zachariám, dicens : Accipe púerum in senectúte tua : * Et habébit nomen Joánnes Baptísta. ℣. Iste puer magnus coram Dómino : nam et manus ejus cum ipso est. — Et.

Lectio v

Igitur vox Dómini super aquas, Joánnes est super baptismum. Illic et Deus majestátis intónuit;

venit enim vox de cælo, dicens : Hic est Filius meus diléctus, in quo mihi complácuí. Tunc étiam Dóminus super aquas multas dignátus est descéndere in baptísma Joánnis, ut compléret omnem justítiam quæ in lege est. Vox Dómini in virtúte. Auferet enim debilitátes pópuli per pœniténtiæ baptismum, per ipsum baptizans in aqua ad pœniténtiam. In virtúte est vox, dicens : Pœniténtiam ágite, appropinquávit enim regnum cælórum; et : Fácite fructus dignos pœniténtiæ.

℟. Hic est præcúrsor diléctus, et lucérna lucens ante Dóminum : * Ipse est enim Joánnes, qui viam Dómino præparávit in erémo; sed et Agnum Dei demonstrávit, et illuminávit mentes hóminum. ℣. Ipse præíbit ante illum in spíritu et virtúte Eliæ. — Ipse.

Lectio vi

VOX Dómini confringéntis cedros. Potest dici quod, parans Dómino pópulum perféctum, eláttas impietátes et contra cognitióem Dei exaltátas confringens ac cónterens, oblíqua faciébat recta. Qui enim omnem collem ac montem humiliat, hic erat qui confringébat cedros, et

Dómino viam adæquábat, per hoc quod ad poeniténtiam inducébat altum, et elátum, et supérbum cor. Unde ejus præparatióem suscípiens Dóminus, suo advéntu confrégit oppósitas poténtias, cedros Líbani figuráte dictas. Opórtet enim Dóminum regnáre, donec ponat inimícos sub pedes suos, et cedros istas commínuat.

℟. Innuébant patri ejus quem vellet vocári eum : et póstulans pugillárem, scripsit dicens : * Joáñnes est nomen ejus. ✠. Apértum est os Zachariæ, et prophetávit dicens. — Joáñnes. Glória Patri. Joáñnes.

In III Nocturno

Léctio sancti Evangélii
secúndum Lucam

Lectio vii Cap. 1, 57-68

ELisabeth implétum est tempus pariéndi, et péperit filium. Et audiérunt vicíni et cognáti ejus quia magnificávit Dóminus misericórdiam suam cum illa, et congratulábantur ei. Et réliqua.

De Homília

sancti Ambrósii Epíscopi

Liber 2 in Luc. cap. 1, in fine



ET Zachariás pater ejus implétus est Spíritu Sancto, et prophetábat. Vide quam

bonus Deus, et fácilis indulgére peccátis; non solum abláta restituit, sed étiam insperáta concédit. Ille dudum mutus prophétat; hæc enim grátia Dei máxima, quod eum, qui negáverat, confitétur. Nemo ergo diffídat, nemo véterum cóncilius delictórum præmia divína despéret. Novit Dóminus mutáre senténtiam, si tu nóveris emendáre delíctum.

℟. Præcúrsor Dómini venit, de quo ipse testátur : * Nullus major inter natos mulierum Joáñne Baptísta. ✠. Hic est enim prophéta, et plus quam prophéta, de quo Salvátor ait. — Nullus.

Lectio viii

ET tu, puer, prophéta Altíssimi vocáberis. Pulchre, cum de Dómino prophetáret, ad prophétam sua verba convértit, ut hoc quoque benefícium esse Dómini designáret; ne, cum públice enumeráret sua, quasi ingrátus tacuisse viderétur quæ agnoscébat in filio. Sed fortásse áliqui quasi irrationábilem mentis excéssum putent, quod octo diérum allóquitur infántem. Verum, si teneámus, intelligémus profecto quod pótuit vocem patris natus

audire, qui Mariæ salutatiōnem, ántequam nasceretur, audívit.

℟. Gábriel Angelus apparuit Zachariæ, dicens : Nascetur tibi filius, nomen ejus Joánnes vocábitur : * Et multi in nativitáte ejus gaudébunt. ℣. Erit enim magnus coram Dómino, vinum et síceram non bibet. — Et. Glória Patri. Et.

¶ Si hodie fuerit Sabbatum, ix Lectio de Homilia Vigilie anticipatæ Ss. Petri et Pauli App., et ejus Commemoratio ad Laudes, ut die sequenti notatur; secus

Lectio ix

SCiēbat profecto álias esse aures prophætæ, quæ Spíritu Dei, non corporis ætáte reserántur. Habēbat intelligēdi sensum, qui exsultādi habēbat affēctum. Simul illud advérte, quam paucis Elísabeth, quam multis Zachariás prophætet; et utérque Sancto replētus Spíritu loquebátur : sed disciplina servátur, ut múlter discere magis quæ divína sunt stúdeat, quam docere.

Te Deum laudámus.

Vesperæ de sequenti, Commemoratio præcedentis.

Die 28 Junii

S. Irenæi

Episcopi et Martyris [29]

Duplex

℣. Glória et honóre.

Ad Magnif. Ant. Iste Sanctus * pro lege Dei sui certávit usque ad mortem, et a verbis impiórum non tímuit; fundátus enim erat supra firmam petram.

Oratio

DEus, qui beáto Irenáo Mártýri tuo atque Pontífici tribuísti, ut et veritáte doctrínæ expugnáret hæreses, et pacem Ecclésiæ feliciter confirmáret : da, quæsumus, plebi tuæ in sancta religiōne constántiam; et pacem tuam nostris concéde temporibus. Per Dóminum.

Et fit Commemoratio præcedentis diei infra Octavam Nativitatis S. Joannis :

Ant. Puer qui natus est nobis, plus quam Prophéta est : hic est enim, de quo Salvátor ait : Inter natos mulierum non surréxit major Joánnē Baptísta.

℣. Iste puer magnus coram Dómino. ℟. Nam et manus ejus cum ipso est.

Oratio

DEus, qui præsentem diem honorábilem nobis in beáti Joánnis nati-

vitâte fecisti : da pópulis tuis spirituálium grátiam gaudiórum; et ómnium fidélium mentes dírige in viam salútis æternæ. Per Dóminum.

In II Nocturno

Lectio iv

IRenæus, non longe ab urbe Smyrna in Asia præconsulâri natus, jam inde a púero sese Polycárpo, Joánnis Evangelistæ discipulo eidémque episcopo Smyrnæórum, tradiderat in disciplinam. Hoc tam excellenti magistro, progréssus in doctrína præceptisque christiánæ religiónis insignes fecit. Polycárpo in cælum martýrii glória sublato, etsi erat Irenæus in sacris lítteris egrégie versátus, quod tamen incredíbili stúdio flagrâret discéndi quæ dógmata depósiti loco custodiénda ceteri accepissent, quos Apóstoli institúerant; horum quam pótuit plures convénit, quæque ab iisdem audívit, mémori mente ténuít, ea deinceps oportúne advérsus hâereses allatúrus, quas cum vidéret ingénti pópuli christiáni damno látius in dies manâre, diligénter copiosèque reféllere cogitârat. In Gállias inde proféctus, a Pothíno episcopo prés-

byter est constitútus Ecclésiæ Lugdunénsis. Quod munus sic laborándo in verbo et doctrína gessit, ut (téstibus sanctis Martýribus, qui, Marco Aurélio imperatóre, strénue pro vera pietáte certánt) æmulatórem sese præstíterit testaménti Christi.

℟. Honéstum fecit illum Dóminus, et custodívit eum ab inimícis, et a seductóribus tutávit illum : * Et dedit illi claritátem æternam. ℣. Descendítque cum illo in fóveam : et in vínculis non derelíquit eum. — Et.

Lectio v

CUM Mártýres ipsi clérusque Lugdunénsis de pace Ecclesiárum Asiæ, quam Montanistárum fáctio turbárat, solliciti cum primis essent, Irenæum, cujus esse potíssimum habéndam ratióne prædicábant, unum ómnium máxime delegérunt, quem Romam ad Eleuthérium Pontíficem mitterent rogátum, ut, novis sectáriis auctoritáte Sedis Apostólicæ reprobátis, discordiárum causa tollerétur. Jam Pothínus episcopus martyr decésserat : huic Irenæus cum successisset, tam feliciter munus óbiit episcopátus, ut sapiéntia, oratióne exemplóque suo

non modo brevi cives Lugdunenses omnes, sed multos etiam aliarum Galliae urbium incolas superstitionem atque errorem abjecisse, dedisseque christianae militiae nomina viderit. Interea, cum de die celebrandi Paschatis orta esset contentio, ac Victor, Romanus Pontifex, Asianos episcopos ab collegis reliquis fere omnibus dissidentes aut prohibuisset communionem sacrorum, aut prohibere minatus esset, eum Irenaeus, sequenter pacis, decenter monuit, exemplisque usus Pontificum superiorum induxit, ut ne tot Ecclesias ob ritum quem a maioribus accepisse se dicerent, avelli ab unitate catholica pateretur.

✠. Desiderium animae ejus tribuisti ei, Domine,

* Et voluntate labiorum ejus non fraudasti eum.

✠. Quoniam prevenisti eum in benedictionibus dulcedinis, posuisti in capite ejus coronam de lapide pretioso. — Et.

Lectio vi

Multa scripsit, quae Eusebius Caesariensis et sanctus Hieronymus memorant, quorumque pars magna intercidit injuria temporum. Extant ejus adversus haere-

ses libri quinque, anno circiter centesimo octogesimo perscripti, dum adhuc Eleutherius rem christianam publicam gereret. In tertio libro vir Dei, ab iis edoctus quos auditores constat fuisse Apostolorum, grave in primis atque praeclarum de Romana Ecclesia, deque illius episcoporum successione, divinae traditionis fidei, perpetua, certissima custode, testimonium dixit. Atque ad hanc, dixit, Ecclesiam propter potiores principalitatem necesse est omnem convenire Ecclesiam, hoc est eos qui sunt undique fideles. Postremo una cum aliis prope innumerabilibus, quos ipse ad veram fidem frugemque perduxerat, martyrio coronatus migravit in caelum, anno salutis ducentesimo secundo, quo tempore Septimius Severus Augustus eos omnes, qui constanter in colenda christiana religione perstare voluissent, in summum cruciatum dari atque interfici imperaverat. Sancti Irenaei festum Benedictus decimus quintus Pontifex Maximus ad universam Ecclesiam extendit.

✠. Stola jucunditatis induit eum Dominus : * Et coronam pulchritudinis posuit super caput ejus.

✠. Cibávit illum Dóminus pane vitæ et intelléctus : et aqua sapiéntiæ salutáris potávit illum. — Et. Glória Patri. Et.

In III Noeturno

Léctio sancti Evangélii
secúndum Matthæum

Lectio vii Cap. 10, 28-33

IN illo témpore : Dixit Jesus discipulis suis : Nolíte timére eos, qui occidunt corpus, ánimam autem non possunt occidere; sed pótius timéte eum qui potest et ánimam et corpus pérdere in gehénnam. Et réliqua.

Homília sancti Irenæi
Epíscopi et Mártiris

Lib. 3 adversus Hæreses
cap. 18, alias 20, num. 5-6

SCiēbat Dóminus eos qui persecutiónem passúri essent; sciēbat et eos qui flagellári et occídi habérent propter eum. Erat ergo sermo ejus, adhortántis étiam illos : Nolíte timére eos qui occidunt corpus, ánimam autem non possunt occidere. Timéte autem magis eum qui habet potestátem et corpus et ánimam mittere in gehénnam, et serváre eas quæ essent ad eum confessiões. Etenim ipse confessúrum se promittēbat coram patre suo eos, qui confiteréntur no-

men suum coram homínibus; negatúrum autem eos, qui negárent eum et confusúrum, qui confunderéntur contra confessiōnem ejus. Et, cum hæc ita se hábeant, ad tantam temeritátem progréssi sunt quidam, ut étiam Mártires spernant, et vitúperent eos qui propter Dómini confessiōnem occidúntur, et sústinent ómnia a Dómino prædicta, et secúndum hoc conántur vestigia ássequi passiōnis Dómini, passíbilis Mártires facti; quos et concédimus ipsis Martýribus. Cum enim inquirétur sanguis eórum, et glóriam consequéntur, tunc a Christo confundéntur omnes, qui inhonoravérunt eórum martýrium.

✠. Coróna áurea super caput ejus, * Expréssa signo sanctitátis, glória honoris, et opus fortitúdinis.

✠. Quóniam prævenísti eum in benedictiōnibus dulcédinis, posuísti in cápite ejus corónam de lápide pretiόso.—Expréssa.

Lectio viii

HOC autem idem et illis occúrrit, qui dicunt eum putatíve passum. Si enim non vere passus est, nulla grátia ei, cum nulla fúerit pássio; et nos, cum incipiémus vere pati, sedúcens vidébitur, adhór-

tans nos vapulâre et âlteram præbère maxillam, si ipse illud non prior in veritate passus est. Et, quemâmodum illos seduxit, ut videretur eis ipse hoc quod non erat; et nos seducit, adhörtans perfërre ea quæ ipse non pertulit. Erimus autem et super Magistrum, dum pâtimur et sustinémus quæ neque passus est neque sustinuit Magister. Sed, quóniam solus vere magister Dóminus noster, et bonus vere Fílius Dei; et pâtiens Verbum Dei Patris, fílius hóminis factus. Luctátus est enim et vicit; erat enim homo pro pâtribus certans, et per obediéntiam inobediéntiam persólvens. Alligávit enim fortem, et solvit infirmos, et salútem donávit plásmati suo, destruens peccátum. Igitur qui dicunt eum putatíve manifestátum, neque in carne natum, neque vere hóminem factum, adhuc sub véteri sunt damnatione.

✠. Hic est vere Martyr, qui pro Christi nómine sánguinem suum fudit :

* Qui minas júdicum non tímuit, nec terrénæ dignitátis glóriam quæsívit, sed ad cæléstia regna pervénit. ✠. Justum dedúxit Dóminus per vias rectas, et osténdit illi regnum

Dei. — Qui minas. Glória Patri. Qui minas.

Pro Vigilia Ss. Petri et Pauli Apostolorum :

Léctio sancti Evangélíi secúndum Joánnem

Lectio ix Cap. 21, 15-19

IN illo témpore : Dixit Jesus Simóni Petro : Simon Joánnis, díligis me plus his? Et réliqua.

Homília sancti Augustíni Epíscopi

Tract. 123 in Joann., num. 5

Reditur negatióni trínæ trina conféssio, ne minus amóri lingua sérviat quam tímóri, et plus vocis elicuisse videátur mors ímminens quam vita præsens. Sit amóris officium páscere Domínicum gregem, si fuit tímóris indícium negáre Pastórem. Qui hoc ánimo pascunt oves Christi, ut suas velint esse non Christi, se convíncuntur amáre non Christum; vel gloriándi, vel dominándi, vel acquiréndi cupiditate, non obediéndi, et subveniéndi, et Deo placéndi caritate.

-Te Deum laudámus.

¶ Sicubi autem ix Lectio alí-cujus Officíi commem. non fuerit dicenda, erit sequens

Lectio ix

Cap. 25, alias 46 num. 7

NOS autem precámur non perseveráre eos in fóvea quam ipsi fodérunt,

sed legítimè eos generári convérsos ad Ecclésiám Dei, et formári Christum in eis, et cognóscere eos fabricatórem et factórem hujus universitátis solum verum Deum et Dóminum ómnium. Hæc precámur de illis, útilius eos diligéntes quam ipsi semetipsos putant diligere. Quæ enim est a nobis diléctio, cum sit vera, salutáris est eis, si quidem eam recípiant. Est enim austéro medicámini símilis, absúmens improbiórem ac superflúam vúlneris carnem; elatióem enim illórum et inflatióem evácuat. Quapropter tentántes omni virtúte manum porrigere eis, non tædébit nos.

Te Deum laudámus.

AD LAUDES

℟. Justus ut palma.

Ad Bened. Ant. Qui odit * ánimam suam in hoc mundo, in vitam ætérnam custódit eam.

Oratio

DEus, qui beáto Irenæo Mártýri tuo atque Pontífici tribuísti, ut et veritáte doctrínæ expugnáret hæreases, et pacem Ecclésiæ felíciter confirmáret :

da, quæsumus, plebi tuæ in sancta religióne constantiam; et pacem tuam nostris concéde temporibus. Per Dóminum.

Deinde fit Commemoratio Octavæ S. Joannis :

Ant. Apértum est os Zachariæ, et prophetávit dicens : Benedíctus Deus Israël.

℟. Iste puer magnus coram Dómino. ℟. Nam et manus ejus cum ipso est.

Oratio

DEus, qui præsentem diem honorábilem nobis in beáti Joánnis nativitate fecísti : da pópulis tuis spirituálium grátiam gaudiórum; et ómnium fidélium mentes dirige in viam salutis ætérnæ. (Per Dóminum.)

Deinde Commemoratio Vigiliæ Ss. Petri et Pauli App. :

Antiphona et Versus de Feria occurrenti, ut in Psalterio.

Oratio

PRæsta, quæsumus, omnípotens Deus : ut nullis nos permittas perturbatióibus cóncuti; quos in apostólicæ confessiósni petra solidásti. Per Dóminum.

Vesperæ de sequenti sine ulla Commemoratione.

SS. Apostolorum Petri et Pauli

DUPLEX I CLASSIS CUM OCTAVA COMMUNI

Omnia de Communi Apostolorum [3], præter ea quæ hic habentur propria.

IN I VESPERIS

Ant. 1 Petrus et Joannes * ascendebant in templum ad horam orationis nonam.

2 Argéntum et aurum * non est mihi : quod autem hábeo, hoc tibi do.

3 Dixit Angelus ad Petrum : * Circúmدا tibi vestiméntum tuum, et séquere me.

4 Misit Dóminus * Angelum suum, et liberávit me de manu Heródis, allelúja.

5 Tu es Petrus, * et super hanc petram ædificábo Ecclésiám meam.

Capitulum Act. 12, 1-3

Misit Heródes rex manus ut afflígeret quosdam de Ecclésia. Occídit autem Jacóbum fratrem Joánnis gládio. Videns autem quia placéret Judæis, appósuit ut apprehénderet et Petrum.

Hymnus

DEcóra lux æternitátis, áuream
Diem beátis irrigávit ignibus,

Apostolórum quæ coronat
Príncipes,
Reisque in astra liberam
pandit viam.

Mundi Magíster atque cæli
Jánitor,
Romæ paréntes arbitríque
géntium,
Per ensis ille, hic per crucis
victor necem
Vitæ senátum laureáti
póssident.

O Roma felix, quæ duórum
Príncipum
Es consecráta glorióso
sánguine!
Horum cruóre purpuráta
céteras
Excéllis orbis una pulchritú-
dines.

Sit Trinitáti sempitérna
glória,
Honor, potéstas atque jubilá-
tio,
In unitáte, quæ gubérnat
ómnia,
Per univérsa sæculórum
sæcula. Amen.

℟. In omnem terram exí-
vit sonus eórum. **℣.** Et in
fines orbis terræ verba eó-
rum.

Ad Magnif. Ant. Tu es
pastor óvium, * Princeps
Apostolórum : tibi tráditæ

sunt claves regni cælórum.

Oratio

DEus, qui hodiérnam diem Apostolorum tuorum Petri et Pauli martyrio consecrásti : da Ecclésiæ tuæ, eorum in ómnibus sequi præcéptum; per quos religiónis sumpsit exórdium. Per Dóminum.

Et non fit Commemoratio S. Pauli.

AD MATUTINUM

In I Nocturno

De Actibus Apostolorum

Lectio i Cap. 3, 1-16

Petrus autem et Joánes ascendebant in templum ad horam oratiónis nonam. Et quidam vir, qui erat claudus ex útero matris suæ, bajulabátur; quem ponebant quotidie ad portam templi, quæ dicitur Speciósá, ut péteret eleemósynam ab introeúntibus in templum. Is, cum vidisset Petrum et Joánnem incipientes introire in templum, rogábat ut eleemósynam acciperet. Intuens autem in eum Petrus cum Joáne, dixit : Réspice in nos. At ille intendébat in eos, sperans se áliquid acceptúrum ab eis.

℟. Simon Petre, ántequam de navi vocárem te,

novi te, et super plebem meam principem te constitui : * Et claves regni cælórum trádidi tibi. ℣. Quodcúmque ligáveris super terram, erit ligátum et in cælis; et quodcúmque sólveris super terram, erit solútum et in cælis. — Et.

Lectio ii

Petrus autem dixit : Argéntum et aurum non est mihi : quod autem habeo, hoc tibi do : In nómine Jesu Christi Nazaréni surge, et ámbula. Et, apprehénsa manu ejus dextera, allevávit eum, et prótinus consolidátæ sunt bases ejus, et plantæ. Et exsiliens stetit, et ambulábat; et intrávit cum illis in templum ámbulans, et exsiliens, et laudans Deum. Et vidit omnis pópulus eum ambulátem, et laudátem Deum. Cognoscébant autem illum, quod ipse erat, qui ad eleemósynam sedébat ad Speciósam portam templi : et impléti sunt stupóre et éxtasi in eo, quod contígerat illi.

℟. Si díligis me, Simon Petre, pasce oves meas. Dómine, tu nosti, quia amo te, * Et ánimam meam pono pro te. ℣. Si oportúerit me mori tecum, non te negábo. — Et ánimam.

Lectio iii

CUM tenéret autem Petrum et Joánnem, cucúrrit omnis pópulus ad eos ad pórticum, quæ appellátur Salomónis, stupéntes. Videns autem Petrus, respóndit ad pópulum : Viri Israëlítae, quid mirámini in hoc, aut nos quid intuémini, quasi nostra virtúte aut potestáte fecérimus hunc ambuláre? Deus Abraham, et Deus Isaac, et Deus Jacob, Deus patrum nostrórum glorificávit Fílium suum Jesum, quem vos quidem tradidístis et negástis ante faciém Piláti, judicánte illo dimítti. Vos autem Sanctum et Justum negástis, et petístis virum homicídam donári vobis : Auctórem vero vitæ interfecístis, quem Deus suscitávit a mórtuis, cujus nos testes sumus. Et in fide nóminis ejus, hunc, quem vos vidístis et nostis, confirmávit nomen ejus : et fides, quæ per eum est, dedit íntegram sanitátem istam in conspéctu ómnium vestrum.

℟. Tu es Petrus, et super hanc petram ædificábo Ecclésiám meam, et portæ inferi non prævalébunt advérsus eam : * Et tibi dabo claves regni cælórum. ℣. Quodcúmque ligáveris super terram, erit

ligátum et in cælis; et quodcúmque sólveris super terram, erit solútum et in cælis. — Et. Glória Patri. Et.

In II Noeturno

Sermo sancti Leónis Papæ

Sermo 1 in natali App.

Petri et Pauli

Lectio iv



Mnium quidem sanctárum solemnítatum, dilectíssimi, totus mundus est párticeps, et unius fidei píetas éxigit, ut quidquid pro salúte universórum gestum recólitur, commúnibus ubíque gáudiis celebrétur. Verúmtamen hodiérna festívitás, præter illam reveréntiam quam toto terrárum orbe proméruit, speciáli et própria nostræ Urbis exsultatióne veneranda est; ut, ubi præcipuórum Apostolórum glorificátus est éxitus, ibi in die martýrii eórum sit lætítiæ principátus. Isti enim sunt viri, per quos tibi Evangélium Christi, Roma, resplénduit; et, quæ eras magístra erróris, facta es discípula veritátis.

℟. Dómine, si tu es, jube me veníre ad te super aquas. * Et exténdens manum apprehéndit eum, et dixit Jesus : Módicæ fidei, quare dubitásti? ℣. Cumque vidísset ven-

tum válidum veniéntem, tímuit; et, cum cœpísset mergi, clamávit dicens : Dómine, salvum me fac. — Et.

Lectio v

Isti sunt patres tui varíque pastóres, qui te regnis cæléstibus inseréndam multo mélius multóque felícitus condidérunt, quam illi quorum stúdio prima mcénium tuórum fundaménta locáta sunt; ex quibus is qui tibi nomen dedit, fratérna te cæde fœdávit. Isti sunt, qui te ad hanc glóriam provexérunt, ut gens sancta, pópulus eléctus, civitas sacerdotális et régia, per sacram beáti Petri Sedem caput orbis effécta, látius præsidéres religióne divína quam dominatióne terréna. Quamvis enim, multis aucta victóriis, jus impérii tui terra maríque protúleris; minus tamen est quod tibi béllicus labor súbdidit, quam quod pax christiána subjécit.

✠. Surge, Petre, et índue te vestiméntis tuis, áccipe fortitúdinem ad salvándas gentes : * Quia cecidérunt caténæ de mánibus tuis.

✠. Angelus Dómini ástitit, et lumen refúlsit in habitáculo cárceris, percussóque látere Petri, excitávit eum, dicens : Surge velóciter. — Quia.

Lectio vi

Dispósito namque divínus óperi máxime congruébat, ut multa regna uno confœderaréntur império, et cito pèrvios habéret pópulos prædicatio generális, quos unius tenéret régimen civitátis. Hæc autem civitas ignórans suæ provectiόνis auctórem, cum pene ómnibus dominarétur gèntibus, ómnium gèntium serviébat erróribus; et, magnam sibi videbátur assumpsísse religiónem, quia nullam respúerat falsitátem. Unde, quantum erat per diábolum tenácius illigáta, tantum per Christum est mirabílius absolúta.

✠. Tu es pastor óvium, Princeps Apostolórum, tibi trádedit Deus ómnia regna mundi : * Et ideo tibi tráditæ sunt claves regni cælórum. ✠. Quodcúmque ligáveris super terram, erit ligátum et in cælis; et quodcúmque sólveris super terram, erit solútum et in cælis. — Et. Glória. Et.

In III Nocturno

Léctio sancti Evangélii
secúndum Matthæum

Lectio vii Cap. 16, 13-19

IN illo témpore : Venit Jesus in partes Cæsariæ Philíppi, et interrogábat discípulos suos, di-

cens : Quem dicunt hómines esse Fílium hóminis? Et réliqua.

Homilía sancti Hierónymi
Presbýteri

Liber 3 Comment. in Matth.
cap. 16



Ulchre intérogat : Quem dicunt hómines esse Fílium hóminis? quia qui de filio hóminis loquúntur, hómines sunt; qui vero divinitátem ejus intélligunt, non hómines, sed díi appellántur. At illi dixerunt : Alii Joánnem Baptístam, álii autem Elíam. Miror quosdam intérpretes causas errórum inquírrere singulórum, et disputatió-nem longíssimam téxere, quare Dóminum nostrum Jesum Christum álii Joánnem putáverint, álii Elíam, álii Jeremíam aut unum ex prophétis; cum sic potúerint erráre in Elía et Jeremía, quo modo Heródes errávit in Joánnem, dicens : Quem ego decollávi Joánnem, ipse surréxit a mórtuis, et virtútes operántur in eo.

✠. Ego pro te rogávi, Petre, ut non deficiat fides tua : * Et tu aliquándo convérsus confirma fratres tuos. ✠. Caro et sanguis non revelávit tibi, sed Pater meus, qui est in cælis. — Et.

Lectio viii

VOS autem quem me esse dicitis? Prudens lector, atténde quod, ex consequéntibus textúque sermónis, Apóstoli nequáquam hómines, sed díi appellántur. Cum enim dixisset : Quem dicunt hómines esse Fílium hóminis? subjécit : Vos autem quem me esse dicitis? Illis, quia hómines sunt, humana opinántibus, vos qui estis díi, quem me esse existimátis? Petrus ex persóna ómnium Apostolorum profitétur : Tu es Christus Fílius Dei vivi. Deum vivum appellat, ad distinctiónem eórum deórum, qui putántur díi, sed mórtui sunt.

✠. Quem dicunt hómines esse Fílium hóminis? dixit Jesus discipulis suis. Respóndens Petrus dixit : Tu es Christus Fílius Dei vivi. * Et ego dico tibi, quia tu es Petrus, et super hanc petram ædificábo Ecclésiám meam. ✠. Beátus es, Simon Bar-Jona, quia caro et sanguis non revelávit tibi, sed Pater meus, qui est in cælis. — Et. Glória Patri. Et.

Lectio ix

Respóndens autem Jesus, dixit ei : Beátus es, Simon Bar-Jona. Testimónio de se Apóstoli

reddit vicem. Petrus dixerat : Tu es Christus Filius Dei vivi; mercedem recepit vera confessio : Beatus es, Simon Bar-Jona. Quare? Quia non revelavit tibi caro et sanguis, sed revelavit Pater. Quod caro et sanguis revelare non potuit, Spiritus Sancti gratia revelatum est. Ergo ex confessione sortitur vocabulum, quod revelationem ex Spiritu Sancto habeat, cujus et filius appellandus sit. Si quidem Bar-Jona in nostra lingua sonat Filius columbæ.

Te Deum laudamus.

AD LAUDES

et per Horas, Añæ

1 Petrus et Joannes * ascendebant in templum ad horam orationis nominam.

2 Argentum et aurum * non est mihi : quod autem habeo, hoc tibi do.

3 Dixit Angelus ad Petrum : * Circumda tibi vestimentum tuum, et sequere me.

4 Misit Dominus * Angelum suum, et liberavit me de manu Herodis, allelúja.

5 Tu es Petrus, * et super hanc petram ædificabo Ecclesiam meam.

Capitulum Act. 12, 1-3

Misit Herodes rex manus ut affligeret quosdam de Ecclesia. Occidit

autem Jacobum fratrem Joannis gladio. Videns autem quia placeret Judæis, apposuit ut apprehenderet et Petrum.

Hymnus

BEáte Pastor, Petre, clemens áccipe
Voces precántum, criminúmque víncula
Verbo resólve, cui potéstas tráditá
Aperíre terris cælum, apértum cláudere.

Egrégie Doctor, Paule, mores ínstrue,
Et nostra tecum péctora in cælum trahe;
Veláta dum merídiem cernat fides,
Et solis instar sola regnet caritas.

Sit Trinitáti sempitérna glória,
Honor, potéstas atque jubilátio,
In unitáte, quæ gubérnat ómnia,
Per univérsa æternitátis sácula. Amen.

℟. Annuntiavérunt ópera Dei. ℟. Et facta ejus intellexérunt.

Ad Bened. Ant. Quodcúmque * ligáveris super terram, erit ligátum et in cælis; et quodcúmque soláveris super terram, erit solútum et in cælis : dicit Dóminus Simóni Petro.

Oratio

DEus, qui hodiernam diem Apostolorum tuorum Petri et Pauli martyrio consecrasti : da Ecclesiae tuae, eorum in omnibus sequi praeceptum; per quos religionis sumpsit exordium. Per Dominum.

AD PRIMAM

Ant. Petrus et Joannes * ascendebant in templum ad horam orationis nominam.

AD TERTIAM

Ant. Argentum et aurum * non est mihi : quod autem habeo, hoc tibi do.

Capitulum Act. 12, 1-3

Misit Herodes rex manus ut affligeret quosdam de Ecclesia. Occidit autem Jacobum fratrem Joannis gladio. Videns autem quia placeret Judaeis, apposuit ut apprehenderet et Petrum.

℟. br. In omnem terram * Exiit sonus eorum. In. **℣.** Et in fines orbis terrae verba eorum. Exiit. **Gloria Patri.** In.

℣. Constitues eos principes super omnem terram. **℟.** Memores erunt nominis tui, Domine.

AD SEXTAM

Ant. Dixit Angelus ad Petrum : * Circumda tibi

vestimentum tuum, et sequere me.

Capitulum Act. 12, 5

Petrus quidem servabatur in carcere; oratio autem fiebat sine intermissione ab Ecclesia ad Deum pro eo.

℟. br. Constitues eos principes * Super omnem terram. Constitues. **℣.** Memores erunt nominis tui, Domine. Super. **Gloria Patri.** Constitues. **℣.** Nimis honorati sunt amici tui, Deus. **℟.** Nimis confortatus est principatus eorum.

AD NONAM

Ant. Tu es Petrus, * et super hanc petram aedificabo Ecclesiam meam.

Capitulum Act. 12, 11

Et Petrus ad se reversus dixit : Nunc scio vere quia misit Dominus Angelum suum, et eripuit me de manu Herodis et de omni expectatione plebis Judaeorum.

℟. br. Nimis honorati sunt * Amici tui, Deus. Nimis. **℣.** Nimis confortatus est principatus eorum. Amici. **Gloria Patri.** Nimis honorati. **℣.** Annuntiaverunt opera Dei. **℟.** Et facta ejus intellexerunt.

IN II VESPERIS

Antiphonae et Psalmi de Communi [18]; Capitulum

Misit, **et Hymnus** Decóralux, **ut in I Vesperis.** 676

℣. Annuntiavérunt ópera Dei. ℟. Et facta ejus intellexérunt.

Ad Magnif. Ant. Hódie * Simon Petrus ascéndit crucis patíbulum, allelúja : hódie claviculárius regni gaudens migrávit ad Christum : hódie Paulus Apóstolus, lumen orbis terræ, inclináto cápite, pro Christi nómine martýrio coronátus est, allelúja.

Et non fit Com. S. Pauli.

Ubi vero fit Officium S. Pauli in ecclesia propria vel hoc Festum extra diem suam celebretur :

IN I VESPERIS

Antiphonæ et Capitulum de Laudibus 694; **Psalmi ut in I Vesperis de Communi App.** [3]

Hymnus Egrégie Doctor, **ut infra.**

℣. Tu es vas electiónis, sancte Paule Apóstole. ℟. Prædicátor veritátis in univérso mundo.

Ad Magnif. Ant. Sancte Paule Apóstole, * prædicátor veritátis et doctor géntium, intercède pro nobis ad Deum, qui te elégit.

Oratio

Deus, qui multitudínem géntium beáti Pauli Apóstoli prædicatióne do-

cuísti : da nobis, quæsumus; ut, cujus natalítia cólimus; ejus apud te patrocínia sentiámus. Per Dóminum.

Et fit Com. S. Petri Ap. tantum ut infra ad Laudes.

Completorium de Dominica.

Die 30 Junii

In Commemoratione S. Pauli Apostoli

Duplex majus

Omnia de Communi Apostolorum [3], præter ea, quæ hic habentur propria.

AD MATUTINUM

Invit. Regem Apostolórum Dóminum, * Veníte, adorémus. **Ps. 94** Veníte, exsultémus.

Hymnus

Egrégie Doctor, Paule, mores ínstrue,
Et nostra tecum péctora in cælum trahe;
Veláta dum merídiem cernat fides,
Et solis instar sola regnet caritas.

Sit Trinitáti sempitérna glória,
Honor, potéstas atque jubilátio,
In unitáte, quæ gubérnat ómnia,
Per univérsa æternitátis sæcula. Amen.

In I Noeturno

Ant. Qui operátus est * Petro in apostolátum, operátus est et mihi inter gentes : et cognovérunt grátiam, quæ data est mihi a Christo Dómino.

Psalmus 18



Æli enarrant glóriam Dei, * et ópera mánuum ejus annúntiat firmaméntum.

Dies diéi erúctat verbum, * et nox nocti índicat sciéntiam.

Non sunt loquélæ, neque sermónes, * quorum non audiántur voces eórum.

In omnem terram exívit sonus eórum : * et in fines orbis terræ verba eórum.

In sole pósuit tabernáculum suum : * et ipse tamquam sponsus procedens de thálamo suo :

Exsultávit ut gigas ad curréndam viam, * a summo cælo egréssio ejus :

Et occúrsus ejus usque ad summum ejus : * nec est qui se abscondat a calore ejus.

Lex Dómini immaculáta, convértens ánimas : * testimónium Dómini fidéle, sapiéntiam præstans párvulis.

Justítiæ Dómini rectæ, lætificántes corda : * præcéptum Dómini lúcidum, illúminans óculos.

Timor Dómini sanctus,

pérmanens in sáculum sáculi : * judícia Dómini vera, justificáta in semetipsa.

Desiderabilia super aurum et lápidem pretiósus multum : * et dulcióra super mel et favum.

Etenim servus tuus custódit ea, * in custodiéndis illis retribútio multa.

Delicta quis intélligit? ab occúltis meis munda me : * et ab aliénis parce servo tuo.

Si mei non fúerint domináti, tunc immaculátus ero : * et emundábor a delicto máximo.

Et erunt ut compláceant elóquia oris mei : * et meditátio cordis mei in conspéctu tuo semper.

Dómine, adjútor meus, * et redémptor meus.

Ant. Qui operátus est Petro in apostolátum, operátus est et mihi inter gentes : et cognovérunt grátiam, quæ data est mihi a Christo Dómino.

Ant. Scio cui crédidi, * et certus sum quia potens est depósitum meum serváre in illum diem justus judex.

Psalmus 33

Benedicam Dóminum in omni témpore : * semper laus ejus in ore meo.

In Dómino laudábitur ánima mea : * áudiant mansuétí, et læténtur.

Magnificáte Dóminum mecum : * et exaltémus nomen ejus in idípsum.

Exquisívi Dóminum, et exaudivit me : * et ex ómnibus tribulatióibus meis erípuit me.

Accédite ad eum, et illuminámini : * et fácies vestræ non confundéntur.

Iste pauper clamávit, et Dóminus exaudivit eum : * et de ómnibus tribulatióibus ejus salvávit eum.

Immíttet Angelus Dómini in circúitu timéntium eum : * et erípiet eos.

Gustáte, et vidéte quóniam suávis est Dóminus : * beátus vir, qui sperat in eo.

Timéte Dóminum, omnes sancti ejus : * quóniam non est inópia timéntibus eum.

Dívites eguérunt et esuriérunt : * inquirentes autem Dóminum non minuéntur omni bono.

Veníte, filii, audíte me : * timórem Dómini docébo vos.

Quis est homo qui vult vitam : * díligit dies vidére bonos?

Próhibe linguam tuam a malo : * et lábia tua ne loquántur dolum.

Divérte a malo, et fac bonum : * inquire pacem, et perséquare eam.

Oculi Dómini super justos : * et aures ejus in preces eórum.

Vultus autem Dómini super faciéntes mala : * ut perdat de terra memóriam eórum.

Clamavérunt justí, et Dóminus exaudivit eos : * et ex ómnibus tribulatióibus eórum liberávit eos.

Juxta est Dóminus iis, qui tribuláto sunt corde : * et húmiles spíritu salvábit.

Multæ tribulatióes justórum : * et de ómnibus his liberábit eos Dóminus.

Custódit Dóminus ómnia ossa eórum : * unum ex his non conterétur.

Mors peccatórum péssima : * et qui odérunt justum, delínquent.

Rédimet Dóminus ánimas servórum suórum : * et non delínquent omnes qui sperant in eo.

Ant. Scio cui crédidi, et certus sum quia potens est depósitum meum serváre in illum diem justus judex.

Ant. Mihi vívere Christus est, * et mori lucrum : gloriári me opórtet in cruce Dómini nostri Jesu Christi.

Psalmus 44

ERuctávit cor meum verbum bonum : * dico ego ópera mea Regi.

Lingua mea cálamus scribæ, * velóciter scribéntis.

Speciósus forma præ filiis hóminum, diffúsa est

grátia in lábiis tuis : *
proptérea benedíxit te
Deus in ætérnum.

Accíngere gládio tuo su-
per femur tuum, * poten-
tíssime.

Spécie tua et pulchritú-
dine tua * inténde, pró-
spere procéde, et regna.

Propter veritátem, et
mansuetúdinem, et justí-
tiam : * et dedúcet te mi-
rabíliter délixtera tua.

Sagíttæ tuæ acútæ, pó-
puli sub te cadent, * in
corda inimicórum Regis.

Sedes tua, Deus, in sæ-
culum sæculi : * virga di-
rectiónis virga regni tui.

Dilexísti justítiam, et
odísti iniquitátem : * pro-
ptérea unxit te Deus, Deus
tuus, óleo lætítiæ præ con-
sórdibus tuis.

Myrrha, et gutta, et cá-
sia a vestiméntis tuis, a
dómibus ebúrneis : * ex
quibus delectavérunt te
filiæ regum in honóre
tuo.

Astitit regína a dextris
tuis in vestítu deauráto : *
circúmdata varietáte.

Audi, fíliá, et vide, et in-
clína aurem tuam : * et
oblíviscere pópulum tu-
um, et domum patris tui.

Et concupíscet Rex decó-
rem tuum : * quóniam ipse
est Dóminus Deus tuus, et
adorábunt eum.

Et filiæ Tyri in munéri-
bus * vultum tuum depre-

cabúntur : omnes dívites
plebis.

Omnis glória ejus filiæ
Regis ab intus, * in fím-
briis áureis circumamícta
varietátibus.

Adducéntur Regi vírgi-
nes post eam : * próximæ
ejus afferéntur tibi.

Afferéntur in lætítia et
exsultatióne : * adducén-
tur in templum Regis.

Pro pátribus tuis nati
sunt tibi filii : * constitúes
eos príncipes super om-
nem terram.

Mémores erunt nóminis
tui : * in omni generatióne
et generatióne.

Proptérea pópuli confíte-
búntur tibi in ætérnum : *
et in sæculum sæculi.

Ant. Mihi vívere Chri-
stus est, et mori lucrum :
gloriári me opórtet in
cruce Dómini nostri Jesu
Christi.

✠. In omnem terram ex-
ívit sonus eórum. ✠. Et
in fines orbis terræ verba
eórum.

De Actibus Apostolórum

Lectio i **Cap. 13, 1-13**



Rant autem in Ec-
clēsia quæ erat An-
tiochiæ, prophétæ
et doctóres, in quibus Bár-
nabas et Simon, qui voca-
bátur Niger, et Lúcius Cy-
renénsis et Mánahem, qui
erat Heródis Tetrárchæ

collactáneus, et Saulus. Ministrántibus autem illis Dómino et jejunántibus, dixit illis Spíritus Sanctus : Segregáte mihi Saulum et Bárnabam, in opus ad quod assúmpsi eos. Tunc jejunántes et orántes imponentésque eis manus dimisérunt illos. Et ipsi quidem missi a Spíritu Sancto abiérunt Seleucíam et inde navigavérunt Cyprium.

℟. Qui operátus est Petro in apostolátum, operátus est et mihi inter Gentes : * Et cognovérunt grátiam Dei, quæ data est mihi. ℣. Grátia Dei in me vácua non fuit, sed grátia ejus semper in me manet. — Et.

Lectio ii

ET, cum veníssent Salaminam, prædicábant verbum Dei in synagógis Judæórum; habébant autem et Joánnem in ministério. Et, cum perambulássent univérsam insulam usque Paphum, invénérunt quemdam virum magum pseudoprophétam Judæum, cui nomen erat Barjésu, qui erat cum procónsule Sérgio Paulo, viro prudente. Hic, accersitis Bárnaba et Saulo, desiderábat audire verbum Dei. Resistébat autem illis Elymas magus (sic enim

interpretátur nomen ejus) quærens avértere procónsulem a fide.

℟. Bonum certámen certávi, cursum consummávi, fidem servávi : * Ideóque repósita est mihi coróna justítiæ. ℣. Scio cui crédidi, et certus sum quia potens est depósitum meum serváre in illum diem. — Ideóque.

Lectio iii

Saulus autem, qui et Paulus, replétus Spíritu Sancto, íntuens in eum dixit : O plene omni dolo et omni fallácia, fili diaboli, inimíce omnis justítiæ, non désinis subvertere vias Dómini rectas? Et nunc, ecce manus Dómini super te, et eris cæcus non videns solem usque ad tempus. Et conféstim cecidit in eum calígo et ténebræ, et circúiens quærébat qui ei manum daret. Tunc procónsul, cum vidisset factum, crédidit admirans super doctrína Dómini. Et, cum a Papho navigássent, Paulus et qui cum eo erant venérunt Pergen Pamphýliæ; Joánnes autem discédens ab eis revérsus est Jerosólymam.

℟. Repósita est mihi coróna justítiæ, * Quam reddet mihi Dóminus in illum diem justus judex. ℣. Scio

cui crédidi, et certus sum quia potens est depósitum meum serváre in illum diem. — Quam reddet mihi Dóminus in illum diem justus judex. **Glória Patri.** Quam.

In II Nocturno

Ant. Tu es vas electi-
onis, * sancte Paule Apó-
stole, prædicátor veritátis
in univérso mundo.

Psalmus 46



QMnes Gentes, pláu-
dite mánibus : * ju-
biláte Deo in voce
exsultatiónis.

Quóniam Dóminus excél-
sus, terríbilis : * Rex ma-
gnus super omnem ter-
ram.

Subjécit pópulos nobis : *
et gentes sub pédibus no-
stris.

Elégit nobis hereditátem
suam : * spéciem Jacob,
quam diléxit.

Ascéndit Deus in júbi-
lo : * et Dóminus in voce
tubæ.

Psállite Deo nostro, psál-
lite : * psállite Regi no-
stro, psállite.

Quóniam Rex omnis ter-
ræ Deus : * psállite sa-
piénter.

Regnábít Deus super
gentes : * Deus sedet su-
per sedem sanctam suam.

Príncipes populórum con-
gregáti sunt cum Deo

Abraham : * quóniam dii
fortes terræ veheménter
eleváti sunt.

Ant. Tu es vas electi-
onis, sancte Paule Apó-
stole, prædicátor veritátis in
univérso mundo.

Ant. Magnus sanctus
Paulus * vas electi-
onis, vere digne est glorificán-
dus, qui et méruit thro-
num duodécimum possi-
dére.

Psalmus 60

EXáudi, Deus, depreca-
tiónem meam : * in-
téndé oratióni meæ.

A finibus terræ ad te cla-
mávi : * dum anxiarétur
cor meum, in petra exal-
tásti me.

Deduxísti me, quia fa-
ctus es spes mea : * turris
fortitúdinis a fácie inimíci.

Inhabitábo in tabernácu-
lo tuo in sácula : * próte-
gar in velaménto alárum
tuárum.

Quóniam tu, Deus meus,
exaudísti oratiónem me-
am : * dedísti hereditátem
timéntibus nomen tuum.

Dies super dies regis ad-
jícies : * annos ejus usque
in diem generatiónis et
generatiónis.

Pérmanet in ætérnum in
conspéctu Dei : * miseri-
córdiam et veritátem ejus
quis requíret?

Sic psalmum dicam nó-
mini tuo in sáculum sáe-

culi : * ut reddam vota mea de die in diem.

Ant. Magnus sanctus Paulus, vas electiōnis, vere digne est glorificāndus, qui et mēruit thronum duodécimum possidére.

Ant. Bonum certāmen * certāvi, cursum consummāvi, fidem servāvi.

Psalmus 63

EXáudi, Deus, oratiōnem meam cum deprecor : * a timóre inimíci éripe ánimam meam.

Protexísti me a convéntu malignántium : * a multitúdine operántium iniquitátem.

Quia exacuérunt ut gládium linguas suas : * intendérunt arcum rem amáram, ut sagittent in occúltis immaculátum.

Súbito sagittábunt eum, et non timébunt : * firmavérunt sibi sermónem nequam.

Narravérunt ut absconderent láqueos : * dixerunt : Quis vidébit eos?

Scrutáti sunt iniquitates : * defecerunt scrutántes scrutínio.

Accédet homo ad cor altum : * et exaltábitur Deus.

Sagittæ parvulórum factæ sunt plagæ eórum : * et infirmátæ sunt contra eos linguæ eórum.

Conturbáti sunt omnes

qui vidébant eos : * et tímuit omnis homo.

Et annuntiavérunt ópera Dei, * et facta ejus intellexérunt.

Lætábitur justus in Dómino, et sperábit in eo, * et laudabúntur omnes recti corde.

Ant. Bonum certāmen certāvi, cursum consummāvi, fidem servāvi.

V. Constitues eos príncipes super omnem terram.

R. Mémoires erunt nóminis tui, Dómine.

¶ Pro hoc Festo simplificato Lectio iv dicitur ut ix.

Ex libro sancti Augustíni
Epíscopi de grátia et
libero arbítrio

Lectio iv Cap. 6-7



Póstolus Paulus, quem certe invénimus sine ullis méritis bonis, immo cum multis méritis malis, Dei grátiam consecútum, reddéntis bona pro malis, videámus quid dicat, sua jam propinquánte passiōne, scribens ad Timótheum : Ego enim jam immolor, inquit, et tempus resolutiōnis meæ instat. Bonum certāmen certāvi, cursum consummāvi, fidem servāvi. Ista úti- que jam mérita sua bona commémorat; ut post bona mérita consequá- tur co-

rónam, qui post mérita mala consecútus est grátiam. Dénique attendite quid sequátur : Súperest, inquit, mihi coróna justítiæ, quam reddet mihi Dóminus in illa die justus judex. Cui rédderet corónam justus judex, si non donásset grátiam miséricors Pater? Et quómodo esset ista coróna justítiæ, nisi præcessísset grátia, quæ justificat ímpium? Quómodo ista débita redderétur nisi prius illa gratuita donarétur?

℟. Tu es vas electiónis, sancte Paule Apóstole, prædicátor veritátis in univérso mundo : * Per quem omnes Gentes cognovérunt grátiam Dei. ℣. Intercéde pro nobis ad Deum, qui te elégit. — Per.

Lectio v

Proinde considerémus ipsa mérita Apóstoli Pauli, quibus dixit corónam redditúrum júdicem justum, et videámus utrum mérita ipsíus, tamquam ipsíus, id est, ex ipso ei comparáta, an dona sint Dei. Bonum, inquit, certámen certávi, cursum consummávi, fidem servávi. Primo ista bona ópera, si non ea præcessís- sent cogitatiónes bonæ, nulla essent. Atténdite

ítaque quid de ipsis cogitatióibus dicat; ait enim scribens ad Corínthios : Non quia idónei sumus cogitare áliquid a nobis, tamquam a nobismetípsis; sed sufficiéntia nostra ex Deo est. Deínde singula inspiciámus.

℟. Grátia Dei sum id quod sum : * Et grátia ejus in me vácua non fuit, sed semper in me manet.

℣. Qui operátus est Petro in apostolátum, operátus est et mihi inter Gentes. — Et.

Lectio vi


Bonum, inquit, certámen certávi. Quæro qua virtúte certáverit, utrum quæ illi ex semetipso fúerit, an quæ désuper data sit? Sed absit ut tantus doctor ignoráverit legem Dei, cujus vox est in Deuteronómio : Ne dicas in corde tuo : Fortitúdo mea et poténtia manus meæ fecit mihi virtútem magnam hanc; sed memoráberis Dómini, Dei tui, quia ipse tibi dat fortitúdinem fácere virtútem. Quid autem prodest bonum certámen, nisi sequátur victória? Et quis dat victóriam, nisi ille, de quo dicit ipse : Grátias Deo, qui dat nobis victóriam per Dóminum nostrum Jesum Christum?

℟. Saulus, qui et Paulus, magnus prædicátor, * A Deo confortátus convalescébat, et confundébat Judæos. ℣. Osténdens quia hic est Christus, Fílius Dei. — A Deo. Glória Patri. A Deo.

In III Noeturno

Ant. Saulus, qui et Paulus, * magnus prædicátor, a Deo confortátus convalescébat, et confundébat Judæos.

Psalmus 74

 Onfitébimur tibi, Deus : * confitébimur, et invocábimus nomen tuum.

Narrábimus mirabília tua : * cum accépero tempus, ego justítias judicábo.

Liquefacta est terra, et omnes qui hábitant in ea : * ego confirmávi colúmnas ejus.

Dixi iníquis : Nolíte iníque ágere : * et delinquéntibus : Nolíte exaltáre cornu :

Nolíte extóllere in altum cornu vestrum : * nolíte loqui advérsus Deum iniquitátem.

Quia neque ab Oriénte, neque ab Occidénte, neque a désertis móntibus : * quóniam Deus judex est.

Hunc humiliat, et hunc exáltat : * quia calix in manu Dómini vini meri plenus misto.

Et inclinávit ex hoc in hoc : verúmtamen fæx ejus non est exinaníta : * bibent omnes peccatóres terræ.

Ego autem annuntiábo in sáeculum : * cantábo Deo Jacob.

Et ómnia córnua peccatórum confríngam : * et exaltabúntur córnua justí.

Ant. Saulus, qui et Paulus, magnus prædicátor, a Deo confortátus convalescébat, et confundébat Judæos.

Ant. Ne magnitúdo * revelatiónum extóllat me, datus est mihi stímulus carnis meæ, ángelus sátnæ, qui me colaphízet; propter quod ter Dóminum rogávi ut auferretur a me, et dixit mihi Dóminus : Súfficit tibi, Paule, grátia mea.

Psalmus 96

Dominus regnávit, exsúltet terra : * læténtur ínsulæ multæ.

Nubes, et calígo in circúitu ejus : * justítia, et judícium corréctio sedis ejus.

Ignis ante ipsum præcédet, * et inflammábit in circúitu inimícos ejus.

Illuxérunt fúlgura ejus orbi terræ : * vidit, et commóta est terra.

Montes, sicut cera fluxérunt a fácie Dómini : *

a fácie Dómini omnis terra.

Annuntiavérunt cæli justítiam ejus : * et vidérunt omnes pópuli glóriam ejus.

Confundántur omnes, qui adorant sculptília : * et qui gloriántur in simulácris suis.

Adoráte eum, omnes Angeli ejus : * audívit, et lætáta est Sion.

Et exsultavérunt filiae Judæ, propter judícia tua, Dómine :

Quóniam tu Dóminus Altíssimus super omnem terram : * nimis exaltátus es super omnes deos.

Qui dilígitis Dóminum, odíte malum : * custódit Dóminus ánimas sanctórum suórum, de manu peccatóris liberábit eos.

Lux orta est justo, * et rectis corde lætítia.

Lætámini, justí, in Dómino : * et confitémini memóriæ sanctificatiónis ejus.

Ant. Ne magnitúdo revelatiónum extóllat me, datus est mihi stímulus carnis meæ, ángelus sátanæ, qui me colaphízet; propter quod ter Dóminum rogávi ut auferretur a me, et dixit mihi Dóminus : Súfficit tibi, Paule, grátia mea.

Ant. Repósita est mihi * coróna justítiæ, quam reddet mihi Dóminus in illa die justus judex.

Psalmus 98

Dominus regnávít, irascántur pópuli : * qui sedet super Chérubim, moveátur terra.

Dóminus in Sion magnus : * et excélsus super omnes pópulos.

Confiteántur nómini tuo magno : quóniam terribile, et sanctum est : * et honor regis judícium díligit.

Tu parásti directiões : * judícium et justítiam in Jacob tu fecísti.

Exaltáte Dóminum, Deum nostrum, et adoráte scabéllum pedum ejus : * quóniam sanctum est.

Móyses et Aaron in sacerdotibus ejus : * et Sámuel inter eos, qui invocant nomen ejus.

Invocábant Dóminum, et ipse exaudiébat eos : * in colúmna nubis loquebátur ad eos.

Custodiébant testimónia ejus, * et præcéptum quod dedit illis.

Dómine, Deus noster, tu exaudiébas eos : * Deus, tu propítius fuísti eis, et ulciscens in omnes adinventiões eórum.

Exaltáte Dóminum Deum nostrum, et adoráte in monte sancto ejus : * quóniam sanctus Dóminus, Deus noster.

Ant. Repósita est mihi coróna justítiæ, quam red-

det mihi Dóminus in illa die justus iudex.

℣. Nimis honoráti sunt amíci tui, Deus. ℟. Nimis confortátus est principátus eórum.

Lectio sancti Evangélii
secúndum Matthæum

Lectio vii Cap. 10, 16-22

IN illo témpore : Dixit Jesus discipulis suis : Ecce ego mitto vos sicut oves in médio lupórum. Et réliqua.

Homília sancti Joánnis
Chrysóstomi

Homilia 34 in Matth.,
longe post initium

SIC dicere vidétur : Nolite turbári, si, cum vos inter lupos mitto, tamquam oves et colúmbas esse júbeo. Nam, etsi possum contrárium quoque præstáre, et non permíttere ut grave áliquid patiámini, nec lupis tamquam oves subjécti sitis, sed efficere ut leónibus terribilióres evadáti; tamen sic expedit fieri : hoc et vos quoque illustriόres fáciat, et meam declarábit virtútem. Sic enim póstea dixit Paulo : Súfficit tibi grátia mea, nam virtus mea in infirmitáte perficitur. Ipse igitur vos ut tales esséti feci.

℟. Sancte Paule Apóstole, prædicátor veritátis et doctor géntium, * Intercé-

de pro nobis ad Deum, qui te elégit, ut digni efficiámur grátia Dei. ℣. Tu es vas electiόnis, sancte Paule Apóstole, prædicátor veritátis. — Intercéde.

Lectio viii

SED inspiciámus quam prudéntiam éxigit : serpéntis certe. Nam, quemádmódum serpens totum seípsum tradit, nec mínimum curat si ipsum quoque corpus incídi necesse sit, dúmmodo caput suum íntegrum servet; eódem tu quoque modo, præter fidem cétera pérdere non cures, sive pecúnias, sive corpus, sive étiam vitam ipsam profúndere necesse sit. Fides enim caput est et radix; qua serváta, etiámsi ómnia perdas, ómnia tamen rursus majóre cum glória recuperábis. Idcírco nec simplices solum jussit esse, nec prudéntes solum; sed ambo hæc in unum míscuit, ut ea in virtútem convertántur.

℟. Damásci, præpósitus gentis Arétæ regis vóluit me comprehéndere : * Et a frátribus per murum demíssus sum in sporta, * Et sic evási manus ejus in nómine Dómini. ℣. Deus et Pater Dómini nostri Jesu Christi scit quia non méntior. — Et a frátri-

bus per murum demissus sum in sporta. Glória Patri. Et sic evási manus ejus in nómine Dómini.

Lectio ix

Quod si rebus ipsis id ita fieri vidére desideras, lege Actuum Apostolorum librum; perspícies profecto, cum sæpe Judæorum pópulus in Apóstolos insurréxerit ac dentes exacúerit, illos, colúmbæ simplicitátem imitádo et cum decénti modéstia respondédo, iram ipsórum superásse, furórem extinxisse, ímpetum retardásse. Nam, cum illi dicerent : Nonne præcipiédo præcépimus vobis, ne docerétis in nómine isto? quamvis innúmera possent édere mirácula, nihil tamen áasperum neque dixerunt neque fecerunt; sed summa cum mansuetúdine respondéntes dicébant : Si justum est vos audíre magis quam Deum, judicáte. Perspexísti simplicitátem colúmbæ, vide nunc serpéntis prudéntiam : Non enim póssumus, inquirunt, nos quæ vídimus et audívimus, non loqui. Te Deum.

AD LAUDES

et per Horas, Añæ

1 Ego plantávi, * Apóllo rigávit, Deus autem incrementum dedit, allelúja.

2 Libénter gloriábor * in infirmitátibus meis, ut inhábitet in me virtus Christi.

3 Grátia Dei * in me vácua non fuit, sed grátia ejus semper in me manet.

4 Damásci, præpósitus * gentis Arétæ regis vóluit me comprehéndere : a fratribus per murum demissus sum in sporta, et sic evási manus ejus in nómine Dómini.

5 Ter virgis cæsus sum, * semel lapidátus sum, ter naufrágium pértuli pro Christi nómine.

Capitulum 2 Tim. 4, 7-8

Bonum certámen certávi, cursum consummávi, fidem servávi. In réliquo repósita est mihi coróna justítiae, quam reddet mihi Dóminus in illa die justus judex.

Hymnus

EXsúltet orbis gáudiis, Cælum resúltet láudibus :

Apostolorum glóriam Tellus et astra cóncinunt.

Vos, sæculórum júdices, Et vera mundi lúmina, Votis precámur córdium : Audíte voces súpplicum.

Qui templa cæli cláuditis Serásque verbo sólvitis, Nos a reátu nóxios Solvi jubéte, quæsumus.

Præcepta quorum prótinus

Languor salúsque sentiunt,

Sanáte mentes lánguidas,
Augéte nos virtútibus :

Ut, cum redíbit árbitr
In fine Christus sæculi,
Nos sempitérni gáudii
Concédat esse cómpotes.

* **Patri**, simúlque **Fílio**,
Tibíque, Sancte Spíritus,
Sicut fuit, sit júgiter
Sæclum per omne glória.
Amen.

℣. Tu es vas electiónis,
sancte Paule Apóstole.
℟. Prædicátor veritátis in
univérso mundo.

Ad Bened. Ant. Vos qui
secúti estis me, * sedébitis
super sedes, judicántes
duódecim tribus Israël, di-
cit Dóminus.

Oratio

Deus, qui multitúdinem
géntium beáti Pauli
Apóstoli prædicatióne do-
cuísti : da nobis, quæsu-
mus; ut, cujus natalítia
cólimus, ejus apud te pa-
trocínia sentiámus. Per
Dóminum.

Et fit Com. S. Petri Ap.
ante omnes alias **Commemo-**
rationes :

Ant. Tu es pastor óvium,
Princeps Apostolorum, ti-
bi tráditæ sunt claves re-
gni cælórum.

℣. Tu es Petrus. **℟.** Et
super hanc petram ædifi-
cábo Ecclesiám meam.

Oratio

Deus, qui beáto Petro
Apóstolo tuo, collátis
clávibus regni cæléstis,
ligándi atque solvéndi
pontificium tradidísti :
concéde; ut intercessiόνis
ejus auxílio, a peccatórum
nostrórum nélixibus libe-
rémur. (Qui vivis et re-
gnas.)

**Deinde Commem. Octavæ
S. Joannis :**

Ant. Apértum est os Za-
chariæ, et prophetávit di-
cens : Benedíctus Deus
Israël.

℣. Iste puer magnus co-
ram Dómino. **℟.** Nam et
manus ejus cum ipso est.

Oratio

Deus, qui præsentem
diem honorábilem no-
bis in beáti Joánnis nati-
vitáte fecisti : da pópulis
tuis spirituálium grátiam
gaudiórum; et ómnium
fidélium mentes dirige in
viam salútis æternæ. Per
Dóminum.

AD TERTIAM

Capit. Bonum certámen.
694

℟. br. In omnem terram
* Exívit sonus eórum. In.
℣. Et in fines orbis terræ
verba eórum. Exívit. Gló-
ria Patri. In.

V. Constitues eos principes super omnem terram.

R. Mémoires erunt nóminis tui, Dómine.

Oratio

DEus, qui multitudinem géntium beáti Pauli Apóstoli prædicatione docuisti : da nobis, quæsumus; ut, cujus natalitia cólimus, ejus apud te patrocinia sentiámus. Per Dóminum.

AD SEXTAM

Ant. Grátia Dei * in me vácuca non fuit, sed grátia ejus semper in me manet.

Capit. 2 Cor. 12, 7-9

NE magnitúdo revelationum extóllat me, datus est mihi stímulus carnis meæ, ángelus sá-tanæ, qui me colaphízet : propter quod ter Dóminum rogávi ut discéderet a me, et dixit mihi : Súfficit tibi grátia mea.

R. **br.** Constitues eos principes * Super omnem terram. Constitues. **V.** Mémoires erunt nóminis tui, Dómine. Super. Glória Patri. Constitues.

V. Nimis honoráti sunt amíci tui, Deus. **R.** Nimis confortátus est principátus eórum.

AD NONAM

Ant. Ter virgis cæsus sum, * semel lapidátus

sum, ter naufrágium pertuli pro Christi nómine.

Capit. 1 Cor. 15, 9-10

EGO enim sum mínimus Apóstolorum, qui non sum dignus vocári Apóstolus, quóniam persecútus sum Ecclesiám Dei. Grátia autem Dei sum id quod sum, et grátia ejus in me vácuca non fuit.

R. **br.** Nimis honoráti sunt * Amíci tui, Deus. Nimis. **V.** Nimis confortátus est principátus eórum. Amíci. Glória Patri. Nimis honoráti.

V. Annuntiavérunt ópera Dei. **R.** Et facta ejus intellexérunt.

Vesperæ de sequenti, sine ulla Commemoratione.

¶ Sicubi tamen II Vesperæ S. Pauli dicendæ sint integræ, Antiphonæ et Psalmi sumuntur de Communi App. [18]; Capitulum, Hymnus, Versus, Ant. ad Magnificat et Commemoratio S. Petri ut in I Vesperis. 683

Et Completorium dicitur de Dominica.

Infra Octavam Ss. Petri et Pauli App.

Antiphonæ et Psalmi ad omnes Horas et Versus Nocturnorum de occurrenti hebdomadæ die, ut in Psalterio; reliqua de Communi præter Lectiones, quæ in I Nocturno

dicuntur de Scriptura occurrenti cum suis Responsoriis de Tempore, in II et III ut suo loco assignantur, et Versus ad Laudes et Vesperas necnon Antiphonas ad Benedictus et Magnificat, quæ etiam pro Octavæ Commemoratione quotidie adhibentur, ut sequitur :

IN UTRISQUE VESPERIS

℣. Constitues eos principes super omnem terram. ℟. Mémores erunt nóminis tui, Dómine.

Ad Magnif. Ant. Petrus Apóstolus * et Paulus Doctor géntium, ipsi nos docuérunt legem tuam, Dómine.

Oratio

D Eus, qui hodiérnam diem Apostolorum tuorum Petri et Pauli martyrio consecrásti : da Ecclésiæ tuæ, eórum in ómnibus sequi præcéptum; per quos religiónis sumpsit exórdium. Per Dóminum.

AD LAUDES

℣. In omnem terram exívit sonus eórum. ℟. Et in fines orbis terræ verba eórum.

Ad Bened. Ant. Gloriósi Príncipes terræ, * quómodo in vita sua dilexérunt se, ita et in morte non sunt separáti.

FESTA JULII

DIE 1 JULII

Pretiosissimi Sanguinis D. N. J. C.

DUPLEX I CLASSIS

IN I VESPERIS

Ant. 1 Quis est iste * qui venit de Edom tinctis véstibus de Bosra? iste formósus in stola sua.

Psalmi de Dominica 57, sed loco ultimi Ps. 116 Laudáte Dóminum, omnes gentes. 74

2 Ego * qui loquor justitiam et propugnátor sum ad salvándum.

3 Vestítus erat * veste aspérsa sángine, et vocátur nomen ejus Verbum Dei.

4 Quare ergo * rubrum est indumentum tuum, et vestiménta tua sicut calcántium in torculári?

5 Tórcular * calcávi solus, et de géntibus non est vir mecum.

In II Vesperis

Psalmus 147

Lauda, Jerúsalem, Dóminum : * lauda Deum tuum, Sion.

Quóniam confortávit seras portárum tuárum : * benedíxit filiis tuis in te.

Qui pósuit fines tuos pacem : * et ádipe fruménti sátiat te.

Qui emíttit elóquium suum terræ : * velóciter currit sermo ejus.

Qui dat nivem sicut lanam : * nébulam sicut cinerem spargit.

Mittit crystállum suam sicut buccéllas : * ante faciém frígoris ejus quis sustinébit?

Emíttet verbum suum, et liquefáciét ea : * flabit spíritus ejus, et fluent aquæ.

Qui annúntiat verbum suum Jacob : * justítias, et judícia sua Israël.

Non fecit táliter omni natióni : * et judícia sua non manifestávit eis.

Ant. Tórcular calcávi solus, et de géntibus non est vir mecum.

Capit. Hebr. 9, 11-12

FRatres : Christus assístens Póntifex futurórum bonórum, per ámplius et perféctius tabernáculum non manufáctum,

id est, non hujus creatiόνis : neque per sánguinem hircórum aut vitulórum, sed per próprium sánguinem introívit semel in Sancta, æténa redémptiône invénta.

Hymnus

FEstívis résonant cómpita vócbus,
Cives lætítiam fróntibus éxplicent,
Tædis flammíferis órdine pródeant
Instrúcti púeri et senes.

Quem dura móriens Christus in árbore
Fudit múltiplici vúlneré sánguinem,
Nos facti mémoires dum cólimus, decet
Saltem fúndere lácrimas.

Humáno géneri pernícies gravis
Adámi vétéris crímine cóntigit :
Adámi intégritas et píetas novi
Vitam réddidit ómnibus.

Clamórem válidum summus ab æthere
Languéntis Géniti si Pater áudiit,
Placári pótius ságuine débuit,
Et nobis véniam dare.

Hoc quicúmque stolam ságuine próluit,
Abstérgit máculas; et róseum decus,

Quo fiat símilis prótinus
Angelis
Et Regi pláceat, capit.

A recto instábilis trámite
póstmodum
Se nullus rétrahat, meta
sed última
Tangátur; tríbuet nóbile
præmium,
Qui cursum Deus ádjuvat.

Nobis propítius sis, Géni-
tor potens,
Ut, quos unígenæ sán-
guine Fílii
Emísti, et plácido Flá-
mine récreas,
Cæli ad cúlmina tráns-
feras. Amen.

℣. Redemísti nos, Dómi-
ne, in ságuine suo. **℟.** Et
fecísti nos Deo nostro re-
gnum.

Ad Magnif. Ant. Acces-
sístis * ad Sion montem,
et civitátem Dei vivéntis,
Jerúsalem cæléstem, et
Testaménti novi mediató-
rem Jesum, et ságuinis
aspersiónem mélius lo-
quéntem quam Abel.

In II Vesperis

℣. Te ergo quæsumus,
tuis fámulis súbveni.
℟. Quos pretióso sán-
guine redemísti.

Ad Magnif. Ant. Habé-
bitis autem * hunc diem
in monuméntum : et cele-
brábitis eum solémnem
Dómino in generatióibus
vestris cultu sempitérno.

Oratio

OMnípotens sempitérne
Deus, qui unigénitum
Fílium tuum mundi Red-
emptórem constituísti, ac
ejus Ságuine placári vo-
luísti:concéde,quæsumus,
salútis nostræ prétium so-
lémni cultu ita venerári,
atque a præséntis vitæ
malis ejus virtúte deféndi
in terris; ut fructu perpé-
tuo lætémur in cælis. Per
eúmdem Dóminum.

Completorium de Dominica.

AD MATUTINUM

Invit. Christum Dei Fí-
lium, qui suo nos redémit
ságuine, * Veníte, adoré-
mus. **Ps. 94** Veníte, exsul-
témus.

Hymnus

IRA justa Conditóris,
Imbre aquárum víndice,
Criminósum mersit orbem
Noë in arca sóspite :
Mira tandem vis amóris
Lavit orbem ságuine.

Tam salúbri terra felix
Irrigáta plúvia,
Ante spinas quæ scaté-
bat,

Germinávit flósculos;
Inque néctaris sapórem
Transiére absínthia.

Triste prótinus venénium
Dirus anguis pósuit,
Et cruénta belluárum
Désiit ferócia :
Mitis Agni vulneráti
Hæc fuit victória.

O sciéntiæ supérnæ
 Altitúdo impérvia!
 O suávitás benigni
 Prædicánda pectoris!
 Servus erat morte dignus,
 Rex luit pœnam óptimus.

Quando culpis provocá-
 mus

Ultiónem Júdicis,
 Tunc loquéntis protegá-
 mur

Sánguinis præsentia;
 Ingruéntium malórum
 Tunc recédant ágmina.

Te redemptus laudet orbis
 Grata servans múnera,
 O salútis sempitérnæ
 Dux et Auctor ínclyte,
 Qui tenes beáta regna
 Cum Parénte et Spíritu.
 Amen.

In I Nocturno

Ant. Postquam consum-
 máti sunt * dies octo, ut
 circumciderétur Puer, vo-
 cátum est nomen ejus
 Jesus.

Psalmus 2



Uare fremuérunt
 gentes, * et pópuli
 meditáti sunt iná-
 nia?

Astitérunt reges terræ,
 et príncipes convenérunt
 in unum * advérsus Dó-
 minum, et advérsus Chri-
 stum ejus.

Dirumpámus víncula eó-
 rum : * et projiciámus a
 nobis jugum ipsórum.

Qui hábitat in cælis, irri-

débit eos : * et Dóminus
 subsannábit eos.

Tunc loquétur ad eos in
 ira sua, * et in furóre suo
 conturbábit eos.

Ego autem constitútus
 sum Rex ab eo super
 Sion montem sanctum
 ejus, * prædicans præcé-
 ptum ejus.

Dóminus dixit ad me : *
 Fílius meus es tu, ego
 hódie génui te.

Póstula a me, et dabo
 tibi gentes hereditátem
 tuam, * et possessionem
 tuam términos terræ.

Reges eos in virga fér-
 rea, * et tamquam vas
 figuli confrínges eos.

Et nunc, reges, intelli-
 gite : * erudímini, qui
 judicátis terram.

Servíte Dómino in timó-
 re : * et exsultáte ei cum
 tremóre.

Apprehéndite discipli-
 nam, nequándo irascátur
 Dóminus, * et pereátis de
 via justa.

Cum exárserit in brevi
 ira ejus, * beáti omnes
 qui confidunt in eo.

Ant. Postquam consum-
 máti sunt dies octo, ut
 circumciderétur Puer, vo-
 cátum est nomen ejus
 Jesus.

Ant. Factus in agonía *
 prolíxius orábat, et factus
 est sudor ejus sicut guttæ
 sánguinis decurréntis in
 terram.

Psalmus 3

Domine, quid multiplicati sunt qui tribulant me? * multi insurgunt adversum me.

Multi dicunt animæ meæ : * Non est salus ipsi in Deo ejus.

Tu autem, Domine, susceptor meus es, * glória mea, et exaltans caput meum.

Voce mea ad Dominum clamavi : * et exaudivit me de monte sancto suo.

Ego dormivi, et soporatus sum : * et exsurrexi, quia Dominus suscepit me.

Non timebo millia populi circumdantis me : * exsurge, Domine, salvum me fac, Deus meus.

Quoniam tu percussisti omnes adversantes mihi sine causa : * dentes peccatorum contrivisti.

Domini est salus : * et super populum tuum benedictio tua.

Ant. Factus in agonia prolixius orabat, et factus est sudor ejus sicut guttæ sanguinis decurrentis in terram.

Ant. Judas, qui eum tradidit, * poenitentia ductus retulit triginta argenteos, dicens : Peccavi tradens sanguinem justum.

Psalmus 15

Conserva me, Domine, quoniam speravi in te. * Dixi Domino : Deus

meus es tu, quoniam bonorum meorum non eges.

Sanctis, qui sunt in terra ejus, * mirificavit omnes voluntates meas in eis.

Multiplicatae sunt infirmitates eorum : * postea acceleraverunt.

Non congregabo conventicula eorum de sanguinibus, * nec memor ero nominum eorum per labia mea.

Dominus pars hereditatis meæ, et calicis mei : * tu es, qui restitues hereditatem meam mihi.

Funes ceciderunt mihi in præclâris : * etenim hereditas mea præclara est mihi.

Benedicam Dominum, qui tribuit mihi intellectum : * insuper et usque ad noctem increpuerunt me renes mei.

Providēbam Dominum in conspectu meo semper : * quoniam a dextris est mihi, ne commovear.

Propter hoc lætatum est cor meum, et exsultavit lingua mea : * insuper et caro mea requiescet in spe.

Quoniam non derelinques animam meam in inferno : * nec dabis sanctum tuum videre corruptionem.

Notas mihi fecisti vias vitæ, adimplēbis me lætitia cum vultu tuo : * dele-

ctationes in dextera tua
usque in finem.

Ant. Judas, qui eum tradidit, poenitentia ductus retulit triginta argenteos, dicens : Peccavi tradens sanguinem justum.

℣. Redemisti nos, Domine. **℟.** In sanguine tuo.

De Epistola beati Pauli
Apóstoli ad Hebræos

Lectio i **Cap. 9, 11-22**

Christus assistens Pontifex futurorum bonorum, per amplius et perfectius tabernaculum non manufactum, id est, non hujus creatio- nis : neque per sanguinem hircorum aut vitulorum, sed per proprium sanguinem introiit semel in Sancta, æterna redemptio- ne inventa. Si enim sanguis hircorum, et taurorum, et cinis vitulæ aspersione inquinatos sanctificat ad emundationem carnis : quanto magis sanguis Christi, qui per Spiritum Sanctum semetipsum obtulit immaculatum Deo, emundabit conscientiam nostram ab operibus mortuis, ad serviendum Deo viventi? Et ideo novi testaménti mediátor est : ut, morte intercedente, in redemptionem earum pravaricationum, quæ erant sub priori testaménto, re-

promissionem accipiant, qui vocati sunt æternæ hereditatis.

℟. Jesus, ut sanctificaret per suum sanguinem populum, extra portam passus est : * Exeamus igitur ad eum extra castra, improprium ejus portantes.

℣. Nondum enim usque ad sanguinem restitistis adversus peccatum repugnantes. — Exeamus.

Lectio ii

UBI enim testaméntum est : mors necesse est intercédât testatoris. Testaméntum enim in mortuis confirmatum est : alioquin nondum valet, dum vivit qui testatus est. Unde nec primum quidem sine sanguine dedicatum est. Lecto enim omni mandato legis a Móyse universo populo : accipiens sanguinem vitulorum, et hircorum cum aqua et lana coccinea, et hyssopo : ipsum quoque librum, et omnem populum aspersione, dicens : Hic sanguis testaménti, quod mandavit ad vos Deus. Etiam tabernaculum, et omnia vasa ministérii sanguine similiter aspergit : et omnia pene in sanguine secundum legem mundantur : et sine sanguinis effusione non fit remissio.

℟. Móyses sumptum sanguinem respersit in populum, * Et ait : Hic est sanguis fœderis, quod pepigit Dóminus vobiscum. ℣. Fide celebrávit Pascha et sanguinis effusióne, ne qui vastábat primitíva, tangeret eos. — Et.

Lectio iii Cap. 10, 19-24

Habéntes itaque, fratres, fidúciam in introitu sanctórum in sanguine Christi, quam initiávit nobis viam novam et vivéntem per velámen, id est, carnem suam, et sacerdotem magnum super domum Dei; accedámus cum vero corde in plenitúdine fidei aspérsi corda a consciéntia mala et ablúti corpus aqua munda; teneámus spei nostræ confessiónem indeclináblem (fidélis enim est qui repromísit) et considerémus invicem in provocatióne caritátis et bonórum óperum.

℟. Vos, qui aliquándo erátis longe, facti estis prope in sanguine Christi : * Ipse enim est pax nostra, qui fecit útraque unum. ℣. Complácuit per eum reconciliáre ómnia in ipsum, pacíficans per sanguinem crucis ejus, sive quæ in terris, sive quæ in cælis sunt. — Ipse enim. **Glória Patri.** Ipse enim.

In II Nocturno

Ant. Pilátus, * volens populo satisfácere, trádedit illis Jesum flagéllis cæsum.

Psalmus 22



Ominus regit me, et nihil mihi déerit : * in loco páscuæ ibi me collocávit.

Super aquam refectionis educávit me : * ánimam meam convértit.

Dedúxit me super sémitas justítiæ, * propter nomen suum.

Nam, et si ambulávero in médio umbræ mortis, non timébo mala : * quóniam tu mecum es.

Virga tua, et báculo tuus : * ipsa me consoláta sunt.

Parásti in conspéctu meo mensam, * advérsus eos, qui tríbulant me.

Impinguásti in óleo caput meum : * et calix meus inébrians quam præclárus est!

Et miséricórdia tua subsequétur me * ómnibus diébus vitæ meæ :

Et ut inhábitem in domo Dómini, * in longitudinem diérum.

Ant. Pilátus, volens populo satisfácere, trádedit illis Jesum flagéllis cæsum.

Ant. Videns autem * quia nihil proficeret, accépta

aqua, lavit manus coram pópulo dicens : Innocens ego sum a ságuine Justi hujus.

Psalmus 29

EXaltábo te, Dómine, quóniam suscepisti me : * nec delectásti inimícos meos super me.

Dómine, Deus meus, clamávi ad te, * et sanásti me.

Dómine, eduxísti ab inférno ánimam meam : * salvásti me a descendéntibus in lacum.

Psállite Dómino, sancti ejus : * et confitémini memoríæ sanctitátis ejus.

Quóniam ira in indignatióne ejus : * et vita in voluntáte ejus.

Ad vésperum demorábitur fletus : * et ad matutínum lætítia.

Ego autem dixi in abundantia mea : * Non movébor in ætérnum.

Dómine, in voluntáte tua, * præstitísti decóri meo virtútem.

Avertísti faciém tuam a me, * et factus sum conturbátus.

Ad te, Dómine, clamábo : * et ad Deum meum deprecábor.

Quæ utilitas in ságuine meo, * dum descéndo in corruptiódinem?

Numquid confitébitur tibi pulvis, * aut annuntiábit veritátem tuam?

Audívit Dóminus, et misértus est mei : * Dóminus factus est adjútor meus.

Convertísti planctum meum in gáudium mihi : * conscidísti saccum meum, et circumdedísti me lætítia :

Ut cantet tibi glória mea, et non compúngar : * Dómine, Deus meus, in ætérnum confitébor tibi.

Ant. Videns autem, quia nihil proficeret, accépta aqua, lavit manus coram pópulo dicens : Innocens ego sum a ságuine Justi hujus.

Ant. Et respóndens * univérsum pópulus dixit : Sanguis ejus super nos et super filios nostros.

Psalmus 63

EXáudi, Deus, oratió-nem meam cum deprecor : * a timóre inimíci éripe ánimam meam.

Protexísti me a convéntu malignántium : * a multitúdine operántium iniquitátem.

Quia exacuérunt ut gládium linguas suas : * intendérunt arcum rem amáram, ut sagittent in occúltis immaculátum.

Súbito sagittábunt eum, et non timébunt : * firmavérunt sibi sermónem nequam.

Narravérunt ut absconderent láqueos : * dixerunt : Quis vidébit eos?

Scrutáti sunt iniquitates : * defecerunt scrutantes scrutinio.

Accédet homo ad cor altum : * et exaltábitur Deus.

Sagittæ parvulorum factæ sunt plagæ eorum : * et infirmatæ sunt contra eos linguæ eorum.

Conturbáti sunt omnes qui vidébant eos : * et tímuit omnis homo.

Et annuntiavérunt ópera Dei, * et facta ejus intellexerunt.

Lætábitur justus in Domino, et sperábit in eo, * et laudabúntur omnes recti corde.

Ant. Et respóndens universus pópulus dixit : Sanguis ejus super nos et super filios nostros.

V. Sanguis Jesu Christi Filii Dei. **R.** Emúndat nos ab omni peccáto.

Sermo sancti Joánnis Chrysóstomi

Homilia ad Neophytos

Lectio iv



IS ságuinis Christi audíre virtútem? Redeámus ad ejus exéplum, et priórem typum recordémur, et prístinam Scriptúram narrémus. In Ægýpto, nocte média, Ægýptiis Deus

plagam décimam minabá-tur, ut eórum primogénita deperírent, quia primogénitum ejus pópulum detinébant. Sed, ne amáta plebs Judæórum una cum illis periclitarétur, quia unus locus continébat universos, remédium discretiónis invéntum est. Proínde exéplum mirábile, ut discas in veritaté virtútem. Ira divinæ indignatiónis sperabá-tur, et domos singulas mórtifer circuíbat. Quid igitur Móyses? Occídite, inquit, agnum annículum, et sáanguine ejus liníte jánuas. Quid ais, Móyses? Sanguis ovis rationálem hóminem liberáre consuévít? Valde, inquit; non eo quod sanguis est, sed quia Domínici sáanguinis per eum demonstrátur exéplum.

R. In timóre incolátus vestri témpore conversámini * Sciéntes quod non corruptibilibus auro vel argénto redémpti estis. **V.** Sed pretiósó sáanguine quasi agni immaculáti Christi. — Sciéntes.

Lectio v

NAM, sicut regnántium státuæ, quæ sine causa sunt et sermóne, nonnúmquam ad se confugiéntibus homínibus, ánima et ratióne decorátis, subveníre consuevérunt, non quia

sunt ære confectæ, sed quia rétinent imáginem principálem : ita et sanguis ille, qui irrationalis fuit, ánimas habéntes hómines liberávit, non quia sanguis fuit, sed quia hujus sánguinis ostendébat advéntum. Et tunc Angelus ille vastátor, cum liníto postes atque áditus pervidéret, transjécit gressus et non est ausus intráre. Nunc ergo si viderit inimícus, non póstibus impositum ságuinem typi, sed fidélium ore lucéntem ságuinem veritátis Christi, templi póstibus dedicátum, multo magis se súbtrahet. Si enim Angelus cessit exémplo, quanto magis terrébitur inimícus, si ipsam perspéxerit veritátem? Vis et áliam hujus sánguinis scrutári virtútem? Volo unde primum cucúrrit, inspicias, et de quo fonte manávit. De ipsa primum cruce procéssit : latus illud Domínicum inítium fuit. Latus miles apérui, et templi sancti paríetem patefécit; et ego thesáurum præclárum invéni, et fulgéntes divítias me grátulor reperíre.

℟. Empti estis prétio magno : * Glorificáte et portáte Deum in córpore vestro. ℣. Prétio empti estis : nolíte fieri servi hóminum. — Glorificáte.

Lectio vi

SIC et de illo agno factum est : Judæi ovem occidérunt, et ego fructum de sacraménto cognóvi. De látere sanguis et aqua. Nolo tam fáciie, audítor, tránseas tanti secréta mystérii; restat enim mihi mýstica atque secretális orátio. Dixi baptísmatis sýmbolum et mysteriórum, aquam illam et ságuinem demonstráre. Ex his enim sancta fundáta est Ecclésia per lavácri regeneratióem, et renovatióem Spíritus Sancti. Per baptísma, inquam, et mystéria, quæ ex látere vidéntur esse proláta. Ex látere ígitur suo Christus ædificávit Ecclésiám, sicut de látere Adam ejus conjux Eva proláta est. Nam hac de causa Paulus testátur dicens : De córpore ejus et de óssibus ejus sumus; latus vidélicet illud significans. Nam, sicut de illo látere Deus fecit féminam procreári, sic et de suo látere Christus aquam nobis et ságuinem dedit, unde repararétur Ecclésia. — Recurrénte autem anno ab humáni géneris redemptiône undevícies centenário, quem ad tam ineffábile benefícium reколéndum solémni præ ómnibus sacro

Jubilæo Summus Póntifex Pius undécimus celebrátum vóluit; ut pretiósí Sanguinis, quo redémpti sumus, Agni immaculáti Christi uberióres dimanárent in hómines fructus, ejúsque memória fidélibus vivídius commendaréturet, idem Summus Póntifex Pretiosíssimi Sanguinis Dómini Nostri Jesu Christi festum, quotánnis ab univérsa Ecclésia peragéndum, ad ritum dúplicem primæ classis evéxit.

R. Comméndat caritatém suam Deus in nobis :

* Quóniam cum adhuc peccatóres essémus, secúndum tempus Christus pro nobis mórtuus est.

V. Multo igitur magis nunc justificáti in sanguine ipsíus, salvi érimus ab ira per ipsum. — Quóniam. **Gloria Patri.** Quóniam.

In III Nocturno

Ant. Exívit ergo Jesus * portans corónam spíneam et purpúreum vestiméntum. Et dixit eis : Ecce homo.

Psalmus 73



T quid, Deus, repulísti in finem : * irátus est furor tuus super oves páscae tuæ?

Memor esto congregatiónis tuæ, * quam possedísti ab iníitio.

Redemísti virgam hereditátis tuæ : * mons, Sion, in quo habitásti in eo.

Leva manus tuas in superbias eórum in finem : * quanta malignátus est inimícus in sancto!

Et gloriáti sunt qui odérunt te : * in médio solemnitatís tuæ.

Posuérunt signa sua, signa : * et non cognovérunt sicut in éxitu super summum.

Quasi in silva lignórum secúribus excidérunt jánuas ejus in idípsum : * in secúri et áscia dejecérunt eam.

Incendérunt igni Sanctuárium tuum : * in terra polluérent tabernáculum nóminis tui.

Dixerunt in corde suo cognátio eórum simul : * Quiéscere faciámus omnes dies festos Dei a terra.

Signa nostra non vídimus, jam non est prophéta : * et nos non cognóscet ámplius.

Usquequo, Deus, improperábit inimícus : * irritat adversárius nomen tuum in finem?

Ut quid avértis manum tuam, et dexteram tuam, * de médio sinu tuo in finem?

Deus autem Rex noster ante sácula : * operátus est salútem in médio terræ.

Tu confirmásti in virtúte tua mare : * contribuísti cápita draconum in aquis.

Tu confregisti cápita draconis : * dedísti eum escam pópulis Æthiopum.

Tu dirupísti fontes, et torréntes : * tu siccásti flúvios Ethan.

Tuus est dies, et tua est nox : * tu fabricátus es auróram et solem.

Tu fecísti omnes téminos terræ : æstátem et ver tu plasmásti ea.

Memor esto hujus, inimicus impropéravit Dómino : * et pópulus insípiens incitávit nomen tuum.

Ne tradas béstiis ánimas confiténtes tibi, * et ánimas páuperum tuórum ne obliviscáris in finem.

Réspice in testaméntum tuum : * quia repléti sunt, qui obscuráti sunt terræ dómibus iniquitátum.

Ne avertátur húmilis factus confúsus : * pauper et inops laudábunt nomen tuum.

Exsúrge, Deus, júdica causam tuam : * memor esto impropériórum tuórum, eórum quæ ab insipiénte sunt tota die.

Ne obliviscáris voces inimicórum tuórum : * superbia eórum, qui te odérunt, ascéndit semper.

Ant. Exívit ergo Jesus portans corónam spíneam

et purpúreum vestiméntum. Et dixit eis : Ecce homo.

Ant. Et bájulans sibi crucem, * exívit in eum, qui dicitur Calváriæ, locum, ubi crucifixérunt eum.

Psalmus 87

Domine, Deus salútis meæ : * in die clamávi, et nocte coram te.

Intret in conspéctu tuo orátio mea : * inclína autem tuam ad precem meam :

Quia repléta est malis ánima mea : * et vita mea inférno appropinquávit.

Æstimátus sum cum descendéntibus in lacum : * factus sum sicut homo sine adjutório, inter mórtuos liber.

Sicut vulneráti dormiéntes in sepúlcris, quorum non es memor ámplius : * et ipsi de manu tua repúlsi sunt.

Posuérunt me in lacu inferióri : * in tenebrósis, et in umbra mortis.

Super me confirmátus est furor tuus : * et omnes fluctus tuos induxísti super me.

Longe fecísti notos meos a me : * posuérunt me abominatióne sibi.

Tráditus sum, et non egrediébar : * óculi mei languérunt præ inópia.

Clamávi ad te, Dómine, tota die : * expándi ad te manus meas.

Numquid mórtuis fácies mirabília : * aut médici suscitábunt, et confitebúntur tibi?

Numquid narrábit áliquis in sepúlcro misericórdiam tuam, * et veritátem tuam in perditíone?

Numquid cognoscéntur in ténebris mirabília tua, * et justítia tua in terra obliviónis?

Et ego ad te, Dómine, clamávi : * et mane orátio mea præveniet te.

Ut quid, Dómine, repéllis oratióem meam : * avértis fáciem tuam a me?

Pauper sum ego, et in labóribus a juventúte mea : * exaltátus autem, humiliátus sum et conturbátus.

In me transiérunt iræ tuæ : * et terróres tui conturbavérunt me.

Circumdedérunt me sicut aqua tota die : * circumdedérunt me simul.

Elongásti a me amicum et próximum : * et notos meos a miséria.

Ant. Et bájulans sibi crucem, exívit in eum, qui dicitur Calváriæ, locum, ubi crucifixérunt eum.

Ant. Ut vidérunt eum jam mórtuum, * non fregerunt ejus crura, sed

unus mílitem láncea latus ejus apérui, et contínuo exívit sanguis et aqua.

Psalmus 93

Deus ultiónum Dóminus : * Deus ultiónum libere egit.

Exaltáre, qui júdicas terram : * redde retributió-nem supérbis.

Usquequo peccatóres, Dómine, * úsquequo peccatóres gloriabúntur :

Effabúntur, et loquéntur iniquitátem : * loquéntur omnes, qui operántur injustítiam?

Pópulum tuum, Dómine, humiliavérunt : * et hereditátem tuam vexavérunt.

Víduam, et ádvenam interfecérunt : * et pupíllos occidérunt.

Et dixerunt : Non vidébit Dóminus, * nec intéliget Deus Jacob.

Intelligite, insipiéntes in pópulo : * et stulti, aliquándo sápite.

Qui plantávit aurem, non áudiet? * aut qui finxit óculum, non consíderat?

Qui córripit gentes, non árguet : * qui docet hóminem sciéntiam?

Dóminus scit cogitatiónes hóminum, * quóniam vanæ sunt.

Beátus homo, quem tu erudíeris, Dómine : * et de lege tua docúeris eum.

Ut mītiges ei a diēbus malis : * donec fodiātur peccatōri fōvea.

Quia non repēllet Dóminus plebem suam : * et hereditātem suam non derelinquet.

Quoadúsque justítia convertátur in iudícium : * et qui juxta illam omnes qui recto sunt corde.

Quis consúrget mihi advérsus malignāntes? * aut quis stabit mecum advérsus operāntes iniquitātem?

Nisi quia Dóminus adjúvit me : * paulo minus habitāssset in inférno ánima mea.

Si dicēbam : Motus est pes meus : * misericórdia tua, Dómine, adjuvābat me.

Secúndum multitudínem dolórum meórum in corde meo : * consolatiónes tuæ lætificavérunt animam meam.

Numquid adhæret tibi sedes iniquitátis : * qui fingis labórem in præcépto?

Captābunt in ánimam iusti : * et ságuinem innocentem condemnābunt.

Et factus est mihi Dóminus in refúgium : * et Deus meus in adiutórium spei meæ.

Et reddet illis iniquitātem ipsórum : et in malítia eórum dispérdet eos : *

dispérdet illos Dóminus Deus noster.

Ant. Ut vidérunt eum jam mórtuum, non fregérunt ejus crura, sed unus militum lancea latus ejus apérui, et continuo exívit sanguis et aqua.

℟. Christus diléxit nos.

℟. Et lavit nos a peccátis nostris in ságuine suo.

Lectio sancti Evangélii
secúndum Joánnem

Lectio vii Cap. 19, 30-35

IN illo témpore : Cum accepísset Jesus acétum, dixit : Consummátum est. Et, inclináto cápite, trádidit spíritum. Et réliqua.

Homilía sancti Augustíni
Epíscopi

Tractatus 120 in Joannem



Igilánti verbo Evangelísta usus est, ut non diceret : Latus ejus percússit, aut vulnerávit, aut quid áliud, sed Apérui; ut illic quodámodo vitæ óstium panderétur, unde sacraménta Ecclesiæ manavérunt, sine quibus ad vitam, quæ vera vita est, non intráitur. Ille sanguis qui fusus est, in remissionem fusus est peccatórum. Aqua illa salutáre téperrat póculum; hæc et lavácrum præstat et potum.

Hoc prænuntiábat quod Noë in látere arcæ óstium fácere jussus est, quo intrárent animália quæ non erant dilúvio peritúra, quibus præfigurabátur Ecclé-sia. Propter hoc prima múlter facta est de látere viri dormiéntis, et appelláta est vita matérque vivórum. Magnum quippe significávit bonum, ante magnum prævaricatiór is malum. Hic secúndus Adam, inclináto cápite, in cruce dormívit, ut inde formarétur ei conjux, quæ de látere dormiéntis efflú-xit. O mors, unde mórtui revivíscunt! Quid isto sán-guine mún dius? Quid vúl- nere isto salúbrius?

℟. Hic est, qui venit per aquam et sánguinem, Jesus Christus : * Non in aqua solum, sed in aqua et ságuine. ℣. In die illa erit fons patens dómui Da-vid et habitántibus Jerú-salem in ablutióne pec- catóris. — Non.

Bened. Divínium auxílium.

Lectio viii

Enarrat. in Psalm. 95, n. 5

Tenebántur hómines ca- ptívi sub diábolo, et dæmónibus serviébant; sed redémpti sunt a capti- vitáte. Véndere enim se potuérunt, sed redímere non potuérunt. Venit Red- émp tor, et dedit prétium;

fudit sánguinem suum, et emit orbem terrárum. Quæritis quid émerit? Vi- déte quid déderit, et inve- niétis quid émerit. San- guis Christi prétium est. Tanti quid valet? quid, nisi totus orbis? quid, nisi omnes gentes? Valde ingrátí sunt prétio suo, aut multum supérbi sunt, qui dicunt, aut illud tam pa- rum esse, ut solos Afros émerit, aut se tam magnos esse pro quibus solis illud sit datum. Non ergo ex- súltent, non supérbiant. Pro toto dedit, quantum dedit.

℟. Prædestinávit nos Deus in adoptiόnem filiό- rum per Jesum Christum, * In quo habémus redem- ptiόnem per sánguinem ejus. ℣. Remissiόnem pec- catórum secúndum diví- tias grátiae ejus, quæ su- perabundávit in nobis. — In. Glória Patri. In.

Lectio ix

Sermo 31, alias 344

Habuit ille sánguinem, unde nos redímeret; et ad hoc accépit sángu- nem, ut esset quem pro nobis rediméndis effúnde- ret. Sanguis Dómini tui, si vis, datus est pro te; si nolúeris esse, non est da- tus pro te. Forte enim di- cis : Hábit sánguinem Deus meus, quo me redi-

meret, sed jam, cum passus est, totum dedit; quid illi remansit, quod det et pro me? Hoc est magnum, quia semel dedit, et pro omnibus dedit. Sanguis Christi volenti est salus, nolenti supplicium. Quid ergo dubitas, qui mori non vis, a secunda potius morte liberari? Qua liberaris, si vis tollere crucem tuam, et sequi Dominum; quia ille tulit suam, et quaesivit servum.

Te Deum laudamus.

AD LAUDES

et per Horas, Añæ

1 Hi qui amicti sunt * stolis albis, qui sunt, et unde venerunt?

Psalmi de Dominica.

2 Hi sunt * qui venerunt de tribulatione magna et laverunt stolas suas in sanguine Agni.

3 Ideo sunt * ante thronum Dei et serviunt ei die ac nocte.

4 Et ipsi vicerunt * draconem propter sanguinem Agni et propter testamentum Verbi sui.

5 Beati * qui lavant stolas suas in sanguine Agni.

Capit. Hebr. 9, 11-12

Fratres : Christus assistens Pontifex futurorum bonorum, per amplius et perfectius tabernaculum

non manufactum, id est, non hujus creationis : neque per sanguinem hircorum aut vitulorum, sed per proprium sanguinem introivit semel in Sancta, æterna redemptione inventa.

Hymnus

Salvete, Christi vulnera,
Immensi amoris pignora,
Quibus perennes rivuli
Manant rubentis sanguinis.

Nitore stellas vincitis,
Rosas odore et balsama,
Prætio lapillos Indicos,
Mellis favos dulcedine.

Per vos patet gratissimum

Nostris asylum mentibus;
Non huc furor minantium
Umquam penetrat hostium.

Quot Jesus in prætorio
Flagella nudus excipit!
Quot scissa pellis undique
Stillat cruoris guttulas!

Frontem venustam, proh dolor!

Corona pungit spinea,
Clavi retusa cuspidem
Pedes manusque perforant.

Postquam sed ille tradidit
Amans volensque spiritum,
Pectus feritur lancea,
Geminusque liquor exsilit.

Ut plena sit redemptio,
Sub torculari stringitur;
Suique Jesus immemor,
Sibi nil reservat sanguinis.

Venite, quotquot criminum

Funesta labes inficit :
In hoc salutis balneo
Qui se lavat, mundabitur.

¶ Sequens Conclusio nunquam mutatur.

Summi ad Parentis dexteram

Sedenti habenda est gratia,

Qui nos redemit sanguine,
Sanctoque firmat Spiritu.
Amen.

℣. Justificati in sanguine Christi. ℞. Salvi erimus ab ira per ipsum.

Ad Bened. Ant. Erit sanguis Agni * vobis in signum, dicit Dominus; et videbo sanguinem, et transibo vos nec erit in vobis plaga disperdens.

Oratio

Omnipotens sempiterna Deus, qui unigenitum Filium tuum mundi Redemptorem constituisti, ac ejus Sanguine placari voluisti : concede, quaesumus, salutis nostrae pretium solenni cultu ita venerari, atque a praesentis vitae malis ejus virtute defendi in terris; ut fructu perpetuo laetemur in caelis. Per eundem Dominum.

Ad Laudes tantum fit Com. diei Octavae S. Joannis :

Ant. Apertum est os Zachariae, et prophetavit dicens : Benedictus Deus Israel.

℣. Iste puer magnus coram Domino. ℞. Nam et manus ejus cum ipso est.

Oratio

Deus, qui praesentem diem honorabilem nobis in beati Joannis nativitate fecisti : da populis tuis spiritualium gratiam gaudiorum; et omnium fidelium mentes dirige in viam salutis aeternae. Per Dominum.

Ad Horas Psalmi de Dominica, ad Primam tamen ut in Festis; et ad eam in ℞. br.

℣. Qui tuo nos sanguine redemisti.

AD TERTIAM

Capitulum Fratres : ut ad Laudes.

℞. br. Redemisti nos, Domine, * In sanguine tuo. Redemisti. ℣. Ex omni tribu, et lingua, et populo, et natione. In sanguine tuo. Gloria Patri. Redemisti.

℣. Sanguis Jesu Christi Filii Dei. ℞. Emundat nos ab omni peccato.

AD SEXTAM

Capit. Hebr. 9, 13-14

SI sanguis hircorum, et taurorum, et cinis vitulae aspersus inquinatos

sanctificat ad emundationem carnis : quanto magis sanguis Christi, qui per Spiritum Sanctum semetipsum obtulit immaculatum Deo, emundabit conscientiam nostram ab operibus mortuis, ad serviendum Deo viventi?

R. br. Sanguis Jesu Christi Filii Dei, * Emundat nos. Sanguis. **V.** Ab omni peccato. Emundat nos. Glória Patri. Sanguis.

V. Christus dilexit nos. **R.** Et lavit nos in sanguine suo.

Oratio

OMnipotens sempiternus Deus, qui unigenitum Filium tuum mundi Redemptorem constituisti, ac ejus Sanguine placari voluisti : concede, quaesumus, salutis nostrae pretium sollemni cultu ita venerari, atque a praesentis vitae malis ejus virtute defendi in terris; ut fructu perpetuo laetemur in caelis. Per eundem Dominum.

AD NONAM

Ant. Beati * qui lavant stolas suas in sanguine Agni.

Capit. Hebr. 9, 19-20

Accipiens Moyses sanguinem vitulorum, et hircorum cum aqua et

lana coccinea et hyssopo : ipsum quoque librum, et omnem populum aspersit, dicens : Hic sanguis testamenti, quod mandavit ad vos Deus.

R. br. Christus dilexit nos, et lavit nos * In sanguine suo. Christus. **V.** Et fecit nos regnum, et sacerdotes Deo, et Patri. In sanguine suo. Glória Patri. Christus.

V. Justificati in sanguine Christi. **R.** Salvi erimus ab ira per ipsum.

IN II VESPERIS

Omnia ut in I Vesperis, sed loco ultimi Psalmi dicitur Ps. 147 Lauda Jerusalem Dominum, ut ibidem. 698

V. Te ergo quaesumus, tuis famulis subveni. **R.** Quos pretioso sanguine redemisti.

Ad Magnif. Ant. Habebitis autem hunc diem in monumentum : et celebrabitis eum sollemnem Domino in generationibus vestris cultu sempiterno.

Et fit Commemoratio tantam sequentis, ut infra.

Completorium de Dominica et conclusio Hymni ut in Communi Festorum B. Mariae Virginis.

In Visitatione Beatae Mariæ Virginis

DUPLEX II CLASSIS

Omnia de Communi Festorum B. Mariæ Virginis [174], præter ea quæ hic habentur propria.

IN I VESPERIS

Quando dicendæ sint integræ : Añæ de Laudibus, Versus et reliqua, ut infra.

Ant. Beáta es, * Mariá, quæ credidisti : perficién-tur in te quæ dicta sunt tibi a Dómino, allelúja.

V. Benedícta tu in muliéribus. **R.** Et benedíctus fructus ventris tui.

Oratio

FAmulis tuis, quæsumus, Dómine, cælestis grátia munus impertire : ut, quibus beátæ Virgini-partus éxstitit salutis exórdium; Visitationis ejus votíva solémnitas, pacis tríbuat increméntum. Per Dóminum.

AD MATUTINUM

Invit. Visitationem Virgini Mariæ celebrémus :
* Christum ejus Fílium adorémus Dóminum. **Ps. 94**
Veníte, exsultémus.

In I Nocturno

De Cánticis canticórum

Lectio i Cap. 2, 1-17



SGO flos campi et lílium convállium. Sicut lílium inter spinas, sic amíca mea in-

ter filias. Sicut malus inter ligna silvárum, sic diléctus meus inter filios. Sub umbra illius quem desideráveram sedi, et fructus ejus dulcis gútturi meo. Introduxit me in cellam vináriam, ordinávit in me caritátem. Fulcite me flóribus, stipáte me malis, quia amóre lángueo. Læva ejus sub cápite meo, et dextera illius amplexábitur me. Adjúro vos, filiæ Jerúsalem, per cápreas cervósque campórum, ne suscitétis neque evigiláre faciétis diléctam, quoadúsque ipsa velit.

R. Surge, própera, amíca mea, formósa mea, et veni : jam enim hiems tránsiit, imber ábiit et recéssit; * Vox túrturis audíta est in terra nostra.

V. Intrávit Mariá in domum Zachariæ et salutávit Elísabeth. — Vox.

Lectio ii

VOX dilécti mei; ecce iste venit sáliens in móntibus, transíliens colles. Símilis est diléctus meus cápree hinnulóque cervórum. En ipse stat post paríetem nostrum, respíciens per fenéstas, prospíciens per cancéllos. En diléctus meus lóquitur

mihi : Surge, própera, amíca mea, colúmba mea, formósa mea, et veni. Jam enim hiems tránsiit, imber ábiit et recéssit, flores apparuérunt in terra nostra, tempus putatiónis advénit, vox túrturis audíta est in terra nostra, ficus prótulit grossos suos, vineæ floréntes dedérunt odórem suum.

℟. Quæ est ista quæ procéssit sicut sol, et formósa tamquam Jerúsalem? * Vidérunt eam filiae Sion, et beátam dixerunt, et reginæ laudavérunt eam.

℣. Et sicut dies verni circúmdabant eam flores rosárum et lília convállium. — Vidérunt.

Lectio iii

Surge, amíca mea, speciosa mea, et veni, colúmba mea, in foramínibus petrae, in cavérna maceríæ, osténde mihi faciém tuam, sonet vox tua in áuribus meis : vox enim tua dulcis, et faciés tua decóra. Cápíte nobis vulpes párvulas, quæ demolíuntur vineas; nam vinea nostra flóruit. Diléctus meus mihi, et ego illi, qui páscitur inter lília, donec aspíret dies, et inclinéntur umbræ. Revértere; símilis esto, dilécte mi, cáprea hinnulóque cervórum super montes Bether.

℟. Repléta est Spíritu Sancto Elísabeth et exclamávit : Benedícta tu inter mulíeres, et benedíctus fructus ventris tui : * Et unde hoc mihi, ut véniat mater Dómini mei ad me?

℣. Ecce enim, ut facta est vox salutatiónis tuæ in áuribus meis, exsultávit in gáudio infans in útero meo. — Et. Glória. Et.

In II Noeturno

Sermo sancti Joánnis

Chrysóstomi

Apud Metaphr. mense Julio



UM ad nos advenisset Redémptor nostri géneris, venit prótinus ad suum amicum Joánnem, dum adhuc esset in ventre matris. Quem cum ex útero in útero aspexisset Joánnes, términos natúræ concútiens, exclámat : Vídeo Dóminum, qui natúræ impósuit términos, et non exspécto tempus nascéndi. Novem ménsium tempus mihi non est hic necessárium; in me est enim, qui est ætérnus. Egrédia ex hoc tenebróso tabernáculo, rerum admirábilium compendiósam prædicábo cognitióem. Sum signum : significábo Christi advéntum. Sum tuba : próferam Filii Dei in carne dispensatióem. Tuba canam; eo ipso patérnæ linguæ benedicam,

et eam traham, ut loquatur. Tuba canam, et úterum matérnum vivificábo.

℟. Ecce iste venit sáliens in móntibus, transiliens colles : * Símilis est diléctus meus cáprea hinnulóque cervórum. ℣. Exultávit ut gigas ad curréndam viam, a summo cælo egressio ejus. — Símilis.

Lectio v

Vides, o dilécte, quam sit novum et admirábile mystérium. Nondum náscitur, et sáltibus lóquitur; nondum appáret, et minas inténtat; nondum ei permíttitur clamáre, et per facta audítur; nondum ducit vitam, et Deum prædicat; nondum áspicit lucem; et solem indicat; nondum páritur, et próperat præcurrere. Non fert enim, præsenté Dómino, continéri; non sústinet natúræ exspectáre términos; sed conténdit rúmpere cárcerem ventris, et studet præsignificáre veniéntem Salvatórem. Accéssit, inquit, qui solvit víncula; et quid ego sédeo vinctus, et retíneor ut máneam? Venit Verbum, ut ómnia constitúat; et ego adhuc máneo deténtus? Exíbo, præcúrram, et prædicábo ómnibus : Ecce Agnus Dei, qui tollit peccátum mundi.

℟. Congratulámini mihi, omnes qui dilígitis Dóminum : quia cum essem párvula, pláculi Altíssimo, * Et de meis viscéribus génui Deum et hóminem. ℣. Beátam me dicent omnes generatiónes, quia ancíllam húmílem respéxit Deus. — Et.

Lectio vi

SED dic nobis, Joánnes, cum adhuc in tenebróso matris útero contineáris, quómodo intuéris et audis? quómodo res divínas contempláris? quómodo éxsilis et exsúltas? Magnum est, inquit, quod perágitur mystérium, et actus ab humána remótus comprehensióne. Mérito innovo natúram propter eum, qui est innovatúrus ea quæ sunt supra natúram. Vídeo, etsi adhuc in útero sim; quóniam in útero gestári vídeo solem justítiæ. Auribus percípio, quóniam nascor vox magni Verbi. Exclámo, quóniam Fílium Patris unigénitum consídero carne indútum. Exsúlto, quóniam univérsti Effectórem vídeo formam hóminis suscípere. Exsílio quóniam mundi Redemptórem cógito incorporátum. Præcúrro advéntum ejus, et quodámodo vobis præeo confessióne.

R. Beáta quæ credidísti, quóniam perficiéntur in te quæ dicta sunt tibi a Dómino. Et ait María : *** Magnificat** ánima mea Dóminum. **V.** Veníte, et audíte. et narrábo quanta fecit Deus ánimæ meæ. — Magnificat. **Gloria Patri.** Magnificat.

In III Nocturno

Léctio sancti Evangélíi
secúndum Lucam

Lectio vii Cap. 1, 39-47

IN illo témpore : Exsurgens María ábiit in montána cum festinatioé in civitátem Juda; et intrávit in domum Zachariæ, et salutávit Elísabeth. Et réliqua.

Homilía sancti Ambrósii
Epíscopi

Liber 2 Comment. in Luc.
cap. 1, post initium



Eontuéndum est, quia supérior venit ad inferiorem, ut inférior adjuvétur : María ad Elísabeth, Christus ad Joánnem. Dénique étiam póstea, ut sanctificáret baptísmum Joánnis, Dóminus venit ad baptísmum. Cito quoque advéntus Mariæ et præsentíæ divínæ beneficia declarántur. Vide distinctiónem singulorúmque verbórum proprietátem. Vocem prior Elísabeth audívit, sed Joánnes prior grátiam sensit. Illa

natúræ órđine audívit, iste exsultávit ratióne mystérii. Illa Mariæ, iste Dómini sensit advéntum. Istæ grátiam loquúntur, illi intus operántur pietatísque mystérium matérnis adoriúntur profécibus; duplicíque miráculo prophétant matres spírítu parvulórum. Exsultávit infans, repléta est mater. Non prius mater repléta, quam filius; sed, cum filius esset replétus Spírítu Sancto, replévit et matrem.

R. Beátam me dicent omnes generatiónes : *** Quia** fecit mihi Dóminus magna qui potens est, et sanctum nomen ejus. **V.** Et misericórdia ejus a progénie in progénies timéntibus eum. — Quia.

Si ix Lectio alicujus Officii commemorati dicenda non sit, tunc ex viii Lectione fiunt duæ, quarum prior desinit ad signum ¶.

Bened. Cujus festum cólimus, ipsa Virgo vírginum.

Lectio viii

ET unde hoc mihi, ut véniat Mater Dómini mei ad me? Hoc est, Quo tantum bonum mihi áccidit, ut Mater Dómini mei véniat ad me? Miráculum séntio, agnósco mystérium : Mater Dómini Verbo fœta, Deo plena est. Mansit autem María cum illa ménsibus tribus,

et reversa est in domum suam. Bene inducitur sancta Mariâ et exhibuisse officium, et mysticum numerum custodisse. ¶ Non enim sola familiaritatis est causa quod diu mansit, sed etiam tanti vatis profectus. Nam, si primo ingressu tantus profectus exstitit, ut ad salutationem Mariæ exsultaret infans in útero, repleretur Spíritu Sancto mater infantis; quantum putamus usu tanti temporis sanctæ Mariæ addidisse præsentiam? Ungebatur itaque, et quasi bonus athleta exercebatur in útero matris Propheta; amplissimo enim virtus ejus certâmini parabatur.

℟. Felix namque es, sacra Virgo Mariâ, et omni laude dignissima : * Quia ex te ortus est sol justitiæ, * Christus, Deus noster.

℣. Ora pro pópulo, intéveni pro clero, intercède pro devoto femíneo sexu : sentiant omnes tuum juvâmen, quicumque celebrant tuam sanctam Visitationem. — Quia. Glória Patri. Christus.

Pro Ss. Processo
et Martiniano Martyribus :

Lectio ix

QUO tempore Petrus et Paulus tenebantur sub custodia Mamertini

in monte Tarpéjo, duo custódes, Procéssus et Martiniánus, cum aliis quadraginta, Apostolorum prædicatione miraculísque commóti, se ad Jesu Christi fidem convertérunt; et, cum repénite fons e saxo ortus esset, baptizáti sunt. Qui permiserunt Apóstolis, ut, si vellent, abírent. Sed Paulinus militum præfectus, re cógnita, Procéssum et Martiniánum a suscepto consílio revocáre conátur. Qui, cum frustra tempus contéreret, ipsórum ora saxo contúndi dentesque commínui jubet. Mox ad Jovis státuam addúctos, cum eádem constántia veneratúros se idóla negárent, imperat equúleo torquéri, candéntibus láminis ad eórum corpus admóti, ac cædi fústibus; quibus in cruciátibus una hæc illórum vox audiebatur : Sit nomen Dómini benedíctum. Dénique conjécti in cárce-rem, paulo post extra Urbem via Aurélia secúri feriúntur. Quorum córpora Lucína in prædio suo sepélivit, sexto Nonas Júlii; quæ póstea, in Urbem transláta, in basilica Príncipis Apostolorum cóndita sunt.

Te Deum laudámus.

AD LAUDES

et per Horas, Añæ

1 Exsurgens Mariá * ábiit in montána cum festinaciónē, in civitátem Juda.

2 Intrávit Mariá * in domum Zachariæ, et salutávit Elisabeth.

3 Ut audívit * salutatió-nem Mariæ Elisabeth, exsultávit infans in útero ejus, et repléta est Spíritu Sancto, allelúja.

4 Benedícta * tu inter mulieres, et benedíctus fructus ventris tui.

5 Ex quo facta est * vox salutatiónis tuæ in áuri-bus meis, exsultávit in-fans in útero meo, allelúja.

Capitulum Eccli. 24, 14

AB iníitio et ante sácula creáta sum, et usque ad futúrum sáculum non désinam, et in habitatióne sancta coram ipso ministrávi.

Hymnus

O Gloriósa vírginum,
Sublímis inter sídera,
Qui te creávit, párvulum
Lacténte nutris úbere.

Quod Heva tristis ábstu-lit,

Tu reddis almo gérmine :
Intrent ut astra flébiles,
Cæli reclúdis cárdines.

Tu regis alti jánuā
Et aula lucis fúlgida :

Vitam datam per Vírgi-nem,
Gentes redémptæ, pláu-dite.

Jesu, tibi sit glória,
Qui natus es de Vírgine,
Cum Patre, et almo Spí-ritu,

In sempitérna sácula.

Amen.

℟. Benedícta tu in muli-eribus. ℞. Et benedíctus fructus ventris tui.

Ad Bened. Ant. Cum audisset * salutatió-nem Mariæ Elisabeth, exclamávit voce magna et dixit : Unde hoc mihi, ut véniat Mater Dómini mei ad me? allelúja.

Oratio

FAmulis tuis, quæsumus, Dómine, cæléstis grátiae munus impertíre : ut, quibus beátæ Vírginis partus éxstitit salútis exórdium; Visitatió-nis ejus votíva solémnitas, pacis tríbuat increméntum. Per Dóminum.

Ad Laudes tantum fit Com-memoratio Ss. Processi et Martiniani Mm. :

Ant. Vestri capílli cápi-tis omnes numeráti sunt : nolíte timére : multis pas-séribus melióres estis vos.

℟. Exsultábunt Sancti in glória. ℞. Lætabúntur in cubílibus suis.

Oratio

DEus, qui nos sanctórum Mártyrum tuórum Procéssi et Martiniáni gloriósis confessiónibus circúmdas et prótegis : da nobis et eórum imitatione proficere, et intercessióne gaudere. Per Dóminum.

AD TERTIAM

Capit. Ab initio, ut supra. 720

R. br. Spécie tua * Et pulchritúdine tua. Spécie. **V.** Inténde, prospere procéde, et regna. Et. Glória Patri. Spécie. **V.** Adjuvabit eam Deus vultu suo. **R.** Deus in médio ejus, non commovébitur.

AD SEXTAM

Capit. Eccli. 24, 15-16

ET sic in Sion firmáta sum, et in civitáte sanctificáta simíliter requiévi, et in Jerúsalem potéstas mea. Et radicávi in pópulo honorificáto, et in parte Dei mei heréditas illius, et in plenitúdine sanctórum deténtio mea.

R. br. Adjuvabit eam * Deus vultu suo. Adjuvabit. **V.** Deus in médio ejus, non commovébitur. Deus vultu suo. Glória Patri. Adjuvabit. **V.** Elégit eam Deus, praelégit eam. **R.** In tabernáculo suo habitáre facit eam.

AD NONAM

Capit. Eccli. 24, 19-20

IN platéis sicut cinnamómum et bálsamum aromatízans odórem dedi : quasi myrrha elécta, dedi suavitátem odóris.

R. br. Elégit eam Deus, * Et praelégit eam. Elégit. **V.** In tabernáculo suo habitáre facit eam. Et. Glória Patri. Elégit.

V. Diffúsa est grátia in lábiis tuis. **R.** Proptérea benedíxit te Deus in ætérnum.

IN II VESPERIS

Añæ de Laudibus, ut supra, p. 720. Capitulum et Hymnus de Communi.

V. Benedícta tu in muliéribus. **R.** Et benedíctus fructus ventris tui.

Ad Magnif. Ant. Beátam me dicent * omnes generatiónes, quia ancíllam húmílem respéxit Deus, allelúja.

Et fit Commemoratio sequentis tantum.

Die 3 Julii

S. Leonis II

**Papæ et Confessoris [69]
Semiduplex**

Ant. Sacérdos et Póntifex, et virtútum ópifex,

pastor bone in pópulo, ora pro nobis Dóminum.

✠. Amávit eum Dóminus.

Oratio

GRegem tuum, Pastor ætérne, placátus inténde : et per beátum Leónem Summum Pontíficem, perpétua protectióne custódi; quem totíus Ecclésiæ præstitísti esse pastórem. Per Dóminum.

In II Nocturno

Lectio iv

IEO secúndus, Póntifex máximus, Sículus, húmánis et divínis lítteris Græce et Latíne doctus, músicis étiam eruditus fuit; ipse enim sacros Hymnos et Psalmos in Ecclésia ad concéntum meliorem redúxit. Probávit acta sextæ sýnodi, quæ Constantínopoli celebráta est, præsidéntibus legátis apostólicæ Sedis, præsenté quoque Constantíno imperatóre, et duóbus patriárchis, Constantinopolitáno et Antiochéno, ac centum septuagínta episcopis; quam et in Latínium tránstulit.

✠. Invéni David servum meum, óleo sancto meo unxi eum : * Manus enim mea auxiliábitur ei.

✠. Nihil proficiet inimícus

in eo, et filius iniquitátis non nocébit ei. — Manus.

Lectio v

IN eo concílio Cyrus, Sérgius et Pyrrhus condemnáti sunt, unam tantúmmodo voluntátem et operatiónem in Christo prædicántes. Hic fregit supérbiam antístitum Ravennátum, qui, exarchórum freti poténtia, Sedi apostólicæ non obtemperábant. Quam ob rem decrevit ut eléctio cleri Ravennátis írrita esset, nisi Románi Pontíficis auctoritáte comprobarétur.

✠. Pósui adjutórium super poténtem, et exaltávi eléctum de plebe mea :

* Manus enim mea auxiliábitur ei. ✠. Invéni David servum meum, óleo sancto meo unxi eum. — Manus.

Lectio vi

VEre pater páuperum fuit; non enim pecúnia solum, sed ópera, labóre et consíliis egéntium viduárum et pupillórum inópiam ac solitúdinem sublevábat. Qui, dum singulos non magis prædicatióne quam vita ad pie sanctéque vivéndum adhortarétur, obdormívit in Dómino mense sui pontificátus undécimo, quinto Nonas Júlii, anno sexcentésimo octogésimo tértio,

sepultusque est in basilica sancti Petri. Ordinatione una, mense Júnio, creavit presbyteros novem, diaconos tres, episcopos diversis in locis viginti tres.

R. Iste est, qui ante Deum magnas virtutes operatus est, et omnis terra doctrina ejus repleta est : * Ipse intercedat pro peccatis omnium populorum. **V.** Iste est, qui contempsit vitam mundi, et pervenit ad caelestia regna. — Ipse. **Gloria.** Ipse.

Pro hoc Festo simplificato

Lectio ix

LEO secundus, Sículus, humanis et divinis litteris Graece et Latine doctus, musicis etiam eruditus fuit; ipse enim sacros Hymnos et Psalmos in Ecclesia ad concantum meliorem reduxit. Probavit acta sextae synodi, quae, praesidentibus legatis apostolicae Sedis, Constantinopoli celebrata est; quam et in Latinum transtulit. In eo concilio Cyrus, Sérgius et Pyrrhus condemnati sunt, unam tantummodo voluntatem et operationem in Christo praedicantes. Vere pater pauperum fuit; non enim pecunia solum, sed opera, labore et consiliis egenitum viduarum et pupillorum

inopiam et solitudinem sublevabat. Obdormivit in Domino mense sui pontificatus undécimo, quinto Nonas Júlii, anno sexcentésimo octogésimo tertio, sepultusque est in basilica sancti Petri.

Te Deum laudamus.

In III Nocturno Homilia in Ev. Venit Jesus, de Communi unius aut plurium Summorum Pontificum [28^a]

AD LAUDES

V. Justum deduxit.

Ad Bened. Ant. Euge, serve bone * et fidelis, quia in pauca fuisti fidelis, supra multa te constituam, dicit Dominus.

Oratio Gregem tuum, ut supra. 722

Et fit Commemoratio Octavae Ss. Petri et Pauli App. :

Ant. Gloriosi principes terrae, quomodo in vita dilexerunt se, ita et in morte non sunt separati.

V. In omnem terram exivit sonus eorum. **R.** Et in fines orbis terrae verba eorum.

Oratio

DEus, qui hodiernam diem Apostolorum tuorum Petri et Pauli martyrio consecrasti : da Ecclesiae tuae, eorum in omnibus sequi praecipuum; per quos religionis sumpsit exordium. Per Dominum.

IN II VESPERIS

℣. Justum deduxit.

Ad Magnif. Ant. Dum esset summus Póntifex, * terréna non méruit, sed ad cæléstia regna gloriosus migrávit.

Oratio

G Regem tuum, Pastor ætérne, placátus inténde : et per beátum Leónem Summum Pontificem, perpétua protectióne custódi; quem totíus Ecclésiæ præstitísti esse pastórem. Per Dóminum nostrum.

Et fit Commemoratio sequentis diei infra Octavam.

Die 4 Julii

De VI die infra Octav.
Ss. Petri et Pauli App.

Semiduplex [6]

Ant. Petrus Apóstolus et Paulus Doctor géntium, ipsi nos docuérunt legem tuam, Dómine.

℣. Constitues eos príncipes super omnem terram.

℟. Mémoires erunt nóminis tui, Dómine.

Oratio

Deus, qui hodiérnam diem Apostolorum tuórum Petri et Pauli martýrio consecrásti : da Ec-

clésiæ tuæ, eórum in ómnibus sequi præcéptum; per quos religiónis sumpsit exórdium. Per Dóminum.

In II Nocturno

De Expositióne sancti
Joánnis Chrysóstomi
in Epístolam ad Romános

Sermo 32

in morali exhortatione

Lectio iv

QUM Paulus Apóstolus grátiam Dómini nostri Jesu Christi, matrem ómnium bonórum, nobis precétur; réliquum est, ut nos tali patrocínio dignos exhibeámus, ut non hic solum vocem Pauli audiámus, sed et postquam illuc migravérimus, athlétam Christi vidére mereámur. Immo, si hic audivérimus, et illic ipsum omníno vidébimus, licet non e propínquo stantes; vidébimus tamen prope regálem thronum splendéntem, ubi Chérubim Deum gloríficant, ubi Séraphim volant. Illic Paulum vidébimus cum Petro Sanctórum chori príncipem ac ducem, et ejus germána caritáte fruémur.

℟. Vidi conjúctos viros, habéntes spléndidas vestes, et Angelus Dómini

locútus est ad me, dicens :

* Isti sunt viri sancti facti amici Dei. *℟.* Vidi Angelum Dei fortem, volántem per médium cælum, voce magna clamántem et dicéntem. — Isti.

Lectio v

SI enim, cum hic esset, usque ádeo diligébat hómines, ut, cum dissólvi et cum Christo esse cúperet, elégerit tamen hic esse; multo magis illic ferventiórem caritátem osténdet. Ego et Romam proptérea diligo, tamétsi aliúnde illam laudáre queam, nempe a magnitúdine, ab antiquitáte, a pulchritúdine, a multitudíne, ab império, a divítiis, et a rebus in bello fórtiter gestis. Sed, his ómnibus omíssis, ob id illam beátam prædico, quod erga illos Paulus, dum viveret, ádeo fuit benévolutus, ádeo illos amávit, et coram dissérui, et postrémo vitam apud eos finívit. Cujus sanctum corpus ipsi pössident. Et proptérea civitas illa hinc facta est insígnis magis quam ab áliis rebus ómnibus; et tamquam corpus magnum ac válidum duos habet óculos fulgéntes, Sanctórum videlicet horum córpora.

℟. Beáti estis, cum maledíxerint vobis hómines,

et persecúti vos fúerint, et díxerint omne malum advérsus vos, mentiéntes, propter me : * Gaudéte et exsultáte, quóniam merces vestra copiósa est in cælis. *℟.* Cum vos óderint hómines, et cum separáverint vos, et exprobráverint, et ejécerint nomen vestrum tamquam malum, propter Fílium hóminis. — Gaudéte.

Lectio vi

NON ita cælum splendéscit quando rádios sol demíttit, quemádmódum Romanórum urbs duos istos fulgóres ubíque terrárum emíttens. Hinc rapiétur Paulus, hinc Petrus. Consideráte et horréte, quale spectáculum visúra sit Roma; Paulum videlicet, repénite ex theca illa cum Petro resurgéntem, in occúrsum Dómini sursum ferri. Qualem rosam Christo mittet Roma! quálibus corónis duábus ornátur urbs ista! quálibus caténis áureis cincta est! quales habet fontes! Proptérea admíror hanc urbem, non propter cópiam auri, non propter colúmnas, neque propter áliam quamcúmque rerum spéciem, sed propter colúmnas illas Ecclésiæ. Quis mihi nunc dabit circumvólvi córpori Pauli, affigi

sepúlcro, vidére púlverem córporis illíus, quæ adhuc in Christo déerant adimpléntis, stígmata illíus gestántis, prædicatióem Evangélíi ubíque seminántis?

✠. Isti sunt triumphatóres et amíci Dei, qui contemnéntes jussa princípum, meruérunt præmia æténa : * Modo coronántur, et accípiunt palmam.

✠. Isti sunt qui venérunt ex magna tribulatióne, et lavérunt stolas suas in ságuine Agni. — Modo. Glória Patri. Modo.

In III Nocturno

Léctio sancti Evangélíi
secúndum Matthæum

Lectio vii Cap. 19, 27-29

IN illo témpore : Dixit Petrus ad Jesum : Ecce nos reliquimus ómnia, et secúti sumus te : quid ergo erit nobis? Et reliqua.

De Homilía sancti Bedæ
Venerábilis Presbýteri

Homilia in Natali
S. Benedicti Ep.

QUO sunt órdenes electórum in iudicio futúri : unus iudicántium cum Dómino, de quibus hoc loco mémorat, qui reliquérunt ómnia et secúti sunt illum. Alius iudicandórum a Dómino,

qui non quidem ómnia sua páriter reliquérunt, sed de his tamen quæ habébant, quotidíanas dare eleemósynas Christi paupéribus curábant; unde et auditóri sunt in iudicio : Veníte, benedícti Patris mei, possidéte præparátum vobis regnum a constitutióne mundi; esurívi enim, et dedístis mihi manducáre; sitívi, et dedístis mihi bíbere.

✠. Isti sunt qui vivéntes in carne, plantavérunt Ecclésiám ságuine suo : * Cálicem Dómini bibérunt, et amíci Dei facti sunt. ✠. In omnem terram exívit sonus eórum, et in fines orbis terræ verba eórum. — Cálicem.

Lectio viii

SED et reprobórum duos tibi futúros órdenes, Dómino narránte, comperímus : unum eórum, qui, fidei christiánæ mystériis initiáti, ópera fidei exercére contémnunt; quibus in iudicio testátur : Discédite a me, maledícti, in ignem ætérnum, qui præparátus est diábolo et ángelis ejus; esurívi enim, et non dedístis mihi manducáre. Alterum eórum, qui fidem et mystéria Christi vel numquam suscepére, vel suscepám per apostásiam deseruére; de quibus

dicit : Qui autem non credit, jam judicatus est, quia non credit in nómine unigéniti Fílii Dei.

℟. Isti sunt viri sancti, quos elégit Dóminus in caritaté non ficta, et dedit illis glóriam sempitérnam : * Quorum doctrína fulget Ecclésia, ut sole luna. ℣. Sancti per fidem vicérunt regna : operáti sunt justítiam. — Quorum. Glória Patri. Quorum.

Lectio ix

Verum, his cum timóre et pavóre débito paulisper commemorátis, ad lætíssima pótius Dómini et Salvatóris nostri promissa convertámus auditum. Videámus quæ tantæ grátia pietátis : non æternæ tantúmmodo vitæ præmia suis sequácibus, sed et præsentis múnera pollicétur exímia. Et omnis, inquit, qui relíquerit domum, vel fratres, aut soróres, aut patrem, aut matrem, aut uxórem, aut filios, aut agros propter nomen meum, céntuplum accípiet, et vitam æternam possidébit. Qui enim terrénis afféctibus sive possessionibus pro Christi discipulátu renuntiáverit; quo plus in ejus amórem profecerit, eo plures invéniet, qui se intéro susci-

pere afféctu et suis gaudeant sustentáre substántiis.

Te Deum laudámus.

AD LAUDES

℣. In omnem terram exívit sonus eórum. ℟. Et in fines orbis terræ verba eórum.

Ad Bened. Ant. Gloriósi Príncipes terræ, * quómo-
do in vita sua dilexérunt se, ita et in morte non sunt separáti.

Oratio

Deus, qui hodiérnam diem Apostolorum tuórum Petri et Pauli martýrio consecrásti : da Ecclésiæ tuæ, eórum in ómnibus sequi præcéptum; per quos religiónis sumpsit exórdium. Per Dóminum.

Vesperæ de sequenti, Commemoratio præcedentis.

Die 5 Julii

S. Antonii Mariæ
Zaccaria

Confessoris [94] Duplex

℣. Amávit eum Dóminus.

Ad Magnif. Ant. Similábo eum * viro sapiénti, qui ædificávit domum suam supra petram.

Oratio

FAC nos, Dómine Deus, supereminéntem Jesu Christi sciéntiam, spíritu Pauli Apóstoli ediscere; qua beátus Antónius Mariá mirabíliter eruditus, novas in Ecclésia tua clericórum et vírginum famílias congregávit. Per eúndem Dóminum.

Et fit Com. præc. diei infra Oct. Ss Petri et Pauli App. :

Ant. Petrus Apóstolus et Paulus Doctor géntium, ipsi nos docuérunt legem tuam, Dómine.

℟. Constitues eos príncipes super omnem terram.

℞. Mémoires erunt nóminis tui, Dómine.

Oratio

DEus, qui hodiérnam diem Apostolorum tuórum Petri et Pauli martýrio consecrásti : da Ecclésiæ tuæ, eórum in ómnibus sequi præcéptum; per quos religiónis sumpsit exórdium. Per Dóminum.

In II Noeturno

Lectio iv



Antónius Mariá Zaccaría, Cremónæ in Insúbria nóbili genere natus, jam a púero qua futúrus esset sanctitáte porténdere visus est. Eximiárum enim in eo virtútum significatiónes ma-

túre eluxérunt, pietátis in Deum ac beátam Virgí-nem; insignis præsértim in páuperes misericórdiæ; quorum inópiæ sublevándæ, vel pretiósá veste sibi detrácta, haud semel præsto fuit. Humanioribus líteris in pátria excúltus, Ticíni philosophiæ, Patá-vii medicíne addiscéndæ óperam dedit; utque ómni-bus vitæ integritáte, ita et æquálibus acúmíne ingénii fáci-le antecélluit. Láuream adéptus ac domum revérsus, ubi intellexit se Dei mónitu ad animórum magis quam córporum morbis medéndum vocári, in sacras disciplí-nas percipiéndas sédulo incúbuit. Intérea ægrótos víseré, púeros christiána doctrína informáre, júvenum cœtus pietáte excólere, ætáte étiam provéctos ad mores emendándos fré-quénter hortári non déstitit. Sacris initiátus, cum primo litáret, cælésti obórto lúmíne, Angelórum coróna circúmdatus stupénti pópulo apparuisse tráditur. Exínde animárum salúti impénsius consúlere, depravátis móribus summa ope obsistere curæ fuit. Ad hæc ádvenas, egénos, afflíctos patérno compléxus afféctu, piis allóquiis atque subsidiis recreátos ita solári, ut

ejus domus miserorum perfugium haberetur, ipseque pater patriæ atque angelus meruerit a suis civibus appellari.

✠. Honestum fecit illum Dominus, et custodivit eum ab inimicis, et a seductoribus tutavit illum :

* Et dedit illi claritatem æternam. ✠. Justum deduxit Dominus per vias rectas, et ostendit illi regnum Dei. — Et.

Lectio v

MEdiolani, cum secum agitaret uberiorēs in rem christiānam manāre posse fructus, si in vinea Domini sibi laborum socios ascisceret, re communicata cum Bartholomæo Ferrario et Jacobo Morigia, nobilissimis et sanctissimis viris, sodalitatis Clericorum regularium fundamenta jecit; quam, ob suum in Gētiū Apōstolum amorem, a sancto Paulo nuncupavit. Quæ, Clemēte septimo Pontifice Máximo approbante et Paulo tertio confirmante, brevi per complures regiones propagata est. Sanctimoniāliū quoque Angelicārum societas ipsum Antōnium Mariā parēntem et auctōrem habuit. Qui tamen ádeo de se submisse sentiebat, ut nullo pacto præesse suo ordini

umquam voluerit. Tanta vero fuit patiētia, ut formidolosissimas tempestates in suos commotas constanti ánimo perferreret; tanta caritate, ut piis adhortationibus religiosos viros ad Dei amorem inflammare, sacerdotes ad apostolicam vivendi normam revocare, patrūque familias sodalitā ad bonam frugem instituire numquam intermiserit. Immo, interdum prælata cruce per cōmpita plateasque cum suis progressus, fervida ac vehemēti oratione aberrantes improbosque homines ad salutem reduceret.

✠. Amavit eum Dominus, et ornavit eum: stolam gloriæ induit eum, * Et ad portas paradisi coronavit eum. ✠. Induit eum Dominus lorīcam fidei, et ornavit eum. — Et.

Lectio vi

Illud etiā memorandum, quod, in Jesum crucifixum amore flagrans, crucis mysterium ab omnibus, ad statum æris campāni indicium, sexta quaque feria sub vesp̄as, recolendum curavit. Sanctissimū Christi nomen in suis scriptis passim usurpabat et in ore semper habebat; ejusdemque cruciatus, vere Pauli

discípulus, in corpore suo præ se ferébat. In sacram Eucharistiam singulári caritaté ferebátur; cujus et frequénter percipiéndæ consuetúdinem instaurávit, et mōrem e sublími throno públice in trídium adorándæ invexísse perhibétur. Pudicítiam ádeo cóluit, ut étiam in exsángui corpore, revivíscere visus, ejus amórem testarétur. Accessére cæléstia dona éxtasis, lacrimárum, futurórum evéntuum cognitiónis, scrutatiónis córdium, virtútis in humáni géneris hostem. Tandem, magnis labóribus ubíque exantlátis, Guastállæ, quo pacis sequéster accítus fúerat, gravi morbo corréptus est. Cremónam addúctus, inter suórum fletus et compléxus piíssimæ matris, quam próxime obitúram prædíxit, supérna Apostolórum visióne recreátus, sodalitátis suæ incrementa prænúntians, tértio Nonas Júlii anno millésimo quingentésimo trigésimo nono, sanctíssimæ óbiit, annos natus sex supra trigínta. Cultum tanto viro, ob exímiam ejus sanctitátem et signórum cópiam a christiáno pópulo statim exhibítum, Leo décimus tértius Póntifex máximus ratum hábuit et confirmávit; eum-

démque anno millésimo octingentésimo nonagésimo séptimo, in festo Ascensiónis Domínicæ, solémni ritu Sanctórum fastis adscrípsit.

✠. Iste homo perfécit ómnia quæ locútus est ei Deus, et dixit ad eum : Ingredere in réquiem meam :

* Quia te vidi justum coram me ex ómnibus géntibus. ✠. Iste est, qui contémpsit vitam mundi, et pervénit ad cæléstia regna. — Quia. Glória Patri. Quia.

Pro hoc Festo simplificato Lectio ix

ANTónius Mariá Zaccaria, Cremónæ nóbili genere natus, jam a púero morum pudicítia et misericórdia in páuperes elúxit. Humánis lítteris, philosophíæ ac medicínæ vacans, integritáte vitæ et ingénii acúmине æquálibus antecélluit. Dei mónitu, sacras disciplínas sédulo excóluit; mox, sacerdótio auctus, talem se præbuit, ut pater pátriæ atque ángelus merúerit a suis cívibus appellári. Medioláni, cum Bartholomæo Ferrário et Jacóbo Morígia, sanctíssimis viris, sodalitátem Clericórum regulárium, a sancto Paulo nuncupátam, et Sanctimoniálium Ange-

licarum societatem instituit. Sacrae Eucharistiae cultor assiduus, publicam sanctissimi Sacramenti expositionem mirifice promovit. Caelstibus donis a Deo ditatus, magnisque laboribus oppressus, gravem morbum cum nactus esset, Cremónæ, tertio Nonas Julii, anno millesimo quingentesimo trigesimo nono, sanctissime obiit. Leo Papa decimus tertius cultum ei exhibitum, ratum habuit et confirmavit, eumque Sanctorum catalogo adscripsit.

Te Deum laudamus.

In III Nocturno

Lectio sancti Evangelii
secundum Marcum

Lectio vii Cap. 10, 15-21

IN illo tempore : Dixit Jesus discipulis suis : Quisquis non receperit regnum Dei velut parvulus, non intrabit in illud. Et reliqua.

Homilia sancti Augustini
Episcopi

Sermo 47 de diversis

Urum videtur et grave quod Dominus imperavit, ut, si quis eum vult sequi, abneget seipsum; sed non est durum nec grave quod ille imperat, qui adjuvat ut fiat quod imperat. Nam

illud verum est quod ei dicitur in Psalmo : Propter verba labiorum tuorum ego custodivi vias duras. Quidquid enim durum est in præceptis, ut sit lene, caritas facit. Novimus quanta ipse amor facit. Quid autem est, Negiget se? Non præsumat de se, sentiat se hominem, et respiciat dictum propheticum : Maledictus omnis qui spem suam ponit in homine : subducatur se sibi sed non deorsum versus : subducatur se sibi, ut hæreat Deo.

℟. Ipse est, qui ante Deum magnas virtutes operatus est, et de omni corde suo laudavit Dominum : * Ipse intercedat pro peccatis omnium populorum. **℣.** Ecce homo sine querela, verus Dei cultor, abstinens se ab omni opere malo, et permanens in innocentia sua. — Ipse.

Lectio viii

QUO sequendus est Dominus? Quo iit, novimus; resurrexit enim et ascendit in cælum : illo sequendus est. Plane desperandum non est, quia ipse promisit, non quia homo aliquid potest. Jam quare desperemus, si membra illius capitis sumus? Bonum est illo eum sequi;

sed videndum est, qua. Et enim verba ista Dóminus Jesus non tunc dicébat quando a mórtuis jam resurréxerat; nondum erat passus, ventúrus erat ad crucem, ventúrus ad ex-honoratióem, ad contumélias, ad flagélla, ad spinas, ad vúlnera, ad insultatióes, oppróbria, mortem. Quasi exasperáta est via : pigrum te facis, non vis sequi : Séquere. Nam quis non velit ire ad exaltatióem? omnes deléctat celsitúdo, sed humílitas gradus est.

✠. Sint lumbi vestri præcincti, et lucernæ ardentes in mánibus vestris :

* Et vos símiles homínibus exspectántibus dóminum suum, quando revertátur a núptiis. ✠. Vigiláte ergo, quia nescitis qua hora Dóminus vester ventúrus sit. — Et. Glória Patri. Et.

Lectio ix Epist. 38

Tolle crucem tuam, et séquere Dóminum. Crux enim nostra, quam Dóminus portári a nobis jubet, ut eum expeditísimi sequámur, quid áliud quam mortalitátem carnis hujus significat? Ipsa enim nos crúciat, donec absorbeátur mors in victóriam. Crux ergo hæc ipsa crucifigénda est, et trans-

figénda est clavis timóris Dei, ne solútis et líberis membris reluctántem portáre non possis; sequi enim Dóminum, nisi eam portans, omníno non vales. Nam quómodo eum sequéris, si non es ejus? Qui autem Jesu Christi sunt, ait Apóstolus, carnem suam crucifixérunt cum passiónibus et desi-deriis.

Te Deum laudámus.

AD LAUDES

✠. Justum dedúxit.

Ad Bened. Ant. Euge, serve bone * et fidélis, quia in pauca fuísti fidélis, supra multa te constítuam, intra in gáudium Dómini tui.

Oratio

FAC nos, Dómine Deus, supereminéntem Jesu Christi sciéntiam, spíritu Pauli Apóstoli edíscere; qua beátus Antónius Mariá mirábiliter eruditus, novas in Ecclésia tua clericórum et vírginum famílias congregávit. Per eúmdem Dóminum.

Et fit Commemoratio Oct. Ss. Petri et Pauli App.

Ant. Gloriósi príncipes terræ, quómodo in vita sua dilexérunt se, ita et in morte non sunt separáti.

✠. In omnem terram exiit sonus eorum. ✠. Et in fines orbis terræ verba eorum.

Oratio

DEus, qui hodiernam diem Apostolorum tuorum Petri et Pauli martyrio consecrasti : da Ecclesiæ tuæ, eorum in omnibus sequi præceptum; per quos religionis sumpsit exordium. Per Dóminum.

Vesperæ de sequenti, Commemoratio præcedentis.

Die 6 Julii

In Octava

Ss. Petri et Pauli App.

Duplex majus

Antiphonæ et Psalmi ad omnes Horas et Versus Nocturnorum de occurrenti Hebdomadæ die, ut in Psalterio; reliqua de Communi [6], præter ea quæ hic habentur propria.

IN I VESPERIS

Capit. Ephes. 2, 19-20

FRatres : Jam non estis hóspites et ádvenæ; sed estis cives sanctorum, et doméstici Dei, superædificáti super fundamentum Apostolorum et Prophetarum, ipso summo angulári lápide Christo Jesu.

Hymnus

EXsúltet orbis gaudiis,
Cælum resúltet láudibus :

Apostolorum glóriam
Tellus et astra concinunt.

Vos, sæculorum júdices
Et vera mundi lúmina,
Votis precámur córdium :
Audíte voces súpplicum.

Qui templa cæli cláuditis
Serásque verbo sólvitis,
Nos a reátu nóxios
Solvi jubéte, quæsumus.

Præcépta quorum prótinus

Languor salúsque sentiunt,

Sanáte mentes lánguidas,
Augéte nos virtútibus :

Ut, cum redíbit árbitr
In fine Christus sæculi,
Nos sempitérni gáudii
Concédat esse cómpotes.

* Patri, simúlque Fílio,
Tibíque, Sancte Spíritus,
Sicut fuit, sit júgiter
Sæclum per omne glória.
Amen.

✠. Constitues eos príncipes super omnem terram.
✠. Mémoires erunt nóminis tui, Dómine.

Ad Magnif. Ant. Petrus Apóstolus * et Paulus Doctor géntium, ipsi nos docuérunt legem tuam, Dómine.

Oratio

Deus, cujus dextera beatum Petrum ambulantem in fluctibus, ne mergeretur, erexit, et copostolum ejus Paulum, tertio naufragantem, de profundo pelagi liberavit: exaudi nos propitius, et concede; ut, amborum meritis, æternitatis gloriam consequamur: Qui vivis.

Et fit Com. præcedentis :

Ant. Hic vir, despiciens mundum et terrena, triumphans, divitias cælo condidit ore, manu.

℟. Justum deduxit.

Oratio

FAC nos, Domine Deus, supereminentem Jesu Christi scientiam, spiritu Pauli Apostoli ediscere; qua beatus Antonius Maria mirabiliter eruditus, novas in Ecclesia tua clericorum et virginum familias congregavit. Per eundem Dominum.

AD MATUTINUM

In I Nocturno Lectiones de Scriptura occurrenti, cum suis Responsoriis de Tempore.

In II Nocturno

Sermo sancti Joannis

Chrysostomi

Apud Metaphrasten

Leectio iv

Uasnam vobis, o beati Apostoli, referemus gratias, qui tantum pro nobis labora-

stis? Memini tui, Petre, et obstupesco: recordor tui, Paule, et excedens mente opprimor lacrimis. Quid enim dicam, aut quid loquar, vestras contempnans afflictiones, nescio. Quot carceres sanctificastis! quot catenas decorastis: quot tormenta sustinuistis! quot maledicta tolerastis! quomodo Christum portastis! quomodo prædicatione ecclesias lætificastis! Sunt benedicta vestrae linguae instrumenta: sanguine conspersa sunt membra vestra propter Ecclesiam. Vos Christum imitati estis in omnibus. In omnem terram exiit vester sonus, et verba vestra in fines orbis terræ.

℟. Vidi conjunctos viros, habentes splendidas vestes, et Angelus Domini locutus est ad me, dicens: * Isti sunt viri sancti facti amici Dei. **℟.** Vidi Angelum Dei fortem, volantem per medium cælum, voce magna clamantem et dicentem. — Isti.

Lectio v

GAudeas, Petre, cui datum est, ut ligno crucis Christi fruereris. Et ad Magistri quidem similitudinem voluisti crucifigi, non recta quidem figura, ut Christus Dominus; sed

cápite in terram verso, tamquam qui a terra in cælum iter fáceres. Beáti clavi, qui sancta illa membra penetrárunť. Tu cum omni fidúcia in manus Dómini ánimam tradidisti, qui assidue ei et ejus sponsæ Ecclesiæ servisti, qui fervénti spíritu Dóminum dilexisti, ómnium Apostolorum fidelíssimus.

℟. Beáti estis, cum maledíxerint vobis hómines, et persecúti vos fúerint, et dixerint omne malum advérsus vos, mentiéntes, propter me : * Gaudéte et exsultáte, quóniam merces vestra copiósa est in cælis. ℣. Cum vos óderint hómines, et cum separáverint vos, et exprobráverint, et ejécerint nomen vestrum tamquam malum propter Fílium hóminis. — Gaudéte.

Lectio vi

GAudeas et tu, beáte Paule, cui caput fuit gládio amputátum, cujus virtútes nullis verbis explicári possunt. Quisnam gladius sanctum guttur tuum pervásit, Domínicum, inquam, instruméntum, quod a cælo habétur in admiratióne, et quod terra reverétur? Quisnam locus tuum ságuinem excépit, lactis spécie in ejus qui te percússit, túnica

apparéntem? qui ánimam illíus bárbari supra modum dulciórem reddens, fidélem effécit cum sóciis. Sit mihi gládius ille pro coróna, et clavi Petri pro gemmis infixis in diadémate.

℟. Isti sunt triumphatóres et amíci Dei, qui, contemnéntes jussa príncipum, meruérunt præmia æténa : * Modo coronántur, et accípiunt palmam.

℣. Isti sunt qui venérunt ex magna tribulatióne, et lavérunt stolas suas in ságuine Agni. — Modo. Glória Patri. Modo.

In III Nocturno

Léctio sancti Evangélii
secúndum Matthæum

Lectio vii Cap. 14, 22-23

IN illo témpore : Cóm-pulit Jesus discípulos ascéndere in navículam et præcédere eum trans fretum, donec dimíttetetur bas. Et réliqua.

Homília sancti Hierónymi
Presbýteri

Lib. 2 Comment. in cap. 14
Matth.

Discípulis Dóminus præcépit transfretáre, et cómpulit ut ascénderent navículam. Quo sermóne osténditur, invítos eos a Dómino recessísse, dum amóre Præceptóris ne punctum qui-

dem témporis ab eo volunt separári. Et, dimíssa turba, ascéndit in montem solus oráre. Si fuissent cum eo discípuli Petrus et Jacóbus et Joánnes, qui víderant glóriam transformáti, fórsitan ascendissent in montem cum eo; sed turba ad sublímia sequi non potest, nisi docúerit eam juxta mare in líttore et alúerit in desérto.

℟. Isti sunt qui vivéntes in carne, plantavérunt Ecclésiám sáanguine suo :
* Cálicem Dómini bibérunt, et amíci Dei facti sunt. ℣. In omnem terram exívit sonus eórum, et in fines orbis terræ verba eórum. — Cálicem.

Lectio viii

Quod autem ascéndit solus oráre, non ad eum réferas, qui de quinque páribus quinque míllia saturávit hóminum, excéptis párvulis et muliéribus; sed ad eum, qui, audíta morte Joánnis, secéssit in solitúdinem : non quod persónam Dómini separémus, sed quod ópera ejus inter Deum homínemque divísa sint. Navícula autem in médio mari jactabátur flúctibus. Recte quasi invíti et retractántes Apóstoli a Dómino recésserant, ne, illo absénte, naufrágia sustinérent.

℟. Isti sunt viri sancti, quos elégit Dóminus in caritáte non ficta, et dedit illis glóriam sempitérnam :

* Quorum doctrína fulget Ecclésia, ut sole luna.

℣. Sancti per fidem vicérunt regna : operáti sunt justítiam. — Quórum. Glória Patri. Quorum.

Lectio ix

Dénique, Dómino in montis cacúmine comoránte, statim ventus contrárius óratur, et turbat mare, et periclitántur Apóstoli; et támdiu ímmi-nens naufrágium perseverárat, quámdui Jesus véniat. Quarta autem vigília noctis venit ad eos ámbulans supra mare. Statiónes et vigíliae militáres in terna horárum spátia dividúntur. Quando ergo dicit, quarta vigília noctis vénisse ad eos Dóminum, osténdit tota nocte periclitátos; et extrémó noctis, atque in consummatione mundi, eis auxílium præbitúrum.

Te Deum laudámus.

AD LAUDES

Capitulum Fratres, et Hymnus Exsúltet, ut supra in I Vesperis. 733

℣. In omnem terram exívit sonus eórum. ℟. Et in fines orbis terræ verba eórum.

Ad Bened. Ant. Gloriósi principes terræ, * quómodo in vita sua dilexérunt se, ita et in morte non sunt separáti.

Oratio

Deus, cujus dextera beátum Petrum, ambulátem in flúctibus, ne mergerétur, eréxit, et copóstolum ejus Paulum, tértio naufragátem, de profúndo pélagi liberávit : exáudi nos propítius, et concéde; ut, ambórum méritis, æternitátis glóriam consequámur : Qui vivis.

IN II VESPERIS

Omnia ut in I Vesperis.

Et fit Com. sequentis, ut infra.

Die 7 Julii

Ss. Cyrilli et Methodii

Epp. et Cc. [69] Duplex

IN I VESPERIS

Quando dicendæ sint integræ, Capit. Ecce sacerdos, et Hymnus Sédibus cæli, ut infra in II Vesperis. 742

Ant. O quam speciósi pedes evangelizántium pacem, evangelizántium bona, dicéntium Sion : Regnábít Deus tuus.

℟. Sacerdótes tui induántur justítiam. **℣.** Et Sancti tui exsúltent.

Oratio

OMnípotens sempitérne Deus, qui Slavóniæ gentes per beátos Confesóres tuos atque Pontífices Cyrillum et Methódium ad agnitióem tui nóminis veníre tribuísti : præsta; ut, quorum festivitáte gloriámur, eórum consórtio copulémur. Per Dóminum.

AD MATUTINUM

Invitat. Regem Confesórum Dóminum, * Veníte, adorémus. **Ps. 94** Veníte, exsultémus.

Hymnus

SEdibus cæli nítidis receptos
Dícite athlétas géminos, fídeles;
Sláviciæ duplex cólumen decúsque
Dícite gentis.

Hos amor fratres sociávit unus,
Unaque abdúxit píetas erémo,
Ferre quo multis célerent beátæ
Pígnora vitæ.

Luce, quæ templis súperis renídet,
Búlgaros complent, Móra-vos, Bohémos;
Mox feras turmas número-sa Petro
Agmina ducunt.

Débitam cincti méritis corónam,

Pérgite o flecti lácrimis
precántum;

Prisca vos Slavis opus est
datóres

Dona tuéri.

Quæque vos clamat gene-
rósâ tellus

Servet æternæ fidei nitó-
rem :

Quæ dedit princeps, dabit
ipsa semper

Roma salútem.

Gentis humánæ Sator et
Redemptor,

Qui bonus nobis bona cun-
cta præbes,

Sint tibi grates, tibi sit
per omne

Glória sæclum.


Amen.

In I Nocturno, si sumendæ
sint de Communi, Lectiones
Laudémus viros, 2 loco. [83]

In II Nocturno

Lectio iv

Litteræ Encyclicæ
Leonis Papæ XIII

Yrillus et Methó-
dius fratres ger-
máni, Thessaloníçæ
amplíssimo loco nati, Con-
stantinópolis matúre con-
cessérunt, ut in ipsa urbe
Oriéntis príncipe huma-
nitátis artes addíscerent.
Utérque plúrimum brevi
profecérunt; sed máxime
Cyrillus, qui tantam scien-
tiárum laudem adéptus
est, ut singuláris honóris
causa Philósophus appel-

larétur. Deínde mónachum
ágere Methódus cœpit;
Cyrillus autem dignus est
hábitus, cui Theodóra im-
perátrix, auctóre Ignátio
patriárcha, negótium da-
ret erudiéndi ad fidem
christiánam Cházaros,
trans Chersonésu inco-
léntes, quos, præcéptis
suis edóctos et Dei númi-
ne instíctos, múltiplici
superstitióne deléta, ad
Jesum Christum adjúnxit.
Recénti Christianórum
communitáte óptime con-
stitúta, Constantinópolis
rédiit álacer, atque in mo-
nastériu Polychrónis,
quo se jam Methódus re-
céperat, Cyrillus ipse se-
cæssit. Interim cum res
trans Chersonésu pró-
spere gestas ad Rastiláum
Moráviæ príncipem fama
detulísset, is de áliquot
operáriis evangélicis Con-
stantinópolis arcesséndis
cum imperátore Michaële
tértio egit. Igitur Cyrillus
et Methódus illi expedi-
tióni destináti, et in Mo-
ráviam célebrí lætítia ex-
cépti, ánimos christiánis
institutiónibus tanta vi
tamque operósa indústria
excoléndos aggrediúntur,
ut non longo intervállo ea
gens nomen Jesu Christo
libentíssime déderit. Ad
eam rem non parum scién-
tia váluit dictiónis Slavó-
nicæ, quam Cyrillus ante

percéperat, multúmque potuérunt sacrae utriúsque Testaménti litteræ, quas próprio pópuli sermóne reddíderat; nam Cyríllus et Methódus príncipes inveniéndi fuérunt ipsas litteras, quibus est sermo ipsórum Slavórum signátus et expréssus, eaque de causa ejúsdem sermónis auctóres non immérito habéntur.

✠. Inveni David servum meum, óleo sancto meo unxi eum : * Manus enim mea auxiliábitur ei. ✠. Nihil proficiet inimícus in eo, et filius iniquitátis non nocébit ei. — Manus.

Lectio v

CUM rerum gestárum glóriam secúndus rumor Romam nuntiáset, sanctus Nicoláus primus Póntifex máximus fratres óptimos Romam conténderé jussit. Illi Románum iter ingrési, reliquias sancti Cleméntis primi Pontíficis máximi, quas Cyríllus Chersónæ repéerat, secum ádvehunt. Quo núntio, Hadriánus secúndus, qui Nicoláo demórtuo fuérat sufféctus, clero populóque comitánte, obviam eis magna cum honoris significatióne progréditur. Deínde Cyríllus et Methódus de múnere apostólico in quo essent

sancte laborioséque versáti, ad Pontíficem máximum, assidénte clero, réferunt. Cum autem eo nómine ab invidis accusaréntur, quod sermóne Slavónicum in perfunctióne múnorum sacrórum usurpavissent, causam dixére ratióibus tam certis tamque illústribus, ut Póntifex et clerus et laudárint hómínes et probárint. Tum ambo, juráti se in fide beáti Petri et Pontíficum Romanórum permansúros, epíscopi ab Hadriáno consecráti sunt. Sed erat provisum divínitus, ut Cyríllus vitæ cursum Romæ cónderet, virtúte magis quam ætáte matúrus. Itaque defúnci corpus, elátum fúnere público, in ipso sepúlcro, quod sibi Hadriánus extrúxerat, compósitum fuit; tum ad sancti Cleméntis dedúctum, et hujus prope cíneres cónditum. Cumque veherétur per Urbem inter festos Psalmórum cantus, non tam fúnemis quam triúmphi pompa, visus est pópulus Románus libaménta honorum cæléstium viro sanctíssimo detulísse. Methódus vero in Moráviám regréssus, ibique factus forma gregis ex ánimo, rei cathólicæ inservíre majóre in dies stúdio ínstitit.

Quin étiam Pannónios, Búlgaros, Dálmatas in fide christiáni nóminis confirmávit; in Carínthiis autem ad unius veri Dei cultum traducéndis plúrium elaborávit.

✠. Pósui adjutórium super poténtem, et exaltávi eléctum de plebe mea :

* Manus enim mea auxiliábitur ei. ✠. Invéni David servum meum, óleo sancto meo unxi eum. — Manus.

Lectio vi

Apuđ Joánnem octávum, qui Hadriáno succésserat, íterum de suspécta fide violatóque more majórum accusátus, ac Romam veníre jussus, coram Joáñne et epíscopis áliquot cleróque urbáno, fá-cile vicit cathólicam prorsus fidem et se retinúisse constánter, et céteros diligénter edocúisse : quod vero ad linguam Slavónicam in sacris peragéndis usurpátam, se certis de causis ex vénia Hadriáni Pontificis, nec sacris Lítteris repugnántibus, jure fecísse. Quaprópter in re præsénti compléxus Methódium Póntifex, potestátem ejus archiepiscopálem expeditionémque Slavónicam, datis étiam lítteris, ratam esse jussit. Quare Methódus in Morá-

viam revérsus assignátum sibi munus explére vigilántius perseverávit, pro quo et exsílum libénter passus est. Bohemórum príncipem ejúsque uxórem ad fidem perdúxit, et in ea gente christiánum nomen longe latéque vulgávit. Evangélii lumen in Polóniam invéxit, et, ut nonnulli scriptóres tradunt, sede episcopáli Leópolis fundáta, in Moscóviam próprii nóminis digréssus, thronum pontificálem Kiowénsem constituit. Demum in Moráviám revérsus est ad suos; jamque sese ábripi ad humánum éxitum séntiens, ípsemet sibi successórem designávit, clerúmque et pópulum suprémis præcéptis ad virtútem cohortátus, ea vita, quæ sibi via in cælum fuit, placidíssime defúctus est. Uti Cyrillum Roma, sic Methódium Morávia decedéntem summo honóre prosecúta est. Illórum vero festum, quod apud Slavóniæ pópulos jámdiu celebrári consueverat, Leo décimus tértius Póntifex máximus cum Offício ac Missa própria in univérsa Ecclésia quotánnis agi præcépit.

✠. Iste est, qui ante Deum magnas virtútes operátus est, et omnis terra doctrína ejus repléta

est : * Ipse intercédât pro peccâtis ómnium populórum. *℟.* Iste est, qui contémpsit vitam mundi, et pervénit ad cæléstia regna. — Ipse intercédât. *Glória Patri. Ipse.*

Pro hoc Festo simplicitato

Lectio ix

CYrillus et Methódus, fratres germáni, Thesalonícae amplíssimo loco nati, ab imperatóre Michaële tértio destináti in Moráviam, brevi eam gentem ad fidem Christi adduxérunt. Cum rerum gestárum glóriam secúndus rumor Romam nuntiásset, sanctus Nicoláus primus Póntifex máximus fratres óptimos Romam conténderé jussit; ubi ab Hadriáno, Nicolái successóre, epíscopi sunt consecráti. Sed, cum brevi Cyrillus Romæ píssime obiísset, Methódus in Moráviam regréssus, rei cathólicæ inservíre impénsius ínstitit. Quin étiam Bohémos, Pannónios, Búlgaros, Dálmatas in fide christiána confirmávit; in Carínthiis autem ad unius veri Dei cultum traducéndis valde elaborávit. Item Evangélii lumen in Polóniam invéxit, et, ut nonnúlli scriptóres tradunt, sede episcopáli Leópolis fundáta,

in Moscóviam próprii nóminis digréssus, thronum pontificálem Kiowénsem constituit. Demum in Moráviam revérsus, clerum et pópulum suprémis præcéptis ad virtútem cohortátus, placidíssime defúctus est. Cyrilli et Methódii festum, apud Slavóniæ pópulos jámdiu celebrátum, Leo décimus tértius ad univérsam Ecclésiám exténdit.

Te Deum laudámus.

*In III Nocturno Homilia in Ev. Designávit Dóminus, ut in Comm. Evang., cum *℟℟.* de Comm. Conf. Pont. ibidem notatis. [27]*

AD LAUDES

Capit. Eccli. 44, 16-17

ECce sacerdos magnus, qui in diébus suis plácuit Deo, et invéntus est justus : et in témpore iracúndiæ factus est reconciliátio.

Hymnus

LUX o decóra pátriæ Slavísque amíca géntibus,
Salvéte, fratres : ánnuo Vos efferémus cántico.

Quos Roma plaudens éxcipit,
Compléxa mater fílios,
Auget coróna præsulum
Novóque firmat róbre.

Terras ad usque bárbaras
Inférre Christum pérgitis;
Quot vanus error lúserat,
Almo replétis lúmine.

Noxis solúta péctora
Ardor supérnus ábripit;
Mutátur horror véprum
In sanctitátis flósculos.

Et nunc seréna cælitum
Locáti in aula, súpplīci
Adéste voto : Slávicas
Serváte gentes Númini.

Erróre mersos únicum
Ovíle Christi cóngreget;
Factis avítis æmula
Fides viréscat púlchrior.

¶ *Sequens Conclusio numquam mutatur.*

Tu nos, beáta Trínitas,
Cælésti amóre cóncita,
Patrúmque natos ínclīta
Da pérsequi vestígia.

Amen.

℣. Sapiéntiam Sanctórum narrent pópuli. ℟. Et laudem eórum núnctiet Ecclésia.

Ad Bened. Ant. In sanctitáte * et justítia serviérunt Dómino ómnibus diébus suis : ídeo stolam glóriæ induit illos Dóminus, Deus Israël.

Oratio

OMnípotens sempitérne Deus, qui Slavóniæ gentes per beátos Confesóres tuos atque Pontífices Cyrillum et Methódium ad agnitióem tui

nóminis veníre tribuísti : præsta; ut, quorum festivitáte gloriámur, eórum consórtio copulémur. Per Dóminum.

IN II VESPERIS

Capit. Eccli. 44, 16-17

ECce sacérdos magnus, qui in diébus suis plácuít Deo, et invéntus est justus : et in témpore iracúndiæ factus est reconciliátio.

Hymnus

Sedibus cæli nítidis receptos
Dícite athlétas géminos, fidéles;
Sláviciæ duplex cólumen decúsque
Dícite gentis.

Hos amor fratres sociávit unus,
Unaque abdúxit píetas erémo,
Ferre quo multis célerent beátæ
Pígnora vitæ.

Luce, quæ templis súperis renídet,
Búlgaros complent, Móravos, Bohémos;
Mox feras turmas número
rósá Petro Agmina ducunt.

DPérgite o flecti lácrimis precántum;

Prisca vos Slavis opus est
datóres

Dona tuéri.

Quæque vos clamat gene-
rósâ tellus

Servet æternæ fidei nitó-
rem :

Quæ dedit princeps, dabit
ipsa semper

Roma salutem.

Gentis humanæ Sator et
Redemptor,

Qui bonus nobis bona cun-
cta præbes,

Sint tibi grates, tibi sit
per omne

Glória sæclum. Amen.

℣. Sacerdótes tui in-
duántur justítiam. ℟. Et
Sancti tui exsúltent.

Ad Magnif. Ant. Isti
sunt * viri sancti facti
amíci Dei, divínæ veritá-
tis præcónio gloriósi : lin-
guæ eórum claves cæli
factæ sunt.

Et fit Commem. sequentis.

Die 8 Julii

S. Elisabeth

Reginæ, Viduæ [130]

Semiduplex

IN I VESPERIS

Quando Vesperæ dicendæ
sint saltem a Capitulo, Hym-
nus Domáre, ut infra ad
Matutinum.

Ant. Et nunc, reges, in-
telligite, erudimini, qui
judicátis terram.

℣. Ora pro nobis, beáta
Elisabeth. ℟. Ut digni
efficiámur promissionibus
Christi.

Oratio

Clementíssime Deus, qui
beátam Elisabeth regin-
nam, inter céteras egré-
gias dotes, béllici furóris
sedándi prærogatíva deco-
rásti : da nobis, ejus inter-
cessióne; post mortális
vitæ, quam suppliciter pé-
timus, pacem, ad æterna
gáudia pervenire. Per Dó-
minum.

AD MATUTINUM

Invit. Laudémus Deum
nostrum * In sanctis opé-
ribus beátæ Elisabeth.

Ps. 94 Veníte, exsulté-
mus.

Hymnus

Domáre cordis ímpetus
Elisabeth

Fortis, inópsque Deo
Servíre, regno prætulit.

En fúlgidis recépta cæli
sédibus,

Sidereæque domus

Ditáta sanctis gáudiis,

Nunc regnat inter cælites
beátior,

Et premit astra, docens

Quæ vera sint regni bona.

Patri potéstas, Filióque
glória,

Perpetuúmque decus

Tibi sit, alme Spíritus.

Amen.

In II Nocturno

Lectio iv



Elisabeth Aragóniæ régibus ortam, Christi anno millésimo ducentésimo septuagésimo primo, in præságium futúre sanctimóniæ, paréntes, præter morem relicto matris aviæque nómine, a magna ejus matértera, Thuringiæ dómina, sancta Elisabeth, in baptismo nominátam voluere. Ubi nata est, statim páruit, quam felix regum regnorúmque esset futúra pacátrix; natalítia enim ejus lætítia perniciosas avi patrísque dissensiónes in concórdiam convértit. Pater vero, crescéntis póstea filiæ admirátus índolem, affirmábat fore, ut una Elisabeth réliquas Aragoniórum regum ságuine creatas féminas virtúte longe superáret. Sic cælestem ipsíus vitam in contemnendo córporis ornátu, in fugiéndis voluptátibus, in jejúniis frequentándis, in divínis précibus assidue recitándis, in caritátis opéribus exercéndis, venerátus, rerum suárum regníque felicitátem unius filiæ méritis referébat accéptam. Tandem, ubique nota et a multis princípibus exoptáta, Dionýsio Lusitániæ regi christiánis

cæremóniis rite est in matrimónium collocáta.

✠. Propter veritátem, et mansuetúdinem, et justítiam : * Et dedúcet te mirábiliter dextera tua.

✠. Spécie tua et pulchritúdine tua inténde, prospere procéde, et regna. — Et dedúcet.

Lectio v

Iuncta conjúgio, non minórem excoléndis virtútibus quam líberis educándis óperam dabat, viro placére studens, sed magis Deo. Médiam fere anni partem solo pane tolerábat et aqua; quæ in quodam ipsíus morbo divinitus versa est in vinum, cum id a médicis præscriptum bíbere recusáset. Páuperis féminæ ulcus horréndum exosculáta, derepente sanávit. Pecúnias paupéribus distribuéndas, ut regem latérent, hibérno témpore in rosas convértit. Vírginem cæcam a nativité illuminávit; multos álios solo crucis signo a gravíssimis morbis liberávit; plúrima id genus mirácula patrávit. Monastéria, collégia et templa non modo extrúxit, sed étiam magnífice dotávit. In regum discórdiis componéndis admirábilis fuit; in priváttis publicisque mortálium

sublevándis calamitátibus indefessa.

℟. Dilexísti justítiam et odísti iniquitátem : * Proptérea unxit te Deus, Deus tuus, óleo lætitiæ.

℣. Propter veritátem, et mansuetúdinem, et justítiam. — Proptérea.

Lectio vi

DEfúnc̃to rege Dionýsio, sicut virgínibus in prima ætáte, in matrimónio conjúgibus, ita víduis in solitúdine fuit ómnium virtútum exémp̃lar. Illico enim religiós̃is sanctæ Claræ véstibus indúta, régio fúneri constánter intérfuit, ac paulo post, Compostéllam proficiscens, multa ex holosérico, argénto, auro, gemmísque donária pro regis ánima obtulit. Inde revér̃sa domum, quidquid sibi carum aut pretiósum supérrat, in sacros ac pios usus convértit; absolvendóque suo vere régio Conimbricénsi virginum cœnób̃io, et aléndis paupér̃ibus, et protegéndis víduis, defendéndis pupíllis, míseris ómnibus juvándis inténta, non sibi, sed Deo, et mortálium ómnium cómmodis vivébat. Reges duos, fílium et génerum, pacificatúra, Stremótium nóbile óppidum véniens, morbo ex itínere contrácto, ibi-

dem a Vírgine Deípara visitáta, sanctíssime ób̃iit, anno millésimo trecentésimo trigésimo sexto die quarta Júlii. Post mortem multis miráculis cláruit, præsertim suavíssimo corp̃is jam per annos fere trecéntos incorrúpti odóre : semper étiam reginæ sanctæ cognoménto célebris. Tandem anno jubilæi, et nostræ salútis millésimo sexcentésimo vigésimo quinto, totíus christiáni orbis concúrsu et appláusu, ab Urbáno octáṽo rite inter Sanctos adscripta est.

℟. Fallax grátia, et vana est pulchritúdo : * Múlier timens Deum, ipsa laudábitur. ℣. Date ei de fructu mánuum suárum, et laudent eam in portis ópera ejus. — Múlier. Glória Patri. Múlier.

Pro hoc Festo simplificato

Lectio ix

ELisabeth Aragóniæ régibus orta est anno Christi millésimo ducentésimo septuagésimo primo. Natális ejus lætítia perniciosas avi patrísque dissensiónes in concórdiam convértit, ex quo statim pátuít, quam felix regum regnorúmque esset futúra pacátrix. In castigándo

córpore, in précibus assidue recitándis, in caritátis opéribus exercéndis admirábilis fuit. Dionýsio Lusitániæ regi in matrimónium trádita, non minórem excoléndis virtútibus quam liberis educándis óperam dabat, viro placére studens, sed magis Deo. Monastéria, collégia et templa non modo extrúxit, sed étiam magnífice dotávit. In regum discórdiis componéndis admirábilis fuit, in privátiis publicisque mortálium sublevándis calamitátibus indeféssa et miráculis clara. Defúncito rege Dionýsio, cum hábitum Seráphici órdis induísset, quidquid sibi carum aut pretiósum supérerat, pro regis ánima templo Compostelláno obtulit, et in sacros ac pios usus convértit. Dénique reges duos, filium et génerum, pacificatúra, morbo ex itinere contrácto, a Vírgine Deípara visitáta, sanctíssime óbiit. Eam, miráculis claram, Urbánus octávus inter Sanctos adscrípsit.

Te Deum laudámus.

In III Nocturno Homilia in Ev. Símile est regnum cælórum, de Communi non Virginum 1 loco. [134]

AD LAUDES

Capit. Prov. 31, 10-11

Mulierem fortem quis invéniet? Procul et de últimis finibus prétium ejus. Confídit in ea cor viri sui, et spóliis non indigébit.

Hymnus

OPes decúsque régium reliqueras,
Elisabeth, Dei dicáta númini :

Recépta nunc beáris inter Angelos;

Libens ab hóstium tuére non dolis.

Præi, viámque, dux salútis, índica :

Sequémur. O sit una mens fidélium,

Odor bonus sit omnis áctio, tuis

Id innuit rosis opérta caritas.

Beáta caritas, in arce síderum

Potens locáre nos per omne sáeculum :

Patríque, Filióque summa glória,

Tibíque laus perénnis, alme Spíritus.

Amen.

V. Méritis et précibus beátæ Elisabeth. **R.** Propítius esto, Dómine, populo tuo.

Ad Bened. Ant. Tu glória Jerúsalem, * tu lætítia

Israël, tu honorificéntia
pópuli tui.

Oratio

Clementíssime Deus, qui
beátam Elísabeth regí-
nam, inter céteras egré-
gias dotes, béllici furóris
sedándi prærogatíva de-
corásti : da nobis, ejus
intercessióne; post mortá-
lis vitæ, quam suppliciter
pétimus, pacem, ad ætér-
na gáudia perveníre. Per
Dóminum.

IN II VESPERIS

Capit. Mulierem, *ut su-
pra.* 746

Hymnus

Domáre cordis ímpetus
Elísabeth
Fortis, inópsque Deo
Servíre, regno prætulit.

En fúlgidis recépta cæli
sédibus,
Sidereæque domus
Ditáta sanctis gáudiis,

Nunc regnat inter cælites
beátior,

Et premit astra, docens
Quæ vera sint regni bona.

Patri potéstas, Filióque
glória,
Perpetuúmque decus
Tibi sit, alme Spíritus.

Amen.

℣. Ora pro nobis, beáta
Elísabeth. **℟.** Ut digni
efficiámur promissionibus
Christi.

Ad Magnif. Ant. Elisa-
beth, * pacis et pátriæ ma-
ter, in cælo triúmphans,
dona nobis pacem.

Die 10 Julii

Ss. Septem Fratrum

Martyrum

ac Rufinæ et Secundæ

Virg. et Mart. [49]

Semiduplex

℣. Lætámini in Dómino.

Ad Magnif. Ant. Istórum
est enim * regnum cæló-
rum, qui contempsérunt
vitam mundi, et pervené-
runt ad præmia regni, et
lavérunt stolas suas in
sánguine Agni.

Oratio

Præsta, quæsumus, om-
nípotens Deus : ut, qui
gloriósos Mártyres fortes
in sua confessióne cognó-
vimus, pios apud te in no-
stra intercessióne sentiám-
us. Per Dóminum.

In II Noeturno

Lectio iv



Septem fratres, filii
sanctæ Felicitátis,
Romæ in persecu-
tíone Marci Aurélii Anto-
nini a Públio præféc-
to pri-
mum blandítiis, deinde
terróribus tentáti, ut,
Christo renuntiántes, deos
veneraréntur; et, sua vir-

túte, et matre hortánte, in fidei confessióne perseverántes, várie necáti sunt. Januárius plumbátis cæsus; Felix et Philíppus fústibus contúsi; SilvánuS ex altíssimo loco præceps dejectus est; Alexánder, Vitális et Martiális cápite plectúntur. Mater eórum quarto post mense eámdem martýrii palmam consecúta est : illi sexto Idus Júlii spíritum Dómino reddidérunt.

℟. Sancti tui, Dómine, mirábile consecúti sunt iter, serviéntes præcéptis tuis, ut inveniréntur illæsi in aquis válidis : * Terra apparuit árida, et in Mari Rubro via sine impediménto. ℣. Quóniam percússit petram, et fluxérunt aquæ, et torréntes inundavérunt. — Terra.

Lectio v

Rufína et Secúnda soróres, vírgines Románæ, rejécto connúbio Armen-tárii et Veríni, quibus a paréntibus despónsæ fúerant, quod Jesu Christo virginitátem vovíssent, Valeriáno et Galliéno imperatóribus, comprehéndúntur. Quas cum nec promíssis nec terróre Júníus præféctus a propósito posset abdúcere, Rufínam primum virgis cædi jubet; in cujus verbéribus Secúnda

júdicem sic interpéllat : Quid est, quod sorórem meam honóre, me áfficis ignomínia? Jube ambas simul cædi, quæ simul Christum Deum confitémur. Quibus verbis incén-sus judex ímpérat utrámque detrúdi in tenebricósum et foétidum cárcerem. Quo loco statim claríssima luce et suavíssimo odóre compléto, in ardénte bálnei sólio includúntur. Et cum inde étiam íntegræ evasíssent, mox saxo ad collum alligáto in Tíberim proyéctæ sunt; unde ab Angelo liberátæ, extra Urbem via Aurélia milliário décimo, cápite plectúntur. Quarum córpora, a Plautílla matróna in ejus prædío sepúlta, ac póstea in Urbem transláta, in basilica Constantiniána prope baptistérium cóndita sunt.

℟. Vérbera carníficum non timuérunt Sancti Dei, moriéntes pro Christi nómine : * Ut herédes fierent in domo Dómini. ℣. Tradidérunt córpora sua propter Deum ad supplícia. — Ut.

Sermo sancti Augustíni
Epíscopi

Sermo 110 de diversis

Lectio vi

Magnum spectáculum, fratres, pósitum est ante óculos fidei nostræ.

Aure audívimus, corde vídimus optántem matrem ante se finíre istam vitam filios suos, longe contráriis votis consuetúdini humanæ. Omnes enim hómines filios suos, ex hac vita migrádo, præcédere volunt, non sequi; illa autem optávit postérior mori. Non enim amittébat filios, sed præmittébat; nec intuebátur quam vitam finírent, sed quam inchoárent. Desinébant enim vívere, ubi quandóque fúerant moritúri; et incipiébant vívere, sine fine victúri. Parum est fúisse spectatricem; miráti sumus pótius hortatricem. Fœcúndior virtútibus quam fœtibus : videns certántes, in quibus ómnibus ipsa certábat, et in ómnibus vincéntibus ipsa vincébat.

✠. Tamquam aurum in fornáce probávit eléctos Dóminus, et quasi holocáusti hóstiam accépit illos; et in témpore erit respectus illórum : * Quóniam donum et pax est eléctis Dei. ✠. Qui confidunt in illum, intélligent veritátem : et fidéles in dilectióne acquiescent illi. — Quóniam. Glória Patri. Quóniam.

Pro hoc Festo simplicato

Lectio ix

SEPTem Fratres, filii sanctæ Felicitátis, Romæ in persecutióne Marci Aurélii Antoníni a Públio præfécito frustra tentáti, ut idóla veneraréntur, sexto Idus Júlii, ipsa fortíssima matre eos ad martýrium hortánte, várie necáti sunt. Januárius plumbátis cæsus; Felix et Philíppus fústibus contúsi; Silvánus ex altíssimo loco præceps dejéctus est; Alexander, Vitális et Martiális cápite plectúntur. Mater dénique, quarto post mense, eámdem martýrii palmam consecúta est. Rufina et Secúnda soróres, vírgines Románæ, rejecto connúbio Armentárii et Veríni, quod virginitátem Christo vovíssent, Valeriáno et Galliéno imperatóribus, comprehénsæ, Júnii præfécti blandítiis et minis a propósito mínime abdúctæ, vário tormentórum génere afflictæ sunt. Cum vero, ab Angelis custodítæ, in sancto propósito perseverárent, via Aurélia, milliário décimo, cápite plectúntur. Quarum córpora, a Plautilla matróna in ejus prædio extra Urbem sepúlta, póstea in basilica Con-

stantiniána prope baptistérium cóndita sunt.

Te Deum laudámus.

In III Nocturno

Léctio sancti Evangélii
secúndum Matthæum

Lectio vii Cap. 12, 46-50

IN illo témpore : Loquén-
te Jesu ad turbas, ecce
Mater ejus et fratres sta-
bant foris quæréntes loqui
ei. Et réliqua.

Homília sancti Gregórii
Papæ

Homilia 3 in Evangelia



Sancti Evangélii, fra-
tres caríssimi, bre-
vis est léctio reci-
táta, sed magnis myste-
riórú pondéribus grávi-
da. Jesus étenim, cónditor
et redémptor noster, Ma-
trem se nosse dissimulat,
et quæ ei mater sit et qui
propínqui, non per cognatí-
onem carnis, sed per
conjunctíonem spíritus de-
signat, dicens : Quæ est
mater mea, et qui sunt
fratres mei? Quicúmque
enim fécerit voluntátem
Patris mei, qui in cælis
est, ipse meus frater, et
soror, et mater est. Qui-
bus nobis verbis quid áliud
innuit, nisi quod obse-
quéntes jussíonibus suis
multos ex gentilitáte cól-
ligit; et Judæam, ex cujus
carne est génitus, non
agnóscit?

℟. Propter testaméntum
Dómini et leges patérnas,
Sancti Dei perstitérunt in
amóre fraternitátis : * Quia
unus fuit semper spíritus
in eis, et una fides. **℣.** Ecce
quam bonum et quam ju-
cúndum habitáre fratres
in unum! — Quia.

¶ Si dicenda sit ix **Lectio**
alicujus Officii commemorati,
ex viii et ix **Lectio**ne fit una.

Lectio viii

SED cum is, qui volun-
tátem Patris fécerit,
soror et frater Dómini dí-
citur, propter utrúmque
sexum qui ad fidem collí-
gitur, mirum non est; mi-
rándum vero valde est,
quómodo étiam mater dí-
cátur. Fidèles enim discí-
pulos fratres vocáre dí-
gnátus est, dicens : Ite,
nuntiáte frátribus meis.
Qui ergo frater Dómini
fieri ad fidem veniéndum po-
túerit, quæréndum est,
quómodo étiam et mater
esse possit.

℟. Hæc est vera fraterni-
tas, quæ numquam pótuít
violári certámine : qui ef-
fúso ságuine secúti sunt
Dóminum : * Contemnén-
tes aulam régiam, perve-
nérunt ad regna cæléstia.
℣. Ecce quam bonum et
quam jucúndum habitáre
fratres in unum! — Con-
temnéntes. **Glória Patri.**
Contemnéntes.

Lectio ix

SED sciéndum nobis est quia qui Christi soror et frater est credéndo, mater efficitur prædicándo. Quasi enim parit Dóminum, quem cordi audiéntis infúderit; et mater ejus prædicándo efficitur, si per ejus vocem amor Dómini in próximi mente generá-tur. Ad quam rem nobis idónee confirmándam ad-est beáta Felícitas, cujus hódie natalítia celebrá-mus, quæ credéndo éxstitit ancilla Christi, et præ-dicándo facta est mater Christi. Septem quippe filios, sicut in gestis ejus emendatióribus légitur, sic post se tímuit vivos in carne relínquere, sicut car-náles paréntes solent me-tuére ne mórtuos præmít-tant.

Te Deum.

AD LAUDES

℣. Exsultábunt Sancti.

Ad Bened. Ant. Vestri capílli cápitis * omnes nu-meráti sunt : nolíte timé-re : multis passéribus me-lióres estis vos.

Oratio

PRæsta, quæsumus, om-nípotens Deus : ut, qui gloriósos Mártýres fortes in sua confessióne cognó-vimus, pios apud te in no-stra intercessióne sentiá-mus. Per Dóminum.

IN II VESPERIS

℣. Exsultábunt Sancti.

Ad Magnif. Ant. Gaudent in cælis * ánimæ Sanctó-rum, qui Christi vestígia sunt secúti : et quia pro ejus amóre sánguinem suum fuderunt, ideo cum Christo exsúltant sine fine.

Et fit Commem. sequentis.

Die 11 Julii

S. Pii I

Papæ et Martyris [29]

Simplex

Ant. Iste Sanctus pro lege Dei sui certávit usque ad mortem, et a verbis impiórum non tímuit; fun-dátus enim erat supra fir-mam petram.

℣. Glória et honóre.

Oratio

GRegem tuum, Pastor ætérne, placátus in-ténde : et per beátum Pium Mártýrem tuum atque Summum Pontíficem, perpétua protectióne custódi; quem totíus Ecclésiæ præ-stitísti esse pastórem. Per Dóminum.

Lectio iii

PIUS, hujus nóminis pri-mus, Aquilejénsis, Ruf-fíni filius, ex presbýtero sanctæ Románæ Ecclésiæ summus Póntifex creatus est, Antoníno Pio et Mar-co Aurélio imperatóribus

augústis. Quinque ordinationibus, mense Decembri, episcopos duodecim, octodecim presbyteros creávit. Exstant nonnulla ab eo præclære instituta, præsertim ut Resurrectio Dómini nónnisi die Domínico celebrarétur. Pudéntis domum in ecclesiam mutávit, eámque ob præstantiam supra ceteros títulos, útpote Románi Pontíficis mansiónem, título Pastóris dicávit; et in qua sæpe rem sacram fecit, et multos ad fidem conversos baptizávit ac in fidélium númerum adscripsit. Dum vero boni pastóris munus obíret, fuso pro suis óvibus et summo pastóre Christo ságuine, martýrio coronátus est quinto Idus Júlii, ac sepúltus in Vaticanó. **Te Deum.**

V. Justus ut palma.

Ad Bened. Ant. Qui odit * ánimam suam in hoc mundo, in vitam æternam custódit eam.

Oratio

GRegem tuum, Pastor æternæ, placátus inténde: et per beátum Pium Mártýrem tuum atque Summum Pontíficem, perpétua protectióne custódi; quem totíus Ecclésiæ præstitísti esse pastórem. Per Dóminum.

Vesperæ de sequenti, Com. Ss. Naboris et Felicis Mm.

Die 12 Julii

S. Joannis Gualberti

Abbatis [94] Duplex

V. Amávit eum Dóminus.

Ad Magnif. Ant. Similábo eum * viro sapiénti, qui ædificávit domum suam supra petram.

Oratio

C 4

Intercéssio nos, quæsumus, Dómine, beáti Joánnis Abbátis comméndet: ut, quod nostris méritis non valémus, ejus patrocínio assequámur. Per Dóminum.

Et fit Commemoratio Ss. Naboris et Felicis Mm.:

Ant. Istórum est enim regnum cælórum, qui contempsérunt vitam mundi, et pervenérunt ad præmia regni, et lavérunt stolas suas in ságuine Agni.

V. Lætámini in Dómino.

Oratio

Præsta quæsumus, Dómine: ut, sicut nos sanctórum Mártýrum tuórum Náboris et Felicis natalítia celebránda non deserunt; ita júgiter suffrágiis comiténtur. Per Dóminum.

In II Nocturno

Lectio iv



Oáannes Gualbértus, Floréntiæ nóbili genere ortus, dum patri óbsequens rem militá-

rem séquitur, Ugo, únicus ejus frater, occíditur a consanguíneo. Quem cum solum et inérmem sancto Parascéves die Joánnes, armis ac militibus stipátus, óbivium habéret, ubi neuter álterum póterat declináre, ob sanctæ crucis reveréntiam, quam homicída supplex, mortem jam-jam subitúrus, bráchiis signábat, vitam ei cleménter indúlget. Hoste in fratrem recépto, próximum sancti Miniátis templum oráturus ingréditur, ubi adorátam Crucifíxi imáginem caput sibi fléctere cónspicit. Quo mirábili facto permótus Joánnes, Deo exínde, étiam invíto patre, militáre decérnit, atque ibídem própriis sibi mánibus comam totóndit, ac monásticum hábitum induit : adeóque piis ac religiósus virtútibus brevi corúscat, ut multis se perfectiónis spécimen ac normam præbéret; ita ut, ejúsdem loci abbáte defúcto, commúni ómnium voto in superiórem eligerétur. At Dei fámulus, cúpiens subesse pótius quam præesse, ad majóra divína voluntáte servátus, ad Camaldulénsis erémi incolam Romuáldum proficíscitur, a quo cælicum sui institúti vaticínium áccipit; tum suum

órdinem sub régula sancti Benedícti apud Umbrósam vallem instituit.

✠. Honéstum fecit illum Dóminus, et custodívit eum ab inimícis, et a seductóribus tutávit illum :

* Et dedit illi claritátem ætérnam. ✠. Justum dedúxit Dóminus per vias rectas, et osténdit illi regnum Dei. — Et.

Lectio v

DEínde, plúrimis ad eum ob ejus sanctitátis famam úndique convolántibus, una cum iis in sócios adscítis, ad hæreticam et simoniacam pravitátem exstirpándam et apostólicam fidem propagándam sédulo incúmbit, innúmera proptérea in se et suis incómmoda expértus. Nam, ut eum ejúsque sócios adversárii perdant, noctu sancti Sálvii cœnóbium repénite aggrediúntur, templum incéndunt, ædes demoliúntur, et mónachos omnes letháli vúlnerē sáuciant; quos vir Dei único crucis signo incólumes prótinus reddit, et, Petro ejus mónacho per imménsam ardentissimúmque ignem illæso mirábiliter transeúnte, optátam sibi et suis tranquillitátem ób-tinet. Inde simoniacam labem ab Etrúria expulit, ac in tota Itália fidem

pristinæ integritati restituit.

℟. Amavit eum Dominus, et ornavit eum : stolam gloriæ induit eum, * Et ad portas paradisi coronavit eum. ℣. Induit eum Dominus lorica fidei, et ornavit eum. — Et.

Lectio vi

Multa funditus erexit monasteria, eademque et alia ædificiis ac regulari observantia instaurata, sanctis legibus communivit. Ad egenos alendos sacram suppellectilem vendidit : ad improbos coercendos elementa sibi famulari conspexit; ad dæmones comprimendos crucem quasi ensem adhibuit. Demum abstinentiis, vigiliis, jejuniis, orationibus, carnis macerationibus ac senio confectus, dum infirma valetudine gravaretur, Davidica illa verba persæpe repetebat : Sitivit anima mea ad Deum fortem vivum : quando veniam et apparebo ante faciem Dei? Jamque morti proximus, convocatos discipulos ad fraternam concordiam cohortatur, et in breviculo, cui consepeliri voluit, jussit hæc scribi : Ego Joannes credo et confiteor fidem, quam sancti Apostoli prædicaverunt, et sancti

Patres in quatuor conciliis confirmaverunt. Tandem, triduano Angelorum obssequio dignatus, septuagesimum octavum annum agens, apud Passinianum, ubi summa veneratione colitur, migravit ad Dominum, anno salutis millesimo septuagesimo tertio, quarto Idus Julii. Quem Cælestinus tertius, innumeris miraculis clarum, in Sanctorum numerum retulit.

℟. Iste homo perfecit omnia quæ locutus est ei Deus, et dixit ad eum : Ingredere in requiem meam : * Quia te vidi justum coram me ex omnibus gentibus. ℣. Iste est, qui contempsit vitam mundi, et pervenit ad cælestia regna. — Quia. Gloria Patri. Quia.

Pro hoc Festo simplificato

Lectio ix

Joannes Gualbertus, Florentiæ nobili genere ortus, dum patri obsequens rem militarem sequitur, Ugo, unus ejus frater, occiditur a consanguineo. Quem cum solum et inermem sancto Parasceves die Joannes, armis et militibus stipatus, obvium haberet, ubi neuter alterum poterat declinare, ob sanctæ crucis reveren-

tiam, quam homicída supplex, mortem jamjam subitúrus, bráchiis signábat, vitam ei cleménter indúlgēt, ipsúmque in fratrem récipit. Tum sancti Miniáti templum ingréditur, ubi adorátam Crucifíxi imáginem caput sibi fléctere cónspicit. Quo facto permótus, militiam deséruiť, et monásticum hábitum induit, sancto Romuáldo, Camaldulénsis erémi íncola, suadénte. Póstea monásticum órđinem sub régula sancti Benedícti apud Umbrósam vallem instítuit, quo in primis usus est ad simoníacam labem exstirpándam et ad apostólicam fidem propagándam. Virtútibus ac méritis plenus, et Angelórum familiaritáte donátus, septuagésimum octávum annum agens, apud Passiniánum migrávit ad Dóminum, quarto Idus Júlii, anno millésimo septuagésimo tértio. Te Deum.

In III Nocturno

Léctio sancti Evangélíi
secúndum Matthæum

Lectio vii Cap. 5, 43-48

IN illo témpore : Dixit Jesus discíplis suis : Audístis quia dictum est : Dílígēs próximum tuum, et ódio habébis inimícum tuum. Et réliqua.

Homilía sancti Hierónymi
Presbýteri

Liber I Comm. in cap. 5
Matth.



GO autem dico vobis : Dílígite inimícos vestros; benefácite his qui odérunt vos. Multi præcépta Dei, imbecillitáte sua, non Sanctórum víribus æstimántes, putant esse impossibília quæ præcépta sunt : et dicunt sufficere virtútibus, non odísse inimícos : céterum dílígere, plus præcipi, quam humána natúra patiátur. Sciéndum est ergo, Christum non impossibília præcípere, sed perfécta. Quæ fecit David in Saul, et in Absalom : Stéphanus quoque Martyr pro inimícis lapidántibus deprecátus est : et Paulus anáthema cupit esse pro persecutóribus suis. Hæc autem Jesus et dócuit et fecit, dicens : Pater, ignósce illis : quod enim faciunt, nésciunt.

R. Iste est, qui ante Deum magnas virtútes operátus est, et de omni corde suo laudávit Dóminum : * Ipse intercédāt pro peccátis ómnium populórum. **V.** Ecce homo sine queréla, verus Dei cultor, ábstinens se ab omni ópere malo, et permanens in innocéntia sua. — Ipse.

Lectio viii

IN réliquis opéribus bonis intérdum potest áliquis qualemcúmque excusatió-nem præténdere; ad habéndam vero dilectiódinem nullus se póterit excusáre. Potest mihi áliquis dícere, Non possum jejunáre; numquid potest dícere, Non possum amáre? Potest áliquis dícere, Virginitátem non possum serváre, non possum res totas véndere et paupéribus erogáre; numquid potest dícere, Non possum diligere inimícos?

✠. Sint lumbi vestri præcíncti, et lucérnæ ardéntes in mánibus vestris :
* Et vos símiles homínibus exspectántibus dómimum suum, quando revertátur a núptiis. ✠. Vigiláte ergo, quia nescítis qua hora Dóminus vester ventúrus sit. — Et. Glória Patri. Et.

Lectio ix

NON enim ibi aut pedes labórant curréndo, aures audiéndo, aut manus operándo laxántur, ut nos per ipsam excusatiódinem liberáre conémur. Non nobis díctur : Ite ad Oriéntem, et quáerite caritátem; navigáte ad Occidéntem, et inveniétis dilectiódinem. Intus in nostro corde est, ubi redíre jubémur, dicénte prophéta : Redíte,

prævaricatóres, ad cor. Non enim in longínquis regiónibus invenítur quod a nobis pétitur.

Te Deum laudámus.

AD LAUDES

✠. Justum dedúxit.

Ad Bened. Ant. Euge, serve bone * et fidélis, quia in pauca fuísti fidélis, supra multa te constítuam, intra in gáudium Dómini tui.

Oratio

C 4

INtercésio nos, quæsumus, Dómine, beáti Joánnis Abbátis comméndet : ut, quod nostris méritis non valémus, ejus patrocínio assequámur. Per Dóminum.

Deinde fit Commemoratio Ss. Naboris et Felicis Mm. :

Ant. Vestri capílli cápitis omnes numeráti sunt : nolíte timére : multis pas-séribus melióres estis vos.

✠. Exsultábunt Sancti.

Oratio

PRæsta, quæsumus, Dómine : ut, sicut nos sanctórum Mártyrum tuórum Náboris et Felicis natalítia celebránda non déserrunt; ita júgiter suffrágiis comiténtur. Per Dóminum.

IN II VESPERIS

℣. Justum dedúxit.

Ad Magnif. Ant. Hic vir despiciens mundum * et terréna, triúmphans, divítias cælo cóndidit ore, manu.

Et fit Commem. sequentis.

Die 13 Julii

S. Anacleti

Papæ et Martyris [29]

Semiduplex

Ant. Iste Sanctus pro lege Dei sui certávit usque ad mortem, et a verbis impiórum non tímuit; fundátus enim erat supra firmam petram.

℣. Glória et honóre.

Oratio

G Regem tuum, Pastor ætérne, placátus inténde: et per beátum Anacletum Mártirem tuum atque Summum Pontíficem, perpétua protectióne custódi; quem totíus Ecclésiæ præstitísti esse pastórem. Per Dóminum.

In II Nocturno

† **Pro hoc Festo simplificato dicitur ut ix sequens**

Lectio iv



Naclétus Athenién-sis, Trajáno imperatóre rexit Ecclésiám. Decrévit ut epíscopus

a tribus epíscopis, neque a paucióribus, consecrarétur; et cléríci sacris ordínibus públice a próprio epíscopo initiaréntur; et ut in Missa, perácta consecratióne, omnes communicárent. Beáti Petri sepúlcrum ornávit, Pontificúmque sepultúræ locum attríbuit. Fecit ordinatiónes duas mense Decémbri, quibus creávit presbýteros quinque, diáconos tres, epíscopos sex. Sedit annos novem, menses tres, dies decem. Martýrio coronátus, sepúltus est in Vaticáno.

℣. Honéstum fecit illum Dóminus, et custodívit eum ab inimícis, et a seductóribus tutávit illum:

* Et dedit illi claritátem ætérnam. ℣. Descendítque cum illo in fóveam, et in vínculis non derelíquit eum. — Et.

De Expositiόne sancti Ambrosii Episcopi in Psalmum centésimum decimum octávum

Lectio v

Sermo 21

P Ríncipes persecúti sunt me gratis: et a verbis tuis trepidávit cor meum. Bene hoc Martyr dicit, quod injúste persecutiónum torménta sustíneat; qui nihil rapúerit, nullum violéntus opprèsserit, nullus sánguinem fúderit,

nullius torum putáverit esse violándum; qui nihil légibus débeat, et gravióra latrónum sustinére cogátur supplicia; qui loquátur juste, et non audiátur; qui loquátur plena salútis, et impugnétur, ut possit dicere : Cum loquébar illis, impugnábant me gratis. Gratis ígitur persecutióne pátitur, qui impugnátur sine crimine; impugnátur ut nóxius, cum sit in tali confessiõe laudábilis; impugnátur quasi venéficus, qui in nómine Dómini gloriátur, cum pietas virtútum ómnium fundaméntum sit.

℟. Desidérium ánimæ ejus tribuísti ei, Dómine, * Et voluntáte labiórum ejus non fraudásti eum. ℣. Quóniam prævenísti eum in benedictiõibus dulcédinis, posuísti in cápite ejus corónam de lápide pretiósó. — Et.

Lectio vi

VEre frustra impugnátur, qui apud ímpios et infidos impietátis arcésitur, cum fidei sit magíster. Verum, qui gratis impugnátur, fortis debet esse et constans; quómodo ergo subtéxuit : Et a verbis tuis trepidávit cor meum? Trepidáre infirmitátis est, timóris atque formídinis. Sed est étiam

infirmitas ad salútem, est étiam timor sanctórum : Timéte Dóminum, omnes sancti ejus : et, Beátus vir, qui timet Dóminum. Qua ratiõe beátus? Quia in mandátis ejus cupit nimis.

℟. Stola jucunditátis induit eum Dóminus : * Et corónam pulchritúdinis pósuit super caput ejus.

℣. Cibávit illum Dóminus pane vitæ et intelléctus : et aqua sapiéntiæ salutáris potávit illum. — Et. Glória Patri. Et.

In III Nocturno Homilia in Ev. Venit Jesus, de Communi unius aut plurium Summorum Pontificum. [28^a]

AD LAUDES

℣. Justus ut palma.

Ad Bened. Ant. Qui odit * ánimam suam in hoc mundo, in vitam ætérnam custódit eam.

Oratio

GRegem tuum, Pastor ætérne, placátus inténde : et per beátum Anacletum Mártirem tuum atque Summum Pontíficem, perpétua protectiõe custódi; quem totius Ecclésiæ præstitísti esse pastórem. Per Dóminum.

Vesperæ de sequenti, Commemoratio præcedentis.

Die 14 Julii

S. Bonaventuræ

Episc., Conf.
et Eccl. Doct. [69]

Duplex (m. t. v.)

V. Amávit eum Dóminus.

Ad Magnif. Ant. O Doctor óptime, * Ecclésiæ sanctæ lumen, beáte Bonaventúra, divínæ legis amátor, deprecáre pro nobis Fílium Dei.

Oratio

C 3

DEus, qui pópulo tuo æternæ salútis beátum Bonaventúram mínistrum tribuísti : præsta, quæsumus; ut, quem Doctórem vitæ habúimus in terris, intercessórem habére mereámur in cælis. Per Dóminum nostrum.

Et fit Commem. præced. :

Ant. Qui vult veníre post me, ábneget semetípsum, et tollat crucem suam, et sequátur me.

V. Justus ut palma.

Oratio Gregem tuum, ut supra. 758

In I Nocturno, si sumendæ sint de Comuni, Lectiones Sapiéntiam. [87]

Lectio iv



Onaventúra, Balneorégii in Etrúria natus, a letháli morbo adhuc puer, beáti

Francísci précibus, cujus religióni, si convaluisset, voto matris dicátus fúerat, evásit incólumis. Itaque adoléscens fratrum Minórum institútum amplecti vóluit, in quo ad eam doctrínæ præstantiam Alexándro de Ales magistro pervénit, ut sétimo post anno Parísiiis magistérii láuream adeptus, libros Sententiárum públice summa cum laude sit interpretátus, quos étiam præcláris póstea commentáriis illustrávit. Nec sciéntiæ solum eruditióné, sed et morum integritáte vitæque innocentia, humilitáte, mansuetúdine, terrenárum rerum contéptu et cælestium desidério mirífice excélluit; dignus plane, qui tamquam perfectiónis exémpplar haberétur, et a beáto Thoma Aquináte, cui summa caritáte conjúctus erat, sanctus appellaretur. Is enim, cum sancti Francísci vitam illum scribéntem comperisset : Sinámus, ait, Sanctum pro Sancto laboráre.

℟. Invéni David servum meum, óleo sancto meo unxi eum : * Manus enim mea auxiliábitur ei. V. Nihil proficiet inimícus in eo, et fílius iniquitátis non nocébit ei. — Manus enim mea.

Lectio v

Divini amoris flamma succensus, erga Christi Domini passionem, quam jūgiter meditabatur, ac Deiparam Virginem, cui se totum devoverat, singulāri ferebatur pietatis affectu; quem in aliis etiam verbo et exemplo excitare, scriptisque opusculis augere summopere stūduit. Hinc illa morum suāvitas, grātia sermōnis et caritas in omnes effusa, qua singulorum ānimos sibi arctissime devinciēbat. Quam ob rem, vix quinque et triginta annos natus, Romæ summo omnium consensu generalis ordinis minister electus est; susceptumque munus per duodeviginti annos admirabili prudentia gessit ac laude sanctitatis. Plura constituit regulari disciplinæ et amplificando ordini utilia; quem una cum aliis ordinibus mendicantibus adversus obtretractorum calūnnias feliciter propugnāvit.

R. Pōsui adiutorium super potentem, et exaltavi electum de plebe mea :

* Manus enim mea auxiliabitur ei. *R.* Invēni David servum meum, oleo sancto meo unxi eum. — Manus enim mea auxiliabitur ei.

Lectio vi

AD Lugdunense concilium a beāto Gregorio decimo accersitus et cardinalis episcopus Albanensis creatus, arduis concilii rebus egrēgiā navavit operam; qua et schismatis dissidia compōsita sunt, et ecclesiastica dōgmata vindicata. Quibus in laboribus, anno ætatis suæ quinquagésimo tertio, salutis vero millésimo ducentésimo septuagésimo quarto, summo omnium mærore decēssit, ab universo concilio, ipso præsentē Romāno Pontifice, fūnere honestatus. Eum Xystus quartus, plurimis maximisque clarum miraculis, in Sanctorum numerum retulit. Multa scripsit, in quibus summam eruditionem cum pietatis ardore conjūgens, lectorem docēdo movet : quare a Xysto quinto Doctoris Seraphici nōmine mērito est insignitus.

R. Iste est, qui ante Deum magnas virtutes operatus est, et omnis terra doctrina ejus replēta est : * Ipse intercēdat pro peccatis omnium populorum. *R.* Iste est, qui contēmpsit vitam mundi, et pervēnit ad cælestia regna. — Ipse. *Glória Patri.* Ipse.

Pro hoc Festo simplificato

Lectio ix

Bonaventúra, Balneorégii in Etrúria natus, adoléscent religionem sancti Francísci Assisiénsis suscepit; in qua stúdio literárum déditus, Alexándro de Ales præceptóre tantum profécit, ut séptimo post anno Parísiiis libros Sententiárum públíce summa cum laude sit interpretátus. Vir summæ mansuetúdinis ac humilitátis, erga Christi Dómini passióem piíssime afféctus, vix quinque et triginta annos natus, créatus est totíus órdis miníster generális. Quod munus prudénter administrádo, præcláram est laudem consecútus non solum doctrínæ et sanctimóniæ, sed étiam ingénii et dexteritátis. Qua fama ductus Gregórius Papa décimus cardinalem ipsum et episcopum Albanénsem créavit. Multa ópera doctíssime conscripsit, in primis Commentária in quátuor libros Sententiárum. Obiit Lugdúni, duránte concílio, ætátis suæ anno quinquagésimo tértio, et a Xysto quarto inter Sanctos relátus est. Xystus vero quintus Doctóris Seráphici nómine eum insignívit.

Te Deum laudámus.

In III Nocturno Homilia in Ev. Vos estis sal terræ, de Comm. Doct. 3 loco. [93]

AD LAUDES

℣. Justum dedúxit.

Ad Bened. Ant. Euge, serve bone * et fidélis, quia in pauca fuísti fidélis, supra multa te constítuam, dicit Dóminus.

Oratio

C 3

Deus, qui pópulo tuo æternæ salútis beátum Bonaventúram minístrum tribuísti : præsta, quæsumus; ut, quem Doctórem vitæ habúimus in terris, intercessórem habére mereámur in cælis. Per Dóminum.

IN II VESPERIS

℣. Justum dedúxit.

Ad Magnif. Ant. O Doctór óptime, * Ecclésiæ sanctæ lumen, beáte Bonaventúra, divínæ legis amátor, deprecáre pro nobis Fílium Dei.

Et fit Commem. sequentis.

Die 15 Julii

**S. Henrici Imperatoris,
Confessoris [94]**

Semiduplex (m. t. v.)

Ant. Similábo eum viro sapiénti, qui ædificávit domum suam supra petram.

✠. Amávit eum Dóminus.

Oratio

DEus, qui hodiérna die beátum Henricum Confessórem tuum e terréni cúlmine impérii ad regnum ætérnum transtulísti : te súpplīces exorámus; ut, sicut illum, grátiae tuæ ubertáte prævéntum, illécebras sáculi superáre fecísti, ita nos fácias, ejus imitatióne, mundi hujus blandiménta vitáre, et ad te puris méntibus perveníre. Per Dóminum.

In II Nocturno

Lectio iv



Enrícus, cognoménto Pius, e duce Baváriæ rex Germániæ ac póstmodum Romanórum imperátor, temporális regní non conténtus angústīis, pro adipiscénda immortalitátis coróna sédulam ætérno Regi exhibuit servitútem. Adépto enim império, religióni amplificándæ studiósé incúmbens, ecclésiās ab infidélibus destrúctas magnificéntius reparávit, plurimisque largitió nibus et prædiis locupletávit. Monastéria alíaque loca pia vel ipse ædificávit, vel assignátis redítibus auxit. Episcopátum Bambergénsem, hereditáriis ópibus fundátum, beáto Petro

Romanóque Pontífici vectigálem fecit. Benedíctum octávum, a quo impérii corónam accéperat, prófugum excépit, suæque Sedi restítuit.

✠. Honéstum fecit illum Dóminus, et custodívit eum ab inimícis, et a seductóribus tutávit illum :

* Et dedit illi claritátem ætérnam. ✠. Justum dedúxit Dóminus per vias rectas, et osténdit illi regnum Dei. — Et.

Lectio v

IN Cassinénsi monastério, gravi deténtus infirmitáte, a sancto Benedícto, insígni miráculo, sanátus est. Románam Ecclésiám amplíssimo diplómate munerátus, eidem tuéndæ bellum advérsus Græcos suscepit, et Apúliam, diu ab illis posséssam, recuperávit. Nihil sine précibus ággregredi sólitus, Angelum Dómini sanctósque Mártýres tuteláres pro se pugnántes ante áciem intérdum vidit. Divína autem protéctus ope, bárbaras natiónes précibus magis quam armis expugnávit. Pannóniam adhuc infidélem, trádita Stéphanó regi soróre sua in uxórem, eóque baptizáto, ad Christi fidem perdúxit. Virginitátem raro exémplo matrimónio

junxit, sanctámque Cune-
gúndam, cónjugem suam,
propínquis ejus, morti pró-
ximus, illibátam restítuit.

℟. Amávit eum Dómi-
nus et ornávit eum : sto-
lam glóriæ induit eum,
* Et ad portas paradísi
coronávit eum. ℣. Induit
eum Dóminus lorícám fí-
dei, et ornávit eum. — Et.

Lectio vi

DEnique, rebus ómni-
bus, quæ ad impérii
honórem et utilitátem per-
tinébant, summa prudén-
tia dispósitis, et illústri-
bus per Gálliam, Itáliam
et Germániam religiósæ
munificéntiæ vestígiis pas-
sim relíctis; postquam he-
róicæ virtútis suavíssi-
mum odórem longe laté-
que diffúderat, sanctitáte
quam sceptro clárior, ad
regni cæléstis præmia,
consummátis vitæ labó-
ribus, a Dómino vocátus
est anno salutis millésimo
vigésimo quarto. Cujus
corpus in ecclésiá beató-
rum Apostolorum Petri et
Pauli Bambérgæ cónditum
fuit; statímque ad ejus
túmulum multa miracula,
Deo ipsum glorificánte,
patrátá sunt. Quibus póst-
ea rite probátis. Eugénius
tértius Sanctórum número
illum adscripsit.

℟. Iste homo perfécit
omnia quæ locútus est ei

Deus, et dixit ad eum : In-
grédere in réquiem meam :

* Quia te vidi justum co-
ram me ex ómnibus génti-
bus. ℣. Iste est, qui con-
témpsit vitam mundi, et
pervénit ad cæléstia re-
gna. — Quia. Glória Pa-
tri. Quia.

Pro hoc Festo simplicato

Lectio ix

HEnrícus cognométo
Pius, e duce Baváriæ
rex Germániæ ac póstmo-
dum Romanórum imperá-
tor, religióni amplificándæ
studióse incúbuit. Episco-
pátum Bambergénsem,
hereditáriis ópibus fundá-
tum, beáto Petro Romanó-
que Pontífici vectigálem
fecit; Benedíctum octá-
vum prófugum excépit
suæque Sedi restítuit et,
Ecclésiæ Románæ tuéndæ
causa bello advérsus Græ-
cos suscepto, Apúliam,
diu ab illis posséssam,
recuperávit. Divína autem
protéctus ope, bárbaras
natiónes précibus magis
quam armis expugnávit.
Pannóniam adhuc infidé-
lem, trádicta Stéphano regi
soróre sua in uxórem,
eóque baptizáto, ad fi-
dem perdúxit. Virginitá-
tem matrimónio junxit,
sanctámque Cunegúndam
cónjugem suam propín-
quis ejus, morti próximus,

illibátam restituit. Sanctitáte dénique quam sceptro clárior, ad regni cæléstis præmia vocátus est anno millésimo vigésimo quarto, et ab Eugénio tertio Sanctórum número adscriptus.

Te Deum laudámus.

In III Nocturno Homilia in Ev. Sint lumbi, de Communi Conf. non Pont. 1 loco. [98]

AD LAUDES

℣. Justum dedúxit.

Ad Bened. Ant. Euge, serve bone * et fidélis, quia in pauca fuísti fidélis, supra multa te constítuam, intra in gáudium Dómini tui.

Oratio

DEus, qui hodiérna die beátum Henricum Confessórem tuum e terréni cúlmine impérii ad regnum ætérnum transtulísti : te súplices exorámus; ut, sicut illum, grátiae tuæ ubertáte prævéntum, illécebras sæculi superáre fecísti, ita nos fácias, ejus imitatíone, mundi hujus blandiménta vitáre, et ad te puris méntibus perveníre. Per Dóminum.

Vesperæ de sequenti, Commemoratio præcedentis.

Die 16 Julii

In Commemoratione B. Mariæ Virg. de Monte Carmelo

Duplex majus

Omnia de Communi Festorum B. Mariæ V. [174], præter ea quæ hic habentur propria.

℣. Dignáre me laudáre te, Virgo sacráta. ℞. Da mihi virtútem contra hostes tuos.

Ad Magnif. Ant. Sancta María, * succúrre míseris, juva pusillánimes, réfove flébiles, ora pro pópulo, intérvieni pro clero, intercéde pro devóto femíneo sexu : séntiant omnes tuum juvámen, quicúmque célebrant tuam solémnem Commemoratíonem.

Oratio

DEus, qui beatíssimæ semper Vírginis et Genitrícis tuæ Mariæ singulári título Carméli órđinem decorásti : concéde propítius; ut, cujus hódie Commemoratíonem solémni celebrámus officio, ejus muníti præsídiis, ad gáudia sempitérna pervenire mereámur : Qui vivis.

Et fit Com. præcedentis :

Ant. Hic vir, despíciens mundum et terréna, triúmphans, divítias cælo cóndidit ore, manu.

℣. Justum dedúxit.

Oratio ut supra.

AD MATUTINUM

In I Nocturno Lectiones
Ego sapiéntia. [179]

In II Nocturno

Lectio iv

EUM sacra Pentecó-
stes die Apóstoli,
cælitus afflāti, vá-
riis linguis loqueréntur,
et, invocáto augustíssimo
Jesu nómine, mira multa
patrarent; viri plúrimi (ut
fertur), qui vestígiis san-
ctórum Prophetárum Eliæ
ac Eliséi instíterant, et
Joánnis Baptístæ præcónio
ad Christi advéntum
comparáti fúerant, rerum
veritaté perspécta atque
probáta, evangélicam fi-
dem conféstim amplexáti
sunt, ac peculiári quodam
afféctu beatíssimam Vír-
ginem (cujus collóquiis ac
familiaritaté felíciter frui
potuére) ádeo venerári cœ-
pérunt, ut primi ómnium
in eo montis Carméli loco,
ubi Eliás olim ascendén-
tem nébulam, Vírginis
typo insígnem, conspéxe-
rat, eidem puríssimæ Vír-
gini sacéllum constrúxe-
rint.

✠. Sicut cedrus exaltáta
sum in Líbano, et sicut
cypréssus in monte Sion :
quasi myrrha elécta, * De-
di suavitátem odóris.

✠. Et sicut cinnamómum

et bálsamum aromatízans.
— Dedi.

Lectio v

AD novum ergo sacéllum
sæpe quotidie conve-
niéntes, rítibus piis, pre-
caciónibus ac láudibus
beatíssimam Vírginem,
velut singulárem órdis
tutélam, colébant. Quam
ob rem fratres beátæ Ma-
ríæ de Monte Carmélo pas-
sim ab ómnibus appellári
cœpérunt; eúmque títu-
lum summi Pontífices non
modo confirmárunt, sed
et indulgéntias peculiáres
iis, qui eo título vel órdis
nem vel fratres singulos
nuncuparent, concessére.
Nec vero nomenclatúram
tantum magnificentíssima
Virgo tribuit et tutélam,
verum et insígne sacri
scapuláris; quod beáto Si-
móni Anglico præbuit, ut
cælésti hac veste ordo ille
sacer dignoscerétur, et a
malis ingruéntibus prote-
gerétur. Ac demum, cum
olim in Európa ordo esset
ignótus, et ob id apud
Honórium tértium non
pauci pro illius extin-
ctióne instárent, ástitit
Honório noctu piíssima
Virgo María, planéque jus-
sit, ut institútum et hó-
mines benígne complecte-
rétur.

✠. Quæ est ista quæ pro-
cèssit sicut sol, et formó-

sa tamquam Jerúsalem?

* Vidérunt eam filiae Sion, et beátam dixerunt, et reginae laudavérunt eam.

℣. Et sicut dies verni circúmdabant eam flores rosárum et lília convállium.

— Vidérunt.

Lectio vi

NON in hoc tantum sáculo ordinem sibi tam accéptum multis prærogatívís beatíssima Virgo insignívit; verum et in álio (cum ubique et poténtia et misericórdia plúrimum váleat) filios in scapuláris societátem relátos, qui abstinéntiam módicam precésque paucas eis præscríptas frequentáru(n)t, ac pro sui status ratióne castitátem coluérunt, máterno plane afféctu, dum igne purgatórii expiántur, solári ac in cæléstem pátriam obténtu suo quantócíus pie créditur efférre. Tot ergo tantisque beneficiis ordo cumulátus, sólémnem beatíssimæ Vírginis Commemorationem, ritu perpétuo ad ejúsdem Vírginis glóriam quotánis celebrándam, instítuit.

℣. Ornátam monílibus filiam Jerúsalem Dóminus concupívit : * Et vidéntes eam filiae Sion, beatíssimam prædicavérunt, dicéntes : * Unguénum

effúsum nomen tuum.

℣. Astitit regína a dextris tuis in vestítu deauráto, circúmdata varietáte. — Et. Glória Patri. Unguénum.

Pro hoc Festo simplicitato

Lectio ix

CUM sacra Pentecóstes die viri plúrimi, ut fertur, qui vestígiis sanctórum Prophetárum Elíæ ac Eliséi instítérant, evangélicam fidem fuissent amplexáti, in eo montis Carméli loco, ubi Elías olim ascendéntem nébulam, beátæ Mariæ Vírginis typo insignem, conspéxerat, eidem puríssimæ Vírgini sacéllum constrúere cœpérunt; eamdémque, velut singulárem ordinis tutelam, veneráti sunt, fratrum beátæ Mariæ de monte Carmélo exínde nómine accépto. Eis numquam défuit speciális protectio beatíssimæ Vírginis, quæ Honórium tertium ab ordine exstinguendo per sómnum detérruit, et insigne sacri scapuláris ordini tríbuit, quod qui gestáverint et abstinéntiam módicam precésque paucas frequentáverint, igne purgatórii deténti, obténtu suo quantócíus in cæléstem pátriam pie credúntur efférri. Tot

ergo tantisque beneficiis ordo cumulatus, solennem beatissimæ Virginis Commemorationem quotannis celebrandam instituit.

Te Deum laudamus.

In III Nocturno Homilia in Ev. Loquente Jesu, ut in Communi. [186]

In X. vii Felix loco sanctam festivitatem dicitur solennem Commemorationem, ut in Communi notatur. [186]

AD LAUDES

V. Diffusa est gratia in labiis tuis. R. Propterea benedixit te Deus in æternum.

Ad Bened. Ant. Caput tuum * ut Carmelus, et comæ capitis tui sicut purpura Regis vincta carnalibus, allelûja.

Oratio

DEus, qui beatissimæ semper Virginis et Genitricis tuæ Mariæ singulari titulo Carmeli ordinem decorasti : concede propitius ; ut, cujus hodie Commemorationem solenni celebramus officio, ejus muniti præsidiis, ad gaudia sempiterna pervenire mereamur : Qui vivis.

IN II VESPERIS

V. Dignare me laudare te, Virgo sacrata. R. Da

mihi virtutem contra hostes tuos.

Ad Magnif. Ant. Glória Libani * data est ei, decor Carmeli et Saron, allelûja.

Et fit Commem. sequentis.

Die 17 Julii

S. Alexii Conf. [94]

Semiduplex

Ant. Similabo eum viro sapienti, qui ædificavit domum suam supra petram.

V. Amavit eum Dominus.

Oratio

C 1

DEus, qui nos beati Alexii Confessoris tui annua solemnitate lætificas : concede propitius ; ut, cujus natalitia colimus, etiam actiones imitemur. Per Dominum.

In II Nocturno

¶ Pro hoc Festo simplificato Lectio iv dicitur ut ix.

Lectio iv



Lexus, Romanorum nobilissimus, propter eximium Jesu Christi amorem prima nocte nuptiarum peculiari Dei monitu relinquens intactam sponsam, illustrium orbis terræ ecclesiarum peregrinationem suscepit. Quibus in itineribus cum ignotus se-

ptémdecim annos fuisset, aliquándo apud Edéssam, Sýriæ urbem, per imáginem sanctíssimæ Mariæ Vírginis, ejus nómine divulgáto, inde navi discéssit. Ad portum Románum appúlsus, a patre suo tamquam aliénus pauper hospítio accípitur; apud quem, ómnibus incógnitus, cum decem et septem annos vixisset, relicto scripto sui nóminis, sanguinis, ac totíus vitæ cursus, migrávit in cælum, Innocéntio primo summo Pontífice.

✠. Honéstum fecit illum Dóminus, et custodívit eum ab inimícis, et a seductóribus tutávit illum :

* Et dedit illi claritátem ætérnam. ✠. Justum dedúxit Dóminus per vias rectas, et osténdit illi regnum Dei. — Et.

Ex libro Morálium
sancti Gregórii Papæ

Liber 10, cap. 16, in c. 12 Job

Lectio v

DEridétur justí simplí-
citas. Hujus mundi sapiéntia est : cor machinátionibus tégere, sensum verbis veláre : quæ falsa sunt, vera osténdere; quæ vera sunt, falsa demonstráre. Hæc nimírum prudéntia usu a juvénibus scitur, hæc a púeris prétio díscitur : hanc qui sciunt,

céteros despiciéndo superbíunt : hanc qui nésciunt, subjécti et tímidi in áliis mirántur; quia ab eis hæc éadem duplicitátis iníquitas, nómine palliáta, díligitur, dum mentis pervérsitas urbánitas vocátur. Hæc sibi obsequéntibus præcipit honórum cúlmina quærere, adépta temporá-
lis glóriæ vanitáte gaudére, irrogáta ab áliis mala multiplícíus réddere : cum vires súppetunt, nullis resisténtibus cédere; cum virtútis possibilitas deest, quidquid explére per malítiam non valent, hoc in pacífica bonitáte simuláre.

✠. Amávit eum Dóminus, et ornávit eum : stolam glóriæ induit eum,

* Et ad portas paradísi coronávit eum. ✠. Induit eum Dóminus lorícá fidei, et ornávit eum. — Et.

Lectio vi

AT contra, sapiéntia justórum est : nil per ostensiónem fíngere, sensum verbis aperíre, vera ut sunt díligere, falsa devitáre; bona gratis exhibére, mala libéntius toleráre quam fácere; nullam injúriæ ultiónem quærere, pro veritáte contuméliam lucrum putáre. Sed hæc justórum simplícitas deridétur; quia ab hujus mun-

di sapiéntibus puritátis virtus fatúitas créditur. Omne enim quod innocénter ágitur, ab eis proculdúbio stultum putátur; et quidquid in ópere véritas ápprobat, carnáli sapiéntiæ fátuum sonat. Quid namque stúltius vidétur mundo quam mentem verbis osténdere, nil cállida machinatióne simuláre, nullas injúriis contumélias réddere, pro maledicéntibus oráre, paupertátem quárere, posséssa relínquere, rapiénti non resistere, percutiénti álteram maxíllam præbére?

R. Iste homo perfécit ómnia quæ locútus est ei Deus, et dixit ad eum : Ingrédere in réquiem meam :
* Quia te vidi justum coram me ex ómnibus géntibus. **V.** Iste est, qui contémpsit vitam mundi, et pervénit ad cæléstia regna. — Quia. **Glória Patri. Quia.**

In III Nocturno Homilia in Ev. Ecce nos relíquimus, de **Communi Abbatum 1 loco.** [107]

AD LAUDES

V. Justum dedúxit.

Ad Bened. Ant. Euge, serve bone * et fidélis, quia in pauca fuísti fidélis, supra multa te constítuam, intra in gáudium Dómini tui.

Oratio

C 1

Deus, qui nos beáti Aléxii Confessóris tui ánnua solemnitáte lætíficas : concéde propítius; ut, cujus natalítia cólimus, étiam actiónes imitémur. Per Dóminum.

Vesperæ de sequenti, Com. præc. ac Ss. Symphorosæ et septem Filiorum ejus Mm.

Die 18 Julii

S. Camilli de Lellis

Confessoris [94]

Duplex (m. t. v.)

V. Amávit eum Dóminus.

Ad Magníf. Ant. Similábo eum * viro sapiénti, qui ædificávit domum suam supra petram.

Oratio

Deus, qui sanctum Camíllum, ad animárum in extrémó agóne luctántium subsídium, singulári caritátis prærogatíva decorásti : ejus, quæsumus, méritis spíritum nobis tuæ dilectiónis infúnde; ut in hora éxitus nostri hostem víncere, et ad cæléstem mereámur corónam perveníre. Per Dóminum.

Et fit Com. præcedentis :

Ant. Hic vir, despiciens mundum et terréna, triúm-

phans, divítias cælo cón-
didit ore, manu.

℟. Justum dedúxit.

Oratio

C 1

DEus, qui nos beáti Alé-
xii Confessóris tui án-
nua solemnitáte lætíficas :
concéde propítius; ut, cu-
jus natalítia cólimus, étiam
actiónes imitémur. Per
Dóminum.

**Deinde Commem. Ss. Sym-
phorossæ et septem Filiorum
ejus Martyrum :**

Ant. Istórum est enim
regnum cælórum, qui con-
tempserunt vitam mundi,
et pervenerunt ad præmia
regni, et laverunt stolas
suas in ságuine Agni.

℟. Lætámini in Dómino.

Oratio

DEus, qui nos concédis
sanctórum Mártyrum
tuórum Symphorossæ et
filiórum ejus natalítia có-
lere : da nobis in æténa
beatitúdine de eórum so-
cietáte gaudére. Per Dó-
minum.

In II Nocturno

Lectio iv



Amíllus Bucclánici,
Theatínæ diœcésis
óppido, ex nóbili
Lelliórum família natus
est matre sexagenária, cui
grávidæ visum est per
quíetem, puérulum crucis
signo in pectore munítum,
et ágmini puerórum idem

signum gestántium præ-
eúntem, se peperísse. Ado-
lescens rem militárem se-
cútus, sáculi vítiis ali-
quámdiu indúlsit; donec,
vigésimum quintum agens
ætátis annum, tanto su-
pérnæ grátix lúmine divi-
næque offénsæ dolóre cor-
réptus fuit, ut ubérri-
mo lacrimárum imbre illico
perfúsus, anteáctæ vitæ
sordes indesinénter abs-
térgeré, novúmque indúe-
re hómínem firmiter de-
créverit. Quare ipso, quo
id cóntigit, Purificatiónis
beatíssimæ Vírginis festo
die, ad fratres Minóres,
quos Capuccínos vocant,
cónvolans, ut eórum nú-
mero adscriberétur sum-
mis précibus exorávit.
Voti compos semel atque
íterum factus est : sed, fœ-
do úlcere, quo aliquándo
laboráverat, in ejus tibia
iteráto recrudescénte, di-
vinæ providéntiæ majóra
de eo disponéntis consílio
humíliter se subjécit; suí-
que victor, illius religiónis
bis expetítum et suscé-
ptum hábitum bis dimísit.

℟. Honéstum fecit illum
Dóminus, et custodívit
eum ab inimícis, et a se-
ductóribus tutávit illum :

* Et dedit illi claritátem
ætéram. ℟. Justum de-
dúxit Dóminus per vias
rectas, et osténdit illi re-
gnum Dei. — Et.

Lectio v

Romam profectus, in nosocomium, quod Insanabilium dicitur, receptus est; cujus etiam administrationem, ob perspectas ejus virtutes sibi demandatam, summa integritate ac sollicitudine vere paterna perégit. Omnium ægrorum servum se reputans, eorum sternere lectulos, sordes tergere, ulceribus mederi, agonique extremo piis precibus et cohortationibus opem ferre solémne habuit; quibus in muneribus præclara præbuit admirabilis patientiæ, invictæ fortitudinis et herolicæ caritatis exempla. Verum, cum animarum in extremis periclitantium, quod unice intendebat, levâmini subsidium litterarum plurimum conferre intelligeret, triginta duos annos natus in primis grammaticæ elementis tirocinium inter pueros iterum subire non erubuit. Sacerdotio postea rite initiatus, nonnullis sibi adjunctis sociis, prima jecit congregationis Clericorum regularium infirmis ministrantium fundamenta, irritò conatu obnitente humani generis hoste. Nam Camillus, cælesti voce e Christi crucifixi, manus etiam de ligno

avulsas admirando prodigio protendentis, simulacro emissa mirabiliter confirmatus, ordinem suum a Sede apostolica approbâri obtinuit; sodalibus quarto obstrictis maxime arduo voto, infirmis, quos etiam pestis infecerit, ministrandi. Quod institutum, quam foret Deo acceptum et animarum salutis proficuum, sanctus Philippus Nérius, qui Camillo a sacris confessionibus erat, comprobavit, dum ejus alumnis decedentium agoni opem ferentibus Angelos suggerentes verba sæpius se vidisse testatus est.

✠. Amavit eum Dominus, et ornavit eum : stolam gloriæ induit eum, * Et ad portas paradisi coronavit eum. ✠. Induit eum Dominus lorica fidei, et ornavit eum. — Et.

Lectio vi

Artioribus hisce vinculis ægotantium ministerio mancipatus, mirum est qua alacritate, nullis fractus laboribus, nullis deterritus vitæ periculis, diu noctûque ad supremum usque spiritum, eorum commodis vigilaverit. Omnibus omnia factus, vilissima quæque officia demississimo obsequio flexisque plerumque genibus, veluti Christum

ipsum cérneret in infirmis, hilariter promptoque animo arripiebat; utque omnium indigentibus praesto esset, generalem ordinis praefecturam, caelique delicias quibus in contemplatione defixus affluerebat, sponte dimisit. Paternus vero illius erga miseros amor tum maxime effulsit, dum et Urbs contagioso morbo primum, deinde extrema annonae laboraret inopia, et Nolae in Campania dira pestis grassaretur. Tanta denique in Deum et proximum caritate exarsit, ut angelus nuncupari, et Angelorum opem in vario itinerum discrimine experiri promereretur. Prophetiae dono et gratia sanitatum praeditus, arcana quoque cordium inspexit; ejusque precibus nunc cibaria multiplicata sunt, nunc aqua in vinum conversa. Tandem vigiliis, jejuniis et assiduis attritus laboribus, cum pelle tantum et ossibus constare videretur, quinque molestis aequae ac diutinis morbis, quos misericordias Domini appellabat, fortiter toleratis, sacramentis munitus, Romae, inter suavissima Jesu et Mariae nomina, ad ea verba: Mitis atque festivus Christi Jesu tibi aspectus appareat; qua praedixe-

rat hora, obdormivit in Domino, pridie Idus Julii, anno salutis millesimo sexcentesimo decimo quarto, aetatis suae sexagesimo quinto. Quem, pluribus illustrem miraculis, Benedictus decimus quartus solenni ritu Sanctorum fastis adscripsit; et Leo decimus tertius, ex Sacrorum catholici orbis antistitum voto ac Rituum Congregationis consulto, caelestem omnium hospitalium et infirmorum ubique degentium patronum declaravit, ipsiusque nomen in agonizantium litanis invocari praecipit.

℟. Iste homo perfecit omnia quae locutus est ei Deus, et dixit ad eum: Ingrederere in requiem meam:

* Quia te vidi justum coram me ex omnibus gentibus. ℣. Iste est, qui contempsit vitam mundi, et pervenit ad caelestia regna. — Quia. Gloria Patri. Quia.

Pro hoc Festo simplicitate

Lectio ix

Camillus Buccianici, in Theatinæ diocesis oppido, ex nobili Lelliorum familia natus, adolescens rem militarem secutus, saeculi vitiis aliquamdiu indulsit. Divinae tamen offensae dolore correptus,

ad fratres Minóres, quos Capuccínos vocant, cónvolans, ut eórum número adscriberétur, eníxe postulávit. Voti compos semel atque iterum factus, foedo úlcere, quo aliquándó laboráverat, in ejus tibia iteráto recrudescente, superiorum plácitis humiliter se submíttens, illius religiónis bis expetítum et susceptum hábitum bis dimísit. Romam proféctus, et sacerdotio rite initiátus, prima jecit fundaménta congregatiónis Clericórum regulárium infirmis ministrántium, sodálibus quarto obstrictis máxime árduo voto, infirmis, quos étiam pestis infecísset, ministrándi. Iterátis jejúniis et assíduis fractus labóribus, quinque moléstis æque ac diútinis morbis, quos misericórdias Dómini appellábat, fórtiter tolerátis, obiit in Dómino, pridie Idus Júlii, anno millésimo sexcentésimo décimo quarto, ætátis sexagésimo quinto. Eum Leo décimus tértius cæléstem ómnium hospitálíum et infirmórum patrónum renuntiávit, ejusque nomen in agonizántium litaníis invocári præcépit.

Te Deum laudámus.

In III Nocturno

Léctio sancti Evangélíi
secúndum Joánnem

Lectio vii Cap. 15, 12-16

IN illo témpore : Dixit Jesus discíplis suis : Hoc est præcéptum meum, ut diligátis invicem, sicut diléxi vos. Et réliqua.

Homília sancti Augustíni
Episcopi

Tractatus 83 in Joannem



Uid putámus, fratres mei? numquídnam solum ejus de ista dilectiône mandátum est, qua diligimus invicem? Nonne est et áliud majus, ut diligámus Deum? Aut vero de sola Deus nobis dilectiône mandávit, ut ália non requirámus? Tria certe coméndat Apóstolus, dicens : Manent autem fides, spes, caritas, tria hæc, major autem horum caritas. Et, si in caritáte, hoc est, in dilectiône concludúntur duo illa præcépta, major tamen dicta est esse, non sola. De fide ígitur nobis quam multa mandáta sunt, quam multa de spe! Quis potest cuncta collígere, quis enumerádo sufficere? Sed intueámur, quod ait idem Apóstolus : Plenitúdo legis caritas.

✠. Iste est, qui ante Deum magnas virtútes

operátus est, et de omni corde suo laudávit Dóminum : * Ipse intercédát pro peccátis ómnium populórum. ✠. Ecce homo sine queréla, verus Dei cultor, ábstinens se ab omni ópere malo, et pérmanens in innocéntia sua. — Ipse.

Lectio viii

UBI ergo caritas est, quid est, quod possit deesse? ubi autem non est, quid est quod possit prodésse? Dæmon credit, nec diligit : nemo diligit, qui non credit. Frustra quidem, sed tamen potest sperare véniam qui non diligit; nemo autem potest desperare qui diligit. Itaque ubi diléctio est, ibi necessário fides et spes; et, ubi diléctio próximi, ibi necessário étiam diléctio Dei. Qui enim non diligit Deum, quómodo diligit próximum tamquam se ipsum? Quandóquidem non diligit et se ipsum. Est quippe ímpius et iníquus; qui autem diligit iniquitatem, non plane diligit, sed odit ánimam suam.

✠. Sint lumbi vestri præcincti, et lucernæ ardéntes in má nibus vestris : * Et vos símiles homínibus expectántibus dóminum suum, quando revertátur a núptiis. ✠. Vigilate ergo, quia nescitis qua

hora Dóminus vester ventúrus sit. — Et. Glória. Et.

Pro Ss. Symphorosa
et septem Filiis ejus, Mm.

Lectio ix

SYMPHOROSA Tiburtína, Getúlii Mártiris uxor, ex eo septem filios péperit, Crescéntium, Juliánum, Nemésium, Primitívum, Justínium, Stácteu et Eugénium; qui omnes propter cristiánæ fidei professiónem una cum matre, Hadriáno imperatóre, comprehénsi sunt. Quorum píetas, multis variisque tentáta supplíciis, cum stábilis permanéret, mater, quæ filiis fidei magistra fúerat, dux eisdem ad martýrium éxstitit. Nam, saxo ad collum alligáto, in profluéntem dejícitur : cujus corpus, conquisítum a fratre ejus Eugénio, sepelítur. Postrídie ejus diéi, qui fuit décimo quinto Kaléndas Augústi, septem fratres sínguli ad palum alligáti, várie sunt interfécti : Crescéntio guttur ferro transfigitur; Juliáno pectus confóditur; Nemésio cor transverberátur; Primitívo trajícitur umbilicus; Justínus membrátim secátur; Stácteus telis confígitur; Eugénius a pectore in duas partes divíditur. Ita octo hóstiæ Deo

gratissimæ sunt immolâtæ. Córpora in altissimam fóveam projecta sunt via Tiburtína, nono ab Urbe lápide; quæ, póstea Romam transláta, cóndita sunt in ecclésia sancti Angeli in piscína.

Te Deum laudámus.

Si autem ix Lectio alicujus Officii commemorati non sit dicenda, erit sequens

Lectio ix

HOC ergo præcéptum Dómini teneámus, ut nos invicem diligámus, et quidquid áliud præcépit, faciémus; quóniam quidquid est áliud, hic habémus. Discérnitur quippe ista diléctio ab illa dilectióne, qua se invicem diligunt hómines; nam, ut discernerétur, adjúctum est : Sicut diléxi vos. Ut quid enim diligit nos Christus, nisi ut regnâre possimus cum Christo? Ad hoc ergo et nos invicem diligámus, ut dilectionem nostram discernámus a céteris, qui non ad hoc se invicem diligunt, quia nec diligunt. Qui autem se propter habéndum Deum diligunt, ipsi se diligunt. Ergo, ut se diligant, Deum diligunt. Non est hæc diléctio in ómnibus homínibus : pauci se propterea diligunt, ut sit Deus ómnia in ómnibus. **Te Deum.**

AD LAUDES

℟. Justum dedúxit.

Ad Bened. Ant. Euge, serve bone * et fidélis, quia in pauca fuísti fidélis, supra multa te constítuam. intra in gáudium Dómini tui.

Oratio

DEus, qui sanctum Camíllum, ad animárum in extrémó agóne luctántium subsidium, singulári caritátis prærogatíva decorásti : ejus, quæsumus, méritis, spíritum nobis tuæ dilectiónis infúnde; ut in hora éxitus nostri hostem víncere, et ad cæléstem mereámur corónam perveníre. Per Dóminum.

Et fit Com. Ss. Symphorose et septem Filiorum ejus Mm. :

Ant. Vestri capílli cápitis omnes numeráti sunt : nolíte timére : multis passeribus meliôres estis vos.

℟. Exsultábunt Sancti.

Oratio

DEus, qui nos concédís sanctórum Mártyrum tuórum Symphorósæ et filiórum ejus natalítia cólere : da nobis in æténa beatitúdine de eórum societáte gaudére. Per Dóminum.

Vesperæ a Capitulo de seq., Commemoratio præcedentis.

Die 19 Julii

S. Vincentii a Paulo

Confessoris [94]

Duplex (m. t. v.)

Oratio

DEus, qui ad evangeli-
zandum paupéribus et
ecclesiástici órdis decó-
rem promovéndum, beá-
tum Vincéntium apostó-
lica virtúte roborásti :
præsta, quæsumus; ut,
cujus pia mérita venerá-
mur, virtútum quoque in-
struámur exémpis. Per
Dóminum.

Et fit Com. præcedentis :

Ant. Hic vir, despiciens
mundum et terréna, triúm-
phans, divítias cælo cón-
didit ore, manu.

✠. Justum dedúxit.

Oratio

DEus, qui sanctum Ca-
míllum, ad animárum
in extrémó agóne luctán-
tium subsidium, singulári
caritátis prærogatíva de-
corásti : ejus, quæsumus,
méritis, spíritum nobis
tuæ dilectiónis infúnde;
ut in hora éxitus nostri
hostem víncere, et ad cæ-
léstem mereámur corónam
perveníre. Per Dóminum.

In II Nocturno

Lectio iv



Incéntius a Paulo,
natióne Gallus, Pó-
dii non procul ab
Aquis Tarbéllis in Aquitá-

nia natus, jam tum a púero
exímiam in páuperes cari-
tátem præ se tulit. A cu-
stódia patérni gregis ad
litteras evocátus, humá-
nas Aquis, divínas cum
Tolósæ, tum Cæsaraugú-
stæ didicit. Sacerdótio ini-
tiátus ac theologiæ láurea
insignítus, in Turcas inci-
dit, qui captívum in Afri-
cam abduxérunt. Sed in
captivitáte pósitus herum
ipsum Christo rursus lu-
crifécit. Cum eo igitur ex
bárbaris oris, opitulánte
Deípara, sese prorípiens,
ad apostólica límina iter
instituit. Unde in Gálliam
revérsus, Clippíaci pri-
mum, mox Castelliónis
parécias sanctíssime re-
xit. Renuntiátus a rege
primárius Sacrórum miní-
ster in Gálliae trirémibus,
mirum quo zelo et ducum
et rémigum salúti óperam
posúerit. Moniálibus Visi-
tatiónis a sancto Francísco
Salésio præpósitus, tanta
prudéntia per annos círci-
ter quadragínta eam cu-
ram sustínuit, ut máxime
comprobáverit júdicium
sanctíssimi præsulis, qui
sacerdótem Vincéntio di-
gniórem nullum se nosse
fatebátur.

✠. Honéstum fecit illum
Dóminus, et custodívit
eum ab inimícis, et a se-
ductóribus tutávit illum :
* Et dedit illi claritátem

ætérnam. **℣.** Justum dedúxit Dóminus per vias rectas, et osténdit illi regnum Dei. — Et.

Lectio v

EVangelizándis paupéribus, præsértim rurícolis, ad decrepítam usque ætátem indeféssus incúbuit, eíque apostólicó óperi tum se, tum alúmnos congregatiónis, quam sub nómine Presbyterórum sæculárium Missiόνis instituit, perpétuo voto a sancta Sede confirmáto, speciátim obstrínxit. Quantum autem augénda cleri disciplínæ allaboráverit, testántur erécta májorum clericórum seminária, collatiónum de divínis inter sacerdótes frequéntia, et sacrae ordinatióni præmitténda exercítia; ad quæ, sicut et ad pios laicórum secéssus, institúti sui domicília libénter patére vóluit. Insuper, ad amplificándam fidem et pietátem, evangélicos misit operários, non in solas Gálliae províncias, sed et in Itáliam, Polóniam, Scótiam, Hibérniam, atque ad bárbaros et Indos. Ipse vero, vita functo Ludovíco décimo tértio, cui moriénti hortátor ástitit, a regína Anna Austriaca, matre Ludovíci décimi quarti, in sánctius concí-

lium accítus, studiosíssime egit, ut nónnisi dignióres ecclésiis ac monastériis præficeréntur; civíles discórdia, singulária certámina, serpéntes erróres, quos simul sensit et exhórruit, amputaréntur; debítaque judiciis apostólicis obediéntia præstaretur ab ómnibus.

℟. Amávit eum Dóminus, et ornávit eum : stolam glóriæ induit eum, ***** Et ad portas paradísi coronávit eum. **℣.** Induit eum Dóminus lorícam fidei, et ornávit eum. — Et.

Lectio vi

Nullum fuit calamitátis genus, cui patérne non occurrerit. Fidéles sub Turcárum jugo geméntes, infántes expósitos, júvenes díscolos, vírgines periclitántes, moniáles dispérsas, mulieres lapsas, ad trirémes damnátos, peregrínos infirmos, artífices inválidos, ipsósque mente captos, ac innúmeros mendícos subsidiis et hospítiis etiámnum superstítibus excépit ac pie fovit. Lotharíngiam, Campániam, Picárdiam, aliásque regiónes peste, fame, bellóque vastátas, prolíxe refécit. Plúrima ad perquiréndos et sublevándos míseros sodalítia fundávit, inter quæ célebris matro-

nárum cœtus, et late dif-
fúsa sub nómine Caritátis
puellárum societas. Puél-
las quoque tum de Cruce,
tum de Providéntia, ac
sanctæ Genovéfæ ad se-
quióris sexus educatiónem
erigéndas curávit. Hæc
inter et ália gravíssima
negótia Deo júgiter intén-
tus, cunctis affábilis, ac
sibi semper constans, sim-
plex, rectus, húmilis, ab
honóribus, divítiis ac delí-
ciis semper abhórruit; au-
dítus dicere, rem nullam
sibi placére, prætérquam
in Christo Jesu, quem in
ómnibus studébat imitári.
Córporis demum afflictat-
ióne, labóribus senióque
attritus, die vigésima sé-
ptima Septémbris, anno
salútis supra millésimum
sexcentésimo sexagésimo,
ætátis suæ octogésimo
quinto, Parísii, in domo
sancti Lázari, quæ caput
est congregatiónis Mis-
siónis, plácide obdormí-
vit; quem, virtútibus, mé-
ritis ac miráculis clarum,
Clemens duodécimus inter
Sanctos rétulit, ipsíus ce-
lebritáti die décima nona
mensis Júlii quotánnis as-
signáta. Hunc autem di-
vinæ caritátis exímium
heróem, de unoquóque hó-
minum génere óptime mé-
ritum, Leo tértius dé-
cimus, instántibus plúri-
bus Sacrórum antistíti-

bus, ómnium societátum
caritátis, in toto cathólico
orbe existéntium et ab eo
quomodocúmque proma-
nántium, peculiárem apud
Deum patrónum declará-
vit et constituit.

✠. Iste homo perfécit
ómnia quæ locútus est ei
Deus, et dixit ad eum : In-
grédere in réquiem meam :
* Quia te vidi justum co-
ram me ex ómnibus gén-
tibus. ✠. Iste est, qui con-
témpsit vitam mundi, et
pervénit ad cæléstia re-
gna. — Quia. Glória Pa-
tri. Quia.

Pro hoc Festo simplificato

Lectio ix

VIncéntius a Paulo, Pó-
dii in Aquitánia natus,
jam a púero exímiam in
páuperes caritátem præ se
tulit. A custódia patérni
gregis ad líttas evocá-
tus, et dein sacerdotío ini-
tiátus, in Turcas incidit,
qui captívum in Africam
abduxérunt; unde cum
hero, ad fidem Christi re-
dúcto, se erípuit et in
Gálliam revérsus est. In
paróciis sibi commíssis et
dein in trirémibus animá-
rum salúti sédulo incú-
buit. Moniálibus Visita-
tiónis per annos círciter
quadragínta máxima pru-
déntia præfuit. Evangeli-
zándis paupéribus, præ-

sértim rurícolis, ad decre-
pitam usque ætátem inde-
fessus incúbuit, eíque apo-
stólico óperi tum se, tum
alúmnos congregatiónis,
quam sub nómine Presby-
terórum sæculárium Mis-
siónis instítuit, perpétuo
voto a sancta Sede confir-
máto obstrínxit. Plúrima
ad perquiréndos et suble-
vándos míseros et ad se-
quióris sexus educatiónem
sodalítia fundávit. Córpo-
ris demum afflictatióne, la-
bóribus senióque attrítus,
anno salútis millésimo
sexcentésimo sexagésimo
plácide obdormívit in Dó-
mino. Eum miráculis cla-
rum Clemens duodécimus
inter Sanctos rétulit, et
Leo décimus tértius óm-
nium societátum caritátis,
in toto cathólico orbe exi-
sténtium et ab eo quomo-
docúmque promanántium,
peculiárem apud Deum
patrónum declarávit et
constítuit.

Te Deum laudámus.

In III Nocturno Homilia in
Ev. Designávit Dóminus, ut
in Communi Evang. cum
℟. de Communi Conf. non
Pont. ibidem notatis. [27]

AD LAUDES

℟. Justum dedúxit.

Ad Bened. Ant. Euge,
serve bone * et fidélis,
quia in pauca fuísti fidé-

lis, supra multa te constí-
tuam, intra in gáudium
Dómini tui.

Oratio

DEus, qui ad evangeli-
zándum paupéribus et
ecclesiástici órdis decó-
rem promovéndum, beá-
tum Vincéntium apostó-
lica virtúte roborásti :
præsta, quæsumus; ut,
cujus pia mérita venerá-
mur, virtútum quoque in-
struámur exémpolis. Per
Dóminum.

Vesperæ a Capitulo de seq.,
Commemoratio præcedentis
ac S. Margaritæ Virg. et Mart.

Die 20 Julii

S. Hieronymi Æmiliani

Confessoris [94]

Duplex (m. t. v.)

℟. Amávit eum Dómi-
nus.

Ad Magnif. Ant. Simi-
lábo eum * viro sapiénti,
qui ædificávit domum
suam supra petram.

Oratio

DEus, misericordiárum
pater, per mérita et
intercessiόnem beáti Hie-
rónymi, quem órphānis
adjutórem et patrem esse
voluísti : concéde; ut spí-
ritum adoptiόnis, quo filii
tui nominámur et sumus,
fidéliter custodiámus. Per
Dóminum.

Et fit Com. præcedentis :

Ant. Hic vir, despiciens mundum et terræna, triumphans, divitias cælo condidit ore, manu.

✠. Justum deduxit.

Oratio

DEus, qui ad evangelizandum pauperibus et ecclesiastici ordinis decorem promovendum, beatum Vincéntium apostolica virtute roborasti : præsta, quæsumus; ut, cujus pia mérita veneramur, virtutum quoque instruamur exemplis. Per Dóminum.

Deinde Commem. S. Margaritæ Virg. et Mart. :

Ant. Veni, Sponsa Christi, * accipe coronam, quam tibi Dóminus præparavit in ætérnum.

✠. Spécie tua et.

Oratio

Indulgentiam nobis, quæsumus, Dómine, beata Margarita Virgo et Martyr implóret : quæ tibi grata semper exstitit, et mérito castitatis, et tuæ professione virtutis. Per Dóminum.

In II Nocturno

Lectio iv



Hierónymus, e gente patricia Æmiliána Venétiis ortus, a prima adolescéntia militiæ

addictus, difficillimis reipublicæ temporibus Castro novo ad Quarum in montibus Tarvisinis præficitur. Arce ab hostibus capta, ipse in teterrimum cárcerem detrúditur, manibus ac pedibus vinctus; cui omni humana ope destitúto beatíssima Virgo, ejus præcibus exorata, clemens adest, vincula solvit, et per medios hostes, qui vias omnes obsederant, in Tarvisii conspectum incolumem ducit. Urbem ingressus, ad Deiparæ aram, cui se voverat, manicas, compedes, caténas, quas secum detulerat, in accepti beneficii testimonium suspendit. Revérsus Venétias, cœpit pietatis stúdia impénsius cólere, in páuperes mire effusus, sed puerorum præsertim misértus, qui paréntibus orbati, egéni et sórdidi per urbem vagabántur; quos in ædes a se condúctas recépit de suo aléndos, et christiánis móribus imbuéndos.

✠. Honéstum fecit illum Dóminus, et custodívit eum ab inimícis, et a seductóribus tutávit illum :

* Et dedit illi claritatem ætérnam. ✠. Justum deduxit Dóminus per vias rectas, et osténdit illi regnum Dei. — Et dedit illi claritatem.

Lectio v

PER eos dies Venétias appúlerant beátus Ca-jetánus et Petrus Caráfa (póstmodum Paulus quar-tus), qui, Hierónymi spíri-tu novóque institúto colli-géndi órphanos probáto, illum in Incurabílium ho-spitále adduxérunt, in quo órphanos simul educáret, atque ægrótiis pari caritáte inservíret. Mox eorúmdem hortátu in próxíam con-tinéntem proféctus, Brí-xiæ primum, deínde Bér-gomi atque Novocómi or-phanotrophía eréxit : Bér-gomi præsértim, ubi præ-ter duo, pro púeris unum et pro puéllis álterum, do-mum excipiéndis, novo in illis regiónibus exémplo, muliéribus a turpi vita ad poeniténtiam convérsis, apéruit. Somáschæ de-mum subsístens, in húmili pago agri Bergoménsis ad Vénetæ ditiónis fines, sibi ac suis ibi sedem constí-tuit, formámque indúxit congregatiónis, cui pro-ptérea a Somáscha nomen factum; quam subínde au-ctam et propagátam, ne-dum orphanórum regímini et ecclesiárum cúltoi, sed ad majórem cristiánæ reipúblicæ utilitátem, ado-lescéntium in lítteris et bonis móribus institutióni in collégiis, academíis et

semináriis addíctam, san-ctus Pius quintus inter religiósos órdenes adscrí-psit, ceteríque Pontífices privilégiis ornárunt.

✠. Amávit eum Dómi-nus, et ornávit eum : sto-lam glóriæ induit eum,
* Et ad portas paradísi coronávit eum. ✠. Induit eum Dóminus lorícam fí-dei, et ornávit eum. — Et.

Lectio vi

ORphanis colligéndis in-téntus, Mediolánum proficíscitur atque Ticí-num; et utrobíque collé-ctis agmínibus puerórum, tectum, victum, vestem, magístros, nobílibus viris favéntibus, próvide con-stítuit. Inde Somáscham redux, ómnibus ómnia fa-ctus, a nullo abhorrébat ópere, quod in próximi bonum cédere prævidéret. Agricolis immíxtus per agros sparsis, dum se illis adjutórem in meténdis frú-gibus præbet, mystéria fídei explicábat; puerórum cápita porrigine fœda abs-térgens, et patiénter tra-ctans curábat; pútridis ru-sticórum vulnéribus me-debátur eo succéssu, ut grátia curatiónum doná-tus censerétur. In monte, qui Somáschæ ímmínet, repérta specu, in illam se ábdidit; ubi, se flagéllis cædens, dies íntegros jejú-

nus tránsigens, oratióne in plúrimam noctem pro trácta, super nudo saxo brevem somnum carpens, sui aliorúmque noxárum pœnas luébat. In hujus specus interióri recéssu ex árido sílice exstillat aqua, précibus servi Dei, ut constans traditio est, impetráta, quæ usque in hodiérnam diem júgiter manans, et in várias regiónes deláta, ægris sanitátem plerúmque concíliat. Tandem, ex contagióne, quæ per omnem vallem serpébat, dum agrotántibus insérvit, et vita functos própriis húmeris ad sepultúram defert, contrácto morbo, annos natus sex et quinquagínta, quam paulo ante prædixerat, pretiósam mortem óbiit anno millésimo quingentésimo trigésimo séptimo. Quem plúribus in vita et post mortem miráculis illústrem, Benedictus décimus quartus Beatórum, Clemens vero décimus tértius Sanctórum fastis solémniter adscrípsit.

✠. Iste homo perfécit ómnia quæ locútus est ei Deus, et dixit ad eum : Ingrédere in réquiem meam :

* Quia te vidi justum coram me ex ómnibus gentibus. ✠. Iste est, qui contémpsit vitam mundi, et pervénit ad cæléstia re-

gna. — Quia. Glória Patri. Quia.

Pro hoc Festo simplicitato
Lectio ix

Hierónymus, e gente patricia Æmiliána Venétiis ortus, a prima adulescéntia militiæ addíctus, difficillimis reipúblicæ temporibus Castro novo ad Quarum in móntibus Tarvisínis præfícitur. Arce ab hóstibus capta, ipse in tetérrimum cárcerem detrúditur, a quo beatíssimæ Vírginis ope liberátur. Venétiis cœpit pietátis stúdia impénsius cólere, puerórum præsertim misértus, qui, paréntibus orbáti, per urbem vagabántur, quos in ædes a se condúctas recépit de suo aléndos et christiánis móribus imbuéndos. Per eos dies Venétias appúlerant beátus Cajetánus et Petrus Caráfa (póstmodum Paulus quartus), qui, Hierónymi spíritu probáto, illum in Incurabílium hospitále adduxérunt, in quo órphanos simul educáret et ægrótiis inservíret. Mox, eorúmdem hortátu, in próximam continéntem proféctus, Bríxiæ primum, deínde Bérgomi atque Novocómi orphanotrophía alíaque pia institúta eréxit. Somáschæ demum

subsistens, in húmili pago agri Bergoménsis, sedem constituit novæ congregatiónis, cui propterea a Somáscha nomen factum, quam sanctus Pius quintus approbávit. Tandem contagióne, dum ægrotántibus inservíret, contrácto morbo, annos natus sex et quinquaginta, pro frátribus ánimam pósuit, anno millésimo quingentésimo trigésimo séptimo.

Te Deum laudámus.

In III Noeturno

Léctio sancti Evangélii
secúndum Matthæum

Lectio vii Cap. 19, 13-21

IN illo témpore : Obláti sunt Jesu párvuli, ut manus eis impóneret, et oráret. Et réliqua.

Homília sancti Joánnis
Chrysóstomi

Homilia 62 in Matthæum

EUR discipuli púeros abigébant? Dignitátis causa. Quid ergo ille? Ut dóceat illos modéste sápere, fastúmque mundánum conculcáre, et súscipit, et ulnis compléctitur, talibúsque regnum cælórum pollicéitur; id quod étiam dixit supérius. Et nos igitur, si vólumus herédes esse cælórum, hanc virtútem cum

diligéntia magna sectémur. Hoc est enim philosophíæ culmen, simplicem esse cum prudéntia; hæc vita est angélica. Anima enim puéruli ómnibus ánimi morbis vácuca est; non memóriam rétinet injuriárum, sed eas inferéntes adit ut amícos, ac si nihil factum esset. Et quamvis a matre verbéribus cædátur, eam semper quærit, et ómnibus antepónit.

℟. Iste est, qui ante Deum magnas virtútes operátus est, et de omni corde suo laudávit Dóminum : * Ipse intercédát pro peccátis ómnium populórum. **℣.** Ecce homo sine queréla, verus Dei cultor, ábstinens se ab omni ópere malo, et pérmanens in innocéntia sua. — Ipse.

Lectio viii

SI reginam ipsi osténdas diadémate ornátam, non præfert eam matri pannis detrítis vestítæ, mallétque illam incúltam vidére, quam reginam mirífice amíctam. Nam, quod suum, quod aliénium est, non ex paupertáte vel divítiis, sed ex amóre existimáre solet; et nihil plus requírit quam necessária, atque ut lacte replétus est, statim a mamma abscédit. Non eísdem, quibus nos,

ærumnis præmitur, nec pecuniarum jactura, rebúsque similibus; nec iisdem, quibus nos, fluxis rebus lætatur, neque corporum pulchritudinem miratur. Ideo dicebat : Talius est enim regnum cælorum; ut ex proposito voluntatis illa operemur, quæ natura sua pueri faciunt.

℟. Sint lumbi vestri præcincti, et lucernæ ardentes in manibus vestris : * Et vos similes hominibus expectantibus dominum suum, quando revertatur a nuptiis. ℣. Vigilate ergo, quia nescitis qua hora Dominus vester venturus sit. — Et. Glória Patri. Et.

Lectio ix

Quia enim pharisæi non aliunde quam a nequitia et arrogántia ad agendum ferebantur, ideo ubique discipulos suos simplices esse jubet, illósque subíndicat, dum hos instituit. Nihil enim ita superbiam parit, ut principatus et primi consessus. Quoniam igitur discipuli per totum terrarum orbem multum honoris consecuturi erant, ipsorum animos prævenit, nec sinit eos humanum quid pati, nec honorem a vulgo expectare, vel ante alios sese efferre. Nam, etiámsi hæc

parva videntur esse, at malis ingentibus causam præbent. Sic enim instituti pharisæi in malorum culmen ascendérunt, salutaciones, primos consessus et medios requirentes; hinc in ardentem gloriæ cupiditatem, inde vero in impietatem lapsi sunt.

Te Deum laudamus.

AD LAUDES

℣. Justum deduxit.

Ad Bened. Ant. Euge, serve bone * et fidelis, quia in pauca fuisti fidelis, supra multa te constituam, intra in gaudium Domini tui.

Oratio

Deus, misericordiarum pater, per mérita et intercessionem beati Hieronymi, quem orphanis adiutorem et patrem esse voluisti : concède; ut spiritum adoptionis, quo filii tui nominamur et sumus, fideliter custodiámus. Per Dominum.

Et fit Commem. S. Margaritæ Virg. et Mart. :

Ant. Simile est regnum cælorum homini negotiatori quærenti bonas margaritas : inventa una pretiosa, dedit omnia sua, et comparavit eam.

℣. Diffusa est grátia.

Oratio

Indúlgéntiam nobis
quæsumus, Dómine,
beáta Margaríta Virgo et
Martyr implóret : quæ
tibi grata semper éxstitit
et mérito castitátis et tuæ
professione virtútis. Per
Dóminum.

IN II VESPERIS

℣. Justum dedúxit.

Ad Magnif. Ant. Hic vir
despiciens mundum * et
terréna, triúmphans, di-
vítias cælo cóndidit ore,
manu.

Et fit Commem. sequentis.

Die 21 Julii

S. Praxedis Virg. [111]

Simplex

Ant. Veni, Sponsa Chri-
sti, áccipe coronam, quam
tibi Dóminus præparávit
in ætérnum.

℣. Spécie tua et.

Oratio

C 3

Exáudi nos, Deus, salu-
táris noster : ut, sicut
de beátæ Praxédis Vírgi-
nis tuæ festivitáte gaudé-
mus; ita piæ devotiónis
erudiámur afféctu. Per
Dóminum.

Lectio iii

Praxédes, virgo Romá-
na, Pudentiánæ vírgi-
nis soror, Marco Antoní-

no imperatóre Christiános
persequénte, eos facultáti-
bus, ópera, consolatióne,
et omni caritátis officio
prosequébatur. Nam álios
domi occultábat; álios ad
fidei constántiam horta-
batur : aliórum córpora
sepeliébat; iis, qui in cár-
cere inclúsi erant, qui in
ergástulis exercebántur,
nulla re déerat. Quæ, cum
tantam Christianórum
stragem jam ferre non
posset, Deum precáta est,
ut, si mori expedíret, se
e tantis malis eríperet.
Itaque duodécimo Kalén-
das Augústi ad pietátis
præmia vocátur in cælum.
Cujus corpus a Pastóre
presbýtero in patris et
soróris Pudentiánæ sepúl-
crum illátum est, quod
erat in cœmetério Priscíl-
læ, via Salária.

Te Deum laudámus.

℣. Diffúsa est grátia.

Ad Bened. Ant. Símile
est regnum cælórum * hó-
mini negotiátóri quærénti
bonas margarítas : invén-
ta una pretiósá, dedit óm-
nia sua, et comparávit
eam.

Oratio Exáudi nos, *ut
supra.*

Vesperæ de sequenti.

Die 22 Julii

S. Mariæ Magdalænæ

Pœnitentis [130]

Duplex

IN I VESPERIS

Capit. Prov. 31, 10-11

Mulierem fortem quis invéniet? Procul et de últimis fínibus prætium ejus. Confidit in ea cor viri sui, et spóliis non indigébit.

Si sequens Hymnus neque in I neque in II Vesperis poni potuerit, dicitur ad Matutinum, omisso Hymno Mariæ castis, *ibidem assignato.*

Hymnus

Pater supérni lúminis,
Cum Magdalénam respicis,

Flammas amóris éxcitas,
Gelúque solvis pectoris.

Amóre currit sáucia
Pedes beátos úngere,
Laváre fletu, térgere
Comis, et ore lámberere.

Astáre non timet cruci,
Sepúlcro inhæret ánxia,
Truces nec horret mílites :
Pellit timórem cáritas.

O vera, Christe, cáritas,
Tu nostra purga crimina,
Tu corda reple grátia,
Tu redde cæli præmia.

* Patri, simúlque Fílio,
Tibíque, Sancte Spíritus,
Sicut fuit, sit júgiter
Sæclum per omne glória.

Amen.

V. Diffúsa est grátia in lábiis tuis. **R.** Proptérea benedíxit te Deus in ætérnum.

Ad Magnif. Ant. Múlier * quæ erat in civitáte peccátrix, ut cognóvit quod Jesus accúbuit in domo Simónis leprósi, áttulit alabástrum unguénti, et stans retro secus pedes Jesu, lácrimis cœpit rigáre pedes ejus, et capíllis cápitis sui tergébat, et osculabátur pedes ejus, et unguénto ungébat.

Oratio

Beátæ Mariæ Magdalænæ, quæsumus, Dómine, suffrágiis adjuvémur : cujus précibus exorátus, quatríduánus fratrem Lázarus vivum ab ínferis resuscitásti : Qui vivis.

AD MATUTINUM

Invitat. Laudémus Deum nostrum * In conversióne Mariæ Magdalænæ. **Ps. 94** Veníte, exsultémus.

Hymnus

Mariá castis ósculis
Lambit Dei vestígia,
Fletu rigat, tergit comis,
Detérsa nardo pérlineit.

* Deo Patri sit glória,
Ejúsque soli Fílio,
Cum Spíritu Paráclito,
Nunc et per omne sæculum. Amen.

In I Nocturno

De Canticis canticorum

Lectio i

Cap. 3, 1-4

N lectulo meo per noctes quæsiui quem diligit anima mea; quæsiui illum et non invēni. Surgam et circumibo civitatem per vicos et plateas, quæram quem diligit anima mea : quæsiui illum et non invēni. Invenērunt me vīgiles qui custodiunt civitatem. Num quem diligit anima mea vidistis? Pāululum cum pertransissem eos, invēni quem diligit anima mea, tenui eum, nec dimittam, donec introducam illum in domum matris meæ et in cubiculum genitricis meæ.

✠. Mariā Magdalēne, et altera Mariā ibant dilūculo ad monumētum. * Jesum quem quēritis, non est hic, surrēxit, sicut locūsus est, præcedet vos in Galilæam, ibi eum vidēbitis. ✠. Et valde mane una sabbatorum vēniunt ad monumētum, orto jam sole : et introeūtes vidērunt jūvenem sedentem in dextris, qui dixit illis. — Jesum.

Lectio ii

Cap. 8, 1-7

Quis mihi det te fratrem meum sugentem ūbera matris meæ, ut invēniam

te foris et deosculer te, et jam me nemo despiciat? Apprehēdam te et ducam in domum matris meæ; ibi me docēbis et dabo tibi poculum ex vino condito et mustum malorum granatorum meorum. Læva ejus sub capite meo, et dextera illius amplexabitur me. Adjūro vos, filiæ Jerūsalem, ne suscitētis neque evigilāre faciātis dilēctam, donec ipsa velit.

✠. Congratulāmini mihi, omnes qui diligitis Dōminum, quia quem quærebam, apparuit mihi : * Et dum flerem ad monumētum, vidi Dōminum meum, allelūja. ✠. Recedētibz discipulis, non recedēbam, et amoris ejus igne succēnsa, ardēbam desiderio. — Et.

Lectio iii

QUÆ est ista, quæ ascendit de deserto, deliciis affluens, innixa super dilēctum suum? Sub arbore malo suscitāvi te, ibi corrūpta est mater tua, ibi violāta est gēnitrix tua. Pone me ut signāculum super cor tuum, ut signāculum super brāchium tuum, quia fortis est ut mors dilēctio, dura sicut infērnus æmulatio; lāmpades ejus lāmpades ignis atque flammārum. Aquæ multæ non potuerunt ex-

stinguere caritatem, nec flumina obruent illam.

℟. Tulérunt Dóminum meum, et nescio ubi posuerunt eum. Dicunt ei Angeli : Múlier, quid ploras? surréxit sicut dixit :

* Præcedet vos in Galilæam : ibi eum vidébitis.

℣. Cum ergo fleret, inclinavit se, et prospexit in monuméntum : et vidit duos Angelos in albis, sedéntes, qui dicunt ei. — Præcedet. Glória Patri. Præcedet.


In II Nocturno

¶ Pro hoc Festo simplificato, dicitur Lectio iv ut ix.

Sermo sancti Gregórii
Papæ

Homilia 25 in Evangelia

Lectio iv

Aria Magdaléne, quæ fúerat in civitate peccátrix, amándo veritatem, lavit lácrimis máculas críminis : et vox Veritátis implétur, qua dicitur : Dimíssa sunt ei peccáta multa, quia diléxit multum. Quæ enim prius frígida peccándo remánserat, póstmodum amándo fórtiter ardébat. Quæ a monuménto Dómini, étiam discipulis recedéntibus, non recedébat. Exquirébat quem non invénérat; flebat inquiréndo, et amóris sui igne suc-

cénsa, ejus, quem ablátum crédidit, ardébat desidério. Unde cóntigit, ut eum sola tunc vidéret, quæ remánserat ut quæreret : quia nimirum virtus boni óperis perseverántia est.

℟. Propter veritatem, et mansuetúdinem, et justítiam : * Et dedúcet te mirábiliter délixtera tua.

℣. Spécie tua et pulchritúde tua inténde, prospere procéde, et regna. — Et.

Lectio v

QUæsivit ergo prius, et mínime invénit; perseverávit ut quæreret, unde et cóntigit ut inveníret; actúmque est, ut desidéria diláta créscerent, et cre-scéntia cáperent quod inveníssent. Hinc est enim quod de eódem sponsa Ecclésia in Cánticis canticórum dicit : In léctulo meo per noctes quæsívi quem diligit ánima mea. Diléctum namque in léctulo quærimus, quando, in præsentis vitæ aliquántula réquie, Redemptóris nostri desidério suspirá-mus. Per noctem quærimus : quia etsi jam in illo mens vígilat, tamen adhuc óculus calígat.

℟. Dilexísti justítiam, et odísti iniquitatem : * Proptérea unxit te Deus, Deus tuus, óleo lætítiæ.

℣. Propter veritatem, et

mansuetúdinem, et justitiam. — Proptérea.

Lectio vi

SED, qui diléctum suum non invénit, restat ut surgat, civitátem circúmeat, id est, sanctam electórum Ecclesiám mente et inquisitione percúrrat; per vicos eum et platéas quærat, id est, per angústia et lata gradiétes aspiciat, ut, si qua inveníre in eis váleat, ejus vestigia exquirat : quia sunt non-núlli étiam vitæ sæculáris, qui imitándum áliquíd hábeant de actióne virtútis. Quæréntes autem nos vígiles invéniant, qui custódiunt civitátem : quia sancti Patres, qui Ecclesiæ statum custódiunt, bonis nostris stúdiis occúrrunt, ut suo vel verbo vel scripto nos dóceant. Quos cum páululum pertransímus, invenímus quem dilígimus : quia Redémptor noster, etsi humilitáte homo inter hómines, divinitáte tamen super hómines fuit.

✠. Fallax grátia, et vana est pulchritúdo : * Múlier timens Deum, ipsa laudábitur. ✠. Date ei de fructu mánuum suárum, et laudent eam in portis ópera ejus. — Múlier timens. Glória Patri. Múlier timens.

In III Nocturno

Léctio sancti Evangélii
secúndum Lucam

Lectio vii Cap. 7, 36-50

IN illo témpore : Rogábat Jesum quidam de pharisæis ut manducáret cum illo. Et ingressus domum pharisæi discúbuit. Et reliqua.

Homilia sancti Augustíni
Episcopi

Liber 50, Homilia 23,
tom. 10



Vangélium cum legerétur, attentíssime audístis; et res gesta narráta atque versáta est ante óculos cordis vestri. Vidístis enim, non carne, sed mente, Dóminum Jesum Christum in domo pharisæi recumbéntem, et ab illo invitátum non fastidiéntem. Vidístis étiam in civitáte mulierem famósam, mala útique fama, quæ erat peccátrix, non invitátam irruísse convívio ubi suus médicus recumbébat, et quæsisse pia impudéntia sanitátem; irruens, quasi importúna convívio, opportúna beneficio. Nóverat enim quanto morbo laboráret; et illum ad sanándum esse idóneum, ad quem vénerat, sciébat.

✠. Os suum apérui sapientiæ, et lex cleméntiæ

in lingua ejus : considerávit sémítás domus suæ, * Et panem otíosa non comédit. *℣.* Gustávit et vidit quia bona est negotiátio ejus : non exstinguétur in nocte lucérna ejus. — Et.

Lectio viii

Accéssit ergo non ad caput Dómini, sed ad pedes. Et quæ diu male ambuláverat, vestígia recta quærébat. Prius fudit lácrimas cordis, et lavit Dómini pedes obséquio confessiónis, capíllis suis tersit, osculáta est, unxit; tácita loquebátur, non sermónem promébat, sed devotióne ostendébat. Quia ergo tétigit Dóminum rigándo, osculándo, tergéndo, ungéndo pedes ejus; pharisæus, qui invitáverat Dóminum Jesum Christum, quia ex illo genere erat hóminum superbórum, de quibus Isaías Prophéta dicit : Qui dicunt, Recéde longe a me, noli me tângere, quóniam mundus sum; putávit Dóminum nescísse mulierem.

℟. Regnum mundi et omnem ornátum sáculi contémpsi, propter amórem Dómini mei Jesu Christi : * Quem vidi, quem amávi, in quem crédidi, quem diléxi. *℣.* Eructávit cor meum verbum bonum : dico ego ópera mea Regi.

— Quem. Glória Patri. Quem.

Lectio ix

O pharisæe invitátor et irrísor Dómini, Dóminum pascis, et a quo pascendus sis, non intélligis? Unde scis Dóminum nescísse, quæ fúerit illa mulier, nisi quia permíssa est accédere, nisi quia, illo patiente, osculáta est pedes ejus, nisi quia tersit, nisi quia unxit? Hæc enim non débuit permítti fácere in pédibus mundis mulier immúnda? Ad illíus ergo pharisæi pedes si talis mulier accessisset, dictúrus erat, quod Isaías de tálibus dicit : Recéde a me, noli me tângere, quóniam mundus sum. Accéssit autem ad Dóminum immúnda, ut redíret munda; accéssit ægra, ut redíret sana; accéssit confessa, ut redíret professa.

Te Deum laudámus.

AD LAUDES

Capit. Prov. 31, 10-11

Mulierem fortem quis invéniet? Procul et de últimis fínibus prétium ejus. Confidit in ea cor viri sui, et spóliis non indigébit.

Hymnus

Summi Paréntis Unice, Vultu pio nos réspice, Vocans ad arcem glóriæ Cor Magdalénæ pœnitens.

Amíssa drachma régio
Recóndita est ærário,
Et gemma, detérso luto,
Nitóre vincit sídera.

Jesu, medéla vúlnerum,
Spes una poeniténtium,
Per Magdalénæ lácrimas
Peccáta nostra díluas.

Dei Parens piíssima,
Hevæ nepótes flébiles
De mille vitæ flúctibus
Salútis in portum vehas.

¶ Sequens Conclusio num-
quam mutatur.

Uni Deo sit glória,
Pro multifórmi grátia,
Peccántium qui crímina
Remíttit, et dat præmia.
Amen.

℣. Elégit eam Deus, et
præelégit eam. ℞. In ta-
bernáculo suo habitáre fa-
cit eam.

Ad Bened. Ant. María *
unxit pedes Jesu et extér-
sit capíllis suis, et domus
impléta est ex odóre un-
guénti.

Oratio

BEátæ Mariæ Magdalé-
næ, quæsumus, Dómi-
ne, suffrágiis adjuvémur :
cujus précibus exorátus,
quatríduánum fratrem Lá-
zarum vivum ab ínferis
resuscitásti : Qui vivis.

Vesperæ a Capitulo de se-
quenti, Commemoratio præ-
cedentis ac S. Liborii Ep. et
Conf.

¶ Si vero dici contigerit
II Vesperas S. Mariæ Mag-

dalénæ integras, tunc Hym-
nus sumitur ex I Vesperis, ut
supra 786; ℣. Elégit eam, et
Ant. ad Magnificat Múlier,
ut infra.

Die 23 Julii

S. Apollinaris

Episcopi et Martyris [29]

Duplex

Oratio

DEus, fidélium remune-
rátor animárum, qui
hunc diem beáti Apolliná-
ris Sacerdótis tui martýrio
consecrásti : tribue nobis,
quæsumus, fámulis tuis;
ut, cujus venerándam ce-
lebrámus festivitátem,
précibus ejus indulgén-
tiam consequámur. Per
Dóminum.

Et fit Commem. præceden-
tis :

Ant. Múlier quæ erat in
civitáte peccátrix, áttulit
alabástrum unguénti, et
stans retro secus pedes
Dómini, lácrimis cœpit ri-
gáre pedes ejus, et capíllis
cápitis sui tergébat.

℣. Elégit eam Deus, et
præelégit eam. ℞. In ta-
bernáculo suo habitáre fa-
cit eam.

Oratio Beátæ Mariæ Mag-
dalénæ, ut supra.

Deinde Commem. S. Libo-
rii Ep. et Conf. :

Ant. Sacérdos et Pónti-
fex, et virtútum ópifex,

pastor bone in pópulo, ora pro nobis Dóminum.

℣. Amávit eum Dóminus.

Oratio

DA, quæsumus, omnipotens Deus : ut beáti Libórii Confessóris tui atque Pontíficis veneránda solémnitas, et devotióne nobis áugeat et salútem. Per Dóminum.

In II Noeturno

Lectio iv

Apollináris cum Príncipe Apostolorum Antiochia Romam venit; a quo, ordinátus episcopus, Ravénnam ad Christi Dómini Evangélium prædicándum mittitur; ubi, cum ad Christi fidem plúrimos convérteret, captus ab idolórum sacerdotibus, gráviter cæsus est. Cumque ipso oránte Bonifátius nóbilis vir, qui diu mutus fúerat, loquerétur, ejúsque filia immúndo spírиту liberáta esset, íterum est in illum commóta seditio. Itaque virgis cæsus, ardéntes carbónes nudis pédibus premere cógitur; quem cum subjéctus ignis nihil læderet, ejícitur extra urbem.

℣. Honéstum fecit illum Dóminus, et custodívit eum ab inimícis, et a se-

ductóribus tutávit illum :

* Et dedit illi claritátem ætérnam. ℣. Descendítque cum illo in fóveam, et in vínculis non derelíquit eum. — Et.

Lectio v

IS vero latens aliquámdiu cum quibúsdam Christiánis, inde proféctus est in Æmíliam, ubi Rufíni patrícii filiam mórtuam ad vitam revocávit; ut proptérea tota Rufíni familia in Jesum Christum créderet. Quare veheménter incénsus præféctus accérsit Apollinárem, et cum eo grávius agit, ut finem fáciat disseminándi in urbe Christi fidem. Cujus cum Apollináris jussa negligeret, equúleo cruciátur; in cujus plagas aqua fervens infúnditur, saxóque os túnditur : mox férreis vínculis constrictus inclúditur in cárcere. Quarto die impósitus in navem, mítitur in exsílum; ac facto naufrágio venit in Mýsiam, inde ad ripam Danúbii, póstea in Thráciám.

℣. Desidérium animæ ejus tribuísti ei, Dómine,

* Et voluntáte labiórú ejus non fraudásti eum.

℣. Quóniam prævenísti eum in benedictiónibus dulcédinis, posuísti in cápite ejus corónam de lápide pretióso. — Et.

Lectio vi

CUM autem in Serápidis templo dæmon se respónsa datúrum negáret, dum ibídem Petri Apóstoli discípus morarétur; diu conquisítus, invéntus est Apollináris : qui iterum jubétur navigáre. Ita revérsum Ravénnam, ab iisdem illis idolórum sacerdótibus accusátus, centurióni custodiéndus tráditur; qui, cum occúlte Christum cóleret, noctu Apollinárem dimísit. Re cógnita, satélites persecuúntur, et plagis in itínere conféctum, quod mórtuum créderent, relínquunt. Quem cum inde Christiáni sustulissent, séptimo die exhórtans illos ad fidei constántiam, martýrii glória clarus migrávit e vita. Cujus corpus prope murum urbis sepúltum est.

R. Stola jucunditátis induit eum Dóminus : * Et corónam pulchritúdinis pósuit super caput ejus. **V.** Cibávit illum Dóminus pane vitæ et intelléctus : et aqua sapiéntiæ salutáris potávit illum. — Et. Glória Patri. Et.

Pro hoc Festo simplicato

Lectio ix

APollináris cum Príncipe Apostolórum Antiochía Romam venit; a quo, ordinátus epíscopus,

Ravénnam ad Christi Dómini Evangélium prædicándum mittitur; ubi, cum ad Christi fidem plúrimos convérteret, captus ab idolórum sacerdótibus, graviter cæsus est. Cumque ipso oránte Bonifátius nóbilis vir, qui diu mutus fúerat, loquerétur, ejusque filia immúndo spíritu liberáta esset, iterum est in illum commóta sedítio. Quare diversas et múltiples pœnas perpessus est. Póstea per Æmíliam Evangélium prædicans, plúrimos ab idolórum cultu revocávit. Ravénnam revérsum, exhórtans Christiános ad fidei constántiam, gloriósum martýrium consummávit. Ejus corpus prope murum urbis sepúltum est. **Te Deum.**

In III Nocturno

Lectio sancti Evangelii
secúndum Lucam

Lectio vii Cap. 22, 24-30

IN illo témpore : Facta est conténtio inter discípulos, quis eórum viderétur esse major. Et réliqua.

Homília sancti Ambrósii
EpíscopiLib. 10 in Lucæ cap. 22
post initium

Egnum Dei non est de hoc mundo. Non ergo æqualitátis hómini ad Deum, sed si-

militúdinis æmulátio est. Solus enim Christus est plena imágo Dei, propter expréssam in se Patérnæ claritúdinis unitátem. Justus autem homo ad imáginem Dei est, si propter imitándam divínæ conversatiónis similitúdinem mundum hunc Dei cognitióne contémnat, voluptátisque terrénas verbi perceptiόne despiciat, quo álimur in vitam : unde et corpus Christi édimus, ut vitæ æternæ possimus esse partícipes.

✠. Coróna áurea super caput ejus, * Expréssa signo sanctitátis, glória honóris, et opus fortitúdinis. ✠. Quóniam prævénisti eum in benedictiónibus dulcédinis, posuisti in cápite ejus corónam de lápide pretiόso. — Expréssa.

Lectio viii

NON enim victus et potus nobis præmii loco spondétur et honóris, sed communicatio grátiae cæléstis et vitæ. Neque duódecim throni tamquam áliqua corporális sunt receptácula sessiόnis. Sed, quia sicut secúndum divínam similitúdinem júdicat Christus cognitióne córdium, non interrogatióne factórum, virtútem remunérans, impietatémque condémnans; ita et Apó-

stoli in júdicium spíritále formántur remuneratióne fidei et exsecratióne perfídiæ, virtúte errórem redarguéntes, sacrílegos ódio persequéntes.

✠. Hic est vere Martyr, qui pro Christi nómine sánguinem suum fudit : * Qui minas júdicum non tímuit, nec terrénæ dignitátis glóriam quæsivit, sed ad cæléstia regna pervénit. ✠. Justum dedúxit Dóminus per vias rectas, et osténdit illi regnum Dei. — Qui. Glória Patri. Qui.

Si hodie fuerit Sabbatum,
Lectio ix de Homilia Vigilæ
anticipatæ S. Jacobi, ut sequenti die notatur; secus

Lectio ix

CONvertámur igitur et caveámus, ne in perditionem áliqua inter nos de prælatiόne possit esse conténtio. Si enim contendébant Apóstoli, non excusatiόni obténditur, sed cautiόni propónitur. Si Petrus aliquándo convértitur, qui ad primam Dómini secútus est vocem; quis potest dícere, cito se esse convérsus? Cave ergo jactántiam, cave sáculum. Ille enim confirmáre jubétur fratres suos, qui dixit : Omnia dimísimus, et secúti sumus te.

Te Deum laudámus.

AD LAUDES

℣. Justus ut palma.

Ad Bened. Ant. Qui odit * ánimam suam in hoc mundo, in vitam ætérnam custódit eam.

Oratio

DEus fidélium remunerátor animárum, qui hunc diem beáti Apollináris sacerdótis tui martýrio consecrásti : tribue nobis quæsumus fámulis tuis; ut cujus venerándam celebrámus festivitátem, précibus ejus indulgéntiam consequámur. Per Dóminum.

In Sabbato fit Commemoratio Vigilæ anticipatæ ut supra; et tunc pro S. Liborio sumitur Oratio Exáudi, ut infra, secus dicitur Oratio Da, quæsumus, ibidem.

Pro Commemoratione S. Liborii Ep. et Conf. :

Ant. Euge, serve bone et fidélis, quia in pauca fuísti fidélis, supra multa te constituam, dicit Dóminus.

℣. Justum dedúxit.

Oratio

DA, quæsumus, omnípotens Deus : ut beáti Libórii Confessóris tui atque Pontíficis veneránda solémnitas, et devotióne nobis áugeat et salútem. Per Dóminum.

Sabbato vero dicitur sequens

Oratio

EXáudi, quæsumus, Dómine, preces nostras, quas in beáti Libórii Confessóris tui atque Pontíficis solémnitate deférimus : et, qui tibi digne méruit famulári, ejus intercedéntibus méritis, ab ómnibus nos absólve peccátis. Per Dóminum.

IN II VESPERIS

℣. Justus ut palma.

Ad Magnif. Ant. Qui vult veníre post me, * ábneget semetípsum, et tollat crucem suam, et sequátur me.

Et fit Commem. S. Christinæ Virg. et Mart. ut infra.

Die 24 Julii

Pro Commem. S. Christinæ Virg. et Mart. in II Vesperis præcedentis :

Ant. Veni, Sponsa Christi, áccipe corónam, quam tibi Dóminus præparávit in ætérnum.

℣. Spécie tua et.

Oratio

C 2

INDulgéntiam nobis, quæsumus, Dómine, beáta Christína Virgo et Martyr implóret : quæ tibi grata semper éxstitit, et mérito castitátis et tuæ professiône virtútis. Per Dóminum.

In Vigilia S. Jacobi Apostoli

Omnia dicuntur ut pro Vigiliis App. in Communi. [1]

Et ad Laudes fit Commemoratio S. Christinae Virg. et Mart. :

Ant. Símile est regnum cælórum hómini negotiátóri quærénti bonas margaritas : invénta una pre-

tiósa, dedit ómnia sua, et comparávit eam.

℟. Diffúsa est grátia.

Oratio

C 2

Indulgéntiam nobis, quæsumus, Dómine, beáta Christina Virgo et Martyr implóret : quæ tibi grata semper éxstitit, et mérito castitátis et tuæ professióne virtútis. Per Dóminum.

Vesperæ de sequenti.

DIE 25 JULII

S. Jacobi Apostoli

DUPLEX II CLASSIS

Omnia de Communi Apostolorum [3], præter ea quæ hic habentur propria.

Oratio

ESto, Dómine, plebi tuæ sanctificátor et custos : ut, Apóstoli tui Jacóbi múnita præsídiis, et conversatióne tibi pláceat, et secúra mente desérviat. Per Dóminum.

In I Nocturno Lectiones Sic nos existimet, **de eodem Communi.** [9]

In II Nocturno

Lectio iv



Acóbus, Zebedæi filius, Joánnis Apóstoli germánus frater, Galilæus, inter primos

Apóstolos vocátus cum fratre, relictis patre ac rétibus, secúsus est Dóminum, et ambo ab ipso Jesu Boanérgetes, id est, tonítrui filii sunt appelláti. Is unus fuit ex tribus Apóstolis, quos Salvátor máxime dilexit, et testes esse voluit suæ transfiguratiónis, et interesse miraculo cum archisynagógi filiam a mórtuis excitávit, et adesse cum secéssit in montem Olivéti, Patrem oratúrus, ántequam a Judæis comprehenderétur.

℟. Vidi conjúctos viros, habéntes spléndidas vestes, et Angelus Dómini locútus est ad me, dicens :
* Isti sunt viri sancti facti

amíci Dei. **℟.** Vidi Angelum Dei fortem, volántem per médium cælum, voce magna clamántem et dicéntem. — Isti.

Lectio v

Post Jesu Christi ascénsu in cælum, in Judæa et Samaría ejus divinitátem prædicans, plúrimos ad christiánam fidem perdúxit. Mox in Hispániam proféctus, ibi áliquos ad Christum convértit; ex quorum número septem póstea epíscopi a beáto Petro ordináti in Hispániam primi dirécti sunt. Deínde Jerosólymam revérsus, cum inter álios Hermógenem magum fidei veritáte imbuisset, Heródes Agrippa Cláudio imperatóre ad regnum elátus, ut a Judæis grátiam iníret, Jacóbum libere Jesum Christum Deum confiténtem cápitis condemnávit. Quem cum is, qui eum dúxerat ad tribúnal, fórtiter martýrium subeúntem vidísset, statim se et ipse Christiánus esse professus est.

℟. Beáti estis, cum maledíxerint vobis hómines, et persecúti vos fúerint, et díxerint omne malum advérsus vos, mentiéntes, propter me : * Gaudéte et exsultáte, quóniam merces vestra copiósa est in

cælis. **℟.** Cum vos óderint hómines, et cum separáverint vos, et exprobráverint, et ejécerint nomen vestrum tamquam malum propter Fílium hóminis. — Gaudéte.

Lectio vi

Ad supplicium cum rapéréntur, pétiit ille a Jacóbo véniam; quem Jacóbus osculátus, Pax, inquit, tibi sit. Itaque utérque est secúri percússus, cum paulo ante Jacóbus paralyticum sanáset. Corpus ejus póstea Compostéllam translátum est, ubi summa celebritáte cólitur, conveniéntibus eo religiónis et voti causa ex toto terrárum orbe peregrínis. Memória ipsíus natalis hodiérno die, qui translationis dies est, ab Ecclésia celebrátur, cum ipse circa festum Paschæ, primus Apostolórum, Jerosólymis profúso ságuine testimonium Jesu Christo déderit.

℟. Isti sunt triumphatóres et amíci Dei, qui contemnéntes jussa princípum, meruérunt præmia æténa : * Modo coronántur, et accípiunt palmam.

℟. Isti sunt qui venérunt ex magna tribulatióne, et lavérunt stolas suas in ságuine Agni. — Modo. Glória Patri. Modo.

In III Nocturno

Lectio sancti Evangelii
secundum Matthæum

Lectio vii Cap. 20, 20-23

IN illo tempore : Accessit ad Jesum mater filiorum Zebedæi cum filiis suis, adorans et petens aliquid ab eo. Et reliqua.

Homilia sancti Joannis
Chrysostomi

Homilia 66 in Matthæum



ON turbetur quisquam, si adeo imperfectos dicimus Apostolos fuisse; nondum enim mysterium crucis erat consummatum, nondum gratia Spiritus in corda ipsorum infusa. Quod si virtutem ipsorum discere cupis, quales post datam gratiam Spiritus fuerint, considera, et videbis omnem ab illis perversam affectionem fuisse superatam. Hac enim de causa eorum modo imperfectio revelatur, ut aperte percipere possis, quales subito per gratiam effecti fuerunt. Quod igitur nihil spiritale petebant nec de cælesti regno quidquam cogitabant, perspicuum est. Sed tamen inspiciamus etiam, quomodo accedant et quid dicant. Volumus, inquit, ut quodcumque petierimus, facias

nobis. Ad quod Christus, Quid vultis? respondit : non ignorans certe, sed ut eos respondere cogat et ulcus detegat, et ita medicamentum apponat.

✠. Isti sunt qui viventes in carne, plantaverunt Ecclesiam sanguine suo : * Cálicem Dómini bibérunt, et amici Dei facti sunt. ✠. In omnem terram exivit sonus eorum, et in fines orbis terræ verba eorum. — Cálicem.

Lectio viii

Illi vero, cum erubescerent et verecundia prohiberentur, quoniam humano affectu eo devenerant, seorsum ab aliis discipulis Christum accipientes, interrogaverunt. Progressi sunt enim, inquit, ne illis manifesti fierent; et ita demum ea, quæ volébant, dixerunt. Volébant autem, ut ego conjicio, quoniam super duodecim sedes sessuros discipulos audierunt, primum hujus consessus impetrare : et præponi quidem se ceteris sciebant; Petrum vero sibi præferri formidantes, dicere ausi sunt : Dic ut unus a dextris, alter a sinistris sedeat. Et urgent dicentes : Dic. Quid igitur ipse? Ut significaret eos nihil petere spiritale, sed

nec scire quidem quid póstulent, non enim pétère audérent, si scirent, Nescitis, ait, quid petátis : nescitis quam magnum hoc sit, quam mirábile ac ipsas superiôres excédens virtútes.

℟. Isti sunt viri sancti, quos elégit Dóminus in caritaté non ficta, et dedit illis glóriam sempitérnam : * Quorum doctrína fulget Ecclésia, ut sole luna. ℣. Sancti per fidem vicérunt regna : operáti sunt justítiam. — Quorum. Glória Patri. Quorum.

Lectio ix

ET adjécit : Potéstis bíbere cálicem, quem ego bibitúrus sum; et baptismo, quo ego baptízor, baptizári? Perpéndis quómodo statim ab hac opinióné ipsos remóvit, contrária eis dísserens. Nam vos, inquit, de honóribus et de corónis mecum ágitis; ego vero de luctámine atque sudóre díssero. Non præmiórum hoc tempus est, nec illa glória mea modo apparébit; sed cædis ac periculórum tempus præsens est. Pérspice autem quáliter ipso interrogatiónis modo et hortátur

et állicit. Non enim dixit : Potestísne cædem subíre, potestísne vestrum effúndere sánguinem? sed, Quonam pacto potéstis bíbere cálicem? Deínde allíciens, inquit, Quem ego bibitúrus sum; ut ipsa cum eo communicatióne labórum promptiôres redderéntur.

Te Deum laudámus.

Oratio

✠ Sto, Dómine, plebi tuæ sanctificátor et custos: ut, Apóstoli tui Jacóbi muníta præsídiis, et conversatióne tibi pláceat, et secúra mente desérviat. Per Dóminum.

Ad Laudes tantum fit Commemoratio S. Christophori Martyris :

Ant. Qui odit ánimam suam in hoc mundo, in vitam ætérnam custódit eam.

℣. Justus ut palma.

Oratio

PRæsta, quæsumus, omnípotens Deus : ut, qui beáti Christóphori Mátyris tui natalítia cólimus, intercessiόne ejus in tui nóminis amóre roborémur. Per Dóminum.

In Vesperis Commemoratio sequentis, ut infra.

DIE 26 JULII

S. Annæ Matris B. Mariæ Virginis

DUPLEX II CLASSIS

Omnia de Communi non Virginum [130], præter ea quæ hic habentur propria.

Ant. Símile est regnum cælórum hómini negotiátóri quærénti bonas margarítas : invénta una pretiósa, dedit ómnia sua, et comparávit eam.

℣. Spécie tua et pulchritúdine tua. **℟.** Inténde, prospere procéde, et regna.

Oratio

DEus, qui beátæ Annæ grátiam conférre dignátus es, ut Genitrícis unigéniti Fílii tui mater éffici mererétur : concéde propítius; ut, cujus solémnia celebrámus, ejus apud te patrocíniis adjuvémur. Per eúndem Dóminum.

In I Nocturno Lectiones
Mulíerem fortem, **de eodem Communi.** [132]

In II Nocturno

Sermo sancti Joánnis
Damascéni

Oratio 2 de Nativitate
B. Mariæ, prope finem

Lectio iv

Ropónitur nobis Annæ thálamus, conjugális vitæ simul et virginitátis formam réferens, illam matris, hanc

filiæ : quarum áltera recens sterilitáte liberáta est, áltera autem aliquánto post, Christi partum, ad nostræ natúræ conditió-nem divíno opifício formátum, supra natúram est editúra. Mérito igitur Anna, divíno Spíritu plena, læto hilaríque ánimo pésonat : Congaudéte mecum, quæ promissiónis germen ex stérili ventre péperi, ac benedictiόνis fructum ubéribus meis, ut optáveram, nútrio. Sterilitátis mæstítiam éxui, ac lætam fœcunditátis vestem índui. Congáudeat mecum hódie Anna illa, Phenénnæ adversária, et novum hoc atque inopinátum miráculum, quod in me gestum est, suo exém-plo concélebret.

℟. Propter veritátem, et mansuetúdinem, et justítiam : * Et dedúcet te mirabíliter délixera tua. **℣.** Spécie tua et pulchritúdine tua inténde, prospere procéde, et regna. — Et.

Lectio v

EXsúltet Sara, senlíli gáudio géstiens, me-úmque ab sterilitáte con-

céptum præfigúrans. Cón-
cinant simul stériles et
infœcúndæ visitatióem
meam, admirábili modo
cælitus factam. Dicant
item matres omnes hac
fœcunditatē præditæ : Be-
nedíctus, qui orántibus id
quod optábant, largítus
est, et fœcunditatē sté-
rili dedit, ac felicíssimum
illud germen Vírginis con-
cæssit, quæ Mater Dei se-
cúndum carnem fuit, cujus
venter cælum est, in qua
habitávit is, qui nullo loco
capi potest. Cónsonam his
nos quoque ipsi, quæ vo-
cabátur stérilis nunc au-
tem virgínei thálami ma-
ter éxstitit, laudem offe-
rámus. Dicámus ad eam
cum Scriptúra : Quam
beáta domus David, ex
qua prodiísti, et venter, in
quo Deus sanctificatióis
arcam, hoc est, eam a qua
ipse sine sémine concéptus
est, fabricávit.

℟. Dilexisti justítiam, et
odísti iniquitatē : * Pro-
ptérea unxit te Deus,
Deus tuus, óleo lætítiæ.
℣. Propter veritatē, et
mansuetúdinem, et justí-
tiam. — Proptérea.

Lectio vi

VEre beáta es, ac ter beá-
ta, quæ beatitúdine
donátam a Deo infántem,
hoc est, Mariám, nómine
quoque ipso magnópere

venerándam, peperísti; ex
qua Christus vitæ flos
éxstitit, cujus Vírginis et
gloriósus fuit ortus, et
partus mundo sublímior.
Nos quoque, o beatíssima
fémina, tibi gratulámur;
étenim nostrum ómnium
spem divínitus concés-
sam, hoc est, promissióis
fœtum peperísti. Beáta re-
véra es, et beátus fructus
ventris tui. Piórum autem
lingua germen tuum ma-
gníficat, ac sermo omnis
lætus partum tuum præ-
dicat. Dignum sane qui-
dem, ac máxime dignum
est eam laudáre, quæ di-
vína benignitatē oráculum
accépit, ac talem et tan-
tum nobis fructum édedit,
ex quo dulcis Jesus pró-
diit.

℟. Fallax grátia, et vana
est pulchritúdo : * Múlier
timens Deum, ipsa laudá-
bitur. ℣. Date ei de fructu
mánuum suárum, et lau-
dent eam in portis ópera
ejus. — Múlier. Glória Pa-
tri. Múlier.

**In III Nocturno Homilia in
Ev.** Símile est regnum cæló-
rum thesáuro, **de eodem
Communi.** [134]

Oratio Deus qui beátæ
Annæ, **ut supra.** 800

**In Vesperis non fit Comme-
moratio sequentis.**

Die 27 Julii

S. Pantaleonis

Mart. [29] Simplex

Lectio iii

PAntáleon Nicomediénsis, nóbilis médicus, ab Hermoláo presbýtero in Jesu Christi fide erudítus, baptizátus est. Qui mox patri Eustórgio persuásit, ut Christiánus fieret. Quare, cum Nicomedíæ póstea Christi Dómini fidem libere prædicáret, et ad ejus doctrínam, omnes cohortarétur, Diocletiáno imperatóre, equúleo tortus, et, admótis ad ejus corpus láminis candéntibus, cruciátus est. Quam tormentórum vim æquo et forti ánimo ferens, adextrémum gládio percússus, martýrii corónam adéptus est.

Te Deum laudámus.

℣. Justus ut palma.

Ad Bened. Ant. Qui odit * ánimam suam in hoc mundo, in vitam ætérnam custódit eam.

Oratio

C 4

PRæsta, quæsumus, omnipotens Deus : ut, intercedente beáto Pantaleóne Mártire tuo, et a cunctis adversitatibus liberémur in corpore, et a pravis cogitationibus mundémur in mente. Per Dóminum.

Vesperæ de sequenti.

Die 28 Julii

Ss. Nazarii et Celsi Mm.,
Victoris I Papæ et Mart.
ac Innocentii I Papæ
et Confessoris

Semiduplex

Capitulum et reliqua, quæ de Psalterio Feriæ non sunt sumenda, dicuntur de Comuni plurimorum Martyrum [49], præter sequentia :

℣. Lætámini in Dómino.

Ad Magnif. Ant. Istórum est enim * regnum cælórum, qui contempsérunt vitam mundi, et pervenérunt ad præmia regni, et lavérunt stolas suas in ságuine Agni.

Oratio

SAnctórum tuórum nos, Dómine, Nazárii, Celsi, Victóris et Innocéntii conféssio beáta commúniat : et fragilitáti nostræ subsidium dignánte exóret. Per Dóminum.

In I Nocturno, si sumendæ sint de Comuni, Lectiones Fratres : Debitóres. [52]

In II Nocturno

Lectio iv



Azárius, a beáto Lino Papa baptizátus, cum in Gálliam proféctus esset, ibi Celsum púerum, a se christiánis præcéptis prius instrúctum, baptizávit. Qui una Trévirim eúntes, Nerónis

persecutióne, in mare utér-
que dejícitur, unde mira-
bíliter evasérunt. Póstea
Mediolánum veniéntes,
cum ibi Christi fidem dis-
seminárent, ab Anolíno
præfécito, constantíssime
Christum Deum confitén-
tes, cápite plectúntur;
quorum córpora extra por-
tam Románam sepúlta
sunt. Quæ cum diu latuís-
sent, Dei mónitu a beáto
Ambrósio conspérta re-
cénti sángine sunt invén-
ta, tamquam si paulo ante
martýrium passi essent;
unde, in urbem transláta,
honorífico sepúlcro conté-
cta sunt.

℟. Sancti tui, Dómine,
mirábile consecúti sunt
iter, serviéntes præcéptis
tuis, ut inveniréntur illæsi
in aquis válidis : * Terra
appáruit árida, et in Mari
Rubro via sine impedi-
ménto. ℣. Quóniam per-
cússit petram, et flúxé-
runt aquæ, et torréntes
inundavérunt. — Terra.

Lectio v

Victor in Africa natus,
Sevéro imperatóre re-
xit Ecclésiám. Confirmá-
vit decretum Pii primi, ut
sacrum Pascha die Domí-
nico celebrarétur : qui ri-
tus ut póstea in mores in-
ducerétur, hábita sunt
multis in locis concília; et
in Nicéna dénique prima

sýnodo sancítum est, ut
Paschæ dies festus post
quartam décimam lunam
agerétur, ne Christiáni
Judæos imitári viderén-
tur. Státuit ut quavis
aqua, modo naturáli, si
necéssitas cógeret, qui-
cúmque baptizári posset.
Theódotum coriárium By-
zantínium, docéntem Chri-
stum tantúmmodo hómi-
nem fuisse, ejécit ex Ecclé-
sia. Scripsit de quæstióne
Paschæ et ália quædam
opúscula. Creávit duábus
ordinationibus, mense De-
cémври, presbýteros quá-
tuor, diáconos septem,
episcopos per divérsa loca
duódecim. Martýrio coro-
nátus, sepelitur in Vati-
cáno, quinto Kaléndas
Augústi. Sedit annos no-
vem, mensem unum, dies
vigínti octo.

℟. Vérbera carníficum
non timuérunt Sancti Dei,
moriéntes pro Christi nó-
mine : * Ut herédes fierent
in domo Dómini. ℣. Tra-
didérunt córpora sua pro-
pter Deum ad supplícia.
— Et.

Lectio vi

Innocéntius Albanénsis,
sancti Hierónymi et Au-
gustíni ætáte flóruit. De
quo ille ad Demetriádem
vîrginem : Sancti Innocén-
tii, qui apostólicæ cáthe-
dræ et beátæ memóriæ

Anastásii succéssor et filius est, téneas fidem, nec peregrínam, quamvis tibi prudens callídaque videáris, doctrínam recipias. Eum, tamquam justum Lot subtráctum Dei providéntia, ad Ravénnam servátum fuisse, scribit Orósius, ne Románi pópuli vidéret excídium. Is, Pelágio et Caeléstio damnátis, contra eórum háresim decretum fecit, ut párvuli, ex christiána étiam muliere nati, per baptísmum renásci deberent; ut in eis regeneratióne mundétur, quod generatióne contraxérunt. Probávit étiam, ut Sábba-to, ob memóriam Christi Dómini sepultúræ jejúnium servarétur. Sedit annos quíndecim, mensem unum, dies decem. Quátuor ordinatió nibus, mense Decémbri, creávit presbýteros trigínta, diáconos quíndecim, episcopos per diversa loca quinquagínta quátuor. Sepúltus est in cœmetério ad Ursum pileátum.

✠. Tamquam aurum in fornáce probávit eléctos Dóminus, et quasi holocáusti hóstiam accépit illos; et in témpore erit respéctus illórum, * Quóniam donum et pax est eléctis Dei. ✠. Qui confidunt in illum, intélligent

veritátem : et fidéles in dilectiône acquiéscent illi. — Quóniam. Glória Patri. Quóniam.

Pro hoc Festo simplicitato Lectio ix

NAzárius, a beáto Lino Papa baptizátus, cum in Gálliam proféctus esset, ibi Celsum púerum, a se christiánis præcéptis prius instrúctum, baptizávit. Póstea Mediolánum ambo veniéntes, cum ibi Christi fidem disseminárent, ab Anolíno præfécto, constántissime Christum Deum confiténtes, cápite plectúntur; quorum córpora a beáto Ambrósio invénta sunt. In eúmdem diem incidit memória sancti Vi ctóris Papæ, qui Severo imperatóre rexit Ecclésiám, Theódotum coriárium confutávit, scripsítque de quæstióne Paschæ. Martýrio coronátus, sepúltus est in Vaticanó quinto Kaléndas Augústi. Eódem étiam die recólitur sanctus Innocéntius Papa, qui, Pelágio et Caeléstio damnátis, contra eórum háresim decretum fecit. Cujus corpus sepúltum est in cœmetério ad Ursum pileátum.

Te Deum laudámus.

In III Nocturno Homilia in Evangelium Cum audiéritis, de eodem Communi 1 loco. [60]

AD LAUDES

℣. Exsultábunt Sancti.

Ad Bened. Ant. Vestri capílli cápitis * omnes numeráti sunt : nolite timére : multis passéribus meliôres estis vos.

Oratio

Sanctórum tuórum nos, Dómine, Nazárii, Celsi, Victóris et Innocéntii conféssio beáta commúniat; et fragilitáti nostræ subsidium dignánte exóret. Per Dóminum.

Vesperæ a Capitulo de seq., Commemoratio præcedentis ac Ss. Felicis II Papæ, Simplicii, Faustini et Beatricis Mm.

Die 29 Julii

S. Marthæ Virg. [111]

Semiduplex

℣. Spécie tua et.

Ad Magnif. Ant. Veni, Sponsa Christi, * áccipe corónam, quam tibi Dóminus præparávit in ætérnum.

Oratio

C 3

Exáudi nos, Deus, salutaris noster : ut, sicut de beátæ Marthæ Vírginis tuæ festivitáte gaudémus; ita piæ devotiónis erudiá-

mur afféctu. Per Dóminum.

Et fit Com. præcedentis :

Ant. Gaudent in cælis animæ Sanctórum, qui Christi vestigia sunt secúti; et, quia pro ejus amore sánguinem suum fuderunt ideo cum Christo exsultant sine fine.

℣. Exsultábunt Sancti.

Oratio Sanctórum, ut supra.

Deinde Commem. Ss. Felicis II Papæ, Simplicii, Faustini et Beatricis Mm. :

Ant. Istórum est enim regnum cælórum, qui contempsérunt vitam mundi, et pervenérunt ad præmia regni, et lavérunt stolas suas in ságuine Agni.

℣. Lætámini in Dómino.

Oratio

Præsta, quæsumus, Dómine, ut, sicut pópulus christiánus Mártyrum tuórum Felicis, Simplicii, Faustini et Beatricis temporáli solemnitáte congáudet, ita perfruátur ætérna; et, quod votis célebrat, comprehendat efféctu. Per Dóminum.

In II Noeturno

Lectio iv



Artha, nobílibus et copiósis paréntibus nata, sed Christi Dómini hospítio clárior,

post ejus ascensum in cælum, cum fratre, sorore, et Marcëlla pedissequa, ac Maximino, uno ex septuaginta duobus discipulis Christi Domini, qui totam illam domum baptizaverat, multisque aliis Christianis, comprehensa a Judæis, in navem sine velo ac remigio imponitur, vastissimoque mari ad certum naufragium committitur. Sed navis, Deo gubernante, salvis omnibus, Massiliam appulsa est.

℟. Propter veritatem, et mansuetudinem, et justitiam : * Et deducet te mirabiliter dextera tua.

℣. Spécie tua et pulchritudine tua intende, prospere procede, et regna. — Et.

Lectio v

EO miraculo et horum prædicatione primum Massilienses, mox Aquenses ac finitimæ gentes in Christum crediderunt; Lazarusque Massiliensium et Maximinus Aquensium episcopus creatur. Magdaléna vero, assueta orationi et pedibus Domini, ut optima parte contemplandæ cælestis beatitudinis, quam elegerat, frueretur, in vastam altissimi montis speluncam se contulit; ubi triginta annos vixit, ab omni hominum

consuetudine disjuncta, quotidieque per id tempus ad audiendas Cælestium laudes in altum ab Angelis elata.

℟. Dilexisti justitiam, et odisti iniquitatem : * Propterea unxit te Deus, Deus tuus, oleo lætitiæ.

℣. Propter veritatem, et mansuetudinem, et justitiam. — Propterea.

Lectio vi

MArtha autem, mirabili vitæ sanctitate et caritate, omnium Massiliensium animis in sui amorem et admirationem adductis, in locum a viris remotum cum aliquot honestissimis feminis se recepit; ubi summa cum laude pietatis et prudentiæ diu vixit, ac demum, morte sua multo ante prædicta, miraculis clara migravit ad Dominum, quarto Kalendas Augusti. Cujus corpus apud Tarasum magnam habet venerationem.

℟. Afferentur Regi virgines post eam, proximæ ejus * Afferentur tibi in lætitia et exultatione.

℣. Spécie tua et pulchritudine tua intende, prospere procede, et regna. — Afferentur tibi. Glória Patri. Afferentur tibi.

Pro hoc Festo simplificato

Lectio ix

MArtha, nobilibus et copiósis paréntibus nata, sed Christi Dómini hospítio clárior, post ejus ascénsu in cælum, cum fratre, soróre multisque áliis Christiánis comprehénsa a Judæis et in navem sine velo ac remígio impósita. Massíliam ap-pulisse tráditur. Eo mirá-culo et horum prædica-tióne Massiliénses et finí-timæ gentes in Christum credidérunt. Martha au-tem, mirábili vitæ sancti-táte et caritáte ómnium Massiliénsium ánimis in sui amórem et admiratió-nem addúctis, in locum a viris remótum cum áli-quot honestíssimis fémi-nis se recépit; ubi summa cum laude pietátis et pru-déntiæ diu vixit, ac de-mum, morte sua multo ante prædicta, miráculis clara migrávit ad Dómi-num.

Te Deum laudámus.

In III Nocturno

Léctio sancti Evangélii
secúndum Lucam

Lectio vii Cap. 10, 38-42

IN illo témpore : Intrá-vit Jesus in quoddam castéllum; et múlter quæ-

dam, Martha nómine, ex-cépit illum in domum suam. Et réliqua.

Homilía sancti Augustíni
Epíscopi

Sermo 26 de verbis Domini



Erba Dómini nostri Jesu Christi, quæ modo ex Evangélio recitáta sunt, ádmonent nos, esse unum áliquid quo tendámus, quando in hujus sæculi multitúdine laborámus. Téndimus au-tem adhuc peregrinántes, nondum manéntes, adhuc in via, nondum in pátria; adhuc desiderádo, non-dum fruéndó. Tamen ten-dámus, et sine pigritia et sine intermissióne tendá-mus, ut aliquándó perve-níre valeámus. Martha et María duæ soróres erant, ambæ non solum carne, sed étiam religióne germá-næ; ambæ Dómino cohæ-sérunt, ambæ Dómino in carne præsentí concórditer serviérunt.

℟. Hæc est Virgo sá-piens, quam Dóminus vi-gilántem invénit, quæ ac-céptis lampádibus sum-psit secum óleum : * Et veniénte Dómino, introí-vit cum eo ad núptias.
℣. Média nocte clamor factus est : Ecce sponsus venit, exíte óbviám ei. — Et.

Lectio viii

Suscépit eum Martha, sicut solent súscipi peregríni; sed tamen suscepit fámula Dóminum, ægra Salvatórem, creatúra Creatórem. Suscépit autem spíritu pascénda, in carne pascéndum. Vóluit enim Dóminus formam servi accípere, et, accépta forma servi, in illa pasci a servis, dignatióne, non conditióne. Nam et ista dignatio fuit, se præbere pascéndum. Habébat carnem, in qua esuríret quidem et sitíret; sed nescítis, quia in erémo esuriénti Angeli ministrábant? Ergo quod pasci vóluit, pascénti præstitit. Quid autem mirum, si et de sancto Elía præstitit víduæ, quem prius, corvo ministránte, pascébat? Numquid pascéndo defécerat, quando ad víduam mittébat? Nequáquam, sed religiósam víduam, per obséquium exhibitum servo suo, benedicere disponébat.

℟. Média nocte clamor factus est : * Ecce sponsus venit, exíte óbviám ei. ℣. Prudentes vírgines, aptáte vestras lámpades. — Ecce. Glória Patri. Ecce.

Lectio ix

SIC ergo susceptus est Dóminus, tamquam hospes, qui in sua própria

venit, et sui eum non recepérunt; sed quotquot recepérunt eum, dedit eis potestátem filios Dei fieri, adóptans servos et líberos faciēns, rédimens captivos et faciēns coherédes. Ne quis tamen vestrum fórsitan dicat : O beáti, qui Christum suscipere in domum própriam meruerunt! Noli dolére, noli murmuráre quia tempóribus natus es, quando jam Dóminum non vides in carne. Non tibi ábstulit istam dignatióne. Cum uni, inquit, ex mínimis meis fecistis, mihi fecistis. Hæc de Dómino pascéndo in carne, sed pascénte in spíritu, pauca pro tēpore dixerimus.

Te Deum laudámus.

AD LAUDES

℣. Diffúsa est grátia.

Ad Bened. Ant. Símile est regnum cælórum * hómini negotiátóri quærénti bonas margarítas : invénta una pretiósá, dedit ómnia sua, et comparávit eam.

Oratio

C 3

EXáudi nos, Deus, salutaris noster : ut, sicut de beátæ Marthæ Vírginis tuæ festivitáte gaudémus, ita piæ devotiónis erudiámur afféctu. Per Dóminum.

Et fit Commem. Ss. Felicis II Papæ, Simplicii, Faustini et Beatricis Mm. :

Ant. Vestri capilli cāpitis omnes numerāti sunt : nolite timere : multis passeribus meliōres estis vos.

℟. Exsultābunt Sancti.

Oratio

PRæsta, quæsumus, Dōmine : ut, sicut pōpulus christiānus Mārtirum tuōrum Felicis, Simplicii, Faustini et Beatricis temporāli solemnitāte congāudet, ita perfruātur ætērna; et, quod votis cēlebrat, comprehendat effēctu. Per Dōminum.

IN II VESPERIS

℟. Diffūsa est grātia.

Ad Magnif. Ant. Veni, Sponsa Christi, * accipe corōnam, quam tibi Dōminus pręparāvit in ætērnū.

Et fit Commem. sequentis.

Die 30 Julii

Ss. Abdon et Sennen

Mart. [49] Simplex

Ant. Istōrum est enim regnum cælōrum, qui contempsērunt vitam mundi, et pervenērunt ad pręmia regni, et lavērunt stolas suas in sāguine Agni.

℟. Lætāmini in Dōmino.

Oratio

DEus, qui sanctis tuis Abdon et Sennen ad hanc glōriam veniēdi copiosum munus grātiae contulisti : da fāmulis tuis suōrum vēniam peccatorum; ut, Sanctorum tuorum intercedētibz mēritis, ab omnibus mereāntur adversitatibus liberāri. Per Dōminum.

Lectio iii

ABdon et Sennen Persæ, Décio imperatōre, accusāti, quod cōrpora Christianōrum, quæ inhumāta projiciebāntur, in suo prędio sepelissent, jussu imperatōris comprehendūntur, et diis jubēntur sacrificāre. Quod cum fācere negligērent, et Jesum Christum Deum constantissime prędicārent, trāditos in arctam custōdiam, Romam pōstea rēdiens Dēcius vinctos duxit in triūmpho. Qui cum in Urbe ad simulācra attrācti essent, ea detestāti conspuērunt. Quam ob rem ursis ac leōnibus objēcti sunt; quos feræ non audēbant attīgere. Demum, glādiis trucidāti, colligātis pēdibus tracti sunt ante solis simulācrum. Quorum cōrpora, clam inde asportāta, Quirīnus diāconus sepelivit in suis ædibus. Te Deum laudāmus.

℣. Exsultábunt Sancti.

Ad Bened. Ant. Vestri capílli cápitis * omnes numeráti sunt : nolíte timére : multis passéribus meliôres estis vos.

Vesperæ de sequenti.

Die 31 Julii

S. Ignatii Conf. [94]

Duplex majus

℣. Amávit eum Dóminus.

Ad Magnif. Ant. Similábo eum * viro sapiénti, qui ædificávit domum suam supra petram.

Oratio

DEus, qui ad majórem tui nóminis glóriam propagándam, novo per beátum Ignátium subsidio militántem Ecclésiám roborásti : concéde; ut, ejus auxílio et imitatióne certántes in terris, coronári cum ipso mereámur in cælis. Per Dóminum.

In II Noeturno

Lectio iv



Ignátius, natióne Hispanus, nobili genere Loyólæ in Cantábria natus, primo cathólici regis aulam, deinde militíam secútus est. In propugnatióne Pampelonénsi accépto vúlnerē grávitē decumbens, ex fortuítā piórum librórum le-

ctióne, ad Christi Sanctórumque sectánda vestígia mirabíliter exársit. Ad montem Serrátum proféctus, ante aram beátæ Vírginis suspénsis armis, noctem éxcubans, sacrae militíæ tirocínium pósuit. Inde, ut erat indútus sacco, tráditis ántea mendico pretiósiss véstibus, Manrésam secéssit; ubi, emendicáto pane et aqua víctitans, exceptísque diébus Domínicis, jejúnans, áspera caténa cilicióque carnem domans, humi cubans, et férreis se flagéllis cruéntans, per annum commorátus est, claris ádeo illustratió nibus a Deo recreátus, ut póstea dicere sólitus sit : Si sacrae Litteræ non exstárent, se tamen pro fide mori parátum ex iis solum, quæ sibi Manrésæ patefécerat Dóminus. Quo témpore, homo litterárum plane rudis, admirábilem illum compósuit exercitiórum librum, Sedis apostólicæ judicio et ómnium utilitáte comprobátum.

℣. Honéstum fecit illum Dóminus, et custodívit eum ab inimícis, et a seductóribus tutávit illum :

* Et dedit illi claritátem ætérrnam. ℣. Justum dedúxit Dóminus per vias rectas, et osténdit illi regnum Dei. — Et.

Lectio v

UT vero se ad animarum lucra rite formaret, subsidium litterarum, a grammatica inter pueros exorsus, adhibere statuit. Cumque nihil interim omitteret de studio alienae salutis, mirum est quas ubique locorum aerumnas ac ludibria devoraverit, asperissima quaque, et vincula et verbera pene ad mortem usque perpessus: quibus tamen longe plura pro Domini sui gloria semper expetebat. Lutetiae Parisiorum adjunctis sibi ex illa academia variarum nationum sociis novem, qui omnes artium magisteriis et theologiae gradibus insignes erant, ibidem in monte Martyrum prima ordinis fundamenta jecit, quem postea Romae instituens, ad tria consueta quarto addito de Missionibus voto, Sedi apostolicae arctius adstrinxit; et Paulus tertius primo recepit confirmavitque, mox alii Pontifices ac Tridentina synodus probavere. Ipse autem, misso ad praedicandum Indis Evangelium sancto Francisco Xaverio, aliisque in alias mundi plagas ad religionem propagandam disseminatis, ethnicae superstitioni haeresique bellum indixit; eo suc-

cessu continuatum, ut constans fuerit omnium sensus, etiam pontificio confirmatus oraculo, Deum, sicut alios aliis temporibus sanctos viros, ita Luthero ejusdemque temporis haereticis Ignatium et institutam ab eo Societatem objecisse.

R. Amavit eum Dominus, et ornavit eum: stolam gloriae induit eum, * Et ad portas paradisi coronavit eum. **V.** Induit eum Dominus loricae fidei, et ornavit eum. — Et.

Lectio vi

SED in primis inter Catholicos instaurare pietatem curae fuit. Templorum nitor, catechismi traditio, concionum ac sacramentorum frequentia ab ipso incrementum accipere. Ipse, apertis ubique locorum ad juventutem erudiendam in litteris ac pietate gymnasiis, erectis Romae Germanorum collegio, male nuptarum et periclitantium puellarum coenobiis, utriusque sexus tam orphanorum quam catechumenorum domibus, aliisque pietatis operibus, indefessus lucrandis Deo animis instabat; auditus aliquando dicere, si optio daretur, male se beatitudinis incertum vivere, et interim Deo

inservire et proximorum salutí, quam certum ejúdem glóriæ statim mori. In dæmones mirum exercuit impérium. Vultum ejus cælesti luce radiantem sanctus Philíppus Nérius aliíque conspexére. Dénique, ætátis anno sexagésimo quinto, ad Dómini sui ampléxum, cujus majórem glóriam in ore semper habúerat, semper in ómnibus quæsierat, emigrávit. Quem Gregórius décimus quintus, magnis in Ecclesiám méritis et miráculis illústrem, Sanctórum fastis adscrípsit, et Pius undécimus, Sacrórum Antístitum votis obsecúndans, ómnium Exercitiórum spirituálium patrónum cælestem constituit ac declarávit.

✠. Iste homo perfécit ómnia quæ locútus est ei Deus, et dixit ad eum : Ingrédere in réquiem meam:

* Quia te vidi justum coram me ex ómnibus géntibus. ✠. Iste est, qui contémpsit vitam mundi, et pervénit ad cælestia regna. — Quia. Glória Patri. Quia.

Pro hoc Festo simplificato

Lectio ix

Ignátius, natióne Hispánus, Loyólæ in Cantábria natus, primo cathólici

regis aulam, deínde militiam secútus est. In propugnatione Pampelonénsi accépto vúlnerē gráviter decúmbens, ex fortuítá piórum librórum lectione ad Christi et Sanctórum vestigia sectánda mirabíliter exársit. Ad montem Serrátum proféctus, ante aram beátæ Vírginis suspénsis armis, noctem excubans, sacrae militiæ tirocinium pósuit. Singuláris fuit ejus vitæ austéritas. Litterárum plane rudis, sed clavis a Deo illustrationibus recreátus, mirabilem illum compósuit exercitiórum librum, Sedis apostólicæ judicio et ómnium utilitáte comprobátum. Lutétia Parisiórum, adjúctis sibi ex illa academía variárum natiónum sóciis novem, in monte Mártyrum prima Societátis Jesu fundaménta jecit; quam póstea Romæ perfécit, ad tria consuéta quarto áddito de Missiόνibus voto, ad nutum apostólicæ Sedis excoléndis. Templórum nitor, catechismi traditio, conciónum ac sacramentórum frequéntia ab ipso incrementum accepére. Cathólicæ religiónis ubique dilatándæ fuit studiosíssimus, et in dæmones mirum exercuit impérium. Ætátis anno sexagésimo

quinto, ad ampléxum mi-
grávit Dómini sui, cujus
majórem glóriam in omni-
bus quæsíverat. Eum Pius
undécimus ómnium Exer-
citiórum spirituálium pa-
trónum cæléstem consti-
tuit ac declarávit.

Te Deum laudámus.

In III Nocturno Homilia in
Ev. Designávit Dóminus, ut
in Communi Evang., cum
℟℟. de Communi Conf. non
Pont. ibidem notatis. [27]

AD LAUDES

℟. Justum dedúxit.

Ad Bened. Ant. Euge,
serve bone * et fidélis,
quia in pauca fuísti fidé-
lis, supra multa te consti-
tuam, intra in gáudium
Dómini tui.

Oratio

Deus, qui ad majórem
tui nóminis glóriam
propagándam, novo per
beátum Ignátium subsidio
militántem Ecclésiám ro-
borásti : concéde, ut ejus
auxílio et imitatióne cer-
tántes in terris, coronári
cum ipso mereámur in cæ-
lis. Per Dóminum.

Vesperæ de sequenti, Com-
memoratio S. Pauli Ap., præ-
cedentis, ac Ss. Machabæo-
rum Mm.

FESTA AUGUSTI

Die 1 Augusti

S. Petri Ap. ad Vincula

Duplex majus

Omnia de Communi Apo-
stolorum [3], præter ea quæ
hic habentur propria.

IN I VESPERIS

Ant. 1 Heródes rex * ap-
pósuit ut apprehénderet
et Petrum; quem, cum
apprehendisset, misit in
cárcerem, volens post Pa-
scha producere eum pó-
pulo.

2 Petrus quidem * ser-
vabátur in cárcere; orátio
autem fiébat sine inter-
missióne ab Ecclésiá ad
Deum pro eo.

3 Dixit Angelus * ad Pe-
trum : Circúmda tibi ve-
stiméntum tuum, et sé-
quare me.

4 Misit Dóminus * Ange-
lum suum, et liberávit me
de manu Heródis, allelúja.

5 Tu es Petrus, * et super
hanc petram ædificábo Ec-
clésiám meam.

Capitulum Act. 12, 1-3

Misit Heródes rex ma-
nus ut affligeret quos-
dam de Ecclésiá. Occídit
autem Jacóbum, fratrem
Joánnis, gládio. Videns
autem quia placéret Ju-
dáis, appósuit ut apprehé-
nderet et Petrum.

Hymnus

Miris modis repente liber, fërrea,
Christo jubente, vincla
Petrus exuit :
Ovìlis ille Pastor et Rector
gregis,
Vitæ reclúdit páscua et
fontes sacros,
Ovèsque servat créditos,
arceat lupos.

Patri perénne sit per ævum
glória;
Tibique laudes concinámus
ínclytas,
Ætérne Nate; sit, supérne
Spíritus,
Honor tibi decúsque : sancta
júgiter
Laudétur omne Trínitas
per sæculum. Amen.

V. Tu es Petrus. **R.** Et
super hanc petram ædificábo
Ecclésiám meam.

Ad Magnif. Ant. Tu es
pastor óvium, * Princeps
Apostolorum, tibi tráditæ
sunt claves regni cælórum.

In II Vesperis

Ad Magnif. Ant. Solve, *
jubente Deo, terrárum,
Petre, caténas, qui facis
ut páteant cæléstia regna
beátis.

Oratio

Deus, qui beátum Petrum Apóstolum, a
vínclis absolútum, illæsum
abíre fecisti : nostrórum,
quæsumus, absólve
víncula peccatórum; et

ómnia mala a nobis propitiátus excludé. Per Dóminum.

Et fit Commem. S. Pauli Ap. ante omnes alias Commemoraciones :

Ant. Sancte Paule Apóstole, prædicátor veritátis et Doctor géntium, intercéde pro nobis ad Deum, qui te elégit.

V. Tu es vas electiónis, sancte Paule Apóstole.

R. Prædicátor veritátis in univérso mundo.

Oratio

Deus, qui multitudínem géntium beáti Pauli Apóstoli prædicatióne docuísti : da nobis, quæsumus; ut, cujus commemoratióem cólimus, ejus apud te patrocínia sentiámus. Per Dóminum.

Deinde Com. præced. :

Ant. Hic vir, despiciens mundum et terréna, triúmphans, divítias cælo cóndidit ore, manu.

V. Justum dedúxit.

Oratio

Deus, qui ad majórem tui nóminis glóriam propagándam, novo per beátum Ignátium subsidio militántem Ecclésiám roborásti : concéde; ut, ejus auxílio et imitatióne certántes in terris, coronári cum ipso mereámur in cælis. Per Dóminum.

Postea Commem. Ss. Machabæorum Martyrum :

Ant. Istórum est enim regnum cælórum, qui contempsérunt vitam mundi, et pervenérunt ad præmia regni, et lavérunt stolas suas in ságuine Agni.

V. Lætámini in Dómino.

Oratio

FRatérna nos, Dómine, Mártýrum tuórum córona lætíficet : quæ et fidei nostræ præbeat incrementa virtútum; et multiplici nos suffrágio consolétur. Per Dóminum.

AD MATUTINUM

Invit. Regem Apostolórum Dóminum, * Veníte, adorémus. **Ps. 94** Veníte, exsultémus.

Hymnus

Quodcúmque in orbe néxibus revínxeris,
Erit revíctum, Petre, in arce síderum :
Et quod resólvit hic potéstas trádicta, [vértice :
Erit solútum cæli in alto
In fine mundi judicábis sæculum.

Patri perénne sit per ævum glória;

Tibíque laudes concinámus ínclýtas,
Ætérne Nate; sit, supérne Spíritus, [cta júgiter
Honor tibi decúsque : san-
Laudétur omne Trínitas
per sæculum. Amen.

In I Nocturno

De Actibus Apostolórum

Lectio i Cap. 12, 1-11



Isit Heródes rex manus ut affligeret quosdam de Ecclésia. Occídit autem Jacóbum, fratrem Joánnis, gládio. Videns autem quia placéret Judæis, appósuit ut apprehénderet et Petrum. Erant autem dies azymórum. Quem, cum apprehendísset, misit in cárcerem, tradens quátuor quaterniónibus mílitum custodiéndum, volens post Pascha producere eum pópulo. Et Petrus quidem servabátur in cárcere; orátio autem fiébat sine intermissione ab Ecclésia ad Deum pro eo.

V. Simon Petre, ántequam de navi vocárem te, novi te et super plebem meam príncipem te constítui, * Et claves regni cælórum tráddi tibi. **V.** Quodcúmque ligáveris super terram, erit ligátum et in cælis; et quodcúmque sólveris super terram, erit solútum et in cælis. — Et.

Lectio ii

CUM autem productúrus eum esset Heródes, in ipsa nocte erat Petrus dórmíens inter duos mílites vinctus caténis duábus, et custódes ante

óstium custodiébant cár-
cerem. Et ecce Angelus
Dómini ástitit, et lumen
refúlsit in habitáculo, per-
cussóque látere Petri, ex-
citávit eum, dicens : Sur-
ge velóciter. Et cecidérunt
caténæ de mánibus ejus.
Dixit autem Angelus ad
eum : Præcingere, et cál-
cea te cáligas tuas. Et
fecit sic. Et dixit illi : Cir-
cúmda tibi vestiméntum
tuum, et séquere me.

℟. Si díligis me, Simon
Petre, pasce oves meas.
Dómine, tu nosti, quia
amo te, * Et ánimam
meam pono pro te. ℣. Si
oportúerit me mori tecum,
non te negábo. — Et.


Lectio iii

ET éxiens sequebátur
eum, et nesciébant quia
verum est quod fiébat per
Angelum; existimábat
autem se visum vidére.
Transeúntes autem pri-
mam et secúndam custó-
diam venérunt ad portam
férream, quæ ducit ad ci-
vitátem, quæ ultro apérta
est eis; et exeúntes pro-
cessérunt vicum unum, et
contínuo discéssit Angelus
ab eo. Et Petrus ad se re-
vérsus dixit : Nunc scio
vere quia misit Dóminus
Angelum suum, et erípuit
me de manu Heródis et de
omni exspectatióne plebis
Judæórum.

℟. Tu es Petrus, et su-
per hanc petram ædifi-
cábo Ecclésiám meam, et
portæ ínferi non prævalé-
bunt advérsus eam : * Et
tibi dabo claves regni cæ-
lórum. ℣. Quodcúmque
ligáveris super terram,
erit ligátum et in cælis; et
quodcúmque sólveris su-
per terram, erit solútum
et in cælis. — Et. Glória
Patri. Et.

In II Noeturno

Lectio iv

 Heodósio junióre
imperánte, cum Eu-
dócia ejus uxor Je-
rosólymam solvéndi voti
causa venísset, ibi multis
est affécta munéribus. Præ-
céteris insigne donum ac-
cépit férreæ caténæ, auro
gemmaeque ornátæ, quam
illam esse affirmábant, qua
Petrus Apóstolus ab He-
róde vinctus fúerat. Eudó-
cia, caténam pie veneráta,
eam póstea Romam ad fí-
liam Eudóxiam misit; quæ
illam Pontífici Máximo dé-
tulit. Isque vicíssim illi
monstrávit álteram caté-
nam, qua, Neróne impera-
tóre, idem Apóstolus con-
strictus fúerat.

℟. Dómine, si tu es, ju-
be me veníre ad te super
aquis. * Et exténdens ma-
num apprehéndit eum, et
dixit Jesus : Módicæ fidei,
quare dubitásti? ℣. Cum-

que vidisset ventum válidum veniéntem, tímuit; et, cum cœpisset mergi, clamávit dicens : Dómine, saluum me fac. — Et.

Lectio v

CUM igitur Póntifex Rómánam caténam cum ea, quæ Jerosólymis alláta fúerat, contulisset, factum est ut illæ inter se sic con-necteréntur, ut non duæ, sed una caténa ab eódem artífice confécta esse viderétur. Quo miráculo tantus honor sacris illis vñculis habéri cœpit, ut propterea hoc nómine sancti Petri ad vñcula ecclésia, título Eudóxiæ, dedicáta sit in Exquílilis, ejúsque memóriæ dies festus institútus Kaléndis Augústi.

℟. Surge, Petre, et índue te vestiméntis tuis, áccipe fortitúdinem ad salvándas gentes : * Quia ceciderunt caténæ de mánibus tuis.

℣. Angelus Dómini ástitit, et lumen refúlsit in habitáculo cárceris, percussóque látere Petri, excitávit eum, dicens : Surge velóciter. — Quia.

Lectio vi

QUO ex témpore honos, qui eo die profánis gentílium celebritátibus tribui sólitus erat, Petri vñculis habéri cœpit, quæ tacta ægros sanábant et dæmones ejiciébant. Quo

in génere, anno salutis humanæ nongentésimo sexagésimo nono áccidit, ut quidam comes, Ottónis imperatóris familiáris, occupátus ab immúndo spírítu, seípsum déntibus dilaniáret. Quare is jussu imperatóris ad Joánnem Pontíficem dúcitur, qui ut sacra caténa cómitis collum áttigit, erúmpens nefárius spírítus hóminem liberum reliquit; ac deinceps in Urbe sanctórum vñculórum religio propagáta est.

℟. Tu es Pastor óvium, Princeps Apostolórum : tibi trádedit Deus ómnia regna mundi : * Et ideo tibi tráditæ sunt claves regni cælórum. **℣.** Quodcúmque ligáveris super terram, erit ligátum et in cælis; et quodcúmque sól-veris super terram, erit solútum et in cælis. — Et. Glória Patri. Et.

Pro hoc Festo simplicitate

Lectio ix

THeodósio junióre imperánte, Eudócia ejus uxor Jerosólymæ insígne præ céteris donum accépit férreæ caténæ, quam illam esse affirmábant, qua Petrus Apóstolus ab Heróde vinctus fúerat. Eudócia caténam pie veneráta, Rómam ad filiam Eudóxiam

misit, ubi a summo Pontífice compósita cum ea, qua Neróne imperatóre idem beátus Apóstolus constrictus fúerat, ambæ inter se sic connéxæ sunt, ut non duæ, sed una caténa ab uno artífice confécta esse viderétur. Hinc, cum et ægrotórum salus et obsessorum liberátio, sacro horum vinculórum contáctu, sæpe obtinerétur, tantus honor sacris illis vínculis habéri cœpit, ut propterea hoc nómine sancti Petri ad víncula ecclésia, título Eudóxiæ, dedicáta sit in Exquiliis, ejúsque memóriæ dies festus, profánis gentílium solemnitatibus abólitis, institútus fúerit Kaléndis Augústi.

Te Deum laudámus.

In III Nocturno

Lectio sancti Evangélíi
secúndum Matthæum

Lectio vii Cap. 16, 13-19

IN illo témpore : Venit Jesus in partes Cæsaréæ Philíppi, et interrogábat discípulos suos, dicens : Quem dicunt hómines esse Fílium hóminis? Et réliqua.

Homilía sancti Augustíni

Epíscopi

Sermo 29 de Sanctis, in medio



Olus Petrus inter Apóstolos méruit audire : Amen dico tibi, quia tu es Petrus, et

super hanc petram ædificábo Ecclésiám meam; dignus certe, qui ædificándis in domo Dei pópulis lapis esset ad fundaméntum, colúmna ad sustentáculum, clavis ad regnum. De hoc ait sermo divínus : Et ponébant, inquit, infirmos suos, ut umbra saltem transeúntis Petri obumbráret eos. Si tunc opem ferre póterat umbra córporis, quanto magis nunc plenitúdo virtútis? si tunc supplicántibus próderat aura quædam pertranseúntis, quanto magis grátia nunc permanéntis? Mérito per omnes Christi eccléas auro pretiósius habétur ferrum illud pœnálium vinculórum.

R. Ego pro te rogávi, Petre, ut non deficiat fides tua : * Et tu aliquándo convérsus confirma fratres tuos. **V.** Caro et sanguis non revelávit tibi, sed Pater meus, qui est in cælis. — Et.

Si ix Lectio alicujus Officii commemorati dicenda non sit, tunc ex viii Lect. fiunt duæ quarum prior desinit ad signum ¶.

Lectio viii

SI tam medicábilis fuit obumbrátio visitántis, quanto magis caténa vincióntis? Si inánis quædam spécies vácuæ imáginis

habére pótuit in se vim salútis, quanto plus de corpore meruerunt attráhere salubritátis, férreo póndere sacris impréssa membris, víncula passiónis? Si ad præsídia supplicántium tam potens fuit ante martýrium, quanto magis éfficax post triúmphum? Felices illi nex-
 xus, qui, de mánicis et compédibus in corónam mutándi, Apóstolum contingéntes, Mártyrem reddidérunt! Felícia víncula, quæ reum suum usque ad Christi crucem, non tam condemnátúra quam consecratúra, misérunt!

✠. Quem dicunt hómines esse Fílium hóminis? dixit Jesus discíplis suis. Respóndens Petrus dixit : Tu es Christus Fílius Dei vivi. * Et ego dico tibi, quia tu es Petrus, et super hanc petram ædificábo Ecclésiám meam. ✠. Beátus es, Simon Bar-Jona, quia caro et sanguis non revelávit tibi, sed Pater meus, qui est in cælis. — Et ego. Glória Patri. Et ego.

Pro Ss. Machabæis Martyr. :

Lectio ix

Sermo sancti Gregórii
 Nazianzéni

Oratio 20 in Machabæos

Quidnam Machabæi? Horum enim nómine dies festus præsénti fre-

quéntia celebrátur. Qui, etsi apud multos non sunt in honóre, quod illud certámen post Christum non suscepérunt; tamen digni sunt qui ab ómnibus honoréntur, quia pro pátriis légibus et institútis fortes constantésque se præbuerunt. Nam qui martýrium subiére ante Christi passionem, quid factúri erant, si post Christum persecutiónem passi fuissent, ejúsque mortem, nostræ salútis causa susceptam, ad imitándum propósitam habuissent? Quorum enim, nullo propósito exémplo, talis tántaque virtus fuit; an non ii, exémpulum illud intuéntes, fórtius in certámen descendissent? Quin étiam mýstica quædam et occúlta rátio, mihi quidem atque ómnibus Dei amatóribus valde probábilis, est, néminem eórum qui ante Christi advéntum martýrio consummáti sunt, id sine fide in Christum cónsequi potuisse.

Te Deum laudámus.

AD LAUDES

et per Horas, Añæ

1 Heródes rex * appósuit ut apprehénderet et Petrum; quem, cum apprehendisset, misit in cárcerem, volens post Pascha producere eum populo.

2 Petrus quidem * servabatur in cárcere; oratio autem fiebat sine intermissione ab Ecclesia ad Deum pro eo.

3 Dixit Angelus * ad Petrum : Circúmda tibi vestiméntum tuum, et séquere me.

4 Misit Dóminus * Angelum suum, et liberávit me de manu Heródis, allelúja.

5 Tu es Petrus, * et super hanc petram ædificábo Ecclesiam meam.

Capitulum Act. 12, 1-3

Misit Heródes rex manus ut affligeret quosdam de Ecclesia. Occidit autem Jacóbum, fratrem Joánnis, gládio. Videns autem, quia placéret Judæis, appósuit ut apprehénderet et Petrum.

Hymnus

BEáte Pastor, Petre, clemens áccipe
Voces precántum, criminúmque víncula
Verbo resólve, cui potestas trádita
Aperíre terris cælum, apértum cláudere.

Sit Trinitáti sempitérna glória,
Honor, potestas atque jubilátio,
In unitáte, quæ gubérnat ómnia,
Per univérsa æternitátis sácula. Amen.

℟. Tu es Petrus. ℣. Et super hanc petram ædificábo Ecclesiam meam.

Ad Bened. Ant. Quodcúmque * ligáveris super terram, erit ligátum et in cælis; et quodcúmque sólveris super terram, erit solútum et in cælis : dicit Dóminus Simóni Petro.

Oratio

DEus, qui beátum Petrum Apóstolum, a vínculis absolutum, illæsum abíre fecisti : nostrórum, quæsumus, absólve víncula peccatórum; et ómnia mala a nobis propitiátus exclúde. Per Dóminum.

Et fit Com. S. Pauli Ap. :

Ant. Sancte Paule Apóstole, prædicátor veritátis et Doctor géntium, intercede pro nobis ad Deum, qui te elégit.

℟. Tu es vas electiónis, sancte Paule Apóstole.
℣. Prædicátor veritátis in univérso mundo.

Oratio

DEus, qui multitudínem géntium beáti Pauli Apóstoli prædicatióne docuísti : da nobis, quæsumus; ut, cujus commemoratióem cólimus, ejus apud te patrocínia sentiámus. (Per Dóminum.)

Deinde Commem. Ss. Machabæorum Martyrum :

Ant. Vestri capilli cápitis omnes numeráti sunt : nolíte timére : multis passeribus meliôres estis vos. **℣.** Exsultábunt Sancti.

Oratio

FRatérna nos, Dómine, Mártýrum tuórum córona lætíficet : quæ et fidei nostræ præbeat incrementa virtútum; et múltiplici nos suffrágio consolétur. Per Dóminum.

AD PRIMAM

Ant. Heródes rex * appósuit ut apprehénderet et Petrum; quem, cum apprehendísset, misit in cárcerem, volens post Pascha producere eum pópulo.

AD TERTIAM

Ant. Petrus quidem, ut supra. 820

Capitulum Misit Heródes, ut ad Laudes.

℣. br. In omnem terram * Exívit sonus eórum. In omnem. **℣.** Et in fines orbis terræ verba eórum. Exívit. **G**lória Patri. In omnem. **℣.** Constitues eos príncipes super omnem terram. **℣.** Mémoires erunt nóminis tui, Dómine.

Oratio Deus, qui beátum, ut supra. 820

AD SEXTAM

Ant. Dixit Angelus, ut supra. 820

Capitulum Act. 12, 5

PEtrus quidem servabátur in cárcere; orátio autem fiébat sine intermissione ab Ecclésia ad Deum pro eo.

℣. br. Constitues eos príncipes * Super omnem terram. Constitues. **℣.** Mémoires erunt nóminis tui, Dómine. Super. **G**lória Patri. Constitues. **℣.** Nimis honoráti sunt amíci tui, Deus. **℣.** Nimis confortátus est principátus eórum.

AD NONAM

Ant. Tu es Petrus, ut supra. 820

Capitulum Act. 12, 11

ET Petrus ad se revérsus dixit : Nunc scio vere quia misit Dóminus Angelum suum, et erípuit me de manu Heródis et de omni exspectatióne plebis Judæórum.

℣. br. Nimis honoráti sunt * Amíci tui, Deus. Nimis. **℣.** Nimis confortátus est principátus eórum. Amíci. **G**lória Patri. Nimis honoráti. **℣.** Annuntiavérunt ópera Dei. **℣.** Et facta ejus intellexérunt.

IN II VESPERIS

Antiphonæ, Capitulum et Hymnus ut in I Vesperis. 813

℣. Tu es Petrus. ℟. Et super hanc petram ædificábo Ecclésiám meam.

Ad Magnif. Ant. Solve, * jubénte Deo, terrárum, Petre, caténas, qui facis ut páteant cæléstia regna beátis.

Et fit Com. S. Pauli Ap., ut in I Vesp. 814, vel ut in Laud. 820

Deinde Commem. sequentis ac S. Stephani I Papæ et Mart.

Die 2 Augusti

S. Alfonsi Mariæ
de Ligorio

Ep., Conf. et Eccl. Doct.

Duplex [69]

(m. t. v., nisi tamen alicubi primas Vesperas habeat, saltem a Capitulo.)

Ant. O Doctor óptime, Ecclésiæ sanctæ lumen, beáte Alfónse María, divínæ legis amátor, deprecáre pro nobis Fílium Dei.

℣. Amávit eum Dóminus.

Oratio

DEus, qui per beátum Alfónsum Mariám Confessórem tuum atque Pontíficem, animárum zelo succénsus, Ecclésiám tuam nova prole fœcun-

dásti : quæsumus; ut, ejus salutáribus mónitis edócti et exémpilis roboráti, ad te perveníre feliciter valeámus. Per Dóminum.

Deinde Commem. S. Stephani I Papæ et Mart. :

Ant. Iste Sanctus pro lege Dei sui certávit usque ad mortem, et a verbis impiórum non tímuit; fundátus enim erat supra firmam petram.

℣. Glória et honóre.

Oratio

GRegem tuum, Pastor ætérne, placátus inténde : et per beátum Stéphanum Mártyrem tuum atque Summum Pontíficem, perpétua protectióne custódi; quem totíus Ecclésiæ præstitísti esse pastórem. Per Dóminum.

In I Nocturno, si sumendæ sint de Communi, Lectiones Sapiéntiam. [87]

In II Nocturno

Lectio iv



Alfónsus María de Ligorio, Neápoli nobílibus paréntibus natus, ab ineúnte ætáte non obscura præbuit sanctitátis indícia. Eum adhuc infántem cum paréntes obtulíssent sancto Francisco de Hierónymo e Societáte Jesu, is bene precátus edixit eúndem ad nonagésimum usque

annum perventúrum, ad episcopálem dignitátem evéctum iri, maximóque Ecclésiæ bono futúrum. Jam tum a puerítia, a ludis abhórrens, nóbiles ephébos ad christiánam modéstiam verbo et exémplo componébat. Adoléscens, dato piis sodalitátibus nómine, in públicis nosocomíis ægrótiis inservíre, júgi in templis oratióni vacáre ac sacra mystéria fréquénter obíre in delíciis habébat. Pietátem litterárum stúdiis ádeo conjúnxit, ut séxdecim vix annos natus utriúsque juris láuream in pátria universitáte fúerit assecútus. Patri obtémperans, causárum patrocínia suscepit; in quo múnere obeúndo, etsi magnam sibi laudem comparásset, fori tamen perícula expértus, ejúsmodi vitæ institútum ultro dimísit. Spreto ígitur præcláro conjúgio sibi a patre propósito, avíta primogenitúra abdicáta, et ad aram Vírginis de Mercéde ense suspénso, divínis ministériis se mancipávit. Sacerdos factus, tanto zelo irruit in vítia, ut apostólico múnere fungens, huc illuc pérvolans, ingéntes perditórum hóminum conversiónes perágeret. Páuperum præsertim et ruricolárum miserátus, con-

gregatiónem presbyterórum instítuit sanctíssimi Redemptóris, qui, ipsum Redemptórem secúti, per agros, pagos, et castélla paupéribus evangelizárent.

✠. Invéni David servum meum, óleo sancto meo unxi eum : * Manus enim mea auxiliábitur ei. ✠. Nihil proficiet inimícus in eo, et fílius iniquitátis non nocébit ei. — Manus.

Lectio v

NE autem a propósito umquam divérteret, perpétuo se voto obstrínxit nullam témporis jactúram faciéndi. Hinc animárum zelo succénsus, tum divíni verbi prædicatióne, tum scriptis sacra eruditióné et pietáte refértis, ánimas Christo lucrifácere et ad perfectiorem vitam addúcere stúduit. Mirum sane quot ódia exstínxerit, quot dévios ad rectum salutis iter revocáverit. Dei Genitrícis cultor exímus, de illíus láudibus librum édedit, ac de iisdum fervéntius concionándo dísserit, a Vírginis imágine in eum immísso miro splendóre, totus fácie coruscáre et in éxtasim rapi coram univérso pópulo non semel visus est. Domínicæ passiónis et sacrae Eucharístiæ contem-

plátor assiduus, ejus cultum mirifice propagavit. Dum vero ad ejus aram oráret vel Sacrum fáceret, quod numquam omísit, præ amoris veheméntia, vel seráphicis liquescébat ardóribus, vel insólitis quatiebátur mótibus, vel abstrahébatur a sénsibus. Miram vitæ innocéntiam, quam nulla umquam letháli labe fœdávit, pari cum pœniténtia sóciâs, corpus suum inédia, férreis caténulis, cilíciis cruentáque flagellatióne castigábat. Inter hæc prophetiæ, scrutatiónis córdium, bilocatiónis et miraculórûm donis incláruit.

✠. Pósuí adjutórium super poténtem, et exaltávi eléctum de plebe mea :

* Manus enim mea auxiliábitur ei. ✠. Invéni David servum meum, óleo sancto meo unxi eum. — Manus.

Lectio vi

AB ecclesiásticis dignitatibus sibi oblátis constantíssime abhórruit; at, Cleméntis décimi tértii Pontíficis auctoritaté coáctus, sanctæ Agathæ Gothórum ecclésiâ gubernándam suscepit. Epíscopus, extérnum dumtáxat hábitum, non autem sevérâ vivéndi ratióne immutávit. Eadem frugalitas, summus christiánæ

disciplinæ zelus, impénsum in vítiis coërcéndis arcendisque erróribus, et in réliquis pastorálibus munéribus obeúndis stúdiûm. Liberális in páuperes, omnes ecclésiæ provéntus iisdem distribuébatur, ac, urgénte annónæ caritaté, ipsam domésticam supelléctilem in aléndis famélicis erogávit. Omnibus ómnia factus, sanctimoniáles ad perfectiorem vivéndi formam redégit, suæque congregatiónis moniálîum monastérium constituéndum curávit. Episcopátu ob graves habitualésque morbos dimísso, ad álûmnos suos, a quibus pauper discesserat, revértitur pauper. Demum, quamvis sénio laboribúsque, diutúrna arthritide aliisque gravissimis morbis fractus corpore, spírítu tamen alárior, de cæléstibus rebus disseréndi aut scribéndi finem numquam adhíbit, donec nonagenárius, Kaléndis Augústi, anno millésimo septingentésimo octogésimo séptimo, Nucériæ Paganórum, inter suórum alumnórum lácrimas, placidíssimè exspirávit. Eum, inde virtútibus et miráculis clarum, Pius séptimus Póntifex máximus anno millésimo octingentésimo décimo sèx-

to Beatórum fastis; novisque fulgéntem signis, Gregórius décimus sextus in festo sanctíssimæ Trinitátis, anno millésimo octingentésimo trigésimo nono, solémni ritu, Sanctórum catálogo accénsuit; tandem Pius nonus Póntifex máximus, ex sacrórum Rítuum Congregatiónis consúlto, universális Ecclésiæ Doctórem declarávit.

R. Iste est, qui ante Deum magnas virtútes operátus est, et omnis terra doctrína ejus repléta est : * Ipse intercédât pro peccátis ómnium populórum. **V.** Iste est, qui contémpsit vitam mundi, et pervénit ad cæléstia regna. — Ipse. **Glória Patri.** Ipse.

Pro hoc Festo simplificato
Lectio ix

Alfónsus Mariá de Ligó-
rio, Neápoli nobilibus
paréntibus natus, vix ut
adolévit, ægróti in públi-
cis nosocomíis inservíre
ac jugi in templis oratióni
vacáre in delíciis habébat.
Patri obtémperans, causá-
rum patrocínia suscepit;
fori tamen perícula expé-
rtus, ejúsmodi vitæ in-
stitútum ultro dimísit.
Avíta primogenitúra ab-
dicáta, et sacerdotío ini-

tiátus, tanto zelo irruit in
vítia, ut ingéntes perditó-
rum hóminum conversió-
nes perágeret. Páuperum
præsértim et ruricolárum
miserátus, congregatió-
nem presbyterórum san-
ctíssimi Redemptóris ad
eórum evangelizatiónem
instituit. Ne autem a pro-
pósito umquam divérte-
ret, perpétuo se voto ob-
strínxit nullam témporis
jactúram faciéndi. Domí-
nicæ passiónis et sacrae
Eucharístiæ contemplátor
assíduus, atque Dei Geni-
trícis cultor exímus, non
semel cæléstis ejus prote-
ctiós signis est recreátus.
Multa édedit sacra
eruditiónem ac pietátem refér-
ta, quibus ánimas Christo
lucríficere stúduit. Ab
ecclesiásticis dignitatibus
sibi oblátis constantíssime
abhórruit; apostólica ta-
men auctoritáte coáctus,
sanctæ Agathæ Gothórum
ecclesiám gubernándam
suscepit. Liberális in páu-
peres, ómnibus ómnia fa-
ctus, sanctimoniáles ad
perfectiorem vivéndi for-
mam redégit. Episcopátu
ob graves habitualésque
morbos dimísso, ad suos
revértitur. Tandem nona-
genárius, innocéntia vitæ
et pœniténtia fulgens,
anno millésimo septingen-
tésimo octogésimo sépti-
mo placidíssime exspirá-

vit. Eum Pius Papa nonus Ecclésiæ universális Doctórem declarávit.

Te Deum laudámus.

In III Nocturno Homilia in Ev. Designávit Dóminus, ut in Comm. Ev., cum *℟℞.* de Comm. Doct. ibidem notatis. [27]

Pro S. Stephano I P. et M. :

Lectio ix

STéphanus Románu Pontificátum gessit Valeriáno et Galliéno imperatóribus. Instituit ut sacerdótes et diáconi nusquam sacris véstibus, nisi in ecclésiá, uteréntur. Baptizátos ab hæréticis, íterum baptizári vétuit, rescribens sancto Cypriáno verbis illis : Nihil innovétur, nisi quod tráditum est. Multos étiam ad Christum convértit, in iis Olýmpium tribúnum cum uxóre Exsupéria et filio Theodúlo, item Nemésium tribúnum cum tota familia, óculis Lucíllæ ejus filiaë restitútis : qui omnes Jesu Christi Mártires fuérunt. Sed, veheméntius jam ingravescénte persecutióne imperatórum, Stéphanus, convocáto clero, ad martýrium suos hortabátur, in cryptisque Mártýrum assidue Missas et concília celebrábat. Qui, cum aliquándo raptus es-

set ab infidélibus ad templum Martis ut ei sacrificáret, libere negávit se dæmónibus eum honórem velle tribúere, qui uni Deo deberétur. Quibus in verbis Martis státua terræmótu cóncidit templúmque contrémuit. Quare ómnibus aufugiéntibus qui Stéphanum tenébant, Póntifex ad suos revértitur in cœmetérium Lucínae; quos, divínis præcéptis instruens, sacraménto cõrporis Christi communicávit; ibique, dum Missarum solémnia pérficit, adveniéntibus íterum imperatórum satellítibus, ei in sua sede caput abscínditur. Corpus, cum eádem sede conspérso Mártýris ságuine, a cléricis sepúltum est in cœmetério Calísti, quarto Nonas Augústi. Vixit in pontificátu annos tres, menses tres, dies vigínti duos. Hábuít ordinationes duas mense Decémbri, quibus creávit presbýteros sex, diáconos quinque, epíscopos tres.

Te Deum laudámus.

AD LAUDES

℟. Justum dedúxit.

Ad Bened. Ant. Euge, serve bone * et fidélis, quia in pauca fuísti fidélis, supra multa te constítuam, dicit Dóminus.

Oratio

DEus, qui per beátum Al-
fónsum Mariám Con-
fessórem tuum atque Pon-
tíficem animárum zelo suc-
cénsum, Ecclesiám tuam
nova prole fœcundásti :
quæsumus, ut ejus salu-
táribus mónitis edócti, et
exémplis roboráti, ad te
perveníre feliciter valeá-
mus. Per Dóminum.

*Et fit Commemoratio S. Ste-
phani I Papæ et Mart. :*

Ant. Qui odit ánimam
suam in hoc mundo, in
vitam ætérnam custódit
eam.

V. Justus ut palma.

Oratio

GRegem tuum, Pastor
Ætérne, placátus in-
ténde : et per beátum Sté-
phanum Mártyrem tuum
atque Summum Pontífi-
cem, perpétua protectióne
custódi; quem totíus Ec-
clésiæ præstitisti esse pa-
stórem. Per Dóminum.

IN II VESPERIS

V. Justum dedúxit.

Ad Magnif. Ant. O Do-
ctor óptime, * Ecclesiæ
sanctæ lumen, beáte Al-
fónse Mariá, divínæ legis
amátor, deprecáre pro no-
bis Fílium Dei.

Et fit Commem. sequentis.

Die 3 Augusti

**In Inventionē
S. Stephani Protomart.**

Semiduplex

IN I VESPERIS

*Sicubi dicendæ sint inte-
græ, Añæ et Capitulum de
Laudibus 832; Psalmi et
Hymnus de Communi unius
Mart. [29]*

Ant. Stéphanus autem
plenus grátia et fortitúdi-
ne, faciébat signa magna
in pópulo.

V. Glória et honóre.

Oratio

DA nobis, quæsumus,
Dómine, imitári quod
cólimus : ut discámus et
inimícos diligere; quia ejus
Inventiόνem celebrámus,
qui novit étiam pro perse-
cutóribus exoráre Dómi-
num nostrum Jesum Chri-
stum, Fílium tuum : Qui
tecum vivit.

Completorium de Feria.

AD MATUTINUM

*Invitatorium et Hymnus de
Comm. unius Martyris [31];
Antiphonæ, Psalmi et Versus
Nocturnorum de Feria.*

In I Nocturno

De Actibus Apostolorum

Cap. 7, 51-60; 8, 1-2

Lectio i

Eura cervice et in-
circumcísis córdi-
bus et áuribus, vos
semper Spirítui Sancto re-

sistitis : sicut patres vestri, ita et vos. Quem Prophetarum non sunt persecuti patres vestri? Et occiderunt eos, qui prænuntiabant de adventu Iusti, cujus vos nunc proditores et homicidæ fuistis, qui accepistis legem in dispositione Angelorum et non custodistis. Audiētes autem hæc, dissecabantur cordibus suis, et stridebant dentibus in eum.

℟. Stéphanus autem plenus grátia et fortitúdine,
* Faciēbat prodigia et signa magna in pópulo.
℣. Surrexerunt quidam de synagóga disputantes cum Stéphano : et non póterant resistere sapiētiæ, et Spíritui qui loquebátur. — Faciēbat.

Lectio ii

CUM autem esset plenus Spíritu Sancto, intēdens in cælum, vidit glóriam Dei, et Jesum stantem a dextris Dei. Et ait : Ecce video cælos apertos, et Fílium hóminis stantem a dextris Dei. Exclamantes autem voce magna continuērunt aures suas, et ímpetum fecerunt unánimiter in eum. Et ejicientes eum extra civitatem lapidabant : et testes deposuerunt vestimēta sua secus pedes adolescentis,

qui vocabátur Saulus. Et lapidabant Stéphanum invocātem et dicētem : Dómine Jesu, súscipe spíritum meum.

℟. Vidēbant omnes Stéphanum, qui erant in concilio : * Et intuebántur vultum ejus tamquam vultum Angeli stantis inter illos. ℣. Plenus grátia et fortitúdine, faciēbat prodigia et signa magna in pópulo. — Et.

Lectio iii

Positis autem génibus, clamávit voce magna, dicens : Dómine, ne státuas illis hoc peccátum. Et cum hoc dixisset, obdormívit in Dómino. Saulus autem erat conséntiens neci ejus. Facta est autem in illa die persecútio magna in ecclésia quæ erat Jerosólymis; et omnes dispersi sunt per regiónes Judææ et Samariæ, præter Apóstolos. Curavérunt autem Stéphanum viri timoráti, et fecerunt planctum magnum super eum.

℟. Intuens in cælum beátus Stéphanus, vidit glóriam Dei, et ait : * Ecce video cælos apertos, et Fílium hóminis stantem a dextris virtútis Dei.

℣. Cum autem esset Stéphanus plenus Spíritu Sancto, intēdens in cælum, vidit glóriam Dei, et

ait. — Ecce. **G**lória Patri.
Ecce.

In II Noeturno

Lectio iv

SAnctorum corpora
Stéphani Proto-
martyris, Gamalié-
lis, Nicodémi et Abibónis,
quæ diu in obscuro ac sordido
loco jacuerant, Honorio
imperatore, Luciano
presbytero divinitus ad-
monito, inventa sunt prope
Jerosolymam. Cui Gamaliel
cum in somnis apparuisset,
gravi quadam et præclara
senis specie, locum jacen-
tium corporum commonstravit,
imperans ut Joannem Jero-
solymitanum antistitem
adiret, ageretque cum eo
ut honestius illa corpora
sepelirentur.

R. Lapidabant Stephanum
invocantem et dicentem : *
Domine Jesu Christe, accipe
spiritum meum : et ne statuas
illis hoc peccatum. **V.** Positis
autem genibus clamavit
voce magna, dicens. —
Domine.

Lectio v

Quibus auditis Jerosoly-
morum antistes, fini-
timarum urbium episcopis
presbyterisque convoca-
tis, ad locum pergit; de-
fossos loculos invenit,
unde suavissimus odor
efflabatur. Cujus rei fama

commota, magna homi-
num multitudo eo convenit,
multique ex variis
morbis ægroti ac debiles,
sani et integri domum
rediérunt. Sacrum autem
sancti Stéphani corpus,
quod summa tunc celebri-
tate in sanctam ecclesiam
Sion illatum est, sub Theo-
dosio juniore Constantinopoli-
m, inde Romam, Pelagio
primo summo Pontifice,
translatum, in agro
Verano in sepulcro sancti
Lauréntii Martyris collo-
catum est.

R. Impetum fecerunt
unanimiter in eum, et eje-
cerunt eum extra civita-
tem, invocantem et dicen-
tem : * Domine Jesu, acci-
pe spiritum meum. **V.** Et
testes deposuerunt vesti-
menta sua secus pedes
adolescantis, qui vocabatur
Saulus : et lapidabant
Stephanum invocantem et
dicentem. — Domine.

Ex libro sancti Augustini
Episcopi de Civitate Dei
Liber 22, c. 8 circa medium

Lectio vi

Ad aquas Tibilitanas,
episcopo afferente Pro-
jecto reliquias Martyris
gloriosissimi Stéphani, ad
ejus memoriam veniebat
magnæ multitudinis con-
cursus et occursus. Ibi cæ-
ca mulier, ut ad episcopum
portantem pignora sacra

duceretur, oravit : flores, quos ferēbat, dedit; recēpit, oculis admōvit, prōtinus vidit. Stupēntibus qui āderant, praeibat exsultans, viam carpens et viā ducem ultērius non requirēns. Memorāti memoriā Mārtyris, quae pōsita est in castēllo Syncicēsi, quod Hipponēsi colōniā vicinum est, ejūdem loci Lucillus episcopus, pōpulo praecedēte atque sequēte, portābat; fīstula, cujus molēstia jāmdu laborāverat, et familiarissimi sui medici, qui eam secāret, opperiebātur manus, illius piā sarcinā vectatiōne repēnte sanāta est.

✠. Impii super justum jactūram fecerunt, ut eum morti trāderent : * At ille gaudens suscepit lāpides, ut mereretur accipere coronam glōriāe. ✠. Continuerunt aures suas, et impetum fecerunt unanimiter in eum. — At. Glōria Patri. At.

Pro hoc Festo simplificato

Lectio ix

SANCTORUM cōpora Stēphani Protomārtyris, Gamaliēlis, Nicodēmi et Abibōnis, suavissimum odōrem manāntia, a Joāne Jerosolymitarum antīstite invēnta sunt prope

Jerosolymam. Cujus rei fama commōta, magna hōminum multitūdo eo convēnit, multique ex vāriis morbis aegrōti ac debiles, sani et integri domum rediērunt. Sacrum autem sancti Stēphani corpus, quod summa tunc celeberrīte in sanctam ecclēsiā Sion illātum est, sub Theodōsio juniōre Constantinopolim, inde Romam, Pelāgio primo summo Pontifice, translātum, in agro Verāno in sepūlcro sancti Laurēntii Mārtyris collocātum est.

Te Deum laudāmus.

In III Noeturno

Lectio sancti Evangēlii
secūndum Matthaeum

Lectio vii Cap. 23, 34-39

IN illo tēpore : Dicēbat Jesus scribis et pharisaeis : Ecce ego mitto ad vos prophētas, et sapientes, et scribas : et ex illis occidētis, et crucifigētis. Et reliqua.

Homilia sancti Hierōnymi
Presbýteri

Liber 4 Comment. in cap. 23
Matthaei



OC quod āntea dixerāmus, Implēte mensūram patrum vestrorum; ad persōnam Dōmini pertinēre, eo quod

occidendus esset ab eis, potest et ad discipulos ejus refēri, de quibus nunc dicit : Ecce ego mitto ad vos prophētas, et sapiētes, et scribas. Simulque observā, juxta Apōstolum scribentem ad Corīnthios, vāria esse dona discipulōrum Christi; ālios prophētas, qui ventūra prādicent; ālios sapiētes, qui novērunt quando dēbeant profēre sermōnem; ālios scribas in lege doctīssimos, ex quibus lapidātus est Stēphanus, Paulus occīsus, crucifixus Petrus, flagellāti in Actibus Apostolōrum discipuli.

✠. Stēphanus servus Dei, quem lapidābant Judāi, vidit cēlos apērtos : vidit, et introīvit : * Beātus homo, cui cēli patēbant.

✠. Cum igitur saxōrum crepitāntium tūrbine quaterētur, inter æthēreos aulæ cēlestis sinus divīna ei clāritas fulsit. — Beātus.

Lectio viii

Quārimus, quis iste sit Zachariās filius Barachīæ : quia multos lēgimus Zachariās. Et ne libera nobis tribuerētur erroris facūltas, ādditum est : Quem occīdistis inter templum et altāre. In diversis diversā legi : et dēbeo singulōrum opiniōnes pōnere. Alii Zachariām

fīlium Barachīæ dicunt, qui in duódecim Prophētis undécimus est, patrīque in eo nomen consēntit : sed ubi occīsus sit inter templum et altāre, Scriptūra non lōquitur; máxime cum tempóribus ejus vix ruīnæ templi fúerint. Alii Zachariām patrem Joānnis intēlligi volunt, ex quibúsdam apocryphórum sómniis approbāntes, quod proptērea occīsus sit, quia Salvatōris prādicāverit adventum.

✠. Patefactæ sunt jānuæ cēli Christi Mátyri beāto Stēphano, qui in número Mátyrum invēntus est primus : * Et ideo triúmphat in cēlis coronātus.

✠. Mortem enim, quam Salvátor noster dignātus est pro nobis pati, hanc ille primus réddidit Salvatōri. — Et. Glória Patri. Et.

Lectio ix

Alii istum volunt esse Zachariām, qui occīsus est a Joas rege Judæ inter templum et altāre, sicut Regum narrat história. Sed observāndum, quod ille Zachariās non sit fīlius Barachīæ, sed fīlius Jójadæ sacerdotis : unde et Scriptūra refert : Non fuit recordātus Joas patris ejus Jójadæ, quia sibi fecisset bona. Cum ergo et Zach-

riam teneamus et occisionis consentiat locus : quærimus, quare Barachîæ dicatur filius, et non Jójadæ? Barachîa lingua nostra Benedictus Dómini dicitur, et sacerdotis Jójadæ justitia Hebræo nómine demonstratur. In Evangélio, quo utuntur Nazaréni, pro filio Barachîæ, filium Jójadæ reperimus scriptum.

Te Deum laudamus.

AD LAUDES

Ant. 1 Lapidaverunt Stéphanum, * et ipse invocabat Dóminum, dicens : Ne státuas illis hoc peccátum.

Psalmi de Dominica.

2 Lápides torréntis * illi dulces fuérunt : ipsum sequúntur omnes ánimæ justæ.

3 Adhæsit ánima mea * post te, quia caro mea lapidáta est pro te, Deus meus.

4 Stéphanus vidit * cælos apértos, vidit, et introivit : beátus homo, cui cæli patébant.

5 Ecce vídeo * cælos apértos, et Jesum stantem a dextris virtútis Dei.

Capitulum Act. 6, 8

Stéphanus autem plenus grátia et fortitúdine faciébat prodigia et signa magna in pópulo.

Hymnus

Invicte Martyr, únicum Patris secútus Fílium, Victis triúmphas hóstibus,

Victor fruens cæléstibus.

Tui precátus múnere Nostrum reátum dílué, Arcens mali contágium, Vitæ repéllens tædium.

Solúta sunt jam víncula Tui sacráti córporis : Nos solve vinclis sáeculi Dono supérni Núminis.

Deo Patri sit glória, Ejúsque soli Fílio, Cum Spíritu Paráclito, Nunc, et per omne sáeculum. Amen.

℟. Sepeliérunt Stéphanum viri timoráti. **℣.** Et fecérunt planctum magnum super eum.

Ad Bened. Ant. Stéphanus autem * plenus grátia et fortitúdine, faciébat signa magna in pópulo.

Oratio

DA nobis, quæsumus, Dómine, imitári quod cólimus : ut discámus et inimícos dilígere; quia ejus Inventiónem celebrámus, qui novit étiam pro persecutóribus exoráre Dóminum nostrum Jesum Christum, Fílium tuum : Qui tecum vivit et regnat.

Ad Horas Antiphona et Psalmi de Feria. Sicubi autem hoc Festum sub ritu duplici I vel

II classis recolatur, Antiphonæ de Laudibus, cum Psalmis de Dominica ut in Festis.

AD TERTIAM

Capit. Stéphanus autem, ut supra.

℟. br. Glória et honóre * Coronásti eum, Dómine, Glória et. ℣. Et constituísti eum super ópera mánuum tuárum. Coronásti. Glória Patri. Glória et.

℣. Posuísti, Dómine, super caput ejus. ℟. Corónam de lápide pretióso.

AD SEXTAM

Capitulum Act. 6, 9-10

Surrexérunt autem quidam de synagóga, quæ appellátur Libertinórum, et Cyrenénsium, et Alexandrinórum, et eórum qui erant a Cilícia, et Asia, disputántes cum Stépiano : et non póterant resistere sapiéntiæ, et Spíritui qui loquebátur.

℟. br. Posuísti, Dómine, * Super caput ejus. Posuísti. ℣. Corónam de lápide pretiósa. Super. Glória Patri. Posuísti.

℣. Magna est glória ejus in salutári tuo. ℟. Glóriam et magnum decórem impónes super eum.

AD NONAM

Capitulum Act. 7, 60

Positis autem génibus, clamávit voce magna, dicens : Dómine, ne stá-

tuas illis hoc peccátum. Et cum hoc dixisset, obdormívit in Dómino.

℟. br. Magna est glória ejus * In salutári tuo. Magna. ℣. Glóriam et magnum decórem impónes super eum. In. Glória Patri. Magna. ℣. Justus ut palma florébit. ℟. Sicut cedrus Líbani multiplicábitur.

Vesperæ de sequenti, Commemoratio præcedentis.

Si II Vesperæ dicendæ sint integræ, Antiphonæ et Capitulum de Laudibus 832; Psalmi et Hymnus de Comuni unius Martyris [29], Versus et Antiphona ad Magnificat, ut infra.

Die 4 Augusti

S. Dominici Conf. [94]

Duplex majus (m. t. v.)

℣. Amávit eum Dóminus.

Ad Magnif. Ant. Similábo eum * viro sapiénti, qui ædificávit domum suam supra petram.

Oratio

Deus, qui Ecclésiám tuam beáti Domínici Confessóris tui illumináre dignátus es méritis et doctrínis : concéde; ut ejus intercessióne temporálibus non destituátur auxiliis, et spirituálibus semper proficiat increméntis. Per Dóminum.

Et fit Commemoratio præcedentis :

Ant. Sepeliérunt Stéphanum viri timoráti, et fecérunt planctum magnum super eum.

℣. Stéphanus vidit cælos apértos. **℟.** Vidit, et introívit : beátus homo, cui cæli patébant.

Oratio

DA nobis, quæsumus, Dómine, imitári quod cólimus : ut discámus et inimícos diligere; quia ejus Inventiónem celebrámus, qui novit étiam pro persecutóribus exoráre Dóminum nostrum Jesum Christum, Fílium tuum : Qui tecum vivit.

In II Nocturno

Lectio iv

Dominicus, Calarógæ in Hispânia ex nobili Gusmanórum familia natus, Paléntiæ liberalibus disciplinis et theologiæ operam dedit; quo in stúdio cum plúrimum profecísset, prius Oxoménsis ecclésiæ canónicus reguláris, deínde órdis fratrum Prædicatórum auctor fuit. Hujus mater grávida sibi visa est, in quiéte, continére in alvo cátulum ore præferéntem facem, qua, éditus in lucem, orbem terrárum incénderet. Quo sómnio

significabátur fore ut, splendóre sanctitátis ac doctrínæ, gentes ad christiánam pietátem inflammaréntur. Veritátem éxitus comprobávit; id enim et præstitit per se, et per sui órdis sócios deinceps est consecútus.

℟. Honéstum fecit illum Dóminus, et custodívit eum ab inimícis, et a seductóribus tutávit illum :
* Et dedit illi claritátem ætérnam. **℣.** Justum dedúxit Dóminus per vias rectas, et osténdit illi regnum Dei. — Et.

Lectio v

Hujus autem ingénium ac virtus máxime eníluit in everténdis hæréticis, qui perniciosus erróribus Tolosátes pervértere conabántur; quo in negotio septem consúmpsit annos. Póstea Romam venit ad Lateranése concílium cum epíscopo Tolosáno, ut ordo, quem institúerat, ab Innocéntio tértio confirmarétur. Quæ res dum in deliberatióne versátur, Dóminicus hortátu Pontíficis ad suos revértitur, ut sibi régulam delígeret. Romam rédiens, ab Honório tértio, qui próximus Innocéntio succésserat, confirmatió-nem órdis Prædicatórum impetrat. Romæ autem duo instituit mona-

stéria, áltérum virórum, mulierum áltérum. Tres étiam mórtuos ad vitam revocávit, múltaque ália édedit mirácula, quibus ordo Prædicatórum mirífice propagári cœpit.

℟. Amávit eum Dóminus, et ornávit eum : stollam glóriæ induit eum, * Et ad portas paradísi coronávit eum. ℣. Induit eum Dóminus lorícam fídei, et ornávit eum. — Et.

Lectio vi

Verum, cum ejus ópera ubíque terrárum monastéria jam ædificaréntur, innumerabílesque hómines religiósam ac piam vitam institúerent, Bonóniæ anno Christi ducentésimo vigésimo primo supra millésimum in febrem incidit. Ex qua cum semoríturum intellígeret, convocátis frátribus et alúmnis suæ disciplínæ, eos ad innocéntiam et integritátem cohortátus est. Postrémo caritátem, humilitátem, paupertátem, tamquam certum patrimonium eis testaménto reliquit; fratribúsque orántibus, in illis verbis, Subveníte, Sancti Dei, occúrrite, Angeli, obdormívit in Dómino, octávo Idus Augústí. Quem póstea Gregórius nonus Póntifex rétulit in Sanctórum númerum.

℟. Iste homo perfécit ómnia quæ locútus est ei Deus, et dixit ad eum : Ingredere in réquiem meam : * Quia te vidi justum coram me ex ómnibus géntibus. ℣. Iste est, qui contémpsit vitam mundi, et pervénit ad cæléstia regna. — Quia. Glória Patri. Quia.

Pro hoc Festo simplicitato

Lectio ix

Dominicus, Calarógæ in Hispánia ex nóbili Gusmanórum família natus, et Paléntiæ liberálibus disciplínis et theología eruditus, prius Oxoménsis ecclésiæ canónicus factus, dein órdinis Prædicatórum auctor fuit. Ejus ingénium et virtus máxime enituerunt in converténdis hæreticis, qui Tolosátes pervertere conabántur. Romam véniens, ab Innocéntio tértio Pontífice máximo sui órdinis approbationem confirmationémque pétíit, quam ab ejus successóre Honório tértio impetrávit. Cum vero ejus ópera innumerábiles hómines religiósam ac piam vitam institúerent, Bonóniæ, anno ducentésimo vigésimo primo supra millésimum, alúmnis caritátem, humilitátem et paupertátem tamquam cer-

tum patrimonium relin-
quens, in illis verbis : Sub-
venite, Sancti Dei, occúr-
rite, Angeli, obdormívit
in Dómino, octávo Idus
Augústi. Eum Gregórius
Papa nonus in Sanctórum
númerum rétulit.

Te Deum laudámus.

In III Nocturno Homilia in
Ev. Sint lumbi, de Communi
Conf. non Pont. 1 loco. [98]

Oratio

DEus, qui Ecclesiám
tuam beáti Domínici
Confessóris tui illumináre
dignátus es méritis et do-
ctrínis : concéde, ut ejus
intercessióne temporáli-
bus non destituátur auxí-
liis, et spirituálibus sem-
per proficiat increméntis.
Per Dóminum.

Vesperæ de sequenti, Com-
memoratio præcedentis.

Die 5 Augusti In Dedicatione S. Mariæ ad Nives

Duplex majus

Omnia de Communi Festo-
rum B. Mariæ Virginis [174],
præter Lectiones II Noctur-
ni, ut infra.

℣. Dignáre me laudáre
te, Virgo sacráta. ℟. Da
mihi virtútem contra ho-
stes tuos.

Ad Magnif. Ant. Sancta
María, * succúrre míseris,

juva pusillánimes, réfove
flébiles, ora pro pópulo,
intérveni pro clero, inter-
céde pro devóto femíneo
sexu : séntiant omnes
tuum juvámen, quicúm-
que célebrant tuam san-
ctam festivitátem.

Oratio

C

Concéde nos fámulos
tuos, quæsumus, Dó-
mine Deus, perpétua men-
tis et córporis sanitáte
gaudére : et gloriósa beá-
tæ Mariæ semper Vírginis
intercessióne, a præsentí
liberári tristítia, et æténa
pérfrui lætítia. Per Dómi-
num.

Et fit Commemoratio præ-
cedentis :

Ant. Hic vir, despíciens
mundum et terréna, triúm-
phans, divítias cælo cón-
didit ore, manu.

℣. Justum dedúxit.

Oratio Deus, qui Eccle-
siam, ut supra.

In II Nocturno

Lectio iv



Ibério summo Pon-
tífice, Joánnes pa-
trícus RománuS et
uxor pari nobilitáte, cum
líberos non suscepissent,
quos bonórum herédes re-
línquerent, suam heredi-
tátem sanctíssimæ Vírgini
Dei Matri vovérunt, ab ea
summis précibus assidue

peténtes, ut in quod pium opus eam pecúniâ potissimum erogâri vellet, aliquo modo significâret. Quorum preces et vota, ex ánimo facta, beáta Virgo Mariá, benígne áudiens, miraculo comprobávit.

℟. Sicut cedrus exaltáta sum in Líbano, et sicut cypréssus in monte Sion : quasi myrrha elécta, * Dedi suavitátem odóris. ℣. Et sicut cinnamómum et balsamum aromatizans. — Dedi.

Lectio v

Nonis igitur Augústi, quo témpore in Urbe máximi calóres esse solent, noctu nix partem collis Exquilíni contéxit. Qua nocte Dei Mater separátim Joánnem et cónjugem in somnis admónuit ut quem locum nive conspersum vidérent, in eo ecclésiâ ædificárent, quæ Mariæ Vírginis nómine dedicarétur; se enim ita velle ab ipsis herédem institui. Quod Joánnes ad Libérium Pontíficem détulit, qui idem per sómnum sibi contigisse affirmávit.

℟. Quæ est ista quæ processit sicut sol, et formósa tamquam Jerúsalem?

* Vidérunt eam filiae Sion, et beátam dixerunt, et reginæ laudavérunt eam.

℣. Et sicut dies verni circúmdabant eam flores

rosárum et lília conválium. — Vidérunt.

Lectio vi

Quare solémni sacerdótum et pópuli supplicatióne ad collem venit nive coopértum, et in eo locum ecclésiæ designávit, quæ Joánnis et uxóris pecúniâ exstrúcta est, póstea a Xysto tértio restitúta. Váriis nomínibus primum est appelláta, basilíca Libérii, sancta Mariá ad Præsepe; sed, cum multæ jam essent in Urbe ecclésiæ sub nómine sanctæ Mariæ Vírginis, ut quæ basilíca novitáte miraculi ac dignitáte céteris ejúsdem nóminis basilícis præstáret, vocábuli étiam excellentia significarétur, ecclésiâ sanctæ Mariæ majóris dicta est. Cujus dedicatiónis memória ex nive, quæ hac die mirabíliter cécidit, anniversária celebritáte cólitur.

℟. Ornátam monílibus filiam Jerúsalem Dóminus concupívit : * Et vidéntes eam filiae Sion, beatíssimam prædicavérunt, dicéntes : * Unguéntum effúsum nomen tuum.

℣. Astitit regína a dextris tuis in vestítu deauráto, circúmdata varietáte. — Et. Glória Patri. Unguéntum.

Pro hoc Festo simplificato

Lectio ix

Libério summo Pontífice, Joáñnes patrícius Románuſ et uxor pari nobilitáte, cum líberos non suscepíſſent, ſuam hereditátem ſanctíſſimæ Vírgini Dei Matri vovérunt. Quorum preces et vota beáta Virgo benígne áudiens, miráculo comprobávit. Nonis ígitur Augúſti, quo témpore in Urbe máximi calóres eſſe ſolent, noctu nix partem collis Exquilíni contéxit. Qua nocte Dei Mater ſeparátim Joáñnem et cónjugem in ſomnis admónuit, ut in eo loco eccléſiam ædificárent. Quod Joáñnes ad Libérium Pontíficem détulit, qui idem per ſómniũ ſibi contigíſſe affirmávit. Quare ad collem venit nive coopértum, et in eo locum eccléſiæ designávit, quæ Joánnis et uxóris pecúnia exſtrúcta eſt, póſtea a Xyſto tértio reſtitúta. Vá-

riis nóminibus appelláta, ut vocábuli étiam exceléntia ſignificarétur, eccléſia ſanctæ Mariæ majóris dicta eſt. Te Deum.

AD LAUDES

V. Diffúſa eſt grátia in lábiis tuis. **R.** Proptérea benedíxit te Deus in ætérnum.

Ad Bened. Ant. Beáta es, * Mariá, quæ credidíſti : perficiéntur in te, quæ dicta ſunt tibi a Dómino, allelúja.

Oratio

C

Concède nos fámulos tuos, quæſumus, Dómine Deus, perpétua mentis et córporis ſanitáte gaudére : et glorióſa beátæ Mariæ ſemper Vírginis interceſſióne, a præſénti liberári triftítia, et ætérna pérfrui lætítia. Per Dóminum.

Vesperæ de ſequenti, Commemoratio tantum præcedentis.

DIE 6 AUGUSTI

In Transfiguratione D. N. J. C.

DUPLEX II CLASSIS

IN I VESPERIS

Ant. 1 Assúmpſit Jeſus * Petrum, et Jacóbum, et

Joáñnem fratrem ejus, et duxit eos in montem excélſum ſeórſum, et transfigurátus eſt ante eos.

Psalmi de Dominica 57, sed loco ultimi Ps. 116 Laudáte Dóminum, omnes gentes. 78

2 Resplénduit * fácies ejus sicut sol, vestiménta autem ejus facta sunt alba sicut nix, allelúja.

3 Et ecce * apparuérunt eis Móyses et Elías loquéntes cum Jesu.

4 Respóndens autem Petrus * dixit ad Jesum : Dómine, bonum est nos hic esse.

5 Adhuc eo loquente, * ecce nubes lúcida obumbrávit eos.

Capit. Philipp. 3, 20-21

Salvatórem expectámus Dóminum nostrum Jesum Christum, qui reformábit corpus humilitátis nostræ configurátum córpori claritátis suæ.

Hymnus

Quicúmque Christum quæritis,
Oculos in altum tóllite :
Illic licébit vísere
Signum perénnis glóriæ.

Illústre quiddam cérnimus,
Quod nésciat finem pati,
Sublíme, celsum, intérimum,
Antiquius cælo et chao.

Hic ille Rex est géntium
Populique Rex judáici,

Promíssus Abrahæ patri
Ejúsque in ævum sémini.

Hunc, et prophétis téstibus

Iisdémque signatóribus,
Testátor et Pater jubet
Audíre nos et crédere.

Jesu, tibi sit glória,
Qui te revélas párvulis,
Cum Patre, et almo Spíritu,

In sempitérna sæcula.

Amen.

Sic terminantur Hymni per omnes Horas.

V. Gloriósus apparuísti in conspéctu Dómini.

R. Proptérea decórem induit te Dóminus.

Ad Magnif. Ant. Christus Jesus, * splendor Patris et figúra substántiæ ejus, portans ómnia verbo virtútis suæ, purgatióem peccatórum fáciens, in monte excélso gloriósus apparére hódie dignátus est.

Oratio

Deus, qui fidei sacraménta in Unigéniti tui gloriósa Transfiguratióne patrum testimonio roborásti, et adoptiόnem filiόrum perféctam, voce delápsa in nube lúcida, mirabíliter præsignásti : concéde propítius; ut ipsíus Regis glóriæ nos coherédes efficias, et ejúsdem glóriæ tríbuas esse consórtes. Per eúmdem Dóminum.

Et fit Commemoratio tantum præcedentis :

Ant. Beátam me dicent omnes generatiónes, quia ancíllam húmílem respéxit Deus.

℟. Dignáre me laudáre te, Virgo sacráta. **℞.** Da mihi virtútem contra hostes tuos.

Oratio

Concède nos fámulos tuos, quæsumus, Dómine Deus, perpétua mentis et córporis sanitáte gaudére : et gloriósa beátæ Mariæ semper Vírginis intercessióne, a præsénti liberári tristítia, et ætéRNA pérfrui lætítia. Per Dóminum.

Completorium de Dominica.

AD MATUTINUM

Invitat. Summum Regem glóriæ, * Christum adorémus. **Ps. 94** Veníte, exsultémus. 3

Hymnus Quicúmque, ut supra. 839

In I Nocturno

Ant. Paulo minus * ab Angelis minorátus, glória et honóre coronátus est, et constitútus super ópera mánuum Dei.

Psalmus 8

Domine, Dóminus noster, * quam admirábile est nomen tuum in univérSA terra!

Quóniam eleváta est magnificentia tua * super cælos.

Ex ore infántium et lacténtium perfecísti laudem propter inimícos tuos, * ut déstruas inimícum et ultórem.

Quóniam vidébo cælos tuos, ópera digitórum tuórum : * lunam et stellas, quæ tu fundásti.

Quid est homo, quod memor es ejus? * aut fílius hóminis, quóniam vísitas eum?

Minuísti eum paulo minus ab Angelis, glória et honóre coronásti eum : * et constituísti eum super ópera mánuum tuárum.

Omnia subjecísti sub pédibus ejus, * oves et boves univérSas : insuper et pécora campi.

VolúcreS cæli, et pisces maris, * qui perámbulant sémitas maris.

Dómine, Dóminus noster, * quam admirábile est nomen tuum in univérSA terra!

Ant. Paulo minus ab Angelis minorátus, glória et honóre coronátus est, et constitútus super ópera mánuum Dei.

Ant. Revelávit Dóminus * condénsa, et in templo ejus omnes dicent glóriam.

Psalmus 28

Afférte Dómino, filii Dei : * afférte Dómino filios arietum.

Afférte Dómino glóriam et honórem, afférte Dómino glóriam nómini ejus : * adoráte Dóminum in átrio sancto ejus.

Vox Dómini super aquas, Deus majestátis intónuit : * Dóminus super aquas multas.

Vox Dómini in virtúte : * vox Dómini in magnificéntia.

Vox Dómini confringéntis cedros : * et confringet Dóminus cedros Líbani :

Et commínuet eas tamquam vítulum Líbani : * et diléctus quemádmódum filius unicórniū.

Vox Dómini intercidéntis flammam ignis : * vox Dómini concutiéntis désertum : et commovébit Dóminus désertum Cades.

Vox Dómini præparántis cervos, et revelábit condénsa : * et in templo ejus omnes dicent glóriam.

Dóminus dilúvium inhabitáre facit : * et sedébit Dóminus Rex in ætérnum.

Dóminus virtútem pópulo suo dabit : * Dóminus benedícet pópulo suo in pace.

Ant. Revelávit Dóminus condénsa, et in templo

ejus omnes dicent glóriam.

Ant. Speciósus forma * præ filiis hóminum, diffúsa est grátia in lábiis tuis.

Psalmus 44

Eructávit cor meum verbum bonum : * dico ego ópera mea Regi.

Lingua mea cálamus scribæ, * velóciter scribéntis.

Speciósus forma præ filiis hóminum, diffúsa est grátia in lábiis tuis : * proptérea benedíxit te Deus in ætérnum.

Accíngere gládio tuo super femur tuum, * potentíssime,

Spécie tua et pulchritúdine tua * inténde, prospere procéde, et regna.

Propter veritátem, et mansuetúdinem, et justítiam : * et dedúcet te mirabíliter délixtera tua.

Sagíttæ tuæ acútæ, pópuli sub te cadent, * in corda inimicórum Regis.

Sedes tua, Deus, in sæculum sæculi : * virga directiónis virga regni tui.

Dilexísti justítiam, et odísti iniquitátem : * proptérea unxit te Deus, Deus tuus, óleo lætítiæ præ consórtibus tuis.

Myrrha, et gutta, et cássia a vestiméntis tuis, a dómibus ebúrneis : * ex quibus delectavérunt te filia regum in honóre tuo.

Astitit regína a dextris tuis in vestítu deauráto : * circúmdata varietáte.

Audi, fíliá, et vide, et inclína aurem tuam : * et oblivíscere pópulum tuum, et domum patris tui.

Et concupíscet Rex decórem tuum : * quóniam ipse est Dóminus, Deus tuus, et adorábunt eum.

Et fíliæ Tyri in munéribus * vultum tuum deprecabúntur : omnes dívites plebis.

Omnis glória ejus fíliæ Regis ab intus, * in fimbriis áureis circumamícta varietátibus.

Adducéntur Regi vírgines post eam : * próximæ ejus afferéntur tibi.

Afferéntur in lætítia et exsultatíone : * adducéntur in templum Regis.

Pro pátribus tuis nati sunt tibi filii : * constitúes eos príncipes super omnem terram.

Mémores erunt nóminis tui : * in omni generatíone et generatíonem.

Proptérea pópuli confitebúntur tibi in ætérnum : * et in sáculum sáculi.

Ant. Specíosus forma præ filiis hóminum, diffúsa est grátia in lábiis tuis.

V. Gloriósus apparuísti in conspéctu Dómini.

R. Proptérea decórem induit te Dóminus.

De Epístola secúnda beáti Petri Apóstoli

Lectio i **Cap. 1, 10-21**

Ratres : Magis satágitte, ut per bona ópera certam vestrám vocatíonem et electíonem faciátis : hæc enim faciéntes, non peccábitis aliquándo. Sic enim abundánter ministrábitur vobis intróitus in ætérnum regnum Dómini nostri, et Salvátoris Jesu Christi. Propter quod incípíam vos semper commonére de his : et quidem sciéntes et confirmátos vos in præsénti veritáte. Justum autem árbitror quámdiu sum in hoc tabernáculo, suscitáre vos in commonitíone : certus quod velox est depositíó tabernáculi mei secúndum quod et Dóminus noster Jesus Christus significávit mihi.

R. Surge, illumináre, Jérúsalem, quia venit lumen tuum, * Et glória Dómini super te orta est. **V.** Et ambulábunt gentes in lumine tuo, et reges in splendóre ortus tui. — Et glória.

Lectio ii

Dabo autem óperam et frequénter habére vos post óbitum meum, ut horum memóriam faciátis. Non enim doctas fábulas

secúti notam fécimus vobis Dómini nostri Jesu Christi virtútem et præsentiam, sed speculatóres facti illius magnitúdinis. Accípiens enim a Deo Patre honórem et glóriam, voce delápsa ad eum hujuscémodi a magnífica glória : Hic est Fílius meus diléctus, in quo mihi complácu; ipsum audíte.

℟. In splendénti nube Spíritus Sanctus visus est, Patérna vox audíta est :

* Hic est Fílius meus diléctus, in quo mihi bene complácu; ipsum audíte.

℣. Appáruit nubes obúmbrans, et vox Patris intónuit. — Hic.

Lectio iii

ET hanc vocem nos audívimus de cælo allátam, cum essémus cum ipso in monte sancto. Et habémus firmiorem prophéticum sermónem, cui bene fáctis attendéntes quasi lucérnæ lucénti in caliginóso loco, donec dies elucéseat et lúcifer oriátur in córdibus vestris, hoc primum intelligéntes quod omnis prophetía Scriptúræ própria interpretatióne non fit. Non enim voluntáte humána alláta est aliquándo prophetía; sed Spíritu Sancto inspiráti locúti sunt sancti Dei hómines.

℟. Vidéte qualem caritátem dedit nobis Deus Pater, * Ut fílii Dei nominémur et simus. ℣. Scimus quóniam, cum apparúerit, símiles ei érimus, quóniam vidébimus eum sicuti est. — Ut. Glória Patri. Ut.

In II Noeturno

Ant. Illúminans * tu mirabíliter a móntibus ætérnis : turbáti sunt omnes insipiéntes corde.

Psalmus 75



Domus in Judæa Deus : * in Israëlmagnum nomen ejus.

Et factus est in pace locus ejus : * et habitatio ejus in Sion.

Ibi confrégit poténtias árcuum, * scutum, gládium, et bellum.

Illúminans tu mirabíliter a móntibus ætérnis : * turbáti sunt omnes insipiéntes corde.

Dormiérunt somnum suum : * et nihil invenérunt omnes viri divitiárum in mánibus suis.

Ab increpatióne tua, Deus Jacob, * dormitavérunt qui ascendérunt equos.

Tu terríbilis es, et quis resistet tibi? * ex tunc ira tua.

De cælo auditum fecisti judícium : * terra trémuit et quiévit.

Cum exsúrgeret in iudícium Deus, * ut salvos fáceret omnes mansuétos terræ.

Quóniam cogitátio hóminis confitébitur tibi : * et reliquiæ cogitatiónis diem festum agent tibi.

Vovéte, et réddite Dómino Deo vestro : * omnes, qui in circúitu ejus affértis múnera.

Terribili et ei qui aufert spíritum principum, * terribili apud reges terræ.

Ant. Illúminans tu mirabiliter a móntibus ætérnis : turbáti sunt omnes insipiéntes corde.

Ant. Mélior est * dies una in átriis tuis, super míllia.

Psalmus 83

QUam dilécta tabernácula tua, Dómine virtútum : * concupíscit, et déficit ánima mea in átria Dómini.

Cor meum, et caro mea * exsultavérunt in Deum vivum.

Etenim passer invénit sibi domum : * et turtur nidum sibi, ubi ponat pullos suos.

Altária tua, Dómine virtútum : * Rex meus, et Deus meus.

Beáti, qui hábitant in domo tua, Dómine : * in sæcula sæculórum laudábunt te.

Beátus vir, cujus est au-

xílium abs te : * ascensiónes in corde suo dispósuit, in valle lacrimárum in loco, quem pósuit.

Etenim benedictiónem dabit legislátor, ibunt de virtúte in virtutem : * vidébitur Deus deórum in Sion.

Dómine, Deus virtútum, exáudi oratiómem meam : * áuribus pécipe, Deus Jacob.

Protéctor noster, aspice, Deus : * et réspice in fáciem Christi tui :

Quia mélior est dies una in átriis tuis, * super míllia.

Elégi abjéctus esse in domo Dei mei : * magis quam habitáre in tabernáculis peccatórum.

Quia misericórdiam, et veritátem díligit Deus : * grátiam et glóriam dabit Dóminus.

Non privábit bonis eos, qui ámbulant in innocéntia : * Dómine virtútum, beátus homo, qui sperat in te.

Ant. Mélior est dies una in átriis tuis, super míllia.

Ant. Gloriósa * dicta sunt de te, civitas Dei.

Psalmus 86

FUNDAMÉNTA ejus in móntibus sanctis : * díligit Dóminus portas Sion super ómnia tabernácula Jacob.

Gloriosa dicta sunt de te, * civitas Dei.

Memor ero Rahab, et Babylonis * scientium me.

Ecce alienigenae, et Tyrus, et populus Aethiopum, * hi fuerunt illic.

Numquid Sion dicet : Homo, et homo natus est in ea : * et ipse fundavit eam Altissimus?

Dominus narrabit in scripturis populorum, et principum : * horum, qui fuerunt in ea.

Sicut laetantium omnium * habitatio est in te.

Ant. Gloriosa dicta sunt de te, civitas Dei.

℟. Glória et honóre coronásti eum, Dómine. **℞.** Et constituísti eum super ópera mánuum tuárum.

Sermo sancti Leónis Papae

Sermo de Transfiguratione ante medium

Lectio iv



Perit Dóminus coram eléctis téstibus glóriam suam, et communem illam cum céteris córporis formam tanto splendóre clarificat, ut et fácies ejus solis fulgóri similis, et vestítus candóri nívium esset æquális. In qua transfiguratione illud quidem principáliter agebátur, ut de córdibus discipulorum crucis scándalum tollerétur; nec conturbáret eórum fidem vo-

luntáriæ humílitas passionis, quibus reveláta esset abscónditæ excelléntia dignitátis. Sed non minóre providéntia spes sanctæ Ecclesiæ fundabátur, ut totum Christi corpus agnósceret quali esset commutatóne donándum, ut ejus sibi honóris consórtium membra promitterent, qui in cápite præfúlsisset.

℞. Inebriáti sunt ab ubertáte domus tuæ : * Et torrente voluptátis tuæ potásti eos. **℟.** Quóniam apud te est fons vitæ, et in lumine tuo vidébimus lumen. — Et.

Lectio v

Confirmándis vero Apostolis et ad omnem scientiam provehéndis, ália quoque in illo miraculo accéssit instructio. Móyses enim et Elías, lex scilicet et prophétæ, apparuerunt cum Dómino loquéntes; ut verissime in illa quinque virórum præséntia complerétur quod dictum est : In duóbus vel tribus téstibus stat omne verbum. Quid hoc stabílius, quid fírmius verbo, in cujus prædicatóne véteris et novi Testaménti concínit tuba, et cum evangélica doctrína, antiquárum protestatiónum instruménta concúrrunt?

Astipulántur enim sibi invicem utriúsque Fœderis páginæ; et, quem sub velámíne mysteriórum præcedéntia signa promiserant, manifestum atque perspicuum præsentis glóriæ splendor osténdit.

℟. Præcéptor, bonum est nos hic esse : * Faciámus hic tria tabernácula; tibi unum, Móysi unum et Elíæ unum. ℣. Non enim sciébat quid diceret. — Faciámus.

Lectio vi

HIS ergo sacramentórum revelatióibus Petrus Apóstolus incitátus, mundána spernens et terréna fastídiens, in æternórum desidérium quodam mentis rapiebátur excéssu; et, gáudio totíus visiónis implétus, ibi cum Jesu optábat habitáre, ubi manifestá ejus glória lætabátur. Unde et ait : Dómine, bonum est nos hic esse : si vis, faciámus hic tria tabernácula; tibi unum, Móysi unum et Elíæ unum. Sed huic suggestióri Dóminus non respóndit, significans, non quidem improbum, sed inordinátum esse quod cúperet; cum salvári mundus, nisi Christi morte, non posset, et exémplo Dómini in hoc vocarétur credéntium fides, ut licet non oporteret

de beatitúdinis promissiónibus dubitári, intelligerémus tamen inter tentatiónes hujus vitæ prius nobis tolerántiam postulándam esse quam glóriam.

℟. Si ministrátio mortis, lítteris deformáta in lapídibus, fuit in glória, ita ut non possent inténdere filii Israël in fáciem Móysi propter glóriam vultus ejus, quæ evacuátur; * Multo magis ministrátio spíritus, quæ manet, erit in glória. ℣. Ampliórís enim glóriæ Christus præ Móyse dignus est hábitus, quanto ampliorem honórem habet domo, qui fabricávit eam. — Multo. Glória Patri. Multo.

In III Nocturno

Ant. Thabor et Hermon * in nómine tuo exsultábunt : tuum bráchium cum poténtia.

Psalmus 88



Misericórdias Dómini * in ætérnum cantábo.

In generatióem et generatióem * annuntiábo veritátem tuam in ore meo.

Quóniam dixísti : In ætérnum misericórdia ædificábitur in cælis : * præparábitur véritas tua in eis.

Dispósui testaméntum
eléctis meis, jurávi David,
servo meo : * Usque in
æternum præparábo se-
men tuum.

Et ædificábo in genera-
tiónem et generatióem *
sedem tuam.

Confitebúntur cæli mira-
bília tua, Dómine : *
étenim veritátem tuam
in ecclésia sanctórum.

Quóniam quis in núbi-
bus æquábitur Dómino : *
símilis erit Deo in filiis
Dei?

Deus, qui glorificátur in
consílio sanctórum : * ma-
gnus et terríbilis super
omnes qui in circúitu ejus
sunt.

Dómine, Deus virtútum,
quis símilis tibi? * potens
es, Dómine, et véritas tua
in circúitu tuo.

Tu domináris potestáti
maris : * motum autem
flúctuum ejus tu mítigas.

Tu humiliásti sicut vul-
nerátum, supérbum : * in
bráchio virtútis tuæ dis-
persísti inimícos tuos.

Tui sunt cæli, et tua est
terra, orbem terræ et ple-
nitúdinem ejus tu fundá-
sti : * aquilónem, et mare
tu creásti.

Thabor et Hermon in nó-
mine tuo exsultábunt : *
tuum bráchium cum po-
téntia.

Firmétur manus tua, et
exaltétur dextera tua : *

justítia et judícium præ-
parátio sedis tuæ.

Misericórdia et véritas
præcédent fáciem tuam : *
beátus pópulus, qui scit
jubiliatióem.

Dómine, in lúmine vul-
tus tui ambulábunt, et in
nómine tuo exsultábunt
tota die : * et in justítia
tua exaltabúntur.

Quóniam glória virtútis
eórum tu es : * et in be-
neplácito tuo exaltábitur
cornu nostrum.

Quia Dómini est assúm-
ptio nostra, * et Sancti
Israël, regis nostri.

Tunc locútus es in visióne
sanctis tuis, et dixísti : *
Pósui adjutórium in po-
tén-te : et exaltávi eléctum
de plebe mea.

Invéni David, servum
meum : * óleo sancto meo
unxi eum.

Manus enim mea auxi-
liábitur ei : * et bráchium
meum confortábit eum.

Nihil proficiet inimícus in
eo, * et filius iniquitátis
non appónet nocére ei.

Et concídam a fácie ipsíus
inimícos ejus : * et odién-
tes eum in fugam con-
vértam.

Et véritas mea, et mise-
ricórdia mea cum ipso : *
et in nómine meo exaltá-
bitur cornu ejus.

Et ponam in mari manum
ejus : * et in flumínibus
dexteram ejus.

Ipse invocábit me : Pater meus es tu : * Deus meus, et suscēptor salútis meæ.

Et ego primogénitum ponam illum * excēsum præ régibus terræ.

In ætérnum servábo illi misericórdiam meam : * et testaméntum meum fidéle ipsi.

Et ponam in sáculum sáculi semen ejus : * et thronum ejus sicut dies cæli.

Si autem dereliquerint filii ejus legem meam : * et in judiciis meis non ambuláverint :

Si justítias meas profanáverint : * et mándata mea non custodierint :

Visitábo in virga iniquitátes eórum : * et in verbéribus peccáta eórum.

Misericórdiam autem meam non dispérgam ab eo : * neque nocébo in veritáte mea :

Neque profanábo testaméntum meum : * et quæ procédunt de lábiis meis, non fáciam írrita.

Semel jurávi in sancto meo : Si David méntiar : * semen ejus in ætérnum manébit.

Et thronus ejus sicut sol in conspéctu meo, * et sicut luna perfécta in ætérnum : et testis in cælo fidélis.

Tu vero repulísti et despexísti : * distulísti Christum tuum.

Evertísti testaméntum

servi tui : * profanásti in terra Sanctuárium ejus.

Destruxísti omnes sepes ejus : * posuísti firmaméntum ejus formídinem.

Diripuérunt eum omnes transeúntes viam : * factus est oppróbrium vicinis suis.

Exaltásti dexteram depriméntium eum : * lætificásti omnes inimícos ejus.

Avertísti adjutórium glá-dii ejus : * et non es auxiliátus ei in bello.

Destruxísti eum ab emundatióne : * et sedem ejus in terram collisísti.

Minorásti dies témporis ejus : * perfudísti eum confusióne.

Usquequo, Dómine, avértis in finem : * exardéscet sicut ignis ira tua?

Memoráre quæ mea substántia : * numquid enim vane constituísti omnes filios hóminum?

Quis est homo, qui vivet, et non vidébit mortem : * éruet ánimam suam de manu inferi?

Ubi sunt misericórdiæ tuæ antiquæ, Dómine, * sicut jurásti David in veritáte tua?

Memor esto, Dómine, oppróbrii servórum tuórum * (quod contínui in sinu meo) multárum gén-tium.

Quod exprobravérunt inimíci tui, Dómine, * quod

exprobravérunt commutationem Christi tui.

Benedictus Dóminus in ætérnum : * fiat, fiat.

Ant. Thabor et Hermon in nómine tuo exsultábunt : tuum bráchium cum poténtia.

Ant. Lux orta est * justo, et rectis corde lætítia.

Psalmus 96

Dominus regnávít, exsúltet terra : * lætén-
tur ínsulæ multæ.

Nubes, et caligo in circúitu ejus : * justítia, et júdicium corréctio sedis ejus.

Ignis ante ipsum præcédet, * et inflammábit in circúitu inimícos ejus.

Illuxérunt fúlgura ejus orbi terræ : * vidit, et commóta est terra.

Montes, sicut cera fluxérunt a fácie Dómini : * a fácie Dómini omnis terra.

Annuntiavérunt cæli justítiam ejus : * et vidérunt omnes pópuli glóriam ejus.

Confundántur omnes, qui adórant sculptília : * et qui gloriántur in simulácris suis.

Adoráte eum, omnes Angeli ejus : * audívit, et lætáta est Sion.

Et exsultavérunt filiæ Judæ, * propter júdicia tua, Dómine :

Quóniam tu Dóminus Altíssimus super omnem terram : * nimis exaltátus es super omnes deos.

Qui dilígitis Dóminum, odíte malum : * custódit Dóminus ánimas sanctórum suórum, de manu peccatóris liberábit eos.

Lux orta est justo, * et rectis corde lætítia.

Lætámini, justí, in Dómino : * et confitémini memóriæ sanctificatiónis ejus.

Ant. Lux orta est justo, et rectis corde lætítia.

Ant. Confessióem * et decórem induit, amíctus lúmine sicut vestiménto.

Psalmus 103

Benedic, ánima mea, Dómino : * Dómine, Deus meus, magnificátus es veheménter.

Confessióem, et decórem induísti : * amíctus lúmine sicut vestiménto :

Exténdens cælum sicut pellem : * qui tegis aquis superióra ejus.

Qui ponis nubem ascénsu tuum : * qui ámbulas super pennas ventórum.

Qui facis ángelos tuos, spíritus : * et minístros tuos ignem uréntem.

Qui fundásti terram super stabilitátem suam : * non inclinábitur in sáculum sáculi.

Abýssus, sicut vestiméntum, amíctus ejus : * super montes stabunt aquæ.

Ab increpatióne tua fúgient : * a voce tonítrui tui formidábunt.

Ascéndunt montes : et descéndunt campi * in locum, quem fundásti eis.

Términum posuísti, quem non transgrediéntur : * neque converténtur operíre terram.

Qui emíttis fontes in convállibus : * inter médium móntium pertransíbunt aquæ.

Potábunt omnes béstia agri : * exspectábunt ónagri in siti sua.

Super ea vólucres cæli habitábunt : * de médio petrárum dabunt voces.

Rigans montes de superioribus suis : * de fructu óperum tuórum satiábitur terra :

Prodúcens fœnum jumentis, * et herbam servitúti hóminum :

Ut edúcas panem de terra : * et vinum lætíficet cor hóminis :

Ut exhílalet fáciem in óleo : * et panis cor hóminis confirmet.

Saturabúntur ligna campi, et cedri Líbani, quas plantávit : * illic pásseres nidificábunt.

Heródii domus dux est eórum : * montes excélsi cervis : petra refúgium herináciis.

Fecit lunam in tépore : * sol cognóvit occásu suum.

Posuísti ténebras, et facta est nox : * in ipsa per-

transíbunt omnes béstia silvæ.

Cátuli leónum rugiéntes, ut rápíant, * et quærant a Deo escam sibi.

Ortus est sol, et congregáti sunt : * et in cubílibus suis collocabúntur.

Exíbit homo ad opus suum : * et ad operatió-nem suam usque ad vé-sperum.

Quam magnificáta sunt ópera tua, Dómine! * ómnia in sapiéntia fecísti : impléta est terra posses-sióne tua.

Hoc mare magnum, et spatiósum mánibus : * illic reptília, quorum non est númerus.

Animália pusílla cum magnis : * illic naves pertransíbunt.

Draco iste, quem formásti ad illudéndum ei : * ómnia a te expséctant ut des illis escam in témpore.

Dante te illis, cólligent : * aperiénte te manum tuam, ómnia implebúntur bonitáte.

Averténte autem te fáciem, turbabúntur : * áu-feres spíritum eórum, et deficient, et in púlverem suum reverténtur.

Emíttes spíritum tuum, et creabúntur : * et renovábis fáciem terræ.

Sit glória Dómini in sæ-culum : * lætábitur Dóminus in opéribus suis :

Qui respicit terram, et facit eam tremere : * qui tangit montes, et fumigant.

Cantabo Dómino in vita mea : * psallam Deo meo, quám diu sum.

Jucúndum sit ei elóquium meum : * ego vero delectabor in Dómino.

Deficiant peccatóres a terra, et iníqui ita ut non sint : * benedic, ánima mea, Dómino.

Ant. Confessió nem et decó rem induit, amíctus lúmine sicut vestiménto.

V. Magna est glória ejus in salutári tuo. **R.** Glóriam et magnum decó rem impónes super eum.

Lectio sancti Evangélii
secúndum Matthæum

Lectio vii Cap. 17, 1-9

IN illo témpore : Assúmpsit Jesus Petrum, et Jacóbum, et Joánnem fratrem ejus, et duxit illos in montem excélsu m seórsum : et transfigurátus est ante eos. Et réliqua.

Homília sancti Joánnis
Chrysóstomi

Homilia 57 in Matth. in init.



Uóniam multa de perículis, multa de passióne sua, multa de morte et de cæde discipulórum locútus est Dóminus, et áspera complúra atque árdua eis injúnxit;

et illa quidem in præsentí vita, et jam imminébant; bona vero in spe et exspectatióne erant : ut puta, quia servárent ánimam suam, si pérderent eam; quia in glória Patris sui ventúrus sit, et præmia redditúrus : ut visu étiam certióres fáceret, et osténderet quidnam sit illa glória, cum qua ventúrus est, quantum cápere póterant in hac præsentí vita, illis osténdit eámque détegit, ne aut sua aut Dómini morte dóleant, et máxime Petrus.

R. Vocávit nos Deus vocatióne sua sancta, secúndum grátiam suam, quæ manifestáta est nunc * Per illuminatió nem Salvatóris nostri Jesu Christi. **V.** Qui destrúxit mortem, illuminávit autem vitam in incorruptiόnem. — Per.

Bened. Divínu m auxiliu m.

Lectio viii

ET vide quid agit, cum de regno et de gehénna disserúerit. Nam in eo quod dixit : Qui invenit ánimam suam, perdet eam; et quicúmque perdet eam grátia mei, invéniet ipsam; et in eo quod ait : Reddet unicuíque secúndum ópera sua; et regnum et gehénnam designávit. Cum igitur de utrísque disse-rúerit, regnum quidem ut

oculis cernatur, concédit, gehénnam autem mínime; quóniam rudióribus atque ineptióribus illud necessárium fuisset, sed, cum illi probi essent ac perspicáces, satis fuit eos a melióribus confirmári. Hoc étiam multo magis ipsum decébat. Non tamen omníno illud prætermísit, sed et aliquándo atrocitátem gehénnæ quasi ante óculos propónit, véluti cum Lázari imáginem descripsit, et ejus méminit qui denários centum repétiit.

✠. Deus, qui fecit de ténebris lumen splendescere, illúxit in córdibus nostris * Ad illuminationem sciéntiæ claritátis Dei in fácie Jesu Christi. ✠. Exórtum est in ténebris lumen rectis corde, miséricors, et miserátor, et justus. — Ad. Glória Patri. Ad.

Pro Ss. Xysto II Papa, Felicissimo et Agapito Mm.

Lectio ix

XYstus secúndus, Athéniénsis, ex philósopho Christi discípus, in persecutióne Valeriáni accusátus quod públice Christum prædicáret, comprehénsus tráhitur in templum Martis, propósita ei capitáli pœna, nisi illi simulácro sacrificáret. Qua impietáte constantíssime

recusáta, cum ad martýrium ducerétur, occurrénti sancto Lauréntio et dolénter in hunc modum interrogánti, Quo progréderis sine filio, pater? quo, sacerdos sancte, sine ministro próperas? respóndit: Non ego te désero, fili, majóra te manent pro Christi fide certámina: post trídium me sequéris, sacerdotem levíta; intérea, si quid in thesáuris habes, paupéribus distribue. Eódem igitur die interféctus est una cum Felicíssimo et Agapíto diáconis, Januário, Magno, Vincéntio et Stéphano subdiáconis; et in cœmetério Callísti sepúltus octávo Idus Augústi, ceteri vero in cœmetério Prætextáti. Sedit menses undecim, dies duódecim. Quo témpore hábuit ordinationem mense Decémbri, créatis presbýteris quátuor, diáconis septem, episcopis duóbus.

Te Deum laudámus.

Si autem Lectio ix alicujus Officii commemorati non sit dicenda, erit sequens

Lectio ix

TU vero Matthæi philosophíam considéra, qui non celávit nómina eórum qui præpósiti fúerant. Quod et Joánnes sápius facit, cum exímias Petri

laudes veríssime ac diligentíssime describat. Nul-
lum enim in hoc Apostoló-
rum consórtio livor aut
inánis glória locum habé-
bat. Primos igitur Aposto-
lórum seórsum assúmpsit.
Quam ob rem eos solos
accépit? Quia excellentiór-
es céteris vidélicet erant.
Cur autem non illico, sed
post sex dies hoc fecit? Ne
céteri scilicet discípuli seu
hómines moveréntur; qua-
de re nec eos nominávit,
quos acceptúrus erat.

Te Deum laudámus.

AD LAUDES

et per Horas, Añæ

1 Assúmpsit Jesus * Pe-
trum, et Jacóbum, et Joán-
nem fratrem ejus, et duxit
eos in montem excélsu-
m seórsum, et transfigurá-
tus est ante eos.

Psalmi de Dominica.

2 Resplénduit * fácies
ejus sicut sol, vestiménta
autem ejus facta sunt alba
sicut nix, allelúja.

3 Et ecce * apparuérunt
eis Móyses et Elías lo-
quéntes cum Jesu.

4 Respóndens autem Pe-
trus * dixit ad Jesum :
Dómine, bonum est nos
hic esse.

5 Adhuc eo loquente, *
ecce nubes lúcida obum-
brávit eos.

Capit. Philipp. 3, 20-21

SALVATÓREM expectá-
mus Dóminum no-
strum Jesum Christum,
qui reformábit corpus hu-
militátis nostræ configu-
rátum córpori claritátis
suæ.

Hymnus

LUX alma, Jesu, mén-
tium,
Dum corda nostra ré-
creas,
Culpæ fugas caliginem,
Et nos reple dulcédine.

Quam lætus est, quem ví-
sitas!

Consors Patérnæ dexteræ,
Tu dulce lumen pátriæ,
Carnis negátum sénsibus.

Splendor Patérnæ glóriæ,
Incomprehénsa caritas,
Nobis amoris cópiam
Largíre per præséntiam.

Jesu, tibi sit glória,
Qui te revélas párvulis,
Cum Patre, et almo Spí-
ritu,
In sempitérna sácula.
Amen.

✠. Coróna áurea super
caput ejus. ✠. Expréssa
signo sanctitátis, glóriæ
et honóris.

Ad Bened. Ant. Et ecce *
vox de nube dicens : Hic
est Fílius meus diléctus,
in quo mihi complácu-
i ipsum audíte, allelúja.

Oratio

Deus, qui fidei sacramenta in Unigeniti tui gloriósa Transfiguratione patrum testimonio roborasti, et adoptionem filiorum perfectam, voce delapsa in nube lúcida, mirabiliter præsignasti : concède propitius; ut ipsius Regis gloriæ nos coheredes efficias, et ejusdem gloriæ tribuas esse consortes. Per eundem Dóminum.

Ad Laudes tantum fit Commemoratio Ss. Xysti II Papæ, Felicissimi et Agapiti Mm. :

Ant. Vestri capilli capitis omnes numerati sunt : nolite timere : multis passeribus meliores estis vos.

℣. Exsultabunt Sancti.

Oratio

Deus, qui nos concedis sanctorum Mártyrum tuorum Xysti, Felicissimi et Agapiti natalitia cõlere : da nobis in æterna beatitudine de eorum societate gaudere. Per Dóminum.

Ad Horas Psalmi de Dominica, ad Primam tamen ut in Festis; et ad eam in ℣. br.
℣. Qui apparuisti hodie.

AD PRIMAM

Ant. Assumpsit Jesus * Petrum, et Jacóbum, et Joánnem fratrem ejus, et

duxit eos in montem excelsum seorsum, et transfiguratus est ante eos.

AD TERTIAM

Ant. Resplénduit * fácies ejus sicut sol, vestimenta autem ejus facta sunt alba sicut nix, allelúja.

Capit. Philipp. 3, 20-21

Salvátorem exspectamus Dóminum nostrum Jesum Christum, qui reformabit corpus humilitatis nostræ configurátum cõpori claritatis suæ.

℣. br. Gloriósus apparuisti in conspectu Dómini, * Allelúja, allelúja. Gloriósus. *℣.* Propterea decorem induit te Dóminus. Allelúja, allelúja. Glória Patri. Gloriósus. *℣.* Glória et honóre coronasti eum, Dómine, allelúja. *℣.* Et constituisti eum super ópera mánuum tuarum, allelúja.

Oratio Deus, qui fidei, *ut supra.*

AD SEXTAM

Ant. Et ecce * apparuerunt eis Móyses et Elías loquéntes cum Jesu.

Capitulum 2 Cor. 3, 18

Nos omnes reveláta fácie glóriam Dómini speculántes, in eámdem

imáginem transformámur a claritáte in claritátem, tamquam a Dómini Spíritu.

R. br. Glória et honóre coronásti eum, Dómine, * Allelúja, allelúja. Glória et. **V.** Et constituísti eum super ópera mánuum tuárum. Allelúja, allelúja. Glória Patri. Glória et.

V. Magna est glória ejus in salutári tuo, allelúja. **R.** Glóriam et magnum decórem impónes super eum, allelúja.

AD NONAM

Ant. Adhuc eo loquén-te, * ecce nubes lúcida obumbrávit eos.

Capit. Apoc. 21, 10 et 23

Sustulit me in spíritu in montem magnum et altum, et osténdit mihi civitátem sanctam Jerúsalem, descendéntem de cælo a Deo, habéntem claritátem Dei; et lucérna ejus est Agnus.

R. br. Magna est glória ejus in salutári tuo, * Allelúja, allelúja. Magna. **V.** Glóriam et magnum decórem impónes super eum. Allelúja, allelúja. Glória Patri. Magna. **V.** Coróna áurea super caput ejus, allelúja. **R.** Expressa signo sanctitátis, glóriæ et honóris, allelúja.

IN II VESPERIS

Omnia ut in I Vesperis, 838 præter Ant. ad Magnificat.

Ad Magnif. Ant. Et audiéntes * discípuli ceciderunt in fáciem suam et timuérunt valde : et accéssit Jesus, et tétigit eos dixítque eis : Súrgite et nolíte timére, allelúja.

Et fit Commemoratio tantum sequentis.

Completorium de Dominica.

Die 7 Augusti

S. Cajetani **Conf.** [94]

Duplex

Ant. Quærite primum * regnum Dei et justítiam ejus, et hæc ómnia adjiciéntur vobis.

V. Amávit eum Dóminus.

Oratio

Deus, qui beáto Cajetáno Confessóri tuo apostólicam vivéndi formam imitári tribuísti : da nobis, ejus intercessióne et exémplo, in te semper confidere, et sola cæléstia desideráre. Per Dóminum.

In II Noeturno

Lectio iv



Ajetánus, nóbili Thienæa gente Viciéntiæ ortus, statim a matre Deíparæ Vír-

gini oblátus est. Mira a téneris annis morum innocéntia in eo elúxit, ádeo ut Sanctus ab ómnibus nuncuparéetur. Juris utriúsque láuream Patávii adéptus, Romam proféctus est; ubi, inter prælátos a Júlio secúndo collocátus, et sacerdotio initiátus, tanto divíni amóris æstu succénsus est, ut relícta aula se totum Deo mancipáverit. Nosocomíis próprio ære fundátis, étiam morbo pestilénti laborántibus, suis ipse mánibus inserviébat. Proximórum salúti assídua cura incumbébat, dictus proptérea Venátor animárum.

✠. Honéstum fecit illum Dóminus, et custodívit eum ab inimícis, et a seductóribus tutávit illum :

* Et dedit illi claritátem ætérnam. ✠. Justum dedúxit Dóminus per vias rectas, et osténdit illi regnum Dei. — Et.

Lectio v

Collápsam ecclesiasticórum disciplínam ad formam apostólicæ vitæ instauráre desíderans, órđinem Clericórum regulárium instituit, qui, abdicáta rerum ómnium terrenárum sollicitúdine, nec réditus possidérent nec vitæ subsidia a fidélibus péterent, sed solis ele-

mósynis sponte oblátis viverent. Itaque, approbánte Cleménte séptimo, ad aram máximam basilicæ Vaticanæ una cum Joánnē Petro Caráfa, epíscopo Theatíno, qui póstea Paulus quartus Póntifex máximus fuit, et áliis duóbus exímie pietátis viris, vota solémnia emísit. In Urbis direptióne a milítibus crudelíssime vexátus ut pecúniám próderet, quam dudum in cælestes thesáuros manus páuperum deportáverant, vérbera, torménta et cárceres invícta patiéntia sustínuit. In suscepto vitæ institúto constantíssime perseverávit, soli divínæ providéntiæ inhærens, quam sibi numquam defuisse aliquándo miracula comprobáruñt.

✠. Amávit eum Dóminus, et ornávit eum : stolam glóriæ induit eum,

* Et ad portas paradísi coronávit eum. ✠. Induit eum Dóminus lorícám fidei, et ornávit eum. — Et ad portas.

Lectio vi

Divíni cultus stúdiúm, nitórem domus Dei, sacrórum rítuum observántiam et sanctíssimæ Eucharístiæ frequentiórem usum máxime promovít. Háresum monstra et láte-

bras non semel detéxit ac profligávit. Oratióem ad octo passim horas júgibus lácrimis protrahébat : sæpe in éxtasim raptus ac prophetiæ dono illústris Romæ, nocte natalítia, ad præsepe Dómini infántem Jesum accípere méruit a Deípara in ulnas suas. Corpus íntegras noctes intérdum verberatióibus affligébat; nec umquam addúci pótuit ut vitæ asperitátem emollíret, testátus in cínere et cilício velle se mori. Dénique, ex ánimi dolóre concépto morbo quod offéndi plebis seditióne Deum vidéret, cælésti visióne recreátus, Neápoli migrávit in cælum; ibíque corpus ejus in ecclésiá sancti Pauli magna religióne cólitur. Quem, multis miráculis in vita et post mortem gloriósum, Clemens décimus, Póntifex máximus, Sanctórum número adscrípsit.

✠. Iste homo perfécit ómnia quæ locútus est ei Deus, et dixit ad eum : Ingrédere in réquiem meam :

* Quia te vidi justum coram me ex ómnibus géntibus. ✠. Iste est, qui contémpsit vitam mundi, et pervénit ad cæléstia regna. — Quia. Glória Patri. Quia.

Pro hoc Festo simplificato

Lectio ix

Cajetánus, nóbili Thienæa gente Vicéntiæ ortus, statim a matre Deíparæ Vírgini oblátus est. Patávii juris utriúsque láuream adéptus, Romam proféctus est, ubi inter prælátos a Júlio secúndo collocátus et sacerdótio initiátus est. Nosocomíis próprio ære fundátis, étiam morbo pestilénti laborántibus suis ipse mánibus inserviébat. Proximórum salúti assidue incumbébat, dictus proptérea Venátor animárum. Collápsam ecclesiasticórum disciplínam ad formam apostólicæ vitæ instauráre desíderans, órđinem Clericórum regulárium instituit, qui, abdicáta rerum ómnium terrenárum cura, nec réditus possidérent nec vitæ subsidia a fidélibus péterent, sed solis eleemósynis sponte oblátis viverent. Itaque, approbánte Clemente séptimo, ad aram máximam basilicæ Vaticanæ una cum Joánne Petro Caráfa, epíscopo Theatíno, qui póstea Paulus quartus Póntifex máximus fuit, et áliis duóbus exímie pietátis viris, vota solémnia emísit. Divíni cultus stúdiu, nitórem domus Dei, sacrórum rí-

tuum observántiam et sanctíssimæ Eucharístiæ frequentiórem usum máxime promóvit. Plenus méritis, Neápoli migrávit in cælum, ibíque corpus ejus in ecclésia sancti Pauli magna religióne cólitur.

Te Deum laudámus.

In III Nocturno

Si ix Lectio alicujus Officii commemorati dicenda non sit, ex vii Lectione fit etiam viii incipiendo a signo ¶, et Lectio viii legitur ut ix.

Léctio sancti Evangélii
secúndum Matthæum

Lectio vii Cap. 6, 24-33

IN illo témpore : Dixit Jesus discipulis suis : Nemo potest duóbus dóminis servíre. Et réliqua.

Homilía sancti Augustíni
Epíscopi

*Liber 2 de Sermone Domini
in monte, cap. 14*



Mo potest duóbus dóminis servíre. Ad hanc ipsam intiónem referéndum est quod consequénter expónit, dicens : Aut enim unum ódio habébit, et álterum díliget; aut álterum patiétur, et álterum contémnet. Quæ verba díligénter consideránda sunt : nam, qui sint duo dómini, deinceps osténdit,

cum dicit : Non potéstis Deo servíre, et mammónæ. Mammóna apud Hebræos divítiae appellári dicúntur. Cóngruit et Púnicum nomen; nam lucrum Púnice mammon dicitur.

¶ Sed qui servit mammónæ, illi útique servit, qui rebus istis terrénis mérito suæ perversitátis præpósitus, magistrátus hujus sáculi a Dómino dicitur. Aut enim unum ódio habébit homo, et álterum díliget, id est, Deum; aut álterum patiétur, et álterum contémnet. Patiétur enim durum et perniciosum dóminum, quisquis servit mammónæ; sua enim cupiditáte implicátus, súbditur diábolo, et non eum díligit. Quis enim est qui díligat diábolum? sed tamen pátitur.

℟. Iste est, qui ante Deum magnas virtútes operátus est, et de omni corde suo laudávit Dóminum : * Ipse intercédát pro peccátis ómnium populórum. ℣. Ecce homo sine queréla, verus Dei cultor, ábstinens se ab omni ópere malo, et pérmanens in innocéntia sua. — Ipse.

Lectio viii

IDeo, inquit, dico vobis, non habére sollicitúdinem ánimæ vestræ quid

edátis, neque córpori vestro quid induátis; ne forte, quamvis jam supérflua non quærántur, propter ipsa necessária cor duplicétur, et ad ipsa conquirénda, nostra detorqueátur inténtio, cum áliquid quasi misericórditer operámur : id est, ut cum consúlere alicui vidéri vólumus, nostrum emoluméntum ibi pótius quam illius utilitátem attendámus; et ideo nobis non videámur peccáre, quia non supérflua, sed necessária sunt, quæ cónsequi vólumus.

℟. Sint lumbi vestri præcincti, et lucernæ ardéntes in mánibus vestris :
* Et vos símiles homínibus exspectántibus dómínium suum, quando revertátur a núptiis. ℣. Vigilate ergo, quia nescitis qua hora Dóminus vester ventúrus sit. — Et. Glória Patri. Et.

Pro S. Donato Ep. et Mart.

Lectio ix

Donátus, paréntibus propter Jesu Christi fidem interféctis, Arrétium in Etrúriam cum Hilaríno mónacho ex fuga se cóntulit : cujus étiam urbis epíscopus creátus est. Ubi, cum a Quadra-tiáno præfécto in Juliáni persecutióne utérque idóla venerári juberétur, negántibus illis se tam nefárium

scelus commissúros, Hilarínus in óculis Quadra-tiáni tándiu fústibus cæsus est, dum effláret ánimam; Donátus, vehemén-ter et ipse cruciátus, glá-dio percússus est. Quorum cörpera a Christiánis prope eam urbem honorífice sepúlta sunt. Te Deum.

AD LAUDES

℣. Justum dedúxit.

Ad Bened. Ant. Nolíte solliciti esse * dicétes : Quid manducábimus aut quid bibémus? Scit enim Pater vester, quid vobis necesse sit.

Oratio

D Eus, qui beáto Cajetá-no Confessóri tuo apostólicam vivé-ndi formam imitári tribuísti : da nobis, ejus intercessióne et exém-ple, in te semper confí-dere, et sola cæléstia desideráre. Per Dóminum.

Et fit Com. S. Donati Ep. et Mart. :

Ant. Qui odit ánimam suam in hoc mundo, in vitam ætérnam custódit eam.

℣. Justus ut palma.

Oratio

D Eus, tuórum glória sacerdotum : præsta, quæsumus : ut sancti Mártyris tui et Epíscopi Donáti, cujus festa gérimus, sentiámus auxílium. Per Dóminum.

IN II VESPERIS

℣. Justum dedúxit.

Ad Magnif. Ant. Quærite primum * regnum Dei et justitiam ejus, et hæc ómnia adjiciéntur vobis.

Et fit Commem. sequentis.

Die 8 Augusti

Ss. Cyriaci, Largi
et Smaragdi **Mart. [49]**

Semiduplex

Ant. Istórum est enim regnum cælórum, qui contempsérunt vitam mundi, et pervenérunt ad præmia regni, et lavérunt stolas suas in ságuine Agni.

℣. Lætámini in Dómino.

Oratio

DEus, qui nos ánnua sanctórum Mártyrum tuórum Cyríaci, Largi et Smarágdi solemnitáte lætíficas : concéde propítius; ut, quorum natalítia cólimus, virtútem quoque passiónis imitémur. Per Dóminum.

In II Nocturno

† **Pro hoc Festo simplificato**
Lectio iv dicitur ut ix.

Lectio iv



Yríacus diáconus, cum Sisínio, Largo et Smarágdo diútius inclúsus in cárcere,

multa édedit mirácula, in quibus Arthémiam Diocletíani filiam précibus a dæmone liberávit; missúsque ad Sáporem Persárum regem, Jobíam étiam ejus filiam a nefário spírítu erípuit. Rege vero ejus patre cum quadringéntis ac trigínta áliis baptizátis, Romam rédiit; ubi, Maximíani imperátoris jussu comprehénsus, caténis vinctus ante rhedam suam tráhitur; et post dies quátuor e cárcere edúctus, pice liquáta perfúsus et in catásta exténsus, demum cum Largo et Smarágdo aliisque vigínti secúri percúsus est via Salária, ad hortos Sallustiános. Quorum córpora in eádem via décimo séptimo Kaléndas Aprílis sepúlta a Joáñne presbýtero, póstea sexto Idus Augústi a Marcéllo Pontífice et Lucína nóbili fémina líneis velis involúta et pretiósus unguéntis condíta, in ipsíus Lucínæ prædium via Ostiénsi, séptimo ab Urbe lápide, transláta sunt.

℣. Sancti tui, Dómine, mirábile consecúti sunt iter, serviéntes præcéptis tuis, ut inveniréntur illæsi in aquis válidis : * Terra appáruit árida, et in Mari Rubro via sine impediménto. ℣. Quóniam percússit petram, et fluxé-

runt aquæ, et torrêntes inundavêrunt. — Terra.

Lectio v

Sermo sancti Joannis
Chrysostomi

Sermo 1 de Martyribus,
tom. 3

Nemo est qui nesciat, Mátyrum glórias ad hoc divíno consílio a Dei pópulis frequentári, ut et illis débitus honor dicétur, et nobis virtútis exémpła, favênte Christo, monstrêntur; ut, dum hæc ita celebrári perspícimus, cognoscámus quanta eos glória máneat in cælis, quorum natalítia táliter celebrántur in terris; quo possímus, étiam ipsi, tálibus provocári exémpłis, virtúte pari, devotióne consímili ac fide; ut, Christo præstánte, dimicáre et víncere hostem possímus, ut, parta victória, cum iisdem Sanctis in regnis cæléstibus triumphémus.

✠. Vêrbera carníficum non timuêrunt Sancti Dei, moriêntes pro Christi nómine : * Ut herédes fierent in domo Dómini. ✠. Tradidêrunt córpora sua propter Deum ad supplicia. — Ut.

Lectio vi

Quis est enim, qui, eórum volens mérito copulári, nisi prius con-

stántiam eórum téneat, sectétur fidem, imitétur virtútem passiónis; eórum glóriam páribus vitæ lineaméntis aut invéniat aut exquírat? Qui, etsi martýrio par esse non possit; tamen múnemis tanti dignitáte se quisque bonis áctibus dignum præbeat. Adest enim clementíssimus Deus, qui desiderántibus suis aut martýrium præbeat, aut, sine martýrio, cum Sanctis præmia divína retribuat.

✠. Tamquam aurum in fornáce probávit eléctos Dóminus, et quasi holocáusti hóstiam accépit illos; et in témpore erit respéctus illórum, * Quóniam donum et pax est eléctis Dei. ✠. Qui confidunt in illum, intélligent veritátem : et fidéles in dilectiône acquiescent illi. — Quóniam. Glória Patri. Quóniam.

In III Nocturno

Lectio sancti Evangélíi
secúndum Marcum

Lectio vii Cap. 16, 15-18

IN illo témpore : Dixit Jesus discípulis suis : Eúntes in mundum univérsum prædicáte Evangélium omni creatúræ. Et réliqua.

Homilia sancti Gregorii
Papae

Homilia 29 in Evang.
post init.

Otest omnis creaturæ nómine omnis natio géntium designári. Ante enim dictum fuerat : In viam géntium ne abiéritis; nunc autem dicitur : Prædicáte omni creaturæ : ut scilicet prius a Judæa Apostolorum repulsa prædicatio tunc nobis in adiutorium fieret, cum hanc illa ad damnationis suæ testimonium superba repulisset. Sed cum discipulos ad prædicandum Véritas mittit, quid aliud in mundo facit, nisi grana séminis spargit? Et pauca grana mittit in sémine, ut multarum méssium fruges recípiat ex nostra fide.

✠. Propter testaméntum Dómini et leges paternas, Sancti Dei perstitérunt in amóre fraternitátis :

* Quia unus fuit semper spíritus in eis, et una fides.

✠. Ecce quam bonum et quam jucúndum habitáre fratres in unum! — Quia.

Lectio viii

Nequé etenim in universo mundo tanta fidélium messis exsúrgeret, si de manu Dómini super rationálem terram illa elé-

cta grana prædicántium non venissent. Séquitur : Qui crediderit et baptizátus fúerit, salvus erit; qui vero non crediderit, condemnábitur. Fortásse unusquisque apud semetípsum dicat : Ego jam credidi, salvus ero. Verum dicit, si fidem opéribus tenet. Vera etenim fides est, quæ in hoc, quod verbis dicit, móribus non contradícit. Hinc est enim quod de quibúsdam falsis fidélibus Paulus dicit : Qui confiténtur se nosse Deum, factis autem negant.

✠. Sancti mei, qui, in carne pósito, certámen habuístis * Mercédem labóris ego reddam vobis. ✠. Veníte, benedícti Patris mei, percípите regnum. — Mercédem. Glória Patri. Mercédem.

Si hodie fuerit Sabbatum,
Lectio ix de Homilia Vigiliæ
anticipatæ S. Laurentii, et fit
ejus Commemoratio ad Lau-
des, ut sequenti die notatur;
secus

Lectio ix

Signa autem eos qui creditúri sunt, hæc sequéntur : In nómine meo dæmónia ejicient, linguis loquéntur novis, serpéntes tollent : et si mortíferum quid bíberint, non eis nocébit : super ægros manus impónent, et bene habébunt. Numquidnam, fra-

tres mei, quia ista signa non fácitis, mínime créditis? Sed hæc necessariâ in exórdio Ecclesiæ fuérunt. Ut enim ad fidem crésceret multitúdo credéntium, miráculis fúerat nutriéndâ : quia et nos, cum arbústa plantámus, támdiu eis aquam infúndimus, quousque ea in terra jam coaluisse videámus : et si semel radicem fíxerint, irrigátio cessábit. Hinc est enim quod Paulus dicit : Linguae in signum sunt non fidélibus, sed infidélibus.

Te Deum laudámus.

AD LAUDES

✠. Exsultábunt Sancti.

Ad Bened. Ant. Vestri capílli cápitis * omnes numeráti sunt : nolite timére : multis passéribus meliôres estis vos.

Oratio

Deus, qui nos ánnua sanctórum Mártyrum tuórum Cyríaci, Largi, et Smarágdi solemnitáte lætíficas : concéde propítius, ut quorum natalítia cólimus, virtútem quoque passiônis imitémur. Per Dóminum.

Vesperæ de sequenti, Commemoratio præcedentis et S. Romani Martyris.

Die 9 Augusti

S. Joannis Mariæ Vianney **Conf. [94]**

Duplex (m. t. v.)

✠. Amávit eum Dóminus.

Ad Magnif. Ant. Similábo eum * viro sapiénti, qui ædificávit domum suam supra petram.

Oratio

OMnípotens et miséricors Deus, qui sanctum Joánnem Mariám pastoráli stúdio et jugi oratiónis ac pœniténtiæ ardóre mirábilem effecísti : da, quæsumus; ut, ejus exémplo et intercessióne, ánimas fratrum lucrári Christo, et cum eis ætérnam glóriam cónsequi valeámus. Per eúmdem Dóminum.

Et fit Commem. præced. :

Ant. Gaudent in cælis animæ sanctórum, qui Christi vestigia sunt secúti : et, quia pro ejus amóre sánguinem suum fuderunt, ideo cum Christo exsúltant sine fine.

✠. Exsultábunt Sancti.

Oratio Deus, qui nos ánnua, **ut supra.**

Deinde Commem. S. Romani Mart. :

Ant. Iste Sanctus pro lege Dei sui certávit usque ad mortem, et a verbis impiórum non tímuit :

fundátus enim erat supra firmam petram.

✠. Glória et honóre.

Oratio

PRæsta, quæsumus, omnípotens Deus : ut, intercedente beáto Románo Mártire tuo, et a cunctis adversitatibus liberemur in corpore, et a pravis cogitationibus mundemur in mente. Per Dóminum.

In II Nocturno

Lectio iv

IOánnes Mariá Vianney, in pago Dardilly, Diocesis Lugdunensis piis rureculis ortus, ab infántia plura dedit sanctitátis indícia. Cum octénis oves custodiret, modo puérulos, ad imáginem Deíparæ genufléxos, Rosárium verbo et exémplo edocere, modo soróri vel álteri commisso grege, secretiorem lucum pétere solébat, quo expeditior, ante simulácrum Vírginis, oratióni vacáret. Páuperum amantíssimus, eos turmatim in patris domum dedúcere et omnimodo adjuvare in delíciis habébat. Litteris imbuendus, párocho vici Ecully tráditus est; sed ut erat tardiórís ingénii, in stúdiis fere insuperábiles expértus est difficultátes. Jejunio et oratióne divínam

opem implorávit, et facilitátem discéndi rogáturus, tûmulum Sancti Francísci Regis, stipem quæritans, adívit. Theologíæ currículo operóse confécto, satis idóneus invéntus est, qui sacris initiarétur.

✠. Honéstum fecit illum Dóminus, et custodívit eum ab inimícis, et a seductóribus tutávit illum :

* Et dedit illi claritátem ætérnam. ✠. Justum dedúxit Dóminus per vias rectas, et osténdit illi regnum Dei. — Et.

Lectio v

IN pago Ecully, præeunte párocho, cujus vicárius renunciátus fuerat, potióres pastorális perfectiónis gradus totis víribus attingere conténdit. Elápsa triénio, in vículum Ars, qui non ita multo post diocési Bellicénsi adscríptus est, quasi Angelus de cælo fuit missus et omnino squaléntis ac desértæ suæ paróciæ faciém florentíssime renovávit. In consciéntiis judicándis ac moderándis ad plúrimas horas quotidie assíduus, frequéntem Eucharístiæ usum invéxit, pias sodalitátes instaurávit : mirum autem in modum téneram in Immaculátam Vírginem ánimis pietátem índidit. Ratus

vero pastóris esse, flagítia concréditæ plebis expiâre, nec oratióibus, nec vigíliis, maceratióibus et contiúuis jejúniis parcébat. Tantam viri Dei virtútem cum Satan ferre non posset, eum vexatióibus primum, dein apérto certámine adórtus est; sed atrocíssimas afflictiónes patiénter tolerábat Joánes María.

✠. Amávit eum Dóminus, et ornávit eum : stolam glóriæ induit eum, * Et ad portas paradísi coronávit eum. ✠. Induit eum Dóminus lorícá fidei, et ornávit eum. — Et.

Lectio vi

INvitabátur sápius a curiatióibus vicínis ut, Missionariórum more, animárum salúti, qua concionándo, qua confessiónes excipiéndó consúleret et singulis præsto semper erat. Stúdio glóriæ Dei incénsus, effécit, ut pia Missiúnium exercítia in ámplius centum paróciis, constitúto perpétuo censu, institueréntur. Inter hæc, Deo servum suum miráculis et charismátibus illustránte, orta est célebris illa peregrinátio, qua, per vicénnium centum fere millia hóminum cujúsque órdis et ætátis, quotánis Ars conflúxerint non

solum e Gállia et Európa, sed étiam Américæ díssitis provinciis. Labóribus pótius quam sénio consúptus, prænuntiáto suæ mortis die, in ósculo Dómini quiévit, die quarta Augústi, anno millésimo octingéntésimo quinquagésimo nono, annos natus tres ac septuagínta. Quem multis clarum miráculis, Pius décimus inter Beátos, Pius vero undécimus inter Sanctos cælites anno sacro adscrípsit, ejúsque festum ad univérsam Ecclésiám exténdit.

✠. Iste homo perfécit ómnia quæ locútus est ei Deus, et dixit ad eum : Ingredere in réquiem meam :

* Quia te vidi justum coram me ex ómnibus gèntibus. ✠. Iste est, qui contémpsit vitam mundi, et pervénit ad cæléstia regna. — Quia. Glória Patri. Quia.

In III Noct. Homilia in Ev. Sint lumbi vestri, de Comuni Conf. non Pont. 1 loco. [98]

Pro Vigilia S. Laurentii Mart.

Léctio sancti Evangélii
secúndum Matthæum

Lectio ix Cap. 16, 24-27

IN illo témpore : Dixit Jesus discipulis suis : Si quis vult post me veníre, ábneget semetípsum, et tollat crucem suam, et sequátur me. Et réliqua.

Homilia sancti Gregórii
Papæ

Homilia 32 in Evang.

Quia Dóminus ac Red-
émptor noster novus
homo venit in mundum,
nova præcépta dedit mun-
do. Vitæ etenim nostræ
vétéri in vítiis enutrítæ
contrarietatem oppósuit
novitátis suæ. Quid enim
vetus, quid carnális homo
nóverat, nisi sua retinére,
aliéna rápere, si posset;
concupiscere, si non pos-
set? Sed cæléstis médicus
singulis quibúsque vítiis
obviántia ádhibet medica-
ménta. Nam sicut arte
medicínæ cálida frígidis,
frígida cálidis curántur :
ita Dóminus noster con-
trária oppósuit medica-
ménta peccátis, ut lúbricis
continéntiam, tenácibus
largitatem, iracúndis man-
suetúdinem, elátis præcí-
peret humilitatem.

Te Deum laudámus.

AD LAUDES

℣. Justum dedúxit.

Ad Bened. Ant. Euge,
serve bone * et fidélis,
quia in pauca fuísti fidé-
lis, supra multa te con-
stítuam, intra in gáudium
Dómini tui.

Oratio

OMnípotens et miséri-
cors Deus, qui san-
ctum Joánnem Mariám

pastoráli stúdio et jugi
oratiónis ac pœniténtiæ
ardóre mirábilem effecísti :
da, quæsumus; ut, ejus
exémplum et intercessióne,
ánimas fratrum lucrári
Christo, et cum eis ætér-
nam glóriam cónsequi va-
leámus. Per eúndem Dó-
minum.

**Et fit Com. Vigiliæ S. Lau-
rentii : Ant. et ℣. de Feria
currenti, ut in Psalterio.**

Oratio

ADesto, Dómine, suppli-
caciónibus nostris : et
intercessióne beáti Lau-
réntii Mártiris tui, cujus
prævenimus festivitatem,
perpétuam nobis miseri-
córdiam benígnus impén-
de. Per Dóminum.

Deinde pro S. Romano :

Ant. Qui odit ánimam
suam in hoc mundo, in
vitam ætérnam custódit
eam.

℣. Justus ut palma.

Oratio

PRæsta, quæsumus, om-
nípotens Deus : ut,
intercedente beáto Romá-
no Mártire tuo, et a
cunctis adversitatibus li-
berémur in córpore, et a
pravis cogitatióibus
mundémur in mente. Per
Dóminum.

**Vesperæ de sequenti, Com-
memoratio præcedentis.**

DIE 10 AUGUSTI

S. Laurentii **Martyris**

DUPLIX II CLASSIS CUM OCTAVA SIMPLICI

IN I VESPERIS

Ant. 1 Lauréntius * ingressus est Martyr, et conféssus est nomen Dómini Jesu Christi.

Psalmi ut in I Vesperis de Communi Apostolorum. [3]

2 Lauréntius * bonum opus operátus est, qui per signum crucis cæcos illuminávit.

3 Adhæsit * ánima mea post te, quia caro mea igne cremáta est pro te, Deus meus.

4 Misit Dóminus * Angelum suum, et liberávit me de médio ignis, et non sum æstuátus.

5 Beátus Lauréntius * orábat dicens : Grátias tibi ago, Dómine, quia jánuas tuas ingredi mérui.

In II Vesperis**Psalmus 115**

CRédidi, propter quod locútus sum : * ego autem humiliátus sum nimis.

Ego dixi in excéssu meo : * Omnis homo mendax.

Quid retríbuam Dómino, * pro ómnibus, quæ retríbuit mihi?

Cálicem salutáris accipiam : * et nomen Dómini invocábo.

Vota mea Dómino reddam coram omni pópulo ejus : * pretiósa in conspéctu Dómini mors sanctorum ejus :

O Dómine, quia ego servus tuus : * ego servus tuus, et filius ancillæ tuæ.

Dirupísti víncula mea : * tibi sacrificábo hóstiam laudis, et nomen Dómini invocábo.

Vota mea Dómino reddam in conspéctu omnis pópuli ejus : * in átriis domus Dómini, in médio tui, Jerúsalem.

Ant. Beátus Lauréntius orábat dicens : Grátias tibi ago, Dómine, quia jánuas tuas ingredi mérui.

Capitulum 2 Cor. 9, 6

FRatres : Qui parce séminat, parce et metet; et qui séminat in benedictiónibus, de benedictiónibus et metet.

Hymnus

DEus, tuórum mílitum
Sors, et coróna, præ-
mium,
Laudes canéntes Mártyris
Absólve nexu críminis.

Hic nempe mundi gáudia,
Et blanda fraudum pábula
Imbúta felle députans,
Pervénit ad cæléstia.

Pœnas cucúrrit fórtiter,
Et sústulit viríliter,
Fundénsque pro te sán-
guinem,
ÆtéRNA dona póssidet.

Ob hoc precátu súplici
Te póscimus, piíssime :
In hoc triúmpho Mártyris
Dimítte noxam sérvulis.

* **L**aus et perénis glória
Patri sit, atque Fílio,
Sancto simul Paráclito,
In sempitéRNA sácula.
Amen.

✠. Glória et honóre coro-
násti eum, Dómine. ✠. Et
constituísti eum super
ópera mánuum tuárum.

Ad Magnif. Ant. Levíta
Lauréntius * bonum opus
operátus est, qui per si-
gnum crucis cæcos illumi-
návit, et thesaúros Ecclé-
siæ dedit paupéribus.

In II Vesperis

✠. Levíta Lauréntius bo-
num opus operátus est.
✠. Qui per signum crucis
cæcos illuminávit.

Ad Magnif. Ant. Beátus
Lauréntius, * dum in cra-
tícula superpósitus urerétur,
ad impiíssimum ty-
ránnum dixit : Assátum
est jam, versa et mandú-
ca; nam facultátes Ecclé-
siæ, quas requíris, in cæ-
léstes thesaúros manus
pauperum deportavérunt.

Oratio

DA nobis, quæsumus,
omnípotens Deus, vi-
tiórum nostrórum flam-
mas exstinguere : qui
beáto Lauréntio tribuísti
tormentórum suórum in-
céndia superáre. Per Dó-
minum.

**Et fit Commem. præceden-
tis :**

Ant. Hic vir, despiciens
mundum et terréna, triúm-
phans, divítias cælo cón-
didit ore, manu.

✠. Justum dedúxit.

Oratio

OMnípotens et miséri-
cors Deus, qui san-
ctum Joánnem Mariám
pastoráli stúdio et jugi
oratiónis ac pœniténtiæ
ardóre mirábilem effecísti :
da, quæsumus; ut, ejus
exémplum et intercessióne,
ánimas fratrum lucrári
Christo, et cum eis ætér-
nam glóriam cónsequi va-
leámus. Per eúndem Dó-
minum.

Completorium de Dominica.

AD MATUTINUM

Invitat. Beátus Lauréntius Christi Martyr triúmphat coronátus in cælis :
* Veníte, adorémus Dóminum. **Ps. 94** Veníte, exsultémus.

Hymnus Deus, tuórum,
ut supra. 868

In I Nocturno

Ant. Quo progréderis *
sine filio, pater? quo, sacerdos sancte, sine ministro próperas?

Psalmus 1

Eátus vir, qui non ábiit in consílio impiórum, et in via peccatórum non stetit, * et in cáthedra pestiléntiæ non sedit :

Sed in lege Dómini volúntas ejus, * et in lege ejus meditábitur die ac nocte.

Et erit tamquam lignum, quod plantátum est secus decúrsus aquárum, * quod fructum suum dabit in témpore suo :

Et fólium ejus non defluet : * et ómnia quæcúmque fáciat, prosperabúntur.

Non sic ímpii, non sic : * sed tamquam pulvis, quem prójicit ventus a fácie terræ.

Ideo non resúrgent ímpii in iudício : * neque peccatóres in concílio justórum.

Quóniam novit Dóminus viam justórum : * et iter impiórum períbit.

Ant. Quo progréderis sine filio, pater? quo, sacerdos sancte, sine ministro próperas?

Ant. Noli me derelinquere, * pater sancte, quia thesaúros tuos jam expéndi, quos tradidísti mihi.

Psalmus 2

QUare fremuérunt gentes, * et pópuli meditati sunt inánia?

Astitérunt reges terræ, et príncipes convenérunt in unum * advérsus Dóminum, et advérsus Christum ejus.

Dirumpámus víncula eórum : * et projiciámus a nobis jugum ipsórum.

Qui hábitat in cælis, irridébit eos : * et Dóminus subsannábit eos.

Tunc loquétur ad eos in ira sua : * et in furóre suo conturbábit eos.

Ego autem constitútus sum Rex ab eo super Sion montem sanctum ejus, * prædicans præceptum ejus.

Dóminus dixit ad me : * Fílius meus es tu, ego hódie génui te.

Póstula a me, et dabo tibi gentes hereditátem tuam, * et possессиónem tuam términos terræ.

Reges eos in virga férrea, * et tamquam vas figuli confringes eos.

Et nunc, reges, intelligite : * erudímini, qui iudicátis terram.

Servíte Dómino in timóre : * et exsultáte ei cum tremóre.

Apprehéndite disciplinam, nequándo irascátur Dóminus, * et pereátis de via justa.

Cum exárserit in brevi ira ejus, * beáti omnes qui confidunt in eo.

Ant. Noli me derelínquere, pater sancte, quia thesaúros tuos jam expéndi, quos tradidísti mihi.

Ant. Non ego te désero, * fili, neque derelínquo; sed majóra tibi debéntur pro Christi fide certámina.

Psalmus 3

Domine, quid multiplicáti sunt qui tribulant me? * multi insúrgunt advérsus me.

Multi dicunt ánimæ meæ : * Non est salus ipsi in Deo ejus.

Tu autem, Dómine, suscepátor meus es, * glória mea, et exáltans caput meum.

Voce mea ad Dóminum clamávi : * et exaudivit me de monte sancto suo.

Ego dormívi, et soporátus sum : * et exsurrexi, quia Dóminus suscepit me.

Non timébo míllia pópuli circumdántis me : * exsúrge, Dómine, salvum me fac, Deus meus.

Quóniam tu percussísti omnes adversántes mihi sine causa : * dentes peccatórum contrivísti.

Dómini est salus : * et super pópulum tuum benedictio tua.

Ant. Non ego te désero, fili, neque derelínquo; sed majóra tibi debéntur pro Christi fide certámina.

✠. Glória et honóre coronásti eum, Dómine. ✠. Et constituísti eum super ópera mánuum tuárum.

De libro Ecclesiástici

Lectio i Cap. 51, 1-17



Confitébor tibi, Dómine, Rex, et colaudábo te Deum Salvatórem meum. Confitébor nómini tuo : quóniam adjútor et protéctor factus es mihi, et liberásti corpus meum a perditíone, a láqueo linguæ iníquæ et a lábiis operántium mendácium, et in conspéctu astántium factus es mihi adjútor. Et liberásti me secúndum multitudínem misericórdiæ nóminis tui a rugiéntibus, præparátis ad escam, de mánibus quæréntium ánimam meam, et de portis tribulatiónum, quæ circumdedérunt me : a pressúra

flammæ, quæ circúmdedit me, et in médio ignis non sum æstuátus : de altitúdine ventris inferi, et a lingua coinquináta, et a verbo mendácii, a rege iníquo, et a lingua injústa.

✠. Levíta Lauréntius bonum opus operátus est, qui per signum crucis cæcos illuminávit, * Et thesáuros Ecclésiæ dedit paupéribus. ✠. Dispérsit, dedit paupéribus : justítia ejus manet in sáeculum sáeculi. — Et.

Lectio ii

Laudábit usque ad mortem ánima mea Dóminum, et vita mea appropinquans erat in inférno deórsum. Circumdedérunt me úndique, et non erat qui adjuváret. Respiciens eram ad adjutórium hóminum, et non erat. Memorátus sum misericórdiæ tuæ, Dómine, et operatiónis tuæ, quæ a sáeculo sunt : quóniam éruis sustinéntes te, Dómine, et liberas eos de mánibus génitium. Exaltásti super terram habitatiónem meam, et pro morte defluente deprecátus sum.

✠. Puer meus, noli timére, quia ego tecum sum, dicit Dóminus : * Si transieris per ignem, flamma non nocébit tibi, et odor ignis non erit in te. ✠. Li-

berábo te de manu pessimórum et éruam te de manu fórtium. — Si.

Lectio iii

Invocávi Dóminum, Patrem Dómini mei, ut non derelinquat me in die tribulatiónis meæ, et in témpore superbórum sine adjutório. Laudábo nomen tuum assidue, et collaudábo illud in confessióne, et exaudíta est orátio mea. Et liberásti me de perditióne, et eripuísti me de témpore iníquo. Proptérea confitébor, et laudem dicam tibi, et benedicam nómini Dómini.

✠. Strinxérunt córporis membra pósita super craticulam : ministrántibus prunas insúltat Levíta Christi : * Beáte Laurénti, Martyr Christi, intercède pro nobis. ✠. Mea nox obscúrum non habet, sed ómnia in luce claréscunt. — Beáte. Glória Patri. Beáte.

In II Nocturno

Ant. Beátus Lauréntius * orábat, dicens : Dómine Jesu Christe, Deus de Deo, miserére mihi servo tuo.

Psalmus 4

EUM invocárem exaudivit me Deus justítiæ meæ : * in tribulatióne dilatásti mihi.

Miserére mei, * et exáudi oratiónem meam.

Fílii hóminum, úsquequo gravi corde? * ut quid dilígitis vanitátem, et quæritis mendácium?

Et scitóte quóniam mirificávit Dóminus sanctum suum : * Dóminus exáudiet me cum clamávero ad eum.

Irascimini, et nolíte peccáre : * quæ dícitis in córdibus vestris, in cubílibus vestris compungimini.

Sacrificáte sacrificium justítiae, et speráte in Dómino. * Multi dicunt : Quis osténdit nobis bona?

Signátum est super nos lumen vultus tui, Dómine : * dedísti lætítiam in corde meo.

A fructu fruménti, vini, et ólei sui * multiplicáti sunt.

In pace in idípsum * dórmiam, et requiéscam;

Quóniam tu, Dómine, singuláriter in spe * constituísti me.

Ant. Beátus Lauréntius orábat, dicens : Dómine Jesu Christe, Deus de Deo, miserére mihi servo tuo.

Ant. Dixit RománuS * ad beátum Lauréntium : Vídeo ante te júvenem pulchérissimum, festína me baptizáre.

Psalmus 5

Verba mea áuribus pèr-
cipe, Dómine, * intél-
lige clamórem meum.

Inténde voci oratiónis meæ, * Rex meus et Deus meus.

Quóniam ad te orábo : * Dómine, mane exáudies vocem meam.

Mane astábo tibi et vidébo : * quóniam non Deus volens iniquitátem tu es.

Neque habitábit juxta te malignus : * neque permánébunt injústi ante óculos tuos.

Odísti omnes, qui operántur iniquitátem : * perdes omnes, qui loquúntur mendácium.

Virum sánguinem et dolósum abominábitur Dóminus : * ego autem in multitúdine misericórdiae tuæ.

Introíbo in domum tuam : * adorábo ad templum sanctum tuum in timóre tuo.

Dómine, deduc me in justítia tua : * propter inimícos meos dírige in conspéctu tuo viam meam.

Quóniam non est in ore eórum véritas : * cor eórum vanum est.

Sepúlcrum patens est guttur eórum, linguis suis dolóse agébant, * júdica illos, Deus.

Décidant a cogitatióibus suis, secúndum multitúdinem impietátum eórum expélle eos, * quóniam irritavérunt te, Dómine.

Et læténtur omnes, qui sperant in te, * in ætérnum exsultábunt : et habitábis in eis.

Et gloriabúntur in te omnes, qui díligunt nomen tuum, * quóniam tu benedíces justo.

Dómine, ut scuto bonæ voluntátis tuæ * coronásti nos.

Ant. Dixit Románuſ ad beátum Lauréntium : Vídeo ante te júvenem pulchérimum, festína me baptizáre.

Ant. Beátus Lauréntius * dixit : Mea nox obscúrum non habet, sed ómnia in luce claréscunt.

Psalmus 8

Domine, Dóminus noster, * quam admirábile est nomen tuum in univérſa terra!

Quóniam eleváta est magnificéntia tua, * super cælos.

Ex ore infántium et lacténtium perfecísti laudem propter inimícos tuos, * ut déstruas inimícum et ultórem.

Quóniam vidébo cælos tuos, ópera digitórum tuórum : * lunam et stellas, quæ tu fundásti.

Quid est homo, quod memores ejus? * aut fílius hóminis, quóniam vísitas eum?

Minuísti eum paulo mi-

nus ab Angelis, glória et honóre coronásti eum : * et constituísti eum super ópera mánuum tuárum.

Omnia subjecísti sub pédibus ejus, * oves et boves univérſas : insuper et pécora campi.

Vólucres cæli, et pisces maris, * qui perámbulant sémitas maris.

Dómine, Dóminus noster, * quam admirábile est nomen tuum in univérſa terra!

Ant. Beátus Lauréntius dixit : Mea nox obscúrum non habet, sed ómnia in luce claréscunt.

℟. Posuísti, Dómine, super caput ejus. **℟.** Coronam de lápide pretióso.

Sermo sancti Leónis Papæ

**In Natali S. Laurentii,
post initium**

Lectio iv



EUM furor gentílium potestátum in electíſſima quæque Christi membra sævíret, ac præcípuè eos qui órdinis erant sacerdotális impéteret, in levítam Lauréntium, qui non solum ministério sacramentórum sed étiam dispensatióne ecclesiásticæ substántiæ præeminébat, impius persecútor efférbuit, dúplicem sibi prædam de unius viri comprehensióne promíttens; quem, si fecísset

sacræ pecûniæ traditorem, faceret etiam veræ religionis exsortem. Armatur itaque gemina face homo pecûniæ cupidus et veritatis inimicus : avaritia, ut rapiat aurum; impietate, ut auferat Christum. Postulat sibi ab immaculato sacrarii præsule opes ecclesiasticas, quibus avidissimus inhiabat, inferri. Cui Levita castissimus, ubi eas repõsit haberet ostendens, numerosissimos sanctorum pauperum obtulit greges, in quorum victu atque vestitu inamissibiles considerat facultates, quæ tanto integrius erant salvæ, quanto sanctius probabantur expensæ.

✠. Quo progræderis sine filio, pater? quo, sacerdos sancte, sine diacono properas? * Tu numquam sine ministro sacrificium offerre consueveras. ✠. Quid ergo in me displicuit paternitati tuæ? numquid degenerem me probasti? Experire utrum idoneum ministrum elegeris, cui commisisti Domini sanguinis dispensationem. — Tu.

Lectio v

FRemit ergo prædo frustratus, et in odium religionis, quæ talem divitiarum usum instituisset, ardescens, direptionem

thesauri potioris aggreditur, apud quem nullam denariorum substantiam reperisset; ut illud depositum, quo sacratius erat dives, auferret. Renuntiare Christo Laurentium jubet, et solidissimam illam levitici animi fortitudinem diris parat urgere suppliciis; quorum ubi prima nil obtinent, vehementiora succedunt. Laceros artus et multa verberum sectione conscissos subiecto præcipit igne torreri; ut per cratem ferream, quæ jam de fervore continuo vim in se haberet urendi, conversorum alterna mutatione membrorum, fieret cruciatus vehementior et poena productior.

✠. Noli me derelinquere, pater sancte, quia thesauros tuos jam expendi. * Non ego te desero, fili, neque derelinquo; sed majora tibi debentur pro fide Christi certamina. ✠. Nos quasi senes levioris pugnae cursum recipimus, te autem quasi juvenem manet gloriosior de tyranno triumphus : post triduum me sequeris sacerdotem levita. — Non.

Lectio vi

Nihil obtines, nihil proficis, sæva crudelitas. Subtrahitur tormentis tuis materia mortalis, et, Lau-

réntio in cælos abeúnte, tu défcis flammis tuis. Superári caritas Christi flamma non pótuit; et ségnior fuit ignis, qui foris ussit, quam qui intus accéndit. Sævísti persecútor in Mártyrem : sævísti, et auxísti palmam, dum ággeras pœnam. Nam quid non ad victóris glóriam ingénium tuum réperit, quando in honórem transiérunt triúmphí étiam instruménta supplicii? Gaudeámus igitur, dilectíssimi, gáudio spiritali, et de felicíssimo ínclýti viri fine gloriémur in Dómino, qui est mirábilis in Sanctis suis, in quibus nobis et præsidium constituit et exéplum; atque ita per univérsum mundum clarificávit glóriam suam, ut a solis ortu usque ad occásus, leviticórum lúminum coruscánte fulgóre, quam clarificáta est Jerosólýma Stéphanó, tam illústris fieret Roma Lauréntio.

℟. Beátus Lauréntius clamávit et dixit : Deum meum colo, illi soli sérvio; * Et ideo non tímeo tormentá tua. ℣. Mea nox obscúrum non habet, sed ómnia in luce claréscunt. — Et. Glória Patri. Et.

In III Nocturno

Ant. Strinxérunt * corpóris membra pósita super

craticulam : subjiciéntibus prunas insúltat levíta Christi.

Psalmus 14



Omíne, quis habitábit in tabernáculo tuo? * aut quis requiészet in monte sancto tuo?

Qui ingréditur sine mácula, * et operátur justítiam :

Quo lóquitur veritátem in corde suo, * qui non egit dolum in lingua sua :

Nec fecit próximo suo malum, * et oppróbrium non accépit advérsus próximos suos.

Ad níhilum dedúctus est in conspéctu ejus malignus : * tíméntes autem Dóminum gloríficat :

Qui jurat próximo suo, et non decípit, * qui pecúniam suam non dedit ad usúram, et múnera super innocéntem non accépit.

Qui facit hæc, * non móvêbitur in ætérnum.

Ant. Strinxérunt corpóris membra pósita super craticulam : subjiciéntibus prunas insúltat levíta Christi.

Ant. Igne me examinásti, * et non est invénta in me iníquitas.

Psalmus 16

EXáudi, Dómine, justítiam meam : * inténde deprecationem meam.

Auribus pèrcipe orationem meam, * non in labiis dolosis.

De vultu tuo iudicium meum pròdeat : * oculus tui videant aequitates.

Probasti cor meum, et visitasti nocte : * igne me examinasti, et non est inventa in me iniquitas.

Ut non loquatur os meum opera hominum : * propter verba labiorum tuorum ego custodivi vias duras.

Pèrfice gressus meos in semitis tuis : * ut non moveantur vestigia mea.

Ego clamavi, quoniam exaudisti me, Deus : * inclina aurem tuam mihi, et exaudi verba mea.

Mirifica misericordias tuas, * qui salvos facis sperantes in te.

A resistentibus dexteræ tuæ custodi me, * ut pupillam oculi.

Sub umbra alarum tuarum pròtege me : * a facie impiorum qui me afflixerunt.

Inimici mei animam meam circumdederunt, adipem suum concluderunt : * os eorum locutum est superbiam.

Projicientes me nunc circumdederunt me : * oculos suos statuerunt declinare in terram.

Susceperunt me sicut leo paratus ad prædam : * et

sicut catulus leonis habitans in abditis.

Exsurgere, Domine, præveni eum, et supplanta eum : * eripe animam meam ab impio, frameam tuam ab inimicis manus tuæ.

Domine, a paucis de terra divide eos in vita eorum : * de absconditis tuis adimplétus est venter eorum.

Saturati sunt filii : * et dimiserunt reliquias suas parvulis suis.

Ego autem in iustitia apparebo conspectui tuo : * satiabor cum apparuerit gloria tua.

Ant. Igne me examinasti, et non est inventa in me iniquitas.

Ant. Interrogatus * te Dominum confessus sum, assatus grátias ago.

Psalmus 20

Domine, in virtute tua lætabitur rex : * et super salutare tuum exultabit vehementer.

Desiderium cordis ejus tribuisti ei : * et voluntate labiorum ejus non fraudasti eum.

Quoniam prævenisti eum in benedictionibus dulcedinis : * posuisti in capite ejus coronam de lapide pretioso.

Vitam petiit a te : * et tribuisti ei longitudinem

diérum in sæculum, et in sæculum sæculi.

Magna est glória ejus in salutári tuo : * glóriam et magnum decórem impónes super eum.

Quóniam dabis eum in benedictiónem in sæculum sæculi : * lætificábis eum in gáudio cum vultu tuo.

Quóniam rex sperat in Dómino : * et in misericórdia Altíssimi non commovébitur.

Inveniátur manus tua ómnibus inimícis tuis : * dextera tua invéniat omnes, qui te odérunt.

Pones eos ut clibanum ignis in témpore vultus tui : * Dóminus in ira sua conturbábit eos, et devorábit eos ignis.

Fructum eórum de terra perdes : * et semen eórum a filiis hóminum.

Quóniam declinavérunt in te mala : * cogitavérunt consília, quæ non potuerunt stabilíre.

Quóniam pones eos dorsum : * in reliquiis tuis præparábis vultum eórum.

Exaltáre, Dómine, in virtúte tua : * cantábitus et psallémus virtútes tuas.

Ant. Interrogátus te Dóminum conféssus sum, asátus grátias ago.

V. Magna est glória ejus in salutári tuo. **R.** Glóriam et magnum decórem impónes super eum.

Léctio sancti Evangélii
secúndum Joánnem

Lectio vii Cap. 12, 24-26

IN illo témpore : Dixit Jesus discipulis suis : Amen, amen dico vobis, nisi granum fruménti cadens in terram, mórtuum fúerit, ipsum solum manet. Et réliqua.

Homília sancti Augustíni
Epíscopi

**Tract. 51 in Joannem,
sub medium**



Pse Dóminus Jesus erat granum mortificándum et multiplicándum; mortificándum infidelitáte Judæórum, multiplicándum fide populórum. Jam vero exhortans ad passiónis suæ sectánda vestigia, Qui amat, inquit, ánimam suam, perdet eam. Quod duóbus modis intélligi potest. Qui amat, perdet; id est, si amas, perdes. Si cupis vitam tenére in Christo, noli mortem timére pro Christo. Item álio modo : Qui amat ánimam suam, perdet eam; noli amáre, ne perdas; noli amáre in hac vita, ne perdas in ætérna vita.

R. In cráticula te Deum non negávi, * Et ad ignem applicátus te Dóminum Jesum Christum conféssus sum. **V.** Probásti, Dómine, cor meum, et visitásti

nocte. — Et ad ignem applicátus te Dóminum Jesum Christum conféssus sum.

Lectio viii

HOC autem, quod postérius dixi, magis habére vidétur evangélicus sensus; séquitur enim : Et qui odit ánimam suam in hoc mundo, in vitam ætérnam custódit eam. Ergo, quod supra dictum est, Qui amat, subintelligitur in hoc mundo, ipse útique perdet; qui autem odit, útique in hoc mundo, in vitam ætérnam ipse custódit eam. Magna et mira senténtia, quemádmódum sit hóminis in ánimam suam amor ut pér-eat, ódium ne péreat. Si male amáveris, tunc odísti; si bene óderis, tunc amásti. Felices, qui odérunt custodiéndo, ne perdant amándo.

℟. O Hippólyte, si credideris in Dóminum Jesum Christum, * Et thesáuros tibi osténdo, et vitam ætérnam promítto. ℣. Beátus Lauréntius Hippólyto dixit : Si credis in Dóminum Jesum Christum. — Et. Glória Patri. Et.

Lectio ix

SED vide ne tibi subrépat ut teípsum velis interímere, sic intelligéndo, quod debes odísse in

hoc mundo ánimam tuam. Hinc enim quidam maligni atque perversi hómines, et in seípsis crudelióres et sceleratióres homicidæ, flammis se donant, aquis se præfócant, præcipítio se collidunt, et péreunt. Hoc Christus non dócuit; immo étiam diábolo præcipítium suggerénti respóndit : Redi retro, sá-tana : scriptum est, Non tentábis Dóminum, Deum tuum. Petro autem dixit, significans qua morte clarificatúrus erat Deum : Cum esses júnior, cingébas te, et ambulábas quo volébas; cum autem senúeris, alter te cinget et feret quo tu non vis. Ubi satis expréssit, non a seípso, sed ab álío debére occídi, qui vestígia séquitur Christi.

Te Deum laudámus.

AD LAUDES

et per Horas, Añæ

1 Lauréntius * ingrédessus est Martyr, et conféssus est nomen Dómini Jesu Christi.

Psalmi de Dominica.

2 Lauréntius * bonum opus operátus est, qui per signum crucis cæcos illuminávit.

3 Adhæsit * ánima mea post te, quia caro mea igne cremáta est pro te, Deus meus.

4 Misit Dóminus * Angelum suum, et liberávit me de médio ignis, et non sum æstuátus.

5 Beátus Lauréntius * orábat dicens : Grátias tibi ago, Dómine, quia jánuas tuas ingredi mérui.

Capitulum 2 Cor. 9, 6

FRatres : Qui parce séminat, parce et metet; et qui séminat in benedictiónibus, de benedictiónibus et metet.

Hymnus

INvícte Martyr, únicum Patris secútus Fílium, Victis triúmphas hóstibus, Victor fruens cæléstibus.

Tui precátus múnere
Nostrum reátum dílué,
Arcens mali contágium,
Vitæ repéllens tædium.

Solúta sunt jam víncula
Tui sacráti córporis :
Nos solve vinclis sæculi,
Dono supérni Núminis.

* Deo Patri sit glória,
Ejúsque soli Fílio,
Cum Spíritu Paráclito,
Nunc et per omne sæculum. Amen.

℣. Dispérsit, dedit paupéribus. ℞. Justítia ejus manet in sæculum sæculi.

Ad Bened. Ant. In cratícula * te Deum non negávi, et ad ignem applicátus te Christum conféssus sum; probásti cor meum,

et visitásti nocte; igne me examinásti, et non est in-vénta in me iníquitas.

Oratio

DA nobis, quæsumus, Omnípotens Deus, vitiórum nostrórum flammās exstinguere : qui beáto Lauréntio tribuísti tormentórum suórum incéndia superáre. Per Dóminum.

Ad Horas Psalmi de Dominica, ad Primam tamen ut in Festis.

AD PRIMAM

Ant. Lauréntius * ingressus, **ut supra. 878**

AD TERTIAM

Ant. Lauréntius * bonum, **ut supra. 878**

Capit. Fratres, **ut supra.**

℞. br. Glória et honóre * Coronásti eum, Dómine. Glória et. ℣. Et constituísti eum super ópera mánuum tuárum. Coronásti. Glória Patri. Glória et. ℣. Posuísti, Dómine, super caput ejus. ℞. Coronam de lápide pretióso.

AD SEXTAM

Ant. Adháesit * ánima, **ut supra. 878**

Capitulum 2 Cor. 9, 7

UNusquísque prout destínávit in corde suo, non ex tristítia aut ex necessitáte; hílarem enim datórem díligit Deus.

℟. br. Posuisti, Dómine,
 * Super caput ejus. Posuisti. ℣. Corónam de lápide pretiósó. Super. Glória Patri. Posuisti. ℣. Magna est glória ejus in salutári tuo. ℟. Glóriam et magnum decórem impónes super eum.

AD NONAM

Ant. Beátus Lauréntius * orábat dicens : Grátias tibi ago, Dómine, quia jánuas tuas ingredi mérui.

Capitulum 2 Cor. 9, 8-9

Potens est autem Deus omnem grátiam abundáre fácere in vobis, ut, in ómnibus semper omnem sufficiéntiam habéntes, abundétis in omne opus bonum, sicut scriptum est : Dispérsit, dedit paupéribus : justítia ejus manet in sáeculum sáeculi.

℟. br. Magna est glória ejus * In salutári tuo. Magna est. ℣. Glóriam et magnum decórem impónes super eum. In. Glória Patri. Magna est. ℣. Justus ut palma florébit. ℟. Sicut cedrus Líbani multiplicábitur.

IN II VESPERIS

Omnia ut in I Vesperis 867, præter sequentia :

Psalmi ut in I Vesperis de Communi App. [3], sed loco ultimi dicitur Ps. 115 Crédi-
 di, ut supra notatur. 867

℣. Levíta Lauréntius bonum opus operátus est. ℟. Qui per signum crucis cæcos illuminávit.

Ad Magnif. Ant. Beátus Lauréntius, * dum in cráticula superpósitus urerétur, ad impiíssimum tyránnum dixit : Assátum est jam, versa et mandúca; nam facultátes Ecclésiæ, quas requíris, in cæléstes thesáuros manus páuperum deportavérunt.

Et non fit Com. sequentis.

Completorium de Dominica.

De Octava S. Laurentii fit tantum Commemoratio in die ipsa Octava, ut suo loco notatur.

Die 11 Augusti

Ss. Tiburtii et Susannæ
 Virg., Mart. [49] Simplex

Lectio iii

Tibúrtius, Chromátii præfécti Urbis fílius, sancti Sebastíani ópera christiánuS, cum ob eam causam ad Fabiánum júdicem addúctus esset multa-
 que apud illum de Christi fide prædicáret, excandéscens judex paviméntum candéntibus carbónibus sterni jubet. Mox, Tibúrti, inquit, vel diis nostris sacrifices opórtet, vel per istos carbónes nudis pédibus tibi incedéndum est. At ille, crucis signo se

múniens fidentérque ámbulans in pruna, Disce, inquit, ex hoc solum esse Deum, quem Christiáni colunt; prunæ enim mihi flores vidéntur. Quod cum mágicis ártibus tribuerétur, extra Urbem ductus Tibúrtius, ac via Lavicána tértio ab Urbe lápide gládio percússus, ibi a Christiánis sepelítur. Quo die Susánna virgo nobilíssima, quod Galérii Maximiáni, filii Diocletiáni imperatóris, conjúgium recusáret, ut quæ virginitátem Deo vóverat : post multa tormentórum génera, quibus várie tentátum est sanctum Vírginis propósitum, domi suæ, jussu imperatóris, gládio percússa, ad duplex virginitátis et martýrii præmium migrávit in cælum. **Te Deum.**

✠. Exsultábunt Sancti.

Ad Bened. Ant. Vestri capílli cápitis * omnes numeráti sunt : nolíte timére : multis passéribus meliôres estis vos.

Oratio

Sanctorum Mátyrum tuorum Tibúrtii et Susánnæ nos, Dómine, foveant continuáta præsidia : quia non désinis propítius intuéri; quos tali-bus auxiliis concésseris adjuvári. Per Dóminum.

Vesperæ de sequenti.

Die 12 Augusti

S. Claræ Virginis [111]

Duplex

✠. Spécie tua et.

Ad Magnif. Ant. Veni, Sponsa Christi, * áccipe corónam, quam tibi Dóminus præparávit in ætérnum.

Oratio

C 3

EXáudi nos, Deus, salutaris noster : ut, sicut de beátæ Claræ Vírginis tuæ festivitáte gaudémus; ita piæ devotiónis erudiámur afféctu. Per Dóminum.

In II Nocturno

Lectio iv



Lara nóbilis virgo, Assísii nata in Umbria, sanctum Franciscum concívem suum imitáta, cuncta sua bona in eleemósynas et páuperum subsídia distribuit et convértit. De sæculi strépitu fúgiens, in campéstrem declinávit ecclésiám, ibique ab eódem beáto Francisco recépta tonsúra, consanguíneis ipsam redúcere conántibus fórtiter réstitit. Et déni-que ad ecclésiám sancti Damiáni fuit per eúndem addúcta, ubi ei Dóminus plures sócias aggregávit; et sic ipsa sacrárum sorórum collégium instituit,

quarum régimen, nímia sancti Francísci devícta importunitáte, recépít. Suum monastérium sollicité ac prudénter, in timóre Dómini ac plena órdis observántia, annis quadragínta duóbús mirabíliter gubernávit; ejus enim vita erat áliis eruditio et doctrína, unde céteræ vivéndi régulam didicérunt.

✠. Propter veritátem, et mansuetúdinem, et justítiam : * Et dedúcet te mirabíliter délixtera tua.

✠. Spécie tua et pulchritúde tua inténde, prospere procéde, et regna. — Et dedúcet.

Lectio v

UT, carne depréssa, spírítu convalesceret, nudam humum et intérdum sarménta pro lecto habébat, et pro pulvinári sub cápíte durum lignum. Una túnica cum mantéllo de vili et hispido panno utebátur, áspero cilício núnquam adhíbito juxta carnem. Tanta se frenábat abstinentía, ut longo témpore tribus in hebdomada diébus nihil pénitus pro sui córporis aliménto gustáverit; réliquis autem diébus tali se cibórum parvitáte restringens, ut áliæ, quómodo subsistere pótérat, miraréntur. Binas quot-ánnis (ántequam ægrotá-

ret) quadragésimas, solo pane et aqua refécta, jejunábat. Vigíliis insuper et oratióibus assidue dédita, in his præcipue dies noctésque expendébat. Diútinis perpléxa languóribus, cum ad exercítium corporále non posset súrgere per se ipsam, sorórum suffrágio levabátur; et, fulciméntis ad tergum appósitis, laborábat própriis mánibus, ne in suis étiam esset infirmitátibus otíosa. Amátrix præcipua paupertátis, ab ea pro nulla umquam necessitáte discéssit; et possessionés pro sorórum sustentatióne a Gregório nono oblátas constantíssime recusávit.

✠. Dilexísti justítiam, et odísti iniquitátem : * Proptérea unxit te Deus, Deus tuus, óleo lætitiæ.

✠. Propter veritátem, et mansuetúdinem, et justítiam. — Proptérea.

Lectio vi

MUltis et váriis miráculis virtus suæ sanctitátis effúlsit. Cuidam de soróribus sui monastérii loquélam restituit expeditam; áliteri aurem surdam apérui; laborántem febre, tuméntem hydrópsi, plagátam fístula, aliásque áliis oppréssas languóribus liberávit. Fratrem de órdis Minórum ab insá-

niæ passiõne sanávit. Cum óleum in monastério totá-liter defecísset, Clara accépit úrceum atque lavit, et invéntus est óleo, beneficio divínæ largitátis, im-plétus. Unius panis medietátem ádeo multiplicávit, ut soróribus quinquaginta suffécerit. Saracénis Assísium obsidéntibus et Claræ monastérium invádere conántibus, ægra se ad portam afférri vóluit, unáque vas in quo sanctíssimum Eucharístiæ sacraméntum erat inclúsum, ibíque orávit : Ne tradas, Dómine, béstiis ánimas confiténtes tibi, et custódi fámulas tuas, quas pretiósó sáanguine redemísti. In cujus oratióne ea vox audíta est : Ego vos semper custódiám. Saracéni autem partim se fugæ mandárunt, partim, qui murum ascénderant, capti óculis, præcípites cecidérunt. Ipsa dénique Virgo, cum in extrémis ágeret, a cándido beatárum Vírginum cœtu (inter quas una eminéntior ac fulgidior apparébat) visitáta, ac sacra Eucharístia sumpta, et peccatórum indulgéntia ab Innocéntio quarto ditáta, tértio Idus Augústi ánimam Deo réddidit. Post óbitum vero quam plúrimis miráculis resplendéntem Alexánder quar-

tus inter sanctas Vírgines rétulit.

✠. Afferéntur Regi vírgines post eam, próximæ ejus * Afferéntur tibi in lætítia et exsultatióne. ✠. Spécie tua et pulchritúdine tua inténde, prospere procéde, et regna. — Afferéntur tibi. Glória Patri. Afferéntur tibi.

Pro hoc Festo simplificato

Lectio ix

CLara, nóbilis virgo, Assísii nata in Umbria, sanctum Francíscum concívem suum imitáta, cuncta sua bona in eleemósynas et páuperum subsidia distribuit. De sáeculi strépitu fúgiens, in campéstrem declinávit ecclésiám, ibíque ab eódem beáto Francíscó recépta tonsúra, consanguíneis ipsam reducere conántibus fórtiter réstitit. Deínde ad ecclésiám sancti Damiáni per eúmdem addúcta, sacrárum sorórum collégium instituit, quarum régi-men, nímia sancti Francísci devícta importunitáte, recépit. Suum monastérium solícite ac prudénter annis quadraginta duóbus mirabíliter gubernávit. Saracénos monastérium invádere conántes, cum sanctíssimum Sacraméntum deférri jussísset, hu-

míllime orans, pénitus fugávit. Evolávit in cælum tértio Idus Augústi, et ab Alexándro Papa quarto inter sanctas Vírgines est reláta.

Te Deum laudámus.

In III Nocturno Homilia in Ev. Símile erit regnum cælórum, **de Communi Virginum** 1 loco. [122]

AD LAUDES

℣. Diffúsa est grátia.

Ad Bened. Ant. Símile est regnum cælórum hómini negotiátóri quærénti bonas margarítas : invénta una pretiósa, dedit ómnia sua, et comparávit eam.

Oratio

C 3

EXáudi nos Deus salutáris noster : ut sicut de beátæ Claræ Vírginis tuæ festivitáte gaudémus, ita piæ devotiónis erudiámur afféctu. Per Dóminum.

IN II VESPERIS

℣. Diffúsa est grátia.

Ad Magnif. Ant. Veni, Sponsa Christi, * áccipe corónam, quam tibi Dóminus præparávit in ætérnum.

Et fit Commem. seq.

Die 13 Augusti Ss. Hippolyti et Cassiani

Martyrum [49] Simplex

Ant. Istórum est enim regnum cælórum, qui contempsérunt vitam mundi, et pervenérunt ad præmia regni, et lavérunt stolas suas in ságuine Agni.

℣. Lætámmini in Dómino.

Oratio

DA, quæsumus, omnipotens Deus : ut beatórum Mártyrum tuórum Hippólyti et Cassiáni vneránda solémnitas, et devotiónem nobis áugeat et salútem. Per Dóminum.

¶ Si hodie fuerit Sabbatum, fit de Vigília anticipata Assumptionis, ut die sequenti notatur, cum Com. Ss. Martyrum.

Lectio iii

Hippólytus, a sancto Lauréntio baptizátus, domi suæ, dum Eucharístiam súmeret, comprehénsus, et ad Valeriánum imperatórem addúctus, ab eo de suæ religiónis professione interrogátus, libere se Christiánum professus est. Quam ob rem fústibus cæditur; quibus in verbéribus cum ejus fides constántior inveniretur, munéribus et honorum promíssis tentátur. Quæ cum ómnia frustra

diceréntur, præfécito occidéndus tráditur. Qui, domum Hippólyti véniens, ut ejus facultátes publicáret, totam famíliam cristiánam esse cognóscit; atque, iis a cristiána fide frustra detérritis, primum plumbátis cæsa Concórdia, Hippólyti nutríce, quæ céteros confirmábat, réliquos extra portam Tiburtínam occídi jubet. Hippólytus, indómitis equis raptátus per loca tribulis et cárduis cónsita, laceráto córpore, spíritum Deo réddidit, unáque cum réliquis a Justíno presbýtero ad agrum Veránum sepúltus est. Eádem die, ad Forum Syllæ, crudelíssimo supplicio afféctus est Cassiánus Martyr; qui, vinctis post terga mánibus, puerórum, quos erudiébat, férreis stilis configéndus excarnificandúsque tráditur. Quorum quanto erat infirmior vis, tanto ejus pœna martýrii grávior ac diutúrnior, pálmaque illústrior.

Te Deum laudámus.

✠. Exsultábunt Sancti.

Ad Bened. Ant. Vestri capílli cápitis * omnes numeráti sunt : nolíte timére : multis passéribus meliôres estis vos.

Oratio Da, quæsumus, ut supra. 884

Vesperæ de Feria, Commemoratio S. Eusebii Conf., ut infra.

Die 14 Augusti

**Pro Commemoratione
S. Eusebii Conf.**

In Vesp. præcedentis diei :

Ant. Similábo eum viro sapiénti, qui ædificávit domum suam supra petram.
✠. Amávit eum Dóminus.

Oratio

DEus, qui nos beáti Eusebii Confessóris tui ánnua solemnitáte lætíficas : concéde propítius; ut, cujus natalítia cólimus, per ejus ad te exémpla gradiámur. Per Dóminum.

**In Vigilia
Assumptionis
B. Mariæ Virg.**

Officium fit de Feria, ut in Ordinario et Psalterio, præter Orationem et Lectiones, ut infra, et Responsoria quæ dicuntur de Feria currenti, ut in Proprio de Tempore.

Ad Nocturnum vero in FERIA IV tres ultimæ Antiphonæ cum suis Psalmis, et ad Laudes in qualibet FERIA Antiphonæ omnes et Psalmi sumuntur de 2 loco; ad Primam additur quartus Psalmus, ut in Psalterio notatur, et ad omnes Horas dicuntur Preces feriales, ut in Psalterio de Ordinario.

In Nocturno

Lectio sancti Evangélii
secúndum Lucam

Lectio i Cap. 11, 27-28

IN illo témpore : Lo-
quente Jesu ad turbas,
extóllens vocem quædam
múlier de turba dixit illi :
Beátus venter qui te por-
távit. Et réliqua.

Homilia sancti Joánnis
ChrysóstomiIn Joann. c. 2 Homilia 20
circa finem

CUM audieris mulierem
illam dicentem : Beá-
tus venter qui te portávit,
et úbera quæ tu suxisti;
deínde Dóminum respon-
déntem : Quinímmo beáti,
qui áudiunt verbum Dei et
custódiunt illud; ea sen-
téntia dictum exístima,
non quod Matrem neglí-
geret, sed nihil ei utilitátis
matris nomen allatúrum
osténderet, nisi bonitáte
et fide præstáret. Quod si
Mariæ nihil, sine virtúte,
matérna cáritas erat pro-
futúra; longe minus nobis
patris, fratris, matris, filii
bónitas, nisi áliquid no-
strum afferámus.

Lectio ii

IN nullo namque álio,
nisi in solis sui ipsíus
virtútibus, post divínam
grátiam, de salúte cui-
piam sperándum est. Nam,

si id profutúrum erat per
se Mariæ, profuísset étiam
Judæis, quorum consan-
guíneus erat Christus se-
cúndum carnem; profuís-
set civitáti, in qua natus
est; profuísset frátribus.
Atquí, dum fratres rerum
suárum curam habuerunt,
nihil eis propinquitátis no-
men prófuit, sed cum réli-
quo mundo damnáti erant.

Lectio iii

Tunc autem admiratióni
esse cœpérunt, quando
própria claruérunt virtúte.
Pátria vero nihil inde con-
secúta cécidit, et incéndio
absúmpa est; concíves
mísere interémpti perié-
re; consanguínei secún-
dum carnem nil ad salú-
tem lucráti sunt, defi-
ciénte virtútis patrocínio.
Verum Apóstoli ante om-
nes claríssimi evasérunt,
cum se ad veram et expe-
téndam ejus familiari-
tátem consuetudinémque
per obediéntiam contulé-
runt. Hinc intelligimus,
fide semper nobis opus
esse, et vita quæ virtúti-
bus lúceat : hæc dumtáxat
salvos nos fácere póterit.

Oratio

DEus, qui virginálem
aulam beátæ Mariæ,
in qua habitáres, elígere
dignátus es : da, quæsu-
mus; ut, sua nos defen-
sióne munítos, jucúndos

fácias suæ interésse festi-
vitáti : Qui vivis.

**Et fit Commem. S. Eusebii
Conf. :**

Ant. Euge, serve bone et
fidélis, quia in pauca fuísti
fidélis, supra multa te con-
stitúam, intra in gáudium
Dómini tui.

✠. Justum dedúxit.

Oratio

DEus, qui nos beáti Eu-
sépii Confessóris tui
ánnuā solemnitáte lætífi-
cas : concéde propítius;
ut, cujus natalítia cólimus,
per ejus ad te exémpa
gradiámur. Per Dóminum.

Vesperæ de sequenti.

DIE 15 AUGUSTI

In Assumptione B. Mariæ V.

DUPLEX I CLASSIS CUM OCTAVA COMMUNI

**Omnia de Comm. Festorum
B. Mariæ Virg. [174], præter
ea quæ hic habentur propria.**

IN I VESPERIS

Ant. 1 Assúpta est Ma-
ría in cælum : * gaudent
Angeli, laudántes benedi-
cunt Dóminum.

2 Mariá Virgo assúpta
est * ad æthéreum thála-
mum, in quo Rex regum
stelláto sedet sólio.

3 In odórem * unguentó-
rum tuórum cúrrimus :
adolescéntulæ dilexérunt
te nimis.

4 Benedícta * filia tu a
Dómino : quia per te fru-
ctum vitæ comunicávi-
mus.

5 Pulchra es * et decóra,
filia Jerúsalem, terríbilis
ut castrórum ácies ordi-
náta.

Capit. Eccli. 24, 11-12

IN ómnibus réquiem quæ-
sivi, et in hereditáte
Dómini morábor. Tunc
præcépit et dixit mihi
Creátor ómnium, et, qui
creávit me, requiévít in
tabernáculo meo.

**Prima strophá sequentis
Hymni dicitur flexis genibus.**

Hymnus

AVE, maris stella,
Dei Mater alma,
Atque semper Virgo,
Felix cæli porta.

Sumens illud Ave
Gabriélis ore,
Funda nos in pace,
Mutans Hevæ nomen.

Solve vincla reis,
Profer lumen cæcis,
Mala nostra pelle,
Bona cuncta posce.

Monstra te esse matrem,
Sumat per te preces,
Qui pro nobis natus
Tulit esse tuus.

Virgo singuláris,
Inter omnes mitis,
Nos, culpis solútos,
Mites fac et castos.

Vitam præsta puram,
Iter para tutum,
Ut, vidéntes Jesum,
Semper collætémur.

Sit laus Deo Patri,
Summo Christo decus,
Spíritui Sancto,
Tribus honor unus.

Amen.

℟. Exaltáta est sancta
Dei Génitrix. **℣.** Super
choros Angelórum ad cæ-
léstia regna.

Ad Magnif. Ant. Virgo
prudentíssima, * quo pro-
gréderis, quasi auróra val-
de rútilans? Fília Sion,
tota formósa et suávis es,
pulchra ut luna, elécta ut
sol.

In II Vesperis

Ad Magnif. Ant. Hó-
die * María Virgo cælos
ascéndit : gaudéte, quia
cum Christo regnat in
ætérum.

Oratio

FAmulórum tuórum,
quæsumus, Dómine,
delíctis ignósce : ut, qui
tibi placére de áctibus no-
stris non valémus; Geni-
trícis Fílii tui Dómini no-

stri intercessióne salvé-
mur : Qui tecum vivit.

AD MATUTINUM

Invit. Veníte, adorémus
Regem regum, * Cujus
hódie ad æthéreum Virgo
Mater assúpta est cæ-
lum. **Ps. 94** Veníte, exsul-
témus.

Hymnus

Quem terra, pontus, sí-
dera

Colunt, adórant, prædi-
cant,

Trinam regéntem máchi-
nam,

Claustrum Mariæ bájulat.

Cui luna, sol et ómnia
Desérviunt per témpora,
Perfúsa cæli grátia,
Gestant puéllæ víscera.

Beáta Mater múnere,
Cujus, supérnus Artifex
Mundum pugíllo cónti-
nens,
Ventris sub arca clausus
est.

Beáta cæli núntio,
Fœcúnda Sancto Spíritu,
Desiderátus géntibus
Cujus per alvum fusus est.

Jesu tibi sit glória,
Qui natus es de Vírgine,
Cum Patre, et almo Spí-
ritu,

In sempitérna sæcula.

Amen.

In I Nocturno

Ant. Exaltáta est * san-
cta Dei Génitrix super

choros Angelórum ad cæléstia regna.

Psalmus 8



Domine, Dominus noster, * quam admirabile est nomen tuum in universa terra!

Quóniam eleváta est magnificentia tua, * super cælos.

Ex ore infántium et lacténtium perfecísti laudem propter inimicos tuos, * ut destruas inimicum et ultorem.

Quóniam vidébo cælos tuos, ópera digitorum tuorum : * lunam et stellas, quæ tu fundásti.

Quid est homo, quod memor es ejus? * aut fílius hóminis, quóniam vísitas eum?

Minuísti eum paulo minus ab Angelis, glória et honóre coronásti eum : * et constituísti eum super ópera mánuum tuárum.

Omnia subjecísti sub pedibus ejus, * oves et boves universas : insuper et pecora campi.

Volúcres cæli, et pisces maris, * qui perámbulant sémitas maris.

Dómine, Dominus noster, * quam admirabile est nomen tuum in universa terra!

Ant. Exaltáta est sancta Dei Génitrix super choros Angelórum ad cæléstia regna.

Ant. Paradísi portæ * per te nobis apértæ sunt, quæ hódie gloriósa cum Angelis triúmphas.

Psalmus 18

Cæli enarrant glóriam Dei, * et ópera mánuum ejus annúntiat firmaméntum.

Dies diéi erúctat verbum, * et nox nocti indicat sciéntiam.

Non sunt loquélæ, neque sermónes, * quorum non audiántur voces eórum.

In omnem terram exívit sonus eórum : * et in fines orbis terræ verba eórum.

In sole pósuit tabernaculum suum : * et ipse tamquam sponsus procedens de thálamo suo :

Exsultávit ut gigas ad curréndam viam, * a summo cælo egressio ejus :

Et occúrsus ejus usque ad summum ejus : * nec est qui se abscondat a calore ejus.

Lex Dómini immaculáta, convértens ánimas : * testimonium Dómini fídele, sapiéntiam præstans parvulis.

Justítiæ Dómini rectæ, lætificántes corda : * præceptum Dómini lúcidum, illúminans óculos.

Timor Dómini sanctus, pérmanens in sæculum sæculi : * judícia Dómini vera, justificáta in semetipsa.

Desiderabilia super aurum et lapidem pretiosum multum : * et dulciora super mel et favum.

Etenim servus tuus custodit ea, * in custodiendis illis retributio multa.

Delicta quis intelligit? ab occultis meis munda me : * et ab alienis parce servo tuo.

Si mei non fuerint dominati, tunc immaculatus ero : * et emundabor a delicto maximo.

Et erunt ut complacent eloquia oris mei : * et meditatio cordis mei in conspectu tuo semper.

Domine, adiutor meus, * et redemptor meus.

Ant. Paradisi portae per te nobis apertae sunt, quae hodie gloriosa cum Angelis triumphas.

Ant. Benedicta tu * in mulieribus, et benedictus fructus ventris tui.

Psalmus 23

Domini est terra, et plenitudo ejus : * orbis terrarum, et universi qui habitant in eo.

Quia ipse super maria fundavit eum : * et super flumina praeparavit eum.

Quis ascendet in montem Domini? * aut quis stabit in loco sancto ejus?

Innocens manibus et mundo corde, * qui non accepit in vano animam

suam, nec juravit in dolo proximo suo.

Hic accipiet benedictionem a Domino : * et misericordiam a Deo, salutari suo.

Haec est generatio querentium eum, * querentium faciem Dei Jacob.

Attollite portas, principes, vestras, et elevamini, portae aeternales : * et introibit Rex gloriae.

Quis est iste Rex gloriae? * Dominus fortis et potens : Dominus potens in praelio.

Attollite portas, principes, vestras, et elevamini, portae aeternales : * et introibit Rex gloriae.

Quis est iste Rex gloriae? * Dominus virtutum ipse est Rex gloriae.

Ant. Benedicta tu in mulieribus, et benedictus fructus ventris tui.

V. Exaltata est sancta Dei Genitrix. **R.** Super choros Angelorum ad caelestia regna.

Incipiunt

Cantica canticorum

Lectio i **Cap. 1, 1-16**



Sculetur me osculo oris sui, quia meliora sunt ubera tua vino, fragrantia unguentis optimis. Oleum effusum nomen tuum; ideo adolescentulae dilexerunt te. Trahe me : post te curre-

mus in odórem unguentórum tuórum. Introdúxit me rex in cellária sua; exsultábimus et lætábimur in te mémore s uberum tuórum super vinum. Recti diligunt te. Nigra sum, sed formósa, filíæ Jerúsalem, sicut tabernácula Cedar, sicut pelles Salomónis.

℟. Vidi speciósam sicut colúmbam, ascendéntem desuper rivos aquárum, cujus inæstimábilis odor erat nimis in vestiméntis ejus; * Et sicut dies verni circúmdabant eam flores rosárum et lília convállium. ℣. Quæ est ista quæ ascéndit per desértum sicut vírgula fumi ex aromátibus myrrhæ et thuris? — Et.

Lectio ii

Nolíte me consideráre quod fusca sim, quia decolorávit me sol. Fílii matris meæ pugnavérunt contra me, posuérunt me custódem in víneis, víneam meam non custodívi. Indica mihi, quem diligit ánima mea, ubi pascas, ubi cubes in merídie, ne vagári incípiam post greges sodálium tuórum. Si ignóras te, o pulchérissima inter mulíeres, egrédere et abi post vestígia gregum, et pasce hædos tuos juxta tabernácula pastórum. Equitátui meo in cúribus

pharaónis assimilávi te, amíca mea. Pulchræ sunt genæ tuæ sicut túrturis, collum tuum sicut monília.

℟. Sicut cedrus exaltáta sum in Líbano, et sicut cypréssus in monte Sion: quasi myrrha elécta, * Dedi suavitátem odóris. ℣. Et sicut cinnamómum et bálsamum aromatízans. — Dedi.

Lectio iii

Murénulas áureas faciémus tibi vermiculátas argénto. Dum esset rex in accúbitu suo, nardus mea dedit odórem suum. Fascículus myrrhæ diléctus meus mihi, inter úbera mea commorábitur. Botrus Cypri diléctus meus mihi in víneis Engáddi. Ecce tu pulchra es, amíca mea, ecce tu pulchra es; óculi tui columbárum. Ecce tu pulcher es, dilécte mi, et decórus. Léctulus noster flóridus, tigna domórum nostrárum cédrina, laqueária nostra cypréssina.

℟. Quæ est ista quæ processit sicut sol, et formósa tamquam Jerúsalem? * Vidérunt eam filíæ Sion, et beátam dixerunt, et regínæ laudavérunt eam. ℣. Et sicut dies verni circúmdabant eam flores rosárum et lília convállium. — Vidérunt. Glória Patri. Vidérunt.

In II Nocturno

Antiphonæ et Psalmi de
Communi. [180]℣. Assumpta est María in
cælum : gaudent Angeli.℟. Laudantes benedícunt
Dóminum.Sermo sancti Joánnis
DamasceniOratio 2 de Dormitione
B. M. V. post initium

Lectio iv



Odie sacra et ani-
máta arca Dei vi-
vénstis, quæ suum
in útero concépit Creató-
rem, requiescit in templo
Dómini, quod nullis est
exstrúctum manibus. Et
David exsúltat ejus pa-
rens, et cum eo choros
ducunt Angeli, célebrant
Archángeli, Virtútes glo-
rificant, Principátus ex-
súltant, Potestátes collæ-
tántur, gaudent Domina-
tiones, Throni festum diem
agunt, laudant Chérubim,
glóriam ejus prædicant Sé-
raphim. Hódie Eden novi
Adam paradísus súscipit
animátum, in quo solúta
est condemnátio, in quo
plantátum est lignum vi-
tæ, in quo opérta fuit no-
stra núditas.

℟. Ornátam monilibus
filiam Jerúsalem Dóminus
concupívit : * Et vidéntes
eam filiæ Sion, beatíssimam
prædicavérunt, di-
céntes : Unguéntum effú-

sum nomen tuum. ℣. Asti-
tit regína a dextris tuis in
vestítu deauráto, circúm-
data varietáte. — Et.

Lectio v

Hodie Virgo immaculá-
ta, quæ nullis terrénis
inquináta est afféctibus,
sed cæléstibus educáta co-
gitationibus, non in ter-
ram revérta est; sed, cum
esset animátum cælum, in
cæléstibus tabernáculis
collocátur. Ex qua enim
ómnibus vera vita maná-
vit, quómodo illa mortem
gustáret? Sed cedit legi
latæ ab eo quem génuit;
et, ut filia véteris Adam,
véterem senténtiam súbiit
(nam et ejus Fílius, qui
est vita ipsa, eam non
recusávit); ut autem Dei
vivéntis Mater, ad illum
ipsum digne assúmitur.

℟. Beátam me dicent om-
nes generatiónes, * Quia
fecit mihi Dóminus magna
qui potens est, et sanctum
nomen ejus. ℣. Et miseri-
córdia ejus a progénie in
progénies timéntibus eum.
— Quia.

Lectio vi

HEva, quæ serpéntis
suggestioni assénsus
præbuit, partus dolore et
mortis senténtia damná-
tur, et in inferórum collo-
cátur penetrálibus. Hanc
autem vere beátam, quæ
Dei verbo aures præstitit,
et Spíritus Sancti opera-

tióne repléta est, atque ad Archángeli spiritálem salutatióem, sine voluptáte et virili consórtio, Dei Fílium concépit, et sine dolóre áliquo péperit, ac totam se Deo consecrávit, quonam modo mors devoráret? quómodo ínferi suscípèrent? quómodo corrúptio inváderet corpus illud, in quo Vita suscepá est? Huic recta, plana et fácilis ad cælum paráta est via. Si enim, Ubi ego sum, illic et mínister meus erit, inquit vita et véritas Christus; quómodo non pótius mater cum ipso erit?

℟. Beáta es, Virgo María, quæ Dóminum portásti, Creatórem mundi : * Genuísti qui te fecit, et in ætérnum pérmanes Virgo.

℣. Ave, María, grátia plena; Dóminus tecum. — Genuísti. Glória Patri. Genuísti.

In III Nocturno

Antiphonæ et Psalmi de Communi. [184]

℣. María Virgo assúpta est ad æthéreum thálamum. ℟. In quo Rex regum stelláto sedet sólio.

Lectio sancti Evangélíi
secúndum Lucam

Lectio vii Cap. 10, 38-42

IN illo témpore : Intrávit Jesus in quoddam castéllum; et múlíer quædam, Martha nómine, ex-

cépit illum in domum suam. Et réliqua.

Homília sancti Augustíni
Epíscopi

Sermo 27 de verbis Domini,
tom. 10



Sanctum Evangé-
lium cum legeré-
tur, audívimus a
fémina religiósa suscep-
tum esse Dóminum ho-
spítio, éaque Martha vo-
cabátur. Et, cum esset
ipsa occupáta in cura mi-
nistrándi, soror ejus Ma-
ría sedébat ad pedes Dó-
mini et audiébat verbum
ejus. Laborábat illa, vacá-
bat ista : illa erogábat,
hæc implebátur. Verúm-
tamen Martha, labórans
multum in illa occupatióne
et negótio ministrándi, in-
terpellávit Dóminum, et
de soróre sua conquésta
est, quod eam laborántem
non adjuváret.

℟. Diffúsa est grátia in
lábiis tuis : * Proptérea
benedíxit te Deus in ætér-
num. ℣. Myrrha, et gutta,
et cásia a vestiméntis tuis,
a dómibus ebúrneis, ex
quibus delectavérunt te
fíliæ regum in honóre tuo.
— Proptérea.

Bened. Cujus festum cólí-
mus, ipsa Virgo vírginum.

Lectio viii

Dominus autem pro Ma-
ría respóndit Marthæ;
et ipse ejus factus est ad-

vocátus, qui iudex fúerat interpellátus. Martha, inquit, circa multa es occupáta, quando unum est necessárium; María meliorem partem elégit, quæ non auferétur ab ea. Audívimus enim et interpellatióem interpellántis et senténtiam júdicis. Quæ senténtia interpellánti respóndit, suscepám deféndit; erat enim María inténta dulcedíni verbi Dómini. Inténta erat Martha quómodo pásceret Dóminum, inténta María quómodo páscerétur a Dómino. A Martha convívium Dómino parabátur, in cuius convívio María jam jucundabátur.

℟. Beáta es, Virgo María, Dei Génitrix, quæ credidísti Dómino : perfécta sunt in te quæ dicta sunt tibi : ecce exaltáta es super choros Angelórum : * Intercéde pro nobis ad Dóminum, Deum nostrum.

℣. Ave, María, grátia plena; Dóminus tecum. — Intercéde. Glória Patri. Intercéde.

Lectio ix

CUM ergo María suá-viter audíret verbum dulcíssimum, et corde intentíssimo páscerétur, interpelláto Dómino a soróre sua, quómodo putámus eam timúisse ne díceret ei Dóminus : Surge, et ád-

juva sorórem tuam? Mira enim suavitate tenebátur; quæ profécto major est mentis quam ventris. Excusáta est, sedit secúrior. Quómodo autem excusáta? Attendámus, inspiciámus, perscrutémur quod póssumus, ut pascámur et nos.

Te Deum laudámus.

AD LAUDES

et per Horas, Añæ

1 Assúpta est María in cælum : * gaudent Angeli, laudántes benedícunt Dóminum.

2 María Virgo assúpta est * ad æthéreum thálammum, in quo Rex regum stelláto sedet sólio.

3 In odórem * unguentórum tuórum cúrrimus : adolescéntulæ dilexérunt te nimis.

4 Benedícta * fília tu a Dómino : quia per te fructum vitæ comunicávimus.

5 Pulchra es * et decóra, fília Jerúsalem, terríbilis ut castrórum ácies ordináta.

Capit. Eccli. 24, 11-12

IN ómnibus réquiem quæ-sívi, et in hereditáte Dómini morábor. Tunc præcépit et dixit mihi Créátor ómnium, et, qui creávit me, requiévit in tabernáculo meo.

Hymnus

O Gloriósa vírginum,
Sublímis inter sídera,
Qui te creávit, párvulum
Lacténte nutris úbere.

Quod Heva tristis ábstu-
lit,

Tu reddis almo gérmine :
Intrent ut astra flébiles,
Cæli reclúdis cárdines.

Tu Regis alti jánuā
Et aula lucis fúlgida :
Vitā datam per Vírgi-
nem,
Gentes redémp̃tæ, pláudite.

Jesu, tibi sit glória,
Qui natus es de Vírgine,
Cum Patre, et almo Spí-
ritu,
In sempitérna sácula.

Amen.

V. Exaltáta est sancta
Dei Génitrix. **R.** Super
choros Angelórum ad cæ-
léstia regna.

Ad Bened. Ant. Quæ est
ista * quæ ascéndit sicut
auróra consúrgens, pul-
chra ut luna, elécta ut sol,
terribilis ut castrórum
acies ordináta?

Oratio

FAmulórum tuórum
quæsumus, Dómine,
delictis ignósce : ut, qui
tibi placére de áctibus no-
stris non valémus; Geni-
trícis Fílii tui Dómini no-
stri intercessióne salvé-
mur : Qui tecum.

AD PRIMAM

Ant. Assúpta est, ut
supra. 894

AD TERTIAM

Ant. María Virgo, ut
supra. 894

Capit. In ómnibus, ut
supra ad Laudes.

R. br. Exaltáta est * San-
cta Dei Génitrix. Exal-
táta. **V.** Super choros
Angelórum ad cæléstia re-
gna. Sancta. **Gloria Patri.**
Exaltáta. **V.** Assúpta est
María in cælum : gaudent
Angeli. **R.** Laudántes be-
nedícunt Dóminum.

AD SEXTAM

Ant. In odórem, ut su-
pra. 894

Capit. **Eccli. 24, 15-16**

ET sic in Sion firmáta
sum, et in civitáte
sanctificáta simíliter re-
quíevi, et in Jerúsalem
potéstas mea. Et radicávi
in pópulo honorificáto, et
in parte Dei mei heréditas
illíus, et in plenitúdine
sanctórum deténtio mea.

R. br. Assúpta est Ma-
ría in cælum : * Gaudent
Angeli. Assúpta. **V.** Lau-
dántes benedícunt Dómi-
num. Gaudent. **Gloria Pa-
tri.** Assúpta.

V. María Virgo assúpta
est ad æthéreum thála-
mum. **R.** In quo Rex re-
gum stelláto sedet sólio.

Die 15 Augusti

In Assumptione Beatae Mariæ Virginis

Duplex I classis cum Octava communi

Omnia de Comm. Festorum
B. Mariæ Virginis, præter ea
quæ hic habentur propria.

In I Vesperis

Antiphona 1

Assumpta est Mariá in
cælum: * gaudent
Angeli, laudántes
benedícunt Dóminum.

2 Mariá Virgo assump-
ta est * ad æthéreum
thálamum, in quo Rex
regum stelláto sedet só-
lio.

3 In odórem * unguen-
tórum tuórum cúrri-
mus: adolescéntulæ di-
lexérunt te nimis.

4 Benedícta * fília tu a
Dómino: quia per te fru-
ctum vitæ comunicá-
vimus.

5 Pulchra es * et de-
córa, fília Jerúsalem, ter-
ribilis ut castrórum ácies
ordináta.

Capit. Judith 13, 22

Benedíxit te Dóminus
in virtúte sua, quia
per te ad níhilum redégit
inimícos nostros. Bene-
dícta es tu, fília, a Dómi-
no Deo excélso, præ óm-

nibus muliéribus super
terram.

Hymnus

O prima, Virgo, pródita
E Conditóris spíritu
Prædestináta Altíssimi
Gestáre in alvo Fílium;

Tu perpes hostis fémina
Prænuntiáta dæmonis,
Oppléris una grátia
Intamináta origine.

Tu ventre Vitam cón-
cipis,
Vitámque ab Adam pér-
ditam,
Diæ litándæ Víctimæ
Carnem minístrans, ín-
tegras.

Merces piáclo débita
Devícta mors te désérit,
Almíque concors Fílii
Ad astra ferris córpore.

Tanta corúscans glória,
Natúra cuncta extóllitur,
In te vocáta vérticem
Decóris omnis tángere.

Ad nos, triúmphans, éx-
sules,
Regína, verte lúmina,
Cæli ut beátam pátriam,
Te, consequámur, aú-
spice.

Jesu, tibi sit glória,
Qui natus es de Vírgine,

Cum Patre et almo Spí-
ritu

In sempitérna sæcula.

Amen.

V. Exaltáta est sancta
Dei Génitrix. **Rj.** Super
choros Angelórum ad cæ-
léstia regna.

Ad Magnif. Ant. Virgo
prudentíssima, * quo
progréderis, quasi auró-
ra valde rútilans? Fília
Sion, tota formósa et
suávis es, pulchra ut
luna, elécta ut sol.

Oratio

Omnípotens sempitér-
Deus, qui Immaculá-
tam Vírginem Mariám,
Fílii tui genitricem, cór-
pore et ánima ad cælé-
stem glóriam assumpsí-
sti; concéde quæsumus,
ut ad supérna semper
inténti, ipsíus glóriæ me-
reámur esse consórtes.
Per eúmdem Dóminum.

Complet. de Dominica.

Ad Matutinum

Invit. Veníte adorémus
Regem regum, * Cujus
hódie ad æthéreum Vir-
go Mater assúpta est
cælum.

Ps. 94 Veníte, exsultemus.

Hymnus

Surge! Jam terris fera
bruma cessit

Ridet in pratis decus
omne florum,

Alma quæ Vitæ Génitrix
fuísti,

Surge, María!

Lílium fulgens velut in
rubéto,

Mortis auctórem teris
una, carpens

Sóntibus fructum pátri-
bus negátum

Arbore vitæ.

Arcæ non putri fabricá-
ta ligno

Manna tu servas, fluit
unde virtus,

Ipsa qua surgent animá-
ta rursus

Ossa sepúlcris.

Præsidis mentis dócilis
minístra,

Haud caro tabo pátitur
resólvi;

Spíritus imo sine fine
consors

Tendit ad astra.

Surge! Dilécto pete
nixa cælum,

Sume consértum diadé-
ma stellis,

Teque natórum récinens
beátam

Excipe carmen.

Laus sit excélsæ Tríadi
perénis,

Quæ tibi, Virgo, tríbuit
corónam,

Atque regínam statuít-
que nostram

Próvida matrem. **Amen.**

IN I NOCTURNO

Ant. 1 Exaltáta est * sancta Dei Génitrix super choros Angelórum ad cæléstia regna.

Psalmus 8

Dómine, Dómine noster, quam admirábile est nomen tuum in univérsa terra, * qui extulísti majestátem tuam super cælos.

Ex ore infántium et lacténtium parásti laudem contra adversários tuos, * ut compéscas inimicum et hostem.

Cum vídeo cælos tuos, opus digitórum tuórum, * lunam et stellas quæ tu fundásti:

Quid est homo, quod memor es ejus? * aut fílius hóminis, quod curas de eo?—

Et fecísti eum paulo minórem Angelis, * glória et honóre coronásti eum:

Dedísti ei potestátem super ópera mánuum tuárum, * ómnia subjecísti pédibus ejus:

Oves et boves univérsos, * insuper et pécora campi,

Vólucres cæli et pisces maris: * quidquid perámbulat sémitas márium.

Dómine, Dómine no-

ster, * quam admirábile est nomen tuum in univérsa terra!

Ant. Exaltáta est sancta Dei Génitrix super choros Angelórum ad cæléstia regna.

Ant. 2 Paradísi portæ * per te nobis apértæ sunt, quæ hódie gloriósa cum Angelis triúmphas.

Psalmus 18

Cæli enarrant glóriam Dei, * et opus mánuum ejus annúnciat firmaméntum.

Dies diéi effúndit verbum, * et nox nocti tradit notítiam.

Non est verbum et non sunt sermónes, * quorum vox non percipiátur:

In omnem terram exit sonus eórum, * et usque ad fines orbis elóquia eórum.

Ibi pósuit soli tabernáculum suum, qui procedit ut sponsus de thálamo suo, * exsúltat ut gigas percúrrens viam.

A término cæli fit egrésus ejus, et circúitus ejus usque ad términum cæli, * nec quidquam subtráhitur ardóri ejus.—

Lex Dómini perfécta, recreans ánimam; * præscríptum Dómini firmum, instítuens rudem;

Præcepta Dómini recta,
delectántia cor; * man-
dátum Dómini mundum,
illústrans óculos;

Timor Dómini purus,
pérmanens in ætérnum;
* judícia Dómini vera,
justa ómnia simul,

Desiderabilia super au-
rum et obrýzum multum
* et dulcióra melle et
liquóre favi.—

Etsi servus tuus attén-
dit illis, * in iis custodi-
éndis sédulus est valde.

Erráta tamen quis ani-
madvértit? * a mihi oc-
cúltis munda me.

A supérbia quoque pró-
hibe servum tuum, * ne
dominétur in me.

Tunc ínteger ero et
mundus * a delícto gran-
di.—

Accépta sint elóquia
oris mei et meditátio cor-
dis mei * coram te, Dó-
mine, Petra mea et Re-
démptor meus.

Ant. Paradísi portæ per
te nobis apértæ sunt,
quæ hódie gloriósa cum
Angelis triúmphas.

Ant. 3 Benedícta tu *
in muliéribus, et bene-
dictus fructus ventris
tui.

Psalmus 23

Dómini est terra et
quæ replent eam, *

orbis terrárum et qui há-
bitant in eo.

Nam ipse super mária
fundávit eum, * et super
flúmina firmávit eum.—

Quis ascéndet in mon-
tem Dómini, * aut quis
stabit in loco sancto
ejus?

Innocens mánibus et
mundus corde, qui non
inténdit mentem suam
ad vana, * nec cum dolo
jurávit próximo suo.

Hic accípiet benedictió-
nem a Dómino * et mer-
cédem a Deo Salvatóre
suo.

Hæc est generátio quæ-
réntium eum, * quæren-
tium fáciem Dei Jacob.—

Attóllite, portæ, cápita
vestra, et attóllite vos,
fores antíquæ, * ut in-
grediátur rex glóriæ!

“Quis est iste rex gló-
riæ?” * “Dóminus fortis
et potens, Dóminus pot-
ens in próelio.”

Attóllite, portæ, cápita
vestra, et attóllite vos,
fores antíquæ, * ut in-
grediátur rex glóriæ!

“Quis est iste rex gló-
riæ?” * “Dóminus exer-
cítuum: ipse est rex gló-
riæ.”

Ant. Benedícta tu in
muliéribus, et benedic-
tus fructus ventris tui—

V. Exaltata est sancta Dei Génitrix. **R.** Super choros Angelorum ad cælestia regna.

Pater noster. **Absolutio** Exaudi. **Bened.** Benedictione.

De libro Génesis

Lectio i Cap. 3, 9-15

Vocavitque Dóminus Deus Adam, et dixit ei: Ubi es? Qui ait: Vocem tuam audivi in paradiso; et tímui eo quod nudus essem, et abscondi me. Cui dixit: Quis enim indicavit tibi quod nudus esses, nisi quod ex ligno de quo præceperam tibi ne coméderes, comedisti? Dixitque Adam: Múlier, quam dedisti, mihi sóciam, dedit mihi de ligno, et comédi. Et dixit Dóminus Deus ad mulierem: Quare hoc fecisti? Quæ respóndit: Serpens decépit me, et comédi. Et ait Dóminus Deus ad serpéntem: Quia fecisti hoc, maledíctus es inter ómnia animántia et béstias terræ; super pectus tuum gradiéris, et terram cómedes cunctis diébus vitæ tuæ. Inimicítias ponam inter te et mulierem, et semen tuum et semen illius; ipsa cónteret caput tu-

um, et tu insidiaberis calcáneo ejus.

R. Vidi speciósam sicut colúmbam, ascendéntum désuper rivos aquarum, cujus inæstimábilis odor erat nimis in vestiméntis ejus: * Et sicut dies verni circúmdabant eam flores rosarum et lília convállium. **V.** Quæ est ista quæ ascéndit per désertum sicut vírgula fumi ex aromátibus myrrhæ et thuris? **Et.**

Bened. Unigénitus.

De Epístola prima beáti Pauli Apóstoli ad Corínthios

Lectio ii Cap. 15, 20-26

Nunc autem Christus resurrexit a mórtuis, primítiæ dormiéntium; quóniam quidem per hóminem mors, et per hóminem resurrectio mortuórum. Et sicut in Adam omnes moriúntur, ita et in Christo omnes vivificabúntur; unusquisque autem in suo ór-dine: primítiæ Christus; deínde ii qui sunt Christi, qui in advéntu ejus credidérunt. Deínde finis, cum tradíderit regnum Deo et Patri, cum evacuáverit omnem principátum, et potestátem,

et virtutem. Opórtet autem illum regnare, donec ponat omnes inimicos sub pedibus ejus. Novissima autem inimica destruetur mors.

R. Sicut cedrus exaltata sum in Líbano, et sicut cypréssus in monte Sion: quasi myrrha electa, * Dedi suavitatem odóris. **V.** Et sicut cinnamómum et bálsamum aromatizans. **Dedi.**

Bened. Spíritus Sancti.

Lectio iii Cap. 15, 53-57

Opórtet enim corruptibile hoc induere incorruptionem, et mortale hoc induere immortalitatem. Cum autem mortale hoc induerit immortalitatem, tunc fiet sermo qui scriptus est: Absorpta est mors in victoria. Ubi est, mors, victoria tua? ubi est, mors, stímulus tuus? Stímulus autem mortis peccátum est, virtus vero peccáti lex. Deo autem grátias, qui dedit nobis victóriam per Dóminum nostrum Jesum Christum.

R. Quæ est ista quæ processit sicut sol, et formosa tamquam Jerúsalem? * Vidérunt eam filię Sion, et beatam dixerunt, et reginæ lauda-

verunt eam. **V.** Et sicut dies verni circúmdabant eam flores rosárum et lília convállium. **Vidérunt.** **Glória Patri.** **Vidérunt.**

IN II NOCTURNO

Ant. 4 Spécie tua * et pulchritúdine tua inténde, prospere procéde, et regna.

Psalmus 44

Effúndit cor meum verbum bonum: dico ego carmen meum regi; * lingua mea stilus est scribæ velócis.—

Speciósus es forma præ filiis hóminum, diffúsa est grátia super lábia tua: * proptérea benedixit tibi Deus in ætérnum.

Cinge gládium tuum super femur, potentíssime, * decórem tuum et ornátum tuum!

Felíciter evéhere pro fide et pro justítia, * et præclára gesta dóceat te dextera tua.

Sagíttæ tuæ acútæ, pópuli tibi subdúntur, * deficiunt corde inimici regis.

Thronus tuus, Deus, in sæculum sæculi; * sceptrum æquitátis sceptrum regni tui.

Díligis justítiam et odísti iniquitátem: proptérea unxit te Deus, Deus tuus, * óleo lætítiæ præ consórtibus tuis.

Myrrhâ et áloë et cássia fragrant vestiménta tua; * ex ædibus ebúrneis fídium sonus lætíficat te.

Fíliæ regum óbviā vèniunt tibi, * regína adstat ad dèxteram tuam ornáta auro ex Ophir.—

Audi, fília, et vide, et inclína aurem tuam, * et oblivíscere pópulum tuum et domum patris tui.

Et concupíscet rex pulchritúdinem tuam: * ipse est dómīnus tuus; obséquere ei.

Et pópulus Tyri cum munéribus venit; * favórem tuum captant próceres plebis.

Tota decóra ingréditur fília regis * textúræ áuræ sunt amíctus ejus.

Amíctu variegáto indúta addúcitur ad regem; * vírgines post eam, sóciæ ejus, adducúntur ad te.

Afferúntur cum lætítia et exsultatióne, * ingrediúntur in palátium regis.—

Loco patrum tuórum erunt fílii tui; * constítues eos príncipes super totam terram.

Memorábo nomen tuum in omnem generatió-nem et generatió-nem; * proptérea pópuli celebrábunt te in sáeculum sáeculi.

Ant. Spécie tua et pulchritúdine tua inténde, prospere procéde, et regna.

Ant. 5 Sanctificávit * tabernáculum suum Altís-simus.

Psalmus 45

Deus est nobis refúgium et robur; * adiutórem in angústis probávit se valde.

Proptérea non timémus, dum subvértitur terra, * et montes cadunt in médium mare.

Tumultuéntur, æstuent aquæ ejus, * concutiántur montes ímpetu ejus:

Dóminus exercítuum nobíscum; * præsídiū nobis est Deus Jacob.—

Flúminis rívoli lætíficant civitátem Dei, * sanctíssimum tabernáculum Altíssimi.

Deus est in médio ejus non commovébitur; * auxiliábitur ei Deus primo dilúculo.

Fremuérent gentes commóta sunt regna; * intónuit voce sua, difflúxit terra:

Dóminus exercítuum
nobíscum; * præsídi-
um nobis est Deus Jacob.—

Veníte, vidéte ópera Dó-
mini, * quæ egit stupén-
da in terra.

Qui compéscit bella
usque ad finem terræ, *
arcus cónterit et confrín-
git hastas, et scuta com-
púrit igni.

Desístite, et agnóscite
Deum, * excélsam in
vívéntibus, excélsam in
terra.

Dóminus exercítuum
nobíscum; * præsídi-
um nobis est Deus Jacob.

Ant. Sanctificávit ta-
bernáculum suum Altís-
simus.

Ant. 6 Gloriósa * prædi-
cántur de te, Virgo Ma-
ría.

Psalmus 86

Fundatióem suam in
móntibus sanctis díli-
git Dóminus: * portas
Sion magis quam ómnia
tabernácula Jacob.

Gloriósa prædicántur
de te, * cívitas Dei!—

Accensébo Rahab et Ba-
bel coléntibus me: * ecce,
Philistæa et Tyrus popu-
lusque Æthiopum: hi
nati sunt illic.

Et de Sion dicétur: “Vi-
vítim omnes sunt nati in

ea, * et ipse firmávit eam
Excélsus.”—

Dóminus scribet in libro
populórum: * “Hi nati
sunt illic.”

Et cantábunt, dum cho-
rum ducent: * “Omnes
fontes mei sunt in te.”

Ant. Gloriósa prædicán-
tur de te, Virgo María.

V. Assúpta est María
in cælum: gaudent
Angeli.

Rj. Laudántes bene-
dicunt Dóminum.

Pater noster. **Absolutio** Ip-
sius. **Bened.** Deus Pater.

Sermo sancti Joánnis
Damascéni

Orat. 2 de Dormitione B.M.V.
post initium

Lectio iv

Hódie sacra et animá-
ta arca Dei vivéntis,
quæ suum in útero con-
cépit Creatórem, requié-
scit in templo Dómini,
quod nullis est exstrú-
ctum mánibus. Et David
exsúltat ejus parens, et
cum eo choros ducunt
Angeli, célebrant Arch-
ángeli, Virtútes glorífi-
cant, Principátus exsúl-
tant, Potestátes collæ-
tántur, gaudent Domi-
natiónes, Throni festum
diem agunt, laudant
Chérubim, glóriam ejus
prædicant Séraphim.

Hódie Eden novi Adam paradísus súscipit animátum, in quo solúta est condemnátio, in quo plantátum est lignum vitæ, in quo opérta fuit nostra núditas.

Rj. Ornátam monílibus fíliam Jerúsalem Dóminus concupívit: * Et vídentes eam fíliæ Sion, beatíssimam prædicavérunt, dicéntes: Unguén-tum effúsum nomen tuum. **V.** Astitit regína a dextris tuis in vestítu deauráto, circúmdata varietáte. **Et.**

Bened. Christus perpétuæ.

Lectio v

Hódie Virgo immaculáta, quæ nullis ter-rénis inquináta est afféctibus, sed cæléstibus educáta cogitátionibus, non in terram revérta est; sed, cum esset animátum cælum, in cæléstibus tabernáculis collocátur. Ex qua enim ómnibus vera vita manávit, quómodo illa mortem gustáret? Sed cedit legi latæ ab eo quem genuit; et, ut filia véteris Adam, véterem senténtiam súbiit (nam et ejus Fílius, qui est vita ipsa, eam non recusávit); ut autem Dei ví-

ventis Mater, ad illum ipsum digne assúmitur.

Rj. Beátam me dicent omnes generatiónes, * Quia fecit mihi Dóminus magna qui potens est, et sanctum nomen ejus. **V.** Et misericórdia ejus a progénie in progénies tíméntibus eum. **Quia.**

Bened. Ignem sui.

Ex actis Pii Papæ XII

Lectio vi

Quóniam vero univér-sa Ecclésia fidem in corpóream beátæ Mariæ Vírginis Assumptiónem per sæculórum decúrsum manifestávit, et totíus orbis Epíscopi prope unánimi consensióne petiérunt ut hæc véritas, quæ Sacris Litteris innítitur, Christifidélium ánimis pénitus est ínsita, ceterisque revelátis veritátibus plane cónsona, tamquam divínæ et cátholicæ fídei dogma definirétur, Pius duodécimus Póntifex Máximus, totíus Ecclésiæ votis ánuens, státuit hoc Beátæ Mariæ Vírginis privilégium sollémniter renuntiáre. Itaque die prima Novémbris anni máximi Jubilæi millésimi nongentésimi quin-

quagésimi, Romæ in foro ad sancti Petri Basílicam paténte, plurimórum Sanctæ Románæ Ecclésiæ Cardinálium atque Episcopórum ex díssitis étiam regiónibus astánte cœtu, coram ingénti Christifidélium multítudine, univérso cathólico orbe plaudénte, corpóream Beátæ Mariæ Vírginis Assumptiónem in cælum infallíbili oráculo in hæc verba proclamávit: Postquam súpplices étiam atque étiam ad Deum admóvimus preces, ac Veritátis Spíritus lumen invocávimus, ad omnipoténtis Dei glóriam, qui peculiárem benevoléntiam suam Mariæ Vírgini dilargítus est, ad sui Fílii honórem, immortalis sæculórum Regis ac peccáti mortisque victóris, ad ejúsdem augústæ Matris augéndam glóriam et ad totíus Ecclésiæ gáudium exultationémque, auctoritáte Dómini Nostri Jesu Christi, Beatórum Apostolórum Petri et Pauli ac Nostra pronuntiámus, declarámus et definímus divínitus revelátum dogma esse: Immaculátam Deíparam semper Vírgi-

nem Mariám, expléto terréstris vitæ cursu, fuisse corpore et ánima ad cæléstem glóriam assúptam.

R. Beáta es, Virgo María, quæ Dóminum portásti, Creatórem mundi: * Genuísti qui te fecit, et in ætérnum pérmanes Virgo. **V.** Ave, María, grátia plena; Dóminus tecum. **Genuísti.** **Gloria Patri.** **Genuísti.**

IN III NOCTURNO

Ant. 7 Gaude, María Virgo: * cunctas hæreses sola interemísti in univérso mundo.

Psalmus 95

Cantáte Dómino cánticum novum, * cantáte Dómino, omnes terræ. Cantáte Dómino, benedicíte nómini ejus, * annuntiáte de die in diem salútem ejus.

Enarráte inter gentes glóriam ejus, * in ómnibus pópulis mirabília ejus.—

Nam magnus est Dóminus et laudándus valde, * timéndus magis quam omnes dii.

Nam omnes dii géntium sunt figménta; * Dóminus autem cælos fecit.

Majéstas et decor præ-

cédunt eum; * poténtia et splendor sunt in sede sancta ejus.—

Tribúite Dómino, famíliæ populórum, tribúite Dómino glóriam et poténtiam; * tribúite Dómino glóriam nóminis ejus.

Offérte sacrificium et introíte in átria ejus; * adoráte Dóminum in ornátu sacro.

Contremísce coram eo, univérsa terra; * dícite inter gentes: Dóminus regnat.

Stabilívit orbem, ut non moveátur: * regit pópulos cum æquitáte.—

Læténtur cæli, et exsúltet terra; ínsonet mare et quæ illud implent; * géstiat campus et ómnia quæ in eo sunt.

Tum gaudébunt omnes árbores silvæ coram Dómino, quia venit, * quia venit régere terram.

Reget orbem terrárum cum justítia, * et pópulos cum fidelitáte sua.

Ant. Gaude, María Virgo: cunctas háereses sola interemísti in univérso mundo.

Ant. 8 Cæli annúntiant * justítiam ejus, et omnes pópuli vident glóriam ejus.

Psalmus 96

Dóminus regnat: exsúltet terra, * læténtur ínsulæ multæ.

Nubes et calígo circúmdant eum, * justítia et jus fundaméntum sunt sólii ejus.

Ignis ante ipsum præcédit, * et combúrit in circúitu inimícos ejus.

Fúlgura ejus collústrant orbem; * terra videt et contremísce.

Montes ut cera liquescunt coram Dómino, * coram dominatóre univérsæ terræ.

Cæli annúntiant justítiam ejus; * et omnes pópuli vident glóriam ejus.—

Confundúntur omnes qui colunt sculptília et qui gloriántur in idólis; * ante eum se prostérnunt omnes dii.

Audit, et lætátur Sion, et exsúltant civitátes Juda * propter judícia tua, Dómine.

Nam tu, Dómine, excelsus es super omnem terram, * summe éminens inter omnes deos.

Dóminus díligit eos, qui odérunt malum, custódit ánimas sanctórum suórum, * de manu impiórum éripit eos.

Lux óritur justo, * et
rectis corde lætítia.

Lætámmini, justí, in Dó-
mino, * et celebráte no-
men sanctum ejus.

Ant. Cæli annúntiant
justítiam ejus, et omnes
pópuli vident glóriam
ejus.

Ant. 9 Cantáte Dómino
* cánticum novum, quia
mirabília fecit in te, O
María.

Psalmus 97

Cantáte Dómino cánti-
cum novum, * quia
mirabília fecit.

Victóriam parávit ei
dextera ejus, * et brác-
chium sanctum ejus.

Notam fecit Dóminus
salútem suam; * in con-
spéctu géntium revelávit
justítiam suam.

Recordátus est bonitá-
tis et fidelitátis suæ * in
grátiam domus Israël.

Vidérunt omnes fines
terræ * salútem Dei no-
stri.—

Exsultáte Dómino, om-
nes terræ, * lætámmini et
gaudéte et psállite.

Psállite Dómino cum
cíthara, * cum cíthara et
sónitu psaltérii,

Cum tubis et sono búci-
næ: * exsultáte in con-
spéctu regis Dómini.—

Insonet mare et quæ

illud replent, * orbis ter-
rarum et qui hábitant in
eo.

Flúmina plaudant má-
nibus, * simul montes
exsúltent

Coram Dómino, quia
venit, * quia venit régere
terram.

Reget orbem terrarum
cum justítia * et pópulos
cum æquitáte.

Ant. Cantáte Dómino
cánticum novum, quia
mirabília fecit in te, O
María.

V. María Virgo assúm-
pta est ad æthéreum thá-
lamum. **Rj.** In quo Rex re-
gum stelláto sedet solio.

Pater noster. **Absolutio** A
vínclis. **Bened.** Evangélica.

Léctio sancti Evangélii
secúndum Lucam

Lectio vii Cap. 1, 41-50

In illo témpore: Repléta
est Spíritu Sancto Elí-
sabeth et exclamávit
voce magna, et dixit: Be-
nedícta tu inter mulie-
res. Et réliqua.

Homilía sancti Petri
Canísii

De Maria Deipara Virgine,
lib. 5, cap. 6

Férias Deíparæ sacras,
ut fréquenter, ita re-
verénter péragit Ecclé-
sia, certo intélligens, Deo
gratum, et Christifidéli-

bus dignum, hoc esse officium, quo inter beátos et beátas omnes beatíssima Dómini et Dei nostri mater, certis anni temporibus ac públicis cæremóniis sæpenúmero celebrátur. Inter has autem férias, quæ tot sæculis, religiósè háctenus observátur, festum Assumptiónis máximum reputátur, locúmque principem tenet. Nec dies quidem ullus Mariæ lætior feliciórque cótingit, si et ánimæ et cóporis felicitátem eo die illi collátam rite contemplémur: ideóque si ántea unquam, tunc vel máxime spíritus et ánima et corpus ejus in Deum vivum mirabíliter exsultávit, ipséque summo jure dícere pótuit: Respéxit humilitátem ancíllæ suæ: Ecce enim ex hoc beátam me dicent omnes generatiónes: quia fecit mihi magna qui potens est.

R. Diffúsa est grátia in lábiis tuis: * Proptérea benedíxit te Deus in ætérnum. **V.** Myrrha, et gutta et cásia a vestiméntis tuis, a dómibus ebúrneis, ex quibus delectavérunt te fíliæ re-

gum in honóre tuo. **Prop-térea.**

Bened. Cujus festum cólimus, ipsa Virgo vírginum.

Lectio viii

Quare nos étiam, qui te Filiúmque tuum amámus, o ter beáta et vere augústa Mater, non póssumus huic præcláræ et incomparábili felicitáti tuæ non ex ánimo gratulári, quandóquidem quæcúmque a Dómino tibi et de te dicta sunt, tam pulchro éxitu concludúntur, ac omni ex parte tandem perficiúntur. Beátæ quæ non modo credidísti, sed fídei étiam omnisque virtútis fructum et finem hódie consecúta es, et ejus quem tantópere amásti atque desiderásti, jucundíssimo conspéctu nunc demum pérfrui meruísti. Emanuélem in castéllum mundi hujus intrántem, tanquam hóspitem, hóspita excepísti: hódie ab illo vicíssim in regále suum palátium excíperis, et tanquam mater tali Salomóne digna magnífice primum honoráris.

R. Beáta es, Virgo María, Dei Génitrix, quæ credidísti Dómino: per-

fēcta sunt in te quæ dicta sunt tibi: ecce exaltāta es super choros Angelōrum: * Intercēde pro nobis ad Dōminum, Deum nostrum. **V.** Ave, Mariā, grātia plena; Dōminus tecum. **Intercēde.** **Gloria Patri.** **Intercēde.**

Bened. Ad societātem.

Lectio ix

Felix dies, qui tam pretiosum munus de huius mundi deserto transmisit, et ad sanctam æternamque civitatem ita perduxit, ut commune et incredibile gaudium, nec minor admiratio cælitibus omnibus crearetur. Felix dies, qui sponsæ languentis tam ardentibus quam diuturnis desideriis satisfecit, ut quod quæsierat inveniret, quod petiverat acciperet, quod expectarat secūra possideret, nimium in illa summi æternique boni perfectæ visionē atque fruiōne pēnitus conquiescens. Felix dies, qui ancillam Dōmini humillimam eo usque provexit ac extulit, ut præstantissima cæli Regina, mundique Dōmina efficeretur, et ne altius quidem posset asurgere, quoniam in Re-

gni solio sublimata, post Christum gloriosa resedit. Felix hic planēque venerandus dies est, qui Reginam et Matrem nobis potentem simul et clementem in regno Dei constituit ac confirmavit, ut eandem, quæ Iudicis mater assidue manet, matrem misericordiæ nobis faventem, et apud Christum patrocinantem, nostræque salutis negotia fideliter procurantem habeamus.

Te Deum laudamus.

Ad Laudes

et per Horas

Ant. 1 Assumpta est Mariā in cælum: * gaudent Angeli, laudantes benedicunt Dōminum.

Psalmi de Dominica.

2 Mariā Virgo assumpta est * ad æthereum thalamum, in quo Rex regum stellato sedet solio.

3 In odorem * unguentorum tuorum currimus: adolescentulæ dilexerunt te nimis.

4 Benedicta * filia tu a Dōmino: quia per te fructum vitæ communicavimus.

5 Pulchra es * et decora, filia Jerúsalem, terribilis ut castrorum acies ordinata.

Capit. Judith 13, 22

Benedixit te Dóminus
in virtúte sua, quia
per te ad níhilum redégit
inimícos nostros. Bene-
dicta es tu, fília, a Dómi-
no Deo excélso, præ óm-
nibus muliéribus super
terram.

Hymnus

Solis, O Virgo, rádiis
amícta,
Bis caput senis redimíta
stellis,
Luna cui præbet pédibus
scabéllum
Inclita fulges.

Mortis, inférni domitríx-
que noxæ,
Assides Christo studiósá
nostri,
Teque regínam célebrat
poténtem
Terra polúsque.

Damna sed perstat súbo-
li minári
Créditæ quondam tibi
dirus ánguís;
Mater, huc clemens ades,
et maligni
Cóntere collum.

Asseclas diæ fídei tuére,
Tránsfugas adduc ad
ovíle sacrum,
Quas diu gentes tegit
umbra mortis
Undique coge.

Sóntibus mitis véniam
precáre,

Adjuva flentes, ínopes et
ægros,
Spes mica cunctis per
acúta vitæ

Certa salútis.

Laus sit excélsæ Tríadi
perénis,
Quæ tibi, Virgo, tríbuit
corónam,

Atque regínam statuít-
que nostram

Próvida matrem.

Amen.

V. Exaltáta est sancta
Dei Génitrix. **R.** Super
choros Angelórum ad
cæléstia regna.

Ad Bened. Ant. Quæ est
ista * quæ ascéndit sicut
auróra consúrgens, pul-
chra ut luna, elécta ut
sol, terríbilis ut castró-
rum ácies ordináta?

Oratio

Omnípotens sempitér-
ne Deus, qui Imma-
culátam Vírginem Marí-
am, Fílii tui genitrícem,
córpoze et ánima ad cæ-
léstem glóriam assump-
sísti; concéde quæsu-
mus, ut ad supérna sem-
per inténti, ipsíus glóriæ
mereámur esse consór-
tes. Per eúmdem Dómi-
num.

Ad Tertiam

Capit. Benedixit, **ut supra ad**
Laudes.

Rj. br. Exaltáta est * Sancta Dei Génitrix. **Exaltáta.** **V.** Super choros Angelórum ad cæléstia regna. **Sancta.** **Glória Patri.** **Exaltáta.**

V. Assúmpta est María in cælum: gaudent Angeli. **Rj.** Laudántes benedícunt Dóminum.

Oratio

Omnípotens sempitérne Deus, qui Immaculátam Vírginem Maríam, Fílii tui genitricem, corpore et ánima ad cæléstem glóriam assump-sisti; concéde quæsumus, ut ad supérna semper inténti, ipsíus glóriæ mereámur esse consórtes. Per eúmdem Dóminum.

Ad Sextam

Ant. In odórem * unguentórum tuórum cúrrimus: adolescéntulæ dilexérunt te nimis.

Capit. Judith 13, 24-25

Benedíctus Dóminus, quia hódie nomen tuum ita magnificávit, ut non recédât laus tua de ore hóminum.

Rj. br. Assúmpta est María in cælum: * Gaudent Angeli. **Assúmpta.** **V.** Laudántes benedícunt Dóminum. **Gaudent.**

Glória Patri. **Assúmpta.** **V.** María Virgo assúmp-ta est ad æthéreum thá-lamum. **Rj.** In quo Rex regum stelláto sedet sólio.

Ad Nonan

Ant. Pulchra es * et decóra, fília Jerúsalem, terribilis ut castrórum ácies ordináta.

Capit. Judith 15, 10

Tu glória Jerúsalem, tu lætítia Israël, tu honorificéntia pópuli nostri.

Rj. br. María Virgo assúmpta est * Ad æthéreum thálamum. **María.** **V.** In quo Rex regum stelláto sedet sólio. **Ad.** **Glória Patri.** **María.**

V. Dignáre me laudáre te, Virgo sacráta. **Rj.** Da mihi virtútem contra hostes tuos.

In II Vesperis

Ant. 1 Assúmpta est María in cælum: * gaudent Angeli, laudántes benedícunt Dóminum.

2 María Virgo assúmpta est * ad æthéreum thá-lamum, in quo Rex regum stelláto sedet sólio.

3 In odórem * unguentórum tuórum cúrrimus: adolescéntulæ dilexérunt te nimis.

4 Benedícta * fília tu a

Dómino: quia per te fructum vitæ comunicávimus.

5 Pulchra es * et decóra, fília Jerúsalem, terríbilis ut castrórum ácies ordináta.

Capit. Judith 13, 22

Benedíxit te Dóminus in virtúte sua, quia per te ad níhilum redégit inimícos nostros. Benedícta es tu, fília, a Dómino Deo excélso, præ ómnibus muliéribus super terram.

Prima strophæ sequentis Hymni dicitur flexis genibus.

Hymnus

Ave, maris stella,
Dei Mater alma,
Atque semper Virgo,
Felix cæli porta.

Sumens illud Ave
Gabriélis ore,
Funda nos in pace,
Mutans Hevæ nomen.

Solve vincla reis,
Profer lumen cæcis,
Mala nostra pelle,
Bona cuncta posce.

Monstra te esse matrem.
Sumat per te preces,
Qui pro nobis natus
Tulit esse tuus.

Virgo singuláris,
Inter omnes mitis,
Nos, culpis solútos,
Mites fac et castos.

Vitam præsta puram,
Iter para tutum,
Ut, vidéntes Jesum,
Semper collætémur.

Sit laus Deo Patri,
Summo Christo decus,
Spirítui Sancto,
Tribus honor unus.

Amen.

V. Exaltáta est sancta
Dei Génitrix. **Rj.** Super
choros Angelórum ad
cæléstia regna.

Ad Magnif. Ant. Hódie*
María Virgo cælos ascén-
dit: gaudéte, quia cum
Christo regnat in ætér-
num.

*Et fit Com. sequentis.
Complet. de Dominica.*

*Infra Octavam Antiphonæ
et Psalmi ad omnes Horas et
Versus Nocturnorum de oc-
currenti hebdomadæ die, ut
in Psalterio; reliqua ut in
Festo præter Lectiones, quæ
etiam in I Noct. pro singulis
diebus assignantur propriæ.*

Die 18 Augusti

**De IV die
infra Octavam
Assumptionis
B. M. V.**

*Semiduplex
Festum vide.*

Ant. Virgo prudentíssi-
ma, quo progréderis,
quasi auróra valde rúti-

lans? Fília Sion, tota formósa et suávis es, pulchra ut luna, elécta ut sol.

Si vero hac die faciendum non sit Officium de Octava, dicitur

Ant. Hódie María Virgo cælos ascéndit: gaudéte, quia cum Christo regnat in ætérnum.

V. Exaltáta est sancta Dei Génitrix. **R.** Super choros Angelórum ad cæléstia regna.

Oratio

Omnípotens sempitér-
ne Deus, qui Immaculátam Vírginem Mariam, Fílii tui genitricem, corpore et ánima ad cæléstem glóriam assumpsisti; concéde quæsumus, ut ad supérna semper inténti, ipsíus glóriæ mereámur esse consórtes. Per eúmdem Dóminum.

Pro Com. S. Agapiti Mart.:

Ant. Iste Sanctus pro lege Dei sui certávit usque ad mortem, et a verbis impiórum non tímuit; fundátus enim erat supra firmam petram.

V. Glória et honóre coronásti eum, Dómine.

R. Et constituísti eum

super ópera mánuum tuárum.

Oratio

Lætétur Ecclésia tua, Deus, beáti Agapíti Mártýris tui confísa suffrágiis: atque, ejus précibus gloriósis, et devóta permáneat, et secúra consístat. Per Dóminum.

IN I NOCTURNO

De Cánticis canticórum

Lectio i Cap. 4, 7-9, 12

Tota pulchra es, amíca mea, et mácula non est in te. Veni de Líbano, sponsa mea, veni de Líbano: veni, coronáberis, de cápite Amana, de vértice Sanir et Hermon, de cubílibus leónum, de móntibus pardórum. Vulnerásti cor meum, soror mea, sponsa, vulnerásti cor meum, in uno oculórum tuórum et in uno crine colli tui. Hortus conclúsus, soror mea, sponsa, hortus conclúsus, fons signátus.

R. Vidi speciósam sicut colúmbam, ascendéntem désuper rivos aquárum, cujus inæstimábilis odor erat nimis in vestiméntis ejus; * Et sicut dies verni circúmdabant eam flores rosárum et lília convállium. **V.** Quæ est ista quæ

ascéndit per désertum sicut vírgula fumi ex aromátibus myrrhæ et thuris? **Et.**

Lectio ii

Cap. 6, 3, 8-9; 8, 5

Pulchra es, amíca mea, suávis et decóra sicut Jerúsalem: terríbilis ut castrórum ácies ordináta. Una est colúmba mea, perfécta mea, una est matris suæ, elécta genitríci suæ. Vidérunt eam fíliæ, et beatíssimam prædicavérunt: regínæ, et laudavérunt eam. Quæ est ista, quæ progréditur, quasi auróra consúrgens, pulchra ut luna, elécta ut sol, terríbilis ut castrórum ácies ordináta? Quæ est ista, quæ ascéndit de déserto, delíciis áffluens inníxa super diléctum suum?

Rj. Sicut cedrus exaltáta sum in Líbano et sicut cypréssus in monte Sion: quasi myrrha elécta, * Dedi suavitátem odóris. **V.** Et sicut cinnamómum et bálsamum aromátizans. **Dedi.**

Lectio iii Cap. 8, 6-7

Pone me ut signáculum super cor tuum, ut signáculum super bráchium tuum, quia fortis

est ut mors diléctio, dura sicut inférnus æmulátio: lámpades ejus, lámpades ignis atque flammárum. Aquæ multæ non poterunt extínguere caritátem nec flúmina óbruent illam. Si déderit homo omnem substántiam suam, pro dilectióne, quasi nihil despíciat eam.

Rj. Quæ est ista quæ procéssit sicut sol, et formósa tamquam Jerúsalem? * Vidérunt eam fíliæ Sion, et beátam dixerunt, et regínæ laudavérunt eam. **V.** Et sicut dies verni circúmdabant eam flores rosárum et lília convállium. **Vidérunt.** **Glória Patri. Vi-**

IN II NOCTURNO

Ex Constitutióne Apostólica Pii Papa XII

Lectio iv

Hæc ómnia Sanctórum Patrum ac theologórum arguménta considerationesque Sacris Litteris, tamquam último fundaménto, nitúntur; quæ quidem almam Dei Matrem nobis véluti ante óculos propónunt divíno Fílio suo conjunctíssimam, ejúsque semper participántem

sortem. Quámobrem quasi impossibile videtur eam cernere, quæ Christum concépit, péperit, suo lacte áluit, eúmque inter ulnas hábuit pectoríque obstrínxit suo, ab eódem post terréstrem hanc vitam, etsi non ánima, córpore separátam. Cum Redémptor noster Mariæ Fílius sit, haud póterat profecto, útpote divínæ legis observátor perfectíssimus, præter Ætérnum Patrem, Matrem quoque suam dilectíssimam non honoráre. Atqui, cum eam posset tam magno honóre exornáre, ut eam a sepúlchri corruptione serváret incólumem, id reápsé fecísse credéndum est.

R. Ornátam monílibus fíliam Jerúsalem Dóminus concupívit: * Et vidéntes eam fíliæ Sion, beatíssimam prædicavérunt, dicéntes: Unguéntum effúsum nomen tuum. **V.** Astitit regína a dextris tuis in vestítu deauráto, circúmdata varietáte. **Et.**

Lectio v

Máxime autem illud memorándum est,

inde a sáculo secúndo, Mariám Vírginem a sanctis Pátribus véluti novam Hevam propóni novo Adæ, etsi subjéctam, arctíssime conjúctam in certámine illo advérsus inferórum hostem, quod, quemádmódum in protoevangélio præsignificátur, ad pleníssimam deventúrum erat victóriam de peccáto ac de morte, quæ semper in géntium Apóstoli scriptis inter se copulántur. Quámobrem sicut gloriósa Christi anastásis essentiális pars fuit ac postrémum hujus victóriæ tropæum, ita Beátæ Vírginis commúne cum Fílio suo certámen virgínei córporis “glorificatióne” concludéndum erat; ut enim idem Apóstolus ait, “cum . . . mortále hoc indúerit immortalitátem, tunc fiet sermo, qui scriptus est: absorpta est mors in victória.”

R. Beátam me dicent omnes generatiónes, * Quia fecit mihi Dóminus magna qui potens est, et sanctum nomen ejus. **V.** Et misericórdia ejus a progénie in progénies tíméntibus eum. **Quia.**

Lectio vi

Idcirco augústa Dei Mater, Jesu Christo, inde ab omni æternitáte, “uno eodémque decréto” prædestinatiónis, arcáno modo conjúcta, immaculáta in suo concéptu, in divína maternitáte sua integérrima virgo, generósa Divíni Redemptóris sócia, qui plenum de peccáto ejúsque consecretáriis deportávit triúmphum, id tandem assecúta est, quasi suprémam suórum privilegiórum corónam, ut a sepúlchri corruptiône servaretur immúnis, utque, quemádmódum jam Fílius suus, devícta morte, córpore et ánima ad supérnam cæli glóriam eveherétur, ubi Regína refúlgeret ad ejúsdem sui Fílii dexteram, immortalis sæculórum Regis.

R. Beáta es, Virgo María, quæ Dóminum portásti, Creatórem mundi:

* Genuísti qui te fecit, et in ætérnum pérmanes Virgo. **V.** Ave, María, grátia plena; Dóminus tecum. **Genuísti. Glória Patri. Genuísti.**

IN III NOCTURNO

Léctio sancti Evangélii
secúndum Lucam

Lectio vii Cap. 1, 41-50

In illo témpore: Repléta est Spíritu Sancto Elísabeth et exclamávit voce magna, et dixit: Benedícta tu inter mulieres. Et réliqua.

De Homilía sancti
Petri Damiáni

In Nativitate B. Mariæ V.,
Migne v. 144, col. 740

Virgo Dei Génitrix, cujus pulchritúdinem sol et luna mirántur, súbveni, dómina, clamántibus ad te júgiter: Revértere, revértere: Sunamítis, revértere, revértere, ut intueámur te. Tu benedícta, et superbenedícta, revértere per poténtiam. Fecit in te magna qui potens est, et data est tibi omnis potéstas in cælo et in terra. Nihil tibi impossíbile, cui possíbile est desperátos in spem beatitúdinis reveláre. Quómodo enim illa potéstas tuæ poténtiæ póterit obviáre, quæ de carne tua carnis suscepit oríginem? Accédis enim ante illud áureum humánæ reconciliatiónis altáre, non solum ro-

gans, sed imperans, dómina, non ancílla. Móveat te natúra, poténtia móveat, quia quanto poténtior, tanto misericórdior esse debébis. Potestáti enim cedit ad glóriam, injúrias ulcisci nolle cum possit. Revértere per amórem; scio, dómina, quia benigníssima es, et amas nos amóre invincibili, quos in te et per te Fílius tuus et Deus tuus summa dilectióne diléxit. Quis scit quóties refrigeras iram Júdicis, cum justítiæ virtus a præsentia deitátis egréditur?

R. Diffúsa est grátia in lábiis tuis: * Proptérea benedíxit te Deus in ætérnum. **V.** Myrrha, et gutta, et cásia a vestiméntis tuis, a dómibus ebúrneis, ex quibus delectavérunt te fíliæ regum in honóre tuo. **Prop-térea.**

Lectio viii

Revértere per singuláritatem. In mánibus tuis sunt thesáuri miserationum Dómini, et sola elécta es, cui grátia tanta concéditur. Absit ut cesset manus tua, quam occasionem quæras salvándi míseros et misericórdi-

am effundéndi! neque enim tua glória minúitur, sed augétur, cum pœniténtes ad véniam, justificáti ad glóriam assumúntur. Revértere, ergo, Sunamítis, id est, despécta, cujus ánimam pertransívit gládus quæ fabri uxor appelláta fuísti. Ad quid? Ut intueá-mur te. Summa glória est post Deum te vidére, adhærere tibi, et in tuæ protectionis munímine demorári. Audi nos. Nam et Fílius nihil negans honórat te, qui est Deus benedíctus in sæcula sæculórum. Amen.

R. Beáta es, Virgo María, Dei Génitrix, quæ credidísti Dómino: perfectá sunt in te quæ dicta sunt tibi: ecce exaltáta es super choros Angelórum: * Intercéde pro nobis ad Dóminum, Deum nostrum. **V.** Ave, María, grátia plena; Dóminus tecum. **Intercéde. Glória Patri. Intercéde.**

Pro S. Agapito Mart.:

Lectio ix

Agapítus Prænestínus, quíndecim annos natus, Aureliáno imperatóre, martýrii cupidíssimus, cum propter constantiam religiónis, im-

peratóris jussu, primum nervis diutissime cæsus, deinde in tetrum cárcerem conjéctus esset, ut nihil omnino per quátuor dies gustáret, e custódia est edúctus. Et, ardéntibus carbónibus cápiti ejus impósitis, Deo agens grátias, íterum afféctus verbéribus, nudus ita pédibus suspénsus est, ut ingens fumus e subjécto igne os ejus obrúeret. Tum fervens aqua in ejus ventrem effúsa est, maxillæque confráctæ. Quo témpore judex, e tribunáli lapsus, paulo post mórtuus est. Ea re incénso imperatóre, sanctum júvenem jubénte feris óblici, cum illæ non audérent attíngere, Prænéste gládio percússus est.

Te Deum laudámus.

Ad Laudes

V. Exaltáta est sancta Dei Génitrix. **R.** Super choros Angelórum ad cæléstia regna.

Ad Bened. Ant. Quæ est ista * quæ ascéndit sicut

auróra consúrgens, pulchra ut luna, elécta ut sol, terríbilis ut castrórum ácies ordináta?

Oratio

Omnípotens sempitérne Deus, qui Immaculátam Vírginem Maríam, Fílii tui genitricem, corpore et ánima ad cæléstem glóriam assumpsísti; concéde quæsumus, ut ad supérna semper inténti, ipsíus glóriæ mereámur esse consórtes. Per eúmdem Dóminum.

Pro Com. S. Agapiti:

Ant. Qui odit ánimam suam in hoc mundo, in vitam ætérnam custódit eam.

V. Justus ut palma florébit. **R.** Sicut cedrus Líbani multiplicábitur.

Oratio

Lætétur Ecclésia tua, Deus, beáti Agapíti Mártiris tui confísa suffrágiis: atque, ejus précibus gloriósis, et devóta permáneat, et secúra consistat. Per Dóminum.

Vesp. de seq., Com. præced

URBIS ET ORBIS

Missa in honorem B. M. V. in cælum Assumptæ approbata, congruum erat ut etiam Officium iis adornatum esset laudibus, quæ Deiparæ Virgini ob definitum corporeæ Assumptionis dogma merito tribuendæ erant. Quapropter Sacra Rituum Congregatio supra relatum Officium Sanctissimo Domino nostro Pio Papæ XII per infrascriptum Eminentissimum Cardinalem Pro-Præfectum approbandum submitit. Eadem Sanctitas Sua propositum schema probare dignata est; simulque mandavit ut loco veteris Officii in Breviario Romano exstantis, novum hoc poneretur in posterum unice adhibendum ab iis qui Romano Breviario adstringuntur. Contrariis non obstantibus quibuscumque. Datum Romæ, die 27 Aprilis 1951.

† CLEMENS CARD. MICARA, Episc. Veliternus,

S. R. C. Pro-Præfectus

† ALFONSUS CARINCI, Archiep. Seleucien.

Secretarius.

Imprimatur:

Franciscus Card. Spellman

Archiepiscopus Neo-Eboracensis

NOVI EBORACI, 1951, In Festo S. Petri Canisii

AD NONAM

Ant. Pulchra es * et decóra, filia Jerúsalem, terribilis ut castrórum ácies ordináta.

Capit. **Eccli. 24, 19-20**

IN platéis sicut cinnamómum et bálsamum aromatízans odórem dedi : quasi myrrha elécta, dedi suavitátem odóris.

℟. br. María Virgo assumpta est * Ad æthéreum thálamum. María.

℣. In quo Rex regum stelláto sedet sólio. Ad. **Glória Patri.** María. **℣.** Dignáre me laudáre te, Virgo sacráta. **℟.** Da mihi virtútem contra hostes tuos.

IN II VESPERIS

Omnia ut in I Vesperis, præter **Ant.** ad **Magnif.**

℣. Exaltáta est sancta Dei Génitrix. **℟.** Super

choros Angelórum ad cæléstia regna.

Ad Magnif. Ant. Hódie * María Virgo cælos ascendit : gaudéte, quia cum Christo regnat in ætérnum.

Oratio

FAmulórum tuórum, quæsumus, Dómine, delictis ignósce : ut, qui tibi placére de áctibus nostris non valémus; Genitricis Filii tui Dómini nostri intercessióne salvémur : Qui tecum vivit.

Et fit Commemoratio sequentis, ut infra.

Infra Octavam et in die Octava Antiphonæ et Psalmi ad omnes Horas et Versus Nocturnorum de occurrenti hebdomadæ die, ut in Psalterio; reliqua ut in Festo præter Lectiones, quæ etiam in I Nocturno pro singulis diebus assignantur propriæ.

DIE 16 AUGUSTI

S. Joachim Patris B. Mariæ V., **Conf.**

DUPLEX II CLASSIS

Omnia de Communi **Conf.** non Pont. [94], præter ea quæ hic habentur propria. (m. t. v.)

Ant. Laudémus virum gloriósum in generatióne sua, quia benedictiónem

ómnium géntium dedit illi Dóminus, et testaméntum suum confirmávit super caput ejus.

℣. Potens in terra erit semen ejus. **℟.** Generatio rectórum benedicétur.

Oratio

DEus, qui præ omnibus Sanctis tuis beátum Jóachim Genitrícis Fílii tui patrem esse voluísti : concede, quæsumus; ut, cujus festa venerámur, ejus quoque perpétuo patrocínia sentiámus. Per eúmdem Dóminum.

In I Nocturno Lectiones
Beátus vir, de eodem Comuni 1 loco. [96]

In II Noeturno

Sermo sancti Epiphánii
Epíscopi

Oratio de Laud. Virg.,
sub initium

Lectio iv



E radíce Jesse ortus est rex David, et de tribu regis David sancta Virgo : sancta, inquam, et sanctórum virórum filia, cujus paréntes fuérunt Jóachim et Anna; qui quidem in vita sua Deo placuérunt, atque étiam fructum ejúsmodi germinavérunt, sanctam Virgínem Mariám, templum simul et matrem Dei. Jóachim porro, Anna et María, hi tres Trinitáti palam sacrificium laudis offerébant. Jóachim enim interpretátur Præparátio Dómini, eo quod ex illo præparátum sit templum Dómini, nempe Virgo. Anna rursus similiter Grá-

tia interpretátur, proptér ea quod Jóachim et Anna grátiam acceperunt, ut, accedéntibus précibus, talem fructum germinárent, sanctam Virgínem adépti; Jóachim síquidem precabátur in monte, et Anna in horto suo.

✠. Honéstum fecit illum Dóminus, et custodívit eum ab inimícis, et a seductóribus tutávit illum :
* Et dedit illi claritátem ætérnam. ✠. Justum dedúxit Dóminus per vias rectas, et osténdit illi regnum Dei. — Et.

Sermo sancti Joánnis
Damascéni

Oratio 1 de Virg. Mariæ
Nativ., circa principium

Lectio v

QUóniam futúrum erat ut Dei Génitrix et Virgo ex Anna orirétur, nátura grátiae foetum antevértere mínime ausa est; verum tantisper exspectávit, dum grátia fructum suum produxísset. Síquidem oportébat eam primogénitam in lucem edi, quæ rerum ómnium condítarum Primogénitum, in quo ómnia coagmentáta sunt, paritúra erat. O par beátum Jóachim et Anna; vobis omnis creatúra obstricta est. Per vos enim donum, ómnium donórum præstantíssimum, Crea-

tóri obtulit, nempe castam matrem, quæ sola Creatore digna erat.

℟. Amavit eum Dominus, et ornavit eum : stolam gloriæ induit eum, * Et ad portas paradisi coronavit eum. ℣. Induit eum Dominus lorica fidei, et ornavit eum. — Et.

Lectio vi

EXsulta, Jóachim, quoniam ex filia tua Filius natus est nobis; et vocatur nomen ejus magni consilii, hoc est, salutis totius mundi Angelus. Pudore afficiatur Nestorius, ac manum ori imponat. Puer hic Deus est. Quoniam igitur modo ea Dei Genitrix non sit, quæ peperit? Si quis sanctam Dei Genitricem non confitetur, a Deitate remotus est. Mea non est hæc oratio, quamquam alioqui mea; hanc enim divinissimam hereditatem a theologo patre Gregorio accépi. O beatum par Jóachim et Anna! Ac profecto ex ventris vestri fructu immaculati agnoscimini, quemadmodum Christus quodam loco dixit : Ex fructibus eorum cognoscetis eos. Ut Deo gratum erat ac dignum ea quæ a vobis orta est, vitæ vestræ rationes instituistis. Caste enim ac sancte munere vestro

functi, virginitatis thesaurum produxistis.

℟. Iste homo perfecit omnia quæ locutus est ei Deus, et dixit ad eum : Ingrederere in requiem meam : * Quia te vidi justum coram me ex omnibus gentibus. ℣. Iste est, qui contempsit vitam mundi, et pervenit ad cælestia regna. — Quia. Glória Patri. Quia.

In III Nocturno

Lectio sancti Evangelii secundum Matthæum

Lectio vii Cap. 1, 1-16

Liber generationis Jesu Christi, filii David, filii Abraham. Abraham genuit Isaac, Isaac autem genuit Jacob. Et reliqua.

Homilia sancti Joannis Damasceni

Liber 4 de Fide orthodoxa, cap. 15 de Domini genealogia et sanctæ Dei Genitricis



Quod Joseph ex Davidica tribu originem duxerit, sanctissimi Evangelistæ Matthæus et Lucas liquido demonstrarunt. Verum, hoc inter eos discriminis est, quod Matthæus ex Davide per Salomonem Josèphum deducit; Lucas autem per Nathan. At vero sanctæ Virginis ortum uterque silentio præteriiit. Quocirca

scire óperæ prétium est, nec apud Hebræos nec apud Scriptúram sacram hoc in more pòsitum fuísse, ut mulierum genus recenserétur. Verum, hoc demum lege cautum erat ne tribus ulla uxóres ex áltera tribu accérseret. Ac proínde Joseph, qui ex tribu Davídica ortum trahébat justitiámque colébat (hanc enim laudem ei tribuit divínium Evangélium), sanctam Vírginem haudquáquam præter legis præscriptum despondísset, nisi ex eódem sceptro genus duxísset. Ob idque satis hábuit Evangelísta demonstrásse, unde Joseph ortum tráxerit.

✠. Iste est, qui ante Deum magnas virtútes operátus est, et de omni corde suo laudávit Dóminum : * Ipse intercédát pro peccátis ómnium populórum. ✠. Ecce homo sine queréla, verus Dei cultor, ábstinens se ab omni ópere malo, et pérmanens in innocéntia sua. — Ipse.

Si dicenda sit ix Lectio aliqujus Officii commemorati, ex viii et ix Lectione fit una.

Lectio viii

Igitur ex stirpe Nathan, filii David, Levi genuit Melchi et Panthérem. Panther autem genuit Barpanthérem (namque ita

vocabátur.) Barpánther rursus genuit Jóachim. Jóachim dénique genuit sanctam Dei Genitricem. Rursus, ex stirpe Salomónis, filii David, Mathan ex uxóre sua genuit Jacob. Mórtuo autem Mathan, Melchi ex tribu Nathan, filius Levi ac frater Panthéris, uxórem ipsíus Mathan, quæ étiam Jacóbi mater erat, matrimónio sibi copulávit, atque ex ea genuit Heli. Ita uteríni fratres erant Jacob et Heli; ille nimirum ex tribu Salomónis, hic ex tribu Nathan oriúndus.

✠. Sint lumbi vestri præcincti, et lucernæ ardentes in manibus vestris : * Et vos símiles homínibus expectántibus dóminum suum, quando revertátur a nuptiis. ✠. Vigiláte ergo, quia nescitis qua hora Dóminus vester ventúrus sit. — Et. Glória Patri. Et.

Lectio ix

Porro Heli, qui ex tribu Nathan erat, nullis líberis suscep̃tis, e vita migrávit; eáque de causa Jacob ipsíus frater, qui ex tribu Salomónis flúxerat, ipsíus uxórem accépit, fratrique suo semen excitávit ac Joséphum progénuit. Joseph itaque natúra quidem filius Jacob erat, a Salomóne oriúndus; legis autem ratióne patrem ha-

bébat Heli, ex Nathan oriúndum. Quæ cum ita sint, Jóachim lectíssimam illam ac summis láudibus dignam mulierem Annam matrimónio sibi copulávit. Verum, quemádmódum prisca illa Anna, cum sterilitátis morbo laboráret, per oratióem ac promissióem, Samuélem procreávit; eódem modo hæc étiam, per obsecratióem et promissióem, Dei Genitrícem a Deo accépit, ut ne hic quoque cuiquam ex illústribus matrónis céderet. Itaque grátia (nam hoc sonat Annæ vocábulum) Dóminam parit (id enim Mariæ nómine significátur). Vere étenim rerum ómnium conditárum Dómina facta est, cum Creatóris Mater éxstitit.

Te Deum laudámus.

AD LAUDES

℣. Potens in terra erit semen ejus. ℞. Generatio rectórum benedicétur.

Ad Bened. Ant. Laudémus * virum gloriósum in generatióne sua, quia benedictióem ómnium gén-tium dedit illi Dóminus, et testaméntum suum confirmávit super caput ejus.

Oratio

DEus, qui præ ómnibus Sanctis tuis beátum Jóachim Genitrícis Fílii tui

patrem esse voluísti : concéde, quæsumus; ut, cujus festa venerámur, ejus quoque perpétuo patrocínia sentiámus. Per eúmdem Dóminum.

IN II VESPERIS

℣. Potens et ad Magnif. **Ant.** Laudémus, ut supra ad Laudes.

Et fit Commemoratio tantum sequentis.

Die 17 Augusti

S. Hyacinthi Conf. [94]

Duplex (m. t. v.)

Ant. Similábo eum viro sapiénti, qui ædificávit domum suam supra petram.

℣. Amávit eum Dóminus.

Oratio

C 1

DEus, qui nos beáti Hyacínthi Confessóris tui ánnua solemnitáte lætíficas : concéde propítius; ut, cujus natalítia cólimus, étiam actióes imitémur. Per Dóminum.

In II Noeturno

Lectio iv



Yacínthus Polónus, nobílibus et christiánis paréntibus, in Camiénsi villa episcopátus Vratislaviénsis natus est. A puerítia lítteris instrúctus, post datam ju-

risprudéntiæ et sacris litéris óperam, inter canónicos Cracoviénses adscítus, insigni morum pietáte et summa eruditióné céteros antecélluit. Romæ in Prædicatórum órđinem ab ipso institútore sancto Dóminico adscríptus, perféctam vivéndi ratióne, quam ab ipso didícerat, usque ad finem vitæ sanctíssime retínuit. Virginitátem perpétuo cóluit; modéstiam, patiéntiam, humilitátem, abstinéntiam ceterásque virtútes, ut certum religiósæ vitæ patrímónium, adamávit.

✠. Honéstum fecit illum Dóminus, et custodívit eum ab inimícis, et a seductóribus tutávit illum :
* Et dedit illi claritátem ætérnam. ✠. Justum dedúxit Dóminus per vias rectas, et osténdit illi regnum. Dei. — Et.

Lectio v

Caritaté in Deum fervens, íntegras sæpe noctes fundéndis précibus castigandóque córpori insúmens, nullum eidem levaméntum, nisi lápidi inníxus sive humi cubans, adhibébat. Remíssus in pátriam, Frisáci primum in itínere amplíssimum sui órđinis monastérium, mox Cracóviæ álterum eréxit. Inde per álias Polóniæ re-

gni províncias áliis quátuor exædicátis, incredíbile dictu est, quantum verbi Dei prædicatióne et vitæ innocéntia apud omnes profécerit. Nullum diem prætermísit, quo non præclára áliqua fidei, pietátis atque innocéntiæ arguménta præstíterit.

✠. Amávit eum Dóminus, et ornávit eum : stolam glóriæ induit eum,
* Et ad portas paradísi coronávit eum. ✠. Induit eum Dóminus lorícam fidei, et ornávit eum. — Et.

Lectio vi

Sanctíssimi viri stúdiū erga proximórum salútem máximis Deus miráculis illustrávit. Inter quæ illud insígne, quod Vándalum flúvium prope Visográdum aquis redundántem, nullo navígio usus, trajécit, sóciis quoque expánso super undas pállio tradúctis. Admirábili vitæ génere ad quadragínta prope annos post professiόnem perdúcto, mortis die suis frátribus prænuntiáto, ipso assúptæ Vírginis festo, Horis canónicis persolútis, sacraméntis ecclesiásticis summa cum veneratióne percéptis, iis verbis : In manus tuas, Dómine; spíritum Deo réddidit, anno salútis millésimo ducen-

tésimo quinquagésimo séptimo. Quem miráculis, étiam post óbitum, illústrem, Clemens Papa octávus in Sanctórum númerum rétulit.

℟. Iste homo perfécit ómnia quæ locútus est ei Deus, et dixit ad eum : Ingrédere in réquiem meam :

* Quia te vidi justum coram me ex ómnibus génibus. ℣. Iste est, qui contémpsit vitam mundi, et pervénit ad cæléstia regna. — Quia. Glória Patri. Quia.

Pro hoc Festo simplificato

Lectio ix

HYACINTHUS Polónus, nobílibus et christiánis paréntibus, in Camiénsi villa episcopátus Vratislaviénsis natus est. Inter canónicos Cracoviénses adscítus, insigni morum pietáte et eruditíone céteros antecélluit. Romæ in Prædicatórum órđinem ab ipso institutóre sancto Dóminico adscríptus, perféctam vivéndi ratióne, quam ab ipso didícerat, usque ad finem vitæ sanctíssime retínuit, virginitáte perpétuo serváta. Remíssus in pátriam, sex sui órđinis monastériis exædificátis, incredíbile dictu est, quantum verbi Dei prædicatióne et vitæ innocéntia apud

omnes profécerit, fréquentibus clarus miráculis. Inter quæ illud insígne, quod Vándalum flúvium prope Visográdum aquis redundántem, nullo navígio usus, trajécit, sóciis quoque expánso super undas pállio tradúctis. Admirábili vitæ génere ad quadragínta prope annos post professióne perdúcto, ipso assúptæ Vírginis festo, spíritum Deo réddidit, anno salutis milésimo ducentésimo quinquagésimo séptimo, et a Clemen-te octávo in Sanctórum númerum fuit relátus.

Te Deum laudámus.

In III Nocturno Homilia in Ev. Sint lumbi, de Comm. Conf. non Pont. 1 loco. [98]

AD LAUDES

℣. Justum dedúxit.

Ad Bened. Ant. Euge, serve bone * et fidélis, quia in pauca fuísti fidélis, supra multa te constitúam, intra in gáudium Dómini tui.

Oratio

C 1

DEUS, qui nos beátí Hyacínthi Confessóris tui ánnua solemnitáte lætíficas : concéde propítius, ut, cujus natalítia cólimus, étiam actiões imitémur. Per Dóminum.

Et fit Commemoratio Octavæ Assumptionis :

Ant. Quæ est ista quæ ascéndit sicut auróra consurgens, pulchra ut luna, elécta ut sol, terribilis ut castrórum ácies ordináta?

℣. Exaltáta est sancta Dei Génitrix. **℟.** Super choros Angelórum ad cæléstia regna.

Oratio

Famulórum tuórum, quæsumus, Dómine, delictis ignósce : ut, qui tibi placére de áctibus nostris non valémus; Genitrícis Fílii tui Dómini nostri intercessióne salvémur. (Qui tecum vivit.)

Deinde Commemoratio diei Octavæ S. Laurentii Mart. :

Ant. In cráticula te Deum non negávi, et ad ignem applicátus te Christum conféssus sum : probásti cor meum, et visitásti nocte : igne me examinásti, et non est invénta in me iníquitas.

℣. Dispérsit, dedit pauperibus. **℟.** Justítia ejus manet in sáeculum sáeculi.

Oratio

Excita, Dómine, in Ecclésia tua Spíritum, cui beátus Lauréntius Levíta servívit : ut, eódem nos repléti, studeámus amáre quod amávit, et ópere exercére quod dó-

cuit. Per Dóminum... in unitáte ejúsdem.

IN II VESPERIS

℣. Justum dedúxit.

Ad Magnif. Ant. Hic vir despíciens mundum * et terréna, triúmphans, divítias cælo cóndidit ore, manu.

Et fit Commemoratio sequentis diei infra Octavam et S. Agapiti Mart., ut infra.

Die 18 Augusti

De IV die infra Octav. Assumptionis B. M. V.

Semiduplex 888

Ant. Virgo prudentíssima, quo progréderis, quasi auróra valde rútilans? Fília Sion, tota formósa et suávis es, pulchra ut luna, elécta ut sol.

Si vero hac die faciendum non sit Officium de Octava, dicitur

Ant. Hódie María Virgo cælos ascéndit : gaudéte, quia cum Christo regnat in ætérnum.

℣. Exaltáta et Oratio Famulórum, ut supra.

Pro Com. S. Agapiti Mart. :

Ant. Iste Sanctus pro lege Dei sui certávit usque ad mortem, et a verbis impiórum non tímuit; fundátus enim erat supra firmam petram.

℣. Glória et honóre.

Oratio

Lætétur Ecclesiá tua, Deus, beáti Agapíti Mártiris tui confisa suffrágiis : atque, ejus préci-
bus gloriósis, et devóta permáneat, et secúra consístat. Per Dóminum.

In I Noeturno

De Cánticis canticórum

Lectio i Cap. 4, 1-4



Quam pulchra es, amíca mea, quam pulchra es! Oculi tui columbárum, absque eo quod intrínsecus latet. Capílli tui sicut greges caprárum quæ ascendérunt de monte Gálaad. Dentes tui sicut greges tonsárum quæ ascendérunt de lavácro; omnes geméllis fœtibus, et stérilis non est inter eas. Sicut vitta coccínea lábia tua, et elóquium tuum dulce. Sicut fragmen mali púnici, ita genæ tuæ, absque eo quod intrínsecus latet. Sicut turris David collum tuum, quæ ædificáta est cum propugnáculis : mille clýpei pendent ex ea, omnis armatúra fórtium.

℟. Vidi speciósam sicut colúmbam, ascendéntem désuper rivos aquárum, cujus inæstimábilis odor erat nimis in vestiméntis ejus; * Et sicut dies verni circúmdabant eam flores

rosárum et lília convál-
lium. ℞. Quæ est ista quæ ascendit per desértum sicut vírgula fumi ex aromátibus myrrhæ et thuris? — Et.

Lectio ii

Ibid. 7-15

Tota pulchra es, amíca mea, et mácula non est in te. Veni de Líbano, sponsa mea, veni de Líbano, veni, coronáberis; de cápite Amana, de vértice Sanir et Hermon, de cubílibus leónum, de móntibus pardórum. Vulnerásti cor meum, soror mea, sponsa; vulnerásti cor meum in uno oculórum tuórum et in uno crine colli tui. Quam pulchræ sunt mammæ tuæ, soror mea, sponsa! pulchrióra sunt úbera tua vino, et odor unguentórum tuórum super ómnia aromata.

℟. Sicut cedrus exaltáta sum in Líbano, et sicut cypréssus in monte Sion : quasi myrrha elécta, * Dedi suavitátem odóris. ℞. Et sicut cinnamómum et bálsamum aromatízans. — Dedi.

Lectio iii

Favus distíllans lábia tua, sponsa, mel et lac sub lingua tua; et odor vestimentórum tuórum sicut odor thuris. Hortus conclusus soror mea sponsa, hortus conclusus, fons si-

gnátus. Emissiões tuæ paradísus malórum puni-
córum cum pomórum frú-
ctibus, cypri cum nardo.
Nardus et crocus, fístula
et cinnamómum cum uni-
vérsis lignis Líbani; myr-
rha et áloe cum ómnibus
primis unguéntis. Fons
hortórum, púteus aquá-
rum vivéntium, quæ fluunt
ímpetu de Líbano.

℟. Quæ est ista quæ pro-
cæssit sicut sol, et formó-
sa tamquam Jerúsalem?

* Vidérunt eam fíliæ Sion,
et beátam dixerunt, et
reginæ laudavérunt eam.

℣. Et sicut dies verni cir-
cúmdabant eam flores ro-
sárum et lília convállium.
— Vidérunt. Glória Patri.
Vidérunt.

In II Nocturno

De Sermóne
sancti Joánnis Damascéni

Oratio 2 de Dormit. Deiparæ,
sub finem

Lectio iv



X antíqua accépi-
mus traditióne,
quod, témpore glo-
riósæ dormitiónis beátæ
Vírginis, univérsi quidem
sancti Apóstoli, qui orbem
terræ ad salútem Géntium
peragrábant, mómento
témporis in sublíme eláti,
convenérunt Jerosólymis.
Cumque illic essent, eis
visio apparuit angélica, et

audíta est psalmódia cælé-
stium Potestátum; et sic
cum divína glória in ma-
nus Dei sanctam trádidit
ánimam. Ejus autem cor-
pus, quod Deum ineffábili
quadam ratióne suscepit,
cum angélica et apostólica
hymnódia elátum, in lócu-
lo fuit depósitum Gethsé-
mane; quo in loco Ange-
lórum cantus mansit tres
dies continúos.

℟. Ornátam monílibus fí-
liam Jerúsalem Dóminus
concupívit : * Et vidéntes
eam fíliæ Sion, beatíssi-
mam prædicavérunt, di-
céntes : Unguéntum effú-
sum nomen tuum. ℣. Asti-
tit regína a dextris tuis in
vestítu deauráto, circúm-
data varietáte. — Et.

Lectio v

Post tres autem dies an-
gélíco cantu cessánte,
qui áderant Apóstoli (cum
unus Thomas, qui abfúe-
rat, post tértium diem ve-
nísset, et, quod Deum
suscéperat, corpus adoráre
voluísset), túmulum ape-
ruérunt; sed omni ex parte
sacrum ejus corpus ne-
quáquam inveníre potué-
runt. Cum ea autem tan-
tum invenísset, in qui-
bus fúerat compósitum, et
ineffábili, qui ex iis profi-
ciscebátur, essent odóre
repléti, lóculum clausé-
runt. Ejus mystérii obstu-

pefácti miráculo, hoc solum cogitáre potuérunt quod, cui plácuít ex María Vírgine carnem súmeret et hóminem fieri et nasci, cum esset Deus Verbum et Dóminus glóriæ, quique post partum incorruptam servávit ejus virginitátem; eidem étiam plácuít et ipsíus, postquam migrávit, immaculátum corpus, incorruptum servátum, translatiône honoráre ante commúnem et universálem resurrectiõem.

℟. Beátam me dicent omnes generatiões, * Quia fecit mihi Dóminus magna qui potens est, et sanctum nomen ejus. ℣. Et misericórdia ejus a progénie in progénies timéntibus eum. — Quia.

Lectio vi

Aderant tunc cum Apóstolis sanctíssimus Timótheus, primus epíscopus Ephesiórum, et Dionýsius Areopagíta, sicut ipse testátur in iis quæ de beáto Hierótheo, qui ipse quoque tunc áderat, scripsit ad prædictum Timótheum, sic dicens : Nam étiam apud ipsos a Deo afflátos Sacrórum antístites, quando nos quoque, ut nosti, et multi ex sanctis nostris frátribus, ad contuéndum corpus, quod

vitæ princípium dedit et Deum suscepit, convenissémus (áderat autem et Dómini frater Jacóbus, et Petrus, supréma et antiquíssima theologórum súmmitas), et, viso sacro corpore, plácuít ómnibus, prout quisque póterat, hymnis celebráre infinitam bonitátem divínæ poténtiæ.

℟. Beáta es, Virgo María, quæ Dóminum portásti, Creatórem mundi : * Genuísti qui te fecit, et in ætérnum pérmanes Virgo. ℣. Ave, María, grátia plena; Dóminus tecum. — Genuísti. Glória Patri. Genuísti.

In III Nocturno

Lectio sancti Evangélíi
secúndum Lucam

Lectio vii Cap. 10, 38-42

IN illo témpore : Intrávit Jesus in quoddam castéllum; et múlíer quædam, Martha nómine, excépit illum in domum suam. Et réliqua.

De Homília

sancti Augustíni Epíscopi
Sermo 27 de verbis Domini,
paulo ante medium



Ene Martha circa corporálem Dómini, quid dicam, necessitátem an voluntátem? ministrábat carni mortáli. Sed quis erat in

carne mortáli? In principio erat Verbum, et Verbum erat apud Deum, et Deus erat Verbum : ecce quod María audiébat. Verbum caro factum est, et habitávit in nobis : ecce Martha cui ministrábat. Ergo María meliorem partem elégit, quæ non auferétur ab ea. Hoc enim elégit, quod semper manébit, ideo non auferétur ab ea.

✠. Diffúsa est grátia in lábiis tuis : * Proptérea benedíxit te Deus in ætérnum. ✠. Myrrha, et gutta, et cásia a vestiméntis tuis, a dómibus ebúrneis, ex quibus delectavérunt te fíliæ regum in honóre tuo. — Proptérea.

Lectio viii

Circa unum María se vóluit occupári. Jam tenébat : Mihi autem adhærere Deo bonum est. Sedébat ad pedes Cápitis nostri. Quanto humílius sedébat, tanto ámplius capiébat; cónfluit enim aqua ad humilitátem convállis, dénatat de tumóribus collis. Non ergo Dóminus opus reprehéndit, sed munus distínxit. Circa multa es occupáta : porro unum est necessárium. Jam hoc sibi María elégit.

✠. Beáta es, Virgo María, Dei Génitrix, quæ credidísti Dómino : perfé-

cta sunt in te quæ dicta sunt tibi : ecce exaltáta es super choros Angelórum :

* Intercéde pro nobis ad Dóminum, Deum nostrum.

✠. Ave, María, grátia plena; Dóminus tecum. — Intercéde. Glória Patri. Intercéde.

Pro S. Agapito Mart.

Lectio ix

Agapítus Prænестinus, quíndecim annos natus, Aureliáno imperátore, martýrii cupidíssimus, cum propter constántiam religiónis, imperatóris jussu, primum nervis diutissime cæsus, deínde in tetrum cárcerem conjéctus esset, ut nihil omníno per quátuor dies gustáret, e custódia est edúctus. Et, ardéntibus carbónibus cápiti ejus impósitis, Deo agens grátias, íterum afféctus verbéribus, nudus ita pédibus suspénsus est, ut ingens fumus e subjécto igne os ejus obrúeret. Tum fervens aqua in ejus ventrem effúsa est, maxillæque confráctæ. Quo témpore judex, e tribunáli lapsus, paulo post mórtuus est. Ea re incénso imperátore, sanctum júvenem jubénte feris óblici, cum illæ non audérent attingere, Præneste gládio percússus est.

Te Deum laudámus.

Ad Laudes fit Commemoratio S. Agapiti Mart. :

Ant. Qui odit ánimam suam in hoc mundo, in vitam ætérnam custódit eam.

℟. Justus ut palma.

Oratio

Lætétur Ecclésia tua, Deus, beáti Agapíti Mártiris tui confisa suffrágiis : atque, ejus précibus gloriósis, et devóta permáneat, et secúra consistat. Per Dóminum.

Vesperæ de sequenti, Commemoratio præcedentis.

Die 19 Augusti

S. Joannis Eudes

Confessoris [94] Duplex

℟. Amávit eum Dóminus.

Ad Magnif. Ant. Similábo eum * viro sapiénti, qui ædificávit domum suam supra petram.

Oratio

Deus, qui beátum Joánnem, Confessórem tuum, ad cultum Sacrórum Córdium Jesu et Mariæ rite promovéndum, mirábiliter inflammásti, et per eum novas in Ecclésia tua Famílias congregáre voluísti : præsta quæsumus; ut cujus pia mérita venerámur, virtútum quoque

instruámur exémplic. Per eúmdem Dóminum.

Et fit Commemoratio præcedentis diei infra Octavam :

Ant. Hódie María Virgo cælos ascéndit : gaudéte, quia cum Christo regnat in ætérnum.

℟. Exaltáta est sancta Dei Génitrix. ℟. Super choro Angelórum ad cæléstia regna.

Oratio

Famulórum tuórum, quæsumus Dómine, delictis ignósce : ut, qui tibi placére de áctibus nostris non valémus; Genitrícis Fílii tui Dómini nostri intercessióne salvémur : Qui tecum vivit.

In II Nocturno

Lectio iv



Oánnes, anno millésimo sexcentésimo primo, in pago vulgo Ri, Sagiénsis diocécisis, e piis honestisque paréntibus ortus est. Adhuc puer, Angelórum pane reféctus, perpétuam castitátem aláriter vovit. In Cadoméense Collégium a Pátribus Societátis Jesu diréctum excéptus, singulári pietáte emícuit; et Mariæ Vírginis tutelæ sese commíttens, speciále fœdus ínitum cum ea vix adoléscentis suo sáanguine signávit. Litterárum ac philo-

sophiæ currículo multa cum laude peracto, spre-
tisque sibi oblatis nuptiis,
Berulliáni Oratorii Con-
gregatióni nomen dedit, et
sacerdótio Parísiis auctus
est. Mira caritáte erga
próximum flagrávit : nam
apud plura loca, corpóribus,
asiática lue percúlsis,
animisque curándis sédu-
lam óperam dedit. Domus
Oratoriánæ Cadómi Re-
ctor factus, quum diu co-
gitáret ad Ecclesiæ mini-
stérium júvenes idóneos
institúere, a sodálibus,
quibúscum vigínti annos
víxerat, divína ope implo-
ráta, licet ægre, forti áni-
mo discéssit.

✠. Honéstum fecit illum
Dóminus, et custodívit
eum ab inimícis, et a se-
ductóribus tutávit illum :

* Et dedit illi claritátem
ætérmam. ✠. Justum de-
dúxit Dóminus per vias
rectas, et osténdit illi re-
gnum Dei. — Et dedit illi
claritátem.

Lectio v

Quinque ígitur sacerdot-
es sibi consóciens,
anno millésimo sexcenté-
simo quadragésimo tértio,
die festo Annuntiatiónis
Beátæ Mariæ Vírginis,
Congregatiónem Presby-
terórum instituit, cui San-
ctíssima Jesu et Mariæ
nómina dedit et Cadómi

primum Seminárium apé-
ruit, quod in Normán-
nia et Britán-
nia minóri com-
plúra, eódem auctóre, sub-
secúta sunt. Pro pecca-
trícibus féminis ad chri-
stiánam vitam revocán-
dis, Ordinem Dóminæ No-
stræ a Caritáte fundávit;
cujus nobilíssimæ árboris
ramus est Congregatio
Andegavénsis a Bono Pa-
stóre. Insuper Societátem
a Matris Dei Corde Ad-
mirábili, et ália caritátis
ópera cón-
didit. Scripta
plura præcláre éd-
idit, et
Missionárius Apostólicus
tot pagos, óppida et urbes
ipsámque régiam aulam,
usque ad extrémam ætá-
tem, evangelizávit.

✠. Amávit eum Dómi-
nus, et ornávit eum : sto-
lam glóriæ induit eum,
* Et ad portas paradísi
coronávit eum. ✠. Induit
eum Dóminus lorícam fí-
dei, et ornávit eum. — Et.

Lectio vi

Singuláre ejus stúdi-
um emícuit in salutári de-
votióne promovénda erga
Sacratíssima Corda Jesu
et Mariæ, quorum litúr-
gi-
cum cultum eisdem præ-
stándum non sine áliquo
divíno afflátu, primus óm-
nium excogitávit, ideóque
ejúsdem cultus pater, do-
ctor et apóstolus hábitus
est. Jansenistárum doctri-

nis fórtiter resístens, im-
mutátum erga Petri cáthe-
dram obséquium servávit,
et pro suis inimícis, tam-
quam pro frátribus, assi-
due Deum precátus est.
Labóribus, pótius quam
annis, fractus, cúpiens
dissólvi et esse cum Chri-
sto, die décima nona
augústi, anno millésimo
sexcentésimo octogésimo,
suávia Jesu et Mariæ
nómína sápius répetens,
plácide exspirávit. Quem
plúribus miráculis clarum
Pius Papa décimus Beató-
rum albo adscrípsit, eúm-
que novis signis fulgén-
tem Pius Papa undécimus,
anno sacro, in dominica
Pentecóstes, inter Sanctos
rétulit ejúsque Offícium ac
Missam ad univérsam Ec-
clésiám exténdit.

✠. Iste homo perfécit
ómnia quæ locútus est ei
Deus, et dixit ad eum : In-
grédere in réquiem meam :

* Quia te vidi justum co-
ram me ex ómnibus gén-
tibus. ✠. Iste est, qui
contémpsit vitam mundi,
et pervénit ad cæléstia
regna. — Quia. Glória
Patri. Quia.

Pro hoc Festo simplicato

Lectio ix

Joánnes, anno millési-
mo sexcentésimo pri-
mo, in pago vulgo Ri, Sa-

giénsis diocécis, ex piis
honestisque paréntibus
ortus est. Adhuc puer,
jam Angelórum pane refé-
ctus, perpétuam castitá-
tem vovit. In scholis, ubi
laudabíliter stúdia per-
égit, mira pietáte enítuit.
Beátam Vírginem summó-
pere diléxit, et exímia
erga próximum caritáte
exársit. Berulliáni Orató-
rii Congregatióni nomen
dedit et sacerdotio Parísii
auctus est. Domus Orato-
riánæ Cadómi Rector fa-
ctus, ab eádem, licet ægre,
discéssit, ut ad Ecclésiæ
ministérium júvenes idó-
neos institúeret. Quare
quinque sibi adscítis só-
ciis, Congregatiónem Pres-
byterórum fundávit, cui
Sanctíssima Jesu et Mariæ
nómína dedit, et Cadómi
primum Seminárium apé-
ruit, quod póstea plura
subsecúta sunt. Ut pecca-
trices mulieres ad vitam
christiánam revocáret, Dó-
minæ Nostræ a Caritáte
Institútum fundávit : cu-
jus nobilíssimæ árboris ra-
mus est Congregatio An-
degavénsis a Bono Pa-
stóre. Societátem ab ad-
mirábili Corde Matris Dei,
et ália caritátis ópera ad-
jécit. Singulári erga San-
ctíssima Jesu et Mariæ
Corda flagrans amóre, de
litúrgico eis cultu præ-
stándo non sine áliquo

divino afflātu primus cogitavit. Missionarius Apostolicus plurimos pagos et urbes evangelizavit. Tot laboribus fractus, morti proximus, die decima nona augusti, anno millesimo sexcentesimo octogesimo placide exspiravit. Quem Pius Papa decimus miraculis clarum, inter Beatos, Pius vero undecimus, anno sacro, die Pentecostes, inter Sanctos retulit, ejusque Officium ac Missam ad universam Ecclesiam extendit.

Te Deum laudamus.

In III Nocturno Homilia in Ev. Sint lumbi vestri, de Comm. Conf. non Pont. I loco. [98]

AD LAUDES

℣. Justum deduxit.

Ad Bened. Ant. Euge, serve bone * et fidelis, quia in pauca fuisti fidelis, supra multa te constituam, intra in gaudium Domini tui.

Oratio

Deus, qui beatum Joannem, Confessorem tuum, ad cultum Sacrorum Cordium Jesu et Mariae rite promovendum, mirabiliter inflammasti, et per eum novas in Ecclesia tua Familias congregare voluisti : praesta quaesumus;

ut cujus pia merita veneramur, virtutum quoque instruamur exemplis. Per eundem Dominum.

Et fit Com. Octavae :

Ant. Quae est ista, quae ascendit sicut aurora consurgens, pulchra ut luna, electa ut sol, terribilis ut castrorum acies ordinata?

℣. Exaltata est sancta Dei Genitrix. ℟. Super choros Angelorum ad caelestia regna.

Oratio

Familiorum tuorum, quaesumus Domine, delictis ignosce : ut, qui tibi placere de actibus nostris non valemus; Genitricis Filii tui Domini nostri intercessionem salvemur : Qui tecum vivit.

Vesperae a Capitulo de seq., Com. praeced. et Octavae.

Die 20 Augusti

S. Bernardi

Abbatis

et Eccl. Doctoris [94]

Duplex

℣. Amavit eum Dominus.

Ad Magnif. Ant. O Doctor optime, * Ecclesiae sanctae lumen, beate Bernardi, divinae legis amator, deprecare pro nobis Filium Dei.

Oratio

C 3

DEus, qui pópulo tuo æternæ salutis beátum Bernárdum místrum tribuísti : præsta, quæsumus; ut, quem Doctórem vitæ habúimus in terris, intercessórem habére mereámur in cælis. Per Dóminum.

Et fit Com. præcedentis :

Ant. Hic vir, despiciens mundum et terréna, triúmphans, divítias cælo cón-didit ore, manu.

V. Justum dedúxit.

Oratio

DEus, qui beátum Joánnem, Confessórem tuum, ad cultum Sacrórum Córdium Jesu et Mariæ rite promovéndum, mirabíliter inflammásti, et per eum novas in Ecclesia tua Famílias congregáre voluísti : præsta quæsumus; ut cujus pia mérita venerámur, virtútum quoque instruámur exémpis. Per eúmdem Dóminum.

Deinde Commem. Octavæ :

Ant. Hódie María Virgo cælos ascéndit : gaudéte, quia cum Christo regnat in ætérnum.

V. Exaltáta est sancta Dei Génitrix. *R.* Super choros Angelórum ad cæléstia regna.

Oratio

FAmulórum tuórum, quæsumus Dómine, delictis ignósce : ut, qui tibi placére de áctibus nostris non valémus; Genitrícis Fílii tui Dómini nostri intercessióne salvémur : Qui tecum vivit.

In I Nocturno, si sumendæ sint de Communi, Lectiones Sapiéntiam. [87]

In II Nocturno

Lectio iv



Ernárdus, Fontánis in Burgúndia honést-loco natus, adolés-cens propter egrégiam formam veheménter sollicitátus a muliéribus, numquam de senténtia colén-dæ castitátis dimovéri pótuit. Quas diabóli tentatiónes ut effúgeret, duos et vigínti annos natus, monastérium Cisterciénse, unde hic ordo incépit et quod tum sanctitáte florébat, ingredi constituit. Quo Bernárdi consílio cón-gnito, fratres summópere conáti sunt eum a propó-sito deterrére. In quo ipse eloquéntior ac felícior fuit; nam sic eos aliósque multos in suam perdúxit senténtiam, ut cum eo trigínta júvenes eámdem reli-giónem suscepérint. Mó-nachus, jejúnio ita déditus

erat, ut quóties suméndus esset cibus, tóties torméntum subíre viderétur. In vigíliis étiam et oratióibus mirífice se exercébat; et, christiánam paupertátem colens, quasi cæléstem vitam agébat in terris, ab omni caducárum rerum cura et cupiditáte aliénam.

℟. Honéstum fecit illum Dóminus, et custodívit eum ab inimícis, et a seductóribus tutávit illum :

* Et dedit illi claritátem ætérnam. V. Justum dedúxit Dóminus per vias rectas, et osténdit illi regnum Dei. — Et.

Lectio v

Lucébat in eo humíltas, misericórdia, benignitas. Contemplatióni autem sic addíctus erat, ut vix sénsibus, nisi ad officia pietátis, uterétur : in quibus tamen prudéntiæ laude excellébat. Quo in stúdio occupátus, Genuésem ac Mediolanénsem aliósque episcopátus oblátos recusávit, professus se tanti officii múnere indignum esse. Abbas factus Claravallénsis, multis in locis ædificávit monastéria, in quibus præclára Bernárdi institútió ac disciplína diu víguit. Romæ sanctórum Vincéntii et Anastásii monasté-

rio, ab Innocéntio secúndo Papa restitúto, præfécit abbátem illum, qui póstea Eugénius tértius summus Póntifex fuit; ad quem étiam librum misit de Consideratióne.

℟. Amávit eum Dóminus, et ornávit eum : stolam glóriæ índuit eum,

* Et ad portas paradísi coronávit eum. V. Índuit eum Dóminus lorícam fidei, et ornávit eum. — Et ad portas.

Lectio vi

Multa prætérea scripsit, in quibus appáret eum doctrína pótius divínitus trádita quam labóre comparáta instrúctum fuisse. In summa virtútum laude exorátus a máximis princípibus de eórum componéndis contróvèrsiis et de ecclesiásticis rebus constituéndis, sæpius in Itáliam venit. Innocéntium item secúndum Pontíficem máximum in confutándo schísmate Petri Leónis, cum apud imperatórem et Henricum Angliæ regem, tum in concílio Pisis coácto, egrégie adjúvit. Dénique, tres et sexagínta annos natus, obdormívit in Dómino, ac, miráculis illústris, ab Alexándro tértio Papa inter Sanctos relátus est. Pius vero octávus Póntifex má-

ximus, ex sacrórum Rítuum Congregatiónis consílio, sanctum Bernárdum universális Ecclésiæ Doctórem declarávit et confirmávit, nec non Missam et Offícium de Doctóribus ab ómnibus recitári jussit, atque indulgéntias plenárias quotánnis in perpétuum órdis Cisterciénsium ecclésiás visitántibus die hujus Sancti festo concéssit.

✠. Iste homo perfécit ómnia quæ locútus est ei Deus, et dixit ad eum : Ingrédere in réquiem meam :

* Quia te vidi justum coram me ex ómnibus gentibus. ✠. Iste est, qui contémpsit vitam mundi, et pervénit ad cæléstia regna. — Quia. Glória Patri. Quia.

Pro hoc Festo simplificato

Lectio ix

Bernárdus, Fontánis in Burgúndia honésto loco natus, usque a puerítia castitátem diligentíssimè cóluit. Ætáte duórum et vigínti annórum, monastérium Cisterciénse, unde hujus nóminis ordo incépit, ingréssus, fratres quoque suos aliósque multos addúxit ad eámdem religiónem suscipiéndam. In vigíliis et oratióibus mi-

rífice se exercébat. Elucébat in eo humílitas, misericórdia, benígnitas, prudéntia, et assíduum cæléstia meditándi stúdium. Factus abbas Claravallénsis, multis in locis ædificávit monastéria, ubi præclára ejus institútio ac disciplina diu víguit. Multa prætérea scripsit, in quibus appáret, eum doctrína pótius divínitus trádita quam labóre comparáta instrúctum fuisse. Exorátus a magnis princípibus de eórum componéndis controversiis et de ecclesiásticis rebus constituéndis, sæpius in Itáliam venit. Innocéntium secúndum Pontíficem máximum in confutándo schísmate Petri Leónis egrégie adjuvit. Tres et sexagínta annos natus, óptime de Ecclésiá méritus, obdormívit in Dómino.

Te Deum laudámus.

In III Nocturno Homilia in Ev. Vos estis sal terræ, de Comm. Doctorum 1 loco. [90]

AD LAUDES

✠. Justum dedúxit.

Ad Bened. Ant. Euge, serve bone * et fidélis, quia in pauca fuísti fidélis, supra multa te constítuam, intra in gáudium Dómini tui.

Oratio

C 3

Deus, qui pópulo tuo ætérnæ salútis beátum Bernárdum mínistrum tribuísti : præsta quæsumus, ut quem Doctórem vitæ habúimus in terris, intercessórem habére mereámur in cælis. Per Dóminum.

Et fit Commem. Octavæ :

Ant. Quæ est ista quæ ascéndit sicut auróra consúrgens, pulchra ut luna, elécta ut sol, terríbilis ut castrórum ácies ordináta?

✠. Exaltáta est sancta Dei Génitrix. ✠. Super choros Angelórum ad cæléstia regna.

Oratio

Famulórum tuórum, quæsumus, Dómine, delictis ignósce : ut, qui tibi placére de áctibus nostris non valémus; Genitricis Filii tui Dómini nostri intercessióne salvémur : Qui tecum vivit.

Vesperæ a Capitulo de sequenti, Commemoratio præcedentis et Octavæ.

Die 21 Augusti

**S. Joannæ Franciscæ
Frémiot de Chantal**

Viduæ [130] Duplex

✠. Spécie tua et.

Ad Magnif. Ant. Símile est regnum cælórum * hómini negotiátóri quæ-

rénti bonas margarítas : invénta una pretiósa, dedit ómnia sua, et comparávit eam.

Oratio

OMnípotens et miséricors Deus, qui beátam Joánnam Franciscam tuo amóre succénsam, admirábili spíritus fortitúdine per omnes vitæ sémitas in via perfectiónis donásti, quique per illam illustráre Ecclésiam tuam nova prole voluísti : ejus méritis et précibus concéde; ut, qui infirmitátis nostræ cónsicii de tua virtúte confídimus, cæléstis grátiae auxílio cuncta nobis adversántia vincámus. Per Dóminum.

Et fit Com. præcedentis :

Ant. O Doctor óptime, Ecclesiæ sanctæ lumen, beáte Bernárde, divínæ legis amátor, deprecáre pro nobis Fílium Dei.

✠. Justum dedúxit.

Oratio Deus, qui pópulo, ut supra.

Deinde Commem. Octavæ :

Ant. Hódie María Virgo cælos ascéndit : gaudéte, quia cum Christo regnat in ætérnum.

✠. Exaltáta est sancta Dei Génitrix. ✠. Super choros Angelórum ad cæléstia regna.

Oratio Famulórum, ut supra.

In II Nocturno

Lectio iv



Oáanna Francísca Frémot de Chantal, Divióne in Burgúndia claríssimis orta natálibus, ab ineúnte ætáte exímie sanctitátis non obsúras édedit significatiónes. Eam enim, vix quinquénnem, nóbilem quemdam Calvinístam sólida supra ætátem argumentatióne perstrinxisse ferunt, collatúmque ab eo munúsculum flammis illico tradidisse, in hac verba : En quómodo hærétiци apud inferos comburéntur, qui loquénti Christo fidem detréctant. Matre orbáta, Deíparæ Vírginis tutelæ se commendávit, et fámulam, quæ ad mundi amórem eam alliciébat, ab se rejécit. Nihil puerile in móribus éxprimens, a sæculi delíciis abhórrens martyriúmque anhéls, religióni ac pietáti impénse studébat. Baróni de Chantal núptui a patre trádicta, virtútibus ómnibus excoléndis óperam dedit; líberos, fámulos, aliósque sibi subjéctos in fidei doctrína bonisque móribus imbúere sátagens. Profúsa liberalitáte páuperum inópiam sublevábat, annóna divinitus non raro multiplicáta; quo factum est, ut

némini se umquam, Christi nómine rogánti stipem, abnegatúram spopónderit.

℟. Propter veritátem, et mansuetúdinem, et justítiam : * Et dedúcet te mirábiliter délixtera tua. ℟. Spécie tua et pulchritúdine tua inténde, prósperé procéde, et regna. — Et.

Lectio v

Viro in venatióne intéempto, perfectiórís vitæ consílium ínienens, continéntiæ voto se obstrínxit. Viri necem non solum æquo ánimo tulit, sed, in públicum indúltæ véniæ testimónium, occisóris filium e sacro fonte suscépere sui victrix elégit. Mó dica família, ténuí victu atque vestítu conténta, pretiósas vestes in pios usus convértit. Quidquid a domésticis curis supererat témporis, précibus, piis lectiόνibus laborique impendébat. Numquam addúci pótuit ut álteras núptias, quamvis útiles et honoríficas, íníret. Ne autem a propósito castimóniæ observándæ in pósterum dimoverétur, illíus voto innováto, sanctíssimum Jesu Christi nomen candénti ferro péctori inscúlp sit. Ardéntius in dies caritáte fervéscens, páuperes, derelíctos, ægros, teterrimísque morbis infé-

ctos ad se adducendos curabat : eosque non hospitio tantum excipiebat, solabatur, foviebat; verum etiam sordidas eorundem vestes depurgebat, laceras reficiebat, et manantibus foetido pure ulceribus labia admovere non exhorrebat.

℟. Dilexisti justitiam, et odisti iniquitatem : * Propterea unxit te Deus, Deus tuus, oleo lætitiæ.

℣. Propter veritatem, et mansuetudinem, et justitiam. — Propterea.

Lectio vi

A Sancto Francisco Salésio, quo spiritus moderatore usa fuit, divinam voluntatem edocta, proprium parentem, socerum, filium denique ipsum, quem etiam vocationi obstantem, sua e domo egradiens, pedibus calcare non dubitavit, invicta constantia deseruit, et sacri instituti Visitacionis sanctæ Mariæ fundamenta jecit. Ejus instituti leges integerrime custodivit, et adeo paupertatis fuit amans, ut vel necessaria sibi deesse gauderet. Christianæ vero animi demissionis et obedienciæ, virtutum denique omnium perfectissimum exemplar se præbuit. Altiores in corde suo ascensiones dis-

pónens, arduissimo efficiendi semper id, quod perfectius esse intelligeret, voto se obstrinxit. Denique, sacro Visitacionis instituto ejus potissimum opera longe lateque diffuso, verbo, exemplo et scriptis etiam, divina sapientia refertis, ad pietatem et caritatem sororibus excitatis, meritis referta, et sacramentis rite susceptis, Molinis, anno millésimo sexcentésimo quadragésimo primo, die décima tertia Decembris, migravit ad Dóminum; ejusque animam, occurrente sancto Francisco Salésio, in cælos deferri sanctus Vincéntius a Paulo procul distans aspexit. Ejus corpus postea Annécium translatum fuit; eamque, miraculis ante et post obitum claram, Benedictus décimus quartus Beatórum, Clemens vero décimus tértius, Póntifex máximus, albo Sanctórum adjecit. Festum autem ejusdem die duodécimo Kaléndas Septémbris ab univérſa Ecclésia Clemens décimus quartus, Póntifex máximus, celebrari præcepit.

℟. Fallax grátia, et vana est pulchritúdo : * Múlier timens Deum, ipsa laudabitur. ℣. Date ei de fructu mánuum suárum, et lau-

dent eam in portis ópera ejus. — Múlier timens Deum, ipsa laudábitur. Glória Patri. Múlier.

Pro hoc Festo simplificato

Lectio ix

JOáнна Francísca Frémiot de Chantal, Divióne in Burgúndia clarissimis orta natálibus, adhuc puélla, matre orbáta, Deíparæ Vírginis tutelæ se commendávit. Baróni de Chantal núptui a patre trádicta, mulierem fortem appríme réferens, ómnibus ómnia facta est. Viro in venatióne interémpto, continéntiæ voto se obstrínxit, et sui victrix, occisóris filium e sacro fonte suscípere non dubitávit. Ne autem a propósito castimóniæ observándæ in pósterum dimoverétur, voto innováto, sanctíssimum Jesu Christi nomen candénti ferro suo pectori inscúlpit. A sancto Francisco Salésio, quo spíritus moderatóre usa fuit, divínam voluntátem edócta, sacri institúti Visitationis sanctæ Mariæ fundaménta jecit, quod longe latéque diffúdit. Cum dénique voto se obstrínxisset efficiéndi semper quod perféctius esse intelligeret, méritis reférta, Molínis migrávit ad Dómi-

num, anno millésimo sexcentésimo quadragésimo primo, die décima tértia Decémbris, et a Cleménte décimo tértio albo Sanctórum adjécta est.

Te Deum laudámus.

In III Nocturno Homilia in Ev. Símile est regnum cælórum, de Communi non Virginum. [134]

AD LAUDES

℟. Diffúsa est.

Ad Bened. Ant. Date ei * de fructu mánuum suárum, et laudent eam in portis ópera ejus.

Oratio

OMnípotens et misericors Deus, qui beátam Joánnam Franciscam tuo amóre succénsam admirábili spíritus fortitúdine per omnes vitæ sémitas in via perfectiónis donásti, quique per illam illustráre Ecclésiám tuam nova prole voluísti : ejus méritis et précibus concéde; ut qui infirmitátis nostræ cónsicii de tua virtúte confidimus, cæléstis grátiae auxílio cuncta nobis adversántia vincámus. Per Dóminum.

Et fit Commem. Octavæ :

Ant. Quæ est ista quæ ascéndit sicut auróra consúrgens, pulchra ut luna, elécta ut sol, terríbilis ut castrórum ácies ordináta?

℣. Exaltáta est sancta Dei Génitrix. ℟. Super choros Angelórum ad cæléstia regna.

Oratio

FAmulórum tuórum, quæsumus, Dómine, delictis ignósce : ut, qui tibi placére de áctibus nostris non valémus; Genitrícis Fílii tui Dómini nostri intercessióne salvémur : Qui tecum vivit.

Vesperæ de sequenti, Com. præcedentis ac Ss. Timothei, Hippolyti Ep. et Symphoriani Mm.

Die 22 Augusti

In Octava
Assumptionis B. M. V.

Duplex majus 887

℣. Exaltáta est, *ut supra.*

Ad Magnif. Ant. Virgo prudentíssima, * quo progréderis, quasi auróra valde rútilans? Fília Sion, tota formósa et suávis es, pulchra ut luna, elécta ut sol.

Oratio Famulórum, *ut supra.*

Et fit Com. præcedentis :

Ant. Manum suam apéruit ínopi, et palmas suas exténdit ad páuperem, et panem otíosa non comédit.

℣. Diffúsa est grátia.

Oratio Omnípotens, *ut supra. 918*

Pro Ss. Timotheo, Hippolyto Ep. et Symphoriano Mm. :

Ant. Istórum est enim regnum cælórum, qui contempsérunt vitam mundi, et pervenérunt ad præmia regni, et lavérunt stolas suas in ságuine Agni.

℣. Lætámini in Dómino.

Oratio

AUxílium tuum nobis, Dómine, quæsumus, placátus impénde : et, intercedéntibus beátis Martýribus tuis Timótheo, Hippólyto et Symphoriáno, délixteram super nos tuæ propitiatiónis extén-de. Per Dóminum.

In I Nocturno

De Cánticis canticórum

Lectio i **Cap. 8, 5-14**



UÆ est ista, quæ ascéndit de desérto, delíciis áffluens, inníxa super diléctum suum? Sub árbore malo suscitávi te, ibi corrúpta est mater tua, ibi violáta est génitrix tua. Pone me ut signáculum super cor tuum, ut signáculum super bráchium tuum; quia fortis est ut mors diléctio, dura sicut inférnus æmulátio; lámpades ejus lámpades ignis atque flammárum.

℟. Vidi speciósam sicut colúmbam, ascendéntem désuper rivos aquárum,

Die 22 Augusti

FESTUM
IMMACULATI CORDIS
B. MARIAE VIRGINIS

Duplex II classis

Omnia de Comm. Festorum
B. M. V., præter ea quæ hic
habentur propria.

¶ De die Octava Assumptio-
nis B. Mariæ V. nihil fit in
Officio Immaculati Cordis.
Sicubi tamen hac die celebretur
aliquod Festum duplex I
vel II classis, quod non sit
B. Mariæ Virg., de ipsa die
Octava fit Commemoratio,
juxta Rubricas.

In I Vesperis

V. Dignâre me laudâre
te, Virgo sacrâta. R. Da
mihi virtutem contra hos-
tes tuos.

Ad Magnif. Ant. Exsultâ-
vit cor meum * in Dómino,
et exaltátum est cornu
meum in Deo meo, quia
lætâta sum in salutâri tuo.

Oratio

Omnípotens sempitérne
Deus, qui in Corde
beátæ Mariæ Virginis di-
gnum Spíritus Sancti habi-
tâculum præparâsti: con-
céde propítius; ut ejús-
dem immaculâti Cordis
festivitâtem devóta mente
recoléntes, secúndum cor
tuum vívere valeâmus.
Per Dóminum . . . in uni-
tâte ejúsdem.

Et fit Commemoratio tan-
tum præcedentis:

Ant. Manum suam apé-
ruit inopi, et palmas suas
exténdit ad páuperem, et
panem otíosa non comédit.

V. Diffúsa est grátia in lá-

biistuis. R. Proptérea bene-
dixit te Deus in ætérnum.

Oratio

Omnípotens et miséri-
cors Deus, qui beátam
Joánnam Francíscam tuo
amóre succénsam, admi-
rábili spíritus fortitúdine
per omnes vitæ sémitas in
via perfectiónis donâsti,
quique per illam illustrâre
Ecclésiâ tuam nova prole
voluisti: ejus méritis et
précibus concéde; ut, qui
infirmítatis nostræ cónscii
de tua virtúte confídimus,
cæléstis grátia auxílio cun-
cta nobis adversántia vin-
câmus. Per Dóminum.

IN II NOCTURNO

Sermo sancti Bernardíni
Senénsis

Sermo 9 de Visitatione

Lectio iv

Quis mortálium, nisi di-
víno tutus oráculo, de
vera Dei et hóminis
Genitríce quidquam módi-
cum, sive grande præsu-
mat incircumcísis, immo
pollútis lábiis nominâre,
quam Pater ante sæcula
Deus perpétuam prædesti-
návit in Virgínem, dignís-
simam Fílius elégit in
Matrem, Spíritus Sanctus
omnis grátia domicílium
præparávit? Quibus ver-
bis ego homúnculus sensus

altíssimos virgínei Cordis sanctíssimo ore prolátos éfferam, quibus non súfficit lingua ómnium Angelórum? Dóminus enim ait: Bonus homo de bono thesáuro cordis profert bona; quod verbum potest étiam esse thesáurus. Quis inter puros hómines mélior homo potest excogitári, quam illa, quæ méruit éffici Mater Dei, quæ novem ménsibus in corde et in útero suo ipsum Deum hospitáta est? Quis thesáurus mélior, quam ipse divínus amor, quo fornáceum Cor Vírginis ardens erat?

Rj. Sicut cedrus exaltáta sum in Líbano, et sicut cypréssus in monte Sion: quasi myrrha elécta, * Dedi suavitátem odóris. **V.** Et sicut cinnamómum et bálsamum aromatízans. **Dedi.**

Lectio v

De hoc igitur Corde quasi de fornáce divíni ardóris Virgo beáta prótulit verba bona, id est, verba ardentíssimæ caritátis. Sicut enim a vase summo et óptimo vino pleno non potest exíre nisi óptimum vinum; aut sicut a fornáce summi ardóris non egréditur nisi incéndium fervens; sic quippe a Christi Matre exíre non pótuit verbum, nisi summi summéque divíni amoris atque ardóris. Sapiéntis quoque dómínæ et matrónæ est pauca verba, sólida tamen atque sententiósa habére; proinde septem viciibus quasi septem verba tantum miræ senténtiæ et virtútis a Christi benedi-

ctíssima Matre legúntur dicta, ut mýstice ostendá-tur ipsam fuisse plenam grátia septifórmí. Cum Angelo bis tantúmmodo est locúta. Cum Elísabeth bis étiam. Cum Fílio étiam bis, semel in templo, secúndo in núptiis. Cum ministris semel. Et in his ómnibus semper valde parum locúta est; excépto quod in laude Dei et gratiárum actióne se ámplius dilatávit, scilicet, quum ait: Magnificat ánima mea Dóminum. Ubi non cum hómine, sed cum Deo locúta fuit. Hæc septem verba secúndum septem amoris procéssus et actus sub miro gradu et órdine sunt proláta; quasi sint septem flammæ fornácei Cordis ejus.

Rj. Quæ est ista quæ procéssit sicut sol, et tamquam Jerúsalem? * Vidérunt eam filíæ Sion, et beátam dixerunt, et regínæ laudavérunt eam. **V.** Et sicut dies verni circúmdabant eam flores rosárum et lília convállium. **Vidérunt.**

Lectio vi

Ex ecclesiasticis documentis

Cultum litúrgicum, quo Cordi Immaculáto Vírginis Mariæ débitus tribúitur honor, cuíque plures viri sancti ac mulíeres viam parárunť, ipsa Apostólica Sedes primum approbávit ineúnte sæculo undevicésimo, cum Pius Papa séptimus festum Puríssimi Cordis Mariæ Vírginis instituit, ab ómnibus diécésibus et religiósis familiis, quæ id petiissent,

pie sanctéque agendum: quod póstrmodum Pius Papa nonus Offício ac Missa própria auxit. Ardens autem stúdiu atque optátum, jam sæculo décimo séptimo exórtum et in dies invaléscens, ut nempe ejúsmodi Festu, majóri solemnitáte donátum, totíus Ecclésiæ commúne efficerétur, Summus Póntifex Pius duodécimus benigne excípiens, anno millésimo nongentésimo quadragésimo secúndo, bello atrocíssimo per orbem fere totu ingravescénte, infinítas populórum ærúmnas miserans, pro sua in Matrem caléstem pietáte ac fidúcia genus hóminu univérsum illíus Cordi benigníssimo obsecratíone solémni eníxe commendávit, atque in honórem ejúsdem Immaculáti Cordis Festu cum Offício et Missa própriis in perpétuum ubíque celebrándum indíxit.

R. Ornátam monílibus filiam Jerúsalem Dóminus concupívit: * Et vidéntes eam filíæ Sion, beatíssimam prædicavérunt, dicéntes: * Unguéntu effúsum nomen tuu. **V.** Astítit regína a dextris tuis in vestítu deauráto, circúmdata varietáte. **Et. Glória Patri. Unguéntu.**

IN III NOCTURNO

Léctio sancti Evangélíi
secúndum Joánnem

Lectio vii Cap. 19, 25-27

In illo témpore: Stabant iuxta crucem Jesu Mater ejus, et soror Matris ejus María Cléophæ, et

María Magdaléne. Et reliqua.

Homilía sancti Robérti
Bellarmíno Epíscopi

De septem verbis Christi in
Cruce, cap. 12

Onus et jugu impósítu a Dómino sancto Joánni, ut Vírginis Matris curam géreret, vere fuit jugu suáve et onus leve. Quis enim non libentíssime cohabitáret Matri illi, quæ Verbu incarnátu in útero novem ménsibus portávit, et illi totos trigínta annos devotíssime dulcíssiméque cohabitávit? Quis non invídeat dilécto Dómini, qui in abséntia Filii Dei præsentíam obtínuit Matris Dei? Sed, nisi fallor, póssumus et nos a benignitáte Verbi, nostri causa incarnáti et ex dilectíone nímia nostri causa crucifixi, précibus impetráre, ut dicat et nobis: Ecce Mater tua; et Matri suæ de nobis dicat: Ecce filius tuus.

R. Felix namque es, sacra Virgo María, et omni laude digníssima: * Quia ex te ortus est sol justítiæ, Christus Deus noster. **V.** Ora pro pópulo, intérvieni pro clero, intercède pro devóto femíneo sexu: sentiant omnes tuu juvámén, quicúmque celebrant tuam sanctam festivitátem. **Quia.**

Lectio viii

Non est avárus pius Dóminus gratiárum, dúmmodo ad thronu gratiæ ejus cum fide et fidúcia et non ficto corde, sed vero et sincéro acce-

dámus. Qui nos coherédes esse vóluit regni Patris sui, non dedignábitur certe nos coherédes habére amoris Matris suæ. Sed nec ipsa Virgo benigníssima gravábitur multitúdine filiórum, cum sinum amplíssimum hábeat et valde cúpiat, nullum períre ex his, quos Filius suus tam pretiósó ságuine et tam pretiósá morte redémit. Adeámus ergo cum fidúcia ad thronum grátia Christi, et suppliciter nec sine lácrimis ab eo petámus, ut de unoquóque nostrum Matri suæ dicat: Ecce filius tuus; et unicuíqué nostrum de Matre sua dicat: Ecce Mater tua.

Rj. Beátam me dicent omnes generatiónes: * Quia fecit mihi Dóminus magna qui potens est, et sanctum nomen ejus. **V.** Et misericórdia ejus a progénie in progénies timéntibus eum. **Quia. Glória Patri. Quia.**

Si hodie fuerit Sabbatum, Lectio ix dicitur de Homilla Vigiliæ anticipatæ S. Bartholomæi Ap., et fit ejus Commemoratio ad Laudes, ut die sequenti notatur; secus

Pro Ss. Timotheo, Hippolyto et Symphoriano Mm.:

Lectio ix

Timótheus Antiochéus, Romam véniens Melchiáde summo Pontífice, cum per annum ibi Christi fidem prædicásset, a Tarquinio Urbis præfécito con-jicitur in víncula; et, post diutúrnas cárceris ærúmnas, ad idóla perdúctur, ut eis sacrificet. Quam impietátem summa libertáte detestátus, acerbíssime

cáeditur, et excarnificátum corpus viva calce perfúnditur. In quibus aliisque suppliciis constans Martyr, cápite pléctitur. Corpus via Ostiénsi prope sepúlcrum beáti Pauli Apóstoli sepelítur. Quo die étiam Alexándro imperatóre, apud Ostia Tiberína Hippólytus, epíscopus Portuénsis, ob præcláram fidei confessiónem má nibus pedibúsque ligátis, in altam fóveam aquis plenam præcipitátus, martýrio coronátus est, et ibídem a Christiánis sepúltus. Quo item die, Aureliáno imperatóre, propter eámdem fidem, Augustodúni, Symphoriánus adolescens várie tortus est. Qui, dum ad últimum supplicium dúcerétur, matrem ita clamántem áudiens: Nate, nate, meménto æternæ vitæ, cælum súspice, et ibi regnántem intuére; tibi enim vita non erípitur, sed mutátur in mélius; fórtiter Jesu Christi causa carnífici collum præbuit.

Te Deum laudámus.

Si autem ix Lectio alicujus Officii commemorati non sit dicenda, erit sequens

Lectio ix

Quam bene nobis erit sub præsidio tantæ Matris? Quis nos detráhere audébit de sinu ejus? Quæ nos tentátio superáre póterit, confidéntes in patrocínio Matris Dei et nostræ? Neque nos primi érimus in tanti consecutióne beneficii. Multi nos præcessérunt; multi, inquam, ad singuláre et plane matérnum patrocí-

nium tantæ Virginis accesserunt, et nemo confusus aut tristis dimissus est, sed omnes hilares et gaudentes, freti patrocínio tantæ Matris. De qua enim scriptum est: Ipsa cónteret caput tuum, in ea confidunt, se quoque fidénter ambuláturos super áspidem et basilíscum, et conculcatúros leónem et draconem. Neque enim vidétur posse períre is, de quo dictum sit Virgini a Christo: Ecce fílius tuus, dúmmodo et ipse non surda aure áudiat, quod ei Christus díxerit: Ecce Mater tua.

Te Deum laudámus.

Ad Laudes

V. Diffúsa est grátia in lábiistuis. **R.** Proptérea benedíxit te Deus in ætérnum.

Ad Bened. Ant. O beáta Virgo * Maria: tu grátia Mater, tu spes mundi, exáudi nos fílios tuos clamántes ad te.

Oratio

Omnípotens sempitérne Deus, qui in Corde beátæ Mariæ Virginis dignum Spíritus Sancti habitáculum præparásti: concéde propítius; ut ejúsdem immaculáti Cordis festivitátem devóta mente recoléntes, secúndum cor tuum vívere valeámus. Per Dóminum . . . in unitáte ejúsdem.

Pro Com. Ss. Martyrum:

Ant. Vestri capílli cápítis omnes numeráti sunt: no-

líte tímere: multis passéribus meliôres estis vos.

V. Exsultábunt Sancti in glória. **R.** Lætabúntur in cubílibus suis.

Oratio

Auxílium tuum nobis, Dómine, quæsumus, placátus impénde: et, intercedéntibus beátis Martýribus tuis Timótheo, Hippólyto et Symphoriáno, dexteram super nos tuæ propitiatiónis exténde. Per Dóminum.

In II Vesperis

V. Dignáre me laudáre te, Virgo sacráta. **R.** Da mihi virtútem contra hostes tuos.

Ad Magnif. Ant. Exsultávit cor meum * in Dómino, et exaltátum est cornu meum in Deo meo, quia lætáta sum in salutári tuo.

Et fit Commemoratio sequentis:

Ant. Similábo eum viro sapiénti, qui ædificávit domum suam supra petram.

V. Amávit eum Dóminus, et ornávit eum. **R.** Stolum glóriæ induit eum.

Oratio

Deus, qui per beátum Philíppum, Confessórem tuum, exímium nobis humilitátis exémplum tribuísti: da fámulis tuis próspera mundi ex ejus imitatióne despícere, et caléstia semper inquirere. Per Dóminum.

Complet. de Dominica.

MUTATIONES IN BREVIARIO ROMANO FACIENDÆ

Introducto festo Immaculati Cordis B. Mariæ Virginis die 22 Augusti, loco diei Octavæ Assumptionis ejusdem Beatæ Mariæ Virginis, Rubricæ quæ suis locis in Breviario Romano pro Octava Assumptionis inveniuntur, ita reformandæ sunt:

In Breviario Romano, die 15 Augusti in Rubrica ad finem Officii: "Infra Octavam et in die Octava Antiphonæ et Psalmi etc. . . ." deleantur verba: *et in die Octava*.

Die 21 Augusti in Rubrica posita pro Vesperis omittatur Commemoratio Ss. Timothei, Hippolyti et Symphoriani Martyrum.

Die 22 Augusti in festo Immaculati Cordis B. M. V. ponatur hæc Rubrica:

De die Octava Assumptionis B. Mariæ V. nihil fit in Officio Immaculati Cordis. Sicubi tamen hac die celebretur aliquod festum duplex I vel II classis, quod non sit B. Mariæ Virg., de ipsa die Octava fit commemoratio, juxta Rubricas.

Ex Secretaria S. Rituum Congregationis, die 4 Maji 1944.

A. Carinci, *Secretarius*.

URBIS ET ORBIS

Cultus liturgicus erga Cor Beatæ Mariæ Virginis, cujus remota vestigia præbent commentarii Patrum de Sponsa Cantici Canticorum, cuique plures mediæ et recentioris ætatis viri sancti ac mulieres proxime viam pararunt, ab ipsa Sede Apostolica primum approbatus est ineunte sæculo undevicesimo, cum Pius Papa septimus Festum Purissimi Cordis Mariæ instituit, ab omnibus diœcesibus et religiosis familiis, quæ ejus celebrationis facultatem petiissent, die Dominica post Octavam Assumptionis pie sancteque agendum. Medio autem eodem sæculo Festum Purissimi Cordis Beatæ Mariæ Virginis, quod in annos latius per orbem catholicum propagabatur, jussu Pii noni ac Sacræ Congregationis Rituum cura, proprio Officio propriaque Missa auctum est. Hoc porro cultu Ecclesia Cordi Immaculato Beatæ Mariæ Virginis debitum honorem tribuit, cum sub hujus Cordis symbolo Dei Genitricis eximiam singularemque animæ sanctitatem, præsertim vero ardentissimum erga Deum ac Jesum Filium suum amorem, maternamque erga homines divino Sanguine redemptos pietatem devotissime veneratur. Invalescebat interea in animis, Pastorum pariter ac fidelium, ardens studium atque optatum, ut Festum Purissimi Cordis Beatæ Mariæ Virginis, totius Ecclesiæ commune efficeretur. Quare, Sanctissimus Dominus Noster Pius Papa duodecimus, gravissimas miseratus ærumnas, quibus christiani populi ob ingruens immane bellum affliguntur, universam sanctam Ecclesiam totumque genus humanum, quod olim Leo Papa tertius decimus Cordi Jesu sacratissimo devoverat, Cordi quoque Immaculato Beatæ Virginis et Matris anno millesimo nongentesimo quadragesimo secundo, die Immaculatæ ejus Conceptioni sacro, in perpetuum dicavit. Ut autem ejusdem consecrationis memoria servaretur, Festum Immaculati Cordis Beatæ Mariæ Virginis cum Officio et Missa propria, die 22 Augusti, loco diei Octavæ Assump-

tionis ejusdem Beatæ Mariæ Virginis, sub ritu duplici secundæ classis quotannis celebrandum, ad universam Ecclesiam extendere decrevit: ut, opitulante Beata Dei Genitrice, cunctis gentibus pax, Christi Ecclesiæ libertas præstaretur, peccatores vero, propriis reatibus expediti, omnes denique fideles in puritatis dilectione virtutumque exercitio solidarentur. Hisce itaque Beatissimi Patris mandatis obsecundans, infrascriptus Carolus Cardinalis Salotti, Episcopus Prænестinus, et Sacræ Rituum Congregationis Præfectus, in Audientia diei 10 Decembris 1943, confectum schema Officii proprii ac Missæ Immaculati Cordis Beatæ Mariæ Virginis eidem Sanctissimo Domino Nostro obtulit. Sanctitas porro Sua exhibitum schema approbavit et illud in universali Ecclesia adhibendum mandavit in Festo Immaculati Cordis Beatæ Mariæ Virginis, prouti in superiori prostat exemplari. Servatis de cetero Rubricis. Contrariis non obstantibus quibuscumque. Die 4 Maji 1944.

✠ C. Card. SALOTTI, Ep. Præn., *Præfectus*
L. ✠ S.

A. Carinci, *Secretarius*.

Concordat cum originali adprobato.

Imprimatur

Novi Eboraci, die 16 Julii 1945

✠ FRANCISCUS JOSEPHUS
ARCHIEPISCOPUS NEO-EBOR.

cujus inæstimábilis odor erat nimis in vestiméntis ejus; * Et sicut dies verni circúmdabant eam flores rosárum et lília convállium. *℣.* Quæ est ista quæ ascéndit per désertum sicut vírgula fumi ex aromátibus myrrhæ et thuris? — Et.

Lectio ii

A Quæ multæ non potuerunt exstinguere caritatem, nec flúmina óbruent illam. Si déderit homo omnem substántiam domus suæ pro dilectióne, quasi nihil despíciat eam. Soror nostra parva et úbera non habet; quid faciémus soróri nostræ in die quando alloquéndam est? Si murus est, ædificémus super eum propugnácula argétea; si óstium est, compingámus illud tábulis cédrinis.

℣. Sicut cedrus exaltáta sum in Líbano, et sicut cypréssus in monte Sion: quasi myrrha elécta, * Dedi suavitatem odóris. *℣.* Et sicut cinnamómum et balsamum aromatízans. — Dedi.

Lectio iii

EGO murus, et úbera mea sicut turris, ex quo facta sum coram eo quasi pacem repériens. Vínea fuit pacífico in ea quæ habet pópulos; trádedit eam custódis; vir affert

pro fructu ejus mille argénteos. Vínea mea coram me est. Mille tui pacífico, et ducénti his qui custódiunt fructus ejus. Quæ hábitas in hortis, amíci auscúltant. Fac me audíre vocem tuam. Fuge, dilécte mi, et assimiláre cápream hinnulóque cervórum super montes arómatum.

℣. Quæ est ista quæ processit sicut sol, et formósa tamquam Jerúsalem?

* Vidérunt eam filíæ Sion, et beátam dixerunt, et reginæ laudavérunt eam.

℣. Et sicut dies verni circúmdabant eam flores rosárum et lília convállium. — Vidérunt. *Gloria Patri.* Vidérunt.

In II Nocturno

Sermo sancti Bernardi
Abbátis

Sermo 4 de Assumpt.
B. M. V. circa medium

Lectio iv

NON est équidem quod me magis délectet, sed nec est quod térreat magis, quam de glória Vírginis Mariæ habére sermónem. Ecce enim, si in ea laudávero virginitatem, mihi multæ vírgines post eam videntur offérri. Si humilitatem prædicávero, inveniéntur forte vel pauci, qui, docente Fílio ejus, mites fa-

cti sunt et húmiles corde. Si magnificáre volúero misericórdiæ ejus multitudinem, sunt áliqui misericórdiæ viri, étiam et mulieres. Unum est in quo nec primam símilem visa est, nec habére sequentem, gáudia matris habens cum virginitátis honóre. Mariæ privilégium est, non dábitur álteri : singuláre est, sed contínuo étiam indicíbile invenítur.

℟. Ornátam monílibus filiam Jerúsalem Dóminus concupívit : * Et vidéntes eam filíæ Sion, beatíssimam prædicavérunt, dicéntes : Unguéntum effúsum nomen tuum. ℣. Astítit regína a dextris tuis in vestítu deauráto, circúmdata varietáte. — Et.

Lectio v

VErúmtamen, non hoc tantum, si diligénter atténdas, sed céteras quoque virtútes singuláres prorsus invénies in María, quæ videbántur esse commúnes. Quæ enim vel angélica púritas virginitáti illi áudeat comparári, quæ digna fuit Spíritus Sancti sacrárium fieri et habitáculum Filii Dei? Quanta vero et quam pretiósa humilitátis virtus cum tanta puritáte, cum innocéntia tanta, cum consciéntia prorsus absque delicto, immo cum tantæ

grátiae plenitúdine? Unde tibi humílitas, et tanta humílitas, o beáta? Digna plane quam respiceret Dóminus, cujus decórem concupísceret Rex, cujus odóre suavíssimo ab ætérno illo Patérni sinus attrahe-rétur accúbitu.

℟. Beátam me dicent omnes generatiónes, * Quia fecit mihi Dóminus magna qui potens est, et sanctum nomen ejus. ℣. Et misericórdia ejus a progénie in progénies timéntibus eum. — Quia.

Lectio vi

ECce jam quibus potúimus votis ascendéntem te ad Filium dedúximus, et prosecúti sumus saltem a longe, Virgo benedícta. Sit pietátis tuæ, ipsam, quam apud Deum grátiam invenísti, notam fácere mundo; reis véniam, medélam ægris, pusillis corde robur, afflictis consolatiónem, periclitántibus adjutórium, et liberatiónem sanctis tuis précibus obtinéndo. In hac quoque die solemnitátis et lætítiæ dulcíssimum Mariæ nomen cum laude invocántibus sérvulis, per te, Regína clemens, grátiae suæ múnera largiátur Jesus Christus, Filius tuus, Dóminus noster, qui est super ómnia Deus benedíctus in sácula. Amen.

℟. Beáta es, Virgo María, quæ Dóminum portásti, Creatórem mundi :
 * Genuísti qui te fecit, et in ætérnum pérmanes Virgo. ℣. Ave, María, grátia plena; Dóminus tecum. — Genuísti. Glória Patri. Genuísti.

In III Nocturno

Lectio sancti Evangélii
 secúndum Lucam

Lectio vii Cap. 10, 38-42

IN illo témpore : Intrávit Jesus in quoddam castéllum; et múlter quædam, Martha nómine, excépit illum in domum suam. Et réliqua.

Homília sancti Bernárdi
 Abbátis

Sermo 2 de Assumptione B. M. V.

Quid introísse eum dicimus in castéllum? Etiam in angustíssimum virginális úteri diversórium introívit. Dénique et múlter quædam excépit illum in domum suam. Felix múlter, cujus domus, Salvatóre suscepto, invénta est munda quidem, sed plane non vácu! Quis enim vácuam díxerit, quam salútat Angelus grátia plenam? Neque hoc solum; sed adhuc quoque in eam super-ventúrum ásserit Spíritum Sanctum. Ad quid, putas,

nisi ut étiam superíimpleat eam? Ad quid, nisi ut adveniente jam Spíritu plena sibi, eódem supervenién-te, nobis quoque superpléna et superéffluens fiat?

℟. Diffúsa est grátia in lábiis tuis : * Proptérea benedíxit te Deus in ætérnum. ℣. Myrrha, et gutta, et cásia a vestiméntis tuis, a dómibus ebúrneis, ex quibus delectavérunt te filiæ regum in honóre tuo. — Proptérea.

Lectio viii

INtret ergo domum Salvátor, et frequénter vísitet eam, quam pœnitens Lázarus mundat, ornat Martha, et María replet, internæ dedita contempla-tióni. Sed forte curiosus quisquam requírat cur in præsentí evangélica lectióne nulla prorsus Lázarí mentio fiat. Arbitror sane, ne id quidem a propósita similitúdine dissidére. Virginálem etenim domum intélligi volens Spíritus, síluit non incóngrue pœniténtiam, quæ malum útique comitátur. Absit enim, ut próprii quidquam inquinaménti domus hæc aliquándo habuisse dicátur, ut in ea proínde scopa Lázarí quærerétur.

℟. Beáta es, Virgo María, Dei Génitrix, quæ cre-

didisti Dómino : perfécta sunt in te quæ dicta sunt tibi : ecce exaltáta es super choros Angelórum :

* Intercéde pro nobis ad Dóminum Deum nostrum.

✠ Ave, María, grátia plena; Dóminus tecum. — Intercéde. Glória Patri. Intercéde.

Si hodie fuerit Sabbatum, Lectio ix de Homilia Vigilæ anticipatæ S. Bartholomæi Ap., et ejus Commemoratio ad Laudes, ut die seq. notatur; secus

Pro Ss. Timotheo, Hippolyto Ep. et Symphoriano Mm.

Lectio ix

TImótheus Antiochénus, Romam véniens Melchiáde summo Pontífice, cum per annum ibi Christi fidem prædicásset, a Tarcúinio Urbis præfécto conjicitur in víncula; et, post diutúrnas cárceris ærúmnas, ad idóla perdúctur, ut eis sacrificet. Quam impietátem summa libertáte detestátus, acerbissime cáeditur, et excarnificátum corpus viva calce perfúnditur. In quibus aliisque suppliciis constans Martyr, cápite pléctitur. Corpus via Ostiénsi prope sepúlcrum beáti Pauli Apóstoli sepelítur. Quo die étiam, Alexándro imperatóre, apud Ostia Tiberína Hippólytus, episcopus Portuénsis, ob

præcláram fidei confessiónem mánibus pedibúque ligátis, in altam fóveam aquis plenam præcipitátus, martýrio coronátus est, et ibídem a Christiánis sepúltus. Quo item die, Aureliáno imperatóre, propter eámdem fidem, Augustodúni, Symphoriánus adoléscens várie tortus est. Qui, dum ad últimum supplicium ducerétur, matrem ita clamántem áudiens : Nate, nate, meménto æternæ vitæ, cælum súspice, et ibi regnántem intuére; tibi enim vita non erípitur, sed mutátur in mélius; fórtiter Jesu Christi causa carnífici collum præbuit.

Te Deum laudámus.

Ad Laudes fit Com. Ss. Mm.

Ant. Vestri capílli cápitis omnes numeráti sunt : nolíte timére : multis páséribus meliôres estis vos.

✠ Exsultábunt Sancti.

Oratio

AUxílium tuum nobis, Dómine, quæsumus, placátus impénde : et, intercedéntibus beátis Martýribus tuis Timótheo, Hippólyto et Symphoriáno, dexteram super nos tuæ propitiatiónis exténde. Per Dóminum.

In Vesperis Commemoratio sequentis.

Die 23 Augusti

S. Philippi Benitii

Confessoris [94] Duplex

(m. t. v., nisi tamen alicubi
I Vesperas habeat.)

Ant. Similábo eum viro sapiénti, qui ædificávit domum suam supra petram.

✠. Amávit eum Dóminus.

Oratio

DEus, qui per beátum Philíppum, Confessórem tuum, exímium nobis humilitátis exémplum tribuísti : da fámulis tuis próspera mundi ex ejus imitatione despícere, et cæléstia semper inquirere. Per Dóminum.

In II Nocturno

Lectio iv



Hilíppus, ex nóbili Benitiórum familia Floréntiæ natus, futúrae sanctitátis jam inde ab incunábulis indicium præbuit; vix enim quintum ætátis mensem ingressus, linguam in voces mirífice solvit, hortátusque fuit matrem ut Deíparæ Servis eleemósynam impertíret. Adoléscent, dum Parísiiis litterárum stúdia cum pietátis ardóre conjúngeret, plúrimos ad cæléstis pátriæ desidérium inflammávit.

Revérsus in pátriám, et singulári visióne a beatíssima Vírgine in Servórum suórum famíliam nuper institútam vocátus, in Senárii montis antrum concéssit, ubi ásperam quidem jugi córporis castigatióne, sed Christi Dómini cruciátuum meditatióne suávem vitam duxit. Indeque per univérsam penne Euróпам magnámque Asiæ partem, quam evangélicis prædicatióibus obívit, sodalítia septem Dolórum Dei Matris instituit, suúmque órđinem exímio virtútum exémplo propagávit.

✠. Honéstum fecit illum Dóminus, et custodívit eum ab inimícis, et a seductóribus tutávit illum :

* Et dedit illi claritátem ætérnam. ✠. Justum dedúxit Dóminus per vias rectas, et osténdit illi regnum Dei. — Et.

Lectio v

Divínæ caritátis et cathólicæ fidei dilatándæ ardóre veheménter accénsus, sui órđinis Generalis relúctans atque invítus renuntiátus, fratres ad prædicándum Christi Evangélium in Scýthiam misit. Ipse vero plúrimas Itáliæ urbes concúrsans, gliscéntes in eis civium discórdias compósuit, mul-

tásque ad Románi Pontíficis obediéntiam revocávit; nihílque de stúdio aliénæ salútis omíttens, perditísimos hómines e vitiórum cœno ad pœniténtiam ac Jesu Christi amórem perdúxit. Oratióni summóperè addictus, sæpe in éxtasim rapi visus est. Virginitátem vero ádeo cóluit, ut ad extrémum usque spíritum voluntáriis ac duríssimis supplíciis illibátam custodíerit.

✠. Amávit eum Dóminus, et ornávit eum : stolam glóriæ induit eum, * Et ad portas paradísi coronávit eum. ✠. Induit eum Dóminus lorícam fidei, et ornávit eum. — Et ad portas.

Lectio vi

✠. Efflóruit in eo júgiter singuláris erga páuperes misericórdia, sed præcípue cum apud Camiliánum, agri Senénsis vicum, lepróso nudo, eleemósynam peténti, própriam, qua indútus erat, vestem fuit elargítus. Qua ille contéctus, statim a lepra mundátus est. Cujus miráculi cum longe latéque fama manásset, nonnúlli ex cardinálibus, qui Vitérbium, Cleménte quarto vita functo, pro successóre deligéndo convénierant, in Philíppum, cujus cælé-

stem étiam prudéntiam perspéctam habébant, intendérunt. Quo compérto, vir Dei, ne forte pastorális regíminis onus subíre cogerétur, apud Tuniátum montem tándiu delítuit, donec Gregórius décimus Póntifex máximus fúerit renuntiátus; ubi bálneis, quæ étiam hódie sancti Philíppi vocántur, virtútem sanándi morbos suis précibus impetrávit. Dénique Tudérti, anno millésimo ducentésimo octogésimo quinto, in Christi Dómini e cruce pendéntis ampléxu, quem suum appellábat librum, sanctíssime ex hac vita migrávit. Ad ejus túmulum cæci visum, claudi gressum, mórtui vitam recepérunt. Quibus aliisque plúrimis fulgéntem signis Clemens décimus, Póntifex máximus, Sanctórum número adscrípsit.

✠. Iste homo perfécit ómnia quæ locútus est ei Deus, et dixit ad eum : Ingrédere in réquiem meam :

* Quia te vidi justum coram me ex ómnibus géntibus. ✠. Iste est, qui contémpsit vitam mundi, et pervénit ad cæléstia regna. — Quia. Glória Patri. Quia.

In III Nocturno Homilia in Ev. Nolíte timére, de Comm. Conf. non Pont. 2 loco. [105]

IX Lectio pro Vigilia S. Bartholomæi Ap. de Homilia in Ev. Hoc est præceptum, ut pro Vigiliis Apostolorum in Communi. [1]

AD LAUDES

℣. Justum deduxit.

Ad Bened. Ant. Euge, serve bone * et fidélis, quia in pauca fuísti fidélis, supra multa te constitúam, intra in gáudium Dómini tui.

Oratio

Deus, qui per beátum Philíppum Confessórem tuum, exímium nobis humilitátis exémpulum tri-

buísti : da fámulis tuis próspera mundi ex ejus imitatione despícere, et cæléstia semper inquirere. Per Dóminum.

Et fit Com. Vigiliæ per Ant. et Versum de Feria currenti, ut in Psalterio.

Oratio

DA, quæsumus, omnipotens Deus : ut beáti Bartholomæi Apóstoli tui, quam prævenimus, veneránda solémnitas, et devotióne nobis áugeat et salútem. Per Dóminum.

Vesperæ de sequenti, Commemoratio præcedentis.

DIE 24 AUGUSTI

Sancti Bartholomæi **Apostoli**

DUPLEX II CLASSIS

Omnia de Communi Apostolorum [3], præter ea quæ hic habentur propria.

Oratio

OMnipotens sempitérne Deus, qui hujus diéi venerándam sanctámque lætítiam in beáti Apóstoli tui Bartholomæi festivitáte tribuísti : da Ecclesiæ tuæ, quæsumus; et amáre quod credidit, et prædicáre quod dócuit. Per Dóminum.

Et fit Com. præcedentis :

Ant. Hic vir, despiciens mundum et terréna, triúmphans, divítias cælo cón-didit ore, manu.

℣. Justum deduxit.

Oratio Deus, qui per beátum, **ut supra.**

In II Nocturno

Lectio iv



Artholomæus Apóstolus, Galilæus, cum in Indiam citeriorem, quæ ei in orbis

terrârum sortitióne ad prædicandum Jesu Christi Evangélium obvénerat, progréssus esset, advéntum Dómini Jesu juxta sancti Matthæi Evangélium illis géntibus prædicávit. Sed, cum in ea provincia plúrimos ad Jesum Christum convertisset, multos labóres calamitatésque perpéssus, venit in majórem Arméniam.

℟. Vidi conjúctos viros, habéntes spléndidas vestes, et Angelus Dómini locútus est ad me, dicens : * Isti sunt viri sancti facti amíci Dei. ℣. Vidi Angelum Dei fortem, volántem per médium cælum, voce magna clamántem et dicéntem. — Isti.

Lectio v

IBI Polýmium regem et cónjugem ejus ac præterea duódecim civitátes ad christiánam fidem perduxit. Quæ res in eum magnam invídiam concitávit illius gentis sacerdotum. Nam usque ádeo Astýagem, Polýmii regis fratrem, in Apóstolum incendérunt, ut is vivo Bartholomæo pellem crudéliter détrahi jússet ac caput abscíndi; quo in martýrio ánimam Deo réddidit.

℟. Beáti estis, cum maledíxerint vobis hómines, et persecúti vos fúerint, et díxerint omne malum

advérsus vos, mentiéntes, propter me : * Gaudéte et exsultáte, quóniam merces vestra copiósa est in cælis. ℣. Cum vos óderint hómines, et cum separáverint vos, et exprobráverint, et ejécerint nomen vestrum tamquam malum propter Fílium hóminis. — Gaudéte.

Lectio vi

EJus corpus Albáni, quæ est urbs majóris Arménia, ubi is passus fúerat, sepúltum est. Quod póstea ad Líparam ínsulam delátum, inde Benevéntum translátum est. Postrémo Romam ab Ottóne tértio imperatóre portátum, in Tíberis ínsula, in ecclésia ejus nómine Deo dicáta, collocátum fuit.

℟. Isti sunt triumphatóres et amíci Dei, qui, contemnéntes jussa princípum, meruérunt præmia æténa : * Modo coronántur, et accípiunt palmam. ℣. Isti sunt qui venérunt ex magna tribulatióne, et lavérunt stolas suas in ságuine Agni. — Modo. Glória Patri. Modo.

In III Nocturno

Lectio sancti Evangélii
secúndum Lucam

Lectio vii Cap. 6, 12-19

IN illo témpore : Exiit Jesus in montem oráre et erat pernóctans in ora-

tióne Dei. Et, cum dies factus esset, vocávit discipulos suos. Et réliqua.

Homilía sancti Ambrósii
Epíscopi

Liber 5 Comment. in Luc.
cap. 6, post initium



Mnes magni, omnes sublimes montem ascéndunt. Non enim cuicumque Prophéta dicit : Ascénde in montem excélsus, qui evangelizas Sion : exálta in virtúte vocem tuam, qui evangelizas Jerúsalem. Non vestígiis corporálibus, sed factis sublimióribus in hunc montem ascénde, et séquere Christum, ut ipse esse mons possis : Montes enim in circúitu ejus. Quare in Evangélio invénies solos cum Dómino montem ascendísse discipulos. Orat ergo Dóminus, non ut pro se óbsecret, sed ut pro me ímpetret. Nam, etsi ómnia posúerit Pater in potestate Fílii; Fílius tamen, ut hómínis formam impléret, obsecrándum Patrem putat esse pro nobis, quia advocátus est noster.

✠. Isti sunt qui vivéntes in carne, plantavérunt Ecclesiám ságuine suo : * Cálicem Dómini bibérunt, et amíci Dei facti sunt. ✠. In omnem terram exívit sonus eórum, et in fines orbis terræ verba eórum. — Cálicem.

Lectio viii

ET erat, inquit, pernóctans in oratióne Dei. Spécies tibi, Christiáne, datur, forma præscríbitur, quam débeas æmulári. Quid enim te pro salute tua fácere opórtet, quando pro te Christus in oratióne pernóctat? Quid te fácere cónvenit, cum vis áliquod pietátis officium adoríri, quando Christus, missúrus Apóstolos, orávit prius, et solus orávit? Nec usquam álibi, si non fallor, orásse cum Apóstolis reperitur; ubique solus óbsecrat. Dei enim consílium humana vota non cápiunt, nec quisquam interiórum potest esse párticeps Christi.

✠. Isti sunt viri sancti, quos elégit Dóminus in caritate non ficta, et dedit illis glóriam sempitérnam : * Quorum doctrína fulget Ecclesiá, ut sole luna. ✠. Sancti per fidem vicérunt regna : operáti sunt justitiam. — Quorum. Glória Patri. Quorum.

Lectio ix

VOCávit, inquit, discipulos suos, et elégit duódecim ex ipsis; quos ad propagándum auxílium salutis humanæ per terrarum orbem satóres fidei destináret. Simul advérte cæléste consílium : non

sapiéntes áliquos, non dívites, non nóbiles, sed piscatóres et publicános, quos dirígeret, elégit; ne traduxísse prudéntia, ne redemísse divítiis, ne poténtiæ nobilitátisque auctoritáte traxísse áliquos ad suam grátiam viderétur; ut veritátis rátio, non disputatiónis grátia prævaléret.

Te Deum laudámus.

Oratio

OMnípotens sempitérne Deus, qui hujus diéi venerándam sanctámque lætítiam in beáti Apóstoli tui Bartholomæi festivitáte tribuísti : da Ecclésiæ tuæ, quæsumus, et amáre quod crédidit, et prædicáre quod dócuit. Per Dóminum.

In Vesperis Com. sequentis.

Die 25 Augusti

S. Ludovici

Regis, Conf. [94]

Semiduplex

Ant. Similábo eum viro sapiénti, qui ædificávit domum suam supra petram.

V. Amávit eum Dóminus.

Oratio

DEus, qui beátum Ludovicum Confessórem tuum de terréno regno ad cæléstis regni glóriam

transtulísti : ejus, quæsumus, méritis et intercessióne; Regis regum Jesu Christi Filii tui fácias nos esse consórtes : Qui tecum vivit.

In II Nocturno

Lectio iv



LUdovicus nonus, Gálliaë rex, duodecim annos natus, patre amísso, et in Blanchæ matris sanctíssima disciplína educátus, cum jam vigésimum annum in regno ágeret, in morbum incidit : quo témpore cogitávit de recuperánda possessione Jerosolymórum. Quam ob rem, ubi conválisset, vexillum ab episcopo Parisiénsi accépit. Deínde, mare cum ingénti exércitu trajiciens, primo prælio Saracénos fugávit. Sed cum, ex pestilentia, magna militum multitúdo periísset, victus ipse captúsque est.

R. Honéstum fecit illum Dóminus, et custodívit eum ab inimicis, et a seductóribus tutávit illum :

***** Et dedit illi claritátem ætéram. **V.** Justum dedúxit Dóminus per vias rectas, et osténdit illi regnum Dei. — Et.

Lectio v

REbus póstea cum Saracénis compósitis, liber rex exercitúsque dimítti-

tur. Quinque annis in Oriēte commorātus, plūrimos Christiānos a barbarorum servitūte redēmit, multos étiam infidēles ad Christi fidem convértit; prætērea áliquot Christianórum urbes refecit suis sump̄tibus. Interim mater ejus migrat e vita; quare domum redire cōgitur, ubi totum se dedit pietátis officiis.

✠. Amávit eum Dóminus, et ornávit eum : stolam glóriæ induit eum, * Et ad portas paradísi coronávit eum. ✠. Induit eum Dóminus lorícam fidei, et ornávit eum. — Et.

Lectio vi

Multa ædificávit monastéria et páuperum hospítia : beneficentia egētes sublevábat; frequens visébat ægrótos, quibus ipse non solum suis sump̄tibus ómnia suppeditábat, sed étiam, quæ opus erant, mánibus ministrábat. Vestítu vulgári utebátur, cilício ac jejúnió corpus assidue affligébat. Sed, cum iterum transmisisset, bellum Saracénis illatúrus, jamque castra in eórum conspéctu posuisset, pestiléntia decéssit in illa oratióne : Introibo in domum tuam, adorábo ad templum sanctum tuum, et confitébor nómini tuo.

Ejus corpus póstea Lutétiam Parisiórum translátum est, quod in célebri sancti Dionýsii templo asservátur et cólitur; caput vero in sacra æde sanctæ capéllæ. Ipse, clarus miráculis, a Bonifátio Papa octávo in Sanctórum número est relátus.

✠. Iste homo perfecit ómnia quæ locútus est ei Deus, et dixit ad eum : Ingrédere in réquiem meam :

* Quia te vidi justum coram me ex ómnibus gētibus. ✠. Iste est, qui contempsit vitam mundi, et pervénit ad cælestia regna. — Quia. Glória Patri. Quia.

Pro hoc Festo simplicitato

Lectio ix

Ludovicus nonus, Gállia rex, in Blanchæ matris sanctíssima disciplína educátus, pro recuperánda possessióne Jerosolymórum mare cum ingēti exércitu trajiciens, primo prælio Saracénos fugávit. Sed cum magna militum multitúdo ex pestiléntia periisset, victus ipse captúsque est. Rebus compósitis, liber dimíttitur. Plūrimos in Oriēte Christiānos a barbarorum servitūte redēmit, multos étiam infidēles ad Christi fidem convértit. In Gál-

liam revérsus, multa ædificávit monastéria et páuperum hospítia, beneficéntia egéntes sublevábat, frequens visébat ægrótos, eisque ministrábat; vestitu vulgári utebátur, cilício ac jejúnio corpus assidue affligébat. Cum iterum transmisisset, bellum Saracénis illatúrus, jamque castra in eórum conspéctu posuisset, pestiléntia decéssit in illa oratióne : Introibo in domum tuam, adorábo ad templum sanctum tuum, et confitébor nómini tuo.

Te Deum laudámus.

In III Nocturno

Léctio sancti Evangélii
secúndum Lucam

Lectio vii Cap. 19, 12-26

IN illo témpore : Dixit Jesus discipulis suis parábolam hanc : Homo quidam nóbilis ábiit in regiónem longínquam accípere sibi regnum et revérti. Et réliqua.

Homília sancti Ambrósii
Epíscopi

Liber 8 in Lucam



EOnus ordo, ut vocatúrus gentes, et Judæos jussúrus interfici, qui noluérunt regnare supra se Christum, hanc permíttetet compa-

rationem, ne dicerétur : Nihil déderat pópulo Judæórum : unde póterat mélior fieri? ut quid ab eo, qui nihil recépit, exígitur? Non mediócris ista est mna, quam supra múlíer evangélica, quia non invénit, lucérnam accéndit, lúmine quærit admóto, gratulátur invéntam.

℟. Iste est, qui ante Deum magnas virtútes operátus est, et de omni corde suo laudávit Dóminum : * Ipse intercédát pro peccátis ómnium populórum. **℟.** Ecce homo sine queréla, verus Dei cultor, ábstinens se ab omni ópere malo, et pérmanens in innocéntia sua. — Ipse.

Lectio viii

DEnique ex una decem mnas álius fecit, álius quinque. Fortásse iste morália habet, quia quinque sunt córporis sensus; ille duplícia, id est, mýstica legis et morália probitátis. Unde et Matthæus quinque talénta et duo talénta pósuit : in quinque taléntis, ut sint morália; in duóbus utrúmque, mýsticum atque morále. Ita quod número inférius, re ubérius.

℟. Sint lumbi vestri præcincti, et lucérnæ ardéntes in mánibus vestris :

* Et vos símiles homínibus exspectántibus dóminum suum, quando revertátur a núptiis. *℟.* Vigilate ergo, quia nescitis qua hora Dóminus vester ventúrus sit. — Et. *Glória Patri.* Et.

Lectio ix

ET hic póssumus decem mnas decem verba intelligere, id est, legis doctrinam; quinque autem mnas, magistéria disciplinæ. Sed legisperítum in ómnibus volo esse perféctum; non enim in sermóne, sed in virtúte est regnum Dei. Bene autem, quia de Judæis dicit, duo soli multiplicátam pecúniam déferunt; non útique æris, sed dispensatiónis usúris. Alia est enim pecúniæ fánebris, ália doctrinæ cæléstis úsura.

Te Deum laudámus.

AD LAUDES

℟. Justum dedúxit.

Ad Bened. Ant. Euge, serve bone * et fidélis, quia in pauca fuísti fidélis, supra multa te constítuam, intra in gáudium Dómini tui.

Oratio

DEus, qui beátum Ludovicum Confessórem tuum de terréno regno ad cæléstis regni glóriam transtulísti : ejus quæsumus méritis et interces-

siónē, Regis regum Jesu Christi Filii tui fácias nos esse consórtes. Qui tecum.

IN II VESPERIS

℟. Justum dedúxit.

Ad Magnif. Ant. Hic vir despiciens mundum * et terréna, triúmphans, divítias cælo cóndidit ore, manu.

Et fit Com. sequentis.

Die 26 Augusti

S. Zephyrini

Papæ et Mart. [29]

Simplex

Ant. Iste Sanctus pro lege Dei sui certávit usque ad mortem, et a verbis impiórum non tímuit; fundátus enim erat supra firmam petram.

℟. Glória et honóre.

Oratio

Regem tuum, Pastor ætérne, placátus inténde : et per beátum Zephyrínium Mártirem tuum atque Summum Pontíficem, perpétua protectiône custódi; quem totíus Ecclésiæ præstitísti esse pastórem. Per Dóminum.

Lectio iiii

Zephyrínus RománuS, Severo imperatóre ad regéndam Ecclésiám assumptus, sancívit ut, qui ordinándi essent, opportúno témpore et multis præsentibus cléricis et láicis

cis, de more sacris initiarentur; doctique ac spectatæ vitæ homines ad id officii munus deligerentur. Decrévit præterea ut rem divinam facienti episcopo sacerdotes omnes astarent. Idem instituit ut patriarcha, primas, metropolitanus adversus episcopum non ferant sententiam, nisi apostolica auctoritate fulti. Vixit in pontificatu annos decem et octo, dies decem et octo. Hæbuit ordinationes quatuor mense Decembri, quibus creavit presbyteros tridecim, diaconos septem, episcopos per diversa loca tridecim. Antonino imperatore, martyrio coronatus est, et sepultus via Appia prope cœmeterium Callisti, septimo Kalendas Septembris.

Te Deum laudamus.

✠. Justus ut palma.

Ad Bened. Ant. Qui odit * animam suam in hoc mundo, in vitam æternam custodit eam.

Vesperæ de sequenti.

Die 27 Augusti

S. Josephi Calasanctii

Confessoris [94]

Duplex (m. t. v.)

✠. Amavit eum Dominus.

Ad Magnif. Ant. Similabo eum * viro sapienti,

qui ædificavit domum suam supra petram.

Oratio

DEus, qui per sanctum Josèphum Confessorem tuum, ad erudiendam spiritum intelligentiæ ac pietatis juventutem, novum Ecclesiæ tuæ subsidium providere dignatus es: præsta, quæsumus; nos, ejus exemplo et intercessiõne, ita facere et docere, ut præmia consequamur æterna. Per Dñm.

In II Nocturno

Lectio iv



Osèphus Calasanctius a Matre Dei, Petraltæ in Aragonia, nobili genere natus, a teneris annis futuræ in pueros caritatis et eorum institutionis indicia præbuit. Nam adhuc parvulus eos, ad se convocatos, in mysteriis fidei et sacris precibus erudièbat. Humanis divinisque litteris egregie doctus, cum studiis theologicis Valentia operam daret, nobilis potentisque feminae illécebris fortiter superatis, virginitatem, quam Deo voverat, inoffensam insigni victoria servavit. Sacerdos ex voto factus, a compluribus episcopis in Castellæ Novæ, Aragoniæ et Cata-

láuniæ regnis in partem labóris adscítus, exspectatióem ómnium vicit, pravis ubíque móribus emendátis, ecclesiástica disciplína restitúta, inimicítiis cruentisque factiónibus mirífice exstíntis. At cælésti visióne et Dei voce fréquénter admónitus, Romam proféctus est.

✠. Honéstum fecit illum Dóminus, et custodívit eum ab inimícis, et a seductóribus tutávit illum :
* Et dedit illi claritátem ætérnam. ✠. Justum dedúxit Dóminus per vias rectas, et osténdit illi regnum Dei. — Et.

Lectio v

IN Urbe, summa vitæ asperitaté, vigíliis et jejúniis corpus afflígens, in oratióibus et cæléstium rerum contemplatióne dies noctésque versabátur, septem ejúsdem Urbis ecclésiass singulis fere nóctibus obíre sólitus; quem inde morem complúres annos servávit. Dato piis sodalitátibus nómine, mirum quanto ardóre páuperes, infirmos potíssimum aut carcéribus deténtos elemósynis omníque pietátis officio subleváret. Lue Urbem depopulánte, una cum sancto Camílllo, tanto fuit actus ímpetu caritátis, ut præter subsidia

ægrótis paupéribus large colláta, ipsa étiam defunctorum cadáverá suis húmeris tumulánda transférret. Verum, cum divínitus accepísset se ad informándos intelligéntiæ ac pietátis spírítu adolescéntulos, præcípue páuperes, destinári; órđinem Clericórum regulárium páuperum Matris Dei scholárum piárum fundávit, qui peculiárem curam circa puerórum eruditiónem ex próprio institúto profiteréntur. Ipsúmque órđinem a Cleménte octávo, a Paulo quinto aliisque summis Pontificibus magnópere probátum, brevi témpore per plúrimas Európæ provinciass et regna mirábíliter propagávit. In hoc autem tot labóres perpéssus est ac tot ærúmnas invícto ánimo tolerávit, ut ómnium voce miráculum fortitúdinis et sancti Jobi exémplum dicerétur.

✠. Amávit eum Dóminus, et ornávit eum : stollam glóriæ induit eum,
* Et ad portas paradísi coronávit eum. ✠. Induit eum Dóminus lorícam fidei, et ornávit eum. — Et.

Lectio vi

QUamvis órđini univérso præésset, totísque víribus ad animárum salutem incúmbere, num-

quam tamen intermísit púeros, præsertim pauperiores, erudire, quorum scholas vérrere, eosque domum comitari consuevit. In eo summæ patiéntiæ et humilitátis múnere, valétudine étiam infirma, duos et quinquaginta annos perseverávit; dignus propterea, quem crebris Deus miraculis coram discipulis illustráret, et cui beatíssima Virgo cum púero Jesu, illis orántibus benedicente, appareret. Amplíssimis interim dignitatibus repudiátis, prophetía, ábdita córdium et abséntia cognoscéndi donis et miraculis clarus, Deíparæ Vírginis, quam singulári pietáte et ipse ab infántia cóluit et suis máxime commendávit, aliorúmque Cælitum frequénti apparitióne dignátus, cum óbitus sui diem, et órdinis tunc prope evérsi restitutionem atque incrementum prænuntiáset; secúndum et nonagésimum annum agens, Romæ obdormívit in Dómino, octávo Kaléndas Septémbris, anno millésimo sexcentésimo quadragésimo octávo. Ejus cor et lingua post sæculum íntegra et incorrupta repérta sunt. Ipse vero, multis post óbitum quoque signis a Deo illustrátus, primum, a Bene-

dícto décimo quarto, Beatorum cultu decorátus fuit; ac deínde, a Cleménte décimo tértio, inter Sanctos solémniter est relátus.

℟. Iste homo perfécit ómnia quæ locútus est ei Deus, et dixit ad eum : Ingrédere in réquiem meam :

* Quia te vidi justum coram me ex ómnibus géntibus. ℣. Iste est, qui contémpsit vitam mundi, et pervénit ad cæléstia regna. — Quia. Glória Patri. Quia.

Pro hoc Festo simplicitate

Lectio ix

Joséphus Calasáncius, Petráltæ in Aragónia natus, adhuc párvulus æquáles ad se convocátos mystériis fidei et sacris précibus erudiébat. Sacerdos ex voto factus, summa vitæ asperitate, vigíliis et jejúniis corpus affligens, in oratióne et rerum cæléstium contemplatióne dies noctésque versabátur. Cum divínitus accepisset, se ad informándos intelligéntiæ ac pietátis spíritu adolescéntes, præcípe páuperes, destinári; órdinem Clericórum regulárium páuperum Matris Dei scholárum piárum fundávit, qui peculiárem curam de púeris erudién-

dis ex próprio institúto profiteréntur. Innúmeris propterea labóribus atque ærúmnis invícto ánimo tolerátis, secúndum et nonagésimum annum agens, obiit in Dómino, octávo Kaléndas Septémbris, anno millésimo sexcentésimo quadragésimo octávo.

Te Deum laudámus.

In III Noeturno

Lectio sancti Evangélíi
secúndum Matthæum

Lectio vii Cap. 18, 1-5

IN illo témpore : Accesserunt discipuli ad Jesum, dicéntes : Quis, putas, major est in regno cælórum? Et réliqua.

Homília sancti Joánnis
Chrysóstomi

In Cap. 18 Matth. Hom. 60



Idéte, ne áliquem istórum contempseritis parvulórum, quia eórum Angeli Patris mei fáciem semper aspíciunt, et quia ego propter eos veni, et hæc Patris mei volúntas est. Ad tuéndos conservandósque pusíllos, diligentiores nos reddit. Pérspicis, quam ingéntia in tutelam tenúium mcénia eréxerit, et quantum stúdiu curámque hábeat, ne perdántur; tum quia suprémas despiciéntibus eos

pœnas státuit, tum quia summam pollicétur mercedem his qui curam eórum suscípiunt, idque tam suo quam Patris exémplo corróborat.

℟. Iste est, qui ante Deum magnas virtútes operátus est, et de omni corde suo laudávit Dóminum : * Ipse intercédát pro peccátis ómnium populórum. ℣. Ecce homo sine queréla, verus Dei cultor, ábstinens se ab omni ópere malo, et pérmanens in innocéntia sua. — Ipse.

Lectio viii

Dominum igitur étiam nos imitémur, et nihil pro frátribus omittámus, étiam eórum quæ humília villiaque nímium vidéntur. Sed, si administratióne nostra étiam opus fúerit, quamvis ténuis atque abjéctus quidem, cui ministrándum sit, fúerit, quamvis árdua nobis res atque labóris plena esse videátur; ómnia hæc pro fratris salúte tolerabilióra facilióraque, oro, videántur. Tanto enim stúdio tantáque cura Deus dignam esse ánimam osténdit, ut neque Fílio suo pepércerit.

℟. Sint lumbi vestri præcincti, et lucérnæ ardéntes in mánibus vestris : * Et

vos símiles homínibus exspectántibus dóminum suum, quando revertátur a núptiis. *℟.* Vigiláte ergo, quia nescítis qua hora Dóminus vester ventúrus sit. — Et. Glória Patri. Et.

Lectio ix

SI non est nobis satis ad salútem quod virtuosé ipsi vivámus, sed opórtet aliórum salútem re ipsa desideráre; cum neque nos recte vivámus neque álios hortémur, quid respondébimus? quæ nobis spes salútis réliqua erit? Quid majus quam ánimis moderári, quam adolescentulórum fingere mores? Omni certe pictóre, omni certe statuário, ceterisque hujúsmodi omnibus excellentiorem hunc duco, qui júvenum ánios fingere non ignóret.

Te Deum laudámus.

AD LAUDES

℟. Justum dedúxit.

Ad Bened. Ant. Euge, serve bone * et fidélis, quia in pauca fuísti fidélis, supra multa te constítuam, intra in gáudium Dómini tui.

Oratio

DEus, qui per sanctum Joséphum Confessórem tuum, ad erudiéndam spíritu intelligéntiæ ac pie-

tátis juventútem, novum Ecclésiæ tuæ subsidium providére dignátus es : præsta quæsumus, nos ejus exémplo et intercessióne ita fácere, et docére, ut præmia consequámur ætérna. Per Dóminum.

Vesperæ a Capitulo de sequenti, Commemoratio præcedentis et S. Hermetis Mart.

Die 28 Augusti

S. Augustini

Ep., Conf. et Eccl. Doct.

Duplex [69]

℟. Amávit eum Dóminus.

Ad Magnif. Ant. O Doctor óptime, * Ecclésiæ sanctæ lumen, beáte Augustíne, divínæ legis amátor, deprecáre pro nobis Fílium Dei.

Oratio

ADesto supplicatióibus nostris, omnípotens Deus : et, quibus fidúciā sperándæ pietátis indúlges, intercedénte beáto Augustíno Confessóre tuo atque Pontífice, consuétæ misericórdiæ tríbue benígnus efféctum. Per Dóminum.

Et fit Com. præcedentis :

Ant. Hic vir, despíciens mundum et terréna, triúmphans, divítias cælo cóndidit ore, manu.

℟. Justum dedúxit.

Oratio

DEus, qui per sanctum Joséphum Confessorem tuum, ad erudiendam spíritu intelligéntiæ ac pietatis juventutem, novum Ecclesiæ tuæ subsidium providere dignatus es : præsta quæsumus, nos ejus exemplo et intercessionē ita facere, et docere, ut præmia consequamur æterna. Per Dóminum.

Deinde Com. S. Hermetis Mart. :

Ant. Iste Sanctus pro lege Dei sui certavit usque ad mortem, et a verbis impiórum non tímuit; fundatus enim erat supra firmam petram.

℟. Glória et honóre.

Oratio

DEus, qui beátum Hermétem Mártirem tuum virtute constantiæ in passióne roborasti : ex ejus nobis imitatione tribue; pro amore tuo prospera mundi despícere, et nulla ejus adversa formidare. Per Dóminum.

In I Nocturno, si sumendæ sint de Communi, Lectiones Sapiéntiam. [87]

In II Nocturno

Lectio iv



Ugustinus, Tagáste in Africa honéstis paréntibus natus ac puer docilitate ingénii

æquales longe súperans, brevi ómnibus doctrína antecélluit. Adoléscent, dum esset Carthágine, in Manichæórum háresim incidit. Póstea Romam profectus, inde Mediolánum missus ut rhetóricam doceret, cum ibi frequens Ambrósii epíscopi esset audítor, ejus ópera incensus stúdio cathólicæ fidei, annos natus trigínta tres ab ipso baptizatur. Reversus in Áfricam, cum religiône vitæ sanctimóniam conjúgens, a Valério, notæ sanctitátis epíscopo Hipponénsi, præsbyter factus est. Quo témpore familiam instituit religiosórum, quibúscum victu commúni eodémque cultu utens, eos ad apostólicæ vitæ doctrinæque disciplinam diligentissime erudiébat. Sed, cum vigéret Manichæórum háresis. vehementius in illam invehi cœpit, Fortunatúmque hæresiárcham confutávit.

℟. Invéni David servum meum, óleo sancto meo unxi eum : * Manus enim mea auxiliábitur ei. *℟.* Nihil proficiet inimícus in eo, et fílius iniquitátis non nocébit ei. — Manus.

Lectio v

HAC Augustíni pietáte commótus Valérius, eum adjutórem adhíbuit episcopális officii. Nihil illo

fuit humílius, nihil conti-
néntius. Lectus ac vestí-
tus moderátus; vulgáris
mensa, quam semper sa-
cra vel lectione vel dispu-
tatione condiébat. Tanta
benignitate fuit in páupe-
res, ut, cum non esset ália
facultas, sacra vasa frán-
geret ad eórum inópíam
sustentándam. Feminá-
rum, et in eis soróris, et
fratris filiæ, contubérnium
familiaritatémque vitávit;
quippe qui diceret, etsi
propínquæ mulieres sus-
péctæ non essent, tamen
quæ ad eas ventitárent,
posse suspiciónem effíce-
re. Nullum finem fecit
prædicándi Dei verbum,
nisi gravi morbo opprés-
sus. Hærélicos perpétuo
insectátus et coram et
scriptis, ac nullo loco pas-
sus consistere, Africam a
Manichæórum, Donatistá-
rum, Pelagianórum alio-
rúmque prætérea hæreti-
córum erróre magna ex
parte liberávit.

✠. Pósui adjutórium su-
per poténtem, et exaltávi
eléctum de plebe mea :

* Manus enim mea auxi-
liábitur ei. ✠. Invéni Da-
vid servum meum, óleo
sancto meo unxi eum. —
Manus.

Lectio vi

TAM multa pie, subtlí-
ter et copióse scripsit,
ut christiánam doctrinam

máxime illustrárit. Quem
in primis secúti sunt, qui
póstea theológicam disci-
plínam via et ratióne tra-
didérunt. Vándalis Afri-
cam bello vastántibus et
Hippónem tértium jam
mensem obsidéntibus, in
febrim incidit. Itaque, cum
discéssum e vita sibi in-
stáre intellígeret, Psalmos
David qui ad pœniténtiam
pértinent, in conspéctu
pósitos, profúsus lácrimis
legébat. Solébat autem
dicere, néminem, etsi nul-
lius scéleris sibi cóncius
esset, committere debére
ut sine pœniténtia migrá-
ret e vita. Ergo sénsibus
íntegris, in oratione defí-
xus, astántibus frátribus,
quos ad caritátem, pietá-
tem virtutésque omnes
erat adhortátus, migrávit
in cælum. Vixit annos
septuagínta sex, in epi-
scopátu ad trigínta sex.
Cujus corpus, primum in
Sardiniam delátum, deín-
de a Luitprándo, Longo-
bardórum rege, magno
prétio redéemptum, Ticí-
num translátum est ibíque
honorífice cónditum.

✠. Iste est, qui ante
Deum magnas virtútes
operátus est, et omnis
terra doctrína ejus repléta
est : * Ipse intercédát pro
peccátis ómnium populó-
rum. ✠. Iste est, qui con-
témpsit vitam mundi, et

pervénit ad cæléstia regna. — Ipse intercédât pro peccátis ómnium populórum. **Glória Patri.** Ipse.

Pro hoc Festo simplicitate

Lectio ix

Augustínus, Tagáste in Africa honéstis paréntibus natus, brevi æquálibus ómnibus doctrína præstitit. Adoléscens, dum esset Carthágine, in Manichæórum háeresim incidit. Póstea Romam proféctus, inde Mediolánum missus ut rhetóricam docéret, cum ibi, suadénte Mónica, piéntíssima ejus matre, frequens Ambrósii epíscopi esset audítor, ejus ópera incénsus stúdio cathólicæ fidei, annos natus trigínta tres ab ipso baptizátur. Revérsus in Africam, cum religióne vitæ sanctimóniam conjúgens, a Valério, notæ sanctitátis epíscopo Hipponénsi, présbyter factus est. Quo témpore familiam instituit religiosórum, quibúscum victu commúni eodémque cultu utens, eos ad apostólicæ vitæ doctrinæque disciplínam diligentíssime erudiébat. Hac Augustíni pietáte commótus Valérius, eum adjutórem adhíbuit episcopális officii. Multa pie, subtiliter et copióse scripsit, ut háere-

ses profligáret et christiánam doctrínam illustráret. Vándalis Africam bello vastántibus et Hippónem tértio jam mense obsidéntibus, febri corréptus, migrávit ad Dóminum, ætátis suæ anno septuagésimo sexto. Ejus corpus, primo in Sardíniam, deínde Ticínium translátum, ibi honorífice cólitur. **Te Deum laudámus.**

In III Nocturno Homilia in Ev. Vos estis sal terræ, de Comm. Doctorum 1 loco. [90]

AD LAUDES

℣. Justum dedúxit.

Ad Bened. Ant. Euge, serve bone * et fidélis, quia in pauca fuísti fidélis, supra multa te constituam, dicit Dóminus.

Oratio

Adésto supplicatióibus nostris, omnípotens Deus : et quibus fidúciā sperándæ pietátis indúlges, intercedénte beáto Augustíno Confessóre tuo atque Pontífice, consuétæ misericórdiæ tríbue benígnus efféctum. Per Dóminum.

Et fit Com. S. Hermetis M. :

Ant. Qui odit ánimam suam in hoc mundo, in vitam ætérnam custódit eam.

℣. Justus ut palma.

Oratio

DEus, qui beátum Hermétem Mártýrem tuum virtúte constántiæ in passióne roborásti : ex ejus nobis imitatióne tríbue; pro amóre tuo própsera mundi despícere, et nulla ejus advérsa formidáre. Per Dóminum.

Vesperæ de sequenti, Commemoratio præcedentis et S. Sabinæ Mart., ut infra.

Die 29 Augusti
In Decollatione
S. Joannis Baptistæ
Duplex majus

Omnia de Communi unius Martyris [29], præter ea quæ hic habentur propria.

IN I VESPERIS

Ant. 1 Heródes enim ténuít * et ligávit Joánnem et pósuit in cárcerem propter Herodiádem.

Psalmi ut in I Vesperis de Communi Apostolorum. [3]

2 Dómine mi rex, * da mihi in disco caput Joánnis Baptistæ.

3 Puéllæ saltánti * impetrávit mater : Nihil áliud petas, nisi caput Joánnis.

4 Arguébat * Heródem Joánnes propter Herodiádem, quam túlerat fratri suo Philípโป uxórem.

5 Da mihi in disco * caput Joánnis Baptistæ. Et

contristátus est rex propter jusjurándum.

In II Vesperis

Psalmus 115

CRédidi, propter quod locútus sum : * ego autem humiliátus sum nimis.

Ego dixi in excéssu meo : * Omnis homo mendax.

Quid retríbuam Dómino, * pro ómnibus, quæ retríbuit mihi?

Cálicem salutáris accípíam : * et nomen Dómini invocábo.

Vota mea Dómino reddam coram omni pópulo ejus : * pretiósá in conspéctu Dómini mors sanctorum ejus :

O Dómine, quia ego servus tuus : * ego servus tuus, et fílius ancíllæ tuæ.

Dirupísti víncula mea : * tibi sacrificábo hóstiám laudis, et nomen Dómini invocábo.

Vota mea Dómino reddam in conspéctu omnis pópuli ejus : * in átriis domus Dómini, in médio tui, Jerúsalem.

Ant. Da mihi in disco caput Joánnis Baptistæ. Et contristátus est rex propter jusjurándum.

Capitulum Jac. 1, 12

BEátus vir, qui suffert
tentatióem : quóniam
cum probátus fúerit, acci-
piet corónam vitæ, quam
repromisit Deus diligénti-
bus se.

Hymnus

DEus, tuórum militum
Sors, et coróna, præ-
mium,
Laudes canéntes Mártyris
Absólve nexu criminis.

Hic nempe mundi gáudia
Et blanda fraudum pábula
Imbúta felle députans,
Pervénit ad cæléstia.

Pœnas cucúrrit fórtiter
Et sústulit viríliter,
Fundénsque pro te sán-
guinem,
ÆtéRNA dona póssidet.

Ob hoc precátu súplici
Te póscimus, piíssime :
In hoc triúmpho Mártyris
Dimítte noxam sérvulis.

* **L**aus et perénis glória
Patri sit, atque Filio,
Sancto simul Paráclito,
In sempitérna sæcula.

Amen.

✠. Glória et honóre coro-
násti eum, Dómine. ✠. Et
constituísti eum super
ópera mánuum tuárum.

Ad Magnif. Ant. Misso
Heródes * spiculátore,
præcépit amputári caput
Joánnis in cárcere. Quo
audíto, discípuli ejus ve-
nérunt, et tulérunt corpus

ejus, et posuérunt illud in
monuménto.

In II Vesperis

✠. Justus ut palma floré-
bit. ✠. Sicut cedrus Lí-
bani multiplicábitur.

Ad Magnif. Ant. Misit
rex incrédulus * minístros
detestábiles, et amputári
jussit caput Joánnis Baptí-
stæ.

Oratio

SANCTI Joánnis Baptistæ
Præcursóris et Márty-
ris tui, quæsumus, Dómi-
ne, veneránda festívitás :
salutáris auxilií nobis præ-
stet efféctum : Qui vivis.

Et fit Commem. præced. :

Ant. O Doctor óptime,
Ecclésiæ sanctæ lumen,
beáte Augustíne, divínæ
legis amátor, deprecáre
pro nobis Fílium Dei.

✠. Justum dedúxit.

Oratio

ADÉSTO supplicatió nibus
nostris, omnípotens
Deus : et, quibus fidúciám
sperándæ pietátis indúl-
ges, intercedénte beáto
Augustíno Confessóre tuo
atque Pontífice, consuétæ
misericórdiæ tribue bení-
gnus efféctum. (Per Dó-
minum).

**Deinde Commem. S. Sa-
binæ Mart. :**

Ant. Símile est regnum
cælórum hómini negotia-

tóri quærenti bonas margaritas : invénta una pretiósâ, dedit ómnia sua, et comparávit eam.

℣. Spécie tua et.

Oratio

DEus, qui inter cétera poténtiæ tuæ miracula étiam in sexu frágili victóriam martýrii contulisti : concéde propítius; ut, qui beátæ Sabínæ Mártýris tuæ natalítia cólimus, per ejus ad te exémpia gradiámur. Per Dóminum.

AD MATUTINUM

In I Nocturno

Incipit liber Jeremiæ Prophétæ

Lectio i Cap. 1, 1-10



Erba Jeremiæ filii Helciæ, de sacerdotibus, qui fuérunt in Anathoth, in terra Bénjamin. Quod factum est verbum Dómini ad eum in diébus Josiæ filii Amon regis Juda, in tértio décimo anno regni ejus. Et factum est in diébus Joákim filii Josiæ regis Juda, usque ad consummationem undécimi anni Sedeciæ filii Josiæ regis Juda, usque ad transmigratió-nem Jerúsalem, in mense quinto. Et factum est verbum Dómini ad me, dicens : Priúsqvam te formárem in útero, novi te : et ántequam exíres de vul-

va, sanctificávi te, et Prophétam in Géntibus dedi te.

℣. Misit Heródes rex manus, ac tenuit Joánnem et vinxit eum in cárcere, quia metuébat eum propter Herodiádem, * Quam túlerat fratri suo Philíp-pu uxórem. ℣. Arguébat Heródem Joánnes propter Herodiádem. — Quam.

Lectio ii

ET dixi, A a a, Dómine Deus : ecce néscio loqui, quia puer ego sum. Et dixit Dóminus ad me : Noli dicere, Puer sum : quóniam ad ómnia, quæ mittam te, ibis : et universa, quæcúmque mandávero tibi, loquéris. Ne tímeas a fácie eórum : quia tecum ego sum, ut éruam te, dicit Dóminus. Et misit Dóminus manum suam, et tétigit os meum : et dixit Dóminus ad me : Ecce dedi verba mea in ore tuo : ecce constítui te hódie super Gentes, et super regna, ut evéllas, et destruas, et dispérdas, et dissipes, et ædífices, et plantes.

℣. Joánnes Baptísta arguébat Heródem * Propter Herodiádem, quam túlerat fratri suo vivénti uxórem. ℣. Misso Heródes spiculatoré, præcépit amputári caput Joánnis in cárcere. — Propter.

Lectio iii Cap. 1, 17-19

TU ergo accinge lumbos tuos, et surge, et loquere ad eos omnia quae ego praecipio tibi. Ne formides a facie eorum: nec enim timere te faciam vul-tum eorum. Ego quippe dedi te hodie in civitatem munitam, et in columnam ferream, et in murum aereum, super omnem terram, regibus Juda, principibus ejus, et sacerdotibus, et populo terrae. Et bellabunt adversum te, et non praevalébunt: quia ego tecum sum, ait Dominus, ut liberem te.

℟. Puellae saltanti imperavit mater: * Nihil aliud petas, nisi caput Joannis.

* Et contristatus est rex propter jusjurandum et propter simul discumbentes. ℣. Ait puella matri suae: Quid petam? At illa ait. — Nihil. Glória Patri. Et.

In II Nocturno

¶ Pro hoc Festo simplici
Lectio iv dicitur ut ix.

Ex libro sancti Ambrósii
Episcopi de Virgínibus

Liber 3 post initium

Lectio iv

GUoniam beati Joannis Baptistae non strictim praetereunda est recordatio, interest ut quis et a quibus et quam

ob causam, quo modo et quo tempore sit occisus, advertere debeamus. Ab adulteris justus occiditur, et a reis in iudicem capitalis sceleris poena convertitur. Deinde praemium saltatricis, mors est Prophetae. Postrémo (quod etiam omnes barbari horrere consueverunt) inter epulas atque convivia consummandae crudelitatis profertur edictum; et a convivio ad carcerem, de carcere ad convivium ferális flagitii circumfertur obssequium. Quanta in uno facinore sunt crimina!

℟. Justus germinabit sicut lilium: * Et florébit in aeternum ante Dominum.

℣. Plantatus in domo Domini, in atriis domus Dei nostri. — Et.

Lectio v

Quis non, cum e convivio ad carcerem cursari vidéret, putáret Prophetam jussum esse dimitti? Quis, inquam, cum audisset natalem esse Herodis, solémne convivium, puellae optionem eligendi quod vellet datam; missum ad Joannem ob solutionem non arbitrarétur? Quid crudelitati cum deliciis? quid cum funeribus voluptati? Rápitur ad poenam Propheta conviváli tempore, conviváli praeced-

pto, quo non cúperet vel absólvi : perímitur gládio, caput ejus affértur in disco. Hoc crudelitáti féculum debebátur, quo insatiáta épulis féritas vescerétur.

℟. Iste cognóvit justítiam, et vidit mirabília magna, et exorávit Altíssimum : * Et invéntus est in número Sanctórum.

℣. Iste est, qui contémpsit vitam mundi, et pervénit ad cæléstia regna. — Et.

Lectio vi

INtuére, rex acerbíssime, tuo spectácula digna convívio. Pórrige déxteram, ne quid sævitiæ tuæ desit; ut inter dígitos tuos rivi défluant sacri cruóris. Et, quóniam non exsaturári épulis fames, non restíngui póculis póuit inaudítæ sævitiæ sitis; bibe sánguinem scaturiéntibus adhuc venis exsécti cápitis profluéntem. Cerne óculos in ipsa morte scéleris tui testes, aversántes conspéctum deliciárum. Claudúntur lúmina non tam mortis necessitáte quam horróre luxúriæ. Os áureum illud exsángue, cujus senténtiam ferre non póteras, conticéscit, et adhuc tímétur.

℟. Honéstum fecit illum Dóminus, et custodívit

eum ab inimícis, et a seductóribus tutávit illum :

* Et dedit illi claritátem ætérnam. ℣. Descendítque cum illo in fóveam, et in vínculis non derelíquit eum. — Et. Glória Patri. Et.

In III Noeturno

Léctio sancti Evangélíi
secúndum Marcum

Lectio vii Cap. 6, 17-29

IN illo témpore : Misit Heródes ac ténuít Joánnem, et vinxit eum in cárcere propter Herodiádem, uxórem Philíppi fratris sui, quia dúxerat eam. Et réliqua.

Homília sancti Augustíni
Epíscopi

Sermo 10 in novis Sermonibus

EUM sanctum Evangélium legerétur, crudéle spectáculum ante óculos nostros constitútum est : caput sancti Joánnis in disco, ferális missus crudelitátis propter ódium veritátis. Puélla saltat, et sævit mater; et inter lascívias et delicias convivántium témere jurátur, et ímpie, quod jurátur, implétur. Factum est Joánni, quod ipse prædíxerat; de Dómino enim Jesu Christo díxerat : Illum opórtet créscere, me autem mí-

nui. Iste minútus est in cápite, ille crevit in cruce. Odium péperit véritas. Non pótuít æquo ánimo tolerári quod homo Dei sanctus monébat; qui úti-que salútem eórum quærébat, quos sic monébat. Respondérunt illi mala pro bonis.

℟. Desidérium ánimæ ejus tribuísti ei, Dómine, * Et voluntáte labiórú ejus non fraudásti eum.

℣. Quóniam prævenísti eum in benedictiónibus dulcedínis, posuísti in cápite ejus corónam de lápide pretióso. — Et.

Si ix Lectio alicujus Officii commemorati dicenda non sit, tunc ex viii Lectione fiunt duæ, quarum prior desinit ad signum ¶.

Lectio viii

Quid enim ille díceret, nisi quo plenus erat? et quid illi respondérent, nisi quo pleni erant? Ille tríticum seminávit, sed spinas invénit. Dícébat regi : Non licet tibi habére uxórem fratris tui. ¶ Vincébat enim regem libído : tenébat apud se prohibítam uxórem fratris sui. Sed eum tamen sic libébat, ut non sævíret; honorábat eum, a quo verum audiébat. Sed múlíer detestábilis ódium concipiébat, quod aliquándo dato témpore páreret.

Quando autem parturiébat, péperit filíam, filíam saltántem.

℟. Stola jucunditátis induit eum Dóminus : * Et corónam pulchritúdinis pósuit super caput ejus.

℣. Cibávit illum Dóminus pane vitæ et intelléctus : et aqua sapiéntiæ salutáris potávit illum. — Et. Glória Patri. Et.

Pro S. Sabina Mart.

Lectio ix

SABÍna, múlíer Romána, Valentíni viri claríssimi uxor, a Seráphia vírgine christiánæ fidei præcéptis institúta, post sanctæ Vírginis martýrium, colléctas ejus reliquias piis exséquiis sepelívit. Quæ propter eam causam paulo post, Hadriáno imperátore, comprehénsa, Elpidio júdici sistitur. Cui is : Tu ne illa Sabína et génere et matrimónio nobilíssima? At illa, Sum, inquit : sed Dómino meo Jesu Christo grátias ago, qui me, intercessióne Seráphiæ fámulæ suæ, e dáemonum potestate liberávit. Quam várie tentátam, ut propósitum mutáret, cum a fidei constántia movére non posset, præféctus, pronuntiáta senténtia quod deos contémneret, cápitis damnávit. Ejus corpus a Christiánis in eódem se-

púlcro cónditum est, in quo ipsa magístram fidei suæ Seráphiam posúerat. Te Deum laudámus.

AD LAUDES

et per Horas, Añæ

1 Heródes enim tenuit * et ligávit Joánnem et pósuit in cárcerem propter Herodiádem.

2 Dómine mi rex, * da mihi in disco caput Joánnis Baptistæ.

3 Puéllæ saltánti * imperávit mater : Nihil áliud petas, nisi caput Joánnis.

4 Arguébat * Heródem Joánnes propter Herodiádem, quam túlerat fratri suo Philípโป uxórem.

5 Da mihi in disco * caput Joánnis Baptistæ. Et contristátus est rex propter jusjurándum.

Capitulum Jac. 1, 12

BEátus vir, qui suffert tentatióem : quóniam, cum probátus fúerit, accípiet corónam vitæ, quam repromísit Deus diligéntibus se.

Hymnus

INvícte Martyr, únicum Patris secútus Fílium, Victis triúmphas hóstibus, Victor fruens cæléstibus.

Tui precátus múnere Nostrum reátum dílué,

Arcens mali contágium, Vitæ repéllens tædium.

Solúta sunt jam víncula Tui sacráti córporis : Nos solve vinclis sæculi, Dono supérni Núminis.

* Deo Patri sit glória, Ejúsque soli Fílio, Cum Spíritu Paráclito, Nunc et per omne sæculum. Amen.

℣. Justus ut palma florébit. ℟. Sicut cedrus Líbani multiplicábitur.

Ad Bened. Ant. Misso Heródes * spiculátore, præcépit amputári caput Joánnis in cárcere. Quo audíto, discípuli ejus venerunt, et tulérunt corpus ejus, et posuérunt illud in monuménto.

Oratio

Sancti Joánnis Baptistæ Præcursóris et Mátyris tui, quæsumus, Dómine, veneránda festívitás : salutáris auxílii nobis præstet efféctum : Qui vivis.

Pro Commem. S. Sabinæ Mart. :

Ant. Date ei de fructu mánuum suárum, et laudent eam in portis ópera ejus.

℣. Diffúsa est grátia in lábiis tuis. ℟. Proptérea benedíxit te Deus in ætérnum.

Oratio

DEus, qui inter cetera potentiae tuæ miracula etiam in sexu fragili victoriam martyrii contulisti : concède propitius ; ut, qui beatæ Sabinae Martyris tuæ natalitia colimus, per ejus ad te exempla gradiamur. Per Dominum.

AD PRIMAM

Ant. Herodes enim tenuit * et ligavit Joannem et posuit in carcerem propter Herodíadem.

AD TERTIAM

Ant. Domine mi rex, * da mihi in disco caput Joannis Baptistæ.

Capitulum Jac. 1, 12

BEatus vir, qui suffert tentationem : quoniam, cum probatus fuerit, accipiet coronam vitæ, quam repromisit Deus diligéntibus se.

℟. br. Glória et honóre * Coronasti eum, Domine. Glória et. **℣.** Et constituisti eum super ópera mánum tuarum. Coronasti. Glória Patri. Glória et. **℣.** Posuisti, Domine, super caput ejus. **℟.** Coronam de lapide pretioso.

Oratio

Sancti Joannis Baptistæ Præcursoris et Martyris tui, quæsumus, Domi-

ne, veneranda festívitás : salutáris auxilií nobis præstet effectum : Qui vivis.

AD SEXTAM

Ant. Puellæ saltánti * imperávit mater : Nihil aliud petas, nisi caput Joannis.

Capitulum Eccli. 15, 3

Cibavit illum pane vitæ et intelléctus, et aqua sapiéntiæ salutáris potavit illum Dominus, Deus noster.

℟. br. Posuisti, Domine, * Super caput ejus. Posuisti. **℣.** Coronam de lapide pretioso. Super. Glória Patri. Posuisti. **℣.** Magna est glória ejus in salutári tuo. **℟.** Glóriam et magnum decórem impónes super eum.

AD NONAM

Ant. Da mihi in disco * caput Joannis Baptistæ. Et contristátus est rex propter jusjurándum.

Capit. Eccli. 39, 6 C

Iustus cor suum tradidit ad vigilándum dilúculo ad Dominum, qui fecit illum, et in conspéctu Altíssimi deprecábitur.

℟. br. Magna est glória ejus * In salutári tuo. Magna est. **℣.** Glóriam et magnum decórem impónes super eum. In. Glória

Patri. Magna. *℣.* Justus ut palma florébit. *℟.* Sicut cedrus Libani multiplicábitur.

IN II VESPERIS

Omnia ut in I Vesperis 941, præter sequentia :

Psalmi ut in I Vesperis de Communi App. [3], sed loco ultimi dicitur Ps. 115 Crédi- di, ut supra notatur. 941

℣. Justus ut palma.

Ad Magnif. Ant. Misit rex incredulus * ministros detestábiles, et amputári jussit caput Joánnis Baptístæ.

Et fit Com. sequentis ac Ss. Felicis et Adaucti Marty- rum, ut infra.

Die 30 Augusti

S. Rosæ a S. Maria

Virg. Limanæ [111]

Duplex

Ant. Veni, Sponsa Chri- sti, áccipe coronam, quam tibi Dóminus præparávit in ætérnum.

℣. Spécie tua et.

Oratio

Bonórum ómnium largi- tor, omnípotens Deus, qui beátam Rosam, cælé- stis grátiae rore præven- tam, virginitátis et pa- tiéntiæ decóre Indis floré- scere voluísti : da nobis fámulis tuis; ut in odórem suavitátis ejus currétes,

Christi bonus odor éffici mereámur. (Qui tecum vi- vit.)

Deinde Commem. Ss. Feli- cis et Adaucti Mm. :

Ant. Istórum est enim regnum cælórum, qui con- tempsérunt vitam mundi, et pervenérunt ad præmia regni, et lavérunt stolas suas in ságuine Agni.

℣. Lætámini in Dómino et exsultáte, justí. *℟.* Et gloriámini, omnes recti corde.

Oratio

MAjestátem tuam, Dó- mine, súpplīces exo- rámus : ut, sicut nos júgi- ter Sanctórum tuórum commemoratióne lætifi- cas; ita semper supplica- tióne deféndas. Per Dómi- num.

In II Nocturno

Lectio iv



Rimus Américæ me- ridionalis flos san- ctitátis, virgo Ro- sa, christiánis paréntibus Limæ progénita, mox ab incunábulis cláruit futúrae sanctimóniæ indíciis. Nam vultus infántis mirábiliter in rosæ effigiem transfigu- rátus, huic nómini occa- siónem dedit; cui póstea Virgo Deípara cognómen adjécit, jubens vocári deín- cept Rosam a sancta Ma- ría. Quinquénis, votum

perpétuæ virginitátis emisit : adúltior, ne a paréntibus ad núptias cogerétur, clam síbimet venustíssimam cápitis cæsáriem præcidit. Jejúniis supra húmánum modum addícta, íntegras Quadragésimas transégit pane ábstinens ac diétim solis quinque gránulis mali cítrini víctitans.

℟. Propter veritátem, et mansuetúdinem, et justítiam : * Et dedúcet te mirabíliter délixtera tua.

℣. Spécie tua et pulchritúde tua inténde, prospere procéde, et regna. — Et dedúcet te.

Lectio v

H Abitu tértii órdis sancti Domínici assumpto, prístinas vitæ austeritátes duplicávit : oblóngo asperrimóque cilício sparsim minúsculas acus innéxuit : sub velo corónam densis acúleis intrórsus obarmátam intérdiu noctúque gestávit. Sanctæ Catharínæ Senénsis árdua premens vestígia, caténa férrea, tríplici nexu circumdúcta, lumbos cinxit. Léctulum sibi e truncis nodósis compósuit, horúmque vácuas commissúras fragmínibus testárum implévit. Célulam sibi angustíssimam struxit in extrémó horti ángulo; ubi,

cæléstium contemplatióni dédita, crebris disciplínis, inédia, vigíliis corpúsculum exténuans, at spíritu vegetáta, larvas dáemonum, frequénti certámine victrix, impávide protrivit ac superávit.

℟. Dilexísti justítiam, et odísti iniquitátem : * Proptérea unxit te Deus, Deus tuus, óleo lætítiæ.

℣. Propter veritátem, et mansuetúdinem, et justítiam. — Proptérea.

Lectio vi

A Gritúdinum torméntis, domesticórum insúltibus, linguárum mórsibus dire agitáta, nondum satis pro mérito se afflígi querebátur. Per quíndecim annos, ad plúsculas horas desolatióne spíritus et ariditáte misérime contabescens, forti ánimo tulit agónes omni morte amaríores. Exínde cœpit súpérnis abundáre delíciis, illustrári visió nibus, colliquescere seráphicis ardóribus. Angelo tutelári, sanctæ Catharínæ Senénsi, Vírgini Deíparæ inter assíduas apparitiónes mire familiáris, a Christo has voces audíre méruit : Rosa cordis mei, tu mihi sponsa esto. Dénique, Sponsi hujus paradíso feliciter invéctam, plurímisque ante et post óbitum miráculis co-

rúscam, Clemens décimus, Póntifex máximus, sanctárum Vírginum catálogo ritu solémni adscrípsit.

✠. Afferéntur Regi vírgines post eam, próximæ ejus * Afferéntur tibi in lætítia et exsultatióne.

✠. Spécie tua et pulchritúdine tua inténde, prospere procéde, et regna. — Afferéntur tibi. Glória Patri. Afferéntur tibi.

Pro hoc Festo simplificato

Lectio ix

PRImus Américæ meridionális flos sanctitátis, virgo Rosa, christiánis paréntibus Limæ progénita, mox ab incunábulis cláruit futúráe sanctimóniæ indíciis, nam vultus infántis, mirabíliter in rosæ effígiem transfigurátus, huic nómini occasiõem dedit. Ne a paréntibus ad núprias cogerétur, clam síbimet venustíssimam comam præcídít. Singuláris fuit ejus vitæ austéritas. Assúmpto hábitu tértii órdis sancti Domínici, sanctæ Catharínæ Senénsis árdua pressit vestígia. Per quíndecim annos, ad plúsculas horas desolatióne spíritus et ariditáte misérime contabéscens, fórtiter tulit agónes omni morte amarióres. Angelo tutelári,

sanctæ Catharínæ Senénsi, Vírgini Deíparæ inter assíduas apparitiónes mire familiáris, a Christo has voces audíre mérui: Rosa cordis mei, tu mihi sponsa esto. Plúribus ante et post mortem miráculis claram, Clemens Papa décimus eam sanctárum Vírginum catálogo adscrípsit.

Te Deum laudámus.

In III Nocturno Homilia in Evangelium Símile erit regnum cælórum, de Comuni Virginum 1 loco. [122]

Pro Ss. Felice et Adaucto Martyribus

Lectio ix

FELIX, Diocletiáno et Maximiano imperatóribus, propter susceptam Christi religiõem comprehénsus, in Serápidis templum addúctus est. Cui sacrificáre cum juberétur, os simulácri cónspuit; quo facto, statim ærea státua córruit. Quod cum íterum ac tértio in æde Mercúrii Dianæque factum esset, impietátis et mágicæ artis accusátus, equúleo torquétur. Mox ad secúndum ab Urbe lápidem viá Ostiénsi dúcitur, ut secúri ferirétur. Cui inter viam oblátus quidam Christiánus, cum, Felicem agnóscens, ad martýrium duci vidéret, Ego quoque,

clara voce inquit, eádem, qua iste, lege vivo; ego eúmdem Jesum Christum colo. Itaque Felícem osculátus, cum eo secúri percútitur, tértio Kaléndas Septémbris. Cujus nomen cum ignótum esset Christiánis, is Adáucti nómine nobilitátus est, quod sancto Mártýri Felíci adáuctus sit ad corónam.

Te Deum laudámus.

AD LAUDES

℣. Diffúsa est grátia.

Ad Bened. Ant. Simile est regnum cælórum * hómini negotiatóri quærénti bonas margarítas : invénta una pretiósa, dedit ómnia sua, et comparávit eam.

Oratio

Bonórum ómnium largítor, omnípotens Deus, qui beátam Rosam, cælestis grátiae rore prævéntam, virginitátis et patiéntiæ decóre Indis floréscere voluísti : da nobis fámulis tuis; ut in odórem suavitátis ejus currétes, Christi bonus odor éffici mereámur. Qui tecum.

Et fit Commemor. Ss. Felícis et Adaucti Mm. :

Ant. Vestri capílli cápitis omnes numeráti sunt : nolíte timére : multis passeríbus melióres estis vos.

℣. Exsultábunt Sancti.

Oratio

MAjestátem tuam, Dómine, súpplíces exorámus : ut, sicut nos júgiter Sanctórum tuórum commemoratióne lætíficas; ita semper supplicatióne deféndas. Per Dóminum.

Vesperæ a Capitulo de seq., Commemoratio præcedentis.

Die 31 Augusti

S. Raymundi Nonnati
Confessoris [94]

Duplex (m. t. v.)

℣. Amávit eum Dóminus.

Ad Magnif. Ant. Hic vir despiciens mundum * et terréna, triúmphans, divítias cælo cóndidit ore, manu.

Oratio

Deus, qui in liberándis fidélibus tuis ab impiórum captivitáte beátum Raymúndum Confessórem tuum mirábilem effecísti : ejus nobis intercessiόne concéde; ut a peccatórum vínculis absolúti, quæ tibi sunt plácita, liberis méntibus exsequámur. Per Dóminum.

Et fit Commem. præced. :

Ant. Veni, Sponsa Christi, áccipe corónam, quam tibi Dóminus præparávit in ætérnum.

℣. Diffúsa est grátia.

Oratio Bonórum ómnium, **ut supra.**

In II Nocturno

Lectio iv



Aymúndus, Nonnátus cognoménto dictus, quia præter commúnem natúræ legem e mórtuæ matris dissécto látere in lucem edúctus fuit, Portélli in Cataláunia piis et nobílibus paréntibus ortus, ab ipsa infántia futúræ sanctitátis indícia dedit. Nam puerília oblectaménta mundíque illécebras réspuens, ita pietátí óperam dabat, ut omnes in púero adúltam virtútem admiraréntur. Crescénte vero ætáte, litterárum stúdiis incúbuit; sed mox, jubénte patre, vitam ruri agens, sacéllum sancti Nicolái, in Portélli fínibus situm, crebro adíbat, ut sacram Deíparæ imáginem, quæ in eo summa fidélium veneratióne étiam nunc cólitur, visitáret. Ibi effúsus in preces, ipsam Dei paréntem, ut se in fílium adoptáre viámque salutis ac sciéntiam Sanctorum edocére dignarétur, eníxe deprecabátur.

✠. Honéstum fecit illum Dóminus, et custodívit eum ab inimícis, et a seductóribus tutávit illum :
* Et dedit illi claritátem ætérrnam. ✠. Justum dedúxit Dóminus per vias

rectas, et osténdit illi regnum Dei. — Et.

Lectio v

NEC défuit votis ejus benigníssima Virgo. Ab ipsa enim intelléxit grátissimum sibi fore, si religió-nem sub título de Mercéde seu de misericórdia redemptiόνis captivórum, ea suggerénte nuper fundátam, ingrederétur. Qua monitióne percépta, Barcinónem statim proféctus, illud tam præcelléntis erga próximum caritátis institútum ampléxus est. Regulári igitur militiæ adscríptus, virginitátem, quam pridem beátæ Virgini consecráverat, perpétuo cóluit, ceterisque virtútibus enítuit, caritáte præsértim erga Christiános qui sub potestáte paganórum míseram in captivitate vitam degébant. Hos ut redímeret, in Africam missus, cum jam multos a servitúte liberásset, ne, consúmpta pecúnia, áliis item in próximo abnegándæ fidei discrimine constitútis deéssset, se ipsum pignori dedit. Sed cum, ardentíssimo salutis animárum desidério succénsus, plures Mahometános suis conciónibus ad Christum convérteret, in arctam custódiam a bárbaris conjéctus variisque

supplíciis cruciátus, mox lábilis perforátis et sera férrea clausis, crudéle martýrium diu sustínuit.

✠. Amávit eum Dóminus, et ornávit eum : stolam glóriæ induit eum, * Et ad portas paradísi coronávit eum. ✠. Induit eum Dóminus lorícam fidei, et ornávit eum. — Et.

Lectio vi

OB hæc et ália fórtiter gesta, sanctitátis ejus fama longe latéque diffúsa est. Qua permótus Gregórius nonus, in amplíssimum sanctæ Románæ Ecclesiæ cardinálium colégium Raymúndum adscripsit. Sed vir Dei, in ea dignitáte ab omni pompa abhórrens, religiósæ humilitátis tenacíssimus semper fuit. Romam vero pergens, statim ac Cardónam pervénit, extrémó morbo conféctus, ecclesiásticis sacraméntis muníri summis précibus postulávit. Cumque morbus ingravésceret et sacérdos diútius tardáret, Angelórum ministério, sub spécie religiosórum sui órdis apparéntium, salutári Viático reféctus fuit. Quo sumpto et grátiis Deo peráctis, migrávit ad Dóminum Domínica última Augústi anno millésimo ducentésimo quadragésimo.

Mórtui corpus, cum circa locum sepultúræ conténtio orta esset, arcæ inclúsum et mulæ cæcæ impósitum, ad sacéllum sancti Nicolái, Dei nutu, delátum fuit, ut ibi tumularétur ubi prima jécerat sanctióriis vitæ fundaménta. Illic, constrúcto sui órdis cœnóbio, a confluéntibus voti causa ex univérsa Cataláunia fidélibus pópulis honorátur, váriis miráculis et signis gloriósus.

✠. Iste homo perfécit ómnia quæ locútus est ei Deus, et dixit ad eum : Ingrédere in réquiem meam : * Quia te vidi justum coram me ex ómnibus géntibus. ✠. Iste est, qui contémpsit vitam mundi, et pervénit ad cæléstia regna. — Quia. Glória Patri. Quia.

Pro hoc Festo simplicitate

Lectio ix

Raymúndus, Nonnátus cognométo dictus, quia præter commúnem naturæ legem e mórtuæ matris dissécto látere in lucem edúctus fuit, pueríles ludos mundíque illécebras réspuens, ita pietáti óperam dabat, ut omnes in púero adúltam virtútem admiraréntur. Dei Matrem, quam sédulo deprecabátur, summópere

diléxit. Religiómem sub título de Mercéde seu de misericórdia redemptionis captivórum ingressus, virginitátem, quam pridem beátæ Vírgini consecráverat, perpétuo cóluit, ceterisque virtútibus enítuit, caritáte præsertim erga Christiános, qui sub potestate paganórum míseram vitam degébant. Eum Gregórius nonus inter patres cardinales adscrípsit; sed vir Dei, in ea dignitáte ab omni pompa abhórrens, religiósæ humilitátis tenacíssimus semper fuit. Cardónæ, extrémó morbo confectus et Ecclesiæ sacraméntis múnitus, migrávit ad Dóminum Domínica última Augústi, anno milésimo ducentésimo quadragésimo. Te Deum.

In III Nocturno Homilia in Ev. Sint lumbi, de Communi Conf. non Pont. 1 loco. [98]

AD LAUDES

℣. Justum dedúxit.

Ad Bened. Ant. Euge, serve bone * et fidélis, quia in pauca fuísti fidélis, supra multa te constitúam, intra in gáudium Dómini tui.

Oratio

D Eus, qui in liberándis fidélibus tuis ab impiórum captivitáte, beá-

tum Raymúndum Confessórem tuum mirábilem effecísti : ejus nobis intercessióne concéde; ut a peccatórum vínculis absolúti, quæ tibi sunt plácita, libéris méntibus exsequámur. Per Dóminum.

IN II VESPERIS

℣. Justum dedúxit.

Ad Magnif. Ant. Hic vir despíciens mundum * et terréna, triúmphans, divítias cælo cóndidit ore, manu.

Et fit Commemoratio sequentis et Ss. duodecim Fratrum Martyrum.

FESTA SEPTEMBRIS

Die 1 Septembris

S. Ægidii

Abbatis Simplex [94]

Ant. Similábo eum viro sapiénti, qui ædificávit domum suam supra petram.

℣. Amávit eum Dóminus.

Oratio

C 4

I Ntercessio nos, quæsumus, Dómine, beáti Ægidii Abbátis comméndet : ut, quod nostris méritis non valémus, ejus patrocínio assequámur. (Per Dóminum.)

Deinde Commem. Ss. duodecim Fratrum Martyrum :

Ant. Istórum est enim regnum cælórum, qui contempsérunt vitam mundi, et pervenérunt ad præmia regni, et lavérunt stolas suas in ságuine Agni.

✠. Lætámini in Dómino.

Oratio

FRatérna nos, Dómine, Mártýrum tuórum córona lætíficet : quæ et fidei nostræ præbeat incrementa virtútum, et multiplici nos suffrágio consolétur. Per Dóminum.

Lectio iii

AEGÍDIUS Atheniénsis, régis stirpis, a prima ætáte divínis lítteris et caritátis officiis ita deditus fuit, ut nihil prætérea curáre viderétur. Itaque, paréntibus mórtuis, totum patrimonium in páuperes erogávit; quin étiam túnica exuit, ut ægrórum egéntem tégeret, qua ille indútus, statim conváluit. Sed multis deinceps clárior miráculis, timens sui nóminis celebritátem, Arelátem ad beátum Cæsárium conténdit. A quo post biénnum discédens, secéssit in erémum; ubi diútius herbárum radícibus et cervæ lacte, quæ statis ad eum horis veniebat, admirábili sanctitáte

vixit. Quæ cerva, insequéntibus quodam die cánibus régiis, cum in antrum Ægídi refugísset, Gállia regem ímpulit, ut ab eo summis précibus péteret, ut in loco spelúncae monastérium éxstrui paterétur. Cujus administratióem, flagitánte rege, invítus suscepit; eoque múnere áliquot annis prudénter piéque gesto, migrávit in cælum.

Te Deum laudámus.

✠. Justum dedúxit.

Ad Bened. Ant. Euge, serve bone * et fidélis, quia in pauca fuísti fidélis, supra multa te constítuam, intra in gáudium Dómini tui.

Pro Commem. Ss. duodecim Fratrum Martyrum :

Ant. Vestri capílli cápitis omnes numeráti sunt : nólite timére : multis passéribus melióres estis vos.

✠. Exsultábunt Sancti.

Oratio Fratérna nos, *ut supra.*

Vesperæ de sequenti.

Die 2 Septembris

S. Stephani

Regis, Confessoris [94]

Semiduplex (m. t. v.)

✠. Amávit eum Dóminus.

Ad Magnif. Ant. Similábo eum * viro sapiénti, qui

ædificávit domum suam
supra petram.

Oratio

Concède, quæsumus, Ecclésiæ tuæ, omnipotens Deus : ut beátum Stéphánum Confessórem tuum, quem regnántem in terris propagatórem habuit, propugnatórem habere mereátur gloriósum in cælis. Per Dóminum.

In II Nocturno

Lectio iv



Téphanus in Hungáriam Christi fidem et régium nomen invéxit. Régia coróna a Románo Pontífice impetráta, ejúsque jussu in regem inúctus, regnum Sedi apostólicæ obtulit. Vária pietátis domicília Romæ, Jerosólymis, Constantinópoli; in Hungária archiepiscopátum Strigoniensem, episcopátus decem admirábili religiône et munificéntia fundávit. Par in páuperes amor et liberálitas, quos véluti Christum ipsum compléctens, néminem a se mæréntem ac vácuum umquam dimísit; quin ad eórum inópiam sublevándam, amplíssimis facultatibus erogátis, domésticam quoque supelléctilem exímia benignitáte frequenter distribuit. Suis

ínsuper mánibus laváre páuperum pedes, noctu solus et ignótus nosocomia frequentáre, decumbéntibus inservíre ac cétera caritátis officia exhibere consuévít. Quarum virtútum mérito, illius délixera, resolutó cétero corpore, incorrúpta permánsit.

✠. Honéstum fecit illum Dóminus, et custodívit eum ab inimícis, et a seductóribus tutávit illum :

* Et dedit illi claritátem ætérnam. ✠. Justum dedúxit Dóminus per vias rectas, et osténdit illi regnum Dei. — Et.

Lectio v

ORándi stúdio noctes pene totas ducébat insómnes; atque in cælestium rerum contemplatióne defíxus, intérdum extra sensus raptus, sublímis in áëra ferri visus fuit. Perduéllium conspiratiónes ac validórum hostium ímpetus, miro prorsus modo, non semel oratiónis præsidio evitávit. Suscéptum ex Ghisélla Bavárica, sancti Henríci imperatóris soróre, quam sibi matrimónio júnxerat, Emerícum filium tanta morum disciplína talíque pietáte enutrívít, quantum ejus póstea sánctitas declarávit. Regni vero ne-

gótia ita dispósuit, ut, accítis úndique prudentísimis et sanctíssimis viris, nihil umquam sine illórum consílio molirétur; humílimis ínterim précibus in cínere et cilício Deum déprecans, ut univérsam Hungáriæ regnum, ántequam e vita migráret, cathólicum vidére mererétur; vere, propter ingens dilatándæ fidei stúdium, illius gentis Apóstolus nuncupátus, facta a Románo Pontífice ipsi posterisque régibus præferéndæ crucis potestáte.

✠. Amávit eum Dóminus, et ornávit eum : stolam glóriæ induit eum, * Et ad portas paradísi coronávit eum. ✠. Induit eum Dóminus lorícam fidei, et ornávit eum. — Et.

Lectio vi

DEI Genitricem, quam ardentíssime venerábatur, amplíssimo in ejus honórem constrúcto templo, Hungáriæ patrónam instituit; ab eádem vicissim Vírgine recéptus in cælum ipso suæ Assumptiónis die, quem Húngari e sancti Regis institúto Magnæ Dóminæ diem ap-péllant. Sacrum ejus corpus, suavíssimo fragrans odóre, liquóre cælésti scattens, inter multa et vária miracula, Románi Pontí-

ficis jussu, nobiliórem in locum translátum est atque honorificéntius cón-ditum. Ejus autem festum Innocéntius undécimus, Póntifex máximus, quarto Nonas Septémbris, ob insignem victóriam ab exercitu Leopóldi primi, Romanórum elécti imperatóris et Hungáriæ regis, eádem die in Budæ expugnatione, ope divína, e Turcis reportátam, celebrándum instituit.

✠. Iste homo perfécit ómnia quæ locútus est ei Deus, et dixit ad eum : Ingrédere in réquiem meam :

* Quia te vidi justum coram me ex ómnibus géntibus. ✠. Iste est, qui contémpsit vitam mundi, et pervénit ad cæléstia regna. — Quia. Glória Patri. Quia.

Pro hoc Festo simplificato

Lectio ix

STéphanus, Hungarórum rex, in Hungáriam Christi fidem et régium nomen invéxit. Régia coróná a Románo Pontífice impetráta, ejusque jussu rex inúctus, regnum Sedi apostólicæ obtulit. Vária pietátis domicília Romæ, Jerosólymis, Constantinópoli constituit; in Hungária archiepi-scopátum Strigoniensem

et episcopátus decem admirábili religióne et muniticéntia fundávit. Exímia in páuperes caritáte et assíduo orándi stúdio enítuit. Dei Genitricem, quam ardentíssime venerabátur, amplíssimo in ejus honórem constrúcto templo, Hungáriæ patrónam instituit; ab eádem vicíssim Vírgine recéptus in cælum ipso suæ Assumptiónis die, quem Húngari e sancti Regis institúto Magnæ Dóminæ diem appellánt. Ejus tamen festum ex constitutióne Innocéntii Papæ undécimi hac die potíssimum recólitur, qua Budæ munitíssima arx, sancti Regis ope, ab exércitu christiáno strénue recuperáta fuit.

Te Deum laudámus.

In III Nocturno Homilia in Ev. Homo quidam nóbilis, ut supra die 25 Augusti. 931

AD LAUDES

℟. Justum dedúxit.

Ad Bened. Ant. Euge, serve bone * et fidélis, quia in pauca fuísti fidélis, supra multa te constitutam, intra in gáudium Dómini tui.

Oratio


Concède, quæsumus, Ecclésiæ tuæ, omnípotens Deus : ut beátum Stéphanum Confessórem tuum, quem regnántem in terris propagatórem habuit, propugnatórem habére mereátur gloriósum in cælis. Per Dóminum.

IN II VESPERIS

℟. Justum dedúxit.

Ad Magnif. Ant. Hic vir despiciens mundum * et terréna, triúmphans, divítias cælo cóndidit ore, manu.





Commune Sanctorum

In omnibus Festis novem Lectionum Apostolorum vel Evangelistarum, in Duplicibus I et II classis aliorum Sanctorum, in Dedicatione Ecclesiæ, in Festis beatæ Mariæ Virginis, non autem per eorum Octavas, Officium integrum, præter ea quæ suis locis propria assignantur, dicitur de respectivo Communi, ut infra.

In reliquis Sanctorum Festis, in Octavis non privilegiatis quibuslibet et in Officio sanctæ Mariæ in Sabbato, præter ea quæ pariter suis locis assignantur propria, Antiphonæ et Psalmi ad omnes Horas et Versus Nocturnorum sumuntur de occurrenti hebdomadæ die; Lectiones I Nocturni aut Lectio I et II cum suis Responsoriis dicuntur de Scriptura occurrenti, juxta Rubricas; reliqua omnia de respectivo Communi, ut infra, vel, in Octavis, ut in die Festo.

In Vigiliis Apostolorum

Officium fit de Feria, ut in Ordinario et Psalterio, præter Lectiones et Orationem, quæ, nisi propria suis locis assignentur, dicuntur ut infra, cum Responsoriis tamen de Feria currenti, ut in Proprio de Tempore.

Ad Nocturnum vero in Feria IV tres ultimæ Antiphonæ cum suis Psalmis, et ad Laudes in qualibet Feria Antiphonæ omnes et Psalmi sumuntur de 2 loco; ad Primam

additur quartus Psalmus, ut in Psalterio notatur, et ad omnes Horas dicuntur Preces feriales, ut in Ordinario.

Lectio sancti Evangelii
secundum Joannem

Lectio i Cap. 15, 12-16

IN illo tempore : Dixit Jesus discipulis suis : Hoc est præceptum meum, ut diligatis invicem, sicut dilexi vos. Et reliqua.

Homilia sancti Gregórii
Papæ

Homilia 27 in Evangelia

EUM cuncta sacra elóquia Domínicis plena sint præcéptis, quid est quod de dilectione, quasi de singulári mandáto, Dóminus dicit : Hoc est præcéptum meum, ut diligátis invicem; nisi quia omne mandátum de sola dilectione est, et ómnia unum præcéptum sunt? Quia, quidquid præcipitur, in sola caritate solidátur. Ut enim multi árboris rami ex una radice pródeunt : sic multæ virtútes ex una caritate generántur. Nec habet áliquid viriditátis ramus boni óperis, si non manet in radice caritátis.

Responsoria de Feria, ut in Proprio de Tempore.

Lectio ii

PRæcépta ergo Domínica et multa sunt, et unum : multa per diversitatem óperis, unum in radice dilectionis. Quáliter autem ista diléctio tenenda sit, ipse insínuat, qui, in plerisque Scriptúræ suæ sententiis, et amícos jubet diligí in se, et inimícos propter se. Ille enim veráciter caritatem habet, qui et amícum diligit in Deo, et inimicum diligit propter Deum. Nam sunt

nonnúlli, qui diligunt próximos, sed per afféctum cognationis et carnis; quibus tamen in hac dilectione sacra elóquia non contradícunt. Sed áliud est quod sponte impénditur natúræ, áliud quod præcéptis Domínicis ex caritate debétur obediéntiæ.

Lectio iii

HI nimirum et próximum diligunt, et tamen illa sublimia dilectionis præmia non assequúntur; quia amórem suum non spiritaliter, sed carnaliter impéndunt. Proinde cum Dóminus diceret : Hoc est præcéptum meum ut diligátis invicem, prótinus áddidit : Sicut diléxi vos. Ac si apérte dicat : Ad hoc amáte, ad quod amávi vos. Qua in re, fratres caríssimi, solérter intuéndum est, quod antiquus hostis, dum mentem nostram ad rerum temporálium dilectionem trahit, infirmiórem contra nos próximum éxcitat, qui ea ipsa, quæ dilígimus, auferre molíatur.

Oratio

DA, quæsumus, omnipotens Deus : ut beáti **N.**, Apóstoli tui, quam prævenimus, veneránda solémnitas, et devotiómem nobis áugeat et salútem. Per Dóminum.

Si tamen præcedens Oratio dicta jam fuerit in Officio vel Commemoratione de Comuni Conf. Pont., tunc dicatur sequens

Oratio

QUæsumus, omnipotens Deus : ut beátus **N.** Apóstolus, cujus prævení-

mus festivitátem, tuum pro nobis implóret auxili-
lium; ut, a nostris reáti-
bus absolúti, a cunctis
étiam perículis eruámur.
Per Dóminum.

Commune Apostolorum

IN I VESPERIS

Ant. Hoc est præcéptum meum, * ut diligátis invicem, sicut diléxi vos.

Psalmus 109 1



Exit Dóminus Dómino meo : * Sede a dextris meis :

Donec ponam inimicos tuos, * scabéllum pedum tuórum.

Virgam virtútis tuæ emittet Dóminus ex Sion : * domináre in médio inimicórum tuórum

Tecum princípium in die virtútis tuæ in splendóribus sanctórum : * ex útero ante lucíferum génui te.

Jurávit Dóminus, et non pænitébit eum : * Tu es sacérdos in ætérnum secúndum órđinem Melchisedech.

Dóminus a dextris tuis, * confrégit in die iræ suæ reges.

Judicábit in natióibus, implébit ruínas : * conquassábit cápita in terra multórum.

De torrén-te in via bibet : * proptérea exaltábit caput.

Ant. Hoc est præcéptum meum, ut diligátis invicem, sicut diléxi vos.

Ant. Majórem caritátem * nemo habet, ut ánimam suam ponat quis pro amícis suis.

Psalmus 110 2

Confitébor tibi, Dómine, in toto corde meo : * in consílio justórum, et congregatióne.

Magna ópera Dómini : * exquisíta in omnes voluntátes ejus.

Conféssio et magnificén-tia opus ejus : * et justítia ejus manet in sáeculum sáeculi.

Memóriam fecit mirábili-um suórum, miséricors

et miserátor Dóminus : *
escam dedit timéntibus se.

Memor erit in sáculum
testaménti sui : * virtú-
tem óperum suórum an-
nuntiábit pópulo suo :

Ut det illis hereditátem
géntium : * ópera mánuum
ejus véritas, et iudícium.

Fidélia ómnia mandáta
ejus : confirmáta in sá-
culum sáculi, * facta in
veritáte et æquitáte.

Redemptiónem misit pó-
pulo suo : * mandávit
in ætérnum testaméntum
suum.

Sanctum, et terríbile no-
men ejus : * inítium sa-
piéntiæ timor Dómini.

Intelléctus bonus ómni-
bus faciéntibus eum : *
laudátio ejus manet in
sáculum sáculi.

Ant. Majórem caritátem
nemo habet, ut ánimam
suam ponat quis pro amí-
cis suis.

Ant. Vos amíci mei
estis, * si fecéritis quæ
præcípio vobis, dicit Dó-
minus.

Psalmus 111 3

BEátus vir, qui timet
Dóminum : * in man-
dátis ejus volet nimis.

Potens in terra erit se-
men ejus : * generátio re-
ctórum benedicétur.

Glória, et divítiae in do-
mo ejus : * et justítia ejus
manet in sáculum sáculi.

Exórtum est in ténebris

lumen rectis : * miséricors,
et miserátor, et justus.

Jucúndus homo qui mi-
serétur et cómmodat, di-
spónet sermónes suos in
iudício : * quia in ætér-
num non commovébitur.

In memória ætérna erit
justus : * ab auditiónē
mala non timébit.

Parátum cor ejus speráre
in Dómino, confirmátum
est cor ejus : * non com-
movébitur donec despíciat
inimícos suos.

Dispérsit, dedit paupéri-
bus : justítia ejus manet in
sáculum sáculi, * cornu
ejus exaltábitur in glória.

Peccátor vidébit, et ira-
scétur, déntibus suis fre-
met et tabéscet : * desidé-
rium peccatórum períbit.

Ant. Vos amíci mei estis,
si fecéritis quæ præcípio
vobis, dicit Dóminus.

Ant. Beáti pacífici, * beá-
ti mundo corde : quóniam
ipsi Deum vidébunt.

Psalmus 112 4

LAudáte, púeri, Dómi-
num : * laudáte no-
men Dómini.

Sit nomen Dómini bene-
dictum, * ex hoc nunc, et
usque in sáculum.

A solis ortu usque ad oc-
cásum, * laudábile nomen
Dómini.

Excélsus super omnes
gentes Dóminus, * et su-
per cælos glória ejus.

Quis sicut Dóminus, Deus noster, qui in altis hábitat, * et humília réspicit in cælo et in terra?

Súscitans a terra inopem, * et de stércore érigens páuperem :

Ut cóllocet eum cum princípibus, * cum princípibus pópuli sui.

Qui habitáre facit stérilem in domo, * matrem filiórum lætántem.

Ant. Beáti pacífici, beáti mundo corde : quóniam ipsi Deum vidébunt.

Ant. In patiéntia vestra * possidébitis ánimas vestras.

Psalmus 116 5

Laudáte Dóminum, omnes gentes : * laudáte eum, omnes pópuli :

Quóniam confirmáta est super nos misericórdia ejus : * et véritas Dómini manet in ætérnum.

Ant. In patiéntia vestra possidébitis ánimas vestras.

Capit. Ephes. 2, 19-20

Fratres : Jam non estis hóspites, et ádvenæ; sed estis cives Sanctórum, et doméstici Dei, super-ædificáti super fundaméntum Apostolórum et Prophetárum, ipso summo angulári lápide Christo Jesu.

Hymnus

EXsúltet orbis gáudiis, Cælum resúltet láudibus :

Apostolórum glóriam Tellus et astra cóncinunt.

Vos, sæculórum júdices Et vera mundi lúmina, Votis precámur córdium : Audíte voces súpplicum.

Qui templa cæli cláuditis Serásque verbo sólvitis, Nos a reátu nóxios Solvi jubéte, quæsumus.

Præcépta quorum prótinus

Languor salúsque sentiunt,

Sanáte mentes lánguidas, Augéte nos virtútibus :

Ut, cum redíbit árbitr In fine Christus sæculi, Nos sempitérni gáudii Concédant esse cómpotes.

* **P**atri, simúlque Filio, Tibíque, Sancte Spíritus, Sicut fuit, sit júgiter Sæclum per omne glória. Amen.

V. In omnem terram exívit sonus eórum. **R.** Et in fines orbis terræ verba eórum.

Ad Magnif. Ant. Tradent enim vos * in concíliis, et in synagógis suis flagellábunt vos, et ante reges et præsides ducémini propter me in testimoniúm illis, et géntibus.

Oratio propria.

Completorium de Dominica.

AD MATUTINUM

Invitat. Regem Apostolorum Dóminum, * Veníte, adorémus. **Ps. 94** Veníte, exsultémus.

Hymnus

ÆTérna Christi múnera,
Apostolorum glóriam,

Palmas et hymnos débítos
Lætis canámus méntibus.

Ecclésiárum Príncipes,
Belli triumpháles duces,
Cæléstis aulæ mílites
Et vera mundi lúmina.

Devóta Sanctórum fides,
Invícta spes credéntium
Perfécta Christi cáritas
Mundi tyránnum cónterit.

In his Patérna glória,
In his triúmphant Fílius,
In his volúntas Spíritus,
Cælum replétur gáudio.

* **P**atri, simúlque Fílio,
Tibíque, Sancte Spíritus,
Sicut fuit, sit júgiter
Sæclum per omne glória.
Amen.

In I Nocturno

Ant. In omnem terram *
exívit sonus eórum, et in
fines orbis terræ verba eórum.

Psalmus 18

Æli enárrant glóriam Dei, * et ópera mánuum ejus annúntiat firmaméntum.

Dies diéi erúctat verbum, * et nox nocti índicat sciéntiam.

Non sunt loquélæ, neque sermónes, * quorum non audiántur voces eórum.

In omnem terram exívit sonus eórum : * et in fines orbis terræ verba eórum.

In sole pósuit tabernáculum suum : * et ipse tamquam sponsus procédens de thálamo suo :

Exsultávit ut gigas ad curréndam viam, * a summo cælo egréssio ejus :

Et occúrsus ejus usque ad summum ejus : * nec est qui se abscondat a calore ejus.

Lex Dómini immaculáta, convértens ánimas : * testimónium Dómini fidèle, sapiéntiam præstans párvulis.

Justítiæ Dómini rectæ, lætificántes corda : * præcéptum Dómini lúcidum, illúminans óculos.

Timor Dómini sanctus, pérmanens in sæculum sæculi : * judícia Dómini vera, justificáta in semetípsa.

Desiderabilia super aurum et lápidem pretiósum multum : * et dulcióra super mel et favum.

Etenim servus tuus custódit ea, * in custodiéndis illis retribútio multa.

Delícta quis intélligit? ab occúltis meis munda me : *

et ab aliénis parce servo tuo.

Si mei non fúerint domínati, tunc immaculátus ero : * et emundábor a delicto máximo.

Et erunt ut compláceant elóquia oris mei : * et meditátio cordis mei in conspéctu tuo semper.

Dómine, adjútor meus, * et redémptor meus.

Ant. In omnem terram exívit sonus eórum, et in fines orbis terræ verba eórum.

Ant. Clamavérunt justí, * et Dóminus exaudivit eos.

Psalmus 33

Benedicám Dóminum in omni témpore : * semper laus ejus in ore meo.

In Dómino laudábitur ánima mea : * áudiant mansuétí, et læténtur.

Magnificáte Dóminum mecum : * et exaltémus nomen ejus in idípsum.

Exquisívi Dóminum, et exaudivit me : * et ex ómnibus tribulatióibus meis erípuit me.

Accédite ad eum, et illuminámini : * et fácies vestræ non confundéntur.

Iste pauper clamávit, et Dóminus exaudivit eum : * et de ómnibus tribulatióibus ejus salvávit eum.

Immíttet Angelus Dómini in circúitu tíméntium eum : * et erípiet eos.

Gustáte, et vidéte quóniam suávis est Dóminus : * beátus vir, qui sperat in eo.

Timéte Dóminum, omnes sancti ejus : * quóniam non est inópia tíméntibus eum.

Dívites eguérunt et esuriérunt : * inquirentes autem Dóminum non minuéntur omni bono.

Veníte, filii, audíte me : * tímórem Dómini docébo vos.

Quis est homo qui vult vitam : * díligit dies vidére bonos?

Próhibe linguam tuam a malo : * et lábia tua ne loquantur dolum.

Divérte a malo, et fac bonum : * inquire pacem, et perséquare eam.

Oculi Dómini super justos : * et aures ejus in preces eórum.

Vultus autem Dómini super faciéntes mala : * ut perdat de terra memóriam eórum.

Clamavérunt justí, et Dóminus exaudivit eos : * et ex ómnibus tribulatióibus eórum liberávit eos.

Juxta est Dóminus iis, qui tribuláto sunt corde : * et húmiles spíritu salvábit.

Multæ tribulatióes justórum : * et de ómnibus his liberábit eos Dóminus.

Custódit Dóminus ómnia ossa eórum : * unum ex his non conterétur.

Mors peccatórum péssima : * et qui odérunt iustum, delínquent.

Rédimet Dóminus ánimas servórum suórum : * et non delínquent omnes qui sperant in eo.

Ant. Clamavérunt iusti, et Dóminus exaudivit eos.

Ant. Constitues eos * príncipes super omnem terram : mémores erunt nóminis tui, Dómine.

Psalmus 44

ERuctávit cor meum verbum bonum : * dico ego ópera mea Regi.

Lingua mea cálamus scribæ, * velóriter scribén-
tis.

Speciósus forma præ filiis hóminum, diffúsa est grátia in lábiis tuis : * proptérea benedíxit te Deus in ætérnum.

Accíngere gládio tuo super femur tuum, * poténtissime.

Spécie tua et pulchritúdine tua * inténde, próspere procéde, et regna.

Propter veritátem, et mansuetúdinem, et justítiam : * et dedúcet te mirábiliter délixtera tua.

Sagittæ tuæ acútæ, pó-
puli sub te cadent, * in
corda inimicórum Regis.

Sedes tua, Deus, in sæ-

culum sæculi : * virga
directiónis virga regni
tui.

Dilexísti justítiam, et
odísti iniquitátem : * pro-
ptérea unxit te Deus,
Deus tuus, óleo lætitiæ
præ consórtibus tuis.

Myrrha, et gutta, et cá-
sia a vestiméntis tuis, a
dómibus ebúrneis : * ex
quibus delectavérunt te
filiæ regum in honóre
tuo.

Astitit regína a dextris
tuis in vestítu deauráto : *
circúmdata varietáte.

Audi, filia, et vide, et in-
clína aurem tuam : * et
oblivíscere pópulum tuum,
et domum patris tui.

Et concupíscet Rex decó-
rem tuum : * quóniam ipse
est Dóminus, Deus tuus,
et adorábunt eum.

Et filiæ Tyri in munéri-
bus * vultum tuum depre-
cabúntur : omnes dívites
plebis.

Omnis glória ejus filiæ
Regis ab intus, * in fim-
briis áureis circumamícta
varietátibus.

Adducéntur Regi vírgi-
nes post eam : * próximæ
ejus afferéntur tibi.

Afferéntur in lætítia et
exsultatióne : * adducén-
tur in templum Regis.

Pro pátribus tuis nati
sunt tibi filii : * constitues
eos príncipes super om-
nem terram.

Mémoires erunt nóminis tui : * in omni generatióne et generatióne.

Propterea pópuli confitebúntur tibi in ætérnum : * et in sæculum sæculi.

Ant. Constitúes eos príncipes super omnem terram : mémoires erunt nóminis tui, Dómine.

V. In omnem terram exívit sonus eórum. **R.** Et in fines orbis terræ verba eórum.

Absolutio Exáudi, Dómine.

Benedictio Benedictiône.

De Epístola prima beáti Pauli Apóstoli ad Corínthios

Lectio i Cap. 4, 1-15

SIC nos exístimet homo ut minístros Christi, et dispensatóres mysteriów Dei. Hic jam quæritur inter dispensatóres, ut fidélis quis inveniátur. Mihi autem pro mínimo est, ut a vobis júdicer aut ab humano die : sed neque meípsum júdico. Nihil enim mihi cóncius sum : sed non in hoc justificátus sum : qui autem júdicat me, Dóminus est. Itaque nolíte ante tempus júdicáre, quoadúsque véniat Dóminus : qui et illuminábit abscondita tenebrárum, et manifestábit consília córdium; et tunc laus erit unicuíque a Deo.

R. Ecce ego mitto vos sicut oves in médio lupórum, dicit Dóminus :

* Estóte ergo prudéntes sicut serpéntes, et simplices sicut colúmbæ. **V.** Dum lucem habétis, créдите in lucem, ut filii lucis sitis. — Estóte.

Benedictio Unigénitus Dei.

Lectio ii

HÆC autem, fratres, transfigurávi in me et Apóllo, propter vos, ut in nobis discátis; ne, supra quam scriptum est, unus advérsus álterum inflétur pro állo. Quis enim te discernit? Quid autem habes, quod non accepísti? Si autem accepísti, quid gloriáris quasi non accéperis? Jam saturáti estis, jam dívites facti estis : sine nobis regnáti : et útinam regnéti, ut et nos vobiscum regnémus! Puto enim quod Deus nos Apóstolos novíssimos osténdit, tamquam morti destinátos : quia spectáculum facti sumus mundo, et Angelis, et homínibus.

R. Tóllite jugum meum super vos, dicit Dóminus, et discite a me, quia mitis sum et húmilis corde :

* Jugum enim meum suáve est, et onus meum leve.

V. Et inveniétis réquiem animábus vestris. — Jugum.

Benedictio Spíritus Sancti.

Lectio iiii

NOS stulti propter Christum, vos autem prudentes in Christo : nos infirmi, vos autem fortes : vos nobiles, nos autem ignobiles. Usque in hanc horam et esurimus, et sitimus, et nudi sumus, et colaphis cedimur, et instabiles sumus, et laboramus operantes manibus nostris : maledicimur, et benedicimus : persecutionem patimur, et sustinemus : blasphemamur, et obsecramus : tamquam purgamenta huius mundi facti sumus, omnium peripsima usque adhuc. Non ut confundam vos, hæc scribo, sed ut filios meos carissimos moneo. Nam si decem millia pedagogorum habeatis in Christo : sed non multos patres; nam in Christo Jesu per Evangelium ego vos genui.

R. Dum steteritis ante reges et praesides, nolite cogitare, quomodo aut quid loquamini; * Dabitur enim vobis in illa hora, quid loquamini. **R.** Non enim vos estis, qui loquamini; sed Spiritus Patris vestri, qui loquitur in vobis. — Dabitur. **Gloria Patri.** Dabitur.

In II Nocturno

Ant. Principes populorum * congregati sunt cum Deo Abraham.

Psalmus 46



GMnes gentes, plaudite manibus : * jubilate Deo in voce exsultationis.

Quoniam Dominus excelsus, terribilis : * Rex magnus super omnem terram.

Subjecit populos nobis : * et gentes sub pedibus nostris.

Elégit nobis hereditatem suam : * speciem Jacob, quam dilexit.

Ascendit Deus in júbilo : * et Dominus in voce tubæ.

Psallite Deo nostro, psallite : * psallite Regi nostro, psallite.

Quoniam Rex omnis terræ Deus : * psallite sapienter.

Regnabit Deus super gentes : * Deus sedet super sedem sanctam suam.

Principes populorum congregati sunt cum Deo Abraham : * quoniam dii fortes terræ vehementer elevati sunt.

Ant. Principes populorum congregati sunt cum Deo Abraham.

Ant. Dedisti hereditatem * timéntibus nomen tuum, Domine.

Psalmus 60

EXaudi, Deus, deprecationem meam : * intendente orationi meæ.

A fínibus terræ ad te clamávi : * dum anxiarétur cor meum, in petra exaltásti me.

Deduxísti me, quia factus es spes mea : * turris fortitúdinis a fácie inimíci.

Inhabitábo in tabernáculo tuo in sácula : * prótegar in velaménto alárum tuárum.

Quóniam tu, Deus meus, exaudísti oratióem meam : * dedísti hereditátem timéntibus nomen tuum.

Dies super dies regis adjícies : * annos ejus usque in diem generatiónis et generatiónis.

Pérmanet in ætérnum in conspéctu Dei : * misericórdiam et veritátem ejus quis requíret?

Sic psalmum dicam nómini tuo in sáculum sáculi : * ut reddam vota mea de die in diem.

Ant. Dedísti hereditátem timéntibus nomen tuum, Dómine.

Ant. Annuntiavérunt * ópera Dei, et facta ejus intellexérunt.

Psalmus 63

EXáudi, Deus, oratióem meam cum déprecor : * a timóre inimíci éripe ánimam meam.

Protexísti me a convéntu malignántium : * a multitúdiine operántium iniquitátem.

Quia exacuérunt ut gládium linguas suas : * intendérunt arcum rem amáram, ut sagittent in occúltis immaculátum.

Súbito sagittábunt eum, et non timébunt : * firmavérunt sibi sermónem nequam.

Narravérunt ut absconderent láqueos : * dixerunt : Quis vidébit eos?

Scrutáti sunt iniquitates : * defecerunt scrutántes scrutínio.

Accédet homo ad cor altum : * et exaltábitur Deus.

Sagittæ parvulórum factæ sunt plagæ eórum : * et infirmátæ sunt contra eos linguæ eórum.

Conturbáti sunt omnes qui vidébant eos : * et tímuit omnis homo.

Et annuntiavérunt ópera Dei, * et facta ejus intellexérunt.

Lætábitur justus in Dómino, et sperábit in eo, * et laudabúntur omnes recti corde.

Ant. Annuntiavérunt ópera Dei, et facta ejus intellexérunt.

V. Constitúes eos príncipes super omnem terram.

R. Mémoires erunt nóminis tui, Dómine.

Absolutio Ipsíus píetas.

Benedictio Deus Pater.

Sermo sancti Gregórii
Papæ

Homilia 30 in Evang.,
post medium

Lectio iv



Criptum est : Spíritus Dómini ornávit cælos. Ornamenta enim cælórum sunt virtútes prædicántium. Quæ videlicet ornamenta Paulus enúmerat, dicens : Alii datur per Spíritum sermo sapiéntiæ, álii sermo sciéntiæ secúndum eúmdem Spíritum, álii fides in eódem Spíritu, álii grátia sanitátum in uno Spíritu, álii operátio virtútum, álii prophetía, álii discrétio spirítuum, álii génera linguárum, álii interpretátio sermónum. Hæc autem ómnia operátur unus atque idem Spíritus, dívidens singulis prout vult.

℟. Vidi conjúctos viros, habéntes spléndidas vestes, et Angelus Dómini locútus est ad me, dicens : * Isti sunt viri sancti facti amíci Dei. ✠. Vidi Angelum Dei fortem, volántem per médium cælum, voce magna clamántem et dicéntem. — Isti.

Bened. Christus perpétuæ.

Lectio v

Q Uot ergo sunt bona prædicántium, totsunt ornamenta cælórum. Hinc rursus scriptum est : Ver-

bo Dómini cæli firmáti sunt. Verbum enim Dómini Fílius est Patris. Sed eósdem cælos, videlicet sanctos Apóstolos, ut tota simul sancta Trinitas ostendátur operáta, répente de Sancti Spíritus divinitáte adjúngitur : Et Spíritu oris ejus omnis virtus eórum. Cælórum ergo virtus de Spíritu sumpta est : quia mundi hujus potestátibus contraíre non præsumerent, nisi eos Sancti Spíritus fortitúdo solidásset. Quales namque doctóres sanctæ Ecclésiæ ante advéntum hujus Spíritus fúerint, scimus; et post advéntum illíus, cujus fortitúdinis facti sint, conspícimus.

℟. Beáti estis, cum maledíxerint vobis hómines, et persecúti vos fúerint, et díxerint omne malum advérsus vos, mentíentes, propter me : * Gaudéte et exsultáte, quóniam merces vestra copiósa est in cælis.

✠. Cum vos óderint hómines, et cum separáverint vos, et exprobráverint, et ejécerint nomen vestrum tamquam malum propter Fílium hóminis. — Gaudéte.

Bened. Ignem sui amóris.

Lectio vi

C Erte iste ipse pastor Ecclésiæ, ad cujus sacratíssimum corpus sedé-

mus, quantæ debilitátis quantæque formídinis ante advéntum Spíritus fúerit, ancílla ostiária requisíta dicat. Una enim mulieris voce percúlsus, dum mori tímuit, Vitam negávit. Et pensándum, quia eum comprehénsus Petrus negávit in terra, quem suspénsus latro conféssus est in cruce. Sed vir iste tantæ formídinis qualis post advéntum Spíritus exsístat, audiámus. Fit convéntus magistrátus atque seniórum, cæsis denuntiátur Apóstolis, ne in nómine Jesu loqui débent; Petrus magna auctoritáte respóndet : Obédire opórtet Deo magis quam homínibus.

R. Isti sunt triumphatóres et amíci Dei, qui contemnéntes jussa príncipum, meruérunt præmia æténa : * Modo coronántur, et accípiunt palmam.

V. Isti sunt, qui venérunt ex magna tribulatióne, et lavérunt stolas suas in ságuine Agni. — Modo. Glória Patri. Modo.

In III Noeturno

Ant. Exaltabúntur * córnua justi, allelúja.

Psalmus 74



Onfitébitur tibi, Deus : * confitébitur, et invocábimus nomen tuum.

Narrábimus mirabília tua : * cum accépero tempus, ego justítias judicábo.

Liquefácta est terra, et omnes qui hábitant in ea : * ego confirmávi cólumnas ejus.

Dixi iníquis : Nolíte iníque ágere : * et delinquéntibus : Nolíte exaltáre cornu :

Nolíte extóllere in altum cornu vestrum : * nolíte loqui advérsus Deum iniquitátem.

Quia neque ab Oriénte, neque ab Occidénte, neque a desértis móntibus : * quóniam Deus judex est.

Hunc humiliat, et hunc exáltat : * quia calix in manu Dómini vini meri plenus misto.

Et inclinávit ex hoc in hoc : verúmtamen fæx ejus non est exinaníta : * bibent omnes peccatóres terræ.

Ego autem annuntiábo in sáeculum : * cantábo Deo Jacob.

Et ómnia córnua peccatórum confríngam : * et exaltabúntur córnua justi.

Ant. Exaltabúntur córnua justi, allelúja.

Ant. Lux orta est * justo, allelúja, rectis corde lætítia, allelúja.

Psalmus 96

Dominus regnávit, exsúltet terra : * lætén-tur ínsulæ multæ.

Nubes, et caligo in circúitu ejus : * justítia, et júdicium corréctio sedis ejus.

Ignis ante ipsum præcédet, * et inflammábit in circúitu inimícos ejus.

Illuxérunt fúlgora ejus orbi terræ : * vidit, et commóta est terra.

Montes, sicut cera fluxérunt a fácie Dómini : * a fácie Dómini omnis terra.

Annuntiavérunt cæli justítiam ejus : * et vidérunt omnes pópuli glóriam ejus.

Confundántur omnes, qui adórant sculptília : * et qui gloriántur in simulácris suis.

Adoráte eum, omnes Angeli ejus : * audívit, et lætáta est Sion.

Et exsultavérunt filíæ Judæ, * propter júdicia tua, Dómine :

Quóniam tu Dóminus Altíssimus super omnem terram : * nimis exaltátus es super omnes deos.

Qui dilígitis Dóminum, odíte malum : * custódit Dóminus ánimas sanctórum suórum, de manu peccatóris liberábit eos.

Lux orta est justo, * et rectis corde lætítia.

Lætámini, justí, in Dómino : * et confitémini memóriæ sanctificatiónis ejus.

Ant. Lux orta est justo, allelúja, rectis corde lætítia, allelúja.

Ant. Custodiébant * testimónia ejus, et præcépta ejus, allelúja.

Psalmus 98

Dóminus regnávit, irascántur pópuli : * qui sedet super Chérubim, moveátur terra.

Dóminus in Sion magnus : * et excélsus super omnes pópulos.

Confiteántur nómini tuo magno : quóniam terríbile, et sanctum est : * et honor regis júdicium díligit.

Tu parásti directiões : * júdicium et justítiam in Jacob tu fecísti.

Exaltáte Dóminum, Deum nostrum, et adoráte scabéllum pedum ejus : * quóniam sanctum est.

Móyses et Aaron in sacerdotíbus ejus : * et Sámuél inter eos, qui invocant nomen ejus :

Invocábant Dóminum, et ipse exaudiébat eos : * in columna nubis loquebátur ad eos.

Custodiébant testimónia ejus, * et præcéptum quod dedit illis.

Dómine, Deus noster, tu exaudiébas eos : * Deus, tu propítius fuísti eis, et ulciscens in omnes adinventiões eórum.

Exaltáte Dóminum, Deum nostrum, et adoráte in monte sancto ejus : * quóniam sanctus Dóminus, Deus noster.

Ant. Custodiébant testimónia ejus, et præcépta ejus, allelúja.

✠. Nimis honoráti sunt amici tui, Deus. ✠. Nimis confortátus est principátus eórum.

Absolutio A vínculis.

Bened. Evangélica léctio.

Léctio sancti Evangélii
secúndum Matthæum

Lectio vii Cap. 19, 27-29

IN illo témpore : Dixit Petrus ad Jesum : Ecce nos reliquimus ómnia, et secúti sumus te : quid ergo erit nobis? Et réliqua.

Homilía sancti Hierónymi
Presbýteri

Lib. 3 in Matth. cap. 19



GRandis fidúcia! Petrus piscátor erat, dives non fúerat, cibos manu et arte quærébat; et tamen lóquitur confidénter : Reliquimus ómnia. Et quia non súfficit tantum relínquere, jungit quod perféctum est : Et secúti sumus te. Fécimus quod jussisti : quid igitur nobis dabis præmii? Jesus autem dixit illis : Amen, dico vobis, quod vos, qui secúti estis me, in regeneratione, cum séderit Fílius hóminis in sede majestátis suæ, sedébitis et vos super sedes duódecim, judicántes duódecim tribus Israël. Non dixit : Qui reli-

quistis ómnia; hoc enim et Crates fecit philósophus, et multi álíi divítias contempsérunt : sed, Qui secúti estis me; quod próprie Apostolórum est atque credéntium.

✠. Isti sunt, qui vivéntes in carne, plantavérunt Ecclesiám sángine suo :
* Cálicem Dómini bibérunt, et amici Dei facti sunt. ✠. In omnem terram exívit sonus eórum, et in fines orbis terræ verba eórum. — Cálicem.

Bened. Cujus **vel** Quorum festum cólimus, ipse **vel** ipsi.

Lectio viii

IN regeneratione, cum séderit Fílius hóminis in sede majestátis suæ (quando et mórtui de corruptione resúrgent incorrupti), sedébitis et vos in sóliis judicántium, condemnántes duódecim tribus Israël; quia, vobis credéntibus, illi credere noluérunt. Et omnis, qui reliquerit domum, vel fratres, aut soróres, aut patrem, aut matrem, aut uxórem, aut filios, aut agros propter nomen meum, céntuplum, accípiet et vitam ætérrnam possidébit. Locus iste cum illa senténtia cóngruit, in qua Salvátor lóquitur : Non veni pacem mittere, sed gládium. Veni enim sepa-

rare hóminem a patre suo, et matrem a filia, et nũrum a socru : et inimici hóminis doméstici ejus. Qui ergo, propter fidem Christi et prædicationem Evangélii, omnes afféctus contempserint atque divitias et sæculi voluptates : isti centuplum recipient, et vitam æternam possidebunt.

✠. Isti sunt viri sancti, quos elégit Dóminus in caritate non ficta, et dedit illis glóriam sempiternam :

* Quorum doctrína fulget Ecclésia, ut sole luna.

✠. Sancti per fidem vicērunt regna : operati sunt justitiam. — Quorum. Glória Patri. Quorum.

Bened. Ad societatem.

Lectio ix

✠ X occasione hujus sententiæ quidam introducunt mille annos post resurrectionem, dicentes, tunc nobis centuplum omnium rerum quas dimisimus, et vitam æternam esse reddendam; non intelligentes, quod, si in ceteris digna sit repromissio, in uxóribus appareat turpítudo, ut, qui unam pro Dómino dimiserit, centum recipiat in futuro. Sensus ergo iste est : Qui carnalia pro Salvatóre dimiserit, spirituália recipiet; quæ comparatióne

et mérito sui ita erunt, quasi si parvo número centenárius número comparétur.

Te Deum laudámus.

AD LAUDES

et per Horas, Añæ

1 Hoc est præceptum meum, * ut diligátis invicem, sicut diléxi vos.

Psalmi de Dominica.

2 Majórem caritatem * nemo habet, ut ánimam suam ponat quis pro amícis suis.

3 Vos amíci mei estis, * si feceritis quæ præcípíto vobis, dicit Dóminus.

4 Beáti pacífici, * beáti mundo corde : quóniam ipsi Deum videbunt.

5 In patientia vestra * possidebitis ánimas vestras.

Capit. Ephes. 2, 19-20

✠ Ratres : Jam non estis hóspites, et advenæ; sed estis cives Sanctórum, et doméstici Dei, superædificati super fundaméntum Apostolórum et Prophetárum, ipso summo angulári lápide Christo Jesu.

Hymnus

✠ Xsúltet orbis gáudiis, Cælum resúltet láudibus :

Apostolórum glóriam Tellus et astra concinunt.

Vos, sæculórum júdices
Et vera mundi lúmina,
Votis precámur córdium :
Audíte voces súpplícum.

Qui templa cæli cláuditis
Serásque verbo sólvitís,
Nos a reátu nóxios
Solvi jubéte, quæsumus.

Præcépta quorum próti-
nus
Languor salúsque sèn-
tiunt,

Sanáte mentes lánguidas,
Augéte nos virtútibus :

Ut, cum redíbit árbiter
In fine Christus sæculi,
Nos sempitérni gáudii
Concédat esse cómpotes.

* Patri, simúlque Fílio,
Tibíque, Sancte Spíritus,
Sicut fuit, sit júgiter
Sæclum per omne glória.
Amen.

℣. Annuntiavérunt ópera
Dei. ℞. Et facta ejus in-
tellexérunt.

Ad Bened. Ant. Vos qui
reliquístis * ómnia, et se-
cúti estis me, céntuplum
accipiétis, et vitam ætér-
nam possidébitis.

Oratio propria.

Ad Horas Psalmi de Domi-
nica, sed ad Primam loco
Psalmi 117 Confitémini, dici-
tur Psalmus 53 Deus, in nó-
mine tuo. 55 Quod semper
observatur, quando ponitur
sequens Rubrica : Ad Horas
Psalmi de Dominica, ad Pri-
mam tamen ut in Festis.

AD TERTIAM

Capit. Fratres. [16]

℞. br. In omnem terram
* Exívit sonus eórum. In
omnem. ℣. Et in fines or-
bis terræ verba eórum.
Exívit. Glória Patri. In
omnem. ℣. Constitúes eos
príncipes super omnem
terram. ℞. Mémoires erunt
nóminis tui, Dómine.

AD SEXTAM

Capitulum Act. 5, 12

PER manus autem Apo-
stolorum fiébant signa
et prodígia multa in plebe.

℞. br. Constitúes eos
príncipes * Super omnem
terram. Constitúes. ℣. Mé-
moires erunt nóminis tui,
Dómine. Super omnem
terram. Glória Patri. Con-
stitúes. ℣. Nimis honoráti
sunt amíci tui, Deus.

℞. Nimis confortátus est
principátus eórum.

AD NONAM

Capitulum Act. 5, 41


IBANT Apóstoli gaudén-
tes a conspéctu concílii,
quóniam digni hábiti sunt
pro nómine Jesu contumé-
liam pati.

℞. br. Nimis honoráti
sunt * Amíci tui, Deus.
Nimis. ℣. Nimis confor-
tátus est principátus eó-
rum. Amíci. Glória Patri.
Nimis honoráti. ℣. Annun-
tiavérunt ópera Dei. ℞. Et
facta ejus intellexérunt.

IN II VESPERIS

Ant. Jurávit Dóminus, *
et non pænitébit eum : Tu
es sacérdos in ætérnum.

Psalmus 109

 Ixit Dóminus Dó-
mino meo : * Sede
a dextris meis :

Donec ponam inimícos
tuos, * scabéllum pedum
tuórum.

Virgam virtútis tuæ emít-
tet Dóminus ex Sion : *
domináre in médio inimi-
córum tuórum.

Tecum princípium in die
virtútis tuæ in splendóri-
bus sanctórum : * ex útero
ante lucíferum génui te.

Jurávit Dóminus, et non
pænitébit eum : * Tu es
sacérdos in ætérnum se-
cúndum órđinem Melchí-
sedech.

Dóminus a dextris tuis, *
confrégit in die iræ suæ
reges.

Judicábit in natióibus,
implébit ruínas : * con-
quassábit cápita in terra
multórum.

De torrén-te in via bi-
bet : * proptérea exaltábit
caput.

Ant. Jurávit Dóminus, et
non pænitébit eum : Tu es
sacérdos in ætérnum.

Ant. Cóllocet eum * Dó-
minus cum princípibus pó-
puli sui.

Psalmus 112

L Audáte, púeri, Dómi-
num : * laudáte nomen
Dómini.

Sit nomen Dómini bene-
dictum, * ex hoc nunc, et
usque in sáeculum.

A solis ortu usque ad
occásum, * laudábile no-
men Dómini.

Excélsus super omnes
gentes Dóminus, * et su-
per cælos glória ejus.

Quis sicut Dóminus, Deus
noster, qui in altis hábi-
tat, * et humília réspicit in
cælo et in terra?

Súscitans a terra íno-
pem, * et de stércore éri-
gens páuperem :

Ut cóllocet eum cum
príncipibus, * cum prin-
cípibus pópuli sui.

Qui habitáre facit stéri-
lem in domo, * matrem
filiórum lætántem.

Ant. Cóllocet eum Dó-
minus cum princípibus pó-
puli sui.

Ant. Dirupísti, Dómine, *
víncula mea : tibi sacrifi-
cábo hóstiam laudis.

Psalmus 115

C Réddidi, propter quod
locútus sum : * ego au-
tem humiliátus sum nimis.

Ego dixi in excéssu
meo : * Omnis homo men-
dax.

Quid retríbuiam Dómi-
no, * pro ómnibus, quæ
retríbuit mihi?

Cálicem salutáris accípiam : * et nomen Dómini invocábo.

Vota mea Dómino reddam coram omni pópulo ejus : * pretiósá in conspéctu Dómini mors sanctórum ejus :

O Dómine, quia ego servus tuus : * ego servus tuus, et fílius ancíllæ tuæ.

Dirupísti víncula mea : * tibi sacrificábo hóstiam laudis, et nomen Dómini invocábo.

Vota mea Dómino reddam in conspéctu omnis pópuli ejus : * in átriis domus Dómini, in médio tui, Jerúsalem.

Ant. Dirupísti, Dómine, víncula mea : tibi sacrificábo hóstiam laudis.

Ant. Eúntes ibant * et flebant, mitténtes sémina sua.

Psalmus 125

IN converténdo Dóminus captivitátem Sion : * facti sumus sicut consoláti :

Tunc replétum est gáudio os nostrum : * et lingua nostra exsultatióne.

Tunc dicent inter gentes : * Magnificávit Dóminus fácere cum eis.

Magnificávit Dóminus fácere nobíscum : * facti sumus lætántes.

Convérte, Dómine, captivitátem nostram, * sicut torrens in Austro.

Qui sémant in lácri-mis, * in exsultatióne mentent.

Eúntes ibant et flebant, * mitténtes sémina sua.

Veniéntes autem vénient cum exsultatióne, * portántes manípulos suos.

Ant. Eúntes ibant et flebant, mitténtes sémina sua.

Ant. Confortátus est * principátus eórum, et honoráti sunt amíci tui, Deus.

Psalmus 138

Domine, probásti me, et cognovísti me : * tu cognovísti sessiónem meam, et resurrectionem meam.

Intellexísti cogitatiónes meas de longe : * sémitam meam, et funículum meum investigásti.

Et omnes vias meas prævidísti : * quia non est sermo in lingua mea.

Ecce, Dómine, tu cognovísti ómnia novíssima, et antiqua : * tu formásti me, et posuísti super me manum tuam.

Mirábilis facta est sciéntia tua ex me : * confortáta est, et non pótero ad eam.

Quo ibo a spíritu tuo? * et quo a fácie tua fugiam?

Si ascéndero in cælum, tu illic es : * si descéndero in inférnum, ades.

Si sumpsero pennas meas diluculo, * et habitavero in extrémis maris :

Etenim illuc manus tua deducet me : * et tenebit me dextera tua.

Et dixi : Forsitan tenebræ conculcábunt me : * et nox illuminatio mea in deliciis meis.

Quia tenebræ non obscurabúntur a te, et nox sicut dies illuminábitur : * sicut tenebræ ejus, ita et lumen ejus.

Quia tu possedisti renes meos : * suscepisti me de útero matris meæ.

Confitebor tibi quia terribiliter magnificatus es : * mirabilia ópera tua, et anima mea cognóscit nimis.

Non est occultatum os meum a te, quod fecisti in occulto : * et substantia mea in inferióribus terræ.

Imperfectum meum videntur óculi tui, et in libro tuo omnes scribentur : * dies formabúntur, et nemo in eis.

Mihi autem nimis honorificati sunt amici tui, Deus : * nimis confortatus est principatus eorum.

Dinumerabo eos, et super arénam multiplicabúntur : * exsurrexi, et adhuc sum tecum.

Si occideris, Deus, peccatores : * viri sanguinum, declinate a me :

Quia dicitis in cogitatio-

ne : * Accipient in vanitate civitates tuas.

Nonne qui odérunt te, Dómine, óderam? * et super inimicos tuos tabescébam?

Perfecto odio óderam illos : * et inimici facti sunt mihi.

Proba me, Deus, et scito cor meum : * intéroga me, et cognosce sémitas meas.

Et vide, si via iniquitatis in me est : * et deduc me in via æterna.

Ant. Confortatus est principatus eorum, et honorati sunt amici tui, Deus.

Capit. Ephes. 2, 19-20

FRatres : Jam non estis hóspites, et advenæ; sed estis cives Sanctórum, et doméstici Dei, superædificati super fundaméntum Apostolórum et Prophetárum, ipso summo angulári lápide Christo Jesu.

Hymnus

EXsúltet orbis gaudiis,
Cælum resúltet láudibus :

Apostolórum glóriam
Tellus et astra concinunt.

Vos, sæculórum júdices
Et vera mundi lúmina,
Votis precámur córdium :
Audíte voces súpplicum.

Qui templa cæli cláuditis
Serásque verbo sólvitis,
Nos a reátu nóxios
Solvi jubéte, quæsumus.

Præcepta quorum prótinus

Languor salúsque sén-
tiunt,

Sanáte mentes lánguidas,
Augéte nos virtútibus :

Ut, cum redíbit árbitr
In fine Christus sáculi,
Nos sempitérni gáudii
Concédat esse cómpotes.

* Patri, simúlque Filio,
Tibique, Sancte Spíritus,
Sicut fuit, sit júgiter
Sæclum per omne glória.
Amen.

✠. Annuntiavérunt ópera
Dei. ✠. Et facta ejus intel-
lexérunt.

Ad Magnif. Ant. Estóte
fortes * in bello, et pu-
gnáte cum antíquo ser-
pente : et accipiétis re-
gnum ætérnum, allelúja.

Completorium de Domi-
nica

II ALIÆ LECTIONES

pro Apostolis

In II Nocturno

De Expositióne sancti Au-
gustíni Epíscopi super
Psalmum octogésimum
sextum Ante medium

Lectio iv



Fundaménta ejus in
móntibus sanctis :
diligít Dóminus
portas Sion. Quare sunt

fundaménta Apóstoli et
Prophétæ? Quia eórum
auctóritas portat infirmi-
tátem nostram. Quare sunt
portæ? Quia per ipsos in-
trámus ad regnum Dei.
Prædicant enim nobis : et,
cum per ipsos intrámus,
per Christum intrámus;
ipse est enim jánuā. Et
cum dicúntur duódecim
portæ Jerúsalem, et una
porta Christus et duóde-
cim portæ Christus, quia
in duódecim portis Chri-
stus; et ideo duodenárius
númerus Apostolórum.
Sacraméntum magnum
hujus duodenárii signifi-
cátio est númeri. Sedébi-
tis, inquit, super duóde-
cim sedes, judicántes duó-
decim tribus Israél.

✠. Vidi conjúctos viros,
habéntes spléndidas ve-
stes, et Angelus Dómini
locútus est ad me, dicens :

* Isti sunt viri sancti facti
amíci Dei. ✠. Vidi Ange-
lum Dei fortem, volántem
per médium cæium, voce
magna clamántem et di-
céntem. — Isti.

Lectio v

SI duódecim sellæ ibi
sunt, non est ubi sé-
deat tértius décimus Pau-
lus Apóstolus, et non erit
quómodo júdicet; et ipse
se judicatúrum dixit, non
hómīnes tantum, sed et
ángelos. Quos ángelos,

nisi apóstatas ángeles? Nescítis, inquit, quia ángeles judicábimus? Respondéret ergo turba : Quid te jactas judicatúrum? Ubi sedébis? Duódecim sedes dixit Dóminus duódecim Apóstolis, unus cécidit Judas, in locum ipsíus sanctus Matthías ordinátus est; implétus est duodenárius númerus sédium. Primo locum ínveni, ubi sédeas, et sic te mináre judicatúrum. Duódecim ergo sedes quid sibi velint, videámus. Sacraméntum est cujúsdam universitátis; quia per totum orbem terrárum futúra erat Ecclésia, unde vocátur hoc ædificium ad Christi compágem.

℟. Beáti estis, cum maledíxerint vobis hómines, et persecúti vos fúerint, et díxerint omne malum advérsus vos, mentiéntes, propter me : * Gaudéte et exsultáte, quóniam merces vestra copiósa est in cælis. ✠. Cum vos óderint hómines, et cum separáverint vos, et exprobráverint, et ejécerint nomen vestrum tamquam malum propter Fílium hóminis. — Gaudéte.

Lectio vi

ET ideo, quia úndique venítur ad judicándum, duódecim sedes

sunt; sicut, quia úndique intrátur in illam civitátem, duódecim portæ sunt. Non solum ergo illi duódecim et Apóstolus Paulus, sed quotquot judicatúri sunt, propter significatió-nem universitátis ad sedes duódecim pértinent; quemádmódum quotquot intrábunt, ad duódecim portas pértinent. Partes enim mundi quátuor sunt, Oriens, Occidens, Aquilo et Merídiés. Istæ quátuor partes assidue nominántur in Scriptúris. Ab istis quátuor ventis, sicut dicit Dóminus in Evangélio, a quátuor ventis se collectúrum eléctos suos; ab ómnibus ergo istis quátuor ventis vocátur Ecclésia. Quómodo vocátur? Undique in Trinitáte vocátur. Non vocátur nisi per baptísmum in nómine Patris, et Fílii, et Spíritus Sancti. Quátuor ergo ter ducta duódecim inve-niúntur.

℟. Isti sunt triumphatóres et amíci Dei, qui contemnéntes jussa princípum, meruérunt præmia ætérna : * Modo coronántur, et accípiunt palmam. ✠. Isti sunt, qui venérunt ex magna tribulatióne, et lavérunt stolas suas in ságuine Agni. — Modo. Glória Patri. Modo coronántur.

In III Noeturno

Lectio sancti Evangélii
secúndum Matthæum

Lectio vii Cap. 19; 27-29

IN illo témpore : Dixit Petrus ad Jesum : Ecce nos reliquimus ómnia, et secúti sumus te : quid ergo erit nobis? Et réliqua.

Homilia sancti Bedæ
Venerábilis PresbýteriHomilia in Natali
S. Benedicti Episc.

Erfectus ille est, qui ábiens vendit ómnia quæ habet, et dat paupéribus, ac véniens séquitur Christum; habébit enim thesáurum non deficientem in cælis. Unde bene, interrogánte Petro, dixit talibus Jesus : Amen dico vobis, quod vos, qui secúti estis me, in regeneratione, cum séderit Fílius hóminis in sede majestátis suæ, sedébitis et vos super sedes duódecim, judicántes duódecim tribus Israël. In hac quippe vita pro ejus nómine laborántes in ália præmium speráre dócuit, id est, in regeneratione; cum videlicet in vitam immortálem fuérimus resurgéndo regeneráti, qui in vitam cadúcam mortáliter erámus géniti.

✠. Isti sunt, qui vivéntes in carne, plantavérunt Ecclésiám ságuine suo :

* Cálicem Dómini bibérunt, et amíci Dei facti sunt. ✠. In omnem terram exívit sonus eórum, et in fines orbis terræ verba eórum. — Cálicem.

Lectio viii

ET justa prorsus retribútió, ut, qui hic pro Christo humanæ glóriam celsitúdinis neglexérunt, illic a Christo júdices glorificáti singuláriter cum eo assideant, qui a sequéndis ejus vestígiis nulla ratióne póterant avélli. Nemo autem putet, duódecim tantum Apóstolos, quia pro Juda prævaricánte Matthías eléctus est, tunc esse judicatúros; sicut nec duódecim solæ sunt tribus Israël judicándæ : alióquin tribus Levi, quæ tértia décima est, injudicáta recédet.

✠. Isti sunt viri sancti, quos elégit Dóminus in caritate non ficta, et dedit illis glóriam sempitérnam :

* Quorum doctrína fulget Ecclésia, ut sole luna.

✠. Sancti per fidem vicérunt regna : operáti sunt justítiam. — Quorum. Glória Patri. Quorum.

Lectio ix

ET Paulus, qui tértius décimus est Apóstolus, judicándi sorte privábitur? cum ipse dicat : Nescítis, quóniam ánge-

judicábimus, quanto magis sæculária? Sciéndum namque est, omnes, qui, ad exéplum Apostolorum, sua reliquérunt ómnia et secúti sunt Christum, júdices sum eo ventúros, sicut étiam omne mortálium genus esse judicándum. Quia enim duo-

denário sæpe número solet in Scriptúris univérsitas designári, per duódecim sedes Apostolorum, ómnium numerósitas judicántium, et, per duódecim tribus Israël, univérsitas eórum, qui judicándi sunt, osténditur.

Te Deum laudámus.

Commune Evangelistarum

Omnia ut in Communi Apostolorum [3], præter Lectio-
nes ut infra :

In I Noeturno

Incipit liber Ezechiélis
Prophétæ

Lectio i Cap. 1, 1-12

ET factum est in trigésimo anno, in quarto, in quinta mensis, cum essem in médio captivórum juxta flúvium Chobar, apérti sunt cæli, et vidi visiões Dei. In quinta mensis, ipse est annus quintus transmigrationis regis Jóachim, factum est verbum Dómini ad Ezechiélem, filium Buzi, sacerdotem in terra Chaldæórum, secus flumen Chobar : et facta est super eum ibi manus Dómini. Et vidi, et ecce ventus túrbinis veniébat ab Aquilóne : et nubes ma-

gna, et ignis invólvens, et splendor in circúitu ejus : et de médio ejus quasi species eléctri, id est, de médio ignis.

✠. Ecce ego mitto vos sicut oves in médio lupórum, dicit Dóminus :

* Estóte ergo prudentes sicut serpéntes, et simplices sicut colúmbæ. ✠. Dum lucem habétis, créдите in lucem, ut filii lucis sitis. — Estóte ergo prudentes.

Lectio ii

ET in médio ejus similitúdo quátuor animálium : et hic aspéctus eórum, similitúdo hóminis in eis. Quátuor fácies uni, et quátuor pennæ uni. Pedes eórum pedes recti, et planta pedis eórum, quasi planta pedis vítuli, et scintillæ quasi aspéctus æris candéntis. Et manus hó-

minis sub pennis eorum in quatuor partibus : et facies, et pennas per quatuor partes habebant, junctæque erant pennæ eorum alterius ad alterum. Non revertebantur cum incederent : sed unumquodque ante faciem suam gradiebatur.

℟. Tolle jugum meum super vos, dicit Dominus, et discite a me, quia mitis sum et humilis corde :

* Jugum enim meum suave est, et onus meum leve.

℟. Et inveniētis requiem animabus vestris. — Jugum enim meum.

Lectio iii

Similitudo autem vultus eorum : facies hominis, et facies leonis a dextris ipsorum quatuor : facies autem bovis, a sinistris ipsorum quatuor, et facies aquilæ desuper ipsorum quatuor. Facies eorum, et pennæ eorum extēntæ desuper : duæ pennæ singulorum jungēbantur, et duæ tegēbant corpora eorum : et unumquodque eorum coram facie sua ambulabat : ubi erat impetus spiritus, illuc gradiebantur, nec revertēbantur cum ambularent.

℟. Dum steteritis ante reges et præsides, nolite cogitare, quomodo aut quid loquāmini; * Dabitur

enim vobis in illa hora, quid loquāmini. ℟. Non enim vos estis, qui loquimini; sed Spiritus Patris vestri, qui loquitur in vobis. — Dabitur enim vobis. Glória Patri. Dabitur enim vobis.

In II Nocturno

De Expositione sancti Gregorii Papæ super Ezechiēlem Prophētam

Hom. 3 Lib. 1

Lectio iv



Ancta quatuor animalia, quæ prophetiæ spiritu futura prævidentur, subtili narratione describuntur, cum dicitur : Quatuor facies uni, et quatuor pennæ uni. Quid per faciem, nisi notitia; et quid per pennas, nisi volatus exprimitur? Per faciem quippe unusquisque cognoscitur : per pennas vero in altum avium corpora sublevantur. Facies itaque ad fidem pertinet, penna ad contemplationem. Per fidem namque ab omnipotenti Deo cognoscimur, sicut ipse de suis ovibus dicit : Ego sum pastor bonus, et cognosco oves meas, et cognoscunt me meæ. Qui rursus ait : Ego scio quos elegerim. Per contemplationem vero, qua super nosmetipsos

tóllimur, quasi in áëra levámur.

℟. Vidi conjúctos viros, habéntes spléndidas vestes, et Angelus Dómini locútus est ad me, dicens :

* Isti sunt viri sancti facti amíci Dei. ℣. Vidi Angelum Dei fortem, volántem per médium cælum, voce magna clamántem et dicéntem. — Isti.

Lectio v

Quátuor ergo fácies uni sunt : quia si requíras, quid Matthæus de incarnatione Dómini séntiat : hoc nimírum sentit, quod Marcus, Lucas et Joáñnes. Si quæras, quid Joáñnes séntiat; hoc procul dúbio, quod Lucas, Marcus et Matthæus. Si quæras, quid Marcus; hoc quod Matthæus, Joáñnes et Lucas. Si quæras, quid Lucas; hoc quod Joáñnes, Matthæus et Marcus sentit. Quátuor ergo fácies uni sunt : quia notítia fidei, qua cognoscúntur a Deo, ipsa est in uno, quæ est simul in quátuor. Quidquid enim in uno invéneris, hoc in ómnibus simul quátuor cognósces.

℟. Beáti estis, cum maledíxerint vobis hómines, et persecúti vos fúerint, et díxerint omne malum advérsus vos, mentíentes, propter me : * Gaudéte et

exsultáte, quóniam merces vestra copiósa est in cælis. ℣. Cum vos óderint hómines, et cum separáverint vos, et exprobráverint, et ejécerint nomen vestrum tamquam malum propter Fílium hóminis. — Gaudéte.

Lectio vi

ET quátuor pennæ uni : quia Dei omnipoténtis Fílium, Dóminum nostrum Jesum Christum, simul omnes concórditer prædicant : et ad divinitátem ejus mentis óculos levántes, penna contemplatiónis volant. Evangelistarum ergo fácies ad humanitátem Dómini pértinet, penna ad divinitátem : quia in eum, quem corpóreum aspíciunt, quasi fácies inténdunt; sed, dum hunc esse incircumscriptum atque incorpóreum ex divinitáte annúntiant, per contemplatiónis pennam quasi in áëra levántur. Quia itaque una est fides incarnationis ejus in ómnibus, et par contemplatio divinitátis ejus in singulis, recte nunc dicitur : Quátuor fácies uni, et quátuor pennæ uni.

℟. Isti sunt triumphatóres et amíci Dei, qui contemnéntes jussa princípum, meruérunt præmia æténa : * Modo coronán-

tur, et accipiunt palmam.

✠. Isti sunt, qui venérunt ex magna tribulatione, et lavérunt stolas suas in sanguíne Agni. — Modo. Glória Patri. Modo.

In III Nocturno

Lectio sancti Evangelii
secundum Lucam

Lectio vii Cap. 10, 1-9

IN illo tempore : Designávit Dóminus et álios septuaginta duos : et misit illos binos ante faciém suam, in omnem civitatem et locum, quo erat ipse ventúrus. Et reliqua.

Homília sancti Gregórii
Papæ

Homilia 17 in Evang.



Ominus et Salvátor noster, fratres caríssimi, aliquándo nos sermónibus, aliquándo vero opéribus ádmonet. Ipsa etenim facta ejus præcépta sunt : quia, dum áliquíd tácitus facit, quid ágere debeámus innotéscit. Ecce enim, binos in prædicatióem discipulos mittit : quia duo sunt præcépta caritátis, Dei videlicet amor, et próximi : et minus quam inter duos caritas habéri non potest. Nemo enim próprie ad semetípsum habére caritatem dicitur : sed diléctio in álterum tendit, ut caritas esse possit.

Pro Evangelistis

✠. Isti sunt, qui vivéntes in carne, plantavérunt Ecclésiám sanguíne suo : * Cálicem Dómini bibérunt, et amíci Dei facti sunt. ✠. In omnem terram exívit sonus eórum, et in fines orbis terræ verba eórum. — Cálicem.

Pro Confessore Pontifice

✠. Amávit eum Dóminus, et ornávit eum : stollam glóriæ induit eum, * Et ad portas paradísi coronávit eum. ✠. Induit eum Dóminus lorícam fidei, et ornávit eum. — Et.

Pro Conf. non Pontifice

✠. Iste est, qui ante Deum magnas virtútes operátus est, et de omni corde suo laudávit Dóminum : * Ipse intercédát pro peccátis ómnium populórum. ✠. Ecce homo sine queréla, verus Dei cultor, ábstinens se ab omni ópere malo, et permanens in innocéntia sua. — Ipse.

Lectio viii

ECce enim, binos ad prædicándum discipulos Dóminus mittit : quatenus hoc nobis tácitus innuat, quia qui caritatem erga álterum non habet, prædicatiónis officium suscipere nullátenus de-

bet. Bene autem dicitur, quia misit eos ante faciē suam in omnem civitatē et locum, quo erat ipse ventūrus. Prædicatores enim suos Dóminus séquitur : quia prædicatio prævenit, et tunc ad mentis nostræ habitáculum Dóminus venit, quando verba exhortatiónis præcūrrunt : atque per hoc veritas in mente suscipitur.

Pro Evangelistis

℟. Isti sunt viri sancti, quos elégit Dóminus in caritatē non ficta, et dedit illis glóriam sempitérnam :

* Quorum doctrína fulget Ecclésia, ut sole luna.

℣. Sancti per fidem vicērunt regna : operáti sunt justítiam. — Quorum. Glória Patri. Quorum.

Pro Confessore Pontifice et non Pontifice

℟. Sint lumbi vestri præcincti, et lucernæ ardētes in mánibus vestris : * Et vos símiles homínibus exspectántibus dóminum suum, quando revertátur a núptiis. ℣. Vigiláte ergo, quia nescitis qua hora Dóminus vester ven-

turus sit. — Et. Glória Patri. Et.

Pro Doctore

℟. In médio Ecclésiæ apérui os ejus, * Et implévit eum Dóminus spíritu sapiéntiæ et intelléctus. ℣. Jucunditatem et exsultatiónem thesaurizávit super eum. — Et. Glória Patri. Et.

Lectio ix

Hinc namque eisdem prædicatóribus Isaías dicit : Paráte viam Dómini, rectas fácite sémitas Dei nostri. Hinc filiis Psalmísta ait : Iter fácite ei, qui ascéndit super occásus. Super occásus namque Dóminus ascéndit : quia unde in passióne occúbuit, inde majórem suam glóriam resurgéndo manifestávit. Super occásus videlicet ascéndit; quia mortem quam pértulit, resurgéndo calcávit. Ei ergo qui ascéndit super occásus, iter fácimus, cum nos ejus glóriam vestris méntibus prædicámus, ut eas et ipse post véniens, per amóris sui præsentiam illústret.

Te Deum laudámus.





Commune unius aut plurium Summorum Pontificum

Omnia de Communi unius aut plurimorum Martyrum vel Confessoris Pontificis, juxta qualitatem festi, præter sequentia :

Oratio

G Regem tuum, Pastor æternæ, placatus inténde : et per beátum **N.** (Mártirem tuum atque) Summum Pontíficem, perpétua protectione custódi; quem totíus Ecclésiæ præstitísti esse pastórem. Per Dóminum.

Pro pluribus Sum. Pontif. :

Oratio

G Regem tuum, Pastor æternæ, placatus inténde : et per beátos **N.** et **N.** (Mártires tuos atque) Summos Pontífices, perpétua protectione custódi; quos totíus Ecclésiæ præstitísti esse pastóres. Per Dóminum.

Si vero agenda sit commemoratio alterius Summi Pontificis, dicitur sequens

Oratio

D Eus, qui Ecclésiám tuam in apostólicæ petræ soliditáte fundátam, ab infernárum éruis terrore portárum : præsta, quæsumus, ut intercedente beáto **N.** (Mártire tuo atque) Summo Pontífice, in tua veritáte persistens, continúa securitáte muniátur. Per Dóminum.

In III Nocturno

Léctio sancti Evangélii
secúndum Matthæum

Lectio vii Cap. 16, 13-19

I N illo témpore : Venit Jesus in partes Cæsariæ Philíppi, et interrogábat discipulos suos, dicens : Quem dicunt hó-

mines esse Fílium hóminis? Et réliqua.

Homília sancti Leónis
Papæ

Sermo 2 in anniversario
assumpt. suæ, ante medium



UM, sicut evangélica lectione reserátum est, interrogáset Dóminus discipulos, quem ipsum (multis diversa opinántibus) créderent; respondissétque beátus Petrus, dicens : Tu es Christus Fílius Dei vivi; Dóminus ait : Beátus es, Simon Bar-Jona, quia caro et sanguis non revelávit tibi, sed Pater meus, qui in cælis est : et ego dico tibi, quia tu es Petrus, et super hanc petram ædificábo Ecclésiám meam, et portæ inferi non prævalébunt advérsus eam. Et tibi dabo claves regni cælorum : et quodcúmque ligáveris super terram, erit ligátum et in cælis : et quodcúmque sólveris super terram, erit solútum et in cælis. Manet ergo dispositio veritátis, et beátus Petrus, in accépta fortitúdine petræ perseverans, suscepta Ecclésiæ gubernácula non relíquit.

Pro Pontifice Martyre

✠. Coróna áurea super caput ejus, * Exprésa signo sanctitátis, glória honóris, et opus fortitúdinis.

✠. Quóniam prævenísti eum in benedictiónibus dulcédinis, posuísti in cápite ejus corónam de lápide pretióso. — Exprésa signo sanctitátis, glória honóris, et opus fortitúdinis.

Pro pluribus Pont. Mart.

✠. Propter testaméntum Dómini et leges patérnas, Sancti Dei perstitérunt in amóre fraternitátis : * Quia unus fuit semper spíritus in eis, et una fides. ✠. Ecce quam bonum et quam jucúndum habitáre fratres in unum! — Quia.

Pro Pontifice Conf. :

✠. Amávit eum Dóminus, et ornávit eum : stolam glóriæ induit eum, * Et ad portas paradísi coronávit eum. ✠. Induit eum Dóminus lorícam fidei, et ornávit eum. — Et.

Pro pluribus Pontif. Conf. :

✠. Beáti, qui custódiunt iudícium, * Et faciunt iustítiam in omni témpore. ✠. Deus iudicii Dóminus : beáti omnes, qui exspéctant eum. — Et.

Lectio viii

IN univérsa namque Ecclésia, Tu es Christus Fílius Dei vivi, quotidie Petrus dicit; et omnis lingua, quæ confitétur Dóminum, magistério hujus

vocis imbúitur. Hæc fides diabolum vincit et captivorum ejus vincula dissolvit. Hæc érutos mundo, inserit cælo, et portæ inferi advérsus eam prævalére non possunt. Tanta enim divínitus soliditate muníta est, ut eam neque hærética umquam corrumpere právitas, nec pagána potúerit superáre perfidia. His itaque modis, dilectíssimi, rationábili obséquio celebrétur hodiérna festivitas : ut in persóna humilitátis meæ ille intelligátur, ille honorétur, in quo et ómnium pastórum sollicitúdo, cum commendatarum sibi óvium custódia perseverat, et cujus étiam dignitas in indígno heréde non déficit.

Pro Pontifice Martyre :

℟. Hic est vere Martyr, qui pro Christi nómine sánguinem suum fudit : * Qui minas júdicum non tímuit, nec terrénæ dignitátis glóriam quæsívit, sed ad cæléstia regna pervénit. ℣. Justum dedúxit Dóminus per vias rectas, et osténdit illi regnum Dei. — Qui. Glória Patri. Qui.

Sequens Responsorium dicitur, loco præcedentis, in Officio unius Martyris, qui non effuso sanguine occubuerit.

℟. Dómine, prævenísti eum in benedictiónibus

dulcédinis : * Posuísti in cápite ejus coronam de lápide pretiósó. ℣. Vitam pétíit a te, et tribuísti ei longitudínem diérum in sáculum sáculi. — Posuísti. Glória Patri. Posuísti.

Pro pluribus Pont. Mart. :

℟. Sancti mei, qui in carne pósiti, certámen habuístis : * Mercédem labóris ego reddam vobis. ℣. Veníte, benedícti Patris mei, percípíte regnum. — Mercédem. Glória Patri. Mercédem.

Pro Pontifice Confessore :

℟. Sint lumbi vestri præcíncti, et lucárnæ ardéntes in mánibus vestris : * Et vos símiles homínibus exspectántibus dóminum suum, quando revertátur a núptiis. ℣. Vigiláte ergo, quia nescítis qua hora Dóminus vester ventúrus sit. — Et. Glória Patri. Et.

Pro Pontifice Doctore :

℟. In médio Ecclésiæ apérui os ejus, * Et implévit eum Dóminus spíritu sapiéntiæ et intellectus. ℣. Jucunditátem et exultatiónem thesaurizávit super eum. — Et implévit. Glória Patri. Et implévit.

Pro pluribus Pontif. Conf. :

℟. Vigiláte ergo, nescítis enim quando Dóminus do-

mus véniat : * Ne cum vénerit repén-te, invén-iat vos dormiéntes. ✠. Quod autem vobis dico, ómni-bus dico : Vigilá-te. — Ne. Glória Patri. Ne.

Lectio ix

CUM ergo cohortatiónes nostras áuribus vestræ sanctitátis adhibémus, ipsum vobis, cujus vice fúngimur, loqui crédite : quia et illius vos afféctu monémus, et non áliud vobis, quam quod dócuit, prædicámus; obsecrántes, ut succíncti lumbos mentis vestræ, castam et sóbriam vitam in Dei timóre ducátis. Coróna mea, sicut

Apóstolus ait, et gáudium vos estis, si fides vestra, quæ ab iní-tio Evangélii in univérso mundo prædi-cáta est, in dilectiône et sanctitáte permánserit. Nam licet omnem Ecclé-siam, quæ in toto est orbe terrárum, cunctis opór-teat florére virtútibus; vos tamen præcípue inter cé-teros pópulos decet mé-ritis pietátis excéllere, quos in ipsa apostólicæ petræ arce fundátos, et Dóminus noster Jesus Christus cum ómnibus redémit, et beátus Apó-stolus Petrus præ ómni-bus erudívit.

Te Deum laudámus.





Commune unius **M**artyris

IN I VESPERIS

Ant. 1 Qui me confessus
fuerit * coram hominibus,
confitebor et ego eum co-
ram Patre meo.

*Psalmi ut in I Vesperis de
Communi Apostolorum. [3]*

2 Qui sequitur me, * non
ambulat in tenebris, sed
habebit lumen vitae, dicit
Dominus.

3 Qui mihi ministrat, *
me sequatur : et ubi ego
sum, illic sit et minister
meus.

4 Si quis mihi ministrá-
verit, * honorificabit eum
Pater meus, qui est in cæ-
lis, dicit Dominus.

5 Volo, Pater, * ut, ubi
ego sum, illic sit et miní-
ster meus.

In II Vesperis

Psalmus 115

Credidi, propter quod
locutus sum : * ego au-
tem humiliatus sum nimis.

Ego dixi in excéssu meo : *
Omnis homo mendax.

Quid retribuam Dómi-
no, * pro ómnibus, quæ
retribuit mihi?

Cálicem salutáris accí-
píam : * et nomen Dómini
invocábo.

Vota mea Dómino red-
dam coram omni pópulo
ejus : * pretiósá in conspé-
ctu Dómini mors sanctó-
rum ejus :

O Dómine, quia ego ser-
vus tuus : * ego servus
tuus, et fílius ancillæ tuæ.

Dirupísti víncula mea : *
tibi sacrificábo hóstiám
laudis, et nomen Dómini
invocábo.

Vota mea Dómino red-
dam in conspéctu omnis
pópuli ejus : * in átriis do-
mus Dómini, in médio tui,
Jerúsalem.

Ant. Volo, Pater, ut, ubi
ego sum, illic sit et miní-
ster meus.

Capitulum Jac. 1, 12

BEátus vir, qui suffert tentatióem : quóniam, cum probátus fuerit, accípiet coronam vitæ, quam repromísit Deus diligéntibus se.

Hymnus

DEus, tuórum militum
Sors et coroná, præm-
ium,
Laudes canéntes Mártyris
Absólve nexu críminis.

Hic nempe mundi gáudia
Et blanda fraudum pábula
Imbúta felle députans,
Pervénit ad cæléstia.

Pœnas cucúrrit fórtiter
Et sústulit viríliter,
Fundénsque pro te sán-
guinem,
ÆtéRNA dona póssidet.

Ob hoc precátu súpplici
Te póscimus, píssime :
In hoc triúmpho Mártyris
Dimítte noxam sérvulis.

* **L**aus et perénis glória
Patri sit, atque Fílio,
Sancto simul Paráclito,
In sempitérna sácula.

Amen.

℣. Glória et honóre coronásti eum, Dómine. **℟.** Et constituísti eum super ópera mánuum tuárum.

Ad Magnif. Ant. Iste Sanctus * pro lege Dei sui certávit usque ad mortem, et a verbis impiórum non tímuit; fundátus enim erat supra firmam petram.

In II Vesperis

℣. Justus ut palma florébit. **℟.** Sicut cedrus Libani multiplicábitur.

Ad Magnif. Ant. Qui vult veníre post me, * ábneget semetípsum, et tollat crucem suam, et sequátur me.

Pro Martyre et Pontifice

1 — Oratio

Infirmitátem nostram
réspecte, omnipotens
Deus : et, quia pondus
própriæ actiÓnis gravat,
beáti **N.** Mártyris tui at-
que Pontíficis intercessió
gloriÓsa nos próteget. Per
Dóminum.

2 — Alia Oratio

DEus, qui nos beáti **N.**
Mártyris tui atque
Pontíficis ánnua solemni-
táte lætíficas : concéde
propítius; ut, cujus nata-
lítia cólimus, de ejúsdem
étiam protectióne gaudeá-
mus. Per Dóminum.

Pro Martyre non Pontifice

3 — Oratio

PRæsta, quæsumus, om-
nípotens Deus : ut,
qui beáti **N.** Mártyris tui
natalítia cólimus, inter-
cessióne ejus in tui nómi-
nis amóre roborémur. Per
Dóminum.

4 — Alia Oratio

PRæsta, quæsumus, om-
nípotens Deus : ut,
intercedénte beáto **N.** Már-

tyre tuo, et a cunctis adversitatibus liberémur in corpore, et a pravis cogitationibus mundémur in mente. Per Dóminum.

Completorium de Domínica.

AD MATUTINUM


Invitat. Regem Mártyrum Dóminum, * Veníte, adorémus. **Ps. 94** Veníte, exsultémus.

Hymnus Deus, tuórum mílitum, **ut supra. [30]**

In I Nocturno

Ant. In lege Dómini * fuit volúntas ejus die ac nocte.

Psalmus 1

 Eátus vir, qui non ábiit in consílio impiórum, et in via peccatórum non stetit, * et in cáthedra pestiléntiæ non sedit :

Sed in lege Dómini volúntas ejus, * et in lege ejus meditábitur die ac nocte.

Et erit tamquam lignum, quod plantátum est secus decúrsus aquárum, * quod fructum suum dabit in témpore suo :

Et fólium ejus non défluet : * et ómnia quæcúmque fáciat, prosperabúntur.

Non sic ímpii, non sic : * sed tamquam pulvis, quem prójicit ventus a fácie terræ.

Ideo non resúrgent ímpii in judício : * neque peccatóres in concílio justórum.

Quóniam novit Dóminus viam justórum : * et iter impiórum períbit.

Ant. In lege Dómini fuit volúntas ejus die ac nocte.

Ant. Prædicans * præceptum Dómini constitútus est in monte sancto ejus.

Psalmus 2

QUare fremuérunt gentes, * et pópuli meditati sunt inánia?

Astitérunt reges terræ, et príncipes convenérunt in unum * advérsus Dóminum, et advérsus Christum ejus.

Dirumpámus víncula eórum : * et projiciámus a nobis jugum ipsórum.

Qui hábitat in cælis, irridébit eos : * et Dóminus subsannábit eos.

Tunc loquétur ad eos in ira sua, * et in furóre suo conturbábit eos.

Ego autem constitútus sum Rex ab eo super Sion montem sanctum ejus, * prædicans præceptum ejus.

Dóminus dixit ad me : * Fílius meus es tu, ego hodie génui te.

Póstula a me, et dabo tibi gentes hereditátem tuam, * et possесси́onem tuam términos terræ.

Reges eos in virga fere-
rea, * et tamquam vas fi-
guli confringes eos.

Et nunc, reges, intelligi-
te : * erudimini, qui iudi-
catis terram.

Servite Dómino in timó-
re : * et exsultáte ei cum
tremóre.

Apprehéndite discipli-
nam, nequándo irascátur
Dóminus, * et pereátis de
via justa.

Cum exárserit in brevi
ira ejus, * beáti omnes qui
confidunt in eo.

Ant. Prædicans præcé-
ptum Dómini constitútus
est in monte sancto ejus.

Ant. Voce mea * ad Dó-
minum clamávi : et exau-
divit me de monte sancto
suo.

Psalmus 3

Domine, quid multipli-
cáti sunt qui tríbulant
me? * multi insúrgunt
advérsus me.

Multi dicunt ánimæ
meæ : * Non est salus ipsi
in Deo ejus.

Tu autem, Dómine, sus-
céptor meus es, * glória
mea, et exáltans caput
meum.

Voce mea ad Dóminum
clamávi : * et exaudivit
me de monte sancto suo.

Ego dormívi, et soporá-
tus sum : * et exsurrexi,
quia Dóminus suscepit
me.

Non timébo millia pópuli
circumdántis me : * ex-
súrge, Dómine, salvum
me fac, Deus meus.

Quóniam tu percussísti
omnes adversántes mihi
sine causa : * dentes pec-
cátórum contrivísti.

Dómini est salus : * et
super pópulum tuum bene-
dictio tua.

Ant. Voce mea ad Dó-
minum clamávi : et exau-
divit me de monte sancto
suo.

V. Glória et honóre co-
ronásti eum, Dómine.

R. Et constituísti eum su-
per ópera mánuum tuá-
rum.

Absolutio Exáudi, Dómine.

Benedictio Benedictione.

Lectiones sequentes I No-
cturni dicuntur in Festo
Martyris Pontificis. In Festo
autem Martyris non Pontifi-
cis adhibentur Lectiones Fra-
tres : Debitóres, quæ posi-
tæ sunt in Comuni plurimo-
rum Martyrum [52] cum Re-
sponsoriis tamen pro uno
Martyre non Pontifice ibi
notatis.

De Actibus Apostolorum

Lectio i Cap. 20, 17-38



Miléto Paulus mit-
tens Ephesum, vo-
cávit majóres natu
Ecclésiæ. Qui cum venís-
sent ad eum, et simul es-
sent, dixit eis : Vos scitis
a prima die, qua ingressus

sum in Asiam, quáliter vobíscum per omne tempus fúerim, sérvíens Dómino cum omni humilitáte, et lácrimis, et tentatiónibus, quæ mihi acciderunt ex insídiis Judæorum : quómodo nihil subtráxerim útilium, quóminus annuntiárem vobis, et docérent vos públice, et per domos, testíficans Judæis, atque gentílibus in Deum pæniténtiam, et fidem in Dóminum nostrum Jesum Christum. Et nunc ecce alligátus ego spíritu, vado in Jerúsalem : quæ in ea ventúra sint mihi, ignórans : nisi quod Spíritus Sanctus per omnes civitátes mihi protestátur, dicens : Quóniam víncula et tribulatiónes Jerosólymis me manent. Sed nihil horum véreor : nec fácio ánimam meam pretiosiórem quam me, dúmmodo consúmmem cursum meum, et ministérium verbi, quod accépi a Dómino Jesu, testificári Evangélium grátiae Dei.

℟. Iste Sanctus pro lege Dei sui certávit usque ad mortem, et a verbis impiórum non tímuit : * Fundátus enim erat supra firmam petram. ℣. Iste est, qui contémpsit vitam mundi, et pervénit ad cæléstia regna. — Fundátus.

Bened. Unigénitus Dei.

Lectio ii

ET nunc ecce ego scio quia ámplius non vidébitis fáciem meam vos omnes, per quos transívi prædicans regnum Dei. Quaprópter contéstor vos hodiérna die, quia mundus sum a ságuine ómnium. Non enim subterfúgi quóminus annuntiárem omne consílium Dei vobis. Atténdite vobis, et univérso gregi, in quo vos Spíritus Sanctus pósuit episcopos régere Ecclesiám Dei, quam acquisívit ságuine suo. Ego scio quóniam intrábunt post discessiónem meam lupi rapáces in vos, non parcéntes gregi. Et ex vobis ipsis exsúrgent viri loquéntes perversa, ut abducant discipulos post se. Propter quod vigiláte memória retinéntes : quóniam per triénnum nocte et die non cessávi, cum lácrimis monens unumquémque vestrum.

℟. Justus germinábit sicut lílium : * Et florébit in ætérnum ante Dóminum.

℣. Plantátus in domo Dómini, in átriis domus Dei nostri. — Et.

Bened. Spíritus Sancti.

Lectio iii

ET nunc comméndo vos Deo, et verbo grátiae ipsíus, qui potens est ædificáre, et dare hereditátem in sanctificátis ómnibus.

Argentum et aurum, aut vestem nullius concupivi, sicut ipsi scitis : quoniam ad ea, quae mihi opus erant, et his, qui mecum sunt, ministraverunt manus istae. Omnia ostendi vobis, quoniam sic laborantes, oportet suscipere infirmos, ac meminisse verbi Domini Jesu, quoniam ipse dixit : Beatius est magis dare, quam accipere. Et cum haec dixisset, positis genibus suis, oravit cum omnibus illis. Magnus autem fletus factus est omnium : et procumbentes super collum Pauli, osculabantur eum, dolentes maxime in verbo, quod dixerat, quoniam amplius faciem ejus non essent visuri. Et deducebant eum ad navem.

R. Iste cognovit justitiam, et vidit mirabilia magna, et exoravit Altissimum : * Et inventus est in numero Sanctorum.

R. Iste est, qui contempsit vitam mundi, et pervenit ad caelestia regna. — Et. **Gloria Patri.** Et.

In II Nocturno

Ant. Filii hominum, * scitote quia Dominus sanctum suum mirificavit.

Psalmus 4

CUM invocarem exaudivit me Deus justitiae meae : * in tribulatione dilatasti mihi.

Miserere mei, * et exaudi orationem meam.

Filii hominum, usquequo gravi corde ? * ut quid diligitis vanitatem, et queritis mendacium ?

Et scitote quoniam mirificavit Dominus sanctum suum : * Dominus exaudiet me cum clamavero ad eum.

Irascimini, et nolite peccare : * quae dicitis in cordibus vestris, in cubilibus vestris compungimini.

Sacrificate sacrificium justitiae, et sperate in Domino. * Multi dicunt : Quis ostendit nobis bona ?

Signatum est super nos lumen vultus tui, Domine : * dedisti laetitiam in corde meo.

A fructu frumenti, vini, et olei sui * multiplicati sunt.

In pace in idipsum * dormiam, et requiescam ;

Quoniam tu, Domine, singulariter in spe * constituisti me.

Ant. Filii hominum, scitote quia Dominus sanctum suum mirificavit.

Ant. Scuto bonae voluntatis * tuae coronasti eum, Domine.

Psalmus 5

Verba mea auribus percipe, Domine, * intellege clamorem meum.

Inténde voci oratiónis meæ, * Rex meus et Deus meus.

Quóniam ad te orábo : * Dómine, mane exáudies vocem meam.

Mane astábo tibi et vidébo : * quóniam non Deus volens iniquitátem tu es.

Neque habitábit juxta te malignus : * neque permanébunt injústi ante óculos tuos.

Odísti omnes, qui operántur iniquitátem : * perdes omnes, qui loquúntur mendácium.

Virum sánguinem et dolósum abominábitur Dóminus : * ego autem in multitúdine misericórdiæ tuæ.

Introíbo in domum tuam : * adorábo ad templum sanctum tuum in timóre tuo.

Dómine, deduc me in justítia tua : * propter inimícos meos dirige in conspéctu tuo viam meam.

Quóniam non est in ore eórum véritas : * cor eórum vanum est.

Sepúlcrum patens est guttur eórum, linguis suis dolóse agébant, * júdica illos, Deus.

Décidant a cogitatióibus suis, secúndum multitúdinem impietátum eórum expélle eos, * quóniam irritavérunt te, Dómine.

Et læténtur omnes, qui sperant in te, * in ætérnum exsultábunt : et habitábis in eis.

Et gloriabúntur in te omnes, qui díligunt nomen tuum, * quóniam tu benedíces justo.

Dómine, ut scuto bonæ voluntátis tuæ * coronásti nos.

Ant. Scuto bonæ voluntátis tuæ coronásti eum, Dómine.

Ant. In univérsa terra * glória et honóre coronásti eum.

Psalmus 8

Domine, Dóminus noster, * quam admirábile est nomen tuum in univérsa terra!

Quóniam eleváta est magnificéntia tua, * super cælos.

Ex ore infántium et lacténtium perfecísti laudem propter inimícos tuos, * ut déstruas inimicum et ultórem.

Quóniam vidébo cælos tuos, ópera digitórum tuórum : * lunam et stellas, quæ tu fundásti.

Quid est homo, quod memor es ejus? * aut fílius hóminis, quóniam vísitas eum?

Minuísti eum paulo minus ab Angelis, glória et honóre coronásti eum : * et constituísti eum super ópera mánuum tuárum.

Omnia subiecisti sub pedibus ejus, * oves et boves universas : insuper et pecora campi.

Volucres cæli, et pisces maris, * qui perambulant semitas maris.

Dómine, Dóminus noster, * quam admirabile est nomen tuum in universa terra!

Ant. In universa terra glória et honóre coronasti eum.

V. Posuisti, Dómine, super caput ejus. **R.** Coronam de lapide pretioso.

Absolutio Ipsius pietas.

Benedictio Deus Pater.

Sermo sancti Augustini
Episcopi

Sermo 44 de Sanctis

Lectio iv



Riumphális beati Mátyris **N.** dies hódie nobis anniversária celebritáte recurrit; cujus glorificatióni sicut congáudet Ecclésia, sic ejus propónit sequénda vestigia. Si enim compátimur, et congrificábitur. In cujus glorióso agóne duo nobis præcípue consideránda sunt : induráta vidélicet tortóris sævítia, et Mátyris invicta patiéntia. Sævítia tortóris, ut eam detestémur; patiéntia Mátyris, ut eam imitémur. Audi Psalmí-

stam advérsus malítiam increpántem : Noli æmulári in malignántibus, quóniam tamquam fœnum velóci ter aréscent. Quod autem advérsus malignántes patiéntia exhibénda sit, audi Apóstolum suadéntem : Patiéntia vobis necessária est, ut reportétis promissiões.

R. Honéstum fecit illum Dóminus, et custodivit eum ab inimicis, et a seductóribus tutávit illum :

* Et dedit illi claritátem ætérnam. **V.** Descendítque cum illo in fóveam, et in vínculis non derelíquit eum. — Et.

Bened. Christus perpétuæ.

Lectio v

Coronáta itaque est beáti Mátyris patiéntia : mancipáta est ætérnis cruciátibus tortóris incorrécta malítia. Hoc atténdens in agóne suo gloriósus Christi Athléta, non exhórruit cárcerem. Ad imitatiónem cápitis sui tolerávit probra, sustínuit irrisiões, flagélla non tímuit, et quot ante mortem pro Christo pertulit supplicia, tot ei de se obtulit sacrificia. Quod enim propinánte Apóstolo bíberat, alte retinébat : Quia non sunt condígnæ passiões hujus témporis ad futúram glóriam, quæ re-

velábitur in nobis; et Quia momentáneum hoc et leve nostræ tribulatiónis, ætérnum glóriæ pondus operátur in cælis. Hujus promissiónis amóre a terrénis suspénsus, et prægustáta supérnæ suavitátis dulcédine ineffábiliter afféctus, dicébat cum Psalmísta : Quid mihi est in cælo, et a te quid vólui super terram? Defécit caro mea et cor meum : Deus cordis mei, et pars mea Deus in ætérnum.

✠. Desidérium ánimæ ejus tribuísti ei, Dómine, * Et voluntáte labiórum ejus non fraudásti eum.

✠. Quóniam prævenísti eum in benedictiónibus dulcédinis : posuísti in cápite ejus corónam de lápide pretiósó. — Et.

Bened. Ignem sui amóris.

Lectio vi

Contemplabátur enim quantum in ænígmate infirmitas humána óculum mentis in æternitáte figere potest, quanta sint supérnæ civitátis gáudia : et ea enarráre non sufficiens, admirándó clamábat : Quid mihi est in cælo? Quasi diceret : Excédit vires meas, excédit facultátem eloquéntiæ meæ, transcéndit capacitátem intelligéntiæ meæ illud decus, illa glória, illa celsitúdo, qua no-

bis, a conturbatióne hóminum remótis, in abscón-dito faciéi suæ Jesus Christus Dóminus noster reformábit corpus humilitátis nostræ, configurátum córpori claritátis suæ. Hujus perféctæ libertátis contemplatióne nullum vitábat perículum, nullum horrébat supplicium : et si millies posset mori, non putábat se hanc digne posse áliqua ratióne promeréri.

✠. Stola jucunditátis induit eum Dóminus : * Et corónam pulchritúdinis pósuit super caput ejus.

✠. Cibávit illum Dóminus pane vitæ et intelléctus : et aqua sapiéntiæ salutáris potávit illum. — Et. Glória Patri. Et.

In III Nocturno

Ant. Justus Dóminus, * et justítiam diléxit : æquitátem vidit vultus ejus.

Psalmus 10

IN Dómino confido : quómo dicitis ánimæ : * Transmígra in montem sicut passer?

Quóniam ecce peccatóres intendérunt arcum, paravérunt sagíttas suas in pháretra, * ut sagíttent in obscúro rectos corde.

Quóniam quæ perfecísti, destruxérunt : * justus autem quid fecit?

Dóminus in templo sancto suo, * Dóminus in cælo sedes ejus :

Oculi ejus in páuperem respíciunt : * pálpebræ ejus intérogant filios hóminum.

Dóminus intérogat justum et ímpium : * qui autem díligit iniquitátem, odit ánimam suam.

Pluet super peccatóres láqueos : * ignis, et sulphur, et spíritus procellárum pars cálicis eórum.

Quóniam justus Dóminus, et justítias diléxit : * æquitátem vidit vultus ejus.

Ant. Justus Dóminus, et justítiam diléxit : æquitátem vidit vultus ejus.

Ant. Habitábit * in tabernáculo tuo : requiescet in monte sancto tuo.

Psalmus 14

Domine, quis habitábit in tabernáculo tuo? * aut quis requiescet in monte sancto tuo?

Qui ingréditur sine mácula, * et operátur justítiam :

Qui lóquitur veritátem in corde suo, * qui non egit dolum in lingua sua :

Nec fecit próximo suo malum, * et oppróbrium non accépit advérsus próximos suos.

Ad níhilum dedúctus est in conspéctu ejus malí-

gnus : * timéntes autem Dóminum gloriícat :

Qui jurat próximo suo, et non decípit, * qui pecúniam suam non dedit ad usúram, et múnera super innocentem non accépit.

Qui facit hæc, * non móvêbitur in ætérnum.

Ant. Habitábit in tabernáculo tuo : requiescet in monte sancto tuo.

Ant. Posuísti, Dómine, * super caput ejus corónam de lápide pretiósó.

Psalmus 20

Domine, in virtúte tua lætábitur rex : * et super salutáre tuum exsultábit veheménter.

Desidérium cordis ejus tribuísti ei : * et voluntáte labiórum ejus non fraudásti eum.

Quóniam prævenísti eum in benedictiónibus dulcédinis : * posuísti in cápite ejus corónam de lápide pretiósó.

Vitam pétiit a te : * et tribuísti ei longitudínem diérum in sáculum, et in sáculum sáculi.

Magna est glória ejus in salutári tuo : * glóriam et magnum decórem impónes super eum.

Quóniam dabis eum in benedictiónem in sáculum sáculi : * lætificábis eum in gáudio cum vultu tuo.

Quóniam rex sperat in Dómino : * et in misericórdia Altissimi non commovébitur.

Inveniátur manus tua ómnibus inimícis tuis : * dextera tua invéniat omnes, qui te odérunt.

Pones eos ut clibanum ignis in témpore vultus tui : * Dóminus in ira sua conturbábit eos, et devorábit eos ignis.

Fructum eórum de terra perdes : * et semen eórum a filiis hóminum.

Quóniam declinavérunt in te mala : * cogitavérunt consília, quæ non potuerunt stabilíre.

Quóniam pones eos dorsum : * in reliquiis tuis præparábis vultum eórum.

Exaltáre, Dómine, in virtúte tua : * cantábitus et psallémus virtútes tuas.

Ant. Posuísti, Dómine, super caput ejus corónam de lápide pretiósó.

V. Magna est glória ejus in salutári tuo. **R.** Glóriam et magnum decórem impónes super eum.

Absolutio A v́nculis.

Bened. Evangélica léctio.

Léctio sancti Evangélii
secúndum Lucam

Lectio vii Cap. 14, 26-33

IN illo témpore : Dixit Jesus turbis : Si quis venit ad me, et non odit

patrem suum, et matrem, et uxórem, et filios, et fratres, et soróres, adhuc autem et ánimam suam, non potest meus esse discípulus. Et réliqua.

Homília sancti Gregórii
Papæ

Homília 37 in Evang.



SI considerémus, fratres caríssimi, quæ et quanta sunt, quæ nobis promittúntur in cælis, viléscunt ánimo ómnia quæ habéntur in terris. Terréna namque substántia, supérnæ felicitáti comparáta, pondus est, non subsidium. Temporális vita, æternæ vitæ comparáta, mors est pótius dicénda quam vita. Ipse enim quotidíanus deféctus corruptiónis quid est áliud quam quædam prolixitas mortis? Quæ autem lingua dícere, vel quis intellectus cápere súfficit, illa supérnæ civitátis quanta sint gáudia; Angelórum choris interésse, cum beatíssimis spirítibus glóriæ Conditóris assístere, præsentem Dei vultum cérnere, incircumscriptum lumen vidére, nullo mortis metu áffici, incorruptiónis perpétuæ múnere lætári?

R. Coróna áurea super caput ejus, * Exprésa signo sanctitátis, glória honóris, et opus fortitúdinis.

℟. Quóniam prævenísti eum in benedictiónibus dulcédinis, posuísti in cápite ejus corónam de lápide pretiósó. — Expréssa signo sanctitátis, glória honóris, et opus fortitúdinis.

Bened. Cujus festum cólimus.

Lectio viii

SED ad hæc audíta inardéscit ánimus, jamque illic cupit assístere, ubi se sperat sine fine gaudére. Sed ad magna præmia perveníri non potest, nisi per magnos labóres. Unde et Paulus egrégíus prædicátor dicit : Non coronábitur, nisi qui legítimè certáverit. Deléctet ergo mentem magnitúdo præmiórum, sed non detérreat certámen labórum. Unde ad se veniéntibus Véritas dicit : Si quis venit ad me, et non odit patrem suum, et matrem, et uxórem, et filios, et fratres, et soróres, adhuc autem et ánimam suam, non potest meus esse discipulus.

℟. Hic est vere Martyr, qui pro Christi nómine sánguinem suum fudit : * Qui minas júdicum non tímuit, nec terrénæ dignitátis glóriam quæsívit, sed ad cæléstia regna pervénit. ℟. Justum dedúxit Dóminus per vias rectas,

et osténdit illi regnum Dei. — Qui. Glória Patri. Qui.

Sequens Responsorium dicitur, loco præcedentis, in Officio unius Martyris, qui non effuso sanguine occubuerit.

℟. Dómine, prævenísti eum in benedictiónibus dulcédinis : * Posuísti in cápite ejus corónam de lápide pretiósó. ℟. Vitam pétiit a te, et tribuísti ei longitudínem diérum in sæculum sæculi. — Posuísti. Glória Patri. Posuísti.

Benedictio Ad societátem.

Lectio ix

SED percontári libet, quómodo paréntes et carnáliter propínquos præcípimur odísse, qui jubémur et inimícos dilígere? Et certe Véritas de uxóre dicit : Quod Deus conjúnxit, homo non séparet. Et Paulus ait : Viri, dilígite uxóres vestras, sicut et Christus Ecclésiám. Ecce discipulus uxórem diligéndam prædicat, cum magíster dicat : Qui uxórem non odit, non potest meus esse discipulus. Numquid áliud judex núntiat, áliud præco clamat? An simul et odísse póssumus, et dilígere? Sed si vim præcepti perpéndimus, utrúmque ágere per discretiónem valémus : ut uxórem et eos, qui nobis carnis co-

gnatione conjuncti sunt, et quos próximos novimus, diligamus; et quos adversarios in via Dei patimur, odiendo et fugiendo nesciamus.

Te Deum laudamus.

AD LAUDES

et per Horas, Añã

1 Qui me confessus fuerit * coram hominibus, confitebor et ego eum coram Patre meo.

Psalmi de Dominica.

2 Qui sequitur me, * non ambulat in tenebris, sed habebit lumen vite, dicit Dominus.

3 Qui mihi ministrat, * me sequatur : et ubi ego sum, illic sit et minister meus.

4 Si quis mihi ministraverit, * honorificabit eum Pater meus, qui est in cælis, dicit Dominus.

5 Volo, Pater, * ut, ubi ego sum, illic sit et minister meus.

Capitulum Jac. 1, 12

BEatus vir, qui suffert tentationem : quoniam, cum probatus fuerit, accipiet coronam vite, quam repromisit Deus diligentibus se.

Hymnus

INvictæ Martyr, unicum Patris secutus Filium, Victis triumphas hostibus, Victor fruens cælestibus.

Tui precatus munere Nostrum reatum dilue, Arcens mali contagium, Vitæ repellens tedium.

Soluta sunt jam vincula Tui sacrati corporis : Nos solve vinculis sæculi, Dono superni Numinis.

* Deo Patri sit gloria, Ejusque soli Filio, Cum Spiritu Paráclito, Nunc et per omne sæculum. Amen.

✠. Justus ut palma florebit. ✠. Sicut cedrus Libani multiplicabitur.

Ad Bened. Ant. Qui odit * animam suam in hoc mundo, in vitam æternam custodit eam.

Pro Martyre et Pontifice

1 — Oratio

INfirmi-tatem nostram respice, omnipotens Deus : et, quia pondus propriæ actionis gravat, beati N. Martyris tui atque Pontificis intercessio gloriosa nos protegat. Per Dominum.

2 — Alia Oratio

DEus, qui nos beati N. Martyris tui atque Pontificis annua solemnitate lætificas : concede propitius; ut, cujus natalitia colimus, de ejusdem etiam protectione gaudeamus. Per Dominum.

Pro Martyre non Pontifice

3 — Oratio

PRæsta, quæsumus, omnipotens Deus : ut, qui beāti **N.** Mártyris tui natalitia cólimus, intercessióne ejus in tui nóminis amóre roborémur. Per Dóminum.

4 — Alia Oratio

PRæsta, quæsumus, omnipotens Deus : ut, intercedente beáto **N.** Mártyre tuo, et a cunctis adversitatibus liberémur in corpore, et a pravis cogitationibus mundémur in mente. Per Dóminum.

Ad Horas Psalmi de Dominica, ad Primam tamen ut in Festis.

AD TERTIAM

Capitulum Jac. 1, 12

BEátus vir, qui suffert tentationem : quoniam, cum probátus fuerit, accipiet coronam vitæ, quam repromísit Deus diligéntibus se.

R. **br.** Glória et honóre
* Coronásti eum, Dómine. Glória et. **V.** Et constituísti eum super ópera mánuum tuárum. Coronásti. Glória Patri. Glória et. **V.** Posuísti, Dómine, super caput ejus. **R.** Coronam de lápide pretiósio.

AD SEXTAM

Capitulum Eccli. 15, 3

Cibávit illum pane vitæ et intelléctus, et aqua sapiéntiæ salutáris potávit illum Dóminus, Deus noster.

R. **br.** Posuísti, Dómine, * Super caput ejus. Posuísti. **V.** Coronam de lápide pretiósio. Super. Glória Patri. Posuísti.

V. Magna est glória ejus in salutári tuo. **R.** Glóriam et magnum decórem impónes super eum.

AD NONAM

Capitulum Eccli. 39, 6

Justus cor suum trádidit ad vigilándum dilúculo ad Dóminum, qui fecit illum, et in conspéctu Altíssimi deprecábitur.

R. **br.** Magna est glória ejus * In salutári tuo. Magna est. **V.** Glóriam et magnum decórem impónes super eum. In. Glória Patri. Magna est. **V.** Justus ut palma florébit. **R.** Sicut cedrus Líbani multiplicábitur.

IN II VESPERIS

Omnia ut in I Vesperis [29], sed loco ultimi dicitur Psalmus 115 Crédidi ut ibidem pro II Vesperis notatur.

V. Justus ut palma florébit. **R.** Sicut cedrus Líbani multiplicábitur.

Ad Magnif. Ant. Qui vult venire post me, * abneget semetipsum, et tollat crucem suam, et sequatur me.

Completorium de Dominica.

II ALIÆ LECTIONES

pro uno Martyre

In I Nocturno

De Expositione sancti Ambrósii Episcopi in Psalmum centésimum decimum octavum **Sermo 21**

Lectio iv

Rincipes persecuti sunt me gratis : et a verbis tuis trepidavit cor meum. Bene hoc Martyr dicit, quod injuste persecutionum tormenta sustineat; qui nihil rapuerit, nullum violentus oppresserit, nullius sanguinem fuderit, nullius torum putaverit esse violandum; qui nihil legibus debeat, et graviora latronum sustinere cogatur supplicia; qui loquatur juste, et non audiatur; qui loquatur plena salutis, et impugnetur, ut possit dicere : Cum loquebar illis, impugnabant me gratis. Gratis igitur persecutionem patitur, qui impugnatur sine crimine; impugnatur ut noxius, cum sit in tali confessione laudabilis; impugnatur quasi veneficus,

qui in nomine Domini gloriatur, cum pietas virtutum omnium fundamentum sit.

R. Honestum fecit illum Dominus, et custodivit eum ab inimicis, et a seductoribus tutavit illum :

* Et dedit illi claritatem æternam. **R.** Descenditque cum illo in foveam, et in vinculis non dereliquit eum. — Et.

Lectio v

Vere frustra impugnatur, qui apud impios et infidos impietatis arcensitur, cum fidei sit magister. Verum, qui gratis impugnatur, fortis debet esse et constans. Quomodo ergo subtexit : Et a verbis tuis trepidavit cor meum? Trepidare infirmitatis est, timoris atque formidinis. Sed est etiam infirmitas ad salutem, est etiam timor sanctorum. Timeat Dominum, omnes sancti ejus : et, Beatus vir, qui timet Dominum. Quare ratione beatus? Quia in mandatis ejus cupit nimis.

R. Desiderium animæ ejus tribuisti ei, Domine,

* Et voluntate labiorum ejus non fraudasti eum.

R. Quoniam prævenisti eum in benedictionibus dulcedinis : posuisti in capite ejus coronam de lapide pretioso. — Et.

Lectio vi

POne ergo Mátyrem inter perícula constitútum, cum inde immánitas bestiárum ad incutiéndum terrórem infremat, aliúnde stridor candéntium laminárum et flamma fornácis ardéntis exæstuet, ex parte ália pérsonent tractus grá-vium catenárum, hinc cár-nifex cruéntus assistat : Pone, inquam, circumspectántem ómnia plena supplicíis, deínde cogitántem mandáta divína, illum ignem perpétuum, illud sine fine incéndium perfidórum, illam pœnæ recrudescéntis ærúmnam; trepidáre corde, ne, dum præséntibus cedat, perpétuis se dedat exítiis; perturbári ánimó, dum futúri iudícii rhomphæam illam terribilem quadam conspéctus spécie contuétur. Nonne ad hanc trepidatió-nem fidúciæ viri constántis, æquális in eúmdem concúrrit efféctum confidéntia cupiéntis æténa, et divína trepidántis?

✠. Stola jucunditátis induit eum Dóminus : * Et corónam pulchritúdinis pósuit super caput ejus.

✠. Cibávit illum Dóminus pane vitæ et intelléctus : et aqua sapiéntiæ salutáris potávit illum. — Et. Glória Patri. Et.

In III Nocturno

Léctio sancti Evangélii
secúndum Matthæum

Lectio vii Cap. 16, 24-27

IN illo témpore : Dixit Jesus discipulis suis : Si quis vult post me veníre, ábneget semetípsum, et tollat crucem suam, et sequátur me. Et réliqua.

Homília sancti Gregórii
Papæ

Homilia 32 in Evang.



Euia Dóminus ac Redemptor noster novus homo venit in mundum, nova præcépta dedit mundo. Vitæ etenim nostræ véteri in vítiis enutritæ contrarietatem oppósuit novitátis suæ. Quid enim vetus, quid carnális homo nóverat, nisi sua retinére, aliéna rápere, si posset; concupiscere, si non posset? Sed cæléstis médicus singulis quibúsque vítiis obviántia ádhabet medicaménta. Nam sicut arte medicínæ cálida frigidis, frígida cálidis curántur : ita Dóminus noster contrária oppósuit medicaménta peccátis, ut lúbricis continéntiam, tenácibus largitatem, iracúndis mansuetúdinem, elátis præcíperet humilitátem.

✠. Coróna áurea super caput ejus, * Exprésa signo sanctitátis, glória ho-

nóris, et opus fortitudinis.

℣. Quóniam prævenísti eum in benedictiónibus dulcédinis, posuísti in cápite ejus corónam de lápide pretiósó. — Exprésa.

Lectio viii

Certe, cum se sequéntibus nova mandáta propóneret, dixit : Nisi quis renuntiáverit ómnibus quæ póssidet, non potest meus esse discipulus. Ac si apérte dicat : Qui per vitam véterem aliéna concupiscitis, per novæ conversatiónis stúdiu et vestra largímini. Quid vero in hac lectione dicat, audiámus : Qui vult post me veníre, abneget semetípsum. Ibi dicitur, ut abnegémus nostra : hic dicitur, ut abnegémus nos. Et fortásse laboriósu non est hómini relínquere sua; sed valde laboriósu est relínquere semetípsum. Minus quippe est abnegáre quod habet; valde autem multu est abnegáre quod est.

℟. Hic est vere Martyr, qui pro Christi nómine sánguinem suu fudit :

* Qui minas júdicu non tímuit, nec terrénæ dignitátis glóriam quæsívit, sed ad cæléstia regna pervénit. ℣. Justu dedúxit Dóminus per vias rectas, et osténdit illi regnu Dei. — Qui. Glória Patri. Qui.

Vel ℟. Dómine, prævenísti eum in benedictiónibus dulcédinis : * Posuísti in cápite ejus corónam de lápide pretiósó. ℣. Vitam pétíit a te, et tribuísti ei longitudínem diérum in sæculu sæculi. — Posuísti. Glória Patri. Posuísti.

Lectio ix

Ad se autem nobis veniéntibus Dóminus præcépit, ut renuntiémus nostris : quia, quicúmque ad fidei agónem venímus, luctámen contra malignos spíritus súmimus. Nihil autem maligni spíritus in hoc mundo próprium póssident : nudi ergo cum nudis luctári debémus. Nam si vestítus quisque cum nudo luctátur, cítius ad terram dejícitur, quia habet unde teneátur. Quid enim sunt terréna ómnia nisi quædam córporis induménta? Qui ergo contra diábolu ad certámen própérat, vestiménta abjiciat, ne succúmbat.

Te Deu laudámus.

III ALIA HOMILIA

Léctio sancti Evangélii
secúndu Matthæu

Lectio vii Cap. 10, 34-42

In illo témpore : Dixit Jesus discíplis suis : Nolíte arbitrári, quia pacem vénerim mittere in

terram : non veni pacem mittere, sed gládium. Et réliqua.

Homilia sancti Hilárii
Epíscopi

Comment. in Matth., can. 10



EUÆ ista divísio est? inter prima enim legis præcépta accépimus : Honóra patrem tuum et matrem tuam; et ipse Dóminus ait : Pacem meam do vobis, pacem meam relínquo vobis. Quid sibi vult missus pótius gládus in terram, et separátus a patre filius, et filia a matre, et nurus advérsum socrum, et hóminis doméstici ejus inimíci? Igitur exínde pública auctóritas impietáti proferétur. Ubíque ódia, ubíque bella, et gládus Dómini inter patrem et filium, et inter filiam matrémque desæviens.

✠. Coróna áurea super caput ejus, * Expréssa signo sanctitátis, glória honóris, et opus fortitúdinis.

✠. Quóniam prævenísti eum in benedictiónibus dulcédinis, posuísti in cápite ejus corónam de lápide pretiósó. — Expréssa.

Lectio viii

GLádus telórum ómnium telum acutíssimum est, in quo sit jus potestátis, et judícii severitas, et animadvérso pec-

catórum. Et hujus quidem teli nómine novi Evangélii prædicatióem appellátam frequens in Prophétis auctóritas est. Dei igitur verbum nuncupátum meminérimus in gládio; qui gládus missus in terram est, idest, prædicatio ejus hóminum córdibus infúsa. Fitque gravis in domo una dissénsio, et doméstica novo hómini erunt inimíca; quia ille per verbum Dei divísus ab illis, manére et intérior et extérior, id est, et corpus et ánima, in spíritus novitáte gaudébit.

✠. Hic est vere Martyr, qui pro Christi nómine sánguinem suum fudit :

* Qui minas júdicum non tímuit, nec terrénæ dignitátis glóriam quæsívit, sed ad cæléstia regna pervénit. ✠. Justum dedúxit Dóminus per vias rectas, et osténdit illi regnum Dei. — Qui. Glória. Qui.

Vel ✠. Dómine, prævenísti eum in benedictiónibus dulcédinis : * Posuísti in cápite ejus corónam de lápide pretiósó. ✠. Vitam pétíit a te, et tribuísti ei longitudínem diérum in sáculum sáculi. — Posuísti. Glória Patri. Posuísti.

Lectio ix

PErgit deínde eódem præceptórum et inteligéntiæ decúrsu. Nam,

posteaquam relinquenda omnia, quæ in sæculo carissima sunt, imperaverat, adjecit : Qui non accipit crucem suam, et sequitur me, non est me dignus; quia Qui Christi sunt, crucifixerunt corpus cum vitiis et concupiscentia. Et indignus est Christo, qui non crucem suam, in qua compati-mur, commorimur, consepelimur, conresurgimus, accipiens, Dominum sit secutus, in hoc sacramento fidei spiritus novitate victurus.

Te Deum laudamus.

IV ALIA HOMILIA

Lectio sancti Evangelii
secundum Matthæum

Lectio vii Cap. 10, 26-32

IN illo tempore : Dixit Jesus discipulis suis : Nihil est opertum, quod non revelabitur; et occultum, quod non sciatur. Et reliqua.

Homilia sancti Hilarii
Episcopi

Comment. in Matth., can. 10,
post medium



Ominus diem iudicii ostendit, quæ abs-trusam voluntatis nostræ conscientiam prodet; et ea quæ nunc occulta existimantur, luce cognitionis publicæ de-teget.

Igitur non minas, non consilia, non potestates insectantium monet esse metuendas; quia dies iudicii nulla hæc fuisse, atque inania revelabit. Et quod dico vobis in tenebris, dicite in lumine; et quod in aure auditis, predicæte super tecta. Non legimus Dominum solitum fuisse noctibus sermocinari, et doctrinam in tenebris tradidisse : sed quia omnis sermo ejus carnalibus tenebræ sunt, et verbum ejus infidelibus nox est.

✠. Coróna áurea super caput ejus, * Expres-sa signo sanctitatis, glória honoris, et opus fortitudinis.

✠. Quóniam prævenisti eum in benedictionibus dulcedinis, posuisti in capite ejus corónam de lá-pide pretioso. — Expres-sa.

Lectio viii

ITaque id quod a se dictum est, cum libertate fidei et confessionis vult esse loquendum. Idcirco, quæ in tenebris dicta sunt, predicari jussit in lumine; ut, quæ secreto aurium commissa sunt, super tecta, id est, excelsio loquentium præconio audiantur. Constantè enim Dei ingerenda cognitio est, et profundum doctrinæ evangelicæ secretum in lumine prædicationis apostolicæ

revelándum, non timéntes eos, quibus, cum sit licéntia in córpora, tamen in ánimam jus nullum est; sed timéntes pótius Deum, cui perdéndæ in gehénna et ánimæ et córporis sit potéstas.

℟. Hic est vere Martyr, qui pro Christi nómine sánguinem suum fudit :

* Qui minas júdicum non tímuit, nec terrénæ dignitátis glóriam quæsívit, sed ad cæléstia regna pervénit. ℣. Justum dedúxit Dóminus per vias rectas, et osténdit illi regnum Dei. — Qui minas. Glória Patri. Qui minas.

Vel ℟. Dómine, prævenísti eum in benedictiónibus dulcédinis : * Posuísti in cápite ejus corónam de lápide pretióso. ℣. Vitam pétiit a te, et tribuísti ei longitúdinem diérum in sæculum sæculi. — Posuísti. Glória Patri. Posuísti.

Lectio ix

Nolíte timére eos, qui occídunt corpus. Nul-
lus igitur córporum no-
strórum casus est perti-
mescéndus, neque ullus
interiméndæ carnis admit-
téndus est dolor; quando
pro natúræ suæ atque ori-
ginis conditióne resolúta,
in substántiam spirituális
ánimæ refundátur. Et quia
doctrínis tálibus confirmá-
tos opórtet liberam confi-
téndi Dei habére constán-
tiam, étiam conditiónem,
qua tenerémur, adjécit,
negatúrum se eum Patri
in cælis, qui se homínibus
in terra negásset; eum
porro, qui conféssus co-
ram homínibus se fuisset,
a se in cælis confiténdum;
qualésque nos nóminis sui
testes homínibus fuissé-
mus, tali nos apud Deum
Patrem testimónio ejus
usúros.

Te Deum laudámus.





Commune plurimorum Marturum

IN I VESPERIS

Ant. 1 Omnes Sancti, *
quanta passi sunt tormén-
ta, ut secúri pervenirent
ad palmam martýrii!

**Psalmi ut in I Vesperis de
Communi Apostolorum. [3]**

2 Cum palma * ad regna
pervenérunt Sancti, corónas
decóris meruérunt de
manu Dei.

3 Córpora Sanctórum *
in pace sepúlta sunt : et
vivent nómina eórum in
ætérum.

4 Mártyres Dómini, *
Dóminum benedícite in
ætérum.

5 Mártyrum chorus, *
laudáte Dóminum de cæ-
lis, allelúja.

Capitulum Sap. 3, 1-3

Iustórum animæ in ma-
nu Dei sunt, et non
tanget illos torméntum

mortis. Visi sunt óculis
insipiéntium mori; illi au-
tem sunt in pace.

Hymnus

Sanctórum méritis ín-
clyta gáudia
Pangámus, sócii, gésta-
que fórtia :
Gliscens fert ánimus pró-
mere cántibus
Victórum genus óptimum.

Hi sunt, quos fátue mun-
dus abhórruit;
Hunc fructu vácuum, fló-
ribus áridum
Contempsére tui nóminis
ásseclæ,
Jesu, Rex bone cælitum.

Hi pro te fúrias atque mi-
nas truces
Calcárunť hómínem, sá-
vaque vérbera :
His cessit lácerans fórtiter
úngula,
Nec carpsit penetrália.

Cæduntur gládiis more bi-
déntium :

Non murmur résonat, non
querimónia;

Sed corde impávido mens
bene cónschia

Consérvat patiéntiam.

Quæ vox, quæ póterit lin-
gua retéxere,

Quæ tu Martíribus mú-
nera præparas?

Rubri nam flúido sángu-
ine, fúlgidis

Cingunt témpora láureis.

Te, summa o Déitas, úna-
que póscimus :

Ut culpas ábigas, nóxia
súbtrahas,

Des pacem fámulis; ut tibi
glóriam,

Annórum in sériem, ca-
nant. Amen.

℟. Lætámini in Dómino
et exsultáte, iusti. ℞. Et
gloriámini, omnes recti
corde.

Ad Magnif. Ant. Istórum
est enim * regnum cæló-
rum, qui contempsérunt
vitam mundi, et pervené-
runt ad præmia regni, et
lavérunt stolas suas in
sánguine Agni.

Pro pluribus Martyribus
Pontificibus

1 — Oratio

Beatórum Mártyrum pa-
ritérque Pontíficum
N. et N. nos, quæsumus,
Dómine, festa tueántur :
et eórum comméndet orá-

tio veneránda. Per Dómi-
num.

Si non fuerint Pontifices

2 — Oratio

D Eus, qui nos concédis
sanctórum Mártyrum
tuórum N. et N. natalítia
cólere : da nobis in æténa
beatitúdine de eórum so-
cietáte gaudére. Per Dó-
minum.

3 — Alia Oratio

D Eus, qui nos ánnua
sanctórum Mártyrum
tuórum N. et N. solemni-
táte lætíficas : concéde
propítius; ut, quorum
gaudémus méritis, accen-
dámur exémpis. Per Dó-
minum.

Completorium de Domi-
nica.

AD MATUTINUM

Invit. Regem Mártyrum
Dóminum, * Veníte, ad-
orémus. Ps. 94 Veníte,
exsultémus.

Hymnus

C Hristo profúsum sán-
guinem

Et Mártyrum victórias
Dignámque cælo láuream
Lætis sequámur vócbis.

Terróre victo sæculi
Pœnísque spretis córporis,
Mortis sacrae compéndio
Vitam beátam póssident.

Tradúntur igni Mártyres
Et bestiárum déntibus;

Armáta sævit úngulis
Tortóris insáni manus.

Nudáta pendent víscera,
Sanguis sacrátus fúnditur;

Sed pérmanent immóbiles
Vitæ perénis grátia.

¶ **Sequens Conclusio numquam mutatur.**

Te nunc, Redémptor,
quæsumus,
Ut Mártyrum consórtio
Jungas precántes sérvulos
In sempitérna sácula.

Amen.

In I Noeturno

Ant. Secus decúrsus
aquárum * plantávit víneam
justórum, et in lege
Dómini fuit volúntas eórum.

Psalmus 1



Eátus vir, qui non
ábiit in consílio impiórum, et in via
peccatórum non stetit, *
et in cáthedra pestiléntiæ
non sedit :

Sed in lege Dómini volúntas ejus, * et in lege
ejus meditábitur die ac
nocte.

Et erit tamquam lignum,
quod plantátum est secus
decúrsus aquárum, * quod
fructum suum dabit in
tépore suo :

Et fólium ejus non défluet : * et ómnia quæcúmque
fáciat, prosperabúntur.

Non sic ímpii, non sic : *
sed tamquam pulvis, quem
próicit ventus a fácie terræ.

Ideo non resúrgent ímpii
in iudício : * neque peccatóres
in concílio justórum.

Quóniam novit Dóminus
viam justórum : * et iter
impiórum períbit.

Ant. Secus decúrsus
aquárum plantávit víneam
justórum, et in lege Dómini
fuit volúntas eórum.

Ant. Tamquam aurum *
in fornáce probávit eléctos
Dóminus : et quasi holocáusta
accépit eos in ætérnum.

Psalmus 2

Quare fremuérunt gentes,
* et pópuli meditáti sunt inánia?

Astitérunt reges terræ,
et príncipes convenérunt
in unum * advérsus Dóminum,
et advérsus Christum ejus.

Dirumpámus víncula eórum : *
et projiciámus a nobis jugum ipsórum.

Qui hábitat in cælis, irridébit
eos : * et Dóminus subsannábit
eos.

Tunc loquébar ad eos in ira
sua, * et in furóre suo conturbábit
eos.

Ego autem constitútus sum
Rex ab eo super Sion montem
sanctum ejus, * prædicans
præcéptum ejus.

Dóminus dixit ad me : *
Fílius meus es tu, ego hó-
die génui te.

Póstula a me, et dabo
tibi gentes hereditátem
tuam, * et possessiónem
tuam términos terræ.

Reges eos in virga fér-
rea, * et tamquam vas fi-
guli confrínges eos.

Et nunc, reges, intelli-
gite : * erudímini, qui ju-
dicátis terram.

Servíte Dómino in timó-
re : * et exsultáte ei cum
tremóre.

Apprehéndite disciplí-
nam, nequándo irascátur
Dóminus, * et pereátis de
via justa.

Cum exárserit in brevi
ira ejus, * beáti omnes qui
confidunt in eo.

Ant. Tamquam aurum in
fornáce probávit eléctos
Dóminus : et quasi holo-
causta accépit eos in ætér-
num.

Ant. Si coram homíni-
bus * torménta passi sunt,
spes electórum est immor-
tális in ætérnum.

Psalmus 3

Domine, quid multipli-
cáti sunt qui tríbul-
lant me? * multi insúr-
gunt advérsus me.

Multi dicunt ánimæ
meæ : * Non est salus ipsi
in Deo ejus.

Tu autem, Dómine, sus-
céptor meus es, * glória

mea, et exáltans caput
meum.

Voce mea ad Dóminum
clamávi : * et exaudivit
me de monte sancto suo.

Ego dormívi, et soporá-
tus sum : * et exsurréxi,
quia Dóminus suscepit me.

Non timébo míllia pópuli
circumdántis me : * ex-
súrge, Dómine, salvum
me fac, Deus meus.

Quóniam tu percussísti
omnes adversántes mihi
sine causa : * dentes pec-
catórum contrivísti.

Dómini est salus : * et
super pópulum tuum be-
nedíctio tua.

Ant. Si coram homínibus
torménta passi sunt, spes
electórum est immortalis
in ætérnum.

V. Lætámini in Dómino et
exsultáte, justí. **R.** Et glo-
riámini, omnes recti corde.

Absolutio Exáudi Dómine.

Benedictio Benedictione.

De Epístola beáti Pauli
Apóstoli ad Romános

Lectio i Cap. 8, 12-19



Ratres : Debitóres
sumus non carni, ut
secúndum carnem
vivámus. Si enim secún-
dum carnem vixéritis, mo-
riémíni : si autem spíritu
facta carnis mortificavéri-
tis, vivétis. Quicúmque
enim spíritu Dei agúntur,
ii sunt filii Dei. Non enim
accepístis spíritum servi-

tútis iterum in timóre, sed accepístis spíritum adoptiónis filiórum, in quo clamámus : Abba (Pater). Ipse enim Spíritus testimoniúm reddit spíritui nostro, quod sumus filii Dei. Si autem filii, et herédes : herédes quidem Dei, coherédes autem Christi; si tamen compátimur, ut et conglorificémur. Existimo enim quod non sunt condígnæ passiones hujus témporis ad futúram glóriam, quæ revelábitur in nobis. Nam exspectatio creatúre revelatióem filiórum Dei expéctat.

Pro pluribus Martyribus

℟. Abstérget Deus omnem lácrimam ab óculis Sanctórum : et jam non erit ámplius neque luctus, neque clamor, sed nec ullus dolor : * Quóniam prióra transiérunt. ℣. Non esúrient, neque sítient ámplius, neque cadet super illos sol, neque ullus æstus. — Quóniam prióra.

Pro uno Mart. non Pont.

℟. Iste Sanctus pro lege Dei sui certávit usque ad mortem, et a verbis impiórum non tímuit : * Fundátus enim erat supra firmam petram. ℣. Iste est, qui contémpsit vitam mundi, et pervénit ad cæléstia regna. — Fundátus.

Benedictio Unigénitus Dei.

Lectio ii Cap. 8, 28-39

SCimus autem quóniam diligentibus Deum ómnia cooperántur in bonum, iis, qui secúndum propósitum vocáti sunt sancti. Nam quos præscívit, et prædestinávit confórmes fieri imáginis Filii sui, ut sit ipse primogénitus in multis frátribus. Quos autem prædestinávit, hos et vocávit : et quos vocávit, hos et justificávit : quos autem justificávit, illos et glorificávit. Quid ergo dicémus ad hæc? Si Deus pro nobis, quis contra nos? Qui étiam próprio Filio suo non pepércit, sed pro nobis ómnibus trádedit illum : quómodo non étiam cum illo ómnia nobis donávit? Quis accusábit advérsus eléctos Dei? Deus qui justificat, quis est qui condémnet? Christus Jesus, qui mórtuus est, immo qui et resurréxit, qui est ad dexteram Dei, qui étiam interpéllat pro nobis.

Pro pluribus Martyribus

℟. Viri sancti gloriósum sánguinem fuderunt pro Dómino, amavérunt Christum in vita sua, imitáti sunt eum in morte sua : * Et ideo corónas triumpháles meruérunt. ℣. Unus spíritus, et una fides erat in eis. — Et.

Pro uno Mart. non Pont.

℟. Justus germinábit sicut lílium : * Et florébit in ætérnum ante Dóminum.

℣. Plantátus in domo Dómini, in átriis domus Dei nostri. — Et.

Benedictio Spíritus Sancti.

Lectio iii

Quis ergo nos separábit a caritaté Christi? tribulátio, an angústia, an fames, an núditas, an periculum, an persecútio, an gládius? (sicut scriptum est : Quia propter te mortificámur tota die : æstimáti sumus sicut oves occisiónis.) Sed in his ómnibus superámus propter eum, qui diléxit nos. Certus sum enim quia neque mors, neque vita, neque Angeli, neque Principátus, neque Virtútes, neque instántia, neque futúra, neque fortitúdo, neque altitúdo, neque profúndum, neque creatúra ália póterit nos separáre a caritaté Dei, quæ est in Christo Jesu, Dómino nostro.

Pro pluribus Martyribus

℟. Tradidérunt córpora sua propter Deum ad supplícia : * Et meruérunt habére corónas perpétuas.

℣. Isti sunt, qui venérunt ex magna tribulatióne, et lavérunt stolas suas in

sánguine Agni. — Et. Glória Patri. Et.

Pro uno Mart. non Pont.

℟. Iste cognóvit justitiam, et vidit mirabília magna, et exorávit Altíssimum : * Et invéntus est in número Sanctórum.

℣. Iste est, qui contempsit vitam mundi, et pervénit ad cæléstia regna. — Et. Glória Patri. Et.

In II Nocturno

Ant. Dabo Sanctis meis * locum nominátum in regno Patris mei, dicit Dóminus.

Psalmus 14

Domine, quis habitábit in tabernáculo tuo? * aut quis requiescet in monte sancto tuo?

Qui ingreditur sine mácula, * et operátur justitiam :

Qui lóquitur veritátem in corde suo, * qui non egit dolum in lingua sua :

Nec fecit próximo suo malum, * et oppróbrium non accépit advérsus próximos suos.

Ad níhilum dedúctus est in conspéctu ejus malignus : * timéntes autem Dóminum glorificat :

Qui júrat próximo suo, et non decipit, * qui pecúniám suam non dedit ad

usúram, et múnera super innocentem non accépit.

Qui facit hæc, * non movébitur in ætérnum.

Ant. Dabo Sanctis meis locum nominátum in regno Patris mei, dicit Dóminus.

Ant. Sanctis, qui in terra sunt ejus, * mirificávit omnes voluntátes meas inter illos.

Psalmus 15

Consérva me, Dómine, quóniam sperávi in te. * Dixi Dómino : Deus meus es tu, quóniam bonórum meórum non eges.

Sanctis, qui sunt in terra ejus, * mirificávit omnes voluntátes meas in eis.

Multiplicátæ sunt infirmitátes eórum : * póstea acceleravérunt.

Non congregábo convénticula eórum de sanguínibus, * nec memor ero nóminum eórum per lábia mea.

Dóminus pars hereditátis meæ, et cálicis mei : * tu es, qui restítues hereditátem meam mihi.

Funes cecidérunt mihi in præcláris : * étenim hereditas mea præclára est mihi.

Benedícam Dóminum, qui tríbuit mihi intelléctum : * insuper et usque ad noctem increpuérunt me renes mei.

Providébam Dóminum in conspéctu meo semper : * quóniam a dextris est mihi, ne commóvear.

Propter hoc lætátum est cor meum, et exsultávit lingua mea : * insuper et caro mea requiescet in spe.

Quóniam non derelínques ánimam meam in inférno : * nec dabis sanctum tuum vidére corruptiόνem.

Notas mihi fecísti vias vitæ, adimplébis me lætítia cum vultu tuo : * delectatiónes in dextera tua usque in finem.

Ant. Sanctis, qui in terra sunt ejus, mirificávit omnes voluntátes meas inter illos.

Ant. Sancti, qui sperant in Dómino, * habébunt fortitúdinem, assúment penas ut áquilæ, volábunt et non deficient.

Psalmus 23

Domini est terra, et plenitúdo ejus : * orbis terrárum, et univérsi qui hábitant in eo.

Quia ipse super mária fundávit eum : * et super flúmina præparávit eum.

Quis ascéndet in montem Dómini? * aut quis stabit in loco sancto ejus?

Innocens mánibus et mundo corde, * qui non accépit in vano ánimam

suam, nec jurávit in dolo próximo suo.

Hic accípiet benedictiónem a Dómino : * et misericórdiam a Deo, salutári suo.

Hæc est generátio quærentium eum, * quærentium faciém Dei Jacob.

Attóllite portas, príncipes, vestras, et elevámini, portæ æternáles : * et introíbit Rex glóriæ.

Quis est iste Rex glóriæ? * Dóminus fortis et potens : Dóminus potens in próelio.

Attóllite portas, príncipes, vestras, et elevámini, portæ æternáles : * et introíbit Rex glóriæ.

Quis est iste Rex glóriæ? * Dóminus virtútum ipse est Rex glóriæ.

Ant. Sancti, qui sperant in Dómino, habébunt fortitúdinem, assúment pen-
nas ut áquilæ, volábunt, et non deficient.

V. Exsúltent justí in conspéctu Dei. **R.** Et delecténtur in lætítia.

Absolutio Ipsíus píetas.

Benedictio Deus Pater.

Sermo sancti Augustíni
Epíscopi

Sermo 47 de Sanctis

Lectio iv



Uotiescúmque, fratres caríssimi, sanctórum Mártyrum solémnia celebrámus, ita,

ipsis intercedéntibus, exspectémus a Dómino cónsequi temporália benefí-
cia, ut ipsos Mártyres imitá-
tando accípere mereámur ætérna. Ab ipsis enim sanctórum Mártyrum in veritáte festivitátum gáudia celebrántur, qui ipsórum Mártyrum exémp-
la sequúntur. Solemnitátes enim Mártyrum exhortatiónes sunt martyriórum; ut imitári non pígeat, quod celebráre deléctat.

R. Sancti tui, Dómine, mirá-
bile consecúti sunt iter, servié-
ntes præcéptis tuis, ut inveniréntur illæsi in aquis válidis : * Terra appáruit árida, et in Mari Rubro via sine impediménto. **V.** Quóniam percússit petram, et fluxérunt aquæ, et torréntes inundavérunt. — Terra appáruit.

Bened. Christus perpétuæ.

Lectio v

SED nos vólumus gaudere cum Sanctis; et tribulatiónem mundi nó-
lumus sustinére cum ipsis. Qui enim sanctos Mártyres, in quantum potúerit, imitári nolúerit, ad eórum beatitúdinem non póterit pervenire. Sed et Paulus Apóstolus prædicat, dicens : Si fuérimus sócii passiónum, érimus et consolatiónum. Et Dóminus

in Evangélio : Si mundus vos odit, scitôte, quia me priórem vobis ódio hábuit. Recúsat esse in corpore, qui ódium non vult sustinere cum cápite.

℟. Vërbera carníficum non timuérunt Sancti Dei, moriéntes pro Christi nómine : * Ut herédes fierent in domo Dómini. ℣. Tradidérunt corpóra sua propter Deum ad supplicia. — Ut.

Bened. Ignem sui amóris.

Lectio vi

SED dicit áliquis : Et quis est qui possit beatórum Mártyrum vestigia sequi? Huic ego respóndeo, quia non solum Mártyres, sed étiam ipsum Dóminum cum ipsíus adjutório, si vólumus, póssumus imitári. Audi non me, sed ipsum Dóminum géneri humano clamántem : Dísците a me, quia mitis sum et húmilis corde. Audi et Petrum Apóstolum admonéntem : Christus passus est pro nobis, relínquens nobis exéplum, ut sequámur vestigia ejus.

℟. Tamquam aurum in fornáce probávit eléctos Dóminus, et quasi holocausti hóstiam accépit illos; et in témpore erit respéctus illórum : * Quóniam donum et pax est

eléctis Dei. ℣. Qui confidunt in illum, intélligent veritátem : et fidéles in dilectióne acquiescent illi. — Quóniam. Glória Patri. Quóniam.

In III Nocturno

Ant. Justi autem * in perpétuum vivent, et apud Dóminum est merces eórum.

Psalmus 32



Xsultáte, justí, in Dómino : * rectos decet collaudátio.

Confitémini Dómino in cíthara : * in psaltério decem chordárum psállite illi.

Cantáte ei cánticum novum : * bene psállite ei in vociferatióne.

Quia rectum est verbum Dómini, * et ómnia ópera ejus in fide.

Díligit misericórdiam et judícium : * misericórdia Dómini plena est terra.

Verbo Dómini cæli firmáti sunt : * et spíritu oris ejus omnis virtus eórum.

Cóngregans sicut in utre aquas maris : * ponens in thesáuris abyíssos.

Tímeat Dóminum omnis terra : * ab eo autem commoveántur omnes inhabitántes orbem.

Quóniam ipse dixit, et facta sunt : * ipse mandávit, et creáta sunt.

Dóminus díssipat consília géntium : * réprobat

autem cogitationes populorum, et réprobat consilia principum.

Consilium autem Dómini in ætérnum manet : * cogitationes cordis ejus in generatióne et generatióne.

Beáta gens, cujus est Dóminus, Deus ejus : * pópulus, quem elégit in hereditátem sibi.

De cælo respéxit Dóminus : * vidit omnes filios hóminum.

De præparáto habitáculo suo * respéxit super omnes, qui hábitant terram.

Qui finxit sigillátim corda eórum : * qui intélligit ómnia ópera eórum.

Non salvátur rex per multam virtútem : * et gigas non salvábitur in multitudíne virtútis suæ.

Fallax equus ad salutem : * in abundántia autem virtútis suæ non salvábitur.

Ecce, óculi Dómini super metuéntes eum : * et in eis, qui sperant super misericórdia ejus :

Ut éruat a morte ánimas eórum : * et alat eos in fame.

Anima nostra sústinet Dóminum : * quóniam adjutor et protéctor noster est.

Quia in eo lætábitur cor nostrum : * et in nómine sancto ejus sperávimus.

Fiat misericórdia tua, Dómine, super nos : * quemádmodum sperávimus in te.

Ant. Justi autem in perpétuum vivent, et apud Dóminum est merces eórum.

Ant. Tradidérunt * corpora sua in mortem, ne servírent idólis : ideo coronáti póssident palmam.

Psalmus 33

Benedícam Dóminum in omni témpore : * semper laus ejus in ore meo.

In Dómino laudábitur ánima mea : * áudiant mansuétí, et læténtur.

Magnificáte Dóminum mecum : * et exaltémus nomen ejus in idípsum.

Exquisívi Dóminum, et exaudivit me : * et ex ómnibus tribulatióibus meis erípuit me.

Accédite ad eum, et illuminámini : * et fácies vestræ non confundéntur.

Iste pauper clamávit, et Dóminus exaudivit eum : * et de ómnibus tribulatióibus ejus salvávit eum.

Immíttet Angelus Dómini in circúitu timéntium eum : * et erípiet eos.

Gustáte, et vidéte quóniam suávis est Dóminus : * beátus vir, qui sperat in eo.

Timéte Dóminum, omnes sancti ejus : * quóniam

non est inópia timéntibus eum.

Dívites eguérunt et esuriérunt : * inquiréntes autem Dóminum non minuéntur omni bono.

Veníte, filii, audíte me : * timórem Dómini docébo vos.

Quis est homo qui vult vitam : * dīligit dies vidére bonos?

Próhibe linguam tuam a malo : * et lábia tua ne loquántur dolum.

Divérte a malo, et fac bonum : * inquiré pacem, et perséquare eam.

Oculi Dómini super justos : * et aures ejus in preces eórum.

Vultus autem Dómini super faciéntes mala : * ut perdat de terra memóriam eórum.

Clamavérunt justī, et Dóminus exaudivit eos : * et ex ómnibus tribulatió- nibus eórum liberávit eos.

Juxta est Dóminus iis, qui tribuláto sunt corde : * et húmiles spírītu salvábit.

Multæ tribulatiónes justórum : * et de ómnibus his liberábit eos Dóminus.

Custódit Dóminus ómnia ossa eórum : * unum ex his non conterétur.

Mors peccatórum péssima : * et qui odérunt justum, delínquent.

Rédimet Dóminus áni- mas servórum suórum : *

et non delínquent omnes qui sperant in eo.

Ant. Tradidérunt córpora sua in mortem, ne serví- rent idólis : ideo coronáti póssident palmam.

Ant. Ecce, merces * Sanctórum copiósa est apud Deum : ipsi vero mórtui sunt pro Christo, et vi- vent in ætérnum.

Psalmus 45

DEus noster refúgium, et virtus : * adjútor in tribulatió- nibus, quæ inve- nérunt nos nimis.

Proptérea non timébimus dum turbábitur terra : * et transferéntur montes in cor maris.

Sonuérunt, et turbátæ sunt aquæ eórum : * con- turbáti sunt montes in fortitúdine ejus.

Flúminis ímpetus lætí- ficat civitátem Dei : * sanctificávit tabernácu- lum suum Altíssimus.

Deus in médio ejus, non commovébitur : * adjuváb- it eam Deus mane dilú- culo.

Conturbátæ sunt gentes, et inclináta sunt regna : * dedit vocem suam, mota est terra.

Dóminus virtútum nobíscum : * suscep- tor noster Deus Jacob.

Veníte, et vidéte ópera Dómini, quæ pósuit pro- dígia super terram : * au-

ferens bella usque ad finem terræ.

Arcum cónteret, et confringet arma : * et scuta combúret igni.

Vacáte, et vidéte quóniam ego sum Deus : * exaltábor in géntibus, et exaltábor in terra.

Dóminus virtútum nobíscum : * suscéptor noster Deus Jacob.

Ant. Ecce, merces Sanctórum copiósa est apud Deum : ipsi vero mórtui sunt pro Christo, et vivent in ætérnum.

℟. Justi autem in perpétuum vivent. ℞. Et apud Dóminum est merces eórum.

Absolutio A v́nculis.

Bened. Evangélica lécio.

Lécio sancti Evangélii
secúndum Lucam

Lectio vii Cap. 21, 9-19

IN illo témpore : Dixit Jesus discípulis suis : Cum audiéritis prœlia, et seditiões, nolíte terréri : opórtet primum hæc fieri, sed nondum statim finis. Et réliqua.

Homília sancti Gregórii
Papæ

Homilia 35 in Evangelia



Ominus ac Redemptor noster peritúri mundi præcurréntia mala denúntiat, ut eo

minus pertúrbent veniéntia, quo fúerint præscíta. Minus enim jácula fériunt, quæ prævidéntur; et nos tolerabílius mundi mala suscípimus, si contra hæc per præsciéntiæ clýpeum munímur. Ecce enim dicit : Cum audiéritis prœlia et seditiões, nolíte terréri; opórtet enim primum hæc fieri, sed nondum statim finis. Pensánda sunt verba Redemptóris nostri, per quæ nos áliud intérius, áliud extérius passúros esse denúntiat. Bella quippe ad hostes pértinent, seditiões ad cives. Ut ergo nos indicet intérius exteriúsque turbári, áliud nos fatétur ab hóstibus, áliud a frátribus pérpeti.

℞. Propter testaméntum Dómini et leges patérnas, Sancti Dei perstitérunt in amóre fraternitátis : * Quia unus fuit semper spíritus in eis, et una fides. ℟. Ecce quam bonum et quam jucúndum habitáre fratres in unum! — Quia.

Benedictio Quorum festum cólimus.

Lectio viii

SED, his malis præveniéntibus, quia non statim finis sequátur, adjúngit : Surget gens contra gentem, et regnum advérsus regnum; et terræmótus magni erunt per

loca, et pestilentiae, et fames, terrorésque de caelo et signa magna erunt. Ultima tribulatio multis tribulationibus praevenitur; et per crebra mala, quae praeveniunt, indicantur mala perpétua, quae subsequuntur. Et ideo post bella et seditiões non statim finis; quia multa debent mala praecurrere, ut malum valeant sine fine nuntiare.

℟. Sancti mei, qui in carne positi, certamen habuistis : * Mercédem labóris ego reddam vobis. ℣. Veníte, benedícti Patris mei, percípíte regnum. — Mercédem. Glória Patri. Mercédem.

Sequens Responsorium dicitur, loco praecedentis, in Officio plurimorum Martyrum Fratrum, etiam si ii recolantur cum Sociis; dummodo tamen Fratres vel numero sint plures, vel, si pares, primo loco nominentur.

℟. Hæc est vera fraternitas, quæ numquam potuit violári certamine : qui effúso ságuine secúti sunt Dóminum : * Contemnentes aulam régiam, pervenerunt ad regna cælestia. ℣. Ecce quam bonum et quam jucúndum habitare fratres in unum! — Contemnentes. Glória Patri. Contemnentes.

Benedictio Ad societatem.

Lectio ix

SED cum tot signa perturbationis dicta sint, oportet, ut eorum considerationem breviter per singula perstringamus; quia necesse est, ut alia e caelo, alia e terra, alia ab elementis, alia ab hominibus patiamur. Ait enim : Surge gens contra gentem, ecce perturbatio hominum; erunt terræmótus magni per loca, ecce respectus iræ desuper; erunt pestilentiae, ecce inæqualitas corporum; erit fames, ecce sterilitas terræ; terrorésque de caelo et tempestates, ecce inæqualitas aëris. Quia ergo omnia consummanda sunt, ante consummationem omnia perturbantur; et qui in cunctis deliquimus, in cunctis ferimur, ut impleatur quod dicitur : Et pugnabit pro eo orbis terrarum contra insensatos.

Te Deum laudamus.

AD LAUDES

et per Horas, Añæ

1 Omnes Sancti, * quanta passi sunt tormenta, ut securi pervenirent ad palmam martýrii!

Psalmi de Dominica.

2 Cum palma * ad regna pervenerunt Sancti, coronas decóris meruerunt de manu Dei.

3 Córpora Sanctórum *
in pace sepúlta sunt : et
vivunt nómina eórum in
ætérnum.

4 Mártyres Dómini, *
Dóminum benedícite in
ætérnum.

5 Mártyrum chorus, *
laudáte Dóminum de cæ-
lis, allelúja.

Capitulum Sap. 3, 1-3

Iustórum ánimæ in ma-
nu Dei sunt, et non
tanget illos torméntum
mortis. Visi sunt óculis
insipiéntium mori; illi au-
tem sunt in pace.

Hymnus

REX glorióse Mártyrum,
Coróna confiténtium,
Qui respuéntes térrea
Perdúcis ad cæléstia :

Aurem benígnam prótinus
Inténde nostris vóci-
bus : Trophæa sacra pángimus :
Ignósce quod delíquimus.

Tu vincis inter Mártyres
Parcísque Confessóribus :
Tu vince nostra crimina,
Largítor indulgéntiæ.

* Deo Patri sit glória,
Ejúsque soli Fílio,
Cum Spíritu Paráclito,
Nunc et per omne sæcu-
lum. Amen.

℣. Exsultábunt Sancti
in glória. ℞. Lætabúntur
in cubílibus suis.

Ad Bened. Ant. Vestri
capílli cápitis * omnes nu-

meráti sunt : nolíte timé-
re : multis passéribus me-
lióres estis vos.

Pro pluribus Martyribus Pontificibus

1 — Oratio

Beatórum Mártyrum pa-
ritérque Pontíficum
N. et N. nos, quæsumus,
Dómine, festa tueántur : et
eórum comméndet orátio
veneránda. Per Dóminum.

Si non fuerint Pontifices

2 — Oratio

Deus, qui nos concédís
sanctórum Mártyrum
tuórum N. et N. natalítia
cólere : da nobis in æténa
beatitúdine de eórum so-
cietáte gaudére. Per Dó-
minum.

3 — Alia Oratio

Deus, qui nos ánnua
sanctórum Mártyrum
tuórum N. et N. solemni-
táte lætíficas : concéde
propítius; ut, quorum
gaudémus méritis, accen-
dámur exémp-
lis. Per Dó-
minum.

**Ad Horas Psalmi de Domi-
nica, ad Primam tamen ut in
Festis.**

AD TERTIAM

Capitulum Justórum, ut
supra.

℣. br. Lætámini in Dó-
mino, * Et exsultáte, ju-
sti. Lætámini. ℞. Et glo-
riámini, omnes recti corde.

Et exsultáte. **G**lória Patri. Lætámini. **℣**. Exsúltent justi in conspéctu Dei. **℟**. Et delecténtur in lætítia.

AD SEXTAM

Capitulum Sap. 10, 17

Reddedit Deus mercédem labórum sanctórum suórum, et dedúxit illos in via mirábili : et fuit illis in velaménto diéi, et in luce stellárum nocte.

℟. **br**. Exsúltent justi * In conspéctu Dei. Exsúltent. **℣**. Et delecténtur in lætítia. In. **G**lória Patri. Exsúltent. **℣**. Justi autem in perpétuum vivent. **℟**. Et apud Dóminum est merces eórum.

AD NONAM

Capitulum Sap. 3, 7-8

Fulgébunt justi, et tamquam scintíllæ in arundinéto discúrrunt. Judicábunt natiónes, et dominabúntur pópulis : et regnábit Dóminus illórum in perpétuum.

℟. **br**. Justi autem * In perpétuum vivent. Justi. **℣**. Et apud Dóminum est merces eórum. In. **G**lória Patri. Justi. **℣**. Exsultábunt Sancti in glória. **℟**. Lætabúntur in cubilibus suis.

IN II VESPERIS

Añæ 1 Isti sunt Sancti, * qui pro testaménto Dei

sua cörpera tradidérunt, et in ságuine Agni lavérunt stolas suas.

Psalmi ut in I Vesperis de Communi Apostolorum [3], sed loco ultimi Ps. 115 Crédidi, ut infra.

2 Sancti per fidem * vicérunt regna, operáti sunt justítiam, adépti sunt re-promissiónes.

3 Sanctórum velut áquilæ * juvéntus renovábitur : florébunt sicut lílium in civitáte Dómini.

4 Abstérget Deus * omnem lácrimam ab óculis Sanctórum : et jam non erit ámplius neque luctus, neque clamor, sed nec ullus dolor : quóniam prióra transiérunt.

5 In cæléstibus regnis * Sanctórum habitátio est, et in ætérnum réquies eórum.

Psalmus 115

CRédidi, propter quod locútus sum : * ego autem humiliátus sum nimis.

Ego dixi in excéssu meo : * Omnis homo mendax.

Quid retríbuiam Dómino, * pro ómnibus, quæ retríbuit mihi?

Cálicem salutáris accípiam : * et nomen Dómini invocábo.

Vota mea Dómino red-dam coram omni pópulo ejus : * pretiósá in conspé-

ctu Dómini mors sanctórum ejus :

O Dómine, quia ego servus tuus : * ego servus tuus, et fílius ancíllæ tuæ.

Dirupísti víncula mea : * tibi sacrificábo hóstiam laudis, et nomen Dómini invocábo.

Vota mea Dómino reddam in conspéctu omnis pópuli ejus : * in átriis domus Dómini, in médio tui, Jerúsalem.

Ant. In cæléstibus regnis Sanctórum habitátio est, et in ætérnum réquies eórum.

Capitulum Sap. 3, 1-3

Iustórum animæ in manu Dei sunt, et non tanget illos torméntum mortis. Visi sunt óculis insipientium mori; illi autem sunt in pace.

Hymnus

Sanctórum méritis inclyta gáudia

Pangámus, sócii, géstaque fórtia :

Gliscens fert ánimus prómere cántibus

Victórum genus óptimum.

Hi sunt, quos fátue mundus abhórruit;

Hunc fructu vácuum, flóribus áridum

Contempsére tui nóminis ásseclæ,

Jesu, Rex bone cælitum.

Hi pro te fúrias atque minas truces

Calcárunť hómínũ, sáevaque vérbera :

His cessit lácerans fórtiter úngula,

Nec carpsit penetrália.

Cædúntur gládiis more bídentium :

Non murmur résonat, non querimónia;

Sed corde impávido mens bene cónsčia

Consérvat patiéntiam.

Quæ vox, quæ póterit lingua retéxere,

Quæ tu Martýribus múnera præparas?

Rubri nam flúido sángine, fúlgidis

Cingunt témpora láureis.

Te, summa o Déitas, únique póscimus :

Ut culpas ábigas, nóxia súbtrahas,

Des pacem fámulis; ut tibi glóriam,

Annórum in sériem, cantant. Amen.

℟. Exsultábunt Sancti in glória. **℞.** Lætabúntur in cubílibus suis.

Ad Magnif. Ant. Gaudent in cælis * animæ Sanctórum, qui Christi vestígia sunt secúti : et quia pro ejus amóre sánguinem suum fuderunt, ideo cum Christo exsúltant sine fine.

Completorium de Domínica.

II ALIÆ LECTIONES

pro plur. Martyribus

In II Nocturno

Sermo sancti Joánnis
ChrysóstomiSermo 1 de Martyribus,
tom. 3

Lectio iv



Mo est qui nésciat, Mártýrum glórias ad hoc divíno consílio a Dei pópulis frequen-
tári, ut et illis débitus honor dicétur, et nobis virtútis exémp-
la, favénte Christo monstréntur : ut, dum hæc ita celebrári perspí-
mus, cognoscámus, quan-
ta eos glória máneat in
cælis, quorum natalítia
táliter celebrántur in ter-
ris; quo possímus étiam
ipsi tálibus provocári ex-
émp-
lis, virtúte pari, de-
votíone consímili ac fide;
ut, Christo præstánte, di-
micáre et víncere hostem
possímus, ut, parta victó-
ria, cum iisdem Sanctis in
regnis cæléstibus trium-
phémus.

℟. Sancti tui, Dómine, mirá-
bile consecúti sunt
iter, serviéntes præcéptis
tuis, ut inveniréntur illáesi
in aquis válidis : * Terra
appáruit árida, et in Mari
Rubro via sine impedi-
méto. ℣. Quóniam per-
cússit petram, et fluxé-

runt aquæ, et torréntes
inundavérunt. — Terra.

Lectio v

Quis est enim, qui, eó-
rum volens mérito co-
pulári, nisi prius constán-
tiam eórum téneat, secté-
tur fidem, imitétur virtú-
tem passiónis; eórum gló-
riam páribus vitæ linea-
méntis aut invéniat aut
exquírat? Qui etsi martý-
rio par esse non possit,
tamen mún-
eris tanti di-
gnitáte se quisque bonis
áctibus dignum præbeat.
Adest enim clementíssimus
Deus, qui desiderán-
tibus suis aut martýrium
præbeat, aut, sine martý-
rio, cum Sanctis præmia
divína retribuat.

℟. Vérbera carníficum
non timuérunt Sancti Dei,
moriéntes pro Christi nó-
mine : * Ut herédes fierent
in domo Dómini. ℣. Tra-
didérunt cörpera sua pro-
pter Deum ad supplicia.
— Ut.

Lectio vi

UT enim infirmá-
tur pec-
cátor advérsis, ita ju-
stus tentatiónibus roborá-
tur. Sic dimicárunt advér-
sus peccátum Sancti; sic
et laborándo fortióres, et
moriéndo victóres effecti
sunt. Nullus athlétes sine
certám-
ine fórtior dici, nul-
lus sine victó-
ria póterit
coronári. Nemo miles sine

prœlio hostem subjécit; nemo sine bello imperatorem promérui. Habes, christiáne, competéntia arma, quibus hostem expúgnes; habes fortíssima tela, quibus inimicum débélles.

✠. Tamquam aurum in fornáce probávit eléctos Dóminus, et quasi holocáusti hóstiam accépit illos; et in témpore erit respéctus illórum : * Quóniam donum et pax est eléctis Dei. ✠. Qui confidunt in illum, intélligent veritátem : et fidéles in dilectióne acquiescent illi. — Quóniam. Glória Patri. Quóniam.

In III Noeturno

Lectio sancti Evangelii
secúndum Lucam

Lectio vii Cap. 6, 17-23

IN illo témpore : Descéndens Jesus de monte, stetit in loco campéstri, et turba discipulórum ejus, et multitúdo copiósa plebis ab omni Judæa, et Jerúsalem, et marítima, et Tyri, et Sidónis. Et reliqua.

Homília sancti Ambrósii
Epíscopi

Lib. 5 in Luc. cap. 6, post init.



Adverte ómnia diligénter, quómodo et cum Apóstolis ascéndat, et descéndat ad

turbas. Quómodo enim turba nisi in húmili Christum vidéret? Non séquitur ad excélsa, non ascéndit ad sublímia. Dénique ubi descéndit, invénit infirmos; in excélsis enim infirmi esse non possunt. Hinc étiam Matthæus docet in inferióribus débiles esse sanátos. Prius enim unusquisque sanándus est, ut paulátim virtútibus procedéntibus ascéndere possit ad montem. Et ideo quemque in inferióribus sanat, hoc est, a libidine révocat, injúriam cæcitatís avértit. Ad vúlnera nostra descéndit; ut usu quodam et cópia suæ natúræ, compartícipes nos fáciat esse regni cæléstis.

✠. Propter testaméntum Dómini et leges patérnas, Sancti Dei perstitérunt in amóre fraternitátis : * Quia unus fuit semper spíritus in eis, et una fides. ✠. Ecce quam bonum et quam jucúndum habitáre fratres in unum! — Quia.

Lectio viii

BEáti páuperes, quia vestrum est regnum Dei. Quátuor tantum beatitúdines sanctus Lucas Dóminicas pósuit, octo vero sanctus Matthæus; sed in illis octo istæ quátuor sunt, et in quátuor istis illæ octo. Hic enim quátuor

velut virtútes ampléxus est cardinales; ille in illis octo mysticum numerum reseravit. Pro octáva enim multi inscribuntur Psalmi, et mandatum accipis octo illis partem dare, fortasse benedictionibus. Sicut enim spei nostræ octáva perfectio est, ita octáva summa virtutum est.

✠. Sancti mei, qui in carne positi, certamen habuistis : * Mercédem labóris ego reddam vobis. ✠. Veníte, benedicti Patris mei, percípite regnum. — Mercédem. Glória Patri. Mercédem.

Vel ✠. Hæc est vera fraternitas, quæ numquam potuit violári certamine : qui effúso ságuine secúti sunt Dóminum : * Contemnentes aulam régiam, pervenerunt ad regna cælestia. ✠. Ecce quam bonum et quam jucundum habitare fratres in unum! — Contemnentes. Glória Patri. Contemnentes.

Lectio ix

SED prius quæ sunt ampliora videamus. Beati, inquit, pauperes, quoniam vestrum est regnum Dei. Primam benedictionem hanc uterque Evangelista posuit. Ordine enim prima est, et parens quædam generatioque virtutum; quia qui contem-

pserit sæcularia, ipse merébitur sempiterna, nec potest quisquam meritum regni cælestis adipisci, qui, mundi cupiditate pressus, emergendi non habet facultatem.

Te Deum laudamus.

III ALIA HOMILIA

Lectio sancti Evangélii
secundum Lucam

Lectio vii Cap. 12, 1-8

IN illo tempore : Dixit Jesus discipulis suis : Attendite a fermento pharisæorum, quod est hypocrisis. Et reliqua.

Homilia sancti Bedæ
Venerabilis Presbyteri

Lib. 4 in Luc. cap. 12



E hoc fermento Apostolus præcipit : Itaque epulemur, non in fermento veteri, neque in fermento malitiæ, et nequitie, sed in azymis sinceritatis et veritatis. Nam sicut modicum fermentum totam farinæ, cui injicitur, massam corrumpit, universamque mox conspersionem suo sapore commaculat : sic nimirum simulatio, cujus semel animus imbuerit, tota virtutum sinceritate et veritate fraudabit. Est ergo sensus : Attendite, ne æmulemini simulatores, quia

véniet profecto tempus, in quo et vestra virtus ómnibus et eórum revelétur hypócrisis.

✠. Propter testaméntum Dómini et leges paternas, Sancti Dei perstitérunt in amóre fraternitátis: * Quia unus fuit semper spíritus in eis, et una fides. ✠. Ecce quam bonum et quam jucúndum habitáre fratres in unum! — Quia.

Lectio viii

Verum quod séquitur : Quóniam quæ in ténebris dixistis, in lúmine dicéntur; non solum in futúro, quando cuncta córdium abscondita proferéntur ad lucem, sed et in præsénti témpore potest congruénter áccipi. Quóniam quæ inter ténebras quondam pressurárum, carcerúmque umbras vel locúti, vel passi sunt Apóstoli, nunc, clarificáta per orbem Ecclésia, lectis eórum áctibus, públice prædicántur. Ne terreámini ab his, qui occidunt corpus. Si persecutóres Sanctórum, occisis corpóribus, non habent ámplius quid contra illos agant; ergo supervácuá furunt insánia, qui mórtua Mártyrum membra feris avibúsque discerpénda projíciunt, cum nequáquam omnipoténtiæ Dei, quin ea resus-

citándo vivíficet, obsistere possint.

✠. Sancti mei, qui in carne pósito, certámen habuístis : * Mercédem labóris ego reddam vobis.

✠. Veníte, benedícti Patris mei, percípите regnum. — Mercédem. Glória Patri. Mercédem.

Vel ✠. Hæc est vera. [67]

Lectio ix

DUO autem sunt génera persecutórum : unum palam sæviéntium, álterum fícte fraudulentérque blandiéntium. Contra utrúmque nos muníre atque institúere volens Salvátor, et supra ab hypócrisi pharisæórum atténdere, et hic a carníficum cæde præcipit non timére; quia vidélicet post mortem nec horum crudélitas, nec illórum váleat simulátio duráre. Nonne quinque pásseres véneunt dipóndio? Si minutíssima, inquit, animália, et quæ quólibet per áëra ferúntur volatília, Deus oblivísci non potest; vos, qui ad imáginem facti estis Creatóris, non debétis terréri ab his, qui occidunt corpus; quia, qui irrationalia animália gubérnat, rationalia curáre non désinit.

Te Deum laudámus.



Commune Confessoris Pontificis

IN I VESPERIS

Ant. 1 Ecce sacerdos magnus, * qui in diébus suis plácuít Deo, et invéntus est justus.

Psalmi ut in I Vesperis de Communi Apostolorum. [3]

2 Non est invéntus * símilis illi, qui conserváret legem Excélsi.

3 Ideo jurejurádo * fecit illum Dóminus créscere in plebem suam.

4 Sacerdótes Dei, * benedicite Dóminum : servi Dómini, hymnum dicite Deo, allelúja.

5 Serve bone * et fidélis, intra in gáudium Dómini tui.

In II Vesperis

Psalmus 131

Memento, Dómine, David, * et omnis mansuetúdinis ejus :

Sicut jurávit Dómino, * votum vovit Deo Jacob :

Si introíero in tabernáculum domus meæ, * si ascéndero in lectum strati mei :

Si dédero somnum óculis meis, * et pálpebris meis dormitatióem :

Et réquiem tempóribus meis : donec invéniam locum Dómino, * tabernáculum Deo Jacob.

Ecce audívimus eam in Ephrata : * invénimus eam in campis silvæ.

Introíbimus in tabernáculum ejus : * adorábimus in loco, ubi stetérunt pedes ejus.

Surge, Dómine, in réquiem tuam, * tu et arca sanctificatióis tuæ.

Sacerdótes tui induántur justítiam : * et sancti tui exsúltent.

Propter David, servum tuum, * non avértas fáciem Christi tui.

Jurávit Dóminus David veritátem, et non frustrá-

bitur eam : * De fructu
ventris tui ponam super
sedem tuam.

Si custodierint filii tui
testaméntum meum, * et
testimónia mea hæc, quæ
docébo eos :

Et filii eórum usque in
sæculum, * sedébunt su-
per sedem tuam.

Quóniam elégit Dóminus
Sion : * elégit eam in habi-
tatióne sibi.

Hæc réquies mea in
sæculum sæculi : * hic
habitábo quóniam elégi
eam.

Víduam ejus benedicens
benedicam : * páuperes
ejus saturábo pánibus.

Sacerdótes ejus induam
salutári : * et sancti ejus
exsultatióne exsultábunt.

Illuc producám cornu
David, * parávi lucérnam
Christo meo.

Inimícos ejus induam
confusióne : * super ipsum
autem efflorébit sanctifi-
cátio mea.

Ant. Serve bone et fidé-
lis, intra in gáudium Dó-
mini tui.

Capit. Eccli. 44, 16-17

ECce sacérdos magnus,
qui in diébus suis plá-
cuit Deo, et invéntus est
justus : et in témpore ira-
cúndiæ factus est recon-
ciliátio.

Hymnus

Iste Conféssor Dómini,
coléntes

Quem pie laudant pópuli
per orbem,

Hac die lætus méruit beá-
tas

Scándere sedes.

**Si non est dies obitus (quod
litteræ m. t. v. indicant in
Proprio), dicatur :**

Hac die lætus méruit su-
prémus

Laudis honóres.

Qui pius, prudens, húmi-
lis, pudícus,

Sóbriam duxit sine labe
vitam,

Donec humános animávit
auræ

Spíritus artus.

Cujus ob præstans méri-
tum fréquenter,

Ægra quæ passim jacuére
membra,

Víribus morbi dómitis, sa-
lúti

Restituúntur.

Noster hinc illi chorus ob-
sequéntem

Cóncinit laudem celebrés-
que palmas,

Ut piis ejus précibus juvé-
mur

Omne per ævum.

Sit salus illi, decus atque
virtus,

Qui, super cæli sólio corú-
scans,

Tótius mundi sériem gu-
bérnat

Trinus et unus. Amen.

V. Amávit eum Dóminus, et ornávit eum. **R.** Stolum glóriæ induit eum.

Ad Magnif. Ant. Sacerdos et Póntifex, * et virtutum ópifex, pastor bone in pópulo ora pro nobis Dóminum.

In II Vesperis

V. Justum dedúxit Dóminus per vias rectas. **R.** Et osténdit illi regnum Dei.

Ad Magnif. Ant. Amávit eum Dóminus, * et ornávit eum : stolum glóriæ induit eum, et ad portas paradísi coronávit eum.

Pro Summis Pontificibus

Ant. Dum esset Summus Póntifex, * terréna non métuit, sed ad cæléstia regna gloriósus migrávit.

1 — Oratio

DA, quæsumus, omnípotens Deus : ut beáti **N.** Confessoris tui atque Pontificis veneránda solémnitas, et devotióne nobis áugeat et salútem. Per Dóminum.

2 — Alia Oratio

EXáudi, quæsumus, Dómine, preces nostras, quas in beáti **N.** Confessoris tui atque Pontificis solemnitáte deférimus : et, qui tibi digne mérui famulári, ejus intercedéntibus méritis, ab ómnibus

nos absólve peccátis. Per Dóminum.

Pro Doctoribus

In utrisque Vesperis

Ad Magnif. Ant. O Doctor óptime, * Ecclésiæ sanctæ lumen, beáte **N.**, divínæ legis amátor, deprecáre pro nobis Fílium Dei.

3 — Oratio

DEus, qui pópulo tuo æternæ salútis beátum **N.** minístrum tribuísti : præsta, quæsumus; ut, quem Doctórem vitæ habúimus in terris, intercessórem habére mereámur in cælis. Per Dóminum.

Completorium de Dominica.

AD MATUTINUM

Invitat. Regem Confessorum Dóminum, * Veníte, adorémus. **Ps. 94** Veníte, exsultémus.

Hymnus Iste Confessor, ut supra. [70]

In I Nocturno

Ant. Beátus vir, * qui in lege Dómini meditátur : volúntas ejus pérmanet die ac nocte, et ómnia quæcúmque fáciat, semper prosperabúntur.

Psalmus I



Eátus vir, qui non ábiit in consílio impiórum, et in via peccatórum non stetit, *

et in cáthedra pestiléntiæ non sedit :

Sed in lege Dómini volúntas ejus, * et in lege ejus meditábitur die ac nocte.

Et erit tamquam lignum, quod plantátum est secus decúrsus aquárum, * quod fructum suum dabit in témpore suo :

Et fólium ejus non défluét : * et ómnia quæcúmque fáciét, prosperabúntur.

Non sic ímpii, non sic : * sed tamquam pulvis, quem prójicit ventus a fácie terræ.

Ideo non resúrgent ímpii in iudicio : * neque peccatóres in concílio justórum.

Quóniam novit Dóminus viam justórum : * et iter impiórum períbit.

Ant. Beátus vir, qui in lege Dómini meditátur : volúntas ejus pérmanet die ac nocte, et ómnia quæcúmque fáciét, semper prosperabúntur.

Ant. Beátus iste Sanctus, * qui confísus est in Dómino, prædicávit præcéptum Dómini, constitútus est in monte sancto ejus.

Psalmus 2

QUare fremuérunt gentes, * et pópuli meditati sunt inánia?

Astitérunt reges terræ,

et príncipes convenérunt in unum * advérsus Dóminum, et advérsus Christum ejus.

Dirumpámus víncula eórum : * et projiciámus a nobis jugum ipsórum.

Qui hábitat in cælis, irridébit eos : * et Dóminus subsannábit eos.

Tunc loquétur ad eos in ira sua, * et in furóre suo conturbábit eos.

Ego autem constitútus sum Rex ab eo super Sion montem sanctum ejus, * prædicans præcéptum ejus.

Dóminus dixit ad me : * Fílius meus es tu, ego hódie génui te.

Póstula a me, et dabo tibi gentes hereditátem tuam, * et possессиónem tuam términos terræ.

Reges eos in virga férrea, * et tamquam vas figuli confrínges eos.

Et nunc, reges, intelligite : * erudímini, qui judicátis terram.

Servíte Dómino in timóre : * et exsultáte ei cum tremóre.

Apprehéndite disciplinam, nequándo irascátur Dóminus, * et pereátis de via justa.

Cum exárserit in brevi ira ejus, * beáti omnes qui confídunt in eo.

Ant. Beátus iste Sanctus, qui confísus est in

Dómino, prædicávit præceptum Dómini, constitutus est in monte sancto ejus.

Ant. Tu es glória mea, * tu es suscëptor meus, Dómine : tu exáltans caput meum, et exaudísti me de monte sancto tuo.

Psalmus 3

Domine, quid multiplicáti sunt qui tribulant me? * multi insúrgunt advérsus me.

Multi dicunt ánimæ meæ : * Non est salus ipsi in Deo ejus.

Tu autem, Dómine, suscëptor meus es, * glória mea, et exáltans caput meum.

Voce mea ad Dóminum clamávi : * et exaudívit me de monte sancto suo.

Ego dormívi, et soporátus sum : * et exsurrexi, quia Dóminus suscepit me.

Non timébo millia pópuli circumdántis me : * exsúrge, Dómine, salvum me fac, Deus meus.

Quóniam tu percussísti omnes adversántes mihi sine causa : * dentes peccatórum contrivísti.

Dómini est salus : * et super pópulum tuum benedíctio tua.

Ant. Tu es glória mea, tu es suscëptor meus, Dómi-

ne : tu exáltans caput meum, et exaudísti me de monte sancto tuo.

Pro Conf. Pont. et non Pont.

V. Amávit eum Dóminus, et ornávit eum.

R. Stolam glóriæ induit eum.

Absolutio Exáudi, Dómine.

Benedictio Benedictióne.

De Epístola prima beáti Pauli Apóstoli ad Timótheum

Lectio i **Cap. 3, 1-7**



Idélis sermo : Si quis episcopátum desíderat, bonum opus desíderat. Opórtet ergo episcopum irreprehensibilem esse, uníus uxóris virum, sóbrium, prudentem, ornátum, pudícum, hospitálem, doctórem, non vinoléntum, non percussórem, sed modéstum; non litigiósum, non cúpidum, sed suæ dómui bene præpósitum, filios habéntem súbditos cum omni castitáte. Si quis autem dómui suæ præesse nescit, quómodo Ecclésiæ Dei diligéntiam habébit? Non neóphytum, ne, in supérbiam elátus, in júdiciu incídat diáboli. Opórtet autem illum et testimoniúm habére bonum ab iis qui foris sunt, ut non in oppróbriu incídat, et in láqueu diáboli.

℟. Euge, serve bone et fidélis, quia in pauca fuisti fidélis, supra multa te constituam : * Intra in gáudium Dómini tui. ℣. Dómine, quinque talénta tradidisti mihi, ecce, ália quinque superlucrátus sum. — Intra.

Benedictio Unigénitus Dei.

De Epístola ad Titum

Lectio ii **Cap. 1, 7-11**

O Pórtet enim episcopum sine crimine esse, sicut Dei dispensatórem : non supérbum, non iracúndum, non vinoléntum, non percussórem, non turpis lucri cúpidum; sed hospitálem, benígnum, sóbrium, justum, sanctum, continéntem, amplecténtem eum, qui secúndum doctrínam est, fidélem sermónem : ut potens sit exhortári in doctrína sana, et eos, qui contradícunt, argúere. Sunt enim multi étiam inobediéntes, vaníloqui et seductóres : máxime qui de circumcisióne sunt : quos opórtet redárgui : qui univérsas domos subvértunt, docéntes quæ non opórtet, turpis lucri grátia.

℟. Ecce sacérdos magnus, qui in diébus suis plácuít Deo : * Ideo iurejurándo fecit illum Dóminus créscere in plebem

suam. ℣. Benedictiόνem ómnium géntium dedit illi, et testaméntum suum confirmávit super caput ejus. — Ideo.

Benedictio Spíritus Sancti.

Lectio iii **Cap. 2, 1-8**

TU autem lóquere quæ decent sanam doctrínam : Senes ut sóbrii sint, pudíci, prudéntes, sani in fide, in dilectiόνem, in patientiám : Anus simíliter in hábitu sancto, non criminátríces, non multo vino serviéntes, bene docéntes : ut prudéntiam dóceant adoléscentúlas, ut viros suos ament, filios suos diligant, prudéntes, castas, sóbrias, domus curam habéntes, benígnas, súbditas viris suis, ut non blasphemétur verbum Dei. Júvenes simíliter hortáre ut sóbrii sint. In ómnibus teípsum præbe exémpulum bonórum óperum, in doctrína, in integritáte, in gravitáte, verbum sanum, irreprehensíbile : ut is, qui ex advérso est, vereátur, nihil habens malum dícere de nobis.

℟. Jurávit Dóminus, et non pænitébit eum : * Tu es sacérdos in ætérnum secúndum órđinem Melchisedech. ℣. Dixit Dóminus Dómino meo : Sede a dextris meis. — Tu. Glória Patri. Tu.

In II Nocturno

Ant. Invocántem * exaudivit Dóminus Sanctum suum; Dóminus exaudivit eum, et constituit eum in pace.

Psalmus 4

EUM invocárem exaudivit me Deus justítiæ meæ : * in tribulatióne dilatásti mihi.

Miserére mei, * et exáudi oratiómem meam.

Filii hóminum, úsquequo gravi corde? * ut quid diligitis vanitátem, et quæritis mendácium?

Et scitóte quóniam mirificávit Dóminus sanctum suum : * Dóminus exáudiet me cum clamávero ad eum.

Irascimini, et nolite pec-cáre : * quæ dicitis in córdibus vestris, in cubilibus vestris compungímini.

Sacrificáte sacrificium justítiæ, et speráte in Dómino. * Multi dicunt : Quis osténdit nobis bona?

Signátum est super nos lumen vultus tui, Dómine : * dedísti lætítiam in corde meo.

A fructu fruménti, vini, et ólei sui * multiplicáti sunt.

In pace in idípsum * dormiam, et requiéscam;

Quóniam tu, Dómine, singuláriter in spe * constituísti me.

Ant. Invocántem exaudivit Dóminus Sanctum suum; Dóminus exaudivit eum, et constituit eum in pace.

Ant. Læténtur omnes, * qui sperant in te, Dómine : quóniam tu benedixísti justo, scuto bonæ voluntátis tuæ coronásti eum.

Psalmus 5

Verba mea áuribus percipe, Dómine, * intéllige clamórem meum.

Inténde voci oratiónis meæ, * Rex meus et Deus meus.

Quóniam ad te orábo : * Dómine, mane exáudies vocem meam.

Mane astábo tibi et vidébo : * quóniam non Deus volens iniquitátem tu es.

Neque habitábit juxta te malignus : * neque permánébunt injústi ante óculos tuos.

Odísti omnes, qui operántur iniquitátem : * perdes omnes, qui loquúntur mendácium.

Virum sánguinem et dolósum abominábitur Dóminus : * ego autem in multitúdine misericórdiæ tuæ.

Introíbo in domum tuam : * adorábo ad templum sanctum tuum in timóre tuo.

Dómine, deduc me in justítia tua : * propter ini-

micos meos dirige in conspectu tuo viam meam.

Quóniam non est in ore eorum veritas : * cor eorum vanum est.

Sepulcrum patens est guttur eorum, linguis suis dolose agebant, * iudica illos, Deus.

Décidant a cogitationibus suis, secundum multitudinem impietatum eorum expelle eos, * quóniam irritaverunt te, Dómine.

Et læténtur omnes, qui sperant in te, * in æternum exsultábunt : et habitábis in eis.

Et gloriabúntur in te omnes, qui diligunt nomen tuum, * quóniam tu benedíces justo.

Dómine, ut scuto bonæ voluntátis tuæ * coronásti nos.

Ant. Læténtur omnes, qui sperant in te, Dómine : quóniam tu benedixísti justo, scuto bonæ voluntátis tuæ coronásti eum.

Ant. Dómine, Dóminus noster, * quam admirábile est nomen tuum in univérsta terra! quia glória et honóre coronásti Sanctum tuum, et constituísti eum super ópera mánuum tuárum.

Psalmus 8

Domine, Dóminus noster, * quam admirábile est nomen tuum in univérsta terra!

Quóniam eleváta est magnificentia tua, * super cælos.

Ex ore infántium et lacténtium perfecísti laudem propter inimicos tuos, * ut destruas inimicum et ultórem.

Quóniam vidébo cælos tuos, ópera digitórum tuórum : * lunam et stellas, quæ tu fundásti.

Quid est homo, quod memor es ejus? * aut fílius hóminis, quóniam vísitas eum?

Minuísti eum paulo minus ab Angelis, glória et honóre coronásti eum : * et constituísti eum super ópera mánuum tuárum.

Omnia subjecísti sub pedibus ejus, * oves et boves univérsas : insuper et pecora campi.

Vólucres cæli, et pisces maris, * qui perámbulant sémitas maris.

Dómine, Dóminus noster, * quam admirábile est nomen tuum in univérsta terra!

Ant. Dómine, Dóminus noster, quam admirábile est nomen tuum in univérsta terra! quia glória et honóre coronásti Sanctum tuum, et constituísti eum super ópera mánuum tuárum.

℟. Elégit eum Dóminus sacerdotem sibi. **℟.** Ad sacrificándum ei hóstiam laudis.

Pro Conf. non Pont.

✠. Os iusti meditabitur sapientiam. ✠. Et lingua eius loquetur iudicium.

Absolutio Ipsius pietas.

Benedictio Deus Pater.

Sermo sancti Máximi
Episcopi

Homilia 59, quæ est 2
de S. Eusebio Vercellensi

Lectio iv



D sancti ac beatissimi Patris nostri **N.**,
cujus hodie festa celebramus, laudes addidisse aliquid, decerpisse est; siquidem virtutum ejus gratia non sermonibus exponenda est, sed operibus comprobanda. Cum enim dicat Scriptura : Glória patris est filius sapiens; quantæ hujus sunt gloriæ, qui tantorum filiorum sapientia et devotione lætatur? In Christo enim Jesu per Evangelium ipse nos genuit.

✠. Inveni David servum meum, oleo sancto meo unxi eum : * Manus enim mea auxiliabitur ei. ✠. Nihil proficiet inimicus in eo, et filius iniquitatis non nocēbit ei. — Manus enim.

Bened. Christus perpétuæ.

Lectio v

Quidquid igitur in hac sancta plebe potest esse virtutis et gratiæ, de

hoc, quasi quodam fonte lucidissimo, omnium rivulorum puritas emanavit. Etenim, quia castitatis pollēbat vigóre, quia abstinentiæ gloriabatur angustis, quia blandimentis erat præditus lenitatis, omnium civium in Deum provocavit affectum; quia Pontificis administratione fulgebat, plures e discipulis reliquit sui sacerdotii successores.

✠. Pósuī adiutorium super potentem, et exaltavi electum de plebe mea : * Manus enim mea auxiliabitur ei. ✠. Inveni David servum meum, oleo sancto meo unxi eum. — Manus.

Bened. Ignem sui amoris.

Lectio vi

Bene et congrue in hac die, quam nobis beati Patris nostri **N.** ad paradisum transitus exsultabilem reddit, præsentis Psalmi versiculum decantavimus : In memoria æterna erit justus. Digne enim in memoriam vertitur hominum, qui ad gaudium transiit Angelorum. Dicit sermo divinus : Ne laudes hominem in vita sua; tamquam si diceret : Lauda post vitam, magnifica post consummationem. Duplici enim ex causa utilius est hominum

magis memóriæ laudem dare, quam vitæ; ut illo potissimum tēpore mērita sanctitātis extóllas, quando nec laudāntem adulatio movet, nec laudatum tentat elatio.

R. Iste est, qui ante Deum magnas virtutes operatus est, et omnis terra doctrina ejus replēta est : * Ipse intercēdat pro peccātis omnium populorum. **R.** Iste est, qui contempsit vitam mundi, et pervēnit ad cælestia regna. — Ipse. **G**lória Patri. Ipse.

In III Nocturno

Ant. Dómine, * iste Sanctus habitabit in tabernáculo tuo, operatus est justitiam, requiescet in monte sancto tuo.

Psalmus 14



Domine, quis habitabit in tabernáculo tuo? * aut quis requiescet in monte sancto tuo?

Qui ingreditur sine mácula, * et operatur justitiam :

Qui loquitur veritatem in corde suo, * qui non egit dolum in lingua sua :

Nec fecit próximo suo malum, * et opprobrium non accēpit adversus próximos suos.

Ad níhilum deductus est in conspectu ejus malí-

gnus : * timētes autem Dóminum gloriācat :

Qui jurat próximo suo, et non decipit, * qui pecuniam suam non dedit ad usuram, et múnera super innocentem non accēpit.

Qui facit hæc, * non movēbitur in ætérnum.

Ant. Dómine, iste Sanctus habitabit in tabernáculo tuo, operatus est justitiam, requiescet in monte sancto tuo.

Ant. Vitam pētiit * a te, et tribuisti ei, Dómine : glóriam et magnum decorem imposuisti super eum : posuisti in cāpite ejus corónam de lápide pretiōso.

Psalmus 20

Domine, in virtute tua lætābitur rex : * et super salutare tuum exsultābit vehemēter.

Desidérium cordis ejus tribuisti ei : * et voluntate labiōrum ejus non fraudasti eum.

Quóniam prævenisti eum in benedictionibus dulcedinis : * posuisti in cāpite ejus corónam de lápide pretiōso.

Vitam pētiit a te : * et tribuisti ei longitudinem diērum in sǎculum, et in sǎculum sǎculi.

Magna est glória ejus in salutári tuo : * glóriam et magnum decorem impōnes super eum.

Quóniam dabis eum in benedictiōnem in sǎculum sǎculi : * lætificábis eum in gáudio cum vultu tuo.

Quóniam rex sperat in Dómino : * et in misericórdia Altíssimi non commovébitur.

Inveniátur manus tua ómnibus inimícis tuis : * dextera tua invéniat omnes, qui te odérunt.

Pones eos ut clíbanum ignis in témpore vultus tui : * Dóminus in ira sua conturbábit eos, et devorábit eos ignis.

Fructum eórum de terra perdes : * et semen eórum a filiis hóminum.

Quóniam declinavérunt in te mala : * cogitavérunt consília, quæ non potuerunt stabilíre.

Quóniam pones eos dorsum : * in reliquiis tuis præparábis vultum eórum.

Exaltáre, Dómine, in virtúte tua : * cantávimus et psallémus virtútes tuas.

Ant. Vitam pétiit a te, et tribuísti ei, Dómine : glóriam et magnum decórem imposuísti super eum : posuísti in cápite ejus corónam de lápide pretiósio.

Ant. Hic accípiet * benedictiōnem a Dómino, et misericórdiam a Deo salutári suo : quia hæc est generátio quæréntium Dóminum.

Psalmus 23

Domini est terra, et plenitúdo ejus : * orbis terrárum, et univérsti qui hábitant in eo.

Quia ipse super mária fundávit eum : * et super flúmina præparávit eum.

Quis ascéndet in montem Dómini? * aut quis stabit in loco sancto ejus?

Innocens mánibus et mundo corde, * qui non accépit in vano ánimam suam, nec jurávit in dolo próximo suo.

Hic accípiet benedictiōnem a Dómino : * et misericórdiam a Deo, salutári suo.

Hæc est generátio quæréntium eum, * quæréntium faciē Dei Jacob.

Attóllite portas, príncipes, vestras, et elevámini, portæ æternáles : * et introíbit Rex glóriæ.

Quis est iste Rex glóriæ? * Dóminus fortis et potens : Dóminus potens in prælio.

Attóllite portas, príncipes, vestras, et elevámini, portæ æternáles : * et introíbit Rex glóriæ.

Quis est iste Rex glóriæ? * Dóminus virtútum ipse est Rex glóriæ.

Ant. Hic accípiet benedictiōnem a Dómino, et misericórdiam a Deo salutári suo; quia hæc est generátio quæréntium Dóminum.

V. Tu es sacerdos in ætérnum. **R.** Secundum ordinem Melchisedech.

Pro Conf. non Pont.

V. Lex Dei ejus in corde ipsius. **R.** Et non supplantabuntur gressus ejus.

Absolutio A vñculis.

Bened. Evangélica lécio.

Lécio sancti Evangélii
secúndum Matthæum

Lectio vii Cap. 25, 14-23

IN illo témpore : Dixit Jesus discipulis suis parábolam hanc : Homo péregre proficiscens, vocávit servos suos, et trádidit illis bona sua. Et réliqua.

Homília sancti Gregórii
Papæ

Homilia 9 in Evang.

Lectio sancti Evangélii, fratres caríssimi, solícite consideráre nos ádmonet, ne nos, qui plus céteris in hoc mundo accepísse áliquíd cernimur, ab Auctóre mundi grávius inde judicémur. Cum enim augéntur dona, ratiónes crescunt donórum. Tanto ergo esse humílior atque ad serviéndum Deo prómptior quisque debet ex múnere, quanto se obligatiórem esse cónspicit in reddénda ratióne. Ecce homo, qui péregre proficiscitur, servos suos vocat eisque ad

negótium talénta partítur. Post multum vero témporis positúrus ratiónem revértitur. Bene operántes pro apportáto lucro remunérat, servum vero a bono ópere torpéntem damnat.

R. Amávit eum Dóminus, et ornávit eum : stolam glóriæ induit eum, * Et ad portas paradísi coronávit eum. **V.** Induit eum Dóminus lorícam fidei, et ornávit eum. — Et.

Benedictio Cujus festum.

Lectio viii

Quis ítaque iste homo est, qui péregre proficiscitur, nisi Redémptor noster, qui in ea carne, quam assúmpserat, ábiit in cælum? Carnis enim locus próprius terra est; quæ quasi ad peregrína dúcitur, dum per Redemptórem nostrum in cælo collocátur. Sed homo iste, péregre proficiscens, servis suis bona sua trádidit, quia fídelibus suis spirituália dona concéssit. Et uni quidem quinque talénta, álii duo, álii vero commísit unum. Quinque etenim sunt corpóris sensus, vidélicet : visus, audítus, gustus, odorátus et tactus. Quinque ergo taléntis donum quinque sénsuum, id est, exteriórum sciéntia exprimitur. Duóbus vero intelléctus et operátio designá-

tur. Unius autem talénti nómine intelléctus tantúmmodo designátur.

℟. Sint lumbi vestri præcincti, et lucernæ ardéntes in mánibus vestris : * Et vos símiles homínibus exspectántibus dóminum suum, quando revertátur a núptiis. ℣. Vigiláte ergo, quia nescítis qua hora Dóminus vester ventúrus sit. — Et. Glória Patri. Et.

Benedictio Ad societátem.

Lectio ix

SED is, qui quinque talénta accéperat, ália quinque lucrátus est : quia sunt nonnúlli, qui, etsi intérna ac mýstica penetráre nésciunt, pro intentióne tamen supérnæ pátriæ docent recta quos possunt; de ipsis exterióribus, quæ acceperunt, duplum taléntum portant; dumque se a carnis petulántia et a terrenárum rerum ámbitu atque a visibílium voluptáte custódiunt, ab his étiam álios admonéndo compéscunt. Et sunt nonnúlli, qui, quasi duóbus taléntis ditáti, intelléctum atque operatiónem percípiunt, subtilia de intérnis intélligunt, mira in exterióribus operántur. Cumque et intelligéndo et operándo áliis prædicant, quasi duplicátum de negótio lucrum repórtant. Te Deum.

AD LAUDES

et per Horas, Añæ

1 Ecce sacerdos magnus, * qui in diébus suis plácuit Deo, et invéntus est justus.

Psalmi de Dominica.

2 Non est invéntus * símilis illi, qui conserváret legem Excélsi.

3 Ideo jurejurádo * fecit illum Dóminus créscere in plebem suam.

4 Sacerdótes Dei, * benedicite Dóminum : servi Dómini, hymnum dicite Deo, allelúja.

5 Serve bone * et fidélis, intra in gáudium Dómini tui.

Capit. Eccli. 44, 16-17

ECce sacerdos magnus, * qui in diébus suis plácuit Deo, et invéntus est justus : et in témpore iracúndiæ factus est reconciliátio.

Hymnus

Jesu, Redemptor ómnium,
Perpes coróna Præsulum,
In hac die clementius
Indúlgeas precántibus,

Tui sacri qua nóminis
Confessor almus cláruit :
Hujus celebrat ánnua
Devóta plebs solémnia

Qui rite mundi gáudia
Hujus cadúca réspuens,
Æternitátis præmio
Potítur inter Angelos.

Hujus benígnus ánnue
Nobis sequi vestígia :
Hujus precátu, sérvulis
Dimítte noxam críminis.

* Sit, Christe, Rex piíssime,
Tibi, Patrique glória,
Cum Spíritu Paráclito,
Nunc et per omne saécu-
lum. Amen.

✠. Justum dedúxit Dómi-
nus per vias rectas. ✠. Et
osténdit illi regnum Dei.

Ad Bened. Ant. Euge,
serve bone * et fidélis,
quia in pauca fuísti fidélis,
supra multa te constí-
tuam, dicit Dóminus.

1 — Oratio

DA, quásumus, omnípo-
tens Deus : ut beáti N.
Confessoris tui atque Pon-
tificis veneránda solémni-
tas, et devotióne nobis
áugeat et salútem. Per
Dóminum.

2 — Alia Oratio

EXáudi, quásumus, Dó-
mine, preces nostras,
quas in beáti N. Confes-
soris tui atque Pontificis
solemnitáte deférimus : et,
qui tibi digne méruit fa-
mulári, ejus intercedénti-
bus méritis, ab ómnibus
nos absólve peccátis. Per
Dóminum.

3 — Pro Doctore Oratio

DEUS, qui pópulo tuo
aetérnae salútis beá-
tum N. mínístrum tribuí-

sti : præsta, quásumus;
ut, quem Doctórem vitæ
habúimus in terris, inter-
cessórem habére mereámur
in cælis. Per Dóminum.

Ad Horas Psalmi de Domi-
nica, ad Primam tamen ut in
Festis.

AD TERTIAM

Capit. Eccli. 44, 16-17

ECce sacérdos magnus,
qui in diébus suis plá-
cuit Deo, et invéntus est
justus : et in témpore ira-
cúndiæ factus est recon-
ciliátio.

✠. br. Amávit eum Dó-
minus, * Et ornávit eum.
Amávit. ✠. Stola glóriæ
induit eum. Et. Glória Pa-
tri. Amávit. ✠. Elégit
eum Dóminus sacerdotem
sibi. ✠. Ad sacrificándum
ei hóstiam laudis.

AD SEXTAM

Capit. Eccli. 44, 20 et 22

NON est invéntus símilis
illi, qui conserváret
legem Excélsi : ideo jure-
jurádo fecit illum Dómi-
nus créscere in plebem
suam.

✠. br. Elégit eum Dómi-
nus * Sacerdotem sibi.
Elégit. ✠. Ad sacrificán-
dum ei hóstiam laudis. Sa-
cerdotem. Glória Patri.
Elégit. ✠. Tu es sacérdos
in aetérnum. ✠. Secúndum
órdinem Melchisedech.

AD NONAM

Capit. Eccli. 45, 19-20

Fungi sacerdotio, et habere laudem in nomine ipsius, et offerre illi incensum dignum in odorem suavitatis.

R. br. Tu es sacerdos * In ætérnum. Tu. **V.** Secundum ordinem Melchisedech. In. **Gloria Patri.** Tu. **V.** Justum deduxit Dominus per vias rectas. **R.** Et ostendit illi regnum Dei.

IN II VESPERIS

Omnia ut in I Vesperis [69], sed loco ultimi dicitur Psalmus 131 **Meménto, ut ibidem pro II Vesperis notatur.**

V. Justum deduxit Dominus per vias rectas. **R.** Et ostendit illi regnum Dei.

Ad Magnif. Ant. Amavit eum Dominus, * et ornavit eum : stolam gloriæ induit eum, et ad portas paradisi coronavit eum.

Sequens Antiphona dicitur ad Magnificat in II Vesperis pro solis Summis Pontificibus. Si vero agenda sit Commemoratio alterius Summi Pontificis, sumitur Antiphona Amavit, ut supra.

Ant. Dum esset Summus Pontifex, * terræna non metuit, sed ad cælestia regna gloriosus migravit.

Completorium de Dominica.

Si occurrat celebrari Festum plurium Pontificum et Con-

fessorum, Officium fit ut supra : sed in Oratione et Sermone ea, quæ habentur in singulari dicantur in plurali ; et in I Nocturno legantur sequentes Lectiones de Scriptura.

De libro Ecclesiastici

Lectio i Cap. 44, 1-15

Audemus viros gloriosos et parentes nostros in generatione sua. Multam gloriam fecit Dominus magnificentia sua a sæculo. Dominantes in potestatibus suis homines magni virtute, et prudentia sua præditi, nuntiantes in prophetis dignitatem prophetarum, et imperantes in præsentî populo, et virtute prudentiæ populis sanctissima verba. In peritia sua requirèntes modos musicos, et narrantes carmina scripturarum.

Pro Conf. Pont. et non Pont.

R. Euge, serve bone et fidelis, quia in pauca fuisti fidelis, supra multa te constituam : * Intra in gaudium Domini tui. **V.** Domine, quinque talenta tradidisti mihi, ecce alia quinque superlucratus sum. — Intra.

Lectio ii

Homines divites in virtute, pulchritudinis studium habentes, pacificantes in domibus suis. Omnes isti in generationi-

bus gentis suæ glóriam adépti sunt, et in diébus suis habéntur in láudibus. Qui de illis nati sunt, reliquerunt nomen narrándi laudes eórum : et sunt quorum non est memória : periérunt quasi qui non fúerint : et nati sunt, quasi non nati, et filii ipsórum cum ipsis.

Pro Confessore Pontifice

℟. Ecce sacérdos magnus, qui in diébus suis plácuít Deo : * Ideo jurejurándo fecit illum Dóminus créscere in plebem suam. ℣. Benedictiónem ómnium géntium dedit illi, et testaméntum suum confirmávit super caput ejus. — Ideo.

Pro Confessore non Pont.

℟. Justus germinábit sicut lílium : * Et florébit in ætérnum ante Dóminum. ℣. Plantátus in domo Dómini, in átriis domus Dei nostri. — Et.

Lectio iii

SED illi viri misericórdiæ sunt, quorum pietátes non defuéerunt : cum sémine eórum pérmanent bona, heréditas sancta nepótes eórum, et in testaméntis stetit semen eórum. Et filii eórum propter illos usque in ætérnum manent : semen eórum et glória eórum non derelinquétur. Córpora ipsórum in pace

sepúlta sunt, et nomen eórum vivit in generatió-nem et generatió-nem. Sapientiam ipsórum narrent pópuli, et laudem eórum nuntiet Ecclésia.

Pro Confessore Pontifice

℟. Jurávit Dóminus, et non pænitébit eum : * Tu es sacérdos in ætérnum secúndum ór-dinem Melchisedech. ℣. Dixit Dóminus Dómino meo, Sede a dextris meis. — Tu. Glória. Tu.

Pro Confessore non Pont.

℟. Iste cognóvit justitiam, et vidit mirabília magna, et exorávit Altí-simum : * Et invéntus est in número Sanctórum. ℣. Iste est, qui contémpsit vitam mundi, et pervénit ad cæléstia regna. — Et. Glória Patri. Et.

II ALIÆ LECTIONES

pro Confessore Pont.

In II Nocturno

Sermo sancti Máximi
Epíscopi

Homilia 59, de S. Eusebio 2

Lectio iv



Eáti Patris N. mérita, jam in tuto pósita, secúri magnificémus; qui, gubernáculum fidei viríliter tenens, áncoram spei tranquilla jam in statióne compósuit,

et plenam cælestibus divitiis et æternis mércibus navem optáto in líttore collocávit; qui contra omnes adversários scutum timóris Dei támdiu infatigábiliter ténuít, donec ad victóriam perveniret. Quid enim fuit totus vitæ illius cursus, nisi unius cum vígili hoste confliktus?

℟. Invéni David servum meum, óleo sancto meo unxi eum : * Manus enim mea auxiliábitur ei. ℣. Nihil proficiet inimícus in eo, et fílius iniquitátis non nocébit ei. — Manus.

Lectio v

Quantis hic cæcis, a via veritátis errántibus et de summa jam in profúndum rupe pendéntibus, amíssum réddidit visum; et illum, quo Christus viderétur, reparávit intúitum? Quantórum áuribus surdis et infidelitátis obturatióne damnátis, ad percipiéndam vocem cælestium mandatórum, pretiósus infúdit audítum; ut vocánti Deo ad misericórdiam respondérent per obediéntiam? Quantos intrínsecus vulnerátos, angélici oris arte et oratiónum, ab infirmitáte curávit?

℟. Pósuí adjutórium super poténtem, et exaltávi eléctum de plebe mea : * Manus enim mea auxiliá-

bitur ei. ℣. Invéni David servum meum, óleo sancto meo unxi eum. — Manus.

Lectio vi

Quantos, per longam incuríam peccáti labe resolutos et quadam lepræ contagióne perfúsos, castigatió nibus et exhortatió nibus expiádo, Deo in se operánte, mundávit? Quantórum ánimas, vivéntes in córpore jam defúctas et delictórum mole óbrutas ac sepúltas, ad emendatió nem tamquam ad lucem vocádo, Deo resuscitávit; ut, Dómini sui admirándus imitátor, jam mórtuas Deo, e contrário mortíficet, vitáli morte, peccáto?

℟. Iste est, qui ante Deum magnas virtútes operátus est, et omnis terra doctrína ejus repléta est :

* Ipse intercédát pro peccátis ómnium populórum.

℣. Iste est, qui contémpsit vitam mundi, et pervénit ad cælestia regna. — Ipse.

Glória Patri. Ipse.

In III Nocturno

Lectio sancti Evangélii
secúndum Matthæum

Lectio vii Cap. 24, 42-47

IN illo témpore : Dixit Jesus discípulis suis : Vigilate, quia nescitis quahora Dóminus vester ventúrus sit. Et réliqua.

Homilia sancti Hilarii
Episcopi

Comment. in Matth. can. 26
in fine

Ignorantiam illam dei omnibus taciti non sine utilis silentii ratione esse sciremus, vigilare nos Dominus propter adventum furis admonuit, et, orationum assiduitate detentos, omnibus preceptorum suorum operibus inhærere. Furem enim esse ostendit zabulum, ad detrahenda ex nobis spolia pervigilem et corporum nostrorum domibus insidiantem; ut ea, incuriosis nobis et somno deditis, consiliorum suorum atque illecebrarum jâculis perfodiat. Parâtos igitur esse nos convenit, quia dei ignoratio intantum sollicitudinem suspensæ expectationis exâgitet.

℟. Amavit eum Dominus, et ornavit eum : stolam gloriæ induit eum, * Et ad portas paradisi coronavit eum. ℣. Induite eum Dominus lorîcam fidei, et ornavit eum. — Et.

Lectio viii Can. 27

Quisnam est fidelis servus et prudens, quem constituit Dominus super familiam suam? Quamquam in commune nos ad indefessam vigilantiam cu-

ram adhortetur, specialem tamen populi principibus, id est, episcopis, in expectatione adventûque suo sollicitudinem mandat. Hunc enim servum fidèlem atque prudentem, præpositum familiæ significat, commoda atque utilitates commissi sibi populi curantem. Qui, si dicto audiens et præceptis obediens erit, id est, si doctrinæ oportunitate et veritate infirma confirmet, disrûpta consolidet, depravata convertat et verbum vitæ in æternitatis cibum alendæ familiæ dispèdat, atque hæc agens hisque immorans deprehendatur; gloriâ a Domino tamquam dispensator fidelis et villicus utilis consequetur, et super omnia bona constituetur, id est, in Dei gloriâ collocabitur, quia nihil sit ultra, quod melius sit.

℟. Sint lumbi vestri præcincti, et lucernæ ardentes in manibus vestris : * Et vos similes hominibus expectantibus dominum suum, quando revertatur a nuptiis. ℣. Vigilate ergo, quia nescitis qua hora Dominus vester venturus sit. — Et. Gloria Patri. Et.

Lectio ix

Quod si còntuens longam Dei patientiam, quæ in profectum humanæ sa-

lútis exténditur, advérsus consérvos insoléscet, et sǽculi malis vitiisque se tradet, præséntium tantum curam in cultu ventris exércens; desperáta die Dóminus advéniet, eúmque a bonis quæ spopónderat dívidet, portionémque ejus cum hypócritis in

pœnæ æternitáte constítuet : quia advéntum desperáverit, quia mandátis non obtemperáverit, quia præséntibus studúerit, quia vita géntium víxerit, quia desperatióne judícii commíssam sibi familiam fame, siti, cæde vexáverit. Te Deum laudámus.

Commune Doctorum

Omnia de Communi Confessoris aut Pontificis [69] aut non Pontificis [94], juxta qualitatem Festi, præter sequentia :

Ad Magnif. in utrisque Vesp. Ant. O Doctor óptime, * Ecclesiæ sanctæ lumen, beáte N., divínæ legis amátor, deprecáre pro nobis Fílium Dei.

Oratio

Deus, qui pópulo tuo æternæ salútis beátum N. místrum tribuísti : præsta, quæsumus; ut, quem Doctórem vitæ habúimus in terris, intercessórem habére mereámur in cælis. Per Dóminum.

Si vero agenda sit Commemoratio alterius Doctoris, Antiphona in utrisque Vesperis et Oratio sumuntur de respectivo Communi Confessoris aut Pontificis aut non Pontificis, pro qualitate Festi.

In I Nocturno

De libro Ecclesiástici

Lectio i Cap. 39, 1-14



Apiéntiam ómnium antiquórum exquireret sápiens, et in prophétis vacábit. Narratióem virórum nominatórum conservábit, et in versútias parabolárum simul introíbit. Occúlta proverbiorum exquireret, et in absconditis parabolárum conversábitur. In médio magnatórum ministrábit, et in conspéctu præsidis apparébit. In terram alienigenárum géntium pertránsiet; bona enim et mala in homínibus tentábit.

℟. Euge, serve bone et fidélis, quia in pauca fuísti fidélis, supra multa te constítuam : * Intra in gáudium Dómini tui. ℣. Dó-

mine, quinque talénta tradidisti mihi, ecce ália quinque superlucrátus sum. — Intra in gáudium Domini tui.

Lectio ii

COR suum tradet ad vigilándum dilúculo ad Dóminum, qui fecit illum, et in conspéctu Altíssimi deprecábitur. Apériet os suum in oratióne, et pro delictis suis deprecábitur. Si enim Dóminus magnus volúerit, spíritu intelligéntiæ replébit illum : et ipse tamquam imbres mittet elóquia sapiéntiæ suæ, et in oratióne confitébitur Dómino : et ipse díriget consílium ejus, et disciplinam, et in absconditis suis consiliábitur.

Pro Doctore Pontifice

℟. Ecce sacérdos magnus, qui in diébus suis plácuít Deo : * Ideo jurejurádo fecit illum Dóminus créscere in plebem suam. ℣. Benedictiónem ómnium géntium dedit illi, et testaméntum suum confirmávit super caput ejus. — Ideo.

Pro Doctore non Pontifice

℟. Justus germinábit sicut lílium : * Et florébit in ætérnum ante Dóminum. ℣. Plantátus in domo Dómini, in átriis domus Dei nostri. — Et.

Lectio iii

IPse palam fáciét disciplínám doctrínæ suæ, et in lege testaménti Dómini gloriábitur. Collaudábunt multi sapiéntiam ejus, et usque in sáculum non delébitur. Non recédet memória ejus, et nomen ejus requirétur a generatióne in generatióne. Sapiéntiam ejus enarrábunt gentes, et laudem ejus enuntiábit Ecclésia.

Pro Doctore Pontifice

℟. Jurávit Dóminus, et non pænitébit eum : * Tu es sacérdos in ætérnum secúndum órđinem Melchisedech. ℣. Dixit Dóminus Dómino meo, Sede a dextris meis. — Tu. Glória. Tu.

Pro Doctore non Pontifice

℟. Iste cognóvit justítiam, et vidit mirabília magna, et exorávit Altíssimum : * Et invéntus est in número Sanctórum. ℣. Iste est, qui contémpsit vitam mundi, et pervénit ad cæléstia regna. — Et. Glória Patri. Et.

In II Noeturno

Ex libro Morálium sancti Gregórii Papæ

Lib. 9, cap. 6

Lectio iv

QUI post Oríonas, Hýadum nómine, nisi Doctóres sanctæ Ecclésiæ designántur?

Qui, subdúctis Martýribus, eo jam témpore ad mundi notítiam venérunt, quo fides clárus elúcet et, représsa infidelitátis hie-me, áltius per corda fidélium sol veritátis calet. Qui, remóta tempestáte persecutiónis, explétis longis nóctibus infidelitátis, tunc sanctæ Ecclesiæ orti sunt, cum ei jam per credulitátis vernalium lucídior annus aperítur.

Pro Doctore Pontifice

℟. Invéni David servum meum, óleo sancto meo unxi eum : * Manus enim mea auxiliábitur ei. ℣. Nihil proficiet inimícus in eo, et fílius iniquitátis non nocébit ei. — Manus.

Pro Doctore non Pontifice

℟. Honéstum fecit illum Dóminus, et custodívit eum ab inimícis, et a seductóribus tutávit illum : * Et dedit illi claritátem ætérnam. ℣. Justum dedúxit Dóminus per vias rectas, et osténdit illi regnum Dei. — Et dedit illi.

Lectio v

NEC immérito Doctóres sancti Hýadum nuncupatióne signántur. Græco quippe elóquio hýetos plúvia vocátur, et Hýades nomen a plúviis accepérunt, quia ortæ procul dúbio imbres ferunt. Bene

ergo Hýadum appellatióne expréssi sunt, qui, ad statum universális Ecclesiæ, quasi in cæli faciém dedúcti, super aréntem terram humáni pectoris sanctæ prædicatiónis imbres fuderunt. Si enim prædicatiónis sermo plúvia non esset, Móyses mínime dixisset : Exspectétur sicut plúvia elóquium meum; et nequáquam per Isaíam Véritas diceret : Mandábo núbibus meis, ne pluant super eam imbrem; atque hoc, quod paulo ante protúlimus : Quam ob rem prohibítæ sunt stellæ pluviárum.

Pro Doctore Pontifice

℟. Pósuí adjutórium super poténtem, et exaltávi eléctum de plebe mea : * Manus enim mea auxiliábitur ei. ℣. Invéni David servum meum, óleo sancto meo unxi eum. — Manus.

Pro Doctore non Pontifice

℟. Amávit eum Dóminus, et ornávit eum : stolam glóriæ induit eum, * Et ad portas paradísi coronávit eum. ℣. Induit eum Dóminus lorícam fidei, et ornávit eum. — Et ad portas.

Lectio vi

DUM ergo Hýades cum plúviis véniunt, ad cæli spátia altióra sol dúcitur : quia, apparénte Do-

ctórum sciéntia, dum mens nostra imbre prædicatiónis infúnditur, fidei calor augétur. Et perfúsa terra ad fructum próficit; cum lumen ætheris ignéscit : quia ubérius frugem boni óperis réddimus, dum per sacræ eruditiónis flammam in corde clárius ardémus. Dumque per eos diébus singulis magis magisque sciéntia cæléstis osténditur, quasi intérni nobis lúminis vernum tempus aperítur; ut novus sol nostris méntibus rútile, et, eórum verbis nobis cógnitus, seipso quotidie clárior micet. Urgénte étenim mundi fine, supérna sciéntia próficit, et lárgius cum témpore excréscit.

Pro Doctore Pontifice

℟. Iste est, qui ante Deum magnas virtútes operátus est, et omnis terra doctrína ejus repléta est : * Ipse intercédât pro peccátis ómnium populórum. ℣. Iste est, qui contémpsit vitam mundi, et pervénit ad cæléstia regna. — Ipse. Glória Patri. Ipse.

Pro Doctore non Pontifice

℟. Iste homo perfécit ómnia quæ locútus est ei Deus, et dixit ad eum : Ingrédere in réquiem meam : * Quia te vidi justum coram me ex ómnibus géntibus. ℣. Iste est, qui con-

témpsit vitam mundi, et pervénit ad cæléstia regna. — Quia. Glória Patri. Quia.

In III Nocturno

Léctio sancti Evangélii
secúndum Matthæum

Lectio vii Cap. 5, 13-19

IN illo témpore : Dixit Jesus discipulis suis : Vos estis sal terræ. Quod si sal evanúerit, in quo saliétur? Et réliqua.

Homília sancti Augustíni
Epísopi

Liber 1 de Sermone Domini in monte, cap. 6



Sténdit Dóminus, fátuos esse judicándos, qui, temporálium bonórum vel cópiam sectántes vel inópiam metuéntes, amíttunt æténa, quæ nec dari possunt ab homínibus nec auférri. Itaque, si sal infatuátum fúerit, in quo saliétur? Id est, si vos, per quos condiéndi sunt quodámmodo pópuli, metu persecutiónum temporálium amiséritis regna cælórum; qui erunt hómines, per quos a vobis error auferátur, cum vos elégerit Deus, per quos errórem áuferat ceterórum?

Pro Doctore Pontifice

℟. Amávit eum Dóminus, et ornávit eum : stolam glóriæ induit eum, * Et ad portas paradísi coronávit

eum. *℟.* Induit eum Dóminus lorícam fidei, et ornávit eum. — Et ad portas.

Pro Doctore non Pontifice

℟. Iste est, qui ante Deum magnas virtútes operátus est, et de omni corde suo laudávit Dóminum : * Ipse intercédát pro peccátis ómnium populórum. *℟.* Ecce homo sine queréla, verus Dei cultor, ábstinens se ab omni ópere malo, et pérmanens in innocéntia sua. — Ipse.

Lectio viii

ERgo ad níhilum valet sal infatuátum, nisi ut mittátur foras et calcétur ab homínibus. Non itaque calcátur ab homínibus, qui pátitur persecutiónem; sed qui, persecutiónem timéndó, infatuátur. Calcári enim non potest nisi inférior; sed inférior non est, qui, quamvis córpore multa in terra sustíneat, corde tamen fixus in cælo est.

℟. In médio Ecclésiæ apérui os ejus, * Et implévit eum Dóminus spíritu sapiéntiæ et intelléctus. *℟.* Jucunditátem et exsultatiónem thesaurizávit super eum. — Et implévit. Glória Patri. Et implévit.

Lectio ix

VOS estis lumen mundi. Quómodo dixit supérius sal terræ, sic nunc

dicít lumen mundi. Nam neque supérius ista terra accipiéndá est, quam pédibus corpóreis calcámus; sed hómines, qui in terra hábitant, vel étiam peccatóres, quorum condiéndis et exstinguéndis putóribus apostólicum salem Dóminus misit. Et hic mundum non cælum et terram, sed hómines, qui sunt in mundo, vel díligunt mundum, opórtet intélligi; quibus illuminándis Apóstoli missi sunt. Non potest civitas abscóndi super montem pósita; id est, fundáta super insígnem magnámque justítiam, quam significat étiam ipse mons, in quo dísputat Dóminus.

Te Deum laudámus.

II ALIA HOMILIA

Léctio sancti Evangélii
secúndum Matthæum

Lectio vii Cap. 5, 13-19

IN illo témpore : Dixit Jesus discípulis suis : Vos estis sal terræ. Quod si sal evanúerit, in quo saliétur? Et réliqua.

Homília sancti Hilárii
Epíscopi

Comment. in Matth., can. 4



VOS estis sal terræ. Quod si sal infatuátum fúerit, ad níhilum valet id quod saliétur.

Sal, ut árbitror, terræ nulum est. Quómodo ergo Apóstolos sal terræ nuncupávit? Sed proprietas est quærénda dictórum, quam et Apostolórum offíci-um et ipsíus salis natúra monstrábit. Sal est in se uno cóntinens aquæ et ignis eleméntum, et hoc ex duóbus est unum.

Pro Doctore Pontifice

✠. Amávit eum Dóminus, et ornávit eum : stolam glóriæ induit eum, *Et ad portas paradísi coronávit eum. ✠. Induit eum Dóminus lorícam fidei, et ornávit eum. — Et ad portas.

Pro Doctore non Pontifice

✠. Iste est, qui ante Deum magnas virtútes operátus est, et de omni corde suo laudávit Dóminum : *Ipse intercédát pro peccátis ómnium populórum. ✠. Ecce homo sine queréla, verus Dei cultor, ábstinens se ab omni ópere malo, et pérmanens in innocéntia sua. — Ipse.

Lectio viii

HIC igitur in omnem usum humáni géneris effectus, incorruptiónem corpóribus, quibus fúerit aspérsus, impértit, et ad omnem sensum condíti sapóris aptíssimus est. Apóstoli autem sunt rerum

cæléstium prædicatóres et æternitátis velut satóres, immortalitátem ómnibus corpóribus, quibus eórum sermo aspérsus fúerit, conferéntes. Mérito igitur sal terræ nuncupáti sunt, per doctrínæ virtútem, saliéndi modo, æternitati corpóra reservántes.

✠. In médio Ecclésiæ apéruit os ejus, *Et implévit eum Dóminus spíritu sapiéntiæ et intelléctus. ✠. Jucunditátem et exultatióem thesaurizávit super eum. — Et. Glória Patri. Et.

Lectio ix

SED natúra salis semper éadem est, nec immutári umquam potest. Verum quia conversióni homo súbjacet, et solus beátus, qui usque ad finem in ómnibus Dei opéribus permánserit; ideo eos, sal terræ nuncupátos, monet in tráditæ sibi potestátis virtúte persistere, ne infatuáti nihil sáliant, et ipsi, sensu accépti sapóris amíso, vivificáre corrúpta non possint, et projécti de Ecclésiæ promptuáriis, cum his quos salierint, pédibus incedéntium proterántur.

Te Deum laudámus.

III ALIA HOMILIA

Lectio sancti Evangelii
secundum Matthæum

Lectio vii Cap. 5, 13-19

IN illo tempore : Dixit
Jesus discipulis suis :
Vos estis sal terræ. Quod
si sal evanuerit, in quo
salietur? Et reliqua.

Homilia sancti Joannis
Chrysostomi

Homilia 15 in Matth.,
sub medium



Intendite, quid dixe-
rit : Vos estis sal
terræ; per quod
ostendit, quam necessario
ista præcipiat. Non enim
de vestra, inquit, tantum-
modo vita, sed de universo
orbe vobis ratio reddenda
est. Non ad duas quippe
urbes aut decem aut
viginti, neque ad unam
gentem vos mitto, sicut
mittēbam Prophētas; sed
ad omnem terram prorsus
ac mare totumque mun-
dum, et hunc variis crimini-
bus oppressum.

Pro Doctore Pontifice

℟. Amavit eum. [92]

Pro Doctore non Pontifice

℟. Iste est. [92]

Lectio viii

Dicēdo enim, Vos estis
sal terræ, ostendit uni-
versam hominum infatuā-
tam esse naturam et pec-
catorum vi corruptam; et
idcirco illas ab eis virtutes

requirit, quæ maxime ad
multorum salutem procu-
randam necessariæ sunt
atque utiles. Nam, qui
mansuetus est ac modē-
stus et misericors et justus,
non intra se tantummodo
hæc recte facta concludit,
verum in aliorum quoque
utilitatem præclaros hos
faciet effluere fontes. Igitur
qui corde mundo est atque
pacificus, et persecutiōnem
pro veritate patitur, nihil-
ominus in commune com-
modum vitam instituit.

℟. In medio. [92]

Lectio ix

Ne igitur putetis, inquit,
ad levia vos ducen-
dos esse certamina, neque
exiguarum rerum vobis
ineundam esse rationem,
Vos estis sal terræ. Quid
igitur? Ipsine putrefacta
medicati sunt? Nequa-
quam : neque enim fieri
potest, ut ea, quæ jam
corrupta sunt, salis per-
fricatione reparentur. Non
ergo hoc fecerunt; sed ante
renovata sibi que tradita
atque ab illa jam putredine
liberata aspergebant sale
et in ea novitate conservā-
bant, quam a Domino sus-
ceperant. Liberare quippe
a putredine peccatorum,
Christi virtutis est; ut
autem ad illa iterum non
revertantur, Apostolorum
curæ est ac laboris.

Te Deum laudamus.



Commune Confessoris non Pont.

IN I VESPERIS

Ant. 1 Dómine, quinque talénta * tradidisti mihi, ecce ália quinque superlucrátus sum.

Psalmi ut in I Vesperis de Communi Apostolorum. [3]

2 Euge, serve bone, * in módico fidélis, intra in gáudium Dómini tui.

3 Fidélis servus * et prudens, quem constituit Dóminus super famíliam suam.

4 Beátus ille servus, * quem, cum vénerit Dóminus ejus et pulsáverit jánuam, invénerit vigilántem.

5 Serve bone * et fidélis, intra in gáudium Dómini tui.

Capitulum Eccli. 31, 8-9

Beátus vir, qui invéntus est sine mácula, et qui post aurum non ábiit, nec sperávit in pecúnia et

thesáuris. Quis est hic, et laudábimus eum? fecit enim mirabília in vita sua.

Hymnus

Iste Confessor Dómini, coléntes
Quem pie laudant pópuli per orbem,
Hac die lætus méruit beátas

Scándere sedes.

Si non est dies obitus (quod indicant in Proprio litteræ m. t. v.) dicatur

Hac die lætus méruit suprémos

Laudis honóres

Qui pius, prudens, húmilis, pudícus,
Sóbriam duxit sine labe vitam,
Donec humános animávit auræ

Spiritus artus.

Cujus ob præstans méritum frequénter,
Ægra quæ passim jacuére membra,

Víribus morbi dómitis,
salúti
Restituúntur.

Noster hinc illi chorus
obsequéntem
Cónclinat laudem celebrés-
que palmas,
Ut piis ejus précibus juvémur
Omne per ævum.

Sit salus illi, decus atque
virtus,
Qui, super cæli sólio corú-
scans,
Tótius mundi sériem gu-
bérrat
Trinus et unus.
Amen.

✠. Amávit eum Dóminus,
et ornávit eum. ✠. Sto-
lam glóriæ índuit eum.

Ad Magnif. Ant. Simi-
lábo eum * viro sapiénti,
qui ædificávit domum
suam supra petram.

In II Vesperis

✠. Justum dedúxit Dó-
minus per vias rectas.
✠. Et osténdit illi regnum
Dei.

Ad Magnif. Ant. Hic vir
despiciens mundum * et
terréna, triúmphans, diví-
tias cælo cónclidit ore,
manu.

1 — Oratio

Deus, qui nos beáti **N.**
Confessoris tui ánnua
solemnitáte lætíficas : con-
céde propítius; ut, cujus

natalítia cólimus, étiam
actiónes imitémur. Per
Dóminum.

2 — Alia Oratio

Adésto, Dómine, sup-
plicatióibus nostris,
quas in beáti **N.** Confessó-
ris tui solemnitate deféri-
mus : ut, qui nostræ justí-
tiæ fidúciā non habé-
mus, ejus, qui tibi plácu-
it, précibus adjuvémur. Per
Dóminum.

Pro Doctoribus

In utrisque Vesperis :

Ad Magnif. Ant. O Doctor
óptime, * Ecclésiæ sanctæ
lumen, beáte **N.**, divínæ
legis amátor, deprecáre
pro nobis Fílium Dei.

3 — Oratio

Deus, qui pópulo tuo
æternæ salútis beátum
N. mínistrum tribuísti :
præsta, quæsumus; ut,
quem Doctórem vitæ ha-
búimus in terris, interces-
sórem habére mereámur in
cælis. Per Dóminum.

Si fuerit Abbas

4 — Oratio

Intercéssio nos, quæsu-
mus, Dómine, beáti **N.**
Abbátis comméndet : ut,
quod nostris méritis non
valémus, ejus patrocínio
assequámur. Per Dómi-
num.

**Completorium de Domi-
nica.**

AD MATUTINUM

Invitat. Regem Confessorum Dóminum, * Veníte, adorémus. **Ps. 94** Veníte, exsultémus.

Hymnus Iste Confessor, ut supra. [94]

Anæ et Psalmi trium Nocturnorum dicuntur ut in Communi Conf. Pont. [71]; Versus ut (ibidem et) infra.

In I Nocturno


✠. Amávit eum Dóminus, et ornávit eum. ✠. Stolum glóriæ induit eum.

Absolutio Exáudi, Dómine.

Benedictio Benedictióne.

De libro Ecclesiástici

Lectio i Cap. 31, 8-11

 Eátus vir, qui invéntus est sine mácula, et qui post aurum non ábiit, nec sperávit in pecúnia et thesáuris. Quis est hic, et laudábimus eum? fecit enim mirabília in vita sua. Qui probátus est in illo et perféctus est, erit illi glória æténa. Qui pótuit tránsgrredi, et non est tránsgréssus; fácere mala, et non fecit : ideo stabilíta sunt bona illius in Dómino, et eleemósynas illius enarrábit omnis ecclésia sanctórum.

✠. Euge, serve bone et fidélis, quia in pauca fuísti

fidélis, supra multa te constitúam : * Intra in gáudium Dómini tui. ✠. Dómine, quinque talénta tradidísti mihi, ecce ália quinque superlucrátus sum. — Intra.

Benedictio Unigénitus Dei.

Lectio ii

Cap. 32, 18-20, 28; 33, 1-3

QUI timet Dóminum, excípiet doctrínam ejus : et qui vigiláverint ad illum, invénient benedictiónem. Qui quærit legem, replébitur ab ea : et qui insidióse agit, scandalizábitur in ea. Qui timent Dóminum, invénient judícium justum, et justítias quasi lumen accéndent. Qui credit Deo, atténdit mandátis : et qui confidit in illo, non minorábitur. Timénti Dóminum non occurrént mala; sed in tentatióne Deus illum conservábit, et liberábit a malis. Sápiens non odit mandáta et justítias, et non illidétur quasi in procélla navis. Homo sensátus credit legi Dei, et lex illi fidélis.

✠. Justus germinábit sicut lílium : * Et florébit in ætérnum ante Dóminum.

✠. Plantátus in domo Dómini, in átriis domus Dei nostri. — Et florébit.

Benedictio Spíritus Sancti.

Lectio iii Cap. 34, 14-20

Spiritus timéntium Deum quæritur, et in respectu illius benedicétur. Spes enim illórum in salvántem illos, et óculi Dei in diligéntes se. Qui timet Dóminum, nihil trepidábit, et non pavébit : quóniam ipse est spes ejus. Timéntis Dóminum beáta est ánima ejus. Ad quem respicit, et quis est fortitúdo ejus? Oculi Dómini super timéntes eum : protéctor poténtiæ, firmaméntum virtútis, tégimen ardóris, et umbráculum meridiáni, deprecátio offensiónis et adjutórium casus, exáltans ánimam et illúminans óculos, dans sanitátem et vitam et benedictiónem.

R. Iste cognóvit justítiam, et vidit mirabilia magna, et exorávit Altíssimum : * Et invéntus est in número Sanctorum. **V.** Iste est, qui contémpsit vitam mundi, et pervénit ad cæléstia regna. — Et invéntus. **Gloria Patri.** Et invéntus.

In II Nocturno

V. Os justi meditábitur sapiéntiam. **R.** Et lingua ejus loquétur judícium.

Absol. Ipsíus píetas.

Benedictio Deus Pater.

Sermo sancti Joánnis Chrysóstomi

Oratio de S. Philogonio

Lectio iv



Eáti **N.** dies, cujus festivitátem celebrámus, ad ipsíus recte factórum enarratió-nem linguam nostram evocávit. Siquidem hódie Beátus iste ad tranquillam omnisque perturbatiónis expértem vitam tránsiit; eoque navígium áppulit, ubi deinceps non póterit metuere naufrágium, nec ullam ánimi perturbatió-nem aut dolórem. Et quid mirum est, si locus ille purus est ab omni moléstia ánimi, cum Paulus, homínibus adhuc in hac vita degéntibus loquens, dicat : Semper gaudéte, sine intermissiône oráte?

R. Honéstum fecit illum Dóminus, et custodívit eum ab inimícis, et a seductóribus tutávit illum : * Et dedit illi claritátem ætérnam. **V.** Justum dedúxit Dóminus per vias rectas, et osténdit illi regnum Dei. — Et.

Bened. Christus perpétuæ.

Lectio v

Quod si hic, ubi morbi, ubi insectatiónes, ubi præmatúræ mortes, ubi calúmniæ, ubi invídiæ, ubi perturbatiónes, ubi iræ,

ubi cupiditates, ubi innumerabiles insidiae, ubi quotidianae sollicitudines, ubi perpétua sibi que succedentia mala sunt, innúmeros ex omni parte dolores afferentia, Paulus dixit fieri posse, ut semper gaudeamus, si quis paululum ex rerum mundanarum fluctibus erexerit caput vitamque suam recte composuerit; multo magis, postquam hinc demigraverimus, facile compotes erimus ejus boni, cum haec omnia sublata fuerint, adversa valetudo, morbi, peccandi materia; ubi non est meum ac tuum, frigidum illud verbum, et quidquid est malorum in vitam nostram invehens, innumeraque gignens bella.

✠. Amavit eum Dominus, et ornavit eum : stolam gloriæ induit eum, * Et ad portas paradisi coronavit eum. ✠. Induit eum Dominus lorica[m] fidei, et ornavit eum. — Et.

Bened. Ignem sui amoris.

Lectio vi

QUam ob rem maximopere gratulor hujus Sancti felicitati, quod, quamquam translatus est atque hanc, quæ apud nos est, civitatem reliquit, tamen in alteram adscriptus est civitatem, nempe Dei. Et, digressus ab hac Ecclé-

sia, ad illam pervenit, quæ est primogenitorum descriptorum in cælis; ac, relictis hisce festis, transiit ad celebritatem Angelorum. Etenim, quod et civitas sursum sit, et Ecclesia, et celebritas, audi Paulum dicentem : Accessistis ad civitatem Dei viventis, Jerúsalem cælestem, et Ecclesiam primitivorum, qui conscripti sunt in cælis, et ad multorum millium Angelorum frequentiam.

✠. Iste homo perfecit omnia quæ locutus est ei Deus, et dixit ad eum : Ingrédere in requiem meam : * Quia te vidi justum coram me ex omnibus gentibus. ✠. Iste est, qui contempsit vitam mundi, et pervenit ad cælestia regna. — Quia. **Glória Patri.** Quia.

In III Nocturno

✠. Lex Dei ejus in corde ipsius. ✠. Et non supplantabuntur gressus ejus.

Absolutio A vinculis.

Bened. Evangélica lectio.

Lectio sancti Evangélii
secundum Lucam

Lectio vii Cap. 12, 35-40

IN illo tempore : Dixit Jesus discipulis suis : Sint lumbi vestri præcincti, et lucernæ ardentes in manibus vestris. Et reliqua.

Homilia sancti Gregorii
Papae

Homilia 13 in Evangelia

SAncti Evangelii, fratres carissimi, aperta vobis est lectio recitata. Sed, ne aliquibus ipsa ejus planities alta fortasse videatur, eam sub brevitate transcurramus, quatenus ejus expositio ita nescientibus fiat cognita, ut tamen scientibus non sit onerosa. Dominus dicit: Sint lumbi vestri praecincti. Lumbos enim praecingimus, cum carnis luxuriam per continentiam coarctamus. Sed, quia minus est mala non agere, nisi etiam quisque studeat et bonis operibus insudare, proutinus additur: Et lucernae ardentes in manibus vestris. Lucernas quippe ardentes in manibus tenemus, cum per bona opera proximis nostris lucis exempla monstramus. De quibus profecto operibus Dominus dicit: Luceat lux vestra coram hominibus, ut videant opera vestra bona et glorificent Patrem vestrum, qui in caelis est.

Pro Confessore non Pont.

R. Iste est, qui ante Deum magnas virtutes operatus est, et de omni corde suo laudavit Dominum: * Ipse intercédât pro

peccatis omnium populorum. **V.** Ecce homo sine querela, verus Dei cultor, abstinens se ab omni opere malo, et permanens in innocentia sua. — Ipse.

Pro Confessore Pontifice

R. Amavit eum Dominus, et ornavit eum: stolam gloriæ induit eum, * Et ad portas paradisi coronavit eum. **V.** Induit eum Dominus lorica fidei, et ornavit eum. — Et ad portas.

Benedictio Cujus festum.

Lectio viii

DUO autem sunt, quae jubentur: et lumbos restringere, et lucernas tenere; ut et munditia sit castitatis in corpore, et lumen veritatis in operatione. Redemptori etenim nostro unum sine altero placere nequaquam potest; si, aut is qui bona agit, adhuc luxuriae inquinamenta non deserit, aut is qui castitate praeminet, necdum se per bona opera exercet. Nec castitas ergo magna est sine bono opere, nec opus bonum est aliud sine castitate. Sed, et si utrumque agitur, restat, ut, quisquis ille est, spe ad supernam patriam tendat, et nequaquam se a vitiis pro mundi hujus honestate contineat.

Pro Conf. Pont. et non Pont.

℟. Sint lumbi vestri præcincti, et lucernæ ardentes in manibus vestris : * Et vos similes hominibus expectantibus dominum suum, quando revertatur a nuptiis. ℣. Vigilate ergo, quia nescitis qua hora Dominus vester venturus sit. — Et vos similes. Gloria Patri. Et vos similes.

Benedictio Ad societatem.

Lectio ix

ET vos similes hominibus expectantibus dominum suum, quando revertatur a nuptiis; ut, cum venerit et pulsaverit, confestim aperiant ei. Venit quippe Dominus, cum ad iudicium properat; pulsat vero, cum jam per ægritudinis molestias esse mortem vicinam designat. Cui confestim aperimus, si hunc cum amore suscipimus. Aperire enim iudici pulsanti non vult, qui exire de corpore trepidat, et videre eum, quem contempsisse se meminit, iudicem formidat. Qui autem de sua spe et operatione securus est, pulsanti confestim aperit, quia lætus iudicem sustinet; et, cum tempus propinquæ mortis advenit, de glória retributionis hilarëscit.

Te Deum laudamus.

AD LAUDES

et per Horas, Añæ

1 Dómine, quinque talenta * tradidisti mihi, ecce alia quinque superlucratus sum.

Psalmi de Dominica.

2 Euge, serve bone, * in módico fidélis, intra in gáudium Dómini tui.

3 Fidélis servus * et prudens, quem constituit Dóminus super familiam suam.

4 Beátus ille servus, * quem, cum vénerit Dóminus ejus et pulsáverit jánuam, invénerit vigilántem.

5 Serve bone * et fidélis, intra in gáudium Dómini tui.

Capitulum Eccli. 31, 8-9

BEátus vir, qui invéntus est sine mácula, et qui post aurum non ábiit, nec sperávit in pecúnia et thesáuris. Quis est hic, et laudábimus eum? fecit enim mirabília in vita sua.

Hymnus

Iesu, coróna célsior,
Et véritas sublímior,
Qui confiténti sérvulo
Reddis perénne præmíum :

Da supplicánti cœtui,
Hujus rogátu, nóxii
Remissiónem criminis,
Rumpéndo nexum vínculi.

Anni reverso témpore,
Dies refúlsit lúmíne,
Quo Sanctus hic de cór-
pore
Migrávit inter sídera.

Hic, vana terræ gáudia
Et luculénta prædia
Pollúta sorde députans,
Ovans tenet cæléstia.

Te, Christe, Rex piíssime,
Hic confiténdó júgiter,
Calcávit artes dæmonum
Sævúmque avérni prínci-
pem.

Virtúte clarus et fide,
Confessióne sédulus,
Jejúna membra déferens,
Dapes supérnas óbtinet.

Proínde te, piíssime,
Precámur omnes súpplíces,
Nobis ut hujus grátia
Pœnas remíttas débitas.

* Patri perénnis glória,
Natóque Patris único,
Sanctóque sit Paráclito,
Per omne semper sáeculum.
Amen.

℣. Justum dedúxit Dómi-
nus per vias rectas. ℞. Et
osténdit illi regnum Dei.

Ad Bened. Ant. Euge,
serve bone * et fidélis,
quia in pauca fuísti fidélis,
supra multa te constitúam,
intra in gáudium Dómini
tui.

1 — Oratio

D Eus, qui nos beáti N.
Confessoris tui ánnua
solemnitáte lætíficas : con-

cède propítius; ut, cujus
natalítia cólimus, étiam
actiónes imitémur. Per
Dóminum.

2 — Alia Oratio

A Desto, Dómine, sup-
plicatióibus nostris,
quas in beáti N. Confessó-
ris tui solemnitate deféri-
mus : ut, qui nostræ justí-
tiæ fidúciā non habémus,
ejus, qui tibi plácuít, pré-
cibus adjuvémur. Per Dó-
minum.

Pro Doctore non Pontifice

3 — Oratio

D Eus, qui pópulo tuo
æternæ salútis beá-
tum N. mínistrum tribuí-
sti : præsta, quæsumus;
ut, quem Doctórem vitæ
habúimus in terris, inter-
cessórem habére mereámur
in cælis. Per Dóminum.

Si fuerit Abbas

4 — Oratio

I Ntercessio nos, quæsu-
mus, Dómine, beáti N.
Abbátis comméndet : ut,
quod nostris méritis non
valémus, ejus patrocínio
assequámur. Per Dómi-
num.

Ad Horas Psalmi de Domi-
nica, ad Primam tamen ut in
Festis.

AD TERTIAM

Capitulum Eccli. 31, 8-9

B Eátus vir, qui invéntus
est sine mácula, et qui
post aurum non ábiit, nec

sperávit in pecúnia et thesáuris. Quis est hic, et laudábimus eum? fecit enim mirábilia in vita sua.

℟. br. Amávit eum Dóminus, * Et ornávit eum. Amávit. V. Stolum glóriæ induit eum. Et. Glória Patri. Amávit. V. Os iusti meditábitur sapiéntiam. ℟. Et lingua ejus loquétur iudícium.

AD SEXTAM

Capitulum Eccli. 39, 6

Iustus cor suum trádidit ad vigilándum dilúculo ad Dóminum, qui fecit illum, et in conspéctu Altíssimi deprecábitur.

℟. br. Os iusti * Meditábitur sapiéntiam. Os. V. Et lingua ejus loquétur iudícium. Meditábitur. Glória Patri. Os. V. Lex Dei ejus in corde ipsíus. ℟. Et non supplantabúntur gressus ejus.

AD NONAM

Capitulum Sap. 10, 10

Iustum dedúxit Dóminus per vias rectas, et osténdit illi regnum Dei, et dedit illi sciéntiam sanctorum; honestávit illum in labóribus, et complévit labóres illíus.

℟. br. Lex Dei ejus * In corde ipsíus. Lex. V. Et non supplantabúntur gressus ejus. In. Glória Patri. Lex. V. Iustum dedúxit

Dóminus per vias rectas. ℟. Et osténdit illi regnum Dei.

IN II VESPERIS

Omnia ut in I Vesperis [94], præter

V. Iustum dedúxit Dóminus per vias rectas. ℟. Et osténdit illi regnum Dei.

Ad Magnif. Ant. Hic vir despiciens mundum * et terréna, triúmphans, divítias cælo cóndidit ore, manu.

Completorium de Dominica. Si celebrari occurrat Festum plurium Confessorum non Pontificum, Officium fit ut supra : sed in Oratione et Sermone, ea quæ habentur in singulari, dicantur in plurali; et in I Nocturno sumantur Lectiones Laudémus viros gloriósos, quæ in Communi Confessoris Pontificis 2 loco pluribus Pontificibus sunt assignatæ [83], cum Responsoriis tamen de Communi Confessoris non Pontificis, ut ibidem.

II ALIÆ LECTIONES pro Conf. non Pontifice

In I Nocturno
De libro Sapiéntiæ
Cap. 4, 7-20; 5, 1-5

Lectio i



Iustus si morte præoccupátus fúerit, in refrigerio erit. Se-néctus enim venerábilis est

non diutúrna, neque annórum número computáta; cani autem sunt sensus hóminis, et ætassenectútis vita immaculáta. Placens Deo factus est diléctus, et vivens inter peccatóres translátus est. Raptus est, ne malítia mutáret intelléctum ejus aut ne fictio decíperet ánimam illíus. Fascinatio enim nugacitátis obscúrat bona, et inconstántia concupiscéntiæ transvértit sensum sine malítia. Consummátus in brevi explévit témpora multa; plácita enim erat Deo ánimá illíus, propter hoc properávit edúcere illum de médio iniquitátum.

✠. Euge, serve bone et fidélis, quia in pauca fuísti fidélis, supra multa te constitúam : * Intra in gáudium Dómini tui. ✠. Dómine, quinque talénta tradidísti mihi, ecce ália quinque superlucrátus sum. — Intra.

Lectio ii

POpuli autem vidéntes et non intelligéntes, nec ponéntes in præcórdiis tália : quóniam grátia Dei et misericórdia est in sanctos ejus, et respéctus in eléctos illíus. Condémnat autem justus mórtuus vivos ímpios, et juvéntus celérius consummátá longam vitam injústi. Vidébunt enim finem sapiéntis et

non intélligent, quid cogitáverit de illo Deus et quare muníerit illum Dóminus. Vidébunt et contémnent eum; illos autem Dóminus irridébit. Eterunt post hæc decidéntes sine honóre, et in contumélia inter mórtuos in perpétuum : quóniam disrúmpet illos inflátos sine voce, et commovébit illos a fundamentis, et usque ad supréum desolabúntur.

✠. Justus germinábit sicut lílium : * Et florébit in ætérnum ante Dóminum.

✠. Plantátus in domo Dómini, in átriis domus Dei nostri. — Et.

Lectio iii

ET erunt geméntes, et memória illórum peribit. Vénient in cogitatióne peccatórum suórum tímidí, et tradúcent illos ex advérso iniquitátes ipsórum. Tunc stabunt justí in magna constántia advérsus eos, qui se angustiavérunt et qui abstulérunt labóres eórum. Vidéntes turbabúntur timóre horribili, et mirabúntur in subitatióne insperátæ salútis; dicéntes intra se, pæniténtiam agéntes, et præ angústia spíritus geméntes : Hi sunt, quos habúimus aliquándo in derísam et in similitúdinem impropérii. Nos insensáti vitam illó-

rum æstimabámus insániam et finem illórum sine honóre : ecce, quómodo computáti sunt inter filios Dei, et inter sanctos sors illórum est.

℟. Iste cognóvit justítiam, et vidit mirabília magna, et exorávit Altísimum : * Et invéntus est in número Sanctórum.

℣. Iste est, qui contémpsit vitam mundi, et pervénit ad cæléstia regna. — Et invéntus. Glória Patri. Et invéntus.

In II Nocturno

Ex libro Morálium
sancti Gregórii Papæ

Liber 10, cap. 16, in c. 12 Job

Lectio iv

Eridétur justi simplicitas. Hujus mundi sapiéntia est : cor machinatióibus tégere, sensum verbis veláre : quæ falsa sunt, vera osténdere; quæ vera sunt, falsa demonstráre. Hæc nimírum prudéntia usu a juvénibus scitur, hæc a púeris prétió díscitur : hanc qui sciunt, céteros despiciéndo supérbiunt : hanc qui nesciunt, subjécti et tímidi in áliis mirántur; quia ab eis hæc éadem duplicítatis iníquitas, nómine palliáta, díligitur, dum mentis pervérsitas urbánitas vocáitur. Hæc sibi obsequénti-

bus præcipit honórum cúlmina quærere; adépta temporális glóriæ vanitéte gaudére; irrogáta ab áliis mala multiplicíus réddere : cum vires súppetunt, nullis resisténtibus cédere; cum virtútis possibilitas deest, quidquid explére per malítiam non valent, hoc in pacífica bonitéte simuláre.

℟. Honéstum fecit illum Dóminus, et custodívit eum ab inimícis, et a seductóribus tutávit illum :

* Et dedit illi claritátem ætérnam. ℣. Justum dedúxit Dóminus per vias rectas, et osténdit illi regnum Dei. — Et.

Lectio v

AT contra, sapiéntia justórum est : nil per ostensiónem fingere, sensum verbis aperíre, vera ut sunt díligere, falsa devitáre; bona gratis exhibére, mala libéntius toleráre quam fácere; nullam injúriæ ultiónem quærere, pro veritéte contuméliam lucrum putáre. Sed hæc justórum simplicitas deridétur; quia ab hujus mundi sapiéntibus puritátis virtus fatúitas crédito. Omne enim, quod innocénter ágitur, ab eis proculdúbio stultum putáitur; et quidquid in ópere véritas approbat, carnáli sapiéntiæ

fátuum sonat. Quid namque stúltius vidétur mundo quam mentem verbis osténdere, nil cállida machinatióne simuláre, nullas injúriis contumélias réddere, pro maledicéntibus oráre, paupertátem quærere, posséssa relínquere, rapiénti non resistere, percutiénti álteram maxíllam præbére?

℟. Amávit eum Dóminus, et ornávit eum : stolam glóriæ induit eum, * Et ad portas paradísi coronávit eum. ℣. Induit eum Dóminus lorícá fidei, et ornávit eum. — Et.

Lectio vi

Cap. 17, post initium

Lampas contémpa apud cogitatiónes dívitum. Sæpe contíngit, ut eléctus quisque, qui ad ætéram felicitátem dúcitur, continúa hic adversitáte depri-mátur; non hunc rerum abundántia fúlciat, non dignitátum glória honorábilem osténdat, nulla ei obsequéntium frequéntia súppetat, nulla hunc humanis óculis véstium pompa compónat. A cunctis vero despicábilis cérnitur, et hujus mundi grátia indignus æstimátur; sed tamen ante occúlti júdicis óculos virtútibus émicat, vitæ méritis corúscat : honorári méuit, déspecti non

réfugit : corpus continéntia áfficit, sola in ánimo dilectióne pinguéscit : mentem semper ad patiéntiam præparat, et, eréctus pro justítia, de percéptis contuméliis exsúltat : afflíctis ex corde compátitur, de bonórum prosperitátibus quasi de própriis lætátur, sacri verbi pábula in mente sollicitus rúminat, et, inquisítus, quódlibet éloqui dupliciter ignórat.

℟. Iste homo perfécit ómnia quæ locútus est ei Deus, et dixit ad eum : Ingredere in réquiem meam : * Quia te vidi justum coram me ex ómnibus géntibus. ℣. Iste est, qui contémpsit vitam mundi, et pervénit ad cæléstia regna. — Quia. Glória Patri. Quia.

In III Nocturno

Lectio sancti Evangelii secúndum Lucam

Lectio vii Cap. 12, 32-34

IN illo témpore : Dixit Jesus discíplis suis : Nolíte timére, pusíllus grex, quia complácuít Patri vestro dare vobis regnum. Et réliqua.

Homília sancti Bedæ Venerábilis Presbýteri

Liber 4 cap. 54 in Luc. 12



Usíllum gregem electórum, vel ob comparatióne majóris númeri reprobórum, vel

pótius ob humilitátis devotióne nómínat; quia vidélicet Ecclésiám suam, quantálibet numerositáte jam dilatátam, tamen usque ad finem mundi humilitáte vult créscere, et ad promíssum regnum humilitáte perveníre. Ideóque ejus labóres blande consolátus, quam regnum Dei tantum quærere præcipit, eidem regnum a Patre dandum complácita benignitáte promíttit.

℟. Iste est, qui ante Deum magnas virtútes operátus est, et de omni corde suo laudávit Dóminum: * Ipse intercédát pro peccátis ómnium populórum. ℣. Ecce homo sine queréla, verus Dei cultor, ábstinens se ab omni ópere malo, et pérmanens in innocéntia sua. — Ipse.

Lectio viii

VEndite quæ possidétis, et date eleemósynam. Nolíte, inquit, timére, ne propter regnum Dei militántibus, hujus vitæ necessariá desint; quin étiam posséssa propter eleemósynam véndite. Quod tunc digne fit, quando quis, semel pro Dómino suis ómnibus spretis, nihilóminus post hæc labóre mánuum, unde et victum transigere et eleemósynam dare queat, operátur. Unde glo-

riátur Apóstolus, dicens: Argéntum aut aurum aut vestem nullíus concupívi; ipsi scitis quóniam ad ea quæ mihi opus erant, et his qui mecum sunt, ministravérunt manus istæ. Omnia osténdi vobis, quóniam sic laborántes oportet suscipere infirmos.

℟. Sint lumbi vestri præcíncti, et lucernæ ardéntes in mánibus vestris: * Et vos símiles homínibus exspectántibus dóminum suum, quando revertátur a núptiis. ℣. Vigiláte ergo, quia nescitis qua hora Dóminus vester ventúrus sit. — Et vos símiles. Glória Patri. Et.

Lectio ix

FAcite vobis sácculos, qui non veteráscunt; eleemósynas vidélicet operádo, quarum merces in ætérnum máneat. Ubi non hoc præcéptum esse putándum est, ut nil pecúniæ reservétur a sanctis, vel suis sćlicet vel páuperum úsibus suggeréndæ; cum et ipse Dóminus, cui ministrábant Angeli, tamen ad informándam Ecclésiám suam lóculos habuísse legátur, et a fidélibus oblata consérvans, et suórum necessitatibus aliisque indigéntibus tribuens; sed, ne Deo propter ista serviátur, et ob inópiæ timórem justítia deserátur. Te Deum.

Commune Abbatum

Omnia de Communi Confessoris non Pontificis [94], præter Orationem et Lectio- nes III Nocturni, ut infra.

Oratio

Intercéssio nos, quæsumus, Dómine, beáti N. Abbátis comméndet : ut, quod nostris méritis non valémus, ejus patrocínio assequámur. Per Dóminum.

In III Noeturno

Lectio sancti Evangélíi
secúndum Matthæum

Lectio vii Cap. 19, 27-29

IN illo témpore : Dixit Petrus ad Jesum : Ecce nos relíquimus ómnia, et secúti sumus te : quid ergo erit nobis? Et réliqua.

Homília sancti Hierónymi
Presbýteri

Liber 3 in Matth. cap. 19



Crandis fidúcia! Petrus piscátor erat, dives non fúerat, cibos manu et arte quærébat; et tamen lóquitur confidénter : Relíquimus ómnia. Et quia non súfficit tantum relínquere, jungit quod perféctum est : Et secúti sumus te. Fécimus quod jussisti : quid igitur nobis dabis præmii? Jesus autem dixit illis : Amen

dico vobis quod vos, qui secúti estis me, in regeneratióne, cum séderit Fílius hóminis in sede majestátis suæ, sedébitis et vos super sedes duódecim, judicántes duódecim tribus Israël. Non dixit : Qui reliquistis ómnia; hoc enim et Crates fecit philósophus, et multi álíi divítias contempsérunt : sed, Qui secúti estis me; quod próprie Apostolórum est atque credéntium.

℟. Iste est, qui ante Deum magnas virtútes operátus est, et de omni corde suo laudávit Dóminum : * Ipse intercédát pro peccátis ómnium populórum. ℣. Ecce homo sine queréla, verus Dei cultor, ábstinens se ab omni ópere malo, et pérmanens in innocéntia sua. — Ipse intercédát.

Lectio viii

IN regeneratióne, cum séderit Fílius hóminis in sede majestátis suæ (quando et mórtui de corrupti- ne resúrgent incorrupti), sedébitis et vos in sóliis judicántium, condemnántes duódecim tribus Israël; quia, vobis credéntibus, illi crédere noluerunt. Et

omnis, qui reliquerit domum, vel fratres, aut sorores, aut patrem, aut matrem, aut uxorem, aut filios, aut agros propter nomen meum, centuplum accipiet, et vitam æternam possidebit. Locus iste cum illa sententia congruit, in qua Salvator loquitur : Non veni pacem mittere, sed gladium. Veni enim separare hominem a patre suo, et matrem a filia, et nurum a socru : et inimici hominis domestici ejus. Qui ergo, propter fidem Christi et prædicationem Evangelii, omnes affectus contempserint atque divitias et sæculi voluptates : isti centuplum recipient, et vitam æternam possidebunt.

℟. Sint lumbi vestri præcincti, et lucernæ ardentes in manibus vestris : * Et vos similes hominibus expectantibus dominum suum, quando revertatur a nuptiis. ℣. Vigilate ergo, quia nescitis qua hora Dominus vester venturus sit. — Et. Glória Patri. Et.

Lectio ix

EX occasione hujus sententiæ quidam introducunt mille annos post resurrectionem, dicentes, tunc nobis centuplum omnium rerum quas dimisimus, et vitam æternam

esse reddendam; non intelligentes, quod, si in ceteris digna sit repromissio, in uxoribus appareat turpitudo, ut, qui unam pro Domino dimiserit, centum recipiat in futuro. Sensus ergo iste est : Qui carnalia pro Salvatore dimiserit, spiritalia recipiet; quæ comparatione et merito sui ita erunt, quasi si parvo numero centenarius numerus comparetur.

Te Deum laudamus.

II ALIA HOMILIA

Lectio sancti Evangelii
secundum Matthæum

Lectio vii Cap. 11, 25-30

IN illo tempore : Respondens Jesus dixit : Confiteor tibi, Pater, Domine cæli et terræ, quia abscondisti hæc a sapientibus et prudentibus, et revelasti ea parvulis. Et reliqua.

Homilia sancti Augustini
Episcopi

Sermo 10 de verbis Domini



Enite ad me, omnes qui laboratis. Quare enim omnes laboramus, nisi quia sumus homines mortales, fragiles, infirmi, lutea vasa portantes, quæ faciunt invicem angustias? Sed, si angustiantur vasa carnis, dilatentur spatia caritatis.

Quid ergo dicit, Veníte ad me, omnes qui laborátis, nisi ut non laborétis? Dénique promissio ejus in promptu est; quóniam laborántes vocávit, quærent forte, qua mercéde vocáti sunt. Et ego vos, inquit, reficiam. Tóllite jugum meum super vos, et discite a me, non mundum fabricáre, non cuncta visibília et invisibília créare, non in ipso mundo mirabília fácere et mórtuos suscitáre; sed, Quóniam mitis sum et húmilis corde.

℟. Iste est, qui ante Deum magnas virtútes operátus est, et de omni corde suo laudávit Dóminum : * Ipse intercédát pro peccátis ómnium populórum. ℣. Ecce homo sine queréla, verus Dei cultor, ábstinens se ab omni ópere malo, et pérmanens in innocéntia sua. — Ipse.

Lectio viii

℞ Agnus esse vis? a mímo incipe. Cógitas magnam fábricam constrúere celsitúdinis? de fundaménto prius cógita humilitátis. Et quantam quisque vult et dispónit superimpónere molem ædificií, quanto erit majus ædificium, tanto áltius fodit fundaméntum. Et fábrica quidem cum constrúitur, in supérna con-

súrgit; qui autem fodit fundaméntum, ad ima deprimitur. Ergo et fábrica ante celsitúdinem humiliá-tur, et fastígium post humiliatióinem erigitur.

℟. Sint lumbi vestri præcincti, et lucérnæ ardéntes in mánibus vestris : * Et vos símiles homínibus exspectántibus dóminum suum, quando revertátura núptiis. ℣. Vigiléte ergo, quia nescitis qua hora Dóminus vester ventúrus sit. — Et. Glória Patri. Et.

Lectio ix

Q Uod est fastígium construéndæ fábricae, quam molímur? quo per-ventúrum est cacúmen ædificií? Cito dico, usque ad conspéctum Dei. Vidétis, quam excélsus est, quanta res est conspícere Deum. Qui desíderat, et quod dico et quod audit intélligit. Promíttitur nobis conspéctus Dei, veri Dei, summi Dei. Hoc enim bonum est, Vidéntem vidére. Nam, qui colunt falsos deos, fáci-le illos vident; sed eos vident, qui óculos habent et non vident. Nobis autem promíttitur visio Dei vivéntis et vidéntis.

Te Deum laudámus.

III ALIA HOMILIA

Lectio sancti Evangelii
secundum Matthæum

Lectio vii Cap. 19, 27-29

IN illo tempore : Dixit Petrus ad Jesum : Ecce nos reliquimus omnia, et secuti sumus te : quid ergo erit nobis? Et reliqua.

Homilia sancti Bedæ
Venerabilis PresbyteriHomilia in Natali
S. Benedicti Ep.

QUO sunt ordines electorum in iudicio futuri : unus iudicantium cum Domino, de quibus hoc loco memorat, qui reliquerunt omnia et secuti sunt illum. Alius iudicandorum a Domino, qui non quidem omnia sua pariter reliquerunt, sed de his tamen, quæ habebant, quotidianas dare eleemosynas Christi pauperibus curabant; unde et audituri sunt in iudicio : Venite, benedicti Patris mei, possidete præparatum vobis regnum a constitutione mundi; esurivi enim, et dedistis mihi manducare; sitivi, et dedistis mihi bibere.

℟. Iste est, qui ante Deum magnas virtutes operatus est, et de omni corde suo laudavit Dominum : * Ipse intercedat pro peccatis omnium populorum.

℟. Ecce homo sine querela, verus Dei cultor, abstinens se ab omni opere malo, et permanens in innocentia sua. — Ipse.

Lectio viii

SED et reproborum duos tibi futuros ordines, Domino narrante, comperrimus : unum eorum, qui, fidei christianæ mysteriis initiati, opera fidei exercere contemnunt; quibus in iudicio testatur : Discendite a me, maledicti, in ignem æternum, qui præparatus est diabolo et angelis ejus; esurivi enim, et non dedistis mihi manducare. Alterum eorum, qui fidem et mysteria Christi vel numquam suscipere, vel susceptam per apostasiam deseruere; de quibus dicit : Qui autem non credit, jam iudicatus est, quia non credit in nomine unigeniti Filii Dei.

℟. Sint lumbi vestri præcincti, et lucernæ ardentes in manibus vestris : * Et vos similes hominibus expectantibus dominum suum, quando revertatur a nuptiis. ℟. Vigilate ergo, quia nescitis qua hora Dominus vester venturus sit. — Et. Gloria Patri. Et.

Lectio ix

VERUM, his cum timore et pavore debito paupersper commemoratis, ad

lætíssima pótius Dómini et Salvatóris nostri promíssa convertámus audítum. Videámus quæ tantæ grátia pietátis : non ætérnæ tantúmmodo vitæ præmia suis sequácibus, sed et præsentis múnera pollicétur exímia. Et omnis, inquit, qui reliquerit domum, vel fratres, aut soróres, aut patrem, aut matrem, aut uxórem, aut filios,

aut agros propter nomen meum, céntuplum accípiet, et vitam ætérnam possidébit. Qui enim terrénis afféctibus sive possessioníbus pro Christi discipulátu renuntiáverit; quo plus in ejus amórem profecerit, eo plures invéniet, qui se inténo suscípere afféctu et suis gáudeant sustentáre substántiis.

Te Deum laudámus.

Commune Virgínium

IN I VESPERIS

Ant. 1 Hæc est Virgo sapiens, * et una de número prudentum.

Psalmi ut in Communi Festorum B. Mariæ Virg. [174]

2 Hæc est Virgo sapiens, * quam Dóminus vigilántem invénit.

3 Hæc est quæ nescívit * torum in delícto : habébit fructum in respectióne animárum sanctárum.

4 Veni, elécta mea, * et ponam in te thronum meum, allelúja.

5 Ista est speciósá * inter filias Jerúsalem.

Capit. 2 Cor. 10, 17-18

FRatres : Qui gloriátur, in Dómino gloriétur. Non enim qui seípsum

comméndat, ille probátus est; sed quem Deus comméndat.

Hymnus

Jesu, coróna Virgínium,
Quem Mater illa concípit,

Quæ sola Virgo párturit,
Hæc vota clemens áccipe :

Qui pergis inter lília,
Septus choréis Virgínium,
Sponsus decórus glória
Sponsísque reddens præmia.

Quocúmque tendis, Virgínes

Sequúntur, atque láudibus
Post te canéntes cúrsitant,
Hymnósque dulces persónant.

Te deprecámur súpplīces,
Nostris ut addas sénsibus

Nescire prorsus omnia
Corruptionis vulnera.

* **Virtus**, honor, laus, glória
Deo Patri cum Filio,
Sancto simul Paráclito,
In sæculorum sæcula.

Amen.

℣. Spécie tua et pulchritudine tua. ℞. Inténde, prospere procéde, et regna.

In II Vesperis

℣. Diffusa est grátia in lábiis tuis. ℞. Propterea benedixit te Deus in ætérnum.

In utrisque Vesperis

Ad Magnif. Ant. Veni, Sponsa Christi, * áccipe corónam, quam tibi Dóminus præparávit in ætérnum.

Pro Virgine Martyre

1 — Oratio

Deus, qui inter cétera poténtiæ tuæ mirácula étiam in sexu frágili victóriam martýrii contulisti : concéde propítius ; ut, qui beátæ **N. Virginis** et Mártýris tuæ natalítia cólimus, per ejus ad te exémp-la gradiámur. Per Dóminum.

2 — Alia Oratio

Indulgéntiam nobis, quæsumus, Dómine, beáta **N. Virgo** et Mártýr implóret : quæ tibi grata semper éxstitit, et mérito

castitátis et tuæ professione virtútis. Per Dóminum.

Pro Virgine non Martyre

3 — Oratio

Exáudi nos, Deus, salutáris noster : ut, sicut de beátæ **N. Virginis** tuæ festivitáte gaudémus ; ita piæ devotiónis erudiámur afféctu. Per Dóminum.

Si fuerint plures Virgines Martyres, in utrisque Vesperis Versus, Antiphona ad Magnificat et Oratio, ut sequitur :

℣. Adducéntur Regi Virgines post eam. ℞. Próximæ ejus afferéntur tibi.

Ad Magnif. Ant. Prudentes Virgines, * aptáte vestras lámpades : ecce Sponsus venit, exíte ób-viam ei.

4 — Oratio

DA nobis, quæsumus, Dómine, Deus noster, sanctárum Virginum et Mártýrum tuárum **N. et N.** palmas incessábili devotióne venerári : ut, quas digna mente non póssumus celebráre ; humílibus saltem frequentémus ob-séquiiis. Per Dóminum.

Completorium de Dominica.

AD MATUTINUM

Invitat. Regem Virginum Dóminum, * Veníte,

adorémus. Ps. 94 Veníte,
exsultémus.

Hymnus

Pro Virgine Martyre

Virginis Proles Opiféx-
que Matris,
Virgo quem gessit, pepe-
rítque Virgo;
Virginis partos cánimus
decóra
Morte triúmphos.

Hæc enim palmæ dúplicit
beáta
Sorte, dum gestit fráguilem
domáre
Córporis sexum, dómuít
cruéntum
Cæde tyránnum.

Unde nec mortem, nec
amíca mortis
Mille pœnarum génera ex-
pavéscens,
Sánguine effúso méruit se-
rénum
Scándere cælum.

Hujus orátu Deus alme,
nobis
Débitas pœnas scélerum
remítte;
Ut tibi puro resonémus
almum
Péctore carmen.

Sit decus Patri, genitæque
Proli,
Et tibi, compar utriúsque
virtus,
Spíritus semper, Deus
unus, omni
Témporis ævo.
Amen.

Pro Virgine non Martyre

Virginis Proles Opiféx-
que Matris,
Virgo quem gessit, pepe-
rítque Virgo;
Virginis festum cánimus
beátæ,
Accipe votum.

Hujus orátu, Deus alme,
nobis
Débitas pœnas scélerum
remítte;
Ut tibi puro resonémus
almum
Péctore carmen.

Sit decus Patri, genitæque
Proli,
Et tibi, compar utriúsque
virtus,
Spíritus semper, Deus
unus, omni
Témporis ævo. Amen.

In I Noeturno

Ant. O quam pulchra *
est casta generátio cum
claritáte!

Psalmus 8



Domine, Dóminus no-
ster, * quam admi-
rábile est nomen
tuum in univérſa terra!

Quóniam eleváta est ma-
gnificéntia tua, * super
cælos.

Ex ore infántium et la-
cténtium perfecísti lau-
dem propter inimícos
tuos, * ut déstruas inimí-
cum et ultórem.

Quóniam vidébo cælos tuos, ópera digitórum tuórum : * lunam et stellas, quæ tu fundásti.

Quid est homo, quod memor es ejus? * aut fílius hóminis, quóniam vísitas eum?

Minuísti eum paulo minus ab Angelis, glória et honóre coronásti eum : * et constituísti eum super ópera mánuum tuárum.

Omnia subjecísti sub pédibus ejus, * oves et boves univérsas : insuper et pécora campi.

Vólucres cæli, et pisces maris, * qui perámbulant sémitas maris.

Dómine, Dóminus noster, * quam admirábile est nomen tuum in univérsa terra!

Ant. O quam pulchra est casta generátio cum claritáte!

Ant. Ante torum * hujus Vírginis frequentáte nobis dúlcia cántica drámatís.

Pro non Virgine

Ant. Læva ejus * sub cápite meo, et délixtera illíus amplexábitur me.

Psalmus 18

CÆli enarrant glóriam Dei, * et ópera mánuum ejus annúnciat firmaméntum.

Dies diéi erúctat verbum, * et nox nocti índicat sciéntiam.

Non sunt loquélæ, neque sermónes, * quorum non audiántur voces eórum.

In omnem terram exívit sonus eórum : * et in fines orbis terræ verba eórum.

In sole pósuit tabernáculum suum : * et ipse tamquam sponsus procedens de thálamo suo :

Exsultávit ut gigas ad curréndam viam, * a summo cælo egréssio ejus :

Et occúrsus ejus usque ad summum ejus : * nec est qui se abscondat a calóre ejus.

Lex Dómini immaculáta, convértens ánimas : * testimónium Dómini fidéle, sapiéntiam præstans párvulis.

Justítiæ Dómini rectæ, lætificántes corda : * præcéptum Dómini lúcidum, illúminans óculos.

Timor Dómini sanctus, pérmanens in sæculum sæculi : * judícia Dómini vera, justificáta in semetípse.

Desiderabília super aurum et lápidem pretiósum multum : * et dulcióra super mel et favum.

Etenim servus tuus custódit ea, * in custodiéndis illis retribútio multa.

Delícta quis intélligit? ab occúltis meis munda me : * et ab aliénis parce servo tuo.

Si mei non fúerint domínati, tunc immaculátus

ero : * et emundabor a delicto máximo.

Et erunt ut compláceant elóquia oris mei : * et meditatio cordis mei in conspéctu tuo semper.

Dómine, adjutor meus, * et redemptor meus.

Ant. Ante torum hujus Vírginis frequentáte nobis dúlcia cántica drámatis.

Pro non Virgine

Ant. Læva ejus sub cápite meo, et dextera illius amplexábitur me.

Ant. Revértere, * revértere, Sunamítis; revértere, revértere, ut intueámur te.

Psalmus 23

Domini est terra, et plenitúdo ejus : * orbis terrárum, et univérsti qui hábitant in eo.

Quia ipse super mária fundávit eum : * et super flúmina præparávit eum.

Quis ascéndet in montem Dómini? * aut quis stabit in loco sancto ejus?

Innocens mánibus et mundo corde, * qui non accépit in vano ánimam suam, nec jurávit in dolo próximo suo.

Hic accípiet benedictiónem a Dómino : * et misericórdiam a Deo, salutári suo.

Hæc est generátio quæréntium eum, * quæréntium faciém Dei Jacob.

Attóllite portas, príncipes, vestras, et elevámini, portæ æternáles : * et introíbit Rex glóriæ.

Quis est iste Rex glóriæ? * Dóminus fortis et potens : Dóminus potens in próelio.

Attóllite portas, príncipes, vestras, et elevámini, portæ æternáles : * et introíbit Rex glóriæ.

Quis est iste Rex glóriæ? * Dóminus virtútum ipse est Rex glóriæ.

Ant. Revértere, revértere, Sunamítis; revértere, revértere, ut intueámur te.

V. Spécie tua et pulchritúde tua. **R.** Inténde, prospere procéde, et regna.

Absolutio Exáudi, Dómine.

Benedictio Benedictiône.

De Epístola prima beáti Pauli Apóstoli ad Corínthios

Lectio i Cap. 7, 25-40



E virgínibus præcéptum Dómini non hábeo : consílium autem do, tamquam misericórdiam consecútus a Dómino, ut sim fidélis. Existimo ergo hoc bonum esse propter instántem necessitátem, quóniam bonum est hómini sic esse. Alligátus es uxóri? noli quærerere solutiónem. Solútus es ab uxóre? noli quæ-

rere uxórem. Si autem accéperis uxórem, non peccásti. Et si núpserit virgo, non peccávit. Tribulatió-nem tamen carnis habébunt hujúsmodi. Ego autem vobis parco. Hoc itaque dico, fratres : Tempus breve est : réliquum est, ut et qui habent uxóres, tamquam non habéntes sint; et qui flent, tamquam non flentes; et qui gaudent, tamquam non gaudentes; et qui emunt, tamquam non possidéntes; et qui utúntur hoc mundo, tamquam non utántur; præterit enim figúra hujus mundi.

Pro Virgine Martyre

℟. Veni, Sponsa Christi, áccipe corónam, quam tibi Dóminus præparávit in ætérnum; pro cujus amóre sánguinem tuum fudísti, * Et cum Angelis in paradísum introísti. ℣. Veni, elécta mea, et ponam in te thronum meum; quia concupívit Rex spéciem tuam. — Et.

Pro Virgine non Martyre

℟. Veni, elécta mea, et ponam in te thronum meum : * Quia concupívit Rex spéciem tuam. ℣. Spécie tua et pulchritúdine tua inténde, prospere procéde, et regna. — Quia.

Bened. Unigénitus Dei.

Lectio ii

VOlo autem vos sine sollicitú-dine esse. Qui sine uxóre est, sollicitus est quæ Dómini sunt, quómodo pláceat Deo. Qui autem cum uxóre est, sollicitus est quæ sunt mundi, quómodo pláceat uxóri, et dívísus est. Et múl-ier innúpta, et virgo cógitat quæ Dómini sunt, ut sit sancta córpore et spíritu. Quæ autem nupta est, cógitat quæ sunt mundi, quómodo pláceat viro. Porro hoc ad utilitátem vestram dico, non ut láqueum vobis injíciam, sed ad id, quod honéstum est, et quod facultátem præbeat sine impediménto Dóminum obsecrándi.

℟. Diffúsa est grátia in lábiis tuis, * Proptérea benedíxit te Deus in ætérnum. ℣. Spécie tua et pulchritúdine tua inténde, prospere procéde, et regna. — Proptérea.

Bened. Spíritus Sancti.

Lectio iii

SI quis autem turpem se víderi exístimat super vírgine sua, quod sit superadúlta, et ita opórtet fieri; quod vult fáciat : non peccat, si nubat. Nam qui státuit in corde suo firmus, non habens necessitátem, potestátem autem habens suæ voluntátis, et hoc judicávit in corde suo, ser-

váre vírginem suam, bene facit. Igitur et qui matrimónio jungit vírginem suam, bene facit; et qui non jungit, mélius facit. Múlier alligáta est legi quanto témpore vir ejus vivit. Quod si dormierit vir ejus, liberáta est : cui vult nubat, tantum in Dómino. Beátior autem erit, si sic permánserit, secúndum meum consílium; puto autem quod et ego Spíritum Dei hábeam.

R. Spécie tua et pulchritú-dine tua * Inténde, prospere procéde, et regna.

V. Diffúsa est grátia in lá-biis tuis, proptérea benedíxit te Deus in ætérnum. — Inténde. **G**lória Patri. Inténde.

In II Nocturno

Ant. Spécie tua * et pulchritú-dine tua inténde, prospere procéde, et regna.

Psalmus 44



Ructávit cor meum verbum bonum : * dico ego ópera mea Regi.

Lingua mea cálamus scribæ, * velóciter scribéntis.

Speciósus forma præ filiis hóminum, diffúsa est grátia in lábiis tuis : * proptérea benedíxit te Deus in ætérnum.

Accíngere gládio tuo super femur tuum, * potentíssime,

Spécie tua et pulchritú-dine tua * inténde, prospere procéde, et regna.

Propter veritátem, et mansuetúdinem, et justítiam : * et dedúcet te mirábiliter dextera tua.

Sagíttæ tuæ acútæ, pópuli sub te cadent, * in corda inimicórum Regis.

Sedes tua, Deus, in sá-culum sáeculi : * virga directiónis virga regni tui.

Dilexísti justítiam, et odísti iniquitátem : * proptérea unxit te Deus, Deus tuus, óleo lætítiæ præ consórtibus tuis.

Myrrha, et gutta, et cásia a vestiméntis tuis, a dómibus ebúrneis : * ex quibus delectavérunt te filiæ regum in honóre tuo.

Astitit regína a dextris tuis in vestítu deauráto : * circúmdata varietáte.

Audi, filia, et vide, et inclína aurem tuam : * et oblivíscere pópulum tuum, et domum patris tui.

Et concupíscet Rex decórem tuum : * quóniam ipse est Dóminus, Deus tuus, et adorábunt eum.

Et filiæ Tyri in munéribus * vultum tuum deprecabúntur : omnes dívites plebis.

Omnis glória ejus filiæ Regis ab intus, * in fím-briis áureis circumamícta varietátibus.

Adducéntur Regi vírgines post eam : * próximæ ejus afferéntur tibi.

Afferéntur in lætítia et exsultatíone : * adducéntur in templum Regis.

Pro pátribus tuis nati sunt tibi filii : * constitúes eos príncipes super omnem terram.

Mémores erunt nóminis tui : * in omni generatíone et generatíonem.

Proptérea pópuli confitebúntur tibi in ætérnum : * et in sáculum sáculi.

Ant. Spécie tua et pulchritúdine tua inténde, prospere procéde, et regna.

Ant. Adjuvábít eam * Deus vultu suo : Deus in médio ejus, non commovébitur.

Psalmus 45

Deus noster refúgium, et virtus : * adjútor in tribulatíonibus, quæ invénérunt nos nimis.

Proptérea non timébimus dum turbábitur terra : * et transferéntur montes in cor maris.

Sonuérunt, et turbátæ sunt aquæ eórum : * conturbáti sunt montes in fortitúdine ejus.

Flúminis ímpetus lætíficat civitátem Dei : * sanctificávit tabernáculum suum Altíssimus.

Deus in médio ejus, non commovébitur : * adju-

vábít eam Deus mane dilúculo.

Conturbátæ sunt gentes, et inclináta sunt regna : * dedit vocem suam, mota est terra.

Dóminus virtútum nobíscum : * suscéptor noster Deus Jacob.

Veníte, et vidéte ópera Dómini, quæ pósuit prodígia super terram : * áuferens bella usque ad finem terræ.

Arcum cónteret, et confrínget arma : * et scuta combúret igni.

Vacáte, et vidéte quóniam ego sum Deus : * exaltábor in géntibus, et exaltábor in terra.

Dóminus virtútum nobíscum : * suscéptor noster Deus Jacob.

Ant. Adjuvábít eam Deus vultu suo : Deus in médio ejus, non commovébitur.

Ant. Aquæ multæ * non potuérunt exstíngere caritátem.

Psalmus 47

Magnus Dóminus, et laudábilis nimis * in civitáte Dei nostri, in monte sancto ejus.

Fundátur exsultatíone univérsæ terræ mons Sion, * látera Aquilónis, civitas Regis magni.

Deus in dómibus ejus cognoscétur, * cum suscípiet eam.

Quóniam ecce reges terræ congregáti sunt : * conve-
nerunt in unum.

Ipsi vidéntes sic admiráti
sunt, conturbáti sunt,
commóti sunt : * tremor
apprehéndit eos.

Ibi dolóres ut parturién-
tis : * in spíritu veheménti
cónteres naves Tharsis.

Sicut audívimus, sic ví-
dimus in civitáte Dómini
virtútum, in civitáte Dei
nostri : * Deus fundávit
eam in ætérnum.

Suscévimus, Deus, mise-
ricórdiam tuam, * in mé-
dio templi tui.

Secúndum nomen tuum,
Deus, sic et laus tua in
fines terræ : * justítia
plena est dextera tua.

Lætétur mons Sion, et
exsúltent filiæ Juda, * pro-
pter júdicia tua, Dómine.

Circúmdate Sion, et com-
plectímini eam : * narráte
in túrribus ejus.

Pónite corda vestra in
virtúte ejus : * et distri-
búite domos ejus, ut enar-
rétis in progénie áltera.

Quóniam hic est Deus,
Deus noster in ætérnum,
et in sáculum sáculi : *
ipse reget nos in sácula.

Ant. Aquæ multæ non
potuérunt exstíngere car-
ritatem.

V. Adjuvábít eam Deus
vultu suo. **R.** Deus in mé-
dio ejus, non commové-
bitur.

Absolutio Ipsíus píetas.

Benedictio Deus Pater.

Sermo sancti Ambrósii
Epíscopi

Liber 1 de Virg., circa init.

Lectio iv



Uóniam hódie natá-
lis est Vírginis, in-
vítat nunc integri-
tátis amor, ut áliquíd de
virginitáte dicámus; ne
véluti tránsitu quodam
præstrícta videátur, quæ
principális est virtus. Non
enim ídeo laudábilis virgí-
nitas, quia in Martýribus
reperítur; sed quia ipsa
Mártyres fáciat. Quis au-
tem humáno eam possit
ingénio comprehéndere,
quam nec natúra suis in-
clúsit légibus? aut quis
naturáli voce complécti,
quod supra usum natúræ
sit? E cælo accersívit, quod
imitarétur in terris. Nec im-
mérito vivéndi sibi usum
quæsívit e cælo, quæ Spon-
sum sibi invénit in cælo.

R. Propter veritátem, et
mansuetúdinem, et justí-
tiam : * Et dedúcet te
mirábíliter dextera tua.

V. Spécie tua et pulchritú-
dine tua inténde, prospere
procéde, et regna. — Et.

Bened. Christus perpétuæ.

Lectio v

HÆC nubes, áëra, Ange-
los, sidéraque trans-
grédiens, Verbum Dei in
ipso sinu Patris invénit, et

toto hausit pectore. Nam quis tantum, cum invenerit, relinquat boni? Unguentum enim exinanitum est nomen tuum : propterea adolescentulæ dilexerunt te et attraxerunt te. Postrémo, non meum est illud quóniam, Quæ non nubunt neque nubentur, erunt sicut Angeli Dei in cælo. Nemo ergo mirétur, si Angelis comparéntur, quæ Angelórum Dómino copulántur.

✠. Dilexísti justítiam, et odísti iniquitátem : * Propterea unxit te Deus, Deus tuus, óleo lætitiæ. ✠. Propter veritátem, et mansuetúdinem, et justítiam. — Propterea.

Bened. Ignem sui amoris.

Lectio vi

Quis igitur neget hanc vitam fluxísse de cælo, quam non fácte invenímus in terris, nisi postquam Deus in hæc terréni corpóris membra descéndit? Tunc in útero Virgo concépit, et Verbum caro factum est, ut caro fieret Deus. Dicit áliquis : Sed étiam Elías nullíus corpórei cóitus fuisse permíxtus cupiditátibus invenítur. Ideo ergo curru raptus ad cælum; ideo cum Dómino appáret in glória; ideo Domínici ventúrus est præcúrsor advéntus.

✠. Afferéntur Regi vírgines post eam, próximæ ejus * Afferéntur tibi in lætítia et exsultatióne. ✠. Spécie tua et pulchritúdine tua inténde, prospere procéde, et regna. — Afferéntur tibi. Glória Patri. Afferéntur tibi.

In III Nocturno

Ant. Nigra sum, * sed formósa, filiæ Jerúsalem; ideo diléxit me Rex, et introdúxit me in cubículum suum.

Psalmus 95



Antáte Dómino cánticum novum : * cantáte Dómino, omnis terra.

Cantáte Dómino, et benedicíte nómini ejus : * annuntiáte de die in diem salutáre ejus.

Annuntiáte inter gentes glóriam ejus, * in ómnibus pópulis mirábilía ejus.

Quóniam magnus Dóminus, et laudábilis nimis : * terríbilis est super omnes deos.

Quóniam omnes dii géntium dæmónia : * Dóminus autem cælos fecit.

Conféssio, et pulchritúdo in conspéctu ejus : * sanctimónia et magnificéntia in sanctificatióne ejus.

Afférte Dómino, pátriæ géntium, afférte Dómino glóriam et honórem : *

afferte Dómino glóriam
nómini ejus.

Tóllite hóstias, et introíte
in átria ejus : * adoráte
Dóminum in átrio sancto
ejus.

Commovéatur a fácie ejus
univérſa terra : * dícite in
géntibus quia Dóminus
regnávit.

Etenim corréxit orbem
terræ qui non commové-
bitur : * judicábit pópulos
in æquitáte.

Læténtur cæli, et exsúl-
tet terra : commovéatur
mare, et plenitúdo ejus : *
gaudébunt campi, et óm-
nia quæ in eis sunt.

Tunc exsultábunt ómnia
ligna silvárum a fácie Dó-
mini, quia venit : * quón-
iam venit judicáre ter-
ram.

Judicábit orbem terræ in
æquitáte, * et pópulos in
veritáte sua.

Ant. Nigra sum, sed for-
mósa, filiæ Jerúsalem; ideo
diléxit me Rex, et introdú-
xit me in cubículum suum.

Ant. Trahe me post te, *
in odórem currémus un-
guentórum tuórum : óleum
effúsum nomen tuum.

Psalmus 96

Dominus regnávit, ex-
súltet terra : * lætén-
tur insulæ multæ.

Nubes, et caligo in circúi-
tu ejus : * justítia, et judí-
cium corréctio sedis ejus.

Ignis ante ipsum præcé-
det, * et inflammábit in
circúitu inimícos ejus.

Illuxérunt fúlgura ejus
orbi terræ : * vidit, et
commóta est terra.

Montes, sicut cera fluxé-
runt a fácie Dómini : *
a fácie Dómini omnis
terra.

Annuntiavérunt cæli ju-
stítiam ejus : * et vidé-
runt omnes pópuli gló-
riam ejus.

Confundántur omnes, qui
adórant sculptília : * et
qui gloriántur in simu-
lácris suis.

Adoráte eum, omnes An-
geli ejus : * audívit, et
lætáta est Sion.

Et exsultavérunt filiæ
Judæ, * propter judícia
tua, Dómine :

Quóniam tu Dóminus Al-
tíssimus super omnem ter-
ram : * nimis exaltátus es
super omnes deos.

Qui diligitis Dóminum,
odíte malum : * custódit
Dóminus ánimas sanctó-
rum suórum, de manu
peccatóris liberábit eos.

Lux orta est justo, * et
rectis corde lætítia.

Lætámini, justí, in Dó-
mino : * et confitémini
memóriæ sanctificatiónis
ejus.

Ant. Trahe me post te, in
odórem currémus unguen-
tórum tuórum : óleum
effúsum nomen tuum.

Ant. Veni, Sponsa Christi, * áccipe corónam, quam tibi Dóminus præparávit in ætérnum.

Psalmus 97

CAntáte Dómino cánticum novum : * quia mirabilia fecit.

Salvávit sibi dextera ejus : * et bráchium sanctum ejus.

Notum fecit Dóminus salutare suum : * in conspéctu géntium revelávit justítiam suam.

Recordátus est misericórdiæ suæ, * et veritátis suæ dómui Israël.

Vidérunt omnes términi terræ * salutare Dei nostri.

Jubiláte Deo, omnis terra : * cantáte, et exsultáte, et psállite.

Psállite Dómino in cíthara, in cíthara et voce psalmi : * in tubis ductílibus, et voce tubæ córneæ.

Jubiláte in conspéctu regis Dómini : * moveátur mare, et plenitúdo ejus : orbis terrárum, et qui hábitant in eo.

Flúmina plaudent manu, simul montes exsultábunt a conspéctu Dómini : * quóniam venit judicáre terram.

Judicábit orbem terrárum in justítia, * et pópulos in æquitáte.

Ant. Veni, Sponsa Christi, áccipe corónam, quam

tibi Dóminus præparávit in ætérnum.

℟. Elégit eam Deus, et præelégit eam. **℣.** In tabernáculo suo habitáre facit eam.

Absolutio A vínculis.

Bened. Evangélica léctio.

Léctio sancti Evangélii
secúndum Matthæum

Lectio vii Cap. 25, 1-13

IN illo témpore : Dixit Jesus discípulis suis parábolam hanc : Símile erit regnum cælórum decem virgínibus, quæ accipiéntes lámpades suas, exiérunt óbviám sponso et sponsæ. Et réliqua.

Homílla sancti Gregórii
Papæ

Homília 12 in Evang.



Æpe vos, fratres caríssimi, admóneo prava ópera fúgere, mundi hujus inquinaménta devitáre, sed hodiérna sancti Evangélii lectióne compéllor dícere, ut et bona, quæ ágitis, cum magna cautéla teneátis; ne per hoc, quod a vobis rectum géritur, favor aut grátia húmana requirátur; ne appetítus laudis subrépat, et quod foris osténditur, intus a mercéde vacuétur. Ecce enim Redemptóris voce decem vírgines, et omnes dicúntur vírgines, et tamen intra beatitúdinis já-

nuam non omnes sunt recepit; quia earum quædam, dum de virginitate sua gloriam foris expectunt, in vasis suis oleum habere noluerunt.

℟. Hæc est Virgo sapiens, quam Dominus vigilanter invenit, quæ acceptis lampadibus sumpsit secum oleum: * Et veniente Domino, introivit cum eo ad nuptias. ℣. Média nocte clamor factus est: Ecce sponsus venit, exite obviam ei. — Et.

Benedictio Cujus **vel** Quorum festum colimus.

Lectio viii

SED prius querendum nobis est, quid sit regnum celorum, aut cur decem virginibus compareretur, quæ etiam virgines prudentes et fatuæ dicantur. Dum enim celorum regnum constat, quia reproborum nullus ingreditur, etiam fatuis virginibus cur simile esse perhibetur? Sed sciendum nobis est, quod sæpe in sacro eloquio regnum celorum presentis temporis Ecclesia dicitur. De quo alio in loco Dominus dicit: Mittet Filius hominis Angelos suos, et colligent de regno ejus omnia scandala. Neque enim in illo regno beatitudinis, in quo pax summa est, inveniri scan-

dala poterunt, quæ colligantur.

℟. Média nocte clamor factus est: * Ecce sponsus venit, exite obviam ei. ℣. Prudentes virgines, aptate vestras lampades. — Ecce. **Gloria Patri.** Ecce.

Benedictio Ad societatem.

Lectio ix

IN quinque autem corporis sensibus unusquisque subsistit; geminatus autem quinquarius denarium perficit. Et quia ex utroque sexu fidelium multitudo colligitur, sancta Ecclesia decem virginibus similis esse denuntiatur. In qua quia mali cum bonis et reprobi cum electis admixti sunt, recte similis virginibus prudentibus et fatuis esse perhibetur. Sunt namque plerique continentes, qui ab appetitu se exteriori custodiunt et spe ad interiora rapiuntur, carnem macerant, et toto desiderio ad supernam patriam anhelant, æterna præmia expectant, pro laboribus suis recipere laudes humanas nolunt. Hi nimirum gloriam suam non in ore hominum ponunt, sed intra conscientiam contegunt. Et sunt plerique, qui corpus per abstinenciam affligunt, sed de ipsa sua abstinencia

humános favóres éxpe-
tunt.

Te Deum laudámus.

AD LAUDES

et per Horas, Añæ

1 Hæc est Virgo sá-
piens, * et una de número
prudéntum.

Psalmi de Dominica.

2 Hæc est Virgo sá-
piens, * quam Dóminus
vigilántem invénit.

3 Hæc est quæ nescívit *
torum in delicto : habébit
fructum in respectióne
animárum sanctárum.

4 Veni, elécta mea, * et
ponam in te thronum
meum, allelúja.

5 Ista est speciósá * inter
fílias Jerúsalem.

Capit. 2 Cor. 10, 17-18

FRatres : Qui gloriátur,
in Dómino gloriétur.
Non enim qui seípsum
comméndat, ille probátus
est; sed quem Deus com-
méndat.

Hymnus

Jesu, coróna Vírginum,
Quem Mater illa cón-
cipit,

Quæ sola Virgo párturit,
Hæc vota clemens áccipe :

Qui pergis inter lília,
Septus choréis Vírginum,
Sponsus decórus glória
Sponsisque reddens præ-
mia.

Quocúmque tendis, Vírgi-
nes

Sequúntur, atque láudi-
bus

Post te canéntes cúrsitant,
Hymnósque dulces péro-
nant;

Te deprecámur súpplíces,
Nostris ut addas sénsibus
Nescíre prorsus ómnia
Corruptiónis vúlnera.

* **V**irtus, honor, laus,
glória

Deo Patri cum Fílio,
Sancto simul Paráclito,
In sæculórum sácula.

Amen.

V. Diffúsa est grátia in
lábiis tuis. **R.** Propterea
benedíxit te Deus in ætér-
num.

Ad Bened. Ant. Símile
est regnum cælórum *
hómini negotiátóri quæ-
rénti bonas margarítas :
invénta una pretiósá, de-
dit ómnia sua, et compa-
rávit eam.

Pro Virgine Martyre

1 — Oratio

DEus, qui inter cétera
poténtiæ tuæ mirácula
étiam in sexu frágili victó-
riam martýrii contulísti :
concéde propítius; ut, qui
beátæ **N.** Vírginis et Már-
tyris tuæ natalítia cóli-
mus, per ejus ad te exem-
pla gradiámur. Per Dó-
minum.

2 — *Alia Oratio*

Indulgentiam nobis, quæsumus, Dómine, beáta *N.* Virgo et Martyr implóret : quæ tibi grata semper éxstitit, et mérito castitátis et tuæ profes-sióne virtútis. Per Dó-minum.

Pro Virgine non Martyre

3 — *Oratio*

Exáudi nos, Deus, salu-táris noster : ut, sicut de beátæ *N.* Vírginis tuæ festivitáte gaudémus; ita piæ devotiónis erudiámur afféctu. Per Dóminum.

Si fuerint plures Virgines Martyres :

℟. Adducéntur Regi Vír-gines post eam. *℣.* Próxi-mæ ejus afferéntur tibi.

Ad Bened. Ant. Prudén-tes Vírgines, * aptáte ve-stras lámpades : ecce Sponsus venit, exíte ób-viam ei.

4 — *Oratio*

DA nobis, quæsumus, Dómine, Deus noster, sanctárum Virginum et Mártyrum tuárum *N.* et *N.* palmas incessábili devo-tiône venerári : ut, quas digna mente non póssu-mus celebráre; humílibus saltem frequentémus ob-séquiiis. Per Dóminum.

Ad Horas Psalmi de Domi-nica, ad Primam tamen ut in Festis.

AD TERTIAM

Capit. Fratres. [124]

℟. br. Spécie tua * Et pulchritúdine tua. Spécie. *℣.* Inténde, prospere pro-céde, et regna. Et. *Glória Patri.* Spécie. *℣.* Adjuváb-it eam Deus vultu suo. *℟.* Deus in médio ejus, non commovébitur.

AD SEXTAM

Capitulum 2 Cor. 11, 2

AMulor enim vos Dei æmulatióne. Despón-di enim vos uni viro vír-ginem castam exhibére Christo.

℟. br. Adjuváb-it eam * Deus vultu suo. Adjuváb-it. *℣.* Deus in médio ejus, non commovébitur. Deus vultu suo. *Glória Patri.* Adjuváb-it. *℣.* Elégit eam Deus, et præelégit eam. *℟.* In tabernáculo suo habitáre facit eam.

AD NONAM

Pro Virgine Martyre

Capit. Eccli. 51, 13-14

Domine, Deus meus, ex-altásti super terram habitatióne meam, et pro morte defluénte depre-cáta sum. Invocávi Dó-minum, Patrem Dómini mei, ut non derelinquat me in die tribulatiónis meæ, et in témpore super-bórum sine adjutório.

Pro Virgine non Martyre
Capitulum Sap. 4, 1

O Quam pulchra est casta generatio cum claritate! immortalis est enim memoria illius : quoniam apud Deum nota est, et apud homines.

℞. br. Elégit eam Deus
* Et præelégit eam. Elégit. ℞. In tabernáculo suo habitare facit eam. Et. Glória Patri. Elégit.

℞. Diffusa est grátia in lábiis tuis. ℞. Propterea benedixit te Deus in ætérnum.

IN II VESPERIS

Omnia ut in I Vesperis
[111], præter

℞. Diffusa est grátia in lábiis tuis. ℞. Propterea benedixit te Deus in ætérnum.

Ad Magnif. Ant. Veni, Sponsa Christi, * áccipe corónam, quam tibi Dóminus præparávit in ætérnum.

Si fuerint plures Virgines Martyres, Versus, Antiphona ad Magnificat et Oratio ut supra. [112] vel [124]

Completorium de Dominica.

II ALIÆ LECTIONES
pro Virginibus

Pro Virgine Martyre, Lectiones I Nocturni dicuntur etiam ut infra :

De libro Ecclesiástici

Lectio i Cap. 51, 1-17

Confitebor tibi, Dómine, Rex, et collaudábo te Deum, Salvatórem meum. Confitebor nómini tuo : quoniam adjutor et protector factus es mihi, et liberásti corpus meum a perditione, a láqueo linguæ iniquæ et a lábiis operántium mendácium, et in conspéctu astántium factus es mihi adjutor. Et liberásti me secundum multitudinem misericórdiæ nóminis tui a rugiéntibus præparátis ad escam, de mánibus quæréntium ánimam meam, et de portis tribulatiónum, quæ circumdedérunt me : a pressúra flammæ, quæ circumdedit me, et in médio ignis non sum æstuáta : de altitúdine ventris inferi, et a lingua coinquináta, et a verbo mendácii, a rege iniquo, et a lingua injusta.

℞. Veni, Sponsa Christi, áccipe corónam, quam tibi Dóminus præparávit in ætérnum; pro cuius amore ságuinem tuum fudísti, * Et cum Angelis in paradísum introísti. ℞. Veni, elécta mea, et ponam in te thronum meum; quia concupívit Rex spéciem tuam. — Et.

Lectio ii

Laudábit usque ad mortem ánima mea Dóminum, et vita mea appropínquans erat in inférno deórsum. Circumdedérunt me úndique, et non erat qui adjuváret. Respiciens eram ad adjutórium hóminum, et non erat. Memoráta sum misericórdiæ tuæ, Dómine, et operatiónis tuæ, quæ a sæculo sunt : quóniam éruis sustinéntes te, Dómine, et líberas eos de mánibus géntium.

℟. Diffúsa est grátia in lábiis tuis, * Proptérea benedíxit te Deus in ætérnum. ℣. Spécie tua et pulchritúdine tua inténde, prospere procéde, et regna. — Proptérea.

Lectio iii

Exaltásti super terram habitatióem meam, et pro morte defluente deprecáta sum. Invocávi Dóminum, Patrem Dómini mei, ut non derelínquat me in die tribulatiónis meæ, et in témpore superbórum sine adjutório. Laudábo nomen tuum assidue, et collaudábo illud in confessiône, et exaudíta est orátio mea. Et liberásti me de perditiónē, et eripuísti me de témpore iníquo. Proptérea confitébor, et laudem dicam tibi, et benedicam nómini Dómini.

℟. Spécie tua et pulchritúdine tua * Inténde, prospere procéde, et regna. ℣. Diffúsa est grátia in lábiis tuis, proptérea benedíxit te Deus in ætérnum. — Inténde. Glória Patri. Inténde.

Pro Virgine Mátyre et non Mátyre leguntur etiam sequentes :

In II Nocturno

Ex libro sancti Cypriáni, Epíscopi et Mátyris, de disciplína et hábitu Virginum **Num. 3-5**

Lectio iv

Unc nobis ad vírgines sermo est; quarum quo sublimior glória est, major et cura est. Flos est ille ecclesiástici gérmis, decus atque ornámentum grátiae spiritalis, læta índoles, laudis et honóris opus íntegrum atque incorrúptum, Dei imágo respóndens ad sanctimóniam Dómini, illústrior pórtio gregis Christi. Gaudet per illas atque in illis lárgiter floret Ecclesiæ matris gloriósa fecúnditas; quantóque plus copiósa virgíntas número suo addit, tanto plus gáudium matris augéscit. Ad has lóquimur, has adhortámur affectiône pótius quam potestáte; non quod extrémī et mínimi, et hu-

militátis nostræ ádmodum cónscii, áliquíd ad censúram licéntiæ vindicémus, sed quod ad sollicitúdinem magis cauti, plus de diáboli infestatione timeámus.

℟. Propter veritátem, et mansuetúdinem, et justítiam : * Et dedúcet te mirábiliter dextera tua.

℣. Spécie tua et pulchritúdine tua inténde, prósperé procéde, et regna. — Et.

Lectio v

Nequé inánis hæc cáutio est et vana formído, quæ ad salutis viam cónsulit, quæ Domínica et vitália præcépta custódit, ut, quæ se Christo dicáverint, et a carnáli concupiscéntia recedéntes, tam carne quam mente se Deo vóverint, consúmment opus suum magno præmio destinátum; nec ornári jam aut placére cuiquam, nisi Dómino suo, stúdeant, a quo et mercédem virginitátis exspéctant, dicénte ipso : Non omnes cápiunt verbum, sed illi quibus datum est. Sunt enim spadónes, qui ex útero matris sic nati sunt; et sunt spadónes, qui coácti sunt ab homínibus; et sunt spadónes, qui seípsos castravérunt propter regnum cælórum.

℟. Dilexísti justítiam, et odísti iniquitátem : * Proptérea unxit te Deus,

Deus tuus, óleo lætítiæ. ℣. Propter veritátem, et mansuetúdinem, et justítiam. — Proptérea.

Lectio vi

DEnuo quoque per hanc Angeli vocem contiéntiæ munus osténditur, virgíntas prædicátur : Hi sunt, qui cum muliéribus se non coinquinavérunt; vírgines enim permansérunt : hi sunt qui sequúntur Agnum quocúmque ierit. Neque enim tantum másculis contiéntiæ grátiam Dóminus repromittit, et féminas præterit; sed, quóniam fémina viri pórtio est et ex eo sumpta atque formáta est, in Scriptúris fere ómnibus ad protoplástum Deus lóquitur, quia sunt duo in carne una, et in másculo simul significátur et fémina. Quod si Christum contiéntia séquitur, et regno Dei virgíntas destinátur; quid est illis cum terréno cultu et cum ornáméntis, quibus, dum homínibus placére géstiunt, Deum offéndunt?

℟. Afferéntur Regi vírgines post eam, próximæ ejus * Afferéntur tibi in lætítia et exsultatióne.

℣. Spécie tua et pulchritúdine tua inténde, prósperé procéde, et regna. — Afferéntur tibi. Glória Patri. Afferéntur tibi.

In III Nocturno Homilia in Evangelium Simile est regnum cælorum thesauro, ut infra in Communi non Virginum [134], cum Responsoriis pro Virgine ibi notatis.

III ALIA HOMILIA

Lectio sancti Evangelii
secundum Matthæum

Lectio vii Cap. 19, 3-12

IN illo tempore : Accesserunt ad Jesum pharisæi, tentantes eum et dicentes : Si licet homini dimittere uxorem suam quacumque ex causa? Et reliqua.

Homilia sancti Joannis
Chrysostomi

Homilia 63 in Matth.,
sub medium



Ominus noster, quia ad virginitatem hortari grave esse videbatur, a necessitate legis de non solvendo matrimonio, eos ad cupiditatem illius trahere studet. Deinde, ut eam esse possibilem ostendat, sic inquit : Sunt eunuchi qui ex ventre matris ita nati sunt, et sunt qui ab hominibus eunuchi facti sunt, et sunt qui seipsos castraverunt propter regnum cælorum. Quibus verbis latenter eos ad eligendam virginitatem inducit, dum eam virtutem esse possibilem astruit.

℟. Hæc est Virgo sapiens, quam Dominus vigilantem invenit, quæ acceptis lampadibus sumpsit secum oleum : * Et veniente Domino, introivit cum eo ad nuptias. ℣. Média nocte clamor factus est : Ecce sponsus venit, exite obviam ei. — Et.

Lectio viii

ID autem hoc fere modo confirmat : Cógita tecum, si aut a natura talis esses, aut ab hominibus eam injuriam passus, quid faceres, cum et ejusmodi voluptate careres, et nullam, carendo, mercedem consequereris? Grátias igitur nunc Deo agas, quod cum mercede atque coronis idem sustines, quod illi sine coronis ac præmio tolerant. Immo vero non idem, sed multo levius; tum quia spe erigeris et conscientia recte facti, tum quia non ita ingentibus concupiscentiæ fluctibus jactaris.

℟. Média nocte clamor factus est : * Ecce sponsus venit, exite obviam ei.

℣. Prudentes virgines, aptate vestras lampades. — Ecce. Glória Patri. Ecce.

Lectio ix

CUM ergo de illis eunuchis dixerit, qui, nisi etiam ipsi mente se contineant, frustra et inutiliter

tales sunt, ac de illis, qui, ut regnum cælorum consequantur, se continent; subiunxit rursus, dicens: Qui potest capere, capiat; ut alacriores efficiat eo ipso, quod grave esse opus ostendit, et ineffabili beni-

gnitate sua noluit eam rem intra necessitatem legis concludere. Idque dicendo, adhuc magis possibilem esse demonstrat, ut voluntatis studium plus augeatur.

Te Deum laudamus.

Commune non Virginum

IN I VESPERIS

Ant. 1 Dum esset Rex * in accubitu suo, nardus mea dedit odorem suavitatis.

Psalmi ut in Communi Festorum B. Mariæ Virg. [174]

2 In odorem * unguentorum tuorum currimus: adolescentulæ dilexerunt te nimis.

3 Jam hiems transiit, * imber abiit et recessit: surge, amica mea, et veni.

4 Veni, electa mea, * et ponam in te thronum meum, allelûja.

5 Ista est speciosa * inter filias Ierusalem.

Pro Martyre tantum

Capitulum Eccli. 51, 1-3

Confitebor tibi, Domine, Rex, et collaudabo te Deum, Salvatorem meum. Confitebor nomini tuo: quoniam adiutor et protector factus es mihi, et libe-

raſti corpus meum a perditione.

Pro nec Virg. nec Martyre Capit. Prov. 31, 10-11

Mulierem fortem quis inveniet? Procul et de ultimis finibus pretium ejus. Confidit in ea cor viri sui, et spoliis non indigebit.

Hymnus

Fortem virili pectore
Laudemus omnes feminam,
Quæ sanctitatis gloria
Ubique fulget inclita.

Hæc sancto amore saucia,
Dum mundi amorem noxium

Horrêscit, ad cælestia
Iter perêgit arduum.

Carnem domans jejuniis,
Dulcique mentem pabulo
Orationis nutriens,
Cæli potitur gaudiis.

Rex Christe, virtus fórtium,

Qui magna solus éfficis,
Hujus precátu, quæsumus,
Audi bénignus súpplices.

* **Deo** Patri sit glória,
Ejúsque soli Filio,
Cum Spíritu Paráclito,
Nunc et per omne sáeculum.
Amen.

℣. Spécie tua et pulchritúdine tua. ℟. Inténde, prospere procéde, et regna.

Ad Magnif. Ant. Símile est regnum cælórum * hómini negotiátóri quærénti bonas margarítas : invénta una pretiósá, dedit ómnia sua, et comparávit eam.

In II Vesperis

℣. Diffúsa est grátia in lábiis tuis. ℟. Proptérea benedíxit te Deus in ætérnum.

Ad Magnif. Ant. Manum suam * apéruiť inopi, et palmas suas exténdit ad páuperem, et panem otíosa non comédit.

Pro Martyre tantum

1 — Oratio

Deus, qui inter cétera poténtiæ tuæ mirácula étiam in sexu frágili victóriam martýrii contulísti : concéde propítius; ut, qui beátæ **N.** Mártyris tuæ natalítia cólimus, per ejus ad te exémpa gradiámur. Per Dóminum.

Pro nec Virgine nec Mart.

2 — Oratio

Exáudi nos, Deus, salutaris noster : ut, sicut de beátæ **N.** festivitáte gaudémus; ita piæ devotiónis erudiámur afféctu. Per Dóminum.

Si fuerint plures Martyres non Virgines, in utrisque Vesperis Versus, Ant. ad Magnificat et Oratio, ut sequitur :

℣. Glória et honóre coronásti eas, Dómine. ℟. Et constituísti eas super ópera mánuum tuárum.

Ad Magnif. Ant. Istárum est enim * regnum cælórum, quæ contempsérunt vitam mundi, et pervenérunt ad præmia regni, et lavérunt stolas suas in ságuine Agni.

3 — Oratio

DA nobis, quæsumus, Dómine, Deus noster, sanctárum Mártyrum tuárum **N.** et **N.** palmas incensábili devotióne venerári : ut, quas digna mente non póssumus celebráre; humilibus saltem frequentémus obséquiis. Per Dóminum.

Completorium de Dominica.

AD MATUTINUM

Invitat. Laudémus Deum nostrum * In confessiône beátæ **N.**

Si fuerint plures non Virg. :

Invitat. Laudémus Deum nostrum * In confessióne beatárum N. et N. Ps. 94 Veníte, exsultémus.

Hymnus

Hujus orátu, Deus alme, nobis Débitas pœnas scélerum remítte; Ut tibi puro resonémus alnum Péctore carmen.

Sit decus Patri, genitæque Proli,
Et tibi, compar utriúsque virtus,
Spíritus semper, Deus unus, omni
Témporis ævo. Amen.

Añæ Psalmi et Versus trium Nocturnorum dicuntur ut in Comuni Virginum [113] excepta secunda Ant. I Nocturni cujus loco dicitur Ant. Læva ejus, ut ibi notatur.

In I Nocturno

Pro Martyre tantum Lectio-nes Confitébor, ut in Comuni Virginum 2 loco cum suis Responsoriis. [126]

Pro nce Virgine nec Mart. ut sequuntur :

De Parábolis Salomónis

Lectio i Cap. 31, 10-31



Uliorem fortem quis invéniet? Procul et de últimis fínibus prétium ejus. Confidit in ea cor viri sui, et spóliis

non indigébit. Reddet ei bonum, et non malum, ómnibus diébus vitæ suæ. Quæsívit lanam et linum, et operáta est consílio mánuum suárum. Facta est quasi navis institóris, de longe portans panem suum. Et de nocte surréxit, deditque prædam domésticis suis, et cibária ancillis suis. Considerávit agrum, et emit eum; de fructu mánuum suárum plantávit vineam. Accínxit fortitúdine lumbos suos, et robóravit bráchium suum.

℟. Veni, elécta mea, et ponam in te thronum meum; * Quia concupívit Rex spéciem tuam. **℣.** Spécie tua et pulchritúdine tua inténde, prospere procéde, et regna. — Quia.

Benedictio Unigénitus Dei.

Lectio ii

Gustávit, et vidit quia bona est negotiatio ejus : non exstinguétur in nocte lucérna ejus. Manum suam misit ad fórtia, et dígití ejus apprehendérunt fusum. Manum suam apéruit ínopi, et palmas suas exténdit ad páuperem. Non timébit dómui suæ a frigóribus nivis : omnes enim doméstici ejus vestítí sunt duplicibus. Stragulátam vestem fecit sibi : byssus et púrpura indumentum ejus. Nóbilis in portis vir

ejus, quando séderit cum senatóribus terræ. Sín-donem fecit et véndidit, et cingulum trádidit Chananéó.

℟. Diffúsa est grátia in lábiis tuis : * Proptérea benedíxit te Deus in ætérnum. ℣. Spécie tua et pulchritúdine tua inténde, prospere procéde, et regna. — Proptérea.

Benedictio Spíritus Sancti.

Lectio iii

Fortitúdo et decor indu-méntum ejus, et ridé-bit in die novíssimo. Os suum apérui sapiéntiæ, et lex cleméntiæ in lingua ejus. Considerávit sémitas domus suæ, et panem otíosa non comédit. Sur-rexérunt filii ejus, et bea-tíssimam prædicavérunt : vir ejus, et laudávit eam. Multæ filiæ congregavé-runt divítias : tu super-gréssa es univérsas. Fallax grátia, et vana est pulchritúdo : múl-ier timens Dóminum, ipsa laudábi-tur. Date ei de fructu má-num suárum, et laudent eam in portis ópera ejus.

℟. Spécie tua et pulchri-túdine tua * Inténde, prospere procéde, et regna.

℣. Diffúsa est grátia in lábiis tuis, proptérea benedíxit te Deus in ætérnum. — Inténde. **G**loria Patri. Inténde.

In II Nocturno

Ex libro sancti Ambrósii
Epíscopi de Víduis

Prope finem

Lectio iv



Grum hunc Ecclé-siæ fértilem cerno, nunc integritátis flore vernántem, nunc vi-duitátis gravitáte pollén-tem, nunc étiam conjúgii frúctibus redundántem. Nam etsi divérsi, unius tamen agri fructus sunt : nec tanta hortórum lília, quantæ áristæ ségetum, méssium spicæ; complu-riúmque spátia campórum recipiéndis aptántur semí-nibus, quam rédditis no-váles frúctibus feriántur. Bona ergo vidúitas, quæ tóties apostólico judício prædicátur. Hæc enim magístra fidei, magístra est castitátis.

℟. Propter veritátem, et mansuetúdinem, et justí-tiam : * Et dedúcet te mira-bíliter délixtera tua. ℣. Spé-cie tua et pulchritúdine tua inténde, prospere procéde, et regna. — Et.

Bened. Christus perpétuæ.

Lectio v

UNde et illi, qui deórum suórum adultéria et probra venerántur, cælibá-tus et viduitátis statuere

poenas, ut æmuli criminum mulctarent stúdia virtútum, specie quidem, qua fecunditatem quærerent, sed stúdio, quo propósitum castitátis abolerent. Nam confectis et miles stipendiis arma depónit, et relicto officio quod gerébat, ad própria veteránus rura dimittitur, ut et ipse exercitæ labóribus vitæ requiem consequatur et álios spes futúre quiétis subeúndis faciat opéribus promptiores. Agrícola quoque matúrior torquendam áliis stivam committit, et, juvenili gravátus ópere, providéntiam curæ senilis explórat : vitem facilius tondére quam premere, ut juvenescéntem luxúriam réprimat, et adulescéntem lascíviám falce succídat; parcórum quamdam pártuum castitatem docens étiam in vítibus expetendam.

℟. Dilexisti justítiam, et odísti iniquitatem : * Propterea unxit te Deus, Deus tuus, óleo lætítiæ. V. Propter veritatem, et mansuetúdinem, et justítiam. — Propterea.

Bened. Ignem sui amóris.

Lectio vi

Similis huic vídua, velut eméritis veterána stipendiis castitátis, et si conjúgii arma depónat,

domus tamen totíus pacem gubérnat; et si vehéndis onéribus otíosa, maritándis tamen junióribus próvida, ubi cultus utilior, ubi fructus ubérior sit, quarum cópulam aptiorem senili gravitáte dispónit. Itaque si maturióribus quam junióribus committitur ager, cur putes utiliorem nuptam esse quam víduam? Quod si persecutóres fidei persecutóres fuérunt étiam viduitátis, útique fidem sequéntibus vidúitas non pro supplicio fugiéndam est, sed tenéndam pro præmio.

℟. Fallax grátia, et vana est pulchritúdo : * Múlier timens Deum, ipsa laudábitur. V. Date ei de fructu mánuum suárum, et laudent eam in portis ópera ejus. — Múlier. Glória Patri. Múlier.

In III Nocturno

Absolutio A vínculis.

Bened. Evangélica léctio.

Léctio sancti Evangélii
secúndum Matthæum

Lectio vii Cap. 13, 44-52

IN illo témpore : Dixit Jesus discíplis suis parabolam hanc : Símile est regnum cælórum thesauro abscóndito in agro. Et réliqua.

Homilia sancti Gregorii Papæ

Homilia 11 in Evang.

Elórur regnum, fratres caríssimi, idcirco terrénis rebus símile díctur, ut ex his, quæ ánimus novit, surgat ad incógnita, quæ non novit : quátenus exémplo visibílium se ad invisibília rápiat, et per ea, quæ usu dídidit, quasi confricátus incaléscat; ut per hoc, quod scit notum díligere, discat et incógnita amáre. Ecce enim cælórum regnum thesáuro abscóndito in agro comparátur; quem, qui invénit homo, abscóndit, et præ gáudio illíus vadit, et vendit univérsa quæ habet, et emit agrum illum.

Pro non Virgine

℟. Os suum apérui sapientiæ, et lex cleméntiæ in lingua ejus : considerávit sémitas domus suæ, * Et panem otíosa non comédit. **℣.** Gustávit et vidit quia bona est negotiatio ejus : non exstinguétur in nocte lucérna ejus. — Et.

Pro Virgine

℟. Hæc est Virgo sapiens, quam Dóminus vigilántem invénit, quæ accéptis lampádibus sumpsit secum óleum : * Et venién-

te Dómino, introívit cum eo ad núptias. **℣.** Média nocte clamor factus est : Ecce sponsus venit, exíte óbviám ei. — Et.

Bened. Cujus **vel** Quarum festum cólimus.

Lectio viii

QUA in re hoc quoque notándum est, quod invéntus thesáurus abscónditur, ut servétur : quia stúdiúm cæléstis desidérii a malignis spirítibus custodíre non súfficit, qui hoc ab humánis láudibus non abscóndit. In præsénti étenim vita quasi in via sumus, qua ad pátriam périgimus. Maligni autem spíritus iter nostrum quasi quidam latrúnculi óbsident. Deprædári ergo desíderat, qui thesáurum públice portat in via. Hoc autem dico, non ut próximi ópera nostra bona non vídeant, cum scriptum sit : Vídeant ópera vestra bona, et gloríficent Patrem vestrum, qui in cælis est; sed ut per hoc, quod ágimus, laudes extérius non quæramus. Sic autem sit opus in público, quátenus inténtio máneat in occúlto : ut et de bono ópere próximis præbeámus exémpulum, et tamen per intentiónem, qua Deo soli placére quærimus, semper optémus secrétum.

Pro non Virgine

℟. Regnum mundi et omnem ornatum sæculi contempsisti, propter amorem Dómini mei Jesu Christi : * Quem vidi, quem amavi, in quem credidi, quem dilexi. ℣. Eructavit cor meum verbum bonum : dico ego ópera mea Regi. — Quem. Glória Patri. Quem.

Pro Virgine

℟. Média nocte clamor factus est : * Ecce sponsus venit, exíte óbviám ei. ℣. Prudentes vírgines, aptáte vestras lámpades. — Ecce. Glória Patri. Ecce.

Bened. Ad societátem.

Lectio ix

THesáurus autem cæléste est desidérium; ager vero, in quo thesáurus absconditur, disciplína stúdií cæléstis. Quem profecto agrum, vénditis omnibus, cómparat, qui, voluptátibus carnis renúntians, cuncta sua terréna desidéria per disciplínæ cæléstis custódiam calcát : ut nihil jam, quod caro blanditur, líbeat; nihil, quod carnálem vitam trucidat, spíritus perhorrescat.

Te Deum laudámus.

AD LAUDES

Añæ 1 Dum esset Rex * in accúbitu suo, nardus

mea dedit odórem suavitátis.

Psalmi de Dominica.

2 In odórem * unguentórum tuórum cúrrimus : adolescentulæ dilexérunt te nimis.

3 Jam hiems tránsiit, * imber ábiit et recéssit : surge, amíca mea, et veni.

4 Veni, elécta mea, * et ponam in te thronum meum, allelúja.

5 Ista est speciósa * inter filias Jerúsalem.

Pro Martyre tantum

Capitulum Eccli. 51, 1-3

Confitébor tibi, Dómine, Rex, et collaudábo te Deum, Salvatórem meum. Confitébor nómini tuo : quóniam adjútor et protéctor factus es mihi, et liberásti corpus meum a perditíone.

Pro nec Virgine nec Mart.

Capit. Prov. 31, 10-11

Mulierem fortem quis invéniet? Procul et de últimis fínibus prétium ejus. Confidit in ea cor viri sui, et spóliis non indigébit.

Hymnus

Fortem viríli pectore
Laudémus omnes féminam,
Quæ sanctitátis glória
Ubíque fulget ínclita.

Hæc sancto amore sáucia,
Dum mundi amorem nó-
xium

Horréscit, ad cæléstia
Iter perégit árduum.

Carnem domans jejúniis,
Dulcíque mentem pábulo
Oratiónis nútriens,
Cæli potitur gáudiis.

Rex Christe, virtus fór-
tium,
Qui magna solus éfficis,
Hujus precátu, quæsu-
mus,
Audi benígnus súpplíces.

* Deo Patri sit glória,
Ejúsque soli Filio,
Cum Spíritu Paráclito,
Nunc et per omne sæcu-
lum. Amen.

✠. Diffúsa est grátia in
lábiis tuis. ✠. Proptérea
benedíxit te Deus in
ætérum.

Ad Bened. Ant. Date ei *
de fructu mánuum suá-
rum, et laudent eam in
portis ópera ejus.

Pro Martyre tantum

1 — Oratio

Deus, qui inter cétera
poténtiæ tuæ mirá-
cula étiam in sexu frágili
victóriam martýrii contu-
listi : concéde propítius;
ut, qui beátæ N. Mártyris
tuæ natalítia cólimus, per
ejus ad te exémpa gra-
diámur. Per Dóminum.

Pro nec Virgine nec Mart.

2 — Oratio

EXáudi nos, Deus, salu-
táris noster : ut, sicut
de beátæ N. festivitáte
gaudémus; ita piæ devo-
tiónis erudiámur afféctu.
Per Dóminum.

Si fuerint plures Martyres non Virgines :

✠. Glória et honóre coro-
násti eas, Dómine. ✠. Et
constituísti eas super ópe-
ra mánuum tuárum.

Ad Bened. Ant. Istárum
est enim * regnum cæló-
rum, quæ contempsérunt
vitam mundi, et pervené-
runt ad præmia regni, et
lavérunt stolas suas in
sánguine Agni.

3 — Oratio

DA nobis, quæsumus,
Dómine, Deus noster,
sanctárum Mártyrum tuá-
rum N. et N. palmas inces-
sábili devotióne venerári :
ut, quas digna mente non
póssumus celebráre; hu-
mílibus saltem frequen-
témus obséquiiis. Per Dó-
minum.

Ad Horas Psalmi de Domi-
nica, ad Primam tamen ut in
Festis.

AD TERTIAM

Pro Martyre tantum

Capit. Confitébor. [136]

Pro nec Virgine nec Mart.

Capit. Muliérem. [136]

℟. br. Spécie tua * Et pulchritúdine tua. Spécie.

℣. Inténde, prospere procéde, et regna. Et. Glória Patri. Spécie. ℣. Adjuvabit eam Deus vultu suo.

℟. Deus in médio ejus, non commovébitur.

AD SEXTAM

Pro Martyre tantum

Capitulum Eccli. 51, 4-5

Liberásti me secúndum multitudínem misericórdiæ nóminis tui a rugiéntibus, præparátis ad escam, de mánibus quæréntium ánimam meam, et de multis tribulatió nibus quæ circumdedérunt me.

Pro nec Virgine nec Mart.

Capit. Prov. 31, 20-21

Manum suam apéruiť inopi, et palmas suas exténdit ad páuperem. Non timébit dómui suæ a frigóribus nivis.

℟. br. Adjuvabit eam * Deus vultu suo. Adjuvabit. ℣. Deus in médio ejus, non commovébitur. Deus vultu suo. Glória Patri. Adjuvabit. ℣. Elégit eam Deus, et præelégit eam. ℟. In tabernáculo suo habitáre facit eam.

AD NONAM

Pro Martyre tantum

Capit. Eccli. 51, 8 et 12

Laudábit usque ad mortem ánimá mea Dóminum, quóniam éruis susti-

néntes te, et líberas eos de manu angústíæ, Dómine, Deus noster.

Pro nec Virgine nec Mart.

Capit. Prov. 31, 29-30

Multæ fíliæ congregavérunt divítias : tu supergréssa es univérsas. Fallax grátia, et vana est pulchritúdo : múlíer tímens Dóminum, ipsa laudábitur.

℟. br. Elégit eam Deus, * Et præelégit eam. Elégit.

℣. In tabernáculo suo habitáre facit eam. Et. Glória Patri. Elégit. ℣. Diffúsa est grátia in lábiis tuis.

℟. Proptérea benedíxit te Deus in ætérnum.

IN II VESPERIS

Omnia ut in I Vesperis [130], præter

℣. Diffúsa est grátia in lábiis tuis. ℟. Proptérea benedíxit te Deus in ætérnum.

Ad Magnif. Ant. Manum suam * apéruiť inopi, et palmas suas exténdit ad páuperem, et panem otíosa non comédit.

Si fuerint plures Martyres non Virgines, Versus, Antiphona ad Magnificat et Oratio ut supra. [131] vel [137]

Completorium de Dominica.

II ALIÆ LECTIONES

pro Martyre tantum

In II Nocturno

Sermo sancti Joannis
ChrysostomiSermo 67 de diversis
novi Testamenti locis

Lectio iv



GO máxime commemorationes diligo Mátyrum, díligo et ampléctor; atque omnes quidem, sed tum præcipue, cum mulierum certamina proponúntur. Quanto enim infirmius est vas, tanto major est grátia, tanto illústrius est trophæum, tanto insignior est victória, non ob imbecillitatem sexus athletarum, sed quod per ea, quibus vícerat inimicus, nunc étiam vincátur.

℟. Propter veritatem, et mansuetudinem, et justitiam : * Et dedúcet te mirabiliter dextera tua. ℣. Spécie tua et pulchritudine tua inténde, prospere procéde, et regna. — Et.

Lectio v

PER mulierem vicit, per mulierem superátus est. Hoc illius ántea telum erat, hoc illius nunc cædis factum est instruméntum, hoc vas apparuit iasuperábile. Peccávit illa prior, et mórtua est : ista mórtua

est, ne peccáret. Illa, tum fútilis promíssi spe infláta, Dei leges violávit : hæc vitam præsentem contémpsit, ne fidem in suum benefactórem ejuráret. Quam igitur deinceps speráre poterunt excusatióem viri, si molles sint et ignávi; quam vero véniam, cum fórtiter ac viríliter se gerant mulieres, cum ádeo se generóse ad certamina pietátis accíngant?

℟. Dilexísti justítiam, et odísti iniquitatem : * Proptérea unxit te Deus, Deus tuus, óleo lætitiæ.

℣. Propter veritatem, et mansuetudinem, et justitiam. — Proptérea.

Lectio vi

FUIT illi corpus imbecillum, et obnoxius sexus injúriæ; verúmtamen ómnium horum imbecillitatem advéniens grátia occultávit. Nihil enim est, nihil plane poténtius est eo, qui magno cum stúdio Dei timórem hábeat in mente defíxum; sed quamvis ignes, quamvis ferum, quamvis béstias, quamvis áliud quidvis minéntur hostes, ómnia nullo negótio contémnit; quod útique Beáta ista étiam fecit.

℟. Fallax grátia, et vana est pulchritúdo : * Múlier timens Deum, ipsa laudá-

bitur. **V.** Date ei de fructu mánuum suárum, et laudent eam in portis ópera ejus. — Múlier. Glória Patri. Múlier timens Deum, ipsa laudábitur.

Commune Dedicatiónis Ecclesiæ

IN I VESPERIS

Ant. Domum tuam, Dómine, * decet sanctitúdo in longitúdinem diérum.

Psalmus 109

Exit Dóminus Dómino meo : * Sede a dextris meis :

Donec ponam inimicos tuos, * scabéllum pedum tuórum.

Virgam virtútis tuæ emíttet Dóminus ex Sion : * domináre in médio inimicórum tuórum.

Tecum princípium in die virtútis tuæ in splendóribus sanctórum : * ex útero ante lucíferum genui te.

Jurávit Dóminus, et non pænitébit eum : * Tu es sacérdos in ætérnum secúndum órđinem Melchisedech.

Dóminus a dextris tuis, * confrégit in die iræ suæ reges.

Judicábit in natió nibus, implébit ruínas : * conquassábit cápita in terra multórum.

De torrén te in via bibet : * proptérea exaltábit caput.

Ant. Domum tuam, Dómine, decet sanctitúdo in longitúdinem diérum.

Ant. Domus mea * domus oratió nis vocábitur.

Psalmus 110

Confitébor tibi, Dómine, in toto corde meo : * in consílio justórum, et congregatióne.

Magna ópera Dómini : * exquisíta in omnes voluntates ejus.

Conféssio et magnificéntia opus ejus : * et justítia ejus manet in sáeculum sáeculi.

Memóriam fecit mirábili um suórum, miséricors et miserátor Dóminus : * escam dedit timéntibus se.

Memor erit in sáeculum testaménti sui : * virtútem óperum suórum annuntiábit pópulo suo :

Ut det illis hereditátem géntium : * ópera mánuum ejus véritas, et júdici um.

Fidélia ómnia mandáta ejus : confirmáta in sǎculum sǎculi, * facta in veritáte et æquitáte.

Redemptiónem misit pópulo suo : * mandávit in ætérnum testaméntum suum.

Sanctum, et terríbile nomen ejus : * iníitium sapiéntiæ timor Dómini.

Intelléctus bonus ómnibus faciéntibus eum : * laudátio ejus manet in sǎculum sǎculi.

Ant. Domus mea domus oratiónis vocábitur.

Ant. Hæc est domus Dómini * firmiter ædificáta, bene fundáta est supra firmam petram.

Psalmus 111

BEátus vir, qui timet Dóminum : * in mandátis ejus volet nimis.

Potens in terra erit semen ejus : * generátio rectórum benedicétur.

Glória, et divítiæ in domo ejus : * et justítia ejus manet in sǎculum sǎculi.

Exórtum est in ténebris lumen rectis : * miséricors, et miserátor, et justus.

Jucúndus homo qui miserétur et cómmodat, dispónet sermónes suos in iudicio : * quia in ætérnum non commovébitur.

In memória ætérna erit

justus : * ab auditióne mala non timébit.

Parátum cor ejus speráre in Dómino, confirmátum est cor ejus : * non commovébitur donec despiciat inimícos suos.

Dispérsit, dedit paupéribus : justítia ejus manet in sǎculum sǎculi, * cornu ejus exaltábitur in glória.

Peccátor vidébit, et irascétur, déntibus suis fremet et tabéscet : * desidérium peccatórum peribit.

Ant. Hæc est domus Dómini firmiter ædificáta, bene fundáta est supra firmam petram.

Ant. Bene fundáta est * domus Dómini supra firmam petram.

Psalmus 112

LAudáte, púeri, Dóminum : * laudáte nomen Dómini.

Sit nomen Dómini benedictum, * ex hoc nunc, et usque in sǎculum.

A solis ortu usque ad occásum, * laudábile nomen Dómini.

Excélsus super omnes gentes Dóminus, * et super cælos glória ejus.

Quis sicut Dóminus, Deus noster, qui in altis hábitat, * et humília respicit in cælo et in terra?

Súscitans a terra inopem, * et de stércore érigens páuperem :

Ut cõllocet eum cum principibus, * cum principibus pópuli sui.

Qui habitare facit stérilem in domo, * matrem filiórum lætántem.

Ant. Bene fundáta est domus Dómini supra firmam petram.

Ant. Lápides pretiósí * omnes muri tui, et turres Jerúsalem gemmis ædificabúntur.

Psalmus 147

Lauda, Jerúsalem, Dóminum : * lauda Deum tuum, Sion.

Quóniam confortávit seras portárum tuárum : * benedíxit filiis tuis in te.

Qui pósuit fines tuos pacem : * et ádipe fruménti sátiat te.

Qui emíttit elóquium suum terræ : * velóriter currit sermo ejus.

Qui dat nivem sicut lanam : * nébulam sicut cinerem spargit.

Mittit crystallum suam sicut buccéllas : * ante faciém frígoris ejus quis sustinébit?

Emíttet verbum suum, et liquefaciet ea : * flabit spíritus ejus, et fluent aquæ.

Qui annútiat verbum suum Jacob : * justítias, et judícia sua Israël.

Non fecit táliter omni natióni : * et judícia sua non manifestávit eis.

Ant. Lápides pretiósí omnes muri tui, et turres Jerúsalem gemmis ædificabúntur.

Capitulum Apoc. 21, 2

Vidi civitátem sanctam, Jerúsalem novam, descendéntem de cælo a Deo, parátam sicut sponsam ornátam viro suo.

Hymnus

Cæléstis urbs Jerúsalem, Beáta pacis visio, Quæ celsa de vivéntibus Saxis ad astra tólleris, Sponsæque ritu cingeris Mille Angelórum millibus.

O sorte nupta próspera, Dotáta Patris glória, Respérse Sponsi grátia, Regína formosíssima, Christo jugáta Príncipi, Cæli corúsca civitas.

Hic margaritis émicant Paténtque cunctis óstia; Virtúte namque prævia Mortális illuc dúcitur, Amóre Christi pércitus Torménta quisquis sústinet.

Scalpri salúbris ictibus Et tunsióné plúrima, Fabri políta málleo Hanc saxa molem cónstruunt, Aptisque juncta nexibus Locántur in fastigio.

Decus Parénti débitum Sit usquequaque Altíssimo,

Natóque Patris único,
Et ínclito Paráclito,
Cui laus, potéstas, glória
Ætérna sit per sáecula.

Amen.

V. Hæc est domus Dómini firmiter ædificáta.

R. Bene fundáta est supra firmam petram.

Ad Magnif. Ant. Sanctificávit Dóminus * tabernáculum suum : quia hæc est domus Dei, in qua invocábitur nomen ejus, de quo scriptum est : Et erit nomen meum ibi, dicit Dóminus.

In II Vesperis

V. Domum tuam, Dómine, decet sanctitúdo. **R.** In longitúdinem diérum.

Ad Magnif. Ant. O quam metuéndus est * locus iste : vere non est hic áliud, nisi domus Dei et porta cæli.

In Anniversario Dedicationis Ecclesiae :

Oratio

DEus, qui nobis per singulos annos hujus sancti templi tui consecrationis réparas diem, et sacris semper mystériis repræsentas incólumes : exáudi preces pópuli tui, et præsta; ut, quisquis hoc templum beneficia petitúrus ingréditur, cuncta se impetrásse lætétur. Per Dóminum.

In ipso die Dedicationis Ecclesiae et per Octavam, et quando varianda est Oratio, dicitur sequens

Oratio

DEus, qui invisibíliter ómnia cóntines, et tamen pro salúte géneris humaní signa tuæ poténtiæ visibíliter osténdis : templum hoc poténtia tuæ inhabitationis illústra, et concéde; ut omnes, qui huc deprecáturi convéniunt, ex quacúmque tribulatione ad te clamáverint, consolatiónis tuæ beneficia consequántur. Per Dóminum.

Completorium de Dominica.

AD MATUTINUM

Invitat. Domum Dei decet sanctitúdo : * Sponsus ejus Christum adorémus in ea. **Ps. 94** Veníte, exsultémus.

Hymnus Cæléstis urbs, ut supra. [142]

In I Noeturno

Ant. Tóllite portas, * principes, vestras, et elevámini, portæ æternáles.

Psalmus 23

Domini est terra, et plenitúdo ejus : * orbis terrárum, et univérsti qui hábitant in eo.

Quia ipse super mária fundávit eum : * et super flúmina præparávit eum.

Quis ascéndet in montem Dómini? * aut quis stabit in loco sancto ejus?

Innocens mánibus et mundo corde, * qui non accépit in vano ánimam suam, nec jurávit in dolo próximo suo.

Hic accípiet benedictiónem a Dómino : * et misericórdiam a Deo, salutári suo.

Hæc est generátio quæréntium eum, * quæréntium fáciem Dei Jacob.

Attóllite portas, príncipes, vestras, et elevámini, portæ æternáles : * et introíbit Rex glóriæ.

Quis est iste Rex glóriæ? * Dóminus fortis et potens : Dóminus potens in próelio.

Attóllite portas, príncipes, vestras, et elevámini, portæ æternáles : * et introíbit Rex glóriæ.

Quis est iste Rex glóriæ? * Dóminus virtútum ipse est Rex glóriæ.

Ant. Tóllite portas, príncipes, vestras, et elevámini, portæ æternáles.

Ant. Erit mihi Dóminus * in Deum, et lapis iste vocábitur domus Dei.

Psalmus 45

Deus noster refúgium, et virtus : * adjútor in tribulatió nibus, quæ invénérunt nos nimis.

Proptérea non timébimus dum turbábitur terra : * et transferéntur montes in cor maris.

Sonuérunt, et turbátæ sunt aquæ eórum : * conturbáti sunt montes in fortitúdine ejus.

Flúminis ímpetus lætíficat civitátem Dei : * sanctificávit tabernáculum suum Altíssimus.

Deus in médio ejus, non commovébitur : * adjuvábít eam Deus mane dilúculo.

Conturbátæ sunt gentes, et inclináta sunt regna : * dedit vocem suam, mota est terra.

Dóminus virtútum nobiscum : * suscéptor noster Deus Jacob.

Veníte, et vidéte ópera Dómini, quæ pósuit prodígia super terram : * áuferens bella usque ad finem terræ.

Arcum cónteret, et confrínget arma : * et scuta combúret igni.

Vacáte, et vidéte quóniam ego sum Deus : * exaltábor in géntibus, et exaltábor in terra.

Dóminus virtútum nobiscum : * suscéptor noster Deus Jacob.

Ant. Erit mihi Dóminus in Deum, et lapis iste vocábitur domus Dei.

Ant. Ædificávit * Móyses altáre Dómino Deo.

Psalmus 47

Magnus Dóminus, et laudábilis nimis * in civitáte Dei nostri, in monte sancto ejus.

Fundátur exsultatióne univérsæ terræ mons Sion, * látera Aquilónis, civitas Regis magni.

Deus in dómibus ejus cognoscétur, * cum suscípiet eam.

Quóniam ecce reges terræ congregáti sunt : * convenerunt in unum.

Ipsi vidéntes sic admiráti sunt, conturbáti sunt, commóti sunt : * tremor apprehéndit eos.

Ibi dolóres ut parturiéntis : * in spíritu veheménti cónteres naves Tharsis.

Sicut audívimus, sic vídimus in civitáte Dómini virtútum, in civitáte Dei nostri : * Deus fundávit eam in ætérnum.

Suscévimus, Deus, misericórdiam tuam, * in médio templi tui.

Secúndum nomen tuum, Deus, sic et laus tua in fines terræ : * justítia plena est dextera tua.

Lætétur mons Sion, et exsúltent filiaë Judæ * propter judícia tua, Dómine.

Circúmdate Sion, et complectímini eam : * narráte in túrribus ejus.

Pónite corda vestra in virtúte ejus : * et distri-

búite domos ejus, ut enarétis in progénie áltera.

Quóniam hic est Deus, Deus noster in ætérnum, et in sáculum sáculi : * ipse reget nos in sácula.

Ant. Ædificávit Móyses altáre Dómino Deo.

℟. Domum tuam, Dómine, decet sanctitúdo. **℟.** In longitudínem diérum.

Absolutio Exáudi, Dómine.

Benedictio Benedictióne.

De libro secúndo
Paralipómenon

Lectio i **Cap. 7, 1-16**



SUM compléset Sálomon fundens preces, ignis descendit de cælo, et devorávit holocáusta et víctimas : et majéstas Dómini implévit domum. Nec póterant sacerdótes íngredi templum Dómini, eo quod impléset majéstas Dómini templum Dómini. Sed et omnes filii Israél vidébant descendéntem ignem, et glóriam Dómini super domum : et corruéntes proni in terram super paviméntum stratum lápide, adoravérunt et laudavérunt Dóminum : Quóniam bonus, quóniam in sáculum misericórdia ejus. Rex autem et omnis pópulus immolábant víctimas coram Dómino. Mactávit igitur rex Sálomon hóstias, boum viginti

duo millia, arietum centum viginti millia : et dedicavit domum Dei rex et universus populus.

℟. In dedicatione templi decantabat populus laudem : * Et in ore eorum dulcis resonabat sonus.

℣. Fundata est domus Domini supra verticem montium, et venient ad eam omnes gentes. — Et.

Benedictio Unigenitus Dei.

Lectio ii

Sacerdotes autem stabant in officiis suis, et Levitæ in organis carminum Domini, quæ fecit David rex ad laudandum Dominum : Quoniam in æternum misericordia ejus; hymnos David canentes per manus suas : porro sacerdotes canebant tubis ante eos, cunctusque Israël stabat. Sanctificavit quoque Salomon medium atrii ante templum Domini; obtulerat enim ibi holocausta, et adipēs pacificorum : quia altare æneum, quod fecerat, non poterat sustinere holocausta et sacrificia et adipēs. Fecit ergo Salomon sollemnitatem in tempore illo septem diebus, et omnis Israël cum eo, ecclesia magna valde ab introitu Emath usque ad Torrentem Ægypti. Fecitque die octavo collectam, eo quod

dedicasset altare septem diebus, et sollemnitatem celebrasset diebus septem.

℟. Fundata est domus Domini supra verticem montium, et exaltata est super omnes colles : * Et venient ad eam omnes gentes, et dicent : Glória tibi, Domine. ℣. Venientes autem venient cum exultatione, portantes manipulos suos. — Et.

Benedictio Spiritus Sancti.

Lectio iii

Complevitque Salomon domum Domini, et domum regis, et omnia quæ disposuerat in corde suo, ut faceret in domo Domini et in domo sua, et prosperatus est. Apparuit autem ei Dominus nocte, et ait : Audivi orationem tuam, et elegi locum istum mihi in domum sacrificii. Si clausero cælum, et pluvia non fluxerit, et mandavero et præcepero locustæ, ut devoret terram, et misero pestilentiam in populum meum : conversus autem populus meus, super quos invocatum est nomen meum, deprecatus me fuerit, et exquiserit faciem meam, et egerit penitentiam a viis suis pessimis : et ego exaudiam de cælo, et propitius ero peccatis eorum, et sanabo terram eorum. Oculi quoque mei

erunt apérti, et aures meæ erectæ ad orationem ejus qui in loco isto oráverit. Elégi enim et sanctificávi locum istum, ut sit nomen meum ibi in sempiternum, et permáneant óculi mei et cor meum ibi cunctis diébus.

R. Bénedic, Dómine, domum istam, quam ædificávi nómini tuo : veniéntium in loco isto, * Exáudi preces in excélso sólio glóriæ tuæ. **R.** Dómine, si convérsus fúerit pópulus tuus, et oráverit ad sanctuárium tuum. — Exáudi. **Gloria Patri.** Exáudi.

In II Nocturno

Ant. Non est hic áliud, * nisi domus Dei et porta cæli.

Psalmus 83



Quam dilécta tabernácula tua, Dómine virtútum : * concupiscit, et déficit ánima mea in átria Dómini.

Cor meum, et caro mea * exsultavérunt in Deum vivum.

Etenim passer invénit sibi domum : * et turtur nidum sibi, ubi ponat pullos suos.

Altária tua, Dómine virtútum : * Rex meus, et Deus meus.

Beáti, qui hábitant in domo tua, Dómine : * in

sæcula sæculórum laudábunt te.

Beátus vir, cujus est auxílium abs te : * ascensíones in corde suo dispósuit, in valle lacrimárum in loco, quem pósuit.

Etenim benedictiónem dabit legislátor, ibunt de virtúte in virtútem : * vidébitur Deus deórum in Sion.

Dómine, Deus virtútum, exáudi orationem meam : * áuribus pécipe, Deus Jacob.

Protéctor noster, áspice, Deus : * et réspice in fáciem Christi tui :

Quia mélior est dies una in átriis tuis, * super millia.

Elégi abjéctus esse in domo Dei mei : * magis quam habitáre in tabernáculis peccatórum.

Quia misericórdiam, et veritátem díligit Deus : * grátiam et glóriam dabit Dóminus.

Non privábit bonis eos, qui ámbulant in innocéntia : * Dómine virtútum, beátus homo, qui sperat in te.

Ant. Non est hic áliud, nisi domus Dei et porta cæli.

Ant. Vidit Jacob scalam, * súmmitas ejus cælos tangébat, et descendéntes Angelos, et dixit : Vere locus iste sanctus est.

Psalmus 86

Fundaménta ejus in
móntibus sanctis : *
dfligit Dóminus portas
Sion super ómnia taberná-
cula Jacob.

Gloriósá dicta sunt de
te, * cívitas Dei.

Memor ero Rahab, et Ba-
bylónis * sciéntium me.

Ecce alienígenæ, et Ty-
rus, et pópulus Æthío-
pum, * hī fuérunt illic.

Numquid Sion dicet :
Homo, et homo natus est
in ea : * et ipse fundávit
eam Altíssimus?

Dóminus narrábit in scri-
ptúris populórum, et prín-
cipum : * horum, qui fué-
runt in ea.

Sicut lætántium óm-
nium * habitátio est in te.

Ant. Vidit Jacob scalam,
súmmitas ejus cælos tan-
gébat, et descendéntes
Angelos, et dixit : Vere
locus iste sanctus est.

Ant. Eréxit Jacob * lápi-
dem in títulum, fundens
óleum désuper.

Psalmus 87

Domine, Deus salútis
meæ : * in die cla-
mávi, et nocte coram te.

Intret in conspéctu tuo
orátio mea : * inclína
aurem tuam ad precem
meam :

Quia repléta est malis
ánima mea : * et vita mea
inférno appropinquávit.

Æstimátus sum cum de-
scendéntibus in lacum : *
factus sum sicut homo
sine adjutório, inter mór-
tuos liber.

Sicut vulneráti dormién-
tes in sepúlcris, quorum non
es memor ámplius : * et ipsi
de manu tua repúlsi sunt.

Posuérunt me in lacu
inferióri : * in tenebrósis,
et in umbra mortis.

Super me confirmátus est
furor tuus : * et omnes
fluctus tuos induxísti su-
per me.

Longe fecísti notos meos
a me : * posuérunt me
abominatióem sibi.

Tráditus sum, et non
egrediébar : * óculi mei
languérunt præ inópia.

Clamávi ad te, Dómine,
tota die : * expándi ad te
manus meas.

Numquid mórtuis fácies
mirabília : * aut médici
suscitábunt, et confite-
búntur tibi?

Numquid narrábit áliquis
in sepúlcro misericórdiam
tuam, * et veritátem tuam
in perditiónē?

Numquid cognoscéntur
in ténebris mirabília tua, *
et justítia tua in terra
obliviónis?

Et ego ad te, Dómine,
clamávi : * et mane orátio
mea prævéniēt te.

Ut quid, Dómine, repél-
lis oratióem meam : * avér-
tis faciēem tuam a me?

Pauper sum ego, et in laboribus a juventute mea : * exaltatus autem, humiliatus sum et conturbatus.

In me transierunt iræ tuæ : * et terrores tui conturbaverunt me.

Circumdederunt me sicut aqua tota die : * circumdederunt me simul.

Elongasti a me amicum et proximum : * et notos meos a miseria.

Ant. Erexit Jacob lapidem in titulum, fundens oleum desuper.

℣. Domus mea. ℞. Domus orationis vocabitur.

Absolutio Ipsius pietas.

Benedictio Deus Pater.

Sermo sancti Augustini
Episcopi

Sermo 252 de Tempore

Lectio iv



Uotiescúmque, fratres caríssimi, altáris vel templi festivitátem cólimus, si fídeliter ac diligénter atténdimus et sancte ac juste vívimus, quidquid in templis manufactis ágitur, totum in nobis spiritali ædificatióne complétur. Non enim mentitus est ille, qui dixit : Templum enim Dei sanctum est, quod estis vos; et iterum : Nescitis, quia córpora vestra templum sunt Spíritus Sancti,

qui in vobis est? Et ideo, fratres caríssimi, quia, nullis præcedéntibus méritis, per grátiam Dei meruimus fieri templum Dei, quantum póssumus, cum ipsíus adjutório laborémus, ne Dóminus noster in templo suo, hoc est, in nobis ipsis, invéniat quod óculos suæ majestátis offéndat.

℞. Orántibus in loco isto, * Dimítte peccáta pópuli tui, Deus, et osténde eis viam bonam, per quam ámbulent, et da glóriam in loco isto. ℣. Qui regis Israël, inténde, qui dedúcis velut ovem Joseph, qui sedes super Chérubim. — Dimítte.

Bened. Christus perpétuæ.

Lectio v

SED habitáculum cordis nostri evacuétur vítiis, et virtútibus repleátur; claudátur diábolo, et aperiatúr Christo. Et ita laborémus, ut nobis bonórum óperum clávibus jánuam regni cæléstis aperíre possimus. Sicut enim malis opéribus, quasi quibúsdam seris ac véctibus, vitæ nobis jánuá cláuditur : ita, absque dúbio, bonis opéribus aperitur. Et ideo, fratres caríssimi, unusquisque consíderet consciéntiam suam, et, quando se áliquo crimine vul-

nerátum esse cognóverit, prius orationibus, jejúniis vel eleemósynis stúdeat mundáre consciéntiam suam; et sic Eucharístiam praesúmat accipere.

℟. O quam metuendus est locus iste : * Vere non est hic áliud, nisi domus Dei et porta cæli. ℣. Hæc est domus Dómini firmiter ædificáta, bene fundáta est supra firmam petram. — Vere.

Bened. Ignem sui amoris.

Lectio vi

SI enim, agnóscens reátum suum, ipse se a divíno altári subtráxerit, cito ad indulgéntiam divínæ misericórdiæ pervéniet. Quia sicut, qui se exáltat, humiliábitur : ita, e contrário, qui se humiliat, exaltábitur. Qui enim, sicut dixi, agnóscens reátum suum, ipse se humíliter ab altári Ecclesiæ pro emendatione vitæ removere volúerit, ab ætérno illo et cælesti convívio excommunicári pénitus non timébit.

℟. Mane surgens Jacob erigébat lápidem in titulum, fundens óleum désuper; votum vovit Dómino : * Vere locus iste sanctus est, et ego nesciébam.

℣. Cumque evigilásset Jacob de somno, ait. — Vere. Glória Patri. Vere.

In III Nocturno

Ant. Qui hábitat * in adjutório Altíssimi, in protectione Dei cæli commorábitur.

Quando hæc Antiphona dicitur integra, tunc incipitur Psalmus idem a secundo Versu : Dicet Dómino.

Psalmus 90



QUI hábitat in adjutório Altíssimi, * in protectione Dei cæli commorábitur.

Dicet Dómino : Susceptor meus es tu, et refúgium meum : * Deus meus, sperábo in eum.

Quóniam ipse liberávit me de láqueo venántium, * et a verbo áspero.

Scápolis suis obumbrábit tibi : * et sub pennis ejus sperábis.

Scuto circúmdabit te véritas ejus : * non timébis a timóre noctúrno.

A sagitta volánte in die, a negótio perambulánte in ténebris : * ab incúrsu, et dæmónio meridiáno.

Cadent a látere tuo mille, et decem míllia a dextris tuis : * ad te autem non appropinquábit.

Verúmtamen óculis tuis considerábis : * et retributionem peccatórum vidébis.

Quóniam tu es, Dómine, spes mea : * Altíssimum posuísti refúgium tuum.

Non accédet ad te malum : * et flagellum non appropinquábit tabernáculo tuo.

Quóniam Angelis suis mandávit de te : * ut custódiant te in ómnibus viis tuis.

In mánibus portábunt te : * ne forte offéndas ad lápidem pedem tuum.

Super áspidem, et basilíscum ambulábis : * et conculcábis leónem et draconem.

Quóniam in me sperávit liberábo eum : * prótegam eum, quóniam cognóvit nomen meum.

Clamábit ad me, et ego exáudiam eum : * cum ipso sum in tribulatióne : erípiam eum et glorificábo eum.

Longitúdine diérum replébo eum : * et osténdam illi salutáre meum.

Ant. Qui hábitat in adiutorio Altíssimi, in protectiône Dei cæli commorábitur.

Ant. Templum Dómini * sanctum est, Dei structúra est, Dei ædificatio est.

Psalmus 95

CAntáte Dómino cánticum novum : * cantáte Dómino, omnis terra.

Cantáte Dómino, et benedicite nómini ejus : * annuntiáte de die in diem salutáre ejus.

Annuntiáte inter gentes glóriam ejus, * in ómnibus pópulis mirabilia ejus.

Quóniam magnus Dóminus, et laudábilis nimis : * terríbilis est super omnes deos.

Quóniam omnes dii géntium dæmónia : * Dóminus autem cælos fecit.

Conféssio, et pulchritúdo in conspéctu ejus : * sanctimónia et magnificéntia in sanctificatióne ejus.

Afférte Dómino, pátriæ géntium, afférte Dómino glóriam et honórem : * afférte Dómino glóriam nómini ejus.

Tóllite hóstias, et introíte in átria ejus : * adoráte Dóminum in átrio sancto ejus.

Commovéatur a fácie ejus univérsa terra : * dicite in géntibus quia Dóminus regnávit.

Etenim corréxit orbem terræ qui non commovébitur : * judicábit pópulos in æquitáte.

Læténtur cæli, et exsúltet terra : commovéatur mare, et plenitúdo ejus : * gaudébunt campi, et ómnia quæ in eis sunt.

Tunc exsultábunt ómnia ligna silvárum a fácie Dómini, quia venit : * quóniam venit judicáre terram.

Judicábit orbem terræ in æquitáte, * et pópulos in veritáte sua. **Gl.**

Ant. Templum Dómini sanctum est, Dei structúra est, Dei ædificatio est.

Ant. Benedícta * glória Dómini, de loco sancto suo, allelúja.

Psalmus 98

Dominus regnávít, irascántur pópuli : * qui sedet super Chérubim, moveátur terra.

Dóminus in Sion magnus : * et excélsus super omnes pópulos.

Confiteántur nómini tuo magno : quóniam terríbile, et sanctum est : * et honor regis iudícium díligit.

Tu parásti directiões : * iudícium et justítiam in Jacob tu fecísti.

Exaltáte Dóminum, Deum nostrum, et adoráte scabéllum pedum ejus : * quóniam sanctum est.

Móyses et Aaron in sacerdotibus ejus : * et Sámuel inter eos, qui invocant nomen ejus :

Invocábant Dóminum, et ipse exaudiébat eos : * in columna nubis loquebátur ad eos.

Custodiébant testimónia ejus, * et præcéptum quod dedit illis.

Dómine, Deus noster, tu exaudiébas eos : * Deus, tu propítius fuísti eis, et ulciscens in omnes adinventiões eórum.

Exaltáte Dóminum, Deum

nostrum, et adoráte in monte sancto ejus : * quóniam sanctus Dóminus, Deus noster.

Ant. Benedícta glória Dómini, de loco sancto suo, allelúja.

W. Hæc est domus Dómini firmiter ædificáta.

R. Bene fundáta est supra firmam petram.

Absolutio A vñculis.

Bened. Evangélica léctio.

Léctio sancti Evangélii
secúndum Lucam

Lectio vii Cap. 19, 1-10

IN illo témpore : Ingressus Jesus perambulábat Jéricho. Et ecce vir nómine Zachæus : et hic princeps erat publicanórum, et ipse dives. Et réliqua.

Homíla sancti Ambrósii
Epíscopi

Liber 8 in Luc., prope finem



Achæus, statúra pusillus, hoc est, nulla nobilitátis ingénitæ dignitáte sublímis, exiguus méritis sicut pópulus natiónum, audíto Dómini Salvatóris advéntu, quem sui non recéperant, vidére cupiébat. Sed nemo fáciJe Jesum videt; nemo potest Jesum vidére constitútus in terra. Et, quia non Prophétas, non Legem habébat, tamquam formæ grátiam naturális, ascéndit

in sycómorum, vanitátem scilicet Judæórum vestígio suo próterens, erráta quoque córrigens superiórís ætátis. Et ídeo Jesum in interiórís domus recépít hospítio.

℟. Domus mea domus oratiónis vocábitur, dicit Dóminus : in ea omnis qui petit, áccipit; et qui quærit, ínvenit; * Et pulsánti aperiétur. ℣. Pétite, et accipiétis; quærite, et ínveniétis. — Et.

Bened. Divínium auxílium.

Lectio viii

ET bene ascéndit in árborem, ut arbor bona bonos fructus fáceret, ac, naturáli excísus oleástro et contra natúram insértus in bonam olívam, fructum posset Legis afférre. Radix enim sancta, etsi rami inútiles. Quorum infructuósam glóriam plebs génitium, fide resurrectionis, quasi quadam córporis elevatióne, transcéndit. Zachæus ergo in sycómoro, cæcus in via : quorum álterum Dóminus misera-túrus exspéctat, álterum mansiónis suæ claritáte nobílitat; álterum sanatúrus intérogat, apud álterum se, non invitátus, invítat. Sciébat enim úberem hospítii sui esse mercedem. Sed tamen, etsi nondum vocem invitántis

audíerat, jam viderat afféctum.

℟. Lápides pretiósí omnes muri tui, * Et turre Jerúsalem gemmis ædificabúntur. ℣. Portæ Jerúsalem ex sapphíro et smarágdo ædificabúntur, et ex lápide pretióso omnis circúitus muri ejus. — Et. Glória Patri. Et.

Benedictio Ad societátem.

Lectio ix

VERum, ne cæcum illum, tamquam fastidiósi páuperum, cito reliquísse videámur et transísse ad dívitem, exspectémus eum, quia exspectávit et Dóminus; interrogémus eum, quia interrogávit et Christus. Nos interrogémus, quia nescímus : ille, quia nóverat. Nos interrogémus, ut sciámus unde iste curátus sit : ille interrogávit, ut in uno plures discerémus unde Dóminum vidére mereámur. Interrogávit enim, ut crederémus, néminem, nisi confiténtem, posse salvári. Te Deum laudámus.

AD LAUDES

et per Horas, Añæ

1 Domum tuam, Dómine, * decet sanctitúdo in longitudínem diérum.

Psalmi de Dominica.

2 Domus mea * domus oratiónis vocábitur.

3 Hæc est domus Dómini * firmiter ædificáta, bene fundáta est supra firmam petram.

4 Bene fundáta est * domus Dómini supra firmam petram.

5 Lápides pretiósi * omnes muri tui, et turres Jerúsalem gemmis ædificábuntur.

Capitulum Apoc. 21, 2

VIdi civitátem sanctam, Jerúsalem novam, descendéntem de cælo a Deo, parátam sicut sponsam ornátam viro suo.

Hymnus

ALto ex Olýmpi vértice Summi Paréntis Fílius,
Ceum monte deséctus lapis Terras in imas decídens,
Domus supérnæ et infimæ Utrúmque junxit ángulum.

Sed illa sedes cælitum Semper resúltat láudibus,
Deúmque trinum et únicum

Jugi canóre prædicat : Illi canéntes júngimur
Almæ Siónis æmuli.

Hæc templa, Rex cæléstium,
Imple benigno lúmine : Huc, o rogátus, ádveni,
Plebisque vota súscipe,
Et nostra corda júgiter Perfúnde cæli grátia.

Hic impetrent fidélium Voces precésque súpplicum

Domus beátæ múnera, Partísque donis gáudeant :
Donec, solúti corpore, Sedes beátas impleant.

Decus Parénti débitum Sit usquequáque Altíssimo,

Natóque Patris único, Et ínclyto Paráclito,
Cui laus, potéstas, glória Ætérna sit per sácula.

Amen.

✠. Hæc est domus Dómini firmiter ædificáta.

✠. Bene fundáta est supra firmam petram.

Ad Bened. Ant. Zachæe, * festínans descénde, quia hódie in domo tua opórtet me manére. At ille festínans descéndit, et suscepit illum gaudens in domum suam. Hódie huic dómui salus a Deo facta est, allelúja.

In Anniversario Dedicationis Ecclesiæ :

Oratio

DEus, qui nobis per singulos annos hujus sancti templi tui consecrationis réparas diem, et sacris semper mystériis repræsentas incólumes : exáudi preces pópuli tui, et præsta; ut, quisquis hoc templum beneficia petiturus ingreditur, cuncta se im-

petrâsse lætetur. Per Dóminum.

In ipso die Dedicationis Ecclesiæ et per Octavam, et quando varianda est Oratio, dicitur sequens

Oratio

DEus, qui invisibíliter Dómnia cóntines, et tamen pro salúte géneris humani signa tuæ poténtiæ visibíliter osténdis : templum hoc poténtia tuæ inhabitatiónis illústra, et concéde; ut omnes, qui huc deprecáturi convéniunt, ex quacúmque tribulatióne ad te clamáverint, consolatiónis tuæ beneficia consequántur. Per Dóminum.

Ad Horas Psalmi de Dominica, ad Primam tamen ut in Festis.

AD PRIMAM

Ant. Domum tuam, Dómine, * decet sanctitúdo in longitudinem diérum.

AD TERTIAM

Ant. Domus mea * domus oratiónis vocábitur.

Capit. Vidi civitátem. [154]

℟. br. Domum tuam, Dómine, * Decet sanctitúdo. Domum. ℣. In longitudinem diérum. Decet. Glória Patri. Domum. ℣. Locus iste sanctus est, in quo

orat sacérdos. ℟. Pro delictis et peccátis pópuli.

AD SEXTAM

Capitulum Apoc. 21, 3

ET audivi vocem magnam de throno dicentem : Ecce tabernáculum Dei cum homínibus, et habitábit cum eis; et ipsi pópulus ejus erunt, et ipse Deus cum eis erit eórum Deus.

℟. br. Locus iste sanctus est, * In quo orat sacérdos. Locus. ℣. Pro delictis et peccátis pópuli. In. Glória Patri. Locus. ℣. Hæc est domus Dómini firmiter ædificáta. ℟. Bene fundáta est supra firmam petram.

AD NONAM

Capitulum Apoc. 21, 4-5

ET abstérget Deus omnem lácrimam ab óculis eórum : et mors ultra non erit, neque luctus, neque clamor, neque dolor erit ultra, quia prima abiérunt. Et dixit qui sedébat in throno : Ecce nova fácio ómnia.

℟. br. Hæc est domus Dómini * Firmiter ædificáta. Hæc. ℣. Bene fundáta est supra firmam petram. Firmiter. Glória Patri. Hæc. ℣. Bene fundáta est domus Dómini. ℟. Supra firmam petram.

IN II VESPERIS

Omnia ut in I Vesperis
[140], præter

✠. Domum tuam, Dómine, decet sanctitúdo. ✠. In longitudínem diérum.

Ad Magnif. Ant. O quam metuéndus est * locus iste : vere non est hic áliud, nisi domus Dei et porta cæli.

Completorium de Dominica.

Infra Octavam et in die Octava Antiphonæ et Psalmi ad omnes Horas et Versus Nocturnorum de occurrenti hebdomadæ die, ut in Psalterio; reliqua ut in Festo præter Lectiones, quæ in I Nocturno dicuntur de Scriptura occurrenti cum suis Responsoriis de Tempore, in II et III pro singulis diebus assignantur propriæ.

DIE II INFRA OCTAVAM

Semiduplex

In II Nocturno

Ex Tractátu sancti Augustíni Epíscopi super Psalmos. **In Psalm. 121**

Lectio iv

Erúsa-lem, quæ ædificátur ut civitas. Fratres, quando dicebat ista David, perfécta erat illa civitas, non ædificabátur. Nescio quam ergo civitátem dicit, quæ modo

ædificátur, ad quam currunt in fide lápides vivi; de quibus dicit Petrus : Et vos tamquam lápides vivi coædificámini in domum spiritálem, id est, templum Dei sanctum. Quid est, Lápides vivi coædificámini? Vivis, si credis : si autem credis, efficiéris templum Dei; quia dicit Apóstolus Paulus : Templum enim Dei sanctum est, quod estis vos.

✠. Orántibus in loco isto, * Dimítte peccáta pópuli tui, Deus, et osténde eis viam bonam, per quam ámbulent, et da glóriam in loco isto. ✠. Qui regis Israël, inténde, qui dedúcis velut ovem Joseph, qui sedes super Chérubim. — Dimítte.

Lectio v

IPsá ergo modo civitas ædificátur. Præcidúntur de móntibus lápides per manus prædicántium veritátem, conquadrántur, ut intrent in structúram sempitérnam. Adhuc multi lápides in mánibus artificis sunt : non cadant de mánibus artificis, ut possint perfécti coædificári in structúram templi. Est ergo ista Jerúsalem, quæ ædificátur ut civitas; fundaméntum ipsíus Christus est. Dicit Apóstolus Paulus : Fundaméntum áliud

nemo potest pónere præter id quod pòsitum est, quod est Christus Jesus.

℟. O quam metuendus est locus iste : * Vere non est hic áliud, nisi domus Dei et porta cæli. ℣. Hæc est domus Dómini firmiter ædificáta, bene fundáta est supra firmam petram. — Vere.

Lectio vi

Fundaméntum quando pónitur in terra, désuper ædificántur parietes; et pondus parietum ad ima tendit, quia in imo pòsitum est fundaméntum. Si autem fundaméntum nostrum in cælo est, ad cælum ædificémur. Córpora ædificavérunt istam structúram, quam vidétis amplam surrexisse hujus basilicæ; et quia córpora ædificavérunt, fundaméntum in imo posuérunt. Quia vero spiritáliter ædificámur, fundaméntum nostrum in summo pòsitum est. Illuc ergo currámus, ibi ædificémur, quia de ipsa Jerúsalem dictum est : Stantes erant pedes nostri in átriis tuis, Jerúsalem.

℟. Mane surgens Jacob erigébat lápidem in titulum, fundens óleum désuper; votum vovit Dómino : * Vere locus iste sanctus est, et ego nesciébam.

℣. Cumque evigilásset Jacob de somno, ait. — Vere. Glória Patri. Vere.

In III Noeturno

Léctio sancti Evangélii
secúndum Lucam

Lectio vii Cap. 19, 1-10

IN illo témpore : Ingressus Jesus perambulábat Jéricho. Et ecce vir nómine Zachæus : et hic princeps erat publicanórum, et ipse dives. Et réliqua.

De Homília
sancti Ambrósii Epíscopi
Liber 8 in Lucam, in fine



ET conféstim, inquit, vidit, et sequebátur illum, magnificans Dóminum. Aliter enim non vidéret, nisi sequerétur Christum, nisi Dóminum prædicáret, nisi sáculum præteríret. Cum divítibus quoque in grátiam revertámur. Nólumus enim offéndere divites, qui vólumus, si fieri potest, sanáre omnes; ne in caméli comparatióne præstricti et in Zachæo cítius quam opórtuit, derelicti, justæ hábeant commotiónis offénsam.

℟. Domus mea domus oratiónis vocábitur, dicit Dóminus : in ea omnis qui petit, áccipit; et qui quærit, invenit; * Et pulsánti aperiétur. ℣. Pétite, et

accipiétis; quærite, et inveniétis. — Et pulsánti aperiétur.

Lectio viii

Discant dívites non in facultátibus crimen hærére, sed in iis, qui uti nesciant facultátibus. Nam divitiæ ut impediménta improbis, ita bonis sunt adjuménta virtútis. Dives certe Zachæus, et eléctus a Christo; sed dimídium bonórum suórum paupéribus largiéndó, reddéndó étiam in quádruplum, quæ fraude sustúlerat (áalterum enim non sat est nec habet grátiam liberálitas, si injúria perseverat; quia non spólia, sed bona quærúntur), uberiórem mercédem quam conferébat, accépit.

✠. Lápides pretiósí omnes muri tui, * Et turres Jerúsalem gemmis ædificabúntur. ✠. Portæ Jerúsalem ex sapphíro et smarágdo ædificabúntur, et ex lápide pretióso omnis circúitus muri ejus. — Et. Glória Patri. Et.

Lectio ix

ET bene princeps inducitur publicanórum. Quis jam de se despéret, quando et iste, cui census ex fraude, ad salútem pervénit? Et ipse, inquit, dives. Ut scias non omnes

dívites, aváros. Quia statúra pusillus erat. Quid sibi vult, quod nullíus altérius statúram Scriptúra, nisi hujus expréssit? Vide, ne forte malítia pusillus, aut adhuc pusillus fide. Nondum enim réddere promiserat, nondum víderat Christum; mérito adhuc pusillus. Joánnes autem magnus, quia et Christum vidit, et Spíritum sicut colúmbam super Christum manéntem, sicut ipse ait : Vidi Spíritum descendéntem sicut colúmbam, et manéntem super eum.

Te Deum laudámus.

DIE III INFRA OCTAVAM

Semiduplex

In II Nocturno

Sermo sancti Augustíni
Epíscopi

Sermo 256 de Tempore

Lectio iv



Elébritas hujus congregatiónis, dedicatio est domus oratiónis. Domus ergo nostrárum oratiónum ista, domus autem Dei nos ipsi. Si domus Dei nos ipsi, nos in hoc sáculo ædificámur, ut in fine sáculi dedicémur. Ædificiúm, immo ædificatio habet labórem; dedicatio exsultatiónem. Quod hic fiébat, quando

ista surgébant; hoc fit modo, cum congregántur credéntes in Christum. Credéndo enim, quasi de silvis et móntibus ligna et lápides præcidúntur; cum vero catechizántur, baptizántur, formántur, tamquam inter manus fabrórurum et opíficúm dolántur, collineántur, complanántur. Verúmtamen domum Dómini non fáciunt, nisi quando caritáte compaginántur.

℟. Orántibus in loco isto,
* Dimítte peccáta pópuli tui, Deus, et osténde eis viam bonam, per quam ámbulent, et da glóriam in loco isto. ℣. Qui regis Israël, inténde, qui dedúcis velut ovem Joseph, qui sedes super Chérubim. — Dimítte.

Lectio v

Ligna ista et lápides si non sibi certo órdine cohærérent, si non se pacífice innécterent, si non se invicem, cohæréndo sibi, quodámmodo amárent, nemo huc intráret. Dénique quando vides in áliqua fábrica lápides et ligna bene sibi cohærére, secúrus intras, ruínam non times. Volens ergo Dóminus Christus intráre, et in nobis habitáre, tamquam ædificándo dicébat : Mandátum novum do vobis, ut vos

invicem diligátis. Mandátum, inquit, novum do vobis. Véteres enim erátis, domum mihi nondum faciebátis, in vestra ruína jacebátis. Ergo, ut eruámini a vestræ ruínæ vetustáte, vos invicem amáte.

℟. O quam metuéndus est locus iste : * Vere non est hic áliud, nisi domus Dei et porta cæli. ℣. Hæc est domus Dómini firmiter ædificáta, bene fundáta est supra firmam petram. — Vere.

Lectio vi

Consíderet ergo caritas vestra, ædificári adhuc istam domum toto, sicut prædictum est et promissum, orbe terrárum. Cum enim ædificátur domus post captivitátem, sicut habet álius Psálmus, díci-tur : Cantáte Dómino cánticum novum : cantáte Dómino, omnis terra. Quod ibi dixit, Cánticum novum; hoc Dóminus dixit, Mandátum novum. Quid enim habet cánticum novum, nisi amórem novum? Cantáre amántis est. Vox hujus cantóris, fervor est sancti amóris. Amémus, gratis amémus; Dóminum enim amámus, quo nihil mélius invenímus : ipsum amémus propter ipsum, et nos in ipso, tamen propter ipsum.

✠. Mane surgens Jacob erigebat lapidem in titulum, fundens oleum desuper; votum vovit Domino : * Vere locus iste sanctus est, et ego nesciebam.

✠. Cumque evigilasset Jacob de somno, ait. — Vere. Gloria Patri. Vere.

In III Nocturno

Lectio sancti Evangelii
secundum Lucam

Lectio vii Cap. 19, 1-10

IN illo tempore : Ingressus Jesus perambulabat Jericho. Et ecce vir nomine Zachæus : et hic princeps erat publicanorum, et ipse dives. Et reliqua.

De Homilia
sancti Ambrósii Episcopi
Liber 8 in Luc., prope finem



UAE autem turba, nisi imperitæ confusio multitudinis, quæ verticem nequit videre sapientiæ? Ergo Zachæus quamdiu in turba est, non videt Christum; supra turbam ascendit, et vidit : hoc est, plebis jam transgressus incertiam, meruit quem desiderabat, aspicere. Pulchre autem addidit : Quia illa parte erat transiturus Dominus : vel ubi sycómorus, vel ubi crediturus; ut et mysterium servaret, et gratiam seminaret. Sic enim vene-

rat, ut per Judæos transfret ad gentes.

✠. Domus mea domus orationis vocabitur, dicit Dominus : in ea omnis qui petit, accipit; et qui quaerit, invenit : * Et pulsanti aperiétur. ✠. Pétite, et accipietis; quaerite, et invenietis. — Et.

Lectio viii

Vidit itaque Zachæum sursum. Jam enim sublimitate fidei inter fructus novorum operum, velut fecundæ altitudine arboris, eminebat. Et quoniam de typo ad moralia defleximus, inter tot credentium voluptates Dominica die relaxare animum, festivitatem admiscere delictat. Zachæus in sycómoro, novum videlicet novi temporis pomum, ut in hoc quoque completeretur illud : Arbor fici produxit grossos suos.

✠. Lápides pretiosi omnes muri tui, * Et turre Jerúsalem gemmis edificabuntur. ✠. Portæ Jerúsalem ex sapphíro et smarágdo edificabuntur, et ex lapide pretioso omnis circuitus muri ejus. — Et. Gloria Patri. Et.

Lectio ix

AD hoc enim Christus advénit, ut ex lignis non poma, sed homines nascerentur. Légimus ali-

bi : Cum esses sub árbore
fici, vidi te. Ergo Nathá-
naël sub árbore, hoc est,
supra radicem, quia ju-
stus; radix enim sancta.
Sub árbore tamen Nathá-
naël, quia sub lege : Za-
cháeus supra árborem, quia
supra legem. Ille Dómini
occúltus defénsor, hic pú-
blicus prædicátor. Ille
adhuc Christum ex lege
quærébat : iste jam supra
legem relinquébat sua et
Dóminum sequebátur.

Te Deum laudámus.

DIE IV INFRA OCTAVAM

Semiduplex

In II Noeturno

De Sermóne
sancti Augustíni Epíscopi

Sermo 256 de Tempore

Lectio iv



Atténdite in psalmo
dedicatiónis, quem
modo cantávimus,
ex ruína ædificiórum. Con-
scidísti saccum meum :
hoc pértinet ad ruínam.
Quid ergo ad ædificium?
Et accinxísti me lætítia.
Vox dedicatiónis : Ut can-
tet tibi glória mea, et non
compúngar. Quis est, qui
lóquitur? In verbis ejus
agnóscite. Si expóno, ob-
scúrum est. Ergo verba
ejus dicam, continuo agno-

scétis loquéntem, ut amé-
tis alloquéntem. Quis est,
qui dicere pótuit : Eruísti,
Dómine, ab ínferis áni-
mam meam?

℟. Orántibus in loco isto,
* Dimítte peccáta pópuli
tui, Deus, et osténde eis
viam bonam, per quam
ámbulent, et da glóriam
in loco isto. ℣. Qui regis
Israël, inténde, qui dedú-
cis velut ovem Joseph, qui
sedes super Chérubim. —
Dimítte.

Lectio v

Cujus ánima jam ab ín-
feris éruta est, nisi de
qua dictum est álio loco :
Non derelínques ánimam
meam in inférno? Propóni-
tur dedicatió, et cantátur
liberátio, cánticum dedica-
tiónis domus, et dicitur :
Exaltábo te, Dómine, quón-
iam suscepísti me : et
non jucundásti inimícos
meos super me. Atténdite
Judæos inimícos, qui se
putábant occidísse Chri-
stum, vicísse tamquam
inimícum, perdidísse quasi
hóminem céteris símilem
atque mortálem.

℟. O quam metuéndus
est locus iste : * Vere non
est hic áliud, nisi domus
Dei et porta cæli. ℣. Hæc
est domus Dómini fírmiter
ædificáta, bene fundáta
est supra firmam petram.
— Vere non est.

Lectio vi

Resurrexit tertia die, et ejus vox est : Exaltabo te, Domine, quoniam suscepisti me. Attendite Apostolum dicentem : Propter quod eum exaltavit. Et non jucundasti inimicos meos super me. Ipsi quidem in Christi morte jucundabantur, sed in ejus resurrectione, ascensione, predicatione aliqui compungebantur. In ejus ergo predicatione, et per Apostolorum constantiae diffamationem aliqui compungebantur et convertebantur; aliqui obdurabantur et confundebantur; nulli tamen jucundabantur.

℟. Mane surgens Jacob erigebat lapidem in titulum, fundens oleum desuper; votum vovit Domino : * Vere locus iste sanctus est, et ego nesciebam. ℣. Cumque evigilasset Jacob de somno ait. — Vere. Gloria Patri. Vere.

In III Nocturno

Lectio sancti Evangelii
secundum Lucam

Lectio vii Cap. 19, 1-10

In illo tempore : Ingressus Jesus perambulabat Jericho. Et ecce vir nomine Zachæus : et hic princeps

erat publicanorum, et ipse dives. Et reliqua.

Homilia sancti Maximi
Episcopi

Sermo 100, de Zachæo 1



Pervit Zachæus divitiis quibusque cælestem januam, dum eos docuit hoc ipso pervenire ad regnum, quo arcebatur a regno; scilicet ut substantia, quæ eis exprobrabatur ad perniciem, proficeret ad salutem. Multum ergo Zachæus divitiis contulit, ut eos faceret in æternum suas divitias possidere, ut qui hic nunquam pauperes fuerunt, nec essent in futuro mendici, sed quadam lucrativa commutatione reciperent pro parvis magna, pro terrenis cælestia, pro temporalibus sempiterna. Lucrativa plane commutatio est nolle habere quod possides, ut possis obtinere quod non habes, et jacturam facere quamdam relinquendæ pecuniæ, ut quæstum capias semper gratiæ possidendæ.

℟. Domus mea domus orationis vocabitur, dicit Dominus : in ea omnis qui petit, accipit; et qui querit, invenit; * Et pulsanti aperiatur. ℣. Petite, et accipietis; querite, et invenietis. — Et.

Lectio viii

Zachæus ergo, cum esset publicanus, et pecunias fœnerando magnas divitias usurarum fraude quæsisset, subito videns Christum, ita conversus est, ut majori concupiscèntia grâtiâ spiritualem quæreret, quam quæsierat pecuniam sæcularem. Ita, inquam, conversus est, ut antea facta sua respiciens, fraudes suas ipse damnaret, et emundans concupiscèntiam, emundaret et primitus conscièntiam. Ait enim : Ecce dimidium bonorum meorum do pauperibus, et si cui quid tuli, quadruplum reddo.

℟. Lápides pretiosi omnes muri tui, * Et turres Jerúsalem gemmis ædificabuntur. ℟. Portæ Jerúsalem ex sapphíro et smarágdo ædificabuntur, et ex lapide pretioso omnis circuitus muri ejus. — Et. Glória Patri. Et.

Lectio ix

Dicet fortasse aliquis, cur vir sanctus et Salvatorem præsentem videns, non totum pauperibus, sed dimidium sit largitus; quia scriptum est : Si vis perfectus esse, vende omnia tua, et da pauperibus, et veni, séquere me. Verum, si diligenter attendas, iste persecutus est,

quia non dimidium, sed totum dedit. Nam tolle aliéna de médio, et Zachæo nihil rémanet. Dénique vir justus, ut accepta esset ejus liberalitas, scivit juste dispónere, scilicet aliéna restituendo. Hæc est enim apud Dóminum grata elemósyna, quæ ex vernacula exhibétur substantia, non quæ fraudulenta præda tribúitur.

Te Deum laudamus.

DIE V INFRA OCTAVAM

Semiduplex

In II Nocturno

De Sermóne

sancti Augustíni Episcopi

Sermo 256 de Tempore

Lectio iv



Odo, quando impléntur ecclésiæ, putámus jucundári Judæos? Ecclésiæ ædificántur, dedicántur, impléntur; quómodo illi jucundántur? Non solum non jucundántur, sed étiam confundúntur, et implétur vox exsultántis : Exaltábo te, Dómine, quóniam suscepísti me : et non jucundásti inimícos meos super me. Non jucundásti super me : si mihi credant, jucundábis in me. Ne multa dicámus, ad illa, quæ cantávimus, aliquándo veniámus. Quómodo dicit Chri-

stus : Conscidisti saccum meum, et accinxisti me lætitia? Saccus ejus erat similitudo carnis peccati.

℟. Orántibus in loco isto, * Dimítte peccáta pópuli tui, Deus, et osténde eis viam bonam, per quam ámbulent, et da glóriam in loco isto. ℣. Qui regis Israël, inténde, qui dedúcis velut ovem Joseph, qui sedes super Chérubim. — Dimítte.

Lectio v

NON tibi viléscat, quod ait, Saccum meum : ibi erat inclúsum prétium tuum. Conscidisti saccum meum. Evásimus ad saccum istum. Conscidisti saccum meum. In passióne conscíssus est. Quómodo ergo Deo Patri díctur : Conscidisti saccum meum? Quómodo Patri dicátur, vis audíre : Conscidisti saccum meum? Quia próprio Filio non pepércit, sed pro nobis ómnibus trádidit illum. Fecit enim per Judæos nesciéntes, unde redimeréntur sciéntes et confunderéntur negántes. Nésciunt enim quid boni nobis operáti sunt malo suo. Suspénsus est saccus, et quasi lætátus est impius. Conscidit saccum lancea persecútor, et fudit prétium nostrum Redemptor.

℟. O quam metuéndus est locus iste : * Vere non est hic áliud, nisi domus Dei et porta cæli. ℣. Hæc est domus Dómini firmiter ædificáta, bene fundáta est supra firmam petram. — Vere.

Lectio vi

CAntet Christus Redemptor, gemat Judas vénditor, erubéscat Judæus emptor. Ecce Judas véndidit, Judæus emit; malum negótium egérunt, ambo damnáti sunt, seípsos perdidérunt vénditor et emptor. Dicat ergo caput nostrum, dicat pro córpore occíso, pro córpore dedicáto. Dicat, audiámus : Conscidisti saccum meum, et accinxisti me lætitia : id est, conscidisti mortalitátem meam, et accinxisti me immortalitáte et incorruptióne. Ut cantet tibi glória mea, et non compúngr. Quid est, Non compúngr? Jam contra me non ferat lanceam persecútor, Ut non compúngr. Christus enim surgens a mórtuis, jam non móritur, et mors illi ultra non dominábitur.

℟. Mane surgens Jacob erigébat lápidem in título, fundens óleum désuper; votum vovit Dómino : * Vere locus iste sanctus est, et ego nescié-

bam. **℟.** Cumque evigilasset Jacob de somno, ait. — Vere. **Gloria Patri. Vere.**

In III Nocturno

Lectio sancti Evangelii
secundum Lucam

Lectio vii Cap. 19, 1-10

IN illo tempore : Ingressus Jesus perambulabat Jéricho. Et ecce vir nomine Zachæus : et hic princeps erat publicanorum, et ipse dives. Et reliqua.

Homilia sancti Bedæ
Venerabilis Presbyteri

Liber 5, cap. 77 in Luc. 19

EUÆ impossibilia sunt apud homines, possibilia sunt apud Deum. Ecce enim camélus, depósita gibbi sarcina, per forámen acus transit, hoc est, dives et publicánus, relicto ónere divitiárum, contépto censu fraudum, angústam portam arctámque viam, quæ ad vitam ducit, ascendit. Qui, mira devotiône fidei, ad vidéndum Salvatórem, quod natúra minus habúerat, ascénsu supplet árboris; atque ídeo juste, quamvis ipse rogáre non áudeat, benedictiõem Dóminicæ susceptióis, quam desiderábat, accépit.

℟. Domus mea domus oratióis vocábitur, dicit Dóminus : in ea omnis qui

petit, áccipit; et qui quærit, ínvenit; * Et pulsánti aperiétur. **℟.** Pétite, et accipiétis; quærite, et ínveniétis. — Et pulsánti.

Lectio viii

Mystice autem Zachæus, qui interpretátur justificátus, credéntem ex géntibus pópulum significat. Qui, quanto curis sæculáribus occupátior, tanto flagítiis depríméntibus erat factus humílior. Sed ablútus est, sed sanctificátus, sed justificátus in nómine Dómini nostri Jesu Christi et in Spíritu Dei nostri. Qui intrántem Jéricho Salvatórem vidére quærébat, sed præ turba non póterat; quia grátiae fidei, quam mundo Salvátor áttulit, participáre cupiébat, sed inólita vitiórum consuetúdo, ne ad votum perveníret, obstíterat.

℟. Lápides pretiósí omnes muri tui, * Et turres Jerúsalem gemmis ædificabúntur. **℟.** Portæ Jerúsalem ex sapphíro et smarágdo ædificabúntur, et ex lápide pretiósó omnis circúitus muri ejus. — Et. **Gloria Patri. Et.**

Lectio ix

EAdem namque turba nóxiæ consuetúdinis, quæ supra cæcum clamántem, ne lumen péteret, increpábat; étiam suspicién-

tem publicanum, ne Jesum videat, tardat. Sed sicut cæcus turbarum voces magis ac magis clamando devicit : ita pusillus necesse est turbæ nocentis obstaculum altiora petendo transcendat, terræna relinquat, arborem crucis ascendant. Sycómorus namque (quæ est arbor fóliis moro símilis, sed altitudine præstans, unde et a Latínis celsa nuncupátur), ficus fátua dicitur. Et eadem Domínica Crux, quæ credentes alit ut ficus, ab incrédulis irridétur ut fátua.

Te Deum laudámus.

DIE VI INFRA OCTAVAM

Semiduplex

In II Nocturno

De Sermóne

sancti Augustíni Epíscopi

Sermo 256 de Tempore

Lectio iv

 Rgo, dum novam constructionem sanctæ hujus ecclésiæ libenter attendimus, quam divíno nómini hódie dedicámus, invenímus a nobis debéri et Deo nostro máximam laudem, et sanctitáti vestræ cóngruum de divínæ domus ædificatióne sermónem. Tunc autem sermo noster cóngruus erit, si in se áliquid ædi-

ficatiónis habeat, quod utilitáti animárum vestrarum, Deo vos intérius ædificánte, proficiat. Quod hic factum corporáliter vidémus in parietibus, spiritaliter fiat in méntibus; et, quod hic perféctum cernimus in lapídibus et lignis, hoc, ædificánte grátia Dei, perficiátur in corpóribus vestris.

℟. Orántibus in loco isto,
* Dimítte peccáta pópuli tui, Deus, et osténde eis viam bonam, per quam ámbulent, et da glóriam in loco isto. ℣. Qui regis Israël, inténde, qui dedúcis velut ovem Joseph, qui sedes super Chérubim. — Dimítte.

Lectio v

P Rincipáliter ergo grátias agámus Dómino, Deo nostro, a quo est omne datum óptimum et omne donum perféctum : et ejus bonitátem tota cordis alacritáte laudémus, quóniam ad construéndam istam domum oratiónis, fidélium suórum visitávit ánimus, excitávit afféctum, surrogávit auxílium, inspirávit necdum voléntibus ut velent, adjúvit bonæ voluntátis conátus ut fácerent. Ac per hoc Deus, qui operátur in suis et velle et perfícere pro bona voluntáte, hæc ómnia ipse coepit, ipse perfécit.

℟. O quam metuendus est locus iste : * Vere non est hic aliud, nisi domus Dei et porta cæli. ℣. Hæc est domus Domini firmiter ædificata, bene fundata est supra firmam petram. — Vere.

Lectio vi

ET quia opera bona in conspectu suo nunquam esse permittit inania, fidelibus suis, quibus operantibus præbuit virtutis suæ favorem, tribuet condignam pro tanta operatione mercedem. Adhuc amplius agendæ sunt gratiæ Deo nostro; hanc enim ecclesiam, quam fecit nomini suo construere, fecit etiam sanctorum Martyrum reliquiis amplius honorari.

℟. Mane surgens Jacob erigebat lapidem in titulum, fundens oleum desuper; votum vovit Domino : * Vere locus iste sanctus est, et ego nesciebam.

℣. Cumque evigilasset Jacob de somno, ait. — Vere. Glória Patri. Vere.

In III Nocturno

Lectio sancti Evangelii
secundum Lucam

Lectio vii Cap. 19, 1-10

IN illo tempore : Ingressus Jesus perambulabat Jéricho. Et ecce vir nomine

Zachæus : et hic princeps erat publicanorum, et ipse dives. Et reliqua.

De Homilia sancti Bedæ
Venerabilis Presbyteri

Liber 5, cap. 77 in Luc. 19

ET cum venisset ad locum, suspiciens Jesus vidit illum. Perambulans Jéricho Salvator, venit ad locum, ubi præcurrens Zachæus syncomororum conscenderat : quia, missis per mundum sui verbi præconibus, in quibus ipse nimis et loquebatur et ibat, venit ad populum nationum, qui passionis ejus fide jam sublimis exsistens, etiam divinitatis ejus ardebat agnita facie beari. Suspiciens vidit illum, quia per gratiam fidei a terrenis cupiditatibus elevatum, turbisque infidelibus præminentem elegit. Videre enim Dei, eligere vel amare est; unde est illud : Oculi Domini super justos. Nam et nos quæ amamus, videre; ab his, quæ exsecramur, intuitum festinamus avertere.

℟. Domus mea domus orationis vocabitur, dicit Dominus : in ea omnis qui petit, accipit; et qui quaerit, invenit; * Et pulsanti aperiétur. ℣. Pétite, et accipiétis; quærite, et inveniétis. — Et.

Lectio viii

Vidit ergo Jesus videntem se, quia elegit eligentem se, et amavit amantem. Hunc sane ordinem proficiendi, hoc est, per fidem Dominicæ incarnationis ad cognitionem divinitatis perveniendi, quasi per sycómorum Jesu faciém speculari, Doctor egregius ostendit, cum ait : Non enim judicavi scire me aliquid inter vos, nisi Christum Jesum, et hunc crucifixum. Itémque aliis exprobrans : Facti estis, inquit, quibus lacte opus sit, non sólido cibo; lac infirma temporariæ dispensationis, sólidum cibum árdua perpétuæ majestátis appellans.

✠. Lápides pretiósí omnes muri tui, * Et turre Jerúsalem gemmis ædificabúntur. ✠. Portæ Jerúsalem ex sapphíro et smarágdo ædificabúntur, et ex lápide pretiósó omnis circúitus muri ejus. — Et. Glória Patri. Et.

Lectio ix

ET dixit ad eum : Zachæe, festinans descende, quia hódie in domo tua opórtet me manere. Et festinans descendit, et excepit illum gaudens. Manebat aliquándo Dóminus in domo príncipis pharisæórum, hoc est, in Judæo-

rum synagóga docébat. Sed quia non baptizátum ante prándium, sábbato curántem, publicános et peccatóres recipiéntem, contra avarítiam disputántem, et cétera digna Deo geréntem, lingua venenáta carpébant; pertæsus eórum facínora, discessit et aufúgit, dicens : Relinquétur vobis domus vestra desérta. Hódie autem in domo pusílli Zachæi opórtet illum manere : hoc est, novæ lucis grátia coruscánte, in húmili credéntium natiónum corde quiescere.

Te Deum laudámus.

DIE VII INFRA OCTAVAM

Semiduplex

In II Nocturno

Sermo sancti Joánnis
Chrysóstomi

Homilia 33 in cap. 9 Matth.

Lectio iv



Commúnis ómnium domus est ecclésia, in quam, vobis prius ingressis, nos intrámus, discipulórum formam retinéntes. Ideóque comúniter ómnibus statim atque ingressi fuérimus, ut illis datam legem sequámur, pacem offérimus. Nemo igitur socórdia tórpeat, nemo sæculáribus

rebus suspensum ánimum hábeat, cum jam ad prædicándum sacerdótes intráverint; non enim parva huic rei imminet pœna. Equidem mília pótius malim in domum alicújus vestrum ingressus destitui, quam hic prædicans non audiri. Hoc mihi moléstius esset quam illud, quandóquidem magis própria hæc est quam illa.

✠. Orántibus in loco isto, * Dimítte peccáta pópuli tui, Deus, et osténde eis viam bonam, per quam ámbulent, et da glóriam in loco isto. ✠. Qui regis Israël, inténde, qui dedúcis velut ovem Joseph, qui sedes super Chérubim. — Dimítte.

Lectio v

NAM hic magnæ illæ nostræ opes pósitæ sunt, hic spes nostra omnis. Quid enim hoc loco non magnum est et admirándum? Nam hæc mensa longe pretiósior est atque jucúndior, et lucérna hæc quam illa; ut norunt qui, cum fide óleo perúnti, a morbis liberáti sunt. Arca étiam hæc multo mélior magisque necessária; non enim vestes, sed misericórdiam inclúsam cóntinet: quamvis pauci sint, qui eam possídeant. Hic et létulus est valde illo præ-

stántior; divinárum enim Scripturárum réquies quovis lecto suáviore est.

✠. O quam metuéndus est locus iste: * Vere non est hic áliud, nisi domus Dei et porta cæli. ✠. Hæc est domus Dómini fírmiter ædificáta, bene fundáta est supra firmam petram. — Vere.

Lectio vi

ET quidem si concórdia perfécte servarétur a nobis, nullam áliam domum præter hanc haberémus. Hoc autem quod dixi, non esse durum, testántur illa tria mília et quinque mília hóminum, quibus et domus una, et mensa una, et ánima una erat. Multitúdinis enim credéntium, inquit, unum erat cor, et ánima una. Sed quia longe ab illórum virtúte ábsumus et per domos disjuncti sumus, saltem, quando huc convenímus, id omni stúdio faciámus. Nam etsi in áliis rebus páuperes et inopes sumus, hoc loco saltem, cum huc ad vos intrámus, cum caritáte nos suscípite; cumque, Pax vobis, dico, Et cum spíritu tuo, non voce solum, sed ánimo quoque respondéte.

✠. Mane surgens Jacob erigébat lápidem in título, fundens óleum désu-

per; votum vovit Dómino : * Vere locus iste sanctus est, et ego nesciēbam.

℟. Cumque evigilásset Jacob de somno, ait. — Vere. Glória Patri. Vere.

In III Nocturno

Lectio sancti Evangélii
secúndum Lucam

Lectio vii Cap. 19, 1-10

IN illo témpore : Ingressus Jesus perambulábat Jericho. Et ecce vir nómine Zachæus : et hic princeps erat publicanórum, et ipse dives. Et réliqua.

De Homilia sancti Bedæ
Venerábilis Presbýteri
Paulo post prædicta



IT cum vidērent omnes, murmurábant, dicētes, quod ad hóminem peccatórem divertísset. Manifestum est, Judæos semper géntium odísse salútem. Scriptum est enim : Sequēti vero Sábbato pene univérsa civitas convénit audire verbum Dei; vidētes autem turbas Judæi, replēti sunt zelo, et contradicébant iis, quæ a Paulo dicebántur. Et álibi, fidéles étiam fratres advérsus Apostolórum Principem disceptábant, dicētes : Quare introísti ad viros præpútium habētes, et manducásti cum illis?

℟. Domus mea domus oratiónis vocábitur, dicit Dóminus : in ea omnis qui petit, áccipit; et qui quærit, invenit; * Et pulsánti aperiétur. ℟. Péтите, et accipiétis; quærite, et inveniétis. — Et.

Lectio viii

STans autem Zachæus, dixit ad Dóminum : Ecce dimídium bonórum meórum, Dómine, do paupéribus; et si quid áliquem defraudávi, reddo quádruplum. Aliis calumniántibus hóminem peccatórem, ipse Zachæus stans, id est, in ea quam cœperat fidei veritáte persístens, non solum se ex peccatóre convérsus, sed étiam inter perféctos probat esse convérsátum. Dicēte enim Dómino : Si vis perféctus esse, vade, vende ómnia quæ habes, et da paupéribus; quisquis ante convérsiónem innocēter vixit, ómnia convérsus potest dare paupéribus.

℟. Lápides pretiósí omnes muri tui, * Et turres Jerúsalem gemmis ædificabúntur. ℟. Portæ Jerúsalem ex sapphíro et smarágdo ædificabúntur, et ex lapide pretiósó omnis circúitus muri ejus. — Et. Glória Patri. Et turres Jerúsalem gemmis ædificabúntur.

Lectio ix

AT qui aliqua fraude sustulit, primo hæc iuxta legem reddere, deinde quod sibi remanserit, debet dare pauperibus. Ac sic et ipse, quia sibi nil retinet, omnia sua dispergit, dat pauperibus, justitia ejus manet in sæculum sæculi. Et hæc est sapiens illa stultitia, quam de sycomoro publicanus quasi fructum vitæ légerat; rapta videlicet reddere, propria relinquere, visibilia contemnere, pro invisibilibus etiam mori desiderare, seipsum abnegare, et ejus, qui necdum videatur, Domini vestigia sequi concupiscere.

Te Deum laudamus.

Vesperæ de sequenti die Octava.

IN OCTAVA
DEDICATIONIS ECCLESIAE

Duplex majus

In II Nocturno

Ex Epístola prima sancti
Felicis Papæ quarti

De Consecr. dist. 1 cap. 2

Lectio iv

Abernáculum Móysen, Dómino præcipiente, fecisse et sacrasse, cum mensa et altári ejus, et céteris vasis et utensilibus ad divinum

cultum expléndum, légitimus; et non solum divinis precibus ea sacrasse, sed etiam sancti olei unctione, Dómino jubente, perlinisse novimus. Quáliter autem hæc facta sint, et quómodo ipsa sacra non alii quam sacerdotes, sacra unctione delibúti Dominóque cum vestibus sanctis sacrati, et Levitæ tractabant, ferébant, erigébant et deponebant; in ipsis institutionibus, quæ, jubente Dómino, conscriptæ sunt per Móysen, in lege Dómini reperítur.

℟. Orántibus in loco isto,
* Dimítte peccáta pópuli tui, Deus, et osténde eis viam bonam, per quam ámbulent, et da glóriam in loco isto. **℣.** Qui regis Israël, inténde, qui dedúcis velut ovem Joseph, qui sedes super Chérubim. — Dimítte.

Lectio v

Quáliter ergo David, regum piíssimus, amplificáverit cultum Dei, et templum Dómino ædificáre volúerit, sed propter multum sánguinem quem effúderat prohibitus est, et ipse collégerat expénsas; Sálomon quoque, fílius ejus, idípsum, quod ipse fácere optáverat, jubente et auxiliánte Deo, perfécit, et templum cum altári, et

réliqua ad divinum cultum peragendum consecravit; in libro Regum légitur : Fecit ergo Sálomon in témpore illo festivitátem célebrem et omnis Israëlcum eo, multitúdo magna ab intróitu Emath usque ad rivum Ægýpti, coram Dómino, Deo nostro, septem diébus et septem diébus, id est, quatuórdecim diébus, et in die octáva dimisit pópulos.

℟. O quam metuendus est locus iste : * Vere non est hic áliud, nisi domus Dei et porta cæli. ℣. Hæc est domus Dómini firmiter ædificáta, bene fundáta est supra firmam petram. — Vere.

Lectio vi

De Consecr. dist. 1 cap. 17

Solemnitátes dedicatiónum ecclesiárum et sacerdotum, per singulos annos solémniter sunt celebrándæ, ipso Dómino exéplum dante, qui ad festum dedicatiónis templi, ómnibus id faciéndi dans formam, cum réliquis pópulis, eámdem festivitátem celebráturus, venit; sicut scriptum est : Facta sunt encænia in Jerosólymis, et hiems erat, et ambulábat Jesus in templo in pórticu Salomónis. Quod autem octo diébus encænia sint celebránda, in

libro Regum, perácta dedicatióne templi, reperiétis.

℟. Mane surgens Jacob erigébat lápidem in titulum, fundens óleum désuper; votum vovit Dómino : * Vere locus iste sanctus est, et ego nesciébam. ℣. Cumque evigilásset Jacob de somno, ait. — Vere. Glória Patri. Vere.

In III Nocturno

Lectio sancti Evangélii
secúndum Lucam

Lectio vii Cap. 19, 1-10

IN illo témpore : Ingressus Jesus perambulábat Jéricho. Et ecce vir nómine Zachæus : et hic princeps erat publicanórum, et ipse dives. Et réliqua.

Homília sancti Gregórii
Papæ

Liber 27 Moraliū, cap. 27, post medium

SI veráciter sapiéntes esse atque ipsam sapiéntiam contemplári appetimus, stultos nos humíliter cognoscámus. Relinquámus nóxiam sapiéntiam, discámus laudábilem fatuitátem. Hinc quippe scriptum est : Stulta mundi elégit Deus, ut confúndat sapiéntes. Hinc rursum dicitur : Si quis vidétur inter vos sápiens esse in hoc sáculo, stultus fiat, ut sit sápiens. Hinc evangélicæ históriæ verba

testántur, quia Zachæus, cum vidére præ turba nihil posset, sycómori árborem ascéndit, ut transeúntem Dóminum cérneret. Sycómorus quippe ficus fátua dicitur.

℟. Domus mea domus orationis vocábitur, dicit Dóminus : in ea omnis qui petit, áccipit; et qui quærit, invenit; * Et pulsánti aperiétur. ℣. Pétite, et accipiétis; quærite, et inveniétis. — Et.

Lectio viii

Pusillus itaque Zachæus sycómorum súbiit et Dóminum vidit : quia, qui mundi stultítiam humíliter éligunt, ipsi Dei sapiéntiam subtiliter contemplantur. Pusillitátem namque nostram ad vidéndum Dóminum turba præpedit; quia infirmitátem humánæ mentis, ne lucem veritátis inténdat, curárum sæculárium tumúltus premit. Sed prudénter sycómorum ascéndimus, si próvide eam quæ divínitus præcipitur stultítiam mente tenémus. Quid enim in hoc mundo stúltius quam amíssa non quærerere, posséssa rapiéntibus rela-

xáre, nullam pro accéptis injúriis injúriam réddere, immo adjúctis áliis patiéntiam præbère?

℟. Lápides pretiósi omnes muri tui, * Et turres Jerúsalem gemmis ædificabúntur. ℣. Portæ Jerúsalem ex sapphíro et smarágdo ædificabúntur, et ex lápide pretióso omnis circúitus muri ejus. — Et. Glória Patri. Et.

Lectio ix

Quasi enim sycómorum nos ascéndere Dóminus præcipit, cum dicit : Qui aufert quæ tua sunt, ne répetas; et rursum : Si quis te percússerit in dexteram maxíllam, præbe illi et álteram. Per sycómorum Dóminus tránsiens cérnitur : quia per hanc sapiéntem stultítiam, etsi necdum, ut est, sólíde, jam tamen per contemplationis lumen Dei sapiéntia quasi in tránsitu vidétur, quam vidére néqueunt qui sibi sapiéntes esse vidéntur; quia ad conspiciéndum Dóminum, in eláta cogitationum suárum turba deprehénsi, adhuc sycómori árborem non invenérunt. Te Deum laudámus.

Commune Festorum B. Mariæ Virg.

IN I VESPERIS

Ant. Dum esset Rex * in accúbitu suo, nardus mea dedit odórem suavitátis.

Psalmus 109



Ixit Dóminus Dómino meo : * Sede a dextris meis :

Donec ponam inimícos tuos, * scabéllum pedum tuórum.

Virgam virtútis tuæ emíttet Dóminus ex Sion : * domináre in médio inimicórum tuórum.

Tecum princípium in die virtútis tuæ in splendóribus sanctórum : * ex útero ante luciferum genui te.

Jurávit Dóminus, et non pænitébit eum : * Tu es sacérdos in ætérnum secúndum órđinem Melchisedech.

Dóminus a dextris tuis, * confrégit in die iræ suæ reges.

Judicábit in natióibus, implébit ruínas : * conquassábit cápita in terra multórum.

De torrénite in via bibet : * proptérea exaltábit caput.

Ant. Dum esset Rex in accúbitu suo, nardus mea dedit odórem suavitátis.

Ant. Læva ejus * sub cápite meo, et dextera illíus amplexábitur me.

Psalmus 112

L Audáte, púeri, Dóminum : * laudáte nomen Dómini.

Sit nomen Dómini benedíctum, * ex hoc nunc, et usque in sáeculum.

A solis ortu usque ad occásum, * laudábile nomen Dómini.

Excélsus super omnes gentes Dóminus, * et super cælos glória ejus.

Quissicut Dóminus, Deus noster, qui in altis hábitat, * et humília réspicit in cælo et in terra?

Súscitans a terra ínopem, * et de stércore érigens páuperem :

Ut cólloceť eum cum princípibus, * cum princípibus pópuli sui.

Qui habitáre facit stérilem in domo, * matrem filiórum lætántem.

Ant. Læva ejus sub cápite meo, et dextera illíus amplexábitur me.

Ant. Nigra sum, * sed formósa, filiæ Jerúsalem; ideo diléxit me Rex, et introdúxit me in cubiculum suum.

Psalmus 121

Lætátus sum in his,
quæ dicta sunt mihi : *
In domum Dómini íbimus.

Stantes erant pedes nostri, * in átriis tuis, Jerúsalem.

Jerúsalem, quæ ædificá-
tur ut cívitas : * cujus par-
ticipátio ejus in idípsum.

Illuc enim ascendérunt
tribus, tribus Dómini : *
testimónium Israël ad con-
fiténdum nómini Dómini.

Quia illic sedérunt sedes
in iudício, * sedes super
domum David.

Rogáte quæ ad pacem
sunt Jerúsalem : * et abun-
dántia diligentibus te :

Fiat pax in virtúte tua : *
et abundántia in túrribus
tuis.

Propter fratres meos, et
próximos meos, * loquér-
bar pacem de te :

Propter domum Dómini,
Dei nostri, * quæsívi bona
tibi.

Ant. Nigra sum, sed for-
mósa, filíæ Jerúsalem; ideo
diléxit me Rex, et intro-
dúxit me in cubículum
suum.

Ant. Jam hiems tránsiit, *
imber ábiit et recéssit :
surge, amíca mea, et veni.

Psalmus 126

Nisi Dóminus ædificáve-
rit domum, * in va-
num laboravérunt qui ædifi-
cant eam.

Nisi Dóminus custodierit
civitátem, * frustra vígilat
qui custódit eam.

Vanum est vobis ante lu-
cem súrgere : * súrgite
postquam sedéritis, qui
manducátis panem doló-
ris.

Cum déderit diléctis suis
somnum : * ecce heréditas
Dómini filii : merces, fru-
ctus ventris.

Sicut sagíttæ in manu
poténtis : * ita filii excus-
sórum.

Beátus vir qui implé-
vit desidérium suum ex
ipsis : * non confundétur
cum loquétur inimícis suis
in porta.

Ant. Jam hiems tránsiit,
imber ábiit et recéssit :
surge, amíca mea, et veni.

Ant. Speciósa * facta es
et suávis in delíciis tuis,
sancta Dei Génitrix.

Psalmus 147

Lauda, Jerúsalem, Dó-
minum : * lauda
Deum tuum, Sion.

Quóniam confortávit se-
ras portárum tuárum : *
benedíxit filiis tuis in te.

Qui pósuit fines tuos pa-
cem : * et ádipe fruménti
sátiat te.

Qui emíttit elóquium
suum terræ : * velóciter
currit sermo ejus.

Qui dat nivem sicut la-
nam : * nébulam sicut
cínereum spargit.

Mittit crýstállum suam
sicut buccéllas : * ante
fáciem frígoris ejus quis
sustinébit?

Emíttet verbum suum, et
liquefáciét ea : * flabit spí-
ritus ejus, et fluent aquæ.

Qui annúntiat verbum
suum Jacob : * justítias,
et judícia sua Israël.

Non fecit táliter omni na-
tióni : * et judícia sua non
manifestávit eis.

Ant. Speciósá facta es
et suávis in delíciis tuis,
sancta Dei Génitrix.

Capitulum Eccli. 24, 14

AB inítio et ante sácula
creáta sum, et usque
ad futúrum sáculum non
désinam, et in habitatióne
sancta coram ipso mini-
strávi.

**Prima strophá sequentis
Hymni dicitur flexis genibus.**

Hymnus

AVE, maris stella,
Dei Mater alma,
Atque semper Virgo,
Felix cæli porta.

Sumens illud Ave
Gabriélis ore,
Funda nos in pace,
Mutans Hevæ nomen.

Solve vincla reis,
Profer lumen cæcis,
Mala nostra pelle,
Bona cuncta posce.

Monstra te esse matrem,
Sumat per te preces,

Qui pro nobis natus
Tulit esse tuus.

Virgo singuláris,
Inter omnes mitis,
Nos, culpis solútos,
Mites fac et castos.

Vitam præsta puram,
Iter para tutum,
Ut, vidéntes Jesum,
Semper collætémur.

Sit laus Deo Patri,
Summo Christo decus,
Spíritui Sancto,
Tribus honor unus. Amen.

℟. Dignáre me laudáre
te, Virgo sacráta. **℞.** Da
mihi virtútem contra ho-
stes tuos.

Ad Magnif. Ant. Sancta
María, * succúrre míseris,
juva pusillánimes, réfove
flébiles, ora pro pópulo,
intérveni pro clero, inter-
céde pro devóto femíneo
sexu : séntiant omnes
tuum juvámen, quicúm-
que célebrant tuam san-
ctam festivitátem.

In II Vesperis

Ad Magnif. Ant. Beátam
me dicent * omnes gene-
ratiónes, quia ancíllam
húmilem respéxit Deus.

Oratio

Concéde nos fámulos
tuos, quæsumus, Dó-
mine Deus, perpétua men-
tis et córporis sanitáte
gaudére : et, gloriósa
beátæ Mariæ semper Vír-

ginis intercessióne, a præ-
sénti liberári tristítia et
æténa pérfrui lætítia. Per
Dóminum.

Completorium de Dominica.

**Conclusio Hymnorum ad
omnes Horas, etiam per Octa-
vas communes, erit sequens :**

Jesu, tibi sit glória,
Qui natus es de Vírgine,
Cum Patre, et almo Spí-
ritu,
In sempitérna sácula.
Amen.

AD MATUTINUM

Invitat. Sancta María,
Dei Génitrix Virgo, * In-
tercéde pro nobis. **Ps. 94**
Veníte, exsultémus.

Hymnus

Quem terra, pontus, sí-
dera
Colunt, adórant, prædi-
cant,
Trinam regéntem máchi-
nam,
Clastrum Mariæ bájulat.

Cui luna, sol et ómnia
Desérviunt per témpora,
Perfúsa cæli grátia,
Gestant puéllæ víscera.

Beáta Mater múnere,
Cujus, supérnus Artifex
Mundum pugillo cónti-
nens,
Ventris sub arca clausus
est.

Beáta cæli núntio,
Fecúnda Sancto Spíritu,

Desiderátus géntibus
Cujus per alvum fusus est.

Jesu, tibi sit glória,
Qui natus es de Vírgine,
Cum Patre, et almo Spí-
ritu,
In sempitérna sácula.
Amen.

In I Nocturno

Ant. Benedícta tu * in
mulieribus, et benedíctus
fructus ventris tui.

Psalmus 8



Domine, Dóminus no-
ster, * quam admi-
rábile est nomen
tuum in univérsta terra!

Quóniam eleváta est ma-
gnificéntia tua, * super
cælos.

Ex ore infántium et la-
cténtium perfecísti laudem
propter inimícos tuos, *
ut déstruas inimícum et
ultórem.

Quóniam vidébo cælos
tuos, ópera digitórum tuó-
rum : * lunam et stellas,
quæ tu fundásti.

Quid est homo, quod
memor es ejus? * aut
filius hóminis, quóniam
vísitas eum?

Minuísti eum paulo mi-
nus ab Angelis, glória et
honóre coronásti eum : *
et constituísti eum super
ópera mánuum tuárum.

Omnia subjecísti sub pé-
dibus ejus, * oves et boves

univérſas : inſuper et pécora campi.

Vólucres cæli, et piſces maris, * qui perámbulant sémitas maris.

Dómine, Dóminus noſter, * quam admirábile eſt nomen tuum in univérſa terra!

Ant. Benedícta tu in muliéribus, et benedíctus fructus ventris tui.

Ant. Sicut myrrha * elécta odórem dedíſti ſuavitátis, ſancta Dei Génitrix.

Psalmus 18

CÆli enárrant glóriam Dei, * et ópera mánuum ejus annúntiat firmaméntum.

Dies diéi erúctat verbum, * et nox nocti índicat ſciéntiam.

Non ſunt loquélæ, neque ſermónes, * quorum non audiántur voces eórum.

In omnem terram exívit ſonus eórum : * et in fines orbis terræ verba eórum.

In ſole póſuit tabernáculum ſuum : * et ipſe tamquam ſponſus procédens de thálamo ſuo :

Exſultávit ut gigas ad curréndam viam : * a ſummo cælo egréſſio ejus :

Et occúſus ejus uſque ad ſummum ejus : * nec eſt qui ſe abſcóndat a calóre ejus.

Lex Dómini immaculáta, convértens ánimas : * teſtimónium Dómini fidéle,

ſapiéntiam præſtans párvulis.

Juſtítiæ Dómini rectæ, lætificántes corda : * præcéptum Dómini lúcidum, illúminans óculos.

Timor Dómini ſanctus, pérmanens in ſæculum ſæculi : * judícia Dómini vera, juſtificáta in ſemetípſa.

Deſiderabilia ſuper aurum et lápidem pretióſum multum : * et dulcióra ſuper mel et favum.

Etenim ſervus tuus cuſtódit ea, * in cuſtodiéndis illis retribútio multa.

Delicta quis intélligit? ab occúltis meis munda me : * et ab aliénis parce ſervo tuo.

Si mei non fúerint domínati, tunc immaculátus ero : * et emundábor a delicto máximo.

Et erunt ut compláceant elóquia oris mei : * et meditátio cordis mei in conſpéctu tuo ſemper.

Dómine, adjútor meus, * et redémptor meus.

Ant. Sicut myrrha elécta odórem dedíſti ſuavitátis, ſancta Dei Génitrix.

Ant. Ante torum * hujus Vírginis frequentáte nobis dúlcia cántica drámatís.

Psalmus 23

Domini eſt terra, et plenitúdo ejus : * orbis terrárum, et univérſi qui hábitant in eo.

Quia ipse super mária fundávit eum : * et super flúmina præparávit eum.

Quis ascéndet in montem Dómini? * aut quis stabit in loco sancto ejus?

Innocens mánibus et mundo corde, * qui non accépit in vano ánimam suam, nec jurávit in dolo próximo suo.

Hic accípiet benedictiónem a Dómino : * et misericórdiam a Deo, salutári suo.

Hæc est generátio quæréntium eum, * quæréntium fáciem Dei Jacob.

Attóllite, portas, príncipes, vestras, et elevámini, portæ æternáles : * et introíbit Rex glóriæ.

Quis est iste Rex glóriæ? * Dóminus fortis et potens : Dóminus potens in prælio.

Attóllite portas, príncipes, vestras, et elevámini, portæ æternáles : * et introíbit Rex glóriæ.

Quis est iste Rex glóriæ? * Dóminus virtútum ipse est Rex glóriæ.

Ant. Ante torum hujus Virginitis frequentáte nobis dúlcia cántica drámatís.

℟. Spécie tua et pulchritúdine tua. **℟.** Inténde, prospere procéde, et regna.

Absolutio Exáudi, Dómine.

Benedictio Benedictione.

De Parábolis Salomónis

Lectio i Cap. 8, 12-25



EGO sapiéntia hábito in consílio, et eruditís intérsu cogitátionibus. Timor Dómini odit malum : arrogántiam, et supérbiam, et viam pravam, et os bilingue detéstor. Meum est consílium et æquitas, mea est prudéntia, mea est fortitúdo. Per me reges regnant, et legum conditóres justa decérnunt; per me príncipes imperant, et poténtes decérnunt justítiam. Ego diligéntes me díligo; et qui mane vígilant ad me, invénient me.

℟. Sancta et immaculáta virgínitas, quibus te láudibus éfferam, néscio : * Quia quem cæli cápere non póterant, tuo grémio contulísti. **℟.** Benedícta tu in muliéribus, et benedíctus fructus ventris tui. — Quia.

Benedictio Unigénitus Dei.

Lectio ii

MECUM sunt divítiae et glória, opes supérbæ et justítia. Mélior est enim fructus meus auro et lápide pretióso, et genímína mea argénto elécto. In viis justítiae ámbulo, in médio semitárum judícii, ut ditem diligéntes me, et thesáuros eórum répleam. Dóminus

possédit me in initio viarum suarum, antequam quidquam faceret a principio. Ab ætérno ordináta sum et ex antiquis, antequam terra fieret. Nondum erant abyssi, et ego jam concépta eram; necdum fontes aquarum erúperant; necdum montes gravi mole constiterant; ante colles ego parturiébar.

✠. Congratulámini mihi, omnes, qui dilígitis Dóminum : quia, cum essem párvula, pláculi Altíssimo, * Et de meis viscéribus génui Deum et hóminem.

✠. Beátam me dicent omnes generatiónes, quia ancillam húilem respéxit Deus. — Et.

Benedictio Spíritus Sancti.

Lectio iii

Cap. 8, 34-36 et 9, 1-5

BEátus homo qui audit me, et qui vígilat ad fores meas quotidie, et observat ad postes óstii mei. Qui me invénierit, invéniet vitam, et háuriet salútem a Dómino; qui autem in me peccáverit, lædet animam suam. Omnes, qui me odérunt, dilígunt mortem. Sapientia ædificávit sibi domum, excídit colúmnas septem. Immolávit víctimas suas, miscuit vinum et propósuit mensam suam. Misit ancillas suas, ut vocárent ad ar-

cem et ad móenia civitátis : Si quis est párvulus, véniat ad me. Et insipiéntibus locúta est : Veníte, comédite panem meum, et bíbite vinum quod miscui vobis.

✠. Beáta es, Virgo María, quæ Dóminum portásti, Creatórem mundi : * Genuísti qui te fecit, et in ætérnum pérmanes Virgo.

✠. Ave, María, grátia plena; Dóminus tecum. — Genuísti. **Glória Patri.** Genuísti.

In II Nocturno

Ant. Spécie tua * et pulchritúdine tua inténde, prospere procéde, et regna.

Psalmus 44



Ructávit cor meum verbum bonum : * dico ego ópera mea Regi.

Lingua mea cálamus scribæ, * velóciter scribéntis.

Speciósus forma præ filiis hóminum, diffúsa est grátia in lábiis tuis : * proptérea benedíxit te Deus in ætérnum.

Accíngere gládio tuo super femur tuum, * potentíssime.

Spécie tua et pulchritúdine tua * inténde, prospere procéde, et regna.

Propter veritátem, et mansuetúdinem, et justí-

tiam : * et dedúcet te mirabiliter dēxtera tua.

Sagittæ tuæ acutæ, pópuli sub te cadent, * in corda inimicórum Regis.

Sedes tua, Deus, in sáculum sáculi : * virga directiónis virga regni tui.

Dilexisti justítiam, et odísti iniquitátem : * proptérea unxit te Deus, Deus tuus, óleo lætitiæ præ consórtibus tuis.

Myrrha, et gutta, et cássia a vestiméntis tuis, a dómibus ebúrneis : * ex quibus delectavérunt te filiæ regum in honóre tuo.

Astitit regína a dextris tuis in vestítu deauráto : * circúmdata varietáte.

Audi, filia, et vide, et inclína aurem tuam : * et oblivíscere pópulum tuum, et domum patris tui.

Et concupíscet Rex decórem tuum : * quóniam ipse est Dóminus, Deus tuus, et adorábunt eum.

Et filiæ Tyri in munéribus * vultum tuum deprecabúntur : omnes dívites plebis.

Omnis glória ejus filiæ Regis ab intus, * in fimbriis áureis circumamícta varietátibus.

Adducéntur Regi vírgines post eam : * próximæ ejus afferéntur tibi.

Afferéntur in lætítia et exsultatióne : * adducéntur in templum Regis.

Pro pátribus tuis nati sunt tibi filii : * constitúes eos príncipes super omnem terram.

Mémores erunt nóminis tui : * in omni generatióne et generatióne.

Proptérea pópuli confitebúntur tibi in ætérnum : * et in sáculum sáculi.

Ant. Spécie tua et pulchritúdine tua inténde, prospere procéde, et regna.

Ant. Adjuvábít eam * Deus vultu suo : Deus in médio ejus, non commovébitur.

Psalmus 45

Deus noster refúgium, et virtus : * adjútor in tribulatió nibus, quæ invénérunt nos nimis.

Proptérea non timébimus dum turbábitur terra : * et transferéntur montes in cor maris.

Sonuérunt, et turbátæ sunt aquæ eórum : * conturbáti sunt montes in fortitúdine ejus.

Flúminis ímpetus lætíficat civitátem Dei : * sanctificávit tabernáculum suum Altíssimus.

Deus in médio ejus, non commovébitur : * adjuvábít eam Deus mane dilúculo.

Conturbátæ sunt gentes, et inclináta sunt regna : * dedit vocem suam, mota est terra.

Dóminus virtútum nobiscum : * suscēptor noster Deus Jacob.

Veníte, et vidéte ópera Dómini, quæ pósuit prodígia super terram : * áuferens bella usque ad finem terræ.

Arcum cónteret, et confrínget arma : * et scuta combúret igni.

Vacáte, et vidéte quóniam ego sum Deus : * exaltábor in géntibus, et exaltábor in terra.

Dóminus virtútum nobiscum : * suscēptor noster Deus Jacob.

Ant. Adjuvábít eam Deus vultu suo : Deus in médio ejus, non commovébitur.

Ant. Sicut lætántium * ómnium nostrum habitátio est in te, sancta Dei Génitrix.

Psalmus 86

Fundaménta ejus in móntibus sanctis : * diligit Dóminus portas Sion super ómnia tabernacula Jacob.

Gloríosa dicta sunt de te, * cívitas Dei.

Memor ero Rahab, et Babilónis * sciéntium me.

Ecce alienígenæ, et Tyrus, et pópulus Æthíopum, * hí fuérunt illic.

Numquid Sion dicet : Homo, et homo natus est in ea : * et ipse fundávit eam Altíssimus?

Dóminus narrábit in scriptúris populórum, et príncipum : * horum, qui fuérunt in ea.

Sicut lætántium ómnium * habitátio est in te.

Ant. Sicut lætántium ómnium nostrum habitátio est in te, sancta Dei Génitrix.

℟. Adjuvábít eam Deus vultu suo. **℞.** Deus in médio ejus, non commovébitur.

Absolutio Ipsíus píetas.

Benedictio Deus Pater.

Sermo sancti Joánnis
Chrysóstomi

Apud Metaphrasten

Lectio iv



DEI Fílius non dívitem aut locuplétem áliquam féminam sibi matrem elégit, sed beátam Vírginem illam, cujus ánima virtútibus ornáta erat. Cum enim beáta María supra omnem humánam natúram castitátem serváret, proptérea Christum Dóminum in ventre concépit. Ad hanc igitur sanctíssimam Vírginem et Dei Matrem accurréntes, ejus patrocínii utilitátem assequámur. Itaque, quécúmque estis vírgines, ad Matrem Dómini confúgite; illa enim pulchérissimam, pretiosíssimam et incorruptibilem

possessionem, patrocínio suo, vobis conservabit.

R. Sicut cedrus exaltata sum in Líbano, et sicut cypressus in monte Sion : quasi myrrha electa, * Dedi suavitatem odóris. **V.** Et sicut cinnamómu et balsamum aromatizans. — Dedi.

Bened. Christus perpétuæ.

Lectio v

MAgnum revéra miraculum, fratres dilectissimi, fuit beáta semper Virgo María. Quid namque illa majus aut illústrius ullo umquam témpore inventum est, seu aliquándo inveníri póterit? Hæc sola cælum ac terram amplitúdine superávit. Quidnam illa sánctius? Non Prophætæ, non Apóstoli, non Mártýres, non Patriárchæ, non Angeli, non Throni, non Dominationes, non Séraphim, non Chérubim; non dénique áliud quípiam inter creatas res visíbiles aut invisíbiles majus aut excellentius inveníri potest. Eadem ancílla Dei est et mater; éadem Virgo et Génitrix.

R. Quæ est ista, quæ procéssit sicut sol, et formósa tamquam Jerúsalem? * Vidérunt eam filiæ Sion, et beátam dixerunt, et regínæ laudavérunt eam. **V.** Et sicut dies verni

circúmdabant eam flores rosárum et lília convál-
lium. — Vidérunt.

Bened. Ignem sui amoris.

Lectio vi

HÆC ejus mater est, qui a Patre ante omne princípium génius fuit, quem Angeli et hómines agnóscunt Dóminum rerum ómnium. Visne cognóscere, quanto Virgo hæc præstántior sit cæléstibus Poténtiis? Illæ cum timóre et tremóre assistunt, fáciem velántes suam : hæc humánu genus illi offert, quem génuít. Per hanc et peccatórum véniam conséquimur. Ave igitur, mater, cælum, puélla, virgo, thronus, Ecclesiæ nostræ decus, glória et firmaméntum : assidue pro nobis precáre Jesum, Fílium tuum et Dóminum nostrum, ut per te misericórdiam inveníre in die judícii, et quæ repósite sunt iis, qui díligunt Deum, bona cónsequi possimus, grátia et benignitáte Dómini nostri Jesu Christi : cum quo Patri simul et Sancto Spirítui glória, et honor, et impérium, nunc et semper in sæcula sæculórum. Amen.

R. Ornátam monílibus fíliam Jerúsalem Dóminus concupívit : * Et vidéntes eam filiæ Sion, beatíssi-

mam prædicavérunt, dicétes : * Unguéntum effúsum nomen tuum. **V.** Astitit regína a dextris tuis in vestítu deauráto, circúmdata varietáte. — Et vidétes eam filíæ Sion, beatíssimam prædicavérunt dicétes. **Glória Patri. Unguéntum.**

In III Nocturno

Ant. Gaude, María Virgo : * cunctas háereses sola interemísti in univérso mundo.

Psalmus 95

CAntáte Dómino cánticum novum : * cantáte Dómino, omnis terra.

Cantáte Dómino, et benedicíte nómini ejus : * annuntiáte de die in diem salutáre ejus.

Annuntiáte inter gentes glóriam ejus, * in ómnibus pópulis mirabília ejus.

Quóniam magnus Dóminus, et laudábilis nimis : * terríbilis est super omnes deos.

Quóniam omnes dii géntium dæmónia : * Dóminus autem cælos fecit.

Conféssio, et pulchritúdo in conspéctu ejus : * sanctimónia et magnificéntia in sanctificatióne ejus.

Afférte Dómino, pátriæ géntium, afférte Dómino glóriam et honórem : *

afférte Dómino glóriam nómini ejus.

Tóllite hóstias, et introíte in átria ejus : * adoráte Dóminum in átrio sancto ejus.

Commovéatur a fácie ejus univérsa terra : * dicíte in géntibus quia Dóminus regnávit.

Etenim corréxit orbem terræ qui non commovébitur : * judicábit pópulos in æquitáte.

Læténtur cæli, et exsúltet terra : commovéatur mare, et plenitúdo ejus : * gaudébunt campi, et ómnia quæ in eis sunt.

Tunc exsultábunt ómnia ligna silvárum a fácie Dómini, quia venit : * quóniam venit judicáre terram.

Judicábit orbem terræ in æquitáte, * et pópulos in veritáte sua.

Ant. Gaude, María Virgo : cunctas háereses sola interemísti in univérso mundo.

Ant. Dignáre me * laudáre te, Virgo sacráta : da mihi virtútem contra hostes tuos.

Psalmus 96

Dominus regnávit, exsúltet terra : * læténtur ínsulæ multæ.

Nubes, et calígo in circúitu ejus : * justítia, et judícium corréctio sedis ejus.

Ignis ante ipsum præcedet, * et inflammabit in circúitu inimícos ejus.

Illuxérunt fúlgura ejus orbi terræ : * vidit, et commóta est terra.

Montes, sicut cera fluxérunt a fácie Dómini : * a fácie Dómini omnis terra.

Annuntiavérunt cæli justítiam ejus : * et vidérunt omnes pópuli glóriam ejus.

Confundántur omnes, qui adórant sculptília : * et qui gloriántur in simulácris suis.

Adoráte eum, omnes Angeli ejus : * audívit, et lætáta est Sion.

Et exsultavérunt filiae Judæ, * propter judícia tua, Dómine :

Quóniam tu Dóminus Altíssimus super omnem terram : * nimis exaltátus es super omnes deos.

Qui dilígitis Dóminum, odíte malum : * custódit Dóminus ánimas sanctórum suórum, de manu peccatóris liberábit eos.

Lux orta est justo, * et rectis corde lætítia.

Lætámini, justí, in Dómino : * et confitémini memóriæ sanctificatiónis ejus.

Ant. Dignáre me laudáre te, Virgo sacráta : da mihi virtútem contra hostes tuos.

Ant. Post partum, * Virgo, invioláta permansísti :

Dei Génitrix, intercède pro nobis.

Psalmus 97

CAntáte Dómino cánticum novum : * quia mirabilia fecit.

Salvávít sibi délixtera ejus : * et bráchium sanctum ejus.

Notum fecit Dóminus salutare suum : * in conspéctu géntium revelávit justítiam suam.

Recordátus est misericórdiæ suæ, * et veritátis suæ dómui Israëli.

Vidérunt omnes términi terræ * salutare Dei nostri.

Jubiláte Deo, omnis terra : * cantáte, et exsultáte, et psállite.

Psállite Dómino in cíthara, in cíthara et voce psalmi : * in tubis ductílibus, et voce tubæ córneæ.

Jubiláte in conspéctu regis Dómini : * moveátur mare, et plenitúdo ejus : orbis terrárum, et qui hábitant in eo.

Flúmina plaudent manu, simul montes exsultábunt a conspéctu Dómini : * quóniam venit judicáre terram.

Judicábit orbem terrárum in justítia, * et pópulos in æquitáte.

Ant. Post partum, Virgo, invioláta permansísti : Dei Génitrix, intercède pro nobis.

℟. Elégit eam Deus, et præelégit eam. ℞. In tabernáculo suo habitare facit eam.

Absolutio A vînculis.

Benedictio Evangélica léctio.

Léctio sancti Evangélii
secúndum Lucam

Lectio vii Cap. 11, 27-28

IN illo témpore : Loquente Jesu ad turbas, extóllens vocem quædam mûlier de turba dixit illi : Beátus venter qui te portávit. Et réliqua.

Homília sancti Bedæ
Venerábilis Presbýteri

Liber 4, cap. 49 in Luc. 11



Agnæ devotiõnis et fidei hæc mûlier osténditur, quæ, scribis et pharisæis Dóminum tentántibus simul et blasphemántibus, tanta ejus incarnatióem præ ómnibus sinceritáte cognóscit, tanta fidúcia confitétur, ut et præsentium prócerum calúmniam, et futurórum confúndat hæreticórum perfídiam. Nam, sicut tunc Judæi, Sancti Spíritus ópera blasphemándo, verum consubstantialémque Patri Dei Filium negábant : sic hæretici póstea, negándo Mariám semper Vírginem, Sancti Spíritus operánte

virtúte, nascitúro cum humánis membris Unigénito Dei, carnis suæ matériam ministrásse, verum consubstantialémque matri Filium hóminis fatéri non debére dixerunt.

℞. Felix namque es, sacra Virgo María, et omni laude digníssima : * Quia ex te ortus est sol justitiæ, Christus, Deus noster.

℟. Ora pro pópulo, intéveni pro clero, intercède pro devóto femíneo sexu : sentiant omnes tuum juvâmen, quicúmque celebrant tuam sanctam festivitátem. — Quia.

Die 16 Julii in Festo B. M. V. de Monte Carmelo dicitur :

Solémnem Commemorationem.

Bened. Cujus festum cólimus, ipsa Virgo vírginum.

Lectio viii

SED, si caro Verbi Dei secúndum carnem nascéntis a carne Vírginis matris pronuntiátur extránea, sine causa venter qui eam portásset, úbera quæ lactássent, beatificántur. Dicit autem Apóstolus : Quia misit Deus Filium suum factum ex muliere, factum sub lege. Neque audiéndi sunt, qui legéndum putant : Natum ex muliere, factum sub lege, sed, Factum ex muliere : quia concéptus ex

útero virgináli, carnem non de níhilo, non aliúnde, sed matérna traxit ex carne. Alióquin nec vere Fílius hóminis dicerétur, qui oríginem non habéret ex hómine. Et nos ígitur, his contra Eutychen dictis, extollámus vocem cum Ecclésia cathólica, cujus hæc múlter typum gessit, extollámus et mentem de médio turbárum, dicamúsque Salvatóri : Beátus venter qui te portávit, et úbera quæ suxísti. Vere enim beáta parens, quæ, sicut quidam ait, Eníxa est puérpera Regem, qui cælum terrámque tenet per sæcula.

℟. Beátam me dicent omnes generatiónes : * Quia fecit mihi Dóminus magna qui potens est, et sanctum nomen ejus. ℣. Et misericórdia ejus a progénie in progénies timéntibus eum. — Quia. Glória. Quia.

Benedictio Ad societátem.

Lectio ix

Quinímmo beáti qui audiunt verbum Dei et custódiunt. Pulchre Salvátor attestatióni mulieris annuit, non eam tantúmmodo quæ Verbum Dei corporáliter generáre merúerat, sed et omnes qui idem Verbum spiritáliter auditu fidei concípere, et boni óperis custódia vel in

suo vel in proximórum corde párrere et quasi álere studúerint, assevérans esse beátos; quia, et eadem Dei Génitrix, et inde quidem beáta, quia Verbi incarnándi mínistra facta est temporális; sed inde multo beátior, quia ejúsdem semper amándi custos manébat æténa.

Te Deum laudámus.

AD LAUDES

et per Horas, Añæ

1 Dum esset Rex * in accúbitu suo, nardus mea dedit odórem suavitátis.

Psalmi de Dominica.

2 Læva ejus * sub cápite meo, et dextera illíus amplexábitur me.

3 Nigra sum, * sed formósa, fíliæ Jerúsalem; ideo diléxit me Rex, et introduxit me in cubículum suum.

4 Jam hiems tránsiit, * imber ábiit et recéssit : surge, amíca mea, et veni.

5 Speciósá * facta es et suávis in delíciis tuis, sancta Dei Génitrix.

Capitulum Eccli. 24, 14

AB iníitio et ante sæcula creáta sum, et usque ad futúrum sæculum non désinam, et in habitatióne sancta coram ipso ministrávi.

Hymnus

O Gloriósa vírginum,
Sublímis inter sídera,
Qui te creávit, párvulum
Lacténte nutris úbere.

Quod Heva tristis ábstulit,
Tu reddis almo gérmine :
Intrent ut astra flébiles,
Cæli reclúdis cárdines.

Tu Regis alti jánuā
Et aula lucis fúlgida :
Vitā datam per Vírgi-
nem,
Gentes redémtæ, pláu-
dite.

Jesu, tibi sit glória,
Qui natus es de Vírgine,
Cum Patre, et almo Spí-
ritu,
In sempitérna sácula.

Amen.

℟. Diffúsa est grátia in
lábiis tuis. **℣.** Proptérea
benedíxit te Deus in ætér-
num.

Ad Bened. Ant. Beáta
es, * Mariá, quæ credidí-
sti : perficiéntur in te, quæ
dicta sunt tibi a Dómino,
allelúja.

Oratio

Concède nos fámulos
tuos, quæsumus, Dó-
mine Deus, perpétua men-
tis et córporis sanitáte
gaudére : et, gloriósa
beátæ Mariæ semper Vír-
ginis intercessióne, a præ-
sénti liberári tristítia et
ætéRNA pérfrui lætítia. Per
Dóminum.

**Ad Horas Psalmi de Domi-
nica, ad Primam tamen ut in
Festis.**

AD PRIMAM

Ant. Dum esset Rex * in
accúbitu suo, nardus mea
dedit odórem suavitátis.

**In ℟. br., etiam per Octavas
communes, dicitur ℟.** Qui
natus es de Mariá Vírgine.

AD TERTIAM

Ant. Læva ejus * sub cá-
pite meo, et dextera illius
amplexábitur me.

Capitulum Eccli. 24, 14

AB iníitio et ante sácula
creáta sum, et usque
ad futúrum sáculum non
désinam, et in habitatióne
sancta coram ipso mini-
strávi.

℟. br. Spécie tua * Et
pulchritúdi-ne tua. Spécie.

℟. Inténde, prospere pro-
céde, et regna. Et. Glória
Patri. Spécie.

℟. Adjuvábít eam Deus
vultu suo. **℟.** Deus in
médio ejus, non commové-
bitur.

AD SEXTAM

Ant. Nigra sum, * sed
formósa, filia Jerúsalem;
ídeo diléxit me Rex, et in-
troduxit me in cubículum
suum.

Capit. Eccli. 24, 15-16

ET sic in Sion firmáta
sum, et in civitáte san-
ctificáta simíliter requiévi,

et in Jerúsalem potestas mea. Et radicavi in populo honorificato, et in parte Dei mei hereditas illius, et in plenitudine sanctorum detentio mea.

R. br. Adjuvabit eam * Deus vultu suo. Adjuvabit. **V.** Deus in medio ejus, non commovebitur. Deus vultu suo. **Gloria Patri.** Adjuvabit.

V. Elégit eam Deus, et praelégit eam. **R.** In tabernaculo suo habitare facit eam.

AD NONAM

Ant. Speciosa * facta es et suavis in deliciis tuis, sancta Dei Génitrix.

Capit. **Ecli.** 24, 19-20

IN platéis sicut cinnamomum et balsamum aromatizans odorem dedi :

quasi myrrha electa dedi suavitatem odoris.

R. br. Elégit eam Deus, * Et praelégit eam. Elégit. **V.** In tabernaculo suo habitare facit eam. Et. **Gloria Patri.** Elégit.

V. Diffusa est gratia in labiis tuis. **R.** Propterea benedixit te Deus in æternum.

IN II VESPERIS

Omnia ut in I Vesperis [174], præter

V. Dignare me laudare te, Virgo sacrata. **R.** Da mihi virtutem contra hostes tuos.

Ad Magnif. Ant. Beátam me dicent * omnes generationes, quia ancillam humilem respexit Deus.

Completorium de Dominica.

OFFICIUM SANCTÆ MARIÆ IN SABBATO

Simplex

Omnibus Sabbatis, nisi agendum fuerit de aliquo Festo duplici, etiam translato, aut semiduplici, vel de Octava aut Vigilia occurrenti, fit Officium de sancta Maria, in quo, sumptis Antiphonis et Psalmis de Feria VI et Sabbato occurrentibus, reliqua dicuntur ut infra.

IN VESPERIS

Añæ et Psalmi ut supra. 230

Capit. Ab initio. [188]

Prima strophæ sequentis Hymni dicitur flexis genibus.

Hymnus

AVE, maris stella,
Dei Mater alma,
Atque semper Virgo,
Felix cæli porta.

Sumens illud Ave
Gabrielis ore,

Funda nos in pace,
Mutans Hevæ nomen.

Solve vincla reis,
Profer lumen cæcis,
Mala nostra pelle,
Bona cuncta posce.

Monstra te esse matrem,
Sumat per te preces,
Qui pro nobis natus
Tulit esse tuus.

Virgo singulâris,
Inter omnes mitis,
Nos, culpâs solûtos,
Mites fac et castos.

Vitam præsta puram,
Iter para tutum,
Ut, vidéntes Jesum,
Semper collætémur.

Sit laus Deo Patri,
Summo Christo decus,
Spirítui Sancto,
Tribus honor unus. Amen.

✠. Diffûsa est grátia in
lâbiis tuis. ✠. Propterea
benedíxit te Deus in ætér-
num.

¶ Si tamen præcedens Ver-
sus dictus jam fuerit in Officio
de Communi Virginum vel
non Virginum, tunc dicatur
sequens

✠. Benedícta tu in mu-
liéribus. ✠. Et benedíctus
fructus ventris tui.

Ad Magnif. Ant. Beáta
Mater * et intácta Virgo,
gloriósa Regína mundi,
intercéde pro nobis ad
Dóminum.

Oratio

Concède nos fámulos
tuos, quæsumus, Dó-
mine Deus, perpétua men-
tis et córporis sanitáte
gaudére : et, gloriósa
beátæ Mariæ semper Ví-
ginis intercessióne, a præ-
sénti liberári tristítia et
ætéRNA pérfrui lætítia. Per
Dóminum.

Suffragium de omnibus San-
ctis, ut infra ad Laudes. [192]

Ad Completorium et ad
omnes Horas usque ad No-
nam inclusive, in fine Hym-
norum dicitur :

Jesu, tibi sit glória,
Qui natus es de Vírgine,
Cum Patre, et almo Spí-
ritu,
In sempitérna sæcula.
Amen.

AD MATUTINUM

Invit. Ave, María, grátia
plena; * Dóminus tecum.
Ps. 94 Veníte, exsultémus.

Hymnus

Quem terra, pontus, sí-
dera
Colunt, adórant, prædi-
cant,
Trinam regéntem máchi-
nam,
Claustrum Mariæ bájulat.
Cui luna, sol et ómnia
Desérviunt per témpora,
Perfúsa cæli grátia,
Gestant puéllæ víscera.

Beáta Mater múnere,
Cujus, supérnus Artifex
Mundum pugillo cóti-
nens,
Ventris sub arca clausus
est.

Beáta cæli núntio,
Fecúnda Sancto Spíritu,
Desiderátus géntibus
Cujus per alvum fusus est.

Jesu, tibi sit glória,
Qui natus es de Vírgine,
Cum Patre, et almo Spí-
ritu,
In sempitérna sácula.
Amen.

In Nocturno Antiphonæ,
Psalmi et Versus de Sab-
bato. 238

Deinde Pater noster se-
creto usque ad V. Et ne
nos indúcas in tentatió-
nem. R. Sed libera nos a
malo.

Absolutio

PRÉcibus et méritis beá-
tæ Mariæ semper Vír-
ginis et ómnium Sanctó-
rum, perdúcat nos Dómi-
nus ad regna cælórum.
R. Amen.

V. Jube, domne.

Pro I Lect. Bened. Nos
cum prole pia benedícat
Virgo María. R. Amen.

Lectio I et II dicuntur de
Scriptura occurrenti, cum
suis Responsoriis de Tem-
pore; Lectio vero III erit una
ex inferius [193]-[194] positis,
juxta ordinem mensium.

Pro II Lect. Bened. Ipsa
Virgo vírginum intercédât
pro nobis ad Dóminum.
R. Amen.

Pro III Lect. Bened. Per
Vírginem matrem concé-
dat nobis Dóminus salú-
tem et pacem. R. Amen.

Post III Lectionem dicitur
Hymnus Te Deum.

AD LAUDES

Antiphonæ cum Psalmis de
Sabbato 1 locó. 245

Capitulum Eccli. 24, 14

AB initio et ante sácula
creáta sum, et usque
ad futúrum sáculum non
désinam, et in habitatióne
sancta coram ipso mini-
strávi.

Hymnus

O Gloriósa vírginum,
Sublímis inter sídera,
Qui te creávit, párvulum
Lacténte nutris úbere.

Quod Heva tristis ábstulit,
Tu reddis almo gérmine :
Intrent ut astra flébiles,
Cæli reclúdis cárdines.

Tu Regis alti jánuâ
Et aula lucis fúlgida :
Vitam datam per Vírgi-
nem,
Gentes redémtæ, pláu-
dite.

Jesu, tibi sit glória,
Qui natus es de Vírgine,
Cum Patre, et almo Spí-
ritu,
In sempitérna sácula.
Amen.

℣. Benedicta tu in mulieribus. ℟. Et benedictus fructus ventris tui.

Ad Bened. Ant. Beata Dei Génitrix, María, * Virgo perpétua, templum Dómini, sacrárium Spíritus Sancti, sola sine exémplo placuisti Dómino nostro Jesu Christo : ora pro pópulo, intéveni pro clero, intercède pro devoto femíneo sexu.

Oratio

Concède nos fámulos tuos, quæsumus, Dómine Deus, perpétua mentis et córporis sanitáte gaudére : et, gloriósa beátæ Mariæ semper Virginis intercessióne, a præsentí liberári tristítia et ætérna pérfrui lætítia. Per Dóminum.

Suffragium

de omnibus Sanctis

Ant. Sancti omnes intercedant pro nobis ad Dóminum.

℣. Mirificávit Dóminus Sanctos suos. ℟. Et exaudivit eos clamántes ad se.

Orémus.

Oratio

Acunctis nos, quæsumus, Dómine, mentis et córporis defénde perículis : et, intercedénte beáto Joseph, cum beátis Apóstolis tuis Petro et Paulo, atque beáto N. et ómnibus

Sanctis, salútem nobis tribue benígnus et pacem; ut, destrúctis adversitátibus et erróribus univérsis, Ecclésia tua secúra tibi sérviat libertáte. Per Dóminum. ℟. Amen.

Ad Primam in ℟. br. ℣. Qui natus es de María Virgine, et ad **absolutionem Capituli Lectio brevis** In platéis, ut **infra ad Nonam.**

AD TERTIAM

Capitulum Eccli. 24, 14

AB inítkio et ante sácula creáta sum, et usque ad futúrum sáculum non désinam, et in habitatióne sancta coram ipso ministrávi.

℟. br. Spécie tua * Et pulchritúdine tua. Spécie.

℣. Inténde, prospere procéde, et regna. Et. Glória Patri. Spécie. ℣. Adjuvabit eam Deus vultu suo.

℟. Deus in médio ejus, non commovébitur.

AD SEXTAM

Capit. Eccli. 24, 15-16

ET sic in Sion firmáta sum, et in civitáte sanctificáta simíliter requiévi, et in Jerúsalem potéstas mea. Et radicávi in pópulo honorificáto, et in parte Dei mei heréditas illíus, et in plenitúdine sanctorum deténtio mea.

℟. br. Adjuvabit eam * Deus vultu suo. Adjuvabit

bit. *℣.* Deus in médio ejus, non commovébitur. Deus vultu suo. *Gloria Patri.* Adjuvabit. *℣.* Elégit eam Deus, et præelégit eam. *℟.* In tabernáculo suo habitáre fecit eam.

AD NONAM

Capit. Eccli. 24, 19-20

IN platéis sicut cinnamómum et bálsamum aromatizans odórem dedi : quasi myrrha elécta dedi suavitátem odóris.

℟. br. Elégit eam Deus, * Et præelégit eam. Elégit.

℣. In tabernáculo suo habitáre facit eam. Et.

Gloria Patri. Elégit.

℣. Diffúsa est grátia in lábiis tuis. *℟.* Proptérea benedíxit te Deus in ætérnum.

Post Nonam terminatur Officium sanctæ Mariæ in Sabbato.

Lectiones sequentes dicuntur singulis mensibus in Officio sanctæ Mariæ in Sabbato, ordine subscripto :

Mense Majo

Ex Tractátu sancti Augustíni Epíscopi de Sýmboło ad Catechúmenos

Liber 3, cap. 4, in fine

Lectio iii

PER féminam mors, per féminam vita : per Hevam intéritus, per Mariám salus. Illa, corrúpta, secúta est seductórem :

hæc, íntegra, péperit Salvatórem. Illa póculum a serpénte propínátum libénter accépit et viro trádidit, ex quo simul mereántur occídi : hæc, grátia cælésti désuper infúsa, vitam prótulit, per quam caro mórtua possit resuscitári. Quis est qui hæc operátus est, nisi Vírginis Fílius et vírginum Sponsus, qui áttulit Matri fecunditátem, sed non ábstulit integritátem?

Te Deum laudámus.

Mense Junio

Sermo sancti Bernárdi Abbátis

De verbis Apocalypsis cap. 12
Signum magnum

Lectio iii

VEheménter quidem nobis, dilectíssimi, vir unus et múlter una nocuére; sed, grátias Deo, per unum nihilóminus virum et mulierem unam ómnia restaurántur, nec sine magno fáenore gratiárum. Neque enim sicut delíctum, ita et donum; sed excédit damni æstimationem benefícií magnitúdo. Sic nímírum prudentíssimus et clementíssimus ártifex, quod quassátum fúerat, non confrégit, sed útilius omníno refécit, ut vidélicet nobis novum formáret

Adam ex véteri, Hevam
transfúnderet in Mariám.
Te Deum laudámus.

Mense Julio

Ex Epístola sancti Ambró-
sii Epíscopi ad Sirícium
Papam

Epist. 81, alias 7, circa med.

Lectio iii

NON excédit fidem, quod
homo exívit de vírgi-
ne, quando petra fontem
prófluum scaturívit, fer-
rum super aquas natávit,
ambulávit homo super
aquas. Ergo si hóminem
unda portávit, non pótuit
hóminem virgo generáre,
atque hóminem, de quo
légimus : Et mittet illis
Dóminus hóminem, qui
salvos fáciat eos, et notus
erit Dóminus Ægyptiis?
In véteri itaque Testa-
ménto virgo Hebræórum
per mare duxit exércitum :
in novo Testaménto Vir-
go, géneris aula cæléstis,
elécta est ad salútem.

Te Deum laudámus.

Mense Augusto

De Expositióne sancti
Gregórii Papæ in libros
Regum *In 1 Reg. 1*

Lectio iii

FUIT vir unus de Ramá-
thaim Sophim, de
monte Ephraim. Potest

hujus montis nómine bea-
tíssima semper Virgo Ma-
ría, Dei Génitrix, designá-
ri. Mons quippe fuit, quæ
omnem eléctæ creatúræ al-
titúdinem, electiónis suæ
dignitáte, transcéndit. An
non mons sublímis María,
quæ, ut ad conceptionem
ætérni Verbi pertíngeret,
meritórum vérticem, su-
pra omnes Angelórum
choros, usque ad sólium
Deitátis eréxit? Hujus
enim montis præcellentís-
simam dignitátem Isaías
vaticínans, ait : Erit in
novíssimis diébus præpa-
rátus mons domus Dómini
in vértice móntium. Mons
quippe in vértice móntium
fuit, quia altitúdo Mariæ
supra omnes Sanctos re-
fúlsit.

Te Deum laudámus.

Mense Septembri

Ex Epístola sancti Leónis
Papæ ad Pulchériam
Augústam

Epistola 13 ante medium

Lectio iii

SACRAMÉNTUM reconci-
liatiónis nostræ, ante
témpora æténa dispósi-
tum, nullæ implébant figú-
ræ; quia nondum super-
vénerat Spíritus Sanctus
in Vírginem nec virtus
Altíssimi obumbráverat
ei, ut et intra inteme-

râta viscera, ædificânte sibi Sapiëntia domum, Verbum caro fieret, et, forma Dei ac forma servi in unam conveniënte personam, Creatôr tēporum nasceretur in tēpore, et, per quem facta sunt omnia, ipse inter omnia gigneretur. Nisi enim novus homo, factus in similitudi-

nem carnis peccâti, nostram susciperet vetustatem, et, consubstantiâlis Patri, consubstantiâlis esse dignaretur et matri, naturamque sibi nostram solus a peccâto liber uniret; sub iugo diaboli generaliter teneretur humana captivitas.

Te Deum laudamus.

OFFICIUM PARVUM B. MARIÆ VIRGINIS

IN VESPERIS

Ave Mariâ **secreto, quod dicitur semper in principio omnium Horarum.**

℣. Deus, in adiutorium meum intende. ℟. Domine, ad adiuvandum me festina.

Glória Patri. Sicut erat. Allelúja.

Antiphonæ, quæ in toto Officio parvo non duplicantur, Psalmi, Capitulum et Hymnus, ut supra in Communi Festorum B. Mariæ Virginis. [174]

℣. Diffusa est grátia in lábiis tuis. ℟. Propterea benedixit te Deus in ætérnum.

Ad Magnif. Ant. Beáta Mater * et intácta Virgo, gloriósa Regína mundi, intercède pro nobis ad Dóminum.

Kýrie, eléison. Christe, eléison. Kýrie, eléison.

℣. Dóminus vobiscum.

℟. Et cum spíritu tuo.

Oratio

Concède nos fámulos tuos, quæsumus, Dómine Deus, perpétua mentis et córporis sanitáte gaudére : et, gloriósa beátæ Mariæ semper Vírginis intercessióne, a præsentí liberári tristítia et ætérna pérfrui lætítia. Per Dóminum.

Et fit Commemoratio de Sanctis :

Ant. Sancti Dei omnes, intercédere dignemini pro nostra omniúmque salúte.

℣. Lætámini in Dómino et exsultáte, iusti. ℟. Et gloriámini, omnes recti corde.

Oratio

PRótege, Dómine, populum tuum, et, Apostolorum tuorum Petri et Pauli et aliorum Apostolorum patrocínio confidentem, perpétua defensione conserva.

OMnes Sancti tui, quæsumus, Dómine, nos ubique adjuvent : ut, dum eorum mérita recólimus, patrocínia sentiámus : et pacem tuam nostris concede temporibus, et ab Ecclesia tua cunctam repelle nequítiam; iter, actus et voluntates nostras, et ómnium famulorum tuorum, in salutis tuæ prosperitate dispóne, benefactoribus nostris sempiterna bona retribue, et ómnibus fidelibus defunctis réquiem ætérnam concede. Per Dóminum.

AD COMPLETORIUM

Ave Mariá, *ut supra*.

℣. Convérte nos, Deus, salutaris noster. ℟. Et avérte iram tuam a nobis.

℣. Deus, in adjutórium.

Ps. 128 Sæpe expugnâverunt, Ps. 129 De profundis, et Ps. 130 Dómine, non est exaltátum, *ut in Vesperis Feriæ IV. 161*

Hymnus

MEménto, rerum Cón-ditor,
Nostri quod olim córporis,

Sacrâta ab alvo Vírginis Nascéndo, formam sumpseris.

Mariá, Mater grátiae, Dulcis Parens cleméntiae, Tu nos ab hoste prótege Et mortis hora súscipe.

Jesu, tibi sit glória, Qui natus es de Vírgine, Cum Patre, et almo Spíritu,

In sempiterna sæcula.

Amen.

Capitulum Eccli. 24, 24

EGO mater pulchræ dilectionis, et timóris, et agnitiónis, et sanctæ spei.

℟. Deo grátias.

℣. Ora pro nobis, sancta Dei Génitrix. ℟. Ut digni efficiámur promissionibus Christi.

Ad Nunc dimittis Ant.
Sub tuum præsidium * confúgimus, sancta Dei Génitrix : nostras deprecationes ne despicias in necessitatibus, sed a periculis cunctis libera nos semper, Virgo gloriósa et benedícta.

Kýrie, eléison. Christe, eléison. Kýrie, eléison.

℣. Dóminus vobíscum.

℟. Et cum spíritu tuo.

Oratio

BEátæ et gloriósæ semper Vírginis Mariæ, quæsumus, Dómine, intercessio gloriósa nos próte-

gat : et ad vitam perdúcat ætérnam. Per Dóminum.

AD MATUTINUM

Ave María, *ut supra*.

℟. Dómine, lábia mea apéries. ℞. Et os meum annuntiábit laudem tuam.

℟. Deus, in adjutórium.

Invitat. Ave, María, grátia plena; * Dóminus tecum. *Ps. 94* Veníte, exultémus.

Hymn. Quem terra. [177]

In Nocturno

Antiphonæ et Psalmi ut in Communi Festorum beatæ Mariæ Virginis, scilicet :

Dominica, Ferial II et V : De I Nocturno. [177]

Ferial III et VI : De II Nocturno. [180]

Ferial IV et Sabbato : De III Nocturno. [184]

℟. Diffúsa est grátia in lábiis tuis. ℞. Proptérea benedíxit te Deus in ætérnum.

Pater noster *secreto usque ad* ℟. Et ne nos indúcas in tentatióem. ℞. Sed libera nos a malo.

Absolutio

PRécibus et méritis beatæ Mariæ semper Virginis et ómnium Sanctórum, perdúcat nos Dóminus ad regna cælórum.

℟. Amen.

℟. Jube, domne, benedícere. *Bened.* Nos cum

prole pia benedícat Virgo María. ℟. Amen.

Lectio i Eccli. 24, 11-13

IN ómnibus réquiem quæ sívi, et in hereditáte Dómini morábor. Tunc præcépit et dixit mihi Créátor ómnium, et, qui creávit me, requiévit in tabernáculo meo, et dixit mihi : In Jacob inhábita, et in Israél hereditáre, et in eléctis meis mitte radíces. Tu autem, Dómine, miserére nobis.

℟. Deo grátias.

℟. Sancta et immaculáta virgíntas, quibus te láudibus éfferam, néscio : * Quia quem cæli cápere non póterant, tuo grémio contulísti. ℟. Benedícta tu in muliéribus, et benedíctus fructus ventris tui. — Quia.

℟. Jube, domne, benedícere. *Bened.* Ipsa Virgo vírginum intercédát pro nobis ad Dóminum.

℟. Amen.

Lectio ii Eccli. 24, 15-20

ET sic in Sion firmáta sum, et in civitáte sanctificáta simíliter requiévi, et in Jerúsalem potéstas mea. Et radicávi in pópulo honorificáto, et in parte Dei mei heréditas illius, et in plenitúdine sanctórum deténtio mea. Tu autem.

℟. Beáta es, Virgo María, quæ Dóminum portásti, Creatórem mundi :
 * Genuísti qui te fecit, et in ætérnum pérmanes virgo. ℣. Ave, María, grátia plena; Dóminus tecum. — Genuísti. Glória Patri. Genuísti.

℣. Jube, domne, benedícere. Bened. Per Vírginem Matrem concédát nobis Dóminus salútem et pacem. ℟. Amen.

Lectio iii

Q Uasi cedrus exaltáta sum in Líbano, et quasi cypréssus in monte Sion : quasi palma exaltáta sum in Cades, et quasi plantátio rosæ in Jéricho : quasi olíva speciósa in campis, et quasi plátanus exaltáta sum juxta aquam in platéis. Sicut cinnamómun et bálsamum aromatízans odórem dedi; quasi myrrha elécta dedi suavitátem odóris. Tu autem.

Te Deum laudámus.

AD LAUDES

℣. Deus, in adjutórium.

Ant. 1 Assúpta est María in cælum : * gaudent Angeli, laudántes benedícunt Dóminum.

Psalmi de Dominica.

2 María Virgo assúpta est * ad æthéreum thálamum, in quo Rex regum stelláto sedet sólio.

3 In odórem * unguentórum tuórum cúrrimus : adolescéntulæ dilexérunt te nimis.

4 Benedícta * filia tu a Dómino : quia per te fructum vitæ comunicávimus.

5 Pulchra es * et decóra, filia Jerúsalem, terríbilis ut castrórum ácies ordináta.

Capitulum Cant. 6, 8

V Idérunt eam filíæ Sion, et beatíssimam prædicavérunt, et reginæ laudavérunt eam. ℟. Deo grátias.

Hymnus O gloriósa. [191]

℣. Benedícta tu in muliéribus. ℟. Et benedíctus fructus ventris tui.

Ad Bened. Ant. Beáta Dei Génitrix, María, * Virgo perpétua, templum Dómini, sacrárium Spíritus Sancti, sola sine exémplo placuísti Dómino nostro Jesu Christo : ora pro pópulo, intérvieni pro clero, intercède pro devóto femíneo sexu.

Kýrie, eléison. Christe, eléison. Kýrie, eléison.

℣. Dóminus vobíscum.

℟. Et cum spíritu tuo.

Oratio

D Eus, qui de beátæ Mariæ Vírginis útero Verbum tuum, Angelo nun-

tiante, carnem suscipere voluisti : præsta supplicibus tuis; ut, qui vere eam Genitricem Dei credimus, ejus apud te intercessionibus adjuvemur. Per eundem Dominum.

Et fit Commemoratio de Sanctis, ut supra ad Vesperas. [195]

AD PRIMAM

Ave Mariá, **ut supra.**

V. Deus, in adjutorium.

Hymnus

Memento, rerum Conditor,
Nostri quod olim corporis,
Sacráta ab alvo Virginitatis
Nascendo, formam sum-
pseris.

Mariá, Mater grátiae,
Dulcis Parens cleméntiae,
Tu nos ab hoste prótege
Et mortis hora súscipe.

Jesu, tibi sit glória,
Qui natus es de Virgine,
Cum Patre, et almo Spí-
ritu,

In sempitérna sæcula.

Amen.

Ant. Assúpta est Ma-
ría in cælum.

Ps. 53 Deus in nómine
tuo **154; Ps. 84** Benedixí-
sti **214; Ps. 116** Laudáte
Dóminum, omnes gen-
tes. **74**

Ant. Assúpta est Mariá
in cælum : gaudent An-

geli, laudantes benedícunt
Dóminum.

Capitulum Cant. 6, 9

QUÆ est ista, quæ pro-
gréditur quasi auróra
consurgens, pulchra ut lu-
na, elécta ut sol, terríbilis
ut castrórum ácies ordiná-
ta? **R.** Deo grátias.

V. Dignáre me laudáre
te, Virgo sacráta. **R.** Da
mihi virtútem contra ho-
stes tuos.

Kýrie, eléison. Christe,
eléison. Kýrie, eléison.

V. Dóminus vobíscum.

R. Et cum spíritu tuo.

Oratio

Deus, qui virginálem au-
lam beátæ Mariæ, in
qua habitáres, eligere di-
gnátus es : da, quæsu-
mus; ut, sua nos defen-
sione munitos, jucúndos
fácias suæ interésse com-
memoratióni : Qui vivis.

AD TERTIAM

Ave Mariá, **ut supra.**

V. Deus, in adjutorium.

Hymnus Memento, **ut
supra.**

Ant. Mariá Virgo assúm-
pta est.

Ps. 119 Ad Dóminum cum
tribulárer **93; Ps. 120**
Levávi óculos meos **ibid.;**

Ps. 121 Lætátus sum
94.

Ant. Mariá Virgo assúmpta est ad æthæreum thálamum, in quo Rex regum stelláto sedet sólio.

Capitulum Eccli. 24, 15

ET sic in Sion firmáta sum, et in civitáte sanctificáta simíliter requiévi, et in Jerúsalem potéstas mea. **R.** Deo grátias.

V. Diffúsa est grátia in lábiis tuis. **R.** Proptérea benedíxit te Deus in ætérnum.

Kýrie, eléison. Christe, eléison. Kýrie, eléison.

V. Dóminus vobíscum.

R. Et cum spíritu tuo.

Oratio

Deus, qui salútis æternæ, beátæ Mariæ virginitáte fecúnda, humáno géneri præmia præstitisti : tribue quæsumus; ut ipsam pro nobis intercédere sentiámus, per quam merúimus auctórem vitæ suscípere, Dóminum nostrum Jesum Christum, Fílium tuum : Qui tecum vivit.

AD SEXTAM

Ave Mariá, ut supra.

V. Deus, in adjutórium.

Hymnus Meménto. [199]

Ant. In odórem.

Ps. 122 Ad te levávi 125;

Ps. 123 Nisi quia Dóminus 126; **Ps. 124** Qui confidunt in Dómino **ibid.**

Ant. In odórem unguentórum tuórum cúrrimus : adolescéntulæ dilexérunt te nimis.

Capitulum Eccli. 24, 16

ET radicávi in pópulo honorificáto, et in parte Dei mei heréditas illíus, et in plenitúdine sanctórum deténtio mea.

R. Deo grátias.

V. Benedícta tu in muliéribus. **R.** Et benedíctus fructus ventris tui.

Kýrie, eléison. Christe, eléison. Kýrie, eléison.

V. Dóminus vobíscum.

R. Et cum spíritu tuo.

Oratio

Concéde, miséricors Deus, fragilitáti nostræ præsidium : ut, qui sanctæ Dei Genitrícis memóriam ágimus; intercessiónis ejus auxílio, a nostris iniquitatibus resurgámus. Per eúmdem Dóminum.

AD NONAM

Ave Mariá, ut supra.

V. Deus, in adjutórium.

Hymnus Meménto. [199]

Ant. Pulchra es.

Ps. 125 In convertendo 126; **Ps. 126** Nisi Dóminus 127; **Ps. 127** Beati omnes. 161

Ant. Pulchra es et decóra, fília Jerúsalem, terrí-

bilis ut castrorum ácies
ordináta.

Capit. Eccli. 24, 19-20

IN platéis sicut cinna-
mómum et bálsamum
aromatízans odórem dedi :
quasi myrrha elécta dedi
suavitátem odóris.

℟. Deo grátias.

℣. Post partum, Virgo, in-
violáta permansísti. ℟. Dei
Génitrix, intercède pro
nobis.

Kýrie, eléison. Christe,
eléison. Kýrie, eléison.

℣. Dóminus vobíscum.

℟. Et cum spíritu tuo.

Oratio

FAmulórum tuórum,
quásumus, Dómine,
delictis ignósce : ut, qui
tibi placére de áctibus no-
stris non valémus; Geni-
trícis Fílii tui, Dómini no-
stri, intercessióne salvé-
mur : Qui tecum vivit.





Officium Defunctorum

Dicitur in Choro in die depositionis et aliis diebus pro temporis opportunitate et ecclesiarum consuetudine : Vesperæ post Vesperas diei; Matutinum cum Laudibus post Laudes diei, immediate post V. Benedicamus Dómino et Deo grátias. Et non duplicantur Antiphonæ præterquam in die depositionis, in die post acceptum mortis nuntium, et tertio, septimo, trigesimo, et anniversario, etiam late sumpto; et quoties solemniter celebratur Officium. In fine vero omnium Psalmorum semper dicitur : Réquiem ætérnam * dona eis, Dómine. Et lux perpétua * lúceat eis **etiam si pro uno tantum fiat Officium.**

AD VESPERAS

Quoties Vesperæ vel delationem cadaveris ad ecclesiam ac Responsorium Subveníte vel Officium diei currentis immediate non sequantur, dicitur secreto Pater noster et Ave María; secus absolute incipitur ab

Ant. Placébo Dómino * in regione vivórum.

Psalmus 114

Relíxi, quóniam exáudiet Dóminus * vocem oratiónis meæ.

Quia inclinávit aurem suam mihi : * et in diébus meis invocábo.

Circumdedérunt me dolóres mortis : * et perícula inférni invenérunt me.

Tribulatiónem et dolórem invéni : * et nomen Dómini invocávi.

O Dómine, libera ánimam meam : * miséricors Dóminus, et justus, et Deus noster miserétur.

Custódiens párvulos Dóminus : * humiliátus sum, et liberávit me.

Convértere, ánima mea,
in réquiem tuam : * quia
Dóminus benefécit tibi.

Quia erípuit ánimam
meam de morte : * óculos
meos a lácrimis, pedes
meos a lapsu.

Placébo Dómino : * in re-
gióne vivórum.

Réquiem ætérnam.

Ant. Placébo Dómino in
regióne vivórum.

Ant. Hei mihi, Dómine, *
quia incolátus meus pro-
longátus est.

Psalmus 119

AD Dóminum cum tribu-
lárer clamávi : * et
exaúdivit me.

Dómine, libera ánimam
meam a lábiis iníquis, * et
a lingua dolósa.

Quid detur tibi, aut quid
apponátur tibi * ad lin-
guam dolósam?

Sagíttæ poténtis acútæ, *
cum carbónibus desolató-
riis.

Heu mihi, quia incolátus
meus prolongátus est : ha-
bitávi cum habitántibus
Cedar : * multum íncola
fuit ánima mea.

Cum his, qui odérunt pa-
cem, eram pacíficus : *
cum loquébar illis, impu-
gnábant me gratis.

Réquiem ætérnam.

Ant. Hei mihi, Dómine,
quia incolátus meus pro-
longátus est.

Ant. Dóminus custódit
te * ab omni malo : custó-
diat ánimam tuam Dómi-
nus.

Psalmus 120

LEvávi óculos meos in
montes, * unde véniet
auxílium mihi.

Auxílium meum a Dómi-
no, * qui fecit cælum et
terram.

Non det in commotióem
pedem tuum : * neque
dormítet qui custódit te.

Ecce non dormitábit ne-
que dórmiet, * qui custó-
dit Israël.

Dóminus custódit te, Dó-
minus protéctio tua, * su-
per manum dexteram
tuam.

Per diem sol non uret te : *
neque luna per noctem.

Dóminus custódit te ab
omni malo : * custódiat
ánimam tuam Dóminus.

Dóminus custódiat in-
tróitum tuum, et éxitum
tuum : * ex hoc nunc, et
usque in sæculum.

Réquiem ætérnam.

Ant. Dóminus custódit
te ab omni malo : custó-
diat ánimam tuam Dó-
minus.

Ant. Si iniquitátes * ob-
serváveris, Dómine : Dó-
mine, quis sustinébit?

Psalmus 129

DE profúndis clamávi ad
te, Dómine : * Dómi-
ne, exáudi vocem meam :

Fiant aures tuæ intendentes, * in vocem deprecationis meæ.

Si iniquitates observaveris, Dómine : * Dómine, quis sustinebit?

Quia apud te propitiatio est : * et propter legem tuam sustinui te, Dómine.

Sustinuit ánima mea in verbo ejus : * sperávit ánima mea in Dómino.

A custódia matutína usque ad noctem : * speret Israël in Dómino.

Quia apud Dóminum misericórdia : * et copiósa apud eum redemptio.

Et ipse redimet Israël, * ex ómnibus iniquitatibus ejus.

Réquiem ætérnam.

Ant. Si iniquitates observaveris, Dómine : Dómine, quis sustinebit?

Ant. Opera * mánuum tuárum, Dómine, ne despicias.

Psalmus 137

Confitébor tibi, Dómine, in toto corde meo : * quóniam audísti verba oris mei.

In conspéctu Angelórum psallam tibi : * adorábo ad templum sanctum tuum, et confitébor nómini tuo.

Super misericórdia tua, et veritáte tua : * quóniam magnificásti super omne, nomen sanctum tuum.

In quacúmque die invo-

cávero te, exáudi me : * multiplicábis in ánima mea virtútem.

Confiteántur tibi, Dómine, omnes reges terræ : * quia audierunt ómnia verba oris tui :

Et content in viis Dómini : * quóniam magna est glória Dómini.

Quóniam excélsus Dóminus, et humília respicit : * et alta a longe cognóscit.

Si ambulávero in médio tribulationis, vivificábis me : * et super iram inimicórum meórum extendísti manum tuam, et saluum me fecit dextera tua.

Dóminus retribuet pro me : * Dómine, misericórdia tua in sáculum : ópera mánuum tuárum ne despicias.

Réquiem ætérnam.

Ant. Opera mánuum tuárum, Dómine, ne despicias.

℟. Audívi vocem de cælo dicéntem mihi. ℟. Beáti mórtui qui in Dómino moriúntur.

Ad Magnif. Ant. Omne * quod dat mihi Pater, ad me véniet; et eum qui venit ad me, non ejiciam foras.

Canticum B. Mariæ V.

Luc. 1, 46-55

Magnificat * ánima mea Dóminum : Et exsultávit spíritus meus * in Deo, salutári meo.

Quia respéxit humilitátem ancillæ suæ : * ecce enim, ex hoc beátam me dicent omnes generatiónes.

Quia fecit mihi magna qui potens est : * et sanctum nomen ejus.

Et misericórdia ejus a progénie in progénies * timéntibus eum.

Fecit poténtiam in bráchio suo : * dispérsit supérbos mente cordis sui.

Depósuit poténtes de sede, * et exaltávit húmiles.

Esuriéntes implévit bonis : * et dívites dimísit inánes.

Suscépit Israël, púerum suum, * recordátus misericórdiæ suæ.

Sicut locútus est ad patres nostros, * Abraham, et sémini ejus in sǎcula.

Réquiem ætérnam.

Ant. Omne quod dat mihi Pater, ad me véniet; et eum qui venit ad me, non ejíciam foras.

Preces infrascriptæ dicuntur flexis genibus; similiter et ad Laudes.

Pater noster **secreto usque ad V.** Et ne nos indúcas in tentatióem. **R.** Sed libera nos a malo.

¶ **Sequens Ps.** Lauda, ánima mea, non dicitur in die obitus seu depositionis defuncti, neque quandocumque Officium recitatur ritu duplici.

Psalmus 145

Lauda, ánima mea, Dóminum, laudábo Dóminum in vita mea : * psallam Deo meo quámdiu fúero.

Nolíte confídere in princípibus : * in fíliis hóminum, in quibus non est salus.

Exíbit spíritus ejus, et reuertétur in terram suam : * in illa die peribunt omnes cogitatiónes eórum.

Beátus, cujus Deus Jacob adjútor ejus, spes ejus in Dómino, Deo ipsíus : * qui fecit cælum et terram, mare, et ómnia, quæ in eis sunt.

Qui custódit veritátem in sǎculum, facit judícium injúriam patiéntibus : * dat escam esuriéntibus.

Dóminus solvit compedítos : * Dóminus illúminat cæcos.

Dóminus érigit elisos, * Dóminus díligit justos.

Dóminus custódit ádvenas, pupíllum et víduam suscípiet : * et vias peccatórum dispérdet.

Regnábit Dóminus in sǎcula, Deus tuus, Sion, * in generatióem et generatióem.

Réquiem ætérnam.

Deinde : V. A porta inferi. **R.** Erue, Dómine, ánimam ejus (ánimas eórum).

℣. Requiesca(n)t in pace.

℟. Amen.

℣. Dómine, exáudi orationem meam. ℟. Et clamor meus ad te véniat.

℣. Dóminus vobíscum.

℟. Et cum spíritu tuo.

Orémus.

Dicitur Oratio conveniens ex iis, quæ sequuntur; deinde

℣. Réquiem ætérnam, cum reliquis, ut infra. [208]

In die depositionis defuncti

Oratio

Absólve, quæsumus, Dómine, ánimam fámuli tui **N.** (fámulæ tuæ **N.**), ut defúctus (-a) sáeculo tibi vivat : et, quæ per fragilitátem carnis humana conversatióne commísit, tu vénia misericordíssimæ pietátis abstérge. Per Dóminum nostrum Jesum Christum, Fílium tuum : qui tecum vivit et regnat in unitáte Spíritus Sancti Deus, per ómnia sáecula sæculórum.

℟. Amen.

Vel alia Oratio

Deus, cui próprium est miseréri semper et párcere, te súpplíces exorámus pro ánima fámuli tui **N.** (fámulæ tuæ **N.**), quam hódie de hoc sáeculo migráre jussísti : ut non tradas eam in manus inimíci, neque obliviscáris in finem, sed júbeas eam a

sanctis Angelis súscipi, et ad pátriam paradísi perducí; ut, quia in te sperávit et crédidit, non pœnas inférni sustíneat, sed gáudia ætérna possídeat. Per Dóminum.

In die tertio, septimo et trigésimo depositionis defuncti

Oratio

Quæsumus, Dómine, ut ánimæ fámuli tui **N.** (fámulæ tuæ **N.**), cujus depositiόνis diem tértium (vel séptimum, vel trigésimum) commemorámus, Sanctórum atque electórum tuórum largíri dignéris consórtium; et rorem misericórdiæ tuæ perénnem infúndas. Per Dóminum.

In Anniversario

Oratio

Deus, indulgentiárum Dómine : da ánimæ fámuli tui **N.** (fámulæ tuæ **N.**, vel animábus famulórum famularúmque tuárum), cujus (quorum) anniversárium depositiόνis diem commemorámus, refrigeríi sedem, quiétis beatitúdinem, et lúminis claritátem. Per Dóminum.

Pro defuncto Summo Pontifice

Oratio

Deus, qui inter summos sacerdótes fámulum tuum **N.** ineffábili tua dis-

positiōne connumerāri voluisti : præsta, quæsumus; ut, qui unigéniti Filii tui vices in terris gerébat, sanctórum tuórum Pontíficum consórtio perpétuo aggregétur. Per eúmdem Dóminum.

Pro defuncto Episcopo

Oratio

DEus, qui inter apostólicos sacerdótes fámulum tuum **N.** (fámulos tuos **N.** et **N.**) pontificáli fecisti dignitáte vigére : præsta, quæsumus; ut eórum quoque perpétuo aggregé(n)tur consórtio. Per Dóminum.

Pro Episcopo Cardinali defuncto dicatur fámulum tuum N. Episcopum Cardinalem pontificáli fecisti dignitáte.

Pro Presbytero Cardinali (Episcopo) defuncto : fámulum tuum **N.** Presbyterum Cardinalem pontificáli fecisti.

Pro Presbytero (vel Diacono) Cardinali (Sacerdote) defuncto : fámulum tuum **N.** Presbyterum (Diáconum) Cardinalem sacerdotáli fecisti.

Pro Diacono autem Cardinali, qui in ordine Presbyteratus non fuerit constitutus, dicatur Oratio Inclína, Dómine, quæ habetur paulo infra, hoc modo : ut animam fámuli tui **N.** Diáconi Cardinális, quam de hoc sæculo etc.

Pro defuncto Sacerdote

Oratio

DEus, qui inter apostólicos sacerdótes fámulum tuum **N.** (fámulos tuos **N.** et **N.**) sacerdotáli fecisti dignitáte vigére : præsta, quæsumus; ut eórum quoque perpétuo aggregé(n)tur consórtio. Per Dóminum.

Alia Oratio

PRæsta, quæsumus, Dómine : ut ánima fámuli tui **N.** Sacerdotis, quem, in hoc sæculo commorántem, sacris munéribus decorásti, in cælésti sede gloriósa semper exsúltet. Per Dóminum.

Pro uno defuncto

Oratio

INclína, Dómine, aurem tuam ad preces nostras, quibus misericórdiam tuam súpplīces deprecámur : ut animam fámuli tui **N.**, quam de hoc sæculo migráre jussisti, in pacis ac lucis regiōne constitúas, et Sanctórum tuórum júbeas esse consórtiem. Per Dóminum.

Pro una defuncta

Oratio

QUæsumus, Dómine, pro tua pietáte miserére animæ fámulæ tuæ **N.** : et a contágiis mortalitátis exútam, in æternæ salutiōnis partem restítue. Per Dóminum.

Pro defunctis fratribus, propinquis et benefactoribus

Oratio

DEus, véniae largítor et humánæ salútis amátor : quæsumus cleméntiam tuam; ut nostræ congregatiónis fratres, propínquos et benefactóres, qui ex hoc sáculo transiérunt, beáta María semper Vírgine intercedénte cum ómnibus Sanctis tuis, ad perpétuæ beatitúdinis consórtium perveníre concédas. Per Dóminum.

Pro patre et matre

Oratio

DEus, qui nos patrem et matrem honoráre præcepisti : miserére cleménter animábus patris et matris meæ, eorúmque peccáta dimítte; meque eos in æternæ claritátis gáudio fac vidére. Per Dóminum.

Si fit pro pluribus, dicatur : animábus paréntum nostrórum, **et, ubi dicitur** meque, **dicatur** nosque.

Si pro patre tantum, dicatur ánimæ patris mei, **vel** nostri.

Si pro matre tantum, dicatur ánimæ matris meæ, **vel** nostræ.

In Officio Defunctorum
per Annum

Oratio

DEus, qui inter apostólicos sacerdótes fámulos tuos pontificáli seu

sacerdotáli fecisti dignitáte vigére : præsta, quæsumus; ut eórum quoque perpétuo aggregéntur consórtio.

DEus, véniae largítor et humánæ salútis amátor : quæsumus cleméntiam tuam; ut nostræ congregatiónis fratres, propínquos et benefactóres, qui ex hoc sáculo transiérunt, beáta María semper Vírgine intercedénte cum ómnibus Sanctis tuis, ad perpétuæ beatitúdinis consórtium perveníre concédas.

FIdélium, Deus, ómnium Cónditor et Redemptor, animábus famulórum famularúmque tuárum remissionem cunctórum tribue peccatórum : ut indulgéntiam, quam semper optavérunt, piis supplicatióibus consequántur : Qui vivis et regnas cum Deo Patre in unitáte Spíritus Sancti Deus, per ómnia sácula sæculórum. **℟.** Amen.

Post Orationem dicitur (semper plurali numero) :

℣. Réquiem ætérnam dona eis, Dómine. **℟.** Et lux perpétua lúceat eis.

℣. Requiéscant in pace. **℟.** Amen.

AD MATUTINUM

Quoties Matutinum vel de-
lationem cadaveris ad eccle-
siam ac Responsorium Sub-
veníte, vel Matutinum et
Laudes diei currentis imme-
diate non sequatur, dicitur
secreto Pater noster, Ave
María et Credo; secus abso-
lute incipitur ab Invitatorio,
vel ab Antiphona Nocturni.

Sequens Invitatorium dici-
tur semper in Officio Defun-
ctorum, quando persolvitur
cum tribus Nocturnis, etiam
sub ritu semiduplici, aut cum
unico quidem Nocturno, sed
sub ritu duplici. In reliquis
vero casibus omittitur.

Nocturni enim inferius po-
siti omnes dici possunt vel
etiam unus tantum, ita tamen,
ut extra diem depositionis,
in qua semper dicitur primus
Nocturnus, Dominica, Fe-
ria II et V dicatur primus,
Feria III et VI secundus, et
Feria IV et Sabbato tertius
Nocturnus.

Invitat. Regem, cui óm-
nia vivunt, * Veníte, ado-
rémus.

Repet. Regem, cui óm-
nia vivunt, veníte, ado-
rémus.

Psalmus 94



Eníte, exsultémus
Dómino, jubilémus
Deo, salutári no-
stro : præoccupémus fá-
ciem ejus in confessióne,
et in psalmis jubilémus ei.

Regem, cui ómnia vi-
vunt, veníte, adorémus.

Quóniam Deus magnus
Dóminus, et Rex magnus
super omnes deos : quó-
niam non repéllet Dómi-
nus plebem suam : quia in
manu ejus sunt omnes
fines terræ, et altitúdines
móntium ipse cónspicit.

Veníte, adorémus.

Quóniam ipsíus est mare,
et ipse fecit illud, et ári-
dam fundavérunt manus
ejus : veníte, adorémus, et
procidámus ante Deum :
plorémus coram Dómino,
qui fecit nos, quia ipse est
Dóminus, Deus noster;
nos autem pópulus ejus, et
oves páscuæ ejus.

Regem, cui ómnia vi-
vunt, veníte, adorémus.

Hódie, si vocem ejus au-
diéritis, nolíte obduráre
corda vestra, sicut in exa-
cerbatióne secúndum diem
tentatiónis in desérto : ubi
tentavérunt me patres ve-
stri, probavérunt et vidé-
runt ópera mea.

Veníte, adorémus.

Quadráginta annis próxi-
mus fui generatióni huic,
et dixi : Semper hi errant
corde; ipsi vero non cogno-
vérunt vias meas : quibus
jurávi in ira mea : Si introí-
bunt in réquiem meam.

Regem, cui ómnia vi-
vunt, veníte, adorémus.

Réquiem ætérnam dona
eis, Dómine : et lux perpé-
tua lúceat eis.

Veníte, adorémus.

Regem, cui ómnia vivunt, veníte, adorémus.

In I Nocturno

Pro Dominica, Feria II et V

Ant. Dírige, * Dómine, Deus meus, in conspéctu tuo viam meam.

Psalmus 5



Erba mea áuribus pércipe, Dómine, * intéllige clamórem meum.

Inténde voci oratiónis meæ, * Rex meus et Deus meus.

Quóniam ad te orábo : * Dómine, mane exáudies vocem meam.

Mane astábo tibi et vidébo : * quóniam non Deus volens iniquitátem tu es.

Neque habitábit juxta te malignus : * neque permanébunt injústi ante óculos tuos.

Odísti omnes, qui operántur iniquitátem : * perdes omnes, qui loquúntur mendácium.

Virum sánguinem et dolósum abominábitur Dóminus : * ego autem in multítudine misericórdiæ tuæ,

Introibo in domum tuam : * adorábo ad templum sanctum tuum in timóre tuo.

Dómine, deduc me in justítia tua : * propter inimi-

cos meos dírige in conspéctu tuo viam meam.

Quóniam non est in ore eórum véritas : * cor eórum vanum est.

Sepúlcrum patens est guttur eórum, linguis suis dolóse agébant, * júdica illos, Deus.

Décidant a cogitatióibus suis, secúndum multítudinem impietátum eórum expélle eos, * quóniam irritavérunt te, Dómine.

Et læténtur omnes, qui sperant in te, * in ætérnum exsultábunt : et habitábis in eis.

Et gloriabúntur in te omnes, qui díligunt nomen tuum, * quóniam tu benedíces justo.

Dómine, ut scuto bonæ voluntátis tuæ * coronásti nos.

Réquiem ætérnam.

Ant. Dírige, Dómine, Deus meus, in conspéctu tuo viam meam.

Ant. Convértere, * Dómine, et éripe ánimam meam : quóniam non est in morte, qui memor sit tui.

Psalmus 6

Dómine, ne in furóre tuo árguas me, * neque in ira tua corripas me.

Miserére mei, Dómine, quóniam infirmus sum : * sana me, Dómine, quóniam conturbáta sunt ossa mea.

Et ánima mea turbáta est valde : * sed tu, Dómine, úsquequo?

Convértere, Dómine, et éripe ánimam meam : * salvum me fac propter misericórdiam tuam.

Quóniam non est in morte qui memor sit tui : * in inférno autem quis confitébitur tibi?

Laborávi in gémitu meo, lavábo per síngulas noctes lectum meum : * lácrimis meis stratum meum rigábo.

Turbátus est a furóre óculus meus : * inveterávi inter omnes inimícos meos.

Discédite a me, omnes, qui operámini iniquitatem : * quóniam exaudivit Dóminus vocem fletus mei.

Exaudivit Dóminus deprecationem meam, * Dóminus orationem meam suscepit.

Erubéscant, et conturbéntur veheménter omnes inimíci mei : * convertántur et erubéscant valde velóciter.

Réquiem ætérnam.

Ant. Convértere, Dómine, et éripe ánimam meam : quóniam non est in morte, qui memor sit tui.

Ant. Nequándo rápiat * ut leo ánimam meam, dum

non est qui rédimat, neque qui salvum fáciat.

Psalmus 7

Dómine, Deus meus, in te sperávi : * salvum me fac ex ómnibus persecúentibus me, et libera me.

Nequándo rápiat ut leo ánimam meam, * dum non est qui rédimat, neque qui salvum fáciat.

Dómine, Deus meus, si feci istud, * si est iníquitas in mánibus meis :

Si réddidi retribuéntibus mihi mala, * decídám mérito ab inimícis meis inánis.

Persequátur inimícus ánimam meam, et comprehéndat, et concúlcet in terra vitam meam, * et glóriam meam in púlverem dedúcat.

Exsúrge, Dómine, in ira tua : * et exaltáre in fínibus inimicórum meórum.

Et exsúrge, Dómine, Deus meus, in præcépto quod mandásti : * et synagóga populórum circúmdabit te.

Et propter hanc in altum regrédere : * Dóminus júdicat pópulos.

Júdica me, Dómine, secúndum justítiam meam, * et secúndum innocéntiam meam super me.

Consumétur nequítia peccatórum, et díriges ju-

stum, * scrutans corda et renes, Deus.

Justum adiutorium meum a Dómino, * qui salvos facit rectos corde.

Deus iudex justus, fortis, et pátiens : * numquid iráscitur per singulos dies?

Nisi convérsi fuéritis, gládium suum vibrábit : * arcum suum teténdit, et parávit illum.

Et in eo parávit vasa mortis : * sagíttas suas ardéntibus effécit.

Ecce partúriit injustítiam : * concépit dolórem, et péperit iniquitátem.

Lacum apérui, et effódit eum : * et incidit in fóveam quam fecit.

Convertétur dolor ejus in caput ejus : * et in vérticem ipsíus iniquitas ejus descéndet.

Confitébor Dómino secúndum justítiam ejus : * et psallam nómini Dómini altíssimi.

Réquiem ætérrnam.

Ant. Nequándo rápiat ut leo ánimam meam, dum non est qui rédimat, neque qui salvum fáciat.

V. A porta inferi. **R.** Erue, Dómine, ánimas eórum.

Pater noster, **totum secreto.**

Lectiones leguntur sine Absolutione, Benedictionibus et Titulo.

Lectio i Job 7, 16-21



Arce mihi, Dómine; nihil enim sunt dies mei. Quid est homo, quia magníficas eum? aut quid appónis erga eum cor tuum? Visitas eum dilúculo, et súbito probas illum. Usquequo non parcis mihi, nec dimíttis me, ut glútiam salívam meam? Peccávi, quid fáciam tibi, o custos hóminum? quare posuísti me contrárium tibi, et factus sum mihimet-ípsi gravis? Cur non tollis peccátum meum, et quare non aufers iniquitátem meam? Ecce nunc in púlvere dórmiam : et si mane me quæsieris, non subsístam.

Lectiones terminantur sine Tu autem, vel alia conclusione.

R. Credo quod Redémptor meus vivit, et in novíssimo die de terra surrectúrus sum, * Et in carne mea vidébo Deum, Salvátorem meum. **V.** Quem visúrus sum ego ipse, et non álius; et óculi mei conspectúri sunt. — Et.

Lectio ii Job 10, 1-12

Tædet ánimam meam vitæ meæ, dimíttam advérsus me elóquium meum, loquar in amaritúdine ánimæ meæ. Dicam Deo : Noli me condemnáre : índica mihi, cur me ita

júdice. Numquid bonum tibi videtur, si calumniéris me, et ópprimas me, opus mánuum tuárum, et consílium impiórum ádjuves? Numquid óculi cárnei tibi sunt; aut, sicut videt homo, et tu vidébis? Numquid sicut dies hóminis dies tui, et anni tui sicut humana sunt témpora, ut quæras iniquitátem meam, et peccátum meum scrutéris? Et scias quia nihil ímpium fécerim, cum sit nemo qui de manu tua possit erúere.

℟. Qui Lázarum resuscitásti a monuménto fétidum, * Tu eis, Dómine, dona réquiem, et locum indulgéntiæ. ℣. Qui ventúrus es judicáre vivos et mórtuos, et sáeculum per ignem. — Tu.

Lectio iii

Manus tuæ fecerunt me, et plasmavérunt me totum in circúitu : et sic repénite præcípitas me? Meménto, quæso, quod sicut lutum féceris me, et in púlverem redúces me. Nonne sicut lac mulsísti me, et sicut cáseum me coagulásti? Pelle et cáribus vestísti me, óssibus et nervis compegísti me. Vitam et misericórdiam tribuísti mihi, et visitatio tua custodívit spíritum meum.

℟. Dómine, quando véneris judicáre terram, ubi me abscondam a vultu iræ tuæ? * Quia peccávi nimis in vita mea. ℣. Commissa mea pavésco, et ante te erubésco : dum véneris judicáre, noli me condemnáre. — Quia. Réquiem ætérnam dona eis, Dómine : et lux perpétua lúceat eis. Quia.

Postea ad Laudes, ut infra [222], quando dicitur unum tantum Nocturnum.

Quando tamen in die depositionis defuncti Laudes non dicuntur, post III Responsorium dicuntur Pater noster, et Preces, ut supra ad Vesperas. [205]

In II Nocturno

Pro Feria III et VI

Ant. In loco páscae * ibi me collocávit.

Psalmus 22

Dominus regit me, et nihil mihi déerit : * in loco páscae ibi me collocávit.

Super aquam refectionis educávit me : * ánimam meam convértit.

Dedúxit me super sémitas justítiæ, * propter nomen suum.

Nam, et si ambulávero in médio umbræ mortis, non timébo mala : * quóniam tu mecum es.

Virga tua, et báculo tuus : * ipsa me consolata sunt.

Parasti in conspectu meo mensam, * adversus eos, qui tribulant me.

Impinguasti in oleo caput meum : * et calix meus inebrians quam praeclarus est!

Et misericordia tua subsequetur me * omnibus diebus vitae meae :

Et ut inhabitem in domo Domini, * in longitudinem dierum.

Requiem aeternam.

Ant. In loco pascuae ibi me collocavit.

Ant. Delicta * juventutis meae, et ignorantias meas ne memineris, Domine.

Psalmus 24

AD te, Domine, levavi animam meam : * Deus meus, in te confido, non erubescam.

Neque irideant me inimici mei : * etenim universi, qui sustinent te, non confundentur.

Confundantur omnes iniqua agentes * supervacue.

Vias tuas, Domine, demonstra mihi : * et semitas tuas edoce me.

Dirige me in veritate tua, et doce me : * quia tu es, Deus, salvator meus, et te sustinui tota die.

Reminiscere miserationum tuarum, Domine, *

et misericordiarum tuarum, quae a saeculo sunt.

Delicta juventutis meae, * et ignorantias meas ne memineris.

Secundum misericordiam tuam memento mei tu : * propter bonitatem tuam, Domine.

Dulcis et rectus Dominus : * propter hoc legem dabit delinquentibus in via.

Diriget mansuetos in iudicio : * docebit mites vias suas.

Universae viae Domini, misericordia et veritas, * requiruntibus testamentum ejus et testimonia ejus.

Propter nomen tuum, Domine, propitiaberis peccato meo : * multum est enim.

Quis est homo qui timet Dominum? * legem statuit ei in via, quam elegit.

Anima ejus in bonis demorabitur : * et semen ejus hereditabit terram.

Firmamentum est Dominus timentibus eum : * et testamentum ipsius ut manifestetur illis.

Oculi mei semper ad Dominum : * quoniam ipse evellet de laqueo pedes meos.

Respice in me, et miserere mei : * quia unicus et pauper sum ego.

Tribulationes cordis mei multiplicatae sunt : * de

necessitatibus meis erue me.

Vide humilitatem meam, et laborem meum : * et dimitte universa delicta mea.

Réspice inimicos meos quóniam multiplicati sunt, * et ódio iniquo odérunt me.

Custódi ánimam meam, et erue me : * non erubescam quóniam sperávi in te.

Innocéntes et recti adhæserunt mihi : * quia sustinui te.

Líbera, Deus, Israël, * ex ómnibus tribulatióibus suis.

Réquiem ætérnam.

Ant. Delicta juventutis meæ, et ignorántias meas ne memíneris, Dómine.

Ant. Credo vidére * bona Dómini in terra vivéntium.

Psalmus 26

Dominus illuminatio mea, et salus mea, * quem timébo?

Dóminus protéctor vitæ meæ, * a quo trepidábo?

Dum apprópíant super me nocéntes, * ut edant carnes meas :

Qui tríbulant me inimici mei, * ipsi infirmáti sunt, et cecidérunt.

Si consístant advérsus me castra, * non timébit cor meum.

Si exsúrgat advérsus me prœlium, * in hoc ego sperábo.

Unam pétii a Dómino, hanc requíram, * ut inhábitem in domo Dómini ómnibus diébus vitæ meæ :

Ut vídeam voluptátem Dómini, * et visitem templum ejus.

Quóniam abscondit me in tabernáculo suo : * in die malórum protéxit me in abscondito tabernáculi sui.

In petra exaltávit me : * et nunc exaltávit caput meum super inimicos meos.

Circuíví, et immolávi in tabernáculo ejus hóstiam vociferatiónis : * cantábo, et psalmum dicam Dómino.

Exáudi, Dómine, vocem meam, qua clamávi ad te : * miserére mei, et exáudi me.

Tibi dixit cor meum, exquísívit te fácies mea : * faciém tuam, Dómine, requíram.

Ne avértas faciém tuam a me : * ne declínes in ira a servo tuo.

Adjútor meus esto : * ne derelínquas me, neque despicias me, Deus, salutaris meus.

Quóniam pater meus, et mater mea dereliquerunt me : * Dóminus autem assúmpsit me.

Legem pone mihi, Dómine, in via tua : * et dirige me in sémitam rectam propter inimicos meos.

Ne tradideris me in animas tribulántium me : * quóniam insurrexérunt in me testes iníqui, et mentíta est iníquitas sibi.

Credo vidére bona Dómini * in terra vivéntium.

Exspécta Dóminum, viríliter age : * et confortetur cor tuum, et sústine Dóminum.

Réquiem ætérnam.

Ant. Credo vidére bona Dómini in terra vivéntium.

✠. Cóllocet eos Dóminus cum princípibus. ✠. Cum princípibus pópuli sui.

Pater noster, **totum secreto.**

Lectio iv Job 13, 22-28

Espónde mihi : Quantas hábeo iniquitátes et peccáta, scélera mea et delícta osténde mihi. Cur faciém tuam abscondís, et arbitráris me inimícum tuum? Contra fólium, quod vento rápítur, osténdis poténtiam tuam, et stípulam siccam perséqueris. Scribis enim contra me amaritúdes, et consúmere me vis peccátis adolescéntiæ meæ. Posuísti in nervo pedem meum, et observásti omnes sémitas meas, et

vestígia pedum meórum considerásti; qui quasi putrédo consuméndus sum, et quasi vestiméntum, quod coméditur a tinea.

✠. Meménto mei, Deus, quia ventus est vita mea, * Nec aspíciat me visus hóminis. ✠. De profúndis clamávi ad te, Dómine : Dómine, exáudi vocem meam. — Nec.

Lectio v Job 14, 1-6

Homo natus de muliere, brevi vivens témpore, replétur multis misériis. Qui quasi flos egréditur et contéritur, et fugit velut umbra, et numquam in eódem statu pérmanet. Et dignum ducis super hujuscémodi aperíre óculos tuos, et addúcere eum tecum in iudícium? Qui potest fácere mundum de immúndo concéptum sémine? Nonne tu qui solus es? Breves dies hóminis sunt, númerus ménsium ejus apud te est : constituísti términos ejus, qui præteríri non póterunt. Recéde páululum ab eo, ut quiéscat, donec optáta véniat, sicut mercenárii, dies ejus.

✠. Hei mihi, Dómine, quia peccávi nimis in vita mea : Quid faciám, miser? ubi fúgiam, nisi ad te, Deus meus? * Miserére mei, dum véneris in novíssimo die. ✠. Anima mea turbáta est

valde, sed tu, Dómine, succúrre ei. — Miserére mei, dum véneris in novíssimo die.

Lectio vi Job 14, 13-16

Quis mihi hoc tribuat, ut in inférno prótegas me et abscondas me, donec pertránseat furor tuus, et constituas mihi tempus in quo recordéris mei? Putásne mórtuus homo rursum vivat? Cunctis diébus quibus nunc milito, exspécto donec véniat immutatio mea. Vocábis me, et ego respondébo tibi; óperi mánuum tuárum pórriges dexteram. Tu quidem gressus meos dinumerásti, sed parce peccátis meis.

℟. Ne recordéris peccáta mea, Dómine, * Dum véneris judicáre sáeculum per ignem. ℣. Dirige, Dómine, Deus meus, in conspéctu tuo viam meam. — Dum. Réquiem ætérnam dona eis, Dómine : et lux perpétua lúceat eis. Dum.

Postea ad Laudes, ut infra [222], quando dicitur unum tantum Nocturnum.

In III Nocturno

Pro Feria IV et Sabbato

Ant. Compláceat * tibi, Dómine, ut erípias me : Dómine, ad adjuvándum me réspice.

Psalmus 39



Xspéctans exspectávi Dóminum, * et inténdit mihi.

Et exaudivit preces meas : * et edúxit me de lacu misériae, et de luto fæcis.

Et státuit super petram pedes meos : * et diréxit gressus meos.

Et immísit in os meum cánticum novum, * carmen Deo nostro.

Vidébunt multi, et timébunt : * et sperábunt in Dómino.

Beátus vir, cujus est nomen Dómini spes ejus : * et non respéxit in vanitátes et insánias falsas.

Multa fecísti tu, Dómine, Deus meus, mirabília tua : * et cogitatiónibus tuis non est qui símilis sit tibi.

Annuntiávi et locútus sum : * multiplicáti sunt super númerum.

Sacrificium et oblatiónem nolúisti : * aures autem perfecísti mihi.

Holocáustum et pro peccáto non postulásti : * tunc dixi : Ecce, vénio.

In cápite libri scriptum est de me ut fácerem voluntátem tuam : * Deus meus, vólui, et legem tuam in médio cordis mei.

Annuntiávi justítiam tuam in ecclésia magna, *

ecce lábia mea non prohibébo : Dómine, tu scisti.

Justítiam tuam non abscondi in corde meo : * veritátem tuam et salutáre tuum dixi.

Non abscondi misericórdiam tuam et veritátem tuam * a concílio multo.

Tu autem, Dómine, ne longe fácias miseratiónes tuas a me : * misericórdia tua et véritas tua semper suscepérunt me.

Quóniam circumdedérunt me mala, quorum non est númerus : * comprehendérunt me iniquitátes meæ, et non pótui ut vidérem.

Multiplicátæ sunt super capillos cápitis mei : * et cor meum derelíquit me.

Compláceat tibi, Dómine, ut éruas me : * Dómine, ad adjuvándum me réspice.

Confundántur et reve-reántur simul, qui quæ-runt ánimam meam, * ut áuferant eam.

Convertántur retrórsum, et reve-reántur, * qui volunt mihi mala.

Ferant conféstim confusiónem suam, * qui dicunt mihi : Euge, euge.

Exsúltent et læténtur super te omnes quæréntes te : * et dicant semper : Magnificétur Dóminus : qui díligunt salutáre tuum.

Ego autem mendícus sum, et pauper : * Dóminus sollicitus est mei.

Adjútor meus, et protéctor meus tu es : * Deus meus, ne tardáveris.

Réquiem ætérnam.

Ant. Compláceat tibi, Dómine, ut erípias me : Dómine, ad adjuvándum me réspice.

Ant. Sana, Dómine, * ánimam meam, quia peccávi tibi.

Psalmus 40

BEátus qui intélligit super egénium, et páuperem : * in die mala liberábit eum Dóminus.

Dóminus consérvet eum, et vivíficet eum, et beátum fáciat eum in terra : * et non tradat eum in ánimam inimicórum ejus.

Dóminus opem ferat illi super lectum dolóris ejus : * univérsum stratum ejus versásti in infirmitáte ejus.

Ego dixi : Dómine, misérere mei : * sana ánimam meam, quia peccávi tibi.

Inimíci mei dixerunt mala mihi : * Quando moriétur, et peribit nomen ejus?

Et si ingrediebátur ut vidéret, vana loquebátur : * cor ejus congregávit iniquitátem sibi.

Egrediebátur foras, * et loquebátur in idípsum.

Advérsum me susurrábant omnes inimíci mei : * advérsum me cogitábant mala mihi.

Verbum iniquum constituerunt adversum me : * Numquid qui dormit non adjiciet ut resurgat?

Etenim homo pacis meae, in quo speravi : * qui edebat panes meos, magnificavit super me supplantationem.

Tu autem, Domine, miserere mei, et resuscita me : * et retribuas eis.

In hoc cognovi quoniam voluisti me : * quoniam non gauderet inimicus meus super me.

Me autem propter innocentiam suscepisti : * et confirmasti me in conspectu tuo in aeternum.

Benedictus Dominus, Deus Israel, a saeculo et usque in saeculum : * fiat, fiat.

Réquiem aeternam.

Ant. Sana, Domine, animam meam, quia peccavi tibi.

Ant. Sitivit * anima mea ad Deum vivum : quando veniam, et apparebo ante faciem Domini?

Psalmus 41

Quemadmodum desiderat cervus ad fontes aquarum : * ita desiderat anima mea ad te, Deus.

Sitivit anima mea ad Deum fortem vivum : * quando veniam, et apparebo ante faciem Dei?

Fuerunt mihi lacrimae meae panes die ac nocte : *

dum dicitur mihi quotidie : Ubi est Deus tuus?

Haec recordatus sum, et effudi in me animam meam : * quoniam transibo in locum tabernaculi admirabilis, usque ad domum Dei.

In voce exultationis, et confessionis : * sonus epulantis.

Quare tristis es, anima mea? * et quare conturbas me?

Spera in Deo, quoniam adhuc confitebor illi : * salutare vultus mei, et Deus meus.

Ad meipsum anima mea conturbata est : * propterea memor ero tui de terra Jordanis, et Hermonim a monte modico.

Abyssus abyssum invocet, * in voce cataractarum tuarum.

Omnia excelsa tua, et fluctus tui * super me transierunt.

In die mandavit Dominus misericordiam suam : * et nocte canticum ejus.

Apud me oratio Deo vitae meae, * dicam Deo : Susceptor meus es.

Quare oblitus es mei? * et quare contristatus incedo, dum affligit me inimicus?

Dum confringuntur ossa mea, * exprobraverunt mihi qui tribulant me inimici mei.

Dum dicunt mihi per singulos dies : Ubi est Deus tuus? * quare tristis es, ánima mea? et quare contúrbas me?

Spera in Deo, quóniam adhuc confitébor illi : * salutáre vultus mei, et Deus meus.

Réquiem ætérnam.

Ant. Sitívit ánima mea ad Deum vivum : quando véniam, et apparébo ante faciém Dómini?

✠. Ne tradas béstiis ánimas confiténtes tibi. ✠. Et ánimas páuperum tuórum ne obliviscáris in finem.

Pater noster, **totum secreto.**

Lectio vii

Job 17, 1-3; 11-15

Spiritus meus attenuábitur, dies mei breviabúntur, et solum mihi súperest sepúlcrum. Non peccávi, et in amaritudínibus moráthur óculus meus. Líbera me, Dómine, et pone me juxta te, et cuiúsvis manus pugnét contra me. Dies mei transiérunt, cogitatiónes meæ dissipátæ sunt, torquéntes cor meum. Noctem vertérunt in diem, et rursum post ténebras spero lucem. Si sustinúero, inférnus domus mea est, et in ténebris stravi léctulum meum. Putrédini dixi : Pater meus es; mater

mea et soror mea, vérmi-bus. Ubi est ergo nunc præstolátio mea, et patiéntiam meam quis consíderat?

✠. Peccántem me quotidie, et non me pæniténtem, timor mortis contúrbat me : * Quia in inférno nulla est redéptio, miserére mei, Deus, et salva me.

✠. Deus, in nómine tuo salvum me fac, et in virtúte tua líbera me.— Quia.

Lectio viii Job 19, 20-27

Pelli meæ, consúptis cárnibus, adhæsit os meum, et derelícta sunt tantúmmodo lábia circa dentes meos. Miserémini mei, miserémini mei, saltem vos, amíci mei, quia manus Dómini tétigit me. Quare persecuímini me sicut Deus, et cárnibus meis saturámini? Quis mihi tríbuat, ut scribántur sermónes mei? quis mihi det, ut exaréntur in libro, stilo férreo et plumbi lámina, vel celte sculpántur in sílice? Scio enim quod redéptor meus vivit, et in novíssimo die de terra surrectúrus sum : et rursum circúmdabor pelle mea, et in carne mea vidébo Deum meum. Quem visúrus sum ego ipse, et óculi mei conspectúri sunt, et non álius : repósita est hæc spes mea in sinu meo.

℟. Dómine, secúndum actum meum noli me judicáre : nihil dignum in conspéctu tuo egi; ideo déprecor majestátem tuam, * Ut tu, Deus, déleas iniquitátem meam. ℣. Amplius lava me, Dómine, ab inístitia mea, et a delicto meo munda me. — Ut.

Lectio ix Job 10, 18-22

Quare de vulva eduxísti me? qui útinam consúmptus essem ne óculus me vidéret. Fuissem quasi non essem, de útero translátus ad túmulum. Numquid non páucitas diérum meórum finiétur brevi? Dimítte ergo me, ut planquam páululum dolórem meum, ántequam vadam, et non revértar, ad terram tenebrósam et opértam mortis calígine; terram misériæ et tenebrárum, ubi umbra mortis et nullus ordo, sed sempitérnus horror inhábitat.

Sequens Responsorium tunc ponitur, quando dictus fuerit tertius tantum Nocturnus pro Defunctis.

℟. Líbera me, Dómine, de viis inférni, qui portas áreas confregisti, et visitásti inférnum, et dedísti eis lumen, ut vidérent te * Qui erant in pœnis tenebrárum. ℣. Clamántes et dicéntes : Advenísti, Redémptor noster. — Qui. Ré-

quiem ætérnam dona eis, Dómine : et lux perpétua lúceat eis. Qui.

Sequens Responsorium ponitur loco præcedentis, quando tres Nocturni dicti fuerint pro Defunctis.

℟. Líbera me, Dómine, de morte ætérna in die illa treménda, * Quando cæli movéndi sunt et terra, * Dum véneris judicare sáeculum per ignem. ℣. Tremens factus sum ego et timeo, dum discussio vénerit atque ventúra ira. Quando. ℣. Dies illa, dies iræ, calamitátis et misériæ, dies magna et amára valde. — Dum. Réquiem ætérnam dona eis, Dómine : et lux perpétua lúceat eis. Líbera me, **usque ad primum** ℣. Tremens **exclusive**.

Si Matutinum, cum unico vel tribus Nocturnis, in privata recitatione a Laudibus separetur, post ultimum Responsorium subjungitur :

℣. Dóminus vobíscum.

℟. Et cum spíritu tuo.

Deinde dicitur Oratio (seu dicuntur Orationes), ut supra in Vesperis [206], additis sequentibus :

℣. Réquiem ætérnam dona eis, Dómine. ℟. Et lux perpétua lúceat eis.

℣. Requiéscant in pace.

℟. Amen.

Laudes vero, dictis secreto Pater noster et Ave Maria,

absolute inchoantur ab Antiphona Exsultábunt Dómino.

Sed in recitatione publica vel privata, si Laudes omnino omittantur, post ultimum Responsorium dicuntur Preces, ut infra ad Laudes. [226]

AD LAUDES

Absolute incipitur ab

Ant. Exsultábunt Dómino * ossa humiliáta.

Psalmus 50



Iserére mei, Deus, * secúndum magnam misericórdiam tuam.

Et secúndum multitudinem miseratiónum tuárum, * dele iniquitátem meam.

Amplius lava me ab iniquitáte mea : * et a peccáto meo munda me.

Quóniam iniquitátem meam ego cognósco : * et peccátum meum contra me est semper.

Tibi soli peccávi, et malum coram te feci : * ut justificéris in sermónibus tuis, et vincas cum iudicáris.

Ecce enim in iniquitátibus concéptus sum : * et in peccátis concépit me mater mea.

Ecce enim veritátem dilexísti : * incérta et occúltá sapiéntiæ tuæ manifestásti mihi.

Aspérges me hyssópo, et mundábor : * lavábis me,

et super nivem dealbábor.

Auditui meo dabis gáudium et lætítiam : * et exsultábunt ossa humiliáta.

Avérte faciém tuam a peccátis meis : * et omnes iniquitátes meas dele.

Cor mundum crea in me, Deus : * et spíritum rectum innova in viscéribus meis.

Ne projicias me a faciē tua : * et spíritum sanctum tuum ne áuferas a me.

Redde mihi lætítiam salutáris tui : * et spíritu principáli confírma me.

Docébo iníquos vias tuas : * et impíi ad te converténtur.

Líbera me de sanguinibus, Deus, Deus salutis meæ : * et exsultábit lingua mea justítiam tuam.

Dómine, lábia mea apéries : * et os meum annuntiábit laudem tuam.

Quóniam si voluísset sacrificium, dedissem úti que : * holocáustis non delectáberis.

Sacrificium Deo spíritus contribulátus : * cor contrítum, et humiliátum, Deus, non despícies.

Benígne fac, Dómine, in bona voluntáte tua Sion : * ut ædificéntur muri Jerúsalem.

Tunc acceptábis sacrificium justítiae, oblatiões, et holocáusta : * tunc im-

pónent super altáre tuum vítulos.

Réquiem ætérnam.

Ant. Exsultábunt Dómino ossa humiliáta.

Ant. Exáudi, Dómine, * oratióem meam : ad te omnis caro véniet.

Psalmus 64

TE decet hymnus, Deus, in Sion : * et tibi redédetur votum in Jerúsalem.

Exáudi oratióem meam : * ad te omnis caro véniet.

Verba iniquórum prævaluerunt super nos : * et impietátibus nostris tu propitiáberis.

Beátus, quem elegisti, et assumpsisti : * inhabitábit in átriis tuis.

Replébimur in bonis domus tuæ : * sanctum est templum tuum, mirábile in æquitáte.

Exáudi nos, Deus, salutaris noster, * spes ómnium fínium terræ, et in mari longe.

Præparans montes in virtúte tua, accíntus poténtia : * qui contúrbas profúndum maris sonum flúctuum ejus.

Turbabúntur gentes, et timébunt qui hábitant términos a signis tuis : * éxitus matutíni, et vespere delectábis.

Visitásti terram, et ine-

bríásti eam : * multiplicásti locupletáre eam.

Flumen Dei replétum est aquis, parásti cibum illórum : * quóniam ita est præparatio ejus.

Rivos ejus inébria, multiplica genímína ejus : * in stillicídiis ejus lætábitur gérmínans.

Benedices coronæ anni benignitátis tuæ : * et campi tui replebúntur ubertáte.

Pinguéscent speciósá déserti : * et exsultatióne colles accingéntur.

Indúti sunt arietes óvium, et valles abundábunt fruménto : * clamábunt, étenim hymnum dicent.

Réquiem ætérnam.

Ant. Exáudi, Dómine, oratióem meam : ad te omnis caro véniet.

Ant. Me suscepit * dextera tua, Dómine.

Psalmus 62

DEus, Deus meus, * ad te de luce vígilo.

Sitívit in te ánima mea, * quam multipliciter tibi caro mea.

In terra déserta, et ínvia, et inaquósa : * sic in sancto appáruí tibi, ut vidérem virtútem tuam, et glóriam tuam.

Quóniam mélior est misericórdia tua super vitas : * lábia mea laudábunt te.

Sic benedicam te in vita mea : * et in nómine tuo levábo manus meas.

Sicut ádipe et pinguédine repleátur ánima mea : * et lábiis exsultatiónis laudábit os meum.

Si memor fui tui super stratum meum, in matutínis meditábor in te : * quia fuísti adjútor meus.

Et in velaménto alárum tuárum exsultábo, adhæsit ánima mea post te : * me suscepit dextera tua.

Ipsi vero in vanum quæsiérunt ánimam meam, introíbunt in inferióra terræ : * tradéntur in manus gládii, partes vúlpium erunt.

Rex vero lætábitur in Deo, laudabúntur omnes qui jurant in eo : * quia obstrúctum est os loquéntium iníqua.

Réquiem ætérnam.

Ant. Me suscepit dextera tua, Dómine.

Ant. A porta inferi * érue, Dómine, ánimam meam.

Canticum Ezechiae

Is. 38, 10-20

EGO dixi : In dimídio diérum meórum * vadam ad portas inferi.

Quæsiúi resíduum annórum meórum. * Dixi : Non vidébo Dóminum Deum in terra vivéntium.

Non aspiciam hóminem ultra, * et habitatórem quiétis.

Generátio mea abláta est, et convolúta est a me, * quasi tabernáculum pastórum.

Præcisa est velut a texén-te vita mea : dum adhuc ordírer, succídit me : * de mane usque ad vésperam fínies me.

Sperábam usque ad mane, * quasi leo sic contrívit ómnia ossa mea :

De mane usque ad vésperam fínies me : * sicut pul-lus hirúndinis sic clamábo, meditábor ut colúmba :

Attenuáti sunt óculi mei, * suspiciéntes in excésum :

Dómine, vim pátiar, respónde pro me. * Quid dicam, aut quid respondébit mihi, cum ipse fécerit?

Recogitábo tibi omnes annos meos * in amaritú-dine ánimæ meæ.

Dómine, si sic vívitur, et in tálibus vita spíritus mei, corripies me, et vivificábis me. * Ecce in pace amaritúdo mea amarís-sima :

Tu autem eruísti ánimam meam ut non períret : * projecísti post tergum tuum ómnia peccáta mea.

Quia non inférnus confitébitur tibi, neque mors laudábit te : * non exspectábunt qui descéndunt in lacum, veritátem tuam.

Vivens vivens ipse confitébitur tibi, sicut et ego hodie : * pater filiis notam faciet veritatem tuam.

Dómine, salvum me fac, * et psalmos nostros cantabimus cunctis diebus vitæ nostræ in domo Dómini.

Réquiem æternam.

Ant. A porta inferi érue, Dómine, ánimam meam.

Ant. Omnis spíritus * laudet Dóminum.

Psalmus 150

Laudáte Dóminum in sanctis ejus : * laudáte eum in firmaménto virtútis ejus.

Laudáte eum in virtutibus ejus : * laudáte eum secundum multitudinem magnitudinis ejus.

Laudáte eum in sono tubæ : * laudáte eum in psalterio, et cithara.

Laudáte eum in týmpano, et choro : * laudáte eum in chordis, et órgano.

Laudáte eum in cýmbalis benesonántibus : laudáte eum in cýmbalis jubilatiónis : * omnis spíritus laudet Dóminum.

Réquiem æternam.

Ant. Omnis spíritus laudet Dóminum.

✠. Audívi vocem de cælo dicentem mihi. ✠. Beáti mórtui qui in Dómino moriúntur.

Ad Bened. Ant. Ego sum * resurréctio et vita :

qui credit in me, étiam si mórtuus fúerit, vivet; et omnis qui vivit et credit in me, non moriétur in ætérnum.

Canticum Zachariæ

Luc. 1, 68-79

Benedictus Dóminus, Deus Israël, * quia visitávit, et fecit redemptiόνem plebis suæ :

Et eréxit cornu salútis nobis : * in domo David, púeri sui.

Sicut locútus est per os sanctórum, * qui a sæculo sunt, Prophetárum ejus :

Salútem ex inimícis nostris, * et de manu ómnium, qui odérunt nos :

Ad faciéndam misericórdiam cum pátribus nostris : * et memorári testaménti sui sancti.

Jusjurándum, quod jurávit ad Abraham, patrem nostrum, * datúrum se nobis :

Ut sine timóre, de manu inimicórum nostrórum liberáti, * serviámus illi.

In sanctitáte, et justítia coram ipso, * ómnibus diebus nostris.

Et tu, puer, Prophéta Altíssimi vocáberis : * præibis enim ante faciém Dómini paráre vias ejus :

Ad dandam sciéntiam salútis plebi ejus : * in remissiόνem peccatórum eórum :

Per viscera misericordiæ Dei nostri : * in quibus visitávit nos, óriens ex alto :

Illumináre his, qui in ténebris, et in umbra mortis sedent : * ad dirigéndos pedes nostros in viam pacis.

Réquiem ætérnam.

Ant. Ego sum resurréctio et vita : qui credit in me, étiam si mórtuus fúerit, vivet; et omnis qui vivit et credit in me, non moriétur in ætérnum.

Deinde flexis genibus :

Pater noster **secreto usque ad V.** Et ne nos indúcas in tentatióem. **R.** Sed libera nos a malo.

Psalmus 129

Qui non dicitur in die obitus seu depositionis defuncti, nec quandocumque Officium recitatur sub ritu duplici.

DE profúndis clamávi ad te, Dómine : * Dómine, exáudi vocem meam :

Fiant aures tuæ intendéntes, * in vocem deprecatiósni meæ.

Si iniquitátes observáveris, Dómine : * Dómine, quis sustinébit?

Quia apud te propitiatio est : * et propter legem

tuam sustínui te, Dómine.

Sustínuit ánima mea in verbo ejus : * sperávit ánima mea in Dómino.

A custódia matutína usque ad noctem : * speret Israël in Dómino.

Quia apud Dóminum misericórdia : * et copiósa apud eum redéptio.

Et ipse rédimet Israël, * ex ómnibus iniquitátibus ejus.

Réquiem ætérnam.

Deinde : **V.** A porta inferi. **R.** Erue, Dómine, ánimam ejus (ánimas eórum).

V. Requiésca(n)t in pace.

R. Amen.

V. Dómine, exáudi oratióem meam. **R.** Et clamor meus ad te véniat.

V. Dóminus vobíscum.

R. Et cum spíritu tuo.

Orémus.

Dicitur Oratio conveniens ut supra in Vesperis. [206]

Post Orationem dicitur (semper plurali numero) :

V. Réquiem ætérnam dona eis, Dómine. **R.** Et lux perpétua lúceat eis.

V. Requiéscent in pace.

R. Amen.

PSALMI GRADUALES

Sicubi recitentur in Choro, congrue dicuntur ante Matutinum diei; extra Chorum vero pro temporis opportunitate.

Primi quinque Psalmi dicuntur sine Glória Patri; sed in fine ultimi dicitur Réquiem ætérnam.

Incipiuntur absolute sine Antiphona.

Ps. 119 Ad Dóminum cum tribulárer, 93;

Ps. 120 Levávi, *ibid.*;

Ps. 121 Lætátus sum, 94;

Ps. 122 Ad te levávi, 125;

Ps. 123 Nisi quia, 126.

Réquiem ætérnam * dona eis, Dómine.

Et lux perpétua * lúceat eis.

Deinde dicitur flexis genibus :

Pater noster *secreto usque ad V.* Et ne nos indúcas in tentatióem. *R.* Sed libera nos a malo.

V. A porta inferi. *R.* Erue, Dómine, ánimas eórum.

V. Requiéscant in pace. *R.* Amen.

V. Dómine, exáudi oratióem meam. *R.* Et clamor meus ad te véniat.

V. Dóminus vobíscum.

R. Et cum spíritu tuo.

Orémus.

Oratio

Absólve, quæsumus, Dómine, ánimas famulórum famularúmque tuárum et ómnium fidélium defunctórum, ab omni vínculo delictórum : ut in resurrectionis glória inter Sanctos et Eléctos tuos resuscitati respírent. Per Christum Dóminum nostrum. *R.* Amen.

Post Orationem statim dicuntur alii Psalmi Graduales qui sequuntur; et in fine cujuslibet Psalmi dicitur Glória Patri.

Psalmus 124 Qui confidunt, 126;

Ps. 125 In converténdo, *ibid.*;

Ps. 126 Nisi Dóminus, 127;

Ps. 127 Beáti omnes, 161;

Ps. 128 Sæpe expugnáverunt, *ibid.*

Postea dicitur flexis genibus :

Kýrie, eléison. Christe, eléison. Kýrie, eléison.

Pater noster *secreto usque ad V.* Et ne nos indúcas in tentatióem. *R.* Sed libera nos a malo.

V. Meménto Congregationis tuæ. *R.* Quam poscedísti ab inítió.

℣. Dómine, exáudi orationem meam. ℟. Et clamor meus ad te véniat.

℣. Dóminus vobíscum.

℟. Et cum spíritu tuo.

Orémus.

Oratio

Deus, cui próprium est miseréri semper et párcere : súscipe deprecaciónem nostram; ut nos, et omnes fámulos tuos, quos delictórum caténa constringit, miserátio tuæ pietátis cleménter absolvat. Per Christum Dóminum nostrum. ℟. Amen.

Post Orationem statim dicuntur alii Psalmi Graduales qui sequuntur; et in fine cujuslibet Psalmi dicitur Glória Patri.

Psalmus 129 De profúndis, 161;

Ps. 130 Dómine, non est exaltátum, 162;

Ps. 131 Meménto, Dómine, ibid.;

Ps. 132 Ecce quam bonum, 194;

Ps. 133 Ecce nunc benedicite. 62

Deinde dicitur flexis genibus :

Kýrie, eléison. Christe, eléison. Kýrie, eléison.

Pater noster secreto usque ad ℣. Et ne nos indúcas in tentaciónem. ℟. Sed libera nos a malo.

℣. Salvos fac servos tuos. ℟. Deus meus, sperantes in te.

℣. Dómine, exáudi orationem meam. ℟. Et clamor meus ad te véniat.

℣. Dóminus vobíscum.

℟. Et cum spíritu tuo.

Orémus.

Oratio

Præténde, Dómine, fámulis et famulábus tuis dexteram cæléstis auxílii : ut te toto corde perquirant, et, quæ digne póstulant, cónsequi mereántur. Per Christum Dóminum nostrum.

℟. Amen.

SEPTEM PSALMI PÆNITENTIALES

CUM LITANIIS

Sicubi recitentur in Choro, congrue dicuntur post Matutinum et Laudes diei flexis genibus, dicto Benedicámus Dómino et Deo grátias; extra Chorum pro temporis opportunitate.

Litaniæ similiter, quando dicendæ sunt sine Psalmis Pænentialibus, dicuntur, extra Processionem, flexis genibus in Choro post Matutinum et Laudes diei, dicto Benedicámus Dómino et Deo

grátias; extra Chorum vero pro temporis opportunitate. Sed neque in Choro neque extra Chorum anticipari possunt de sero

Ant. Ne reminiscáris.

Psalmus 6

Domine, ne in furóre tuo árguas me, * neque in ira tua corripas me.

Miserére mei, Dómine, quóniam infirmus sum : * sana me, Dómine, quóniam conturbáta sunt ossa mea.

Et ánima mea turbáta est valde : * sed tu, Dómine, úsquequo?

Convértere, Dómine, et éripe ánimam meam : * salvum me fac propter misericórdiam tuam.

Quóniam non est in morte qui memor sit tui : * in inférno autem quis confítebitur tibi?

Laborávi in gémitu meo, lavábo per síngulas noctes lectum meum : * lácrimis meis stratum meum rigábo.

Turbátus est a furóre óculus meus : * inveterávi inter omnes inimícos meos.

Discédite a me, omnes qui operámini iniquitatem : * quóniam exaudivit Dóminus vocem fletus mei.

Exaudivit Dóminus deprecationem meam, * Dóminus orationem meam suscepit.

Erubéscant, et conturbéntur veheménter omnes inimíci mei : * convertántur et erubéscant valde velóciter.

Glória Patri.

Psalmus 31

Beáti quorum remissæ sunt iniquitátes : * et quorum tecta sunt peccáta.

Beátus vir, cui non imputávit Dóminus peccátum, * nec est in spíritu ejus dolus.

Quóniam tácuí, inveteráverunt ossa mea, * dum clamárem tota die.

Quóniam die ac nocte graváta est super me manus tua : * convérsus sum in ærúmna mea, dum configitur spina.

Delíctum meum cógnitum tibi feci : * et injustítiam meam non abscondi.

Dixi : Confitébor advérsus me injustítiam meam Dómino : * et tu remisisti impietátem peccáti mei.

Pro hac orábit ad te omnis sanctus, * in témpore opportúno.

Verúmtamen in dilúvio aquárum multárum, * ad eum non approximábunt.

Tu es refúgium meum a tribulatióne, quæ circúmdedit me : * exsultatio mea, érue me a circumdántibus me.

Intelléctum tibi dabo, et instruam te in via hac, qua gradiéris : * firmábo super te óculos meos.

Nolíte fieri sicut equus et mulus, * quibus non est intelléctus.

In camo et freno maxíllas eórum constrínge, * qui non appróximant ad te.

Multa flagélla peccatóris, * sperántem autem in Dómino misericórdia circúmdabit.

Lætámini in Dómino et exsultáte, iusti, * et gloriámini, omnes recti corde.

Glória Patri.

Psalmus 37

Domine, ne in furóre tuo árguas me, * neque in ira tua corrípias me.

Quóniam sagíttæ tuæ infixæ sunt mihi : * et confirmásti super me manum tuam.

Non est sánitas in carne mea a fácie iræ tuæ : * non est pax óssibus meis a fácie peccatórum meórum.

Quóniam iniquitátes meæ supergréssæ sunt caput meum : * et sicut onus grave gravátæ sunt super me.

Putruérunt et corrúptæ sunt cicatríces meæ, * a fácie insipiéntiæ meæ.

Miser factus sum, et curvátus sum usque in finem : * tota die contrístatus ingrediébar.

Quóniam lumbi mei impléti sunt illusió nibus : * et non est sánitas in carne mea.

Afflíctus sum, et humiliátus sum nimis : * rugiébam a gémitu cordis mei.

Dómine, ante te omne desidérium meum : * et gémitus meus a te non est absconditus.

Cor meum conturbátum est, derelíquit me virtus mea : * et lumen oculórum meórum, et ipsum non est mecum.

Amíci mei, et próximi mei * advérsus me appropinquavérunt, et stetérunt.

Et qui juxta me erant, de longe stetérunt : * et vim faciébant qui quærébant ánimam meam.

Et qui inquirébant mala mihi, locúti sunt vanitátes : * et dolos tota die meditabántur.

Ego autem tamquam surdus non audiébam : * et sicut mutus non apériens os suum.

Et factus sum sicut homo non áudiens : * et non habens in ore suo redargutiónes.

Quóniam in te, Dómine, sperávi : * tu exáudies me, Dómine, Deus meus.

Quia dixi : Nequándo supergáudeant mihi inimíci mei : * et dum commovén-

tur pedes mei, super me magna locúti sunt.

Quóniam ego in flagélla parátus sum : * et dolor meus in conspéctu meo semper.

Quóniam iniquitátem meam annuntiábo : * et cogitábo pro peccáto meo.

Inimíci autem mei vivunt, et confirmáti sunt super me : * et multiplicáti sunt qui odérunt me inique.

Qui retríbuunt mala pro bonis, detrahébant mihi : * quóniam sequébar bonitátem.

Ne derelínquas me, Dómine, Deus meus : * ne discésseris a me.

Inténde in adiutórium meum, * Dómine, Deus salútis meæ.

Glória Patri.

Psalmus 50

Miserére mei, Deus, * secúndum magnam misericórdiam tuam.

Et secúndum multitudinem miserationum tuarum, * dele iniquitátem meam.

Amplius lava me ab iniquitáte mea : * et a peccáto meo munda me.

Quóniam iniquitátem meam ego cognósko : * et peccátum meum contra me est semper.

Tibi soli peccávi, et malum coram te feci : * ut

justificéris in sermónibus tuis, et vincas cum iudicáris.

Ecce enim in iniquitátibus concéptus sum : * et in peccátis concépit me mater mea.

Ecce enim veritátem dilexisti : * incérta et occúltá sapiéntiæ tuæ manifestásti mihi.

Aspérges me hyssópo, et mundábor : * lavábis me, et super nivem dealbábor.

Audítui meo dabis gáudium et lætítiam : * et exsultábunt ossa humiliáta.

Avérte fáciem tuam a peccátis meis : * et omnes iniquitátes meas dele.

Cor mundum crea in me, Deus : * et spíritum rectum innova in viscéribus meis.

Ne projicias me a fácie tua : * et spíritum sanctum tuum ne áuferas a me.

Redde mihi lætítiam salutaris tui : * et spíritu principáli confirma me.

Docébo iníquos vias tuas : * et ímpii ad te converténtur.

Líbera me de sanguínibus, Deus, Deus salútis meæ : * et exsultábit lingua mea justítiam tuam.

Dómine, lábia mea apéries : * et os meum annuntiábit laudem tuam.

Quóniam si voluísset sacrificium, dedíssem úti-

que : * holocáustis non delectáberis.

Sacrificium Deo spíritus contribulátus : * cor contrítum, et humiliátum, Deus, non despícies.

Benigne fac, Dómine, in bona voluntáte tua Sion : * ut ædificéntur muri Jerúsalem.

Tunc acceptábis sacrificium justítiæ, oblatiónes, et holocáusta : * tunc impónent super altáre tuum vítulos.

Glória Patri.

Psalmus 101

Domine, exáudi oratió-nem meam : * et clamor meus ad te véniat.

Non avértas faciém tuam a me : * in quacúmque die tribulor, inclína ad me aurem tuam.

In quacúmque die invocávero te, * velóciter exáudi me.

Quia defecérunt sicut fumus dies mei : * et ossa mea sicut crémium arué-runt.

Percússus sum ut fœnum, et áruit cor meum : * quia oblítus sum comédere panem meum.

A voce gémitus mei * adhæsit os meum carni meæ.

Símilis factus sum pelli-cáno solitúdinis : * factus sum sicut nyctícorax in domicílio.

Vigilávi, * et factus sum

sicut passer solitárius in tecto.

Tota die exprobrábant mihi inimíci mei : * et qui laudábant me, advérsus me jurábant.

Quia cínere tamquam panem manducábam, * et potum meum cum fletu miscébam.

A fácie iræ et indignatió-nis tuæ : * quia élevans allisísti me.

Dies mei sicut umbra declinavérunt : * et ego sicut fœnum árui.

Tu autem Dómine, in ætérnum pérmanes : * et memoriále tuum in generatió-nem et generatió-nem.

Tu exsúrgens miseréberis Sion : * quia tempus miseréndi ejus, quia venit tempus.

Quóniam placuérunt servis tuis lápidés ejus : * et terræ ejus miserebúntur.

Et timébunt gentes nomen tuum, Dómine, * et omnes reges terræ glóriam tuam.

Quia ædificávit Dóminus Sion : * et vidébitur in glória sua.

Respéxit in oratió-nem humílium : * et non spre-vit precem eórum.

Scribántur hæc in generatió-ne áltera : * et pópulus, qui creábitur, laudá-bit Dóminum :

Quia prospéxit de excél-so sancto suo : * Dóminus

de cælo in terram aspexit :

Ut audíret gémitus compeditórum : * ut sólveret filios interemptórum :

Ut annúntient in Sion nomen Dómini : * et laudem ejus in Jerúsalem.

In conveniéndo pópulos in unum, * et reges ut serviant Dómino.

Respóndit ei in via virtutis suæ : * Paucitátem diérum meórum núntia mihi.

Ne révoces me in dimídio diérum meórum : * in generatióem et generatióem anni tui.

Inítio tu, Dómine, terram fundásti : * et ópera mánuum tuárum sunt cæli.

Ipsi períbunt, tu autem pérmanes : * et omnes sicut vestiméntum veteráscent.

Et sicut opertórium mutábiseos, et mutabúntur : * tu autem idem ipse es, et anni tui non deficiunt.

Filii servórum tuórum habitábunt : * et semen eórum in sáculum dirigétur.

Glória Patri.

Psalmus 129

DE profúndis clamávi ad te, Dómine : * Dómine, exáudi vocem meam :

Fiant aures tuæ intendentes, * in vocem deprecationis meæ.

Si iniquitátes observáveris, Dómine : * Dómine, quis sustinébit?

Quia apud te propitiatio est : * et propter legem tuam sustínui te, Dómine.

Sustínuit ánima mea in verbo ejus : * sperávit ánima mea in Dómino.

A custódia matutína usque ad noctem : * speret Israël in Dómino.

Quia apud Dóminum misericórdia : * et copiósa apud eum redemptio.

Et ipse rédimet Israël, * ex ómnibus iniquitátibus ejus.

Glória Patri.

Psalmus 142

Domine, exáudi oratióem meam : áuribus pèrcipe obsecratióem meam in veritate tua : * exáudi me in tua justítia.

Et non intres in iudícium cum servo tuo : * quia non justificábitur in conspéctu tuo omnis vivens.

Quia persecútus est inimícus ánimam meam : * humiliávit in terra vitam meam.

Collocávit me in obscúris sicut mórtuos sáculi : * et anxiátus est super me spíritus meus, in me turbátum est cor meum.

Memor fui diérum antiquórum, meditátus sum in ómnibus opéribus tuis : * in factis mánuum tuárum meditábar.

Expándi manus meas ad te : * ánima mea sicut terra sine aqua tibi.

Velóciter exáudi me, Dómine : * defécit spíritus meus.

Non avértas faciém tuam a me : * et símilis ero descendéntibus in lacum.

Audítam fac mihi mane misericórdiam tuam : * quia in te sperávi.

Notam fac mihi viam, in qua ámbulem : * quia ad te levávi ánimam meam.

Eripe me de inimícis meis, Dómine, ad te confúgi : * doce me fácere voluntátem tuam, quia Deus meus es tu.

Spíritus tuus bonus de-

dúcet me in terram rectam : * propter nomen tuum, Dómine, vivificábis me, in æquitáte tua.

Edúces de tribulatióne ánimam meam : * et in misericórdia tua dispédes inimícos meos.

Et perdes omnes, qui tribulant ánimam meam : * quóniam ego servus tuus sum.

Glória Patri.

Ant. Ne reminiscáris, Dómine, delícta nostra vel paréntum nostrórum, neque vindíctam sumas de peccátis nostris.

LITANIÆ



Yrie, eléison.

Christe, eléison.

Kýrie, eléison.

Christe, audi nos.

Christe, exáudi nos.

Pater de cælis Deus,
miserére nobis.

Fili, Redémptor mundi,
Deus, miserére nobis.

Spíritus Sancte, Deus,
miserére nobis.

Sancta Trínitas, unus
Deus, miserére nobis.

Sancta María, ora pro
nobis.

Sancta Dei Génitrix, ora.

Sancta Virgo vírginum,
ora pro nobis.

Sancte Michaël, ora.

Sancte Gábriel, ora.

Sancte Ráphaël, ora.

Omnes sancti Angeli et

Archángeli, oráte.

Omnes sancti beatórum

Spírituum órdenes,

oráte.

Sancte Joánnes Baptísta,

ora pro nobis.

Sancte Joseph, ora.

Omnes sancti Patriárchæ

et Prophétæ, oráte.

Sancte Petre, ora.

Sancte Paule, ora.

Sancte Andréa, ora.

Sancte Jacóbe, ora.

Sancte Joánnes, ora.

Sancte Thoma, ora.

Sancte Jacóbe, ora.

Sancte Philippe, ora.

Sancte Bartholomæe, ora.

Sancte Matthæe, ora.

Sancte Simon, ora.

Sancte Thaddæe, ora pro nobis.	Omnes sancti Mónachi et Eremítæ, oráte.
Sancte Matthía, ora.	Sancta María Magdaléna, ora.
Sancte Bárnaba, ora.	Sancta Agatha, ora.
Sancte Luca, ora.	Sancta Lúcia, ora.
Sancte Marce, ora.	Sancta Agnes, ora.
Omnes sancti Apóstoli et Evangelístæ, oráte.	Sancta Cæcília, ora.
Omnes sancti Discípuli Dómini, oráte.	Sancta Catharina, ora.
Omnes sancti Innocéntes, oráte.	Sancta Anastásia, ora.
Sancte Stéphane, ora.	Omnes sanctæ Vírgines et Víduæ, oráte.
Sancte Lauréti, ora.	Omnes Sancti et Sanctæ Dei, intercédite pro nobis.
Sancte Vincéti, ora.	Propítius esto, parce nobis, Dómine.
Sancti Fabiáne et Sebastíáne, oráte.	Propítius esto, exáudi nos, Dómine.
Sancti Joánnes et Paule, oráte.	Ab omni malo, libera nos, Dómine.
Sancti Cosma et Damiáne, oráte.	Ab omni peccáto, libera.
Sancti Gervási et Protási, oráte.	Ab ira tua, libera.
Omnes sancti Mártyres, oráte.	A subitánea et improvísá morte, libera.
Sancte Silvéster, ora.	Ab insídiis diaboli, libera.
Sancte Gregóri, ora.	Ab ira, et ódio, et omni mala voluntáte, libera.
Sancte Ambrósi, ora.	A spíritu fornicatiónis, libera.
Sancte Augustíne, ora.	A fúlgure et tempestáte, libera.
Sancte Hierónyme, ora.	A flagéllo terræmótus, libera.
Sancte Martíne, ora.	A peste, fame et bello, libera.
Sancte Nicolæ, ora.	A morte perpétua, libera.
Omnes sancti Pontífices et Confessóres, oráte.	Per mystérium sanctæ Incarnatiónis tuæ, libera.
Omnes sancti Doctóres, oráte.	Per advéntum tuum, libera.
Sancte Antóni, ora.	Per nativitátem tuam, libera nos, Dómine.
Sancte Benedícte, ora.	
Sancte Bernárde, ora.	
Sancte Domínice, ora.	
Sancte Francísce, ora.	
Omnes sancti Sacerdótes et Levítæ, oráte.	

- Per baptîsmum et sanctum
jejúniûm tuum, libera
nos, Dómine.
- Per crucem et passiónem
tuam, libera.
- Per mortem et sepultúram
tuam, libera.
- Per sanctam resurrecti-
onem tuam, libera.
- Per admirábilem ascensi-
onem tuam, libera.
- Per advéntum Spíritus
Sancti Parácliti, libera.
- In die júdicii, libera.
- Peccatóres,
te rogámus, audi nos.
- Ut nobis parcas,
te rogámus.
- Ut nobis indúlgeas,
te rogámus.
- Ut ad veram pæniténtiam
nos perdúcere dignéris,
te rogámus.
- Ut Ecclésiám tuam san-
ctam régere et conser-
váre dignéris,
te rogámus.
- Ut domnum Apostólicum
et omnes ecclesiásticos
órdines in sancta reli-
gióne conserváre digné-
ris, te rogámus.
- Ut inimícos sanctæ Ecclé-
siæ humiliáre dignéris,
te rogámus.
- Ut régibus et princípibus
christiánis pacem et ve-
ram concórdiam donáre
dignéris, te rogámus.
- Ut cuncto pópulo christiá-
no pacem et unitátem
largíri dignéris,
te rogámus.
- Ut omnes errántes ad uni-
tátem Ecclésiæ revocá-
re, et infidéles univérso
ad Evangélii lumen per-
dúcere dignéris,
te rogámus.
- Ut nosmetípsos in tuo
sancto servítio confor-
táre et conserváre di-
gnéris, te rogámus.
- Ut mentes nostras ad cæ-
léstia desidéria érigas,
te rogámus.
- Ut ómnibus benefactóri-
bus nostris sempitérna
bona retribuas, te rogá-
mus, audi nos.
- Ut ánimas nostras, fra-
trum, propinquórum et
benefactorum nostró-
rum ab ætérna damna-
tióne erípias, te rogá-
mus, audi nos.
- Ut fructus terræ dare et
conserváre dignéris,
te rogámus.
- Ut ómnibus fidélibus de-
fúntis réquiem ætér-
nam donáre dignéris, te
rogámus, audi nos.
- Ut nos exaudíre dignéris,
te rogámus.
- Fili Dei, te rogámus.
- Agnus Dei, qui tollis pec-
cáta mundi, parce no-
bis, Dómine.
- Agnus Dei, qui tollis pec-
cáta mundi, exáudi nos,
Dómine.
- Agnus Dei, qui tollis pec-
cáta mundi, miserére
nobis.

Christe, audi nos.

Christe, exáudi nos.

Kýrie, eléison. Christe, eléison. Kýrie, eléison.

Pater noster **secreto usque ad** **℣**. Et ne nos indúcas in tentatióem. **℟**. Sed libera nos a malo.

Psalmus 69



Deus, in adiutorium meum intende : * Dómine, ad adiuvándum me festína.

Confundántur et reve-reántur, * qui quærunť animam meam.

Avertántur retrórsus, et erubéscant, * qui volunt mihi mala.

Avertántur statim erubescéntes, * qui dicunt mihi : Euge, euge.

Exsúltent et læténtur in te omnes qui quærunť te, * et dicant semper : Magnificétur Dóminus : qui díligunt salutáre tuum.

Ego vero egénus, et pauper sum : * Deus, ádjuva me.

Adjutor meus, et liberátor meus es tu : * Dómine, ne moréris.

Glória Patri. Sicut erat.

℣. Salvos fac servos tuos. **℟**. Deus meus, sperántes in te.

℣. Esto nobis, Dómine, turris fortitúdinis. **℟**. A fácie inimíci.

℣. Nihil proficiat inimícus in nobis. **℟**. Et filius iniquitátis non appónat nocére nobis.

℣. Dómine, non secúndum peccáta nostra fácias nobis. **℟**. Neque secúndum iniquitátes nostras retríbuas nobis.

℣. Orémus pro Pontífice nostro **N**. **℟**. Dóminus consérvet eum, et vivíficet eum, et beátum fácíat eum in terra, et non tradat eum in ánimam inimicórum ejus.

℣. Orémus pro benefactóribus nostris. **℟**. Retribúere dignáre, Dómine, ómnibus, nobis bona faciéntibus propter nomen tuum, vitam ætérnam. Amen.

℣. Orémus pro fidélibus defúntis. **℟**. Réquiem ætérnam dona eis, Dómine, et lux perpétua lúceat eis.

℣. Requiéscant in pace.

℟. Amen.

℣. Pro frátribus nostris abséntibus. **℟**. Salvos fac servos tuos, Deus meus, sperántes in te.

℣. Mitte eis, Dómine, auxílium de sancto. **℟**. Et de Sion tuére eos.

℣. Dómine, exáudi oratióem meam. **℟**. Et clamor meus ad te véníat.

℣. Dóminus vobíscum.

℟. Et cum spíritu tuo.

Orémus.

Oratio

DEus, cui proprium est misereri semper et parcere : súscipe deprecationem nostram, ut nos, et omnes famulos tuos, quos delictorum caténa constringit, miseratio tuæ pietátis cleménter absolvat.

EXáudi, quæsumus, Dómine, súpplicum preces, et confiténtium tibi parce peccátis : ut páriter nobis indulgéntiam tríbuas benígnus et pacem.

Ineffábilem nobis, Dómine, misericórdiam tuam cleménter osténde : ut simul nos et a peccátis ómnibus éxuas, et a pœnis, quas pro his merémur, erípias.

DEus, qui culpa offénderris, pœniténtia placáris : preces pópuli tui supplicántis propítius réspice ; et flagélla tuæ iracúndiæ, quæ pro peccátis nostris merémur, avérte.

OMnípotens sempitérne Deus, miserére famulo tuo Pontifici nostro **N.**, et dírige eum secúndum tuam cleméntiam in viam salutis æternæ : ut, te donánte, tibi plácita cúpiat, et tota virtúte perficiat.

DEus, a quo sancta desideria, recta consília et justa sunt ópera : da servis tuis illam, quam mundus dare non potest, pacem ; ut et corda nostra mandátis tuis dédita, et, hóstium subláta formídine, témpora sint, tua protectione, tranqúilla.

URE igne Sancti Spíritus renes nostros et cor nostrum, Dómine : ut tibi casto corpore serviámus, et mundo corde placeámus.

Fidélium, Deus, ómnium Cónditor et Redemptor, animábus famulorum famularúmque tuárum remissionem cunctórum tríbue peccatórum : ut indulgéntiam, quam semper optavérunt, piis supplicationibus consequántur.

Actiões nostras, quæsumus, Dómine, aspirádo præveni et adjuvándo proséquere : ut cuncta nostra orátio et operátio a te semper incípiat, et per te cœpta finiátur.

OMnípotens sempitérne Deus, qui vivórum domináris simul et mortuórum, omniúmque miseréris quos tuos fide et ópere futúros esse prænóscis : te súpplices exorámus ; ut, pro quibus effúndere preces decrévimus, quosque vel præsens sáeculum ad-

huc in carne rétinet vel futúrum jam exútos corpore suscepit, intercedéntibus ómnibus Sanctis tuis, pietátis tuæ cleméntia, ómnium delictórum suórum véniam consequántur. Per Dóminum nostrum.

℟. Dóminus vobíscum.

℟. Et cum spíritu tuo.

℟. Exáudiat nos omnípotens et miséricors Dóminus. ℟. Amen.

℟. Et fidélium ánimæ per misericórdiam Dei requiéscant in pace.

℟. Amen.

ORDO COMMENDATIONIS ANIMÆ

Primum dicuntur Litaníæ breves in hunc modum :



Yrie, eléison.

Christe, eléison.

Kýrie, eléison.

Sancta María, ora pro eo (ea).

Omnes sancti Angeli et Archángeli, oráte pro eo (ea).

Sancte Abel, ora.

Omnis chorus Justórum, ora.

Sancte Abraham, ora.

Sancte Joánnes Baptísta, ora.

Sancte Joseph, ora.

Omnes sancti Patriárchæ et Prophétæ, oráte.

Sancte Petre, ora.

Sancte Paule, ora.

Sancte Andréa, ora.

Sancte Joánnes, ora.

Omnes sancti Apóstoli et Evangelistæ, oráte.

Omnes sancti Discípuli Dómini, oráte.

Omnes sancti Innocéntes, oráte.

Sancte Stéphane, ora.

Sancte Laurénti, ora.

Omnes sancti Mártýres, oráte.

Sancte Silvéster, ora.

Sancte Gregóri, ora.

Sancte Augustíne, ora.

Omnes sancti Pontífices et Confessóres, oráte.

Sancte Benedícte, ora.

Sancte Francísce, ora.

Sancte Camílle, ora.

Sancte Joánnes de Deo, ora.

Omnes sancti Mónachi et Eremítæ, oráte.

Sancta María Magdaléna, ora.

Sancta Lúcia, ora.

Omnes sanctæ Vírgines et Víduæ, oráte.

Omnes Sancti et Sanctæ Dei, intercédite pro eo (ea).

Propítius esto, parce ei, Dómine.

Propítius esto, libera eum (eam), Dómine.

Propítius esto, libera.

Ab ira tua, libera.
 A periculo mortis, libera.
 A mala morte, libera.
 A pœnis inférni, libera.
 Ab omni malo, libera.
 A potestáte diaboli, libera.
 Per nativitátem tuam, libera.
 Per crucem et passiônem
 tuam, libera.
 Per mortem et sepultúram
 tuam, libera.
 Per gloriósam resurrectiô-
 nem tuam, libera.
 Per admirábilem ascensió-
 nem tuam, libera.
 Per grátiam Spíritus San-
 cti Parácliti, libera.
 In die iudicii, libera.
 Peccatóres, te rogámus,
 audi nos.
 Ut ei parcas, te rogámus.
 Kýrie, eléison. Christe,
 eléison. Kýrie, eléison.

Deinde, cum in agone sui
 exitus anima anxietur, dicantur
 sequentes Orationes :

Oratio

Roficiscere, ánima
 christiána, de hoc
 mundo, in nómine
 Dei Patris omnipoténtis,
 qui te creávit; in nómine
 Jesu Christi Filii Dei vivi,
 qui pro te passus est; in nó-
 mine Spíritus Sancti, qui
 in te effúsus est; in nómine
 gloriósæ et sanctæ Dei Ge-
 nitrícis Vírginis Mariæ; in
 nómine beáti Joseph, inclý-
 ti ejúsdem Vírginis Spon-
 si; in nómine Angelórum

et Archangelórum; in nó-
 mine Thronórum et Domi-
 nationum; in nómine Prin-
 cipátuum et Potestátum;
 in nómine Virtútum, Ché-
 rubim et Séraphim; in
 nómine Patriarchárum et
 Prophetárum; in nómine
 sanctórum Apostolórum
 et Evangelistárum; in nó-
 mine sanctórum Mártý-
 rum et Confessorum; in
 nómine sanctórum Mona-
 chórum et Eremitárum; in
 nómine sanctárum Vírgi-
 num, et ómnium Sanctó-
 rum et Sanctárum Dei;
 hódie sit in pace locus
 tuus, et habitatio tua in
 sancta Sion. Per eúmdem
 Christum, Dóminum no-
 strum. **R.** Amen.

Oratio

Deus miséricors, Deus
 clemens, Deus, qui se-
 cúndum multitudínem mi-
 serationum tuárum peccá-
 ta pœniténtium deles, et
 præteritórum críminum
 culpas vénia remissionis
 evácuas : réspice propítius
 super hunc fámulum tuum
N. (hanc fámulam tuam
N.), et remissionem óm-
 nium peccatórum suórum
 tota cordis confessióne po-
 scéntem deprecátus ex-
 áudi. Rénova in eo (ea),
 piíssime Pater, quidquid
 terréna fragilitáte corrú-
 ptum, vel quidquid dia-
 bólica fraude violátum est;

et unitati corporis Ecclesiæ membrum redemptionis annecte. Miserere, Domine, gemituum, miserere lacrimarum ejus; et non habentem fiduciam, nisi in tua misericordia, ad tuæ Sacramentum reconciliationis admitte. Per Christum Dominum nostrum.

℟. Amen.

Oratio

Commendo te omnipotenti Deo, carissime frater (carissima soror), et ei, cujus es creatura, committo; ut, cum humanitatis debitum morte interveniente persolveris, ad auctorem tuum, qui te de limo terræ formaverat, revertaris. Egrediēti itaque animæ tuæ de corpore splendidus Angelorum cœtus occurrat: judex Apostolorum tibi senatus adveniat: candidatorum tibi Martyrum triumphator exercitus obviet: liliata rutilantium te Confessorum turma circumdet: jubilantium te Virginum chorus excipiat: et beatæ quietis in sinu Patriarcharum te complexus astringat: sanctus Joseph, morientium Patronus dulcissimus, in magnam spem te erigat: sancta Dei Genitrix Virgo Maria suos benigna oculos ad te convertat: mitis atque festivus

Christi Jesu tibi aspectus appareat, qui te inter assistentes sibi jūgiter interesse decernat. Ignores omne quod horret in tenebris, quod stridet in flammis, quod cruciat in tormentis. Cedat tibi teterrimus sathanas cum satellitibus suis: in adventu tuo, te comitantibus Angelis, contremiscat, atque in æternæ noctis chaos immane diffugiat. Exsurgat Deus, et dissipentur inimici ejus, et fugiant qui odérunt eum, a facie ejus. Sicut déficit fumus, deficiant: sicut fluit cera a facie ignis, sic pereant peccatores a facie Dei. Et justi epulentur, et exsultent in conspectu Dei. Confundantur igitur et erubescant omnes tartaræ legiones, et ministri sathanæ iter tuum impedire non audeant. Liberet te a cruciatu Christus, qui pro te crucifixus est. Liberet te ab æterna morte Christus, qui pro te mori dignatus est. Constituat te Christus, Filius Dei vivi, intra paradisi sui semper amœna viréntia, et inter oves suas te verus ille Pastor agnoscant. Ille ab omnibus peccatis tuis te absolvat, atque ad dexteram suam in electorum suorum te sorte constituat. Redemptionem tuam facie ad faciem videas, et præsens

semper assistens, manifestissimam beátis óculis aspicias veritátem. Constitútus (-a) igitur inter ágmina Beatórum, contemplatiónis divínæ dulcédine potiáris in sácula sæculórum. *℟.* Amen.

Oratio

Suscipe, Dómine, servum tuum (ancillam tuam) in locum sperándæ sibi salvatiónis a misericórdia tua. *℟.* Amen.

Líbera, Dómine, ánimam servi tui (ancillæ tuæ) ex ómnibus periculis inférni, et de láqueis pœnárum, et ex ómnibus tribulatióibus. *℟.* Amen.

Líbera, Dómine, ánimam servi tui (ancillæ tuæ), sicut liberásti Henoch et Elíam de commúni morte mundi. *℟.* Amen.

Líbera, Dómine, ánimam servi tui (ancillæ tuæ), sicut liberásti Noë de dilúvio. *℟.* Amen.

Líbera, Dómine, ánimam servi tui (ancillæ tuæ), sicut liberásti Abraham de Ur Chaldæórum. *℟.* Amen.

Líbera, Dómine, ánimam servi tui (ancillæ tuæ), sicut liberásti Job de passióibus suis. *℟.* Amen.

Líbera, Dómine, ánimam servi tui (ancillæ tuæ), sicut liberásti Isaac de hóstia, et de manu patris sui Abrahæ. *℟.* Amen.

Líbera, Dómine, ánimam servi tui (ancillæ tuæ), sicut liberásti Lot de Sódomis, et de flamma ignis. *℟.* Amen.

Líbera, Dómine, ánimam servi tui (ancillæ tuæ), sicut liberásti Móysen de manu Pharaónis regis Ægyptiórum. *℟.* Amen.

Líbera, Dómine, ánimam servi tui (ancillæ tuæ), sicut liberásti Daniélem de lacu leónum. *℟.* Amen.

Líbera, Dómine, ánimam servi tui (ancillæ tuæ), sicut liberásti tres púeros de camíno ignis ardéntis, et de manu regis iníqui. *℟.* Amen.

Líbera, Dómine, ánimam servi tui (ancillæ tuæ), sicut liberásti Susánnam de falso crimine. *℟.* Amen.

Líbera, Dómine, ánimam servi tui (ancillæ tuæ), sicut liberásti David de manu regis Saul, et de manu Golíæ. *℟.* Amen.

Líbera, Dómine, ánimam servi tui (ancillæ tuæ), sicut liberásti Petrum et Paulum de carcéribus. *℟.* Amen.

Et sicut beatíssimam Theclam Vírginem et Mártirem tuam de tribus atrocíssimis torméntis liberásti, sic liberáre dignéris ánimam hujus servi tui (ancillæ tuæ), et tecum fácias in bonis congaudére cæléstibus. *℟.* Amen.

Oratio

Commendámus tibi, Dómine, ánimam fámuli tui **N.** (fámulæ tuæ **N.**) precamúrque te, Dómine Jesu Christe, Salvátor mundi : ut, propter quam ad terram misericórditer descendísti, Patriarchárum tuórum sínibus insinuáre non rénuas. Agnósce, Dómine, creatúram tuam, non a diis aliénis creatam, sed a te, solo Deo vivo et vero; quia non est álius Deus præter te, et non est secúndum ópera tua. Lætifica, Dómine, ánimam ejus in conspéctu tuo; et ne memíneris iniquitátum ejus antiquárum et ebrietátum, quas suscitávit furor sive fervor mali desidérii. Licet enim peccáverit, tamen Patrem, et Fílium, et Spíritum Sanctum non negávit, sed credidit; et zelum Dei in se hábuit, et Deum, qui fecit ómnia, fidéliter adorávit.

Oratio

Delicta juventútis et ignorántias ejus, quæsumus, ne memíneris, Dómine; sed secúndum magnam misericórdiam tuam memor esto illíus in glória claritátis tuæ. Aperiantur ei cæli, collæténtur illi Angelí. In regnum tuum, Dómine, servum tuum (ancillam tuam) súscipe. Susci-

piat eum (eam) sanctus Michaél Archángelus Dei, qui militiæ cæléstis méruit principátum. Véniant illi óbviám sancti Angeli Dei, et perdúcant eum (eam) in civitátem cæléstem Jerúsalem. Suscípiat eum (eam) beátus Petrus Apóstolus, cui a Deo claves regni cæléstis tráditæ sunt. Adjuvet eum (eam) sanctus Paulus Apóstolus, qui dignus fuit esse vas electiόνis. Intercédant pro eo (ea) sanctus Joánnes, eléctus Dei Apóstolus, cui reveláta sunt secréta cæléstia. Orent pro eo (ea) omnes sancti Apóstoli, quibus a Dómino data est potéstas ligándi atque solvéndi. Intercédant pro eo (ea) omnes Sancti et Elécti Dei, qui pro Christi nómine torménta in hoc sáculo sustinuérunt; ut vínculis carnis exútus (-a) pervenire mereátur ad glóriam regni cæléstis, præstánte Dómino nostro Jesu Christo : Qui cum Patre et Spíritu Sancto vivit et regnat in sácula sæculórum. **℟.** Amen.

Oratio

Clementíssima Virgo Dei Génitrix María, mæréntium piíssima consolátrix, fámuli (fámulæ) **N.** spíritum Fílio suo coméndet : ut, hoc matérno

interventu, terróres mortis non tímeat; sed desideratam cæléstis pátriæ mansiónem, ea cómite, lætus (-a) ádeat. *℟.* Amen.

Oratio

AD te confúgio, sancte Joseph, Patrónem morientium, tibique, in cujus beáto tránsitu vígiles astiterunt Jesus et María, per hoc utrúmque caríssimum pignus, ánimam hujus fámulí *N.* (fámulæ *N.*) in extrémó agóne laborántem eníxe comméndo, ut ab insídiis diáboli, et a morte perpétua, te protegente, liberétur, et ad gáudia ætéRNA perveníre mereátur. Per eúndem Christum Dóminum nostrum.

℟. Amen.

Si anxíatur adhuc anima, dicuntur hi Psalmi, videlicet Ps. 117 Confitémini 40, et totus Ps. 118 Beáti immaculáti, per Horas Dominicæ distributus. 42-57

IN EXPIRATIONE

Moriens, si potest, dicat; vel si non potest, assistens sive Sacerdos pro eo clara voce pronuntiet: Jesu, Jesu, Jesu. Quod et ea quæ sequuntur, ad illius aures, si videbitur, etiam sæpius repetat:

In manus tuas, Dómine, comméndo spíritum meum. Dómine Jesu Christe, súscipe spíritum meum.

Sancta María, ora pro me.

María, mater grátiae, mater misericórdiae, tu me ab hoste prótege, et hora mortis súscipe.

Sancte Joseph, ora pro me. Sancte Joseph, cum beáta Vírgine Sponsa tua, áperi mihi divínæ misericórdiae sinum.

Jesu, María, Joseph, vobis cor et ánimam meam dono.

Jesu, María, Joseph, astá-te mihi in extrémó agóne.

Jesu, María, Joseph, in pace vobíscum dórmiam et requiéscam.

Egressa autem anima, dicitur hoc

℟. Subveníte, Sancti Dei, occúrrite, Angeli Dómini,

* Súscipiéntes ánimam ejus, * Offeréntes eam in conspéctu Altíssimi.

℣. Súscípiat te Christus, qui vocávit te, et in sinum Abrahæ Angeli dedúcant te. *℟.* Súscipiéntes ánimam ejus, * Offeréntes eam in conspéctu Altíssimi.

℣. Réquiem ætéRNAM dona ei, Dómine: et lux perpétua lúceat ei. — Offeréntes.

Deinde Kýrie, eléison, Christe, eléison. Kýrie, eléison.

Postea Pater noster *secreto usque ad ℣.* Et ne nos indúcas in tentatió-nem. *℟.* Sed libera nos a malo.

℣. Réquiem ætérnam dona ei, Dómine. ℞. Et lux perpétua lúceat ei.

℣. A porta inferi. ℞. Erue, Dómine, ánimam ejus.

℣. Requiéscat in pace.

℞. Amen.

℣. Dómine, exáudi oratiómem meam. ℞. Et clamor meus ad te véniat.

℣. Dóminus vobíscum.

℞. Et cum spírítu tuo.

Orémus.

Oratio

Tibi, Dómine, commendamus ánimam fámuli tui **N.** (fámulæ tuæ **N.**), ut defúctus (-a) sáeculo tibi vivat : et quæ per fragilitátem humanæ conversatiónis peccáta commísit, tu vénia misericordíssimæ pietátis abstérge. Per Christum Dóminum nostrum.

℞. Amen.

FORMULA

AD IMPERTIENDAM INDULGENTIAM PLENARIAM IN ARTICULO MORTIS

℣. Adjutórium nostrum in nómine Dómini. ℞. Qui fecit cælum et terram.

Ant. Ne reminiscáris, Dómine, delícta fámuli tui (ancíllæ tuæ), neque vindíctam sumas de peccátis ejus.

Kýrie, eléison. Christe, eléison. Kýrie, eléison.

Pater noster **secreto usque ad** ℣. Et ne nos indúcas in tentatiómem. ℞. Sed libera nos a malo.

℣. Salvum (-am) fac servum tuum (ancíllam tuam). ℞. Deus meus, sperántem in te.

℣. Dómine, exáudi oratiómem meam. ℞. Et clamor meus ad te véniat.

℣. Dóminus vobíscum.

℞. Et cum spírítu tuo.

Orémus.

Oratio

Clementíssime Deus, Pater misericordiárum et Deus totíus consolatiónis, qui néminem vis períre in te credéntem atque sperántem : secúndum multitúdinem miseratiónum tuárum respice propítius fámulum tuum **N.**, quem (fámulam tuam **N.**, quam) tibi vera fides et spes cristiána comméndant. Vísitá eum (eam) in salutári tuo, et, per Unigéniti tui passiómem et mortem, ómnium ei delictórum suórum remissiómem et véniam cleménter indúlge; ut ejus ánimá in hora éxitus sui te júdicem propitiátum invéníat, et, in ságuine ejúsdem Filii tui

ab omni mácula ablúta, transíre ad vitam mereátur perpétuam. Per eúmdem Christum Dóminum nostrum. *℟.* Amen.

Tunc, dicto ab uno e Clericis astantibus Confiteor, Sacerdos dicat Misereátur et Indulgéntiam, ac deinde :

Dominus noster Jesus Christus, Fílius Dei vivi, qui beáto Petro Apóstolo suo dedit potestátem ligándi atque solvéndi, per suam piíssimam misericórdiam recípiat confessiónem tuam, et restítuat tibi stolam primam, quam in baptísmate recepísti. Et ego, facultáte mihi ab Apostólica Sede tribúta, indulgéntiam plenáriam et remissionem ómnium peccatórum tibi concédo. In nómine Patris, et Fílii, ✠ et Spíritus Sancti. *℟.* Amen.

Per sacrosáncta humánæ reparatiónis mystéria, remíttat tibi omnípotens Deus omnes præsentis et futúre vitæ pœnas, paradísi portas apériat et ad gáudia sempitérna perdúcat. *℟.* Amen.

Benedícat te omnípotens Deus Pater, et Fílius, ✠

et Spíritus Sanctus. *℟.* Amen.

Si vero Infirmus sit adeo mortí proximus, ut neque confessionis generalis faciendæ, neque præmissarum precum recitandarum suppetat tempus, statim sacerdos benedictionem ei impertiatur, dicendo :

Ego, facultáte mihi ab Apostólica Sede tribúta, indulgéntiam plenáriam et remissionem ómnium peccatórum tibi concédo. In nómine Patris, et Fílii, ✠ et Spíritus Sancti.

℟. Amen.

Per sacrosáncta... etc., *ut supra.*

Benedícat te... *ut supra.*

In casu vero necessitatis sufficit dicere :

Ego facultáte mihi ab Apostólica Sede tribúta, indulgéntiam plenáriam et remissionem ómnium peccatórum tibi concédo, et benedíco te. In nómine Patris et Fílii, ✠ et Spíritus Sancti. *℟.* Amen.

Quando hujusmodi Benedictio Apostolica pluribus simul infirmis impertitur, omnia dicantur semel ut supra, singulari tantum numero in pluralem immutato.

BENEDICTIO MENSÆ

ANTE PRANDIUM

Sacerdos benedicturus mensam incipit : Benedícite, et alii repetunt : Benedícite.

Deinde Sacerdos incipit Versum :

OCuli ómnium, et alii **prosequuntur** : In te sperant, Dómine, et tu das escam illórum in témpore opportúno. Aperis tu manum tuam, et imples omne ánimam benedictióne.

Glória Patri. Sicut erat.

Kýrie, eléison. Christe, eléison. Kýrie, eléison.

Pater noster **secreto usque ad** **℟**. Et ne nos indúcas in tentatióem. **℟**. Sed libera nos a malo.

Postea Sacerdos dicit :

Orémus.

Benedic, Dómine, nos, et hæc tua dona, quæ de tua largitate sumus sumptúri. Per Christum Dóminum nostrum.

℟. Amen.

Deinde Lector : Jube, domne, benedícere.

Bened. Mensæ cæléstis partícipes fáciat nos Rex ætéernæ glóriæ. **℟**. Amen.

POST PRANDIUM

aguntur gratiæ hoc modo :

Dicto a Lectore Tu autem, Dómine, miserére no-

bis. **℟**. Deo grátias, omnes surgunt.

Sacerdos incipit : **℟**. Confíteántur tibi, Dómine, ómnia ópera tua. **℟**. Et Sancti tui benedícant tibi. Glória Patri. Sicut erat.

Postea Sacerdos absolute dicat :

Agimus tibi grátias, omnípotens Deus, pro univérsis beneficiis tuis : Qui vivis et regnas in sæcula sæculórum. **℟**. Amen.

Deinde alternatim dicitur Ps. 50 Miserére mei, Deus 75 vel [231].

Vel Psalmus 116

Laudáte Dóminum, omnes gentes : * laudáte eum, omnes pópuli :

Quóniam confirmáta est super nos misericórdia ejus : * et véritas Dómini manet in ætéernum.

Glória Patri. Sicut erat.

Kýrie, eléison. Christe, eléison. Kýrie, eléison.

Sacerdos dicit Pater noster, quod cum aliis secreto prosequitur usque ad

℟. Et ne nos indúcas in tentatióem. **℟**. Sed libera nos a malo.

℟. Dispérsit, dedit pauperibus. **℟**. Justítia ejus manet in sæculum sæculi.

℣. Benedicam Dóminum in omni témpore. ℞. Semper laus ejus in ore meo.

℣. In Dómino laudábitur ánima mea. ℞. Audiant mansuétí, et læténtur.

℣. Magnificáte Dóminum mecum. ℞. Et exaltémus nomen ejus in idípsum.

℣. Sit nomen Dómini benedíctum. ℞. Ex hoc nunc et usque in sáeculum.

Deinde Sacerdos absolute dicat :

Retribúere dignáre, Dómine, ómnibus, nobis bona faciéntibus propter nomen tuum, vitam ætérnam. ℞. Amen.

℣. Benedicámus Dómino.

℞. Deo grátias.

℣. Fidélium ánimæ per misericórdiam Dei requiéscant in pace. ℞. Amen.

Pater noster, totum secreto.

Quo finito, Sacerdos dicit :

℣. Deus det nobis suam pacem. ℞. Amen.

ANTE CŒNAM

Sacerdos benedicturus mensam incipit : Benedícite, et alii repetunt : Benedícite.

Deinde Sacerdos incipit Versum :

Edent páuperes, et alii **prosequuntur** : Et saturabúntur, et laudábunt Dóminum, qui requírun

eum : vivent corda eórum in sáeculum sáeculi.

Glória Patri. Sicut erat.

Kýrie, eléison. Christe, eléison. Kýrie, eléison.

Pater noster **secreto usque ad** ℣. Et ne nos indúcas in tentatiónem. ℞. Sed libera nos a malo.

Orémus.

Benedic, Dómine, nos, et hæc tua dona, quæ de tua largitáte sumus sumptúri. Per Christum Dóminum nostrum.

℞. Amen.

℣. Jube, domne, benedícere.

Bened. Ad cœnam vitæ ætérnæ perdúcat nos Rex ætérnæ glóriæ.

℞. Amen.

POST CŒNAM

aguntur gratiæ ut post Prandium, sed dicitur :

℣. Memóriam fecit mirábilium suórum miséricors et miserátor Dóminus.

℞. Escam dedit timéntibus se.

Glória Patri. Sicut erat.

Benedíctus Deus in donis suis, et sanctus in ómnibus opéribus suis : Qui vivit et regnat in sáecula sáeculórum. ℞. Amen.

Deinde alternatim dicitur Ps. 116 Laudáte Dóminum, omnes gentes, **et reliqua ut supra.** [247]

Quando semel comeditur, omnia dicuntur ut in Cœna.

Prædictus modus benedicens mensam, et agendi gratias, servatur omni tempore hujus Partis Æstivæ.

ITINERARIUM

Clericus in ipso itineris ingressu, si solus fuerit, dicat quæ sequuntur in singulari; si cum sociis, in plurali.

Ant. In viam pacis.

Canticum Zachariæ Benedictus Dóminus, Deus Israël. [225]

Ant. In viam pacis et prosperitátis dirigat nos omnipotens et miséricors Dóminus, et Angelus Raphaël comitétur nobiscum in via; ut cum pace, salutē et gáudio revertámur ad própria.

Kýrie, eléison. Christe, eléison. Kýrie, eléison.

Pater noster **secreto usque ad** **℟.** Et ne nos inducas in tentationem. **℟.** Sed libera nos a malo.

℣. Salvos fac servos tuos. **℟.** Deus meus, sperántes in te.

℣. Mitte nobis, Dómine, auxílium de sancto. **℟.** Et de Sion tuere nos.

℣. Esto nobis, Dómine, turris fortitúdinis. **℟.** A fácie inimíci.

℣. Nihil proficiat inimícus in nobis. **℟.** Et filius iniquitátis non appónat nocére nobis.

℣. Benedictus Dóminus die quotidie. **℟.** Prósperum iter fáciat nobis Deus salutárium nostrórum.

℣. Vias tuas, Dómine, demónstra nobis. **℟.** Et sémitas tuas édoce nos.

℣. Utinam dirigántur viæ nostræ. **℟.** Ad custodiéndas justificatiónes tuas.

℣. Erunt prava in directa. **℟.** Et áspera in vias planas.

℣. Angelis suis Deus mandávit de te. **℟.** Ut custodiant te in ómnibus viis tuis.

℣. Dómine, exáudi orationem meam. **℟.** Et clamor meus ad te véniat.

℣. Dóminus vobíscum. **℟.** Et cum spíritu tuo.

Orémus.

Oratio

Deus, qui filios Israël per maris médium sicco vestígio ire fecísti, quique tribus Magis iter ad te stella duce pandísti : tribue nobis, quæsumus, iter prósperum tempúsque tranquillum; ut, Angelo tuo sancto cómite, ad eum quo pèrgimus locum, ac de-

munum ad æternæ salutis portum pervenire feliciter valeamus.

DEus, qui Abraham puerum tuum, de Ur Chaldæorum eductum, per omnes suæ peregrinationis vias illæsum custodisti; quæsumus, ut nos famulos tuos custodire digneris : esto nobis, Domine, in procinctu suffragium, in via solatium, in æstu umbraculum, in pluvia et frigore tegumentum, in lassitudine vehiculum, in adversitate præsidium, in lûbrico bâculus, in naufragio portus; ut, te duce, quo tendimus, prospere perveniamus, et demum incolumes ad propria redeamus.

ADesto, quæsumus, Domine, supplicationibus nostris : et viam famulorum tuorum in salutis tuæ prosperitate dispone; ut inter omnes viæ et vitæ hujus varietates tuo semper protegâmur auxilio.

PRæsta, quæsumus, omnipotens Deus : ut familia tua per viam salutis incêdat; et, beati Joannis Præcursoris hortamenta sectando, ad eum, quem prædixit, secûra perveniat, Dominum nostrum Jesum Christum, Fîlium tuum : Qui tecum vivit et regnat in unitate Spiritus Sancti Deus, per omnia sæcula sæculorum. *℟.* Amen.

℣. Procedâmus in pace.

℟. In nómine Domini. Amen.





Preces ante et post Missam

PRÆPARATIO AD MISSAM

PRO OPPORTUNITATE SACERDOTIS FACIENDA

Quilibet Sacerdos, ex concessione Pii Pp. XI, sub die 3 Octobris 1936, lucrari potest : Indulgentiam quinque annorum si, ante Missæ celebrationem, recitet Psalmos 83, 84, 85, 115 et 129 cum adnexa antiphona, versiculis et Orémus ut infra; plenariam, si per integrum mensem prædictas preces quotidie recitaverit, additis confessione sacramentali et oratione ad Summi Pontificis mentem.

Ant. Ne reminiscáris, *
Dómine, delícta nostra vel
paréntum nostrórum, ne-
que vindíctam sumas de
peccátis nostris.

Quæ Antiphona in Duplici-
bus tantum duplicatur.

Psalmus 83

Quam dilécta taber-
nacula tua, Dó-
mine virtútum : *
concupíscit, et déficit
ánima mea in átria Dó-
mini.

Cor meum, et caro mea *
exsultavérunt in Deum vi-
vum.

Etenim passer invénit si-
bi domum : * et turtur ni-
dum sibi, ubi ponat pullos
suos.

Altária tua, Dómine vir-
tútum : * Rex meus, et
Deus meus.

Beáti, qui hábitant in
domo tua, Dómine : * in
sæcula sæculórum laudá-
bunt te.

Beátus vir, cujus est au-
xílium abs te : * ascensió-
nes in corde suo dispósuit,
in valle lacrimárum in
loco, quem pósuit.

Etenim benedictiónem
dabit legislátor, ibunt de

virtúte in virtútem : *
vidébitur Deus deórum in
Sion.

Dómine, Deus virtútum,
exáudi oratióem meam : *
áuribus pércipe, Deus
Jacob.

Protéctor noster, áspice,
Deus : * et réspice in fá-
ciem Christi tui :

Quia mélior est dies una
in átriis tuis, * super
míllia.

Elégi abjéctus esse in do-
mo Dei mei : * magis quam
habitáre in tabernáculis
peccatórum.

Quia misericórdiam, et
veritátem díligit Deus : *
grátiam et glóriam dabit
Dóminus.

Non privábit bonis eos,
qui ámbulant in innocén-
tia : * Dómine virtútum,
beátus homo, qui sperat
in te.

Glória Patri.

Psalmus 84

Benedixísti, Dómine,
terram tuam : * aver-
tísti captivitátem Jacob.

Remisísti iniquitátem
plebis tuæ : * operuísti
ómnia peccáta eórum.

Mitigásti omnem iram
tuam : * avertísti ab ira
indignatióis tuæ.

Convérte nos, Deus, sa-
lutáris noster : * et avérte
iram tuam a nobis.

Numquid in ætérnum
irascéris nobis? * aut ex-

téndes iram tuam a gene-
ratióne in generatióem?

Deus, tu convérsus vivi-
ficábis nos : * et plebs tua
lætábitur in te.

Osténde nobis, Dómine,
misericórdiam tuam : *
et salutáre tuum da no-
bis.

Audiam quid loquátur in
me Dóminus Deus : * quó-
niam loquétur pacem in
plebem suam.

Et super sanctos suos : *
et in eos, qui convertúntur
ad cor.

Verúmtamen prope ti-
méntes eum salutáre
ipsíus : * ut inhábitet gló-
ria in terra nostra.

Misericórdia, et véritas
obviavérunt sibi : * justí-
tia, et pax osculatæ sunt.

Véritas de terra orta
est : * et justítia de cælo
prospéxit.

Etenim Dóminus dabit
benignitátem : * et terra
nostra dabit fructum
suum.

Justítia ante eum ambu-
lábit : * et ponet in via
gressus suos.

Glória Patri.

Psalmus 85

Inclína, Dómine, aurem
tuam, et exáudi me : *
quóniam inops, et pauper
sum ego.

Custódi ánimam meam,
quóniam sanctus sum : *
salvum fac servum tuum,

Deus meus, sperántem in te.

Miserére mei, Dómine, quóniam ad te clamávi tota die : * lætífica ánimam servi tui, quóniam ad te, Dómine, ánimam meam levávi.

Quóniam tu, Dómine, suávis, et mitis : * et multæ misericórdiæ ómnibus invocántibus te.

Auribus pércipe, Dómine, oratiómem meam : * et inténde voci deprecatiónis meæ.

In die tribulatiónis meæ clamávi ad te : * quia exaudísti me.

Non est símilis tui in diis, Dómine : * et non est secúndum ópera tua.

Omnes gentes quascúmque fecisti, vénient, et adorábunt coram te, Dómine : * et glorificábunt nomen tuum.

Quóniam magnus es tu, et fáciens mirábilia : * tu es Deus solus.

Deduc me, Dómine, in via tua, et ingrédiar in veritáte tua : * lætétur cor meum ut tímeat nomen tuum.

Confitébor tibi, Dómine, Deus meus, in toto corde meo, * et glorificábo nomen tuum in ætérnum :

Quia misericórdia tua magna est super me : * et eruísti ánimam meam ex inférno inferióri.

Deus, iníqui insurrexérunt super me, et synagóga poténtium quæsiérunt ánimam meam : * et non proposuérunt te in conspéctu suo.

Et tu, Dómine, Deus miserátor et miséricors, * pátiens, et multæ misericórdiæ, et verax.

Réspice in me, et miserére mei, * da impérium tuum púero tuo : et saluum fac fílium ancillæ tuæ.

Fac mecum signum in bonum, ut vídeant qui odérunt me, et confundántur : * quóniam tu, Dómine, adjuvísti me, et consolátus es me.

Glória Patri.

Psalmus 115

CRédidi, propter quod locútus sum : * ego autem humiliátus sum nimis.

Ego dixi in excéssu meo : * Omnis homo mendax.

Quid retribuam Dómino, * pro ómnibus, quæ retribuit mihi?

Cálicem salutáris accipiam : * et nomen Dómini invocábo.

Vota mea Dómino reddam coram omni pópulo ejus : * pretiósa in conspéctu Dómini mors sanctórum ejus :

O Dómine, quia ego servus tuus : * ego servus tuus, et fílius ancillæ tuæ.

Dirupísti víncula mea : *
tibi sacrificábo hóstiam
laudis, et nomen Dómini
invocábo.

Vota mea Dómino red-
dam in conspéctu omnis
pópuli ejus : * in átriis do-
mus Dómini, in médio tui,
Jerúsalem.

Glória Patri.

Psalmus 129

DE profúndis clamávi ad
te, Dómine : * Dómi-
ne, exáudi vocem meam :

Fiant aures tuæ inten-
déntes, * in vocem depre-
caciónis meæ.

Si iniquitátes observáve-
ris, Dómine : * Dómine,
quis sustinébit?

Quia apud te propitiá-
tio est : * et propter
legem tuam sustínui te,
Dómine.

Sustínuit ánima mea in
verbo ejus : * sperávit áni-
ma mea in Dómino.

A custódia matutína us-
que ad noctem : * speret
Israël in Dómino.

Quia apud Dóminum mi-
sericórdia : * et copiósa
apud eum redemptio.

Et ipse rédimet Israël, *
ex ómnibus iniquitátibus
ejus.

Glória Patri.

Deinde repetitur :

Ant. Ne reminiscáris, Dó-
mine, delícta nostra vel pa-
réntum nostrórum, neque

vindíctam sumas de pec-
cátis nostris.

Postea Sacerdos dicit :

Kýrie, eléison. Christe,
eléison. Kýrie, eléison.

Pater noster.

℣. Et ne nos indúcas in
tentatiónem. ℞. Sed libera
nos a malo.

℣. Ego dixi : Dómine,
miserére mei. ℞. Sana áni-
mam meam, quia peccávi
tibi.

℣. Convértere, Dómine,
aliquántulum. ℞. Et de-
precáre super servos tuos.

℣. Fiat misericórdia
tua, Dómine, super nos.
℞. Quemádmódum sperá-
vimus in te.

℣. Sacerdótes tui induán-
tur justítiam. ℞. Et San-
cti tui exsúltent.

℣. Ab occúltis meis mun-
da me, Dómine. ℞. Et ab
aliénis parce servo tuo.

℣. Dómine, exáudi ora-
tiónem meam. ℞. Et cla-
mor meus ad te véniat.

℣. Dóminus vobíscum.

℞. Et cum spíritu tuo.

Orémus.

Aures tuæ pietátis, mi-
tíssime Deus, inclína
précibus nostris, et grátia
Sancti Spíritus illúmina
cor nostrum : ut tuis my-
stériis digne ministráre,
teque æténa caritáte dilí-
gere mereámur.

DEus, cui omne cor patet et omnis volúntas lóquitur, et quem nullum latet secrétum : purifica per infusiónem Sancti Spíritus cogitatiónes cordis nostri; ut te perfécte diligere, et digne laudáre mereámur.

URE igne Sancti Spíritus renes nostros et cor nostrum, Dómine : ut tibi casto córpore serviámus, et mundo corde placeámus.

MEntes nostras, quæsumus, Dómine, Paráclitus, qui a te procedit, illúminet : et indúcat in omnem, sicut tuus promísit Fílius, veritátem.

ADsit nobis, quæsumus, Dómine, virtus Spíritus Sancti : quæ et corda nostra cleménter expúrget et ab ómnibus tueátur advérsis.

DEus, qui corda fidélium Sancti Spíritus illustratióne docuísti : da nobis in eódem Spíritu recta sápere; et de ejus semper consolatióne gaudére.

Consciéntias nostras, quæsumus, Dómine, visitándo purifica : ut véniens Dóminus noster Jesus Christus, Fílius tuus, parátam sibi in nobis invéniat mansiónem : Qui tecum vivit et regnat in unitáte Spíritus Sancti Deus,

per ómnia sæcula sæculórum. Amen.

Oratio

S. Ambrosii Episcopi

Indulgentia trium annorum pro qualibet ex sequentibus orationibus S. Ambrosii si in die assignata recitetur. Pius Pp. XI, 3 Octobris 1936.

DIE DOMINICA

SUMME Sacerdos et vere Póntifex, Jesu Christe, qui te obtulísti Deo Patri hóstiam puram et immaculátam in ara Crucis pro nobis míseris et peccatóribus, et qui dedísti nobis Carnem tuam ad manducándum et Sánguinem tuum ad bibéndum, et posuísti mystérium istud in virtúte Spíritus Sancti tui, dicens : Hæc quotiescúmque fecéritis, in mei memóriam faciétis : rogo per eúmdem Sánguinem tuum, magnum salútis nostræ prétium, rogo per hanc miram et ineffábilem caritátem, qua nos míseros et indignos sic amáre dignátus es, ut laváres nos a peccátis nostris in Ságuine tuo. Doce me servum tuum indignum, quem inter cétera dona tua étiam ad officium sacerdotále vocáre dignátus es, nullis meis méritis, sed sola dignatióne misericórdiæ tuæ; doce me, quæ-

so, per Spíritum Sanctum tuum, tantum tractáre mystérium ea reveréntia et honóre, ea devotióne et timóre, quibus opórtet et decet. Fac me per grátiam tuam semper illud de tanto mystério crédere et intelligere, sentíre et fírmiter tenére, dícere et cogitáre, quod tibi placet et éxpedit ánimæ meæ. Intret Spíritus tuus bonus in cor meum, qui sonet ibi sine sono, et sine strépitu verbórum loquátur omnem veritátem. Profúnda quippe sunt nimis, et sacro tecta velámine. Propter magnam cleméntiam tuam concéde mihi Missárum solémnia mundo corde et pura mente celebráre. Libera cor meum ab immúndis et nefándis, vanis et nóxiis cogitatióibus. Muni me beatórum Angelórum pia et fida custódia ac tutéla fortíssima, ut hostes ómnium bonórum confúsi discédant. Per virtútem tanti mystérii et per manum sancti Angeli tui, repélle a me et a cunctis servis tuis duríssimum spíritum supérbiæ et ceno dóxiæ, invídiæ et blasphemíæ, fornicatióis et im-mundítiae, dubietátis et diffidéntiæ. Confundántur, qui nos persecuúntur; pér-eant illi, qui nos pérdere festínant.

FERIA SECUNDA

REX vírginum et amátor castitátis et integritátis, cælésti rore benedictiόnis tuæ exstingue in corpore meo fómitem ardéntis libídinis, ut máneat in me tenor castitátis corporis et ánimæ. Mortífica in membris meis carnis stímulos omnésque libidinósas commotiόnes, et da mihi veram et perpétuam castitátem cum céteris donis tuis, quæ tibi placent in veritáte : ut sacrificium laudis casto corpore et mundo corde váleam tibi offérre. Quanta enim cordis contritiόne et lacrimárum fonte, quanta reveréntia et tremóre, quanta corporis castitáte et ánimæ puritáte istud divinum et cæléste sacrificium est celebrándum, ubi Caro tua in veritáte súmitur, ubi Sanguis tuus in veritáte bíbitur, ubi ima summis, terréna divinis jungúntur, ubi adest sanctórum Angelórum præséntia, ubi tu es sacrificium et sacérdos mirabíliter et ineffabíliter constitútus!

FERIA TERTIA

Quis digne hoc sacrificium celebráre póterit, nisi tu, Deus omnípotens, offeréntem féceris dignum? Scio, Dómine, et vere scio,

et idípsum pietáti tuæ confíteor, quia non sum dignus accédere ad tantum mystérium propter nímia peccáta mea et infinitas negligéntias meas. Sed scio, et veráciter ex toto corde meo credo et ore confíteor, quia tu potes me fácere dignum, qui solus potes fácere mundum de immúndo concéptum sémíne, et de peccatóribus justos et sanctos. Per hanc omnipoténtiam tuam te rogo, Deus meus, ut concédas mihi peccatóri hoc sacrificium celebráre cum timóre et tremóre, cum cordis puritáte et lacrimárum fonte, cum lætítia spiritali et cælésti gáudio. Séntiat mens mea dulcedinem beatíssimæ præséntiæ tuæ, et excúbias sanctorum Angelórum tuórum in circúitu meo.

FERIA QUARTA

EGO enim, Dómine, memor venerándæ passiónis tuæ, accédo ad altáre tuum, licet peccátor, ut offeram tibi sacrificium, quod tu instituísti et offérri præcepísti in commemoratióne tui, pro salutē nostra. Súscipe illud, quæso, summe Deus, pro Ecclésia sancta tua et pro pópulo, quem acquisivísti Sáanguine tuo. Et quóniam me peccátorem inter te et

eúmdem pópulum tuum médium esse voluísti, licet in me áliquod boni óperis testimónium non agnóscas, officium saltem dispensatiónis créditæ non recúses; nec per me indignum eórum salutis pér-eat prétium, pro quibus víctima salutáris dignátus es esse et redéptio. Prófero étiam, Dómine (si dignéris propítius intuéri), tribulatiónes plébium, perícula populórum, captivórum gémitus, misérias orphanórum, necessitátes peregrinórum, inópiam débílium, desperatiónes languéntium, deféctus senum, suspíria júvenum, vota vírginum, láménta viduárum.

FERIA QUINTA

TU enim miseréris ómnium, Dómine, et nihil odísti eórum quæ fecísti. Memoráre, quæ sit nostra substántia; quia tu Pater noster es, quia tu Deus noster es, ne irascáris satis, neque multitudínem víscerum tuórum super nos contíneas. Non enim in justificatióne nostris prostérnimus preces ante fáciem tuam, sed in miserationibus tuis multis. Aufer a nobis iniquitátes nostras, et ignem Sancti Spíritus in nobis cleménter accénde. Aufer cor lapí-

deum de carne nostra et da nobis cor cárneum, quod te amet, te díligat, te delectétur, te sequátur, te perfruátur. Orámus, Dómine, cleméntiam tuam, ut seréno vultu famíliam tuam, sacri tui nóminis officia præstolántem, aspícere dignéris; et, ut nullíus sit írritum votum, nullíus vácuua postulátio, tu nobis preces súggere, quas ipse propítius audíre et exaudíre delectéris.

FERIA SEXTA

Rogámus étiam te, Dómine, sancte Pater, et pro spirítibus fidélium defunctorum, ut sit illis salus, sánitas, gáudium et refrigeríum, hoc magnum pietátis sacraméntum. Dómine, Deus meus, sit illis hódie magnum et plenum convívium de te pane vivo, qui de cælo descendísti et das vitam mundo, de tua carne sancta et benedícta, Agni videlicet immaculáti, qui tollis peccáta mundi, quæ de sancto et glorióso beátæ Virgínis Mariæ útero est assúpta et de Spíritu Sancto concépta; ac de illo pietátis fonte, qui per lanceam mílitis ex tuo sacratíssimo látere emanávit : ut, exínde refécti et satiáti, refrigeráti et consoláti, exsúltent in laude de

glória tua. Peto cleméntiam tuam, Dómine, ut descendat super panem tibi sacrificándum plenitúdo tuæ benedictiónis, et sanctificátio tuæ divinitátis. Descéndat étiam, Dómine, illa Sancti Spíritus tui invisíbilis incomprehensibilisque majéstas, sicut quondam in patrum hóstias descendébat; qui et oblatiónes nostras Corpus et Sánguinem tuum efficiat, et me indignum sacerdotem dóceat tantum tractáre mystérium cum cordis puritáte et lacrimárum devotióne, cum reveréntia et tremóre, ita ut plácide ac benígne suscipias sacrificium de mánibus meis, ad salútem ómnium tam vivórum quam defunctorum.

SABBATO

ROgo étiam te, Dómine, per ipsum sacrosáctum mystérium Córporis et Sánguinis tui, quo quotidie in Ecclésia tua páscimur et potámur, ablúimur et sanctificámur, atque uníus summæ divinitátis partícipes effícimur. Da mihi virtútes tuas sanctas, quibus replétus bona consciéntia ad altáre tuum accédam, ita ut hæc cælestia sacraménta efficiántur mihi salus et vita. Tu enim dixísti ore tuo sancto et

benedicto : Panis, quem ego dabo, caro mea est pro mundi vita. Ego sum panis vivus, qui de cælo descendí. Si quis manducaverit ex hoc pane, vivet in ætérnum. Panis dulcissime, sana palátum cordis mei, ut sentiam suavitatem amoris tui. Sana illud ab omni languóre, ut nullam præter te sentiam dulcedinem. Panis candidissime, habens omne delectaméntum et omnem sapórem, qui nos semper réficis et numquam in te deficis; cómedat te cor meum, et dulcedine sapóris tui repleántur víscera animæ meæ. Mandúcat te Angelus ore pleno : mandúcet te peregrínus homo pro módulo suo, ne deficere possit in via, tali recreátus viático. Panis sancte, panis vive, panis munde, qui descendísti de cælo et das vitam mundo, veni in cor meum, et munda me ab omni inquinaménto carnis et spíritus. Intra in animam meam, sana et munda me intérius et extérius. Esto tutámen et continúa salus animæ et córporis mei. Repélle a me insidiántes mihi hostes : recédant procul a præsentia poténtiæ tuæ, ut, foris et intus per te múnitus, recto trámite ad tuum regnum pervéniam; ubi non in

mystériis, sicut in hoc témpore ágitur, sed fácie ad fáciem te vidébimus, cum tradíderis regnum Deo et Patri, et eris Deus ómnia in ómnibus. Tunc enim me de te satiábis satietáte mirífica, ita ut nec esúriam nec sítiám in ætérnum : Qui cum eódem Deo Patre et Spíritu Sancto vivis et regnas per ómnia sæcula sæculórum. Amen.

Alia Oratio S. Ambrosii ante Missam

*Indulgentia trium annorum.
Pius Pp. XI, 3 Octobris 1936*

AD mensam dulcissimi convívii tui, pie Dómine Jesu Christe, ego peccátor de própriis meis méritis nihil præsumens, sed de tua confídens misericórdia et bonitáte, accédere véreor et contremísco. Nam cor et corpus hábeo multis crimínibus maculátum, mentem et linguam non caute custodítam. Ergo, o pia Déitas, o treménda majéstas, ego miser, inter angústias deprehénsus, ad te fontem misericórdiæ recúrro, ad te festíno sanándus, sub tuam protectiónem fúgio; et, quem Júdicem sustinére néqueo, Salvatórem habére suspíro. Tibi, Dómine, plagas meas osténdo, tibi verecúndiam meam détego. Scio peccá-

ta mea multa et magna, pro quibus timeo : spero in misericórdias tuas, quarum non est númerus. Réspice ergo in me óculis misericórdiæ tuæ, Dómine Jesu Christe, Rex ætérne, Deus et homo, crucifíxus propter hóminem. Exáudi me sperántem in te : miserere mei pleni misériis et peccátis, tu qui fontem miseratiónis numquam manáre cessábis. Salve, salutaris víctima, pro me et omni humáno génere in patíbulo Crucis obláta. Salve, nóbilis et pretiósus Sanguis, de vulnéribus crucifíxi Dómini mei Jesu Christi prófluens, et peccáta totíus mundi ábluens. Recordáre, Dómine, creatúræ tuæ, quam tuo Sanguine redemísti. Pénitet me peccásse, cúpio emendáre quod feci. Aufer ergo a me, clementíssime Pater, omnes iniquitátes et peccáta mea; ut, purificátus mente et corpore, digne degustáre mérear Sancta sanctórum. Et concéde, ut hæc sancta prælibátio Corporis et Sanguinis tui, quam ego indignus súmere intendo, sit peccatórum meórum remissio, sit delictórum perfécta purgátio, sit túrpius cogitátionum effugátio ac bonórum sénsuum regenerátio, operúmque tibi placéntium

salúbris effícícia, ánimæ quoque et corpóris contra inimicórum meórum insídias firmíssima tuítio. Amen.

Oratio

S. Thomæ Aquinatis

Indulgentia trium annorum; plenaria, dummodo quotidiana orationis recitatio in integrum mensem producta fuerit et præterea sacramentalis confessio, alicujus ecclesiæ vel publici oratorii visitatio et ad mentem Summi Pontificis preces additæ fuerint. Pius Pp. XI, 10 Decembris 1936.

O Mnípotens sempitérne Deus, ecce accédo ad sacraméntum unigéniti Fílii tui, Dómini nostri Jesu Christi; accédo tamquam infirmus ad médicum vitæ, immúndus ad fontem misericórdiæ, cæcus ad lumen claritátis ætérnæ, pauper et egénus ad Dóminum cæli et terræ. Rogo ergo imménsæ largitátis tuæ abundántiam, quátenus meam curáre dignéris infirmitátem, laváre fœditátem, illumináre cæcitatē, ditáre paupertátem, vestíre nuditatē : ut panem Angelórum, Regem regum et Dóminum dominántium, tanta suscipiam reveréntia et humilitáte, tanta contritióne et devotióne, tanta puritatē

et fide, tali propósito et intentione, sicut expedit salutí animæ meæ. Da mihi, quæso, Domínici Corporis et Sanguinis non solum suscipere sacramentum, sed étiam rem et virtutem sacraménti. O mitíssime Deus, da mihi Corpus unigéniti Fílii tui, Dómini nostri Jesu Christi, quod traxit de Virgine María, sic suscipere, ut corpore suo mystico merear incorporári, et inter ejus membra connumerári. O amantíssime Pater, concede mihi diléctum Fílium tuum, quem nunc velátum in via suscipere propóno, reveláta tandem fácie perpétuo contemplári : Qui tecum vivit et regnat in unitáte Spíritus Sancti Deus, per ómnia sæcula sæculórum. Amen.

Oratio ad B. Mariam V. ante Missam

*Indulgentia trium annorum.
Pius Pp. XI, 3 Octobris 1936*

O Mater pietátis et misericórdiæ, beatíssima Virgo María, ego miser et indignus peccátor ad te confúgio toto corde et afféctu; et precor pietátem tuam, ut, sicut dulcíssimo Fílio tuo in Cruce pendénti astitisti, ita et mihi, mísero peccatóri, et sacerdotibus ómnibus, hic et in

tota sancta Ecclésia hódie offeréntibus, cleménter assistere dignéris, ut, tua grátia adjúti, dignam et acceptábilem hóstiam in conspéctu summæ et individuæ Trinitátis offerre valeámus. Amen.

Oratio ad S. Joseph

*Indulgentia trium annorum.
Pius Pp. XI, 3 Octobris 1936*

O Felícem virum, beátum Joseph, cui datum est, Deum, quem multi reges voluérunt vidére et non vidérunt, audíre et non audiérunt, non solum vidére et audíre, sed portáre, deosculári, vestíre et custodíre!

℟. Ora pro nobis, beáte Joseph. *℟.* Ut digni efficiámur promissionibus Christi.

Orémus.

Deus, qui dedisti nobis regále sacerdotium : præsta, quæsumus; ut, sicut beátus Joseph unigénitum Fílium tuum, natum ex María Virgine, suis mánibus reverénter tractáre méruit et portáre, ita nos fácias cum cordis mundítia et óperis innocéntia tuis sanctis altáribus deservíre, ut sacrosáncctum Fílii tui Corpus et Sanguinem hódie digne sumámus, et in futúro sæculo præmíum habére mereámur

æternum. Per eúmdem Christum, Dóminum nostrum. Amen.

Oratio ad omnes Angelos et Sanctos

*Indulgentia trium annorum.
Pius Pp. XI, 3 Octobris 1936*

Angeli, Archángeli, Throni, Dominationes, Principatus, Potestates, Virtutes cælorum, Chérubim atque Séraphim, omnes Sancti et Sanctæ Dei, præsertim Patróni mei, intercédere dignémini pro me, ut hoc sacrificium Deo omnipoténti digne váleam offerre, ad laudem et glóriam nóminis sui et ad utilitatem meam totiúsque Ecclésiæ suæ sanctæ. Amen.

Oratio ad Sanctum

*in cuius honorem Missa
celebrata est*

*Indulgentia trium annorum.
Pius Pp. XI, 3 Octobris 1936*

O Sancte **N.**, ecce ego miser peccátor, de tuis méritis confísus, óffero nunc sacratíssimum sacraméntum Córporis et Sánguinis Dómini nostri Jesu Christi pro tuo honóre et glória. Precor te humíliter et devóte, ut pro me hódie intercédere di-

gnéris, ut tantum sacrificium digne et acceptabiliter offerre váleam, ut eum tecum et cum ómnibus eléctis ejus æternáliter laudáre, atque cum eo regnáre váleam : Qui vivit et regnat in sæcula sæculórum. Amen.

Declaratio intentionis ante Missam

*Indulgentia quingentorum
dierum. Pius Pp. XI, 12 Julii 1935*

EGO volo celebráre Missam, et confícere Corpus et Ságuinem Dómini nostri Jesu Christi, juxta ritum sanctæ Románæ Ecclésiæ, ad laudem omnipoténtis Dei totiúsque Cúriæ triumphántis, ad utilitatem meam totiúsque Cúriæ militántis, pro ómnibus, qui se commendavérunt orationibus meis in genere et in spécie, et pro felici statu sanctæ Románæ Ecclésiæ. Amen.

Gaudium cum pace, emendationem vitæ, spátium veræ pæniténtiæ, grátiam et consolationem Sancti Spíritus, perseverántiam in bonis opéribus, tribuat nobis omnipotens et miséricors Dóminus. Amen.

GRATIARUM ACTIO POST MISSAM

Quilibet Sacerdos, ex concessione Pii XI sub die 3 Octobris 1936, lucrari potest : Indulgentiam quinque annorum, si post Missam celebratam recitet Canticum Trium puerorum et Psalmum 150 cum adnexa antiphona, versiculis et Orémus ut infra; plenariam, si per integrum mensem prædictas preces recitaverit, accedente sacramentali confessione et oratione ad mentem Summi Pontificis.

Ant. Trium puerorum * cantémus hymnum, quem cantábant Sancti in camíno ignis, benedicétes Dóminum.

Quæ Antiphona in Duplicibus tantum duplicatur.

**Canticum
trium Puerorum**

Dan. 3, 57-88 et 56



Benedícite, ómnia ópera Dómini, Dómino : * laudáte et superexaltáte eum in sæcula.

Benedícite, Angeli Dómini, Dómino : * benedicíte, cæli, Dómino.

Benedícite, aquæ omnes, quæ super cælos sunt, Dómino : * benedicíte, omnes virtútes Dómini, Dómino.

Benedícite, sol et luna, Dómino : * benedicíte, stellæ cæli, Dómino.

Benedícite, omnis imber et ros, Dómino : * benedicíte, omnes spíritus Dei, Dómino.

Benedícite, ignis et æstus, Dómino : * benedicíte, frigus et æstus, Dómino.

Benedícite, rores et pruina, Dómino : * benedicíte, gelu et frigus, Dómino.

Benedícite, glácies et nives, Dómino : * benedicíte, noctes et dies, Dómino.

Benedícite, lux et ténebræ, Dómino : * benedicíte, fúlgura et nubes, Dómino.

Benedícat terra Dóminum : * laudet et superexáltet eum in sæcula.

Benedícite, montes et colles, Dómino : * benedicíte, univérsa germinántia in terra, Dómino.

Benedícite, fontes, Dómino : * benedicíte, mária et flúmina, Dómino.

Benedícite, cete, et ómnia, quæ movéntur in aquis, Dómino : * benedicíte, omnes vólucres cæli, Dómino.

Benedícite, omnes béstiæ et pécora, Dómino : * benedicíte, filii hóminum, Dómino.

Benedícat Israël Dóminum : * laudet et superexáltet eum in sæcula.

Benedícite, sacerdótes Dómini, Dómino : * benedícite, servi Dómini, Dómino.

Benedícite, spíritus, et animæ justórum, Dómino : * benedícite, sancti, et húmiles corde, Dómino.

Benedícite, Ananía, Azaría, Mísaël, Dómino : * laudáte et superexaltáte eum in sácula.

Benedicámus Patrem et Fílium cum Sancto Spíritu : * laudémus et superexaltémus eum in sácula.

Benedíctus es, Dómine, in firmaménto cæli : * et laudábilis, et gloriósus, et superexaltátus in sácula.

¶ **Hic non dicitur** Glória Patri, **neque** Amen.

Psalmus 150

Laudáte Dóminum in sanctis ejus : * laudáte eum in firmaménto virtútis ejus.

Laudáte eum in virtútibus ejus : * laudáte eum secúndum multitudínem magnitúdinis ejus.

Laudáte eum in sono tubæ : * laudáte eum in psaltério, et cíthara.

Laudáte eum in týmpano, et choro : * laudáte eum in chordis, et órgano.

Laudáte eum in cýmbalis benesonántibus : laudáte eum in cýmbalis jubilatiónis : * omnis spíritus laudet Dóminum.

Glória Patri.

Ant. Trium puerórum cantémus hymnum, quem cantábant Sancti in camínno ignis, benedicétes Dóminum.

Postea Sacerdos dicit :

Kýrie, eléison. Christe, eléison. Kýrie, eléison.

Pater noster.

℣. Et ne nos indúcas in tentatiónem. ℞. Sed libera nos a malo.

℣. Confiteántur tibi, Dómine, ómnia ópera tua.

℞. Et Sancti tui benedícant tibi.

℣. Exsultábunt Sancti in glória. ℞. Lætabúntur in cubílibus suis.

℣. Non nobis, Dómine, non nobis. ℞. Sed nómini tuo da glóriam.

℣. Dómine, exáudi oratiónem meam. ℞. Et clamor meus ad te véniat.

℣. Dóminus vobíscum.

℞. Et cum spíritu tuo.

Orémus.

DEus, qui tribus púeris mitigásti flammás ignium : concéde propítius ; ut nos fámulos tuos non exúrat flamma vitiórum.

Actiões nostras, quæsumus, Dómine, aspirándo præveni et adjuvándo proséquere : ut cuncta nostra orátio et operátio a te semper incípiat, et per te cœpta finiátur.

DA nobis, quæsumus, Dómine, vitiórum nostrórum flammæ exstinguere : qui beáto Lauren-
tío tribuísti tormentórum suórum incéndia superáre. Per Christum, Dóminum nostrum. *℟.* Amen.

ORATIONES

PRO OPPORTUNITATE SACERDOTIS DICENDÆ

Oratio S. Thomæ Aquinatis

Indulgentia trium annorum; plenaria, oratione quotidie in integrum mensem pie reiterata et additis sacramentali confessione, alicujus ecclesiæ vel publici oratorii visitatione et precibus ad Summi Pontificis mentem. Pius Pp. XI, 22 Novembris 1934.

GRátias tibi ago, Dómine sancte, Pater omnípotens, ætérne Deus, qui me peccatórem, indígnum fámulum tuum, nullis meis méritis, sed sola dignatiónem misericórdiæ tuæ satiáre dignátus es pretiósó Córpoze et Sanguine Filii tui, Dómini nostri Jesu Christi. Et precor, ut hæc sancta commúnio non sit mihi reátus ad pœnam, sed intercæssio salutáris ad véniam. Sit mihi armatúra fidei et scutum bonæ voluntátis. Sit vitiórum meórum evacuátio, concupiscéntiæ et libídinis exterminátio, caritátis et patientiæ, humilitátis et obediéntiæ, omniúmque vir-

tútum augmentátio; contra insídias inimicórum ómnium, tam visibílium quam invisibílium, firma defénsio; mótuum meórum, tam carnálium quam spirituálium, perfécta quietátio; in te uno ac vero Deo firma adhæsió; atque finis mei felix consummátio. Et precor te, ut ad illud ineffábile convívium me peccatórem perducere dignéris, ubi tu cum Filio tuo et Spíritu Sancto Sanctis tuis es lux vera, satisfetas plena, gáudium sempitérnum, jucúnditas consummáta et felicitas perfécta. Per eúmdem Christum, Dóminum nostrum. Amen.

Oratio S. Bonaventuræ

Indulgentia trium annorum. Pius Pp. XI, 3 Octobris 1936

TRansfíge, dulcíssime Dómine Jesu, medúllas et víscera ánimæ meæ suavíssimo ac salubérrimo amóris tui vúlnerem, vera serenáque et apostólica

sanctíssima caritate, ut
 lángueat et liquefiat áni-
 ma mea solo semper amó-
 re et desidério tui; te con-
 cupíscat et deficiat in
 átria tua, cúpiat dissólvi
 et esse tecum. Da, ut áni-
 ma mea te esúriat, panem
 Angelórum, refectiónem
 animárum sanctárum, pa-
 nem nostrum quotidiá-
 num, supersubstantiálem,
 habéntem omnem dulcédi-
 nem et sapórem et omne
 delectaméntum suavitá-
 tis. Te, in quem desíde-
 rant Angeli prospícere,
 semper esúriat et cómedat
 cor meum, et dulcédine
 sapóris tui repleántur ví-
 scera animæ meæ; te sem-
 per sítiat fontem vitæ,
 fontem sapiéntiæ et scién-
 tiæ, fontem ætérni lúmi-
 nis, torréntem voluptátis,
 ubertátem domus Dei. Te
 semper ámbiat, te quærat,
 te invéniat, ad te tendat,
 ad te pervéniat, te meditétur,
 te loquátur, et ómnia
 operétur in laudem et gló-
 riam nóminis tui, cum hu-
 militáte et discretiónem, cum
 dilectiónem et delectatióem,
 cum facilitáte et afféctu,
 cum perseverántia usque
 in finem; ut tu sis solus
 semper spes mea, tota
 fidúcia mea, divítiæ meæ,
 delectátio mea, jucúnditas
 mea, gáudium meum,
 quies et tranqúillitas mea,
 pax mea, suávitatis mea,

odor meus, dulcédo mea,
 cibus meus, reféctio mea,
 refúgium meum, auxílium
 meum, sapiéntia mea, pór-
 tio mea, posséssio mea,
 thesáurus meus, in quo
 fixa et firma et immobíliter
 semper sit radicáta mens
 mea et cor meum. Amen.

Rhythmus S. Thomæ Aquinatis

*Indulgentia quinque anno-
 rum; plenaria suetis conditio-
 nibus, quotidiana rhythmí
 recitatione in integrum men-
 sem producta. Pius Pp. XI,
 12 Martii 1936.*

ADóro te devóte, latens
 Déitas,
 Quæ sub his figúris vere
 látitas :
 Tibi se cor meum totum
 súbjicit,
 Quia, te contémplans, to-
 tum déficit.

Visus, tactus, gustus in te
 fállitur,
 Sed audítu solo tuto crédi-
 tur :
 Credo quidquid dixit Dei
 Fílius,
 Nil hoc verbo Veritátis vé-
 rius.

In Cruce latébat sola Déi-
 tas,
 At hic latet simul et hu-
 mánitas;
 Ambo tamen credens at-
 que cónfitens,
 Peto quod petívit latro
 páenitens.

Plagas, sicut Thomas, non
intúeor,
Deum tamen meum te
confíteor :

Fac me tibi semper magis
crédere,
In te spem habére, te dili-
gere.

O memoriále mortis Dó-
mini,
Panis vivus, vitam præ-
stans hómini,
Præsta meæ menti de te
vivere,
Et te illi semper dulce sá-
pere.

Pie pellicáne, Jesu Dó-
mine,
Me immúndum munda tuo
Ságuine,
Cujus una stilla salvum fá-
cere
Totum mundum quit ab
omni scélere.

Jesu, quem velátum nunc
aspício,
Oro, fiat illud quod tam
sítio :
Ut, te reveláta cernens
fácie,
Visu sim beátus tuæ gló-
riæ. Amen.

Aspirationes S. Ignatii ad Sanctissimum Redemptorem

**Indulgentia septem anno-
rum, si Sacerdos post Mis-
sam invocationes pie recita-
verit; trecentorum dierum
toties quoties; plenaria sue-
tis conditionibus, dummodo**

**quotidie per integrum men-
sem invocationum recitatio
devote peracta fuerit. Pius
Pp. IX, 9 Januarii 1854.**

Anima Christi, sanctífica
me. Corpus Christi,
salva me. Sanguis Chri-
sti, inébria me. Aqua láte-
ris Christi, lava me. Pás-
sio Christi, confórta me.
O bone Jesu, exáudi me.
Intra tua vúlnera abscón-
de me. Ne permíttas me
separári a te. Ab hoste
málgno defénde me. In
hora mortis meæ voca me.
Et jube me veníre ad te,
ut cum Sanctis tuis lau-
dem te in sácula sæculó-
rum. Amen.


Oblatio sui

**Indulgentia trium annorum;
plenaria suetis conditionibus,
si quotidie per integrum men-
sem actus oblationis devote
recitatus fuerit. Pius Pp. XI,
4 Decembris 1932.**

Suscipe, Dómine, uni-
vérsam meam libertá-
tem. Accipe memóriam,
intelléctum atque voluntá-
tem omnem. Quidquid há-
beo vel possídeo, mihi
largítus es : id tibi totum
restítuo, ac tuæ prorsus
voluntáti trado gubernán-
dum. Amórem tui solum
cum grátia tua mihi do-
nes, et dives sum satis,
nec áliud quidquam ultra
posco.

Oratio ad D. N. J. C. Crucifixum

Indulgentia decem annorum; plenaria recitantibus post Missam et orantibus ad mentem Summi Pontificis. Pius Pp. XI, 2 Februarii 1934.



EN ego, o bone et dulcissime Jesu, ante conspéctum tuum génibus me provólvo ac máximo ánimí ardóre te oro atque obtéstor, ut meum in cor vívidos fidei, spei et caritátis sensus, atque veram peccatórum meórum pæniténtiam, éaque emendándi firmíssimam voluntátem velis imprimere; dum magno ánimí afféctu et dolóre tua quinque vúlnera mecum ipse consídero ac mente contémplo, illud præ óculis habens, quod jam in ore ponébat tuo David Prophéta de te, o bone Jesu : Foderunt manus meas et pedes meos; dinumeravérunt ómnia ossa mea. **Ps. 21, 17-18**

Alia Oratio

Indulgentia trium annorum. Pius Pp. IX, 11 Decembris 1846. Insuper hanc orationem recitanti flexis genibus, nisi impediatur, conceditur remissio defectuum et culparum in celebratione Missæ ex humana fragilitate contractarum. Pius Pp. X, 29 Augusti 1912.

OBsecro te, dulcissime Dómine Jesu Christe, ut pássio tua sit mihi virtus, qua múníar, prótegar atque deféndar; vúlnera tua sint mihi cibus potúsque, quibus pascar, inébrier atque delécter; aspér-sio Sánguínis tui sit mihi

ablútio ómnium delictórum meórum; mors tua sit mihi vita indeficiens, Crux tua sit mihi glória sempitérna. In his sit mihi refectio, exsultatio, sánitas et dulcédo cordis mei : Qui vivis et regnas in sácula sæculórum. Amen.

Oratio ad B. Mariam V.

Indulgentia trium annorum. Pius Pp. XI, 3 Octobris 1936

O María, Virgo et Mater sanctíssima, ecce suscepí dilectíssimum Fílium tuum, quem immaculáto útero tuo concepísti, genuísti, lactásti, atque sua-

víssimis ampléxibus strinxisti. Ecce cujus aspéctu lætabáris et ómnibus delíciis replebáris, illum ipsum tibi humíliter et amánte repræsentó et óffero tuis bráchiis constringéndum, tuo corde amándum, sanctíssimæque Trinitáti in supréum latríæ cultum, pro tui ipsíus honóre et glória et pro meis totiúsque mundi necessitátibus, offeréndum. Rogo ergo te, piíssima Mater, impetra mihi véniam ómnium peccatórum meórum, uberémque grátiam ipsi deinceps fidélius serviéndo, ac déni- que grátiam finálem, ut eum tecum laudáre possim per ómnia sæcula sæculórum. Amen.

Oratio ad S. Joseph

Indulgentia trium annorum; plenaria suetis conditionibus, oratione quotidie per integrum mensem pia mente iterata. Pius Pp. XI, 18 Maji 1936.

Virginum custos et pater, sancte Joseph, cujus fidéli custódiæ ipsa In-


nocéntia Christus Jesus et Virgo vírginum María commissa fuit : te per hoc utrúmque caríssimum pignus Jesum et Mariám óbsecro et obtéstor, ut me, ab omni immundítia præservátum, mente incontamináta, puro corde et casto córpore Jesu et Mariæ semper fácias castíssime famulári. Amen.

Oratio ad Sanctum

in cujus honorem Missa celebrata est

Indulgentia trium annorum. Pius Pp. XI, 3 Octobris 1936.

SAncte N., in cujus honórem incruéntum Córporis et Sáanguinis Christi sacrificium obtuli, fac tua poténti apud Deum intercessióne, ut, usu hujus mystérii, passiónis et mortis ejúsdem Christi Salvatóris nostri mérita consequar, ac cum illius frequentatióne continuo crescat meæ salútis efféctus. Amen.



Litaniæ de sanctissimo Nomine Jesu

Indulgentia 7 annorum; plenaria, si per integrum mensem,
suetis conditionibus, S. P. A. 2 Jan. 1933



Yrie, eléison.

Christe, eléison.

Kýrie, eléison.

Jesu, audi nos.

Jesu, exáudi nos.

Pater de cælis, Deus,
miserére nobis.

Fili, Redémptor mundi,
Deus, miserére nobis.

Spiritus Sancte, Deus,
miserére nobis.

Sancta Trínitas, unus
Deus, miserére nobis.

Jesu, Fili Dei vivi, mis.

Jesu, splendor Patris, mis.

Jesu, candor lucis æternæ,
miserére nobis.

Jesu, rex glóriæ, mis.

Jesu, sol justitiæ, mis.

Jesu, Fili Mariæ Vírginis,
miserére nobis.

Jesu amábilis, mis.

Jesu admirábilis, mis.

Jesu, Deus fortis, mis.

Jesu, pater futúri sáculi,
miserére nobis.

Jesu, magni consílii ángele,
miserére nobis.

Jesu potentíssime, mis.

Jesu patientíssime, mis.

Jesu obedientíssime, mis.

Jesu, mitis et húmilis cor-
de, miserére nobis.

Jesu, amátor castitátis,
miserére nobis.

Jesu, amátor noster, mis.

Jesu, Deus pacis, mis.

Jesu, auctor vitæ, mis.

Jesu, exémpplar virtútum,
miserére nobis.

Jesu, zelátor animárum,
miserére nobis.

Jesu, Deus noster, mis.

Jesu, refúgium nostrum,
miserére nobis.

Jesu, pater páuperum,
miserére nobis.

Jesu, thesáure fidélium,
miserére nobis.

Jesu, bone pastor, mis.

Jesu, lux vera, mis.

Jesu, sapiéntia æténa,
miserére nobis.

Jesu, bónitas infinita, mis.

Jesu, via et vita nostra,
miserére nobis.

Jesu, gáudium Angeló-
rum, miserére nobis.

Jesu, rex Patriarchárum,
miserére nobis.

Jesu, magíster Apostoló-
rum, miserére nobis.

Jesu, doctor Evangelistá-
rum, miserére nobis.

Jesu, fortitúdo Mártýrum,
miserére nobis.

Jesu, lumen Confessórum,
miserére nobis.

Jesu, púritas Vírginum,
miserére nobis.

Jesu, coróna Sanctórum
ómnium, mis. nobis.

Propítius esto,
parce nobis, Jesu.

Propítius esto,
exáudi nos, Jesu.
Ab omni malo,
libera nos, Jesu.
Ab omni peccáto, libera.
Ab ira tua, libera.
Ab insídiis diaboli, libera.
A spíritu fornicatiónis,
libera.
A morte perpétua, libera.
A negléctu inspiratiónum
tuárum, libera.
Per mystérium sanctæ in-
carnatiónis tuæ, libera.
Per nativitátem tuam,
libera.
Per infántiam tuam,
libera.
Per diviníssimam vitam
tuam, libera.
Per labóres tuos, libera.
Per agóniam et passióem
tuam, libera.
Per crucem et derelicti-
onem tuam, libera.
Per languóres tuos, libera.
Per mortem et sepultúram
tuam, libera.
Per resurrectiόem tuam,
libera.
Per ascensiόem tuam,
libera.
Per sanctíssimæ Eucharí-
stiæ institutiόem tuam,
libera.
Per gáudia tua, libera.

Per glóriam tuam, libera.
Agnus Dei, qui tollis pec-
cáta mundi,
parce nobis, Jesu.
Agnus Dei, qui tollis pec-
cáta mundi,
exáudi nos, Jesu.
Agnus Dei, qui tollis pec-
cáta mundi,
miserére nobis, Jesu.
Jesu, audi nos.
Jesu, exáudi nos.

Orémus.

Oratio

Domine Jesu Christe,
qui dixísti : Pétite, et
accipiétis; quárite, et in-
veniétis; pulsáte, et ape-
riétur vobis : quæsumus,
da nobis peténtibus divi-
níssimi tui amoris affé-
ctum, ut te toto corde, ore
et ópere diligámus, et a
tua numquam laude ces-
sémus.

Sancti Nóminis tui, Dó-
mine, timórem páriter
et amórem fac nos habére
perpétuum : quia num-
quam tua gubernatióne
destítuis, quos in solidi-
táte tuæ dilectiόnis insti-
tuis : Qui vivis et regnas
in sácula sæculórum.

℟. Amen.



Litaniæ de sacratissimo Corde Jesu

Indulgentia 7 annorum; plenaria, si per integrum mensem,
suetis conditionibus, S. P. A. 10 Mart. 1933

KYrie, eléison.

Christe, eléison.

Kýrie, eléison.

Christe, audi nos.

Christe, exáudi nos.

Pater de cælis, Deus,
miserére nobis.

Fili, Redemptor mundi,
Deus, miserére.

Spiritus Sancte, Deus, mi-
serére nobis.

Sancta Trinitas, unus
Deus, miserére.

Cor Jesu, Fílii Patris ætér-
ni, miserére.

Cor Jesu, in sinu Vírginis
Matris a Spíritu Sancto
formátum, miserére.

Cor Jesu, Verbo Dei sub-
stantiáliter unítum,
miserére nobis.

Cor Jesu, majestátis infi-
nítæ, miserére.

Cor Jesu, templum Dei
sanctum, miserére.

Cor Jesu, tabernáculum
Altíssimi, miserére.

Cor Jesu, domus Dei et
porta cæli, miserére.

Cor Jesu, fornax ardens
caritátis, miserére.

Cor Jesu, justítiæ et amó-
ris receptáculum,
miserére.

Cor Jesu, bonitáte et amó-
re plenum, miserére.

Cor Jesu, virtútum óm-
nium abyssus, mis.

Cor Jesu, omni laude di-
gníssimum, miserére.

Cor Jesu, rex et centrum
ómniium córdium, mis.

Cor Jesu, in quo sunt om-
nes thesáuri sapiéntiæ
et sciéntiæ, miserére.

Cor Jesu, in quo hábitat
omnis plenitúdo divini-
tátis, miserére.

Cor Jesu, in quo Pater sibi
bene complácuit, mis.

Cor Jesu, de cujus plenitú-
dine omnes nos accépi-
mus, miserére.

Cor Jesu, desidérium cól-
lium æternórum, mis.

Cor Jesu, pátiens et multæ
misericórdiæ, mis.

Cor Jesu, dives in omnes
qui invocant te, mis.

Cor Jesu, fons vitæ et san-
ctitátis, miserére.

Cor Jesu, propitiátio pro
peccátis nostris, mis.

Cor Jesu, saturátum op-
próbris, miserére.

Cor Jesu, attrítum propter
scélera nostra, mis.

Cor Jesu, usque ad mor-
tem obédiens factum,
miserére nobis.

Cor Jesu, láncea perforá-
tum, miserére.

Cor Jesu, fons totíus con-
solatiónis, miserére.

Cor Jesu, vita et resurré-
ctio nostra, miserére.

Cor Jesu, pax et reconci-
liatio nostra, miserére.
Cor Jesu, víctima peccatô-
rum, miserére.
Cor Jesu, salus in te spe-
rântium, miserére.
Cor Jesu, spes in te mo-
riéntium, miserére.
Cor Jesu, delíciæ Sanctô-
rum ómnium, miserére.
Agnus Dei, qui tollis pec-
cáta mundi,
parce nobis, Dómine.
Agnus Dei, qui tollis pec-
cáta mundi,
exáudi nos, Dómine.
Agnus Dei, qui tollis pec-
cáta mundi, mis. nobis.

℣. Jesu, mitis et húmilis
Corde. ℟. Fac cor nostrum
secúndum Cor tuum.

Orémus.

Oratio

OMnípotens sempitérne
Deus, réspice in Cor
dilectíssimi Fílii tui, et in
laudes et satisfactiões,
quas in nómine peccatô-
rum tibi persólvit, iisque
misericórdiam tuam petén-
tibus tu véniam concéde
placátus, in nómine ejús-
dem Fílii tui Jesu Christi :
Qui tecum vivit et regnat
in sǎcula sǎculórum.

℟. Amen.

Litaniæ Lauretanæ B. Mariæ Virg.

Indulgentia 7 annorum. Ind. plenaria, si per integrum
mensem, suetis conditionibus, S. P. A. 28 Mart. 1933

KYrie, eléison.
Christe, eléison.
Kýrie, eléison.
Christe, audi nos.
Christe, exáudi nos.
Pater de cælis, Deus,
miserére nobis.
Fili, Redemptor mundi,
Deus, miserére.
Spíritus Sancte, Deus,
miserére nobis.
Sancta Trínitas, unus
Deus, miserére.
Sancta María,
ora pro nobis.
Sancta Dei Génitrix, ora.
Sancta Virgo vírginum,
ora pro nobis.
Mater Christi, ora.

Mater divínæ grátiae, ora.
Mater puríssima, ora.
Mater castíssima, ora.
Mater invioláta, ora.
Mater intemeráta, ora.
Mater amábilis, ora.
Mater admirábilis, ora.
Mater boni Consílii, ora.
Mater Creatóris, ora.
Mater Salvatóris, ora.
Virgo prudentíssima, ora.
Virgo veneránda, ora.
Virgo prædicánda, ora.
Virgo potens, ora.
Virgo clemens, ora.
Virgo fidélis, ora.
Spéculum justítiæ, ora.
Sedes sapiéntiæ, ora.
Causa nostræ lætítiæ, ora.

Vas spirituále,	ora.	Regína sacratíssimi Ro-	
Vas honorábile,	ora.	sárii,	ora.
Vas insígne devotiónis,		Regína pacis,	ora.
	ora pro nobis.	Agnus Dei, qui tollis pec-	
Rosa mýstica,	ora.	cáta mundi,	
Turris Davidica,	ora.	parce nobis, Dómine.	
Turris ebúrnea,	ora.	Agnus Dei, qui tollis pec-	
Domus áurea,	ora.	cáta mundi,	
Fóederis arca,	ora.	exáudi nos, Dómine.	
Jánua cæli,	ora.	Agnus Dei, qui tollis pec-	
Stella matutína,	ora.	cáta mundi,	
Salus infirmórum,	ora.	miserére nobis.	
Refúgium peccatórum,		✠. Ora pro nobis, sancta	
	ora pro nobis.	Dei Génitrix. ✠. Ut digni	
Consolátrix afflictórum,		efficiámur promissiónibus	
	ora pro nobis.	Christi.	
Auxílium Christianórum,		Orémus.	Oratio
	ora pro nobis.		
Regína Angelórum,	ora.	C oncède nos fámulos	
Regína Patriarchárum,		tuos, quæsumus, Dó-	
	ora pro nobis.	mine Deus, perpétua men-	
Regína Prophetárum,	ora.	tis et córporis sanitáte	
Regína Apostolórum,	ora.	gaudére : et, gloriósa beá-	
Regína Mártyrum,	ora.	tæ Mariæ semper Vírginis	
Regína Confessórum,	ora.	intercessióne, a præsénti	
Regína Vírginum,	ora.	liberári tristítia, et æténa	
Regína Sanctórum óm-		pérfrui lætítia. Per Chri-	
nium,	ora.	stum, Dóminum nostrum.	
Regína sine labe origináli		✠. Amen.	
concépta,	ora.		

Litaniæ de S. Joseph

Indulgentia 5 annorum. Ind. plenaria, si per integrum mensem, suetis conditionibus, S. P. A. 21 Mart. 1935

K Yrie, eléison.	Fili, Redémptor mundi,
Christe, eléison.	Deus, miserére.
Kýrie, eléison.	Spíritus Sancte, Deus,
Christe, audi nos.	miserére nobis.
Christe, exáudi nos.	Sancta Trínitas, unus
Pater de cælis, Deus,	Deus, miserére.
miserére nobis.	Sancta María, ora pro nobis.

Sancte Joseph, ora.	Patrónē moriéntium, ora.
Proles David inclýta, ora.	Terror dáemonum, ora.
Lumen Patriarchárum, ora pro nobis.	Protéctor sanctæ Ecclé- siæ, ora pro nobis.
Dei Genitrícis sponse, ora pro nobis.	Agnus Dei, qui tollis pec- cáta mundi,
Custos pudíce Vírginis, ora pro nobis.	parce nobis, Dómine.
Fílii Dei nutritie, ora.	Agnus Dei, qui tollis pec- cáta mundi,
Christi defénsor sédula, ora pro nobis.	exáudi nos, Dómine.
Almæ Famíliæ præses, ora pro nobis.	Agnus Dei, qui tollis pec- cáta mundi, mis. nobis.
Joseph justíssime, ora.	✠. Constituit eum dómi- num domus suæ. ✠. Et
Joseph castíssime, ora.	príncipem omnis posses- siónis suæ.
Joseph prudentíssime, ora.	
Joseph fortíssime, ora.	
Joseph obedientíssime, ora pro nobis.	Orémus. Oratio
Joseph fidelíssime, ora.	D Eus, qui ineffábili pro- vidéntia beátum Jo- seph sanctíssimæ Genitrí- cis tuæ sponsum eligere dignátus es : præsta, Exémplar opíficum, ora. Domésticæ vitæ decus, ora pro nobis. Custos vírginum, ora. Familiárum cólumen, ora. Solátium miserórum, ora. Spes ægrotántium, ora.

✠. Constituit eum dómi-
num domus suæ. ✠. Et
príncipem omnis posses-
siónis suæ.

Orémus.

Oratio

DEus, qui ineffábili pro-
vidéntia beátum Jo-
seph sanctíssimæ Genitrí-
cis tuæ sponsum eligere
dignátus es : præsta,
quæsumus; ut, quem pro-
tectórem venerámur in
terris, intercessórem ha-
bére mereámur in cælis :
Qui vivis et regnas in sæ-
cula sæculórum. ✠. Amen.

FORMULA CONSECRATIONIS SACRATISSIMO CORDI JESU

Indulgentia trium annorum; 7 annorum die quo menstruus
Secessus habetur; plenaria, suetis conditionibus, in fine
cursus exercitiorum spiritualium

S. P. A. 24 Oct. 1935

Domine Jesu, Redém-
ptor noster amantís-
sime et Sacérdos in ætér-
num, nos súpplīces tuos, quos appellāre amīcos et
sacerdótii tui partícipes fá-
cere dignátus es, propítius
réspecte. Tui sumus, tui per-

pétuo esse vólumus, ideo sacratíssimo Cordi tuo, quod tamquam únicum salútis perfúgium laboránti humano géneri ostendísti, dedicámus nos hódie totos et addícimus. Tu, qui sacerdotíbus, Cordis tui cultóribus, úberes divíni ministérii fructus promisísti, fac nos, quæsumus, idóneos in vínea tua operários, vere húmiles et mites, spírítu devotiónis et patiéntiæ plenos, ita flagrántes amóre tui, ut eúmdem caritátis ignem in ánimis fidélium excitáre et fovére non cessémus. Nostra igitur corda incéndio tui Cordis innova, ut jam nihil áliud studeámus, quam tuam promovére glóriam et ánimas tibi lucrári, quas pretíoso sángine redemísti. Miserére, Pastor bone, præsertim sacerdotum, fratrum nostrórum, si qui ambulántes in vanitáte sensus sui te et diléctam Sponsam tuam, Ecclesiám, lacrimábili defectióne contristárunt. Concéde nobis ad tuum compléxum eos reducere, aut certe ipsórum expiáre delicta, resarcíre damna et dolórem, quo te afficiunt, amoris nostri consolatióne minúere. Sine dénique, te quisque nostrum exóret his Augustíni verbis : O dulcis Jesu, vivas tu in me et concaléscat spírítu meo vivus carbo amoris tui, et excandéscat in ignem perfectum; árdeat júgiter in ara cordis mei, férveat in medúllis meis, flagret in absconditis ánimæ meæ; in die consummationis meæ consummátus invéníar apud te, qui cum Patre et Spírítu Sancto vivis et regnas in sæcula sæculórum. Amen.

BENEDICTIONES VARIÆ

Benedictio imaginum

Jesu Christi Domini nostri,
beatæ Mariæ Virginis et
aliorum Sanctorum

℣. Adjutórium nostrum
 in nómine Dómini. ℟. Qui
 fecit cælum et terram.

℣. Dóminus vobíscum.

℟. Et cum spírítu tuo.

Orémus.

Oratio

OMnípotens sempitérne
 Deus, qui Sanctorum
 tuórum imágines (sive effí-
 gies) sculpi aut pingi non
 réprobas, ut, quóties illas
 óculis córporis intuémur,
 tóties eórum actus et san-
 ctitátem ad imitándum
 memóriæ óculis medité-

mur : hanc, quæsumus, imaginem (seu sculpturam) in honorem et memoriam unigéniti Filii tui, Dómini nostri Jesu Christi (vel beatíssimæ Virgínis Mariæ, Matris Dómini nostri Jesu Christi, vel beáti N. Apóstoli tui, vel Mártiris, vel Pontíficis, vel Confessóris, vel beátæ N. Virgínis, vel Mártiris) adaptátam bene ✠ dicere et sanctifi ✠ cáre dignéris : et præsta; ut, quicumque coram illa unigénitum Filium tuum (vel beatíssimam Virgíne, vel gloriósum Apóstolum, sive Mátyrem, sive Pontíficem, vel Confessórem, vel gloriósam Virgíne, vel Mátyrem) suppliciter cólere et honoráre studúerit, illíus méritis et obténtu a te grátiam in præsénti, et ætérmam glóriam obtíneat in futúrum. Per (eúmdem) Christum, Dóminum nostrum. ℟. Amen.

Ultimo aspergat aqua benedicta.

Benedictio domorum extra Sabbatum Sanctum

Parochus seu alii Sacerdotes volentes aliquam particularem domum, vel generaliter domos fidelium infra annum aspergere aqua benedicta, ingredienti domum dicant :

Pax huic dómui et ómnibus habitántibus in ea.

Deinde, loca aspergendo, dicat :

Ant. Aspérges me, Dómine, hyssópo, et mundábor : lavábis me, et super nivem dealbábor.

Ps. 50 Miserére mei, Deus, secúndum magnam misericórdiam tuam.

℣. Glória Patri, etc.

Et repetitur Antiphona Aspérges me, etc.

℣. Dómine, exáudi orationem meam. ℟. Et clamor meus ad te véniat.

℣. Dóminus vobíscum.

℟. Et cum spíritu tuo.

Orémus.

Oratio

EXáudi nos, Dómine sancte, Pater omnípotens, ætérne Deus : et mittere dignéris sanctum Angelum tuum de cælis, qui custódiat, fóveat, protégat, vísitet atque deféndat omnes habitántes in hoc habitáculo. Per Christum Dóminum nostrum.

℟. Amen.

Deinde aspergat aqua benedicta.

Benedictio Rosario rum B. Mariæ V.

Formula brevior
(approbata a S. R. C.
die 23 Nov. 1918)

AD laudem et glóriam Deíparæ Virgínis Mariæ, in memoriam mysteriórum vitæ, mortis et re-

surrectiōnis ejúsdem Dómini nostri Jesu Christi, bene ✠ dicá(n)tur et sancti ✠ ficé(n)tur hæc (hæ) sacratíssimi Rosárii corónæ (æ) : in nómine Patris, et Fílii, ✠ et Spíritus Sancti. Amen.

Stola et aqua benedicta adhiberi possunt ad libitum.

Si fuerint plures coronæ dicatur in plurali.

Benedictio ad quodcumque comestibile

℣. Adjutórium nostrum in nómine Dómini. ℟. Qui fecit cælum et terram.

℣. Dóminus vobíscum.

℟. Et cum spíritu tuo.

Orémus.

Oratio

Benedic, ✠ Dómine, creatúram istam **N.**, ut sit remédium salutáre géneri humáno : et præsta per invocatióem sancti nóminis tui; ut, quicúmque ex ea sumpserint, cörperis sanitátem et ánimæ tutelám percípiant. Per Christum Dóminum nostrum. ℟. Amen.

Aspergat aqua benedicta.

Benedictio ad omnia

Hæc benedictionis formula adhiberi potest a quovis Sacerdote pro omnibus rebus, de quibus specialis benedictio non habetur in Rituali Romano.

℣. Adjutórium nostrum in nómine Dómini. ℟. Qui fecit cælum et terram.

℣. Dóminus vobíscum.

℟. Et cum spíritu tuo.

Orémus.

Oratio

DEus, cujus verbo sanctificántur ómnia, bene ✠ dictiōem tuam effúnde super creatúram istam (vel creatúras istas) : et præsta; ut, quisquis ea (vel eis) secúndum legem et voluntátem tuam cum gratiárum actiōe usus fúerit, per invocatiōem sanctíssimi Nóminis tui, cörperis sanitátem et ánimæ tutelám, te auctóre, percípiat. Per Christum Dóminum nostrum.

℟. Amen.

Deinde illam (vel illas) Sacerdos aspergit aqua benedicta.



FORMULÆ BREVISSIMÆ

Formula Baptismi

Si non habeatur aqua baptismalis, et periculum impendeat, Sacerdos utatur aqua simplici, ter vel etiam semel infundens aquam super caput baptizandi in modum crucis, dicens :

N. Ego te baptizo in nómine Patris, ✠ et Fílii, ✠ et Spíritus ✠ Sancti.

Quodsi dubitet an vivat adhuc, dicat :

Si vivis, ego te baptizo in nómine Patris, ✠ et Fílii, ✠ et Spíritus ✠ Sancti.

Formula administrandi Viatici

Accipe, frater (vel soror), Viáticum córporis Dómini nostri Jesu Christi, qui te custódiat ab hoste maligno, et perdúcat in vitam ætérnam. Amen.

Formula Absolutionis sacramentalis

Ego te absólvo ab ómnibus censúris et peccátis, in nómine Patris, ✠ et Fílii, et Spíritus Sancti. Amen.

Formula Extremæ Unctionis

Per istam sanctam Unctiónem ✠ indúlgeat tibi Dóminus quidquid deliquísti. Amen.

Quodsi dubitet an vivat adhuc, dicat :

Si vivis, per istam sanctam Unctiónem ✠ indúlgeat tibi Dóminus quidquid deliquísti. Amen.

Formula Benedictionis Apostolicæ in articulo mortis

Si mors proxime urgeat, dicat :

Ego, facultáte mihi ab Apostólica Sede tribúta, indulgéntiam plenáriam et remissionem ómnium peccatórum tibi concédo. In nómine Patris, ✠ et Fílii, et Spíritus Sancti. Amen.

Per sacrosáncta humánæ reparatiónis mystéria, remíttat tibi omnípotens Deus omnes præsentis et

futuræ vitæ pœnas, paradísi portas apériat et ad gáudia sempitérna perdúcat. *℟.* Amen.

Benedícat te omnípotens Deus Pater, *✠* et Fílius, et Spíritus Sanctus. *℟.* Amen.

In casu vero necessitatis sufficit dicere :

Ego, facultáte mihi ab Apostólica Sede tribúta, indulgéntiam plenáriam et remissionem ómnium peccatórum tibi concédo, et benedíco te. In nómine Patris, *✠* et Fílii, et Spíritus Sancti. Amen.

Formula Absolutionis generalis

impertiendæ Tertiariis sæcularibus in confessionali

Auctoritate a Summis Pontificibus mihi concéssa, plenáriam ómnium peccatórum tuórum indulgéntiam tibi impértior. In nómine Patris, et Fílii, *✠* et Spíritus Sancti. Amen.

Formula ad impertiendam populo benedictionem

*cum indulgentiæ plenariæ favore
in fine concionum (Missionum, Exercitiorum)*

Hæc benedictio fit per unicum signum crucis cum Crucifixo, adhibita formula :

Benedíctio Dei omnipoténtis, Patris, *✠* et Fílii, et Spíritus Sancti descéndat super vos, et máneat semper. *℟.* Amen.

Decreta authentica S. R. C. 4265 ad III.



INDICES

I. — Index Psalmorum numericus

PSALMUS	PAG.	PSALMUS	PAG.		
1	Beatus vir	31	25	Judica me	148
2	Quare fremuerunt	31	26, i	Dñs illuminatio	86
3	Domine, quid	32	26, ii	Exaudi, Domine	86
4	Cum invocarem	61	27	Ad te, Domine	87
5	Verba mea	73	28	Afferte Domino	73
6	Dñe, ne in furore	95	29	Exaltabo te	71
7, i	Dñe, Deus meus	96	30, i	In te, Domine	88
7, ii	Justum adjutorium.	96	30, ii	Miserere mei, Dñe	88
8	Dñe, Dñs noster	33	30, iii	Quam magna	89
9, i	Confitebor tibi	33	31	Beati quorum	90
9, ii	Psallite Domino	34	32, i	Exsultate, justi	91
9, iii	Ut quid, Domine	34	32, ii	Beata gens	91
9, iv	Exsurge, Domine	35	33, i	Benedicam Dñm	164
10	In Domino confido	35	33, ii	Venite, filii	164
11	Salvum me fac	128	34, i	Judica, Domine	99
12	Usquequo	128	34, ii	Surgentes testes	99
13	Dixit insipiens	65	34, iii	Confitebor	100
14	Dñe, quis habitabit	66	35	Dixit injustus	175
15	Conserva me	129	36, i	Noli æmulari	100
16	Exaudi Domine	66	36, ii	Melius est	101
17, i	Diligam te	67	36, iii	Os justi	102
17, ii	Misit de summo	68	37, i	Dñe, ne in furore	103
17, iii	Et dedisti	69	37, ii	Amici mei	103
18, i	Cæli enarrant	81	38	Dixi : Custodiam	104
18, ii	Lex Domini	81	39, i	Exspectans	120
19	Exaudiat te	70	39, ii	Annuntiavi	120
20	Domine, in virtute	70	39, iii	Confundantur	120
21, i	Deus, Deus meus	218	40	Beatus qui	121
21, ii	Circumdederunt	218	41, i	Quemadmodum	122
21, iii	Qui timetis	219	41, ii	Ad meipsum	122
22	Dominus regit me	183	42	Judica me	106
23	Domini est terra	80	43, i	Deus, auribus	124
24, i	Ad te, Dñe, levavi	114	43, ii	Nunc autem	124
24, ii	Dulcis et rectus	114	43, iii	Si obliti sumus	125
24, iii	Oculi mei	114	44, i	Eructavit	131

44, ii	Audi, filia	132	72, ii	Ideo convertetur . .	189
45	Deus noster	133	72, iii	Verumtamen	190
46	Omnes gentes	72	73, i	Ut quid, Deus	191
47	Magnus Dominus	133	73, ii	Usquequo	191
48, i	Audite hæc	134	73, iii	Memor esto	192
48, ii	Hæc via	135	74	Confitebimur	193
49, i*	Deus deorum	135	75, i	Notus in Judæa	193
49, ii	Peccatori	136	75, ii	Tu terribilis es	193
49, i**	Deus deorum	138	76, i	Voce mea	234
49, ii	Audi, populus	138	76, ii	Deus, in sancto	235
49, iii	Peccatori	139	77, i	Attendite	201
50	Miserere mei	75	77, ii	Filii Ephrem	202
51	Quid gloriaris	148	77, iii	Et apposuerunt	202
52	Dixit insipiens	149	77, iv	In omnibus his	203
53	Deus, in nomine	42	77, v	Non sunt recordati . .	204
54, i	Exaudi, Deus	154	77, vi	Audivit Deus	205
54, ii	Ego autem	155	78	Deus, venerunt	205
55	Miserere mei	156	79, i	Qui regis Israel	224
56	Miserere mei	157	79, ii	Vineam de	224
57	Si vere	157	80	Exsultate Deo	206
58, i	Eripe me	159	81	Deus stetit in	225
58, ii	Deus ostendet	159	82	Deus, quis	207
59	Deus, repulisti	160	83, i	Quam dilecta	226
60	Exaudi, Deus	165	83, ii	Domine, Deus	226
61	Nonne Deo	167	84	Benedixisti	210
62	Deus, Deus meus	37	85	Inclina	235
63	Exaudi, Deus	247	86	Fundamenta	227
64	Te decet	140	87	Dñe, Deus salutis . . .	271
65, i	Jubilate Deo	168	88, i	Misericordias	228
65, ii	Introibo	168	88, ii	Tunc locutus	228
66	Deus misereatur	110	88, iii	Tu vero	229
67, i	Exurgat Deus	169	89	Domine, refugium . . .	174
67, ii	Dominus dabit	170	90	Qui habitat	62
67, iii	Viderunt	170	91	Bonum est	246
68, i	Salvum me	171	92	Dominus regnavit . . .	36
68, ii	In multitudine	172	93, i	Deus ultionum	255
68, iii	Ego sum pauper	173	93, ii	Beatus homo	256
69	Deus, in adjutorium . .	198	94	Venite, exsulemus . . .	3
70, i	In te, Dñe, speravi . . .	198	95	Cantate Domino	105
70, ii	Confundantur	199	96	Dominus regnavit . . .	149
71, i	Deus, judicium	183	97	Cantate Domino	173
71, ii	Coram illo	184	98	Dominus regnavit . . .	205
72, i	Quam bonus	189	99	Jubilate Deo	36

100	Misericordiam . . .	140	118, x	Clamavi . . .	56
101, i	Domine, exaudi . . .	261	118, xi	Principes . . .	56
101, ii	Tu exurgens . . .	262	119	Ad Dominum . . .	93
101, iii	Respondit ei . . .	262	120	Levavi oculos . . .	93
102, i	Benedic, anima . . .	271	121	Lætatus sum . . .	94
102, ii	Quomodo . . .	272	122	Ad te levavi . . .	125
103, i	Benedic, anima . . .	263	123	Nisi quia . . .	126
103, ii	Rigans montes . . .	263	124	Qui confidunt . . .	126
103, iii	Quam magnificata . . .	264	125	In convertendo . . .	126
104, i	Confitemini . . .	238	126	Nisi Dominus . . .	127
104, ii	Et vocavit . . .	239	127	Beati omnes . . .	161
104, iii	Misit tenebras . . .	239	128	Sæpe expugnav. . .	161
105, i	Confitemini Dño . . .	240	129	De profundis . . .	161
105, ii	Et irritaverunt . . .	241	130	Domine, non est . . .	162
105, iii	Et irritaverunt . . .	242	131	Memento, Dñe . . .	162
106, i	Confitemini Dño . . .	243	132	Ecce quam . . .	194
106, ii	Confiteantur Dño . . .	243	133	Ecce nunc . . .	62
106, iii	Confiteantur Dño . . .	244	134	Laudate nomen . . .	107
107	Paratum . . .	256	135, i	Confitemini . . .	195
108, i	Deus, laudem . . .	266	135, ii	Qui percussit . . .	195
108, ii	In memoriam . . .	266	136	Super flumina . . .	196
108, iii	Libera me . . .	267	137	Confitebor tibi . . .	196
109	Dixit Dominus . . .	57	138, i	Dñe, probasti me . . .	230
110	Confitebor . . .	58	138, ii	Confitebor tibi . . .	231
111	Beatus vir . . .	58	139	Eripe me . . .	232
112	Laudate, pueri . . .	59	140	Domine, clamavi . . .	232
113	In exitu Israel . . .	59	141	Voce mea . . .	233
114	Dilexi, quoniam . . .	92	142	Domine, exaudi . . .	209
115	Credidi . . .	93	143, i	Benedictus Dñs . . .	268
116	Laudate Dñm . . .	74	143, ii	Deus, canticum . . .	268
117	Confitemini Dño . . .	40	144, i	Exaltabo te . . .	269
118, i	Beati immaculati . . .	42	144, ii	Miserator . . .	269
118, ii	Retribue . . .	43	144, iii	Fidelis . . .	269
118, iii	Legem pone . . .	50	145	Lauda, anima . . .	141
118, iv	Memor esto . . .	51	146	Laudate Dñm . . .	176
118, v	Bonitatem . . .	51	147	Lauda, Jerusalem . . .	211
118, vi	Defecit . . .	53	148	Laudate Dñm . . .	38
118, vii	Quomodo dilexi . . .	53	149	Cantate Domino . . .	245
118, viii	Iniquos . . .	54	150	Laudate Dñm . . .	248
118, ix	Mirabilia . . .	55			

II. — Index Psalmorum alphabeticus

119	Ad Dominum . . .	93	9, i	Confitebor tibi . . .	33
41, ii	Ad meipsum . . .	122	34, iii	Confitebor tibi . . .	100
27	Ad te, Domine . . .	87	110	Confitebor tibi . . .	58
24, i	Ad te, Dñe, levavi .	114	137	Confitebor tibi . . .	196
122	Ad te levavi . . .	125	138, ii	Confitebor tibi . . .	231
28	Afferte Domino . . .	73	104, i	Confitemini Dño . . .	238
37, ii	Amici mei . . .	103	105, i	Confitemini Dño . . .	240
39, ii	Annuntiavi . . .	120	106, i	Confitemini Dño . . .	243
77, i	Attendite . . .	201	117	Confitemini Dño . . .	40
44, ii	Audi, filia . . .	132	135, i	Confitemini Dño . . .	195
49, ii	Audi, populus . . .	138	39, iii	Confundantur . . .	120
48, i	Audite hæc . . .	134	70, ii	Confundantur . . .	199
77, vi	Audivit Deus . . .	205	15	Conserva me . . .	129
			71, ii	Coram illo . . .	184
32, ii	Beata gens . . .	91	115	Credidi . . .	93
118, i	Beati immaculati . .	42	4	Cum invocarem . . .	61
127	Beati omnes . . .	161			
31	Beati quorum . . .	90	118, vi	Defecit . . .	53
93, ii	Beatus homo . . .	256	129	De profundis . . .	161
40	Beatus qui . . .	121	43, i	Deus, auribus . . .	124
1	Beatus vir . . .	31	143, ii	Deus, canticum . . .	268
111	Beatus vir . . .	58	49, i*	Deus deorum . . .	135
33, i	Benedicam Dñm . . .	169	49, i**	Deus deorum . . .	138
102, i	Benedic, anima . . .	271	21, i	Deus, Deus meus . . .	218
103, i	Benedic, anima . . .	263	62	Deus, Deus meus . . .	37
143, i	Benedictus Dñs . . .	268	69	Deus, in adjutorium .	198
84	Benedixisti . . .	210	53	Deus, in nomine . . .	42
118, v	Bonitatem . . .	51	76, ii	Deus, in sancto . . .	235
91	Bonum est . . .	246	71, i	Deus, iudicium . . .	183
			108, i	Deus, laudem . . .	266
18, i	Cæli enarrant . . .	81	66	Deus misereatur . . .	110
95	Cantate Domino . . .	105	45	Deus noster . . .	133
97	Cantate Domino . . .	173	58, ii	Deus ostendet . . .	159
149	Cantate Domino . . .	245	82	Deus, quis . . .	207
21, ii	Circumdederunt . . .	218	59	Deus, repulisti . . .	160
118, x	Clamavi . . .	56	81	Deus stetit . . .	225
106, ii	Confiteantur . . .	243	93, i	Deus ultionum . . .	255
106, iii	Confiteantur . . .	244	78	Deus, venerunt . . .	205
74	Confitebimur . . .	193	114	Dilexi, quoniam . . .	92

17, i	Diligam te . . .	67	29	Exaltabo te, Dñe .	71
38	Dixi : Custodiam .	104	19	Exaudiat te Dñs .	70
109	Dixit Dominus . .	57	54, i	Exaudi, Deus . .	154
35	Dixit injustus . .	175	60	Exaudi, Deus . .	165
13	Dixit insipiens . .	65	63	Exaudi, Deus . .	247
52	Dixit insipiens . .	149	16	Exaudi, Domine .	64
140	Domine clamavi .	232	26, ii	Exaudi, Domine .	86
7, i	Dñe, Deus meus .	96	39, i	Exspectans . . .	120
87	Dñe, Deus salutis .	271	80	Exsultate Deo . .	206
83, ii	Domine Deus . .	226	32, i	Exsultate, justi .	91
8	Dñe, Dñs noster .	33	67, i	Exsurgat Deus . .	169
101, i	Domine, exaudi .	261	9, iv	Exsurge, Domine .	35
142	Domine, exaudi .	209	144, iii	Fidelis	269
20	Dñe, in virtute . .	70	77, ii	Filii Ephrem . .	202
6	Dñe, ne in furore .	95	86	Fundamenta . .	227
37, i	Dñe, ne in furore .	103	48, ii	Hæc via	135
130	Domine, non est .	162	72, ii	Ideo convertetur .	189
138, i	Domine, probasti .	230	85	Inclina, Domine .	245
3	Domine, quid . .	32	125	In convertendo . .	127
14	Domine, quis . .	66	10	In Dño confido . .	35
89	Dñe, refugium . .	174	113	In exitu Israel . .	59
23	Domini est terra .	80	118, viii	Iniquos	54
67, ii	Dominus dabit . .	170	108, ii	In memoriam . .	266
26, i	Dñs illuminatio .	86	68, ii	In multitudine . .	172
22	Dñs regit me . .	183	77, iv	In omnibus . . .	203
92	Dñs regnavit . .	36	30, i	In te, Domine . .	88
96	Dñs regnavit . .	149	70, i	In te, Domine . .	198
98	Dñs regnavit . .	208	65, ii	Introibo	168
24, ii	Dulcis et rectus .	114	65, i	Jubilare Deo . .	168
133	Ecce nunc	62	99	Jubilare Deo . .	36
132	Ecce quam	194	34, i	Judica, Domine .	99
54, ii	Ego autem	155	42	Judica me	106
68, iii	Ego sum pauper .	173	25	Judica me, Dñe .	148
58, i	Eripe me	159	7, ii	Justum adjutorium	96
139	Eripe me, Dñe . .	232	121	Lætatus sum . . .	94
44, i	Eructavit	131	145	Lauda, anima . .	141
77, iii	Et apposuerunt .	202	147	Lauda, Jerusalem .	211
17, iii	Et dedisti	69	116	Laudate Dñm . . .	74
105, ii	Et irritaverunt .	241	146	Laudate Dñm . .	176
105, iii	Et irritaverunt .	242	148	Laudate Dñm . .	38
104, ii	Et vocavit	239			
144, i	Exaltabo te, Deus .	269			

150	Laudate Dñm . . .	245	30, iii	Quam magna . . .	89
134	Laudate nomen . . .	107	103, iii	Quam magnificata .	264
112	Laudate pueri . . .	59	2	Quare fremuerunt .	31
118, iii	Legem pone . . .	50	41, i	Quemadmodum .	122
120	Levavi oculos . . .	93	124	Qui confidunt . . .	126
18, ii	Lex Domini . . .	81	51	Quid gloriaris . . .	148
108, iii	Libera me . . .	267	90	Qui habitat . . .	62
47	Magnus Dominus .	133	135, ii	Qui percussit . . .	195
36, ii	Melius est . . .	101	79, i	Qui regis . . .	224
131	Memento, Dñe . . .	162	21, iii	Qui timetis . . .	219
73, iii	Memor esto . . .	192	118, vii	Quomodo dilexi . .	53
118, iv	Memor esto verbi .	51	102, ii	Quomodo . . .	272
118, ix	Mirabilia . . .	55	101, iii	Respondit . . .	262
144, ii	Miserator . . .	269	118, ii	Retribue . . .	43
30, ii	Miserere mei . . .	88	103, ii	Rigans montes . .	264
50	Miserere mei . . .	75	128	Sæpe expugnāv . .	161
55	Miserere mei . . .	156	68, i	Salvum me fac . .	171
56	Miserere mei . . .	157	11	Salvum me fac . .	128
100	Misericordiam . . .	140	43, iii	Si obliti sumus . .	125
88, i	Misericordias . . .	228	57	Si vere utique . .	157
17, ii	Misit de . . .	68	136	Super flumina . .	196
104, iii	Misit tenebras . .	239	34, ii	Surgentes testes .	99
126	Nisi Dominus . . .	127	64	Te decet hymnus .	140
123	Nisi quia Dñs . . .	126	101, ii	Tu exurgens . . .	262
36, i	Noli æmulari . . .	100	88, ii	Tunc locutus es . .	228
61	Nonne Deo . . .	167	75, ii	Tu terribilis es . .	193
77, v	Non sunt . . .	204	88, iii	Tu vero . . .	229
75, i	Notus in Judæa .	193	73, ii	Usquequo, Deus . .	191
43, ii	Nunc autem . . .	124	12	Usquequo, Dñe . .	128
24, iii	Oculi mei . . .	114	73, i	Ut quid, Deus . . .	191
46	Omnes gentes . . .	72	9, iii	Ut quid, Dñe . . .	34
36, iii	Os justi . . .	102	94	Venite, exsultemus .	3
107	Paratum cor . . .	256	33, ii	Venite, filii . . .	169
49, ii	Peccatori . . .	136	5	Verba mea . . .	73
49, iii	Peccatori . . .	139	72, iii	Verumtamen . . .	190
118, xi	Principes . . .	56	67, iii	Viderunt . . .	170
9, ii	Psallite Domino .	34	79, ii	Vineam . . .	224
72, i	Quam bonus . . .	189	76, i	Voce mea . . .	234
83, i	Quam dilecta . . .	226	141	Voce mea . . .	233

III. — Index Canticorum

Audite, cæli	250	Exsultavit cor meum . . .	145
Audite verbum	175	Hymnum cantemus . . .	141
Benedicite	37	Magnificat	22
Benedictus Dominus . . .	9	Magnus es, Domine . . .	106
Benedictus es, Domine . .	74	Miserere nostrî	247
Cantemus Domino	180	Nunc dimittis	26
Confitebor tibi	78	Quicumque	44
Domine, audivi	214	Vere tu es Deus	210
Ego dixi	110		

IV. — Index Hymnorum

Æterna cæli gloria . . .	212	En ut superba criminum .	346
Æterna Christi munera .	[6]	Exsultet orbis gaudiis . .	[5]
Ales diei nuntius	108	Festivis resonent compita .	698
Alto ex Olympi vertice .	[154]	Fortem virili pectore . .	[130]
Antra deserti teneris . .	646	Hominis superne	233
Auctor beate sæculi . . .	346	Hujus oratu	[132]
Aurora jam spargit	253	Immense cæli Conditor .	94
Ave, maris stella	[176]	Invicte Martyr, unicum .	[41]
Beate Pastor, Petre	681	Ira justa Conditoris . . .	699
Cælestis Agni nuptias . .	628	Iste Confessor Domini . .	[70]
Cælestis urbs Jerusalem .	[142]	Jam lucis orto sidere . . .	12
Cæli Deus sanctissime . .	163	Jam sol recedit igneus . .	270
Christo profusum	[50]	Jesu, corona celsior . . .	[100]
Consors Paterni luminis .	98	Jesu, corona Virginum .	[111]
Cor, arca legem continens .	358	Jesu, Redemptor omnium .	[81]
Decora lux æternitatis . .	676	Lucis Creator optime . . .	60
Deus, tuorum militum . .	[30]	Lux alma, Jesu, mentium .	853
Domare cordis impetus . .	743	Lux ecce surgit aurea . .	177
Dum, nocte pulsa	560	Lux o decora patriæ . . .	741
Ecce jam noctis	39	Magnæ Deus potentiae . .	197
Egregie Doctor, Paule . .	683	Maria castis osculis . . .	786

Martyr Dei Venantius	557	Sacris solemnibus	297
Memento, rerum Conditor. [196]		Salvete, Christi vulnera	712
Miris modis	814	Sanctorum meritis	[49]
Nocte surgentes	30	Sedibus cæli nitidis	737
Nox atra rerum contegit	167	Somno reffectis artubus	65
Nox, et tenebræ	142	Splendor Paternæ gloriæ	75
Nunc, Sancte, nobis	18	Summæ Parens... Da	276
O gloriosa virginum	[188]	Summæ Parens... Nostros.	238
O nimis felix	657	Summi Parentis Unice	790
Opes decusque regium	746	Te Deum laudamus	7
Pange, lingua, gloriosi	296	Telluris alme Conditor	127
Pater superni luminis	786	Te lucis ante terminum	25
Quem terra, pontus	[177]	Tu Trinitatis Unitas... Nam	201
Quicumque Christum	839	Tu Trinitatis Unitas... Or- tus	287
Quodcumque in orbe	815	Ut queant laxis	646
Rector potens	19	Verbum supernum	308
Rerum Creator optime	131	Virginis Proles... Hæc	[113]
Rerum, Deus, tenax	20	Virginis Proles... Hujus	[113]
Rex gloriose Martyrum	[62]		

V. — Index Festorum

Abdon et Sennen Mm.	30 Julii	809
Adaucti et Felicis Mm. Com.	30 Aug.	949
Ægidii Abbatis	1 Sept.	955
Agapiti Mart. Com.	18 Aug.	903
Agapiti et Soc. Mm. Com.	6 Aug.	854
Alexii Conf.	17 Julii	767
Alfonsi Mariæ de Ligorio Ep., Conf. et Eccl. Doct.	2 Aug.	822
Aloisii Gonzagæ Conf.	21 Junii	634
Anacleti Papæ et Mart.	13 Julii	757
Angelæ Mericiæ Virg.	31 Maji	588
Annæ Matris B. M. V.	26 Julii	800
Antonii de Padua Conf.	13 Junii	616
Antonii Mariæ Zaccaria Conf.	5 Julii	727
Apollinaris Ep. et Mart.	23 Julii	791
Assumptio B. M. V.	15 Aug.	887
Augustini Ep. et Conf.	28 Maji	582
Augustini Ep., Conf. et Eccl. Doct.	28 Aug.	937

Barnabæ Apostoli	11 Junii 607
Bartholomæi Apostoli	24 Aug. 926
— Vigiliæ Com.	23 Aug. 926
Basilidis, Cyrini, Naboris et Nazarii Mm. Com.	12 Junii 612
Basilii Magni Ep., Conf. et Eccl. Doct.	14 Junii 618
Beatricis et Soc. Mm. Com.	29 Julii 805
Bedæ Venerabilis Conf. et Eccl. Doct.	27 Maji 576
Bernardi Abbatis et Eccl. Doct.	20 Aug. 911
Bernardini Senensis Conf.	20 Maji 565
Bonaventuræ Ep., Conf. et Eccl. Doct.	14 Julii 759
Bonifatii Ep. et Mart.	5 Junii 596
Cajetani Conf.	7 Aug. 855
Camilli de Lellis Conf.	18 Julii 769
Cassiani et Hippolyti Mm.	13 Aug. 884
Celsi Mart. et Soc.	28 Julii 802
Christinæ Virg. et Mart. Com.	24 Julii 795
Christophori Mart. Com.	25 Julii 799
Claræ Virg.	12 Aug. 881
Commemoratio B. M. V. de Monte Carmelo	16 Julii 764
Commemoratio S. Pauli Apostoli	30 Junii 683
Cordis Jesu Ssmi. Feria VI post Oct. Ssmi Corp. Christi	343
Cordis Jesu Ssmi Octava	393
Corporis Christi. Feria V post Festum Ssmæ Trinitatis — — Octava	294 339
Crescentiæ et Sociorum Mm.	15 Junii 622
Cyriaci, Largi et Smaragdi Mm.	8 Aug. 860
Cyrilli et Methodii Epp. et Cc.	7 Julii 737
Cyrini et Sociorum Mm. Com.	12 Junii 612
Decollatio S. Joannis Bapt.	29 Aug. 941
Dedicatio S. Mariæ ad Nives	5 Aug. 836
Dominici Conf.	4 Aug. 833
Donati Ep. et Mart. Com.	7 Aug. 859
Duodecim Fratrum Mm. Com.	1 Sept. 956
Eleutherii Papæ et Mart. Com.	26 Maji 572
Elisabeth Regina, Viduæ	8 Julii 743
Ephræm Syri Diaconi, Conf. et Eccl. Doct.	18 Junii 623
Erasmi Ep. et Soc. Mm.	2 Junii 591
Eusebii Conf. Com.	14 Aug. 885
Faustini et Soc. Mm. Com.	29 Julii 805
Feliciani et Primi Mm.	9 Junii 603

Felicis et Adaucti Mm. Com.	30 Aug.	949
Felicis et Naboris Mm. Com.	12 Julii	752
Felicis I Papæ et Mart.	30 Maji	587
Felicis II Papæ, Simplicii, Faustini et Beatricis Mm. Com.	29 Julii	805
Felicissimi et Soc. Mm. Com.	6 Aug.	854
Francisci Caracciolo Conf.	4 Junii	593
Gervasii et Protasii Mm. Com.	19 Junii	629
Gregorii VII Papæ et Conf.	25 Maji	568
Gulielmi Abbatis	25 Junii	659
Henrici Imperatoris, Conf.	15 Julii	761
Hermetis Mart. Com.	28 Aug.	938
Hieronymi Æmiliani Conf.	20 Julii	779
Hippolyti et Cassiani Mm.	13 Aug.	884
Hippolyti Ep. et Soc. Mm. Com.	22 Aug.	919
Hyacinthi Conf.	17 Aug.	900
Ignatii Conf.	31 Julii	810
Innocentii I Papæ et Conf. ac Soc. Mm.	28 Julii	802
Inventio S. Stephani Protomartyris	3 Aug.	827
Irenæi Ep. et Mart.	28 Junii	670
Jacobi Apostoli	25 Julii	796
— Vigilia	24 Julii	796
Joachim, Patris B. M. V., Conf.	16 Aug.	896
Joannæ Francisæ Frémot de Chantal Viduæ.	21 Aug.	915
Joannis a S. Facundo Conf.	12 Junii	612
Joannis Baptistæ Decollatio	29 Aug.	941
— Nativitas	24 Junii	645
— Octavæ Com.	1 Julii	713
— Vigilia	23 Junii	644
Joannis et Pauli Mm.	26 Junii	661
Joannis Eudes Conf.	19 Aug.	908
Joannis Gualberti Abbatis	12 Julii	752
Joannis Mariæ Vianney Conf.	9 Aug.	863
Joannis I Papæ et Mart. Com.	27 Maji	576
Josephi Calasancii Conf.	27 Aug.	933
Julianæ de Falconeriis Virg.	19 Junii	628
Largi et Soc. Mm.	8 Aug.	860
Laurentii Mart.	10 Aug.	867
— Octavæ Com.	17 Aug.	903
— Vigilia	9 Aug.	865

Leonis II Papæ et Conf.	3 Julii	721
Liborii Ep. et Conf. Com.	23 Julii	791
Ludovici Regis, Conf.	25 Aug.	929
Machabæorum Mm. Com.	1 Aug.	815
Marcelliani et Marci Mm. Com.	18 Junii	623
Marcellini, Petri atque Erasmi Ep., Mm.	2 Junii	591
Marci et Marcelliani Mm. Com.	18 Junii	623
Margaritæ Reginæ, Viduæ	10 Junii	604
Margaritæ Virg. et Mart. Com.	20 Julii	780
Mariæ B. V. Assumptio	15 Aug.	887
— — Octava	22 Aug.	919
— — Vigilia	14 Aug.	885
— ad Nives Dedicatio	5 Aug.	836
— de Monte Carmelo Com.	16 Julii	764
— Visitatio	2 Julii	715
Mariæ Magdalenæ de Pazzis Virg.	29 Maji	585
Mariæ Magdalenæ Pænitentis	22 Julii	786
Marthæ Virg.	29 Julii	805
Martiniani et Processi Mm. Com.	2 Julii	720
Methodii et Cyrilli Epp. et Cc.	7 Julii	737
Modesti et Soc. Mm.	15 Junii	622
Naboris et Felicis Mm. Com.	12 Julii	752
Naboris et Sociorum Mm. Com.	12 Junii	612
Nazarii et Celsi Mm., Victoris I Papæ et Mart. ac Innocentii I Papæ et Conf.	28 Julii	802
Nazarii et Soc. Mm. Com.	12 Junii	612
Norberti Ep. et Conf.	6 Junii	600
Pantaleonis Mart.	27 Julii	802
Pauli Apostoli Commemoratio	30 Junii	683
— Com.	1 Aug.	814
Pauli et Joannis Mm.	26 Junii	661
Paulini Ep. et Conf.	22 Junii	638
Petri Ap. ad Vincula	1 Aug.	813
Petri Ap. Com.	30 Junii	695
Petri Cælestini Papæ et Conf.	19 Maji	561
Petri et Pauli Apostolorum	29 Junii	676
— — Infra Octavam		696
— — Octava	6 Julii	733
— — Vigiliæ Com.	28 Junii	675
Petri et Soc. Mm.	2 Junii	591
Petronillæ Virg. Com.	31 Maji	588

Philippi Benitii Conf.	23 Aug.	924
Philippi Nerii Conf.	26 Maji	572
Pii I Papæ et Mart.	11 Julii	751
Praxedis Virg.	21 Julii	785
Pretiosissimi Sanguinis D. N. J. C.	1 Julii	697
Primi et Feliciani Mm.	9 Junii	603
Processi et Martiniani Mm. Com.	2 Julii	720
Protasii et Gervasii Mm. Com.	19 Junii	629
Pudentianæ Virg. Com.	19 Maji	561
Raymundi Nonnati Conf.	31 Aug.	952
Romani Mart. Com.	9 Aug.	863
Rosæ a S. Maria Virg. Limanæ	30 Aug.	949
Rufinæ Virg. et Soc. Mm.	10 Julii	747
Sabinæ Mart. Com.	29 Aug.	942
Sanguinis pretiosissimi D. N. J. C.	1 Julii	697
Secundæ Virg. et Soc. Mm.	10 Julii	747
Sennen et Abdon Mm.	30 Julii	809
Septem Fratrum Mm., ac Rufinæ et Secundæ Vv. et Mm.	10 Julii	747
Silverii Papæ et Mart.	20 Junii	633
Simplicii et Soc. Mm. Com.	29 Julii	805
Smaragdi et Soc. Mm.	8 Aug.	860
Stephani I Papæ et Mart. Com.	2 Aug.	822
Stephani Protomartyris Inventio	3 Aug.	827
Stephani Regis, Conf.	2 Sept.	956
Susannæ Virg. et Tiburtii Mm.	11 Aug.	880
Symphoriani et Soc. Mm. Com.	22 Aug.	919
Symphorosæ et VII filiorum ejus Mm. Com.	18 Julii	770
Tiburtii et Susannæ Virg., Mm.	11 Aug.	880
Timothei, Hippolyti Ep. et Symphoriani Mm. Com.	22 Aug.	919
Transfiguratio D. N. J. C.	6 Aug.	838
Trinitatis Ssmæ	Domin. I post Pent.	275
Urbani I Papæ et Mart. Com.	25 Maji	568
Venantii Mart.	18 Maji	557
Victoris I Papæ et Mart. ac Soc.	28 Julii	802
Vincentii a Paulo Conf.	19 Julii	776
Visitatio B. M. V.	2 Julii	715
Viti, Modesti atque Crescentiæ Mm.	15 Junii	622
Xysti II Papæ, Felicissimi et Agapiti Mm. Com.	6 Aug.	854
Zephyrini I Papæ et Mart.	26 Aug.	932

VI. — Index generalis

Approbatio Ordinarii	ij
Summa Bullarum Summorum Pontificum	iiij
De anno et ejus partibus	v
Tabulæ Paschales	vij
Kalendarium	xij
Duæ Tabellæ ex Rubricis excerptæ	xx
Ordinarium divini Officii	1
Psalterium Breviarii Romani	30
Proprium de Tempore	275
Proprium Sanctorum	556
Commune Sanctorum et partes subsequentes	[1] — [280]

VII. — Index Communis Sanctorum
et partium subsequentium

In Vigiliis Apostolorum	[1]	Commune Festorum Bea-	
Commune Apostolorum	[3]	tæ Mariæ Virg.	[174]
Commune Evangelistarum	[24]	Officium sanctæ Mariæ in	
Commune unius aut plu-		Sabbato	[189]
rium Summorum Pontif.	[28 ¹]	Officium parvum B. M. V.	[195]
Commune unius Martyris	[29]	Officium Defunctorum	[202]
Commune plurimorum		Psalmi Graduales	[227]
Martyrum	[49]	Septem Psalmi Pæniten-	
Commune Conf. Pontificis	[69]	tiales	[228]
Commune Doctorum	[87]	Litaniæ Sanctorum	[234]
Commune Confessoris non		Ordo Commendationis ani-	
Pontificis	[94]	mæ	[239]
Commune Abbatum	[107]	Formula ad impertiendam	
Commune Virginum	[111]	Indulgentiam plenariam	
Commune non Virginum	[130]	in articulo mortis	[245]
Commune Dedicationis		Benedictio Mensæ	[247]
Ecclesiæ	[140]	Itinerarium	[249]

VIII. — Appendix

Præparatio ad Missam	[251]
Gratiarum actio post Missam	[263]
Orationes pro opportunitate sacerdotis dicendæ	[265]

LITANIÆ

Litaniæ de sanctissimo Nomine Jesu	[270]
Litaniæ de sacratissimo Corde Jesu	[272]
Litaniæ Lauretanæ B. Mariæ Virg.	[273]
Litaniæ de S. Joseph	[274]
FORMULA CONSECRATIONIS Sacratissimo Cordi Jesu reci- tanda	[275]

BENEDICTIONES

Benedictio imaginum	[276]
Benedictio domorum	[277]
Benedictio Rosariorum B. Mariæ Virg.	[277]
Benedictio ad quodcumque comestibile	[278]
Benedictio ad omnia	[278]
FORMULÆ BREVISSIMÆ	[279]

